



BIBLIOTECA NAZ.

Vittorio Emanuele III

XXII

C

43

NAPOLI

XXII

3-119

17-10-1917

1875



PAULI VOET

Juris in Acad. Ultraj. Prof. & Vian. Cam. Senat.

IN QUATUOR LIBROS

INSTITUTIONUM

IMPERIALIUM.

COMMENTARIUS,

U B I

Juris Civilis tum Antiqui, tum Novi cum Divino, Forensi, Canonico & Feudali in multis collatio instituitur.


PARS PRIOR.



ULTRAJECTI,

Apud JOHANNEM RIBBIUM.

M DCLXVIII.





VIRO ILLUSTR
D. GISBERTO
van der **H O O L C K,**

NOMINE PROVINCIAE TRAJECTI-
NÆ ad COMITIA ORDINUM GE-
NERALIIUM FOEDERATI BEL-
GII DELEGATO.



Quando omnes memo-
riæ loculos excutio,
evolvendo quæ multis
retro annis beneficia
tuâ & aliorum benevo-
lentiâ nactus sum per-
plurima, Vir illustris,
me meo officio non esse facturum satis
existumavi, si ea oblivionis supparo con-
tegerem, & non coram universo orbe

certo indicio testatum facerem, quam
arctè tibi obstrictus essem. Verum inter
alia quæ me instigarunt, ut hosce com-
mentarios tuo nomini inscriberem, id
fuit maximum, quod, secundum illud
Senecæ de otio Sapientis, non singulo-
rum tantum, verum potissimum uni-
versi incolumitati temet devoveris.
Non hic in spatiosissimum virtutum
tuarum campum me diffundam, quem
ingredi foret facile, sed egredi difficile,
ut abstinere malim, & labori inutili par-
cere, eumq; silentio potius quam applau-
su è longinquo intueri. Abunde enim
hæc probasti omnia, dum ad suprema
Belgii foederati admotus Consilii juxta
cum aliis, de egregio Publico, de com-
muni omnium salute, de religione or-
thodoxâ indies bene mereri satagis; dum
quicquid habes, virium, prudentiæ &
auctoritatis, Deo juvante patriæ & ec-
clesiæ libertati impendere destinasti.
Quid multa cumulem? ubi rerum testi-
monia

monia adfunt verbis tuum splendorem
obscurare nolim, vel soli facem accen-
dere. Utinam te Deus Opt. Max. in
feram senectam, & in te eundem quem
hactenus erga viros pientissimos habui-
sti animum, porro conservet; proque
iis in rempublicam & ecclesiam meri-
tis, cælesti cumulando benedictione,
mente & corpore sospitet! Id vovet
& animitus optat,

*Dabam Trajeſi ad
Rhenum è Muſeo
28. Maji 1667.*

Tui nominis

cultor devotiſſ.

PAULUS VOET.



Quamquam ignobile otium Magnus ille Cujacius crediderit, quicquid laboris aut studii in Institutionum Imperialium libris prolixè explicandis, uberioribusque commentariis illustrandis impenderetur, ita tamen mecum cogitabam (salvo tanti viri judicio) neminem oleum & operam perditurum esse qui laudabili conatu prima nostræ disciplinæ Cunabula non contemnendis involuta difficultatum nebulis, illuminare attentat. Cum enim vix ulla juris occurrat materia, cujus non aliquam portionem sibi vindicent nostra elementa, quam compendiose proposita, non poterant non, quæ suâ brevitate se commendant, aliqualem complecti obscuritatem: maxime cum in iis non solum contineantur, quæ imperiali splendore illuminata, verum insuper quæ antiquitus obtenta, desuetudine postmodum inumbrata fuerunt. Et sicubi nos convenit esse accurate, faciles, planos & expeditos, summopere id in ipsis exigimus Primordiis, quibus doctrinæ Principia continentur, reliquo operi inædificando substernenda. Quemadmodum enim per architectum ad hoc potissimum attenditur, ut fundamenta bene jacentur, quibus neglectis nihil in altum educitur, nihil ad splendorem & stabilem diuturnitatem exstruitur, quibusque vitiatis, quicquid postmodum imponitur collabitur; ita nisi super jurisprudentiæ basi Studiosi Juvenes stabiliantur, frustra ad altiora se elevabunt, verum rerum multitudine onerati, tandem in se corruent. Neque enim negligendum illud tritum, quod in ore est omnium, quod ipsa docuit ratio, quod firmavit experientia: bonum institutissimam esse bonum juristam; ut qui rectè sua posuerit principia, eaque servaverit fideliter, plus quam dimidium laboris, in legali studio sit affectus. Unde quam sit laborandum, quo singuli juris Candidati probe informetur, accuratissimè imbuantur, omnesque jurisprudentiæ partes, quæ hic pugno comprehenduntur, quasi in transitu attingant, ne quid penitus ignoretur, non illos lateat, qui postquam satis diu didicerunt, superatis difficultatibus, ad docendi munus admoti fuere. Quæ omnia cum animo meoolve-
rem,

rem, me tandem induci passus sum, ut ad primordia juris etiam meum conferrem symbolum, meas exhiberem curas, in quibus non solum Justinianæ novi reperirent, quæ scitu sunt necessaria, verum etiam veterum qui longius progressi haberent, quibus se exercerent, vel saltem oblectarent. Ita enim mea disposui, ut antiqua novis permixta & hæc illis, invicem illuminarent, ut quæ theoriæ inserviunt, quæque in discentium scamnis, in docentium pulpitibus dominantur, causarum forensium disquisitioni jungerentur, adeoque non tantum traderentur quæ in meris minutis consisterent, inque vocabulorum, phrasiumve (quod est Grammaticorum) subsisterent explicatione, verum quæ ad difficiliora juris loca, ad secretiora Themidis mysteria aditum panderent. Et licet ferè innumeri auctores operam impenderint, ut suis notis, glossis, paraphrasis, animadversionibus planam, tritam & tutam redderent illam juris viam, quam studiosi adolescentes ingrederentur primitus, non omnes tamen per omnia singulorum scopo & fini satisfecerunt. Alii enim multa peregrina & heterogenea prorsus à jure nostro aliena cumularunt, iis interim omisissis & neglectis, quæ juris studiosis ad Institutionum intelligentiam, erant utilia, fructuosa & necessaria, quo per ea ad latiore Pandectarum commentarium manum ducerentur. Alii adeo quæstionum difficultatibus, casuum varietatibus, objectionum remotionibus, pagellas ad singulos titulos replerunt, ut non commentarium in Institutiones conscripsisse, verum omnem juris materiam comprehendisse videantur; ut quicquid in Digestis pertractatur, mutato vocabulo, eversâ eâ methodo, quam Imperator commendavit, ad Institutiones transtulerint. Alii denique adeo steriles fuere visi, fere nonnisi subtiliores juris apices captantes, ut vix quicquam quod ad forum properantibus postmodum esset usui tradiderint; parum memores legistatorem Justinianum vel eo potissimum nomine juris Principia nobis commendasse, quod iis abundent, quæ ex quotidiano judiciorum usu desumpta, in ipsis rerum obtinent argumentis.

Et si vero non ita hæc accipi volo vel intelligi, quasi nihil in meis quis jure merito desiderare possit lucubrationibus, qui hominem

L E C T. S.

minem me esse fateor, inque tantâ rerum varietate etiam errori obnoxium, in hoc tamen me adlaborasse ingenuè indicabo, ut quem oblectat studium antiquitatis, quem novitatis curiosa indagatio; cui placent jura divina, & humana; quem trahunt forenses causarum disceptationes, vel canonum collatio, is nihil eorum omissum vel neglectum sit observaturus. Multo minus ita mea in unum contuli, quasi ea sola sufficere existimarem, vel aliorum egregia scripta (quod nonnullos intendere animadverto) è jurisconsultorum manibus excuterem, verum ut ad alios legendos lectorem manuducerem, & quasi per indicem notarem, sedes fontesque materierum, unde quisque suo labore & industriâ plura, quæ non omnia ad Institutiones transferri debebant, petat & hauriat abundè. Hoc propositum lector benevole si laudaveris, adeoque meis faveris conatibus (quod etiam in magnis quid voluisse non sit contemnendum) mihi summopere gratulabor, meque pro eâ parte scopum quem proposueram attigisse gloriabor. Vale.

P R O-

P R O O E M I U M

D E

CONFIRMATIONE INSTITUTIONUM.

IN NOMINE DOMINI NOSTRI JESU CHRISTI.

IMPERATOR CÆSAR FLAVIUS JUSTINIANUS,
*Alemanicus, Gotthicus, Francicus, Germanicus, Anticus,
 Alanicus, Vandalicus, Africanus, Pius, Fœlix, Inchyus, Vi-
 ctor ac Triumphator semper Augustus, cupidæ Legum
 juventuti S.*



Imperatoriam Majestatem non solum armis decoratam, sed etiam legibus oportet esse armatam, ut utrumque tempus, & bellorum & pacis, rectè possit gubernari: & Princeps Romanus non solum in hostilibus præliis victor existat, sed etiam per legitimos tramites calumniantium iniquitates expellat; & fiat tam juris religiosissimus, quàm victis hostibus triumphator magnificus.

1. Quorum utramque viam cum summis vigiliis, summâque providentiâ, annuente Deo, perfecimus. Et bellicos quidem sudores nostros Barbaricæ gentes sub iuga nostra redactæ cognoscunt: & tam Africa, quàm alix innumeræ provinciæ post tanta temporum spatia, nostris victoriis à cœlesti Numine præstitis, iterum ditioni Romanæ, nostroque additæ imperio, protestantur.

Omnes verò populi legibus, tam à nobis promulgatis quàm compositis, reguntur.

2. Et cum sacratissimas Constitutiones, antea confusas, in luculentam ereximus consonantiam, tunc nostram extendimus curam ad immensa veteris prudentiæ volumina, & opus desperatum,

A

quasi

quasi per medium profundum euntes , cœlesti favore jam adimplevimus.

3. Cumque hoc, Deo propitio, peractum est, Triboniano viro magnifico, Magistro & Exquæstore sacri palatii nostri, & Exconsule, nec non Theophilo & Dorotheo, viris illustribus, Antecessoribus (quorum omnium sçlentiam, & legum scientiam, & circa nostras iussiones fidem, jam ex multis rerum argumentis accepimus) convocatis, mandavimus specialiter, ut ipsi nostrâ auctoritate, nostrisque suasionibus *Institutiones* componerent : ut liceat vobis prima legum cunabula, non ab antiquis fabulis discere, sed ab Imperiali splendore appetere, & tam aures, quàm animi vestri nihil inutile, nihilque perperam positum, sed quod in ipsis rerum obtinet argumentis, accipiant. Et quod priore tempore vix post quadriennium prioribus contingebat, ut tunc Constitutiones Imperatoriaslegerent, hoc vos à primordio ingrediamini, digni tanto honore, tantâque reperti felicitate, ut & initium vobis & finis eruditionis à voce Principali procedat.

4. Igitur post libros quinquaginta Digestorum seu Pandectarum, in quibus omne Ius antiquum collectum est (quod per eundem virum excelsum Tribonianum, nec non cæteros viros illustres & facundissimos confecimus : in quatuor libros easdem *Institutiones* partiti iussimus, ut sint totius legitimæ scientiæ prima elementa.

5. In quibus breviter expositum est, & quod antea obtinebat, & quod postea desuetudine inumbratum, Imperiali remedio illuminatum est.

6. Quas ex omnibus antiquorum Institutionibus, & præcipuè ex Commentariis Caji nostri, tam Institutionum, quàm Rerum quotidianarum, aliisque multis Commentariis compositas, cum tres viri prudentes prædicti nobis obtulerunt, & legimus, & recognovimus, & plenissimum nostrarum Constitutionum robur eis accommodavimus.

7. Summâ itaque ope, & alacri studio has leges nostras accipite, & vosmetipsos sic eruditos ostendite, ut spes vos pulcherrima foreat, toto legitimo opere perfecto, posse etiam nostram Rempubl. in partibus ejus vobis credendis gubernari. D. CP. XI. Kal. Decem. D. IUSTINIANO PP. A. III. CONS. ID. XXXIII.

C O M-

COMMENTARIUS.

- | | |
|---|---|
| 1. Praefationibus esse opus. | 7. Quibus cognominibus usi sint Imperatores, & moribus utantur. |
| 2. Vox & origo PROOEMII explicatur. | 8. Utrum sola juvenus ad juris studium apta. |
| 3. An legendum sit INSTITUTIONES, an INSTITUTA. | 9. Laudatur Senectus. |
| 4. 5. An Divini Nominis invocatio in omni instrumento sit necessaria. & quid moribus, quid jure canonico. | 10. Arte & Marte Respublica optimè gubernatur. |
| 6. An Papa autoritate Imperium à Graecis ad Francos sit translatum. | 11. Figura Χριστός explicatur. |



Habent sua cantores præludia, exordia oratores, antecessas cognitiones disciplinarum magistri, quibus ad lectionem subsequendum viam parare consueverunt. Hunc morem laudabilem sequutus est Imperator Justinianus, qui ad conciliandos juvenum animos, eosque ad juris disciplinam incitandos, ab utilitate, tum hujus auri libelli à jurisprudentiæ dignitate, ordiri voluit. Idque ex illo Pindari Olymp. 6.

Ἀρχομένων ἔργῳ πρόσωπον χρὴ δέμειν τηλαυγίς.

Oportet ut cujusque operis frontispicium sit praejulgidum.

Nec dissuadet ratio, quod praevia quæpiam cognitio ad materiam propositam nos perducatur, cumque ibi de venerimus faciliorem præbeat intellectum. l. 1. D. Origin. juris. Telsaur. 1. quæstion. Forensf. 1.

Hanc ipsam antecæptam cognitionem Imperatori visum appellare *Proœmium*, deducto vocabulo ab *δῆμος*, latinis verbum, quasi sit præverbinum vel oratio ante orationem. A Cytharedis translata similitudine; qui priusquam cantiones instituunt, modos quosdam faciunt, quibus suos auditores introducant. Scalig. de re Poët. 3. c. 83. in fin.

Non incommode potuisset dici epistolica quæpiam dissertatio; quod in eâ sit inscriptio, subscriptio, & res ipsa. Nihil refert, quo eam insigniveris nomine Hieron. Magius 1. Misc. 15. suffecerit quod dignitatis, majestatis, eruditionis & artificii sit plena. Complectitur enim in genere, aliquod proœmium, legislationem, & sanctionem; continet Cæsaris Justiniani gesta, principis officium, juris historiam, ejus studium, *Institutionum* conceptionem, compositionem, laudationem, recognitionem, confirmationem. Denique subjicitur incitamentum ad disciplinam legalem, quâ nulla dignior,

nulla ad honores gerendos, ad rempublicam administrandam aptior dari aut reperiri potest.

3. Et jure merito *proœmium* dicitur *Institutionum*, in quantum in eorum gratiam, qui quondam juri operam suntaturi, præmittitur. Ubi non inelegans ab interpretibus moveri solet quæstio, circa vocabulum *Institutionum*, num potius legendum sit *Institutiones*, quam *Instituta*? *Resp.* Licet hæc difficultas ad crisin, & latinatam magis spectare plerisque fuerit visum, quam ad jurisintellectum, aliter tamen hic ego sentirem. Maxime enim facit ipsa vox ad robur & confirmationem libri institutionum, facit ad intellectum ordinis in addiscendâ juris disciplinâ servandi. Nam si vulgatos sequamur codices, legendo *Institutiones*, quid aliud significamus, quam quod ab instituendo ita sint appellatæ, quasi dicerentur elementaria quæpiam doctrina, manuductio ad juris prudentiam, prima juris Romani semina, prima legum cunabula. §. 3. h. t. legitimæ scientiæ prima elementa. §. 4. cod. l. 2. in v. & ideo. Cod. de Vet. Jure Enucl. prima legum vestigia, prima legum argumenta, prima fundamenta. l. 2. §. sed cum perspeximus. Cod. Vet. Jure Enucl. quibus cupidi juvenes instituti imbuti, facilius ad graviora juris scita, ad Themidis interiora, facili & ordinatâ methodo perducuntur. §. 2. Instit. de Just. & Jure. Quo sensu latini non modo Jurisconsulti, verum etiam Theologi sua divinæ sapientiæ præcepta, institutiones appellarunt. Ita scripsit Lactantius divinarum instit. libros, & seculo præcedenti Calvinus nunquam satis laudatus, suas nitidas de religione Christiana institutiones; de quibus merito quæsi veris, num materiam superaverit opus, num opus materiam, adeo limatè & tersè omnia omnium judicio etiam hostium veritatè in ordinem sunt redacta. vid. Politianum Miscell. c. 84.

Quod si vestigia imitemur Theophili Paraphrastis Græci, legendo *instituta*, non etiam à recti tramite aberraverimus. Neque enim ab hac voce abhorret Harmenop. l. tit. 1. §. 8. neque latini scriptores hanc ipsam rejecerunt. *Institutionum* enim vocabulum apud Vegetium, etiam Probum grammaticum reperitur. Et ne dissita quæram, ipsa res loquitur, ut vocem eo admittam sensu, quo talia signat, quæ legum vim obtinent atque robur. Cum non tantum Imperatori Justiniano visum fuerit hunc libellum ad juris primordia referre, verum etiam eundem obtinere legum auctoritatem. §. 3. & 6. Instit. hic. Ut non minus posterioris rationis contemplatione *instituta*, quam respectu prioris, *institutiones* appellari meruerit. Eoque sensu Jul. Cæsar l. de Bello Gallico, in princ. de legibus & consuetudinibus scripsit Gallorum. *Hi omnes lingua, institutis, legibus inter se differunt.* Ubi per *instituta*, intellige statuta, quæ generali nomine, etiam Principum completuntur constitutiones. l. 3. §. 5. D. de Sepulchr. violat.

In nomine Domini. In inscriptione res ipsa cernitur, & personæ, quarum hic mentio. Res ipsa est institutionum proœmium, personæ sunt; Dominus Jesus Christus, cujus auxilio facta collectio, Imperator, qui peregit opus, cupida legum juvenus, cui voluit consultum Imperator; de quibus sigillatim in progressu agendum erit uberius. Et quidem pietatem suam in operis vestibulo, licet in multis juris articulis supersticiosus, abunde ostendit imperator, adeoque suas leges a Deo originem sumpsisse. Idem quod non semel præstitit in novellis constitutionibus, ubi suas leges atque legum scopum ad auctorem Deum refert, à quo easdem acceperat. Nov. 8. in init. Nov. 16. Nov. 77. Nov. 85. Nov. 109. Nov. 135. in princ. Forte, ut ita ad exemplum Legumlatorum, Numæ, Licurgi, Solonis, (quorum ille ad Ageriam Deam, iste ad Apollinē, hic ad Minervam) suis jussis aliquam apud subditos gratiā & auctoritatem conciliaret. Ignotum enim non est, legibus addi virtutem obligandi, populumque eo parere lubentius, quo major est majestas legislatoris, & imperandi auctoritas. Id quod vel exemplo decem præceptorum divinarum colligere licebit, quæ ut magis hominum animis insisterentur, omnisque adversum Mosem rebellandi occasio Judæis auferretur, exordium à majestate & supereminentiâ divinæ naturæ desumptum est, Exod. 19. 20. Deut. 5.

Et licet secundum Balduinum videatur hæc epigraphæ à sciolo quopiam, aut imperito librario adscripta esse, quod forte Haloandri editio eam non agnoverit, quodque ea parum convenire videatur præfationi; id tamen ignorare non debuisset Balduinus, epistolicas hæc salutationes esse frequentes, ut mirum nemini videri debeat, talem formulam ante proœmium collocari per modum epistolæ conceptum. Vid. l. 1. Cod. de Offic. Prætor. Præf. Africæ. Præsertim cum Imperator hunc sibi morem usitatum esse aperte testetur in Nov. 80 & 85. in princ. Id quod etiam observavit Carol. magnus in Præf. capitul.

Hinc tamen nemo sanus intulerit divini numinis invocationem esse de formâ, solemnitate, aut substantiâ instrumenti; quasi eâ omiſſâ pereat instrumenti robur, & vitietur in totū. Nullâ enim lege cautum est, cuilibet scripturæ divinam invocationem esse præponendam, non magis quam signi crucis præfixio necessaria est ad inventarii valorem, licet ejus mentionem iniciat Imperator. in l. fin. §. 2. Cod. de Jure deliber. Nov. 47. c. 1. 2. Nov. 73. c. 5.

Multum quidem movet exemplum Imperatoris, cujus actio, viva quasi lex est, non tamen permovet. Et licet parentes imperantis sequantur morem, non aliter atque ad solem sese obvertit heliotropium, non ideo tamē imitandi necessitas inducitur, nisi aliquid ita Principi placeat, ut legis vigorem habere velit. Argum. Princ. Instit. de Codicill. l. 1. D. de constit. Princ. vid. Brader. locos comm. ex Bartol. in v. instrumentum. Alberic. de libr. Juris Canon.

nonic. p. 21. Perez. Cod. de leg. n. 4. Tulden. cod. n. 3. Merul. Prax. civil. libr. 1. tit. 4. c. 1. artic. 11. 18. & c. 4. artic. 1. Zyp. juris Pontif. Analat. enarr. libr. 5. tit. de Constit. p. 11.

Christianè quidem & piè facimus, (quod institutum apprimè laudandum) si ab invocatione divini numinis exordium capimus. Nov. 47. c. 1. §. 1. in med. Quod etiam lumine naturæ adjuti noverunt gentiles, & ab illis fuit observatum secundum illud Plinii in princip. Panegyrici dicti Trajano: *bene ac sapienter Patres C. majores instituerunt, ut quemadmodum rerum agendarum, ita dicendi initium a precationibus caperetur, quod nihil rite, nihilque providenter homines sine deorum immortalium ope, consilio, honore auspicarentur,*

Non propterea tamen vitiat gestum, in quo, si quid inspectâ pietate omitti non debuit, forte neglectum fuit. vid. Alciat. in rubric. D. de oper. nov. nuntiat. & 9. Parerg. 6. Covarr. Pract. quæst. 20. n. 1. Soarez. comm. opin. litt. 1. n. 114. Sneiderwin. ad Rubric. proœm. hic. n. 1. Cævall. comm. contr. comm. 3. q. 749. Harpricht. ad Rubric. proœm. hic. Treutl. vol. 2. disp. 5. thes. 3. litt. a. Bocer. class. 5. disp. 21. thes. 13. Grævæum 2. conclus. 14. Sichard. ad Rubric. Cod. de fid. instrum. n. 7. Hænon. disp. 1. ad instit. thes. 3. Besold. præcogn. Miscell. gener. ad P. n. 10. Gudel. de jure Nov. 4. c. 11. n. 20. Anton. Matth. disp. de judic. 9. n. 54. Wissenb. disp. p. 43. vol. 1. n. 20. diss. Specul. tit. de instrum. edit. Menoch. 2. præf. 82. Mascard. vol. 1. quæst. 6. n. 80. Wefenb. Parat. D. de fide instrum. n. 5.

M O R I B U S.

In ultimis voluntatibus invocatio præmittitur, in pactis antenuptialibus, in fœderibus vota nuncupantur, ut res quæ gesta contracta est, utrique parti cedat prospere, vel publico bono, vel orbi Christiano.

DD. insuper censent vitari instrumentum omisâ numinis invocatione. si sit de consuetudine ut invocetur divinum Numen. Bartol. in l. si quis ex argent. 6. §. si init. D. Edend. Alex. Jafon in Rubric. D. de Oper. Nov. nuntiat. Abb. Felin. & Canonistæ in c. 1. de fide instrum.

J U R E C A N.

In nomine Domini volunt de jure canonum omnia & singula esse tentanda, peragenda. C. non observetis. 26. q. 7. quod verissimum est, & juri divino congruum, si sane accipiatur.

6. In nomine Domini.] Perperam, & sine ullâ probabili ratione ex inscriptione desumptâ à Christi invocatione nonnulli colligunt, omnem Imperatorem Christianum, suam à Papâ Romano, tanquam Christi vicario, & capite visibili in terris, habere potestatem. Nec censeri posse Imperatorem rite creatum, nisi à Romano Pontifice sit confirmatus. Unde qui Papæ tuentur imperium, & ejusdem duplicem in terris potestatem, narrant auctoritate Pontificis

tificis translatum fuisse imperium à Græcis ad Francos, & hinc ad gentem Saxonicanam derivatum; C. venerabilem de Elect. idque adversus lucem historiarum, atque temporum veritatem. Certum enim Carol. Magnum, sibi armis imperium parasse, accedente Principum, Statuum in occidente, populi que acclamatione.

Et absurdum esset Papam dare, quod non habuit, aut plus juris in alium transferre, quam ei unquam fuit concessum. l. nemo plus. D. de Reg. Jur. qui non immemor esse debebat Spirituale Christi regnum non esse de hoc mundo. Joh. 18. v. 36. aut in hujus mundi elementis investigandum. C. duo sunt. 12. q. 1. Ut immerito qui Christi & Apostolorum vult esse successor, se imperio & Imperatori subducatur. C. magnum. 11. q. 1. C. qui resistit. 11. q. 3. cujus potestas est à Deo, non à Romano Pontifice. c. si Imperator. dist. 96. cum & ipse pontifex in manu sit Imperatoris. C. convenior. 23. q. 8. C. clericus. dist. 21. Sneiderw. in proœm. hic. Carol. Molin. in tract. edict. Henrici Regis. Carpoz. de l. Reg. Germ. c. 2. sect. 8. Daniel Otto de Jure Public. c. 6. in init. Marfilii Patav. defens. pacis. p. 2. c. 3. & seqq. & c. 25. & seqq. Arumæus discurs. public. p. 4. disc. 43. c. 2. n. 16. & seqq. Reverendiss. Pater meus in dissert. de Translatione imperii à Græcis ad Francos. Clariss. Hoornbeeck in disp. ad Bull. innocent 10. p. 16. & seqq. vid. Linnæi Annot. ad Proœm. capitul. Carol. 5. ad voces *Römischen Rix*. p. 98.

[*Imperator Caesar.*] Nomina hæc partim à gente, & familiâ, partim à dignitate & virtute, pleraque tamen à devictis gentibus, de quibus triumphavit, sunt desumpta. Quales autem fuerint illæ gentes, quando, & per quos belli duces superatæ apud Gothicæ historiæ scriptores Procopium, aliosque reperire licebit, vid. Wolsgangum Lazium de Migrat. Gent. libr. 8. & seqq. Johann. Magnum Gothum Archiepisc. Upsal. Histor. Gothic. libr. 10. c. 12. & seqq. Welenb. Baron. Pacium. hic.

[*Victor ac triumphator.*] De triumphis consulendi, Alex. ab Alex. Genial. diar. cum comm. Tiraq. libr. 1. cap. 22. Guid. Panciroll. rerum memor. part. 1. c. 57. Valtrinus de re Militari. libr. 7. c. 3. & seqq. Rosin. Antiq. Rom. lib. 10. c. 28. 29. cum comment. Dempsteri.

Novum autem non est, sed variis gentibus usitatum, ut ex vocabulis gentium subactarum, sibi nomen assumant victores, vel ut etiam militari voce & consensu illis tribuatur. Ita olim Vararanes Saporis filius Persa, Cermassæ dictus fuit, ab ejus nominis devictâ gente. Agathias. 4. p. 151. Et inter Romanos Imperatores Marcus Anton. Aurelius Anton. alique, Sarmatici dicti ob victorias partes contra Sarmatas. Histor. Augustæ script. in eorum vitâ. & Herodian. histor. lib. 1. Constantius etiam Imperator Sarmaticus appell-

pellatus, quod illi à militibus tributum. De quo Ammian. Marcell. lib. 17.
 „ in fin. ita scribit. Talè textu rectè factorum Constantius jam metuente sub-
 „ limior, militarique consensu secundo Sarmaticus appellatus ex vocabulo
 „ subactoris hiscè exercitum alloquitur. Et in fine alloqui, ipse de se ipso:
 „ Postremo ego quoque hostilis vocabuli spoliū pro me fero, secundi Sarmat-
 „ tici cognomentum, quod vos unum idemque sentientes mihi (ne sit arro-
 „ gans dicere) merito tribuistis. Habet similes formulas de Principum agno-
 „ minibus Brisson. de formul. lib. 8. p. 731. vid. Cujac. 4. obs. 28. Anton.
 „ Augustin. dial. 7. Antiq. circa fin. Arthurum Duck. tract. de usu Juris
 „ Civil. &c.

Quas omnes proculdubio extor sitcæsarum ambitio, eorumque adulandi
 modus, qui in aulis assentatores audiunt. Dum interim viri Principes parum
 inmemores sunt humanitatis; atque vicissitudinis, cui res inferiores subjacent.
 „ Contra quam censuit Seneca de vitâ beatâ. c. 25. fac me victorem universa-
 „ rum gentium: delicatulus ille liberi currus triumphantem usque ad Thebas
 „ à solis ortu veliat: jura reges Persarum petant: me hominem esse tum ma-
 „ xime cogitabo. vid. Gothofred. ad l. 2. §. 2. Cod. de Offic. Præf. Prætor.
 Afric. Parum insuper memores se alienis sudoribus hostes superasse, & san-
 guine præfectorum suorum victoriâ à Barbaris reportasse. Nisi hic locum
 velint regulæ communis: quod quid per alium facit; per se facere censetur.
 Arg. §. pen. in lit. Procem. Ut ita si quid peragant duces exercitus, quod se-
 licem sortiatur exitum, omnem victoriæ laudem in principi transferant, nisi
 sibi invidiam, adeoque grande malum velint procuratum. Cujus non ignarus
 erat Joab, qui Ammonitarum urbem Regiam expugnaturus Regem Da-
 videm invitat, ut eam capiat, ne ipse id fecisse videretur. 2 Samuel 12. v. 27.
 Quod cum neglexisset juvenis David, & regnantè Saulo tantum passus esset
 se laudari, ut nihil in eo culpâri potuisset, per Sauli invidiam in capitis pe-
 riculum fuit inductus. 1 Sam. 18. vid. Tacit. in vitâ Agricol. c. 8. & 2. An-
 nal. c. 22. & 4. Annal. 18. Bernegg. in Tacit. German. q. 69.

Nonnunquam etiam Cæsares agnomina sibi assumpserunt ab eo, quod ipsis
 erat gratum & in deliciis positum, ita Commodus Imperator Antonini Phi-
 los. filius Amazonius denominari voluit, quod feminam subveste Amazo-
 niâ adamaret, eoque schemate subinde creteretur. Herodian. histor. lib. 1.

Præter agnomina in inscriptione, procemii collocata, etiam alia multa
 Cæsaribus Romanis fuisse tributa, quæ passim in jure nostro, & apud probatos
 scriptores occurrunt. Dicti enim imperatores, Nobilissimi, Sanctissimi, Chri-
 stianissimi, Religiosissimi, Optimi Maximi. l. 3. D. nat. Restit. l. 11. Cod.
 Transact. l. 4. Cod. de privil. eorum. l. Titia Sejo. §. fin. D. leg. 2. l. inter
 Claras. Cod. Summ. Trinit. l. unam ex familiâ. §. fin. D. leg. 2. l. in honorib.

8. D. vacat. Muner. Vid. Alexandr. ab Alexandr. Genial. dierum. lib. 1. c. 2. cum comm. Tiraquell. Chassan. Catalog. Glor. Mund. part. 5. confid. 27. Panciroll. Thesaur. variar. lection. r. c. 2. Gregor. Tholof. 6. de Republic. cap. 6. 7. & seqq.

MORIBUS.

Magni non tantum de consuetudine, exemplo Caroli Magni appellantur Imperatores, verum etiam ipsi Reges. Ita enim *Magnus* dictus Henricus 4. Galliarum. Et Carolus Imperator non contentus *Magni* titule, non erubuit ferre cognomentum *Maximi*, sibi à Pontifice Paulo 3. tributum. Jacob. Marchant in descript. Flandr. libr. 3. p. 324. Quinimo idem ille, studio adulationis revocato, quod ad tempus ab aula recesserat, Gallicus, Germanicus, Saxonicus, Asiaticus, Africanus, Indicus à multis fuit appellatus, ut refert Guiljel. Zenocarus à Swanbenberch de Republic. vitâ, moribus Carol. 5. lib. 2. p. 20. apud Limnæum in annot. ad Procem. Capitul. Carol. 5. p. mihi. 67. n. 9.

Monarchis tamen Christianissimi potentioribus, peculiare tributum fuerit tituli, quos sibi indies tribui patiuntur. Hispaniarum Rex appellatus est *Catholicus*, quem titulum à Pontifice Johanne 8. Alphonso concessum referunt. Rex Angliæ *Fidei* dictus *Defensor*, quod epitheton ipsi à Pontifice Henrico 8. primitus inditum, quia contra Lutherum scribebat. *Christianissimi* nomen meruisse fertur Rex Galliarum, quod de Ecclesiâ quam maximè sit sollicitus. Quale cognomentum peculiari jure Romano-Imperatori competere censent, vel etiam eo nomine, quod & ante eo fuerint usi Romani Imperatores. Vid. Goldast. in Polit. Imper. p. 11. pag. 595. Arum. disc. Acad. de jure publico. 43. p. 4. c. 2. n. 5. 6. & seqq.

Quinimo eo tandem se extulit dominandi cupido, vel potius cujusque majestas ut imperatorum nomen bene multis applicetur, ita Rex Franciæ, Turcæ, Moschus, Tartarus, Abyssinus, alique ad imperatorum nomen non erubescunt. Quod tantumdem valeant in suis regnis singuli, quantum Imperator in suo imperio. Bald. in l. exemplo. Cod. de Probat. Chassan. Catal. Glor. Mund. p. 5. confid. 30. Mercure Francois. tom. 17. p. 2. p. 175. Limnæus. Notit. Regn. Gall. lib. 2. c. 6.

Cupida legum juventuti. Studiosæ juventuti Imperator suas inscripsit institutiones, forte quia juvenus hujus studii est cupida; ut frustra ei multa dictaveris, quia ea invitus audit. Major insuper alacritas, ardor & vigilantia reperitur in juvenibus quam in ætate provectioribus; & jura potissimum vigilantibus scripta videntur. l. 24. D. quæ in fraud. credit. Promptitudo etiam major, major aptitudo in juvenili reperitur ætate: quia enim gloriosa est, bonis artibus optat institui. l. unic. Cod. de studiis lib. Urb. Rom. lib.

11. seque per omnia præbet docilem, se duci facile patitur, necdum præjudiciis imbuta, l. 37. in init. D. Edilit. Edict. Gloss. in l. 29. in princ. super v. si filius, ante fin. D. liber, & Posthum, cum vice versa qui virilem sunt ingressi vel eam superarunt ætatem, non sint flexili aut mobili ligno comparandi. De Dionysio Siciliæ Tyranno cui serius Plato in monitorem iungebatur, Plutarch. in lib. cum Princip. esse Philos. ita latine versus: *Offendit si quidem Plato Dionysium, sicut librum palimpsestum litterarum jam plenum, ex quo Tyrannidis tinctura elui agere posset, quod eam inbibisset penitus.*

9. Sic tamen studiosos juvenes ad juris admitto studium, ut non excludantur senes, modo sint dociles, id est, discendi cupidi. Senectus enim venerabilis est, seduci nescia, statura. l. semper. §. D. de jure Immun. Gell. 2. Noct. c. 15. Levit. c. 19. Judicio firmato ex illo Hieronym. *Bos lassus firmius figit pedes.* Salubri ac prudenti consilio prædita, ut melior sæpe sit umbra senis, quam gladius juvenis. 2 Paralip. 10. l. si Chorus §. 1. D. leg. 3. l. ut gradatim. l. ad rempublicam. D. de Muner. & Honor. l. 1. D. de Albo scrib. Salust. in init. suæ historiæ. Bald. in c. 1. de Renuntiat. Hippol. à collibus in tract. de consil. Princ. Gregor. Tholos. Synt. juris lib. 47. c. 9. Bernegg. in Taciti German. q. 69. Reusneri. Hortul. historic. Politic. Coron. 3. flos. 3. 4. Petrus Faber ad l. 2. n. 29. D. Reg. jur. Keckerin. discurs. de consil. q. 9. Schonborner. 3. Polit. c. 23. Etiam quandoque adeo studiorum amans, ut semper proficiat in disciplinis; idque ex illo Juliani, cui hoc dictum in ore.

Καὶ τὸν ἑταρον πόδα ἐν τῇ σαρφίᾳ ἔχει

πρὸς μαδίῳ τί βυλοίμην.

Et si alterum pedem in tumulo haberem, non pigeret aliquid addiscere. l. apud Julianum. 20. D. fideic. libertat.

- Quod si quis dicto Juliani non credat, saltem credat exemplis. Illustre refert Plutarch. in Eurydice sœminâ Illyricâ, quæ quamvis barbata esset, & multorum mater liberorum adultærum, ad litteras nihilominus animum adplicuit, eoque suâ proyenij industriâ, ut inter claras mulieres referri meruerit. Ne Marcum Censorium Catonē commemorē, qui nudi sæculo, & ætate jam declinatâ, teste Fabio, græcas didicit litteras. Et ut ad posteriora deveniam tempora, superiori ævo Cajetanum Cardinalē 70. annos natum litteras Hebræas addiscere non puduit, nec Aretinum quadragenarium piguit, ut eâ ætate scientiæ juris tyrocinij poneret. Hadrian. Jun. 5. Animadv. 24. Ut merum hoc sit inertis tyrocinij, si quis censeat ætatem provecam à litterarum vel disciplinarum studio excludendam esse, quasi minus habilem.
10. *Imperatoriam majestatem.* Duabus artibus belli pacisque, in sago & in togâ, armorum & litterarum studio rempublicam quamcunque conservari,

omnis

omnis ætas, & apud omnes docuit. Ut ad officium viri Principis spectet utriusque curam gerere, ut quæ in imperio mutuas invicem præstant operas, quo difficilius sit discernere, quid cui sit præferendum. Et ne memet in hunc locum communem diffundere cogar, qui ab aliis explicatus est abunde, inspiciantur sequentes autores, post l. unic. Cod. de Justin. Codic. Confirm. l. 14. Cod. de Advoc. divers. judic. Nov. 24. 25. 26. c. 1. Chassan. Catal. glor. mund. p. 9. conf. 1. & Reufner. Hortul. historic. Polit. coron. 2. flosc. 9. Hermann. Kirchner. vol. 1. Orat. 13. 14. 23. 24. & vol. 2. Orat. 8. Bernegg. in Agricola Taciti. q. 184. Bullæus de tribus general. juris Præcept. post. n. 32. in addit. n. 3.

[Non solum armis decoratam.] Singularis loquendi modus hic occurrit, ut circa quem explicandum non omnium idem sensus. Meam hic proferam sententiam ab aliis, quod sciam non observatam, licet non nescius sim in jure similes locutiones occurrere ubi decus armis, & legibus munimen tribuitur, uti in Nov. 24. 25. 26. annotante Balduino, hic. Poterit tamen hæc phrasologia per ἀντιμεταβολήν, vel potius per figuram, quæ antequam Rhetoribus χρισμός appellatur, explicari; quam applicari posse censeo §. 17. Instit. de Legat. Tam autem corporales res, quam incorporales legari possunt. & l. 120. D. v. signif. Sed id interpretatione coangustatum est, vel legum, vel auctoritate jura constituentium. Ubi vox remotior ad remotiorem, & proximior ad proximior referri debet per decussationem, quam Græcum X. facit. Neque commodius tollitur difficultas in l. 19. & 20. D. de Action. Empt. quam si vocabulum *emptionis* in Princ. l. 19. positum, referatur ad vocem *Conductionis*, in l. 20. Tumque secundum Cujacium in princ. d. l. 20. pro idem est, legatur, id est. atque absurdus sensus, qui aliter consequeretur, evitabitur. Neque similibus locutionibus abstinerunt scriptores latinissimi. Tali enim usus est Cicero 4. in Verrem. subinit. Sicilia coriis, tunicis, frumentoque suppeditato maximos exercitus nostros vestivit, aluit, armavit. Quid quod Thelogi orthodoxi in sacro Codice similes loquendi formulas observent, ut Matth. c. 12. v. 22. & Paulus Apostolus v. 5. Epistolæ ad Philemonem. Audiens charitatem tuam, & fidem, quam habes in Domino Jesu, & in omnes sanctos, qui sine figurâ loquuntur Eph. 1. v. 15.

§. 1.

- | | |
|--|-------------------------------------|
| 1. Non omnis laus sui ipsius est improbanda. | 3. Num Imperator sit Mundi Dominus. |
| 2. Titulus ille [DEI GRATIA] explicatur. | 4. Num Imperatoris sint Omnia. |

QUORUM utramque viam.] Hic suos labores commemorat & commendat Imperator, non ab incerto, sed ab eo, quod notum erat, & barbaræ gentes

tes senserant. Ut non omnis laus sui ipsius videatur improbanda, modo ea modestè adhibeatur, & non sine divini auxilii commemoratione. Maxime, si quidem tale quid fiat ad defensionem honoris & nostræ fame; quam homines invidi, malevoli, calumniatores stuprati vclint. Idque exemplo virorum piorum, Samuel, 1 Samuel, 12. Apostoli Pauli, aliorumque. 2 Cor. 3. 5. 1. 2. 3. & c. 4. 7. 12. Aliter, laus propria sordet; & erubescit sapiens ad laudes amicorum de se, tantum abest ut sua facta ad cælum extollere studeat, aut semetipsum supra alios efferat. Sænidw. hic. Coras. 4. Miscell. 20. n. 3. Chassan, Catal. Gloriz mundi. part. 1. confid. 60.

2. *Annuebat Deo.* Sensus est, divinâ favente gratiâ, divino auxilio, cœlesti favore, Deo propitio, se positum fuisse victoris in barbaros, se pacem & tranquillitatem obtinuisse. Sicuti de juris legumque collectione, pandectarum compositione lucrat locutus, quod opus desperatum divino favore impleverat. §. 2. in fin. §. 3. hic.

M O R I B U S.

Titulus eminentiæ, & maximus esse videtur, quod *divinâ favente gratiâ*, vel *Dei gratiâ* scribant, Imperator, Reges, Principes. In quantum à nullo mortalium se imperium, regnum, principatum accepisse latentur, nec quinquam agnoscunt supra se præter Deum, & solem. Ut cum titulum nemo sibi vindicare audeat, nisi qui absoluto gaudet dominio, & ab alio mortalium indipendente; id est, uti hoc interpretantur Galli, ne quidem à populo, aut Pontifice Romano. Vid. Joh. à Chokier. Thes. Polit. Aphor. 1. c. 1. Cui titulo illustri si res ipsa conjuncta foret, & verbis responderet eventus, nemo dubitat, quin bene esset capiti, & membris bene.

Non autem cuiquam in Regnis aut supremis Territoriis concessum est hanc sibi arrogare eminentiam, quin incidat in crimen majestatis. Arodius 7. Rerum Judic. 9. In Galliâ tamen id concessum fuit Regis primogenito, Delphino. Loyseau. des ordres. c. 7. n. 40. Etiam quibusdam Episcopis. Mercure François. tom. 2. p. 313. & tour. 10. p. 524. Sicuti quidam Germaniæ Principes ex privilegio tale jus titulare nacti fuerunt; quod etiam nonnulli Prælati sibi tribuunt, quasi omnium secularium jurisdictioni exempti, alio longe sensu, quam Apostolus Paulus, 2 Corinth. 1. v. 1. Vid. Befold. Thesaur. Practic. litt. G. n. 74. Linnaeum ad Procem. capitul. Carol. 5. p. 47. idem lib. 2. Notit. Regni Gall. c. 1.

3. *Omnes vero populi.* Imperatores se mundi dominos profitentur, adeoque in omnes & omnia sibi vindicant imperium. Ut mirari quisque desinat, qui eos mundi dominos à Jurisconsultis appellari observat. l. 9. D. Ad l. Rhod. de Jactu. Vid. l. bene à Zenone. Cod. de quadrienn. Præscript. l. cum multa. Cod. de bon. qua lib. Nov. 105. c. 2. April. 7. §. 1. & in d. locis Gloss.

Gloss. Bartol. in l. 1. Cod. de Summ. Trinit. ibique Bald. Castrens. Salic. Brederod. loci commun. in Bartol. v. Imperator. Vasquez Illustr. quæst. 20. Argentr. ad Britann. artic. 266. c. 26. n. 7. Quapropter etiam Imperatores se depictos voluerunt cum aureâ Sphærâ, cui crux imposita, quam alterâ tenent manu, dum alterâ gladium ostendant. Et statuam Justiniano erectam fuisse in Palatio Constantinopolitano, quæ orbem cum cruce infixâ teneat, refert Procopius.

Attamen si verum fateri liceat, uti oportet, ex affectu potius Imperatorum, quam quod res ita sese habeat, hæc omnia sunt accipiendæ, qui vel in universum orbem meditantur imperium, quibus non unus orbis sufficit, & cum Carolo 5. Imperatore ultra & ultra tendunt, cum tamen suo imperio, sui que territorii limitibus debuissent esse contenti. Neque enim unquam Imperator Romanus omnes subegit populos, cui tum temporis adhuc novus orbis, id est America erat incognita; cuique ne quidem parebat Rex Persarum. l. 4. Cod. de Commenc. aut aliæ Barbaræ gentes. l. fin. Cod. de Eunuch. l. 1. Cod. de Summ. Trinit.

Ut locutiones illæ quibus Imperator dicitur mundi dominus, vel hyperbolicè, vel potius synecdochice sint accipiendæ, in quantum totum pro parte collocatur, saltè pro parte orbis moratori. Lucæ cap. 2. v. 1. l. 9. D. Ad l. Rhod. de Jact. Dion. lib. 53. Lips. in Adm. l. c. 2. 3. Chassan. Catal. glor. mund. part. 5. confid. 28. Cevall. comm. contr. comm. q. 576. ibique varii. Daniel Otto de jure Publico, c. 6. Arumæum de jure Publico. part. 1. discurs. fin. thes. 6. Jacob. Gothesfred. à l. 9. D. Ad l. Rhod. de Jact. c. 8. Bodin. 1. de Republic. 9. Renkinck. 1. de Regim. secul. Class. 3. c. 13. Grot. 2. de jure belli. c. 22. n. 13. Gregor. Tholof. 6. de Republic. 13. n. 14. Pontan. in discuss. de maris dominio contra Selden. c. 12. & seq. Anton. Matth. disp. ad l. Rhod. de Jact. Loccen. de jure maritim. l. c. 4. n. 3.

Verum quo sensu orbis Romani Monarcha, dicitur omnium esse dominus? Resp. Non quod omnia quæ subditorum sunt, ratione directi domini aut domini proprietatis spectent Principem, verum quod imperii, protectionis, jurisdictionis nomine ea sint Principis. Ad Regem pertinet potestas, ad singulos proprietates, ille imperio, singuli dominio singulari, possessione, usu & fructu, ea tenent. Hottom. Illustri quæst. 1. Cujac. 16. obs. 30. Peregrin. de Jure fisci lib. 1. tit. 1. n. 7. 8. & seq. Copen decif. 48. n. 2. Damhoud. in Praxi criminati. c. 82. n. 79. Gabriel. Comm. concl. 5. tit. de adq. rerum domin. concl. 3. Menoch. 2. Præf. 14. Pacius de domin. maris Hadriat. Pro Venetis. Cevall. comm. contr. comm. q. 577. Greg. Tholof. 6. de Republic. c. 13. ibique varia.

1. *Enarratur Juris Historia.*2. *Cur opus desperatum.*

ET cum sacratissimas.] Orditur Imperator juris historiam, quam quia alii plene pertractarunt, in compendium eam redigam. Justinianus Imperator Justini filius adoptivus, ad imperii culmen, (an per artes suæ uxoris Theodoræ catæ sæminæ disputent historici) evectus, anno domini circiter 527. aliorum Imperatorum constitutiones ex Hermogeniano, Gregoriano, & Theodosiano codicibus, illis à collectionis autoribus, hoc ab Imperatore sic appellatis, in unum codicem redigi accuravit, anno 528. sui imperii secundo, perficique anno 529. imperii tertio. Cujac. in Proem. Parat. Cod. Post quem codicem mense Decembri, anni 530. ex omni jure antiquo Romano, quod 12. Tabulis, Prætorum edictis, Senatusconsultis, Plebiscitis, responsis librisque Prudentum continebatur, Pandectas compilari jussit. Quæ absolutæ editæque fuerunt, anno partæ salutis 533. imperii vero Justiniani septimo, mense Decembri. §. 2. hic. l. 2. Cod. de Vet. jure Enucleand.

Ne tamen rudes & infirmi discantium animi, multitudine rerum atque varietate obruerentur, eodem anno, mense Novembri, juris Institutiones, quæ essent prima legum elementa, conscribi mandavit. Quæ Tribonianus, Theophili & Dorothei operâ atque industriâ, ex Pandectarum libris, maxime tamen ex commentariis Gaii 1c. fuere collectæ. Editæ quidem etiam confirmatæ ante Pandectas, non nisi tamen post easdem inceptæ, & absolutæ. §. 4. hic. l. 2. Cod. de Vet. jure Enucleand. Compositis Institutionum Imperialium libris quatuor, alter codex, cujus hic nulla mentio, priore, de quo §. 2. rejecto, confectus, in duodecim libros est divisus, editusque anno Domini 534. mense Novembri. l. 1. Cod. de Emend. Cod. Justinian. appellatus *repetita prælectionis codex*, tanquã priore accuratior. tit. de Emend. Cod. Justin. Nam lectio lecta placet, & relecta sæpius placebit magis, cum secundæ curæ prioribus ut plurimum meliores censeantur. Imitatus est hæc in parte Justinianus Ilocratem, quem suum Panegyricum decē annis limasse referunt, uti Cinna suam Smyrnâ per annos novem expolivit. Quapropter ne subitæ editioni poenitentia foret comes, Imperator limatum magis atque emendatum alterum codicem, nonnullis rejectis, additis multis constitutionibus, tum suis, tum aliorum, tum veteribus, tum novis, tandem divulgavit. Cui insuper insertas voluit 50. juris controversiarum decisiones novas, quibus certum fecit atque determinavit jus vetus, quod erat controversum. Cum plerisque constitutionibus emendasset jus vetus, quod erat certum. Edidit denique novellas, jus novissimum, quo multa juris anterioris capita, etiam

etiam forte bene posita, non in melius, sed deterius reformatavit, alia etiam, sed pauca confirmavit. De quibus singulis ut judicium meum feram, tractandi Institutiones methodus non patitur. Procop. in historiâ secretâ de Vit. Justin. Isidor. 5. c. 1. Cujac. in Præfat. ad Parat. Cod. Bodin. 1. de Republ. 3. n. 17. Baro. ad Proœm. Instit. hic. Gregor. Tholof. lib. 47. Synt. jur. c. 21. Vid. Befoldi dissert. de libris juris c. 1. & seqq. Forster. histor. jur. lib. 3. c. 1. 2.

Opus desperatum.] Respicit Pandectarum compositionem, quæ ipsi primo intuitu visa est desperati eventus. Saltem illis desperatum erat opus, qui id ante Justinianum forte tentarunt, sed frustra. Et ipsi æque desperatum fuisset, nisi cœlesti favore adjutus, illud implevisset. Erant enim duo millia voluminum, & trecies centena nullia versuum l. tanta. §. 1. l. dedit. de Confirm. Dig. §. 1. de Confir. D. ad Senat. & omnes Populos, vel 15. Myriades versuum, uti loquitur §. 1. D. Ad Magnum Senat. l. 2. §. quod Cœlest. Cod. de Vet. jure enuch. versuum inquam, id est, periodorum, uti censet Alciat. 3. Parerg. 6. Duaren. 8. Anniv. disp. 6. & 2. Ann. disp. 6. diffidet Contius 1. lection. 8. Hottom. hic. Quæ Justiniani curâ, ad centum quinquaginta fere versuum, id est periodorum, vel sententiarum millia sunt redacta. §. 1. de Conf. D. ad Senat. & omn. populos.

§. 3.

- | | |
|--|--|
| 1. In rebus arduis Principes adhibent Jurisperitos in Consilium. | 4. Moribus Antecessorum officium est ad vitam. |
| 2. Num Exquestor sit, qui sanctus est questurâ. | 5. Vis magna est mandati specialis. |
| 3. Necessitas Scholarum demonstratur. | 6. Quid sint antiquæ fabulæ. |
| | 7. Res utiles sunt addiscenda. |

Triboniano viro Magnifico.] In rebus arduis peragendis, in jure veteri tremendando, novo constituendo, Principibus viris consuetum, Sapientes convocare. Id quod fecerat Augustus Imperator, qui circa codicillorum jura nihil statuere voluit, antequam jurisperitos, interque eos Trebatium super eorum æquitate, necessitate & utilitate differentem audivisset. Princ. Instit. de Codicill. Quin imo Justinianus Imperator, non tantum Togatos qui versantur in foro, causas oraturi, verum etiam juris Antecessores, quorum in Academiis labor est, in consilium adhibuit. §. 3. hic. l. 5. Cod. de Metar. ibique Cujac. lib. 12. Vid. l. 8. Cod. Sacros. Eccles. l. 8. Cod. de Il. Auth. habita. Cod. Ne filius pro patre. h. fin. Cod. de legat. lib. 10. Et quod observatione dignum est, in tanto honore Alexander Severus habuit viros juris peritos, ut nullam legem sacraverit, sine 20. jurisperitorum, & quinquaginta disertissimorum consilio. Elias Lamprid. in ejus vitâ.

Idem

Idem quod Ahasuerum olim observasse Sacris litteris est proditum, qui convocatis legum peritis cum iisdem deliberat, de Regina Vasti deferendâ. Ester 1. v. 13. 14. Hoc si sequerentur Rerumpublicarum moderatores, aliquanto melius cum humanis rebus ageretur. Vid. Hippolit. de Coll. in Tract. de Consil. Princ. Vasquez. Illustr. Controv. 1. c. 23. Althus. c. ult. Politic. n. 7. Chokier. Aphorif. Polit. 2. c. 23. & lib. 3. Althus. dicajol. lib. 1. c. 14. n. 20.

2. *Ex quaestore & ex consule.*] Num hæ voces è latinitate mediâ sint petita, inter literatores disquiritur. Quod licet alii negent, & pernegent, mihi tamen ita videtur cum Crinito, Accursio, in quos inscribit Alciatus 4. disjunct. 3. sed perperam. Nam & ante Justiniani tempora, cum in flore etiamnum esset lingua latina, Exquaestor ille, qui functus erat quaesturâ, dictus fuit. Nec tantum apud Isidorum de Originibus, Annianum Marcellinum, qui inter posteriores refertur, verum & apud Cicronem, Varro- nem, vocula ex præmissa hunc admisit sensum, ut apposita nomini munus aut honorem significanti, illius privationem designaret. Ita apud illos *excursiati* dicuntur, qui curiâ exacti sunt. Et apud Valerium Maximum libr. 3. *Ex consul* distinctis vocabulis dictus est Crassus, post depositum consulatum. Licet nequeam inficiari ætate mediâ, sæpiusculum illum ubique sensum admissum fuisse. Vid. Jos. Castal. Variar. lection. cap. 15.
3. *Viris Illustribus & Antecessoribus.*] In scholâ jura docebant antecessores, Theophilus & Cratinus Constantinopoli, Dorotheus & Anatolius Beryti, alique quatuor Romæ, idque jussu Imperatoris, qui hæc tria loca illi studio destinaverat. Quanquam ante Justinianum Theodosius huic docendi muneri tam Romæ, quam Constantinopoli, non nisi duos præfecerit. l. 1. Cod. de Vet. jure enucl. l. unic. Cod. de Studiis liber. Urbis Romæ. Rectissime itaque numerum Professorum auxit Justinianus Imperator, idque in gratiam studiosæ juventutis, ne quid eorum promotioni decisset. Forster. Hist. jur. civil. libr. 3. c. 2. Est enim res apprime necessaria, ut in bene constitutâ republicâ, litterarum & facultatum studiis loca designentur, nisi que viri egregii, non tantum eruditionis sed etiani vitæ probatæ, assignatis honorariis præficiantur. l. 1. D. decret. ab ordin. faciens. Vid. tit. Cod. de Prof. & Med. tit. Cod. de Prof. qui in Urbe Constant. tit. C. de studiis liber. Urbis Rom. Vid. Lipsum in Mon. & Exemplis in fin. Gregor. Tholos. libr. 15. 16. 17. 18. de Republic. Francisc. Benius de Priv. Jurisconsult. in inix. Besold. de Jure Academ. c. 2. 3. & de Educat. c. 2. 3. 4. Mal- fossæum Orat. 1. de litt. & schol. laudib. Francisc. Junii Academicam. Réve- rendiss. meum Parent. in Concione in templo majori habitâ, ad petitionem Curatorum, cum Ultraj. Academ. inauguraretur. Qui tamen Justiniani tem-

tempore non nisi ad annum illi curæ vacabant, quo elapso, sicuti magistratus erat annuus, in eorum locum alii fuere suffecti. tit. D. de Method. doc. juris ad Antecess. direct. Baro in comm. D. ad d. tit.

MORIBUS.

Ufu recepto Galliz, & nostrarum Provinciæ, sicut magistratus dignitas in plerisque locis est perpetua, seu ad vitam, ita etiam Antecessores cingulum semel acceptum retinent, nisi se indignos suo gesserint officio, quod utique adhibita causæ cognitione est examinandum, quo de re manifestè constat. l. 1. 8. Cod. Prof. & Medic. Baro in comm. Poster. ad jus Gall. tit. D. de Method. doc. juris. Imbert. Enchir. jur. in v. Abbas. Gabriel. tit. de jure quæsit. non auferend. Perez. ad tit. Cod. de Domest. & Protector. n. fin. Sand. 5. decis. 10. def. 2. Rauchb. quæst. jur. Saxo. 11. p. 2.

Mandavimus specialiter.] Censent interpretes in legibus conscribendis 5. speciali Principis mandato opus esse, ut hic. Mozz. 2. de division. Mandat. n. 43. & 51. Cujus mandati in omnibus negotiis gerendis non exigua virtus est & efficacia. l. 3. §. 1. D. quod quisque juris. l. non solum. 5. ult. D. de Procurat. l. nam & nocere. D. de Pact. l. 3. D. de Accept. Balduin. hic. Vide varios casus, in quibus requiritur speciale mandatum. apud Myns. 2. obs. 26. Fabr. Cod. 8. tit. 29. def. 24. Wurmser. 1. tit. 1. obs. 7. 13. Bocer. p. 1. Class. 2. disput. de Mand. thes. 62. Rauchb. 1. q. 8.

Non ab antiquis fabulis.] Non intelligit incertas falsasque doctorum opiniones, uti hoc perperam voluit Balduin. neque enim illis evolvendis unquam studiosa juvenus dedit operam. Non etiam ambitiosam legum ignotarum allegationem, uti censuit Cujac. ex Ammian. Marcell. histor. libr. 30. Quid enim utilitatis earum cognitio juris tyronibus attulisset? Non itidem antiquorum autorum responsa, aut jura antiqua, ut quæ in unum volumen Justinianus collegit, quorumque studium etiam commendavit. §. 5. Instit. Procem. init. Instit. de Testam. ordin.

Ut dicendum videatur per antiquas fabulas intelligi, ritus & solemnia, quæ olim in nuptiis, testamentis, emancipationibus, adoptionibus, aliisque actibus legitimis adhibebantur. l. 77. D. de Reg. juris. l. 1. Cod. Formul. Sublat. Et eo fere sensu Sempron. Asellio apud Aul. Gellium. 5. c. 18. fabulas appellat annales, quæ quidem antea fuere utiles, post autem melioribus repertis in usu esse desierunt. Scipio Gentilis 2. Parerg. 26. Gerard. Johann. Vossius de Arte historic. c. 26.

Inipsis verum obinet argumentis.] Intellige res utiles in Institutionibus 7. pertractari, à potiori parte, non eas, quæ usum nullum præsent, quales erant antiqui illi ritus in actibus solemnibus, & alibi adhibiti. Non itaque

hic excludit magis scholastica, quasi solummodo velit forensia, de quibus §. pen. Instit. de Satisfact. uti putat Rævard. 3. Conject. 19. Scholastica quippe æque sunt addiscenda, atque forensia; non minus usum postmodum exhibitura, quam cætera. Neque enim alia in scholis sunt discenda atque docenda, quam quæ ad forum, saltem ad argumentandum, possint accommodari. Arg. §. pen. Instit. de Satisfact. l. omnem. §. 1. de Ration. jur. docend. Vid. meum tract. de Ufu juris civil. & Canon. in Belgio fœder. c. 2.

Quotus enim quisque tam patiens est, ut velit discere, quod in usu non sit habiturus. Plin. Epistol. 8. Ut hic jure merito applicueris responsum Leotychidæ apud Plutarch. in apotheg. qui interrogatus quid ingenuos discere oporteat, aiebat: hac esse, quæ usui eis futura sint, cum viri evaserint.

§. 4.

1. *Digesta cur ita dicta.*

| 2. *Pandectæ cur appellatæ.*

1. **I**gitur post libros 50. *Digestorum.*] Digesta à digerendo ita dicta, quasi omnia jura antiqua confusa antea in ordinem sint redacta, ab æconomiâ seu dispositione juris desumptâ voce. §. 1. de concept. Digest. §. 5. de confirm. Dig. ad Sen. & omn. populi. Id quod intenderat Justinianus, exempli secutus antiquorum Jurisconsultorum, Juliani, Celsi, Marcelli, Scævola, qui Dig. nomine sua scripta donarunt. Non tamen quod propositum habuit, recte perfecit, saltem scopum Imperatoris Tribonianus non est assecutus. Licet enim, si contentum spectemus Digestorum, nihil sit perfectius, ejus tamen collocatione nihil est perversius. Omnia enim sunt confusa, disjecta, indigesta, nec inter se coherent, nec invicem ullo sequuntur ordine. Ut frustra cum quærat & investiget Cujacius, & quandoque in Parat. D. vium faciat rei, dum nexum fabricat. Vid. Donell. 1. Comm. 1. Ibi que Hillig. Hottom. in Præf. lib. 5. observ. Duaren. 1. disput. Anniv. 55.

Non tamen ea propter alia juris erit quærenda methodus, quam quæ in Pandectis tradita. Sufficit doctoribus & discipulis, quod in explicandâ juris materiâ sequantur Digestorum libros atque titulos. Ne dum operosi sunt circa compendia, circa ipsam dispositionem, plus ei temporis impendant, quam ipsi rei, sicque juvenum animi ab ipsis legibus, à textu juris avertantur. Maxime cum hætenus nemo eâ dispositione omnem juris materiam fuerit complexus, quæ omnibus placeat, quæque magis sit profutura, quam si seriem titulorum, ut sunt collocati, eorumque explicationem observet. Vid. Contium. 1. lect. 11. Duaren. 1. disp. Anniv. 55. Mercer. 1. opin. 1. Gothefred. ad l. 2. D. de stat. homin.

2. *Sen Pandectarum.*] Signantur hi libri Pandectarum nomine, quod in unum volumen collectam habeant omnem juris doctrinam. §. 4. hic. Con-
sist.

fit. D. ad omn. popul. §. 1. & de Conf. D. ad Magn. Senat. §. 1. Neque hoc genus inscriptionis ambitiosum cuiquam videri poterit, modo cogitet, non tantum omnis juris materiam, tam divini quam humani, tam publici, quam privati; verum etiam omnium disciplinarum regulas bene multas, principia, quæstiones hoc volumine contineri. Ut non immerito Pandectæ sint veluti omnium artium, & scientiarum circulus, seu encyclopædia, uti in scholis loquuntur. Quæ eapropter non rite absolvuntur, nisi præmissâ aliquali aliarum disciplinarum cognitione. Novum autem non est Pandectarum vocabulum, à Triboniano primum inventum, cum & eo usus sit Ulpianus in numero singulari, qui scripsit 10. libros *πανδεκτῶν*; & in numero plurali Modestinus, quorum librorum frequens est in jure nostro mentio. Vid. Alciat. 2. Prætermis. circa princ. Duaren. in Enarrat. D. cap. 2. Vallam in Præf. libr. 3. Elegant. Christof. Longuol. Orat. ad Pand. p. 11. Budæum in l. 1. D. contr. Empt. Jacob. Bourcium in Panegy. ad Pand. Wouwer. in Polymath. c. 13. in fin. Befold. Præcog. Miscell. Gener. ad Pand. n. 1. 2. & seqq. meum Tract. de usu jur. civil. & can. in Belgio fœder. c. 3.

§. 5.

Antiquitatis studium Commendatur.

ET quod antea obtinebat.] Antiquitatis studium juris studioso non esse abjiciendum, vel hinc colligere licebit, quod illud cum novitate junxerit Imperator. Et sicuti res oppositæ juxta invicem collocatæ magis elucescunt, ita etiam ex collatione ejus, quod in defuetudinem abiit, innotescet novitas. Et certè non contemnendum in jure præbet usum cognitio antiquitatis, & in quantum inde rectè argumentamur; & in quantum demum eâ præmissâ accuratè leges earumque casus explicantur. Cujus scientiâ si antiqui illi Glossographi præditi fuissent, opera propemodum divina posteris reliquissent. §. 10. de Veter. Jur. Enucleand. Budæus in l. 1. D. de contr. Empt. & fol. 112. v. quomodo autem. Thomæ Freigii oratio cum ibi seqq. de Antiquit. studio. post Rosini Antiq. impress. vide meum tract. de usu juris civil. & Can. in Belgio fœderat. c. 3. n. 4.

§. 6.

- | | |
|---|---|
| 1. Nihil probandum est, quod non probe perfectum. | 3. Ea facimus nostra, quibus nostram accommodamus auctoritatem. |
| 2. Methodus LL. conciliandarum explicatur. | 4. Cur Imperator de se loquatur in numero plurali, explicatur. |

Legimus, recognovimus.] Est officium viri Principis non facile scripturæ alicui auctoritatem suam accommodare, nisi eam probe legerit & expen-

penderit, vel per se, vel per suos fidos consiliarios. l. 8. Cod. de leg. Et habet vocula *recognitionis* emphasim, quod plus sit *recognoscere* quam dicere, quam cognoscere, ut in l. 1. §. inter. D. l. Cornel. de Fals. Quasi accuratum iudicium quam maxime in Imperatore desideretur, & *proferenda prius suo committat examini*, quod *pauitenda loqui nesciat*, ut scribit *Cassiod. lib. 10. c. 4.*

2. *Plenissimum nostrarum constitutionum robur.*] Institutionibus ab Imperatore vis atque robur legum tribuitur, ut iis non tantum in legendo, sed etiam in respondendo, in iudicando liceat uti. De Concept. Dig. incipit *Deo auctore*. l. 1. Cod. de Veter. Jure Enucl.

Quid igitur in concursu agendum erit, si forte in nonnullis institutionum libri videantur Pandectis, aut Codici adversari? *Resp.* Licet quandoque, si quæ sententia obscura sit in Institutionibus, explicari debeat ex Pandectis, tanquam commentario latiore: nonnunquam tamen ex Institutionibus emendandæ sunt Pandectæ. Nam Institutiones ea continent, quæ in ipsis rerum obtinent argumentis, & imperiali splendore, id est Imperatorum constitutionibus sunt illustratæ, ut responsis Jurisconsultorum sint præferenda. l. 7. in fin. l. 8. D. de Rerum Divis. §. 3. in fin. §. 5. hic. §. ult. Instit. Qui sui vel alien. jur. §. fin. de Libertin. §. 5. de Exhæred. liberor. Quinimo quibusdam in locis vel ipse codex Justinianæus per Institutiones explicatur, in quantum novæ constitutionis Imperator facit mentionem, quæ tamen vel non reperitur in codice, vel saltem de eâ disquiritur inter interpretes. Vid. §. fin. de Libert. §. fin. de Adopt. §. 5. de Exhæred. liber. §. pen. de Hæred. qualit. Vid. Duaten. Enarr. D. c. 3. Cont. 1. lecti. subsec. 7. Donell. 3. Comm. 12. Vultejum Proleg. Jurispr. Roman. fol. 23, Alber. de libro jur. civil. c. 1. Quid si non probe conciliari possint, quæ Institutionibus, Pandectis, & Codice continentur? Omnibus prius examinatis probe, tentatis omnibus, servatis regulis de quibus conciliatores legum, sciendum erit, voluisse quidem Justinianum, ut omnis contradictio ipso jure cessaret, §. 8. de Concept. Dig. ad Tribon. & §. 15. D. Ad Senat. & populum. §. 15. tit. de Veter. Jure Enucleand. Non tamen id peregrisse Tribonianum, vixque id ipsum citra divinitatem fieri potuisse. Ut sibi etiam diffidere videatur Imperator hæc in parte. §. 13. 14. 15. D. de Confirm. D. Ad Mag. Senat. & de Veter. Jure Enucl.

Neque religioni habendum erit, si perhibeamus in tam difficili & longo pandectarum opere juris compositores quandoque dormitasse. Maxime cum omnium habere memoriam, in nullo aberrare, aut desletere, non sit mortalis constantia, aut roboris. §. 13. de Vet. Jure Enucl.

Budæus in adnot. prior. ad l. ult. D. Edict. Covarr. 1. Varios. 3. Pinell. ad l. 2. Cod. de Rescind. Vend. c. 4. p. 2. n. 53. & seqq. Wesemb. Parat.

Parat. lib. 11. tit. 14. n. 9. Mercetius in suo Concil. Vid. Befold. Præcog-Miscell. General. n. 7. 8. ibique DD. diff. Zaliuum tract. de Antin. Dua-zen. Enarr. D. c. 3. Charond. 2. Verisim. 1.

Nostratum constitutionum robur accommodavimus.] Quod quis per alium facit, per se facere censetur. l. 15. D. Ad l. Cornel. de Sicar. Eaque nostra facimus, quibus nostram accommodamus auctoritatem. hic. l. 3. D. de Auctorit. Tutor. l. 6. D. de Just. & Jure. §. 1. Instit. de Obligat. l. unic. Cod. de Famof. libell. Alberic. de libr. Jur. Canon. c. 2. p. 7. & 19. Vaz. Barbof. in v. nostra. p. 246.

Legimus, recognovimus.] Imperatores in plurali numero de se loqui a- mant, licet nomen propriū in numero singulari fuerit præmissum, aut postpositum. Ita scribunt, *nos Carolus Dei gratia, &c.* An per heterosin pluralis pro singulari quod oratoribus & poetis est usitatum, etiam dum de se loquuntur? Fabius libr. 8. c. 6. Vallalibr. 3. c. 11. Nequaquam. Nihil enim tum supereminens in viro Principe cerneretur, per quod à plebe distingueretur. Nam similes locutiones occurrunt apud Plautum in Amphitruone. *Quis igitur nisi vos narravit mihi, illi ut fuerit prælium.* Loquitur soli Amphitruoni Alcumena. Et apud Terent. in Adelph. *Ita ut dixi Sofstrata, facite.* An potius hæc locutio viris Principibus erit propria, idque ad evitandam invidiam, ne soli videantur omnia agere; quasi tyrannidem sapiat, potestatem cum nullo prorsus communem habere? Forte. Vid. Erasmus de Conscrib. Epistol. & in epitom. de Verbor. copiâ. lib. 2. p. mihi. 337. An quia Princeps sub unâ personâ multos id est universum populum refert, qui omnem suam in Principem transulit potestatem; sic ut unus omnium subeat vicem, quod jus omnium in unum reciderit? Quod forte non improbabile, Arg. §. 6. Instit. de Jure Nat. Gent. & civil. l. 7. in fin. D. Quod cujusque Univ. Nom. Nam quoties plures repræsentat unus, toties idem juris de uno, quod de pluribus statuendum est l. 20. D. de leg. 2. l. 44. §. 8. ibique Gothefred. D. de condit. & Demonstr. Reinard. Robbich. lexic. crit. Nov. libr. 3. c. 9. An vero hunc loquendi modum superbum à vulgari distinctum, virorum Principum introduxit fastus & ambitio? Id equidem affirmandum esse judicarem, quod antiquis temporibus ille loquendi modus non fuerit usitatus, forte non ante Constantinum Imperatorem. l. 1. Cod. Ut nem. liceat in empt. Nisi quispiam magistratu tali fungeretur, in quo collegam haberet: tunc enim quasi cum collegâ negotium communicans, scribebat; consideravimus, retulimus, statuimus. Unde cum Cæsar Julius quid statuisset cum suo collegâ Bibulo, cujus tantum nomine ad invidiam potestatis declinandam abutebatur, milites per jocum dicebant, *Cæsare & Julio consulibus*, quod per Bibulum consulem nihil

hil ageretur. Suet. in vitâ Cæsar. Ut hic in transitu lubeat adnotare errorem Socinianorum, qui ut divinæ Trinitatis mysterium, atque omnium personarum æqualem divinitatem eludant, ad loca Scripturæ Genes. 1. 4. 26. & 3. v. 22. existimant Deum ibidem secundum morem Imperatorum, Regum, Principum locutum fuisse. Quasi Deo conveniat hic loquendi modus, ut vel ad invidiam evitandam, vel per fastum, vel quia omnium nomine quos repræsentaret, ita loqueretur. Absint procul hæ Glossæ, quæ textum corrumpunt, nec inveniunt illo casu similem. Vid. Panciroll. Thesaur. Variar. lect. 4. cap. 2.

5. 7.

1. Hortatio ad studium Juris.

2. Tempus certum fuit Juris studio præfixum.

3. Quot modi scribendi Veteribus fuerint usurati?

4. Cur Imperatores DOMINI appellati?

5. De cognomento PATER PATRIÆ disseritur.

1. **S**ummâ itaque ope.] Hactenus de se locutus est Imperator, suosque co-
latus, labores studiosæ juventuti comprobavit. Orationem suam hic
convertit ad jurisinitiatos, quos ad diligentiam & alacritatem, præmiis
propositis, hortatur. Non divitias aut pecuniarum acervos, non aureos
montes pollicetur, verum honores omni auro pretiosiores. Jurispruden-
tia enim res est sanctissima, res divina, quæ ut pretio venalis non est, ita nec
re nummariâ æstimari potest. l. 1. D. Extraord. Cognit. Et quanquam
ars nostra neminem in paupertate vivere permittat, aut in anxietate mori,
Nov. 1. in epilog. potissimum tamen gloriæ cupido, ipsa dignitas, genero-
sos stimulat animos ad jurisstudium, quos spes fovet, posse per eos quon-
dam reipublicam gubernari. Et certè tum aptissimi omnium judicio cen-
sebuntur, cum non in frigidis quarundam legum civilium hæserint argutiis,
verum in masculo juris studio rerum usu, morum ratione. Inutilis namq; illa
censenda est civilis eruditio, quæ in infinitarum quæstionum vanâ subtili-
tate consistit; quarum fructus ad usum reipublicæ, proximi commodum,
litium decisionem non destinatur. Etenim cognitio contemplatioque manca
quodammodo atque inchoata esset, si nulla actio rerum consequeretur. Cicero 1. de
Offic. 5. 2. hic. vid. multa huc facientia apud Symmach. 1. lib. Epistol. 21.
37. 43. 73. Alciat. de Jasone Parerg. 5. c. 26. Cujac. ad Pompon. de O-
rigin. Juris p. 85. in fol.

2. **Toto opere legitimo perfecto.]** Vel legi poterit, toto opere legitimè per-
lecto, id est, tum deum studiosi Juris digni censebuntur, quibus frena no-
bilibium urbium committantur regenda, si legitimum studiorum cursum, se-
cundum

cundum tempora præscripta absolverint. Et olim quidem juri absolvendo quadriennium studiosis erat præfixum §. nos vero. de Concept. Dig. Forster. Histor. Jur. Civil. lib. 3. c. 3. quod ad quinquennium inspectâ juris difficultate, materiarum infinitarum varietate, non immerito extendit Justinianus. §. 1. de Ratione docend. juris. vid. l. 3. §. 4. §. 5. l. 5. §. 4. 5. Cod. de Advoc. Divers. Judic. Et quemadmodum post quinquennale spatium, in numerum Jurisconsultorum recipitur juris studiosus, ita etiam per absentiam quinquennalem, qui in numerum erat relatus, è matriculâ deletur Advocatorum. Arg. l. 2. Cod. Primic. l. 3. Cod. de Domest. lib. 12. Vid. Alex. vol. 4. Confil. 46.

M O R I B U S .

Non debuissent nostri mores illa tempora studio juris præscripta repudiâsse, quod nobis juris scientia facta sit longe difficilior propter Feudalia jura, & jura statutoria. Cujac. 12. obsult. Besold. Præcogn. Misc. Gener. ad P. n. 16. Si quis tamen adeo propitium nactus sit genium, adeo faventem experiatur naturam labore & industriâ comite, ut vel citius suis passibus latifundia juris emetiri possit, non est quod quispiam ei invidet, sed potius conatus, & successum laudet, & imitetur. Variant tamen & de moribus ea tempora licet nostris nulla sint stata aut determinata, ne ingeniis remoram injicere videamur, vel de omnibus æquale ferre judicium. Vid. Baron. ad D. tit. de Method. Docendi juris, in comm. ad jus Gall. Zoef. in Proœm. D. n. 12. De Temporibus alibi singulis assignatis, tum Baccalaureis, tum Doctõribus, vid. Rebuff. tract. de Nominat. quæst. 5.

J U R E C A N O N I C O .

Ad Sacerdotium de jure can. non debent promoveri, nisi per septennium studiis vacaverint. c. cum ex eo. 34. de Elect. & Elect. Potest. in 6. in cæteris disciplinis quinquennium desideratur. c. fin. de Magistr.

D. C. P. 11. Kal. Decembr. D. Justiniano PP. A.] Fuit apud antiquos, 3. quod hic in transitu explicandum, scribendi triplex ratio, notis, litteris singulis, & verbis integris. Nota quidem signa appellata, quod vox signi generalis esset, erant tamen exigua figuræ, plurium litterarum vim habentes. Plutarch. in Catone. Quinimo quandoque vocabulum generis, applicatur certæ speciei, & ita per Signa nonnunquam, Notarum signa significant. Comprehendebant signis, quod litteris non poterant, loquitur de notis Sidon. Apollin. libr. 9. epist. 8. Quæ Ausonio Epigram. 138. Punctorum veniunt nomine. Sigla, græcis σίγλα, sunt literæ singulares, seu quæ singulæ per se quid significant. Justinianus ea signa compendiosa nominat, eorumque usum è Pandectarum libris pellit. §. 13. de Concept. D. ad Tribon.

bon. §. 22. de Concept. D. ad Senat. & Popul. Idque propterea, ne qua fraus aut error subesset. Sicuti testamenta notis scribi prohibitum est, nisi sint militaria. Et licet *Nota & Sigla* sint distincta, videntur tamen quandoque *nota* pro siglis acceptæ fuisse; quo sensu generali, sicuti & signa complectentur literas singulas, seu singulares; id est *Sigla*. Sic enim alibi Festus. *Nota nunc significat signum, nunc litteras singulas, aut binas*. Quod etiam servat Aldus Manut. in Comment. de Veter. Notar. Explicat. Neque obs. l. 6. §. fin. D. de Bonor. Poss. ubi legitur notas litteras non esse. Vel enim sensus est, notas in propriâ & specificâ significatione, non esse litteras, id est sigla; vel notas non esse litteras, id est, scripturam integram, quæ constat litteris in numero plurali, verum sine notis. Vid. l. 40. §. 1. D. de Testam. Milit. ita alibi Wouwer. in Polymath. Modus tertius scribendi per integra verba notior est, quam ut egeat explicatione. Vulgo enim ita scribitur, per plures litteras, ex quibus coagmentatis fiunt syllabæ, & ita ex unâ vel pluribus syllabis, verbum. Quæ scribendi ratio, licet non adeo sit velox, sic ut manus linguæ celeritatem non assequatur, tantum abest, ut superet, est tamen magis certa, & minus erroribus obnoxia. Vid. Alciat. in Proem. libr. 3. dispunct. Cujac. 3. obs. 3. & 12. obs. c. fin. Brisson. 4. Select. Interpret. 21. Panciroll. rerum memor. p. 2. c. 14. Muret. 19. Variar. lect. 8.

Verum revertar ad subscriptionem Justiniani per *Sigla* factam, quæ ita legenda per integra verba. *Datum Constantinopoli, Domino Justiniano P. P. A.*

Neq; hic explicabo, quæ fuerit urbs Constantinopolitana, olim Byzantium appellata, post sedes imperii facta in oriente, à Magno Constantino denominata. Ortelii lex. Geographic. litt. c. Cum in occidente sedes imperii esset Roma, quæ & eo tempore, quo utrumq; imperium, uti sub Justiniano, erat conjunctum, primaria fuit utriusque sedes, caput Gentis, privilegiis ornata supra Constantinopolim; cujus ecclesiæ propterea Imperator post Romanam primas assignavit. in l. inter Claras. l. Reddentes. Cod. de Summ. Trinit.

4. Verum non nihil hic adjiciendum de *Domini* appellatione, quâ nonnulli viri Principes fuere insigniti, invidiosâ tamen & subditis intolerandâ voce. Dominatio enim speciem quam tyrannidis referre videtur, subditique non herile, sed paternum regimen desiderant. Ut filii non ut servi vel mancipia se regi patiuntur, quibus non placet, oderint dummodo metuant, verum metuant, dum ament. Quamobrem Augustus Imperator, *domini appellationem, ut maledictum & opprobrium semper horruit*, teste Sueton. in ejus vitâ. c. 53. non autem quod verum dominum, supple Christum in orbe nasci sentiret, ut scribit Oros. 6. c. 20. Quid quod etiam Tiberius cum esset à quodam

appellatus *Dominus* denunciaverit, ne se amplius contumeliæ causâ nominaret. Suet. in ejus vitâ cap. 27. Ut improbitas & fastus fuerit notatus Caligulæ, Domitiani aliorumque, qui se *Dominos* appellari vulerint, cum parum aut nihil à Tyrannide abessent. Sueton. in eorum vitâ. Et si rectâ ratione pensitentur omnia, vere & absolutè loquendo, nonnisi unum esse *Dominum*, Deum omnipotentem, Christianè nos decet asserere. l. 1. in init. Cod. de Offic. Prætor. Afric. in inscript. Proœm. hic. Quod non tantum agnovit superbissimus Nabuchodonosor, Daniel c. 4. Pharaon Rex Ægyptiorum, Exod. 9. verum etiam gentes cæteræ naturâ magistrâ. Psal. 82. Johann. 5. Apocal. 9. Per usum tamen postmodum in mitiorem significationem vox *Domini* fuit accepta, adeoque amabili gubernationi applicata. Ut mirum nemini videri debeat, si Imperator noster Justinianus, cætera modestissimus (ut qui servum se dixit ultimum Dei l. 1. in init. Cod. de Off. Præf. Prætor. Afric.) eam appellationem sibi tribui fuerit passus, quam ante eundem viri Principes, subditorum patres, uti Trajanus & Antoninus Pius, lubentes amplexi fuerunt. Plin. in Panegy. ad Trajan. l. 9. D. Ad l. Rhod. de jactu. Gregorius tamen Episcopus, dum interim in ipsos terrarum dominos meditatur dominatum, in proœmio decretalium, *se servum servorum Dei* appellat. Quod quidem institutum foret laudabile, si non esset simulatum, nec cum piâ quâ fraude permixtum. Nam quæ personæ proximius Dei ministerio volunt esse participatæ, etiam titulis humilioribus consentire debent, & imitari, quod discipulos docuit Salvator: qui major est vestrum, fiat sicut minister vester. Matth. 10. Marc. 10. Lucæ. 22. l. inter Claras. in fin. & l. fin. Cod. de Summ. Trinit. Capitul. Carol. & Ludovici Imperatorum libr. 6. c. 230. c. nullus primas. 9. quæst. 3. c. multi. dist. 40. olim. dist. 95. Marfil. Patav. defens. Pacis p. 2. c. 4. pag. 135. Joh. Hoornbeeck ad Bull. Innoc. 10. Papæ. p. mihi. 252. 253.

D. Justiniano P. P. A.] Secundum vulgatam opinionem hæc Sigla explicantur per sequentia, *Domino Justiniano Perpetuo Augusto*. Non tamen absonum foret, si per sequentia verba explicarentur, *Patre Patria, Augusto*, maxime si Principis spectemus officium, cui quod parenti, etiam faciendum est: quem appellabimus, inquit Senec. de Clem. 1. c. 14. patrem Patriæ, non adulatione vanâ adducti. Cætera cognomenta honori data sunt. Magnos & felices, & Augustos diximus, & ambitiosa majestati quicquid potuimus titulorum concessimus, illis hoc tribuentes. Patrem quidem Patriæ appellavimus, ut sciret datam sibi potestatem Patriam: quæ est temperatissima, liberis consulens, suæque possillos ponens. Neque tantum viris Principibus hæc nomina tributa. Suet. in August. 58. & in l. ult. D. Interd. & Releg. qui ea quandoque recusabant, si assentandi animo delata animadvertent, Sueton. in Tiber. c. 26.

D

Tacit.

Tacit. 1. Ann. c. 72. Verum eo usque processit adulatio, ut Senatores Augusti tempore Juliam Augustam Patrię matrem appellarent. *Multa Patrum & in Augustam adulatio, alii Parentem; alii matrem Patrię appellandam; plerisque ut nomini Caesaris adscriberetur Julia filius, censebant.* Tacit. Annal. 1. c. 14. Citra tamen assentationem quandoque Consulibus is honor fuit habitus, & exercitus Imperatori, ut Pater Patrię appellaretur; non ut bene de republica merito, verum ut reipublicę conservatori. Id quod singulari jure Ciceroni primitus applicatum, & forte ante eum Consulum nulli, iteo quod conjurationem Catilinariam extinxisset.

Roma parentem

Roma patrem patrię Ciceronem libera dixit.

Juvenal. Satir. 8. Plin. 7. Epist. 30. Et Cicero in Pisonem de se ipso. *Me, inquit, Q. Catulus, Princeps hujus ordinis, & author publici consilii, frequentissimo Senatu parentem patrię nominavit. Mihi Clarissimus, qui propter te sedet, l. Gellius his audientibus civicam coronam deberi à republic. dixit, mihi togato senatus, non ut multis bene gesta, sed ut nemi, conservata reipublica singulari genere supplicationis Deorum immortalium templa patefecit.* Etiam in Oratione pro P. Sextio. *Me multi in senatu patrem patrię nominarunt.* Vid. Anton. August. Dialog. antiq. 10. p. mihi. 153.



LIBER. I. TITULUS. I.

D E

J U S T I T I A & J U R E.

Justitia est constans & perpetua voluntas jus suum cuique tribuendi.

1. Jurisprudentia est divinarum atque humanarum rerum notitia, justī atque injustī scientia.

2. His igitur generaliter cognitis, & incipientibus nobis exponere Jura populi Romani, ita videntur posse tradi commodissimè, si primò levi ac simplici viâ, post deinde diligentissimâ atque exactissimâ interpretatione, singula tradantur. Alioqui si statim ab initio rudem adhuc & infirmum animum studiosi, multitudine ac varietatē rerum oneraverimus, duorum alterum, a ut deserto rem studiorum efficiemus, aut cum magno labore, sæpè etiam cum diffidentia, (quæ plerumque juvenēs avertit) seriùs ad id perducemus, ad quod, leviori viâ ductus, sine magno labore, & sine ullâ diffidentia, maturiùs perducī potuisset.

3. Juris præcepta sunt hæc, Honestè vivere, Alterum non lædere, Suum cuique tribuere.

4. Hujus studii duæ sunt positiones, Publicum & Privatum. Publicum jus est, quod ad statum rei Romanæ spectat. Privatum, quod ad singulorum utilitatem pertinet.

Dicendum est igitur de Jure privato, quod tripartitum est: collectum est enim ex naturalibus præceptis, aut gentium, aut civilibus.


A 2

COM-

COMMENTARIUS.

INITIUM.

1. Definitiones Juris-consultorum non sunt ad regulas logicas examinandas.
2. Definitio JUSTITIÆ descenditur.
3. Ea in Concreto definitur, & ut est JUSTITIA humana,
4. Respicit JUSTITIA potissimum proximum.
5. Et ut Tu proximo, non Ille tibi jus reddat.
6. Definitur JUSTITIA, & dividitur.
7. Ea in Jure, explicatur, quæ est Universalis. & quid jure divino, describitur.
8. JUSTITIA Particularis definitur & dividitur.
9. De Moribus JUSTITIA in altam, mediam & bassam dividitur.

1.  *ustitia est.*] Compendium civilis scientiæ traditurus Imperator, ab ejusdem fundamento, id quod etiam in Pandectis observatum, jure merito orditur. Adeoque Institutionum vestibulum exornat, Justitiæ & Juris, ejusque regularum explicatione. Quæ omnia ex illâ deducuntur disciplinâ, (Philosophiam Præcticam designo) cuius nostrum subiacet. Ut si quæ circa hæc primordia difficultas incidat, ex principiis practicis, quorum pleraque conscientis hominum indita, sint decidenda. Bracton de leg. & consuet. Anglic. libr. 1. c. 2. §. 6. Ames. casus conscient. 1. c. 1. & 5. c. 1. n. 22, 23.
- Justitia* quod spectat definitionem, quæ omnium primum locum sibi vindicat, ejus autorem Simonidem laudat Plato. 2. de Republic. Secutus eundem ex parte Cicero 2. de inventione. *Est habitus animi, communi utilitate conservata, suamque cuique tribuens dignitatem.* Vel ut 3. Ad Herennium: *justitia est æquitas, jus unicuique tribuens, pro dignitate cuiusque.* Pressius & elegantius noster Ulpianus, qui omnia, secutus antiquiores, paucis est complexus. *Justitia est constans & perpetua voluntas jus suum cuique tribuendi.* hic. & l. 1. D. eod. Quam definitionem, si ea commodâ jurevetur interpretatione, rejiciendam non esse, & quidem omnibus suis partibus constare, defendi optime potest. Non tamen existimandum omnis definitionis membra ad logicorum regulas esse examinanda, quod suffecerit rem ipsam eâ contineri, licet sub loquendi modo elegantiori, quam quo utuntur Dialectici. Jurisconsultis, quod alibi de Varrone Gellius, non fuit negotium, ut superstitiose definirent, & legibus rationibusque omnibus definitionum interservirent

rent: satis enim visum est ejusmodi facere demonstrationem, quod genus Græci *ῥῆσις* magis, & *ὑποτάξις*, quam *ἐπισήμη* vocant. Et quamquam Jurisconsultorum definitiones sint bonæ, rem & sententiam rei, quæ explicanda proponitur, contineant, si tamen singula verba spectemus, quæ captari non oportet, quandoque improprie fuere locuti. Ut merito dixerit Javolenus, omnis definitio in jure periculosa est, parumque abest, ut non subverti possit. l. 202. D. de Regul. jur. Alciar. 1. Parerg. 31.

Verum ut sensus definitionis propositæ sit clarus, omnisque cavillandi 2. ansa resecetur, id erit præmittendum, eam genere & differentiâ constare, & quidem genere proximo, & differentiâ specificâ, si rem spectemus. Nam quid hic aliud per *voluntatem perpetuam* designatur, quam voluntatis habitus, quæ virtus est moralis, proximum justitiæ genus. Neque enim in actu, sed in tali habitu datur aliqua perpetuitas inclinationis, ut cuique quod ei debetur tribuamus. Nec qui vult forte aliquem justitiæ actum exercere statim dicendus erit justus, nedum si eam forsitan producat. Verum cujus animus, crebris præceptis imbutus, actionibus multis in justitiæ bono confirmatus, propensus est, ut cuique perpetuo tribuat, quod suum est, licet quandoque in bono vacillet proposito, ut successus non semper intentioni respondeat, actus habitus, eventui animus.

Neque quod per *voluntatem perpetuam* J.C. habitum voluntatis, vel in voluntate residentem virtutem, intelligat, est improbandum. Potius hæc locutio intelligenti erit grata, in quantum tropi & figuræ Rhetoricæ licite ad elegantiam, quæ etiam Jurisconsulto cordi est, adhibentur. Est enim vel metonymia subjecti pro adjuncto, ut justitia dicatur voluntas, quod resideat in voluntate, vel causæ pro effectû, in quantum est virtus, quæ profluit à voluntate, & exercetur ab eo, qui propensam habet voluntatem præstandi quod æquum & justum est.

Quid denique per phrasin, *jus suum cuique tribuendi*, denotari hic poterit, si non genuina justitiæ differentia, per quam ab aliis moralibus virtutibus discriminatur. Ne tamen eam adeo stricte explicaveris, quin eâ completaris omnia juris præcepta. Licet enim hic actus justitiæ, si stricte accipiat loquendi modus, tantum esset justitiæ particula, sicque secundum juris præceptum constitueret: in quantum tamen *ἐν πλάττει*, usurpatur, omnes actus justitiæ continebit. Saltem erit præstantissimus justitiæ actus, qui *ἡ ἀρετή* ceteros justitiæ actus designabit; nisi quis synechdochicam velit locutionem, dum particula rei pro re ipsa assumitur. diss. Agricola de invent. Dial. 2. Ames. casuum consc. libr. 5. c. 2. n. 3. & seqq.

Constans & perpetua voluntas.] Id est, virtus moralis in voluntate residents, secundum quam homo dispositus est, ut cum facilitate cuique tribuat 3.

quod justum est & equum. Quique eum habet animum, eam propensionem, quæ non nisi difficulter, quod sit infixa satis, in deterius mutari, aut evelli potest, quæque raro à suâ intentione in recte agendo aberrabit, quod sit firmata satis. Et licet nihil in mundo sit firmum aut stabile, si eam spectemus perpetuitatem, quæ soli Deo competit. l. cum. 33. ibique Bartol. D. Servit. Urban. Prædior. l. in confirm. 8. D. de Confirm. Tutor. l. 2. §. 18. Cod. de Veter. Jure Enucl. Nov. 84. in Princ.

Etiam non moveri Dei sit, non hominum, si ea spectemus, quæ à voluntate & facto pendent hominis. l. 4. in Princ. D. Legat. 1. l. 19. Cod. de Testam. l. in ipsius. 5. Cod. Famil. Erisc. Nov. 7. c. 2. in init. Acacius Enenck. Baro. de Privil. libr. 3. c. 1. n. 1. 2. Attamen quicunque sibi hunc virtutis habitum, longo rerum usu, juvante fideli institutione, vel Præceptis acquisivit, is talem dicetur nactus esse constantiam, qualis per imbecillitatem nostram & humanæ naturæ imperfectionem in nos cadere potest. Adeoque erit justitiæ virtus in subjecto, secundum ejusdem subjecti conditionem; ut licet vir justus aberret quandoque, non tamen propensum illum animum abjiciat, tribuendi cuique quod suum est. Nov. 6. c. 1. §. 8. v. si vero susceperit n. 3. & seq. Hænon. disp. 1. Instit. thes. 19. Heigius ad Princ. hic. n. 19. Bacchov. ad Treutl. vol. 1. disp. 1. fol. 4. diss. Coras. in l. 10. D. hic. Bronch. 1. Enant. assert. 2. Besold. ad l. 10. D. hic. Hillig. ad Donell. 2. Comm. 1.

Ut perperam propter *Constantia* vocabulum quidam existunt, hic divinam *Justitiam* definiri. Neque enim Iurisperiti finis est, quem assequi conatur, *divina justitia*, verum ea quæ inter homines obtinere debet: cum mores hominum in hac civili societate ad Reipublicæ tranquillitatem, ad commune bonum sint dirigendi. Quapropter Imperator jure merito *justitiam* inter virtutes hominum, quibus illi sunt intenti, quasque exercent, recensuit in Nov. 30. 69. in init. Donell. 2. Comm. 1. ibique Hillig. litt. c. Myns. Bacchov. hic. Arumæus exercit. 1. thes. 9. Harprich. hic. n. 35.

4. *Suum cuique tribuendi.*] Videtur hic dubium moveri posse, cur non in definitione justitiæ agatur de debito cujusque erga semetipsum, cum tamen & illud justitiæ actum respiciat? Resp. Licet fateri debeamus justitiæ virtutem suo modo ordinandam & referendam esse ad rectitudinem & perfectionem habentis. (quo sensu primum juris præceptum de *honeste vivendo*, accipi potest.) Etiam conveniens sit justum eo ipso quod alteri suum tribuat, idoneum se præstare ad hoc faciendum, adeoque ante sibi met ipsi debitum tribuere naturale, & legale. Quia tamen peculiaris versatur difficultas in alterius jure conservando, cum naturalius sit quempiam sibi, quam aliis prodesse. Ea propter ille actus justitiæ expressus est, non tamen altero

excluso, in quo exserendo potissimum laboramus. Amef. cas. consc. libr. 5. c. 2.

Verum an non & actus erit justitiæ id velle, ut alter tibi jus reddat, & tu 6.
non tantum alteri, aut tibi? Resp. Ut loquar cum scholasticis, eorumque
terminis, est quidem ille actus justitiæ effective, non tamen formaliter. Nec
enim tua justitia vult, ut quod tu facis alteri, idem faciat tibi, quia respicit
tuum actum formaliter, non alterius. Verum in quantum tu cupis etiam
justitiam esse in altero, ea justitia hoc procurabit, ut alius sit erga te bene
affectus. Vid. Lessium de Just. & jur. libr. 2. c. 1. n. 2.

Ne autem naturâ justitiæ in obscuro lateat, ea dupliciter consideranda. 5.
In genere, vel in quantum est omnium virtutum compages in ordine ad leges: sic ut nihil aliud sit, quam rectitudo quæ in omnibus cernitur virtutibus, prout ex legibus sunt conformes. Quæ eapropter justitia legalis, etiam obedientia, ratione subjectionis ad leges, non inepte appellatur. Vel in quantum est virtus primo & per se in ordine ad alterum, cui quid ex præscripto legum debetur. Et quidem ita ad alterum, ut Deum & proximum respicias, primo & per se, etiam per consequentiam temetipsum. Nec interest respicias Deum, proximum, & temetipsum in ordine ad societatem, an etiam extra eam; licet tum ipsam velint generalem appellare justitiam, cum hominem perficit habito respectu ad bonum Universitatis. Priori sensu justitia nihil aliud est, quam obedientiæ virtus, legibus debita. Sensu posteriori, est virtus, secundum quam quisque, quod legibus cautum est, quibus se subjecit, aliquid exserit. Et illa quidem, ut utar terminis scholarum, antecedit in signo rationis, hæc sequitur. Secundum illam primum oportet, ut quis se subiciat legibus, iis obedientiam præstet. Hoc quia facit, consequitur, ut se taliter erga Deum, & proximum & semetipsum gerat, qualiter id leges præscripserunt.

Quam dari justitiam, quæ *universalis* dicatur, ad distinctionem *justitiæ*, in specie acceptæ, quæ dicatur *particularis*, videtur extra controversiam collocandum. Nam aliter concipitur omnium complexio virtutum, in quantum inclinat hominem, ut legibus vivat congruenter, aliter hæc aut illa virtus, ut hominem inclinat, ad hoc vel illud bonum speciatim.

Verum majorem habet difficultatem quæstio inter Juris Interpretes agitata: num quæ in jure consideratur, & hic definitur, justitia sit universalis, & quod quidem mihi non improbabile videtur, in quantum justitiæ universalis, modo secundo, antea explicato, accipitur. Tum quia, quæ definitur justitia, & finis est Jurisconsulti, tria juris præcepta sub se continere debet, ne aliter finem suum excederet Jurisconsultus. Tum quia non ad aliam virtutem commodius omnia, quæ in juris corpore explicantur, omnes denique le-

leges referri poterunt. Tum denique quia ea quæ hujus est loci justitia appellatur virtutum præstantissima; quod epitheton non recte justitiæ particulari applicueris. Arg. §. 3. hic. l. 1. §. 2. D. cod. Nov. 30. c. 9. §. 1. Nov. 69. in init. Nov. 163. in init. Ammian. Marcell. libr. 20. p. mihi. 182. Stobæus Sermon. 51. p. 187. Bacchov. ad Instit. hic. Hilliger. ad Donnell. 2. Comm. 1. diff. Wefemb. Parat. D. hic. Wurmser. libr. 1. tit. 1. Controv. 4. Befold. ad l. 10. D. hic. Zoef. D. hic.

Nec tamen inficias irè potero, quin pleraq; quæ in Juris arte tractantur, ad justitiam particularem referri debeant: quæ ipsa etiam ratio est, quod scriptores ut plurimum de eâ loquantur. Ita Prudentius Cathemerinon. in init. *Bis legum, moderamine Frenos nobilium reximus urbium. Jus civile bonis reddidimus, terrimus roos.* Et quando depinxere justitiam, eam virginem exhibent, quæ sedentis habitu, sinistra, virgam teneat, secundum alios, gladium, dextrâ vero pateram gestet, vjd. aliam descript. Chryssippi apud Gell. 14. c. 4. Anton. August. dialog. Antiq. 2. p. 19. Budæum ad l. 10. D. hic.

Ea autem dicetur esse *justitia particularis*, secundum quam voluntas inclinatur, ut cuique jus suum reddat, secundum æqualitatem. Et quidem hæc justitia respicit alterum, in strictiore significatione. Ut hominis ad seipsum, patris ad filium, quasi una quodammodo persona, domini ad servum, quasi pro nullo servus habeatur, proprie non sit justitia. §. 2. in med. Instit. de Hæred. qual. & differ. §. 4. in fin. Instit. de inutil. Stipulat. l. Quod attinet. 32. D. Regul. Juris. Unde nec cuiquam adversus seipsum, nec patri adversus filium familias, aut vice versâ, nec domino adversus servum, ulla competit actio. §. 1. Instit. de Furtis. §. 6. 7. Instit. de noxal. Action. l. 13. in init. D. Ad. l. Aquil. l. 9. §. 7. D. de Pecul.

Dixi *æqualitatem* in justitiâ particulari servari; quæ quia duplex est, ipsa justitia in duo membra dispescitur, in *commutativam* & *distributivam*. Illa est, quæ dirigit privatum ad privatum, vel saltem qui ut privatus homo consideratur. Hæc est, quæ dirigit hominem publicum, vel qui adinstar publici sese habet ad privatum. Ibi servanda est æqualitas inter datum præstitum, & acceptum. Hic inter proportionem & proportionem; scil. ut eadem sit proportio inter res, quæ distribuuntur, & personarum conditiones, inter quas sit distributio. Ut illa tantum spectet conditionem rei alterius. Hæc conditionem alterius personæ. Non tamen id silencio possum præterire, quod uno atque altero casu in jure nostro expresso, etiam in justitiâ commutativâ habeatur ratio conditionis, qualitatis & dignitatis personarum. Itasi in unum convenerint creditores, & paciscantur quotâ debiti parte velint esse contenti, in pari numero creditorum, in pari debito, standum

dum erit eorum sententiæ, qui dignitate inter eos excellunt. l. 8. D. de Paët. Atque hæc dicta suffecerint de naturâ Iustitiæ, prout ejus cognitio Jurisconsulto erat necessaria.

IURE DIVINO.

Iustitiam si spectemus, prout exhaurit universam legem moralem, decem præcepta humano generi quoad rem ipsam communia, dividi commode potest in *pietatem*, & *aquitatem*.

Pietatis strictè loquendo, prout immediatè Deum respicit, duæ sunt partes 1. Deo soli adhærere, amore, reverentiâ, timore, fide, confidentiâ, & spe, unde oritur patientia, & humiliatio, quæ summa primi præcepti. 2. Deo servire, dum sanctus adhibetur modus colendi Deum, & sancta requies. Modus sanctè colendi Deum consistit & in obedientiâ, in quantum talem sequimur, & observamus Deicolum, qualem nobis in verbis præscriptis; estque secundi præcepti summa; & in reverentiâ, quæ religiosa affectio, in cultu Dei, vel assertio de rebus quibuscumq; adhibita, & tertium præceptum constituit. Sancta requies, quæ sanctificatio seu dedicatio cujusdam temporis transigendi in Dei cultu, & ad quartum præceptum refertur.

Aequitas, quæ secundam divinæ legis tabulam constituit, consistit in officio erga homines: eaque vel in honore, vel generali amoris officio consistit. Honor, non tamen exclusâ dilectione, est impletio officii nostri respectu graduum, qui mandatur in quinto præcepto. Generale amoris officium absque graduum consideratione, vel respicit personam, vel bona personæ, seu ei adhærentia. Personam respicit misericordia; quæ est ex officiis ad conservationem alicujus personæ, cui consulit sextum præceptum, pertinentibus. Personam insuper respicit castitas, quæ tangit puritatem personæ, & corporis & animæ respectu; quæ septimi præcepti materia est.

In bonis personæ venit consideranda integritas & fidelitas, dein sufficientia. In integritate & fidelitate spectandum est id, quod justum & quod verum. Illud consistit in justè distribuendo, octavi præcepti explicatio. Hoc in distribuendo fideliter, quæ nota est noni præcepti. Superest decimi præcepti summa quæ est sufficientia, cum quis rebus suis contentus, alienum nihil concupiscit. Nec quicquam vel in iustitiâ Jurisconsultorum, vel in tribus generalibus juris præceptis, vel in civilibus legibus continetur, quod non commodè ad hæctenus enumerata Iustitiæ membra refecti possit.

MORIBUS.

Per Iustitiam, doctores jurisdictionem, designant, eamque partiuntur in altam, mediam & bassam. Ad altam referunt crimina, quæ mortem merentur, vel corporis afflictionem. Ad mediam, tutorum dationem, bonorum

rum possessionem & in eam missionem, bonorum vacantium occupatio-
nem, subhaftationem, multas, & ejusmodi alia. Ad bassam rejiciunt
causas pecuniarias, personales & possessorias, nec non poenas pecuniarias.
infra solidos sexaginta. Vid. Papon. 7. tit. 7. artic. 33. Chassan. de justic.
Rubric. 1. Aliter Burgund. ad Flandr. tract. 9. n. 27. & seqq.

§. I.

1. *Definitio JURISPRUDENTIÆ ex-
plicatur.*

2. *JURIS-CONSULTI MEDICIS
sunt præferendi.*

1. *Jurisprudentia est.*] Definit jurisprudentiam, quam si speciatim, & ut
civilis est, contemplerur, ejus introducendæ necessitas crit desumpta à
conditione legum atque legislatoris. Neque enim omnes casus ~~vomodis~~
complectitur, neque leges de omnibus & singularibus causis atque nego-
tiis feruntur, quod ea sint infinita, cum tamen jus certum esse debeat & de-
finitum. l. 3. 4. 5. l. 12. 13. D. de leg. l. 2. D. de juris & fact. ignor. Ea-
propter necessarii fuerunt Iuris-consulti, qui etiam juris auctores appellan-
tur, Iuris interpretes, in quantum legum solvunt ænigmata, & ad casus si-
miles, aut raros, eas produciunt. dd. ll. l. 2. §. 5. D. Orig. Jur. Qui dicun-
tur Iuris sacerdotes, veram & non simulatam affectantes philosophiam, l.
1. D. hic. l. cum Sillanian. 11. Cod. De his quibus ut indign. Cicero 1. de
leg. id est sapientiam Præcticam, cujus particula est nostra Jurisprudentia,
in quantum non in solâ meditatione consistit, verum ad communem utili-
tatem, ad publicum commodum est accommodata. Quæ demum vera So-
crati fuit visa philosophandi ratio, propter multiplicem & necessarium
usum, quem in communi vitâ præstat. Alciat. 2. disp. 8. Govean. 2. Va-
rior. 18. Lyclam. 7. Membran. 38. Besold. in delib. Iuris lib. 1. q. 1. 2.

Et quia Jurisconsulti profitebantur Iuris studium, ea propter & ipsa Iu-
risprudentia, quæ nihil aliud est, quam Iuris studium, hic erat definienda.
Non quidem speciatim, prout est civilis, verum generatim, prout olim fuit
relata ad universi Iuris summam, & generalem scientiam. Complecteba-
tur autem jus Pontificium, augurale, sæciale, civile in specie dictum. Quo
sensu describitur per *rerum humanarum & divinarum* cognitionem: *Humana-*
rum, in quantum res omnes humanas in republicâ ordinat, & disponit;
etiam in quantum huic fini data est, ut inter homines legibus dextrè expli-
catis, Ius administraretur. l. 1. Cod. de Vet. Jure Enucl. *Divinarum*, vel in
quantum circa res divinas jura redduntur, excercentur actiones, sacrorum
violatores, & contemptores puniuntur. tit. Cod. de Summ. Trinit. & seqq.
id quod personis etiam Politicis est concessum. Vel in quantum, inspecto
Iure antiquo, quo sacra, divina, à causis civilibus erant distincta, ex professo
apud

apud collegium Pontificum explicabantur, & ab illo collegio solum tractabantur, in quo nomine etiam Ius Pontificium à civili in specie distinguebatur. l. 2. §. omnium harum. D. de Origin. Iuris. Sicuti jure noviss. distinctæ sunt potestates, civilis, & ecclesiastica, ut Imperium humanis ministraret, Sacerdotium divinis. Nov. 6. Nov. 42. Idque congruentur sacro Codici, quo sacerdotes, & sacrorum ministri, negotiis vacant divinis, Reges & Principes rebus terrenis. 2 Paral. 18. v. 11. Luc. 22. v. 25. Joh. 18. v. 36. 1 Cor. 3. v. 5. coll. cum Rom. 13. v. 1. 4. 2. Cor. 1. v. 24. 2. Cor. 10. v. 3. 1 Petr. 5. v. 3. Vid. Renat. Chopp. de sacra Polit. libr. 1. tit. 4. n. 24. 25. Bernegg. in Tacit. German. q. 186. Lyclam. Membr. 7. Eclog. 38. Besold. Præcog. ad P. hic. l. 1. q. 3.

Definitur insuper jurisprudentia per *justi & injusti scientiam*; potuisset adjiç, *equi & iniqui*, quia uti justum ab injusto secernit, ita æquum ab iniquo, quo nomine per artem boni & æqui illa ipsa describitur in l. 1. D. hic. Ut perperam nonnulli Jurisprudentiam ab arte Iuris velint distinctam, quasi illa sit theoretica, hæc practica. Cum tamen praxis & theoria in unâ disciplinâ ab Ulpiano jungantur, in l. 1. D. hic. dicit enim Jurisconsultos esse Iuris sacerdotes, quia justitiam colunt, quod est Practicum; eos æqui bonique notitiam profiteri, quod est Theoreticum. Nam quis poterit esse Jurisprudens, nisi qui benè & appositè de Iure ad factum respondendi doctrinâ præditus est. Id est, qui earum rerum practicabilium talem habet cognitionem, ut eam ad usum applicare valeat, adeoque ab expresso Iure ad similia procedere. §. 8. Instit. tit. seq. l. 1. in init. D. hic. l. 12. 13. D. de legibus. Charond. 1. verif. 1. Coras. 1. de arte Juris. 17. Coppen observ. Pract. 1. n. 6. 7. 8. Arum. exercit. 1. thes. 6. Hænon. disp. 1. ad Instit. thes. 6. Oeleman. in Procem. ad Giffan. Instit. Antin. them. 1. & disp. 1. thes. 4. diff. Bocerus Class. 1. disp. 1. thes. 1. Bacchov. ad Treutl. disp. 1. thes. 2. l. 2. Besold. ad l. 10. D. de Iust. & Iure. Wurmser. Nucleo juris Controv. 6. lib. 1. tit. 1. Lyclam. Membran. libr. 7. Eclog. 39. §. 1.

Ex hætenus explicatâ definitione Jurisprudentiæ, varia, minus tamen accurate, colligunt interpretes.

1. Neminem bonum Jurisconsultum esse posse, qui non etiam sit vir bonus, aut Christianus. Nam quid Christiana religio ad Iuris facit studium, aut moralis bonitas, ad accuratam Iuris cognitionem? Jurisprudentia enim non tribuit cuique suum, quod facit justitia, veium præcipit & præscribit, considerat verum, non bonum, intellectum informat, non voluntatem. Besold. ad l. 10. n. 20. D. hic.

2. Professores ejus scientiæ non minus mereri, quam sacerdotes qui sacra tractant. Nam jam explicatum est, *divinatum rerum cognitionem*,

prout sunt res divinæ, non ad Jurisconsultum, verum ad sacrorum spectare ministros. diff. Andreas de Iserniâ in Procem. Feud.

3. Violatores Professorum Iuris, non minus in crimen sacrilegii incidere, quam si quis sacra publica turbasset, aut manus sacerdoti intulisset. Cum tamen major cura sit habenda rerum sacrarum quam civilium, quod Deo sacratæ personæ, nulla jurisdictione, aut vi externâ, ut quarum arma sunt preces & lacrimæ, se tueri valeant. diff. Bald. in l. 1. D. hic. Zas. ibid. per l. si quis. cum Auth. seq. Cod. Episc. & Cleric.
2. Quin tamen inspectâ objecti dignitate, usu & fine Jurisprudentiæ ejus cultores Medicis sint præferendi, extra dubium est constituendum. Arg. l. 1. §. 1. D. hic. l. 1. §. proinde. D. Extraord. Cognit. l. 2. §. 13. D. Orig. Jur. l. 14. Cod. de Advoc. divers. judicior. Chassan. Catal. Glor. mund. p. 10. Confid. 25. Heig. p. 2. quæst. 26. Daniel Otto de Jure Public. c. 19. Besold. tractat. de jure Academ. Heig. p. 2. q. 26. n. 8. Bullæus. de tribus Gener. Juris Præcept. n. 4. in addit.

§. 2.

1. *Quæ methodus sit servanda?*

2. *Quam necessarii sint Præceptores in Republicâ.*

1. **H**is igitur.] Postquam fuit probatum, jurisprudentiam esse disciplinam, esse artem, suo modo scientiam, in latissimâ vocis acceptione, supererat ut explicaretur, quo ordine ea sit tradenda, ut eam commodè Iuris tirores assequerentur. Docendæ vero ejusdem, discendæque methodus duplex est. Cujus una *ἐπὶ*, simplex, prima Iuris elementa, quæ facili addiscuntur via, proponit; altera *ἀπὸ τοῦ ἀρχαίου*, quæ singula in Pandectis, & Codice accuratissime proposita, persequitur. Theoph. hic. Gloss. in l. 2. D. de Verb. signif. Cumque à facilioribus ad difficiliora, ab inis ad summa, non per saltum, verum gradatim detur ascensus; idque propter mentis humanæ per lapsum Adami, in quo omnes homines, Christo exempto, reputabantur, corruptæ imbecillitatem, capropter in omni disciplinâ tradendâ, adquirendâque hic ordo servari debet.

Aliter enim eveniet, ut vel propter magnum laborem, serius, aut propter difficultatem sibi diffidentes adolescentes, quasi ea superari nequeat, ad destinatum finem nunquam sint perventuri. §. 2. hic. Ut hoc apprimè servandum sit in studiorum moderatoribus, ne ingenia Juventutis nimium onerare velint; utque singula, prout cujusque fert captus, proponant. Vascula enim angustiora, ex illo Quintiliani, superfusam nimium humoris copiam respuunt, quam si paulatim instilletur, admittunt facile. Nec major Rectoris universitatis cura esse poterit, quam ut juvenitus, ordine per

artes

artes & disciplinas, per artium magistros exercitatos, fidosque Præceptores ducatur.

Qui quam sint in bene constitutâ republicâ necessarii, & quales eligendi, prolixè explicatum à Gregor. Tholos. libr. 15. 16. 17. 18. de Republic. & Besold. de Jure Academ. c. 2. 3. & de Educat. c. 2. 3. 4.

§. 3.

- | | |
|--|--|
| <p>1. JURIS, id est, JUSTITIÆ esse tria Præcepta.</p> <p>2. Esse tria generalissima.</p> <p>3. Quomodo tria illa Præcepta sint explicanda?</p> <p>4. Quo. referendum sit Præceptum de non saviendo in semet ipsum?</p> <p>5. Num quæ in JURE reperiuntur, tribus JURIS Præceptis sint consonantia?</p> | <p>6. Num Ius Civile Concubinatum approbaverit?</p> <p>7. IURE Canonum probatur Concubinitus.</p> <p>8. Usucapio est licitus acquirendi domini modus.</p> <p>9. In Foro tamen Poli improbandus, si non omni tempore quis fuerit in bonâ fide.</p> <p>10. Circumventiones in pretio num licitæ?</p> |
|--|--|

Juris Præcepta.] Anne hæc ipsa Iuris, id est legum & æquitatis præcepta, an potius juris disciplinæ, id est jurisprudentiæ principia, seu fundamenta censerentur, sicuti quævis disciplina certa habet axiomata, si theoretica, certas regulas, si practica, quibus cætera nituntur? *Resp.* Licet absurdum non sit statuere tria Iuris Præcepta esse communes justitiæ regulas, secundum quas vita nostra dirigenda est; non tamen illa improbabilis mihi visa est sententia, quæ hæc præcepta pro jurisprudentiæ fundamentis amplectitur, è quibus cætera nostræ disciplinæ præcepta, atque regulæ, veluti conclusiones ex suis præmissis, deducuntur, vel ad quæ tanquam hypotheses ad suas theses referuntur. Nam egerat Tribonianus. §. 1. 2. de arte & studio Iuris, sicque §. 3. subjungit tria Iuris, id est artis principia. Quæ ut sunt generales regulæ, ita per eas, quæ in illâ disciplinâ traduntur explicari, & demonstrari poterunt. Bocer. Class. 1. disp. 1. n. 13. Besold. Comm. ad l. 10. D. hic. n. 10. & seq. Wurmser. Nucl. Jur. Controv. libr. 1. Controv. 8. diff. videtur Bacchov. ad Treutl. disp. 1. thes. 3. litt. a.

Licet autem bene multa sint Iuris Præcepta, quæ in tit. D. de Regul. jur. traduntur, etiam in singulis fere titulis, omnes definitiones, iis adnumerentur, insuper aliæ peculiare regulæ in Iure lateant. ut l. pen. Cod. de Pact. l. regula. 9. D. de Iur. & Fact. ignor. Faber Cujac. Bronchorst ad Princ. D. de Regul. Iur. Tria nihilominus, si rite explicentur præcepta suffecerint, quæ ut principia generalissima, Iuris universi finem, imo civi-

lem Philosophiam complectuntur ; ut frustra nonnulli eorum numerum auctum voluerint.

3. In explicatione eorundem Principiorum Iuris interpretes in diversas partes abierunt. Alii enim illa tria ad proximum voluerunt relata, quod in statu hic civili versemur. Alii hæc tria Iuris Præcepta tribus furis, puta, Lubidini, Iræ, & Avaritiæ opposuerunt, sic ut illa primo coerceatur, illa secundo, hæc tertio Iuris Præcepto. Balduin. hic. Coras. in l. 10. D. eod. Alii hæc tria ambitu primi præcepti comprehenderunt, quasi qui honeste vivit, suum cuique deferat, honeste vivendi rationem latissime interpretantes, sic ut omnes respiciat virtutis actiones. Hottom. hic. Donell. 2. Comm. 1. Faber Rational. l. 10. §. 1. D. hic. Bacchov. ad Treutl. vol. 1. disp. 1. thes. 3. l. a. Ames. Cas. Consc. lib. 5. c. 1. n. 19. Quia tamen hic tria enumerantur Iuris Præcepta, & quidem ab invicem seceruntur, non debent omnia ad unum deferri, aut sub illo contineri. §. 3. hic. Vacun. declar. 30. n. 6. Coras. de Arte Iur. c. 24. & ad l. 10. D. hic. Besold. ibid.

Ita enim commodè explicari poterunt, ut ab invicem sint distincta. Et quidem primum præceptum respiciet hominem in ordine ad seipsum, in quantum eum oportet esse bene dispositum, congruenter virtutibus, ut alterius procuret bonum. Non aliter enim atque Medici est suæ consulere naturæ, per remedia congruentia, ut alterius naturæ prodesse queat, ita etiam est officium hominis in societate constituti, cum in modum propriæ consulere naturæ, eique vivere congruenter, secundum honestatem naturalem, (quæ non tantum quid licitum sit dicat, verum etiam quid expediat, quid honestum, & quid decorum) ut aptus reddatur, qui alteri præstet auxilium, nec quemquam lædat. Ut multo minus vi hujus præcepti, semetipsum lædere debeat, non tantum, quia dominus suorum membrorum nemo est. l. 13. D. Ad l. Aquil. verum quia efficaciam hujus præcepti tenetur sui bonum procurare, atque jus suum integrum & illæsum cum moderatione conservare, ut tandem proximo consulat. Nam qui sibi parcere dedidit, cum proximus sit ille sibi sique amor sit regula & mensura officii proximo exhibendi, qui ille aliis aut velit aut cupiet prodesse? l. 3. §. si quis autem. D. de his qui sibi mort. Neque hic audio Bacchovium, qui censet hominem, ut in civitate viventem considerari, adeoque non in ordine ad semetipsum.

Licet enim primum sit, hominem ordinari potissimum ad hominem prout membrum est civilis societatis, sic tamen eum ordinari credendum est, ut etiam seipsum respiciat, in quantum nisi primum virtuti vivat congruenter, inutile civitatis membrum sit futurum. Ne dicam, quod iustitiæ virtus, quam respiciunt Iuris Præcepta, suo modo ordinetur ad perfectionem & recti-

rectitudinem habentis, ut aptior reddatur ad officia aliis exhibenda. Vid. l. 9. D. de Testibus l. 5. 11. Cod. eod. l. Semper. 42. D. de Ritu Nupt. l. 12. §. si tu uxor. D. eod. l. 5. D. Condit. Instit. l. 144. l. 197. D. Reg. Jur.

Quid quod ad hoc primum præceptum, & illud referri debeat, quod de Deorite colendo agit. l. 2. D. de Just. & Jure. Licet enim hoc naturæ judicium de Deo, ejusque cultu sit admodum infirmum, adeoque post lapsum obscuratum nimium, nisi verbo revelato illuminetur magis. Quia tamen aliquæ stricturæ, aliqui ductus supersunt divini numinis, nec ulla Gens adeo fera, cujus mentem non imbuerit cultus summi numinis. Nec quispiam honeste vivere sit dicendus, nisi pie & sancte vivat, nisi à sceleribus abstineat, etiam in se ipsum committendis, non incongrue Dei notitia atque cultus, ad honestatem quæ primo Juris Præcepto expressa est, referetur. l. 2. D. hic. Coras. in l. 10. D. eod.

Ut audiendi non sint, qui censent alia & majora esse Juris præcepta, quæ etiam de Deo colendo, quæ ad civilem Politiam non pertineant. Quasi vero omnis Dei cultus publicus esse debeat, & non quisque licet extra civilem constitutus societatem, Deo supremum honorem deferre debeat? Quasi nostra Juris Præcepta, non etiam jus nostrum respiciant prout in publicum & privatum dividitur; ut jure publico etiam contineatur religio, cultus externus in societate Deo exhibendus? Vid. l. 1. §. 2. D. hic. l. 2. D. eod. Qui omnium judicio etiam Doctoris pessimi ex Hetruriâ, quam maxime ad civilem facit gubernationem, dum metus numinis non vanus subjectos continet in officio, eosque erga superiores reddit obsequentiores. diss. ex parte Balduin. hic. Amef. Casubus Conscient. lib. 5. c. 1. n. 19. Bacchov. ad Treutl. vol. 1. disp. 1. thes. 3. litt. a.

Et quidem primum Juris Præceptum abunde est explicatum, sequentia duo sic erunt explicanda, ut respiciant alterum, id est rempublicam, & proximum, nisi quisquam & hic Dei rationem haberi velit, & hominis in ordine ad se. Ut reddat Deo quæ sunt Dei, Cæsari quod est Cæsaris, proximo & sibi, quod singulis est debitum.

Secundum itaque præceptum *de non ladendo*, consistit in non faciendo, tertium *suum cuique tribuendum esse*, in faciendo. Illud conceptum est negative, hoc positive; ut tamen utrumque respiciat proximi vitam, famam, & facultates. Ut ad utrumque referatur illud Salvatoris. Matth. 7. *Quod vis ut tibi faciant homines, idem fac ipsis*. tit. D. quod quisque jur. in alterum. Quod positive conceptum respiciet tertium, negativis terminis expressum, secundum Juris Præceptum; & continebitur illo Pauli, 2 ad Cor. 7. v. 2. *Neminem offendimus, neminem læsumus, neminem fraudavimus.*

Vet

4. Verum hic quaesitum, quo referendum sit præceptum de non seviendo in semet ipsum? *Resp.* Licet ad primum præceptum non incommode referri potuerit, etiam eo ex parte relatum sit paulo superius, nihil tamen obstat, quin etiam ad 2. juris præceptum pertineat. Nam eo ipso, quo proximum lædere quis est prohibitus, multo magis semet ipsum lædere prohibetur, quod quisque sibi sit proximus, quod hominis ad se ipsum major sit nexus, major dilectio, quam ad proximum. l. 3. D. hic. Quo nomine etiam in jure sui homicidium est prohibitum, licet subinde ex sensu Jurisconsultorum Stoicæ sectæ addictorum, non tanta poena iis fuerit imposita, qui sibi mortem consciverunt. Vid. tit. D. de his qui mort. sibi consciv. l. 6. §. qui se de Testam. Milit. l. 13. D. Ad l. Aquil. l. 11. D. Ad l. D. Cornel. de Sicariis. l. 6. §. 7. D. de injust. Rupt. irrit. c. placuit. 12. q. 5. ibique gloss.

Neque obstat. l. 9. §. 7. D. de Pecul. ubi refertur, *servis licere naturaliter in suum corpus seivere.* *Resp.* enim ibidem per naturam, non intelligi jus naturale, verum pravam aliquam inclinationem, vel pravam morem, quo servi, ut dominos sui pretio fraudarent, apud Romanos, idque non infrequenter, sibi violentas manus inferebant. Et hujus vocabuli eundem fere sensum reperies in l. 1. in init. D. Ad Macedon. Ubi refertur *naturam sceleris causas* Macedoni iniquo feneratori administrasse. id est pravam indolem, vel pravam aliquam feneratori adolescentibus consuetudinem hæc suggessisse Macedoni. Vid. de Homicidio sui ipsius, deque poenis. Coppen. 1. obs. 3. & 2. obs. 23. Menoch. de Arbitr. Judic. 2. Cent. 3. Cas. 284. n. 22. & in ea ad tit. de Public. Judic.

5. Superest ut inquiratur, num quæ libris juris civilis continentur, hæc tamen tribus Iuris Præceptis explicatis, per omnia convenient, sic ut nihil in jure nostro Justiniano possit culpari, quod vel honestati, vel cæteris præceptis, adversetur? *Resp.* Licet id lubens concessero, omnium populorum instituta, (republicâ Judæorum exemptâ, quæ Deum habuit legislatorem) mores, leges, si in unum conferantur, nequaquam cum Romanis legibus, prudentiâ, justitiâ, æquitate, pondere, rerum ubertate esse comparanda. Wesemb. Parat. D. de Just. & Jure. n. 17. Grot. Introd. Jurispr. Holland. lib. 1. c. 2. Autor. Batav. Accad. p. Min. 756. 758. 875. Quia tamen nullum Jus Civile, ita traditur, ut omne jus naturale complectatur, omnium virtutum actiones præcipiat, omnia cohibeat vitia, ut non in aliquibus ab æquitatis & justitiæ regulis desleat; neminem ægre latum confido, licet sit rigidus nostri juris hyperaspistes, si asseruero nonnullos hic novos reperiri. Anton. Matth. in suis de fundam. jur. disp. 7. & 11. Amel. cas. conscient. libr. 5. c. 1. n. 26.

6. Ita jus civile non omne malum sustulit, quod tollere potuisset, & concubina-

inatum non tantum permisit, verum etiam suo modo comprobavit, in quantum eum in multis justo matrimonio similem voluit, & in quibusdam omnino oblique taxavit. l. 3. D. de Concub. l. ult. in fin. D. de Divort. l. 1. r. Cod. de Concub. l. ult. in fin. Cod. Comm. de Manum. Nov. 12. c. fin. Nov. 18. in init. & cap. 5. Nov. 89. c. 6. Vid. Cujac. Parat. Cod. de Concub. Illustr. Erenckel. Baron. 1. de Privil. c. 8. n. 18. Tim. Fabrum. lisp. 1. thes. 8. Casp. Schifordeger. lib. 3. tract. 25. q. 1. Gædd. ad l. 144. n. 9. D. v. signif. Forster. 6. de Success. c. 4. n. 2. Besold. ad l. 10. n. 15. D. hic. Henon. disp. 1. ad Instit. thes. 7. n. 3. Martyr. locor. Comm. Class. cap. 10. n. 2. Dánzum. Ethic. Christian. lib. 2. c. 14. diff. Bullæus de ribus general. juris præcept. n. 2. Henon. ex parte. loc. cit. Wurmser. Nucl. jur. controv. libr. 1. tit. 1. n. 18. Olemann. in Præf. ad Antin. Gifan. ad Instit.

Non obstat Nov. 5. c. 8. Nov. 123. c. 12. ut quibus novellis, tantum Clericis, seu ecclesiasticis personis concubinarum usus interdicitur. Qui omnino, in ordine ad omnes est sublatus per Nov. Leonis 91. Quæ tamen ejus auctoritatis non est, ut Justiniani novellas abroget. Non etiam obstat Nov. 14. de Lenonibus, quia per eam tantum puniuntur, qui invitas puellas prostituunt, vel per artes eas ad delinquendum, citra conjunctionem concubinatorum, invitant.

JURE CANONICO.

Licet nonnulli quoad singula juris Canonici æquitatem tueri conentur, 7. adeoque eo jure concubinatum velint improbatum, id tamen certum est, non tantum secularibus, sed & clericis concubinatum fuisse permissum, audatum comparative, id est respectu matrimonii. c. is qui. c. Christianæ 5. dist. 34. c. solet, 32. q. 2. c. 6. de Digam. non ordinand. Treutl. vol. 2: lisp. 16. thes. 3. Bullæus de tribus gener. juris præcept. n. 2. Juell. in Analog. pro Eccles. Anglic. p. mihi. 67. diff. Pacius. in Isagog. D. de Concub. Zoef. D. cod. n. 1. 2.

Non tamen Juris præceptis meo judicio adversatur usucatio, seu longi temporis præscriptio licet & inter Theologos & Jurisconsultos super illa re sit ardua satis contentio. Id enim certi juris est, usucationem boni publici ratione introductam, ut esset aliquis litium finis, sollicitudinem quorundam puniretur, neque rerum dominia forent incerta. l. 1. D. de Usucap. l. 5. D. Pro suo; ut nihil legislatori hæc in parte sit imputandum. Si quis enim quid damni sentit dum rem suam usucapi patitur, dum impediendæ possessionis habebat facultatem adeoque eam interrompere poterat; id sibi imputet, non reipublicæ, quæ jure alicui negligenti rem suam adimit, in penam negligentæ, eamque alteri adjudicat. Nam damnum quod quis sua culpa

procurat, adeoque ex suâ sentit desidiâ, & socordia, damno annumerari non debet. Quasi consentienti non fiat injuria, & sciens volens quis patitur rem suam alienari. Hænon. disp. 1. ad Instit. n. 7. Bullæus de tribus general. Juris Præcept. n. 3. & seq. Olemann. loc. cit. Pinell. ad Auth. nisi tricennale. n. 58. & seq. Cod. de Bon. Matern. Neque hoc Jus Usucapionis, saltem præscriptionis longissimæ novum est, aut solius Juris Civilis inventum. Præterquam enim quod nitatur fundamento Juris Gentium, quo distinctio dominiorum est introducta, etiam à Deo ipso videtur animis hominum esse insita. Martyr. Comm. in cap. 11. Judic. Rubric. de Præscript. Quâ ratione etiam Ieptha Giliadites eo jure usus est in Ammonitas, nec improbatum fuit ejus responsum, aut jus, cujus occasione licite bellum suscepit, ut præscriptio belli jussu gerendi præbuerit occasionem. Nos, inquit, possedimus annos trecentos hanc terram. Quid ergo tu adversum nos tumultuaris? Judic. cap. 11.

9. Non ideo tamen liberatam velim ejus conscientiam, qui dum rem alienam usucapit, eam aliquo tempore quo nondum est secundum leges vel statuta locorum impleta usucapio, novit esse alienam. Licet enim jus civile tantum desideret bonam fidem in usucapiente inspecto initio, id est, ut quis non habeat conscientiam rei alienæ tempore traditionis, vel etiam contractus, si res ex causâ emptionis transferatur, attamen ut quis sit tutus in conscientiâ (nam quicquid non est ex fide, peccatum est) omni tempore bona fides in acquirente rem alienam, (quod juri canonum est conveniens) desiderabitur. Vid. Melanth. in epitom. Philos. Moral. Danzæm Ethic. Christian. lib. 2. c. 15. p. Mihi. 235. diss. Amel. in Cas. Conscient. libr. 5. c. 41. n. 19. 20. & seq. qui omnem temporis præscriptionem improbandam judicat.

10. Verum quid statuendum erit de circumventionibus in pretio, quarum mentio fit in l. 16. D. de Minor? Resp. Aut agitur de inæqualitate aliquâ tolerabili & modicâ, quam in contractu emptionis evitari est pene impossibile, quod quilibet animo lucrandi hunc ineat contractum, & insuper præcise servari nequeat proportio inter mercem & pretium. Aut de læsione agitur immodicâ, quæque vel dimidium excedit justî pretii, id est alterum tantum. Quo casu postremo, valet quidem venditio, sed rescindetur per remedium l. 2. Cod. de Rescind. Vendit. Priori tamen in casu, propter rationes ibidem allegatas, subsistet emptio, & tolerari poterit, nec quicquam ex parte legislatoris peccatur, quinimo ne quidem ex parte contractuentium, modo absit fraus & dolus, qui si causam dederit contractui, erit ipso jure nullus. l. si dolo. Cod. Rescind. Vend. Nam dum reipsâ fit læsio in re minimâ, citra fraudem & dolum, tantum ex naturâ illius contractus

non

non servatur adeo scrupulose illa mathematica proportio pretii ad rem venditam. Cum si prætextu vilioris pretii quævis emptio bonâ fide inita rescinderetur, vix ullus in republicâ contractus firmus esset, adeoque negotia turbarentur, & occasio litium fovendarum multiplex præberetur; quibus tamen amputandis leges sunt intentæ. l. 5. D. Pro suo. Unde si minima, vel quæ vix consideranda venit inæqualitas forte eveniat, inter datum & acceptum, dicuntur contrahentes invicem licite circumvenire. l. 16. D. de Minor. Id quod Imperator Justinianus in princ. Nov. 97. appellat *ἐμποιῶν ἀλλήλους περιγράφει*. Nec tamen hinc quispiam intulerit leges civiles circumventiones omnes in pretio, etiam infra dimidium justî pretii approbare, cum non tam laudent illas circumventiones, quam tolerant, easque relinquunt jure naturæ & divino, in conscientie foro dijudicandas. Adeoque non obstat locus Apostol. Pauli. 1. ad Thessal. 4. v. 6. quæ respicit circumventiones dolosas, quæ non sine versutiâ celebrantur, in foro possi improbandas, non tamen ea propter rescindendas in foro soli. Myns. 4. obs. 73. & 6. obs. 38. Merend. 1. Controv. 33. Gædd. de Contrah. stipulat. c. 3. Conclus. 7. n. 114. Oelemann. in Procem. Instit. ad Antin. Giphani. them. 4. Speckhan. 2. quæst. 13. Class. 11. Gothesfred. in l. 22. D. Locat. Brönchorst Enant. Cent. 2. assert. 52. Hænon. disp. Instit. 1. thes. 7. Harpricht. §. 1. Instit. de Empt. Vendit. Bullæus disp. de tribus general. Juris Præcept. n. 31. ibique DD. Rittershus. de differ. Juris Civil. & Canonic. lib. 3. c. 10. Perez. Cod. de dolo malo. n. 1. Amef. de Casub. Conscient. lib. 5. c. 42. n. 31.

§. 4.

- | | |
|---|---|
| <p>1. Divisio Juris in Publicum & Privatum explicatur.</p> <p>2. Quid Jure Publico contineatur, & an etiam sacrum?</p> <p>3. An Publicum præferendum sit Privato?</p> | <p>4. An Jus Publicum per statum Monarchium sit sublatum?</p> <p>5. Quid sit Jus Privatum?</p> <p>6. Unde sit collectum? Et unde Publicum sit collectum?</p> <p>7. Cur in INSTITUTIONIBUS non agatur de Jure Publico?</p> |
|---|---|

Hujus studii.] Sunt qui hic per studium intelligunt Juris disciplinam, 1. quod duo sint rerum gênera, de quibus ea tractet, publicum & privatum. Placent. Bacchov. hic. Verum quia §. 3. de ipso jure fuerat locutus, & Triboniano sit animus nonnisi Juri Civili inhærere, non autem omnium gentium jura pertractare, ideo censerem Jurisconsultum nonnisi jus, quo Romani utebantur, dividere voluisse. Illud autem duplex erat, vel publicum, vel privatum. Publicum jus est, quod ad statum rei supple publica Ro-

mana spectat, id est, quod per se & primario publicam respicit utilitatem. Nam alio sensu *publicum* dicitur, quod tale est auctoritate, in quantum nihil fieri potest, aut nemo quid facere potest, nisi quod & cui id lex permiserit. Quo nomine tutela est Juris Publici, etiam testamenti factio. instit. de Excus. tutor. l. 3. D. de Testam. Et alio sensu *publicum* dicitur, quod est proprietate alicujus populi, & omnium usu commune. §. 2. Instit. de Rerum Divis. l. 6. Cod. de Operibus public. l. ult. Cod. de Sacros. Eccles. Et alio sensu *publicum* accipitur, pro eo, quod dicitur jus commune, jus solemne. Quales sunt leges, edicta, senatusconsulta, constitutiones & mores. l. 7. §. 16. D. de Pact. l. 27. D. de Reg. Juris. l. 116. §. 1. D. eod.

2. Jus Publicum in sensu primo consistit in Sacris, in Sacerdotibus, in Magistratibus. Continet Ius Fœderale, Ius Augurale, Ius Pontificium, Ius Senatorium, si antiqua spectemus; ut sub jure publico Sacrum possit contineri, in quantum publica cura habenda est religionis, etiam ea incumbit reum publicarum moderatoribus, qui circa sacra versantur, non tamen ea tractant; ut quæ spectabant Sacrarum personarum officium, & administrationem. Hancque bimbrem Juris divisionem probavit Livius lib. 3. suæ Hist. *Decem tabularum leges per lata sunt; & post, fons omnis publici privati Juris*. Servavit Plinius, qui lib. 1. Epistol. Aristonem Iurisconsultum, *veluti privati publicique Juris peritum*, commendat: & nostri secuti sunt Iurisconsulti. §. 4. hic. l. 1. §. 2. D. eod. In 12. tabulis nihilominus, ubi jus publicum pro Senatorio, aut eo jure, quod consistit in Magistratibus fuit acceptum, sacrum à publico distinguebatur, adeoque tria Juris erant genera, Sacrum, Publicum & Privatum. Quintilian. lib. 4. c. 2. circa finem. Vid. Alciat. 1. Parerg. 31. Revard. 5. Varior. 12. Clapmar. de Arcan. dominat. lib. 1. c. 15. Donell. 2. Comm. 3. 5. 6. 7. ibique Hilliger. Cujac. §. obs. 33. Lyclam. 7. Eclog. 40. Befold. ad l. 1. P. hic. n. 11. Olemann. in præfat. ad disput. Giphani. ad Instit. disp. 1. n. 18. Wurms. Nucl. Jur. Controv. lib. 1. tit. 2. Controv. 9. Præmittitur ordine Ius Sacrum, quod ante omnia divinus cultus sit spectandus, honor Deo debitus, religio in Deum, quæ etiam bono communis est præferenda. Gloriæ Dei cedunt omnia, etiam salus communis, & nostri ipsius conservatio. Ut si cum Dei dedecore reipublicæ posset. confuli, potius quis eam merito perire sinat, quam ut vel in minimo gloriæ aut honori sui Dei velit præjudicatum. Nam quo finis est ulterior eo est superior, melior, & dignior. Cedunt autem infera superis, deteriora melioribus, indigniora dignioribus. Id quod non ignorant Iurisconsulti Gentiles, qui ante omnia curam numinis habuerunt, & eâ neglectâ rempublicam salvam sperare non poterant. Vid. l. 2. 3. D. hic.

Sequitur Ius Publicum, quod in magistratibus consistit, ut tamen privato juri præponatur. Quia bonum universitatis, quod & singulorum complectitur utilitatem, privato præferendum est. Et conspirant in corpore membra ad totius corporis conservationem, ut vel sui ipsius conservatio sit negligenda, quo reipublicæ sit bene. Sicuti & alii censent jus publicum ante priuatum initium suum habuisse, de quo tamen dubitaveris haud immerito. Vid. Conn. 1. Comin. 4. eique contrarium Lyclam. Membran. 7. Eclog. 41.

Quod Ius Publicum, an in statu Monarchico sit sublatum, postquam populus omnem suam potestatem per legem Regiam in Principem transtulit, disquiri solet? Meo judicio populus quidem juris publici condendi & constituendi facultatem Principi concessit, adeoque in multis juris publici forma fuit immutata; non tamen animo perdendi, verum ejus custodiendi fideliter id factum est. Non magis enim publici quam privati Juris dispositio Principi tributa est, ut si non hoc propterea sit sublatum, nec illud censerī debeat abolitum. Si enim nullum jus publicum superest, nulla legum publicarum observantia, quid aliud esset Regnum, quam mera confusio, latrocinium, & Tyrannis? Vid. Coras. 2. de Arte Iur. 2. Lyclam. 7. Membr. Eclog. 8. Vinc. Cabot. lib. 1. c. 1. & lib. 10. c. 1. Arum. Exercit. 1. thes. 10. Befold. ad l. 1. D. hic. n. 16. diss. Rævard. 5. varior. 12.

Jus Privatum est, quod ad singulorum utilitatem pertinet, scil. per se & primario; nam per consequentiam etiam respicit communitatis utilitatem, cum si singulis in universitate sit bene, etiam ipsi universitati bene sit. Conspirant enim omnia & singula membra totius, in bonum corporis universi, cujus sunt partes, ut tum universitati probe sit consultum, dum consultum est singulis in eâ. Non tamen addo *generaliter*, uti vult Balduin. quasi omne jus privatum spectet singulorum utilitatem generaliter. Nam etiam jus est privilegiatum, quod jus singulare appellatur, interque juris civilis partes recenserī potest, §. quod Principi. Instit. tit. seq. l. 1. D. de Constit. Princ. licet generaliter ad omnes non pertineat. Et tamen eo jure in controversiis privatorum dirimendis utimur; quæ juris privati nota est, atque proprietas.

Hoc jus privatum sic explicatum collectum est ex Iure Naturali, Gentium & Civili, non tamen ad exclusionem juris publici, quod etiam eosdem agnovit fontes & rivulos. Non minus enim Juris publici vestigia occurrunt in brutis animantibus, quam Juris privati simulacra. Apes enim suum regem sequuntur, ei per instinctum naturæ fidelitatem præstant, eundem ambiunt, circumvolitant. Grues agminatim prodeunt, instruunt aciem, voltando ordinem litterarum observant, ad figuram litteræ Δ. custodem exponunt

ponunt, qui pro omnium vigilet incolumitate. Ne quicquam proferam de formicarum, cuniculorum, Elephantorum politiâ, quæ ex historiarum naturalis scriptoribus, Plinio, Eliano, aliisque sunt petenda. Quid quod religio in Deum sit Juris naturæ, gentium & civilis, quæ tamen etiam jus publicum concernit. Et quæ juri gentium adscribuntur multa, in jure nostro, publicam spectant utilitatem, adeoque universitatis bonum. l. 2. §. D. de Instit. & Jure. Duaren. D. de Iust. & Jure. c. 5. Giphani, disp. 1. Instit. n. 20. 21. ad Thef. 8. Gædd. ad l. 6. n. 11. D. de v. signif. Hænon. disp. 1. Instit. thef. 8. Bacchoy. ad Treutl. vol. 1. disp. 1. fol. 11. diff. Cujac. in notis hic. n. 8. Lyclain. 7. Membran. Eclog. 41. §. 1. Bocer. Class. 1. disp. 2. thef. 5. Hægius hic. n. 4.

7. *Dicendum est igitur.*] De jure tantum privato in Institutionibus est agendum, quia legitimæ scientiæ prima elementa, quibus Juris tirones dant operum, non sunt Juris publici perplexis disputationibus oneranda, aut turbanda, utpote ininis congruentibus Juris primordiis. Præterquam quod universa fere Iustiniani legislatio in jure privato explicando sit occupata; unde etiam de negotiis privatis lites sunt frequentiores, quam de causis publicis. Duaren. c. 5. de Iust. & Jure. Quæ vero spectant jus publicum, ea in transitu attinguntur à Tribonianò tit. fin. libri 4. Institutionum, prolixè vero & operose explicantur. lib. 1. ult. & pen. D. lib. 1. & 4. postremis Cod. libris, & certis novell. Iustiniani Imperatoris. Cætera ad jus publicum facientia, ex scriptoribus Politicis sunt petenda, potissimum apud Germanos ex Goldasto, Arumæo, Daniele Ottone de jure public. Besoldi dissertationibus, Carpzovio ad l. Regiam Germanorum. Lymnæo aliisque multis, quos omnes recensere foret operosum nimium.

LIBER. I. TITULUS. II.

JUS naturale est, quod natura omnia animalia docuit. Nam jus istud, non humani generis proprium est: sed omnium animalium, quæ in cælo, quæ in terrâ, quæ in mari nascuntur. Hinc descendit maris atque læminæ conjunctio, quam nos *matrimonium* appellamus: hinc liberorum procreatio, hinc educatio: videmus etenim cætera quoque animalia istius juris peritiâ censei.

1. Jus autem civile à Jure gentium distinguitur: quod omnes populi, qui legibus & moribus reguntur, partim suo proprio, partim communi omnium hominum jure utuntur. Nam quod quisque

que populus ipse sibi jus constituit, id ipsius proprium civitatis est: vocaturque jus civile, quasi jus proprium ipsius civitatis. Quod verò naturalis ratio inter omnes homines constituit, id apud omnes peræquè custoditur, vocaturque jus gentium, quasi quo jure omnes gentes utantur. Et populus itaque Romanus partim proprio, partim communi omnium hominum jure utitur. Quæ singula qualia sint, suis locis proponemus.

1. Sed Jus quidem civile ex unaquaq; civitate appellatur, veluti Atheniensium. Nam si quis velit Solonis, vel Draconis leges appellare jus civile Atheniensium, non erraverit. Sic enim & jus, quo Romanus populus utitur, jus civile Romanorum appellamus: vel jus Quiritum, quo Quirites utuntur. Romani enim à Romulo, Quirites à Quirino appellantur. Sed quoties non addimus nomen, cujus sit civitatis, nostrum jus significamus. Sicuti cum Poëtam dicimus, nec addimus nomen, subauditur apud Græcos egregius Homerus, apud nos Virgilius.

Jus autem gentium omni humano generi commune est. Nam usu exigente, & humanis necessitatibus, gentes humanæ jura quædam sibi constituerunt. Bella etenim orta sunt, & captivitates sequuntur, & servitutes, quæ sunt naturali juri contrariæ. Jure enim naturali omnes homines ab initio liberi nascebantur. Et ex hoc jure gentium omnes penè contractus introducti sunt, ut emptio & venditio, locatio & conductio, societas, depositum, mutuum, & alii innumerabiles.

3. Constat autem jus nostrum, quo utimur, aut scripto, aut sine scripto, ut apud Græcos τῶν νόμων οἱ μὲν ὑγγραφοί, οἱ δὲ ἀγραφοί. *Legum aliæ scriptæ, aliæ non scriptæ.* Scriptum autem jus est Lex, Plebiscitum, Senatusconsultum, Principum placita, Magistratuum edicta, Responsa prudentum.

4. Lex est, quod populus Romanus, senatorio magistratu interrogante (veluti Consule) constituebat.

Plebiscitum est, quod plebs, plebeio magistratu interrogante (veluti Tribuno) constituebat. Plebs autem à Populo eo differt, quo species à genere: nam appellatione Populi universi cives significantur, connumeratis etiam Patriciis & Senatoribus. Plebis

autem appellatione, sine Patriciis & Senatoribus, ceteri cives significantur. Sed & Plebiscita lege Hortensia lata non minus valere, quam leges, coeperunt.

5. Senatusconsultum est, quod Senatus jubet, atque constituit. Nam cum auctus esset populus Romanus in eum modum, ut difficile esset in unum eum convocari, legis faciendae causâ, æquum visum est, Senatum vice populi consuli.

6. Sed & quod Principi placuit legis habet vigorem: cum lege Regiâ, quæ de ejus imperio lata est, populus ei, & in eum omne imperium suum & potestatem concedat. Quodcumque verò Imperator per epistolam constituit, vel cognoscens decrevit, vel edicto præcepit, legem esse constat. Hæc sunt, quæ Constitutiones appellantur. Planè ex his quædam sunt personales, quæ nec ad exemplum trahuntur: quoniam non hoc Princeps vult. Nam quod alicui ob meritum indulgit, vel si quam pœnam irrogavit, vel si cui sine exemplo subvenit, personam non transgreditur. Aliæ autem cum generales sint, omnes procul dubio tenent.

7. Prætorum quoque edicta non modicam obtinent Iuris auctoritatem. Hoc etiam Ius *Honorarium* solemus appellare, quod qui honores gerunt, id est, Magistratus, auctoritatem huic juri dederunt. Proponebant & Aediles Curules edictum de quibusdam causis, quod & ipsum Iuris honorarii portio est.

8. Responsa prudentum sunt sententiæ & opiniones eorum, quibus permissum erat de jure respondere. Nam antiquitus constitutum erat, ut essent, qui Iura publicè interpretarentur, quibus à Cæsare jus respondendi datum est, qui Iurisconsulti appellabantur, quorum omnium sententiæ & opiniones eam auctoritatem tenebant, ut Iudici recedere à responsis eorum non liceret, ut est constitutum.

9. Sine scripto jus venit, quod usus approbavit. nam diuturni mores consensu utentium comprobati, legem imitantur.

10. Et non ineleganter in duas species Ius civile distributum esse videtur. Nam origo ejus ab institutis duarum civitatum, Athenarum scilicet & Lacedæmoniorum, fluxisse videtur. In his enim civitatibus ita agi solitum erat, ut Lacedæmonii quidem magis ea, quæ

quæ pro legibus observabant, memoriæ mandarent: Athenienses verò ea, quæ in legibus scripta comprehendissent, custodirent.

11. Sed naturalia quidem jura, quæ apud omnes gentes peræquè observantur, divinâ quadam providentiâ constituta, semper firma atque immutabilia permanent. Ea verò, quæ ipsa sibi quæque civitas constituit, sæpè mutari solent, vel tacito consensu populi, vel aliâ postea lege latâ.

12. Omne autem jus, quo utimur, vel ad Personas pertinet, vel ad Res, vel ad Actiones. Et prius de personis videamus; nam parum est jus nosse, si personæ, quarum causâ constitutum est, ignorentur.

C O M M E N T A R I U S.

I N I T I U M.

- | | |
|---|--|
| 1. <i>Quam varia sint JURIS acceptiones?</i> | 5. <i>An BRUTIS JURIS ratio possit applicari?</i> |
| 2. <i>JURIS summa divisio proponitur. Et quid sit Jus DEI explicatur?</i> | 6. <i>Quid sit Ius Naturale hominum? Et Quotuplex?</i> |
| 3. <i>Quid Jus CREATURARUM?</i> | 7. <i>An admittendus sit aliquis natura Status, quem Statum belli appellat THOMAS HOBBS?</i> |
| 4. <i>Quid Jus NATURALE, & quot modis accipitur?</i> | |



Us.] Quam variæ sint Juris acceptiones, enumerat 1. Jurisconsultus, in l. pen. & ult. D. de Justit. & Jure. Sunt plures aliæ præter ibidem recensitas, quæ nostro magis inserviunt instituto. Ut quando Ius accipitur pro legitimâ aliquid faciendi potestate. l. 54. l. 55. l. 151. D. de Reg. Jur. Pro lege jubente hoc tit. Pro effectu Justitiæ, seu ipsâ actione, quæ legi conformis est. Init. Instit. de Action. Pro arte Juris, seu præceptorum legalium collectione. l. 1. D. de Just. & Jure Pro statu & conditione hominum. tit. Instit. de Jure Person. denique pro regulâ liciti, & honesti; quæ si sit manifestata vel in præceptum, vel legem sese diffundet, tumque erit norma agendorum. Vid. de pluribus Juris significationibus Hilligerum ad Donell. 1. Comm. 3. Althus. dicajol. libr. 1. c. 13. & seq.

Hoc Ius in genere dividi poterit, quod aliud sit Dei, aliud Creaturarum. 2.

Ius Dei non appello, quod Deum auctorem habet, nec Creaturarum, quod Creaturas, desumptâ denominatione ab efficiente causâ. diss. Donell. 1. Comment. 7. Hilliger. ibid. & 2. Comm. 3. Forcat. Dialog. 37. Amesin Casubus Conscient. libr. 5. Verum Jus Dei mihi erit, & regula liciti & honesti, in mente divina, secundum quam Deus semetipsum obligat, vel quasi obligat, in ordine ad Creaturarum, vel sui ipsius directionem. Estque vel Jus Dei Naturale, vel Positivum. Illud adeo est immutabile, ut citra divinæ naturæ præjudicium, id est, abnegationem, aliter sese habere nequeat. Unde ne quidem Deus antecedenter ad suam voluntatem, aliter potest velle, aut vult posse. Neque enim in signo rationis in divinâ fundatur voluntate, verum in naturæ divinæ perfectione, in illâ eminentiâ Deitatis, seu *ὑπεροχῇ*, quam nemo mortalium non potest agnovisse, quamque Deus ipse sibi denegare non potest. Ut enim suam naturam immutabilem, perfectissimam imminuere non potest, nec ei quicquam derogare, ita nihil poterit Deus in detrimentum ejus, quod naturæ propriæ præjudicaret. Hujus divini Juris, semper eodem modo sese habentis expressio sese in legem diffundentis, cernitur in primo Decalogi præcepto: *Non habebis Deos alienos in conspectu meo.*

2. Jus Dei positivum appello, quod antecedenter ad divinam voluntatem in signo rationis, (utar terminis Scholasticorum) tale est, ut ejus contrarium Deus velle potuisset, citra ullum perfectionis suæ naturæ præjudicium; cujus exemplum suppeditat, secundum primæ tabulæ decalogi præceptum. Quod uti modum complectitur rite Deum colendi, ita etiam alium illi dissimilem, siquidem aliter Deo visum fuisset, exhibere potuisset. Est & alterum exemplum in quarto ejusdem tabulæ præcepto, quo septimum quemque diem, id est, unum è septem diebus nobis quidem immutabili lege sanctificandum præscripsit, non tamen lege sibi, antecedenter ad decretum, immutabili. Nihil enim obstat, quo minus decimum vel nonum quemque diem sui sanctificationi destinare potuisset.

3. Sequitur altera Juris generalis species, scil. Jus Creaturarum; quando Creatura, proprie, quæ sensu intellectuâli prædita est, primo & primario ita ad aliam ordinatur Creaturam, ut eam vel obliget, vel ab eâ vicissim obligetur, ad hoc vel illud dandum, faciendum, præstandum. Dixi primo & primario, ut tamen Creatura etiam suo modo ad se referatur, sibi suum debitum præstare teneatur, in quantum uti explicui in def. Justitiæ, etiam ea virtus suo modo respicit, & ordinatur ad perfectionem & rectitudinem habentis. Hoc Jus Creaturarum, est vel Angelicum vel Humanum. Illius Juris explicatio est supra nos, adeoque ad Jurisconsultos non pertinet. Neque enim una Angelorum & hominum est societas, in cælo suo modo futura.

Ne-

Neque Angelorum consideratio ad illum Juris objectum referri potest, siue sit objectum generalissimum, quale est *Judicium*, siue sint objecta plura partialia. Res enim de quibus in Jure agitur, hominum gratiâ sunt inventæ; & actiones, quibus illas persequimur, propter res & homines; ut Angelis nihil sit reliqui. §. fin. Instit. hic. §. 37. in fin. Instit. de Rer. Divis. l. 1. 2. D. de statu homin.

Agendum igitur de Jure humano, quod inter homines sibi locum vindicat; siue eos auctores agnoscat, siue Deum qui hominibus Jura condidit. Nec interest homo consideretur in se an relate ad hominem, an vero ut civis est in ordine ad civem, ratione civilis societatis.

Jus naturale.] In vocabulis, quandoque jus nostrum, Naturale Jus, etiam cum eo Jure Gentium, quod appellant secundarium, confunditur; ut in §. 11. luncto §. 17. Instit. de Rerum Division. In re tamen Jus Naturale à Gentium Jure distingui, indicat satis superque divisio Juris, quæ à Triboniano hoc tit. proponitur. Utque Jus Naturale melius intelligatur, id varie considerabo. Vel enim est Jus Naturale Dei, etiam in ordine ad Creaturas, quod in superioribus breviter explicui, neque jam repetam. Vel est Jus Naturale hominis & bruti, in quantum homo ut animal consideratur. Vel est Jus Naturale hominis, prout est homo, & ut dicitur esse Creatura quæpiam rationalis. Vid. Forcatul. Dialog. 37. Stephan. de Malefcot. de Nupt. c. 3. p. 44.

Jus Naturale homini & Bruto commune, admodum abusive Jus appellatur. Ut aliis magis placeat vox præcepti, quasi sit monitum tantum, sine vi obligandi, adeoque latius pateat lege & Jure Naturali proprie dicto. Ita Merend. 2. Contra. 1. Quod tamen non placet, licet quondam placuerit; quia monitum & præceptum respicit officium cujusque, quod cum fieri debeat, etiam vim aliquam obligandi continebit, ex parte ejus, qui quid facere debet. Præterquam quod Præceptum & monitum æque abusive Brutis tribuatur, atque vocabulum Juris Naturæ. Nec obstat quod in Sacro Codice Deus animalibus præcepisse scribatur. Uti Genes. 1. 2. quia præceptum improprie illis applicatur, sicuti & rebus inanimatis. Psal. 148.

Malim potius Jussu Naturalis duplicem admittere significationem. Primum accipitur pro virtute quâ divinâ ab ipso creatore rebus creâti inditâ, seu instinctu aliquo naturæ, omnibus animalibus vitâ sensuali præditis, communi; qui nec laudem nec vituperium meretur, neque circumstantiis moralibus est determinatus. Secundum quem instinctum, adeoque sensualem aliquem discursum, quam æstimator Philosophi appellant, animalia incitantur, positive in sui conservationem, ejusque quod noxium & deleterium est aversionem. Ut huic Juri Naturali nihil possit tribui aut applicari,

cari, nisi quod respicit cujusque animantis conservationem, idque vel in specie, ut loquar Philosophice, vel in individuo.

In specie, id est ad suæ speciei conservationem, sui similis propagationem, quo refero maris & fæminæ conjunctionem, liberorum procreationem, educationem. In individuo, dum stimulus naturæ, quemque incitat, ad sui defensionem & tutelam, ad injuriæ propulsationem, damni aversionem, de quo Jure Cicero in Orat. pro Milone. Atque ita si quid homines agant ex ratione, id si animalia bruta peragant secundum ductum, impetum & incitamentum suæ naturæ, Jure fecisse dicentur: non aliter atque apud probatos scriptores, secundum aliquam analogiam, brutis tribuuntur; *Sæpi*, seu mores, virtutes & vitia, in quantum effectu inspecto, externis quibusdam simulacris, vestigia quæ virtutum & vitiorum in brutis apparent: licet tamen nec præmiis afficiantur, nec proprie subsint pœnis. Speckhancent. 1. q. 84. Ita Philos. in historiâ animal. & Plin. de Apibus libr. 11. c. 5. *Quod maxime inquit, mirum est, mores habent.* Et Princeps poetarum de iisdem, ----- *totius ex ordine genis,*

Mores & studia & populos & prælia dicam.

- Ut immerito Valla Grammi. Eleg. 4. c. 48. censuram strinxerit in Ulpianum, quasi bruta velit Iuris Naturalis, prout in hominem cadit, esse perita & participia, cum nonnisi inclinationem & impetum quem naturæ indicet Ulpianus, quem Iuris Naturalis complexus est appellatione. Vid. Iohan. Fabrum Instit. hic. Donell. 1. Comm. 6. ibique Hilliger. litt. G. Rævard. 1. varior. cap. 1. Casaub. in Athenæum Deipnos. cap. 10. libr. 1. p. mihi. 34. Coras. ad l. 1. D. de Iust. & Iure. Connan. 1. Comment. Iur. Civ. c. 6. n. 1. Bocerum Class. 1. disp. 2. n. 6. Baronem Enenckel. 1. de Privil. 8. n. 31. Bacchov. ad Treutl. disp. 1. thes. 4. litt. c. Lyclam. 6. Membri. ult. & 7. cap. 30. Vid. Befold. in delib. Pand. tit. de Iust. & Iure. n. 5. & ad l. 1. D. eod. n. 20.
6. Accedo ad alteram Iuris Naturalis significationem, prout illud nonnisi hominis est, dum ille secundum dictamen recte rationis, rationali naturâ instigante, bonum morale à malo, justum ab injusto secernit. Ut ita Jus Naturale hominum designet regulas seu communia quæ principia honestatis, in quorum notitiam homo, si seipsum examinet, suamque excutiat rationem, quasi rationalis naturæ pondere fertur, & impetu quodam tuit. Cumque à Deo sic condita sit ejus natura, ut non possit non ferri in illa principia Juris naturæ, quæ sunt quasi lex quæpiam tacita, mentibus hominis indita, ideo etiam obligatur, ut vel secundum illam legem possit condemnari, sitque omnino ἀναπολόγητος, ex illo Apostoli ad Roman. 1. v. 20. Et poterunt omnia quæ boni liciti honesti veniunt nomine referri ad Jus Naturale,

turales, jam descriptum, *dispositive*. In quantum recta ratio dicat nonnulla esse facienda, alia omittenda, non tantum per modum consilii aut moniti, verum per modum jussus, vim obligantem habentis. Cæterum poterit etiam aliquid dici Juris Naturalis hominum, *permissive*, quod ita hominibus proprium est, ut non tamen in regulam boni & justii, verum in monita sese diffundat, adeoque suasu non præcepto proprie dicto, aut lege ad ea stimuletur homo. Vel etiam non stimuletur, verum id ejus relinquatur arbitrio, permittatur, non jubeatur, adeoque vi omni obligandi, & adstringendi necessitate destituatur. Quo refero, maris & foeminae conjunctionem; libertatem, servitutem; Jus venandi, & quæ sunt hujus generis alia. Quæ licet dicantur esse Juris Naturæ, ejus tamen non sunt *dispositive*, sed *permissive*. Vid. mea de Statutis. Sect. 1. c. 1.

Veniam mihi dari desidero, si ad rei propositæ elucidationem illis artis terminis uti cogar, quod non aliis melius cam explicari posse, animadvertâ.

Verum quo magis elucescat Juris Naturalis definitio, non possum hic non in transitu cujusdam Sententiam heterodoxam, & ab omni Naturæ & scripturæ lumine alienam ad incudem revocare, Ea est viri aliter acutissimi Thomæ Hobbes, in suo tractatu de Cive, ubi ex professo Jus Naturale sic explicat, ut illud omnino tollat, nec ullas in homine reliquias honestatis post lapsum velit superesse. Fingit enim Naturæ quem statum, id est hominis extra societatem humanam constituti, quem belli statum appellat, in quo hominem sine ullâ lege, sine conscientia prave factorum, sine justii & injustii, æqui, iniqui, honesti, turpis, boni aut mali regulas, intuetur. In quo statu propterea nihil illiciti censerî potest, omnia sunt *ad id opus*, & licita sunt omnia in omnes. Ubi omnis recti bonique ratio est sui conservatio, & appetitus noster mensura boni, sic ut quod lubet, liceat. Ubi nec justitiæ nec temperantiæ locus est, ut nullum justum aut iniquum à naturâ, verum illud tantum, quod utili vel inutili fuerit determinatum. Quæ sententia, sicut forte neminem præter Carneadem & Epicurum habuit auctorem primum, Connan. 6. Comm. 1. ita apud Christianos adeo turpis est visa, ut ea inter monstrosa & reipublicæ perniciofa dogmata retulerint.

Hoc enim statu præsupposito, conservatio sui ipsius foret omnis æqui bonique, justii atque injustii finis, unde omnis boni & mali ratio desumenda foret. Cum tamen nemine dubitante finis hominis sit amor sui, (positivè & negative procuratus, per conservationem boni, & mali remotionem.) potissimum amor Dei, qui finis est ultimus.

Accedit, quod si conservatio sui ipsius in illo statu, omnem rationem boni malique determinaret, nos præter animalitatem vel illam sensuali-tem, quam cum brutis habemus communem, nihil esse habituros; adeoque

ille sensualis finis, ut sic loquar, ad quem tamen homo à Deo non est conditus, ut nec eum semper intendere deberet, quod etiam ordinatus appetitus salutem suam possit negligere, tantum esset curandus, cætera omnia negligenda impune. Flagitium propterea non esset scortari, vagum concubitum exercere modo non esset nimius, & qui innumeri, non nominandi casus fingi possent. Vid. Twissum de Permiss. p. 3. digress. 6. sect. 4. p. 557. vol. 1. Atque adeo inferendum esset, hominem non magis in illo naturæ statu ad Dei gloriam, ultimum omnium finem, esse destinatum, quam animalia bruta. Ut frustra Deus illi intellectum & voluntatem, sui que imaginem, ductus & lineamenta indidisset, quo ad auctorem universi à quo quicquid habet, & hoc quod spiret, accepit, etiam in quovis statu, seipsum suaque destinaret.

Quinimo si appetitus esset mensura boni, si finis cujusque conservatio, jam totuplex esset boni & veri ratio, quod essent homines. Cum tamen, quod omnium una sit natura, una ratio, si recta, bonum morale bono contrarium esse non deberet.

Quod amplius est, homo constitutus extra civilem societatem, nullo sensu summi Numinis afficeretur, omni careret religione, & physice & moraliter independenter à Deo constitueretur. Aut si dependenter, à Deo constitueretur, non illud esset propter debitam Deo obedientiam, quam quidem propter potentiam Dei, hominis imbecillitatem, uti alibi Hobbes innuere videtur. Adeoque homo patri subesset Deo non ut benefico auctori & creatori, sed ut Tyranno & Domino potenti, cui quia potentior est, invitus pareat, non autem ex officio parere habet necesse, quod per vim detineatur.

Quæ omnia si non satis absurda cuiquam sint visa, ei equidem sequentia opponam.

Quod nunquam aut nuspiam ille naturæ status obtinuerit, nulla ejusmodi hominis fuerit natura, ut in statu belli vel libertatis, ab omni æqui bonique sensu, immunis viveret. Ut hunc frustraingat Thomas Hobbes, nisi eundem probaverit.

Nunquam homo sine omni Iure vel lege Naturali, quæ conscientis est indita singulorū, censeri potuerit. Principio enim quod certū est, nos omnes ab uno parente Adamo ortum traximus, cujus imperio, etiam sensu Hobbiāno, quia potestati, suberamus. Utque ille boni malique legem habuit, sibi à suo conditore præscriptam, (neque enim eum à seipso positive ortum duxisse quispiam asseruerit) ita proculdubio ipse & eam, præter suas leges, sua Iura, posteris & successoribus communicavit, injunxit, præscripsit. Quā ratione non poterant singulis in singulos singula fuisse licita, nec appetitus

petitus esse regula omnis equi & boni. Ut si aliam quam historiam, aliam conditionem humani generis, sibi quispiam fingat, quam tamen non agnovit sacra pagina, is Atheis, aliisque prophanis hominibus sit adnumerandus.

Non denique negari poterit, esse aliquam legem, aliquod Jus Naturale cordibus hominum insculptum, id est, menti & conscientiae cujusque inditum, adeoque omnem hominem venientem in mundum illuminari ab auctore universi, id est, ei quasi ingenerari semina scintillasque boni malique, justi & injusti. Apost. Paulus Rom. c. 1. Jurisc. Paulus in l. 7. in princ. D. Bon. damnat. August. 2. conf. 4. Quae ad minimum erunt judicia quae-piam & indicia honesti & inhonesti, ipsi rationi humanae, ejusque naturae adeo conformia, ut nemo sanus existens, & usu rationis pollens non vitiato, suamque excutens conscientiam, non possit in ea non incidere, non possit ea vel immutare vel prorsus abjicere, abdicare, adeoque se constituere excusabilem. Rom. 1. Quae ideo notitia quae-piam naturalis, vel Jus Naturale appellari potest, quia à naturâ, id est, causarum omnium complexione quasi suggerente, ad rei alicujus perceptionem, & judicium & quidem tale de eo faciendum, suo modo provocamur & adigimur. Non aliter atque ad cognitionem & assensum principiorum theoreticorum, sive in Metaphysicis, sive Mathematicis, omnes pariliter ferimur, & rationis pondere premimur, ut pro veris citra dubitationem ea amplectamur, simulac termini nobis innotuerunt. Exemplum suggeram in moralibus, quod de Theoricis Principiis nemo sanus dubitaverit unquam, ne quidem Novaturientes Philosophi, quibus aliquod Principium pro indubitato ponendum est, utque punctum Archimedeum immobile figendum.

Ita Naturale erit judicium omnium hominum de beneficio accepto, nec poterit ille, qui desiderio flagrat suae conservationis, non cogitare de officio ei exhibendo, à quo omnibus destitutus mediis, est conservatus, quique eum potuisset impune derelinquere. Quod quid aliud est, quam meriti & deimeriti, boni & aequi nos habituros apprehensionem, adeoque in hoc casu omnes, si judicium adhibeamus, judicaturos esse pariliter. Et quia tale judicium omnium hominum erit pari formae, quia etiam inevitabile, si eam spectemus conditionem, in qua à naturâ, vel auctore naturae sumus constituti, & in hunc sensum omnes deducamur, obligationem quam esse ad antidora, cur non ea obligatio poterit dici esse Juris cujusdam naturae? Quae ipsa ratio est, ut licet vix quicquam Jure gentium in ingratos sit constitutum, etiam de Jure Civili, paucissimis in casibus ingrati nomine liceat experiri, nihil apud omnes mortales ingratitudine judicetur turpius, nihil homine ingrato detestabilius. Vid. Grotium in Proleg. de Jure Bell. & Pac.

Se-

Sethum Wardum Prof. Oxoniens. Contra Hobbem. C. de Homin. Hobbiano. & de Ingratitudine Casp. Schirffordegerum tract. 26.

JURE CANONICO.

Canones Jus dividunt in divinum & humanum; illud Jus Naturale; hoc mores appellant. Desiniunt Jus Naturale, quod in lege & Evangelio continetur, quo quisque jubetur alii facere, quod sibi fieri. distinct. 1. in princ. Quæ tamen definitio non omnium est hominum, verum tantum Christianorum. Ut melius & Juri nostro congruenter, Jus omne dividant, & desiniant, in c. 6. & seqq. distinct. 1.

§. 1.

1. Jus Gentium, *ejusque distinctio à* 2. Jus Gentium à Iure Civili *distinguitur.*
Iure Naturæ explicatur.

1. **J***us autem Civile.]* Quid sit Ius Gentium, & in quo à Iure Naturali distinguatur, est explicandum, dein facili negotio constabit, in quo Ius Gentium à Iure Civili secernatur. Ius gentium est, quod ratio Naturalis inter homines constituit, & quo Gentes humanæ utuntur. §. 1. in Med. §. 2. in Med. Instit. hic. l. 1. §. fin. D. eod. An igitur omnes Gentes illo utentur, nullâ exceptâ? Id forte nemo sanus affirmaverit, cum & ea exempla, quæ Ius Gentium esse dicuntur, §. 2. in Med. non apud omnes gentes peræque observentur. Quamobrem Iurisconsultus in d. §. 2. in Med. non universalis, quæ nihil excludit, sed indefinitâ oratione, fuit usus, in illis verbis: *gentes humane Jura quadam sibi constituerunt.* Id est inter gentes pleræque secundum dictamen rectæ rationis, saltem inter illas moratiores & humaniores, tale sibi Ius constituerunt, quod Ius Gentium inde appellatur.

Nec obs. quod in §. 1. & 11. omnes gentes dicantur eo Iure usæ fuisse, illudque apud omnes gentes peræque custodiri, ut nota universalitatis omnes includat, nullâ exceptâ natione. Quoniam in Iure infrequens non est, ut vocabulum omnis pro subjectâ materiâ, de certis, non de omnibus sit intelligendum. Vel adhibeatur textus in §. 1. in fin. Instit. Proœm. & in l. 1. Cod. de Sacros. Trinit. Ubi per cunctos populos non omnes quispiam unquam intellexerit, verum eos moratiores, qui Romanis parebant.

Atq; vel hinc colligere licebit Ius Gentium in rei veritate, (secus si vocabula subinde spectemus. §. 11. Instit. de Rerum Divis.) à Iure Naturali distingui. l. pen. D. Inst. & Inst. Ius enim Naturale hominum est, quod est illorum tantum, & quidem omnium, & singulorum, nullo excepto, etiam eorum qui monasticam vitam degunt, vel in deserto ab aliis separatim veluti pecora, vitam transigunt. Adeoque poterit hoc Ius Naturale quodammodo dici Ius innatum, ex illo Ciceron. pro Milone: *Hæc non scripta, sed nata lex est: quam non didicimus, accepimus, legimus. verum ex natura ipsa*

ATTI-

arripuimus, haufimus exprefsimus. &c. Verum Ius Gentium est, quod non tantum ratio Naturalis dicitur inter homines, etiam ad usum est translatum, & non semper omnium & singulorum est hominum, sed nonnunquam quarundam gentium, ut quia à gentibus receptum est, & apud plerasque, saltem innotiores custoditur, *Jus Gentium* dicatur. §. 1. 2. hic.

Ut Ius Naturale, non sit Ius constitutum, aut ab usu & more Gentium denominatum. Ius Gentium sit etiam Ius constitutum, appellatione ab usu & comprobatione Gentium desumpta. Non quod in unum aliquando convenerint Gentes: verum quod successive plerisque tacite id visum est placere; ut quasi totius orbis fuisse decretum existimetur. l. 1. §. fin. D. hic. diff. Plerique, qui Ius Naturale hominum cum Iure Gentium primævo confundunt. Merend. Iuris Contröv. libr. 2. c. 3. Boccr. Class. 1. disp. 2. n. 10. Wurmsfer. Nucleo Iuris Contröv. lib. 1. tit. 2. Contröv. 1. in fin. & 2. in init. Besold. delib. Iur. P. tit. 1. n. 6. Vid. Grotium de Iure Bell. & Pacis libr. 1. c. 1. n. 10.

Superest ut explicetur, in quo Ius Gentium à Iure Civili distinguatur. 2. Id quod ex ipso textu Insit. §. 1. satis apparet. Nam *Jus Gentium* est, quod congruenter rationi Naturali apud omnes vel plerasque nationes, vel saltem innotiores, summâ consensione probatum, peræque custoditur. *Jus Civile* est, quod ab aliquo populo, vel unâ forte aut alterâ natione est introductum aut comprobatum, ideoque dictum Ius alicujus civitatis. Illud per rationem omnibus hominibus communem, ad humani generis honestatem, necessitatem, utilitatem, quasi tacito omnium consensu est introductum. Hoc ab hominibus sapientibus est excogitatum congruenter genio & conditioni alicujus populi, ad communem ejusdem salutem. l. 1. 2. D. de Legibus.

Illud non fundatur in Iure Civili, nec unquam Civile fit approbatione, quia antecedit. Hoc in Iure Gentium sæpe fundatur, etiam eo tanquam Iure communi omnium hominum utitur, & facit Ius suæ civitatis, saltem approbatione, in quantum illud in civitatem suam populus recepit. §. 1. §. 1. in init. hic. Illud à nullo Iure Civili derivatur, aut ad istud sequitur, tanquam conclusio ad suas præmissas, vel hypothesis ad thesin accommodata. Hoc, puta Ius Civile, vel ex Iure Gentium, (etiam Iure Naturæ) fluens, ut specialis conclusio ex præmissis generalioribus, vel ut specialis determinatio & accommodatio Iuris Gentium, tanquam axiomatis generalis, consideratur. Ex gratia: est Iuris Gentium, neminem debere cum alterius damno fieri locupletiores, idque Naturæ æquum est. l. 14. D. de Cond. Indeb. Hinc sequitur de Iure Civili hæc conclusio, vel si mavis, talis hypothesis formatur. Igitur non licet emptori venditorem circumscribere in

H

pretio,

pretio, aut vice versâ, ultra dimidium l. 2. Cod. de Rescind. Vendit. l. item si pretio. §. fin. D. locat. Aliud dabo exemplum: Juris Gentium est, ut ultimæ voluntatis sit liber stylus, ut liceat hominibus de rebus disponere. Accommodatio seu determinatio specialis accedit de Jure Civili, ut subtili, vel tali formâ, adhibitis illis sollemnibus id liceat. Insuper matrimonium est Juris Gentium, cui si accedat certa limitatio, certi adhibeantur ritus à Jure Civili, dicetur esse Juris Civilis. Et quidem in primo exemplo, quod erat Juris Gentium, manet Juris Gentium, quia non in aliam formam transit. In duobus postremis exemplis, quod fuerat Juris Gentium, dicetur esse Juris Civilis, quia forma specifica generi addita, constituit novam speciem. Vid. Amel. Cas. Conscient. libr. 5. c. 1. n. 22.

§. 2.

- | | |
|--|--|
| <p>1. Ius Civile explicatur, ubi etiam rejicitur distinctio in Ius Civile Merum & Mixtum.</p> <p>2. An Ius Civile simpliciter acceptum designet Ius Romanum?</p> <p>3. Quo sensu dixerit IUSTINIANUS</p> | <p>apud nos Poëta, designat VIRGILIUM?</p> <p>4. Ius Gentium rectè dividitur in Primævum & Secundævum.</p> <p>5. Quanam utrique aut alterutri Juri sint adscribenda, enumeratur.</p> |
|--|--|
1. **S**ed *Ius quidem Civile.* } Quoniam omnes populi, id est quisque populus, partim suo proprio, partim communi omnium hominum Jure utitur, ideo etiam Ius Civile, quod est alicujus populi, aut civitatis, ibique exercetur, duplici ratione considerabitur. Vel enim est Ius Civile origine & inventionione, vel est Ius Civile approbatione.

Hoc modo, dicetur esse Ius Civile, quo civitas utitur, quod in civitatem est receptum. §. 2. v. *Sic enim & Jus.* hic. Et ita Civitas omnium communi hominum Jure uti potest, id est, Jure Naturali & Gentium. §. 1. in init. & med. l. 9. in init. & fin. D. cod. Potest etiam uti Jure alterius Civitatis, aut nationis, sicuti Romani à Græcis aliisque populis suas leges petiverunt, quæ simulac in Romanam Civitatem fuerunt receptæ, Ius Civile Romanum constituerunt. Nam ea nostra facimus, quibus nostram accommodamus auctoritatem, & auctorem fieri nihil aliud est, quam probare etiam quod ab alio geritur. §. pen. Instit. Procem. l. 3. D. de Auctor. Tutor.

Illo modo, id est, origine Ius Civile dicetur, quod quisque populus ipse sibi Ius constituit, id est, adinvenit, & appellatur Ius Civile proprium, in quantum non est commune omnium hominum, vel non aliunde mutuum, d. §. 1. hic.

Ne tamen ahinc intuleris cum DD. in l. 6. D. de Justit. & Jure. aliud esse

esse Jus Civile mixtum, aliud merum. Quasi Jus Civile quod in civitatem receptum sit *mixtum*, quia nititur Jure Naturali vel Gentium. Et Jus Civile origine & inventione sit *merum*, quia merâ Civili consideratione introductum. Neque enim meo judicio ullum Jus Civile poterit dici merum: cum quicquid Juris meretur nomen, in aliquo Jure Naturæ, vel Gentium, fundamentum habeat. Et quæ lex in civitate in totum à Jure Naturali & Gentium declinat, ea ipsa non lex, sed regulæ tyrannica erit appellanda. Maxime cum anima cujusque legis sit ratio, eaque recta, non corrupta, non depravata. l. 39. D. de Legibus. Aristol. 5. Ethicor. 7. Duaren. ad l. 1. in Princ. D. de Pactis. Besold. ad. l. 6. D. de Justit. & Jure. n. 1.

Sed quoties non addimus nomen. Dum Jus Civile simpliciter exprimitur 2. sine ullo additamento, subintelligitur Jus Romanum idque secundum excellentiam. §. 2. hic. Idem quod dicendum, si *Juris communis* facta sit mentio, non expresso populo, cujus illud esset Jus commune. Quamquam non inficias ire possim, etiam per Jus Commune intelligi Jus Naturale, & Gentium. §. 1. hic. l. 9. D. de Inst. & Jure.

Unde à pragmaticis quæsitum est: num si statutum alicujus civitatis dicet, in casibus non expressis ad Jus Commune, vel Civile recurrendum esse, deficiente statuto, locus sit Juri statutorio Provinciali, quod statuto civitatis est communius, num potius Juri Civili Romanorum, id est, Juri scripto Justinianæo? *Resp.* Inprimis erit inquirendum, num in loco statui sit aliqua Juris Civilis, id est, Juris Justinianæi auctoritas? Quo admissio, uti in Provinciis Belgii, in imperio & alibi, dicendum erit per Jus Civile, vel commune scriptum, Jus Romanum intelligi. Tum quia ibidem, statutorum deficientibus, Jus Romanum ut æquissimum est admissum. Tum quia statutorum conditores, statuti ut plurimum hanc subjiciunt clausulam, ut in casibus non expressis ad Jus Commune Cæsareum seu Justinianæum sit recurrendum. Arg. §. 2. hic. Auth. Præsides meo. Cod. Episcop. Audient. l. rem non novam. in fin. init. Cod. de Judic. Jason in l. omnes populi. 9. D. hic. n. 20. 21. 22. Menoch. 2. Præf. 6. n. 11. 12. & 3. Præf. 83. Sainson. ad Turonens. §. 14. Gloss. 1. p. 24. Christin. ad Mechlin. in prælud. n. 38. ibidemque DD. & in Epilog. n. 20. & seqq. Zoef. D. de Pæn. n. 13. & D. de Testam. Milit. in fin. Auctor Batav. Arcadiæ p. mihi. 598. in med. Ordin. Curæ Traject. Provinc. in fin. Constit. Ordin. Ultraject. super Matrim. de ann. 1584. Octobr. 6. artic. 24. 29. Ordin. Urbis Ultraject. in fin. Vid. meum tract. de auctor. Juris Civil. & Can. in Belgio. c. 5. & tractat. de Statut. Sect. 7. c. 2. n. 8. 9.

Si tamen contrahentes casum quem in contractu aut pactis antenuptialibus

libus omiserint, qui habetur pro omisso, ex Jure Communi patrio, id est, provinciali decidi poterit. Cum illa partium conventio supra se habeat Jus patrium provinciale, cui probabiliter sese partes conformare voluerunt. Nic. Everhardi consil. 206. n. 3. Coren. observ. Curia Holland. 30. p. 234. n. 61. & Conf. 25.

Idem quod dicendum, si in statuto cujusdam civitatis *Juris* fiat mentio, sine ullo additamento, *Civilis, Casarei, Communis scripti, Justiniani, Imperiarii, Secularis*. Quia Jus Provinciale Juris itidem venit nomine. l. ult. D. de Decret. ab Ordin. faciend. l. 3. §. 5. D. Sepulchr. Violat. Jason in l. omnes Popul. 9. n. 23. 24. D. Just. & Jure.

Quod etiam obtinebit, si recurrendo ad Jus Commune Romanum absurdus statuti sensus oriretur. Vel Jus Civile præter casum statuto expressum foveret injustitiam. Arg. l. 9. 39. D. de Legibus. Vel Juri Civili in cæteris casibus statuto non expressis generali consuetudine esset de rogatum. Vel soliti sint statuentes recurrere deficiente statuto, ad Jus suum Provinciale. Arg. l. 23. 35. 37. D. de Legibus. Vid. Roman. Consil. 218. incipit. Præfens casus. Mascard. de Interpret. Statutor. conclus. 2. n. 92. & seqq. post Jason. loc. cit. Decian. & alios. vid. Mantic. 6. Conject. ult. volunt. 3. & 3. de Tacit. & Ambig. 7.

3. *Subauditur apud Græcos Homerus.*] Verum quo pacto hæc verba ad Theophilum & Dorotheum Jurisconsultos Græcos, ad Justinianum Imperatorem etiam Græciæ, referri poterunt? Si enim apud Græcos designatur *Homerus, apud nos Virgilius*, oportet utiq; nos Græcos non esse. Resp. Licet Justinianus esset utriusque imperii Moderator, & Occidentis & Orientis, quia tamen Roma caput est gentis, & ejus tempore Imperium in occidente prælatum fuit Græciæ, seque propterea Romanum, non Constantinopolitanum Principem appellat. §. in Princ. Proem. Instit. jure merito se latinis adnumerat, non Græcis. Cui & hæc accedit ratio, quod non Græce, verum latine suas Institutiones conscribi jusserit, latine loquatur, & propterea quasi in Latio versaretur, more Latinorum sua proferat, qui Virgilium non Homerum suum appellant poetam. Hieronym. Magius 1. Miscell. 16.

4. *Nam usu exigente.*] DD. Jus Gentium partiuntur, in primævum & secundævum, vel superius & inferius, prius & posterius. Nec interest quibus nominibus utrumque Jus designetur, modo rem habeamus. l. 2. in fin. Cod. Comm. de Legat. l. 17. D. de Legibus.

Distinctionis autem fundamentum in Jure nostro manifestum est, & omnis bona distinctio prædicatis nititur oppositis. Cum itaque in uno loco Juri Gentium quid adscribatur, quod ei in alio loco denegatur, non potest non

non fieri, nec poterunt inter se Jura conciliari, nisi inter Jus Gentium & Jus Gentium adinittatur distinctio, adeoque Jus Gentium duplex statuatur. Nam in §. 2. hic. ea quæ sunt Juris Gentium, dicuntur esse Juri Naturali contraria, scil. in quantum saltem non sunt ex Jure Naturali, quod tamen ea fieri permittit. Verum in §. 11. Instit. eod. quæ sunt Juris Gentium in tantum non recedunt à Jure Naturali, ut distante rectâ ratione naturali dicantur constituta. Illa, de quibus §. 2. non ab initio cum humano genere nata, verum usu exigente, & humanis necessitatibus ex post facto, ut sunt mutabilia. Hæc de quibus §. 11. dicuntur divinâ providentiâ firma & inmutabilia esse. Ut capropter *Jus Gentium primævum* sit, quod Naturalis ratio ab initio, id est etiam in statu integritatis, semotâ omni depravatione, inter homines constituit, & apud Gentes peræque custoditur. *Jus Gentium secundævum*, quod quidem per rationem naturalem, adhibito discursu mentis, sed tamen occasione humanæ pravitatis invalescentis, adeoque usu exigente & humanis necessitatibus, Gentes sibi constituerunt. d. §. 2. Ut illud Jus Gentium absolute sit constitutum, sine discursu mentis, hoc secus. Illud cum ipso humano genere ortum habeat, hoc invalescente hominum cupiditate intuitu commodi vel incommodi. Vid. Senecam in Octavium. Act. 2. Ibi que Delrion. in Comment. Unde & alii illius quam hujus Juris sunt effectus. Duaren. ad tit. de Just. & Jure. c. 5. Rævard. 1. Varior. 1. in fin. Donell. 1. Comment. 7. Pinell. ad l. 2. Cod. de Rescind. Vendit. p. 1. n. 11. Boccr. Class. 1. disp. 2. n. 11. Wurmser. Nucl. Juris Controv. lib. 1. tit. 2. Controv. 2. Bcfold. delib. Juris ex lib. 1. Pand. n. 6. & ad l. 1. D. de Just. & Jur. n. 25. Bacchov. in Comm. hic. Hænon. disp. 1. Instit. thes. 10. Henric. Ernst. Helmstad. Catholic. Jurisc. 10. n. 1. dilt. Connan. 1. Comment. Juris Civil. c. 5. diff. Coraf. 6. Miscell. cap. fin. Bronchorst Cent. 1. Enant. assert. 3. Lyclam. 7. Membr. Eclog. 31. Zoef. D. de Just. & Jur. n. 33.

Et ex hoc Jure Gentium.] Alios esse Juris Gentium primævi, alios Juris Gentium secundævi effectus, vel hinc colligitur, quod alia illi, alia huic Juri adferbantur. Illi Juri adnumerari poterunt, quæ recensentur in princ. Instit. hoc tit. & in l. 2. 3. D. de Just. & Jure. Quæ uti Juri Naturali adscribuntur, ita etiam Juri Gentium primævo, quod primo & immediate illo Jure nititur, adscribi debebunt. Maxime cum Jus Gentium primævum constituatur, si Juri Naturali, quod rectâ ratio inter homines dicit, accedat usus, & Gentium consensus. §. 1. hic. Nec infrequens est in Jure, ut una eademque res diversimode considerata, etiam diverso jure censeatur. Arg. l. 6. in init. D. quod cujuscque Univ. nomin. l. 45. D. Ad l. Aquil. Quinimo conventiones suo modo ad Jus Gentium primævum referendæ, ut

quas status hominis incorruptus proculdubio admisisset.

Iuri Gentium secundario adscribenda ea, quæ recensentur in fin. §. 2. hic. & in l. 4. §. 5. D. de Iust. & Iure. Excipiunt interpretes inter obligationes & contractus, stipulationem, & alias conventiones. Ut tamen nonnisi stipulatio videatur eximenda, quod cæteræ conventiones, peculiarem seu specificam formam à Iure Civili non receperint, licet eis forte aliqua forma accidentaliter fuerit adjecta. Vid. prolixè de hisce omnibus Hænon. disp. 1. ad Instit. thes. 11. 12. 13. 14. Besol. ad l. 1. P. de Iust. & Iure. n. 25. & ad l. 2. D. cod. n. 1. & seqq. meum tractat. de Statut. sect. 1. cap. 2. 3. & post tract. de Duell. disp. ad l. 3. Cod. l. Cornel. de Sicar.

§. 3.

- | | |
|---|--|
| 1. Jus Civile dividitur in Scriptum & non Scriptum. | Scripti. |
| 2. Scriptura non est de essentiâ Juris | 3. Genuinus sensus divisionis eruitur. |
| | 4. Juris Scripti species enumerantur. |

1. **C**onstat autem Jus nostrum.] Jus Civile dividitur in Scriptum & non Scriptum; ad cujus intellectum præmittendum est, quandoque per Ius Scriptum intelligi Ius constitutum, seu hominum positivum, per Ius non Scriptum designari Ius Naturæ, in quantum in tabulis scriptum non est, sed hominum mentibus, quasi insculptum. Ut in Orat. Ciceron. pro Milone. *Est enim iudices hæc non Scripta, sed nata lex.* Quâ ratione Apostolus Paulus ad Rom. 2. v. 15. *Eam legem cordibus inscriptam refert*, in quantum in hominibus dictat recta ratio ea quæ sunt Iuris Naturæ, citra ulteriorem revelationem, aut promulgationem per Superiores procuratam. Ad quæ respiciens Ambros. de fugâ sec. 3. *Lex, inquit, gemina est, naturalis & scripta. Naturalis in corde, scripta in tabulis.* & post. *Ille autem sibi lex est; qui facit sponte quæ legis sunt, & in corde suo scriptum opus legis ostendit.*

2. Hoc in loco DD. per Ius Scriptum intelligunt, quod publicâ auctoritate in scripturam est redactum, per non Scriptum, ejus contrarium. Verum minus accuratè: neque enim ad essentiâ Juris aut legum quicquam facit scriptura, ut quâ positâ Ius non statim scriptum ponitur, cum etiam consuetudines scribantur, imprimantur, & quidem auctoritate publicâ; & sublatâ Scripturâ leges non desinant esse leges. Quæ non ex aliâ causâ nos tenent, quam quod judicio populi sint receptæ, aut suffragio legislatoris approbatæ. l. 32. §. 1. D. de Legibus. c. constitutionis. 25. quæst. 3.

Quâ ratione apud Lacedæmonios Licurgus. §. 10. Instit. hic. apud Romanos Romulus, suas leges sine scripto tulit. Dionys. Halicarn. Antiq. Rom. libr. 2. quas tamen nemo dixerit fuisse consuetudines. Nec quispiam ibi inficias legem esse legem, simulac populus expresso consensu eam confirmat,

firmat, suamque voluntatem ad rogationem Magistratus Senatorii declarat. §. 4. in init. hic. Nec desinit, quod Principi placet, legis habere vigorem, licet ejus placitum nondum sit literis exaratum. l. 1. D. de Const. Princ. quod sola voluntatis enixæ professio sufficere debeat. d. l. 1. & l. 6. Cod. Qui bon. et dere. neque immutare rei substantiam possit, quod ex post facto supervenit; ut nec hoc faciat scriptura, quæ sorte post legem latam adhibetur, vel consuetudini jam introductæ applicatur. Arg. l. 36. D. de Leg. At tamen hoc facile concessero leges sæpe scribi, sicuti & consuetudines, & ut apertius percipiantur, & ne veniant in oblivionem, neve quis ignorantiam prætendat. l. 2. §. exactis, D. de Origin. Jur. c. 1. de Renuntiat. in 6.

Sicuti ex abundanti novis suis constitutionibus vim obligandi tribuere noluit Imperator Justinianus, nisi elapsis duobus mensibus à publicatione. Nov. 66. Ut tamen hinc nemo recte intulerit, tempus aliquod desiderari, vel spectari ad essentiam constitutionum. Cævall. Comm. opin. q. 887. Vulcei. 1. Feud. n. 1. 2. Lyclam. 7. Membr. Eclog. 39. §. 2. Hilliger. ad Donell. 1. Comm. 10. Arumæus disp. Feudal. 1. thes. 20. Wurmser. Nucl. Jur. Controv. lib. 1. tit. 2. Controv. 3. Besold. ad l. 6. D. de Justit. & Jure. n. 2. Henric. Ernst. Cathol. Juris c. 12. ego de Statut. Sect. 1. c. 4. n. 2. & sect. 3. cap. 1. n. 5. & Sect. 4. c. 1. n. 7. Vid. Harpricht. ad §. quod Principi. n. 27. Instit. hic. Arumæus Exercit. 1. thes. 16. Treutl. disp. 1. thes. 5. litt. B. Hænon. disp. 1. ad Instit. thes. 15. Althus. dica-jol. libr. 1. c. 14. n. 12.

Sensus itaque divisionis Juris in Scriptum & non Scriptum hic est. Quod 3: aliud sit Jus Sancitum, aliud Jus sine sanctione. Jus Sancitum idem est, quod Jus Scriptum, non quia manu conscriptum, vel literis exaratum, verum quia simul & semel latum ab eo, qui supremo gaudet imperio, vel qui eam auctoritatem à supremâ nactus est potestate. Neque enim apud antiquos aliud quid designabat vox scribere, in legum materiâ, quam ferre, & apud Græcos *γράφειν νόμους*, leges ferre seu sancire. Ut Jus Scriptum nihil aliud sit, quam lex, quæ simul atque lata est, ligat, adeoque Jus facit. Quo nomine Jus sine sanctione est consuetudo, quæ auctore Cicerone, est Jus à vetustate sine lege expressum, seu non sancitum. §. 4. 5. 6. 10. Instit. hic. l. 32. §. 1. D. de Legibus. Bodin. in Juris univers. distribut. Besold. ad l. 6. n. 2. D. de Justit. & Jure.

Scriptum Jus est.] Juris Scripti, seu Juris Sanciti in republicâ liberâ tres 4: sunt species, Lex, Plebiscitum, & Senatusconsultum. Quod triplex Jus, præter consuetudinem, quæ Juris non Scripti portio erat, quod præter eam daretur equitas, in Romanâ republicâ obtinuit, antequam ea ad statum Monarchicum fuerat translata. Quo sensu Modestini responsum accipio. in l.

40. D. de Legibus. *Quod omne Jus, aut consensus fecit, supple populi vel plebis, aut necessitas constituit, puta Senatusconsulta, aut firmavit consuetudo, quod de Jure non Scripto est intelligendum.* Cujac. 18. obs. 16. Gothefred. ad d. l. 40. Bocerius Class. 1. disp. 3. n. 11. ex parte dissentiens. Vid. Hotton. ad §. Senatus. Instit. hic. Bodin. 1. de Republic. 10. Joh. Sarium Samofziun de Senatu pop. Rom. libr. 2. p. 6. Althuf. dicajol. libr. 1. c. 14. n. 15. & c. 15.

Ut tamen, si accurate loqui velimus, nec Senatus antiquitus Jus facere potuerit, ut legis haberet vigorem. Nam ea potestas erat populi sine cujus jussu nulla olim vis erat Senatusconsultorum. Dionys. Halicarn. Antiq. Rom. lib. 2. & 7. Unde frequenter apud Livium legitur, Senatus decrevit, populus jussit; non aliter atque sub Imperatoribus Romanis, Senatus consulebat, decernebat, Princeps tamen jubebat. Id quod suadent formulæ, quibus in statulibero rogabatur populus à Magistratu Senatorio. §. 4. hic. & suadet. l. unic. §. 4. D. Offic. Quæstor. l. 8. Cod. de Legibus. Unde colligitur etiam postquam populare regimen in Monarchicum statum est translatum, consultationes & decreta fuisse penes Senatum Romanum. Vid. DD. antea allegatos.

§. 4.

1. *Distinctio inter Jus & Legem proponitur.*
2. *Lex describitur.*

3. *Etiam Origo Plebescitorum, & Auctoritas.*

R. *Ex est.]* Superiori §. relatæ fuerunt Juris Scripti species. Ut tamen potissimum sint quatuor, quæque de se Juris nomen merentur. Neque enim præter populum, plebem, Senatum, Principem, quis Juris condendi gaudebat potestate. Non tamen hæ species Juris Scripti, uno eodemque tempore in republicâ Romanâ obtinuerunt, verum successive, mutatisque rerum vicibus.

Nam in republicâ liberâ, populi, plebis & Senatus erat potestas, penes illos majestas, penes hunc auctoritas. Formâ reipublice immutatâ, penes Principem, majestas, penes Senatum in speciem quædam auctoritas, seu potius examen. l. 8. Cod. de Leg. etiam quandoque ad invidiam declinandam imaginaria quæ Juris condendi apud eundem potestas resedit. l. 9. D. de Leg. & tit. Cod. de Senat. In rei tamen veritate non nisi unica Juris Civilis species, Principum nempe Constitutiones. Et licet postquam omnis in Principem Juris condendi, legum secundarum potestas est translata, etiamnum Juris à populo, plebe, Senatu facti super sit memoria, sic ut illæ Juris species, quæ antea factæ remaneant, non tamen amplius ita introducuntur.

Tacit.

cit. Histor. 1. c. 55. Omnia enim sua fecere Imperatores, quin inno Justinianus quæcumque in Juris Corpus retulit, sua esse voluit, & tanquam à se facta valere, quod iis suam accommodaret auctoritatem. l. 1. §. omnia. l. 2. §. tanta. Cod. de Veter. Jure Enucl. Nov. 8. Donell. 1. Comment. 9. Duaren. de Just. & Jure. c. 2.

Neque obstat, quod legitur apud Tacit. Annal. 11. *in ære publicandis plebiscitis per fora ac templa*. Quasi sub Imperatore Claudio, adhuc vim & usum habuerint plebiscita. Quod ibidem cum Lipsio in Comment. legendum sit *publicandis Scitis*, id est jussis quibusdam vel decretis. Nam *Sciti* nomen generale est, & non solum in plebiscitis, sed & aliis legibus, atque edictis obtinuit. Unde Sciscere, idem quod sancire significat. apud Tacit. Annal. 3. c. 27. ut etiam jussa populi, *scita* dicuntur. 3. Annal. c. 58.

Non tamen, quod hic observandum, qui Juris condendi potestatem olim nactus fuerat, eo ipso legum ferendarum Jure gaudebat. Ut excluso Senatu, non nisi populi jussu, & plebis scitum, in republicâ liberâ, vigorem legis obtinuerint. Licet enim senatus Jus facere poterat, quæ appellabantur decreta, non tamen illa, nisi jubente populo legum vigorem obtinebant, ut post dicitur. Hinc populi jussus dicitur lex speciatim, quæ generatim est jussus vel sanctio ejus, qui supremâ gaudet potestate.

Unde quis non immerito quæsierit, Cur non æquæ *plebis scitum* lex in specie appelletur, atque *jussus populi*? Resp. Id ideo factum fuisse, quod plebis placitum, peculiari & uno nomine *plebiscitum* appellaretur, non autem voce speciali jussus populi, ut ideo *lex* in specie sit dicta. Cum in Jure infrequens non sit, quando deficiunt vocabula, nomen generis applicari certæ speciei. §. 1. Instit. de Adopt. §. 1. Instit. de legit Adgnat. Tutel. Præterquam quod plebiscita olim legum auctoritatem non habuerint, ut quæ non omnes cives, neque enim patritios, adstringebant.

Lex est, quod populus.] Scil. in republicâ liberâ Senatus decernere poterat, populus tamen jure debebat. Hinc rogabatur à Magistratu Senatorio, veluti consule, censore, dictatore, interrege, quid vellet aut jubeat fieri. Nec ab aliis rogabatur Magistratibus Senatoriis, quam qui populum ad comitia vocandi haberent auctoritatem, quibus cum populo agendi Jus esse dicebatur. Vid. Alex. ab Alexandr. Genial. dierum libr. 6. c. 23. cum Comm. Tiraquell. Connan. 1. Comm. 18.

Plebiscitum est.] Quicquid plebs, (quæ à populo distinguitur, ut pars à toto; quod præter plebem, populus etiam patricios contineat) rogante Tribuno plebis, non Ædili, (cui plebem convocandi Jus non erat) legis condendæ gratiâ statuebat, plebiscitum erat, habebatque legis auctoritatem. Id quod potissimum lege effectum Horatiâ, quam Lucius Valerius

& Marcus Horatius centuriatis tulerunt comitijs. Dein Hortensia, quam Quintus Hortensius, cum plebs in Janiculum secessisset, in Esuleto tulit. Quod & postmodum per Q. Publium Philonem dictatorem est confirmatum, ut plebiscita omnes tenerent Quirites, id est, Patritios & Senatores, qui olim plebiscitis non obligabantur. §. hic. J. 2. §. deinde cum essent. D. de Orig. Juris. Livius 1. decad. libr. 3. & 8. Plin. 12. cap. 10. Cujac. in not. hic. Coras. ad d. l. 2. §. 8. n. 11. Connan. 1. Comm. 13. Contius 2. Lektion. 8.

§. 5.

1. Quid sit Senatus-consultum?

2. Moribus quæ eorum auctoritas.

Senatus-consultum. 1. Senatusconsultum non tam consensus fecit, quam necessitas, si Triboniano fides sit habenda, quasi nimium aucto populo, necessum fuerit Senatum vice populi consuli. Potius Cæsarem temporibus id factum ex ambitione, quod Cæsares facilius sibi paucos Senatores, quam universum populum obstrictos, saltem addictos redderent, vel minis, & terculamentis, vel promissis & præmiis. Quicquid sit de ratione Triboniani, id tamen certum est, in liberâ republicâ, in statu Monarchico, vix ullam potestatem Senatus separatim fuisse. Nam ante Imperatores, Senatu jubente aliquid quidem decernebatur, sed appellabatur decretum.

Quod si illud ipsum Tribuni plebis censuissent, id est, probassent, ratum erat, & vim legis obtinebat. Et Senatusconsultum per Tribunitias intercessionones impediri poterat, sicut anterioribus temporibus plebiscita sine Senatu rata non erant. Quinimo Sylla dominante, nisi ex consulto Senatus, ad populum nihil ferebatur. Plutarch. in vitâ Syllæ. Dionys. Halicarn. Antiqu. Roman. libr. 2.

Et licet pro temporum diversitate quandoque potestas Senatus in quibusdam fuerit vel aucta vel diminuta, nunquam tamen Senatui jus fuit creandi Magistratus, leges faciendi, bellum pacemque indicendi, in jussu populi. Ut penes Senatum fuerit de cæteris omnibus decernendi facultas, & circa illa tria enumerata ejus spectata auctoritas, populi vero majestas. Dionys. Halicarn. libr. 2. 4. 6. Livius libr. 10. decad. 3. Polyb. libr. 6. Vid. Ciceron. 10. Epist. 27. Gellium 3. Noct. Attic. 18. & 4. c. 7. 8. 9. 10. Livium 1. decad. libr. 3. & decad. 3. libr. 7. Dionys. Halicarn. lib. 10. Alexandr. ab Alex. Genial. Dier. 4. c. 11. & 6. c. 23. Cujac. ad l. 2. §. deinde. D. de Origin. Juris. Coras. ad tit. de Senator. n. 5. Connan. 1. Comm. 14. Brisson. 2. Formul. p. 164. Valent. Forster. Histor. Jur. Civil. libr. 2. c. 83.

Quod si Imperatorum respiciamus tempora, nihil potuit Senatus, nisi Prin-

Principe permittente. Unde viri Principes, ne odium atque invidiam magnæ mutationis, vel etiam dominationis per unum exercendæ incurrerent, Senatum adhibuere in consilium, Sententias Patrum rogarunt, fiste ad Senatum ut esset imago quæ pristinæ libertatis, sua retulerunt, orationes per suos quaestores recitari curarunt, quo Senatum in suam opinionem trahant. l. 22. l. 40. D. de Pet. Hæred. l. 16. D. de Sponsal. l. 1. in fin. D. de Offic. Quaestor. l. 3. 8. Cod. de Legibus. Tacit. Annal. 13. c. 4. 15. & passim. Vid. Besold. tract. de Appell. cap. 2. n. 3. & disp. Polit. 5. thes. 4. & seq. Class. 1. & disp. 5. thes. 24. Class. 2. & in Oiconom. Juris ad lib. 1. tit. 3. 4. D. n. 11. Anton. Fabrum ad l. 9. D. de Legibus. Althus. dicajol. lib. 1. c. 14. n. 18.

MORIBUS.

Senatusconsultorum non tanta propterea apud nos est auctoritas, quod civitatum aut curiarum Senatores leges non faciunt. Merul. præx. Civil. libr. 1. tit. 4. c. 4. Quæ tamen in Franciâ, in Belgio, quod Hispano parèt, à summo Senatu edicuntur pro legibus haberi scribit post alios ibidem allegatos Christin. 2. volum. decis. 65. Groenwen. tit. Cod. de Leg. in fin.

- | | |
|--|--|
| 1. Solius est Principis leges ferre. | Legis habet vigorem. |
| 2. An legibus sit solutus, disquiri permittitur. | 7. Moribus cujus sit Legem ferre, enattatur. |
| 3. Quid, & quosuplex Lex Regia? | 8. Constitutionum species explicantur. |
| 4. Quanam Lex Regia Germanorum? | 9. Describuntur Personales Constitutiones, seu Privilegia. |
| 5. Formula Ex & In Eum explicatur. | 10. Moribus quot sunt generum, describitur. |
| 6. Non quicquid PRINCIPI placet | |

Sed & quod Principi. Olim legis condendæ potestas erat penes populum, plebem, & Senatum jubente tamen populo. Quibus accedebat consuetudo, Jus quod sine scripto venit, legisque vigorem obtinet. l. 9. l. 32. l. 40. & Arg. Rubric. D. de Leg. & Senatufc. junct. l. pen. D. cod. Verum postquam per partium studia, id est factiones evenit, ut necesse fuerit rei publicæ per unum consuli, quod olim erat penes populum, plebem, senatum, id omne in Principem translatum est. l. 2. §. 1. D. de Origin. Juris. l. 3. in fin. D. de Offic. Prætor. Tacitus Annal. 1. Herodian. Histor. libr. 1. in Procem. Vid. Cujac. 14. obs. 16. Cujus propterea placitum, legis habet vigorem, & in cujus solius arbitrio situm est, leges ferre, Jura dare subjectis, eaque interpretari. l. 2. Cod. de Vet. Jure Enucl. l. 1. & ult. Cod. de Legibus. Hænon. 1. disp. ad Instit. n. 17. 18.

Id quod factum est l. Regiâ, quâ populus omne suum Jus quod in liberâ habebat republicâ, in Imperatorem transtulit. l. 1. D. de consilia. Princ. l. unic. D. de Offic. Præf. Prætor.

2. Quo facto an Princeps absolutus dominus sit effectus, omnibusque legibus solutus, ut quidvis possit in quemvis sibi subiectum, quasi nemini, Deo excepto, rationem sui regiminis reddere teneatur, disputant interpretes. Vid. l. 31. D. de Leg. l. 4. Cod. eod. l. 23. D. Leg. 3. Nov. 8. c. 2. §. 4. in fin. Deut. 17. v. 20. 1. Sam. 8. v. 11. & seq. collat. cum 1. Sam. 2. v. 1. & 1. Reg. 21. 2. Par. 26. v. 16. Ezechiel c. 46. v. 18. Jerem. 38. v. 5. Edictum Ordin. Belgii Fæder. de ann. 1581. Jul. 26. Acta Colon. de ann. 1572. 1583. p. 78. 107. 121. Castrens. ad l. 4. Cod. de Leg. Coras. 2. Misc. 25. Merend. 2. Controv. 44. Damhoud. in Prax. Crim. c. 82. à n. 30. Vafq. 1. Illustr. Quæst. 26. n. 12. Sîchard. ad l. Regiam Hebræor. Carpov. ad l. Regiam Germanor. Aurtarum Duck. de Author. Juris Civil. Roman. libr. 1. c. 3. n. 11. 12. Hillig. ad Donell. 1. Comm. 17. litt. a. Befold. Oïcon. libr. 1. D. tit. 3. 4. n. 7. Speckhan. centur. 1. q. 32. Harpricht. ad Procem. Instit. de Rerum Division. n. 124. Bocer. tract. de Investit. c. 3. n. 38. Eneckel. Baro. 1. de Privil. c. 8. Lyclam. 4. Membr. Eclog. 20. Chokiër. Thesaur. Politic. Aphorism. 2. c. 2. Arumæum de Jure publicæ discurs. 8. Bronchorst. 1. Enant. 11. & Miscell. cent. 1. assert. 1. Gothe-fred. ad d. Nov. 8. c. 2. §. 4. in not. Daniel. Otto de Jure Public. c. 8. Henonitum ad Instit. disp. 1. §. 17. 18. ibique DD. Carpov. Capitul. Cæsar. c. 12. Christin. vol. 1. decis. 9. & 1. decis. 32. supra 20. l. 1. n. 2. 4.
3. *Cam lege Regiâ.*] Lex Regis quondam dicta ab autore, quia à Rege lata erat, quam Rex ferebat ad populum, quando jus populo præscribebat. Et ita forte accipi poterit, quod in l. 2. §. 1. D. Origin. Juris refertur, olim manu Regiâ, id est, lege à Rege lata, omnes fuisse gubernatos; in quantum quod Principi placet legis instar est. Quia tamen Principis placitum ab unius pendens arbitrio, facile mutari poterat, sicut etiam sepe mutabatur, ideo dixit Pomponius in d. l. 2. §. 1. Quod populus non lege certâ, nec certo Jure uteretur. Id est, non lege à populo latâ, aut tali Jure scripto, quod non facile corrigitur, quia universi populi, vel plerorumque consensus ad hoc requiritur. Quo sensu de primis orbis Monarchis scripsit Justin. libr. 1. in init. sæc. Historiæ: *Populum nulli legibus tenebant, arbitria Principum pro legibus erant.* Id quod de Trojanis Virgil. 7. Æneid. in hæc verba cecinit.

Hoc Priami gestamen erat, cum Jura vocatis
More daret populis.

Ut de Romanis 1. *Aeneid.*

— *Remo cum fratre Quirinus*

Jura dabat : —

Quo videtur respexisse Tacitus Annal. 3. c. 26. & Dionys. Halicarn. libr. 10. Unde & in Jure nostro quandoque legum regiarum mentio, quas Reges populo tulerunt. l. 2. §. 2. 36. D. de Origin. Juris. l. 2. D. de Mortuo Inher.

Postmodum dicta *Regia*, quod de Regno sive imperio Principis sit concepta, quâ summâ potestas à populo in Principem fertur translata. §. 6. hic. l. 1. in init. D. Constit. Princ. §. 7. De Digest. Concept. Ut in vanum pro lege *Regiâ*, *Remiam* substituat. Asciat. in l. bona Civit. n. 1. D. de Verb. Signif. & dubitanter Coras. 6. Miscell. 8. n. 2. Quæ lex *Regia* eapropter appellata est *Lex Augusti*. l. 14. D. de Manum. *Augustum Privilegium*. l. unic. §. antepen. Cod. de Caduc. tollend. *Lex imperii*. l. 3. Cod. de Testam. De cujus legis historiâ, origine, sensu multa forent dicenda; verum quia ea omnia abunde explicui in meo tract. de *Statutis Sect.* 2. c. 1. actum non agam. Videri insuper poterunt Duaren. 2. disp. 19. Muretus ad l. 1. D. de Princip. Constit. Continus. 2. lect. 2. Justin. Eccard. singul. dissert. de l. *Regiâ*. Bacchov. ad Treutler. vol. 1. disp. 1. Besold. Oeconom. tit. 3. 4. libr. 1. Dig. n. 8.

MORIBUS.

Lex *Regia* Jure Germanorum ea dicta, quæ in imperio declinante locum 4. habet, quâ non tam absoluta potestas in Imperatorem Romanum conferatur, quam potius ejusdem potestas limitatur, atque ab electorum, cæterorum imperii statuum auctoritate intra justitiæ cancellos retinetur. Estque Aurea Bulla Caroli 4. Cæsarea capitulatio, de quâ ex professo scripsit Carpzov. de l. *Regiâ* Germ. Quem vid. c. 1. n. 11. & Guiljeli. Unciaei *Quest.* Juris Philos. 26. 27. 28. 29.

[*Quâ populus ei & in eum.*] Hanc loquendi formulam explicui abunde in 5. libello de *Statutis*. Sect. 2. c. 1. n. 17. Quod si non illa satisfaciant desiderio studiosi lectoris, adeat Cujac. 15. obs. 30. Goveau. 2. Varior. 30. Donell. 1. Comment. 15. Caspar. Schifordegerum libr. 3. tract. 19. quest. 11. Bocerum de Investit. c. 2. 3. n. 91. Besold. Oeconom. tit. 3. 4. libr. 1. Digest. num. 9. Et ne videar meo velle deesse officio, lubens singularem adhibebo explicationem, quæ mihi nuper in mentem veniebat, dum lectioni Sacri Codicis essem intentus.

Sic enim mecum cogitabam, non incommode vocabulum *ei*, accipi pro *de eo*, supple Principe; ut sensus sit, legem *Regiam*, de Principis agere potestate, quam populus ei tribuit; quales loquendi modi Hebræis sunt

in usu. Ita Abraham Gen. c. 20. v. 2. dixit *ei*, vel ad *eam*, id est de *ea*; de Sarâ uxore, quod esset uxor. Et Ester. c. 3. v. 2. dicitur, *sic praeceperat ei Rex*, id est, de *eo*, puta Hamano, ut ei se omnes incurvarent. Drus. in Ester. d. loc. Neque alicui id absolum censerî poterit, si loquendi formulas Latinas ex Hebræis velim explicatas, modo cogitet matrem omnium linguarum esse Hebraicam. Augustin. de Civit. Dei libr. 16. c. 11. Hieron. Sophon. 3. multaque Græca Latinaque organorum nomina sicut paulo corruptius à Chaldæis & Hebræis desumpta videri, id quod è Prophetâ Danicle prolatis nonnullis vocibus, colligere licebit. Ejusmodi voces sunt *Carna* Chaldaic. vel *Ceren* Hebraic. pro *Cornu*; *Cithros*, pro *Cithara*, *Sabbecha*, pro *Sambuca*, *Phesanterin*, pro *psalterio*. Quæ male lecta, aut scripta ab Angel. Politian. centur. 7. lib. Miscell. rectius expressa à Drusio Animadv. lib. 2. c. 24. 59.

6. *Quodcumque igitur Imperator.*] Non quicquid Principi placet, eo ipso quo placuit, legis habet vigorem, sic ut ad observantiam ejusdem omnes in imperio teneantur. Quid si epim Princeps cum quopiam subditorum, vel etiam cum extero paciscatur, aut contrahat, nemo dixerit hanc conventionem jus facere inter non contrahentes. Quid si coquo suo mandari curet, & velit, ut pisces exossit, & purget, & paret quantocius, non hoc mandatum lex censebit. Quid si Princeps imperfectâ cujusdam voluntate novissimâ rogatus sit, per fidei commissum, hocque impleri voluerit, non tamen jus faciet. Init. Instit. de Codicill. Quid si denique nonnulla scelera Principi placuerint, quod si quid juri divino & naturali adversatur, quod turpe atque probrosum est, jussit, tale placitum aut jussus vim legis non obtinebit, ut nec quispiam ei parere habeat necesse. Vid. de hisce prolixè meum tract. de Statutis Sect. 2. c. 2. n. 1. & seqq.

Quinimo nec voluit vir Princeps Juris auctoritatem habere suum rescriptum, si per sub vel obreptionem, uti loquuntur, sit extortum. l. 3. 5. Cod. Si contra jus vel public. util. Si sine die & consule, sit editum. l. 4. Cod. de Divers. Rescript. Si contra jus vel utilitatem publicam sit impetratum. l. 3. Cod. de Prec. Imper. Offer. Vid. Daniel. c. 6. Si tendat in præjudicium Iuris alicuius tertio quæsit. l. 2. §. 10. D. Ne quid in loc. Public. l. 11. D. de Regul. Juris. §. fin. Instit. qui sui vel alieni Juris. DD. ad l. 12. God. de Rei Vindic. Si sit conceptum contra Ius Dei aut II. divinas, Authent. de Lenonibus, circa fin. Auth. de Ordinat. Episcop. & Clericor. Si rescriptum lite pendente, vel post sententiam sit petatum. Nov. 131. Vid. meum tract. de Statut. d. c. 2. n. 16. & seqq.

Unde dicendum erit, tum demum Principis Placitum vigorem legis universalis obtinere, cum quod jubet honestati non repugnat, cumque tale quid de-

decernit, in commune bonum mature, & de consilii sui sententia, eique fuerit animus τοῦ κριθῆναι τοῦ κοινῶν τοιοῦτον. Neque enim aliam in Principem potestatem populus contulit, quam ipse habuit, adeoque non nisi quod bonis moribus congruum est, inque bonum commune destinatur. §. hic. in v. *quoniam non hoc*. l. 15. D. de condit. Instit. l. 8. Cod. de Legib. Nov. Leon. 92. Gloss. in c. lex. 1. distinct. 2. Alberic. Gentil. disp. de libr. iur. Canon. p. 21. ego de Statut. loc. cit. n. 3.

M O R I B U S.

In imperio Germanorum, sicuti in plerisque regnis, Imperatores cum consilio Electorum, Principum civitatum imperii leges condunt, qui imperii recessus appellantur. Coppen. 1. observ. 15. in fin. Limnaeus de Capitul. Imperator. Vivien ad artic. 3. lat. introitus Philipp. 2. Hispan. Zypæi not. Jur. Belg. in Introd. & tit. de Leg. Quinimo civitates liberas, quas imperiales appellant leges condere scribit Meyius ad Lubec. in Procem. p. 1. q. 2. n. 37. Vid. de nostris Provinciis, Merul. Prax. Civil. lib. 1. tit. 4. c. 1. Grot. Introd. Juris Holland. 1. part. 2.

Hæc sunt, quæ Constitutiones appellantur. Postquam lege Regiâ, omnis populi potestas in Principem est translata, ea solummodo tenet, & exercet, quæ Politicis Scriptoribus appellantur *Majestica* & *Regalia*, de quibus vid. DD. ad c. unicum. Quæ sint Regalia. Sixtinum de Regalibus, Arumæum part. 3. discurs. Public. 14. 15. per totum. Beseid. ejusque fratrem in delib. Juris Pand. lib. 1. n. 11. & seqq. Rauchbar. 1. Quæst. Jur. Saxon. 22. 23. Cumque quam maxime suprema illa potestas cernatur, in jure novo constituendo, in ferendis legibus, quæ placita, vel *constitutiones* appellantur, paucis earum species percurram, cum eas prolixius explicuerim in tract. de *Statutis*. sect. 2. c. 2. & 3. Sunt autem Principum Constitutiones vel generales, vel speciales, appellatæ personales, seu privilegia. Generales sunt *Decretum*, *Edictum*, *Oratio*, *Mandatum*, *Sanctio*, *Rescriptum*, *Subscriptio*, *Annotatio*, *Epistola*, *Pragmatica sanctio*, & *interlocutio*.

Decretum est sententia definitiva causâ plene cognitâ inter partes cominus constitutas lata. Ut si in absentem lata sit, magis ob partis contumaciam, quam ob causâ iniquitatem lata censi debeat. l. 1. D. Constit. Princ. l. 3. D. De his quæ in testam. del. l. ult. in princ. Cod. de Legib. Arg. l. qui repudiatis. 17. D. de Inoffic. Testam. Bocerus Class. 1. Pand. disp. 3. n. 22. 23. Gothefred. ad Rubric. Cod. de Legib.

Edictum est, quod Princeps ut plurimum spontaneo motu, quandoque etiam ad suggestionem alicujus constituit jubetque ut fiat, atque generaliter observetur. Cujus constitutionis initium plerumque est, quasi legem novam, jus novum constitueret, *Hæc perpetuâ*, vel *hæc perpetuo valitura lege* san-

ſancimus. Quod *edictum*, non ſine Senatus auctoritate, in ſpeciem libertatis, promulgari debebat. l. 3. Cod. de Leg. l. hæc Edictali. Cod. de Secunda Nupt. l. 8. Cod. de Legib. l. 1. in fin. Cod. de Teſtam. Milit. c. ſi motu proprio. 23. de Præb. in 6. Chaffan. de retract. §. 10. Hottom. hic. §. 7. Bocer. Claſſ. 1. diſp. P. 3. n. 24. Ut tamen quandoque apud probatos auctores *Edicti* nomine veniat libellus, quo Princeps populum peccantem, alloqueretur & coërceret. Tacit. Ann. 3. p. 81. ibique Lipſius p. 140.

Oratio eſt (quæ abuſive *epiſtola* dicitur in l. unic. in fin. D. de Offic. Quaſtor.) cum Princeps modeſtius ſe gerens, quod ipſe ſuâ poterat auctoritate ſtatueri, ultro ad Senatum, per Quaſtores, qui etiam Candidati Principis appellantur, reſert, ut quod ſibi placeret, ſemovenda inſtitiæ gratiâ, S. conſulto confirmaretur. Quæ *oratio* eapropter quandoque Senatusconſultum appellatur l. 8. Cod. de Leg. l. 1. D. de Rebus eorum qui ſub tutel. l. ſi & rem. §. illud. D. Petit hæred. l. item veniunt. §. pridie. D. eod. Cujac. Parat. Cod. de Legib.

Mandatum eſt præceptum, ſive monitum, ſive juſſum, quod certis perſonis à Principe datur, veluti Præſectis, Procuratoribus aliſque, qui de negotio aliquo cognoscunt, illud exequuntur, ut laudabiliter partes ſibi commiſſas adminiſtrent; quæ etiam *Commiſſio* ſolet appellari. Nov. 113. 114. Uſi de nuntio apparitori, ſine commiſſione, nec credi ſolet, nec oportet. tit. Cod. de Mandat. Princ. l. prohibitas Cod. de Jure Fiſci. l. neminem Cod. de Re Militar. l. prohibitorias. Cod. de Diverſ. Offic. Nov. 17. Cujac. Parat. Cod. de Mand. Princ. Baldax. de Angel. in Prato ſuper 1. Cod. tit. 18. Vid. Mindanum de Proceſſ. execut. libr. 2. c. 1. & ſeq. Goris poſt adverſaria ad l. 19. D. Offic. Præſ. p. mihi. 275. Chriſtin. 2. decif. 64. Tulden. ad tit. Cod. de Mand. Princ.

Sanctio eſt, quando *mandato* ſeu præcepto quædam poena eſt adjecta, licet generaliter illa vox accepta, ſit ea legis pars, quæ poenam irrogat tranſgreſſoribus.

Reſcriptum eſt, quando Princeps ad libellos præſentium vel abſentium Magiſtratum, judicum, privatorum, de Jure conſultantium reſpondet. Nam litigatores ſuos libellos Principi offerebant; quibus ipſe de conſilii ſententiâ reſpondebat. Et Magiſtratus ſi quid obſcurius, vel gravius ad ſe delatum eſſet, per literas Principem conſulebat; qui ad ſpeciem ſibi propoſitam reſponſum mittebat. Quod ſi per reſcriptum præſentibus reſponderet Princeps, & quidem libello brevi, *Adnotatio* & *Subſcriptio* appellabatur. Sin vero abſentibus, & quidem plenius, *epiſtola* dicebatur, ſeu *littera*, quæ proprie ſunt abſentium. Donell. 1. Comm. 9.

Si tamen reſcriptum de negotiis non quidem privatorum, ſed Officioſum,

rum, Corporum, Collegiorum diligentius & diffusius emissum fuisset, sic ut rescripto preces insertæ non essent, *Pragmatica sanctio*, indigetabatur. Vid. tit. Cod. de divers. Rescript. Cujac. Parat. Cod. eod. Donell. 1. Comm. 9. Brisson. de Formul. lib. 3. Vid. mea de Statutis. sect. 2. c. 2. per totum.

Interlocutio est, quando Princeps, quasi inter aliud agendum, & loquendum, de plano quid constituit. Quodque in uro negotio ita prolatum est, nihil præjudicabit in commune, nisi vel hanc fuisse Principis voluntatem appareat, vel ad senatum nulla sit interlocutio, vel iussa publicari, vel edicti vocabulo nuncupata, vel inter alias relata constitutiones. l. 1. D. de Consulit. Princ. l. 2. 3. Cod. de Legibus. Duaren. ad tit. D. de Leg. 1. 2. Conmanus 1. Comm. 16. n. 5. Harpricht. ad §. 6. hic. n. 4. Beroald. ad Sueton. in Cæsare. c. 77. Pacius 1. Enant. 17. Faber in rational. ad l. 1. D. de Legibus. Hænon. disp. 1. Instit. §. 16. Althus. dicajol. lib. 1. c. 14. n. 19.

M O R I B U S.

In praxi alia faciunt rescripta gratiæ, alia justitiæ; illa sunt, quæ beneficii loco conceduntur, hæc quæ ad causæ cognitionem & definitionem spectant. Illa præter jus commune, hæc secundum illud conceduntur. Illa, absolute concessa sunt perpetua; hæc annalia. Illa morte concedentis non extinguuntur, hæc contra. In illis inspicitur tempus, quo data, in hisce, quo petita. Perez. ibique DD. Cod. de Rescript. Anton. Massā Galles. de exercit. Jurisperit. libr. 3. n. 22.

[*Plane ex his quadam sunt personales.*] Intelligit Privilegia, jus aliquod singulare, quo alicui aliqua prærogativa contra jus commune, id est, communes Juris regulas, tribuitur. Suntque privilegia trium generum, vel causæ seu rei, vel personæ, vel mixta. Quia tamen secundum interpretis mixtum suo modo ad naturam simplicis referri potest, ideo non nisi duorum generum dicuntur esse privilegia, in l. 196. D. de Regul. Jur. *Privilegia causæ seu rei* ibidem dicuntur, quæ ad hæredes sunt transitoria, & fidejussoribus competunt; quo refero beneficia & exceptiones in rem, ut Vellejani, Macedoniani, etiam beneficta pæ causæ, fisci, &c. *Privilegia persona* dicuntur, quæ personam non egrediuntur, qualia forte rescripta moratoria, beneficium competentia &c. Ut ea mihi sint mixti generis, quæ profunt hæredibus non tamen fidejussoribus, ut beneficium minoris ætatis, vel quæ profunt certis hæredibus, non omnibus, ut beneficium competentia, quo gaudet maritus conventus dotis nomine, & ejus hæres, non tamen extraneus.

Unde quæ hoc §. de Privilegiis dicuntur, accipenda sunt de Personalibus tantum, ut quæ personam non egrediuntur, nec transeunt ad hæredes. Quod licet regulariter obtineat, quandoque tamen fallit, puta quando ita singulari

jure cautum est. l. 12. §. 1. v. exceptis. Cod. qui potior. in Pignor. Vel Princeps id voluit specialiter. l. ult. Cod. de fruct. & lit. Expenf. Vel usus privilegii, si alia personæ excluderentur, foret impeditus. Ita Privilegia studiis concessa, ad eorum famulos & nuncios extenduntur. Auth. habita. Cod. Ne filius pro Patre. Ibid. Sichard. Perez. Cod. de Comit. Confistorian. n. 8. Collect. Consuet. Hungar. & Transylvi. part. 2. Decret. tit. 7. 8. 9. & seq.

Omnia tamen privilegia, aliquo modo dici poterunt personalia, in quantum ad exemplum non trahuntur, neque ad similia producuntur, neque ad omnem causam, neque ad omnes subjectos referuntur. §. 6. in fin. hic. Nov. 139. Vid. de Privileg. Alexandr. vol. 2. Consil. 106. Acac. Enenck. Baron. tract. de Privileg. Petr. Fabrum & DD. ad l. 196. D. de Regul. Juris. Merul. 1. tit. 4. c. 3. Everhard. 1. Conf. 8. 18. & 2. Consil. 19. Mantic. de Tacit. & Ambig. 1. tit. 7. n. 13. Cravett. Conf. 229. 590. 726. 909. Gabriel. Comm. conclus. 6. tit. de Legib. concl. 2. Vivium decis. 207. 208. 517. Rauchb. 2. quæst. 12. Christin. 1. decis. 171. 176. mea de Statutis. Sect. 2. cap. 3.

MORIBUS.

10. Privilegia sunt vel generalia vel specialia. Illa, quæ rempublicam, & omnes in eâ cives spectant. Quale est Privileg. Johan. Ducis Lotharingæ, Comitum Hollandiæ concessum ann. 1420. ult. Februar. Et Magnum Privileg. Mariæ Burgundionum Hollandis & Zelandis tributum anno 1476. Mart. 14. Lætus introitus Carol. 5. & Philippi. 2. quo varia privilegia Brabantinis sunt concessa. ann. 1549. Vid. Merul. 1. Prax. Civil. tit. 4. c. 3.

§. 7.

Quid sint Edicta Prætorum?

1. **P**rætorum edicta.] Prætorum appellatione olim etiam alii Magistratus honorarii continebantur, quales erant Aediles Curules, Censores. §. 2. in fin. Instit. de Divis. Stipulat. Contius 2. lect. 19. diff. Rævard. de Auctoritat. Prud. c. 10. Prætores tamen & Aediles distincti sunt Magistratus, qui omnes tamen Honorarii appellantur Magistratus. Prætorum autem latior erat, quam Aedilium potestas, id quod vice versâ Aediles non poterant. Cujac. 8. obs. 38. Olim autem ipsis Prætoribus non condendi, verum dicendi tantum Juris fuit concessa potestas. l. 2. §. 27. D. de Origin. Juris. Unde nec inter Juris species referebatur Jus Prætorium, antequam Juris alicujus placitum aut approbatio intervenisset. l. 2. §. 5. 6. 12. 47. D. Origin.

igin. Jur. Hinc prætor dictus est viva vox civitatis, l. 8. D. de Just. & Jure. Qui etiam jus dicere credebatur, dum iniquum decernebat. l. pen. D. eod. Id quod accidit in casibus enumeratis in l. 11. §. 2. D. de Minor. l. Quæsitum. 78. §. pen. D. Leg. 3. l. ult. Cod. Fideic. Libert. l. 37. D. Excus. tutor. Cujac. 12. obs. 9. Postmodum ut edicta conderet, quæ erant annalia, quæque Juris statuendi causâ in albo proponebantur, ne ob gratiam jus varie diceretur, ei fuit concessum; idque Juris Civilis declarandi, interpretandi, adjuvandi, supplendive causâ. §. 1. Instit. de Perpet. & temp. action. l. 2. §. eodem tempore. D. de Origin. Juris. Instit. de bonor. Possess. Quæ licet non modicam obtinuerint Juris auctoritatem, sic ut in eum qui ea violasset, legægi potuerint, quasi majestatem contempsisset, ut propterea leges abusive subinde dicantur. §. 7. hic. l. 7. 8. 9. D. de Jurisd. Non tamen Juris scripti portionem constituebant, multo minus leges erant, quod prætori jus novum statuere aut constitutum propalam & directe abrogare non fuerit permissum. Licet enim ejus edicta Juris honorarii sint portio, non id tamen sic accipiendum, quasi illorum edictorum sit maximus honor inter Jura scripta, verum quod condita sint ab eo, qui honores gerit. Denique ab Hadriano Inductum est, Salvio Juliano compositore, ut omnia prætorum edicta, vagè dispersa colligerentur, & in ordinem certoque titulos digerentur. Quod *edictum perpetuum* est appellatum, ex quo in posterum omnes prætores jus dicerent, quia jam approbatum decreto Imperatoris. Cujus etiam tanta fuit auctoritas, ut si quid ex eo decerneretur, quo minus id fieret, appellare non liceret. l. 2. §. 10. & seqq. D. Origin. Jur. l. fin. D. de Appell. Recip. l. 2. Cod. de Veter. Jure Enucleand. Alex. ab Alexandr. Genial. Dier. libr. 2. c. 8. 15. & libr. 6. c. 23. cum Comment. Tiraquell. Merend. tom. 2. Juris Controv. lib. 12. c. 33. Cujac. in l. 8. D. de Just. & Jure. & 18. observ. 38. Govean. in l. 7. De Jurisdic. Valentin. Forster. Histor. Juris Civil. libr. 2. c. 84. 85. 86. Timæus Faber disp. 2. Instit. thes. 7. Hilliger. Donell. Enucleat. libr. 1. c. 8. litt. K. Besold. Oicon. Juris ad l. 7. 8. tit. 1. lib. 1. Pand. Althuf. dicajolog. lib. 1. c. 15. n. 1. & seqq.

MORIBUS.

Prætores nostri ut plurimum nullam suo Jure exercent Jurisdictionem vel Civilem, vel criminalem, multo minus edicta proponunt, Jura interpretantur. Neque semper Magistratum veniunt nomine, ut qui recensentur inter eminentiores justitiæ administrandæ ministros, quorum officio, sæpe dignitas & honor est conjunctus. Et quanquam nec publica nec privata judicent, in quibusdam tamen locis, privata judicari curant, judicium Collegiis præ sunt, ut ita ordinate suffragia ferantur, causæ post justum

examen decidantur. In delictis vero vel criminibus commissis, accusatorum, petitorum funguntur officio. Qui postquam reos criminis, non sine consensu judicum, (nisi eisdem in flagranti delicto reperiant, aut vilissimos & vagabundos esse advertant) apprehenderint, carcerique mancipaverint, super factis examinant, & post examen in illos petunt animadverti. Quod de Silesiorum *Sculteti* prolixè, & accuratè deduxit Caspar Schiglhördeger, libr. 3. tract. 29. c. 5. 6. Appellantur Majores, Amptmanni Baillivi, Sculteti, licet alii aliter hos ab invicem secernant. Differentias autem inter illos observare difficile est, quod non ubique eadem reperiantur, sed variantes, pro locorum & constituentium ratione & arbitrio, qui eisdem majori vel minori potestate præditos voluerunt. Vid. Colerum de Process. Execut. p. 2. c. 1. n. 112. 113. Chassan. Catalog. Gloriæ mundi. p. 11. confid. 7. Hic tantum inquirere mihi visum in vocem *Sculteti*, vel *Schouten*, quod illa moribus nostris ubique fere locorum obtineat. Et quandoque qui hoc insignitur nomine non nisi Civilem exerceri curat Jurisdictionem, quandoque criminalem, quandoque utramque simul. Sunt qui vocabulum *Sculteti*, vel *Scauteti*, à belgicâ voce *Schouwen*, id est, prospiciendo, desumptum putant, quasi sint prospectores, uti censet Burgundus 9. ad Consuet. Flandriæ. n. 18. 19. & seq. Grotius vero *Scultetum*, quasi *Schoutaet*, id est, *Schult rechter* dictum putat, quod veteribus belgis *Asen*, vel *Aten* idem fuit, quod judicare. Grotius 2. Introd. Juris Holland. c. 27. Alii *Scultetum* *Schulthais* vel *Schultheizo* appellatum colligunt, ex Otfrido antiquissimo Germanorum scriptore. Et quia *Sculteti* aliquod est imperium, cum ab *beisen* vel *beeten*, id est jubere, imperare, denominatum conspiciunt. Quæ sententia est Anton. Matth. nostri quondam collegæ, in suo accurato de Criminibus tractatu. libr. 48. tit. 20. c. 2. ad Rubric. 340. Statuti Trajectini. Meo judicio quia & *Schuldaus* appellatur in Leg. Longobard. tit. 20. quasi *Schulden eyfcher*, dicitur; idque moribus nostris congruenter, quibus Prætoris officium potissimum consistit, in exigendo debita, vel pœnas delictis convenientes. Quanquam nec displiceat conjectura prior, ut & ea, quæ est Belsoldi in Thesaur. Practico, qui eam *Schult beiser* dictum conjicit, quod de debitis pronunciatet, vel debitum exsolvere juberet captis pignoribus, vel multa dictione. Vid. Paulum Diacon. 6. de Gestis Longob. 8. Ut facile admittendum sit vocabulum *Schulteti*, origine Germanicum esse, & capropter apud Saxonès, Longobardos, Silesios, nostros receptum. Nisi quis altius assurgendo, ejus primordia ab Hebræis petierit, quibus *Scholar*, idem est, quod imperabit, unde has voces *Scholtet*, *Soldam*, *Salthan* derivatas censent, quod & secundum II. Longobardorum, *Schulter*, *Gastaldiis*, & loci Præpositis jungantur. libr. 2. II. Longobard. fol. 83.

§. 8.

1. *Responsa Prudentum explicantur.*
2. *Quinam Jure Hebraorum de Jure respondere soleant?*
3. *Moribus, quomodo creentur Doctores, explicatur, & quot generum sint DD?*
4. *Academiarum erectio non pendet semper à Cæsare, nunquam à*

Papâ.

5. *Moribus Responsa Juris-Consultorum vix ullam merentur auctoritatem.*
6. *Idem quod de communi opinione statuendum.*
7. *Idem serè dicendum de Rebus, indicatur.*

Responsa prudentum.] Juris consultus vel Juris prudens est vir bonus & 1. *Arquus* Juris peritus, cui de Jure dubio obscuro respondendi, jus interpretandi, docendi, consilia clientibus dandi, à Principe concessa est facultas, prævio examine. §. 8. hic. l. 2. §. 5. 12. 47. D. de Origin. Juris. l. 1. §. 4. Cod. de Vet. Jure Enucl. l. 14. §. ult. Cod. de Assessor. l. 11. Cod. de Advoc. Divers. Judicior.

Cujus responsum quantæ fuerit auctoritatis, non facile determinabitur, nisi quis tempora distinguat. Certum enim responsum Jurisconsulti vim legis non habuisse, quinimo vix est, ut Juris auctoritate polluerit: cum quandoque judici licuerit, non tamen temere, à responso Jurisconsulti recedere, qui sensus est §. 8. hic. Non dubium enim quin utrinque partes litigantes quandoque pro se Jurisconsulti responsum habuerint, ut alterutrius responsum iudex debuerit negligere. Arg. l. 2. §. 47. D. Origin. Juris, & quandoque adversus illud judicare. l. 38. D. de Minor. Alberic. Gentil. 3. Lect. 3. Hillig. ad Donell. 1. Comm. 8. in fin.

Si tamen sententia quæ Jurisconsulti, paulatim tacito illiteratoque populi consensu, suadente utilitate probata esset, ea Juris Civilis species est facta, & quidem Juris non scripti, quod tacitus ille consensus consuetudinis speciem haberet. l. 2. §. 5. D. de Origin. Juris.

Nec obstat l. 7. §. 7. D. de Pact. l. 1. in fin. D. Ex quibus caus. Major. Ubi inter Juris legitimi partes responsum Jurisconsulti non recensetur. Neque enim de partibus Juris ibi controversia, verum quæ pacta valeant, & ex quibus causis majores sint restituendi. Certum autem est, non posse quicquam Jurisconsultum contra Juris species ibidem enumeratas, qui tantum eas, si dubium quid aut incertum sit, interpretatur. Vid. Pacium r. Enant. quæst. 8.

Cumque Augustus Imperator omnibus se promiscue ad respondendum ingerentibus, prudentum responsa in contentum venire adverteret, con-

stituit ut qui responsuri essent, ex ejus responderent auctoritate, quod posterius Imperatores fuere secuti. Hadrianus nihilominus pulchrius existimans, quem esse quam videri peritum, hoc munus non peti, sed præstari, voluit. d. l. 2. §. 47. D. de Origin. Juris. Adeoque accedente Imperatoriâ auctoritate, inter Juris scripti portiones, non immerito responsa & sententiæ Jurisconsultorum referuntur; cum sub Imperatoribus cesset consuetudo, populi potestate in Principem translata. l. Jus autem Civile. D. de Just. & Jure. §. 8. Instit. hic. Arg. l. 32. D. de Legib. Junct. l. 2. Cod. Quæ sit longa consuet.

Quinimo quæ responsa Jurisconsultorum, jubente Justiniano in corporum nostrum sunt relata, non tantum Juris, sed & legum pollent efficaciam, quod iis Imperator Constitutionum robur accommodaverit; nam ea nostra facimus, quibus nostram adjicimus auctoritatem. §. pen. Instit. Proœm. l. 1. §. 10. Cod. Vet. Jure Enucl. Idem tamen Imperator suo tempore Jurisperitorum auctoritatem probabilem esse voluit non necessariam. ut judici citra culpam, tum temporis recedere à responsis eorum licuerit. §. 20. & seq. Constit. de Confirm. Dig. ad Magnum Senat. & l. nemo. Cod. de Sent. & Interlocut. l. 2.

Nec obstat. l. 1. §. jubemus. Cod. de Vet. Jure Enucl. quia ibidem designat morem Imperatorum, qui eas leges, quas facere volebant, prius à Jurisperitis, quorum consiliis utebantur, componi & examinari curabant. Instit. de Codicill. §. 3. Instit. Proœm. Vid. de auctoritate & officio veterum Jurisconsultorum eorumque sectis, deque exercit. eorum. Alexandr. ab Alex. Genial. Dier. lib. 6. c. 23. cum Comment. Tiraquell. Cujac. 8. observ. 12. 38. & ad l. 2. §. 5. D. Origin. Jur. Furnerium §. Rerum Quotid. 3. Connan. 1. Comment. 15. n. 4. Rævard. lib. de Auctorit. Prudent. c. 14. Gomef. 2. varior. 30. Vacan. à Vacun. 6. Declarat. c. 29. c. 2. Merend. 2. Juris Controv. c. 4. Valentin. Forster. Histor. Juris Civil. Roman. libr. 2. cap. 81. 82. Befold. ad l. 7. tit. 1. lib. 1. Pand. n. 3. Althuf. dicajol. lib. 1. c. 15. à n. 6. Anton. Massam Gallefium de Exercit. Jurisconsf.

JURE DIVINO.

2. Apud Hebræos, in populo Judaico de Jure incerto, quandoque os divinum consultebant immediate, sicuti à Mose factitatum in causâ maledicti cujusdam Levit. 24. v. 11. in causâ deferendæ hæreditatis & familiæ eriscundæ filiarum Zelphæad. Numer. 27. v. 1. Quandoque per urim & thumim, per sortes, per somnia, per prophetas responsa flagitabant. Martyr in 1. Samuel. cap. 23. v. 9. 10. 11.

Quandoque à legisperitis, Scribis, sacerdotibus, si dubius esset legis divine sensus, eum clariorem reddi desiderabant. Sicuti in casibus conscientiarum

tiæ dubiis, & non clare, id est, expresse in verbo Dei decisus consuluntur Sacrorum ministri, interpretes Scripturarum, non viri Politici. Sacerdos enim inter purum & impurum, sanctum & prophanum discernit. Ezech. c. 44. v. 23. Et ecclesiarum ministris mysteriorum divinarum commissâ est dispensatio. 1 Corinth. 4. v. 3. Qui plene sensum Christi scire præsumunt, quod habeant sensus exercitatos ad discretionem boni & mali. 1. Corinth. 4. v. ult. 1. Corinth. 3. v. 20. Matth. 10. v. 5. & 18. v. 17. Luc. 10. v. 16. 1. Thessal. 5. v. 12. 13. Hebr. 13. v. 17. Arg. l. 6. Cod. de Sacros. Eccles. Quapropter etiam Salvator noster corruptâ ecclesiâ judaicâ ad doctrinam scribarum, & doctorum legis Mosaicæ suos remittit auditores. Artifici enim credendum in suâ arte, atque fidendum judicanti de negotio, cui præpositus est. Et non aliter atque si dubitetur vulnus sit lethale, nec ne, ad judicium Medici recurritur, ita si de vitio spirituali, deque licito aut illicito in casu conscientie disputetur, ad eos, quibus animarum cura concredita est, recurrendum erit. Capitul. Carol. & Ludovic. libr. 5. c. 63. & 170. Alberic. de Nupt. 1. c. 10. in fin. Everhard. in Topic. in loco ab auctorit. Wefemb. Oiconom. Decret. libr. 1. in princ. in not. Althuf. dicajol. lib. 1. c. 15. n. 18.

MORIBUS.

Jurisconsulti, vel Juris doctores ab Academiae Professoribus renunciantur, idque prævio aliquo tentamine. Nec tamen id agunt Jure suo Professores, verum ex Principali Rescripto, id est, ex auctoritate eorum, qui in quaque ditione supremâ gaudent potestate, aut quibus à Supremo Territorii domino, privilegium creandi doctores est concessum. Ut moribus doctorum creatio Regalibus sit annumeranda, Camman. Coll. Politic. Juridic. disp. 3. thes. 47. Matth. Stephan. de Jurisd. libr. 2. cap. 1. Membr. 1. n. 62. Jacob. Benius de Privilegi Consultorum. part. 1. in princ. Solent nihilominus Comites Palatini creare doctores, titulo tenus, qui in examine viri Clarissimi non sunt probati, quos propterea Codicillares seu Bullatos appellant Doctores, ut qui præter nomen vix quidquam habeant, & re careant. Quibus ideo privilegia doctoribus Academiae concessa sunt deneganda tanquam indignis. Arg. l. si ita quis. 53. §. fin. D. Leg. 2. l. 7. Cod. de Profess. Quapropter Pius 5. suâ Bullâ de ann. 1568. Kal. Junii. tales non esse creandos Doctores apprimè cavit. Alex. in l. centurio. n. 10. 20. 21. D. Vulg. & Pupill. Substit. Colerus de Processu, executivop. 2. c. 3. n. 129. Bacchov. ad Treutl. disp. 1. thes. 7. vol. 1. litt. a. Speckhan. 1. quæst. 22. Matth. Stephan. de Jurisd. 2. part. 1. c. 6. Membr. 1. n. 73.

Non tamen desideramus de moribus nostris ut Academiae confirma-
tioncs

fiones ab Imperatore fiant etfi hoc ufus Germaniæ probet, multo minus à Pontifice Romano, ut cujus excedit territorium, & poteftatis limites erectio Scholarum. Licet fuperftitiofis temporibus jus Academiæ conftituendi, habitum fuerit olim fpirituale, adeoque erroribus papalibus mentibus obnubilatis, Papa hanc fibi Jurifdictionem ufurpaverit. Bacchov. ad Treutl. difp. 1. thef. 7. fol. 28. Vid. Sixtin. de Regal. libr. 1. c. 2. n. 26. Matth. Stephan. de Jurifd. libr. 3. p. 1. n. 2. 19. Vultei. de Feud. 1. c. 5. Daniel. Otton. de Iure Public. c. 24. circa init. Schoonbornerum Politic. libr. 5. c. 17. Arumæum de Iure Public. part. 3. difcurf. 14. n. 73. & 15. thef. 38. & difcurf. 29.

MORIBUS.

5. Refponfa, opinionones, fententiæ, confilia Juris doctorem, vix ullam apud nos merentur auctoritatem; vel quia Jurifconfulti nimis faciles funt in refpondendo, dum lucri funt avidi, & vulturum inftar, fi non vulturibus peiores, vivis detrahunt cruorem. Vel quia ftudio partium, quandoque malæ caufæ quid prætexunt, dum clientes examen judicis reformidantes, ad celeberrimi nominis Profefforem vel Advocatum adcurrunt, qui tum omni ingenii acumine, fummis viribus contendit, ut eas adjuvet, exemplum inſinceri Rhetoris Protagoræ, apud Gellium, in eo imitatus. Alciat. 12. Parerg. ult.

Si tamen lege aut confuetudine confilia probentur, etiam vim legis habebunt; ſicuti magnæ erunt auctoritatis, ſi Princeps ea petat, maxime, ſi ea flagitet à Supremæ curiæ Senatoribus. Si *confilium* detur *decifivum*, uti appellant, quo etiam continetur ſententia, & ejus ratio ſubjicitur. Quod accidit de moribus noſtris, ſi quando judices inferiores, qui forte omnes legum periti non funt, confilium petunt Juris peritorum idque ad caufæ, in judicium deductæ decifionem. A quo confilio raro, aut non facile recedunt, niſi vel partibus ſtudeant, vel illud legibus ininus convenire judicent. Quod ſi petitum confilium ſequantur, Sententiæ inferitur, ſe judicaffe *ex confilio*, vel *de confilio Jurifconfultorum*. Sin minus, hæc formula occurret, *habito ſuper eo confilio peritorum*. Tiraquell. tract. ceſſante cauſa. Limit. 20. n. 32. Vid. Buſium ad l. 2. D. de Origin. Juris. Zypæum not. Juris Belgic. tit. de Leg. v. igitur. Chriſtin. vol. 1. decif. 1. 2. & vol. 2. decif. 51. & ſeq. decif. 66. Coren obf. 30. n. 2. 3. 4. in margin.

6. Quæ de reſponſis dicta Jurifconfultorum, eadem etiam affirmanda ſunt de communi opinione, quæ ſæpe communis error eſt. Niſi tamen illa opinio in foro fuerit probata, uſuque ſervata, quo caſu ab eâ non recedet judex in judicando. l. 1. §. ſed neque Cod. de Vet. Jure Enucleand. Zaſius 2. Singul. Reſponſ. 1. Alciat. 1. Præſumpt. 51. n. 3. Iohann. Vaud. 1. quæſt.

10. Coraf. ad l. unic. D. de Offic. Præfid. Nebelkra decif. 1. pertotum. Vid. Cæphall. Comm. contr. Comm. quæft. 1. Menoch. 5. Præfumpt. 34. n. 10. 11. 12. Pro communitamen opinione pugnarit DD. ad c. novimus. de v. Signif. Bartol. & alii in l. 2. Cod. de Pæn. Judic. qui male Judic. quos vid. apud Delrion. in Miscell. ad l. unic. D. de Offic. Quæftor. Wurmfer. Nucl. Juris Controv. libr. 1. tit. 2. Controv. 6. Bocer. Class. 1. difp. 3. num. 34. Sichard. ad Auth. Sacram. puberum. Cod. Si adverf. Vendit.

Nec majorem de moribus rebus judicatis tribuimus auctoritatem, quam communi opinioni. Nifi res sint perpetuo fimiliter judicatæ, quæ tum legis obtinent vigorem. l. 12. D. de Offic. Præfid. l. 13. Cod. de Sent. & Interloc. omn. Judic. l. 37. 38. D. de Legib. Vel fententia à Principe fit lata, quæ fortè jus facit inter omnes. l. fin. in init. Cod. de Legib. Sand. Præfat. ad decif. Frifæ. Coren obferv. 30. n. 2. 3. in margine. Chriftin. vol. 1. decif. 1. 2. & vol. 2. decif. 51. n. 4. & vol. 2. decif. 63. Groenw. ad l. fin. Cod. de Legib. Ego de Statutis. feçt. 1. c. 4. n. 6.

§. 9.

- | | |
|---|---|
| 1. <i>Confuetudo dæclaratur cum omnibus fuis requifitis.</i> 2. <i>Effectus ejuſ varii proponuntur.</i> 3. <i>Apud Hebraos aliquis fuit ufus Juris non fcripti.</i> | 4. <i>Moribus Saxonum certum tempus ad introducendam Confuetudinem eſt ſtatutum.</i> 5. <i>Jus CANINOCUM circa Confuetudinem explicatur.</i> |
|---|---|

S*ine ſcripto Jus venit.*] Sicut Jus ſcriptum duplici eſt, vel generale, vel particulare, appellatum *Statutarium*, ita etiam confuetudo, jus non ſcriptum, vel generalis eſt, vel localis; qualis poſtrema vel alicujus eſt provincię vel civitatis. Non tamen ſola confuetudo jus eſt quod ſine ſcripto venit, cum in ſuper detur æquitas non ſcripta, judicis officio commiſſa, atque concedita. l. 8. Cod. de Judic. In cujus explicationem non hic memet diffundam, quod eam exhibuerim. tract. de ſtatut. feçt. 3. c. 4. Eſt vero Confuetudo jus non ſcriptum, quod uſus ſeu mores approbarunt. Ut à moribus ipſa diſtinguatur, tanquam effectus à ſua cauſa. Mores etenim ſunt actus, Jus confuetudinarium introducetes, quo ſenſu mores conſenſu utentium comprobati legem imitari dicuntur. §. 9. hic. Neque à lege aliter confuetudo diſtinguitur, quam tacitum ab expreſſo, nec quicquam inter eſt effectū inſpecto, populus ſuffragio expreſſo voluntatem ſuam declaraverit, an rebus ipſis & factis, id eſt, conſenſu tacito, ipſoque uſu. Unde non alius confuetudinem introducere poteſt, quam qui poteſt legem, quod ea legis inſtar obtineat. l. 32. D. de Legib. Aliter tamen lex ſeu jus ſancitum,

L

aliter

aliter consuetudo, jus non sancitum introducitur. Ut enim consuetudo Juris sit, & non tantum facti, sequentia requiruntur.

1. Ut adsit tacitus utentium consensus, id est, illorum, qui legis ferendæ potestatem habent. l. 32. D. de Leg. Menoch. 2. Præsumpt. 8. n. 9. 10. - Et quidem universi populi vel communitalis, vel saltem plerorumque in universitate. l. 3. D. quod cujusque univers. l. 2. D. de Decret. ab ordin. faciend. l. 19. D. Ad Munic. Myns. 9. obs. 41. n. 11. 12. Speckhan. cent. 1. quæst. 73. n. 30. 31. - Cui nunquam fuerit contradicendum. l. 34. D. de Legib. Mynsing. loc. alleg. Gail. 2. obs. 31. Soaretz Thesaur. comm. opinion. litt. c. - Nec tamen per consensum tacitum excluditur scriptura, quæ adhibita, consuetudo non desinit esse consuetudo. Quæ propterea adhibita, ut eo minus dubia reddatur consuetudo, inque singulorum notitiam perveniat, nec ignorantia ulla possit allegari. Argum. l. 2. §. 4. v. quas in tabulas. D. de Origin. Juris. l. jubeinus 29. §. sed ne aliqua. Cod. de Testam. l. cum res. 12. Cod. de Probat. Connan. 1. Comment. 10. Merul. Prax. Civil. lib. 1. tit. 5. cap. 1. Althus. dicajol. libr. 1. cap. 15. n. fin. Giurb. ad Messan. Consuet. Procem. part. 1. n. 25. Anton. Pichard. ad §. 10. Instit. de Testam. ordin. n. 23. Ego de Statutis. sect. 3. c. 1. n. 4. 5. 6. - diss. Cujac. in l. 6. in fin. D. de Justit. & Jure. per l. 1. D. qui sui vel alien. Jur. sunt.

2. Ut consuetudo sit justa & rationalis. Quod enim non ratione sed errore introductum est, in aliis similibus non obtinet. l. 39. D. de Leg. c. ult. de Consuet. c. mala. dist. 8. Zasius post Bartol. in l. 32. D. de Legib. Gail. 2. obs. 31. Boer. decis. 132. Fontan. de Pact. Anten. claus. 4. gloss. 19. p. 2. n. 14. Cevallos quæst. 359. Harpricht. ad §. 9. hic. n. 3. Bernegg. in Tacit. German. & Agric. q. 107. - Ubi si de justitiâ consuetudinis in foro soli disputetur, judicis arbitrium erit adhibendum. Gail. 2. obs. 31. n. 13. Menoch. 2. arbitr. cas. 81. 82. 83. Bacchov. ad Treutl. vol. 1. disp. 1. thes. 9. litt. B. Merul. lib. 1. tit. 5. c. 1. Quod si in foro poli seu conscientie de consuetudinis æquitate aut iniquitate incidat disceptatio, judicio eorum standum erit, quibus animarum cura est concredita, per notata ad §. 8. Instit. hic. Vid. mea de statutis, Sect. 3. cap. 1. n. 7. 8. 9. & sect. 4. cap. 11. num. 2.

3. Ut sint utentium mores, id est, actuum frequentia, adeoque numerus pluralis, non duorum, sed plurium. Neque enim frequenter fieri dicitur, quod non nisi semel atque iterum factum est. Cum ne quidem duplex actus Principis jus introducat consuetudinarius. Argum. princ. Instit. de Codicill. l. 3. in fin. D. de Offic. Prætor. l. 15. §. 22. D. de Injur. l. 1. Cod. Quæ sit long. consuet. l. 3. Cod. de Ædif. Privat. - Nec tamen certus actuum numerus est statuendus; quod hoc ipsum arbitrio judicis sit com-

mit-

mittendum. Arg. l. 1. D. de Jure delib. Duaren. ad tit. de Leg. c. 11. Mynf. 6. obs. 41. n. 7. Cujac. 20. obs. 1. Zas. in d. l. 32. D. de Leg. Bronch. 1. Enant. 8. Bocerius Class. 1. disp. 4. thes. 10. Hillig. ad Donell. 1. Comm. 10. litt. G. Harprecht. §. 9. hic. n. 10. Dessel. in notis ad Zoef. hic. Ego de statutis. loc. cit. n. 12. - Quorum actuum, & quidem similium, non eorum, qui sunt meræ facultatis, debet esse continuatio, non interrupta actu contrariæ Cynus in l. 2. Cod. quæ sit long. consuet. Balbus tract. de Prescript. part. 4. §. principia. col. 1. & quæst. 3. col. 3. Roeland. à Valle consil. n. 49. libr. 2. & consil. 87. n. 54. d. libr. 2. - Duin dico actuum similitum debere esse frequentiam, sub similibus comprehendere velim tam extrajudiciales, quam judiciales, quod nihilominus in genere actuum & negotiorum sit similitudo.

Ut æque extrajudicialibus introducatur consuetudo, atque judicialibus, modo ne sint diffformes, uti dictum. Nam quæ solo consensu introducuntur, & quidem tacito, præsentiam judicis non desiderant. l. 28. Cod. de Transact. Arg. l. 38. D. de Leg. Cujac. 20. obs. 1. Cævall. Comm. contr. Comm. q. 358. Harpricht. §. 9. hic. n. 3. Bronch. 1. Enant. 10. Hillig. ad Donell. 1. Comm. 10. litt. H. Ut tamen promptissimum remedium probandæ consuetudinis sint actus judiciales, puta, si in contradictorio judicio pro consuetudine fuerit judicatum. l. 34. D. de Legib. Azo in summ. Cod. quæ sit Long. Consuet. ibique addit. Coras. ad d. l. 34. Befold. Oicon. tit. 3. 4. lib. 1. Pand. n. 32. Ego in tract. de statutis. sect. 3. cap. 1. n. 13. 23. Cum aliter per testes, vel instrumenta consuetudo operose probari deberet. Arg. l. quod si nolit. §. 6. D. Edil. Edict. l. 12. D. de Testibus. Bartol. in l. 32. D. de Leg. Vid. DD. in meo tract. de Statut. loc. alleg. n. 21. 22. - Nec standum sit dicto practici eximii, de consuetudine asserentis. Arg. l. 9. §. 1. Cod. de Testib. diss. Matth. Gribald. tom. Comm. opinion. lib. 3. v. consuet. - Licet multum tribuatur Jurisconsulto Clarissimo, si quid allegatæ consuetudini conformiter gesserit. Quod non sit probabile cum actum Juri diffformem gerere voluisse, nec præsumendum eundem Jura ignorasse. Arg. princ. in fin. Instit. de Codicill. Vid. de modo probandi consuet. Damh. in Prax. rerum Civil. c. 164. n. 6. Papon. lib. 9. tit. 1. de Probat. Arrest. 20. Fabr. Cod. de Testib. def. 14. Tessaure. decis. 183. n. 3. 7. Mea de Statut. loc. alleg. n. 21.

4 Ut sit observatio diuturna, longa, veterata, quod consuetudo non simul & semel introducatur, nec subito enascatur, ut aliquem temporis decursum requirat. l. 33. 35. D. de Legib. Cujus tamen spatium nemo certo annorum curriculo determinaverit, quod consuetudo vel tardius vel celerius possit introduci, prout intra longi temporis spatium, vel plures vel pauciores

res actus poterunt celebrari. Ut iudicis sit prudentis illam temporis diuturnitatem circumscribere, intra quod in animis civium habitus ingenerari potest. Arg. l. 1. D. de Jure deliber. Duaren. in tit. de Legib. Coras. in l. 32. D. eod. Fachin. 7. contr. 67. Cavallos Comm. opinion. 357. Giurba ad consuet. Senat. Messanen. in Procem. part. 1. n. 14. post varios. Menoch. de Arbitr. cas. 83. n. 6. Mascard. concl. 420. & seqq. Bronchorst. 1. Enant. 8. Bocerus Class. 1. disp. 4. thes. 7. Speckhan. Centur. quæst. 73. n. 22. Befold. Oicon. Juris Pand. ad tit. 3. 4. lib. 1. n. 13. Wurmserus Nucleo Juris contr. lib. 1. tit. 2. contr. 8. Hilliger. ad Donell. 1. Comm. 10. litt. D. diss. Azo in summ. Cod. quæ sit longa consuet. Alex. vol. 1. consil. 132. Matth. Gribald. tom. Comm. opinion. lib. 3. v. Consuetudo. Donell. 1. Comm. 10. Mynsing. 6. observat. 41. Gail. 2. observ. 31. n. 3. Hænon. disp. 1. Instit. thes. 19. Vid. Christin. volum. 4. decis. 187.

2. *Legem imitantur.*] Consuetudo si sit introducta paulatim, tacitoque populi consensu approbata, nec desit ullum ex enarratis paulo superius requisitis, varios & eximios in Jure producit effectus. Et quidem in tantum legem imitatur, ut non minores habeat vires, quam ipsa lex. l. 32. D. de Legib. Neque enim aliter differt à lege quam tacitum ab expresso, quam quod paulatim est introductum, ab eo quod simul & semel. d. l. 32. 33. 34. D. de Leg. Quæ etiam ratio est, quod eandem cum lege interpretationem admittat, adeoque ad similes casus, extensionem. l. 12. D. de Leg. - Et judicare jussus, cum clausulâ, *secundum leges*, juxta consuetudinem judicare teneatur. Arg. l. 32. in fin. D. de Leg. §. 9. hic. Gail. 1. obs. 36. n. 13. Roeland. à Valle vol. 2. consil. 3. n. 9. Claud. Cantiuncul. in loc. legalibus, à Verosimili. p. 118. Vid. Christin. vol. 4. decis. 412. Rauchb. 1. quæst. 36. Quinimo sicuti lex obscura aliâ magis clarâ lucem fæneratur, ita & à consuetudine, quæ est optima legum interpret. l. 37. 38. D. de Leg. c. cum dilectus. de consuet. Vid. Merend. 2. contr. cap. 11. Et si non appareat, quod actum sit inter contrahentes, ad consuetudinem, ut rerum & verborum moderatricem recurritur. l. Semper in Stipulat. D. de Regul. Jur. l. 1. D. de Usuris. - Nec tantum id obtinet in conventionibus obscuris, verum etiam in actibus ultimarum voluntatum intricatis enodandis, dubiis explicandis. l. 50. §. 3. D. de Leg. 1. l. 18. §. 3. in fin. D. de Instru. vel Instrument. - Denique in aliis negotiis sive judicialibus sive extrajudicialibus, si certum jus non sit, nec certo constet, quid gestum, aut gerendum, consuetudo prædominabitur. l. 9. §. 2. in fin. D. de Edend. l. 3. in fin. D. de Testib. l. 6. D. de Eviction.

Everhard. in topic. loco ab usitato seu à Solitis. & loc. seq. à Stilo Curia. Claudius Cantiuncul. in locis legalibus, à Verosimili. Bellon. in tom.

com-

commun. opinion. lib. 3. v. Consuet. p. 63. Connan. 6. Comm. 3. Mantica de Tacit. & Ambig. lib. 3. tit. 9. Pacius 1. Enantioph. 15. - Hinc etiam si cum lege pugnet consuetudo, modo æque sit generalis, atque lex est, eaque posterior, legem abrogabit. Nam constitutio tempore posterior, potior est eâ, quæ ipsam antecessit. l. fin. D. de Princip. Constitut. Vid. tamen Christin. vol. 1. decis. 291.

Nec obstat. l. 2. Cod. quæ sit Long. Consuet. Quia explicanda est dicta constitutio secundum imperii statum, in quo ad Imperatorem summa rei pertinebat. Ut si penes populum non amplius esset jus condendi legem, nec etiam potestas esset introducendi consuetudinem. Arg. l. 32. in fin. D. de Legib. l. fin. Cod. eod. Quapropter inferendum juxta sensum. d. l. 2. consuetudinem ne quidem legem priorem abrogare posse, quod non habeat vim legis in imperio, nisi probabilis Imperatoris adsit scientia, vel patientia. Arg. init. Instit. de Codill. & init. Instit. de Hæred. fidei comm. Vid. Tiraquell. de Jure Primog. q. 16. Cravett. consil. 251. 969. n. 3. Gail. 2. obs. 21. n. 4. Bacchov. ad Treutl. disput. 1. vol. 1. thes. 9. litt. D. mea de Statutis Sect. 3. cap. 2. n. 3. 4.

DE JURE HEBRÆORUM.

Apud Jehudæos consuetudinem quoque vim legis obtinuisse colligere 3. licebit ex variis scripturæ locis. Judic. 11. v. 39. Ruth 4. v. 7. 8. 1. Sam. 30. v. 25.

MORIBUS.

Forte apud nos tempore immemoriali introducetur consuetudo, nisi & 4. jus Saxonicum sequamur, quo annis 30. & die consuetudo firmatur. Coppen I. observ. 19. n. 16.

JURE CANONICO.

Secundum canonistas vel est consuetudo præter jus, & sufficit tempus 5. 10. annorum, ut scribit gloss. in c. fin. de consuet. in 6. & c. consuetudo 11. distinct. Nisi tamen jus particularis ecclesiæ detraheretur. Idem quod requirit Panormit. in c. fin. de consuet. in 6. contra ecclesiam universalem. Vel pugnat consuetudo cum Jure Canonico & Civili, tumque exigunt tempus annorum 40. quia oportet ut sit præscripta. c. 3. & fin. de consuet. in 6. Vel denique consuetudo est contra ea, quæ Principi sunt reservata, idque in signum specialis privilegii; tumque desiderant tempus, cujus memoria non extat. c. super quibusdam. de v. Signif. Quod tempus à Causidicis in foro exigi scribit Baldus. hic.

§. 10.

1. NOTAMUS TRIBONIANUS.

2. Unde Romani sua Jura petierint, describuntur?

L 3

Et

1. **E**T non ineleganter.] Inepta videtur hic institui comparatio Juris Romani, cum Atheniensium & Lacedæmoniorum. Quasi Athenienses Jure scripto, Lacedæmonii eo Jure, quod sine scripto venit, uti fuerint. Certum enim, & ex historiis notissimum est, Lacedæmonios æque Jure scripto, atque Athenienses usos fuisse.

Tres enim habuere legum tabulas, à Lycurgo legislatore sibi relictas, quas *Rhetras* appellabant. Xenophon. Histor. 5. Ammian. Marcellin. lib. 16. Quæ leges sicut apud Athenienses simul & semel latæ fuere; adeoque in utrâque republicâ jus sancitum obtinuit. Hâc tamen adhibitâ differentiâ, quod Athenienses suas leges in scripturam referri curarent, Lacedæmonii eas scribi vetarent, ideoque *Rhetras* nuncupatas. Illi eas quotidie legi & inspicere vellent, hi suas memoriæ insigi. Plutarch. in Lycurgo. Cicero pro Flacco. Quæ tamen non ideo magis deserunt esse jus sancitum, aut inceperunt consuetudinis instar obtinere, quam II. 12. Tabularum, si forte à pueris ut carmen necessarium memoriæ mandentur. Cicero de seipso 2. de Leg. Excusat nihilominus Tribonianum Gothefred. in not. ad d. §. 10. Befold. ad l. 6. tit. 1. lib. 1. Pand. n. 3.

2. *Ab institutis duarum civitatum.*] Inter scriptores est dissensus, aliis scribentibus, nonnisi ab Atheniensibus Romanorum Jura esse desumpta, aliis etiam ea mutuata esse ab ipsis Lacedæmoniis, statuentibus. Quæ postrema sententia probabilior est, & pro quâ facit. §. 10. hic. Pompon. in l. 2. §. 4. D. de Origin. Juris. Neque enim ab unâ civitate, sed pluribus Græciæ Jura petiverunt, non tantum ab urbibus Græciæ, quæ erant in Italiâ, ut scribit Halicarnass. libr. 10. verum etiam à Lacedæmoniis. Livius libr. 6. Unde Symmachus 3. Epistol. 11. *Leges de Lare Lycurgi & Solonis sumpseramus.* & Ammian. Marcell. lib. 16. *Sumptuarias leges ex Rhetris Lycurgi, & Axonibus, id est, Solonis, Romam translata, diuque observatas & senescentes paulatim reparavit Sylla Dictator.* Ubi Lindenbrogius.

Quia tamen potissimum ex Solonis legibus desumptæ 10. tabulæ, ideo apud probatos auctores nonnunquam ejus solius injecta mentio, non vero ad exclusionem Lycurgi, aut aliarum Græciæ civitatum. Cicero. 2. de Leg. Gell. 11. c. ult. Paul. 1. Sent. 15. Gajus in l. ult. D. fin. Regund. l. fin. D. de Colleg. Amm. Marcell. l. 22. in fin. Isidor. 5. Origin. 1. Oros. lib. 2. c. 13. Euseb. in Chronico.

Quinimo ex legibus regiis, moribus populi Romani, quæ obtinebant antequam tres legati in Græciam mitterentur, etiam ex Faliscorum legibus, forte & Ægyptiorum, nonnulla in 10. tabulas quibus dux adjectæ, sunt relata. Halicarnass. lib. 2. & 10. Servius ad 7. Æneid. Virgil. Pompon. in l. 2. §. 23 D. de Origin. Juris. Gell. 11. c. 18. & 17. c. 21. Ubi in transitu

tu

notandus est error Augustin. qui. 2. de Civitate Dei. c. 16. Romanos à Lacedæmoniis suas leges accepisse negat.

Fortè deceptus lectione eorum autorum, qui Atticarum legum mentionem injiciunt, quos tamen cum cæteris, eo quo dixi modo, facile conciliari posse censerem. Verum hoc Augustini vitium forte memoriæ lapsui imputandum, cum etiam labatur sapiente sapientior. Quod si advertisset magnus ille Antiquarius, semet in libris retractationum emendasset, ut qui, cum in libr. 2. c. 28. de Doctrinâ Christianâ scripsisset Platonem ab Jeremiâ fuisse institutum in Ægypto, libr. 8. retract. c. 4. se memoriâ lapsum fuisse candide agnovit, scribens se didicisse, Hieremiam centum annis post Platonem natum fuisse.

Neque hic prætereundus est error Pomponii, qui in l. 2. §. exactis. D. de Origin. Juris. refert. 10. missos fuisse legatos ad civitates Græciæ, cum nonnisi tres fuerint missi, licet decemviri Juri colligendo, inque ordinem disponendo fuerint præpositi. Livius lib. 3. decad. 1. Halicarnass. libr. 2. 10. Gell. 20. Noct. Attic. c. 1. Isidor. 5. Origin. 1. Zonaras tom. 2. Oros. 2. cap. 13. Hieron. Magius 1. Variar. Lection. cap. 8.

§. 11.

1. Jus Naturale est immutabile; quod | 2. Quomodo Jura mutantur, describitur
quomodo intelligendū explicatur. | tur

SEd Naturalia quidem Jura.] Differentia inter jus naturale, jus gentium 1. primævum, jus secundævum, & civile, hic est examinanda, quæ à mutabilitate, vel perpetuitate cujusque Juris est desumpta.

Et quidem meo judicio, sequentibus positionibus res erit expedienda.

1. Si jus naturale consideretur in thesi & in se, non in hypothesi, vel in effectu, est omnino inter homines immutabile. Neque ab hominibus variationem accipit, licet in quibusdam Deus pro absolutâ suâ potestate hic dispensare valeat. Nititur enim justitiæ, id est æqui bonique principiis immutabilibus, nititur rectâ ratione, quæ ut in homine non variat, ita nec illud variationi est obnoxium. Si tamen jus naturale intueamur in hypothesi, variatis circumstantiis, etiam videtur mutari, licet circumstantiæ variant, non ipsum jus in se. Exempli gratia, Juris est naturæ, non occides, id quod in thesi est immutabile. Si tamen me aggrediatur Lætro, nec aliter periculum effugere possim, eundem impune occidam. Id quod dicat jus naturale, non tamen sibi contrarium, verum propter circumstantias in hypothesi admittens variationem. Ita si statuas libertatem voluntatis esse Juris naturalis, licet potius sit naturalis facultas, ea tolli non poterit, etsi quandoque ejus effectum impediri cernas. Si judices cognationem esse Juris naturalis,

&c

& videas Jus Civile differentiam cognationis & adgnationis tollere, adven-
te hoc tantum accidere in effectu, quo inspecto comparantur tantum, non
quod agnatus incipiat esse cognatus, aut vice versa. Neque enim id pote-
rit Imperator, aut Senatus, cui naturæ rerum non subsunt. §. 2. v. neque
enim id potuit. Instit. de Usufr. in fin. Instit. de Legit. adgnat. Tutel.

2. Sunt quædam Juris Naturalis dispositive, in quantum Jus Naturale
quid jubet, aut vetat fieri; & illud etiam est immutabile. Quia quod Natu-
rali Jure honestum est, semper obtinet, & quod probrosum, id nunquam nos
facere posse, censendum est. Quædam autem sunt Juris Naturalis, vel in
quantum Jus Naturale aliquid suadet, ad aliquid hortatur, ut est matrimo-
nium; vel aliquid fieri permittit, ut Venatio; vel indifferenter sese habet
ad aliquid, puta ad hominis libertatem; natura enim homines omnes vult,
nec quicquam disponit circa liberos aut servos. Et postremis hisce casibus,
poterit dici Jus Naturale esse mutabile, in quantum usu exigente & huma-
nis necessitatibus in istis accidit subinde variatio.

3. Quod de Jure Naturali dictum fuit, idem ad eundem modum velim
illi Juri Gentium primævo applicatum, quod recta & incorrupta ratio,
inter homines dicat, & apud moratiores gentes custoditur. §. 11. In-
stit. hic.

4. Quod attinet Jus Gentium secundævum, quia non tam præscribitur
à Jure naturæ, quam quidem per consequentiam inde deducitur, vel potius
occasione humanæ malitiæ introducitur, sic ut nec semper & ubique obti-
nuerit, ita etiam quandoque mutationi erit obnoxium. §. 2. Instit. hic.

5. De Jure vero Civili sic sentio, illud quandoque posse mutari, quan-
doque non item. Nam quod est Civile approbatione, quia in civitatem re-
ceptum, poterit etiam esse Jus Naturale, & Jus Gentium primævum, quo
populus utitur. §. 2. Instit. hic. l. 9. D. Justit. & Jure. adeoque & immutabile
censebitur, sicuti Jus Naturale, & Gentium primævum. Verum quod est
Civile origine, id est, quod quisque populus sibi jus constituit pro locorum
atque temporum varietate, mutationi est obnoxium. §. 11. hic. Quæ tamen
non temere aut facile est admittenda, ut pote in republicâ periculosa.

Evidens enim debet esse utilitas, in rebus novis constituendis, ut re-
cedatur ab eo Jure, quod diu æquum fuit visum. l. 2. D. de Constit. Princ.
Rittershus. ad Nov. in Procem. cap. 3. Hilliger. ad Donell. 1. Comm. 12.
Merul. Prax. Civil. libr. 1. tit. 4. cap. 1. artic. 25. Grotius in Apolog. cap. 1.
in fin.

Qui alios hæc omnia paulo aliter circa jurium mutationem explicantes
desiderat, is adeat Donell. 1. Comm. 12. Vultej. hic. Harpricht. ad §. 5.
Instit. de Public. Judic. n. 151. Gothesfred. ad l. 5. D. de Just. & Jure. Pa-
cium

cium Antinom. 1. quæst. 2. Bronch. 1. Enant. 4. Treutler. vol. 1. disp. 1. thes. 5. ibique Bacchov. Befold. ad libr. 4. tit. 1. libr. 1. Pand. n. 5. & ad l. 6. n. 1.

Vel tacito consensu populi.] Et si Juris mutatio, quæ admodum est odiosa, 2. & reipublicæ sæpe damnosa, non facile est præsumenda. l. 2. D. de Princ. Constit. l. 32. in fin. D. de Appellat. Andreas Exca. in c. canonum statuta. de Constit. Montan. de Tutel. cap. 40. n. 50. Quia tamen nihil est constans vel stabile in rerum naturâ, quæ novas formas edere deproperat. l. 2. §. 17. 18. Cod. de Vet. Jure Nucleand. Et novi emergunt indices casus de quibus omnibus leges ferri non poterant. l. 12. D. de Legibus. Ideo nonnunquam quod quondam placuit, incipit displicere, & quod semel constitutum, postea aut emendatur, aut mutatur prorsus, novo Jure introducto. §. 11. Instit. hic. Id quod accidit, vel lege postmodum latâ. §. 11. hic. l. 26. D. de Legib. l. fin. D. de Princ. Constit. Vel consuetudine contrariâ. §. 11. hic. l. 32. D. de Legib. Vel desuetudine, seu non usu. §. 5. Instit. Procœm. Vel denique ratione legis correctâ, quod per rationem ipsa lex restringatur, vel extendatur ejus decisio. Et cessante legis ratione, ipsa lex cessare dicatur. l. 6. §. 2. D. de Jure Patronat. l. 12. 13. D. de Legib. Vid. Vaz Barbof. Axiom. juris litt. c. n. 11. & mea de Statutis. sect. 12. c. 1. 2.

§. 12.

Juris objecta describuntur.

O*Mne autem jus, quo utimur.*] Universale Jurisprudentiæ objectum, 1. quo exhauritur nostra Jurisscientia, *judicii* nomine continetur: neque enim quicquam in arte Juris traditur, aut explicatur, quod non congrue ad illud referatur. Est enim finis *Judicii* ipsa *Justitia*, quam *Jurisperitus*, quam *Judex*, quam *legislator*, ob oculos habet. *Efficiens* *judicii* causa, sunt personæ, *Judex*, *actor* & *reus*, cæteraque subministrantes. *Materia* res est, super quâ ipsa lis movetur, sive corporalis, sive incorporalis; sive *dominium*, sive *obligatio*. *Forma*, atque petendi modus est *actio*, quâ quisque jus suum persequitur. *Objecta* *Juris* partialia, sunt tria, personæ, res & actiones; neque enim quicquam in universo Jure tractatur quod non congruè ad unum ex illis tribus referatur. §. 12. hic. l. 1. D. stat. homin.

Nec obstat argumentum Befoldi in contrarium motû, quasi tum idem esset sui ipsius objectum. Id quod verum foret, siquidè statueretur, Jura personarum rerum actionum, esse *Juris* objecta. Cum tantum dicatur jus spectare, id est, leges nostras versari circa personas, res & actiones. Neque enim horum quicquam lex est, neque lex potest dici quicquam horum, sed tantum

M

circa

circa ea versari, ea dirigere & moderari. Ut tamen potissimum spectetur in Jure nostro tanquam primum Juris objectum, & quasi omnium finis, homo. Sicut enim in omnibus aliis artibus & disciplinis, ita & hic potissimum intuemur hominem, cui tantum imperari potest, ut juste vivat; deinde res ipsas consideramus, quibus homo exhibetur; denique actiones, quæ sunt tum hominum, tum etiam rerum gratiâ. Cumque nobilissimum omnium objectum sit homo, recte Tribonianus in nostro. §. 12. intulit *parum esse juri, supple reliquum, nosse*, quod erat de rebus, vel actionibus, si *persona, quarum causâ*, potissimum, *est constitutum*, ignorarentur. diss. Duaren. 1. disput. Anniv. c. 55. Harprich. in Princ. Instit. de Obligat. Besold. Oiconom. tit. 5. 6. libr. 1. Pand. n. 1. Vid. Hilliger. ad Donell. 2. Comment. 2.

LIBER. I. INSTIT. TIT. III.

D E

J U R E P E R S O N A R U M.

Summa itaque divisio de Jure Personarum hæc est, quod Somnes homines aut liberi sunt, aut servi.

1. Et libertas quidem (ex qua etiam liberi vocantur) est naturalis facultas ejus, quod cuique facere libet, nisi si quid vi aut Jure prohibetur.

2. Servitus autem est constitutio Juris Gentium, quâ quis dominio alieno contra naturam subjicitur.

3. Servi autem ex eo appellati sunt, quod Imperatores captivos vendere, ac per hoc servare, nec occidere solent: qui etiam mancipia dicti sunt, eo quod ab hostibus manu capiuntur.

4. Servi autem aut nascuntur, aut fiunt. Nascuntur ex ancillis nostris, fiunt aut Jure Gentium, id est, ex captivitate: aut Jure Civili, cum liber homo major viginti annis ad pretium participandum sese venundari passus est.

5. In servorum conditione nulla est differentiâ: in liberis autem multæ: aut enim sunt ingenui, aut libertini.

COM-

DE JURE PERSONARUM. 91
C O M M E N T A R I U S.

I N I T I U M.

- | | |
|---|--|
| <p>1. HOMO omnium rerum præstantissimus.</p> <p>2. VULTUS ejus stigmate non est notandum.</p> <p>3. Proponuntur aliquot Personarum divisiones.</p> <p>4. Summa Personarum divisio examinatur.</p> <p>5. SERVUS etiam ut res considerari</p> | <p>poterit.</p> <p>6. Quo sensu summa dicatur divisio?</p> <p>7. ADSCRIPTITII & Statu-Liberi qui sint?</p> <p>8. Quid moribus sint Homines Proprii?</p> <p>9. Utrum omnes SERVI DOMINUM habeant?</p> |
|---|--|



Xpōsitis fontibus Juris, quod hominum gratia constitutum erat, neque enim ullum jus proprie loquendo, brutorum est, secundum ordinem quem sibi præscriperat Tribonianus titulo superiori, primum ad hominum varias se confert divisiones.

Nam homines quibuscunque rebus sunt digniores, ut ordine dignitatis primum mereantur locum, l. 44. D. de Edilit. Edict. Eorumque causa natura omnia comparavit. §. 38. Instit. de Rerum divis. l. 28. D. de Usur. Et eapropter ancillæ partus non est in fructu. d. §. 38. l. 27. D. Pet. hæred. Nisi forte in Falcidiæ computatione. l. 24. §. 1. D. Ad l. Falcid. Nec etiam appellatione mercis homo continetur. l. 207. D. v. signif. ut qui supra omnem rem visibilem collocatus, ad imaginem Dei conditus est. Genes. 1. Cujus etiam aliqua simulacra in vultu elucescunt, qui propterea stigmate maculandus non est. l. si quis. 17. Cod. de Pæn. Licet seipsum satis maculaverit homo, dum auscultando dæmoni omnem fere divinitatis amisit notam, ut vix supersint lituræ, vestigia imaginis depravatæ, si non amissæ penitus; quod Theologis excutiendum relinquam.

M O R I B U S.

Sicuti Jure antiquo stigmata fronti inurebantur, & dediti facti sunt, quibus hujusmodi vestigia faciei à dominis imprimerebantur. Ulpian. 1. §. 11. Gajus 1. tit. 1. §. 4. & cappa fronti calumniatoris fuit inusta: ita etiam Jure Saxonico tale quid in furibus admissum. Sneiderw. §. fin. n. 3. tit. Præced. Id saltem in Angliâ receptum, ut maxillis stigma inuratur, discindantur nares, quod ibidem factitatum sub Episcopis, si quis in eos peccasset, congruen-

gruenter Juri Canonico, de quo in c. 3. de crimin. falsi.

3. Dixi varias tractari divisiones, non omnes tamen, quæ dantur, quæque in transitu explicari non inutiliter, poterunt. Est enim non contemnenda hominum divisio in imperantes & parentes, Magistratus, & subjectos, de quibus, quia spectat jus publicum in Institutionibus prolixè non est agendum. §. pen. Instit. de Just. & Jure. §. fin. Instit. de Public. Judic. Est alia divisio Juris quidam privati, sed quæ naturam spectat hominum, quæ sunt vel mares vel fœminæ, vel Hermaphroditi, androgynæ, ex utroque sexu. Ut tamen civiliter tertius sexus non detur, quod referatur ad eum, qui in eo prævalet. l. 10. D. de statu homin. l. 15. §. 1. D. de Testib. l. sed est quæsitum. §. 2. D. de liber. & Posthum. Vid. Plin. libr. 7. c. 2. 3. Gell. 9. c. 4. Pareum Chirurg. libr. 24. c. 5. Costal. ad l. 10. D. de statu hom. Speckhan. cent. 1. quæst. 76.

Unde quæsitum, an non inspectâ divisione à naturâ desumptâ, omnes homines sint æquales? Resp. Id videbatur dicendum, quod natura tantum respexerit homines. in princ. Instit. de Libertin. v. & cum uno. l. 32. D. de Regul. Jur. Quia tamen circa naturæ officia inter mares & fœminas est aliquod discrimen, etiam genii, ingenii, judicii ratione, licet id perperam neget Tribonianus. in §. 5. Instit. de Exhæred. liberor. Bacchov. ad Treutl. vol. 1. disp. 2. thes. 1. litt. c. Ideo etiam jus Civile in multis articulis, deteriorẽ voluit sexum fœmineum masculino, quasi hunc digniorem & ad multa aptiorem prætulit, licet non propterea fœminam hominem esse negaverit. Harpricht. ad §. 5. Instit. de public. Judic. diff. Cujac. 6. obs. 21. Unde fœminæ à civilibus muneribus arcantur, etiam olim non eodem modo, quo mares succedebant, & quæ potestatis erant, quæ judicii, quæ verecundiant sexus egrediebantur illis denegabantur. Init. Instit. de Exhæred. liberor. §. 10. de Adopt. §. 6. de Testam. ordin. l. 1. §. 5. D. de Postul. l. 2. D. de Regul. Juris, ibique Petrus Faber. Vid. Donell. 3. comm. ult. Licet & olim & postmodum illis, non maribus, idque propter fragilitatem sexus muliebris in multis succurrebatur, easque pœnis exinebat, vel easdem sexus contemplatione mitigabat. §. 1. Instit. quibus alien. lic. vel non. l. 1. D. Vellejan. l. fin. D. Juris & fact. ignorant. Dalnerus 1. de Jure hominum p. 4. n. 3. apud Befold. Oicon. tit. 5. 6. lib. 1. Pand. n. 18.

Cætæræ quæ lib. 1. Institutionum proponuntur divisiones, meo judicio sunt Juris Civilis, ut eas tantum, & quæ erant privati Juris, explicare Triboniano fuerit visum. Licet enim earum divisionum origo, sit Juris Gentium vel naturæ. Init. Instit. de Libertin. §. pen. Instit. de Attil. Tutor. l. 4. D. de Instit. & Jure. Si tamen membra divisionum examinemus, prout peculiarem formam à Jure Civili acceperunt, ita eas esse Juris Gentium perne-

go. Neque enim qui hic censentur liberi, aut servi, aliter censentur quam pro ut scilicet habet libertas aut servitus in civitate Romanâ. §. 1. v. ex quâ etiam liberi, supple in civitate Romanâ, Instit. hic. Neque alia mens fuit. Tribonianum quam hominum conditionem explicare, quam habent apud Romanos quorum Jura pertractare incepit.

Summa itaque de Jure Personarum.] Per *Jus* non intelligit dignitatem, 4. aut functionem, verum statum & conditionem, quam quisque tenet in illâ Civili societate, & secundum quam ibidem regitur. Non etiam intelligit statum aliquem servitutis, quia qui servus est, statum nullum habet, verum capitis. Qui status est Juris, idque ratione libertatis, civitatis aut familiæ. Quorum unum qui non habet, capitis statum non habere dicendus est, adeoque nec capite minui, vel secundum statum mutari. *Personam* hic non accipit in strictiori significatione, prout quandoque qualiter civis denotat, sedque sensu servus persona non est; verum in sensu latiori, adeo ut applicetur omnibus iis, qui vivunt in orbe Romano, vel saltem Romanis parent. Excludo sensu *persona* latissimo, quo quisque in singulari appellatur *persona*, licet extra orbem Romanum sit constitutus, & forte Regi Persarum subjectus. Hoc enim officeret intentioni Justiniani, qui Jura in eorum gratiam condidit, qui ejus imperium, atque leges agnoverunt. l. 1. Cod. de Sacros. Trinit. l. 4. v. nullus. Cod. de Commercio, & Mercat.

Nec obstat argum. Bacchov. desumptum à Rubric. D. de statu hominum. Neque enim in dicto titulo homines, omnes illos complectuntur, qui Philosophis sunt individua, substantiæ primæ intellectuales totales, verum eos tantum quorum gratiâ jus Romanum est conditum, quique statum habere dicuntur in civitate Romanâ, id est, qui ibidem habent, vel libertatem, vel civitatem, vel familiam, vel omnia simul. l. 1. 2. & Rubric. D. de Statu hominum. l. fin. D. de Capit. Minut. Unde in d. tit. D. de statu hominum vix quicquam occurrit, quod non Romano imperio subjectis sit applicandum.

Verum hic aliquot illabuntur scrupuli à me primoribus digitis eximendi. 5.

Primus est, qui servus, cum in Jure comparetur quadrupedibus, si spectemus judicia noxalia, si damnum ex lege Aquiliâ datum. tit. Instit. de Noxal. Action. init. Instit. ad l. Aquil. l. 2. D. eod. adeoque sit animata possessio sui domini, inque ejusdem dominio, quæ rei nota est, nihilominus ad primam, non ad secundam Juris partem, quæ de rebus agit, referatur? Respondeo, non infrequens est in Jure, ut una eademque res, diverso Jure censeatur l. 6. in init. D. quod cujusque Univers. nomin. adeoque servum prout est possessio sui domini, ad secundam Juris portionem, prout vero personæ venit appellatione, ad primam referri partem. Maxime, cum

quemadmodum rei possessæ quandoque induit naturam, ita etiam in Jure sæpe pro personâ habeatur. Nam contrahit cum extraneo, ejusque contractus nomine ad minimum dominum obligat vel de peculio, vel de in rem verso, tit. Instit. Quod cum eo. Dominum in super sibi obligat naturaliter, & ipse vicissim Domino obligatur, ut in concursu creditorum, qui quid petunt servi nomine, domini conditio sit melior, qui ratione peculii gaudet Jure præcipui, id est, primum de peculio servi deducit, quod sibi ab eo debetur. Denique servilis in Jure aliqua consideratur cognatio, affinitas, cujus ratione servus non quamcunque ancillam in suo contubernio habere potest. §. 10. Instit. de Nupt.

6. Alter Scrupulus est, qui dicatur hoc loco summa personarum divisio esse proposita, cum in sequentibus videatur æque summa atque hæc tradi? An summa dicatur, quia loco prima est, & quasi in tabellâ chartæ, supremo loco collocata, cui cæteræ, quæ sequuntur, subjiciantur? Non aliter atque parens substituendo pupillariter, in primis vulgarem ordinat substitutionem, dein in partibus inferioribus, in imâ-cerâ, in ultimâ parte tabularû pupillo substitutum collocat. §. 3. Instit. de Pupill. Substit. Ascon. 3. in Vetrem. Suet. in Neron. c. 17. Ita quidem videtur sentire Bacchov. Verum non satis accurate, quod non ab ordine scripturæ vera ratio sit desumenda. Aliter enim eveniret, si quis divisionem non supremæ partē tabulæ vel chartæ, quod facile posset accidere, inscripsisset, eam summam non esse, sed vel mediam, vel infimam. Id quod ab arbitrio descriptorum vel amanuensium dependeret, qui quod summum, quid medium, quid imum esset, suâ voluntate decernerent. Præterquam quod sit omnino improbabile, Imperatorem à loco desumptam denominationem divisioni voluisse applicatam, quæ phrasi solitâ, dicitur *summa*, dum vel doctrinæ methodo, vel ratione generalitatis infra se alias habet. Ne dicam, quod Bacchovius hanc suam rationem subjiendo, principium petat, dum eam rationem allegat, de quâ queritur. Id enim est, quod disquiritur, cur supremum in tabellâ locum huic divisioni assignaverit Imperator, id est, cur eam cæteris divisionibus voluerit ante positam, id quod erat supra positum esse, vulgari loquendi formulâ, quâ quod ordine prius collocatur, supra dicitur collocatum, quod ordine posterius, inferius positum refertur. Quod veteres vel in tabellâ, à parte supremâ ad imam, vel in chartâ oblongâ scribere fuerint consueti.

Vera itaque ratio appellationis *summa* divisionis inde petenda est, quod omnes complectatur homines, de quibus in Jure nostro sermo est. Ut ea propter suâ generalitate subsequentes divisiones, ut subdivisiones contineat. Et licet fateri cogamur, minus curiosum fuisse Tribonianum, dum in tit.

tit. Instit. Qui sui vel alieni. Juris sunt, ubi summæ divisionis exhibetur subdivisio, per *alieni Juris homines*, tam servos quam filios familiarum intendat, non ideo tamen quæ hic proponitur summa divisio, quia prima, & universalis, de gradu est deturbanda.

Et ut conflict, quo respectu hæc prima illam ut subdivisionem contineat, sensum reddam clarum, dividendo homines Juri congruentur, in liberos & servos. Illi nobis erunt, vel sui, vel alieni Juris. Sui Juris Patres familiarum, alieni Juris, filii-familiarum. Hi, puta homines servi, non nisi alieni Juris sunt, nec tamen contineri poterunt sub parte illâ, quâ filii-fam. alieni Juris esse dicuntur. Ut differentia unius partis non transeat in partem aliam, vel de genere in genus, de specie in speciem oppositam. Nam dum filii-familiarum alieni Juris sunt, id accipiendum est in ordine ad patriam potestatem, Servi autem alieni Juris esse dicuntur, contemplatione dominicæ potestatis; quæ cum ab illâ genere sit distincta, etiam differentia, re inspectâ, distinctæ erunt; licet eadem phrasi propter vocabulorum penuriam exprimantur.

Tertius ad hanc divisionem occurrit scrupulus, circa *Statuliberos* & *Ad scriptitios*, qui videntur esse mediæ conditionis homines, adeoque nec liberi nec servi. Respondeo, licet de eorum statu probabiliter possit dubitari, si tamen quispiam rem paulo propius velit intueri, advertet facile; eos horum generum alterutro contineri. Adeoque neminem esse aut unquam fuisse in orbe Romano, qui non sit vel liber, vel servus. Quod enim attinet statuliberum, is à cæteris servis nihilo pene differt. l. 29. in princ. D. de Statulib. Quinimo inspectâ conditione non differt à servo, ut qui demum existente conditione, sub quâ ei libertas est relicta, quæque dubium habet eventum, libertatem est habiturus, ut cum ea nondum venerit, interim in numerum servorum sit retinendus. l. 1. D. de Statulib. Quo etiam nomine in publicis judiciis, easdem patitur poenas, quas reliqui servi, modo eundem offenderit, à quo libertatem expectat. l. 29. in princ. D. de Statul. Sicuti libertus, si in Patronum peccet, tanquam servus punitur. Nov. 78. c. 2. Sed tamen statuliber propter imminentem spem libertatis, in quibusdam casibus quasi liber consideratur. Unde si deliquerit extraneum offendendo, ut liber punitur. l. 14. D. de quæst. l. 9. in fin. D. de Pœn. Si impubes sit, tanquam liber tutorem recipiet, defuncto suo domino.

In solutum datus, cum servus esset debitus, non liberabit debitorem; quæ si solvi non debuerit, qui pro libero habetur. l. 38. §. qui hominem. D. Solut. Delrio in Miscell. hic. Robert. 1. animadv. 6. Bâchov. ad Treuler. vol. 1. disp. 2. litt. c.

Ad scriptitios si spectemus, illi sunt in duplici differentiâ; vel enim sunt ad-

adscriptitii censiti, glebæ terræ adscripti, iique servilis sunt conditionis, ut tamen vendi non debeant, aut à prædiis separari, ne ea maneant inculta. l. 7. 22. Cod. de Agricol. & Censit. libr. 11.

Nec obstat, quod Adscriptitii in clericos assumantur, quod tamen servis est denegatum. Nov. 123. c. 7. Quia hoc ipsum, uti multa alia, favore religionis est receptum, etiam contra communes Juris regulas, quod ideo in consequentiam non est trahendum. Donell. 2. Comm. 13.

Vel sunt Adscriptitii Coloni, aut Tributarii duntaxat, qui liberis hominibus sunt accensendi, à prioribus separandi. Ut nulli reperiantur mediæ conditionis, qui nec liberi nec servi forent. l. 18. Cod. de Agricol. Nov. 162. cap. 2. Vid. Cujac. 1. obs. 37. Connan. 2. Comm. 14. Turneb. 15. adv. 16. Harprich. hic. Casp. Schichford. lib. 3. tract. 26. q. 6. Hilliger. ad Donell. 2. Comm. 9. Bacchov. loc. cit. litt. D. Hænon. ad Instit. disp. 1. thes. 20. ibique DD. Vid. Jacob. van der Graef de Jure public. c. 6. n. 10. Quinimo ubi homines proprii vel adscriptitii, ibi si pater liber, mater propria, aut vice versa, modo patris conditionem sciat mater, liberi erunt proprii homines. Juris Bavarici Lantrecht. tit. 4. art. 1. 4. 5. 8. Sebastian. Khraiff. declar. privil. ducat. Neoburg. lib. 2. artic. 8. Et proprio homine mortuo, domini auferunt, vestem optimam, vaccam optimam, vel equum. Vid. Zasium. in §. Præjudic. n. 4. Instit. de Action. & Singul. Respons. 1. c. 3. n. 79. Mynsing. 2. obs. 23.

MORIBUS.

8. Apud Germanos aliosque reperiuntur *homines proprii*, qui aliquam maculam servitutis habent. Duaren. de Stat. homin. c. 1. in fin. & ad l. 3. §. 10. D. de Acquir. possess. Zasius in l. naturaliter. 13. D. de condic. indeb. Hillig. ad Donell. 2. Comm. 9. Franc. Balthasar, Præcl. quest. Juris Civ. & Bavaric. tit. 1. De Flandris, eorumque Jure, videri poterit Burgund. ad consuet. Flandriæ. tract. 15. Galli eos habent, quos talliabiles, seu manus mortuas appellant. Baro. ad Instit. hic. Anton Faber. 1. Jurisprud. tit. 5. Gail. de Pignerat. observ. 87. Jure tamen feudali sunt *homines proprii*, absque ulla servitutis maculâ. Vid. Sând. de Feud. Gelriæ. c. 1. 2.
9. *Sunt aut liberi, aut servi.* Liberi sunt, qui seuntur libertate, nec Jure domini cuiquam parent. Servi dicuntur, qui justâ continentur servitute, quique dominum habent. Sunt enim correlativa dominus & servus, ut nec sine domino servus esse possit, vel saltem aliquid fictione Juris loco domini habeat; quod debeat esse servus alicujus. l. 4. §. 1. D. hic. Unde licet hæreditas jacens dicatur esse nullius, in quantum tunc nondum est hæres. l. 1. D. de Rerum divis. Servus tamen hæreditarius jacente hæreditate, est alicujus, quod sit hæreditatis jacentis. Quæ domina vicem obtinet

net

net. Init. Instit. de Stipul. Servor. l. 9. Cod. depof. Quinimo pœnæ fervus dominò non caret, in quantum pœna, & opus, & respublica, ejusque Proceres pro dominiis habentur. Harpricht. ad §. 2. n. 3. Instit. hic.

Neque obft. l. 23. in Princ. de liber. cauf. l. 36. D. de Stipul. Servor. l. 1. Cod. Comm. de Manum. Ibi enim vel servi propriè non erant, ita tamen appellantur, quod jure fervorum utantur, vel aliquid poffit fingi, locum domini repræfentans. Vid. Pacium 1. Enant. 21. Non denique obft. quod fervus pro derelicto habitus, fiat primi occupantis, adeoque dominum non habeat. l. 2. D. qui fin. manum. Arg. l. 8. D. qui fui vel alien. Videtur enim hæc exceptio à regulâ effe admittenda, quâ interim nullius eft fervus, donec occupetur. Sicuti, qui fervus eft fructuarius, à domino proprietatis invito fructuario manumiffus, domino proprietatis caret, eoque fenfu fine domino effe dicitur. Ulpian. tit. 1. de Libertin.

§. 1.

Definitio LIBERTATIS explicatur.

E^T *libertas quidem.*] Ea hic traditur definitio libertatis, quæ à Florentino 1. J. C. fuerat propofita, in l. 4. D. de ftat. hominū. Nifi quod eo loci, omiffa fint illa verba, quæ hic parenthefi funt inclufa, *ex quâ etiam liberi vocantur.* Occurrunt tamen apud Theophilum paraphraften, licet extra parenthefin, idque non incongrue, in quantum non hic agitur de naturali libertate, ve- de eâ, fecundum quam liberi funt homines in Romanâ civitate. Sed ne quid intactum maneat, fingula definitionis verba ad examen revocabo. Dicitur *libertas, ex quâ liberi vocantur*, non ex ipfo vocabulo, quafi vox *liberi* à *libertate* ducat originem, verum ex ipfâ re, quæ designatur, quafi illos dicat liberos, qui gaudent libertate. Neque tales locutiones in jure funt infrequentes, ita enim in §. 2. Instit. de Tutel. *tutores ex ipfâ re nomen accepiffe dicuntur.* Inque Nov. 69. in init. virtutum perfectiffima *ex causâ cognominatur iuftitia.* Res itaque quæ hic tractatur, *libertas* eft, non quævis, fed illâ, *ex quâ liberi* apud Romanos vocantur. Non ea libertas eft naturalis, quæ in omnibus hominibus eft æqualis, cum ne quidem ulla fit Juris naturæ difpofitivè, fed permiffive. Nam jus naturale nec quicquam difponit, nec introducit circa libertatem, quæ omnium effet communis. Tantum enim *hominem* confiderat natura, non liberum aut fervum, ut pote quas conditiones postmodum jus gentium fecundærum introduxit. Init. Instit. de Libertin. l. 4. D. Juf. & Jure. l. 32. D. Regul. Juris. Ut recte Seneca. 3. declam. 7. *Natura neminem fecit liberum, neminem fervum, impofuit fortuna nomina hæc fingulis.* Quæ ipfa ratio eft, quod libertas non dicatur effe naturalis, verum *naturalis* quædam *facultas*, fecundum quam cuique facere licet, quod non eft prohibitum. Coman. 2. Comment. 1. Nec tamen libertas

est contra naturam, quo sensu omnes homines initio liberos fuisse scribitur. idque Jure naturali. scil. permittente. Neque enim natura liberos procreavit, ut tantum liberos esse permiserit, non sic disposuerit. in princ. Instit. tit. sequent. Atque ita non obst. l. 4. D. de statut. homin. l. 64. D. de condit. indeb.

Non etiam ea libertas, quæ hic definitur, est voluntati essentialis, quæ tolli, diminui, cogi à nullo mortalium, licet maximo potest, si actiones spectemus elicatas, non si earum actionum exercitium, quas imperatas appellant Ethicorum filii. Ea enim est libertas arbitrii, cujus contemplatione par est dominorum & servorum conditio, cujusque respectu forte responsum est in l. 9. §. 7. D. de Peculio. *Licere servis naturaliter in suum corpus vivere.* Id est, si spectemus illam voluntatem liberam, quæ sublatâ, quis humanam naturam exuisset, servus naturaliter potest hoc velle, ut sibi violentas manus inferat, neque à domino, ne tale quid velit, aut intendat, ut medium ad finem, aut occasione datâ pro libertate sui arbitrii, exequatur, impediri poterit. Unde describitur hoc loco illa libertas, id est, is status, ea conditio, secundum quam quisque id agit in civitate Romanâ, quod liberis hominibus Jure Civili concessum est; sic tamen ut ex facultate naturali, tanquam principio; id agat. Et quamquam hæc ipsa libertas originis suæ respectu sit Juris gentium, non tamen formæ & effectuum contemplatione, quos sortitur in imperio Romano talis est; quo sensu recto Civilis Juris esse dicetur. Quicquid enim ab hac fuit libertate, non nisi civi reipublicæ Romanæ applicabitur, qualia sunt testamentum facere posse, testimonium, ultimæ voluntati præbere, stipulari, judicio experiri, nuptias inire, tutelæ munus subire, & quid non.

Additur in def. libertatis: *ejus quod cuique facere licet*, idque ad exclusionem servorum. Unde Philos. Politicorum libr. 6. opus libertatis esse tradidit, vivere quemque uti vult. Quod Stoici apud Laërtium: *ἕν τι ἀνθρώποις ἐστὶν ἐλευθέρια, αὐτονομία.* Et apud Amrianum Epictetus: *ἀνθρώποις, ἕν τι ἐστὶν εἰς ἐλευθέρια.* Quod Latine Persius Satir. 5. v. 83.

Am. quisquam est alium liber nisi ducere

Vitam cui licet, ut voluit?

Neque enim servus vivit uti vult, inspecto Jure Civili, qui domini jussu in tantum sequitur, ut si ejus iniquo jussui paruerit illicita peragendo, quasi sui non sit arbitrii, excusetur. (Ejus enim nulla culpa est, cui parere necesse est. l. 130. D. Reg. Jur. Et ad ea, quæ non habent atrocitatem facinoris vel sceleris, in his ignoscitur servis; si vel dominis vel iis, qui vice dominorum sunt, obtemperaverint. l. 199. D. de Reg. Juris.

Denique subjicitur, *nisi si quod vi aut Jure prohibeatur.* Quæ verba se-

cundum Bebbionem, alioque ad differentiam servitutis sunt adjecta, quod servi partim *vi*, id est Jure gentium, quod etiam violentia quâ nititur, adstricti sint, quo minus libere agant, partim *Jure*, id est, Jure Civili, quod etiam servitutem introduxit, coerceantur, ne quod lubet, agant. Malim tamen hisce verbis paulo aliter servum à libero secernere, quod cum hic impediatur quid agere *vi*, de facto, si forte inciderit in latrones, aut Tyranno subdit; vel *Jure*, si suâ libertate velit abuti, eamque ad licentiam & lubidinem transferre, servus adhuc amplius coërcetur, puta metu & reverentiâ domini, adeoque *Jure herili*. Ut *vis & jus*, impediencia licentiam hominis liberi, ejus libertati non adferant præjudicium. Vis enim quæ facti est, non inducit servitutem, quæ Juris est. §. fin. Instit. de Ingen. l. 24. D. de Captiv. Nec qui justitiæ obtemperat, quod Juris est, eo ipso diminutam censet suam, quam habet libertatem. Cum nihil aliud nos velle credendum sit, nisi quod juste volumus. l. 125. D. v. Signif. Et legibus obtemperare, ea demum summa libertas censeatur. Bœt. consil. Philos. lib. 1.

Licet autem postrema definitionis verba, non quidem libertati præjudicent, quo minus hominis, & quidem Civilis possit appellari libertas, satis tamen superque indicant humanam libertatem absolutam non esse, verum limitatam & dependentem. Quo nomine ea ipsa secernitur à divinâ libertate, cujus effectus à nullâ creaturâ impedi, quæ nullis legibus aliunde latis limitari potest. Ut absurdus nemini dicendus sit Hottomanus; (nisi cum Bacchovio absurde sentiat) dum postremis definitionis verbis libertatem circumscribi statuit. Id est, ejus exercitium partim impedi, partim constringi; quo humana audacia sibi metas esse collocatas, nec quicquid lubet, licere putet.

§. 2.

1. Explicatur SERVITUS.

2. AN SERVITUS sit contra Naturam?

Servitus autem.] Definitur servitus quod sit *constitutio*, minus tamen accurate, ut *constitutio* dici debeat genus servitutis metonymicum. Nulla quippe servitus est *constitutio*, sed relatio, aut conditio, aut personæ qualitas, aut *res constituta*. Non aliter atque pactio, quandoque in jure significat ipsum pactum. §. fin. Instit. de Servit. Præd. & contractus Labconi dicitur obligatio, cum sit in utrumque factum obligatorium l. Labeo. 19. D. de v. Significat. Unde etiam verbalia in 10. definitia, quæ regulariter rem fieri demonstrant, eandem nonnuquam factam designant. l. 31. §. 1. D. de Acquirend. Domin.

Juris gentium.] Sensus est, servitutem jure gentium esse constitutam, seu introductam & quidem Jure gentium secundæ 10. §. 2. Instit. de Jure

Natur. Gent. & Civil. *libertas enim*, inquit Tryphonius *naturali Jure continetur*, scil. permissive, *dominatio*, supple. dispositive, *ex Jure gentium est introducta*. l. 64. D. de Condict. Indeb. Non tamen ad exclusionem Juris alterius, cum & Jure Mosaico, Exod. c. 21. & Jure Civili. §. 4. hic sit introducta servitus, ut tamen prius tempore, vel potissimum, vel ut plurimum, per jus gentium constituantur servi; quo nomine, merito tanquam à potiori causâ, desumpta est denominatio.

Quâ quis dominio alieno.] Non *regimentis* alterius, id quod de omnibus imperii Romani subjectis dici poterat, postquam in Principem omnis potestas est translata. l. unic. in init. D. de Offic. Præf. Prætor. Verum quo sensu quis dominio alieno subjicitur? *Resp.* Sensu duplici; & in quantum servus est possessio animata sui domini, ut equi, muli, cæteræque res, quæ sunt in nostro dominio, & in quantum servus est persona, quæ paret jussui herili, quod est ejusdem imperio subesse, vel ejus dominio subjici. Et quidem tali dominio, quod merito summum appellatur, quia rigidum, cum servo dominus imperet, leges imponat, præscribat, vetet, jubeat quod videtur; qui nihil imperanti negare potest, nihil recusare audet: poscit, dandum est: vocat, veniendum est: ejicit, abeundum: minatur, extimescendum. Cicer. in Paradox.

Verum an non & filii familiarum dominio alieno subjiciuntur, cum inspecto Jure Romano antiquo fuerint in dominio parentum? *Resp.* Non tamen in tali erant dominio, quali servi, ut dominica potestas magis rigida fuerit, quam patria, unde nec proprietatem filii habebat parens, & interdictum de liberis exhibendis veluti proprietatis causam continebat. l. 2. §. 2. D. de Interdict. & vindicatio liberorum propterea non dabatur. l. 1. D. Rei vindicat. Præterquam quod contra naturam non sit liberos parentibus subjici, verum secundum naturam. Suadet enim ratio naturalis, ut liberi parentibus, à quibus primitus vitam, & quod sunt, post Deum acceperunt, reverentiam honorem, obedientiam præstent. l. 2. D. de Just. & Jure.

2. *Contra naturam subjicitur.*] Dicitur servitus esse contra naturam, vel quia est contra naturalem cujusque inclinationem, qui servit; cum id sit plerorumque votum, malle imperare, quam parere, jubere, quam subjici. Vel quia Servitus non est ex Jure naturæ, ut eo sensu contra jus naturale dicatur introducta. §. 2. Instit. de Jure Natur. Gent. Scil. ab initio natura inter homines nullam fecerat differentiam, nisi sexus, adeoque omnes uno communi nomine appellabantur *homines*. in princ. Instit. de Libertin. Quia tamen nondum erant bella exorta, nec locus erat captivitati, aut servituti inde secuta, ut per consequentiam omnes fuerint liberæ conditionis. Cumque servitus illi conditioni primæ adversaretur, quam homo sibi relictus ha-

habebat, nondum introductâ servitute, ea postmodum superadveniens dicta fuit naturæ adversari, in quantum non erat in primo illo naturæ statu, saltem non erat ex Jure naturæ. Ita fere Johann. Faber, Angel. Bacchov. hic.

Verum an non quædam servitus est secundum naturam, ut servi etiam nonnulli secundum naturam tales esse dicantur? Si meum sensum hic promere liceret, existimarem servos etiam esse secundum naturam, supple permittentem, in quantum jus naturale quinimo ratio naturalis, occasione humani vitii, humanæ pravitatis, permittit servitutem. Quin amplius, etiam suadet, æquius esse, ut in bello capti servantur, adeoque victoribus subjiciantur, quam ut trucidentur crudeliter, si servari sine periculo victoris potuerint. Alio tamen sensu Philosophus 1. Polit. 3. 4. aliquos secundum naturam servos voluit; quam sententiam, ut veritati sit conformis ita interpretor, quosdam reperiri, qui adeo stupidi, adeo agrades, ut digni sint qui serviant, qui subjiciantur, non vero ut alios se subjiciant, ut qui regendi & impediendi facultate destituuntur. Quin imo alios esse, qui secundum propriam inclinationem vel quam habent in dominum affectum, servilis malint esse conditionis, quam liberæ, vel libertinæ, licet hanc adipisci queant. Neque id cuiuspiam absurdum censi debet, quasi nemo velit in servitutem redigi contemptâ libertate, aut è servitute, quâ premitur liberari. Nam & Jure Romano liberi homines quandoque spretâ suâ conditione propter pretii participationem se venundari patiebantur. §. 4. Instit. hic. Et Jure Mosaico, multi qui anno jubilæo ex præscripto divino, ad libertatem pervenire poterant, eâ spretâ & repudiâtâ, in perpetuum suo domino inservire malebant. Deuteron. c. 15. v. 12. & seqq. Vid. super hâc difficultate elegantissimam Daniel. Hensii dissert. epistolicam apud Janum Rutgersium Variar. lect. 4. c. 3.

§. 3.

1. *Servi unde dicti, & quomodo?* | 2. *Quis modus vendendi SERVOS?*

Servi autem ex eo appellati.] Servi ita dicti à Servando, non item à Serviendo, quod servire potius ab ipsâ voce servi descendat; cum oporteat prius servos esse servatos, quam servire possint. Senec. in Troad. v. 330. ibique Delrio. diss. Isidorus, & post eundem Bacchov. hic. Aliis servi appellati ab asservando, quod asservarentur, donec lytrum esset persolutum. Hottom. hic. Etiam apud Romanos dicti famuli; unde non infrequens in Jure familiæ nomen, ab Oscis mutuato vocabulo, apud quos servus famel nominabatur. Quem olim Lacedæmonii Servitii apud Græcos forte primi inventores Elotum, Cretenses, Perucum, Galli, Ambactum appellarunt.

larunt. Cæsar. 6. de Bell. Gallico. Philipp. Beroald. In Apulei Asin. Aureum libr. 4. p. mihi. 302. Mancipia itidem Latinis dicta, quod ab hostibus manu capiuntur. Varro de Ling. Lat. Macrob. Saturn. 3. cap. 7. Unde res Mancipi, antiquitas nominavit, quæ quasi manu captibiles, alienari pleno jure potuerunt. Ulpian. in Fragm. tit. 19. §. 2. Quapropter ille qui rem non mancipio vendebat, non censebatur evictionis periculum in se suscepisse, quod non ejus dominium quiritarium in alium transfuisset. Qualia erant Prædia Provincialia, quorum dominium tantum bonitarium seu utile, non Quiritarium erat penes possessorem. Eoque referri poterit l. 15. §. 2. D. de Rei Vindic. l. 33. D. Locat. l. 11. D. de Eviction. Vid. Coras. in l. 4. in fin. D. de Statu homin. Caspat. Schichfordeg. lib. 2. tract. 18. quæst. 3. Besold. Oicon. tit. 3. 4. lib. 1. Pand. n. 3.

2. *Quod Imperatores captivos vendere.*] De more divendendi captivos sub coronâ non hic est agendi locus, videri poterit Plautus in Pers. Cicero in Orat. pro Flacco. Hæc. nass. libr. 4. Gellius 7. c. 4. l. pupillus. 139. §. 1. D. de v. Signif. Mei instituti est, in æquitatem hujus Juris inquirere, quod in bello captos maluerint servare, quam occidere. Id enim humanum est, cum natura inter omnes homines aliquam cognationem constituerit. l. 3. D. de Just. & Jure. nec sinat eos belluarum instar in se mutuo sævire. Atque hæcenus bellè procedit hoc institutum vel gentium Juris, vel Civilis. Verum qui sequentur duræ servitutis effectus, non benè convenient cum illâ humanitate, quam Jura præ se ferunt. Quæ enim Juris aut æquitatis ratio suadet, ut iniquis servantur conditionibus, tantum non occidantur? Ut servantur ad ludibrium dominorum, quo postmodum ad nutum aut libitum eorundem, extra belli furorem mille periculis objiciantur, habeantur brutorum instar, bestiis ferocissimis objiciendi? Mitius equidem cum illis actum fuisset, si dum in furore prælii versantur, dum arma tenent, dum ipsi nihil præter minas & vulnera spirant, dumque aut potiri victoriâ, aut mortem subire sunt parati, trucidentur, quam si victi, vinctique, dum præter preces, atque supplicationes, nihil in adversum dirigere valent, crudelissime habeantur. Ut color huic duro instituto quarundam gentium, etiam Romanorum quæ sitis sit verius, quam obtentus, ædcoque tanquam illicitum reprobandum. Quâ ratione merito moratur Christianianismus, hunc pessimum servos tractandi morem, una cum geptilium plurimis superstitionibus, ejuravit. Dolendum tamen in multis locis Poloniæ, Borussia, aliisque Germaniæ partibus, non in totum ab illo more secessum esse factum, quem Christiana misericordia, exulare jubet. Idque ne ex trito veterum, quot servos habemus, tot habeamus hostes; quos, ut inquit Seneca, facimus, dum illis non tanquam hominibus, sed tanquam jumentis

tis abutimur. Vid. Apulejum libr. 4. Afini aurei, ibique Beroald. comm. p. mihi 302.

§. 4.

- | | |
|--|--|
| 1. Quot generum sint SERVI? | norum. |
| 2. Jure Mosaico fuisse SERVOS Voluntarios. | 4. Jure Canonico amitti libertatem propter operas non prestitas. |
| 3. Etiam de Antiquo Jure Germa- | |

Servi aut nascuntur, aut fiunt.] Quæ servitus à Jure gentium est introducta, duplices servos habet, captos & natos. Hi dicuntur, qui ex ancillis nostris prognati sunt, quia quicquid ex nostro provenit, Jure gentium, accessionis vice nobis cedit. §. 19. Instit. de Rerum Divis. Non idem dicendum si à servis nostris sint progenerati, quod Jure gentium, partus sequatur ventrem, fata solum, & de Jure placuit, servo patre natum matre liberà, nasci ingenuum. Init. Instit. tit. seq. Ut qui nascuntur, ex dicto Constantini, matrum conditionibus utantur, quarum mox visceribus exponuntur, l. ult. Cod. de liber. causa. Illi Jure Gentium sunt servi, qui facti tales, idque quia capti in bello, l. 5. D. de statu homin. l. 7. D. Acquir. domin. Et quidem capti in bello extero, barbarico, non intestino, non Civili, in bello justo, legitimo, quod populus populo rite indixit, non quod cum latronibus geritur, l. 21. §. 1. l. 24. D. de Captiv. & Postlim. Revers. Cujac. 26. obs. 2. Vid. Bodin. 1. de Republic. 5. Gregor. Tholos. 11. Synt. Juris 5. n. 7. Althufii dicajol. 1. c. 27.

Servitus Jure Civili introducta, etiam duplices servos habet, vel natos, vel non natos. Nati dicuntur, ex ancillis nostris concepti, qui *Vernæ* appellantur. §. 30. Instit. de Legat. l. 10. Cod. Rei Vind.

Forte ita dicti, quia verenati, tempore atini saturæ maxime naturali. Vid. Festum. Martial. 1. libr. Epigr. in Cæcil. Non nati servi dicuntur, vel quia non sunt domi nostræ nati, sed à nobis empti, vel quia citra ullam suam culpam, suæ memores imbecillitatis, quod sua tueri non possent, se servitio inanciparunt. de quibus Athenæ. libr. 6. p. 133. c. 18. vel quia suâ culpâ facti sunt servi, quos ideo nonnulli voluntarios appellant, quasi suâ voluntate servi sint facti. Licet propriè loquendo, voluntas neminem faciat servum, nisi vel lex, vel judicis sententia ei accesserit. l. 10. 22. 37. 39. Cod. de liber. caus. Faber in Ration. in l. 5. §. 1. D. stat. homin. Hilfig. ad Donell. 2. c. 9. Harprich. in §. 4. hic.

Multis autè modis suâ culpâ servi fuere facti, de Jure Romano. Est unus qui hic recensetur, tanquam notabilior, qui quæ multa singularia continet, quando major annis 20, ad pretium participandum, vel ut Cujac. ad parti-

endum,

endum, se venumdari passus est. Hujus introducendæ servitutis occasio fuit, quod juvenes improbi, se servos simulantes pro talibus ab interposito venditore se distrahi patiebantur, dein consumptis nummis in libertatem proclamabant, uti passim apud Plautum.

Utque talium improbitas coerceretur, Jus Civile præter & contra communes Juris regulas varia introduxit. Ut cum minoribus 25. annis, si læsi essent, daretur restitutio, hic ne quidem maximè læsis, succurratur. Ut cum nemo sit dominus suorum membrorum. l. 13. D. Ad l. Aquil. hic tamen liber homo, de se ipso disponat. Ut cum pactis & conventionibus nemo suæ libertati præjudicium faciat, id tamen hic obtineat. l. 6. 10. Cod. de liber. caus. Montan. de Tutel. c. 33. n. 623. Ut cum parens suum filium possit ex Jure Quiritium vindicare, hic non possit, l. 1. D. Rei Vindic. Rationem horum omnium reddit Leo Imperator in Nov. 59. *Lex*, inquit, *hominem liberum castigat, qui tam ignavi atque objecti est animi, ut libertatis dignitatem dedecore afficiens, quo execrabile pro servitute persolvendi pretii lucrum participet, suam servitutem mercetur.* Hanc tamen servitutem idem Imperator d. Nov. ut iniquam, prorsus sustulit. Vid. accuratissime de hisce, Placent. hic. & Connan. 2. Comment. l. 2. & seq. Hunnium 2. Resolut. 8.

Est alius modus per venditionem, si quis ad actum reipublicæ gerendum, se venumdari patitur, qui publicus servus esse dicitur. l. 1. Cod. Ne quis liber inv. actum reipubl. libr. 11. ibique Cujac. Quod an ad locationem transferri possit, sic ut quis in perpetuum suas operas elocet, disquiratur? dist. Bacchov. & Bebio hic.

Est etiam alius per venditionem modus, de quo tamen merito dubites, si pater filium urgente necessitate distraxisset. cor. tit. Cod. de patribus qui fil. distrax. ut tamen oblato pretio, vel mancipio, ingenuitatem filius dividendus recuperaret.

Erat & alius modus ex 12. tabulis, cum debitor per additionem vinctus creditori in servitutum addicebatur, ita tamen ut soluto postmodum debito reciperet ingenuitatem. Gell. 20. c. 1. Qui modis Jure Cod. est abolatus. l. ob a. Cod. de Actionib.

Etiam ex Senatusconsulto Claudiano miserabilis erat in servitutem redigendi modus, de quo infra lib. 3. tit. 13.

Præterea servitus potest per sententiam judicii imponeretur, quæ cum suâ culpâ vel delicto fuerat meritis, s. 1. Instit. de Cap. Minut. Quo casu fiscus erat servi dominus. l. 2. §. 1. D. de Pand. Dotali. Verum & ea sublata prorsus, per Auth. sed hodie. Cod. de Donat. Intervir. & non Novell. 22. c. 8.

Erat

Erat insuper alius modus in l. 4. §. 10. D. de Re Milit. & in l. 1. §. omnes Cod. de Affect. Tollend. l. 2. Cod. quibus ad libert.

Quin etiam propter liberti ingratitude[m] is sit revocandus in servitute[m], dubitationem non patitur. l. 2. 3. 4. Cod. de Libert. Ut tamen eo ipso quod operas patrono non præstiterit, ingratus non sit dicendus. l. solo. Cod. liber. caus. Vid. Hillig. ad Donell. 2. Comment. 9. litt. n. & seqq. ibique Mercer. 1. opinion. 9. Vigel. Method. Jur. Civil. lib. 19. c. 1. 2. 3. 4. Vid. Tholof. Synt. Jur. lib. 14. c. 3.

JURE MOSAICO.

Servos omnino voluntarios agnovit lex Mosalca, non quidem quod libertatem rem inestimabilem contemnerent, verum quod cum anno jubileo liberari potuerint, affectione domini perpetuam servire servitutem maluerint; de quâ in sequentibus plenius agetur.

MORIBUS GERMANORUM.

De Antiquâ Germaniæ consuetudine, vel libertatem deficientibus bonis, ac ludendo Germani amittebant, quasi suam libertatem jactu aleæ damnatam vellent. de quibus in hunc modum scribit Tacit. de Moribus German. c. 24. *Aleam sobrii inter se feria exercent, tantâ lucrandi perdendi ve temeritate, ut cum omnia defecerint, extremo ac novissimo jactu de libertate ac corpore contendat. Victus voluntariam servitutem adit, &c.*

JURE CANONICO.

Propter operas non præstitas, Jure Canonum, libertus ab ecclesiâ revocatur in servitutem, idque forte favore ecclesiæ, seu piæ causæ, cui nihil est denegandum. c. diaconi. 12. q. 2.

§. 5.

1. *SERVORUM non est differentia ratione status.*

2. *Aliqua tamen servari videtur inter Publicos & Privatos.*

3. *Quot generum SERVI Jure Mosai-*

co?

4. *Quid Consuetudine generali ob-
sineat?*

5. *Liberorum Hominum Conditio non
est uniformis.*

IN servorum conditione.] Et si non omnium liberorum conditio sit uniformis, & multum referat, nati, an facti sint liberi, quod illi ingenui, hi libertini; in servorum tamen conditione nihil interest, nati an facti sint servi. Omnium enim servorum conditio est uniformis, in quantum omnes eandem serviunt servitutem. l. 5. D. de Statu homin. Jus enim omnium servorum infimum est, cumque quod in imo collocatum est gradu, aliud alio sublimius non sit, ratione illius gradus, non potest ulla servorum esse differentia vel alterius conditio alteri præferri. Quod si spectemus servos habitâ ratione venditionis vel permutationis contractus, honestatis probi-

Q

tatis,

tatis, malitiæ nequitæ eorundem, poterunt esse variæ conditiones. l. ult. D. de Edil. Edict. l. sed & si quid. §. sufficienter. D. de Usufr. Sicuti pro clementiâ, vel inclementiâ dominorum, poterunt servi vel æquam & clementem servire servitutem, vel durâ & iniquâ premi conditione. Et illo Comici in Andria, circa init. Ut semper tibi Apud me iusta & clemens fuerit servitus Scis. & §. fin. qui sui vel alien.

Quinto pro vario genere artificiorum, quibus imbuuntur, proque diversitate officiorum, quibus sunt destinati, quæque iis adjuncta sunt alia atque alia fortiuntur nomina appellativa, aliique aliis sunt pretiosiores. l. 1. §. 4. & seq. Cod. commun. servo manumitt. l. 1. §. 1. D. Tribut. Actio. l. 15. §. 3. l. D. de injur. l. fin. D. oper. servor. Quapropter servorum quoadmodum tres gradus statui possent, ut primi actus sint frugi servi, quales Publici, Actores, Dispensatores, Atrienfes Toparii, Ordinarii: secundi, seu medii vulgares, quales Medialtini; tertii, quales quales, vilissimi, quos in nervo ceu compedibus, tanquam fures aut fugitivos habuerunt dicti Compediti, Vinciti, etiam Alligati, Deligati. Senec. de tranquill. Suet. in Vespas. Columell. libr. 1. c. ult. l. 2. D. Rem pupill. Salvam for. Et hoc est, quod Philos. 1. Polit. *ἔτι γὰρ ἑτέρα εἴδη τῶν τὰ μὲν ἐν τιμωτέρῃ ἔργῳ, τὰ δὲ ἀναγκαϊότερα.* Id est: alia aliorum servorum sunt opera nonnulla magis honesta, nonnulla magis necessaria. Quod & hoc vulgari probat vericulo:

Δύλος πρὸ δούλου, δεσπότης πρὸ δεσποτός.

Et in Paradox: Tullius. In magnâ familia sunt alii lautiores, ut sibi videntur, sed tamen servi; Atrienfes ac Toparii, &c. Vid. Plura de hisce omnibus apud Athen. Deipnos. lib. 6. c. 18. 19. 20. & seqq. n. 133. & seqq. ibique Casaubon. Titum Popmam de Oper. Servor. Alex. ab Alex. 3. genial. dier. 25. Petrum Pithæum 2. Subsecivorum 9. Jan. Rutgersium Variar. lect. 4. c. 3. in Hensii Epistol. disert. Connan. libr. 2. Comment. c. 2. n. 3. & seqq. Pacium 1. Enant. 2. Hillig. ad Donell. 2. Comm. 9. ad fin.

2. Verum quis merito quæsierit, an non potestas illa dominorum in servos fuerit duplex, ejusque contemplatione, alii in majore erant dominorum potestate alii in minore? Id ipsum negari non poterit, cum alii in servos dominium habuerint quiritarium, alii bonitarium. l. unic. Cod. de Nud. Jure Quirit. toll. Non tamen ea fuit in statu aut conditione servili differentia, quod omnes ex æquo jussibus dominorum parere tenerentur. l. 5. in init. & §. 1. D. de statu homin. nec unus alio esset magis, aut minus servus. Forte inter servos publicos & privatos aliqua tentari posset differentia, secundum Ulpian. tit. de Testam. §. fin. Quod illi de parte dimidia testamenti faciendi potestatem fuerint nacti, cum hoc cæteris omnino denegatum esset.

JURE HEBRÆORUM.

Jure Musaico servi erant duorum generum, vel nascebantur, vel fiebant. Nascebantur in familiâ domini ex servo non Judæo, aut è Judæo, qui uxorem habuerat alienigenam: quicquid enim ex eâ nascebatur, erat domini. Exod. 22. v. 4. Levit. 25. v. 44. 45. sicuti ipsa mulier dominici Juris erat, & partus ventrem sequebatur. Fiebant autem servi.

1. Captivitate, scil. si peregrini essent capti, non Judæi, quod cum Judæis bellum Civile gereretur, in quo captivi capientium servi non sunt. Deut. 21. v. 20. & seq. Excipiebantur Gentes Cananæ, quas non servare, sed trucidare tenebantur Israëlitz, idque ex peculiari mandato Dei, qui illas Gentes devoverat, propter earum enormia peccata, atque flagitia.

2. Si peregrinus servus, se potestati domini sui subduxisset, atque in tutelam domini Judæi se contulisset. Deut. 23. v. 15. Quem locum accipio de Servis paganorum, qui crudeliter à dominis gentilibus habiti fugiendo Judæorum cultui vero sese applicabant. Ut favore religionis ita fuerit receptum, quod summa sit ratio, quæ pro religione facit. l. 43. in fin. D. de Religios. & ita sentit Chald. paraphrastes. Quanquam alii hunc scripturæ locum etiam extendant ad quemcumque servum Chananeum, licet herum Judæum effugerit. Id quod probare non possum: neque enim dominus suâ re, sine ullo suo facto privandus erat, nisi aliqua ratio singularis subfit. l. nihil nostrum. D. de Regul. nec malitiis servorum erat indulgendum, nisi crudelitas dominorum fugæ præbuerit occasionem. Forte tamen inferri possit, servum potestati domini exemptum, non tamen ejus esse factum, cujus se fidei atque tutelæ credidit. Arg. cap. 23. Deut. v. 16.

3. Emptione, venditione; adhibitâ tamen distinctione, quæ sequitur. Aut enim liber homo Judæus semet Judæo vendidit, aut pater filiam Judæam, aut Judæus vendidit extraneum, vel incolam non Judæum, aut denique quis semet vendidit extraneo.

Primo casu, si fuerit uxoratus, ipse cum uxore si cum eâ in servitutum se dedisset, per sexennium serviebat, tumque cum eâ & liberis, non sine peculio, exibat. Exod. 21. v. 2. 3. Levit. 25. v. 37. 40. 41. & seqq. Deut. 15. v. 12. 13. 14. Idem quod inferendum erat, si calibem vitam duxisset. Quod ei dominus uxorem dederit alienigenam, vel saltem non Judæam, ipse per sexennium servire cogeatur, ejus vero uxor, atque liberi ex eâ prognati, in perpetuum. Exod. 21. v. 4. Nisi tamen & ipse servus amore uxoris liberorumque, etiam affectione sui heri, certis adhibitis formulis, perpetuam servitutem servire voluerit: ut tamen hoc ipso casu non ultra jubilæum magnum servire cogeretur, quem sensum Hebræi tribuunt textibus Exod. 21. v. 2. & seq. Deut. 15. v. 12. & seq.

Secundo casu, quo pater filiam Judæam vendidit, quia tanquam in uxorem alicui censcatur divendita, non adinstar servæ habebatur, verum aut redimi quandoque poterat, id est, vel ante annum septimum, si eam sprevisset dominus; aut ei dos erat assignanda, si eam domini filius cui erat deponsata, repudiasset; aut ipsi de necessariis, ac si esset & mansisset uxor, erat prospiciendum, si aliam uxorem super induxisset. Aut si nihil horum accidisset, gratis erat dimittenda. Exod. 21. v. 7. & seq. Vid. Nchem. 5. v. 5.

Tertio casu, quo emptus est extraneus, vel incola, non Judæus, ipse cum omnibus suis in perpetuum servire necessum habet. Levit. c. 25. v. 44. 45. Quarto denique casu, quo Judæus venditus est peregrino aut advenæ, (licet nemini semet vendere permittebatur, quamdiu aliquid in bonis haberet) nullo tempore servire tenetur, verum propinquus sanguinis illum quandocumque redimere poterit, vel ipse semet ipsum. Levit. 25. v. 46. 47. 48. Aut si redemptus non esset, anno 7. jubileo ad libertatem perveniebat; non tamen exibat vacuus, id est, non sine aliquo peculio, verum cum dono aut munere. Deut. 15. v. 12. 14.

4. In servitutem additione, idque propter debitum, si quis solvendo non esset, licet hic modus forte ad venditionem referri posset, quod debitor obætatus propter sua debita à creditore distraheretur. 2. Reg. 4. v. 1.

Simile quid obtinuit in Ægypto tempore famis; cum enim Ægyptiis deficerent media, jamque agros suos divendidissent, semet venum exposuerunt. Gen. 47. v. 19. & seqq.

An etiam maledictione quis in servitutem redigatur, inquiri posset non immerito? Sunt qui censent Chamo per maledictionem patris servitutem fuisse impositam, idque in poenam delicti; adeoque Noachum primum illum servitutis Juris gentium fuisse autorem; quo filium Chamum cum omnibus posteris Semo, & Japhet, eorumque successoribus mancipavit. Gen. 9. v. 25.

M O R I B U S .

4. Consuetudine generali totius Christianismi nulla verè sunt mancipia. An quia differentia omnis inter conditiones hominum per Christianismum sublata est, quod apud Deum nihil intersit, mas sit an scœmina, liber an servus, sicuti velle videtur Besol. in delib. Juris P. hoc tit. idque ex Gal. 3. ? Quod meo judicio negandum est, cum & Apostolus Paulus post conversum Onesimum servum Philemonis ad fidem Christianam, non tamen eundem, licet multum posset apud Philemonem, exemptum voluit servili conditioni. c. unic. Epist. ad Philemon.

An quia servitus aequitati & charitati Christianæ adversatur, ut in benè con-

constitutâ republicâ non sit toleranda? Ita quidem velint bene multi, verum non recte meo judicio, cum nec respublica Judæorum, quæ à Deo erat ordinata, legibusque forensibus & judiciariis decorata, non repudiaret servos, aut servilem improbaverit conditionem. Ut tantum dura illa & gida potestas dominica, quæ apud Romanos obtinebat inter Christianos eliminanda; quasi repugnet divinis præceptis proximum adinstar bruti tractare, cum etiam vir probus ex illo Salomonis suorum jumentorum mireatur. Nam si justa, si clemens quæ concipiatur conditio servitutis, nulli excogitari poterit ratio moralis, cur ea sit rejicienda, quin per eandem offit reprobari, quæ in Republicâ Hebræorum obtinuit Servitus, ab ipso Deo probata. Ut solummodo servitatem etiam non duram dissuadeant rationes Politicæ, rationes quæ Civiles, accommodatæ huic aut illi republicæ statui, vel regimini.

Meo judicio, hæc vera est ratio, quod olim capti in bello barbarico in servitutem redigerentur, non itidem qui capti in bello Civili, intestino, quod vel inter concives, factionibus exortis, vel inter Principem, & subiectos geritur, quale bellum gestum, inter Syllam & Marium, Cæsarem & Pompejum, Augustum, & Antonium. Quia vero illud bellum quod Christiani cum Christianis tanquam cum civibus, & contribulibus ejusdem republicæ Christianæ, in quâ eundem Deum colimus, licet diversis sententis, & diverso modo, est quasi bellum Civile, accedente etiam pacto publico vel expresso vel tacito, instigante Christianâ æquitate, constitutum, et etiam receptum est, ut in bello capti, accepto lytro, seu redemptionis pretio, vel etiam institutâ captorum utrinque permutatione liberentur. Neque enim id perpetuum inter nostros & Hispanos obtinuit, cum illi nostros sub initium motuum Belgicorum ad unum omnes trucidarent, nostrique milites vicissim eodem Jure in Hispanos captos uterentur; donec tandem consensu tacito, & ipso facto judicarunt melius esse ut utrinque capti, certo pretio, quod in militibus, peditibus & equitibus est stipendium ejusque menstruum, *Ransoen*, appellant, liberarentur. Unde quod Christiani gerunt cum Barbaris, puta Turcis, Indis, quia non sunt Christiani, & in quo nostros perpetuæ servituti addicunt, quos ceperunt, non etiam ensebitur bellum Civile, & capropter quos nostri ab hostibus intercepti, vel neci dant, vel aliis divendunt, vel in mancipia sibi servant. Quod in Indiâ orientali, & alibi à nostris servari, sic ut capti sint capientium, extra dubitationis aleam est constitutum. Idem fere mecum tenet Boer. de Bello. c. 15. n. 5. Rittershus. ad Novell. p. 4. c. 7. in fin. Vid. Al. iat. in l. 118. D. v. signif. Duarenum, aliosque Boer. decis. 178. n. 2. 3. & d. Bitur. 1. de Jure Person. Baron. ad §. 17. Instit. de Rerum divis. Co-

yarr. in c. 4. de Regul. Jur. in 6. secund. part. relect. §. 11. n. 6. Damhaud. Prax. Crimin. c. 82. n. 7. Mantic. de Tacit. & ambig. 11. tit. 12. n. 11. Hilligér. ad Donell. in Comment. 2. Comm. 9. litt. m. Gotheffred. ad l. 4. Cod. de ingenuis manum. Gregor. Tholos. Synt. Juris univ. 10. cap. 15. Grot. de Jure belli ac Pacis libr. 3. c. 6. 7. Mevium ad Lubecens. libr. 1. tit. 3. in init. n. 27. 28. Vinnium Instit. hic. §. 2. n. 4.

Ut hallucinentur Bartol. Bald. Angel. Aretin. in l. qui à latronibus. §. fin. D. de Testam. & Bartol. in l. hostes D. de Captiv. qui captos in bello ab Imperatore, vel rege Galliz, fieri servos clamitant. Tholos. Synt. Jur. Univ. libr. 14. c. 3. n. 17.

Manferunt nihilominus vestigia quædam pristinz servitutis, in Germaniâ, Poloniâ, Moscoviâ, Transilvaniâ, Borussiâ, etiam in tetrarchiâ Zutphanienti & Velavicâ. Sneiderw. ad §. fin. Instit. hic. in not. Gail. de Pignorat. c. 8. Goris advers. 3. c. 13. Vid. Dessel. in not. ad Zoef. Instit. qui sui vel alien. Jur. sunt. n. 3. Wissenb. disp. Instit. 57. de differ. theor. & prax. n. 7. Quinimo in Moscoviâ servos esse vel mancipia emptâ & captâ, refert Sigismund. Baro in Comment. Rerum Moscov. In Angliâ regno, durâ sublata servitute, nonnulli glebæ adscribuntur, alii ad tempus pactione constitutâ servorum instar serviunt, *apprenties* appellati. Smith. libr. 3. c. 10. de Republ. Anglic. Provinciâ vero Belgii fæderati, in tantum à Jure servitutis abhorrent, postquam sese in libertatem Jure & armis receperunt, ut si qui aliunde servi, ad nos transiverint, vel limites nostri territorii fuerint ingressi, eo ipso libertatem consequantur. Ut multo magis ii ipsi in Belgio fæderato in tuto sint collocati, qui se intra nostram ditionem, tanquam intra tutelam & protectionem receperunt, nec suis à quibus profugerunt, exhibebantur. Idem quod de Gallorum moribus asserunt DD. vid. Charond. Pand. du droit. Franc. 2. c. 2. Gudel. 1. de Jure Nov. 4. Zyp. not. Juris libr. 3. c. 2. n. 11.

Quid vero Juris dominis in famulos sit concessum, & quando ex facto famulorum conveniantur. Vid. Boer. ad Bituric. part. 2. §. 1. Mevium ad Lubec. libr. 1. tit. 4. artic. 5. de Graef. c. 6. de Jure public. Tholos. Synt. Jur. libr. 14. c. 3. n. 22. Christin. 4. decis. 80. Bodin. 1. de Republ. 5. Co-stuytm van Antw. tit. 38. Roseboom Recueil van Amsterd. c. 39. Groenw. ad tit. Instit. qui sui vel alien.

5. *In liberis autem multa.*] Liberorum hominum conditio non est unifornis. Et quod dicitur *multas esse liberorum hominum differentias*, non aliter est accipiendum, quam quod multum intersit, liber quis sit natus, an factus. Is dicitur ingenuus, absolute *liber*, appellatus. init. Instit. de Libertin. hic nominatur *libertinus*. l. unic. Cod. Ad l. Visell. Zoef. D. hic. adeoque

non-

nonnisi una est liberorum hominum, ratione conditionis divisio: quæ tamen sublata per Nov. 78. c. 1. abrogata. Visellia. Ut Jure novissimo ingenui non tantum nascantur, sed & fiant, omnesque libertini sint ingenui, salvo Jure patronatus; nisi etiam natalibus à Principe restituantur, quo casu ne quidem patronatus jus superest, si consenserit patronus.

LIBER. I. TITULUS. IV.

DE

I N G E N U I S.

Ingenuus est is, qui statim, ut natus est, liber est: sive ex duobus ingenuis matrimonio editus est, sive ex libertinis duobus, sive ex altero libertino, & altero ingenuo. Sed & si quis ex matre nascitur libera, patre verò servo, ingenuus nihilominus nascitur: quemadmodum qui ex matre libera & incerto patre natus est, quoniam vulgò conceptus est. Sufficit autem liberam fuisse matrem eo tempore, quo nascitur, licet ancilla conceperit. Et è contrario, si libera conceperit, deinde ancilla facta pariat, placuit eum, qui nascitur, liberum nasci: *quia non debet calamitas matris ei nocere, qui in ventre est.* Ex his illud quæsitum est, si ancilla prægnans manumissa sit, deinde ancilla postea facta pepererit, liberum, an servum pariat? Et Martianus probat liberum nasci, *sufficit enim ei, qui in utero est, liberam matrem vel medio tempore habuisse, ut liber nascatur.* quod & verum est.

1. Cùm autem ingenuus aliquis natus sit, non officit ei in servitute fuisse, & postea manumissum esse: sæpissimè enim constitutum est, *natalibus non officere manumissionem.*

C O M M E N T A R I U S.

I N I T I U M.

- | | |
|--|--|
| 1. <i>Quis sit INGENUUS?</i> | 4. Jure Hebræorum quandoque Paterna spectatur origo. |
| 2. <i>Ex Matre liberâ nascitur LIBER.</i> | 5. <i>Quid Moribus obtineat, explicatur.</i> |
| 3. <i>Calamitas Parentum Partui non obest.</i> | In: |

1.



Ingenuus est is.] Ingenuus est vel verè, & naturaliter, vel secundum aliquam Juris dispositionem. Vere & naturaliter ingenuus est, qui simulac natus est, liber est, supple, si ex matre liberâ natus sit. l. 5. §. 2. D. de statu homin. Potest enim quispiam, simulac natus est, liber esse, & cum sole videre libertatem, nec tamen erit ingenuus, quia forte ex ancillâ natus est, sed in utero manumissus. l. 14. Cod. de fideic. libert. Secundum Juris dispositionem ingenui censentur, qui judicis sententiâ pronuntiati sunt ingenui, quamvis fuerint libertini; quod res judicata pro veritate habeatur. l. 25. D. de statu hominum, ad quam vid. Donell. 22. Comm. 5. divi. D. de liberali caus. Azo in summ. D. de statu homin. n. 2. Nec obstat, quod errori sit præferenda veritas. l. 6. §. 1. D. de Offic. Præf. l. 8. D. de statu homin. l. 29. D. de Probat. Quia dd. ll. non agitur de sententiâ latâ, sed potius ferendâ, quæ si lata fuisset, intererit rei publicæ eam salvam esse. l. 65. §. 2. Ad Trebell. Anton. Fab. 19. con. 4.

Qui lege nacti sunt ingenuitatem, idq; in præmium aut beneficium propter rem bene gestam. tit. Cod. Pro quibus Caus. Serv. pro Præm. Qui beneficio Principis facti sunt ingenui, per aureorum anulorum jus, vel natalium restitutionem, consentientibus patronis factam. tit. D. & Cod. de Jure aureor. anulor. & de natal. Restituend. Jure tamen novissimo, jus aureorum anulorum generale factum est beneficium, omnibus manumissis competentis, salvo Jure patronatus. Nov. 78. c. 1. Auth. sed hodie. Cod. Natal. Restituend. Unde colligere licebit aliam esse plenam ingenuitatem, aliam non plenam. Hancque non plenam videri, quando salvum & integrum manet jus patronatus. Non plenæ ingenuitatis exempla etiam occurrunt, in l. etiamsi jus. D. de bon. libert. l. 35. D. eod. l. 8. Cod. eod. l. ult. D. de Statu homin. junct. l. 32. D. de Ritu Nupt. Azo in summ. D. de Statu homin. Mercer. 1. opin. 8. ad fin. Hillig. ad Donell. 2. Comm. 10. litt. H. Vid. Connan. 2. Comment. 11.

Civiliter insuper ingenui facti, qui in clericos sunt allecti, & quidem sciente atque permittente domino. Nov. 123. c. 17.

Quinimo & Jure antiquo pro ingenuis habiti, qui liberti deferente patrono jusjurandum, se ingenuos esse juraverint. l. cum qui. §. si libertus. D. de Jurejur.

2.

Sed & si quis ex matre.] Ex matre liberâ nascitur liber, non tamen ad exclusionem liberi patris, sufficit tamen matrem esse liberam licet pater servilis sit conditionis. Neque enim hic matrimonii habetur ratio, vel nuptiarum, cum tantum spectetur naturalis ingenuitas, non civilis. Hæc enim

cx

:x justis oritur nuptiis, illa etiam citra legitimam conjunctionem. Ut frustra in princ. Tribonianus adscripserit hæc verba: *ex duobus ingenuis matrimonio editus*, & superfluum *matrimonii* vocabulum. Et inspectâ Civili illa ingenuitate, partus sequitur conditionem patris, non item matris. Juris enim naturæ est, ut qui nascitur legitimo matrimonio non interveniente, matrem sequatur. l. 24. D. de Statu homin. intervenientibus nuptiis conditionem, id est statum & familiam patris. l. 19. 26. D. eod. l. 24. D. Ad Municip. l. 5. §. 4. l. pen. antepen. D. Agnosc. liber. l. 7. Cod. de Rei Vind. Vid. Donell. 2. Comm. 10. ibique Hillig. litt. F. & S. Nisi tamen lex specialis aliud quid inducat, quod fecit olim lex Mensia, secundum quam ex peregrino & cive Romanâ natus, patris sequebatur conditionem, etiam non interveniente matrimonio legitimo. Ulpian. tit. 6. §. 8. de his, qui in potest. Gothefr. add. l. 24. Olim etiam in adscriptio secus obtinuit, id quod tamen correctum, per l. fin. Cod. de Agricol. Censit. Nov. 54. 156. 62. c. 2. Cujac. 4. obs. 28. Secus etiam obtinet in casu l. pen. aut ult. Cod. Murileg. & in casu l. 29. Cod. de Decurion. ubi filius ex justis nuptiis procreatus, matris non patris sequitur conditionem. Denique si spectemus originem loci, quandoque ex privilegio origo censetur materna, & nuptiis intervenientibus, partus maternæ originis erit municeps. l. 1. §. 2. D. Ad Municip.

Sufficit autem liberam esse.] Quod dictum ex matre liberâ nasci ingenuum, in tantum procedit, idque contra Juris rigorem. l. 18. D. de Stat. homin. ut licet mater vel tempore conceptionis, vel in edio, vel editionis fuerit libera, qui nascitur, ingenuus sit futurus. init. hic. l. 5. ibique Costal. D. de statu hom. Cum si conditionem patris sequeretur partus, tempus conceptionis spectandum foret. l. 11. D. de statu homin. Sicuti si de novo statu querendo ageretur. d. l. 11. Quemadmodum casus vel delictum patris ante nato vel concepto non nocet, l. 9. D. de Senat. l. 17. Cod. Usufr. l. trimen. D. de Poen. l. 2. Cod. de lib. & eorum liber. Poen. l. sancimus. Cod. de Poen. c. nasci. dist. 56. c. cum secundum. de Hæret. in 6. ita nec casus matris concepto nocere debebat, ut qui pro nato habetur quoties de ejus commodum agitur. l. 7. D. de Statu homin. l. 7. §. 1. D. de Senat. l. 2. de mort. infer. Maxime si de libertate sit quæstio, cujus tantus est favor, ut id partus ingenuitatem sufficere debeat, matrem aliquo tempore liberam fuisse. init. hic.

Quid si de successione incidat difficultas, an æque pro nato habebitur, qui nondum est natus, licet conceptus? Resp. Habetur quidem pro nato, in quantum ei reservatur successio, nec ea integra tribuitur ejus fratri nato. l. 3. D. Si Pars hæredit. Petat. Non tamen ei conferri de facto poterit,

rit, antequam in lucem fuerit editus, idque propter incertitudinem. l. fin. D. de Collat.

Quin amplius adeo libertati ejus qui in utero est leges favent, ut quandoque eum velint liberum, licet mater nullo tempore fuerit libera. Quod accidit propter fideicommissum in casu l. 14. Cod. de fideic. libertat. ubi liber nascitur ex ancillâ, quæ serva manet; non tamen erit ingenuus, quod per manumissionem libertatem consequatur. Zöf. D. de stat. homin. Etiam, quando mater ancilla eâ lege est vendita, ut manumittatur, si mora sit facta: tunc enim quia mater libera esse debebat, qui ex eâ nascitur, liber erit. l. 26. §. 1. D. de fideic. libertat.

Verum quæsitum est, an qui in utero est, sibi tantum pro sit, an etiam matri, cujus est portio? Resp. Si quando sibi noceret, nisi matri emolumentum quæreret, etiam per consequentiam matri proderit. Ita ventris nomine in possessionem mittitur mater, ex bonis interim alenda. l. 1. D. Si mul. ventr. nomin. Si gravis mulier, quæ capitis damnata est, supplicium ejus gratiâ, qui est in utero, differtur, donec mater pepererit. l. 3. D. de Pœn. ibique Gothefred. in not. Vid. Pacium 1. Enant. 23. 24. Speckhan. 1. quæst. 74.

JURE HEBRÆORUM.

4. Maternam etiam spectari originem, quando ex ancillâ quis est natus, colligere licebit ex Ismaele, qui matre servâ natus, inter liberos conditionem non nanciscitur. Unde in sacro Codice legitur, quod ancilla cum suo filio sit ejicienda, ut qui non unâ cum filio hæreditatis particeps esset futurus. Gen. 21. v. 9. 10. & seqq.

MORIBUS.

5. Generalis consuetudo id induxit, ut qui natus est ex ancillâ, non sit servus, modo pater sit liber. Windeck. Theol. Jurisc. part. 2. p. 80. Jure tamen Bavarico, ubi sunt homines proprii, vel adscriptitii, si pater liber, mater propria, aut vice versa, & mater patris conditionem noverit, liberi erunt proprii. Juris Bavarici Lantrecht. tit. 4. art. 1. 4. 5. 8. Sebast. Craiss. declar. Ducat. Neuburg. libr. 2. artic. 8.

Quod si de moribus civilem spectemus ingenuitatem, qualis nobilitas, justis nuptiis procreati, quoad eam, patris sequuntur conditionem, vulgo quæsi ejus ingenuitatis non sunt participes, multo minus matris nobilis conditionem nanciscuntur. Apud Gallos tamen, Germanos & nostros, receptum ut liberi illegitimi, qui bastardi appellantur, si pater sit illustris, in nobilium ordinem admittantur, insignia paterna gerant, non integra tamen, verum adjectâ quâ lineolâ. Quæ à sinistrâ incipit, & in dextrum desinit. Tiraquell. de nobilit. c. 15. n. 25. Chassan. Catalog. Gloriz mundi.

di. part. 1. concl. 24. & ad Consuet. Burgund. rubric. 8. §. 3. n. 21. Guid. Papæ. decis. 580. n. 3. Faber in Cod. libr. 5. tit. 16. defin. 11. & libr. 9. tit. 29. def. 20. ubi de Sabaudis dissentire videtur. Zyp. not. Juris Belgici. tit. de Dignit. v. ut Spurio. Grot. 1. introd. 14. Desselius in addit. ad Zoef. Instit. hoc. tit.

Alibi etiam justis nuptiis quæsi, matris sequuntur ingenuitatem, sic ut patre ignobili prognati, matre nobili, nobilibus adscribantur. Ita Lovanii primariæ nobilitatis familiis, quæ septem enumerantur, concessum est, ut nobilitatem etiam per scæminas transmittant. Lipsius in Lovanio libr. 2. c. 3. Perez. Cod. de Decurion. n. 39. Dessel. in addition. ad Zoef. Instit. hoc. tit. Et simile jus apud Campanos Galliæ populos obtinere scribit Connan. 2. Comm. Jur. Civil. c. 11. Bodin. 1. de Republic. c. 3. in fin. Quinimo apud Ungaros & Transilvanos, ex nobili matre, patre rustico prognatus, si mulier per Regem in Jurium paternorum hæredem sit assumpta, vere nobilis reputabitur. Collector Consuet. Ungar. & Transl. part. 1. Decret. tit. 7.

Ut frustra Bartol. in l. exemplo. 36. Cod. de Decurion. libr. 10. tueatur, statuto vel consuetudine induci non posse, ut maternus sanguis nobilitet. Vid. l. 1. §. 1. D. Ad Munic. Tiraquell. de Nobilit. c. 18. n. 23. Uffel. in not. ad libr. 4. Variar. Resolut. Covarr. c. 9. mea in tract. de Statutis. sect. 5. c. 2. n. 5.

§. 1.

1. Quid sit esse in Servitute ?

2. Jure Mosaico Partus quandoque Ventrem sequitur.

QUUM autem ingenuus.] Non officit natalibus, id est ingenuitati, si quis ignarus suæ conditionis, fuerit in servitute, & postmodum sit manumissus. Neque ratione manumissionis fiet libertinus, sed ut natu erat liber, ita manebit ingenuus: quod non fuerit reverâ servus, verum pro servo habitus, quod facti est. l. 24. 27. D. Capt. & Postlim. Veritas autem originis, quæ Juris erat, errore, qui facti est, non amittitur aut vitiatur. Nec injusta possessio, quando manumissus suam repetit ingenuitatem, ei præjudicat. l. 6. in init. D. Ad Munic. l. 6. §. 1. D. de Offic. Præf. Et in Jure plus valet, quod est in rei veritate, quam quod est in opinione. §. si quis rem suam. Instit. de Legat. Nec justa ignorantia cuiquam debet esse damnosa. l. 8. D. Jur. & fact. ignor. Præterquam quod nemo vere dici poterat manumissus, qui non fuerat vere servus, sed tantum in servitute. Quæ phrasis, licet nonnunquam designet jus, ut in princ. Instit. de libertin. Hic tamen nonnisi factum denotat; sicuti alibi in possessione esse, secer-

nitur à Jure possidendi. l. 3. §. ult. D. de Acquir. Possess. Cujac. hic. Hotom. Illustr. quæst. 17.

Quim autem tum demum manumissio non obstat ingenuitati, cum manumissus intra quinquennium ad ingenuitatem proclamasset. l. 2. D. Si ingenuus esse dicatur. Elapso vero quinquennio ipsum Principem adire debebat. d. l. 2. Hodie etiam post quinquennium proclamare licet, idque sine temporis præscriptione, favore ingenuitatis. l. 6. Cod. Ubi caus. stat. agi debeat.

Quid si major annis 20. qui ad pretium participandum se venundari passus est, sit manumissus? Quia vere servus est, ad libertatem proclamare non potest, & si fuerit manumissus, libertinus erit, non ingenuus. l. 21. D. de stat. homin. l. 40. D. de liber. caus. Eum tamen Imperator Hadrianus de libertate, id est ingenuitate contendere permisit, si pretium quod accipit reddidisset. l. 8. D. Si ingenuus esse dicat.

JURE HEBRÆORUM.

Jure Mosaico partus ventrem sequebatur, si Judæus ancillam in uxorem sumpsisset, vel eam quam in bello cæperat, ut qui ex eâ nascitur servilis fuerit conditionis. Quæ etiam ratio, quod Judæi talem circumcidi noluerint partum, donec fidei confessionem emisisset, adeoque factus esset proselytus. Ad quem morem videtur respexisse sacra pagina, dum Christum servum appellat. Esai. c. 49. v. 5. & c. 42. v. 1. Etiam Sancta virgo Maria mater domini seipsam dicit ancillam domini Dei. Luc. 1. v. 28. Secus, quam obtinet in novo Testamento, ubi partus sequitur conditionem patris aut matris, non conditionem deteriore, sed meliorem. Si enim alteruter parentum sit fidelis, favorabiliter pro infante præsumitur, ac si sanctificatus esset, ut lavacro Baptismatis sit offerendus, atque eodem tingendus, adeoque ecclesiæ Christianæ inferendus. Act. 2. v. 39. 1 Cor. 7. v. 14.

LIBER. I. TITULUS. V.

DE

L I B E R T I N I S.

Libertini sunt, qui ex justa servitute manumissi sunt. Manumissio autem est de manu datio: nam quamdiu aliquis in servitute est, manui & potestati suppositus est, & ma-

manumissus liberatur à Domini potestate. Quæ res à Jure gentium originem sumit: utpote cum Jure naturali omnes liberi nascerentur, nec esset nota manumissio, cum servitus esset incognita. Sed Postquam Jure gentium servitus ingenuitatem invasis, sequutum est beneficium manumissionis: & cum uno communi nomine omnes *Homines* appellarentur, Jure gentium tria hominum genera esse cœperunt: *Liberi*, & his contrarium *Servi*, & tertium genus *Libertini*, qui desierant esse servi.

1. Multis autem modis manumissio procedit: aut enim ex sacris Constitutionibus in sacrosanctis Ecclesiis, aut vindictâ, aut inter amicos, aut per epistolam, aut per testamentum, aut per aliam quamlibet ultimam voluntatem. Sed & aliis multis modis Libertas servo competere potest, qui tam ex veteribus, quam ex nostris Constitutionibus introducti sunt.

2. Servi verò à dominis semper manumitti solent: adeò, vel in transitu manumittuntur, veluti cum Prætor, aut præses, ut Proconsul in balneum, vel in theatrum eant.

3. Libertinorum autem status tripertitus antea fuerat. Nam vi manumittebantur, modò majorem & justam Libertatem consequerentur, & fiebant *Cives Romani*: modò minorem, & *Latini* ex lege Junia Norbana fiebant: modò inferiorem, & fiebant ex lege Ælia Sentia *Dedititii*. Sed quoniam dedititiorum quidem pessima conditio jam ex multis temporibus in desuetudinem abierat, Latinorum verò nomen non frequentabatur: eò nostra pietas omnia augere, & in meliorem statum reducere desiderans, duabus Constitutionibus hoc emendavit, & pristinum statum reduxit: quia & à primis urbis Romæ inæbulis una atque simplex Libertas competeat, id est, eam, quam habebat manumissor: nisi quòd scilicet Libertus sit, qui manumittitur, licet manumissor ingenuus sit. Et dedititios quidem per Constitutionem nostram expulimus, tam promulgavimus inter nostras decisiones: per quas, suggerente nobis Triboniano viro excelso Quæstore nostro, antiqui Juris altercationes placavimus: Latinos autem Junianos, & omnem, quæ circa eos fuerat, observantiam, aliâ Con-

stitutione per ejusdem Quæstoris suggestionem correximus, quæ inter Imperiales radiat sanctiones. Et omnes Libertos, nullo nec ætatis manumissi, nec domini manumittentis, nec in manumissionis modo discrimine habito, (sicut jam antea observabatur) civitate Romanâ decoravimus: multis modis additis, per quos possit Libertas servis cum civitate Romana, quæ sola est in præsentî, præstari.

C O M M E N T A R I U S.

I N I T I U M.

1. LIBERTINI olim à Libertis distincti.

2. Non omnis MANU-MISSUS libertatem consequitur.

3. Unde dicta MANU-MISSIO?

4. Omnes Jure naturali sunt Homines.

1.



Libertini sunt.] Antiquitus à Libertis separati fuere Libertini; iique dicti Liberti, qui cum servi fuissent, libertatem essent consecuti, Libertini vero appellati Libertorum filii, vel ex iisdem procreati. Sicuti Græcis ἐλευθεροὶ ab ἀπολευθίροις ferebantur, quod hi essent manumissi, illi vero manumissorum liberi. Dion. lib. 54. Theophil. hic. ibique Fabrottus Lipsius

in Tacit. Annal. 3. c. de emptione. p. mihi. 152. Censent vero critici emunctæ naris ante Appium cæcum, & aliquando post eundem inter Libertos & Libertinos differentiam fuisse servatam, Ciceronis vero ætate, & paulo ante, & post promiscue illis usos fuisse vocabulis, ut tamen quandoque per Libertum ipsum manumissum, per Libertinum manumissi filium, designaverint. Neque enim omni ævo Libertinus erat ingenuus; verum demum Libertini filius, Liberti nepos. Vid. Sueton. in August. & in Claud. c. 24. ibique comment. Beroald. l. ult. D. Si liber. ingenuus esse dicat. & Ulpian. Instit. tit. 1. Budæum ad l. fin. D. de Senator. Laurent. Vall. 4. Elegant. 1. Aldi Manutii Pauli filii de Quæst. per Epistol. cap. 7.

Hoc tit. itaq; confusione factâ vocabulorum, Libertini sunt, qui ex justâ servitute sunt manumissi. Ita dicti ad oppositionem ingenuorum, neq; enim etiamnum erant ingenui; iidem tamen appellantur Liberti, respectu habito ad patronum. Dicuntur Libertini ex justâ, id est legitimâ & verâ servitute

ma-

manumissi, non è putativâ servitute & erroneâ, quæ in illis obtinebat, qui cum essent ingenui nati, opinione servi erant, vel potius in servitute. Et licet omnes illi sint Libertini, qui è justâ servitute sunt manumissi, non tamen illi soli, ut quæ hoc loco traditur definitio non omnes Libertos aut Libertinos comprehendat. Quidam enim non manumissi consequuntur Libertatem ipso Jure, citra ullum manumissionis actum, de quibus in tit. D. qui sine manu. ad libert. perven.

Quibus accenseri poterunt qui in ultimâ voluntate, non expressâ libertate dati sunt tutores. in Princ. Instit. qui testam. tutor. dare. Qui hæredes à suis dominis sunt designati. Init. Instit. Quibus ex caus. manu. Et denique quibus à milite domino legatum est relictum. Nov. 78.

Manumissio autem est.] Per manumissionem Libertatem servi consequuntur, non tamen id perpetuum est, eo quod manumissionis effectus Jure fuerit impeditus. Casus est in l. 4. in princ. D. de manu. vind. & de Jure antiquo minor annis 30. vindictâ manumissus, Libertatem non conquirebatur, nisi causa apud consilium probata fuisset. Ulpian. in fragment. it. 1. de libert. Etiam in fraudem creditorum, vel patroni manumissus; à proprietatis domino manumissus, cum alterius esset usufructus, vel ab altero dominorum, altero invito; vel à minore annis 20. manumissus, causâ pendens apud consilium examinata, probataque. Ulpian. tit. de libert. & it. seq. hic. §. fin. Instit. de Donat. Quin amplius castrensis servus filii manumissus à patre. l. servi quos. D. de manu. servus dotalis uxoris à marito qui solvendo non est, manumissus. l. Servum dotalem. D. eod. vel d. vincula damnatus servus, aut eâ lege venditus, ne unquam manumittatur, per manumissionem ad Libertatem non pervenit. tit. D. Si Mancip. a venier. l. 1. Cod. qui non possunt ad libert. perven. de quib. Vid. Baluin. in fin. tit. seq.

Manumissio est, de manu datio.] Manumissio ex origine est de manu missio, id est datio Libertatis. l. 4. D. de Just. & Jure. l. id. libr. 19. Etym. c. 1. Forte desumpto vocabulo à potiori solemnibus manumissionis modo. Nisi vis à manu, id est à potestate eam malit derivare, quemadmodum in manu viri convenire, est venire in ejusdem potestatem. l. 1. in init. D. origin. uris. Tacit. Ann. 2. c. 46. Vel ut alii à manu, quia plerique servi manu apti, ut manu dimissi censeantur, quando in Libertatem dimittuntur. Unde non improbabiler colligere licebit, manumissionem Juris gentium esse, si spectemus originem, & quidem illius Juris gentium, quo servitus est introductâ, quod ut beneficium eam secuta sit manumissio. init. hic. §. 2. Instit. de Jure Natur. Gent. Civil.

Et cum uno communi nomine homines.] Non itaque omnes Jure naturali liberi 4.

liberi fuere appellati, sicuti nonnulli vocabulum *hominis* hic ita accipiunt. Neque enim natura de Libertate quid disposuit, verum permisit tantum illos esse liberos vel servos, uti explicui ad tit. Instit. de Jure Nat. Gent.

Nam si naturam intueamur, similis pene, si non eadem est omnium hominum conditio, servatâ in sexu differentiâ. l. 4. D. de Justit. & Jure. l. 32. D. de Regul. Juris. l. 13. Cod. de Contrah. Stipulat. Post vero de Jure gentium secundo, deque jure Civili tria hominum genera esse cæperunt, si statum si conditionem spectemus, *liberi*, id est ingenui, *Servi* & *Libertini*. Theophil. ad hunc tit. ibique in not. Fabrotus.

§. I.

1. MANU-MISSIO multiplex, ejusque effectus.
2. Modi, quibus Libertas competit aut datur, enumerantur.

3. Jure Mosaico quot modis SERVUS Libertatem consequatur?
4. Moribus quid obtineat?
5. Quid Jure Canonico?

1. **M**Ultis autem modis. Manumissionis modi sunt varii, vel enim publice facta est, vel privatim, vel in medio modo. Publicè olim ea fieri dicebatur, quæ censu vel vindictâ peragebatur, nisi quis & testamento datam Libertatem quondam publicè factam dixerit, quò tempore coram populo calatis comitis illud condebatur. in princ. Instit. de Testam. ordin. Illique tres modi, qui merito legales appellari poterunt, quòd iis justa & perfecta Libertas conferebatur, à Cicerone in Topic. 1. enumerantur. Ubi Böct. *Ex veteribus olim faciendi liberos tres erant species, Censu, Vindictâ, Testamento.* Inter eos tamen is maxime celebratus est, qui fiebat vindictâ, ut qui perpetuo obtinuerit, etiam censu deficiente, quem Justiniani temporibus in usu non fuisse, pro comperto est: neque enim aliter eum modum notabilem in hoc titulo omisisset. Jure vero posteriori alius publicè manumittendi modus est inventus, probabiliter à Constantino, l. 1. 2. Cod. Qui in Eccles. Manum. Cujus hic etiam meminit Justinianus.

Privatim fieri dicitur manumissio, quasi intra privatos parietes, citra interventum actus publici, vel publicæ personæ ad hunc actum celebrandum adhibitæ facta, qualis est ea quæ fit per epistolam, vel inter amicos; quæ tamen quinque testium subscriptionem, vel præsentiam requirebat. l. 1. §. sed et si. Cod. latin. liber. toll. per mensam, ut si servum convivio dandæ Libertatis causâ dominus adhibuerit. Quæ manumissiones naturales magis appellari poterunt, quod peragantur vix ullis adhibitis solemnibus, quibus in cæteris utebantur. Præterquam quod in effectu hi modi à superioribus multum differant; neque enim hisce plenam vel justam servi manumissi Libertatem consequantur. Senec. de vit. beat. c. 24. Ulpian. tit. 1. de libert.

libert. Cajus Instit. 1. tit. 17. Senec. de vit. beat. c. 24. Connan. 2. comm. 4. Ræv. de Auc̃t. Prud. c. 7. Quinimo nonnunquam effectu Libertatis carebant servi in vitâ, quod nonnunquam à dominis ingrituri manumittebantur, quo liberi morerentur. Martial. 1. Epigram. 81. ad Demetrium. Qui vero sint effectus manumissionis & libertinitatis id explicat tit. D. de Jure patron. de Oper. libert. & prolixè Connan. 2. Comm. c. 6. 7. 8. 9. 10. & Gregor. Tholof. Synt. Jur. univ. libr. 14. c. 8. 6. 10. Hillig. ad Donell. 2. c. 16. 17. 18. 19.

Medio modo peragitur manumissio in testamento, licet olim forte publice, quod testamentum non nisi coram populo conderetur. Et quidem vel directe quis eo manumittitur, vel per obliquum, id est per fideicommissum. Directè, si quis servum liberum esse volebat, eique directis verbis libertatem conferebat. Id quod vel testamento, vel codicillis testamento confirmatis peragitur, & ita manumissus Orcinus, Charonianus appellatur. §. pen. & ult. Instit. de Singul. rebus per fideic. relic. Obliquis verbis, seu per fideicommissum manumittitur, & quidem codicillis, licet testamento non sint confirmati; quo casu non testatoris, verum hæredis erat Libertus, ab hærede manumissus. tit. D. Cod. de Testam. manum. & de fideic. libert. Brisson. de formul. lib. 7. p. mihi. 620. & seqq.

Per singulos autem manumissionis modos non memet diffundam, suffecerit verbo explicasse potiores species, digitoque autores indicasse, è quibus eorum cognitio accuratior est petenda. Et quidem manumittendi modus per vindictam est modus legitimus, & actus voluntariæ Jurisdictionis quando apud consilium, prætorem præsidemve licitor virgulâ quadam quam vindictam appellant alii, caput servi, qui rاسus erat, tangebatur, faciem palinâ tergumque festucâ verberabatur, dominus autem eum quem liberum esse volebat, vertebat in gyrum, deque manu mittebat, solemniter pronuntiando, quod eum liberum esse vellet. Quem manumissionis modum à Junio Bruto primo Romanorum consule derivatum censent alii, quod Vindicem servum obdetectam prodicionem manumississet, indeque manumissionem vindictâ appellari. Plutarch. in libell. de Serâ Dei Vindict. Tacit. ann. 13. c. 27. Vid. l. manumissio. l. 13. D. de Manum. Vindict. l. fin. D. de Vind. & apud Consil. Manum. l. ult. Cod. de Emancip. liberor. Nov. 81. Plaut. in Amphitr. Persius Satir. 5. ibique Casaubon. Juven. Satir. 3. Ambros. 2. Epistol. Carol. Sigon. de Judic. 1. c. 13. Rævard. 4. varior. 9. & de Auc̃t. Prud. c. 7. Politian. Miscell. 98. Brisson. de form. 8. p. 724. Contius 2. lect. 9. Alex. ab Alex. Gen. dier. 4. c. 10. Fabrotum ad Theophil. hic circa fin. Per censum manumittebatur, qui lustrali censu, id est singulis apud censores Romæ quinquenniis jussu domini inter ci-

ves censum professus esset, id est si centum haberet in peculio permittente domino, vel si eas facultates dominus ipsi impartiret. Quem manumittendi modum à Seryo Tullio 6. Romanorum Rege, originem traxisse creditum. Ulpian. tit. 1. Livius libr. 1. Flor. lib. 1. c. 6. Alexan. ab Alex. Genial. dier. 4. cap. 10. Rævard. prolixè. d. tract. de Auctorit. Prudent. cap. 7.

Jure posteriori per Constantini constitutionem in ecclesiis facta manumissio coram judice, presentibus antistitibus & populo, & interveniente scripturâ causâ memoriæ; quæ etiam minoribus annis 25. sub formâ præscripta fuit permissa. §. f. hic. l. 2. C. comm. de manum. l. 1. 2. Cod. De his qui in Sacros. Eccles. Manum. Nicephor. 7. histor. Eccles. c. 46. Sozomen. libr. 1. histor. tripart. cap. 9. Augustin. Sermôn. de Comm. vita Clericor.

2. *Sed & aliis modis Libertas.*] Multis olim modis servus Libertatem consequi poterat, quandoque etiam citra manumissionem. Pecuniâ enim eam redimere poterat, & metuendum non erat, ne qui sestert. semis daret, Libertatem non impetraret. Plautus in Casinâ. Jan. Meller. Palmerii Spicileg. 10.

Libertatem insuper consequebatur, si necem domini vindicaret, l. 1. Cod. Quibus ex causis servi pro præm. Si falsarium monetæ, virginis raptorem, desertorem militiæ, deferat. l. 2. 3. 4. Cod. Si ægrotus à domino per vim sit ejectus, neque alterius curæ demandatus, l. unic. §. 3. Cod. de latin. libert. tollend. Si liberam ducat, idque domino consentiente. Auth. ad hoc. Cod. eod. Si eum dominus adoptaverit. §. fin. Instit. de Adopt. Si eum suum filium appellaverit. l. unic. §. 10. Cod. de latin. libert. toll. Si voluerit testator, aut heres ut servi pileati funus domini comitentur. d. l. unic. §. sed & qui. Si presentibus quinque testibus instrumentum servitutis servo tradat. d. l. §. ille etiam. Si servus per annos 20. in libertate sit moratus. l. fin. Cod. de long. temp. præscript. quæ pro libert. Si post quinquennium in possessione Libertatis moriatur. l. fin. D. ne de stat. lib. post quinq. Si à domino hæres, vel tutor sit scriptus. Init. Instit. de Hæred. qual. §. 1. Instit. qui testam. tutor. Si ancillam dominus prostituerit. l. unic. §. 4. Cod. de latin. libert. toll. Si mancipium Judæi ad orthodoxam perveniat religionem. Si mancipium Christianum Judæus possideat, vel circumcidat. tot. tit. Cod. Ne Mancip. Christian. l. 36. §. ult. Cod. de Episc. & Cleric. Si à domino sacro cubiculo Principis servus sit oblat. l. jubemus. Cod. de Præfect. Sacri Cubicul. Si clericus, aut Sacerdos sit factus, etiam invito domino. Nov. 5. cap. 2. §. 1. Nov. 123. c. 17. Vid. Rævard. de Auctorit. Prudent. cap. 7. Brisson. formul. libr. 7. p. 620. & seqq. Gregor.

Tho-

Tholof. Synt. Jur. univ. libr. 4. c. 6. Donell. 2. Comm. 12. 13. 14. 15. ibi-
que Hilliger. Vigel. Method. Juris Civil. libr. 19. cap. 5. & seqq.

D E J U R E D I V I N O .

Jure Mosaico etiam citra voluntatem domini Libertatem servi Judæi 3.
consequabantur, anno Jobel. Exod. 21. v. 2. 3. Levit. 25. v. 39. Quinimo
semet ipsos redimere poterant, vel per propinquos redimi, si à non Judæo
empti fuissent. Levit. 25. v. 47. & seq. Et serva Judæi filia etiam gratis
liberatur, si herus eam sibi aut filio desponsaverit, nec quod æquum est,
præstiterit. Exod. 21. v. 9. 10. 11. 12.

Omnes insuper servi indistincte liberabantur, si aut oculum eruisset, aut
dentem excussisset dominus. Exod. 21. v. 26. 27.

Liberabantur etiam hero defuncto, cui non erat filius superstes. Non
tamen vindictâ manumissio apud Judæos videtur fuisse cognita, nec eâ un-
quam sunt usi. Vid. Librum Præcept. Majorem fol. 169. col. 1. & seq.
Druf. in not. ad Sulpit. Severum libr. 1. p. 20. in not. p. mihi. 117. Non
tamen Jure Divino, si ad orthodoxam religionem servus perveniat, vel
velit esse clericus, invito domino Libertatem nanciscetur. Neque enim
religio tollit differentiam in statu aut conditione, quinimo eam servat ille-
gam, & confirmat, si non ea divinis jussis adyerfetur. Ut de Jure Divino
Nov. Leonis 9. 10. 11. Juri Justiniano, atque Canonico sit præferenda.
Servis enim præcipitur, ne se dominorum potestati subducant, ne eadem
religionis prætextu. 1. Corinth. 7. v. 21. Tit. 2. v. 10. Cujac. in expo. 10y.
5. Quæ ratio est, quod Apostolus Paulus, Onesimum servum fugitivum,
conversum ad fidem Christianam, non apud se retinuerit, verum ad herum
Philemonem litteris humanissimis, & deprecatoriis remisit. Epistol. ad
Philemon.

M O R I B U S .

Moribus antiquis Francorum manumissiones quidem in usu fuere, sed 4.
aliter tamen atq; apud Romanos fieri solitæ. Vel enim ex lege Salicâ, ante
Regem jactato denario, id est excusso nummo de manu ipsius servi, vel in
ecclesiâ per chartam sive epistolam servus manumittebatur. Indeque ma-
numissum vel Denarialem vel Chartularium fuisse appellatum, refert Cu-
jac. 4. obs. 5. & post eundem Dessel. in addition. ad Zoef. Instit. hic.

J U R E C A N O N I C O .

Si servus sciente, & non contradicente domino in Clerum fuerit ordi- 5.
natus, liber & ingenuus erit. C. si servus sciente. 54. distinct. Panormit.
in c. 2. de Serv. non ordin. Idem quod obtinet, si religionem fuerit ingres-
sus, & triennio tacuerit dominus, quasi tacite in eum Libertatem contule-
rit. d. c. si servus. & c. fin. 17. quæst. 2. Quod si ecclesiæ servi fuerint

manumissi, eorum filii nihilominus sicut & ipsi, obnoxii remanent ecclesiæ patronæ. C. de Libertis. 12. quæst. 2. Quemadmodum cum hac conditione manumitti poterunt, ut non alii quam ecclesiæ sua bona relinquant. c. 1. 3. caus. 12. q. 3. Sicuti etiam ab ecclesiâ suâ recedentes, si post admonitionem non fuerint reversi, in servitutem revocantur. c. Liberti. 12. quæst. 2.

§ 2.

1. Quotuplex Status LIBERTINORUM?

3. Quid de Consuetudine?

4. Quid Jure Canonico?

2. Quid Jure Mosaico obtineat?

1. **L**ibertinorum autem Status. Trium fuisse generum Libertini, sorte Jure antiquiori nonnisi duorum, alii *Cives Romani*, appellati, alii *Latini Juniani*, alii *Dedititii*. Cives erant Romani, qui majorem libertatem consequuntur, quæ ex vindictâ appellatur, quando servus non minor annis 30. causâ apud consilium probatâ, à Domino Jure Quiritium erat manumissus, vel etiam testamento, in æde sacrâ, ante consulem, vel censu, quando apud censorem substantiam permissu domini professus esset, libertatem assequabatur. Isque Romanæ civitatis erat particeps, id est eorum quæ sunt civium Romanorum. Ut tamen Jure antiquo non videatur admissus fuisse ad suffragium, aut honores, nec stipendia meruerit, nisi extra ordinem.

Minorem libertatem assequabatur, vel mediam, qui manu à prætore emissus, non *Civis Romanus*, sed *Latini* tantum nominis ex l. Junia Norbanâ fiebat. Ut si testamento domini, qui id expresserat, manumissus esset, vel inter amicos eum dominus apprehensum dextrâ, liberum esse jussisset. Qui ita manumissus illis fruebatur immunitatibus, quæ latinis populis, sollicitate & scedere junctis, erant indultæ. Nam in urbe ut Latinus censebatur, in castris ut milites ex Latinis coloniis lectus. Et si deliquisset in castris, non ut externi milites, flagellis aut virgis, verum ut *Civis Romanus*, licet non esset, viribus cedebatur; idque plebiscito sanxerunt L. Drusus & C. Gracchus tribuni plebis, in eo Latinum Civi Romano exequantes. Testamento vero factionem passivam tum demum habebat, cum intradiem creationis civitatem adeptus esset. Quam beneficio principali liberorum numero, iteratâ manumissione, militiâ, & aliis modis adipiscebatur.

Tertiam libertatem, quæ minima erat, consequēbatur *Dedititius*, manumissus quidem, non tamen Jure civitatis vel Latinitatis donatus, ut qui nullis privilegiis fultus, ut liber tantum vivebat, moriens libertatem cum vitâ amittebat. Neque instari poterat, aut de bonis disponere invito patrono, ad quem tanquam peculium ejus substantia perveniebat. Et erat

De-

Dedititius, qui armis victus, & in fidem receptus, tantum ne serviret, neve mancipii Jure teneretur, immunitatem nactus fuerat.

Cujus etiam generis ille censetur, qui post admissa crimina suppliciiis subditus, vel cujus facies, quia forte fugitivus, stigmate maculata, vel qui propter noxam tortus, nocensque inventus, vel victus à domino habitus, aut in custodiam conjectus, & dein manumissus est.

Verum postmodum Imperatores veteribus legibus abrogatis, ex quo omnium Jure, statuerunt ut manumissi plenam libertatem & civitatem assequerentur. Denique Justinianus Imperator in tantum omnium parem voluit esse conditionem, ut omnes Libertinos voluerit ingenuos, salvo Jure patronatus; quod & sublatum voluit in manumissis, si patrono volente, aut permittente natalibus essent restituti. Livius libr. 7. 8. Sueton. in August. c. 40. Quintilian. 7. c. 5. Cajus 1. Instit. 1. Paul. 4. Sent. 12. Ulpian. in Fragm. tit. 1. §. fin. & tit. 3. tit. 22. tit. Instit. de Success. Libert. tit. Cod. de dedit. libert. toll. tit. Cod. de latin. libert. toll. Nov. 78. Auth. sed hodie. Cod. de Jure Aureor. Anul. Isidorus de Originibus. Theophilus hic. Alciat. 1. Parerg. 14. 15. 16. Alexand. ab Alex. genial. dier. 4. cap. 10. in init. & fin. Carolus Sigon. de Antiq. Jure Civium Roman. libr. 1. & 2. cap. 15. Cujac. 4. observ. 5. & ad Ulpian. Fragm. Petrus Pithæus 2. Subseciv. 9. Fabrotus ad Theophil. hic. Hillig. ad Donell. 2. Comm. 11. & seqq.

Verum hic unum atque alterum dubium est elucidandum: quæsitum enim, cum per l. unic. Cod. de latin. libert. tollend. & l. unic. Cod. de dedit. libertate toll. plena Libertas sit tributa manumissis, quid per Nov. 78. sit introductum? Resp. Licet quandoque novellæ confirmet, quod antea bene constitutum, & quasi renouent, hic tamen aliquid novi Juris est introductum. Ut cum Jure Cod. liberti unius omnes sint generis, plenæ Libertatis, & Romanæ civitatis participes, Jure noviss. omnis sublata sit Libertinitas, salvo Jure patronatus; quod tamen nominatim patronus manumittendo Jure Cod. remittere poterat. l. pen. & ult. Cod. de bon. libertor. Et remittebat Princeps, non tamen invito patrono, si quem natalibus restituisset. Nov. 78.

Verum dixerit quispiam, etiam ante Justinianum per Constitutionem Antonini, omnes qui sunt in orbe Romano Cives Romani sunt effecti, ut hoc beneficium frustra per Justinianum in §. fin. hic. introductum esse dicatur. Resp. Antoninus Imperator in l. 17. D. de statu homin. omnes ingenuos exæquavit, siue essent peregrini, siue Romani, adeoque voluit ut omnes qui sunt in orbe Romano siue soli sint Provincialis, siue soli Italici, Romanæ gauderent civitate. Verum Justinianus hic omnes exæquavit

Libertinos, iisque parilem & quidem justam tribuit libertatem, adeoque Romanam civitatem ex æquo. §. 3. in init. hic. Utque ipsorum liberi non essent amplius obnoxii patrono; quod est ex l. 1. & 2. Cod. de libert. & corrupti liber.

Ratio quæ movit Justinianum ut omnes exæquaret Libertinos, desumpta est, partim ab officio Imperatoris, partim à naturâ rei, & antiquorum instituto. Ab officio Imperatoris; qui ad ejus pietatem spectat, omnia in meliorem statum transformare. §. 3. hic. A naturâ rei; quia iniquum erat talem admittere libertatem, ex quâ ipso momento mortis, in eadem personâ, & libertas & servitus concurrant. l. unic. circa princ. Cod. de latin. liber. tollend.

Ab antiquorum instituto; quia à primis urbis Romæ cunabulis una atque simplex competeat libertas. §. 3. hic. Quam rationem quia vellicat Bacchovius in Comment. ad hunc §. finalem, quasi id demum ducentis fere post urbem conditam annis acciderit, ideo in adversum illi dirigam locum Ciceronis in Orat. pro l. Cornel. Balbo. *Illud vero sine ullâ dubitatione nostrum fundavit imperium, & populi Romani nomen auxit, quod Princeps ille creator hujus urbis Romulus sœdere Sabino docuit, etiam hostibus recipiendis augeri hanc civitatem oportere. Cujus auctoritate & exemplo nunquam est intermissa à majoribus nostris largitio, & communicatio civitatis.*

Neque obstat locus ex Halicarnass. 4. Antiq. Roman. libro petitus, quia hujus instituti non primus fuit auctor Servius Tullius, verum Romuli sequutus exemplum, quod antea obtinuit confirmavit, atque stabilivit.

JURE MOSAICO.

2. Quod in dedititiis Jure Romano fuit constitutum, etiam apud Judæos fuit observatum in devictis, Deut. 20. v. 10. & seqq.

CONSUETUDINE.

3. Antiquo Jure Germanorum liberti non multum erant supra servos teste Tacit. de moribus German. c. 25. Et Jure Saxon. cum libertis dedititiis aliquam etiamnum habent affinitatem rustici, quos appellant *Laffen*, quasi relictos in Provinciâ. Landtrecht. libr. 2. artic. 519. ibique Gloss. n. 4. & libr. 3. artic. 44. Hermann. Stam. de hominibus propriis in princ. c. 2. n. 29. observ. Practic. 23. n. 16. & 171. n. 2. Besold. Thesaur. Pract. v. *Laffen*. Etiam apud Gallos Latinis libertis non videri ab similes advenas, qui Regnum Franciæ incolunt, scribit Rebuff. tract. de litteris natural. Gloss. 1. n. 1. Quicquid enim quærunt ex re & operâ, Regi tanquam servi fructuarii, fructuario adquirunt. Quinimo omnes peregrini in Galliâ comparari possent dedititiis in eo, quod testandi de bonis ibidem relictis licentiam non habcant, ut dicetur ad tit. Instit. Qui testam. facere poss. De generali

nerali tamen consuetudine statui poterit Libertinos Romanos in usu non esse, quia servitus inter Christianos est sublata. Bartol. in l. hostes. D. Captiv. & Postliam. Revers.

JURE CANONUM.

Licet Jure Canonico Libertinorum non videatur admittenda conditio. 4. Panormitan. in c. sic. de Jurejur. Quia tamen aliqua servitus est admissa. c. Ecclesiarum 12. q. 2. Etiam quidam servi manumittebantur eâ lege, ut à dominis in servitutem retrahi possent. c. quicumque. 5. dist. 54. Alii, sic manumittebantur, ut non nisi ecclesiæ sua bona relinquerent. c. 1. & 3. caus. 12. q. 3. Aliquod simulacrum, & Latine & dedititæ libertatis eo Jure reinanissè credendum est. Vid. Merill. 2. obs. Juris cap. 19.

LIBER. I. TITULUS. VI.

QUI, ET EX QUIBUS CAUS.
MANUM. NON LICET.

Non tamen cuicumque volenti manumittere licet: nam is, qui in fraudem creditorum manumittit, nihil agit, quia lex Ælia Sentia impedit libertatem.

1. Licet autem domino, qui solvendo non est, in testamento servum suum cum libertate heredem instituere, ut liber fiat, heresque ei solus & necessarius: si modò ei nemo alius ex eo testamento heres scriptus sit, aut quia is, qui scriptus est, qualibet ex causa heres ei non extiterit. Idque eadem lege Ælia Sentia provisum est, & rectè. Valde enim prospiciendum erat, ut egentes homines, quibus alius heres extiturus non esset, vel servum suum necessarium heredem haberent, qui satisfactorius esset creditoribus: aut hoc eo non faciente, creditores res hereditarias servi nomine vendant, ne injuriâ defunctus afficiatur.

2. Idemque Juris est, & si sine libertate servus heres institutus est. Quod nostra Constitutio non solum in domino, qui solvendo non est, sed generaliter constituit, novâ humanitatis

ca-

ratione: ut ex ipsa scriptura institutionis etiam libertas ei competere videatur: cum non sit verisimile, eum quem heredem sibi elegit, si prætermiserit libertatis dationem, servum remanere voluisse, & neminem sibi heredem fore.

3. In fraudem autem creditorum manumittere videtur, qui vel jam eo tempore, quo manumittit, solvendo non est: vel qui, datis libertatibus, desiturus est solvendo esse. Prævaluisse tamen videtur (nisi animum quoque fraudandi manumissor habuerit) non impediri libertatem, quamvis bona ejus creditoribus non sufficiant. *Sæpè enim de facultatibus suis amplius, quam in his est, sperant homines.* Itaque tunc intelligimus impediri libertatem, cum utroque modo fraudantur creditores, id est, & consilio manumittentis, & ipsa re, eò quod ejus bona non sunt suffectura creditoribus.

4. Eadem lege Æliâ Sentia domino minori viginti annis non aliter manumittitur, quam si vindicta apud consilium, justa causa manumissionis approbata, fuerint manumissi.

5. Justæ autem manumissionis causæ hæ sunt: veluti si quis patrem aut matrem, filium filiamve, aut fratres sororesve naturales, aut pædagogum, aut nutricem, aut educatorem, aut alumnum alumnamve, aut collactaneum manumittat, aut servum procuratoris habendi gratiâ, aut ancillam matrimonii habendi causâ: dum tamen intra sex menses in uxorem ducatur, nisi justa causâ impediat: & servus, qui manumittitur procuratoris habendi gratiâ, non minor decem & septem annis manumittatur.

6. Semel autem causa approbata, si vera sit; si vera falsa, non retractetur.

7. Cum ergo certus modus manumittendi minoribus viginti annis dominis per legem Æliam Sentiam constitutus esset: eveniebat, ut qui quatuordecim annos expleverat, licet testamentum facere & in eo sibi heredem instituere, legataque relinquere posset; tamen si adhuc minor esset viginti annis, libertatem servo dare non posset. Quod non erat ferren-

rendum: nam cui totorum suorum bonorum in testamento dispositio data erat, quare non similiter ei, quemadmodum alias res, ita & de servis suis in ultimâ voluntate disponere, quemadmodum voluerit, permittimus, ut & libertatem eis possit præstare? Sed cum libertas inestimabilis res sit, & propter hoc ante xx. ætatis annum antiquitas libertatem servo dare prohibebat: ideò nos mediam quodammodo viam eligentes, non aliter minori viginti annis libertatem in testamento dare servo suo concedimus, nisi decimum septimum annum impleverit, & decimum octavum attigerit. Cum enim antiquitas hujusmodi ætati & pro aliis postulare concesserit, cur non etiam sui judicii stabilitas ita eos adjuvare credatur, ut ad libertatem dandam servis suis possint pervenire?

COMMENTARIUS.

INITIUM.

1. *Non omnis qui manumittitur, consequitur Libertatem.* | 2. *Qui manumittit in fraudem Creditorum nihil agit.*



Non tamen cuicumque.] Quandoque nonnulli citra manumissionem consequuntur libertatem, qui ipso Jure liberi sunt. Quandoque qui manumissi, ne quidem per manumissionem libertatis sunt participes. Id quod accidit, si lex manumissionem fieri prohibeat, ejusque effectum impediat. Licet enim unusquisque sit arbiter & moderator rei suæ. l. 21. Cod. Mand. adeoque prohiberi non debeat libertati consulere. l. 3. §. 9. D. de lib. hom. Exhib. ut pote cujus maximus est favor. l. 2. Cod. de long. tempor. Præscript. & beneficium in hominem conferri sit laudabile. l. 1. D. de bon. libert. junct. l. 3. D. de Justit. & Jure. Quia tamen justâ de causâ dominus nonnunquam impeditur rem suam alienare, aut in alium transſerre. tot. tit. Instit. Quibus alien. licet vel non. Ita etiam justè impediendi poterit, ne manumittat, quæ alienationis prohibita species est. Arg. §. fin. Instit. de Donat. Id quod præstat l. Ælia Sentia, quæ manumittendi facultatem duobus capitibus restringit. Quorum priori exprimitur, ut si quis in fraudem creditorum manumittat, nihil agat.

Neque enim alteri per alterum iniqua conditio est inferenda. l. 74. D.

de Regul. Juris. aut jus creditorum propter alterius imminuendum favorem. l. 2. §. merito. & §. si quis. D. Ne quid in loc. public. l. 4. Cod. de Emancip. liber. Cum species furti sit in alieno, vel alteri debito, quem velle liberalitatem exercere; & iniquissimum censeatur quempian per eum fraudari, cujus necessitati succurrere voluit. l. si mortis. D. hic.

2. *Nihil agit.*] Is qui in fraudem creditorum manumittit, dum actum exercet manumissionis, aliquid agere censendus est. Quia tamen actus est contra legem prohibentem, pro nullo habetur. l. 14. §. 1. Cod. de Sacros. Eccles. l. non dubium. Cod. de Legib. Vel in quantum non eget rescissione quod gestum est, dum lex à principio resistit. l. non dubium, Cod. de Leg. Vel dum non sortitur effectum, ut opus sit rescissione negotii, ut in metu, aliisque casibus; ubi quidem tenet quod gestum est, verum ex post facto rescinditur, ut in tit. quod met. caus.

An igitur dominus manumittens nihil agit, in quantum libertas data rescinditur, an vero ab initio, datio libertatis non valebit? *Resp.* Licet quibusdam legibus data libertas minus proprie revocari, vel rescindi dicatur, quasi ab initio valuisset. l. 5. §. 1. 2. D. hic. l. 1. Cod. qui manum. non poss. Non aliter atque venditio tenet, quæ in fraudem creditorum facta est, licet ex post facto rescindatur. §. 6. Instit. de Action. l. 26. D. contr. Empt. Quia tamen *nihil agit*, qui in fraudem creditorum manumittit, & manumissio ab initio est invalida, nec æquum est, ut quæ semel competeat, citra causam ingratitudinis emergentem revocetur, statuendum erit, dationem libertatis ab initio nullam esse. Argum. princ. & §. 6. hic. Bacchov. Zoef. aliiq. hic. Unde si dubitetur, num manumissio in fraudem creditorum facta sit, dum forte sub conditione creditor est, & ex conditione pendet libertas. l. 8. §. pen. 27. D. hic. vel incertum sit, utrum creditor suo jure velit uti, in suspenso erit libertas. Quæ si non existat conditio, si jus suum creditor persequi nolit, ab initio valuisse censebitur, aut si contrarium evenierit, declarabitur retro nulla.

§. 1.

1. *DOMINUS* Servum *Heredem* manumittit, licet solvendo non sit.

2. *Quis PAUPER, & quæ ejus Privilegia?*

3. *Ignominia non est afficiendus DEFUNCTUS.*

4. *Cadaver Moribus potest arrestari.*

1. *L*icet autem.] Ne lex Ælia Sentia, nimis aspera vel dura censeretur, subjungitur à regulâ propositâ exceptio, quâ ex causâ dominorum necessitati succurritur. Nam teste Paulo, necessitas manumissionem facit probabilem, quæ aliter improbata fuisset. l. 27. D. de manum. testam. Et facit locum

locum exceptioni, si servus à domino sit institutus hæres, præterque cum nemo scriptus sit, aut liber futurus, licet forte plures sint manumissi. l. 1. D. de Statu lib. Nec interest, eum dominus adjectâ libertate fecerit hæredem, ut olim. §. 1. hic. vel simpliciter hæredem dixerit, nullâ factâ mentione libertatis, quod Jure novo obtinet. §. 2. hic. Init. Instit. de Testam. tutel.

Ratio hujus exceptionis traditæ non una est. Consulendum enim erat quam maxime defuncto, cujus interest hæredem ex testamento sortiri. l. & quia D. de Interrog. Actiõ. cujusque famæ, omni ratione parcendum est. §. 1. in fin. hic. Neque ei melius consulitur, quam si alieno nomine bona defuncti in creditorum gratiam distrahantur.

Nam cujus bona olim ex edicto possidebantur, & per magistrum auctiõnum proscripta, bonorum emptori addicebantur, (secus quam erat in cessione bonorum l. fin. Cod. qui bon. cedet. l. 12. Cod. Ex quibus caus. infam.) eum aliqua facti infamia sequebatur, ut visa fuerit talis proscriptio injuriosa. l. 6. D. de Interrogat. l. 28. D. de Reb. auct. judic. l. 23. D. quæ in fraud. creditor. Nov. 135. DD. ad l. 57. D. de Verb. Signif. Quâ ratione servi hæredis nomine eam fieri venditionem convenit, non aliter atque olim ex Senatusc. bona Senatorum per curatorem distrahebantur, quo eorum existantioni consultum foret. Tullius pro Quinct. Plin. 2. Epist. 4. Tertullian. in Apolog. cap. 4. Cujac. in Parat. D. de bonor. cess.

Non tamen exceptio proposita locum habet, si servus esset speciali Jure à domino pignori obligatus, quod non liceat debitori, unius creditoris conditionem facere meliorem. l. fin. Cod. de Necess. serv. hæred. Sicuti, si duo scripti sint hæredes, & adeundæ hæreditatis tempore supersint; neuter enim libertatem consequetur, nec alter alteri est præferendus. l. 42. cum seq. D. de Hæred. Instit. Quid si servo hæredi scripto liber homo fuerit substitutus? Is servo præferetur, qui libertatem non consequetur. l. 57. D. de Hæred. Instit. excepto casu l. 88. D. eod. Quid si duo scripti sint hæredes, eorumque uni alioqui debita erat libertas à testatore? Is cui libertas erat præstanda, etiam si posteriori loco sit scriptus heres, neglecto ordine scripturæ, solus hæres erit. l. 55. D. de Hæred. Instit.

[*Ut egentes homines.*] Prolixè nonnulli se diffundunt, per hanc quæstionem, quis egenus vel pauper sit dicendus? Quod cum ex circumstantiis pendeat, & modicum pretium, modica summa in Jure variam recipiat interpretationem, pro subiectâ materiâ, videtur arbitrio judicis in totum esse committendum. Vid. de egenis eorumque favore, Bald. in l. 7. D. Excus. Tutor, Matheslan. singul. ult. Mynsing. 4. obs. 97. & 6. obs. 21. Gail. 1. obs. 142. Dynus ad Regul. Juris in 6. Regul. *Semel malus*. 8. Dainhaud. Sent. Rerum crimen. v. *pauper*. & Praxi crimin. c. 158. Menoch. 2.

Arbitr. cent. 1. cas. 65. Speckhan. centur. 1. quæst. 35. 37. 38. 39. Giurba part. 1. observ. 22. Vivium decif. 222. 268. 454. 259. Consil. Illustr. Francofurt. part. 1. consil. 86. Baptistæ operâ collecta.

3. *Ne injuriâ defunctus afficiatur.*] Quia non minus defunctorum, quam vivorum habenda est cura, etiam prospiciendum erat, ne injuriâ, id est ignominia l. 1. D. minor. defuncti memoria afficeretur. l. 1. D. de injur. l. ossa. 8. de Religios. l. 43. in fin. D. cod. l. 23. D. quæ in fraud. credit. Quæ etiam ratio movit Imperatores, ut noverint defuncti cadaver vexari, donec solutum esset debitum, poenâ satis gravi in eorum violatores statutâ. l. cum sit injustum. & Auth. seq. Cod. de Sepulcr. Viol. Nov. 60. cap. 1. Boer. decif. 287. Vid. Berlich. 5. conclus. 47. & seq.

MORIBUS.

4. Cadaver de consuetudine vexari potest, id est inhumatum detineri ad tempus, donec persolutum fuerit debitum. Unde inter DD. contenditur, utrum eorum cadavera, qui instrumento guarentigato se obligaverunt, detineri possint? Vid. Grammat. decif. 82. Gomel. Variar. Refol. 11. n. 56. Peckium de Jure Sistend. c. 5. n. 23. Quinimo cadavera poenâ affici posse, vel saltem ignominia notari statuunt DD. Vid. Speckhan. cent. 1. quæst. 9. 85. Metzger. consil. crim. 15. Heigium 2. quæst. 37. Gilhauf. arbor. crimil. c. 2. tit. 27.

§. 2.

*Qui vult Consequens, etiam vult
Antecedens, sine quo Conse-* *quens esse non potest.*

I*demque Juris est.*] Jure antiquo non nisi cum libertate servus hæres institui poterat. §. 1. Instit. de Hæred. Instit. Jure posteriori, etiam sine libertate, non tantum in causâ legis Æliæ Sentia, verum etiam in omnibus casibus, idque novâ humanitatis ratione. In ambiguis enim sensibus humaniorem sententiam amplecti melius est. l. 14. Cod. de fideic. libert. Maxime si eam juvet præsumptio, quæ pro libertate hic militat. Neque enim, quisquam credendus est tale testandi genus elegerisse, quo suum impugnet judicium. l. 3. D. de Testam. Milit. Quique concedit unum, etiam alterum concessisse censetur, sine quo illud ipsum expediri non poterat. §. 2. Instit. hic. l. 2. D. de Jurisd. Everhard. in Topic. log. legal. 85. Gomel. 1. Varior. cap. 3. n. 23. Vaz Barbof. Princ. & loc. comm. litt. c. n. 47. ibique DD.

§. 3.

1. *In fraudem manumittit, qui solven-* | 2. *Duo in Fraudatore requiruntur,*
do non eris. | *Affectus & Effectus.*

3. *Idem*

3. *Idque ratione unius ejusdemque* | 4. *Presumitur quandoque Moriens*
Creditoris. | *ignorare vires sui Patrimonii.*

IN fraudem autem creditorum.] Quia sub initium hujus tituli egerat de de- 1.
bitore, qui solvendo non erat, hinc forte quispiam in fraudem legis, vel
potius ut legem eluderet, tot servos manumitteret, ut iis manumissis desi-
neret esse non solvendo, qui antequam manumississet, solvendo erat. Ve-
rum quia nec ita satis consultum esset creditoribus hoc §, declarat non eum
tantum in fraudem manumittere, qui solvendo non est, sed & eum, qui post-
quam manumissit, solvendo non est. l. 10. D. hic. Legis enim mens erat, &
intentio, ne quicquam committatur in fraudem creditorum; ut æquè nulla
declarari debuerit ejus manumissio, qui solvendo non esset, postquam ma-
numississet, quam ejus qui ante manumissionem in eâ erat conditione. Ne-
que enim tantum ille in legem impingere censetur, qui verbis adversatur,
verum etiam qui iis neglectis sensum legis circumvenit. Arg. §. fin. in fin.
Inst. qui sui vel alien. Jur. sunt l. 17. l. 30. D. de Legib.

Utrum autem ex fidejussoris facultatibus sit æstimandum, quando debi-
tor solvendo sit, disquirat Myns. hic. adversus quem Bacchovius eod. tit.
negativam tuetur sententiam.

Nisi animum quoque fraudandi.] Ut quis in fraudem creditorum manu- 2.
misse diceretur, non tantum requirebatur reverâ creditores esse fraudatos,
verum insuper fraudandi animum præcessisse oportuit; quem adfuisse pro-
babit creditor. Bacchov. hic. ibique DD. Ut concurrant hæc duo, affectus
& effectus, consilium & eventus, adeoque intentioni debitoris respondeat
successus. §. 3. hic. l. 10. D. eod. l. 1. Cod. qui manum. non poss. inspec-
endus eo tempore; quo creditores agere potuerunt. l. 18. D. hic. Idem
quod in actione Paulianâ obtinere certum est, ubi quæ in fraudem credi-
torum sunt alienata, non quidem nullius sunt momenti, revocastur tamen.
l. 10. D. Quæ in fraud. credit. Ratio petenda est ex l. 79. D. de Regul.
Juris. *Fraudis enim interpretatio, semper in Jure Civili, non ex eventu duntaxat,*
sed ex consilio quoque desideratur. Et in non atrocibus, non obest solus cona-
tus, cum injuria nullum habet effectum. l. 1. in fin. D. Quod quisque Juris.
Nec habent creditores, si solus adsit conatus, quod conquarantur, cum læsi
non sint, verum quod debetur in solidum consequantur.

Nec itidem solus eventus sufficit, quod fraus citra machinationem aut
calliditatem non committatur; quæ nulla est in eo, qui spe lubricâ suorum
bonorum fallitur. l. 7. §. 9. D. de Pact. Et si maleficia voluntas atque pro-
positum delinquentis discernit, nihil erit imputandum ei, qui sorte de facul-
tibus suis amplius, quam in iis est, speraverat. §. 3. hic. l. 53. D. de furtis.
Quam rationem eleganter expressit Tullius libr. 2. de arte Rhetor. *Volun-*

tatem in omnibus rebus spectari convenit, quæ consulto facta non sunt, in eis fraudem esse non oportet, quo animo quisque faciat, non quo casu utatur, ad rem pertinet. Si tamen agatur de libertatibus fideicommissariis, ibi vel solus eventus sufficit, ne libertates datæ censeantur. l. ult. Cod. qui manum. non possunt. Facilius enim fideicommissaria libertas impediri potest, quod res adhuc sit in integro, dum servus demum per actum hæredis, libertatem sit consequuturus. Cumq; ita manumissus hæredis libertus esset futurus, contra Juris regulam eveniret, ut aliquis cum alterius jacturâ locupletior redderetur. 14. D. de condi&. indeb. Nisi quis existimet libertates fideicommissarias hic assimilari legatis & mortis causâ donationibus, in quibus inspicitur eventus, & relictorum solummodo post æs alienum habetur ratio. §. ult. Instit. Ad l. Falcid. l. 1. §. 1. D. Si quid in fraud. Patron.

3. Quod dictum concurrere debere animum & eventum, ut fraus dicatur facta creditoribus, id ita accipiendum est, ut ista duo concurrant ratione unius ejusdemque creditoris. Quod si respectu unius creditoris fraus adsit, respectu alterius eventus, libertates datæ firmæ manebunt. l. 15. D. quæ in fraud. credit.

Neq; obstat. l. 25. D. hic. Quia non omnibus creditoribus ibidem erat satisfactum, quibus quid debebatur tempore datæ libertatis. Goth. ad d. l. 25. in not.

- Non itidem obstat. l. 7. §. 7. D. Quibus ex caus. in poss. mitt. Ubi dicitur satis esse, debitorem latitare causâ fraudationis, licet non lateat illius creditoris fraudandi gratiâ, qui in possessionem mittitur. Est enim hæc ratio diversitatis, quod in d. l. 7. tantum militet jus creditoris, verum in d. l. 15. favor libertatis, cujus gratiâ multa recepta.

Quid si tamen debitoris hæres fuerit solvendo, an propterea libertates datæ valebunt? Videbatur ita dicendum esse, quod nihil intersit, an è defuncti bonis, an hæredis satisfiat creditori. Contrarium tamen placuit Jurisconsultis, quod in eo consideretur affectus, & effectus, qui contulit libertates, nec quod ex accidenti venit, spectetur. l. 5. D. hic. l. 57. D. manum. testam. vid. Bacchov. hic.

4. Sæpe enim de facultatibus suis. Certum est in actibus morientium præsumi eosdem ignorasse vires sui patrimonii. §. 3. hic. Arg. l. hæc consultiss. §. humanum. Cod. qui testam. facere poss. Id quod non facile de viventium actibus affirmaveris, quos scire decet, quid quantumve possideant. l. si quisquis. Cod. de Rescind. Vendit. Nisi tamen negotiationes transmarinas, & in aliis regionibus exercent. l. 10. D. hic. Vel ultra dimidium sint decepti. Vel à suis fraudati debitoribus, ut illis inanes supersint actiones. l. 6. D. de Dolo. Gloss. in d. l. quisquis. Bartol. in Auth. Sed cum testator. Cod. Ad l. Falcid. vid. Sncidw. hic. n. 6. ibique notata.

§. 4.

1. Minor annis 20. non rectè manumittit. 2. Quamdiu censeatur Minor, explicatur.

Eadem lege.] Prior species manumissionis prohibita fuit explicata, sequitur altera, quæ hoc §. proponitur, idque secundum jus antèius. l. 2. 11. 19. D. Manum. Vind. l. 3. Cod. Si advers. libert. Quo domino minori annis 20. non aliter manumittere permissum erat, ut ad manumissionem libertas consequeretur, quam vindictâ, solemni ac receptissimo manumissionis modo, quo iusta munitur libertas, apud consilium (id est, Præto-rem, adhibitis quinque Senatoribus, totidemque equitibus; vel Præsidentem adhibitis 20. recuperatoribus) dictâ, adhibita, iustâque causâ ibidem allegatâ, atque probatâ. Qui sensus est hujus §. licet verba paulo duriora occurrant, ab aliis eapropter emendata, qui loco *vindictæ, dictæ* legunt; ut Hottom. verum perperam, meo iudicio. Ratio desumpta est à metu circumventionis, quod minores facile induci potuissent à servis cati, atque callidis, ut eisdem sine ullâ probabili causâ manumitterent. Unde quo major est metus deceptionis, eo plures sunt adhibendæ solemnitates. §. 3. Instit. de Adopt. §. 2. Instit. de Auctorit. tutor. Vid. de consilio Ulpian. tit. 1. Theophil. hic. Alciat. 1. Parerg. 41. Anton. August. 1. emend. 2. Rævard. Protribun. c. 9.

Non itaque hoc impedimentum datum est libertati, in odium libertatis, verum favore manumittentium, qui suas facultates, sine iudicio, levis ex causis imminuebant. Theophil. hic. Præterquam quod bono reipublicæ ita consulatur, cujus interest, ut cum delectu & iudicio servi manumittantur, ne improbis civibus urbs coinquinaretur.

Nec obst. l. 2. & 4. D. de Manum. Vindict. ubi minor manumittit, nec tamen apud consilium, nec probatâ causâ. Resp. enim, non agi in d. l. 2. de servo minoris, sed cujus minor habebat usum fructum, in cujus manumissionem eapropter facile consentire poterat minor, quod non grande verteretur præjudicium. Quod attinet d. l. 4. ibi non erat servus minoris, qui manumittitur, sed minori pignori obligatus, ut cum minor non manumittat, verum manumittenti domino consentiat. d. l. 4. §. fin.

Ut quemadmodum aliud est vendere, aliud vendenti consentire. l. 168. D. de Reg. Jur. ita etiam hic minus sit, manumittentem dominum non impedire, quam manumittere. Quod favore libertatis receptum videtur; cum aliter minori cui alienare non licet, nec alienanti consentire sit concessum.

Verum quamdiu censebitur quis minor, ut manumittere nequeat, nisi eo 2. quo

quo dictum est modo? *Resp.* Minor judicabitur, quamdiu non attigit diem postremum anni vigesimi; quem si attigerit, licet nondum impleverit, pro majore annis viginti habebitur. Id quod in favorabilibus est receptum, ut dies ceptus habeatur pro completo. l. 1. D. de Manum. l. 5. D. qui testam. facere poss. l. 8. D. de Minor. l. 6. 7. D. de Usucap.

Secus quam obinet si de præjudicio minoris ageretur. l. 3. §. 3. D. de Minor. vel de re quapiam odiosa, l. in omnibus. D. de Oblig. & Action. l. cum quidam. D. de liber. & Posthum. Vid. Gloss. Bartol. & DD. in l. 3. §. minorem. in v. momentum. D. de Minor. Bald. in l. eos. §. fin autem. Cod. de Appellat. Alexandr. 2. Consil. 65. Vigilium in §. Præterea. Instit. Quibus non est permiss. facere testam.

§. 5.

- | | |
|---|--|
| <p>1. <i>Quæ sint justa</i> Manumissionis <i>causa</i>?</p> <p>2. Minor annis 25. <i>potest esse PRO-</i></p> | <p><i>CURATOR ad lites.</i></p> <p>3. <i>Moribus secus est, & Jure Canonico.</i></p> |
|---|--|
1. *Justa autem manumissionis.*] Variæ proponuntur manumissionis causæ, Jæque justæ, & legitimæ. Neque enim quæcumque causa justa est, licet sit vera, sicuti nec omnis, quæ justa, statim est vera. Non omnes tamen hic enumerantur causæ, ut particula, *hæ sunt*, non semper in Jure taxationis gratiâ, sed & causa exempli, proponatur. Aliæ namque multæ occurrunt in l. 9. 15. & tit. D. de Manum. Vindict. Nec quæ hic enumerantur omnes in suo statu remanserunt, non ea saltem, quæ ad alumnum aut alumnam refertur. Nam per alumnum alumnamque intelligit eum eamque, quam expositam dominus enutrivit. Verum cum hodie qui exponuntur non amplius fiant susceptorum servi, frustra ab iisdem manumitti dicuntur. l. 3. Cod. de Infant. Exposit. Vid. Theophil. Bacchov. Eyssingha. hic.

Non minor decem & septem annis.] Certi Juris est minorem annis 17. procuratorem ad negotia quævis admitti posse, cum quis per eum officinam vel tabernam exercere valeat. l. 7. 8. D. de Instit. Action. Etiam indubium est, eundem ad negotia judicialia expediunda admitti non posse. Oportet enim, ut quis sit vesticeps, id est annorum ad minimum 17. secundum Ulpian. in l. 1. §. initium. D. de Postul. adeoque attigerit annum 18. suæ ætatis, quod est eum non esse minorem annis decem & octo, uti refertur in l. 13. D. de Manum. Vindict. quæ sic explicata nostro §. non adversatur. Hic enim annus inceptus habetur pro completo, sicut §. superiori dies ceptus pro completo habebatur. Id quod locum habet in minore annis 25. qui ad munera publica admittitur, si modo annum ætatis vigesimum quintum attigerit. l. 50. D. de Munerib. Sicuti ultimum annum quem attigisse sufficit, in casu l. qui filium. D. Ad Trebell. Ve-

Verum quæstionis est, num qui minor est annis 25. ad lites possit esse Procurator? Id quod affirmandum est, per textum expressum in fin. hujus tituli, & per l. 1. §. 3. D. de Postul. l. 23. D. de Minor. l. 13. D. Manum. Vind. licet duas postremas leges Græci accipiant de Procuratore ad negotia. Pacius 2. Antinorh. 16. Bronchorst 1. Antin. 49. Lyclam. 2. Membran. Eclog. 12. Hilliger. ad Donell. 18. Comm. 3. litt. S. Besold. delib. Juris Pand. ad tit. de Procur. n. 10. Zoef. D. cod. n. 11. Hunnius in Resolut. ad hunc tit.

M O R I B U S.

Non facile minorem annis 25. in praxi admisserint ad procuratorium munus. Ita Ordin. Camer. Imper. part. 1. tit. 18. Vid. Harpricht. §. 1. Instit. per quos agere possumus. n. 123. Merul. prax. Civil. libr. 4. tit. 18. cap. 1. num. 7.

J U R E C A N O N I C O.

Procurator ad judicia nonnisi major 25. annis admittitur. cap. 5. in fin. de Procurat. in 6. Cujac. 22. observ. 16. Perez. Cod. de Procurat. n. 9.

§. 6.

LIBERTAS, etiam falsâ causâ adprobatâ, non retractatur.

Semel autem causâ adprobatâ.] Causâ semel adprobatâ, licet falsa sit, non retractabitur manumissio, nec libertas data rescindetur. §. 6. hic. Et tamen §. 4. decisum fuit, non aliter procedere manumissionem, quam si justa fuerit manumissionis causa, eaque probata. An itaque dicemus, causam injustam à falsâ scernendam esse, & si causa apud consilium sit probata, non eam præsumi falsam? Id mihi non videtur improbabile; nam potest ea esse falsa causa quæ sit justa, uti aliqua etiam causa potest esse vera, quæ tamen sit injusta. Ex. gratia. si quis dicatur manumissus, quod mortis periculo minorem exemerit, qui tamen id non præstitit, is quidem ex justâ causâ manumissus censebitur, non tamen erit vera. Et si Davus apud Comicum se manumitti desiderasset, quod herum suum decepisset, ea quidem vera causa fuisset, non tamen justâ manumittendi. Nisi tamen quispiam favore libertatis id admissum velit, cujus revocatio est difficillima. Ut idem de causâ injustâ & falsâ pronunciandum esset, præsertim cum quod hic de falsâ, alibi de injustâ statuatur. l. 9. §. 1. D. de Manum. Vind. Id quod satis expressit Imperator Antoninus, ne post causam à judicibus probatam, & secutam manumissionem status in dubium revocaretur. l. 1. Cod. de vind. libért. & apud cons. manum. Licet enim dum res est integra causæ probationis sit contradicendum, non tamen causa probata, ob quam collata est libertas retractari debeat. l. 9. §. ult. D. de Manum. Vind.

Nec quicquam obstat. l. 1. 2. Cod. Si tutor, fals. alleg. tot. tit. Cod. Si ex fals. instrum. Quod in locis objectis non militet favor libertatis, quæ semel collata, non facile retractatur. Cui non adversatur l. 26. §. 8. D. de fideic. libert. Ibi enim libertas indebita per obreptionem erat impetrata, ut quæ ex Senatusconsulto Rubriano putabatur esse præstanda ab hæredibus aut legatariis, si præstita revocetur, quod obreptum esset prætori. Verum in nostro casu per lenem dominum causa forte injusta vel falsa erat proposita, & à iudice qui jura novisse debebat, approbata. Gothefred. ad l. 26. §. 8.

§. 7.

1. *Media via tenenda.*2. *Non semper valet Argumentum**ab ultimis voluntatibus ad contrarium.*

1. **Q**uum ergo certus modus.] Sicuti minori annis 20. non licuit inter vivos servum manumittere, nisi causâ apud consilium probatâ, ita nec illi hoc concessum fuit directâ voluntate suprêmâ. Potuit tamen per fideicommissum siquidem justam manumittendi causam habuerit, servo libertatem relinquere. l. 5. Cod. de fideic. libert. Et licet hoc ipsum iniquum videatur, quod cum de omnibus bonis minorennis, modo sit pubes, ad libitum disponere valeat, etiam legata relinquere, quibus veniunt & libertates, non tamen servis libertates testamento conferre possit. l. in Generali. 80. D. de verb. Signif. Maxime cum procedat argumentum à majori ad minus, ab universali ad particulare. l. cum in substitutum. D. de Leg. 1. l. non debet. 21. D. Regul. Jur. Nov. 144. §. nunc itaque.

Quia tamen fortior ratio priorem infirmat, quod consideranda res sit quæ confertur, puta libertas, quæ precio numinario æstimari non potest, l. 106. 176. D. de Regul. Juris. ideo veteribus ita placuisse refert Tribonianus, quod tamen veritati minus est conveniens. Ratio enim, quæ veteres movit hæc erat, ne servi vascerimi à minoribus, qui seduci faciles sunt, libertatem sine ullo suo merito eblandirentur idque in ultimâ voluntate, in quâ solent plerique mortalium esse liberaliores, quam si vitam sibi longævam sperassent.

Justinianus autem Imperator aliquod adhibere volens temperamentum, ut cum minor annis 20. olim non potuerit servo ultimo elogio relinquere libertatem, de cæteris vero bonis factus pubes disponere valeat, medio servato (quod optimum est, l. filio vel servo: D. Ut Legat. nomin. caveat. Nov. 105.) ita constituit, ut anno 17. minori sit licentia servum testamento manumittendi. Ea enim ætate est aliquod iudicii stabilimentum; ut probabile sit eos libertatem non nisi idoneis esse relicturos. Et quod certum indicium erat iudicii satis firmati, minoribus cæ ætate antiquitus etiam pro

pro aliis postulare fuit concessum. §. fin. hic. l. 1. §. 3. D. de Postul. Qui cum idonei sint habiti, ut alios ope consilio juvent, non erat amplius ambigendum, quin sibi recte consulere valeant. Theophil. hic. Jure tamen noviss. & hoc in gratiam minorum est emendatum, vel potius favore libertatis, concessum est puberibus, qui jus testandi habent, ut eodem modo testamento servos manumittendi gaudeant facultate. Nov. 119. c. 2. Cuj. in expositione l. 66. D. de v. obligat. Quæ Juris correctio nun sit extendenda ad casum §. 4. hoc tit. juris est controversi. Dicendum videtur, casum §. 4. hoc tit. distinctum esse à casu §. fin. tit. ejusdem. qui cum d. Nov. 119. sit correctus, non ille correctus censebitur. Gloss. hic. & Fabrotus in addit. ad Theophil. ibid. Tum quia in correctoriis, aut novo Jure introducendo, non progredimur à casu ad casum, nec ad consequentias descendimus. Arg. l. 32. in fin. Cod. de Appellat. Tum quia non semper argumentari licet ab ultimis voluntatibus ad negotia inter vivos pertractanda. Arg. l. 1. Cod. de Sacros. Eccles. Vid. Everh. in loco à contract. ad ultim. volunt. & vice versa.

MORIBUS.

Tribonianus hoc §. 7. confirmare tacite videtur argumentum ab ultimâ voluntate ad inter vivos contractus, desumptum. Verum de moribus nostris minus procederet hic argumentandi modus, idque in variis casibus. Uxores enim nostrates maritis insciis testamenta condunt, (secus apud Burgundos. Chassan. ad Burg. tit. de Jure conjug. Rubric. 4.) nec tamen iisdem ignorantibus Jure contrahunt, aut sua inter vivos actibus alienant. Quin imo in Hollandiâ, Frisiâ, contractus ita initi, sunt ipso Jure nulli. Herbâi. libr. singul. rerum quotid. c. 13. §. 16. 20. 21. Costal. in l. 10. l. 40. D. de condi& indeb. vid. Sand. 2. tit 4. def. 3. 4.

Verum apud Ultrajectinos in tantum non valet contractus, ut mulier stante matrimonio conveniri nequeat, eo tamen soluto ipsa possit, vel ejus heredes. Statutum urbis Ultraj. Rubr. 22. artic. 5. Rodenburch. de Jure quod oritur ex stat. diversit. tit. 3. c. 1. n. 8. & sect. 2. n. 2. 3. 6. 7. vid. Costalium. in l. contra 28. D. de Pactis. Mynsing. 2. obs. 34. & Chassan. tit. allegat. Gail. 2. obs. 3. n. 4.

LIBER. I. TITULUS. VII.

D E

EEGE FUSIA CANINIA TOLLENDÆ:

LEge Fusia Caniniā certus modus constitutus erat in servis testamento manumittendis: quam quasi libertates impediētem, & quodammodò invidiam, tollendam esse censuimus: *cum satis fuerat inhumanum, vivos quidem licentiam habere totam suam familiam libertate donare, nisi alia causa impediatur libertatem, morientibus autem hujusmodi licentiam adimere.*

C O M M E N T A R I U S.

I N I T I U M.

- | | |
|--|--|
| <ol style="list-style-type: none"> 1. Ambitio est coercenda Legibus. 2. Contentum traditur LEGIS FUSIÆ CANINIÆ. 3. Qui in circulo scripti, eorum nullus | <ol style="list-style-type: none"> 4. Quæf. Num procedat argumentum à Contractibus ad ultimas voluntates? |
|--|--|



MUltæ leges ab antiquis latæ fuerunt, quibus modus hominum licentiæ poneretur, ne illa exorbitaret, vel in reipublicæ, vel privatorum perniciem. Ita lex Cincia donationes, lex Papia dotes, lex Voconia, & Furia, legata mortisque causâ donationes inhibuit. I. Caninia modum posuit manumissionibus, quæ frequentes erant nimium. Dicta non à cane, tanquam ab invidiâ, quasi ea invida fuerit libertatibus, ut perperam statuit Tribonianus, verum à Furio Caninio Tribuno plebis, qui hoc plebiscitum, quod legis vigorem habet, introduxit.

Non una hujus legis introducendæ fuit ratio, quod Jura iis ponant modum, in quæ homines solent esse prouiores, adeoque facilitatem manumittendi, cum homines morti vicini liberaliores essent, quam in vitâ, limitibus velint coarctatam. Cumque quidam propter gloriam posthumam servos omnes, etiam nequissimos manumitterent testamento, quo pileati funus præcederent, ille fastus, quem in morte quærerent, cum maxime eo temporis momento abesse deberet, ista ambitio, quæ multos agita-

bat in perniciem nonnunquam haredum, erat sufflaminanda. Dionys. Halicarn. libr. 4. Cum ne quidem in republicâ fuerat permillum, ut ad invidiam aut æmulationem aliquod opus fieret. l. opus novum. 3. D. de Operib. Public. ibique Gothefred. l. per Provincias. in fin. Cod. de Ædif. Privat. Quinimo publico consulendum erat, & apprimè cavendum, ne quibuscumque sine modo, sine causâ manumissis, Romana civitas hominibus indignis, & libertino sanguine repletur.

Et quamquam hæ rationes justæ videri poterant, etiam valere debent apud providos rerum publicarum moderatores, eam tamen legem tollendam censuit Justinianus, maximus fautor libertatis, deterioribus tamen rationibus motus, quam quibus ea fuerat introducta. l. unic. Cod. hic. Licet enim favore libertatis multa sint constituta, cujus hic rationem haberi voluit, fortior tamen debebat esse ratio, quæ pro reipublicæ commo militabat. Quodque iniquum censuit morientibus testandi facultate præditis adimi, quod viventibus erat permillum, argumento desumpto à contractibus ad ultimas voluntates, id non usquequaque procedebat, nec etiam procedere debebat. Cogitandum enim fuerat, morientes esse vivos liberaliores, mortique vicinos ea largiri, quorum si se vitam ulteriorem ducturos existumassent, fuissent tenacissimi.

Supereft, ut legis Furie Caniniæ præceptum explicem, quo continebatur, ne quis universam familiam, id est totum servorum famulitium testamento manumittat. Familiæ enim nomine designari omnes servos, satis indicat. l. 9. D. de Jurisdic. tit. D. Si famil. furt. feciss. l. 195. D. de Verb. Signif. Unde si duos servos habuerit dominus, eos manumittere poterat, si tres vel quatuor non nisi duos, si sex, numeri dimidium, si octo, quatuor, si decem usque ad septendecim, quinque, si decem & octo, sex, & ab hoc numero usque ad triginta, tertiam partem manumittere poterat. A triginta vero usque ad centum, partem quartam totius, sic tamen ut possit, sicuti ex priori numero manumittere decem, ne aliter absurdus oriretur sensus. Unde licet, qui centenarium numerum servorum numero superavit, non ultra quintam partem manumittere poterat, attamen ei è priori numero viginti quinque manumittere fuerat concessum. Nunquam tamen licet familiam numerosissimam aleret dominus, ei permillum erat centenarium numerum manumittendo excedere. Cajus Instit. l. tit. 1. 2. Ulpian. tit. de Libertis. §. 19. ibique Cujac. Paul. 4. sentent. tit. ult. Theophil. hic.

Quid ergo si intra præscriptum per l. Furiam Caniniam numerum servi manumissi non essent, an non saltem ad concurrentem numerum valebant manumissiones? Aff. si modo certo sciri potuerit, quicquid sint

præferendi; neque enim utile per inutile vitari debebat in iis, quæ sunt divisibilia, quæque commodam admittunt, sicuti in casu proposito, separationem, l. 1. §. item queritur. D. de Aquâ quot. & æstiv. l. 36. §. 3. Cod. de Donat. c. utile. c. non debet. de Regul. Jur. in 6. Vaz Barbof. Princ. & loc. comm. litt. V. n. 78. ibique DD.

3. Unde si plures ordine sint manumissi, qui primi nominati erant, usque ad legitimum modum, libertatem consequabantur. Si vero in orbe tereti scripti essent plures, quam per legem manumittere licebat, ad libertatem nemo perveniebat. Cum enim in circulo, vel in orbe nullus sit ordo, nec initium nec finis assignari possit, etiam non constabat quis primus, quis novissimus eorum esset futurus. Cajus Instit. l. tit. 2. Senec. de Benefic. 5. cap. 8. Fabrot. ad Theophil. hic. in fin. Quæ etiam ratio est, quod qui factionibus student sua nomina in orbem collocent, quasi omnes ex æquo conjurationis autores, ne in cæpti temerarii capita dignoscerentur.

MORIBUS.

4. Et si ad hunc titulum DD. colligant argumentum procedere à contrariis ad ultimas voluntates, si quidem qui contrahunt etiam testamenti factionem habeant. Johan. Faber, Mynf. hic. Everh. in loc. à contract. ad ult. volunt. id tamen quorundam moribus non procedit. Potest enim quispiam in Geldriâ donare sua, citra retentionem usufructus, licet ea à donatario conducat ad vitam, pretio satis vili, vel nummo imaginario interveniente. Non recte tamen ibidem testamento de immobilibus & avitis disponit, excepto territorio Noviomagensi, aliisque locis, paucissimis tamen, ubi aliter de immobilibus, aliter de mobilibus bonis, secundum morem ibi receptum ultima conduntur elogia. Goris Advers. Juris Subces. tract. 3. c. 14. n. 17. & part. 4. §. 9. 10. 11. Ita Flandriæ consuetudine non nisi de bonorum triente disponere cuique permisum est. Dessel. in not. Zoef. hic. Jure itidem feudali inter vivos vasallus super feudo recte contrahit, non tamen de eo ad libitum disponit in ultimâ voluntate. c. unic. §. Titius. Si de feud. defin. controuv. lit. 2. feud. tit. 26. & c. unic. in princ. de success. feud. 1. feud. tit. 8. Ut argumentandi modus, quo usus est Imperator Justinianus in tit. de l. Furiâ Caniniâ, usu fori non per omnia procedat. Goris loc. citat.

LIBER. I. TITULUS. VIII.

D E

HIS QUI SUI VEL ALIEN. JURIS SUNT.

Sequitur de Jure personarum alia divisio. Nam quædam personæ sui Juris sunt, quædam alieno Juri subjeetæ. Rursum earum, quæ alieno Juri subjeetæ sunt, aliæ sunt in potestate parentum, aliæ in potestate dominorum, Videamus itaque de his, quæ alieno Juri subjeetæ sunt; nam si cognoverimus, quæ istæ personæ sunt, simul intelligemus, quæ sui Juris sunt: ac prius inspiciamus de his, quæ in potestate dominorum sunt.

1. In potestate itaque dominorum sunt servi. Quæ quidem potestas Juris gentium est: nam apud omnes per quæ gentes animadvertere possumus, dominis in servos vitæ, necisque potestatem fuisse; & quodcumque per servum acquiritur, id domino adquiri.

2. Sed hoc tempore nullis hominibus, qui sub imperio nostro sunt, licet sine causa legibus cognita in servos suos supra modum sævire. Nam ex Constitutione Divi Antonini, qui sine causa servum suum occiderit, non minus puniri jubetur, quam si alienum servum occiderit. Sed & major asperitas dominorum ejusdem Principis Constitutione coercetur. Nam Antoninus consultus à quibusdam Præsidibus provinciarum de his servis, qui ad ædem sacram, vel ad statuam Principum confugiunt, præcepit, ut si intolerabilis videatur sævitia dominorum, cogantur servos suos bonis conditionibus vendere, ut pretium dominis daretur; & rectè: expedit enim rei publicæ, ne suâ re quis malè utatur. Cujus rescripti ad Ælium „Martianum emissa verba sunt hæc: Dominorum quidem potestatem in servos suos illibatam esse oportet, nec cuiquam „hominum jus suum detrahi: sed & dominorum interest, ne
„ au-

„auxilium contra sævitiā, vel famem, vel intolerabilem injuriā denegetur iis, qui justè deprecantur. Ideoque cognosce de querelis eorum, qui ex familia Julii Sabini ad famulam statuatam confugerunt, & si vel durius habitos, quam æquum est, vel infamī injuriā adfectos esse cognoveris, venire jube, ita ut in potestatem domini non revertantur. Quod si meæ Constitutioni fraudem fecerit, sciat me hoc admis- sum adversus se severius exequuturum.

COMMENTARIUS.

INITIUM.

1. *Quinam dicantur Alieni Juris?* 2. *Qui moribus Juris sint Alieni?*

1.



Sequitur de Jure personarum.] Sequitur de Jure personarum *alia*, non altera divisio, hæc enim ordine dispositionis tertia est, quæ tamen si rectè explicetur, sub primâ continebitur. Omnes enim homines vel liberi sunt vel servi; illi aut sui aut alieni Juris; sui, patres-familiarum, alieni Juris, filii familiarum. Servi vero sic sunt alieni Juris, ut pro nullis habeantur de Jure Civili. l. 32. D. de Regul. Juris. Sic dominis *sub*sunt, ut in eorum sint dominio proprie dicto. Idem quod filiis familiarum applicari nequit, qui ita sunt alieni Juris, ut tamen non sint in dominio cujusdam vel proprietate, ut non habeantur pro nullis, ut aliquid proprium possideant. Unde, sicuti filium esse in potestate, non idem dicit, quod servum esse in potestate, l. 215. D. de Verb. Signif. ita etiam filium esse alieni Juris, & servum esse Juris alieni, puta dominici, non idem in re significant. Quâ adhibitâ explicatione primæ summæque divisionis personarum antea propositæ, hæc erit subdivisio, quod homines liberi, vel sui vel alieni Juris sint. Ulpian. in Fragm. tit. 4. 5. Hottom. hic. diff. Gajus in l. 1. D. hic. & Tribonianus. in inir. hic. Nec dabitur tertia species eorum, quorum status esset in incerto, quales esse videntur ab hostibus captorum filii, patriâ potestate nondum penitus sublata, adeoque in suspenso positâ. l. in bello. §. si quis capiatur. D. de captiv. l. 1. §. si pendeat. D. Macedon. l. pen. D. de suis & legitim. hered. Verum cum absurdum sit aliquem nec in suâ, nec in patris esse potestatem. l. 1. §. 1. D. de Sent. Pass. & Restit. eorum probanda erit opinio, qui filios interim sui Juris esse censent. d. l. 1. §. si pendeat. v. nam si reciderint. Coraf. ad Rubric. de his qui sui vel alien. Jur. sunt. Besold. in Oicon. tit. 5. & 6. libr. 1. Dig. n. 11.

Mo-

M O R I B U S.

De consuetudine uxores & filii-familiarum alieni Juris esse censentur, ut illæ sine maritorum auctoritate, hi sine parentum consensu non Jure contrahant. Rebuff. ad Constit. regias in procem. gloss. 5. n. 83. Herbarius rerum quotid. cap. 13. §. 16. & seqq. Rodenburg de Jure conjug.

In Westphaliâ tamen, & nonnullis Gelriæ locis proprii homines, *eygen luyden* appellati, alieni Juris esse videntur. Elbertus Leoninus 6. Emend. & observ. Jur. c. 3. n. 4. Goris advers. Juris Subces. part. 3. c. 13. Sebastian. Khraiff. ad Prolegom. ducat. Neoburg. p. 3. artic. 8. 9. 10. Althus. 1. dicajol. c. 28.

§. I.

- | | |
|---|----------------------------------|
| 1. Cur Dominica Potestas ante Patriam collocetur? | 2. Rigida Potestas est Dominica. |
|---|----------------------------------|

IN potestate dominorum.] Principio potestatem explicat dominicam, dein patriam, licet in præcedentibus de dominicâ agere debuisset, cum in hoc titulo filii familias censeri deberent alieni Juris, ut subdivisioni hic traditæ suæ constaret auctoritas. Verum cur potestatem dominicam præmittit, an quia est Juris gentium, cum patria sit Juris Civilis? Ita quidem velit Tribonianus, non satis tamen accuratè. Nam si potestatem illam dominicam, prout in civitate Romanâ obtinet examinemus, non eadè obtinebit apud gentes, nisi forte apud quosdam Græcæ populos à quibus sua Jura Romani petiverunt. Nec magis hæc dominica Juris gentium censeri poterat, quam potestas patria. Nam si in utriusque originem inquiramus, patria jus gentium primævum, dominica jus gentium secundævum autorem habet. Si formam, quod de patriâ refertur tit. seq. idem hic de dominicâ intrepidè asseram. Ut enim patria dicitur Juris Civilis, quod nullæ gentes talem per omnia in liberos habeant potestatem, qualem habent Cives Romani: ita dominica erit Romanorum propria, quod nulli populi tale per omnia in servos jus exerceant, quale Romani in sua mancipia. Conferantur historiarum & manifestum erit, non adeo duram apud eas conditionem fuisse servorum, aut si in nonnullis cum Romanâ duritiæ sit conferenda, id accidit propterea, quod ab iis nonnulla servorum Jura Romani hauserint, eaque in civitatem receperint. Vid. Athenæum Deipnosoph. lib. 6. cap. 7. Nec fidem adhuc Triboniano asserenti apud omnes perque gentes dominis in servos vitæ necisque fuisse potestatem. Præterquam quod eo effectui inspecto, non omne jus domini sit exhaustum, ne aliter dominicam cum patriâ confundere cogamur; quæ etiam vitæ necisque in filios complexa est dispositionem. Certum etenim apud Israëlitas, populum moratiorē,

tiorem, potestatem dominicam fuisse temperatiorem. Exod. 21. v. 20. ne quicquam obstante loco Genes. 16. v. 6. perperam à Pacio in notis allegato. Ubi ne gru quidem de vitæ necisque in mancipia potestate, verum de expellendâ ancillâ è familiâ, cujus malos mores ferre non poterat Sarai mater-familias. Quinimo nulla ratio naturalis, nulla superveniens ratiocinatio, nulla humana necessitas dominis vitæ necisque potestatem in servos concessit, ut hunc effectum Juris gentium non esse, faciliè liceat animadvertere. Neque enim quod crudelitas hujus aut illius populi introduxit, pravo more, consuetudine pravâ, statim Juris esse gentium censebitur. Arg. l. 39. D. de Legibus. Ita enim vix quicquam adeo nefarium excogitari posset, quin Juri gentium adscriberetur: cum grandia vitia etiam scelera multa foverint nonnullæ gentes. Et furta, rapinæ, fraudes, latrocinia, incestus, vagi concubitus, etiam Sodomitici, aliaque nefanda scelera, velamento Juris gentium excusari potuissent. Vid. Paulum ad Roman. 1. Cæsarem de Bello Gallico, Tacitum de moribus Germanorum, Thycididem de Græciæ populis, ubi eorum mores & instituta describuntur. Althuf. dicajol. lib. 1. cap. 27. Grot. 3. de Jure Bell. c. 4.

2. Ut alia sit investiganda ordinis ratio, cur præmissa sit dominica potestas; quæ non alia videri poterit, quam quod dominica potestas sit dura & rigida, cum sequentibus temporibus paulo mitior esset patria. Dura, inquam, & rigida potestas, quin imo summa & maxima, si ejus varios effectus intueamur. Ut, quod domino tributum sit jus vitæ necisque, adeoque servus quadrupedi fuerit comparatus, cum quo liberum est agere, quod velis. l. 1. §. igitur. D. hic. Arg. l. 21. Cod. Mandat. Quod quicquid adquirit servus, id adquirat suo domino. l. 1. §. igitur. D. hic. l. placet. D. de Acquir. hæred. Est enim possessio animata sui domini, & instrumenti vicem subit; ut cum ipse possideatur, nihil possidere possit. l. 18. D. de Reg. Juris. Quod non torqueatur in personam sui domini, tribus casibus exceptis, & propositis in l. 1. Cod. de Quæstion. Quod nequeat esse testis. l. qui testamenta. §. servi. D. de Testam. vel testamentum facere, vel quicquam legare. l. si filius familias. D. de Testam. vel suo vel alieno nomine in judicio consistere. l. Servis. Cod. de Judic. multo minus in dominum actionem intentare; sicuti inter dominum aut servum nulla lis esse poterit, vel civilis nasci obligatio. §. 6. Instit. de Noxal. Action. §. 12. Instit. de Oblig. quæ ex delict. nascunt. l. lis nulla. D. de Judic. l. ult. Cod. An servus pro suo fact. licet quærelam adversus dominum movere possit, si duriter ab eo sit habitus. §. fin. Instit. hic. sicuti Athenis eis injuriarum olim concessa fuit actio. Fabrot. ad Theophil. hic. Quod nequeat fidejube-
re extra causam peculiarem. l. 19. & seq. D. de fidejussor. aut publicis fun-

gi muneribus. l. cum prætor. 12. §. 2. D. de Judic. l. generali. 3. Cod. de Tabell. libr. 10. Nisi tamen id per errorem factum sit. l. 3. D. de Offic. Prætor. Quod nuptias non ritè contrahat, aut cognationem computet, aut succedat, vel ei succedatur. §. 1. infr. de Servil. Cognat. l. Servis. Cod. Comm. Success. Ex quibus hæcenus enarratis abunde patet, in Jure Civili dominicam considerari potestatem, prout ea singularem formam recipit in civitate Romanâ.

§. 2.

1. Potestas rigida Dominorum
omni Juri adversatur.

2. Paulatim ea suis diminuta.

3. Quid circa duritiem mutatum?

4. Quid circa cædem?

5. Jure Mosæico quid obtineat?

6. Jus Azyloꝝ expenditur.

7. Quid obtineat de Jure Divino?

8. Quid Jure Canonico?

9. De Statuis Principum nonnullare-

feruntur.

10. Nonnunquam quis cogi potest rem
suam divendere.

11. Quibus in Calibus cogatur?

12. Quando?

13. Num Jure Divino Bona Privatoꝝ
sint Principis? Neg.

14. An quod est contra legem, sit ipso
Jure nullum?

Sed hoc tempore.] Durissime habitos fuisse servos apud Romanos, variis
Exemplis posset comprobari. Suffecerit crudele illud factum Vedii Pol-
lionis in medium protulisse, qui cum vitrum crystallinum forte servus con-
fregisset, eum murænis, quas in piscinâ continebat, invadendum objecta-
vit. Dion. in August. Senec. 1. de Clement. c. 18. Plin. libr. 23. Tertull.
libr. de Pallio. Verum quia rigidissima hæc dominorum in servos pote-
stas, communi naturæ legi; Juri divino adversabatur, paulatim in desue-
tudinem abiit, saltem multis modis fuit mitigata. Communi, inquam, na-
turæ legi adversabatur ea durities, quod inter homines natura aliqualem
fecerit sociationem, nec aliter velit, quam hominem ab homine beneficio
affici. l. 3. D. de Just. & Jure, ut temperamentum aliquod invenerint ethnici
Imperatores. Unde Macrobius. 1. Saturn. cap. 2. Tibi unde in servos tantum &
tam immane fastidium? Quasi non iisdem tibi & consent, & alantur elementis,
eundemque spiritum ab eodem principio carpant. V's tu cogitare eos, quos justum
vocas, iisdem seminibus ortos, eodem frui cælo, aque vivere, aque mori? Servi
sunt, imo homines. Servi sunt, imo conservi. Si cogitaveris tantundem in utro-
que licere fortuna, tam tu illum liberum videre poteris, quam ille te servum.

Adversabatur etiam divinis præceptis, quæ nos in servos æquos esse ju-
bet, abutique vetat potestate nobis de Jure tributâ. Exod. 21. v. 26. Levit.
25. v. 39. & seq. Deut. 15. v. 12. 2. Reg. 6. v. 22. Eph. ult. v. 6. Coloss. 4.

v. r. i. Petr. 2. v. 18. ut propterea moderamen adhibuerint Imperatores Christiani.

2. *Sed hoc tempore.*] Non tantum per Antoninum sed & alios Imperatores, qui cum præcesserunt, licentiæ dominorum limites fuere positi, tantum abest, ut hoc sibi, tanquam primo inventori tribuat Justinianus. Certum enim Principes anteriores huic clementiæ occasionem dedisse. Quorum licet mentionem hic nullam faciat Tribonianus, non tamen eapropter eosdem exclusos voluit. Neque dum Antonini refert constitutionem, vocibus usus est taxativis, ad constitutionum vel legum anteriorum exclusionem. Olim enim apud Græciæ populos, à quibus Romani maximam Juris portionem fuere mutuati, servorum fortunæ humaniter fuit consultum. Athen. Deipnos. libr. 6. c. 7. Et lege Petroniâ dominis potestas est adempta, ne suo arbitratu servos cum bellis committant. l. 11. §. 2. D. Ad l. Cornel. de Sicar. vid. Gotheffr. ad d. l. in not. Dein per Hadrianum quæstiones adversus dominos decretæ, qui sine causâ servos proprios occiderant. Nec eodem imperante Umbricia matrona nobilis impunè tulit, quod ex levissimis causis ancillas tractasset atrocissimè, ut quæ ejus rei gratia fuit relegata. l. 2. §. ult. D. hic. Spartian. in Hadrian. Post modum per Antoninū constitutum, (cujus hic non extat rescriptum teste Pacio) ne in servos supra modum sævire liceat; multo minus eosdem sine causâ necare. Ut ex causâ legibus probatâ hoc ipsum licuerit, puta si dominis necem intentent, si in adulterio cum herâ deprehendantur. Servos intellige proprios, nam si quis alienos occidisset, perinde tenebatur ex l. Corneliâ, ac si liberum hominum neci dedisset. §. 3. hic. l. 29. §. 9. D. Ad l. Aquil. l. 1. §. 2. D. Ad l. Cornel. de Sicar. Quod jus etiam per Constantinum postmodum fuit renovatum, interpretatione adjectâ, per quam dominis omnis capitalis animadversio aufertur. l. unic. Cod. de Emend. Servor. Atque hæc dicenda erant ad progressum hujus Juris emendati.

3. *Intolerabilis sævitia.*] Duo hoc titulo circa jus mitigatum proponuntur, ne dominus servum duriter habeat, & ne eundem sine causâ occidat. Sub dicto priori, continetur *Sævitia*, quæ morti proxima est; *fames* quæ necat per consequentiam, quod qui alimenta denegat necare videatur; *infamis injuria*, id est impudica servi aut ancillæ sollicitatio, aut pudicitie violatio, cujus metus major est metu mortis. l. 1. §. 8. D. de Offic. Præf. Urbi. l. 8. §. 5. D. Quod met. caus. Jure tamen novo, circa casum posteriorem hæc mutatio est introducta, ut si dominus ancillam prostituere voluerit, ea libertatem ipso Jure consequatur. l. 12. Cod. de Episc. Audient. l. 6. Cod. de Spectacul. libr. 11.

4. *Qui sine causâ.*] Qui proprium servum sine causâ, & quidem dolo malo

occidit, perinde tenetur, ac si alienum dolo malo occidisset; quod intelligendum est habitâ ratione l. Corneliæ, non item respectu damni dati ex l. Aquiliâ. Licet & legis Aquiliæ intuitu quis teneretur ad damni privatum dati æstimationem, qui alienum servum neci dedisset. §. 11. Instit. Ad l. Aquil. l. 23. §. si dolo. D. eod. Cujus damni nomine qui proprium occidit nunquam conveniri potest, quod nemo in se ipsum super damno dato actionem intentare valeat. l. 9. §. 7. D. de Pecul. Quid ergo si dominus servum proprium ex justâ causâ occidisset, puta sibi vim inferentem, aut in adulterio deprehensum? Jure eundem necasse judicatur, nec in penam incurreret legis Corneliæ. Idem quod obtinebit, si non dolo malo, verum culpâ, vel latâ, vel levi servum occidisset. Quod in L. Corneliæ de Sicariis tantum consideretur dolus, cui lata culpa in d. l. non æquiparatur. l. 7. D. Ad l. Cornel. de Sicariis. Quid si dominus servum non quidem exanimaverit, ita tamen vulneraverit dolosè, ut certam necis causam dederit? Tenebitur ordinariâ legis Corneliæ pœnâ; quod nihil interfit, occidat quis, an causam mortis præbeat. l. 15. D. Ad l. Cornel. de Sicariis. Ut demum non teneatur dominus, si modicè servum castigaverit, non si immoderatè in eundem sævierit. l. unic. Cod. de Emend. Servor.

JURE MOSAICO.

In legibus Mosaicis aliquod adhibetur temperamentum circa servorum castigationem, & dominorum in eosdem animadversionem. ¶ It si dominus servum proprium bacillo percusserit, aut virgâ, subque ejus manu animam efflaverit, teneatur de occiso. Secus quam obtinebat, si servus per diem unum atque alterum, postquam esset castigatus supervixisset. Exod. 31. v. 20. Servus enim pecuniâ domini emptus, ratione suæ conditionis plagis & verberibus obnoxius erat. Neque præsumendum est dominum habuisse occidendi animum, quod in re versabatur licita, scil. servi castigatione, quæ domino permissa. l. 3. §. 4. l. 4. D. de injur. Unde si servum tali instrumento, quo homo necari solet percussisset, indeque mors etiam post aliquot dies esset subsequuta, dominus tenebatur, quasi animum occidendi, id quod ex instrumento colligitur, habuisset. Exod. 21. v. 20. & seq. l. 1. §. Divus Hadrian. D. Ad l. Cornel. de Sicar. Amel. lib. 5. casuum Conscient. cap. 34. Quod si dominus servum castigando paulo atrocius, non quidem occiderit, verum oculum eruerit, vel excusserit dentem, eum liberum dimittere cogebatur. Exod. 21. v. 26.

Ad eadem sacram.] Loquitur Tribonianus gentilium more, qui ædem sacram habebant, id est consecratam, quam etiam sacram voluerunt posteriores Imperatores Christianiani. Et loquitur de iis temporibus, quibus asy-

la refugientibus innocentibus, non noxiis erant aperta. Antiquis tamen temporibus, aræ, & delubra Deorum, omnibus patebant, idque reverentiâ quadam numinis; de quibus omnibus vid. Diodor. Siculum Bibliothec. 11. Plutarchum in vita Thesei Livium libr. 1. Halicarnass. lib. 4. Ovid. 4. Fastor. Virgil. 8. Æneid.

Verum ut constet quid jure nostro fuerit constitutum, sequens erit adhibenda distinctio. Aut enim ad ædem sacram confugiebant servi, aut liberi homines. Si servi & quidem ob suam culpam metu pœnæ dum peccatum est grave, extrahendi sunt, & Domino restituendi. Idem quod statuendum si cum armis eo confugissent. Quod si delictum esset leve, reddendi quidem suo domino, verum Episcopi operâ ad lenitatem traducto, præstatoque jurejurando, eam fugam servo fraudi futuram non esse. l. si servus quatuor. l. præsent. 6. §. fin. Cod. Qui ad eccles. confug. l. 22. Cod. Episc. & Cleric. Exemplo Pauli in Epistolâ ad Philemonem, pro servo Onesimo intercedentis apud herum. Quod si duritiâ domini, non ob suam culpam servi ad ædem sacram fugerint, tantum abest ut domino sint reddendi, ut ipse cogatur eos servos bonis conditionibus divendere. §. 3. hic. l. 2. D. cod.

Quid si liberi homines ad ædem vel aram confugissent? Siquidem id factum ob leve delictum, ob æs alienum, aut aliam quam causam, avelli non debebant; in tantum etiam, ut qui extrahere fuisset ausus, crimen majestatis incurreret. l. 2. Cod. de his qui ad Eccles. Ne tamen creditorum aut aliorum jus istâ ratione fieret deterius, tenebantur confugæ præstare cautionem, judicio fisci. Quod ni fecissent adversus eos missionem in bonorum possessionem prætor decernebat. l. 6. §. cum autem. Cod. Qui ad Eccles. confug.

• Confugientes autem propter delictum grave Jure asyli non juvantur, neque enim malitiis hominum erat indulgendum. l. in fundo. D. de Rei Vindic. l. 3. Cod. Episcop. Audient. Nov. 17. de Mand. Princ. §. 7. vid. de asylis. Alciat. de Singul. Certam. c. 6. n. 7. Clarum 5. Sent. §. fin. q. 30. Fachin. 9. contrav. 93. Coras. 5. Miscell. 23. Covarr. 2. Variar. Refol. 20. Hottom. ad §. 3. hic. Sneider. in fin. hic. Heigium part. 2. quæst. 24. n. 44. Gregor. Tholos. de Republic. lib. 13. c. 22. 23. Cævall. 4. 169. 269. 283. & seq. Salmuth ad Panciroll. de Noviter repert. p. 1. tit. 32. pag. 118. Petrum Matthiam Gall. libr. 7. narrat. 1. n. 15. Polydor. Virgil. de Rerum invent. 3. cap. 12. Keckerm. 1. Polit. c. 17. Besold. delib. jur. ad libr. 1. Pand. q. 13. ibique ejus frat. fol. 53. & in Præcogn. ad l. 3. tit. 1. libr. 1. q. 25. & in tract. de Præm. & Pœn. fol. 120.

JURE DIVINO.

Jure Mosaico etiam refugii loca concessa fuere homicidis involuntariis, 7. quæ appellata *Aremicklat*. Kalat enim Hebræis est in unum colligere, quod ibidem fugitivi colligerentur. Ratio illius reipublicæ peculiaris erat, quod occisi amici potuissent forte non probè causâ exanimatâ occisorem involuntarium neci dare, quæ cum cesset in rebus publicis Christianis, etiam cessabit illud jus Asylorum. Num. 35. v. 11. & seq. Deut. 19. v. 1. & seq. Josuæ 20. v. 1. & seq. Dangeus Ethic. Christian. libr. 2. cap. 13. vid. nonnulla è Rabbinorum scriptis collecta apud Bochellum de Legib. Polit. Veter. novique testament. tit. 36.

Multo itaque minus contra jura divina, civilia, scelerati jure asylorum sunt juvandi, quos oportet ab altari, ab æde sacrâ divelli. Exod. 21. v. 14. 1. Regum 2. v. 31. Justinianus Nov. 17. §. 7. Vid. DD. antea allegatos. & Martyr. locor. comm. class. 4. c. 14. n. 33. Zepper. de ll. Mosaic. libr. 1. c. 7. & 11. & libr. 4. cap. 14. Raguelli cum Bochiello ad ll. Mosaic. cap. 30. Amesl. de cas. conscient. libr. 5. c. 34. n. 3. Groenweg. ad tit. Cod. qui ad Eccles. confug. & tit. Cod. qui ad statuas confug. Servorum quod attinet conditionem, ita fuit constitutum, ut si quis duriter à domino fuerit habitus, & ad alium confugerit, cujus se tutelæ commisit is eum priori domino tradere non debeat. Deut. 23. v. 15. Licet nonnulli eum scripturæ locum intelligant de servis paganorum seu gentilium, qui crudeliter habitus post fugam Judæorum religionem fuissent amplexi. Bochell. loc. tit.

MORIBUS.

• Quod spectat jus asylorum, de moribus ea nulla sunt; licet quandoque nonnulli supremi domini, tuendi sui imperii gratiâ, ex aliis provinciis ad se profugos recipiant, & hospitium præbeant, donec inquisiverint in factum, nū quid destinatâ voluntate, num vero casu vel infortunio sit commissum. Ut tamē lubens fatear hic nonnunquam peccari, dum vel ipsi confugæ suum occultant scelus, vel ministri supremorum dominorum suis dominis imponunt rem aliter gestam esse, atque quidem est gesta, adeoque innocentiam vel casum prætendunt, ubi tamen vel voluntarium homicidium est, vel cessio præmeditata banqueruptorum, uti appellant mercatores fallitos.

Quod autem spectat ædem sacram, certum est eam apud nos ubi purior viget religio, nulli præbere tutamen. Quinimo nullam in æde ipsâ agnoscimus sacrimoniam, (Secus quam erat in veteri testamento cum divinus cultus certo loco esset alligatus) nullam in tectis & parietibus sanctimoniam, quam solam in vivis ecclesiæ lapidibus, Christi membris desideramus, expiosis superstitionibus illorum, qui inter dedicata loca enumerant sepulcra, templa, oratoria &c. Ut tamen præcavendum sit, ne quid prophani operis

in

in templo, id est domo conventui ecclesiæ destinata, peragatur; maxime dum sacris intentus est ecclesiæ minister. Idque ne orantium aut psallentium mentes datâ turbâ possint interpellari. l. 10. Cod. Episc. & Cleric. l. 5. Cod. Qui ad Eccles. confug. Quod si extra ordinem hostiles metuantur incursus, aut incendia repentina, in templis reconduntur privatorum mobilia. Vid. & c. fin. de Custod. Eucharist. Etiam propter imbres in urbibus prædiciariis, lustrationes atque recensiones militum ibidem factas memini; qui casus est necessitatis, quo loca sacris destinata exercitiis non violantur eo tempore, quo ea non instituuntur.

JURE CANONICO.

Canonistæ retinent loca refugii, quæ illis templa, cœmeteria, monasteria, quæ non tantum involuntariis, sed & voluntariis aperiuntur homicidiis, in quantum inde extrahi non possunt, ne scil. ecclesiastica jurisdictio violetur. c. inter alia. de Immun. Eccles. contra c. ult. d. tit. & c. 1. de Homicid. adeoque illi locum divino cultui destinatum, speluncam faciunt latronum. Vid. Covarr. Hottom. loc. cit. Choppin. 2. de jure coinob. tit. 1. artic. 27. vid. Christin. 1. decis. 55. & 2. decis. 46. 47.

9. *Vel ad statuas Principum.*] Non minorem suis imaginibus atque statuis majestatem tribuerunt Principes Romani, quam ædi sacræ, quam ipsi diis, sicut divinos iis honores exhiberi voluerint. Tacit. 4. Annal. Sueton. in Tiber. c. 58. Plin. 10. Epistol. 97. Bodin. 1. de Republ. 5. Lindenbrog. in Ammian. Marcell. libr. 12. 22. Ut mirum nemini videri debeat, jus alylorum statuis fuisse tributum, quæ non aliter atque ecclesiæ confugis immunitatem præstarent. Senec. 1. de Clement. 18. l. 2. D. hic. l. 1. §. 1. D. de Offic. Præf. Urbi. l. 17. §. 12. D. Ædil. Edict. tit. Cod. de his qui ad Statuas Confug. Verum cum homines improbi statuis apprehensis, invidiam adversariis constarent, Senatusconsulto fuit prohibitum ne quis in alterius injuriam ad Principum imagines confugeret. l. 38. D. de injur. l. 28. §. ad statuas. D. de Pœnis. Ne inde injuriarum occasio oriretur, unde jura nasci debebant. Quin tamen servis duriter habitis ad statuas convolare fuerit permissum, noster textus abunde suadet, & ratio in promptu est, quod qui clementiam Principis implorat contra domini sævitiam sit audiendus, nec ei denegandum auxilium, qui id ipsum jure petit. §. 3. hic. vid. Rævard. 1. Varior. 6. Tacit. Annal. 3. post. med. ibique in comment. Lipsium prolixè. Salmuth. in Panciroll. noviter repert. p. 1. tit. 32. pag. 119.
10. *Cogitur Vendere.*] Licet æquum non sit invicem suo pretio res suas divendere. l. 9. D. Rerum amot. l. 11. 14. Cod. de Contrah. Empt. l. 11. Cod. Locat. l. 16. Cod. de jure delib. Vel à civitate rei alienæ pretium certum statui. l. 3. §. fin. D. Ad l. Jul. de Annon. Eo quod quisque sit arbiter

biter & moderator rei suæ. l. 21. Cod. Mand. in tantum ut nonnunquam re suâ abuti possit. l. 25. §. 11. D. Peti. hæred. Quia tamen publicæ gratia utilitatis quandoque à communibus Juris regulis receditur. Et expedit reipublicæ ne quis re suâ male utatur. §. 3. hic. quod interfit imperantium locupletes esse subjectos. Nov. 8. in Præf. §. 1. v. consideravimus. Etiam propriæ rei usus legibus erat refrandus ne per abusum eâ deperditâ, de publico sit alendus civis. l. 1. is cui. D. v. oblig. l. 1. D. de curat. furios. Non tantum necessum fuit reipublicæ intuitu, verum etiam contemplatione singulorum, licentiam illam dominorum in servos coerceri. Intererat enim servorum, ne eis denegetur auxilium, contra dominorum sævitiam, quam justè deprecantur. §. fin. hic. Unde si tantum sit delictum, ut ultio non videatur remittenda, à dominis offendantur magistratus servi, per quos coercerentur. l. 22. §. fin. D. Pigner. Actio. Cajus Instit. 1. tit. 3.

Intererat insuper dominorum, ut servis quæ relam moventibus succurratur, ne aliter duriter habiti aufugiant, adeoque dominum pretio & corpore privent. Gravissimi quippe sunt morsus irritatæ necessitatis, ut si vel spes nulla fugæ superfit, dominis sint infidiaturi servi; qui si in necem dominorum conspirent singuli, id reipublicæ periculosum esset futurum. Vid. Bodin. 1. de Republic. c. 4. Danæum. 2. Polit. Christian. c. 4. circa fin.

[*Bonis conditionibus.*] Invitus quandoque quis res suas vendere tenetur, si id ipsum publica suadeat utilitas, quæ privatorum commodis est anteposenda. §. 3. hic. l. 11. D. Eviction. l. 15. §. 2. D. de Rei Vindic. l. 1. §. hæc autem omnia. Cod. de caduc. toll. ibique Bartol. & in Auth. de Hæred. & Falcid. n. 4. part. 9. & p. 3. n. 26. Vaz Barbof. princ. & loc. commun. litt. V. n. 79. seu fin. Quinimo id ipsum privilegium causæ nonnunquam extorfit, puta favor libertatis, §. fin. Instit. de Donat. l. unic. Cod. de commun. serv. manum. favor religionis. l. si quis. 12. D. Religios. favor ultimarum voluntatum. l. si cui. 49. §. meminisse. D. de Leg. 1. vid. Rævard. 3. variar. 17. denique clementiæ favor erga quosvis exhibendæ; cujus nomine dominus servum duriter habitum vendere cogitur. Sic tamen ut eum divendat bonis conditionibus, tam ex parte domini, quam ex parte servi. Ex parte domini bonæ judicantur, quando justum consequitur pretium; cum aliter injustum censi debeat, aliquem cogi rem non suo pretio divendere. l. 9. D. Rerum amotar.

Ex parte servi bonæ censentur conditiones quæ non sunt duræ, l. 25. D. D. de Statul. id est si non tale pactum venditioni fuerit adjectum, quod servi causam redderet deteriorem. Quale est, si sub poenâ vinculorum à domino sit distractus. l. 17. §. per. D. de Edil. Edict. vel eâ lege, ne unquam manumittatur. l. 9. §. 1. D. Qui & à quibus manum. l. 3. §. hi quoque. D.

Ad Silaniam. ut sub immiti cœlo, cujus gravitatem vix quispiam sustulerit habeatur; ut domino priori in posterum revendatur. §. fin. in fin. hic. Theophil. ibid.

12. *Dominorum potestatem.*] Dubitandi rationem præmittit Imperator Antoninus, eamque postmodum fortiori ratione dissolvit. Non itaque tollit, neque tollere poterat veritatem rescripti, in l. 5. Cod. de Oblig. & Action. liberam esse cuique potestatem habendi vel non habendi contractus. Quinimo statuit ne quidem ab ipso Imperatore Romano subditis hoc jus quæsitum auferri posse. §. 3. hic. l. 6. Cod. Unde vi. Si tamen contra communes illa Juris regulas quid fieri inter sit reipublicæ, tum posse jus privatis in re suâ competens, diminui, decernit idem illè Imperator. Ratio est in promptu, quia jus & commodum privatorum communitati cedere oportet. Unde si urgeat publica salus, ne quidem Principe ejusque aulâ exemptâ, quivis tenetur quas habet frumenti species divendere. l. 1. 2. 3. Cod. Ut nemini liceat in cœmpt. specier. se excus. lib. 10. ibique Cujac. & DD. Barbof. ad l. 2. Cod. de Prec. imper. offer. Giurba part. 1. observ. 37. n. 20. Bronchorst Miscell. controuv. 1. assert. 1. ego tractat. de Statut. sect. 2. c. 2. num. 23.

JURE DIVINO.

13. Si jus spectemus divinum, bona privatorum non sunt bona Principis, Ezech. 46. v. 18. ut nec ea pro arbitrio ad se rapere possit, suisque aut suorum usibus applicare, ne quidem oblato eorundem pretio. Quo nomine fertur Achab grande commisisse peccatum, quod Nabothi vineam, suæ rei voluerit adjectam, licet valorem justum expendere paratus esset. Neque enim publica suadebat utilitas, ut distraheret Naboth invitus avitum illud prædium. Aut si publice interfuisset, ut Regiæ substantiæ hæreditaria Nabothi portio adjiceretur, male fecisset Naboth, quod eam Regi non divendidisset; cujus tamen factum nusquam improbatur. 1. Reg. 21. v. 1. 2. 3. Cui rei forensis quædam ratio, isti reipublicæ propria accedebat, quod cum Israëlitiæ essent ipsius Dei Emphyteutæ, nonnisi ex ejusdem præscripto res soli distrahere debuerint. Lege vero cautum erat ne directum dominium in perpetuum de tribu in tribum, de familiâ in familiam, transferretur. Levit. 25. v. 23. Esai. 8. v. 8. Exceptis ædificiis intra civitatem, vel muris cinctis, iisque adjacentibus hortis, quæ facile divendi poterant. Levit. 25. v. 13.

Neque obstat, quod Rex David oblato pretio, aream ceteraque instrumenta ibidem contenta, ab Ornâ Jebusitâ, jure domini sibi divendi voluit, etiam cœmit. Neque enim id denegare debuit Ornâ, quod publica subesset utilitas, & favor religionis. 1. Cron. 21. v. 22. & seqq. arg. l. 43. in fin.

fin. D. de religioſ. Et forte non niſi aream, id eſt juſ ſuperficii Regi diven-
didit Ornamentum, retento dominio proprietatis, quo Rex David non indigebat.

Quod ſi mea conſtitutioni.] Non tantum directe & propalam quis in le- i4.
gem committit, verum etiam oblique & per conſequentiam, ut quocun-
que impegit modo, teneatur. Nihil enim intereſt, incurrat quis in ex-
preſſa legis verba, an in legis ſenſum: quod ſcire leges non ſit tenere ver-
ba, ſed vim & poteſtatem. l. 19. l. 29. l. 30. D. de Legib. l. 5. Cod. eod.
Verum quis merito queſierit, cur non dicatur factum contra reſcriptum
Imperatoris eſſe nullum; cum quod legibus adverſatur non valere ſtatua-
tur in l. 5. Cod. de Legibus? *Reſp.* Quandoque quod legibus adverſatur,
pro nullo habetur, nec leges jubent quod geſtum eſt reſcindi. Ut in i. In-
ſtit. Qui & quibus ex cauſ. manum. non licet. Sætuſ quam obtinet, ſi
quod actum eſt, velint infirmari, vel revocari; quod geſtum interim con-
tra legem valeat & ſubſiſtat, donec reſcindatur. §. 5. Inſtit. de Action. l. 1.
D. Quod met. cauſ. Nov. 115. cap. 3. in fin. Quandoque leges ſunt
perfectæ, quandoque imperfectæ aut minus perfectæ appellantur. Illæ,
quæ aliquando ſecundum adhibitam diſtinctionem, quod factum pro
non facto habent. Hæ ſunt, quæ pœnam irrogant delinquentibus,
vel quidpiam in contrarium agentibus, factum autem in ſuo relinquunt
ſtatu, nec unquam reſcindunt. Quales ſunt lex Cincia, & lex Furia teſta-
mentaria, de quibus Ulpian. in Fragment. tit. 1. in i. & §. 1. Unde ſi
ſtatueris, quod geſtum eſt contra reſcriptum Imperatoris valere, non
eſſe ab initio nullum, reſcinditamen, vel pœnam exigi, ad leges minus
perfectas vel imperfectas hunc referes caſum, ubi pœna in delinquentes
ſtatuitur, & quidem arbitraria. Quæ ſemper ſubintelligitur, quando nulla
eſt diſerte à lege expreſſa. Gloſſ. in l. 3. Cod. de Sacroſ. Ecclæſ. Hic enim
pronunciat Imperator ſe admiſſum in fraudem ſuæ conſtitutionis *ſeverius*
exequuturum eſſe. Verum cur ſeverius? Quod fruſtra leges ferantur, niſi
etiam rigide executioni mandentur, inque transgreſſores pro ratione deli-
cti & circumſtantiarum animadvertatur. §. fin. in fin. hic. l. 1. D. de Leg.
Nov. 161.

LIBER. I. TITULUS. IX.

D E

P A T R I A P O T E S T A T E.

In potestate nostra sunt liberi nostri, quos ex iustis nuptiis procreavimus.

1. Nuptiæ autem, sive matrimonium, est viri & mulieris conjunctio, individuum vitæ consuetudinem continens.

2. Jus autem potestatis, quod in liberos habemus, proprium est civium Romanorum. Nulli enim alii sunt homines, qui talem in liberos habeant potestatem, qualem nos habemus.

3. Qui igitur ex te & uxore tua nascitur, in tua potestate est. Item qui ex filio tuo & uxore ejus nascitur, id est, nepos tuus & neptis, æquæ in tua sunt potestate, & pronepos, & proneptis, & deinceps cæteri. Qui autem ex filia tua nascuntur, in potestate tua non sunt, sed in patris eorum.

C O M M E N T A R I U S.

I N I T I U M.

1. *Utrum MATRI de Jure Naturali competas in liberos potestas?*

2. *Cujus Juris sit PATRIA POTESTAS?*

3. *Varii effectus PATRIÆ POTE-*

STATIS enumerantur.

4. *Quid Jure Hebræorum obtineat?*

5. *Quid Moribus?*

6. *Quid Jure Canonico?*

7. *Quando quis nascatur in Potestate.*

1.



N potestate nostrâ.] Postquam dominicam explicuit potestatem, ad patriam sese confert, & cujus ea juris sit in §. 2. definit. Potius à posteriori ordiatur difficultate quod ea extricata viam parat ad sequentia, & faciliorem cæterorum tribuat intellectum. Certum est naturæ quâdam lege apud omnes gentes patri aliquod imperium in liberos esse concessum, matri pro ratâ communicatum. Cui de jure divino & naturali utrique debita reverentia connexa est, per prius tamen patri, dein matri exhibenda. Quod in concursu

fu potius illi quam huic sit obediendum, atque debitus tribuendus honor; quo majorem obtinet in familia potestatis & dignitatis gradum, adeoque suo modo in ipsam uxorem habet imperium. Ut illi meo judicio hallucinentur, qui in spectro jure naturæ & gentium, æqualem utrique sexui in liberos potestatem tribuunt, inter quos est Besold. in Oicon. Juris ad tit. 5. 6. libr. 1. Pand. q. 13. & Dessel. in not. ad Zoef. Instit. hic. Tantum abest ut cum Hobbe in tractatu *de Cive*, asseramus, matri principio in liberos potestatem competere, dein patri, scil. postquam illud jus potestatis à matre in patrem est translatum. Quasi solummodo jus illud nos oporteat revocare ab illâ necandi liberos potentiâ seu robore. Quod quidem non Juris est sed facti, ut propterea perpetuum non esset aut stabile de jure naturæ, possetque pro ratione circumstantiarum tum huic tum illi competere. Quid ergo, si obstetrix parturienti adsit, vel quæ alia mulieri obstetricetur? An jam perit omnis potestas matris in puerum, & per consequentiam etiam patris, quod non per matrem in eum sit translata? An jure naturæ puer nuper natus, vel adhuc rubens à matre, in obstetricantis mulieris erit potestate, ut quæ partum enitente puerperâ, primum in sinum recepit, ut eundem necare potuerit, nec matri vel patri exhibere? An non quia id potuit obstetrix, multo magis ex illo jure pater in uxorem & partum potestatem habebit, ut qui matrem unâ cum eo, qui in utero est, necare potuisset, antequam in lucem esset editus? Et quid si patre defuncto, antequam natus sit puer, cum simulac lucem aspexit cuidam extraneo tradat? Jam ex illo Hobbiano, is puero naturâ parens erit, id est eandem jure naturæ in puerum habebit potestatem, quam pater si supervivisset habuisset. Mira hæc & inaudita patria potestas, quam non jus divinum, non recta ratio, quæ sese non fundat in merâ violentiâ, aut robore, non gentium mores, quæ ductum rationis in multis sequuntur, agnoverunt. Ut potius omni juri congruenter sit dicendum, quod cum pater sit fons & principium generationis, prudentiâ cæteris antistat in familiâ, secundum communem naturæ legem, familiæ sit Princeps, caput uxoris, in omnes habeat imperium, adeoque in eum, qui in familiam recipitur, simulac lucis usurâ frui, caput, potestatem nanciscatur.

Atque ita ex dictis evidens est, Potestatem aliquant' patriam communi naturæ lege, apud omnes obtinere hominēs, eamque sic explicatam juris esse naturalis & gentium. Quod si excutiamus potestatem, quæ civibus Romanis est concessa, cum omni jure singulari, effectibus variis, quis dubitat asserere eam esse propriam civium Romanorum? Nullæ enim gentes, non addam *sepe*, quod facit Cujac. in not. contra mentem Justiniani, talem in liberos habent potestatem, qualem habent Romani. §. 2. hic.

Conferantur jura Babyloniorum, Chaldaeorum, Aegyptiorum, Hebræorum, Perfarum, Græcorum, Gallorumque, nec si singulorum excutias, reperies ea juri Romano per omnia, aut quoad potiore partem convenire. Licet in singularum gentium moribus, præsertim Hebræorum, Græcorum aliquid offenderis, quod cum jure Romano aliqualem habeat convenientiam. Maxime cum Romani legiflatores, illorum jura contulerint, & ex iis multa in suam transtulerint civitatem. §. 2. hic. l. 3. D. Qui sui vel alien. jur. Vultej. ad princ. Instit. hic. n. 15. Scipio Gentil. de bon. Maternis cap. 1. Timæus Faber. disp. 5. thes. 2. Harpricht. part. 1. disp. 3. thes. 2. Costal. Baro in l. 3. D. qui sui vel alien. jur. Forcat. dialog. 15. Pinell. ad Rubric. Cod. de bon. Matern. p. 2. n. 9. & seq. Arumæus de jure public. part. 1. discurs. fin. thes. Besold. Oicon. ad tit. 5. & 6. libr. 1. Pand. n. 13. diss. Connan. 2. Comm. 13. n. 2. Alberic. Gent. 4. de Nupt. 1. Coras. ad l. 3. D. qui sui vel alien. juris sunt. Bodin. 1. de Republ. 4. Gregor. Tholôs. libr. 11. Synt. Juris cap. 5.

Neque obstat. Quod patria potestas moribus dicatur introducta. in l. 8. D. qui sui vel alien. juris. Quasi per mores jus gentium designetur, sicuti in l. 8. D. de Ritu Nupt. Licet enim verum sit, quandoque mores juri Romano contra distingui, negari tamen non poterit, quin etiam in jure per mores designetur tale jus, quod cum urbis primordiis est receptum. Arg. l. 34. §. 1. D. de Contr. Empt. l. 1. D. de Donat. inter virum & uxorem. l. 1. in princ. D. de vulg. subst. Hænon. ad Instit. disp. 2. quæst. 2. Besold. loc. citat.

Patria enim potestas ex Romuli instituto habet originem, & jam inde à Romulo usitata. Quæ adeo duravit, ut liberi haud multum à serviensium specie differrent. Plaut. Trinum. Act. 2. Scen. 2. Senec. 4. contrav. 3. Dionys. Halic. libr. 2. 8. Valer. Maxim. libr. 5. c. 8. Servius 11. Æneid. Lactant. de verâ sapient. c. 3. Alciat. 2. disp. cap. 12. & seq. Carol. Sigon. de antiq. jur. civium Romanor. libr. 1. c. 10. Rævard. ad ll. 12. tabul. c. 3. Fabrot. in notis ad Theophil. hic. in init. Jacob. Gothefred. libr. 3. Probat. ad 12. tabulas. 4. tabul. juris Privati. & in not. ad eand. tabulam. Dixi haud multum differre liberos à servorum conditione, quod adhuc in quibusdam casibus melior esset liberorum quam servorum conditio. Nam filius familias ex omnibus causis, ad instar patris familias obligatur. l. filius fam. D. de Oblig. & Action. servus non item. l. 43. D. Oblig. & Action. Tam ex contractu quam ex delictis in eum datur actio. l. 57. D. de judic. quæ non datur in servum. l. 107. D. Reg. Jur. Procuratorem ille dare potest, & esse procurator. l. 8. D. Procurat. hic non potest. l. 15. D. Ex quibus caus. major. l. 7. Cod. de judic. In publicis causis ille habetur pro patre-familias. l. 9. D. qui sui vel alien. l. 14. D. Trebell. idèoque & arbit

biter & judex esse potest. l. 5. & seq. D. de Arbitr. servus non item. l. 12. §. pen. D. judic. l. ult. D. Reg. jur. l. 7. D. de Arbitr. Ille ad solemnia adhibetur, §. 8. 9. Instit. de Testam. à quibus servus removetur. §. 7. eod. l. 20. §. servus D. eod. Ille proprium habet peculium, non quæsitum aut quærendum patri, secus quam in servo obtinet. tit. Instit. Per quas Person. vid. Hottom. hic. Posterioribus tamen Imperatoribus placuit, rigorem illum patriæ potestatis temperare, ut cum olim haberint jus absolutum liberòs verberandi, coercendi, rusticis in operibus habendi, tractandi crudeliter, vendendi, nisi suo consensu uxores duxissent, revocandi in potestatem nisi ter fuissent venumdati, exponendi ubivis locorum, ac denique occidendi, præter modicam coercitionem, & moderatam castigationem vix quicquam superesset. l. unic. Cod. de Emend. Propinq.

Varii nihilominus effectus patriæ potestatis illibati remanserunt, nonnullis paulatim in desuetudinem abeuntibus. Quorum alii consistunt in acquirendo, dum pater hæreditatem filio delatam, & non aditam, eo defuncto suo jure potest occupare. l. si infanti. Cod. de jure deliber. dum à filio quæsitæ patri quærentur. tit. Instit. Per quos Person. nob. adquir. tit. Cod. de bon. quæ liberis. Nisi tamen parens esset furiosus. l. cum multa. Cod. de bon. quæ liber. Vel Judæus, & filius Christianus; quod jure canonico obtinet. c. indecorum. 28. q. 3. Vel quid esset filio donatum per Principem. l. cum multa. Cod. de bon. quæ liber. Vel eâ lege filio relictum, ne quid juris in illo haberet pater. Auth. Excipitur. Cod. de bon. quæ liber. Vel pater cum filio consortium habeat proprietatis, ut si fratri germano unâ cum parente ab intestato succedat. Auth. item hæreditas. Cod. de bon. quæ liber. Vel lex bona deferat filio, quod parens sine causâ ejus matrimonium solvere præsumat. Auth. idem est in his. Cod. de bon. quæ liberis. Gregor. Tholos. Syntagm. Juris. libr. 11. cap. 8. & seq.

Alii in administrando, ut quod pater invito filio ejus bona administrare possit, §. 1. Instit. Per quos person. Exceptis nonnullis casibus jure novo constitutis. l. 1. ult. antep. Cod. de bonis quæ liber. Nov. 117. c. 1.

Alii in alienando, quod filius nequeat alienare bona adventitia, in quibus patri debetur usufructus. l. final. §. filiis autem famil. Cod. de bon. quæ liber. vid. tamen Nov. 117. c. 1. Quod nequeat mortis causâ donare citra consensum paternum. l. 25. §. 1. D. de mortis caus. donat. quod nequidem testamentum faciat volente patre. init. Instit. Quibus non est permissum. Nisi tamen sit miles, vel jure novo clericus. Rittershus. ad Nov. p. 1. cap. 7.

Alii in distrahendo, quod pater tempore necessitatis filium licite vendat. l. 2. Cod. de Patribus, qui filios distraxerunt.

Alii

Alii in obligando, quod filius familias invito patre non contrahat nuptias, §. 1. Instit. de Nupt. & nonnisi eo consentiente obligetur ex mutuo, aut voto. l. 1. D. Ad Senatufc. Macedon. l. si quis rem. §. voto. D. de Pollicitat. Quod inter ipsum & patrem nulla civilis obligatio nascatur. §. item inutiles. Instit. de inutil. Stipulat. Quod in atrocioribus delictis puniatur mitius, si iussus patris adfuerit. l. velle non creditur. l. ad ea D. de Regul. Juris.

Alii in litigando, quod nequeat contra alium in lite consistere, nisi venia parentis accefferit; id quod tamen cum tempore nonnihil immutatum. l. fin. §. & filios. Cod. de bon. quæ liberis. Quod lis nulla consistat inter patrem & filium, nec actio uni detur adversus alterum. §. 11. Instit. de Delict. l. lis nulla. D. de judiciis. l. actiones. D. Action. Excepto peculio castrensi vel quasi. d. l. Quod si filius sit emancipatus, nonnisi præhabita veniâ parentem in jus vocare possit. §. fin. Instit. de Pœn. temere Litigant. l. pen. Cod. de in jus vocand.

Alii in vindicando, quod filium possit renitentem ab aliquo retentum, repetere & vindicare ex jure Romano. l. 1. §. 2. D. de Rei Viudicat. Etiam experiri præjudicialibus actionibus, & ad exhibendum actione, vel interdicto adversus detentorem. l. 1. §. post edictum. D. de Ventre inspiciend. l. 1. §. 3. D. de liber. Exhib.

Alii in substituendo, quod filio impuberi, etiam exheredato substituere valeat pupillariter. §. 2. Instit. Pupill. Substit. l. 2. D. eod.

Alii in tutores constituendo, quod filio impuberi testamento tutorem dare possit. l. 1. D. de Testament. tutel.

Alii denique in castigando, quod filium moderatè possit emendare, neque enim patria potestas in atrocitate, verum in pietate, clementiâ, & lenitate consistere debet. l. 5. D. Ad l. Pompej. de Parricid. l. unic. Cod. de Emendat. Propinq. l. 3. fin. Cod. Patriâ potest. Ut minime hic audiendus sit Bodinus, qui l. de Republic. 4. n. 22. & seq. contra omnia jura, vitæ necisque in liberos potestatem velit revocatam. Arumæus discurs. Public. fin. part. 1. q. 4. vid. multa de patriæ potestatis effectibus apud Sneiderwin. hic. Acacium Enenckel. Baron. tract. de Privil. Parent. & liberor. privil. 1. cap. 1. 2. & passim. Hilligerum ad Donell. 2. Comm. 25. Tholof. Synt. Jur. lib. 11. cap. 8. & seq. Althus. dicajol. 1. c. 30.

JURE DIVINO.

4. Jure Hebræorum rigida illa patria potestas non obtinuit, sic ut parens in filium jus vitæ necisque contra quam insulse statuit Bodin. loc. cit. non habuerit. Jubet enim lex divina, ut parens filium declinantem & rebellem ad judicem adducat, ut sibi id non licere sciat, quod ad officium spectabat magistr-

gistratus. Deut. 21. v. 18. Ames. cas. conscient. libr. 5. c. 26. Id quod illo Salomonis Prov. 21. confirmatur, ubi expresse prohibitum, ne ultra disciplinam & castigationem pater procedat. *Erude, inquit, filium, dum spes est: ad interficiendum vero eum ne inducas animum.*

Nec quicquam obstant exempla Abrahami filium Deo offerre volentis, vel Jephthæ Gileaditæ, filiam devoventis. Quia illud erat peculiari Dei jussu incaptum; hoc facti, non juris, adeoque in exemplum non trahendum. Acacius Enenck. Baro. de Privil. Parent. & liberor. 1. c. 1. n. 4. 5. Arumæus discursuum Public. part. 1. discurs. fin. thes. 4. Uno tamen in casu patens filium impune poterat occidere scil. si fuisset idololatra; quod illa gens admodum prona esset in idololatriam.

Quin tamen parens jure divino filium divendere potuerit, dubitandum non est, quod esset parentis possessio. Exod. 21. v. 7. Ad quæ videtur alluisse Deus Deut. cap. 32. v. 6. Unde si parens esset ære alieno gravatus, filium suum divendebat æris constandi gratiâ. Esræ 2. v. 5. Ad quem morem Deus respexit Esai. 50. v. 1. Quinimo ipsi creditores debitoris filium quandoque propter debitum divendebant, inque servitutem redigebant, quasi parentis esset portio. 2. Reg. 4. v. 1. Quod licet permissum fuerit à lege, charitatis tamen minus erat conveniens. Esai. 58. v. 6.

• Etiam de jure divino casus erat, quo filius potestati patris non subesset, ut si fratri defuncto nulli essent liberi. Tunc enim superstes frater ei nomen excitare tenebatur. Itaque si ejus viduam in uxorem duxisset, filius ex eo matrimonio susceptus erat paterfamilias in domo & hæreditate defuncti. Deuteron. 25. Matth. 12. Marc. 12. Luc. 20. Quod forte & ante legem latam obtinuit, ut eo referri possit exemplum impii Onan, qui conjugium recusabat, quod cogitabat ex illo semine natum, non esse futurum in ejus potestate. Gen. 33.

MORIBUS.

Licet Patria Potestas de Galliæ consuetudine non sit sublata, teste Baron. ad tit. Instit. hic. comm. posteriori, qui ibidem Italos Jurisconsultos perstringit, quod morum Gallorum nescii, contrarium evulgarint. Idem quod statuit Bœer. ad Bituricens. Pyrrus ad Aurelian. tit. c. 41. p. 23. Chaffan. ad Burgund. Rubric. 6. §. 3. in princ. n. 21.

Ea tamen in nonnullis effectibus est diminuta. Nam eo jure pater filium venundare non potest. Rebuff. ad Constit. Regias in prooim. gloss. 5. n. 62.

Filius-familias major annis 25. sine patris consensu in judicio consistere potest. Bœer. ad Bituricens. §. 2. de cons. jur. stat. person. Gregor. Tholos. Synt. juris univ. libr. 7. 11. c. 8. n. 32.

Filius familias excepto profectitio omnia sibi acquirit, & quidem omnino. Tiraquell. de retract. lignag. §. 1. gloss. 9. n. 61. Bœr. ad Bituricens. ad §. 3. de jure & statu pers. gloss. 1. Chassan. ad Burgund. §. 3. tit. des enfans de plusieurs ad v. & faict. Alexand. in l. placet. D. de Acquirend. hæred. Dissentire tamen videtur Baro ad instit. in comm. posterior. & Pinell. 2. Parte Rubric. Cod. de bon. matern. n. 10. p. 21. Non impeditur inter patrem & filium conventio, obligatio, & judicium. Connan. 2. Comm. 13. Baro in l. 3. D. qui sui vel alien.

Eadem fere de Anglorum jure affirmat Thomas Smith. lib. 3. de Republic. Anglic. cap. 9. Nec Hispanos dissentire Covarruvias de Testam. part. 3. rubricæ, in fin. innuere videtur.

Sicuti & moribus nostris peculiare effectus Patriæ Potestatis in defuetudinem abierunt, ut hic jura Gallorum in multis sequamur. Grot. introd. libr. 1. part. 6. 9. n. 9. Gudel. de Jure Noviss. libr. 1. cap. 13. Everhard. consil. 92. n. 2. Christin. vol. 1. decis. 96. n. 21. Goris adversar. 4. §. 7. Groenw. hic. Frisonum tamen jure Potestas Patria, in iis quæ non spectant atrocitatem ferè plenum vigorem habet. Sand. 2. definit. 1. 3. tit. 7.

Sicuti de Provinciis quæ Hispano parent, refert Christin. vol. 3. decis. 65. n. 3. posse filium in alicujus domini servitium à patre tradi, ut ita ex operâ filii alatur.

Et de Slavis scribunt, quod filios adinstar servorum habeant. Acacius Enenck. Baro de Priv. liber. & Parent. Priv. 1. c. 8. n. 7.

Quinimo apud Moscovitas, Islandos patrem filium ter vendere posse referunt; de quo more, num juri sit conveniens, vid. Cævall. 2. comm. contr. comm. 729. Pinell. in l. 1. part. 3. n. 21. Cod. de bon. matern. Gædd. ad l. 1. D. de v. signif. Boekel. disquis. public. 11. n. fin.

Moribus Saxoniz plurimi effectus patriæ potestatis remanserunt, nec defuetudine sunt innumbrati, de quibus consulendi. lib. 1. artic. 11. Compil. Constit. Saxon. tom. 1. p. 1. q. 43. Constit. Elect. August. p. 2. constit. 10. ubi Moller. libr. 1. & seq. Coppen pract. obs. 1. q. 23. n. 26. Berlich. p. 2. conclus. 11. Carpzov. jurispr. Forens. part. 2. constit. 10. defin. 7. 8. Leeuw. censur. forens. libr. 1. cap. 9. n. 6. 7.

Jure Anglorum in tantum est deminuta Patria Potestas, ut simulac liberi ad pubertatem pervenerunt, peculium suum donandi, vendendi aliudque emendi plenam habeant licentiam, cessante emancipatione, & inefficaci quærelâ. Smith de Republic. Anglic. 3. cap. 9.

6. JURE CANONUM.

De canonibus inter patrem & filium lis esse potest, secundum Socinum Regul. 264.

Quod

Quod expositos attinet infantes ad ecclesiæ valvas, id quod infrequens non erat, ita fuit cautum in ecclesiâ orientali antiquiori, & alibi, ut si quis infantem expositum colligat, propositâ contestationis epistolâ, eum per 10. dies aleret, intra quos reperietur forte, qui eum velit agnoscere, & in alumnus suscipere. Quod si qui collectus est intra decem dies quæsitus agnitusque non fuerit, collector si voluerit eum in perpetuum possideat, sin minus, propter contestationem, non amplius eum alere tenetur. c. 32. Concilii Arelatens. 2. vid. l. ult. Cod. de Infant. Exposit. Filefac. de Origin. Paroiciarum. p. mihi. 249. & seq.

In potestate nostrâ.] Et si reverentia matri non sit deneganda, quam desiderat 5. decalogi præceptum, quam jus civile exigit. l. 4. Cod. de Patr. Potest. Non tamen de jure Romano in liberos potestas unquam matri fuit tributa, vel per matrem ascendentibus. Quia enim de omni jure pater est familiæ caput, rex & monarcha, ei soli, & per eum ascendentibus in liberos imperium est concessum. §. fin. hic. Nec tamen cuicumque indistinctè hoc jus, quod civium Romanorum erat proprium, applicari potest, verum ut hoc locum habeat, requiruntur varia. Et ut qui natus est, ex justis nuptiis sit procreatus. init. Instit. hic. quæ non nisi inter cives Romanos admittuntur. init. tit. seq. Unde è deportato patre prognatus, potestati ejusdem censei non debet subjectus. l. 9. Cod. de Sent. Pass. Et ut parens ejus qui nascitur, sit sui non alieni juris. Nam si è servâ in contubernio ex servo natus sit, eumque dominus in utero existentem manumiserit, potestati patriæ non suberit. Quin imo, si pater ejus qui nascitur in sui patris sit potestate, nepos ille pleno jure in potestate avi, non sui patris esse censebitur. Nam qui est in potestate, alium in potestate nequit habere. l. 21. D. Ad l. Jul. de Adult. Unde non nisi defuncto avo, reviviscit potestas patria, & in actu constituitur, quæ tantum fuerat in potentiâ avo superstite; quo sensu filius-familias liberos in potestate habere dicitur. in princ. Instit. Quibus mod. solv. patr. potest.

§. 1.

- | | |
|------------------------------------|---|
| 1. Quid sint NUPTIÆ. | 4. Quo sensu NUPTIÆ dicantur Individuæ? |
| 2. Quot Modis olim contraherentur? | |
| 3. Divinis illi Modi applicantur. | |

Nuptia autem, sive matrimonium.] Duobus usus est vocabulis, & quidem 1. re distinctis. Nuptiæ enim dictæ, quod puellæ gratiâ pudoris semet obnubarent. Ambros. in libr. de Patriarch. Alciat. in l. tabernæ. D. de verb. signif. Matrimonium à nomine materno desumptum, non quidem adepto, sed cum spe & omine mox adipiscendi. Gell. 18. c. 6. Nec enim ob aliud fœmina nubet, quam ut fiat mater: cum non liberorum quærendorum cau-

ſa initum matrimonium ab Auguſto quondam inutile fuerit declaratum. Valerius 7. cap. 7. Lipſius in 11. Annal. Tacit. p. mihi. 311. Quin imo ſi rem ipſam intueamur, nuptiæ ipſa ſolemnia, ipſos ritus ſpectabant, matrimonium non item. Et ſine nuptiis matrimonium eſſe poteſt, non ſine matrimonio nuptiæ. Juris civilis cenſeri debebunt nuptiæ, matrimonium juris naturalis. Illæ non niſi inter cives Romanos obtinent, hoc omnium hominum commune eſt. Inſtit. de Jure Nat. Gent. & Civil. init. Inſtit. de Nupt. Non item confundendum connubium cum nuptiis, aut matrimonio. Connubium enim nihil aliud eſt, quam uxoris ducendæ facultas, conformiter legibus & juribus. Ulpian. tit. 6. Regul. Hottom. de Ritu Nupt. cap. 15.

Qui vero ritus, quæ ſolemnia aut apud Romanos, aut alias gentes fuerint adhibita in nuptiis conciliandis, deſcribunt Catull. carmin. 62. 63. ibique comment. Carol. Sigon. 1. de Antiq. jure civium Romanor. c. 9. Hottom. obſervat. de Ritu Nupt. Gotheſted. in notis ad l. 1. D. hic. & ad Nov. Leonis. 89. Gregor. Tholoſ. Syntagm. juris univ. libr. 9. cap. 5. Mornac. ad l. 5. D. de Ritu Nupt. Hænon. diſp. ad Inſtit. 2. q. 10. deque jure deductionis ſponſæ in domum ſponſi, idem Hænon. poſt varios. quide Alberic. 2. de Nupt. 5.

2. *Sunt maris & ſæminæ conjunctio.*] Olim nuptiæ tribus contrahebantur modis, *farre, cõemptione & uſu.*

Primus modus eſt antiquiſſimus, & præter quem forte tempore Romuli non alius obtinuit. Et quidem nuptiæ *farre* conciliabantur, cum per Pontificem maximum & Dialem Flaminem per fruges & molam ſallam conjungebantur, unde dicta *conſarreatio*. Quod ita explicat Ulpianus. Certis verbis, teſtibus decem præſentibus, & ſolemnî factò ſacrificio, in quo panis farreus adhibebatur, mulierem in manum viri conveniſſe. Quem modum ſub Cæſaribus Romanis in deſuetudinem abiſſe cenſent interpretes.

Alter modus contrahendi erat per *cõemptionem*, cum cõimendo invicem vir & mulier rogabant. Vir, an ſibi mater familias eſſe vellet, & ipſa reſpondebat velle; ſicque viciffim mulier virum rogabat. Quæ nuptiæ etiam per æs & libram contrahi dicebantur, id eſt imaginariâ emptione & venditione intercedente; quâ factum ut mulier in mariti tranſiret poteſtatem & in locum filiæ, ſicut maritus in patris veniebat, & uter illorum prius fuiſſet deſunctus, locum hæreditatis juſtum alteri faciebat.

Tertius modus ſiebat *uſu*, quando mulier tutoribus auctoribus, cum marito matrimonii cauſâ conveniebat, & per annum impletum, non interruptum abſentiâ trinoctii, apud eum remanebat. Tumque uſu dicebatur capta, & in manum mariti tranſlata, quæ ante impletum illud tempus, uxor qui-

quidem, non mater familias, dicebatur, sicuti nec in mariti potestatem aut familiam transibat.

Tribus illis modis quartus fuit additus, si quis eam quam in bello capisset, vel ab alio captam emisisset, uxoris habendæ gratiâ manumississet, dum tamen intra 6. menses duceretur. §. 5. Instit. quibus ex caus. manumitt. l. si collact. 9. D. manum. vindict. Cicero. 2. Topico. ibique Bœt. Dionys. Halicarn. libr. 2. Tacit. Annal. 4. Plin. libr. 18. cap. 3. Servius in Fragm. Gell. 3. noct. 2. Festus in v. diffarreatio. Arnob. 4. contra Gentes. Ulpian. tit. 9. Carol. Sigon. de Antiq. jure civium Roman. libr. 1. cap. 9. Hottom. observ. ad vet. ritus nuptiar. cap. 20. & seqq. Beroald. in Apul. libr. 6. p. mihi. 520. & libr. 8. p. 649. Lipsius ad 4. Annal. Tacit. p. mihi. 211. Gregor. Tholos. Synt. jur. univ. libr. 9. cap. 5. n. 23. Stephanus de Malescot. de Nupt. cap. 2. Contius 1. disp. 13. & 2. lect. 10.

Verum postquam prænominati modi in desuetudinem abierunt, nuptiæ solâ maris & sceminæ conjunctione celebrabantur, semotis omnibus solemnibus. Dico maris & sceminæ, ut ita duorum tantum sit conjunctio, non plurium, non ejusdem sexus; quo polygamia, & nefarius concubitus excludatur. l. 2. Cod. incestis nupt. l. 31. Cod. Ad l. Jul. de Adulter. Nov. 77. c. unic. Nov. 141. Clarus. §. Sodomia. n. 4. Damhaud. Prax. Crimin. c. 98. 96. Modestini. Pistor. vol. 2. consil. 42. Cævall. commun. opin. q. 247. Gilhauf. arbor. judic. crimin. c. 2. tit. 19. Coppen 2. observ. 127. Bockelius disquis. 5. q. 7. 21. Ames. cas. conscient. libr. 5. c. 35. Danaus Ethic. Christin. ad 7. decal. præcept.

JURE DIVINO.

Sicuti apud Romanos variis modis contrahebantur nuptiæ, ita etiam apud Jehudæos similes videntur recepti fuisse. *Conferreationis* enim modum mihi videor colligere ex propheta Hosea cap. 2. v. 3. & cap. 3. v. 1. *Coemtionis* simulacrum occurrit in Dinâ filiâ Jacobi, à Zichemi filio vitiatâ. Genes. 34. v. 12. Idem observare licebit in Jacobo patre Dinæ, qui sibi Rachelem ministerio & labore septennali, pretij loco, comparavit. Genes. 29. Quinimo Michal, Regis Sauli filiam, præputiis Philistæorum, sibi emptam, adeoque mancipatam voluit David, idque illorum suâsu, & instinctu, qui Regierant à consiliis. 1. Samuel. 18. v. 25. Nuptiarum usu contractarum exemplum forte suppeditabit Rex David senio confectus, qui Abisach Sunamitidem formâ egregiam, in suam aulam, & in usum suum recepit, non tamen animo eam habendi, pro matre familias, 1. Reg. 1. v. 2. Quod spectat quantum contrahendi modum, eum eâ muliere quæ in bello esset capta, is multis adhibitis solemnibus peragebatur, de quibus Deut. 21. v. 11 & seqq. Azor. 6. Moral. c. 10. vid. Zepperum de legibus Mosaic. lib. 4. c. 21.

Hæc omnia si Christianus spirituali & mystico sensu explicuerit, & matrimonio quod est inter Christum & ecclesiam applicuerit, non equidem aberraverit. *Ufu* enim nos sibi conjunctos voluit Salvator, dum nos in suum admisit consortium, in ecclesiam nos recepit, cum abjecti atque neglecti in nostro sanguine jaceremus. Ezechiel. 16. *Conferuatione* per Sacramentum cœnæ dominicæ, quæ panis fractione, ejusdemque inter plures distributione peragitur. 1. Corinth. 11. *Coemptione*, in quantum nos redemit, non auro aut argento, verum proprio sanguine, quem pro nobis effudit, in peccatorum remissionem. Actor. 20. v. 28. 1. Petr. 1. 18. 19. Denique *nos capit in bello*, quod illi cum Dæmone, cujus potestati nos subduxit, eum suis vasis spoliando, & nos purificavit eâ lege, ut patri, matri, mundo ejusque excelsis, & genti nostræ renunciaremus. Deut. 21. v. 11. & seq. Secundum illud Psalm. 45. Ausculta filia, renuncia genti, & domui patris tui, sic delectabitur Rex tuâ pulchritudine; quia est dominus tuus. Veniam dabitur Theologi, si propositum habeant, quandoque ubi occasio tulerit extra campum juridicum efferre pedem, adeoque per latifundia Theologiæ spatium, institutâ spiritualium cum temporalibus collatione, ut pareat Deo placuisse in verbo suo nobiscum balbutire, & ad evidentiorum intellectum per similitudinem à rebus terrestris desumptam, cœlestia explicuisse.

Conjunctio.] Per conjunctionem eam intellige, quæ justa est, & legitima; qualis est liberorum hominum, & quidem civium Romanorum, secundum legum præcepta coeuntium. init. Instit. hic. & init. Instit. tit. seq. Ut ita excludatur contubernium, quod est servorum; & concubinatus, qui licet per leges nomen assumpserit, ut extra legis pœnam sit. l. 3. §. 1. D. de Concubin. non tamen legitima conjunctio censi poterit, sicuti nec concubina uxoris meretur nomen. Nov. 89. Intellige porro conjunctionem non tam corporum, qui & in concubinato, & contubernio, & concubitu vago, quo apud Petronium nuptias facere dicuntur, quam quidem animorum. Nuptias enim non concubitus, sed consensus facit. l. 30. D. à de Regul. juris. l. licet. Cod. de Incest. Nupt. Nov. 22. non coitus ille, qui nobis cum brutis communis est, sed conjugalis affectio. l. 32. §. si mulier. 13. D. de Donat. inter virum & uxor.

4. *Individua.*] Non est hoc vocabulum referendum ad *conjunctionem*, quasi ea foret individua. Cum indubium sit, qui etiam contrahentium scopus est, eam morte dissolvi. Verum individua censetur esse vitæ, non mortis consuetudo, in quantum ex intentione & voto contrahentium, perpetuam vitam in unâ domo vivunt socialiter. Qui etiam finis esse debet matrimonii, ut non nisi morte dissolvatur, quasi eâ lege accepta sit conjux.

Ne-

Negari tamen non poterit, quin nonnunquam affectioni minus respondeat eventus, dum forte successus non semper idem, adeoque divortio vel malitiosa desertione matrimonium dirimatur.

§. 2.

1. *Quis sint Effectus NUPTIARUM?*

2. *De Moribus Effectus enumerantur.*

3. *Quo tempore LIBERI censeantur legitimi?*

4. *Moribus quid obtineat?*

5. *MULIER est in Potestate MARI-
TI.*

6. *Quid Jure Divino obtineat?*

7. *Quid Moribus?*

8. *Quid Jure Canonico?*

9. *Alius Effectus recensetur.*

10. *De Bonorum communione se-
cundum Mores differitur.*

11. *Quando ea introducatur?*

12. *Alii Effectus enumerantur.*

Qui igitur ex te.] Effectus aliquot nuptiarum hic enarrare incipit Tri-
bonianus, non omnes tamen. Plerosque quâ id fieri poterit brevitate
in unum conferam.

Primus effectus est, quod qui è marito & uxore ejus nascitur, in ejusdem
sit potestate. §. fin. hic. l. 6. D. qui sui vel alien. jur. sunt. Id quod tum
demum procedit, cum maritus patrem non habet, in cujus ipse sit potestate.
inst. Instit. quibus mod. solv. patr. potest. l. 118. D. Reg. jur. Vel cum
nihil incommodi intervenit, per quod maritus dum nascitur filius Romanæ
civitati sit exemptus, ut si poenæ servus sit effectus vel deportatus. l. 17. D.
de Poenis. Insuper, quod ex filio natus, qualis est nepos, cæterique descen-
dentes, in potestate sint avi; modo filius tum temporis, in sui patris fuisset
potestate. Dico, tum temporis, non cum filius nasceretur, verum cum
conciiperetur; quod hoc in casu conceptionis, non nativitatis momentum
leges respiciant. l. 7. §. si quis conceptus. D. de Senator. l. 17. §. ex facto.
D. Ad Trebell. l. 6. in fin. cum l. seq. D. de suis & legit. Hæred. Tira-
quell. de Retract. §. 1. gloss. 9. n. 9. Alciat. 1. dispunct. cap. 28. Non tamen
qui ex filia cujusdam nascitur, in ejus est potestate. §. fin. hic. l. 196. D. de
verb. signif. Mulier enim familiæ suæ, & caput, & finis esse dicitur. l. 195.
D. de verb. signif.

Nec obstat. l. 1. §. 3. D. de liber. Exhib. licet enim filia quandoque re-
manferat in potestate sui patris, ut post dicetur, ille tamen qui ex ea nasce-
batur, erat in potestate avi paterni, cui jus fortius competeat, quam avo
materno; quique filium etiam in suâ retinuerat potestate. Maxime cum si
nuptiæ intercesserint, filius sequatur patrem, ejusque sit cujus est ipse pater,
non cujus potestati subest mater.

MORIBUS.

Quandoquidem de moribus, quibus jus Mosaicum non adversatur, nu-
priis

ptiis solvitur patria potestas, uti postmodum explicabitur latius, ideo nepotes non sunt in potestate avi. Grotius, Gudel. aliiq. apud Groenw. hic. quibus adjice Gornes. aliosque scriptores ad l. 47. Tauri. Covarr. de Sponsal. 2. part. c. 7. §. 1. n. 13. Barbof. in l. 2. D. Solut. Matrim. Gregor. Tholof. Synt. juris universi. libr. 11. c. 8. Herbaj. Rerum quotid. cap. 12. §. 2. Goris adv. 4. §. 8. Christin. vol. 4. decis. 185. n. 7.

3. Secundus effectus est, quod stantibus nuptiis, vel iisdem solutis, nati censcantur legitimi. Id quod procedit, 1. si nati sint legitimo tempore. Quod consideratur, vel post initas nuptias, vel postquam morte sunt solutæ. Post initas nuptias, tempus legitimum est 7. mensium ad minimum; ut qui mense septimo nascitur pro filio sit agnoscendus. l. 12. D. de statu homin. An igitur septimi mensis initium, an finem spectabimus? Resp. Septimo mense pleno, partum quidem videri maturiorem scripsit Paulus. 4. Sent. tit. 9. Ut tamen qui editus est die 182. id est circa initium septimi mensis, 30. diebus in singulos menses enumeratis, iustus patri filius secundum Ulpianum, idque ex sententiâ Hippocratis, censi debet. l. 3. §. 12. D. de suis & legitim. hered. Bartol. in princ. l. Gallus. D. de liber. & Posthum. Cujac. ad 4. Sent. Pauli rit. 9. & ad d. l. 3. Concennat. 1. quæst. 9. Ærod. rerum judic. 2. tit. 4. c. 1. Cæl. Rodigin. 20. Antiq. lection. 20. Speckhan. cent. 1. quæst. 77. Gothefred. ad d. l. 3. Befold. Oicon. tit. 5. 6. libr. 1. Pand. q. 14. Hænon. disput. Instit. 2. q. 3.

Multo magis qui octavo mense nascitur, (explosâ Hippocratis sententiâ, quod regulariter ille per naturam diu superstes esse nequeat) pro iusto habendus erit. Plin. 7. natur. histor. 5. Boer. decis. 220. in fin. Beust. de Matrim. q. 36. Moller. 3. Semestr. 28. Gothefred. ad Nov. 39. cap. 2. Bacchov. ad Treutl. vol. 1. disp. 2. thes. 5. litt. c. vid. tamen Agell. 3. noct. Attic. 16. Speckhan. 1. quæst. 77.

Solutis nuptiis, morte vel divortio, pro iusto haberi poterit, qui nono vel decimo mense natus est. l. 29. in princ. D. de liber. & Posthum. Quod etiam extensum ad initium mensis undecimi, Nov. 39. c. 2. Ut tamen impudiciæ suspicione non careat, si forte eodem die, quo maritus obiit, vel diebus proximis ante mortem, quibus ægritudine ingenti conficiebatur, mulier concepisse dicatur. Vid. Plin. 7. natur. histor. 5. Senec. Tragicum in Thebaid. v. 535. ibique in comm. Delrion. Ærod. 2. rerum judic. 4. Mynsing. 6. observ. 40. Gail. 2. observ. 97. Hottom. 9. obs. 9. Beust. de Matrim. c. 33. Mollerum 3. Semestr. 28. Coraf. 2. Misc. 21. Speckh. 1. quæst. 77. & seqq. Treutl. vol. 1. disp. 2. thes. 5. 6. Hænon. disp. 2. ad Instit. q. 5. Befold. loc. cit.

Secundo procedit, iustos seu legitimos videri liberos, si ex marito concepti,

cepti, non absente aut vitio laborante. Quid si enim maritus per decennium abfuerit, & reversus in domo puerum reperiat anniculum? Quid si in domo remanserit, verum eâ fuerit valetudine, (quod ipse probare teneatur,) ut generare non potuerit? Non enim eum qui ex ejus uxore nascitur, pro suo agnoscere tenebitur. l. 11. 12. D. de statu homin. ibique Gothofred. vid. Carpzov. jurisprud. consistor. 2. tit. 13. per totum.

M O R I B U S.

Qui natus est intra undecimum mensem, vel si forte Principis aut Regis filius, ultra mensem undecimum post humatum patrem natus, quod magnatum filii majoris sint operis, pro legitimo habendus est. Vid. Beufft. de Matrim. p. 2. c. 36. & in commentariis ad l. 3. n. 36. D. de jurejurando. Caranzam de Partu naturali & legitimo, cap. 14. 15. qui cumulate de hisce omnibus, ut nolim instar plagiarii quod aliorum est, mihi vindicare, vel ptorem, & rapsodum agere.

Tertius nuptiarum effectus est, quod mulier sit in potestate viri, modo ducta olim fuisset non usu, sed vel farre, vel cõemptione, sic ut coërceri hoc casu à marito sed moderate potuerit. Vid. Halicarn. lib. 2. Tacit. Annal. 2. post medium. ibique Lipsium in comment. Valer. 6. c. 3. Gell. lib. 18. c. 6. l. alia. D. Solut. Matrim. l. 2. Cod. qui dari tutores. Auth. sed novo jure. Cod. de Repud. Ulpian. tit. 9. Cujac. Parat. Cod. de legit. tutor. Tyraq. ad ll. connub. l. n. 22. Hottom. de ritu Nupt. c. 20. & seqq. Rittersh. ad Nov. p. 4. c. 8. n. 12. In ordine tamen ad ceteras personas quæ sunt in familia, domina appellari poterit, in quantum ab eisdem ei honor est exhibendus. l. uxorem. D. leg. 2. l. Titia. §. marito. D. de Annis Legat. An ergo quæ ducta est, eo ipso à patriâ potestate censebitur esse liberata? Non videtur, quod nuptiæ non sint modus tollendi patriam potestatem. l. 1. §. 5. D. de liber. exhib. l. pronuntiatio. §. fin. D. de verb. Signif. Donell. 2. comm. 26. Duaren. ad l. 17. D. Solut. Matrim. Alberic. Gentil. 4. de nupt. 6. diff. Hottom. loc. cit. & instit. qui sui vel alien. Gregor. Tholos. Synt. jur. univ. libr. 11. c. 4. n. 9.

Cumque alia sit patria, alia maritalis potestas, non repugnabit quorundam ratione fœminam subesse patris potestati. l. 1. §. 5. D. ad exhib. l. 4. §. Cod. de Repud. quorundam vero contemplatione à marito pendere. l. 14. §. ult. l. 22. §. 8. D. Solut. Matrim. l. 23. Cod. de jure dot. l. 57. D. de donat. inter virum uxor. l. 88. §. 2. D. Leg. 2. l. 1. §. 17. Cod. Rei Uxor. Action. l. ult. Cod. qui potior. in pignore. Böer. ad Bituric. de consuet. jur. & status pers. §. 4. gloss. 1. Vid. Sneiderw. ad §. 8. Instit. de Nupt. num. 4. Hænon. disp. 2. ad Instit. q. 25.

JURE DIVINO.

6. Mulier de jure divino est in potestate mariti, cujus voluntati subesse debet. Ante lapsum mulieri præsuit maritus, quia facta est propter virum, & ut illi esset adiutorium. Genes. 2. v. 20. & seqq. Verum postquam ipsa serpenti auscultavit, & marito fuit peccandi occasio, per nuptias omnino mariti potestati fuit subjecta; *ad virum eris desiderium tuum, ipseque dominabitur tibi*. Gen. 3. v. 16. Unde etiam Sara proba & morata mulier dominum suum maritum appellavit. Gen. 16. Quapropter & Mosaico jure cautum est, ne mulier sine consensu viri aut quid voveret, aut jejunaret, Num. 30. v. 6. 7. 8. ad quæ loca scripturæ respexisse videtur Apostol. 1. Corinth. 14. v. 34. *Mandatum est mulieribus, ut sint subditæ, quemadmodum lex inquit. Quo nomine maritus caput uxoris appellatur, sicut Christus ecclesiæ: ut quemadmodum hæc Christo subjecta, ita illa marito*. Roman. 7. v. 2. 3. 1. Cor. 11. v. 3. Ephes. 5. v. 22. Col. 3. v. 18. 1. Petr. 3. v. 1. Vid. Althuf. dicajol. libr. 1. c. 29.

MORIBUS.

7. Jure Longobardorum receptum fuit, ut mulier esset in potestate mariti, ad exclusionem patriæ potestatis, quæ cessat postquam est ducta, libr. 2. leg. longobard. tit. 1. Andreas in addit. ad Bartolum. in l. si uxorem. Cod. de condit. insert. Idem quod moribus Gallorum aliorumque. Tiraquell. de ll. connub. in princ. Chassan. ad Burgund. Rubric. 6. §. 3. n. 13. Bœer. ad Bituric. tit. de statu & jure pers. §. 4. Baro in comment. Posterior. ad fin. tit. Instit. de Patriâ Potestate. Masuer. in Prax. judic. tit. de Poss. §. item maritus. Choppin. 2. de Morib. Paris. 1. n. 15. Gomef. ad l. 50. Tauri. n. 28. Pinell. ad l. 1. Cod. de bon. matern. p. 1. n. 34. Vasquez. de success. Progress. libr. 1. §. 1. n. 34. 43. Gregor. Tholos. Syntagm. jur. univ. libr. 11. cap. 4. n. 6 7. 8. etiam Germanorum, Gilken. de præscript. p. 3. c. 3. n. 10. Moller. 2. Semestr. 16. Hering. 7. de fidejuss. n. 621. Speckhan. cent. 1. quæst. 82. Mevius 1. Statut. Lubec. 3. Sichard. ad l. ubi. 29. n. 16 Cod. de jure dotium. Arum. discurs. public. part. 1. disc. fin. q. 2. Carpov. 2. const. 10. def. diff. Schurf. 2. consil. 20. n. 19. Vid. Hænon. disp. 2. ad Instit. q. 25. denique Belgarum obtinet. Burgund ad Flandr. tract. 1. n. 23. Grot. 1. introd. 6. Gudel. 1. de jure noviss. 13. in fin. Christin. ad Mechlin. tit. 9. art. 1. Goris tract. 4. Adv. §. 8. Sic ut non revertatur, & si facta sit vidua, in mariti potestatem. Vid. tamen Tiraquell. ad ll. connub. gloss. 3. in princ. Burgund. Rubric. de justices. §. 4. in v. marriag. Stat. Ultraj. Rubr. 22. art. 6. Acac. Enenck Baro. de Privil. Parent. 1. c. 8. in fin.

Hujusque juris maritalis hic est effectus, ut mulier in curâ mariti sit constituta, nec sine ejus licentiâ, (quod non apud nos, sed nonnullos Galliarum

populos obtinet,) testari possit. Tiraquell. ad ll. connub. gloss. 5. n. 93. & seq. Chassan. ad conf. Burgund. tit. de iuribus conjug. rubric. 4. verb. n'aussi par testament. Herbaj. rerum quot. c. 13. §. 16.

Secuti nec sine ejus auctoritate contrahere, alienare, vel in judicio consistere potest, nisi tamen absit maritus. Bœr. ad Bituric. §. 4. tit. de conf. jur. & stat. perf. Greg. Thol. Synt. jur. lib. 11. c. 4. n. 23. Grot. 1. manud. 4. §. pen. & 5. §. *uyt het huwelijck*. Goris loc. cit. Prolix. Herbaj. Rerum quot. 13. per tot. Sand. 2. tit. 4. defin. 3. 4. Rodenb. singulari de jure conjug. tract. Leeuw. cens. forens. 1. c. 7. & lib. 2. c. 12. Ut tamen nostris moribus Solutio matrimonio possit conveniri mulier, ejus rei nomine. Vid. Tiraq. sub fin. ll. connub. Giurb. ad Messan. c. 1. gloss. 11. p. 1. Merend. 1. controv. 17. 18. Rauchb. 1. quæst. 2. 32. 38. Coppen 2. observ. 101. Montan. de tutel. c. 30. n. 118. Anton. Matth. disp. 3. de tutel. n. 22. - Statut. Ultraj. tit. 22. §. 4. 5. Statut. Fris. 1. tit. 2. Transilul. 2. tit. 2. §. 5. Velav. 27. §. 3. Ruræm. 1. tit. 2. §. 2. n. 3. Mechlin. 9. §. 1. 2. Antv. tit. 41. §. 13. Ut tamen à marito possit corrigi, non virgis aut flagellis coerceri, secus autem quam obtinet in Moscoviâ. Vid. Tiraq. ad ll. connub. 1. n. 22. Basil. Monnerum de matrim. cap. 1. p. 9.

Anglorum jure maritus eam in uxorem habet potestatem, ut omnia mobilia uxoris statim cedant marito, cætera ad proximum perveniant successorem. Quin imo uxor ita est in mariti tutelâ, ut nec suas res donare, nec alienare possit, ad instar servorum, aut filiorum-familias. Testamento nihilominus aliquid relinquendi nacta est potestatem. Sicuti Londini, & in urbibus per magnis ex bonis mariti facto testamento tertiam partem capit, nullo facto testamento, quicquid præter impensas funebres superest, inter se & liberos ex æquo dividit. Smith. de Republic. Anglic. 3. c. 8.

JURE CANONUM.

Mulier ut membrum capiti subest marito, sic ut viro servire teneatur in 8. omnibus, quæ licita & honesta. c. manifestum. c. cum apud. c. cum mulierem. c. est ordo. c. hæc imago. 33. q. 5. c. sæmin. 30. q. 5. Quin imo moderata castigatio permissa est marito. c. sicut alterius. 4. quæst. 1. c. duo ista. 14. quæst. 3. Etiam ut eam compedibus, si opus est detineat. c. placuit. 33. q. 2.

Quartus effectus erat olim, quod maritus esset dominus dotis bonitarius, si nuptiæ usu forent contractæ. Cæterarum vero rerum in tantum non erat dominus, ut nec earum usum haberet. l. Lucius Titius. §. filiam. D. Ad Trebell. nisi quarum usus esset promiscuus, idque causâ habitationis. l. mulier. D. Quemad. Usufr. amitt. l. 4. D. de Usu & habit. l. sed neque. D. eod. Quod si nuptiæ farre aut cœmatione essent contractæ, quandoquidem

dem mulier in manum mariti conveniebat, etiam omnia mulieris dotis nomine fiebant mariti, quæque mariti quodammodo uxoris erant. l. 1. D. Rerum amot. Et invicem succedebant, maritus tanquam pater, uxor tanquam filia. Ulpian. tit. 22. 23. Hotton. de Ritu Nupt. c. 26. 27. Postmodum tamen ita jure cautum fuit, ut maritus tantum esset dotis dominus revocabiliter, non reliquorum bonorum uxoris. init. Instit. quibus alien. licet. l. 23. Cod. de jure dotium, l. dote. Cod. Rei Vindic. tit. D. Solut. matrim. l. unic. Cod. Rei uxor. Action. Cujac. 10. observ. 32. Coraf. 5. Miscell. 14.

Neque ulla erat bonorum communio, ne quidem adquirentium stante matrimonio; ut quæ præsumuntur esse mariti. l. 51. D. donat. inter virum & uxor. l. 6. Cod. eod. Bøer. decis. 81. Coraf. 3. Miscell. 5. Mynling. 2. observ. 92. Gregor. Tholos. Synt. Juris libr. 11. c. 4. n. 11.

Nisi tamen aliter cautum fuisset, l. 16. §. fin. D. Alim. Leg. l. ex diverso. 17. §. 1. D. solut. matrim. Gregor. Tholos. Synt. jur. dict. loc. num. 13. Vid. disting. Anton. Matth. disputat. 4. de Nupt. num. 22. 23.

MORIBUS.

10. Multorum locorum statutis inter conjuges bonorum est communio, societas appellata conjugalis, quæ quidem in multis societate conventionali est favorabilior, magisque prioris matrimonii liberis præjudicat, quam illa conventionalis. Giurb. ad Messan. consuet. c. 9. gloss. 12. p. 1. n. 9. D. à Someren curiæ nostræ Provinc. Senator, in tract. de jure nover. c. 1. & seq.

Quæ an præsumenda, nisi expresse sit exclusa, explicant abundè, Everh. conf. 25. 135. 63. Giurb. ad Messan. consuet. c. 1. gloss. 7. p. 1. n. 22. 23. 50. 51. Coren obs. 30. Consult. Holland. p. 3. consil. 25.

In quam communionem quænam veniant, accuratè describit Chassan. ad Burgundiæ Rubric. 4. 6. Giurb. ad Messan. c. 1. gloss. 2. 3. & seqq. p. 1. Deck. 2. dissert. 3. n. 20. aliique quorum inventa egregia pro meis, ut compilatores solent, vindicare nolim. Ea autem bonorum communio, pro diversitate regionum est diversa. In Galliâ enim nonnisi mobilia sunt communia, & quæ constante matrimonio quæsitæ. Molin. ad Paris. §. 37. Argentr. ad Britann. artic. 418. gloss. 1. Steph. Malefc. de Nupt. c. 1. p. 14.

Apud Frisones, solummodo eorum quæ constante matrimonio sunt quæsitæ, inducitur communio. Herhaj. rerum quotid. c. 13. §. 12. & c. 14. 16. Sand. 2. decis. 5. def. 1. Wissenb. disp. Pand. 44. vol. 1. n. 12. Ut tamen quæsitorum nomine, non veniant hereditates, vel legata. l. 7. & seqq. D. Pro socio. Argentr. ad Brittan. artic. 418. gloss. 1. n. 6. Sand. 2. decis. 5. def. 3.

Alibi

Alibi in Belgio mobilia & quæſita ſunt communia, ut in Brabantia. E-verh. conf. 136. 192. Gudel. 1. de jure Nouiff. 7. & 8. in fin. Goris 1. Ad-verſ. 1. n. 27. Chriſſin. ad Mechlin. tit. 9. §. 11.

Alibi per nuptias omnium bonorum quæ in noſtro dominio pleno jure, ſic ut dominos directos non recognoscamus, contrahitur ſocietas, niſi ea vel pactis ſit excluſa, vel initum matrimonium cum minorenni ſine conſenſu eorum, qui conſentire debebant. Id quod obtinet in Gelria, Sand. de feud. Gelr. tract. 2. tit. 2. c. 3. Goris 1. adv. 1. n. 27. & cap. 5. & c. 18. Hollandia. Grot. 2. introd. 11. Neoft. de Pact. Anten. obf. 4. 9. Coren decif. 20. Ultrajecti. Statut. Urbis Rubric. 22. §. 1. apud Tranſilulanos 2. tit. 2. §. 2. Brugeses, Burgund. de conf. Flandr. tit. 1. n. 15. Curtius 1. conject. 1. Chriſſin. 4. decif. 72. n. 2. Luſitanos, Pinell. ad l. 1. Cod. de bon. matern. p. 1. n. 37. & alibi.

Quinimo noſtris & Gallorum moribus in tantum illa bonorum omnium obtinuit communio, niſi pactis ante nuptialibus fuerit excluſa, ut nomina tam paſſivè quam activè ſumpta, id eſt debita & credita etiam ante & poſt initum matrimonium contracta, communicentur. Papon. 15. tit. 2. arreſt. 5. Chaffan. ad Burgund. tit. 4. §. 9. gloſſ. de tous debtes. Grot. 2. manuſ. 11. §. *nyt de boedelmenginge.* & §. *Wier nae.* Neoft. de Pact. antenupt. obf. 9. 12. Goris 1. Adverſ. 4. n. 14. Statut. Zutphan. tit. 16. §. 2. Excepto uno caſu in Hollandia, quo mulier ſibi dotem ſalvam fuerat ſtipulata, cum renuntiatione quæſitorum. Groenw. ad l. 29. 30. Cod. de jure dotium. Id quod in tantum obtinuit apud Trajectinos, ut licet pactis excluſa eſſet inter conjuges bonorum ſocietas, nihilominus conjux debiti ante matrimonium contracti nomine potuerit conveniri. Statutum Ultrajecti. tit. 32. §. 3.

Quin tamen pactis poſſit caveri, ne teneatur conjux propter debita à conjuge ante matrimonium initum contracta, modo per notarium hæc cautela ſit adjecta, vel pactis ille ſubſcripſerit, Ordinum conſtitutione deciſoria de ann. 1656. April. 14. eſt introductum. Vid. Giurbam ad Conf. Senatus Meſſan. c. 9. gloſſ. 3. p. 1. Sand. 2. tit. 5. def. 8. Chriſſin. 3. decif. 51. 52. & ad Mechlin. tit. 16. art. 29. Goris adverſ. 1. c. 4. Rodenb. de jure conjug. tit. 4. parte alterâ. c. 1. vid. Leeuw. Parat. jur. noviff. libr. 4. p. 1. cap. 15. Cenſur. forenſ. libr. 1. cap. 12. & 13. n. fin. & ex illis Waſſenaer Pract. notariael. c. 13. n. 42.

Denique quorundam moribus artis eſt communio, etiam poſt mortem, ſic ut viduæ defuncti artificis liceat per ſervulum artificio illud exercere. Ita Lutetia sæpe judicatum fuiſſe, etiam Tholoſæ, reſert Gregor. Tholoſ. Synt. Jur. libr. 9. c. 4. n. 11. Idem quod noſtrates obſervant, ſaltem ad an-nale ſpatium à tempore mortis defuncti computandum.

11. Verum explicandum illud superest, quando de moribus locum obtineat hic effectus nuptiarum ratione communicationis bonorum? *Resp.* De moribus Gelriæ, Hollandiæ & Transisulaniæ, Gallorum, etiam quorundam Germanorum, sufficit celebratio nuptiarum in facie ecclesiæ facta, vel coram lege loci. Argent. ad Brittan. art. 408. gloss. 1. Goris Adv. part. 5. c. 2. n. 4. Grot. 1. introd. 5. n. 24. Neostad. de Pact. Anten. observ. 15. 16. 17. Coren consil. 7. 26. n. 64. Buf. ad l. 6. D. Ritu Nupt. num. 8. Transil. p. 2. tit. 2. art. 2. in fin. Mornac. ad l. 5. 6. D. de Ritu Nupt. Chassan. ad Burg. rubric. 4. §. 6. Gloss. marie. Gail. 2. observ. 80.

Secundum jura Saxonica non sufficit publica Solemnitas, verum insuper requiritur nuptiarum consummatio, id est, ut thorum geniale conscenderint novi nupti. gloss. nova Lantrecht. libr. 3. artic. 45. Rittershus. de diff. Jur. Civil. & Canon. libr. 1. cap. 1. p. mihi. 29. Cui juri congruunt mores Trajectensium, qui desiderant mensæ lectique communicationem. Statut. Ultraj. Rubric. 22. §. 1. Messanensium consuetudine non aliter censetur introducta bonorum communio, quam si conjuges liberos susceperint. Vid. Giurbam ad Messan. c. 1. gloss. 1. n. 24. & gloss. 3. n. 50. & gloss. 4. n. 6. part. 1.

12. Plures hic enarrarem nuptiarum effectus, veluti, quod mulier eandem cum marito domum inhabitet; adeoque eundem migrantem sequi teneatur. l. 1. §. si vir. D. Sylanian. l. 1. 5. D. de Ritu Nupt. c. unaquæque. 3. q. 2. Tiraquell. ll. connub. 1. n. 39. Menoch. 2. Arbitr. 469. n. 3. Carpzov. jurispr. consistor. 2. tit. 12. def. 1. & seqq.

Quod unum sortiatur domicilium, & forum, & ubi maritus, etiam ipsa conveniri debeat. l. 5. in fin. D. Ritu Nupt. l. fin. Cod. de Incol. libr. 10. ibique Gothefred. l. 65. D. de judic. vid. Groenw. ad tit. Cod. Qui Legit. Person. stand. in judic.

Quod dignitatis & honoris maritalis sit particeps, l. 8. D. de Senat. l. ult. D. cod. l. fin. Cod. de incol. l. fin. Cod. de Dignit. Perez. Cod. de Nupt. n. 17. 18. Quem retinet mulier, quandiu manet in viduitate; nisi à Principe impetraverit ut si inferioris dignitatis viro nubat sibi liceat retinere prædefuncti mariti dignitatem. l. fin. D. de Senat. Secus quam obtinebat jure Mosaico in filiâ sacerdotis, quæ vidua erat facta; de quo casu vid. Levit. 22. v. 12. 13. Verum quia hæc alioris sunt indaginis, eorum latior explicatio ad Pandectarum titulos potius erit referenda. Vid. Gregor. Tholof. Synt. jur. univ. libr. 9. c. 4. & 11. cap. 4. Althus. 1. dicajol. cap. 29.

LIBER. I. TITULUS. X.

D E

N U P T I I S.

Justas autem nuptias inter se cives Romani contrahunt, qui secundum præcepta legum coeunt, masculi quidem puberes, fœminæ autem viripotentes, sive patresfamiliarum sint, sive filii familiarum: dum tamen, si filii familiarum sint, consensum habeant parentum, quorum in potestate sunt. *Nam hoc fieri debere, & civilis & naturalis ratio suadet:* in tantum, ut iussus parentis præcedere debeat. Unde quæsitum est, an furiosi filia nubere, aut furiosi filius uxorem ducere possit: cumque super filio variabatur, nostra processit decisio; quæ permissum est, ad exemplum filiæ furiosi, filium quoque furiosi posse & sine patris interventu matrimonium sibi copulare, secundum datum ex nostra Constitutione modum.

1. Ergò non omnes nobis uxores ducere licet: nam à quarundam nuptiis abstinendum est. Inter eas enim personas, quæ parentum liberorumve locum inter se obtinent, contrahi nuptiæ non possunt: veluti inter patrem & filiam, vel avum & neptem, vel matrem & filium, vel aviam & nepotem, & usque in infinitum, Et si tales personæ inter se coierint, nefarias atque incestas nuptias contraxisse dicuntur. Et hæc adeò vera sunt, ut, quamvis per adoptionem parentum liberorumve loco sibi esse cœperint, non possint inter se matrimonio jungi: in tantum, ut etiam dissoluta adoptione idem juris maneat. Itaque eam, quæ tibi per adoptionem filia vel neptis esse cœperit, non poteris uxorem ducere, quamvis eam emancipaveris.

2. Inter eas quoque personas, quæ ex transverso gradu cognitionis junguntur, est quædam similis observatio, sed non tanta. Sanè enim inter fratrem sororemque nuptiæ prohibi-

tæ sunt, siue ab eodem patre eademque matre nati fuerint, siue ex altero eorum. Sed si qua per adoptionem soror tibi esse cœperit, quamdiu quidem constat adoptio, sanè inter te & eam nuptiæ consistere non possunt: cum vero per emancipationem adoptio sit dissoluta, poteris eam uxorem ducere, Sed & si tu emancipatus fueris, nihil est impedimento nuptiis. Et ideo constat, si quis generum adoptare velit, debere eum antea filiam suam emancipare: & si quis velit nurum adoptare, debere eum antea filium suum emancipare.

3. Fratris verò, vel sororis filiam, uxorem ducere non licet: sed nec neptem fratris vel sororis quis ducere potest, quamvis in quarto gradu sint. Cujus enim filiam uxorem ducere non licet, neque ejus neptem permittitur. Ejus verò mulieris, quam pater tuus adoptavit, filiam non videris impediri uxorem ducere: quia neque naturali, neque civili jure tibi conjungitur.

4. Duorum autem fratrum vel sororum liberi, vel fratris & sororis, conjungi possunt.

5. Item amitam, licet adoptivam, ducere uxorem non licet, item nec materteram; quia parentum loco habentur. Quâ ratione verum est, magnam quoque amitam, & materteram magnam prohiberi uxorem ducere,

6. Adfinitatis quoque veneratione à quarundam nuptiis abstinere necesse est: ut ecce privignam aut nurum uxorem ducere non licet; quia utræque filia loco sunt. Quod ita scilicet accipi debet, si fuit nurus aut privigna tua. Nam si adhuc nurus tua est, id est, si adhuc nupta est filio tuo, aliâ ratione uxorem eam ducere non poteris; quia eadem duobus nupta esse non potest. Item si adhuc privigna tua est, id est, si mater ejus tibi nupta est, ideo eam uxorem ducere non poteris, quia duas uxores eodem tempore habere non licet.

7. Socrum quoque & novercam prohibitum est uxorem ducere, quia matris loco sunt. Quod & ipsum dissolutâ deum adfinitate procedit. Alioquin si adhuc noverca est, id est,

est, si adhuc patri tuo nupta est: communi jure impeditur tibi nubere, quia eadem duobus nupta esse non potest. Item si adhuc focrus est, id est, si adhuc filia ejus tibi nupta est, ideo impediuntur tibi nuptiæ, quia duas uxores habere non potes.

8. Mariti tamen filius ex aliâ uxore, & uxoris filia ex alio marito, vel contrâ, matrimonium rectè contrahunt: licet habeant fratrem sororemve ex matrimonio postea contracto natos.

9. Si uxor tua post divortium ex alio filiam procreaverit, hæc non est quidem privigna tua: sed Julianus ab hujusmodi nuptiis abstineri debere ait. Nam constat nec sponsam filii nulum esse, nec patris sponsam novercam esse: rectius tamen, & jure facturos eos, qui ab hujusmodi nuptiis abstinuerint.

10. Illud certum est, serviles quoque cognationes impedimento nuptiis esse, si fortè pater & filia, aut frater & soror manumissi fuerint.

11. Sunt & aliæ personæ, quæ propter diversas rationes nuptias contrahere prohibentur, quas in libris Digestorum, seu Pandectarum, ex vetere jure collectarum, enumerari permisimus.


12. Si adversus ea, quæ diximus, aliqui coierint, nec vir, nec uxor, nec nuptiæ, nec matrimonium, nec dos intelligitur. Itaque ii, qui ex eo coitu nascuntur, in potestate patris non sunt: sed tales sunt (quantum ad patriam potestatem pertinet) quales sunt ii, quos mater vulgò concepit. Nam nec hi patrem habere intelliguntur, cum & his pater incertus sit. Unde solent Spurii appellari, *παρὰ τὴν σποράν*, id est, à *satione*, & ἀπάτορες, quasi sine patre filii. Sequitur ergò, ut dissoluto tali coitu, nec dotis, nec donationis exactio locus sit. Qui autem prohibitas nuptias contrahunt, & alias pœnas patiuntur, quæ sacris Constitutionibus continentur.

13. Aliquando autem evenit, ut liberi, qui statim, ut nati sunt, in potestate parentum non sunt, postea redigantur in potestatem patris; qualis est is, qui dum naturalis fuerat, postea curiæ datus, potestati patris subjicitur: nec non is, qui à mu-

liere libera procreatus, cujus matrimonium minimè legibus interdictum fuerat, sed ad quam pater consuetudinem habuerat, postea ex nostra Constitutione, dotalibus instrumentis compositis, in potestate patris efficitur. Quod & aliis liberis, qui ex eodem matrimonio postea fuerint procreati, similiter nostra Constitutio præbuit.

COMMENTARIUS.

- | | |
|---|----------------------------------|
| 1. <i>Quanam antecedant NUPTIAS?</i> | 4. <i>Quid Moribus obtineat?</i> |
| 2. <i>Quid sint SPONSALIA?</i> | 5. <i>Quid Jure Canonico?</i> |
| 3. <i>Quomodo inita Jure Hebræorum.</i> | |

1.  Uptias antecedere, vel sequi poterunt dotis datio, & propter nuptias donatio. Verum quandoquidem ejus donationis vix ullus; saltem exiguus superest usus, etiam dotium pleraque privilegia cessant, non iis immorabor. Argentr. ad Britt. artic. 404. in rubric. n. 6. & 419. gloss. 1. Cujac. 5. obs. 4. & consil. 24. — Gudel. 1. de jure noviss. 8. Sand. de feud. Gelrix tract.

2. tit. 2. cap. 4. §. 1. n. 15. Grot. 2. Manud. 11. 12. Goris advers. de societ. conjug. c. 5. Groenw. ad tit. Cod. de jure dotium, ibique plures.

Antecedunt nuptias, idque frequenter pacta dotalia, ut tamen omitti potuerint; quo casu statutaria bonorum communio censetur introducta, quæ etiam obtinet, si pactis dotalibus non sit exclusa. De quibus omnibus consule Neostadium de Pact. dotal. Andream Kolh. cod. tract. Peckium de testam. conjug. 1. c. 6. & passim. Rickium in fin. tract. de union. prol. Everh. consil. 199. Grotium introd. 2. c. 12. Coren obs. 30. Fabr. Cod. 5. tit. 5. 9. Sand. 2. tit. 5. def. 8. Anton. Matth. disp. 9. de Pactis dotal. tract. de Nupt. Groenw. ad tit. Cod. de Pact. convent.

2. Antecedunt ut plurimum sponsalia, quæ sunt mentio, & repromissio vel ut Hottom. mutua repromissio futurarum nuptiarum, ritè inter eos, quibus jure licet, facta. Et contrahebantur olim mutuis stipulationibus, unde sponsoris & sponsæ promiscua nomina. l. 1. & seq. D. de Sponsal.

Hodie sufficit consensus, quoquo modo declaratus, modo contrahentes, non sint minores septennio, & consensum habeant eorum, in quorum sunt potestate. l. 4. 11. 12. 13. 14. D. de Sponsal.

Et sicuti solo consensu ineuntur sponsalia, ita etiam vel utriusque consensu, vel alterutrius tantum, quod singulare est, vel parentis voluntate dis-

diffolvuntur. l. 10. D. de sponsal. Modo id fiat repudio, & quidem missio nuntio, vel formulâ adhibitâ, *Conditione tuâ non iter*. Ut tamen si altero invito à sponsalibus recedatur, is qui arras dedit, si dissentiat, eos pendat, si qui accepit, restituat duplicatas. l. 2. §. in sponsal. D. de Repud. l. 1. Cod. de sponsal. l. mulier. Cod. cod. vid. Covarruv. de Sponsal. Beust. part. 1. de sponsal. Sneiderwin. hic. rubric. de Sponsal. Connan. 8. comm. 2. Hottom. de cast. nupt. p. 2. Gregor. Tholos. Synt. Jur. libr. 8. cap. 2. & seqq. Carpzov. jurisprud. consistor. libr. 2. tit. 2. §. 4. 10. Anton. Matth. disp. de Sponsal. & de Repud.

JURE HEBRÆORUM.

Veteribus in more fuisse positum, ut antequam concumberent, sponsalia facerent, colligere licebit ex historiâ Lothi, Genes. 19. qui generes suos desponsaverat suis filiabus, nondum tamen aliquo tempore subsequenti, cognitis, Chrysost. Homil. 43. in Genesin. tom. 1. Unde etiam ei qui sibi virginem desponsasset, nondum tamen eam duxisset, vacatio quæ concedebatur à militiâ. Num. 20. v. 7. Desponsandi modus apud Hebræos videtur fuisse, ut dote datâ sponsalia contraherent. Genes. 34. v. 11. 12. & 24. v. 10. & seq. & 57. & 29. v. 18. 1. Reg. 18. v. 25. 2. Reg. 3. v. 14. Osci. 3. v. 1. Quandoque etiam testibus, vel signatoribus intervenientibus, exemplo Boos. Ruth. 4. v. 9. Et consentientibus Parentibus, in quorum erant potestate, etiam si sui juris essent facti contrahentes. Genes. 24. Judic. c. 14. Sed tamen in vicem dotis à se datæ, sponsi dotem recipiebant, uti colligere licebit ex cap. 22. Exod. v. 17. Secundum Rabbinos autem mulier tribus modis desponsabatur. Nummo argenteo, aut re æquivalenti, scripto sive instrumento, & coitu. Celeberr. Hotting. ad l. 200. Juris Hebræorum. Vid. Zepper de ll. Mosaic. libr. 4. c. 17. 18. 19. 20. 21.

MORIBUS.

Sponsalia quidem de consuetudine plerorumque, vel solo consensu contrahuntur, ut tamen in majorem rei gestæ fidem scripturam interponendam velint. Vid. Sneiderwin. tit. Instit. de Nupt. c. de Sponsal. n. 31. Carpzov. Jurisprud. Consistor. libr. 2. tit. 3. def. 32. Apud Ultrajectinos, non aliter probantur, quam per adversarii confessionem, vel instrumentum publicum. art. 9. 10. Constit. Ordin. Ultraject. super matrim. de ann. 1584. Octob. 6. Alibi non quidem scripturam, testium tamen præsentiam desiderant. Transilul. 2. tit. 1. §. 2. 3. Daventr. 3. tit. 1. §. 3. vid. Beust. part. 1. cap. 13. de Sponsal. circa fin. Heigium. 1. quæst. 22. Scheplitz, ad Consuet. Brandenb. p. 1. tit. 2. §. 4. n. 14. Carpzov. p. 4. const. 20. defin. 7.

Et licet de jure Romano consensus matris in sponsalibus non esset adhibendus, Donell. 3. comm. 20. Cujac. 3. observ. 5. de moribus nihilominus,

patre deficiente, matris consensus est necessarius. Sneiderw. ad tit. Instit. hic. n. 38. Beust. de Matrim. cap. 47. Carpzov. Jurispr. Consistor. libr. 2. tit. 3. def. 44. vid. Reverendiss. Patris mei Polit. eccles. tom. 2.

Quæque ita uti juris est inita sunt sponsalia, illa ne quidem alterâ parte invitâ dissolvi poterunt, vel etiam ad lubitum patris revocari. In tantum etiam, ut nisi justam recedendi habeat causam, per carceres cogi possit. Sneiderw. hic. tit. de Sponsal. p. 1. n. 11. Everh. consil. 178. n. 7. Christin. vol. 3. decis. 124. Carpzov. Jurispr. Consistor. libr. 2. tit. 8. defin. 133. & seq. Scheplitz. ad Brandenb. p. 1. tit. 2. §. 7. q. 2. Groenweg. de ll. abrog. ad l. 1. Cod. de Sponsal. Anton. Matth. disp. fin. post nupt. & tutel. n. 6. - Alberic. Gentil. 4. de Nupt. 10. Zyp. not. jur. belgici tit. de sponsal. lib. 5. Anton. Matth. disp. fin. post nupt. & tutel. n. 7.

JURE CANONICO.

3. Sponsalia jure canonum vel expresso vel tacito consensu contrahuntur. c. sufficiat. 27. q. 2. suntque vel de præsentis, vel de futuro. c. pen. de Sponsal. c. 1. de Spons. duor. Et licet fuerint de futuro, non tamen alterâ partium invitâ ab iisdem rescilire fas est. c. 10. de Sponsal. Sanch. de Matrim. libr. 1. disp. 29. n. 4.

I N I T I U M.

- | | |
|---|---|
| 1. Quot Modis constituatur PATRIA POTESTAS? | 14. Quæ Requisita sint NUPTIARUM de Jure Canonum? |
| 2. Quæ NUPTIÆ jussu dicantur? | 15. Quæ Personæ licet NUPTIAS contrahant? & an SERVI, an PEREGRINI? |
| 3. Consensus est præcipuum NUPTIARUM requisitum. | 16. Quid Jure Divino? |
| 4. Moribus, quid obtineat? | 17. Quid Moribus? |
| 5. Quid Jure Canonico? | 18. Quid Jure Canonico obtineat? |
| 6. Consensus PARENTIS de Jure Civili est necessarius. | 19. An Digniores cum Vilioribus jungi possint? |
| 7. Non tamen MATRIS. | 20. An Diversæ Sectæ Homines? |
| 8. Sine PATRIS consensu NUPTIÆ sunt ipso Jure nullæ. | 21. Quid Jure Divino? |
| 9. Consensus Antecedens requiritur, sic ut non sufficiat Ratihabitio. | 22. Quid Moribus? |
| 10. Quid de Jure Divino? | 23. Quid Jure Canonico cautum sit? |
| 11. Quid Moribus? | 24. Utrum cum eâ NUPTIÆ in cantur, quam quis antea per alium polluerat? |
| 12. An CURATORUM Consensus sit necessarius. | An cum PATRIA? |
| 13. An Benedictio Sacra? | 25. Quid Moribus? |

26. Quid

26. *Quid Jure Canonico?*
 27. *Quâ Ætate NUPTIÆ procedant?*
Et an cum EUNUCHIS? DE-
CREPITIS?
 28. *Moribus & Jure Canonum Æ-*
TAS anticipari potest.
 29. *Potestas impedit conjunctionem.*
 30. *Quid Moribus obtineat?*
 31. *CURATOR non ducit Minorem.*
 32. *Moribus secus est.*
 33. *Id quod forte & Jure Canonum*
obtinet.
 34. *Spiritualis Cognatio NUPTIIS*
- est impedimento?*
 35. *Moribus id non obtinet.*
 36. *Adoptio NUPTIIS est impedi-*
mento.
 37. *Moribus secus est.*
 38. *Cognatio NUPTIIS officis.*
 39. *Obstat itidem Affinitas.*
 40. *Honestas publica NUPTIAS im-*
pedit.
 41. *Regulæ, ex quibus Casus Matri-*
moniales sint decidendi, propo-
nuntur.

Justas autem nuptias.] Potestas patria, quæ hæcenus fuit explicata multis r. constitui potest modis. Quorum alii manus honorifici ex parte filiorum, alii filiorum dedecus non respiciunt. Illi sunt, quando ex causis ingratitude etiam inviti revocantur in potestatem. l. 1. Cod. de liber. ingrat. Gothefred. in l. 12. D. Adopt. in not. Qui modi filiorum dedecus non respiciunt, vel naturâ sunt introducti, vel lege, vel utroque modo simul. Naturâ, id est nuptiis, quod inde quæsi dicantur liberi naturales. in it. Instit. de Adopt. Lege, id est adoptione, quod adoptati sint legitimi tantum. loc. cit. Utroque modo simul, id est legitimatione. §. fin. hic. l. 6. 11. Cod. natur. liber. Nov. 89. & sententiâ judicis, si quis alicujus filius sit pronuntiat. l. 1. in fin. l. 2. 3. D. de Adgnosce. liber.

Nuptiis naturalissime patria constituitur potestas, non tamen in civitate Romanâ, nisi nuptiæ sint justæ, & legitimæ: neque enim si injustæ, nuptiarum merentur nomen. Sunt tamen qui distinguunt inter nuptias justas & vulgares. Illæ dicuntur, quæ jure Quiritium constant, & non nisi inter cives Romanos obtinent. Hæ, quæ forte cum peregrinis contrahuntur, vel quando uxor quidem in domo habetur affectione maritali, sed aliquod juris requisitum deest, puta consensus parentis, vel ut alii censent, quia mulier non est accepta aquâ & igni, vel forte quia non est deducta in domum mariti. vid. l. 13. §. 1. 2. D. Ad l. Jul. de Adulter. l. 5. D. de Ritu Nupt. Cujac. 6. observ. 16.

Et merito hæ nuptiæ vulgares vel etiam injustæ appellari poterunt, quia licet ritus desint nuptiarum de jure Romano requisiti, liberi tamen non sunt concepti è vago quo concubitu. Verum quidem est in civitate Romanâ non censentur legitimi, jure tamen gentium, quo matrimonium est introductum, & vagus hominum concubitus improbat, aliqua fuit distinctio inter

inter sobolem è matrimonio natam, & vulgo conceptos. Sic ut veritatè minus consonum videri debeat, quod Imperator Justinianus, Nov. 89. c. 1. in med. Nov. 74. c. 1. omnes natos velit à naturâ similiter esse legitimos, sive sparsim concepti sint, sive è conjugio quæsit; quod inter gentes, etiam ante jus civile locum habuit, idque ex institutione divinâ, dictante naturâ. Genes. 2. v. 21. & seqq. & cap. 3. vid. Connan. 8. comm. 1. & seqq.

3. De justis & legitimis nuptiis, quæ si formam si ritus intueamur, juris sunt Romani, hic erit dicendi locus. Ubi ordine sum explicaturus, earundem requisita, dein personarum conditiones, & qualitates, inter quas est jus connubii, si Romanas leges intueamur.

Potissimum nuptiarum requisitum (nisi quispiam velit potius causam esse proximam) est consensus eorum, qui contrahunt, & in quorum sunt potestate. Eorum qui contrahunt; ut sive stipulatione, sive alio quocumque modo sit interpositus, sive inter præsentés sive inter absentes, nihil intersit. 1. hic. l. 4. D. de Pignor. & Hypoth. l. 31. D. de Regul. jur. Sicuti nec interest, consensus interveniat expressus, vel tacitus, ut vel nutu, puta à muto celebretur. l. mutus. 76. D. jure dot. l. qui tacet. 142. ibique Petr. Faber. Bronchorst aliique. vel aliquo facto, scil. cohabitatione declaretur. 1. in liberæ. 24. D. de Ritu nupt. Ut à contractu nuptiarum abesse debeat, justus metus, dolus, error, furor, ebrietas, quæ omnia consensui adversantur. Alberic. 3. de nupt. 11. & 4. de nupt. 12. 13. Hottom. consil. 43. n. 2. Wefembec. Parat. D. hic. Sneydw. Harpricht. hic. Melchior Klinck. de caus. matrim. p. 10. 11. & seq. & p. 81. Hænon. ad Instit. disp. 2. q. 9. Basilij Monnerus de Matrim. p. 82. & seqq. Anton. Matth. disp. 4. de Nupt. n. 9. & seqq.

JURE DIVINO.

Consensus ille contrahentium est apprime necessarius, ne maritus & uxor inviti fiant una caro. Genes. 24. Judic. 14.

MORIBUS.

4. Consensus in nuptiis non inducitur solâ cohabitatione, quod opus sit confirmatione in facie ecclesiæ, vel coram lege loci adhibitâ, uti post dicitur. Vid. Constit. Ordin. Ultræjectin. super matrim. de ann. 1584. Octobr. 6. Licet id facile concesserim cohabitationem ist antiquis & dubiis esse loco probationis. Vid. Foster. de success. 4. cap. 8. n. 17. Palæot. de noth. & spuris. c. 5. n. 1. & 4. & cap. 19. n. 8. Bacchov. ad Treutl. vol. 2. disp. 6. thes. 5. litt. D.

JURE CANONICO.

5. Olim de jure canonico cohabitatione inducebatur matrimonium, si modò sponsalia antecessissent. Alciat. 2. Præsumpt. 5. Ut tamen postmodum

dum desideravēint præsentiam Parochi & testium. c. aliter. 30. q. 5. Quin-
imo consensus etiam per copulam supervenientem induci poterat. c. 2. de
eo qui dux. in matrim. c. ad id. 21. de Sponsal.

Sequitur ut nonnulla dicantur de consensu eorum, in quorum potestate 6.
sunt contrahentes. Qui de Jure Civili adeo erat necessarius, ut sine eo con-
tractæ nuptiæ, injustæ appellarentur. init. & §. 1. Instit. hic. l. 2. 10. D.
eod. l. 12. Cod. eod. Isque non expresse tantum verum etiam taci-
te interponi poterit, ut si pater cognitis nuptiis, dum celebrantur, non
contradicat. l. 5. Cod. de nupt. Licet forte pactis antenuptialibus non
subscripserit, quod propterea censeri non debeat contradixisse. l. 2. Cod.
de Nupt. Perez. Cod. eod. n. 14. Quinimo filius-familias metu reveren-
tiali induci poterit, quod est in jure nostro, eundem cogi, ut eam in uxorem
ducat, quam si sui juris fuisset, forte non duxisset. l. 22. D. hic. Et quod fi-
liam-familias spectat, ea dissentienti licentiam non est habitura, nisi mori-
bus indignum, vel turpem maritum, ei pater eligat. l. 11. 12. D. de Sponsal.

Quibus non obstat. l. velle. 4. D. de Reg. jur. Quod velle non creda-
tur, qui obsequitur imperio patris vel domini. *Resp.* enim regulam juris ac-
cipiendam de merâ & spontaneâ voluntate, quæ ex alieno non pendet ar-
bitrio. Ut tamen quis quid velle censeatur limitate, semiplenâ voluntate,
qui jussui paterno obsecundat. Quod si nuptiæ consensu patris initæ fuerint
distractæ, ne quidem sine ejusdem consensu reconciliari poterant. l. nuptiæ.
18. D. hic. l. si ut 7. Cod. eod.

Nec patris tantum, sed etiam avi consensum desiderant leges, siquidem
nepos sit in potestate avi. l. si nepos. 9. D. hic. Paulus nihilominus solius
avi consensum existumat sufficere. l. 3. D. hic. Qui tamen & filii consensum
desiderat in oratione. 16. §. 1. D. eod.

An ergo dicemus Paulum sibi adversari? An potius cum Hottom. in d.
l. 3. ponemus casum, quo nepos ex uno filio, duxit neptem ex altero; ut
sufficere videatur solus consensus avi, quod non invito filio agnascatur hæ-
res. Secus quam obtineret, si nepos extraneum duceret in uxorem, quo
casu utriusque consensum esse necessarium statuemus. Hottom. 4. de Cast.
Nupt. 3. Ita tamen existumarem, si filius sit in potestate sui patris, avi con-
sensum ad nuptias nepotis sufficere, quod demum patris potestas, sit in
actu & exercitio, defuncto avo, quæ eo vivo in potentia dici poterat, in
princ. v. tunc post obitum. Instit. quibus mod. solv. patr. potest. vid. ta-
men aliter respondentem Gothefred. in not. ad d. l. 3. Pacium 8. Antin.
48. Heig. part. 1. q. 22. n. 57. Alber. 4. de nupt. 2.

Quid si parens ab hostibus sit captus, ut consensum nuptiis accommo-
dare nequeat? Si quidem vota urgeant contrahentium, neque intra trien-
nium

nium revertatur non flagitabimus ejus consensum. l. 9. 11. D. hic. Idem quod respondendum erit, si absit, vel ubi hæreat aut latitet, ignoretur. l. 10. D. eod. Id quod æquè in filiâ atq; in filio receptum est, modo tali jungatur filia, cujus conditionem parens non fuisset repudiaturus. l. 11. D. hic. Jure tamen Codicis mutatio quæpiam juris est introducta in filia-familias, nec non in viduâ, quæ matris & propinquorum consensum adhibebit patre deficiente. l. 18. 20. Cod. hic.

Quid si pater in furorem inciderit, an non expectato patris consensu filius-familias nuptias contrahere poterit? Fuit constitutum id etiam licere, si avus sciret, suumque consensum adhiberet. l. 9. D. hic. Sicuti nuptiæ procedebant, Principe consentiente, quasi ille juris suppleret solemnitates. Arg. l. 19. Cod. de Testam. Filia vero furiosi, non expectato patris consensu, nuptias inire poterat. l. 25. Cod. hic. At tamen jure novo ita cautum est, ut auctoritate magistratus vel Episcopi vel curatoris furiosi, præsentibus etiam nobilioribus ex genere furiosi, nuptiæ celebrentur. d. l. 25. & l. tam dementis. Cod. Episcop. Audient. vid. Hottom. 4. de Cast. Nupt. c. 3.

Quid si filius per emancipationem, vel aliter sui juris sit effectus? Patris consensus de necessitate non desiderabitur. init. hic. l. 25. D. eod. Alciat. 4. Parerg. 22. diff. Harmen. 4. tit. 4. §. 3. Secus quam obtinet in filiâ emancipatâ, quæ parentum consensum interponi curabit. Si tamen in eligendo sponso emancipata & parentes dissentiant, judex illius potius quam horum sequetur judicium. l. 18. 20. Cod. hic.

7. Verum an sicuti patris, ita & matris adhibendus erit consensus? Civili ratione non requiritur, sicuti nec consensus avi materni, ut tamè humanitatis ratione non tantum matris verum etiam propinquorum consensus quandoque requiratur. init. Instit. hic. v. quorum in potestate. Arg. l. 3. D. de Just. & Jure. l. 1. 2. D. obseq. Parent. & Patron. præstand. l. 6. D. de in jus voc. Cujus etiam contemplatione patris vel avi qui filium vel nepotem emancipavit, consensus desideratur. l. 3. D. de contr. tabul. Quod si filia sit minor annis 25. vel emancipata, patre defuncto, matris, curatorum & propinquorum consensus erit necessarius, idque tam in primis, quàm secundis nuptiis. Inter quos si de eligendo marito minus conveniat, judicis arbitrio res erit committenda, qui filia sequetur voluntatem, si quidem eligere sibi vellet maritum. l. 18. 20. Cod. hic. Cujac. 3. obs. 5. Donell. 13. comm. 20. vid. Connan. 8. comm. 4. Menoch. 2. Præf. 4. Quod si intra minorem ætatem constituta, sine eorum consensu nupserit, justam ex hereditationis causam præbuisse, judicatur. Arg. l. 18. 20. Cod. inoff. testam. Nov. 115. Vid. Hænon. disp. ad Instit. 2. quæst. 48.

In tantum autem de jure Romano eorum, quorum sunt in potestate consideratur consensus, ut nuptiæ si ille desit, ipso jure nullæ sint, & liberi inde nati, illegitimi. init. hic. junct. §. fin. cod. l. 2. D. hic. l. 11. D. statu homin. l. 68. D. de jure dot. l. 4. Cod. incest. nupt. l. 1. D. qui not. infam. Ut tamen abusive appellentur nuptiæ, sicuti salum testamentum, dicitur testamentum. l. 2. D. testam. quemadm. aperiant. Vid. Alberic. 4. de nupt. 7. Donell. 13. comm. 20. Sand. 2. tit. 1. def. 4. Goris tract. 3. advers. 10. n. 18. Bezam de Divort. p. 77. 145. diss. Hottom. 4. de Cast. Nupt. 3. & illustr. quæst. 9. Cujac. 3. obs. 5. Sncidw. Instit. de Nupt. p. 2. n. 35. vid. Ritterhus. de differ. jur. civil. & can. 1. c. 3. Perez. Cod. hic. n. 16.

Neque obstat l. 13. §. plane. D. Ad l. Jul. de Adult. Quod non ibidem per injustas nuptias intelligamus quæ nullæ erant, verum quæ initæ nondum forte deductâ muliere in domum mariti. vid. Gothefred. ad d. l. 13. in not.

Multo minus obstat l. 1. §. 3. D. de liber. exhib. ubi nuptiæ subsistunt, quæ sine consensu parentis erant initæ. Resp. Nuptiæ ibidem erant contractæ patre consentiente, verum poterat jure antiquo pater, idque jure patriæ potestatis matrimonium jure initum dissolvere, quod filia divortium esset in ejus potestate. l. 4. 5. Cod. de Repud. Suadendus igitur est pater, ne velit acerbe suo jure uti, si matrimonium esset concordans, & liberis subnixum.

Quinimo prænominatus patris consensus adeo necessarius est, ut etiam præcedere debeat, siue sit expressus siue tacitus, nec sufficiat superveniens, dicta ratihabitio. In tantum etiam, ut ab eodem tempore justæ nuptiæ intelligantur, quo consensus paternus fuit adhibitus. init. Instit. hic. l. 11. D. statu homin. l. 13. §. 6. D. Ad l. Jul. de Adult. l. 68. D. jure dot. Neque enim id usquam mutatum, quod ne quidem jure novo mandato aut jussui æquiparetur ratihabitio, quando lex expressè desiderat consensum de præterito, vel præsentī. Cujac. 3. obs. 5. Contius 1. disput. 7. Hottom. Illustr. q. 9. Hænon. disp. 2. ad Instit. 7. diss. Basil. Monnerus de Matrim. p. 61. & seqq. Acacius Enenck. Baro. de Privil. Par. & libr. 6. c. 2. Stephan. de Malefc. de Nupt. c. 4. p. 52. Hottom. 4. de castis nupt. 3. sibi contrarius.

JURE DIVINO.

Consensus patris in nuptiis de jure divino videtur fuisse necessarius. Idque vel inde colligere licebit, quod passim sacra pagina non liberis, sed parentibus det præcepta liberos elocandi. Exod. 54. v. 16. Deuter. 7. v. 3. Jerem. 29. v. 6. 1. Corinth. 8. v. 38. Id suadent etiam exempla bonorum, qui parentes rogarunt, eorumque consensum efflagitarunt. Genes. 28. v. 1. & 24. v. 4-51. Judic. 14. v. 1. Quod & congruum instituto primitivæ ec-

eclesiarum, sententiis patrum, licet Pontificibus secus fuerit visum. Vid. Gothe-
fred. in comm. ad l. 25. D. hic. Acacium Enenck. Baron. de Privil. Parent.
& liber. Privil. 6. Ut tamen de jure divino suffecerit rati habitio. Gen. 24.
v. 3. 4. 50. 51. Arg. Numer. 30. v. 4. 5. vid. Exod. 22. v. 16. 17. Deut.
7. v. 3.

Præter consensum parentum censent de jure Hebræorum ad solemnia
vel ritus & hunc fuisse adhibitum, ut sponsa non in domum sponsi, sed in
locum separatam, in solitudinem deduceretur. Quo referri posset locus,
Cantic. 8. v. 5. Idque cum in finem, ut ibi nuptiarum festivitas celebraretur.
Osee 2. v. 14. Matth. 25. v. 1. Quam domum vulgi appellari putant. Jerem.
19. v. 8. Licet censeant postmodum etiam uxorem deductam fuisse in ma-
riti domum. Genes. 24. v. 67. Judic. 12. v. 9. 2. Regum 11. v. 27. Cantic.
3. v. 4. Sicuti de jure Romano hæc deductionis solemnitas fuit adhibita.
l. 5. D. hic. l. 32. §. si mulier. D. Donat. inter vir. & Uxor. Alberic. 2. de
nupt. 5. Donell. 13. comm. 20.

MORIBUS.

- II. Moribus quorundam populorum, non sufficit patris consensus, verum
insuper desideratur ejus, qui summas ibidem obtinet. Ita in Galliarum re-
gno, magnates non sine Regis approbatione ducunt uxores, nec co invi-
to & renitente suas filias nuptui dant. Pierre Matthieu an l. histoire de
Loviis 11. libr. 1. Limæi annotat. ad Procem. Capitul. Caroli 5. Idem
quod in Angliæ regno obtinet, etiam obtinuit in Hollandiâ, ne Comitissa
Hollandiæ non consentientibus Ordinibus vel statibus reipublice viro nu-
beret. Magnum Privil. Matris Burgund. Hollandis & Zelândis conces-
sum. Quinimo ubi homines proprii, ibi consensus dominorum ad eorum
nuptias desideratur. Ita saltem obtinet in Bavariâ, ducatu Neoburgensi
& alibi. Bavaric. Lantrecht. tit. 4. & artic. 9. p. 2. Privil. ducat. Neoburg.
Khraisser. ibid. Etiam in Anglia eorum consensus est necessarius, quorum
fundos pupilli possident, quinimo si illi domini sponsores aut sponsas desi-
gnaverint, & pupilli renuant, pretium dotis, donationisve persolvere do-
minis tenentur. Sinith. de Republ. Anglic. libr. 3. c. 5.

Cæterum de moribus patris consensum intervenire sufficit, nec desideratur
consensus avi, eo quod nuptiis patria potestas dissolvatur. Sichard. ad l. 22.
n. 16. Cod. de jure dot. Wesemb. Parat. D. de Adopt. n. 7. Sand. 2. tit. 7. def.
5. Grot. 1. manud. 6. Coenw. ad §. fin. Inst. de Patr. potest. dixi ibidem.

Patre vero defuncto, etiam matris consensus, ejus potestati liberi de-
ficiente patre subjiçuntur, est necessarius. Polit. Ordin. Holland. §. 3.
Constit. Ordin. Ultraj. de Matrim. ann. 1584. §. 5. Fris. 1. tit. 1. §. 6. 7.
Transil. 2. tit. 1. §. 2. Omland. p. 3. §. 6. Daventr. 3. tit. 1. §. 3. Grot. 1.
manud.

Manud. 5. §. *van oudts.* init. *Instit. hic.* *Moller.* 1. *Semestr.* 47. *Coler. decis.* 5. *Scheplitz* ad *Brandenb.* 1. tit. 2. §. 2. n. 7. *Christin.* ad *Mechlin.* tit. 19. artic. 30. *Zyp. not. jur. belgic.* tit. de sponsal. & matrim. *Sand.* 2. tit. 1. def. 2. 4. 6. *Groenw. init. Instit. hic.* *Anton. Matth. disp. fin. post nupt. & tutel. n.* 19.

Ita autem de moribus parentum exigitur consensus, ut ille in minorennibus, id est secundum *Hollandos* aliosque, in sceminis ad annum 20. in maribus ad annum 25. apud *Trajectinos*, in utroque sexu ad annum 25. sit de necessitate, dein non nisi de humanitate, & siquidem justas contradicendi causas habeant. *Polit. Holl. Ordin.* artic. 3. *Zeland. artic.* 7. de matrim. *Ultrajectin.* artic. 5. de ann. 1584. correcta per *Ordinat. decis.* de ann. 1659. April. 14.

Quod si parentes liberis consentire nolint, magistratum officium implorabunt, qui consensum parentum supplebunt, si nullam superesse contradicendi causam animadvertant. l. 19. D. hic. l. 16. Cod. eod. dict. *Ordinum nostrorum Constitutiones.* *Perez.* Cod. hic. n. 15. Vid. *Reverendissimi Parentis, Senis Venerandi* part. 1. *Politiz eccles. librum tertium* ubi omnes illi casus explicantur, & ad jus divinum examinantur.

Quid si filia vidua, quæ minorennis est ad 2. vota properet, an consensum patris desiderabit? Non videtur. *Polit. Ordin.* *Holland.* *Autor Batavic.* *Arcad.* p. mihi. 242. *Instruct.* *Amstelod. van Huweljck se faecken.* artic. 13. Statutum nihilominus *Ultrajectinum*, consensum patris exigit. *Rubric.* 22. artic. 6. Quod & de *Frisiæ* moribus est affirmandum. *Sand.* 2. tit. 1. def. 3. Licet alii hunc consensum tantum requirant de humanitate. *Gloss. Bald. Salicet.* ad l. 18. Cod. hic. *Covarr. de Sponsal.* part. 2. c. 3. §. 8. vid. ad hæc omnia *Acac. Enenck. Baron. de Privil. liber. & Parent.* 6. c. 3. 4. & seqq.

Verum an moribus nuptiæ sine consensu parentum contractæ erunt ipso jure nullæ, an rescinduntur, an potius subsistent, idque ex æquo & bono. *Resp.* Moribus istarum *Provinciarum Belgii.* quod *Hispano* paret, consensus quidem sub pœnâ requiritur, non tamen nullitatis matrimonii. *Constit. Carol.* 5. de ann. 1540. Octobr. 4. Unde & in *Regno Hispaniæ* graviter in eos animadvertunt, qui parentibus invitis nuptias contrahunt. *Pragmat. Philipp.* 2. de ann. 1563. *Molin.* 2. de *Primogen.* c. 16. n. 16. *Kinschot. Resp.* 28. *Zyp. not. jur. Belgic.* libr. 5. tit. de Spons. & matrim. Et non absimilem sanctionem retulit *Ferron.* ad *Burdegal.* tit. 4. de dote. §. 3. *Gregor. Tholos.* *Synt. jur. univ.* libr. 9. c. 3. n. 22. de seqq. *Nostrarum* tamen provinciarum statutis nuptiæ non subsistere videntur. *Polit. Ordin.* *Holland.* artic. 13. *Constit. Ordin. Ultraject.* de *Matrim.* ann. 1584. Octobr.

Octobr. 6. art. 5. 6. 7. 8. 9. & Ordin. decisior. de ann. 1659. April. 14. art. 14. Sand. 2. tit. 1. def. 4. *prolixè*. Goris advers. 3. c. 10. Quæ omnia tamen cum aliquo temperamento sunt accipienda auctore Batav. Arcad. p. mihi 238.

An igitur dissolvetur matrimonium, sine consensu initum, an potius suadendi erunt parentes, ne acerbè suo jure utantur? Quod postremum videtur admittendum, propter publicum scandalum. Vid. Sneider. part. 2. in fin. Instit. de Nupt. Beust. de Matrim. part. 2. c. 46. Heenon, disp. ad Instit. 2. n. 12. Goris loc. cit. Grot. 1. manud. 8. v. *Hutweljck*. Carpzov. 4. Constitut. 20. def. 15. vid. Dessel. in notis ad Zoef. Instit. hic. n. 7. diff. Beza de Divort. p. 144. Zepper. ll. mosaic. 4. c. 8. Alberic. de nupt. 47. c. 4. 5. 6. Oldendorp. class. 4. act. 26.

12. An etiam curatorum consensus in nuptiis minorennium est necessarius? Sicuti de jure Romano non requiritur eorum consensus. l. 21. D. hic. nisi causa honestatis. l. 72. §. si arbitrato. D. de Condit. & Demonstr. l. 8. Cod. hic. ita etiam de moribus Hollandiæ, aliarumque regionum ad nuptias minorennis non requiritur curatorum consensus, neque illorum dissensus, nisi justas habeant causas, nuptiis erit impedimento. Polit. Ordin. Holland. art. 3. 13. Sneider. ad tit. Instit. de Nupt. p. 2. req. n. 40. Grot. introduct. 1. c. 8. n. 2. & seqq. Groenw. ad l. 8. Cod. de Nupt. Nusquam enim magis libertas tam necessaria est, quam in nuptiis, ut ea per curatores restringi aut coarctari non debeat. Vid. Grot. 2. de jure bell. c. 5. n. 8. 9. Consult. jurisf. Batav. 4. consil. 368. in fin. Ut tamen si in iis curatoribus minorennis alicui sit nupta, nihil commodi majorennis ex ejus bonis percipere valeat. Constit. Caroli 5. de ann. 1540. Octobr. 4. modo justam contradicendi causam habuerint curatores. Vid. Decker. dissert. jur. 15. libr. 2. Unde apud pragmaticos receptum est, ut ubi statutum consensus desiderat curatorum in nuptiis minorum, ibi denegandi consensus potestatem non habeant, nisi justa causa impediatur. Sneider. ad tit. Instit. de Nupt. p. 2. requir. 4. n. 40. & ad tit. Instit. de Action. §. omnium. n. 49. 50. DD. in l. Titia. 132. D. de v. obligat. Grot. 1. introduct. part. 8. n. 2. ibique notata Groenwegii. Leeuw. Parat. jur. noviss. libr. 4. p. 1. c. 17. n. 6. & Censur. Forens. libr. 1. c. 13. n. 10. Duyfend. ad Consuet. Amstelod. 1. c. 37. p. 271. & seqq. Apud quosdam nihilominus deficientibus parentibus curatorum requiritur auctoritas. Id quod obrinet in Zelandiâ, Ultrajecti, in Frisiâ, Leidæ & alibi. Polit. Ordin. Zeland. artic. 7. Constit. Ordin. Ultraject. super matrim. de ann. 1584. artic. 4. Frisiæ 1. tit. 1. §. 1. Transilul. p. 2. tit. 1. §. 2. Leidens. art. 101. §. 3. Omland. p. 3. n. 6. vid. Sand. 2. tit. 1. def. 6. 7. Scheplitz. ad consuet. Brandenb. p. 1. tit. 2. §. 2. Lubec. 6. tit. 4. §. 4. ibique Mevius. n. 5. Anton. Matth. disp. fin. post nupt. & tutel. n. 20.

Ve-

Verum hic inquirendum, num præter consensum eorum, qui consentire debent, etiam de moribus benedictio ministri sacrorum, sit necessaria, id est deductio sponsi & sponsæ in domum Dei, seu in ecclesiam, ut nuptiæ à ministro in facie ecclesiæ confirmentur? *Resp.* Ita quidem velint canonistæ, quod etiam exigit novell. Leonis 89. Ut qui aliter inter Christianos fuerint sociati, pro veris conjugibus non sint habendi. Quod etiam nonnulli professioni purioris religionis addicti censent, moti arg. 1. Cor. 7. v. 39. & 14. v. ult. Verum illi falluntur insigniter, cum in unitis Belgii Provinciis, etiam apud protestantes in Germaniâ, sufficiant vel trinæ nundinales, vel dominicales proclamationes, (nisi sint ab Ordinibus remissæ) illæ ad curiæ valvas, hæ in facie ecclesiæ habendæ. Et quidem illis præmissis sufficere coram lege loci, id est Scabinis, præseste secretario, matrimonium esse celebratum, sicuti hisce præmissis confirmatur in ecclesiâ Christianorum. Constit. Polit. Ordinum Hollandiæ. §. 1. Constit. Ordin. Ultraject. de matrim. §. 1. & seqq. Fris. tit. 1. §. 11. Transil. tit. 1. §. 4. Goris advers. part. 1. c. 2. n. 9. 10. Grot. 1. introd. 5. n. 24. Coren consil. 26. n. 64. vid. Carzov. Jurispr. Consistor. libr. 2. tit. 8. defin. 37. Cypræum 1. de jure conub. 10. §. 1. n. 4. Licet apud Gallos utrumque desiderent, id est ut sint publicæ proclamationes nundinales, & insuper interveniente missâ benedictio sacerdotalis. Mornac. in l. 5. D. de Ritu Nupt. Ratio est, quod matrimonium ibidem sit sacramentum, cum de jure divino, quod nostri sequuntur, non sit res sacra, aut spiritualis, ut extra ecclesiam celebrari possit, etiam inter infideles subsistat, dum Judæi inter sese, pagani seu gentiles, matrimonium legitime contrahunt; tantum abest ut conjugium dici debeat nullum, si desit benedictio sacra, in facie ecclesiæ pronunciata. Non ideo tamen velim inter Christianos eliminatas sacras preces, quas in re tam arduâ interponere decens est & Christianum, quo felicem & prosperum eventum fortietur incepta conjunctio, & in unâ domo conjuges unam vitam vivant tranquille, & quidem in domino. 1. Corinth. 7. v. 12. & seq. Quæ etiam in primitivâ ecclesiâ adhibitæ fuere, adeoque nuptiæ celebratæ in facie ecclesiæ; non quod præcise ad essentiam facerent nuptiarum, verum ut contrahentes pie convenirent, illisque in posterum esset benè.

Nec obstat quod Constitutionibus Græcorum Imperatorum Leonis & Alexii fuerit cautum, ut in sacrâ congregatione nuptiæ celebrarentur, ut auctor est Harmenopolus, & indicant Novell. Leonis 74. 89. Quia dictorum Imperatorum constitutiones juris robur non obtinent, neque inter leges civiles sunt relatæ. Vid. Rittershus. ad Nov. p. 4. c. 1. n. 16. & seqq.

Multo minus officit argumentum Hottomanni qui illustr. quæst. 25.

contendit matrimonium in facie ecclesiæ celebrari debere, propterea quod sit juris divini. Nam si per jus divinum intelligat, matrimonium esse rem sacram, rem spiritualement, esse sacramentum, id quod ne quidem de eo præsumendum, jam graviter esset hallucinatus, & in fundamenta suæ religionis impigisset. Quod si velit matrimonium esse juris divini, id est divini instituti, in quantum Deum primum auctorem habet, jam non magis sequetur celebrandum esse matrimonium in ecclesiâ, quam magistratus locorum in ecclesiâ constitui & confirmari debere, quod eorum ordo sit juris divini origine & auctoritate. Roman. 13. v. 1. Et certe ignorare non debuisset Hottomanus, causas matrimoniales esse causas civiles, adeoque matrimonium, si in se spectetur, ut obtinet in humanâ societate, hominem spectare indifferenter, insuper habitâ ratione sectæ vel religionis, quod æque inter infideles, atque fideles conjuges subsistat, si externum hominem intueamur. Id quod Ludovico 4. respondit Marsilius Patavinus, cui consentit Basilius Monnerus tract. de Matrim. p. 3. c. 1. & 9. Alberic. de Nupt. 1. c. 1. 2. 7. Ut tamen negandum non sit, quin si casus aliquot matrimoniales sint dubii, consulendi sint Theologi, quorum officium est determinare secundum divina præcepta, qui gradus prohibiti vel non prohibiti. Hinc, licet Salvator noster divisionem hæreditatis sibi oblata abnuisset, quod eam fori secularis esse censeret. Lucæ 12. non tamen ea decidere detrectavit, deque iis disceptare, quæ matrimonii casus spectarent. Matth. 19. Quo sensu protestantes in Germaniâ, causas matrimoniales volunt esse mixti fori, in quantum in iis etiam de materiâ peccati agitur, vel in quantum, si fideles junguntur, sacra in facie ecclesiæ benedictio adhibetur. Basil. Monnerus de Matrim. in init. & p. 39. 98. Rittershus. in Prolegom. de diff. Juris Civil. & Canon. & ad Nov. p. 4. c. 12. n. 14. ibique Varii. Carpzov. Jurisprud. Consistor. libr. 2. tit. 1. def. 1. vid. Reverendiss. Parentis partis Politicæ Eccles. primæ librum tertium in 4.

JURE CANONICO.

24. Quod velint canonistæ matrimonia esse libera, ideo consensum parentum necessitate non desiderant, verum tantum de humanitate. cap. 14. c. 29. de Sponsal. & Concil. Trident. Sess. 24. super reform. matrim. Antiqui tamen canones, divino juri, rectæ rationi, legibus civilibus congruenter, consensum parentum in nuptiis de necessitate desiderant. c. aliter. 30. q. 5. c. non omnes 32. quæst. 2. c. honorantur. 32. quæst. 2. c. hoc sanctum. 32. quæst. 2. c. trin. 36. q. 2. Quam etiâ sententiam contra canonistas tuentur Basil. Monner. de Matrim. p. 41. 42. 43. Acacius Enenckel. Baro de Privil. Parent. & liberor. Privil. 6. c. 5. 6. 7. proluxe, & nervose. Steph. de Malefcat. de Nupt. c. 4. p. 53. & seqq. Erudite Hœnonius. disp. 2. ad

In-

Instit. q. 6. post Zepperum & alios. Anton. Matth. disp. de Nupt. 4. n. 4. Desiderant tamen canonistæ ad essentiam matrimonii sacram benedictionem. c. alter. 30. q. 5. & tit. de clandest. sponsal. publicas proclamationes in ecclesiâ per curionem faciendas, *quos Bannos*, vel *banna*, quasi *παῖν*, id est, universum, vel universis innotescat, quinam matrimonii fœdere sint jungendi. d. tit. Gregor. Tholos. Synt. jur. libr. 9. c. 5. n. 10. Mornac. ad l. 5. D. de Ritu Nuptiar. Besold. in Thesaur. Pract. in v. *Ban*. Zoef. Instit. hic. n. 20. Et videtur hic denunciandi seu proclamandi modus ab ecclesiæ Gallicanæ institutis originem traxisse, sicque jure canonico receptus fuisse. c. cum in tuâ. 27. de Sponsal. & Matrim. in quo hæc verba, *secundum consuetudinem ecclesiæ Gallicanæ*, per Raimundum Decretalium Collectorem, jussu Gregorii, omissa fuisse, post Anton. Augustinum, censet Filescus Theologus Parisiensis. in tract. de Paræciarum origine. p. mihi. 152.

Contrahunt cives Romani.] Præter requisita hæctenus enumerata, potissimum personarum in nuptiis habenda erit ratio: neque enim inter omnes indistinctè, neque cum omnibus est jus connubii. Ut in contrahentibus hæc sequentia spectanda sint. *Status, patria, conditio, ætas, potestas, adoptio, cognatio, affinitas & honestas*. Principio hic consideratur *Status*, quod ad nuptias contrahendas imprimis requiratur libertas: neque enim servorum erant nuptiæ, sed contubernium. l. 3. Cod. Incest. Nupt. l. Julius. D. condit. & Demonstr. Ulpian. tit. 5. Alciat. parerg. 6. c. 16. Panciroll. Variar. lect. 2. c. 273. sicuti nec inter liberos & servos jus erat connubii. l. Proculus. 67. D. de jure dot. l. 7. D. de Adgnos. liber. vel inter adscriptitium hominem, & mulierem liberam, quamvis dominus consenserit. Ut tamen qui ex eâ conjunctione nati, liberi nascantur, idque ex Justiniani constit. in l. fin. Cod. de Agricol. & Censit. Nov. 22. & Nov. 54.

Adscriptitiæ tamen cum libero connubium est, & inde nati censentur conditionis adscriptiæ. l. mulier. & d. l. ult. Cod. de Agricol. & Censit.

Secundo in personis inspicitur *patria*, id est, ut contrahentes cives sint Romani, vel jus civitatis impetraverint. instit. hic. Ulpian. tit. 6. §. connubium. Cajus 1. Instit. 4. Bœt. 2. in topic. Ciceron. Cum enim nuptiæ sint juris civilis, earum nulli sunt participes, nisi qui cives sunt Romani. l. 17. D. de Pœn. Quo nomine peregrini excludebantur, quibus nulla erat cum Romanis necessitudo, licet in orbe Romano degerent. Macrobi. 1. Saturnal. 6. Postmodum autem per Antoninum Imperatorem introductum est, ut omnes peregrini, qui in orbe Romano domicilium habent, jure civitatis gauderent. l. 17. D. de statu homin. in Prudent. 2. Contr. Symmachum. Ut Carol. Sigon. de Antiq. jure civium Roman. 1. c. 9. immerito reprehendat Justinianum, quod tantum inter cives Romanos nuptias ad-

mit-

mittat. Cum eo tempore omnes, qui sunt in orbe Romano, multo magis Latini, civium jure gauderent, etiam cives essent. Vid. Senec. in Thebaud. v. 515. ibique Delrion. in comm.

JURE DIVINO.

16. In populo Judaico nuptiæ prohibitæ fuere cum gentibus. Exod. 35. v. 16. Josuæ 23. v. 12. 1. Reg. 11. v. 1. 2. Esræ c. 9. 10. Exc. casu Deuter. 21. v. 11. 12.

Neque obstat, quod Ruth fuerit scæmina Moabitæ, quæ Booso nupta; quia non spectandum quid fiat, aut factum sit, quam quid fieri ex præcepto legis debuerit. Licet alii distinguant, num scæmina gentilis ad Judaïsmum esset conversa, num vero Gentilismo adhæsisset; quasi illo casu nuptiæ fuerint licitæ, hoc casu vetitæ. Id quod mihi non placet, quandoquidem Esræ 9. 10. Israëlita tenentur abdicare suas uxores alienigenas, licet non sit dubitandum, quin inter eas fuerint repertæ, quæ Judaïsmum amplexæ fuissent.

MORIBUS.

17. Cum servis nuptiæ non sunt prohibitæ, quod nulli tales censerî possint, multo minus cum peregrinis, ut ex illis nati liberi, & cives censeantur, nisi statutis locorum aliter fuerit cautum. Quinimo pluribus in locis, nuptiæ cum peregrino marito initæ, eidem profunt ad jus civitatis consequendum citius, vel pretio viliori redimendum, quod apud nos etiam obtinet. Vid. Roseboom in Sylloge Conf. Amstel. tit. 40. §. 3. & 5. Mechlin. tit. 5. §. 3. ibique Christin. Antverp. tit. 35. n. 6. Daventr. part. 1. tit. 3. §. 1. Mornac. ad l. 20. Cod. de Episc. & Cleric. ex parte diff. vid. Anton. Matth. disp. fin. post nupt. & titul. n. 9.

JURE CANONICO.

18. Quandoquidem secundum canones matrimonium censetur esse sacramentum, & in spiritualibus nulla est differentia inter liberos & servos, ea propter etiam servi matrimonium contrahere poterunt. c. si scæmina 29. q. 2. c. 1. de Conjug. Servor. Nisi tamen quis per errorem duxerit ancillam, quam liberam esse putabat, quod desit consensus. c. si quis ingenuus. 29. quæst. 2.
19. *Qui secundum præcepta legum coeunt.*] Non sufficit de jure Romano, quem esse liberum, & civem Romanum, verum inspicienda est insuper *conditio* personæ, quæcum nuptias quis inire desiderat, eaque ad ll. est examinanda. Nam conditionis intuitu, nuptiæ multis nominibus fuere improbatæ. Ita ll. 12. tabularum sancitum fuit, ne inter patritios & plebejos jus esset connubii. Quam tamen legem abrogatam scribit Livius libr. 4. Halicarnass. libr. 11. Antiquo itidem jure cautum fuerat, ne ingenui liberianis jungerentur, quod

quod postmodum nihilominus omnibus permixtum, exceptis Senatorii ordinis viris. Id quod nominatim l. Papiâ introductum scribit Celsus in l. 23. D. hic. quod ad Augustum senem refert Dion. Cass. libr. 54. suæ historiæ. Vid. Lipsium in Taciti Annal. 3. l. Papiam explicantem. Excipiebantur duo casus. vel si veniam à Principe impetrassent. l. si senatori. D. hic. vel si Senatoriam dignitatem amisissent. l. Si quis in Senatorio. D. eod. Quinimo d. l. Papiâ ingenuis matrimonia cum infamibus sceminis interdicta fuerunt, nisi tamen à Principe famæ restitutionem impetrassent. l. 26. l. 34. §. ream. l. 43. D. hic. l. 23. §. 1. Cod. eod. Etiam ante l. Papiam, per Julias rogationes prohibitum fuit Senatorem ejusve filium, nepotem, pronepotem, jungi libertinæ, aut infami, aut abjectæ mulieri; vel senatoris filiam, neptem proneptemve ex filio, nubere libertino, aut infami viro. l. oratione. 16. D. hic. Lipsius d. loc. Si tamen resipuerint, qui infamen vitam degunt, nuptiæ cum iisdem licite jure novo contrahuntur. l. 23. Cod. hic. Nov. 51. 78. c. 3. Nov. 89. c. ult. Nov. 117. c. 6. Auth. sed novo. Cod. hic. Rittershus. de differ. Juris Civil. & Can. 1. c. 22.

Quinamplius jure Justiniano nuptiæ prohibitz cum monachis, & clericis in majoribus ordinibus constitutis. Auth. quomodo oport. Episcop. & Cleric. vid. Nov. 89. 117. Rittershus. ad Nov. p. 4. c. fin. Quod tamen nec jure canonico antiquo, nec in ecclesiâ orientali unquam fuit admissum. Nov. Leonis. 2. c. cum olim. 6. de cleric. conjug. c. antiquo. c. nicæna. distinct. 31. Vid. Basil. Monnerum de Matrim. cap. 1. p. 10. & seqq. Amef. Bellarm. Enerv. tom. 2. libr. 3. tit. 5.

Conditionis. Personæ intuitu illicitæ itidem censerī debent nuptiæ, 20. quæ non sunt initæ cum Christianis. Quales sunt Judæi, & ex interpretum sententiâ Saraceni Gentiles, cæterique infideles. Arg. l. 1. D. hic. l. 6. Cod. de Judæis l. 1. Cod. Theodos. de Nupt. Gentil. Covarr. p. 2. de matrim. cap. 6. §. 11. num. 3. Menoch. 2. Arbitr. 290. n. 21. Georgius Schultz, ad Princ. Instit. hic.

JURE DIVINO.

Non tantum cum gentilibus, verum etiam cum diversæ sectæ hominibus nuptiæ censentur illicitæ. Esræ cap. 10. 2. Cor. 6. v. 14. collat. cum Deuter. 22. v. 10. Ut tamen si religionis diversitas superveniat, non ideo conjux sit dimittenda. 1. Cor. 7. v. 10. 12. 13. Vid. Bezam de divort. p. 99. 103. Martyr. class. 2. locor. comm. 10. n. 34. Albericum 2. de Nupt. 19. Stephan. de Mælescot. de Nupt. c. 1. p. 16. & seq. Rittershus. de differ. juris canon. & civil. libr. 1. c. 23. Bacchov. ad Treutl. 2. disp. 6. thes. 1. Reverendiss. meum Parentem Eccles. Politicæ part. 1. libr. 3.

22. Belgii federati consuetudine non quidem cum Judeis aut Turcis matrimonia facile permittuntur; quia tamen sectarum est conniventia, cum hæreticis & sectariis matrimonia celebrari permissum est, idque coram magistratu loci. Ut proh dolor! religionis discrimen parum aut nihil curetur. Polit. Ordin. Holland. anni 1580. n. 4. Constit. Ordin. Ultraject. anni 1584. Vid. Grot. de jure belli libr. 2. c. 15. n. 10. Non autem in Belgio propter disparitatem personarum ratione status, aut dignitatis, aut ordinis ecclesiastici, unquam prohibita nuptia censentur. Gudel. de jure noviss. 1. c. 9. Wissenb. disp. P. 44. vol. 1. n. 10. 11. Secus quam obtinet apud nonnullos in Galliâ, ubi nisi quis cum suæ conditionis homine conjugium ineat, illiciti poenas solvere tenetur. Consuet. Meldens. art. 4. 5. Tricenf. artic. 3. & seq. Quinimo apud Genevenses conjugia cum Pontificiis iniri non poterunt, & si clam fuerint inita, rescinduntur. Ordin. Eccles. Genev. artic. 112. Id quod divino juri congruum est, per loca Scripturæ superius à me allegata. Ut ille peccare sit dicendus, qui sciens prudens uxorem diversæ sectæ, præsertim hæreticam duxit. Vix enim spectare audet ullam divinam benedictionem, qui pluri fecit mulierem, quam religionem. Et indignus censetur beneficio divinæ legis, qui eam ipsam offendit. Præterquam quod immemor esse non debeat eorum incommodorum, quæ comitantur conjugium, quod inter diversa de Deo sentientes est initum. De quibus gravissime Tertull. libr. 2. ad Uxorem. Ambros. Epistol. 70. ad Vigilium. Ut non immerito Synodus Constantinopolitana in Trullo judicaverit tale matrimonium non esse contractum in domino: quod equidem eorum esse debuisset, qui non in vanum etiam sperant se gratiæ vitæ fore hæredes. 1. Petr. 3. v. 7.

JURE CANONICO.

23. Illicita cum hæreticis & sectariis de jure canonum censentur matrimonia, si qui puriorem foveant religionem à sociâ coamite seducantur. c. si qui. §. 16. 28. caus. q. 1. c. 14. de hæret. in 6. c. 10. 31. Concil. Laodic. c. 72: concil. 6. gener. Constantin.
24. Ad conditionem nuptias impediendam refero adulterium, ut si quispiam adulterio se maculaverit, ne quidem eam, quam commaculavit, defuncto ejusdem marito, in uxorem ducere debeat. l. 13. D. quæ ut indign. l. 27. Cod. de Adulter. Quod ex Novell. Leon. 30. etiam obtinet, licet non intercesserit adulterium, verum tantum mulier vivo marito alium de matrimonio compellaverit. Insuper ad conditionem impediendam matrimonium spectat raptus virginis aut viduæ honestæ, quæ raptori jungi non potest. l. unic. Cod. de Rapt. Virgin. l. pen. Cod. Episc. & Cleric. nov. de rapt.

rapt. mulier. 143. 150. Rittershus. de diff. Jur. Civil. & Canonici. c. 21.

M O R I B U S.

Is qui mulierem, stante matrimonio adulterio polluerat, eam defuncto 25. marito in uxorem ducere potest. Schrader. ad tit. Instit. de Nupt. p. 2. n. 86. Coler. decis. 176. n. 30. Carpzov. p. 4. const. 20. def. 6. Anton. Matth. disp. fin. post nupt. & tutel. n. 11. Neque de moribus raptus crimen est impedimento, quo minus post impetratum rescriptum seu beneficium gratiæ, vel remissionis, raptori nubat rapta. Sneider. ad §. sunt & aliæ. Instit. hic. Beust. part. 1. de Sponsal. c. 39. Damhaud. Prax. criminal. cap. 97. n. 16. Carpzov. 4. constit. 30. def. 7. Groenw. ad l. unic. Cod. de Raptu Virgin. ibique plura.

J U R E C A N O N I C O.

Quæ per adulterium erat polluta, defuncto marito, quondam adultero 26. jungi potest. c. cum haberet. de eo qui dux. quam per adulter. Sicuti & raptor eam quam rapuit in uxorem ducit, si ea velit idque propter honorem matrimonii. c. raptor. 27. q. 2. c. cum causam. c. fin. de Raptor. Cui tamen sententiæ canones antiquiores contradicunt. c. 3. q. 2. contradicunt ex nostris Martyr. 2. locor. comm. 10. n. 33. & in comment. ad c. 2. Judic. Beza de Divort. p. 239. Anton. Matth. disp. 3. de Nupt. n. 11. vid. Rittershus. de differ. Jur. Civil. & Can. 1. c. 21.

Masculi quidem puberes. Licet septennio majoribus sponsalia inire fuerit 27. permissum, non tamen iisdem nuptias inire licuit, utpote in quibus non qualis qualis sufficit consensus, verum etiam præter consensum, potentia generandi desideratur. Justa igitur ætas in nuptiis requiritur, quæ puberes vesticipes facit, quæ pudor ubique vestitur, id est, ut masculi sint annorum 14. fœminæ annorum 12. id est, ut sint viri potentes, Gell. 5. noct. Attic. c. 19. Aufon. Eid. 4. l. 4. D. hic. l. 24. Cod. de Nupt. Non enim potest videri nupta, quæ virum pati non potest. l. pen. D. Quand. Dies Legat. Unde si ante tempus prædefinitum puella in viri domum solemniter & adhibitâ pompâ sit deducta, non ante tamen justa & legitima uxor censetur, quam ætatem illam impleverit. l. minorem D. hic. l. dotis promissio. D. de jure dotium. Vid. Azonem in summ. Cod. hic. n. 8. Beroald. ad Sueton. in August. Mornac. in l. minorem. 4. D. hic. Quod in tantum procedit, ut ne quidem sponsalia contracta censeantur, licet ita voluerit Julianus. l. quæ situm. D. hic. l. 32. §. pen. D. donat. inter virum & uxor. l. 68. D. jure dot.

Verum quæ ratio est, quod citius fœmina ad nuptias admittatur quam masculus? An quia naturæ seu temperamenti calidioris est, uti vult Horus apud Macrobi. Saturn. 7. c. 7. ? An quia pubertatem festinat, id est ci-

tius quam masculus pubescit? Quod verissimum est. Aristotel. de Gener. animal. 4. c. 6. Plutarch. Sympol. 3. q. 4. Vid. Aphrodisæum. Problem. 1. 125. Accedit, quod propter affectuum vehementiam, major fornicationis metus sit in scemina, nisi elocetur. Etiam in masculo desideretur prudentia major, ut qui familiæ caput est futurus, cujusque curæ ejusdem regimen incunibit. Leo tamen Imperator ad abundantem cautelam suâ Novell. 74. in maribus 15. in sceminis 13. annos desideravit.

Quid si tamen qui pubes est, generandi potentiâ destituatur, qualis est eunuchus, seu eviratus? Non ille ad contrahendas nuptias admittitur, secus quam obtinet in spadone, cujus vitium est curabile. l. 39. §. 1. D. de jure dot. l. 14. §. ult. D. Manumiss. Vindict. 1. 2. §. 1. D. de Adopt. §. 9. Instit. eod. Quid si ejus sit ætatis, ut generare forte non possit, qualis est senex? Ex ll. Papii Poppæis cautum erat, ne quinquaginta annis major scemina nuberet sexagenario, aut sexagenario minor sceminam duceret quinquagenariam, quod tamen postmodum sublatum. l. sancimus. Cod. hic. l. si major. Cod. legit. hæred. Quod si adeo sint decrepiti contrahentes, ut in illis omnis matrimonii finis cessaret, non videntur esse conjungendi. Vid. Barbof. ad l. 1. part. 1. n. 89. & seqq. D. Solut. Matrim. Beust. part. 2. de Matrim. c. 14. Bezam de divort. circa fin.

MORIBUS, & JURE CANONICO.

28. Quandoque congruenter juri canonum, etiam de moribus ante tempus nuptiæ iniri poterunt, siquidem in impuberibus tanta sit maturitas, & malitia uti ajunt, id est, nequitia suppleat ætatem. Ut ex actibus libidinosis eum eamve capaces judicent, qui matrimonii vinculo copulentur. c. 9. & fin. de despons. impub. c. 3. & ult. de eo qui cognov. consang. Spadones autem dicto jure non magis matrimonium contrahere poterunt, quam infantes. c. 2. de Frigid. & Maleficiat.
29. Sicuti non legitima ætas, vel etiam decrepita nuptiis est impedimento, ita potestas conjunctionem personarum facit illicitam; tam quæ publica est, quam quæ est privata. Publicæ intuitu potestatis, Rectoribus provinciarum interdictum est, ne inde oriundam, vel ibidem domicilium habentem, uxorem ducant. l. si quis. 38. D. hic. Idque ne invita, aut violenta videri possint matrimonia. l. 63. D. eod. Exceptis tamen quibusdam casibus de quibus in l. 65. D. hic. Hottom. p. 4. de cast. nupt. c. 3. Alberic. de Nupt. 3. c. 12. Guib. Costan. de Matrim. c. de his, qui nupt. contr. n. 127. Perez. Cod. Si quacumque prædit. Potestat.

MORIBUS.

30. Cessat de consuetudine hæc nuptiarum prohibitio contemplatione potestatis, nisi tamen mulierem per vim consensisse probari possit. Argentr.

ad Brittan. artic. 35. gloss. 1. n. 4. Mornac. ad l. 38. D. hic. Rittershus. diff. Jur. Canon. & Civil. libr. 1. cap. 20. Zypæus Notit. Juris tit. de Sponsal. Zoef. D. hic. num. 21. Perez. loc. cit. in fin. Groenw. in l. unic. Cod. Si Rector Provinc.

Privatæ potestatis respectu quæ civilis est, prohibetæ sunt nuptiæ inter 31. tutorem, curatorem ejusque hæredem, vel filium vel nepotem & pupillum; idque sub pœnâ infamiæ, dotis quæ data est restitutionis, & extraordinariæ coërcitionis, insuper relegationis si libertus sit tutor. Exceptis casibus ibidem enumeratis. l. 36. 59. 64. 66. 67. D. hic. l. 1. 3. 6. 7. Cod. interd. matrim. l. 4. Cod. de Excusat. l. qui pupill. D. Ad l. Jul. de Adult. Azo in summ. Cod. de interd. Matrim. Rævard. 2. varior. 10.

M O R I B U S.

Hæc prohibitio de consuetudine non obtinet; ut tamen rectius fecerit 32. tutor si rationes reddat, antequam pupillam suo filio jungat; quo saltem evitet fraudis suspicionem. Guittier. de tutel. p. 2. cap. 12. Rittershus. de differ. Juris Civil. & Canon. libr. 1. c. 20. Busius, Costal. in l. tutor. 36. D. de Ritu Nupt. Zyp. not. jur. belgic. tit. de Sponsal. in princ. Montan. de tutel. c. 31. in fin. Gudelin. 1. de jure noviss. c. 9. in fin. Perez. Cod. de interd. matrim. in fin. Carpzov. 4. Constit. 20. defin. ult. Coppen Pract. quæst. 1. q. 31. n. fin. Groenweg. tit. Cod. de interdict. matrimon. inter pupill.

J U R E C A N O N I C O.

Volunt & jure canonum hanc sublatam esse prohibitionem. Felin. in c. 33. 1. de Sponsal. Salicet. in l. fin. Cod. de interd. matrim. Sichard. ad tit. Cod. de interd. matrim. Rittershus. loc. cit. Beust. part. 1. de Sponsal. c. 21. in fin. Id quod post Cynum, negat Anton. Matth. disput. 3. de nupt. num. 12.

Contemplatione potestatis privatæ, quæ spiritualis dicitur, canonistis 34. appellata spiritualis, prohibetæ sunt nuptiæ cum patre spirituali, qui filiolum de fonte baptismatis sustulit. Id quod lex ad tres vel quatuor extendit gradus. l. si quis. 26. Cod. hic. Harnenop. 4. tit. 6. Alberic. 5. de nupt. c. fin. Rittershus. de differ. Juris Civil. & Canon. 1. c. 15. & seqq. Perez. Cod. hic. n. 4.

M O R I B U S.

Spiritualis hæc cognatio de moribus Germanorum, (excipe Saxones) 35. & nostrarum provinciarum non curatur. Beust. p. 2. de Matrim. cap. 51. Sneiderw. p. 3. de nupt. illic. n. 14. Coppen Pract. obs. 1. q. 32. n. 8. Groenw. ad l. si quis. 26. Cod. hic.

JURE CANONICO.

Ex constitutione Synodi in Trullo habitæ, iidem observantur gradus ratione spiritualis cognationis, qui in consanguineis observari solent. tit. Decret. de cognat. spiritual. vid. Rittershus. loc. alleg.

36. Præter hæcenus recensita nuptiarum impedimenta superest adoptio, cognatio, affinitas, & honestas. *Adoptionis* nomine, quæ cognationis civilis est species, in lineâ rectâ nuptiæ in infinitum sunt interdictæ. Quod non tantum obtinet inter eas personas, quæ adgnatorum censentur jure, ubi proprie locus est adoptioni, verum insuper inter eas quæ affiniuum nomen obtinent, licet abusive adoptioni applicetur.

Adgnatorum jure venit, quæ per adoptionem filia neptisve cæpit esse, sic ut uxor duci nequeat, licet dissoluta sit adoptio. §. 1. hic. l. Quin etiam. §. 1. D. cod. Affinitatis nomine prohibetur pater adoptivus filii sui adoptivi, quem emancipaverat, eo defuncto, uxorem ducere. Fuit enim ipsi aliquando quasi nurus. l. 14. §. 1. D. hic. Unde vice versa, filius adoptivus emancipatus, eam quæ quondam patris adoptivi fuit uxor, ducere non potest. Nec tamen est ei matris loco, nec cognata, sed quasi noverca. d. l. 14. in init.

Uterinam tamen patris adoptivi sororem ducere licet, quia in adoptione nulla cognationis habetur ratio. l. 12. §. fin. D. hic. Etiam matrem patris adoptivi. l. 23. D. de Adopt. materteram, neptem ex filio, post emancipationem. Arg. d. l. 23. Non tamen filiam aut sororem consanguineam, aut amitam patris adoptivi. Quia adgnatio inter illas personas contracta erat ante emancipationem. Quo casu nuptiæ sunt prohibitiæ. §. 4. Instit. hic. l. 23. in fin. D. Adopt. l. 35. D. v. oblig. l. 12. l. 17. D. hic.

Neque obft. l. 55. §. 1. D. hic. Quod ibidem librarium oscitantem loco *amita* scripsisse *matrem*, dein alium adjecisse materteram autumet Hottomannus. Vid. Alberic. 5. de nupt. 15. Hottom. de Castis nupt. p. 4. c. 4. p. 212. & 5. obs. 16. Rittershus. de differ. Juris Civil. & Canon. 1. c. 18. Anton. Matth. disp. de Nupt. 3. n. 18. Nisi quis ita censeat, honestatis contemplatione tutius quem acturum esse, si ab ejusmodi nuptiis abstinerit.

MORIBUS.

37. Quoniam adoptiones de moribus exoleverunt, nuptiis impedimento non erunt. Molin. ad Paris. §. 2. gloss. 2. n. 10. Mornac. ad Rubric. D. de Adopt. Imbert. in Enchir. Jur. Gall. v. filii adoptivi. Barrii de success. 18. tit. 1. n. 21. Rittershus. loc. cit. Gudel. 1. de jure noviss. 13. in fin. Grot. 1. manud. 6. Coler. decis. 212. Anton. Matth. disp. fin. post nupt. & tutel. num. 15.

38. *Cognatio*, quæ sanguinis jus est, multis nominibus nuptiis est impedimento.

mento. Ut tamen non una regulâ omnes casus, qui hic incidunt, nec forte certâ lege, certo jure determinari valeant. Sequentes tamen generales regulæ servari poterunt, & ad eas pleræque quæstiones examinari.

1. Inter eas personas, quæ invicem parentum & liberorum sunt loco, in infinitum nuptiæ censentur esse prohibitæ. §. 1. Instit. hic. l. 53. l. fin. D. eod.

2. Inter personas à latere venientes, si quæ invicem sunt parentum & liberorum loco, etiam nuptiæ sunt prohibitæ in infinitum. §. 1. in init. & §. 3. 5. Instit. hic. l. 12. D. hic. l. 17. Cod. eod.

3. Inter personas collaterales, quæ invicem non sunt parentum aut liberorum loco, nuptiæ intra quartum gradum exclusive sunt prohibitæ, ut in gradu quarto & ulteriore sint admittæ. §. 2. in init. §. 4. Instit. hic. l. 78. §. filiam. D. Trebell. l. 19. Cod. hic.

Ut tamen adhibendus sit computus graduum, prout de jure obtinet civili, non de jure canonum. Hottom. de Gradibus cognat. 3. Rittershus. de diff. Jur. Civil. & Canon. l. c. 5. ubi de dissensu juris canonici ex professo scribit: Vid. Georgium Schultz. de arbor. consanguin. c. 8. 9.

Affinitatis insuper respectu, quarundam nuptiis abstinemus, de cujus variis nominibus videri poterit Hottomannus 4. de Cast. nupt. cap. 10. & de gradibus & affin. c. 3. Et est affinitas conjunctio quædam inter conjugem & alterius conjugis cognatos, ex justis nuptiis orta. l. 4. §. 3. 7. 8. D. de Gradib. & Affin. 39.

Propter eam ab illorum nuptiis abstinemus, qui invicem parentum & liberorum loco reputantur. Etiam qui invicem sunt quasi loco parentum, fratrum vel sororum. §. 6. 7. Instit. hic. l. 14. §. 1. l. 15. D. hic. l. 5. pen. ult. Cod. de Incest. Nupt. Adeoque in lineâ transversâ nuptiæ in secundo & tertio gradu affinitatis erunt prohibitæ. Licet accuratè loquendo affinitatis gradus non sint. l. 4. §. 7. D. de Gradib. & Affin. l. si. qua. 12. §. fin. l. 55. §. ult. D. hic.

Publica denique *honestas*, multorum impedit conjunctionem; quod in nuptiis non tantum quid liceat, verum etiam quid deceat sit spectandum. l. 42. D. hic. l. semper. 197. D. de Regul. Juris. Quâ ratione sponsa patris non satis decentur nubit filio. l. 12. §. 1. D. hic. Et minus honestè filia Mævii Titio nubit, postquam filia Titii nupsisset Mævio. Id quod tamen admisit jus civile. l. fin. §. 14. D. de Grad. & Affin. vid. Bezam de Divort. p. 60. Anton. Matth. disp. 3. de Nupt. n. 21. & seqq. 40.

Atque ita in genere præmissi ad quæ de jure civili sit attendendum, dum agitur de licitis vel illicitis nuptiis. De singulis nonnihil ad singulos institutionum §. §. in sequentibus erit dicendi occasio. Verum antequam ad ea me 41.

con-

conferam, in legibus divinis explicandis, & casibus conscientiarum decidendis circa nuptias propinquorum ad c. 18. 20. Levit. & c. 27. Deuter. sequentes suppeditabo regulas, quas etiam mores nostri sequuntur.

1. Propinquorum nomina esse relativa, sic ut alterum sine altero non debeat intelligi; quod correlativorum sit una ratio, una natura. Unde si lex divina patris & matris conjugia prohibeat, etiam filii filiarumque matrimonia vetita esse censentur.

2. Si lex masculini sexus mentionem injiciat, etiam foeminarum subintelligi debere. Quod de omni jure sub genere masculino foemininum contineatur. Unde si prohibitum sit matrimonium inter aviam & nepotem, si inter fratris filium & amitam, sororis filium & materteram, etiam inter sororis filiam & avunculum, inter fratris filiam & patruum, nuptiae erunt vetitae. Generalis ratio utriusque regulae desumpta est ab analogia; etiam ne confundantur cognationis & affinitatis nomina, quae sancta quodammodo sunt habenda. Hottom. 4. de Castis Nupt. cap. 7.

3. Si forte lex in uno capite mentionem tantum faciat sexus masculini, in ceteris capitibus insequentibus etiam virile genus esse subaudiendum, licet in iis non nisi foeminarum expressio sit facta. Unde si lex primo capite prohibeat, ne quis matrem ducat, aut ne quae patri nubat, & secundo capite sit cautum, ne quis amitae jungatur, etiam in secundo capite subintelligendum esse, ne qua patruo vel avunculo suo nubat. Ut enim in primo capite nominatur pater, ita in secundo patruus censetur esse implicatus. Ratio generalis est, quod in explicatione legum, antecedentia censeantur esse repetita in subsequenter, per jura vulgata.

4. Si lex in linea descendenti aut ascendenti recta, vel transversali loquatur de gradu proximiori, aequitatis pariter atque aetatum rationem suadere, ut subintelligat remotiores. Unde si avus prohibeatur neptem ex filio vel filia ducere, etiam prohibetur neptem vel proneptem ducere proavus, & sic deinceps. Et si quis amitam ducere prohibetur, etiam amitam magnam ducere censetur prohibitus. Huncque in jure nostro servari argumentandi modum, cumque rationi congruum esse, colligere licebit, ex §. 5. Instit. hic.

Circa nuptias affinium sequentes regulae sunt observandae.

1. Qui in linea recta invicem parentum & liberorum sunt loco, id est per conjugium quasi parentes aut liberi invicem sunt effecti, non licet matrimonii vinculo copulantur. Idque ne parentum liberorumve pudor una nudaretur, id est verecundia laedatur. Unde inter privignum & novercam, provitricum & proprivignam, socerum & nurum, generum & socrum, etiam superiores & inferiores, ex regulis antea datis, nuptiae sunt

vetitz. Levitic. 18. v. 8. 15. & cap. 20. Deuteron. 27. 1. Corinth. 5.

Poterit autem quis ducere filiam uxoris sui patris, neque enim compri-
vigni sunt affines, neque jure divino prohibentur.

2. Qui in lineâ transversali invicem quasi parentum & liberorum sunt
loco, ex parilitate rationis, & antea datis regulis, jungi invicem non de-
debunt.

Unde sicuti amitam ducere non potes, id est patris tui sororem, ita nec
fratris tui patris, uxorem, quæ tuo patri quasi soror, in conjugem es habitu-
rus. Est enim tua quasi amita, & in textu hebræo sic idem appellatur.
Levit. 18. v. 14. & 20. v. 20.

Hinc etiam ex parilitate rationis & legis sententiâ, cum amitæ marito
interdictæ censerî debebunt nuptiæ, est enim tibi quasi patruus. Idem quod
judicandum de avunculi quondam uxore, quia materteræ vicem subit, de
materteræ quondam marito, quia tibi avunculi instar est; de uxore filii tui
fratris, aut sororis, quia illi es patrui loco, huic loco avunculi.

An idem dicendum de filiâ uxoris tui fratris? *Resp.* Videtur quidem
esse fratris tui filia, usu tamen illæ conjunctiones non sunt prohibitz, sicuti
nec de jure divino.

3. Qui in lineâ collateralî æquali invicem quasi fratrum & sororum loco
sunt, non ritè inter se matrimonium contrahunt.

Unde non legitime quis jungitur defuncti fratris uxori, quia quasi soror
ejus est. Levit. 18. v. 15. & 20. v. 21. Hinc ex sententiâ & parilitate casu-
um prædictorum, jus connubii non est cum sororis prædefunctæ marito.
Excipit jus Mosaicum casum in fratris viduâ, quæ ex prædefuncto marito
prolem non susceperat; qui casus reipublicæ judicæ formæ erat accom-
modatus. Deut. 25. v. 5. Id quod nonnulli intelligunt de fratris uxore, ductâ
quidem & forte cognitâ, sed nunquam factâ gravidâ. Cui Ægyptiorum in-
stitutum fere congruum erat apud quos fratris uxorem nondum cognitam,
ducerelicebat. l. licet quidam. Cod. Incest. Nupt. Quam legem perpe-
ram interpretatus est. Connan. 18. comm. 5. vid. Jos. Castalionis Variar.
lect. 12. Simili jure usi fuere Athenienses, quo ducenda erat genere proxi-
ma, aut dotanda. Demosthen. Orat. adversus Leptinem. • Quo respexisse
videtur Terent.

In Phormion:

Abduce hanc, minas quinque accipe.

Vid. Muret. Variar. lection. 19. cap. 8.

Alii censent (inter quos est Bochartus) nomen fratris significasse co-
gnatum viri prædefuncti, cum quo erat jus connubii, sicuti in impropriâ si-
gnificatione accipitur nomen sororis Levit. 18. v. 18. Verum id non vide-

tur admittendum, cum hæc à regulâ Lev. 18. v. 19. posita sit exceptio (cujus etiam exemplum est ante legem latam. Gen. 38. v. 8. 9. etiam post legem latam Ruth. c. 4.) Christo objecta Matth. 22. v. 24. Marc. 12. v. 19. Luc. 20. v. 28.

4. Denique, quibus in cognationis gradibus nuptiæ sunt interdictæ, iisdem etiam personis in affinitatis gradibus prohibitiæ intelliguntur. Non quidem inter cognatos conjugum utrinque, quia illi inter sese affines non censentur. Neque enim cognatus mei affinis, mihi est affinis; verum inter conjugem & alterius conjugis cognatos. Ut conjux à conjugis cognatis, æque atque à suis abstinere debeat, in quantum maritus & uxor per matrimonium censentur una caro. Vid. Melchiorem Kling de Caus. Matrim. p. 51. Carpzov. Jurisprud. Consistor. Reverendiss. Parentem part. 1. lib. 3. Politicæ Ecclesiast. nostrumque Vener. collegam Andream Essonium loco commun. de Sanctificat.

§. 1.

1. *Quæ NUPTIÆ sint illicitæ?*
2. *Quæ INCESTÆ.*
3. *Quæ Pœna INCESTUS?*

4. *Quid obtimeat Jure Divino?*
5. *Quid Moribus?*
6. *Quid Jure Canonico?*

1. **E**T si tales persona inter se cœverint.] Nuptiæ vel licitiæ sunt, vel omnino illicitæ; illæ dictæ legitimæ, hæ quæ legibus improbatæ, vel quia cum iis mitæ, cum quibus non est jus connubii, vel quia alia defunt juris requisita. Quæ improbatæ sunt nuptiæ, illæ vel inutiles censeri debent, vel incestæ. Rubric. Cod. de incest. & inutil. nupt. Illæ appellatæ, quæ legibus simpliciter sunt interdictæ, hæ quæ majorem habere dicuntur prohibitionis rationem, quia contractæ contra mores juris Romani, vel gentium, vel naturę. l. 8. l. 39. D. hic. Appellatæ incestæ, quasi non satis castæ, aut pudicæ, ut cestus seu virginea zona solvi non debuerit; græcis ἀσχημονες, Justiniano impia, scelestæ, nuncupatæ. Nov. 12. cap. 1. Tales vero sunt, vel propter sanguinis conjunctionem, vel affinitatem proximiorum, & vel incestæ simpliciter, vel insuper nefariæ. Hæ judicantur esse inter eas personas, quæ in vicem parentum & liberorum sunt loco, id est inter ascendentes & descendentes in lineâ rectâ, idque in infinitum. Nam appellatione parentis non pater tantum, sed etiam avus, proavus, cæterique usque ad tritavum inclusive continentur: quinimo & mater, avia, proavia, & sic deinceps. l. 51. D. verb. signif. Appellatione vero liberorum, nepotes, pronepotes, cæterique qui ex his descendunt usque ad trinepotem inclusive, continentur. l. 220. D. verb. signif. Quinimo & ultra tritavum, & ultra trinepotem inter majores & posteros, nuptiæ incestę & nefarię censentur.

Nec

Nec interest inter prænominatas personas cognatio sit naturalis, an civilis, id est ex iustis nuptiis orta: eo quod hic jus naturale, & naturalis pudor, qui inter omnes homines (forte inter bruta nonnulla) obtinet, spectari debeat. §. 1. hic. l. 56. D. de verb. signif. l. 14. §. 1. 2. D. hic. vid. Ælian. 3. de Animal. 47. Cujac. 21. obs. 18. Rittershus. ad Nov. part. 4. c. 2.

Incestus autem vel sunt tales de jure naturæ, & gentium, vel de jure Civili. Jure naturæ & gentium incestus sunt inter parentes & liberos, eosque affines, qui invicem parentum & liberorum sunt loco, ut inter socerum & nurum, novercam & privignum. l. fin. D. hic.

An itidem inter fratres & sorores de jure gentium incestus censentur? Ita videtur dicendum, per l. 8. D. hic. l. fororis. 39. D. cod. Covarr. de Matrim. part. 2. cap. 6. §. 10. n. 23. Menoch. 2. arbitr. 502. Zoef. D. hic. n. 14. Anton. Matth. disp. 3. de Nupt. n. 15. Incestus de jure civili contrahuntur inter ceteros cognatos transversales similesque affines. l. ult. §. 1. D. Condict. sine caus. l. 38. §. quare. D. de Adult.

Estque incestus pœna bonorum confiscatio (quod correctum per Nov. 3. 134.) exilium, cinguli privatio, & si humilis sit persona verberatio. Ut tamen si quis ex priori matrimonio legitimos liberos susceperit, ad eos devolvantur bona, cum onere alendi patrem incestuosum. Nov. 12. Auth. Incestus. Cod. de Incest. Nupt. Nec tamen qui ex incestu nati, à patre sunt alendi, quasi omni re patris indigni. Nov. 89. Auth. ex complexu. Cod. de Incest. Nupt. Alexand. 2. vol. conf. 84. Azoin summ. Cod. de Incest. Nupt. n. 4. Rittershus. ad Nov. p. 4. c. 2. n. 27. & seqq.

Quid si incestus absque matrimonio fuerit commissus? Pœna eadem erit, quæ est adulterii, adeoque pœna erit capitalis, si tamen incestus cum adulterio concurrat. l. 38. in init. §. 1. 2. D. de Adulter. vel ut alii censent, si incestus inter eos sit commissus, qui invicem parentum & liberorum sunt loco. Perez. Cod. de Incest. Nupt. n. 16. Quæ pœnæ quando & in quibus cessent explicant l. fin. D. hic. l. 4. Cod. Incest. Nupt. Clarus. §. incestus. n. 3. Covarr. de Matrim. p. 2. c. 6. §. 8. n. 34. Fachin. 13. contr. 62. Menoch. 2. arbitr. 502. Barbosa. ad l. 10. p. 1. n. 41. D. Solut. Matrim. Rittershus. ad Nov. p. 4. c. 3. n. 38. & seqq. Gregor. Tholos. Synt. Jur. libr. 9. c. 11. Zoef. D. hic. n. 19. Althus. dicajol. libr. 1. c. 125. n. 43. & seqq.

JURE DIVINO.

De pœnâ incestarum nuptiarum jure divino nihil certi statuitur, ut tamen eam admodum gravem fuisse vel inde colligere liceat, quod dicantur maledicti, qui incestas nuptias contrahunt. Levit. 18. 20. Deut. 27. v. 20. 21. 22. vid. Gen. 49. v. 4. An non igitur temporalis morte puniendi, sicuti nonnulli perperam censent eum punitum fuisse, qui apud Corinthios in-

cestum commiserat jure gentium, de quo 1. Cor. 5. ? Non putaverim. Neque enim ibidem Paulus Apostolus illum morti addixit miraculoso modo, sicuti per Petrum Apostolum Ananias & Saphyra judicati verum fuit excommunicatus ab Apostolo, è cætu pulsus fidelium, ut etiamnum supervixerit. v. 13. Non aliter atque Hymæus & Alexander, Satanæ traditi dicuntur, ut in posterum dediscerent blasphemari. 1. Tim. 1. v. 20. Non itaque neci traditi, sed per excommunicationem pudore suffusi, ut etiam caro, id est vetus in illis homo corrumpetur ad spiritus emendationem. Comment. Belgæ. ad 1. Timoth. 1. v. fin.

MORIBUS.

5. Ex constit. criminali Carol. 5. artic. 117. ratione pœnarum nuptiarum incestuarum, jus civile apprehatur, & remittuntur judices ad collegium sapientum. Idem quod Constit. Ordin. Ultraject. super matrimonio statut. artic. 23. Et Polit. Ordin. Holland. artic. 18. & Zeland. artic. 33. Quinimo de consuet. generali incestum ultimo supplicio puniunt, siquidem ipse ascendentes & descendentes sit commissus. Bœer. decis. 318. Covarr. de Matrim. p. 2. c. 6. §. 8. num. 2. Grivell. decis. 23. vid. Farinac. quæst. 149. Damhaud. Prax. Crim. cap. 96. Menoch. cas. 502. arbit. 2. Gregor. Tholos. Synt. Juris libr. 36. c. 7. n. 7. qui ita Tholosæ judicatus refert. Perez. Cod. de Incestis Nupt. n. 16. vid. Hartmann. Pistor. obs. 192. n. 54. Anton. Matth. de crimin. libr. 48. tit. 3. c. 6. n. 5.

Nati nihilominus ex incestis & nefariis conjunctionibus sunt alendi à parentibus, quod non ipsi, sed parentes deliquerint; quinimo ratione alimentorum necessariorum, quibus denegatis videntur necati, parentibus succedunt. Gomef. ad l. Tauri 29. n. 38. & seq. Perez. Cod. Incest. Nupt. n. 11. & seqq. Christin. 1. decis. 117. & 3. decis. 129. n. 17. 18. Grot. 2. introd. part. 16. n. 7. 8.

Sicuti de consuetudine propter incestum bona fisco non addicuntur. Bœer. decis. 224. Sneiderw. part. 3. de Nupt. Instit. hic. ibique addit. Vid. Georgium Schultzen de arbor. consang. c. 9.

JURE CANONICO.

6. Jure canonico si incestæ nuptiæ contractæ fuerint, ex solvantur cum auctoritate Episcopi, & scienter contrahentes, aliis nubere prohibentur. c. 3. de Adult. c. seculares. 33. q. 2. c. multorum. 35. q. 6. c. si quis. c. si dormient. c. concubuisse. 32. q. 7. Vid. Georg. Schultz. de arbor. consang. c. 9. n. 16.

Judicantur autem nuptiæ incestæ, quæ intra quartum gradum, factâ juris canonici computatione sunt prohibiti. c. deber. de Consang. & Affin. Ut tamen Pontifex de gradibus quibusdam prohibitis, non de primo vel

vel secundo, possit dispensare, & præter eum nemo. c. quod dilectio. c. quia circa. de Consang. & Affin. c. litteras. de Restit. Spoliat. gloss. in c. cum dilectus. de Elect. in c. pitacium. 30. quæst. 3.

Incestus itidem censentur, quæ cum virginibus consecratis initæ. c. virginis. 27. dist. vel cum filiabus spiritualibus. Et quidem poena hujus incestus est, degradatio; 12. annorum peregrinatio, & postmodum in monasterium detrusio ad vitam. c. si quis sacerdos. c. fin. c. omnes. 30. q. 1. Si Laicus, excommunicatur. c. si quis. 27. q. 1. Si vestalis sit, ergastulis perpetuo includitur, ut poenitentiam agat. c. impudicas. 27. q. 1. Benigniores autem canones amplectuntur sententiam circa bona, ne ea fisco addicantur. Etiam ex incestuosâ progenerum conjunctione sunt à parentibus alendi. c. cum haberet. de eo qui dux. quam per matrimon. Folerius in Pract. crimin. Covarr. de Spons. p. 2. c. 6. §. 8.

§. 2.

1. *AN FRATRUM & SORORUM
conjugatio illicita de Jure Gentium?*

2. *AN Adoptivi Fratris cum Sorore
sit Connubium?*

Sine inter fratrem & sororem.] Quandoquidem nonnisi in gradu quarto & ulteriori inter personas à latere venientes, quæ invicem tamen non sunt parentum & liberorum loco, nuptiæ sunt licitæ, ideo fratrum & sororum, qui invicem sunt in gradu secundo, nuptiæ sunt vitæ. §. 2. hic. l. 8. junct. l. 39. D. cod. l. 17. Cod. eod. Id quod non tantum obtinet in germanis, verum etiam in consanguineis, & uterinis. d. §. 2. etiam in vulgo quæsitis. l. 54. D. hic. Quod in tantum procedit, ut hæc nuptiæ de jure gentium incestus sint dicendæ. l. 8. D. hic. l. fin. Cod. Incest. Nupt.

Nec obstat, quod ab exordio, & sub ipsum mundi exordium, per fratrum & sororum conjugia genus humanum fuerit propagatum, adeoque per incestum. Resp. enim Deo dispensante, qui omnis juris auctor est, non tum censi potuisse incestum. Ut suadente necessitate, quod sub mundi initium fuit permissum, postmodum cessante necessitate, fuerit prohibitum, secundum illud Augustin. l. 17. de civit. Dei. Commixtio sororum & fratrum quanto est antiquior compellente necessitate, tanto postea facta est damnabilior, religione prohibente.

Apud plurimas tamen gentes fratrum & sororum conjunctiones fuere permittæ. Lacedæmonii & Athenienses illa admiserunt conjugia, forte etiam fratrum ac sororum, licet utroque juncti sint parente. Æmil. Probus in Cimone: id quod tamen negat Muret. 15. Variar. lect. 5. motus Athenæi & aliorum auctoritate; cum tamen id Cimone patrio more fecisse

Cc 3

cisse scribat *Æmil. Probus.* *Ægyptii* itidem, alique Barbari cum fororibus matrimonia inire consueverunt. *Tacit. Annal. 2.* post init. Quod Chaldaeis, Assyriis, Persis, Macedonibus in more fuit positum, si tamen essent sorores consanguineae, non germanae, aut uterinae. *Herodian. libr. 1.* *Athenæus libr. 13.* *Minptius in Octavio.* *Euseb. 6.* *Præpar. Evangel.* *Muret. 7.* *variar. lection. 1.* *Grot. de jure bell. & Pac. libr. 2. c. 5.* *Fabrott. in not. ad Theophil. hic.* *Bacchov. hic. num. 2. 3.*

Unde colligere licebit, Abrahami sororem fuisse Saram, sororem consanguineam, non uterinam, est enim, inquit, patris mei filia; eamque ductam secundum mores illius gentis, ubi morabatur. Non tamen hinc consequetur, incestum de jure gentium non fuisse commissum, non magis quam si propter possimos quorundam mores, defensionem quis velit ascendentium & descendentium inter se conjunctionem, quam tamen Persæ, alique admisserunt. De quibus ita *Theodoretus in Levit. 18. c. 24.* *Persæ in hunc usque diem, non sororibus solum, sed etiam matribus & filiabus nuptiarum lege miscentur.*

2. *Si qua per adoptionem.*] Agit de civili inter fratres & sorores conjunctione, quæ per adoptionem facta est. Quamdiu enim ea subsistit, inter te & sororem adoptivam, nuptiæ sunt interdictæ, quâ solutâ adoptione, nullum est nuptiis impedimento. l. 17. D. hic. l. pen. §. 2. D. eod.

Cum enim naturam imitetur adoptio, sortietur effectum, quamdiu ipsa constat, non si sit sublata. Nam in omni fere jure finitâ patris adoptivi potestate, nullum ex pistrino retinetur vestigium. l. 13. D. de Adopt. Unde si generum adoptare desiderem, oportet ut filiam primitus emancipem. §. 2. hic. Alioqui is, quem adoptivi, filia meæ sit frater: quoniam in familiâ meâ est filia; quâ ratione nuptiæ forent prohibitæ. l. 23. D. de Adopt. Hinc cum *Claudius Neronem* è genero adoptaret prius suam filiam emancipavit, teste *Sueton. in Claud. c. 27.* *Dion. libr. 60.* Quod si nurum in filiam adoptare velim, supple per matrimonium, itidem oportebit me filium meum emancipare. §. 2. hic. Aliter quam voluit *Leo Imperator Nov. 24.* in fin. vid. *Photium Nomocan. tit. 13. c. 2.*

§. 3.

FRATRUM aut SORORUM Liberos ducere non licet.

F*ratris vel sororis filiam.*] Exempla fuere proposita, in lineâ collateralis æquali, sequuntur ea, quæ sunt in lineâ collateralis, inæquali, & quidem primo, respectu cognationis naturalis. Ita fratris vel sororis filiam uxorem ducere non licet. Sed neque ejusdem neptem, aut proneptem. §. 3. hic. l. 12. 39. 55. §. 1. 56. D. l. 17. Cod. de Nupt. l. ult. Cod. Incest. Nupt. l. 38. §. 1. D. de Adult.

Ali-

Aliquando tamen apud Athenienses filiam sororis, apud Romanos fratris filiam in uxorem ducere licuit. Demosthenes Orat. in Nearam. Id saltem licuit sub Claudio. Tacit. Annal. 12. Suet. in Claud. c. 24. Senec. in Octav. act. 1. Licuit sub Imperatore Marco Philosopho, qui filiam natu maximam Lucillam fratri Vero in uxorem dedit. Herodian. lib. 1. Capitol. in ejus vitâ. Et forte ante legem latam nuptiæ cum sororis filiâ licitæ fuerunt, eas saltem expressim prohibitas non fuisse, censet Ambros. Epist. 66. Vid. Ulpian. in Fragment. tit. 5. Cujac. 13. observ. 16. Hottom. 4. de Cæstis Nupt. 5. Fabrot. in not. ad Theophil. hic.

Cujus enim filiam.] Rationem subjicit Imperator, cur fratris vel sororis neptem docere non liceat, quæ tamen universaliter accepta, minus præcederet. Licet enim avi mei sororem ducere nequeam, neptem tamen potero, ut quæ mihi est consobrina. Quod si propositæ materis, id est lineæ collateralis inæquali, ubi personæ invicem parentum atque liberorum loco sunt, applicetur, non erit repudianda. Bacchov. hic.

Ejus vero filiam.] Loquitur de cognatione civili, in lineâ collateralis inæquali, & casum proponit, de sororis adoptivæ filiâ, quam in uxorem ducere possum; adde, neptem, idque indistinctè, sive adoptiva soror fuerit emancipata, sive non. Nam filia sororis adoptivæ, mea cognata non est. Neque quispiam sit avunculus per adoptionem. Quod ex demum cognationes in adoptionibus contrahantur, quæ legitimæ sunt, id est, quæ jus adgnatorum habent. l. 12. §. 4. D. de Ritu Nupt.

2. 2. p. 21. §. 4. 1. 78. §. 8. D. Trebell. l. 3. 67. §. 1. D. hic. l. 23. & seq. D. de Condit. Instit. l. 19. Cod. de Nupt. Licet antiquissimo jure ea conjugia pro incestis fuerint habita, teste Tacit. Annal. 12. Etiam Christiano Imperatori Theodosio fuere improbata nec non Basilicôn scriptoribus. l. 1. Cod. Theod. de Incest. Nupt. Basilic. lib. 28. de Incest. Nupt. quorum sententiam amplectuntur Cajus, Cassiod. variar. 7. form. 46. paraphrastes Græcus Theophilus, & Ambros. Epist. 66. Ad Paternum. vid. August. 5. de Civit. Dei c. 16. Hottom. de Cæst. Nupt. p. 4. c. 5. 7. Contium 2. quæst. cap. 1. Bacchov. hic. Anton. Matth. disp. de Nupt. 3. n. 17.
1. **CONSOBRINORUM licita sunt** 3. **Moribus etiam multorum.**
NUPTIÆ 4. **Secus tamen obtinet de Jure Canonico.**
 2. **Quod Jure Divino congruum est.**

DUorum autem fratrum.] Consobrinorum qui sunt in gradu quarto, nuptiæ de jure civili sunt permixtæ. §. 4. hic. l. 78. §. 8. D. Trebell. l. 3. 67. §. 1. D. hic. l. 23. & seq. D. de Condit. Instit. l. 19. Cod. de Nupt. Licet antiquissimo jure ea conjugia pro incestis fuerint habita, teste Tacit. Annal. 12. Etiam Christiano Imperatori Theodosio fuere improbata nec non Basilicôn scriptoribus. l. 1. Cod. Theod. de Incest. Nupt. Basilic. lib. 28. de Incest. Nupt. quorum sententiam amplectuntur Cajus, Cassiod. variar. 7. form. 46. paraphrastes Græcus Theophilus, & Ambros. Epist. 66. Ad Paternum. vid. August. 5. de Civit. Dei c. 16. Hottom. de Cæst. Nupt. p. 4. c. 5. 7. Contium 2. quæst. cap. 1. Bacchov. hic. Anton. Matth. disp. de Nupt. 3. n. 17.

JURE DIVINO.

2. Confobrinorum nuptias de jure Mosaico permittas fuisse, varia scripturæ loca suadent. Genes. 28. Numer. c. fin. Josue c. 15.

Neque obstat, quod ad propinquum carnis prohibita sit accessio. Levitic. 18. & 20. Quia id non simpliciter ad cognatum refertur, verum ad personas antea enumeratas, quæque ejusdem ordinis ex paritate rationis censentur.

MORIBUS.

3. Quorundam populorum moribus confobrinorum nuptiæ censentur illicitæ. Quales sunt Germani, Saxones, Angli, Helveti, Gelri, Transisulani, aliique, ut tamen apud Gelros ex rescripto permittantur. c. 20. Caus. 35. q. 2. 3. Coler. decis. 174. n. 4. Carpzov. p. 4. constit. 22. def. 6. 7. Gorris tract. 4. Advers. §. 6. Transisul. p. 2. tit. 1. §. 14. Daventr. 3. tit. 1. §. 21. Grot. de jure bell. 2. c. 5. n. 12. 13. Kirsfel. in Synops. c. 3. theorem. 8. Anton. Matth. disp. fin. post nupt. & tutel. n. 14.

JURE CANONICO.

4. Quandoque de jure canonum fratrum & sororum liberi secundo collocantur gradu, eapropter hujusmodi nuptiæ improbantur. c. quædam lex. 35. q. 2. 3. fin. de Consang. & Affinib. Quinimo secundum computum juris canonici ad quartum usque gradum inclusivè matrimonia consanguineorum sunt interdicta. d. c. fin. Quin amplius, quandoque ad septimum usque gradum se extendebat prohibitio, 1. 7. 16. caus. 35. q. 2. quandoque in infinitum, si modo computari potuerit cognatio. c. 15. nulli. 35. q. 2. & 3. ut hic fuerit variatum. Vid. Rittershus. de differ. Juris Canon. & Civ. class. 1. c. 6. 7. Vetant itidem canones matrimonia inter affines, usque ad gradum quartum inclusivè. c. 1. c. pen. de Cons. & Affin. Quod de primo genere affinitatis non de secundo & tertio intellectum volunt; licet & olim triplex affinitatis ordo matrimonium impediverit. Caus. 35. q. 3. c. non debet. de Cons. & Affin. Ut tamen canonistæ in plenisque casibus Pontifici Romano potestatem tribuant dispensandi. Covarr. p. 2. de Matrim. c. 6. §. 9. Perez. Cod. Si nupt. ex Rescript. pet. n. 2. 3.

§. 5.

AMITAM Adoptivam ducere non licet.

Amitam licet adoptivam.] Quamdiu remanet adoptio, amitam adoptivam ducere non licet, sicuti nec amitam magnam, ut extinctâ vel sublatâ adoptione id liceat. l. 17. §. 2. D. de Ritu Nupt. Naturalem vero amitam, vel amitam magnam, nunquam ducere licet, quod naturale jus, quod semper militat, non extinguatur per jus civile. l. 17. Cod. de Nupt. Ut contra
jus

jus divinum positivum, & hominum naturale, Amram duxerit Rechabab
Exod. 6. v. 20. Sic itidem nec materteram, nec materteram magnam, intel-
lige naturalem, in uxorem licite ducimus, quod parentum loco habeantur.
§. 5. hic. Hoffer. in not. hic.

Neque obft. l. 55. D. cod. ut quæ eget emendatione, per dictata supe-
rius, quibus adjice Bacchov. hic. Materteram vero adoptivam ducere li-
cet, id est, ejus sororem, quæ patris adoptivi uxor est. Quia propriè loquen-
do per adoptionem nulla fit matertera, sicuti nec ulla hic censerî poterit
adoptio, multo minus si non sit in familiâ; quod forte innuit l. 55. D. hic.
nisi ea sit corrupta.

§. 6. & 7.

1. Affinitatis respectu N U P T I Æ il. | 2. Quid liceat Jure Canonum?
licita.

Affinitatis ratione.] Privignam aut nurum in uxorem ducere permissum
non est, ne quidem si nuptiæ priores sint solutæ, adeoque ipsæ à priori-
bus liberatæ maritis. Idque propter cognationis in affinitate representa-
tionem: utraq; enim filiarum loco habentur. §. 6. hic. l. 4. §. hos itaque.
D. de Grad. & Affin. Ovid. 4. de Pont. Eleg. 8. Tacit. Annal. 12. Quod
jus etiam ad pronurum, & ultra porrigendum est. l. 50. D. Verb. Signif. l.
14. §. 4. in fin. D. hic. Plin. 7. c. 13. Nec tantum ad privignam, verum
etiam ad uxorem quondam privigni, prohibitio nuptiarum est extendenda,
idque fortè reverentiæ contemplatione. l. 15. D. hic. Vice versâ, nec so-
crum vel novercam in thori sociam licet accipere, sicuti nec uxoris quon-
dam aviam, quæ etiam focrus appellatione continetur. Nec avi vel pro-
avi uxorem secundam, ut quæ novercæ appellatione venire potest. l. 146.
D. verb. signif. l. 14. §. D. hic.

Et ratio horum omnium generalis subjici poterit, in quâ est acquiescen-
dum, quod parentum & liberorum loco reputentur. §. 6. hic. Id quod ad
eam est extendendum, quæ patris tui quondam fuit concubina. l. 4. Cod.
de Nupt. neque enim satis honestum est, eam duci. Etiam ad eam referen-
dum, cujus privigna tibi quondam fuit uxor, licet tibi propriè noverna non
sit. l. 15. D. hic. Insuper ad ejus matrem, quam sponsam habuisti, quæ so-
crus vice, propter reverentiam, spemque matrimonii fungitur. l. 14. in fin.
D. Ritu Nupt. Quibus subjungere licebit aliam speciem affinitatis earum
personarum, quæ quasi in lineâ collateralî considerantur: neque enim ac-
curatè loquendo affinitatis de jure civili est linea. Fratris itaque uxorem,
vel sponsam in mortuo fratre, vel uxoris sororem prædefuncti uxore, ducere
non licet. l. 8. Cod. de Incest. Nupt. de quibus casus ex professo superius
fuit actum.

D d

J u-

JURE CANONICO.

2. Existumant eo jure licere vitrico ducere viduam sui privigni. c. pen. de Conf. & Affinib. Vid. Rittershus. de differ. Jur. Civil. & Canon. class. 1. cap. 13.

§. 8.

1. Inter Com-privignos est Jus | 2. Idem de Jure Divino obtinet.
Connubii.

1. **M** Ariti tamen filius. Loquitur de comprivignis, quos invicem jungi; omni jure concessum est. §. 7. l. 34. §. 2. D. eod. Sicuti enim socii mei socius, meus socius non est, ita nec fratris mei ex matrimonio postmodum contracto nati frater, meus frater censebitur. l. 47. §. socii. D. de Regul. Jur. Neque hic officit vel cognatio, vel affinitas, vel honestas, vel reverentia.

JURE DIVINO.

2. Nusquam de jure divino hic casus videtur esse prohibitus, ut licitis sit adnumerandus.

Neque obstat locus Levit. 18. v. 11. Quod ibidem agatur de sorore conjugineâ, ex secundis nuptiis, id est, uxore patris natâ, & à patre genitâ. Sunt enim verba textus מולדת אביו, *moledet abicha*, genita à patre tuo, & in sequentibus adjicitur, *ipsa enim tua soror*.

Verum dixerit quispiam, cur ergo, quæ versu 9. fuerant abunde decisa, v. 11. repetuntur? Resp. Non idem est casus v. 9. & 11. quia in v. 9. sermo videtur esse de sorore tecum genitâ è priori matrimonio, v. 11. de eâ sorore, quæ genita erat vel è secundo matrimonio, vel potius de sorore, vivente tuâ matre, ex aliâ uxore patris genitâ. Judæos enim per conniventiam plures simul uxores habuisse, notius est, quam ut egeat probatione. Sic ut frustra quis cum Bacchov. Instit. hic. ad varias versiones recurratur, quod textus satis ipse se ostendat.

§. 9.

1. Pudorisatione à NUPTIIS abstinendum. | 2. SPONSUS non semper MARITUS loco habetur.

1. **S**æpe quod non vetat lex, pudor fieri vetat l. 42. D. hic. eapropter hic proponitur aliud impediementi genus, ab honestate desumptum. Cui, si ita loqui liceat, naturalis aliqua conjuncta est affinitas, quæ jure civili est imperfecta. Ut si uxor post divortium ex alio filiam procreaverit, non ei satis tuto temet jungas propter verecundiam. Ut rectius feceris, si ab ejusmodi nuptiis abstinueris. Unde colligere licebit quædam legibus non quidem

dem prohiberi, à legibus tamen dissuaderi. l. nec quicquam. D. Offic. Proconf. l. 197. D. de Regul. Jur.

Nec patris sponsam novecam esse.] Sponsus nondum est maritus, nec spes 2. matrimonii cum ipso matrimonio confunditur. l. 1. §. & primam. D. Pro dote. l. 32. D. Ad Munic. l. 5. Cod. de bon. quæ liber. l. 24. Cod. de Nupt. Id quod procedit in pœnalibus. l. solet. 10. §. 1. D. Qui not. infam. l. 13. §. 11. D. Ad l. Jul. de Adulter. In statutis de lucranda dote, de bonorum communicatione. l. 16. Cod. de Donat. ante nupt. Ut tamen per interpretationem quandoque sponsus mariti, & sponsa uxoris loco habeatur. l. oratio. 16. D. hic. l. 58. D. de jure dotium. l. lex Julia. de fundo dotali. l. item apud. 15. §. sponsum. D. de injur. l. 15. D. de sponsal. l. 5. D. de Testibus. Quod non tantum in favorabilibus, sed etiam odiosis locum habet, cum delinquentes nullo favore sint digni. l. 1. D. qui not. infam. l. 3. 4. D. de Parric. Fabrot. in not. ad §. 9. Theophili. hic. Bachov. hic.

§. 10.

Inter Servos Conjunctiones quedam sunt improbate.

ID certum est.] Quamquam servi de jure civili pro nullis habentur, l. 32. l. 209. D. de Regul. Juris. naturali tamen jure, quod in contrahendis matrimoniis potissimum inspicitur, paris cum aliis censetur esse conditionis. d. l. 32. l. 14. §. 2. in fin. D. de Ritu Nupt. l. si id quod. D. de condic. indeb. Unde licet non facile, ulla servilis videatur esse cognatio, inspectis quibusdam juris civilis effectibus. l. 1. §. 2. D. Unde cognati. attamen non omnino parcimus nominibus cognatorum, dum nobis de servis est sermo. Parentes enim & filios & fratres servorum dicimus, etiam servilem appellamus cognationem. tit. Instit. de Serv. Cognat. l. 10. §. 5. D. de Grad. & Affin. Atque hæc ipsa est ratio, cur servi à tali conjunctione in contubernio abstinere debeant, à quali liberi homines intuitu nuptiarum abstinerent. Cum quæ lex naturæ damnat, in omnibus damnet æqualiter, nec jussus domini in iis ullam servis delinquentibus præbeat excusationem. l. 157. D. de Regul. Jur.

§. 11.

1. *Enumerantur varia Nuptiarum impedimenta.*

2. *Quid Jure Divino obtineat?*

3. *Quid Moribus?*

4. *Quid Jure Canonum.*

Sunt & alia persona.] Prohibitæ erant nuptiæ de jure Romano propter causas varias, à potestate, delicto, dignitate, ab ordine, sectæ diversitate, voto castitatis, honestate desumptas; de quibus in antecedentibus actum fuit, quantum instituto nostro inservit. Quibus adjiciam casum, quo mulier

nubit intra luctus annum, quæ eo ipso notatur infamiâ. l. liberorum. §. 1. D. qui not. infam. l. 1. 2. Cod. Secund. Nupt. Nisi veniam nubendi à Principe impetrasset. l. 10. D. Qui not. infam. l. 4. Cod. Ad Tertull. Nov. 22. §. & prima quidem.

JURE DIVINO,

Quæ mulier defuncto marito immaturè nimium nubit, non videtur nubere in domino. Boni etenim mores, ipsaque naturalis ratio suadet, ut modestè, & sobriè, & decenter secundo nubat, non præcipitanter, aut festinanter. Rittershus. de differ. Juris Civil. & Canon. class. 2. c. 4.

- Præter hoc impedimentum erant de Jure Mosaico alia multa, quæ nupti-
2. as faciebant illicitas. Viro enim interdictæ erant nuptiæ cum eâ, quam repudiasset, postquam alteri viro nupta fuisset. Deuter. 24. v. 2. Sacerdotibus insuper non erat permissum cum meretrice, aut muliere prophanâ, aut cum eâ, quæ erat repudiata, jungi. Levit. 21. v. 7. Sacerdoti maximo non nisi virginem ducere licuit, non viduam, non repudiatam, non prophanam, non meretricem. Levitic. 21. v. 13. 14. 15. Ezechiel. 44 v. 22. Filiabus itidem Israëlitis, quibus fratres non erant superflites, si paternæ hæreiritatis vellet esse participes, cum viris alterius tribus nuptiæ erant interdictæ, ut agnatis, vel qui essent de familia jungi debuerint. Quod ita constitutum jure Mosaico ne hæreditates, id est, immobilia, prædia genearchica, de tribu in tribum, aut de familiâ in familiam transferrentur. Numer. ult. v. 6. 7. 8. 9. 10. 11. 12.

Alia multa qui desiderat circa jura Hebræorum, & inter quas personas non fuerit jus connubii, is adeat ad ll. Hebræorum Clar. Hottingerum à leg. 188. usque ad leg. 212. post Seldenum Zepper. ll. Mosaic. libr. 4. c. 17. 18. 19. & seqq.

MORIBUS.

3. Moribus fere annus luctus est antiquatus, aliquod tamen præstitutum est tempus, intra quod constare poterit, utrum è prædefuncto marito prægnans sit mulier, ut ita evitetur seminis, & sanguinis, adeoque familiarum confusio. Stat. Ultraj. de ann. 1617. Fris. 1. tit. 1. §. 13. Davent. 3. tit. 1. §. 11. Transil. 2. tit. 1. §. 9. Vid. Groenw. ad l. 1. Cod. de Secund. Nupt. Quinimo etiam viri tenentur secundum Statutum Noricum propter honestatem ad tempus à secundis nuptiis abstinere. Rittershus. d. loc. cap. 5. Anton. Matth. disp. fin. post nupt. & tutel. n. 28.

JURE CANONICO.

4. Jure Canonum nullum tempus secundo nubentibus est præscriptum, sic ut simulac matrimonium morte dissolutum est, ad secunda vota detur adiutus. c. pen. & ult. de Secund. Nupt. c. Euphemium. 2. q. 3. quos refutat Rittershus. d. l. c. 4.

§. 12.

1. Pœnz illicitarum NUPTIARUM | 2. Moribus quid obtineat & proponuntur.

S^{i adversus ea fecerit.} Agitur de Pœnis, quæ illicitè contractas nuptias^{1.} comitantur. Quarum alia generales sunt, omnique illegitimo matrimonio applicandæ, aliæ speciales, si quando matrimonium erat incestum. Generalis pœnâ est, quod ordinariè matrimonium non subsistat, quod sit ipso jure nullum. §. 12. hic. l. 5. Cod. de Legib. Neque hic venia datur ætati, nec errori locus est, nec admittitur juris vel facti ignorantia. l. 1. Cod. de Interd. Matrim. Hinc nec dos nec donatio propter nuptias valebit. §. 12. hic. l. 3. D. de jure dot. l. 20. Cod. de Donat. ante nupt. l. 4. Cod. de Incest. Nupt. Et si quæ data ut indignis crepta fiscus sibi vindicat, (id quod correctum Nov. 134. c. fin.) nisi justissima ignorantia, vel ætatis lubricum præbeat excusationem, & comperto errore, ipsi simul atque ad legitimam pervenerunt ætatem, conjunctionem ejusmodi sine ullâ procrastinatione dirimant. d. l. 4. Ratio prioris est, quod cum dos matrimonio cohæreat, tanquam principali accessorium, illo sublato, aut non subsistente, hæc ipsa corruere debeat. l. 3. D. de jure dot. l. dotem. 16. D. Castr. Pecul.

Insuper nec vir nec uxor, qui copulati sunt, censeri debebunt; cum qui contra leges facit, à legibus nomen non accipiat. Arg. l. antepen. D. de Concul. l. 37. in fin. D. de Minor. l. 4. Cod. de Feriis. Sunt autem vir & uxor *ἄνθρωπος ὁνόματι*, ut qui legitimus non est, vir non sit appellandus. Quâ ratione Salvator Mulieri Cananæ dixit: *οὐκ ἔχεις, ἔκ τ' ἐγὼ σὺ ἀνὴρ*. Quem nunc habes, non est vir tuus. Johan. 4. v. 18. ibique Chrysostom. in nativ. Salvat. Barbosa. in l. si ante. n. 23. D. Solut. Matrim.

Non itidem liberi appellabuntur legitimi, nec in sacris paternis erunt constituti, verum Spurii dicti non à *σποράν* uti vult Tribonianus, sed *σπαργή*, quod pudenda significat. Plutarch. in Problem. Beroald. in Apul. A. lin. Aureum lib. 6. in ihi. 476. Græcis nominati *ἄπατρες*; quasi sine patre nati. Non quod sine patre sint omnino, verum quod illis pater sit incertus: licet enim naturales tantum liberi patrem demonstrare possint, cum men habent, quem habere non licet. l. 6. D. qui sui vel alien. jur. l. 23. D. de Sat. homin. l. 25. D. Capt. & Postlim. Ut hic notanda sit differentia inter spurios, seu ex illicito cōitu natos, & inter liberos, qui ex concubinâ sunt suscepti. Illi enim patrem demonstrare non possunt, cum tamen hi possint. Illi non appellantur naturales, secus quam in hisce obtinet. l. 44. Cod. Episc. & Cleric. Nov. 74. c. 6. Fabrot. in not. ad Theoph. hic. & §. seq. Connan. 2. comment. 16. Illi forte infamiâ quâ facti de honestatur;

D d 3

natu-

naturales non item; de quâ tamen quæstione consuli velim. Tiraquell. de Nobilit. c. 15. Mynf. 4. obs. 31. Gail. 2. obs. 88. Gomez. 1. Resol. 11. n. 38. Hartm. Pistor. 1. quæst. 30. Menoth. 2. Arbitr. cas. 454. n. 17. Bronch. 1. Miscell. 22. Zepper. II. Mosaic. 3. cap. 10. Neost. decis. Holland. 2. Anton. Matth. disp. 12. de Nupt. n. 18.

Speciales poenæ, quæ applicandæ veniunt, si nuptiæ non tantum sint illegitimæ, verum insuper incestuæ, sunt enumeratæ ad §. 1. Instit. hic. vid. Contium 2. lect. 10. 11. Merend. 2. contr. 12. Rittershus. ad nov. p. 4. c. 3. n. 31. Coppen observ. Pract. 1. q. 38. 39. & seq. Christin. vol. 3. decis. 129.

MORIBUS.

2. Dos & donatio propter nuptias si illegitimæ sint nuptiæ proximis hæredibus reservantur, & ipsi qui contra legum præcepta coiverunt, poenis legibus vel moribus statutis afficiuntur. Covarr. de Matrim. c. 6. §. 8. n. 37. Sand. 4. tit. 5. def. 5. Zyp. not. juris Belgic. libr. 10. tit. 1. in fin. Christin. vol. 3. decis. 129. n. 4. & seqq. Dessel. in not. ad Zoef. Instit. hic. num. 21. Censent tamen nonnulli poenas civiles non esse admittendas, de quibus vid. Schol. ad Gomezium in l. 49. Tauri. Unde forte effectum, quod ex sponsâ impregnata natus, pro legitimo habeatur. Hartm. Pistor. obs. 83. n. 8. Mævius ad Lubecens. p. 2. tit. 11. art. 9. num. 56. Carpzov. jurispr. Forens. p. 3. constit. 14. def. 13. licet secus obtineat moribus nostris. Polit. Ordin. Holl. art. 3. & Ordin. Ultraj. de Matrim.

§. 13.

- | | |
|--|---|
| 1. <i>Quinam SPURII, qui BASTARDI.</i> | nium? |
| 2. <i>Quid sit Legitimatio, & quos legitimandi modi?</i> | 5. <i>Quæ sit Legitimatio per Rescriptum PRINCIPIS?</i> |
| 3. <i>Quid sit Legitimatio per CURIÆ oblationem?</i> | 6. <i>Moribus, quid obtineat?</i> |
| 4. <i>Qui fiat per subsequens Matrimonium?</i> | 7. <i>Quid Jure Canonico?</i> |

1. **A** *Liquando evenit.* Qui ex illegitimo nati coitu, omnes quidem generali voce spurii appellari poterunt, sic ut ipsos naturales liberos comprehendant. Sicuti vice versa, & liberi naturales in generaliore significatione spurios complectuntur. Rubric. Cod. de Natur. libr. 1. ult. D. qui sui vel alien. jur. sunt. l. 1. §. 2. v. unde. D. de Ritu Nupt. l. 23. D. de stat. homin. l. 2. 4. D. Unde Cognat. Ut tamen si strictè loquamur, alii sint spurii, seu vulgo concepti, alii liberi naturales, quorum tantum jure novissimo habetur ratio, spurii sublatis. Nov. 89. vid. Hottom. 4. de Cast. Nupt. c. 4. c. pen. in fin. Et quidem nati ex concubina nonhi appellati, quod latine

tinè convenienter exprimere non poteris, nisi ut dicantur liberi naturales tantum, voce Barbarâ *Basfardi*, quasi *bas, aert*, id est *laetia aert*. in init. Nov. 89. Vid. Præpos. ad c. Venerab. qui filii sunt legit. col. 7. Contium 2. subces. 11. Anzæum Robert. 2. Rerum Judic. 14.

Qui hic naturales appellantur liberi, legitimis opponuntur, ut tamen ex post facto legitimi quandoque fiant, qui tum vocantur legitimati. Neque enim semper fuere legitimi sed facti sunt tales; ut tamen postquam sunt legitimati, legitimorum appellatione veniant. Quo nomine legitimi dicentur in genere, & qui nati sunt legitimi, & qui cum illegitimè nati essent, postmodum facti sunt legitimi. Id quod fit per legitimacionem, quæ legis est actio, quâ vel quædam, vel omnia jura legitimè natorum in aliquem conferuntur. Et licet ipsa legitimatio vulgo natalium dicatur restitutio, idque ex Nov. 74. non tamen per omnia natalium restitutioni comparari debeat. Nam jus omne quod quis integris natalibus adipisci potest, natalium tribuit restitutio. l. 2. D. de Natal. Restit. Nov. 78. Non omnis legitimatio idem præstat, saltem non ea, quæ est per curiæ oblationem, ut quæ legitimatum ab agnatis alienum relinquit. Vid. Hottom. 4. dē Cast. Nupt. 6. in fin. Rittershus. ad nov. p. 4. c. 12.

Ante Justinianum per adrogationem facta fuit legitimatio, idque ex A. 2. nastasii constit. in l. 6. de natur. liber. quam sustulit Justin. l. 7. Cod. eod. & Nov. 74. c. 3. Sicuti nonnulli statuunt jure noviss. per nominationem filii, legitimacionem fieri. ex Nov. 117. c. 2. Ut tamen potius censeretur debeat modus probandi factam esse legitimacionem, quam ut sit legitimandi species. l. 5. Cod. de Testam. Gudel. 1. de jure noviss. 16. Perez. Cod. de Natural. liber. n. 16. 17.

Hoc titulo nonnisi duo modi legitimandi proponuntur; unus est qui fit per curiæ oblationem, à Theodosio juniore introductus, l. 3. Cod. Natur. liber. à Leone probatus. l. 4. cod. alter per matrimonium subsequens; qui Constantinum habet autorem. Per curiæ oblationem legitimantur, dum seipso à liberâ muliere, vel ex ancillâ natos, & manumissos, si tamen legitimi non sint, curiæ vel offerunt, vel per parentes, quos habent, licet alii sint legitimi, modo ipsi à liberâ muliere sint procreati, curiæ offeruntur. Id est senatus seu decurionibus in municipiis exhibentur, ut unâ cum cæteris onerum & munerum curialium fiant participes. Qui tum, quod molestæ esset fortuna cuiuslibet propter laboriosa officia, quæ subeunda, sic ut Christiani ab Ethnicis pœnæ loco curiæ addicerentur, in decuriones cooptantur. Tum quæ jus suavitatis, & legitimæ successione in tantum consequuntur, ratione personæ patris, ejusque bonorum, ut ea in fraudem curiæ repudiare non debeant, sicuti nec à patre sibi factas donationes respiciere. l. 3. 4. Cod. Natur.

Natur. liber. Ut tamen pater iisdem non plus relinquere debeat, quam uni è legitimis natis liberis cui minimam dederit portionem. l. communium. §. fin. Cod. Natur. liber. Quâ in parte Novellæ Theodosii de bonis decurionum, derogatum est. Cujac. ad Nov. 74. Nov. 89.

Et quia fœminæ non poterant curialium subire munera. l. 2. D. de Regul. Jur. ea propter constitutum fuit, ut nubendo decurioni jus legitimatio- nis adipiscantur. Vid. Alciat. 2. Parerg. 26. Brissón. 4. Antiq. select. c. 18. Hotom. 4. de cast. nupt. 6.

4. Subsequitur alter legitimandi modus, per subsequens matrimonium, à Constantino primitus institutus, à Zenone restitutus, ab Anastasio adau- ctus, à Iuliano denique confirmatus. Et quidem constitutio Zenonis respicit liberos ante legem à se latam ex ingenuâ natos, non eos, qui post- modum nascerentur, quod homines à concubinato absterreere vellet in posterum. Anastasius Imperator etiam in futurum hanc rationem faciendæ sobolis legitimæ, valere voluit. Justinianus denique probavit omnia præ- cedentia jura, etiam ex ancillâ natos, si manumissi fuerint, admittit, sicuti quandoque ancilla unâ cum liberis manumittebatur. Nov. 18. Ut tamen matri & liberis impetratum esset jus aureorum anulorum, omne que nata- libus restituerentur. Nov. 18. Quod hodie videtur esse supervacuum, post- quam Imperator omnes manumissos voluit ingenuos. Nov. 78.

Estque hic legitimandi modus, quando concubina ex quâ liberi ante ma- trimonium erant nati, per subsequens matrimonium fiunt legitimi. l. 5. 6. Cod. Natur. liber. Et locum habet, sive postea nascantur ex eodem matri- monio legitimi, sive antea legitimi fuerint nati, & existant, (quod ante non obtinebat) modo qui legitimantur, ex liberâ muliere, non ancillâ nati sint. l. 5. 6. Cod. Natur. liber. l. 10. Cod. eod. Nov. 12. c. fin. Nov. 18. c. fin. Quod postmodum ad natos ex ancillâ concubinâ, sed manumissâ, instru- mento dotali interveniente, admissum est. Nov. 78. c. 4. Etiam relatam ad mulierem abjectam, quæ se Senatorii Ordinis Viro junxisset, quod olim non obtinebat. l. 1. Cod. de Natur. liber.

Ut vero hæc procedat legitimatio, varia requisita sunt enumeranda.

1. Ut liberi ex eâ sint nati, cum quâ erat jus connubii, utque vir sit cæ- lebs, quod olim non obtinuit. l. 5. 7. in princ. l. 19. & seq. Cod. Natur. li- ber. l. 1. Cod. de Concub. Nov. 89.

Jus connubii fuisse sufficit tempore natiuitatis. l. qui in utero. §. D. Statu homin. l. 11. Cod. natur. liber. Covarr. 4. decret. p. 2. c. 8. §. 2. n. 2. Ut ta- men favore liberorum, si aliter forent illegitimi, etiam conceptionis tempus inspicí possit. §. 1. Instit. de ingen. l. qui in utero. D. Statu hom. Nov. 89. Cujac. ad Nov. 18. p. 2. Vid. Sarmient. 1. Select. c. 5. n. 10. Fachin. 3.

controv. 50. Perez. Cod. Natur. Liber. n. 11. Zoef. D. de Concub. n. 14.

2. Ut matrimonium sit subsequutum, & quidem verum, non præsumptum. Nec interest quando sit subsecutum, cum vel in articulo mortis contractum esse sufficiat. l. 6. D. de Liber. & Posthum. Arg. l. 2. D. de Ritu Nupt. Bartol. in quæst. seu disp. 11. incipit. habeo filiam. Covarr. 4. decret. p. 2. c. 8. §. 2. n. 10. Gomez. ad l. 9. Tauri. n. 59. Forster. 6. de success. 22. Gail. 2. obs. 14. l. 1. n. 7. Vasq. Illustr. quæst. 41. n. 4.

Nec subsequenti matrimonio impedimentum adferet, quod fuit inter medium. Arg. tit. Instit. de Ingen. Covarr. de Matrim. p. 2. c. 8. §. 2. n. 18. Forster. 6. de success. 23. Zoef. D. de Concub. n. 11. Hænon. disp. 2. Instit. q. 16. 17. ibique DD.

Quid si naturalis filius præmortuus reliquerit nepotem ex matrimonio, an avo fiet legitimus per matrimonium avi & aviæ? Ita dicendum videtur. Alciat. 3. Parad. 16. & præsumpt. p. 1. n. 10. Covarr. 4. decret. p. 2. c. 8. §. 2. n. 13. Gomez. ad l. 9. Taur. n. 6. Fachin. 3. contr. 56. Hænon. disp. 2. Instit. q. 18. 19. ibique DD.

An etiam necessarium erit, ut instrumenta dotalia interveniant, ad matrimonium cum concubinâ initum? Ita quidem velint DD. per §. fin. hic. Tessa. decif. 83. Sarmient. 1. Select. interpret. 1. cap. 5. n. 7. Fachin. 3. contr. 51. Rittershus. ad novell. p. 4. c. 12. n. 8. Hænon. disput. 2. ad Instit. q. 20.

Malim tamen statuere, instrumenta quidem dotalia intervenire posse, & tutius esse ut interveniant, ad certiore nuptiarum probationem, non tamen iis opus esse, quasi si non adhibitis matrimonium non subsisteret cum concubinâ. Nov. 74. §. illud quoque. Nov. 117. c. 4. Nov. 127. c. 4. Donnell. 2. comm. 21. in fin. Cujac. 13. obs. 4. Treutl. vol. 1. disput. 2. thes. 6. litt. f. Bronch. 1. Miscell. assert. 97. vid. Bacchov. ad §. fin. Instit. hic. Zoef. eod.

Excipiuntur nonnulli casus in juro, quibus necessaria sunt pacta dotalia, ut nuptiæ subsistant. Si quis matrimonium contraxerit cum suâ libertinâ. Auth. sed novo jure. Cod. de Nupt. Nov. 78. c. 3. Si illustres personæ matrimonii vinculo copulentur, exceptis illustribus Barbaris. Nov. 117. c. 4. Si personæ sint disparis conditionis. l. 22. 23. Cod. de Nupt. Ut in cæteris casibus non exceptis, regulæ sit locus, quod nuptias faciat solus consensus, nec scripturâ sit opus. l. 30. D. Regul. Jur.

Estq; hujus legitimationis effectus, quod legitimated per omnia habeantur pro legitimis. §. fin. hic. Nov. 89. adeoq; de moribus succedant ex statuto vocante legitimos, Menoch. 4. præf. 81. n. 9. 11. Forster. 6. de success. 29. Covarr. de matrim. p. 2. c. 8. §. 2. in fin. Treutl. disp. alleg. tam ad primigenia

genia & feuda, quam ab bona allodia. Mynf. 5. obs. 42. Gail. 2. obs. 140 & 141. n. 9. Covarr. 4. decret. de nupt. libr. 2. n. 10. Rosenth. de feud. cap. 7. conclus. 18. n. 10. Sand. de feud. Gelr. tract. 1. tit. 3. §. 1. Besold. delib. jur. Pand. lib. 1. p. 77. tit. de legitimat. Zoef. de feud. c. 10. 11. diff. Sonf bec. p. 9. de feud. n. 72. Vultej. 1. feud. 9. num. 94. Cujac. Hottom. in tit. 26. libr. 2. feud. c. naturalis, ubi vid. Gothefred. in not. Scheplitz. ad consuet. Brandenburg. p. 3. tit. 3. n. 71.

5. Tertius legitimandi modus per rescriptum Principis omissus, quod olim esset incognitus, Justinianum auctorem habet. Olim enim rescripto Principis non fiebant legitimi, nisi nati essent ex muliere, quæ propter inæqualitatem iusta uxor esse non poterat. Ut si Senator duxisset libertinam, aut vilem mulierem. Nov. 74. c. 2. Nov. 89. c. 9. Cujac. in epit. ad Nov. 74. Rittershus. ad Nov. p. 4. c. 12.

Et quidem hæc nova legitimandi ratio tunc obtinet, cum pater aut ipsi naturales liberi ex testamento patris, etiam citra consensum magnatorum imperatori preces offerunt, ut jus legitimorum, non extantibus liberis legitimis assequantur. Nov. 74. Nov. 89. §. si vero. vid. Böer. q. 122. Molin. ad Paris. §. 8. gloss. 1. n. 39. Rosenth. de feud. 7. concl. 19. n. 24. Roeland. à valle. consil. libr. 1. cons. 89. Sarmient. 1. Select. interpret. 6. n. 8. Perez. Cod. Natur. Liber. n. 15. Ut tamen Princeps de plenitudine potestatis & spurios & adulterinos legitimare valeat, licet id pater testamento non petierit, & legitima proles extet. l. 57. §. fin. D. de Ritu Nupt. Fachin. 3. contr. 6. §. 6. & seqq. Forster. de Success. 6. c. 32. n. 8. Boccr. de Regal. 2. n. 108. Mynsing. 1. obs. 31. Zoef. D. de Concub. n. 19. 21.

Quæ legitimatio an per alium præter supremum in suâ ditione fieri possit, disquiritur? Vid. Rosenth. de feud. c. 5. conclus. 2. n. 4. Tuschum litt. l. conclus. 218. & seq. Gabriel. 6. comm. conclus. tit. de legitim. concl. 5. Sixtin. de Regal. c. 4. n. 8. 107. Boccerum de Regal. c. 2. Fachin. 3. contr. 59. Besold. delib. jur. Pand. lib. 1. p. 66. Hondæd. cons. 37: in fin. Nizol. Alleg. 1. in princ. Zoef. D. de Concub. n. 16.

Effectus hujus legitimacionis est, quod sese non extendat ultra territorium legitimantis, nisi forte ex humanitate. Arg. l. fin. D. de jurisd. l. unic. Cod. qui pro suâ jurisd. c. 13. qui filii sint legitim. Fachin. 3. contr. 58. Camman. de Majest. disp. 4. thes. 51. Besold. delib. jur. ex libr. 1. P. tit. de legitim. p. 67. Zoef. D. de Concubin. n. 17. diff. Matth. Stephan. de jurisd. 1. c. 33. n. 38. Forster. de success. ab intest. c. 34. n. 26. Perez. Cod. de natur. liber. n. 16. 17. vid. mea de Statutis sect. 4. c. 2. n. 6. 7. & seqq. & n. 15. Mantic. de conj. ult. Volunt. libr. 11. tit. 10. n. 46. Nizol. allegat. 1.

Quod legitimati de moribus non adquirant jus primogenituræ. Castrenf.

Arrens. i. consil. 18. n. 4. Tuschus litt. l. conclus. 232. in fin. Befold. delib. juris Pand. libr. 1. tit. de legitim. p. 75.

Non succedant in feuda, nisi ad ea fuerint legitimati, & feudi dominus, iique quorum interest, consenserint. l. 2. feud. tit. 26. §. naturales. ibique Gothesfred. in not. Argent. ad Brit. art. 456. & de legitim. c. 5. Wesemb. consil. 6. n. 10. Schrader. de feud. p. 7. c. 5. n. 20. Rosenth. de feud. cap. 7. conclus. 16. n. 6. Clarus §. feud. q. 82. n. 1. in fin. Grot. 1. introd. 12. Gud. del. 1. de jure noviss. 15. Christin. vol. 1. decis. 199. n. 18. & 3. decis. 145. n. 20.

Ut tamen in cæteris, ratione successionis, (regiâ forte excepta, Molin. ad Paris. tit. 1. §. 13. n. 32. 38.) nobilitatis, honorum, dignitatum, aliorumque jurium pro legitime natis habeantur. Nov. 89. c. 9. in fin. Alex. 1. consil. 139. Tiraquell. de Nobilit. cap. 15. n. 17. Tuschus litt. l. conclus. 216. Fachin. 4. contrav. 3. Peregrin. de fideic. art. 23. n. 30. Forster. 6. de success. 37. n. 27. Paleoth. de Nothis c. 62. Nisi cum certâ clausulâ, de non succedendo, aut simili sint legitimati. Vld. Honded. 1. consil. 67. & 2. consil. 71. 83. Cævall. quæst. 124. Christin. 1. decis. 199.

M O R I B U S.

Legitimatio per oblationem curiæ in usu non est, neque quid simile in ejus locum videtur esse constitutum, puta, ut naturalis oblati à patre curiæ Principis, fiat legitimus. Cessat enim nostris moribus illa ratio, quæ olim obtinebat. Angel. consil. 17. num. 5. v. hodie. Mantic. 11. conj. ult. volunt. 12. Rebuff. ad Constit. Regias in procem. gloss. 5. n. 67. Imbert. in Enchir. v. filia naturalis. Rittershus. ad Nov. p. 4. cap. 12. n. 10. post Accurs. Donell. 2. comm. 21. Gudelin. 1. de jure noviss. 15. 16. Christin. vol. 3. decis. 145. n. 18. Treutler. vol. 1. disp. 2. thes. 6. Coppen Pract. obs. 1. q. 51. in fin. Sand. de feud. Gelriæ tract. 1. tit. 3. c. 1. §. 1. n. 2. Grot. 1. introd. 12. in fin. Perez. Cod. de natur. liber. n. 6. Dessel. in not. ad Zoef. comm. ad Instit. hic. n. 24. diff. Covarr. de Matrim. part. 2. c. 8. §. 7. n. 6. alique apud Groenw. de ll. abrog. hic.

Quod spectat legitimationem per matrimonium subsequens ad eam non requiruntur instrumenta dotalia. Vinnius hic. Christin. vol. 1. decis. 310. n. 13. 14. diff. Groenw. de ll. abrogat. Qui existimat nullum moribus nostris celebrari matrimonium sine dotalium instrumentorum interventu. Id quod se probasse censet, dum allegat, aliquam publicam adnotationem adhiberi, tales matrimonii vinculo copulatos esse. Verum hæc ipsa est fallacia elenchi. Aliud enim est pacta dotalia intervenire, aliud quid, publicè adnotari, quicumque & quando fœdere matrimonii copulentur. Lumbens tamen fateor, è publicâ illâ scripturâ satis constare, quæ cuique sit

conjunct, licet nulla dotalia pacta precesserint. In Angliâ hunc solummodo legitimandi modum admissum, refert Smith. 3. de Republic. Anglic. cap. 9.

Quod attinet legitimationem, quæ fit per rescriptum Principis, ea etiam ad spurios est porrecta. Gail. 2. obs. 141. n. 4. Zyp. libr. 5. not. juris Belg. tit. de natur. liber. Mevius ad Lubecens. p. 2. tit. 2. art. 9. n. 71. Nec tantum Princeps legitimat in Germaniâ, verum & comites Palatini. Gail. d. loc. Coppen. 1. Pract. obs. q. 51. n. 25. De reliquis, quæ circa legitimationem de moribus obtinent videri poterunt. Burgund. ad Flandr. tract. 13. n. 15. Christin. vol. 1. decis. 199. Kinschot de legitimat. Förster. de success. ab intestat. c. 31. & seqq.

JURE CANONICO.

7. Jure canonum quod moribus etiam obtinet, ut per subsequens matrimonium quis legitimetur, sufficit quod mulier potuerit esse uxor, licet de facto non possit. c. tanta. qui filij sint legitim. Covarr. ad 4. decret. p. 2. cap. 8. §. 4. n. 4. Peregrin. de jure fisci. 3. tit. 18. n. 10. Unde si concubina ignoret virum esse uxorem, si ei postmodum nupserit, legitimati liberi censentur. Covarr. d. c. 8. §. 2. n. 20. per textum in c. ex tenore. qui filij sint legitim. vid. Sarmient. 1. select. 6. n. 3. Perez. Cod. natural. liber. num. 10.

Etiam sufficit de jure canonum matrimonium iniri potuisse cum concubina, licet infra viri sit dignitatem, neque eam satis honestè in uxorem ducere possit. Carol. Ruin. libr. 1. conf. 211. Secus quam obtinere volunt de jure Romano per l. semper. D. Regul. Juris. Nicol. ab Ubald. tract. de Success. ab Intestat. n. 72. 73.

Neque de canonibus ulla dotalia instrumenta sunt necessaria, si concubina ducatur. c. tanta. qui filij sint legitim. Bald. in Auth. licet. Cod. de Natur. Liber. Angel. & DD. in §. fin. Instit. de Nupt. Cujac. 13. observ. 4. Covarr. d. c. 8. §. 2. n. 15. Coppen Pract. observ. 1. q. 51. n. 14. Ut hic frustra Abbas ad c. tanta. qui filij sint legitim. differentiam agnoscat inter jus canonicum & civile. Dessel in not. ad Zoef. in comm. hic. num. 26. ibique DD.

LIBER. I. TITULUS. XI.

D E

A D O P T I O N I B U S.

Non solum autem naturales liberi, secundum ea, quæ diximus, in potestate nostra sunt, verum etiam ii, quos adoptamus.

1. Adoptio autem duobus modis fit, aut Principali rescripto, aut imperio Magistratus. Imperatoris auctoritate adoptare quis potest eos, easve, qui, quæve sui juris sunt: quæ species adoptionis dicitur Adrogatio. Imperio Magistratus adoptamus eos, easve, qui quæve in potestate parentum sunt: sive primum gradum liberorum obtineant, qualis est filius, filia; sive inferiorem, qualis est nepos, neptis, pronepos, proneptis.

2. Sed hodie ex nostra Constitutione, cum filius familias à patre naturali extraneæ personæ in adoptionem datur, jura patris naturalis minimè dissolvuntur, nec quicquam ad patrem adoptivum transit, nec in potestate ejus est: licet ab intestato jura successionis ei à nobis tributa sint. Si vero pater naturalis non extraneo, sed avo filii sui materno, vel, si ipse pater naturalis fuerit emancipatus, etiam avo vel proavo simili modo paterno vel materno, filium suum dederit in adoptionem: in hoc casu, quia concurrunt in unam personam & naturalia & adoptionis jura, manet stabile jus patris adoptivi, & naturali vinculo copulatum, & legitimo adoptionis modo constitutum: ut & in familia, & in potestate hujusmodi patris adoptivi sit.

3. Cum autem impubes per principale rescriptum adrogatur, causâ cognitâ adrogatio fieri permittitur, & exquiritur causa adrogationis, an honesta sit, expediatque pupillo. Et cum quibusdam conditionibus adrogatio fit, id est, ut caveat

Ee 3

adro-

adrogator personæ publicæ, si intra pubertatem pupillus decesserit, restitutum se bona illis, qui, si adoptio facta non esset ad successionem ejus venturi essent.

Item non aliter emancipare eum potest adrogator, nisi causa cognita dignus emancipatione fuerit, & tunc sua bona ei reddat.

Sed & si decedens pater eum exheredaverit, jubetur quartam partem ei bonorum suorum relinquere, videlicet præter bona, quæ ad patrem adoptivum transtulit, & quorum commodum ei postea adquisivit.

4. Minorem natu majorem non posse adoptare placet. Adoptio enim naturam imitatur, & pro monstro est, ut major sit filius, quam pater. Debet itaque is, qui filium per adoptionem vel adrogationem facit, plenam pubertatem, id est, decem & octo annis præcedere.

5. Licet autem & in locum nepotis vel neptis, pronepotis vel proneptis, vel deinceps adoptare, quamvis filium quis non habeat.

6. Et tam filium alienum quis in locum nepotis adoptare potest, quam nepotem in locum filii.

7. Sed si quis nepotis loco adoptet, vel quasi ex filio, quem habet jam adoptatum, vel quasi ex illo, quem naturalem in sua potestate habet: eo casu & filius consentire debet, ne ei invito suus heres agnascatur. Sed ex contrario, si avus ex filio neptem det in adoptionem, non est necesse filium consentire.

8. In plurimis autem causis assimilaturis, qui adoptatus vel adrogatus est, ei qui ex legitimo matrimonio natus est. Et ideo si quis Imperatorem, vel apud Prætores, vel Præsides provinciæ non extraneum adoptaverit, potest eundem in adoptionem alii dare.

9. Sed & illud utriusque adoptionis commune est, quod & ii, qui generare non possunt, quales sunt spadones, adoptare possunt: castrati autem non possunt.

10. Femina quoque adoptare non possunt, quia nec naturales

les

les liberos in sua potestate habent: sed ex indulgentia Principis ad solatium liberorum amissorum adoptare possunt.

11. Illud proprium est adoptionis illius; quæ per sacrum oraculum fit, quod is, qui liberos in potestate habet, si se adrogandum dederit, non solum ipse potestate adrogatoris subjicitur, sed etiam liberi ejus in ejusdem fiunt potestate, tamquam nepotes. Sic etenim divus Augustus non ante Tiberium adoptavit, quam is Germanicum adoptasset: ut protinus adoptione facta inciperet Germanicus Augusti nepos esse.

12. Apud Catonem bene scriptum refert antiquitas, servos, si à domino adoptati sint, ex hoc ipso posse liberari. Unde & nos eruditi in nostra Constitutione etiam eum servum, quem dominus, actis intervenientibus, filium suum nominaverit, liberum esse constituimus: licet hoc ad jus filii accipiendum ei non sufficiat.

COMMENTARIUS.

INITIUM.

Definitur ADOPTIO.



On solum autem.] Liberos in jure nostro quinque genera occurrunt; quorum alii sunt naturales & legitimi simul, naturales appellati, qui justis nuptiis sunt procreati, alii naturales tantum, ex concubinâ prognati, alii spurii, incerto patre nati, alii legitimi qui facti sunt legitimi, alii denique legitimi tantum quales sunt adoptivi. §. pen. & ult. tit. Præced. init.

Instit. hic. Et quamquam omnes prænominati liberorum veniant appellatione, non tamen si verba civiliter accipantur, liberi vocabuntur, multo minus filii-familias, quos faciunt, nuptiæ, legitimatio, & adoptio. Filios-familias non solum natura, inquit Modestinus, verum & adoptiones faciunt. l. 1. D. hic. Id est, in prioribus constituendam patri potestatem modis, nuptiis & legitimatione, naturam intervenire necessum est, licet ad nuptias actus aliquis occurrat legis, etiam ad legitimationem: in adoptione tamen nihil tale est, ubi vel sola lex operatur, quod etiam nullo naturæ vinculo nobis conjunctus, adoptari possit. Quandoque etiam ad adoptionem natura concurrat, si ab ayo paterno vel materno nepos adoptetur. Hocque sensu

sensu duos priores modos ad naturam retulit Modestinus, adoptionem vero naturæ opposuit. Negari tamen non poterit, quin omnis adoptio ad similitudinem naturæ sit comparata; quo nomine definitur; legitima alicujus in filium familias assumptio ad imitationem naturæ facta. Cajus Instit. l. 1. 23. D. de liber. & Posthum. Theophil. hic. Dicitur *legitima*, ut designetur hic solummodo spectari legis actum, cumque sufficere, licet non sublit natura; qui legis actus expediri debebat coram illo Magistratu, apud quem est legis actio, bina manumissione, trinæque mancipatione interveniente. Tull. l. de fin. Gell. 5. noct. 19. Suet. in August. cap. 64. Festus in v. mancipatum. l. 4. D. hic. Azo in sum. Cod. hic. Gothesfred. in not. ad d. l. 4. Coras. ad l. 3. 4. D. eod.

Idque ne confundatur cum legitimatione, quæ quidem est actus legis, sic tamen naturam prærequirit, ut aliquem ex me genitum esse oporteat. Additur in *filium familias*, quod hæc esset plena adoptio, de jure anteriori, quando adoptatus potestati patris adoptantis subjicitur. in init. Instit. hic. Non semper tamen adoptionem hic effectus sequitur: nam quandoque adoptio quem facit filium-familias, subintellige etiam nepotem, & sic deinceps, ut si adoptetur quis ab eo, qui pater est futurus. d. init. Quandoque adoptio filium facit, non tamen filium familias, ut si scæmina ex indulgentiâ Principis adoptet: neque enim illa liberos habet in potestate. §. 10. hic. Quandoque nihil horum tribuit adoptio, verum tantum libertatem, quod accidit, si à domino servi fuerint adoptati. §. fin. hic.

Quinimo accidere quandoque potest, ut qui filius erat, in filium-familias assumatur, in quantum in potestatem redigitur, qui erat emancipatus. l. 12. D. hic. Et forte nepos, qui etiam filii venit appellatione, si juxta spectemus interpretationem, in locum filii-familias assumitur. §. 6. hic. l. 15. §. 1. D. hic. l. 201. D. verb. signif. Quibus in casibus naturam non tantum imitatur adoptio, verum etiam cum naturâ concurrat, quod ex me genitus, à me adoptetur. §. 2. hic.

Porro in def. adoptio dicitur esse legitima *assumptio*, Græcis, *positio*, qui adoptionem appellant *ὀψέρια*, quod ponatur nobis filius, nec tamen semper à nobis generetur, id quod in nuptiis accidere solet, ubi nemo filium habere potest, quem non generavit. In adoptione vel quandoque generavit, vel quem adoptat, ita habet, ac si eundem generasset.

Additur denique in def. *ad imitationem naturæ facta*, non ad naturæ identitatem, ut sic loquar. Est enim fictio, seu commentum aliquod naturæ, ejusdem imago atque similitudo. §. 4. 8. hic. l. 16. D. eod. l. 76. D. de Condit. & Demonstr. in eorum inventa solatium, qui liberos non habent, vel qui eos habuerunt. §. 10. hic. nec forte per aliquod impedimentum sperare possunt. §. 9. hic. l. 15. §. 2. D. hic.

§. 1.

1. *Quot Modis fiat ADOPTIO?*2. *Differentiæ inter ADROGATIONEM**ONEM & ADOPTIONEM proponuntur.*

Adoptio autem.] Adoptio duobus modis fieri dicitur, id est, adoptio in duas species dispescitur, in adoptionem in specie, & arrogationem. Scil. propter rerum copiam, & inopiam verborum in disciplinis evenire solet, ut species iis nominibus nuncupentur, quibus genera. Bœt. Topic. Ciceron. libr. 2. Ita in jure nostro, cognatio in genere, vel est cognatio in specie, vel agnatio; novatio in genere, vel est una ejus species, vel delegatio. Præter duas adoptionis species hic traditas, & alii modi antiquitus erant recepti. Fuit enim in usu adoptio, quæ fiebat testamento, quando ita scribebatur hæres, ut nomen testatoris, nisi infame esset, vel infra hæredis dignitatem, ferre juberetur. l. facta. 63. §. si vero nominis. D. Ad Trebell. Ita Cæsarem Octavium testamento adoptatum fuisse Paternulus testis est, & à Marco Gallo Senatore Tiberium assumptum refert. Suet. cap. 9. in ejus vitæ. Ut tamen ea adoptio non procederet, nisi lege confirmata fuisset. l. 38. D. hic. Cujac. 7. obs. 7.

Erat & alius adoptionis modus, qui ex S. consulto, de tribus maribus dicebatur; ut si quis unum ex tribus fratribus maribus adoptasset, ei quartam bonorum suorum partem relinqueret, §. sed ea omnia. 13. Instit. Hæred. ab intest. ibidemque Theophilus, Alciat. 4. Parerg. 3. Rævard. de Auctor. Prudent. c. 6. Gregor. Tholos. Synt. Juris libr. 10. c. 6. Quandoque etiam fictam aliquam adoptionem adhibuere Romani, idque in fraudem juris publici, & privati. *Ut tandem factum fuerit S. consultum, ne simulata adoptio in ullâ parte muneris publici jureret, ac ne usurpandis quidem hæreditatibus prodesset.* Tacit. Annal. 15. post init.

Postmodum alii modi adoptandi, veteribus incogniti, adinventi sunt, ut qui sit per sacrosanctum sacrificium. Nov. Leonis. 24. 89. per baptismum, per arma tradita, per comam sive incisos capillos, per rasam barbain. De quibus singulis exempla prolata apud Pithæum advers. Subces. libr. 1. cap. 1. post quem Besold. ad l. 2. tit. D. de Adopt. in delib. jur. 22.

Aut principali rescripto, aut imperio magistratus.] Differentiæ inter adoptionem in specie & adrogationem, non tantum §. 1. verum & 3. & 11. proponuntur, & ea propter mihi visum fuit, eas omnes in hunc locum transferre, ne divisa esset earum explicatio, quæ inter se cohærent.

Adrogatio una species adoptionis olim apud populum solemnij juris ordine, curiatis vel ut alii, calatis comitiis, adhibitis Pontificibus, negotium approbantibus peragebatur. Rogabatur autem populus, cujus requiritur

consensus si liber, qui reipublicæ membrum est, de se ita disponere vellet, ut non amplius esset sui juris, alteri in se tribuens jus vitæ necisque. l. liber. homo. D. Ad l. Aquil. Rogabatur qui filium, rogabatur etiam qui patrem volebat; ille velit ne hunc sibi filium, hic an sibi hunc velit patrem, indeque adrogationis nomen sortitur hæc adoptionis species. Tacit. Annal. 17. & histor. 1. Gell. 5. noct. 19. Alexand. ab Alex. Genial. dier. 2. c. 8.

Quæ rogatio num stipulatione fuerit perfecta, in ancipiti est positum? Affirmativæ equidem sententiæ ad stipulari non possum, quod adrogationis actus per se solemnis satis, non egeat ullâ stipulatione, quæ olim firmandarum potissimum obligationum gratiâ est introducta. Connan. 2. comm. 15. n. 4. Cujac. 9. obs. 37. Anton. Faber ad l. 24. in fin. D. de Adopt. Hænon. disp. Instit. 11. q. 22.

Cumque scæminas arrogari per populum non fuerit concessum, quod nulla cum scæminis comitiorum esset communio. Gell. 5. noct. 19. Ulpian. tit. 8. §. 4. Hodie postquam arrogatio ex indulgentiâ Principali facta est perinde valet, atque si per populum jure antiquo facta fuisset, etiam scæmina sublato illo jure comitiorum ex rescripto Principis arrogari potest. l. 21. D. hic.

An igitur plus juris in Principem transferet populus, quâ ipse habet? Non videtur id affirmandum contra. l. nemo. 55. D. de Regul. Jur. Verum quia illa cessat ratio, postquam comitiorum usus esse desiit, quæ tum temporis obstabat, ne scæmina adrogaretur, auctore Principe hodie recte arrogatur. d. l. 21. diff. ex parte Gothefred. in not. ad d. l. 21. Qui contra jura manifesta censet quibusdam in causis Principis majorem quam populi fuisse potestatem. Quam opinionem stabilire conatur per l. 3. in fin. D. de Officio Prætoris, ubi hæc verba occurrunt: *quod multo magis in Principe observandum est.* Cui locutioni hunc sensum attribuit, quasi multo magis, quam populus servum liberum facere posset Princeps. Verum perperam, nam verba multo magis non sunt referenda ad libertatis dationem, sed ad errorem. Quod quæ per errorem gesta publicâ suadente utilitate sint servanda, licet hic fuerit error totius populi. Id quod quam maxime in Principe est observandum, qui facilius, quam universus populus, in constituendo prætore servo, errare potuit, si verum sit plus videre oculos quam oculum, pluresque ad reipublicæ clavum sedentes in Aristocratiâ, singula expendere accuratius, quam unus cui summa rei est concredita. Quâ adhibitâ explicatione etiam corrui sententiâ Besoldi, qui in delib. jur. Pand. ad l. 21. D. hic. existumat verba legis ad juris correctionem referri. Id quod non est ferendum, cum non magis jus populi corrigere potuisset Princeps, quam populus suum jus per legem posteriorem.

Ve-

Verum, an non & jure noviss. citra rescriptum Principis aliqua permiffa est adrogatio? Ita videtur, si nominatio filii, non servi, aut libertini, in instrumento facta sit, habente trium testium subscriptionem; vel etiam si ea facta sit interposito jurejurando. Nov. 13. c. 2. Nov. 74. Nov. 117. c. 2. vid. Cujac. 12. obs. 15.

Verum non uti adrogatio, ita peragitur adoptio in specie dicta, quæ fit mixto imperio magistratus, penes quem est legis actio. l. 4. D. hic. Qui non tantum in adoptionem dare vel adoptari verum etiam apud se adoptare potest, & extra suum territorium. Est enim adoptio voluntariæ jurisdictionis actus, quem per magistratum in causâ propriâ expediri, nihil obstat. l. 4. §. 36. D. hic. l. 2. D. Offic. Prætor. l. 2. D. de Offic. Præsid. vid. Coras. ad l. 3. 4. D. hic. Rauchb. 1. quæst. 24. Non autem in hac adoptionis specie, ulla Populi vel Principis desideratur auctoritas, quod hic adoptandus habeat patrem, in cujus est potestate, per quem tertiâ mancipatione ei ceditur, qui illum adoptat, & à quo vindicatur secundum formam juris antiqui. Ulpian. tit. Regul. 19. l. 11. Cod. de Adopt. Nam æque in adoptione, atque in cæteris rebus, quæ mancipio accipiebantur, æs id est assis, & libra interveniebat. Unde Sueton. in August. c. 64. *Adoptavit domi per æsem & libram*. Sic enim legit Torrentius & Sabellicus, licet dissentiat Beroaldus ibidem, & id perperam inolevisse scribat Lipsius ad Tacit. Annal. 1. sub init.

Insuper, arrogatur is, qui sui juris est, paterfamilias; adoptatur filiusfamilias, qui patriæ subest potestati. §. 1. hic.

Et quidem eum qui adrogatur, expressè consentire oportet. l. 4. §. D. hic. ut septennio minor esse non debeat, quod consensum accommodare nequeat. Arg. l. 14. D. de Sponsal. Quod si septennio major sit, vel aliter in tutelâ aut curâ, tutoris vel curatoris desiderabitur auctoritas; quoniam iniquum esset, solvi tutelam vel curatelam, eo non admonito, cuius interest. l. 8. D. hic. l. fin. Cod. eod. l. fin. Cod. de Auctor. Præstand.

Quod si quis in adoptionem detur, sufficit ejus consensus tacitus, id est, consensisse censebitur, modo non contradixerit. Quapropter qui adoptatur septennio minor esse potest, quod patrem habeat sibi consulentem satis, & defectum ætatis suâ suppletentem prudentiâ. l. 5. D. hic. vid. Hilfig. ad Donell. 2. comm. 22. litt. H.

Qui datur adrogandus transit in potestatem patris adrogatoris in omnem eventum, nec tantum ipse, verum etiam ejusdem liberi. §. 11. hic. l. 2. in fin. l. 15. l. 40. hic. Arg. l. 21. D. Ad l. Jul. de Adult. Quinimo & ejus bona ratione tantum usufructus, de jure novo, in patrem transferuntur adrogatorem. dd. ll. Auth. ingressi. Cod. de Sacros. Eccles. l. cum oportet. Cod. de bon. quæ liber.

Qui adoptatur transibat omnem in potestatem adoptantis, non tamen ejusdem liberi, nisi is adoptaret in quo jura naturalia & civilia concurrunt, ut si paternus vel maternus avus nepotem adoptasset. §. 2. hic.

Hodie ne quidem ipse transit in potestatem adoptantis, nisi ab aliquo ex ascendentibus sit adoptatus. d. §. 2.

Ubi quis adrogatur, ibi multa sunt ex aminanda, & accurata causæ adhibetur cognitio, puta, num adrogator sit sexagenario major, num sanus, num ejus uxor sterilis, num conjuncta sit persona, num unum vel plures velit adrogare, num iusta subsit causa, num habeat adrogator facultates, num probæ sit vitæ, num ipse habeat liberos, num adrogari pupillum expediat, utque servo publico caveatur in omnem eventum. §. 3. hic. l. 15. 16. 16. D. cod.

Ubi quis adoptatur, non adeo anxie ad singula attenditur, quod adoptandus habeat patrem, qui ei abunde consulat, adeoque sit homo alieno juri subiectus, ut tantum non vertatur præjudicium, & propterea minus consulendum. Arg. l. 1. §. si quis. D. Carbon. Edict.

Si quis fuerit adrogatus, non aliter emancipari potest, quam si iusta subsit causa, propter quam sit dimittendus. §. 3. hic. verum qui est adoptatus à patre adoptante quandocumque emancipari poterit.

Si quis fuerit adrogatus, ei pater adrogator decedens, præter bona propria, id est, ipsius adrogati, etiam omnium bonorum suorum quartam relinquere tenetur, si eum vel ex hæredem scripserit, vel sine iustâ causâ emancipaverit. §. 3. hic. l. 22. D. hic. l. fin. D. Si quid in fraud. Patron. Quam tamen nonnisi post mortem patris adrogatoris, si inique sit emancipatus, consequetur. l. 1. §. 1. D. de Collat. forte ex lege conditione. l. Papinianus. §. si quis. D. de inoff. testam. Azo in summ. Cod. hic. Id quod nonnisi in impubere adrogato obtinere, est vero similis, propter Antonini Principis Constitutionem, quæ de impubere loquitur. l. 22. D. hic.

Dixi, impuberi relinquendam esse omnium bonorum quartam, & non tantum quartam legitimam, seu quartam suæ portionis. Textus enim illimitate loquitur, ut etiam sine limitatione sit intelligendus. §. 3. hic. l. 22. D. cod. Arg. l. 43. D. de Usufr. Hottom. Baro, Borcholt. Heigius ad §. 3. hic. Donell. 2. comm. 23. Govean. 1. Variar. lect. 5. Anton. Vacc. ad l. 22. D. hic. Vaud. Var. quæst. 1. q. 29. Proluxe Hænon. disp. 2. Instit. §. 24. diff. Coras. ad l. 22. D. hic. Lyclam. Membra. 6. Eclog. 5. Bacchov. ad Treutl. vol. 1. disp. 2. thes. 9. sub litt. E. Zoef. D. de Adopt. n. 111. vid. Justum Mejerum in quæst. Miscell. ex libr. 1. D. thes. 155. & seqq.

Quod si quis fuerit adoptatus, nihil si pater relinquere tenetur, verum tantum jus succedendi ab intestato in bona patris adoptantis, consequitur. §. 2. hic.

Si

Si quis fuerit adrogatus, ei à patre adrogatore substitui potest, idque ratione eorum bonorum, quæ à patre adrogatore ad eum sunt profecta, vel proficiscuntur. l. 22. §. 1. D. hic. Quod si quis fuerit adoptatus, jure novo non ei substitui poterit; quædequidem in patris adoptantis potestatem non transiit. §. 2. hic. junct. init. Instit. de Pupill. substit.

Adrogatio insuper non nisi per n.arem fieri potest, adoptio nonnunquam per sceminam peragitur, idque ex indulgentiâ Principis. §. 10. hic. Illa non est nepotum aut pronepotum, qui sui juris non sunt; hæc æque est nepotum & pronepotum, atque filiorum. init. hic. Denique impubes adrogatus alteri in adoptionem dari non potest; adoptatus, si non sit extraneus, omnino potest. §. 3. 8. hic. vid. Donell. 2. comment. 22. 23. ibique Hilliger. Althuf. 1. dicajol. 80. n. 10.

§. 2.

1. Effectus ADOPTIONIS sunt varii.

2. Utrum à NOBILI ADOPTATUS fiat NOBILIS?

Sed hodie.} Adoptionis in genere varii sunt effectus, quorum primarius 1. est, quod adoptatus transeat in potestatem patris adoptantis. Id quod olim obtinuit indistincte, hodie non procedit, nisi in adrogato, vel si quis sit adoptatus ab avo paterno vel materno, vel cæteris ascendentibus. §. 2. hic. l. 10. Cod. eod. vid. Hænon. disp. 2. Instit. n. 23.

Quod adoptatus ab intestato succedat patri adoptanti, ut tamen extranei patris testamentum, si sit præteritus vel exhæredatus non valeat incusare. d. §. 2. vid. Lyclam. l. Membran. Eclog. 25. Vultej. jurisprud. Roman. 1. c. 22. n. 22.

Quod adoptatus transeat in nomen & familiam adoptantis, id est, in domum, non autem in gentem. l. 32. D. Ritu Nupt. vid. Dion. Cassium libr. 46. de Octavio. Goddæ. ad l. 53. n. 4. D. verb. signif. Hænon. disp. 2. Instit. n. 21.

Quod adoptatus iis fiat agnatus, qui sunt in familiâ adoptantis, adeoque jus consanguinitatis transferatur. l. 23. §. 44. D. eod. l. 13. Cod. de Probat.

Nec obstat. l. 1. §. 4. in fin. D. Unde Cognat. Duplex enim in jure observatur cognatio, civilis & naturalis, illa agnatio est, hæc cognatio in specie dicta, illamque tribuit adoptio, hanc vero non item. vid. Duaren. 2. disp. 4. Contium 1. subsec. 6.

Quod adoptati dignitas per adoptionem non minuatur, verum potius adaugeatur. l. 13. l. 35. D. hic. Unde qui à Senatore plebejus est adoptatus, Senatoris filius dignitatis contemplatione censebitur, licet generis & sanguinis

guinis respectu plebejus maneat. l. 5. 10. D. de Senator. Nisi tamen ut genus & sanguinem mutaret, apud Principem fuerit actum. Argum. l. 10. §. 3. D. de in jus vocand. l. ult. D. hic. vid. Tiraq. de nobil. c. 15.

2. Unde quæsitum, num per adoptionem nobilitetur plebejus à viro nobili adoptatus? Id quod negandum est per jura paulo superius allegata. Besold. delib. jur. P. ad tit. de Adopt. n. 20. Hænon. disp. 2. Instit. num. 21. ibique DD. vid. Tiraquell. de Nobil. c. 15. Cujac. consult. 56. Bocer. de Regal. 2. num. 42. Bodin. de Republic. 3. c. 8. Gothefred. ad l. 1. §. 4. D. Unde cognati.

§. 3.

Quis possit adoptare?

Minorem natu.] Licet qui sexagenario major est, adoptandi licentiam habeat. l. 15. §. 2. D. hic. etiam qui aliquo corporis defectu laborat, uti cæcus, adeoque surdus & mutus. l. 9. D. hic. Sunt tamen nonnulli qui ab adoptandi beneficio arcentur. Quorum alii lege, puta scæminæ, tutores, curatores, alii consuetudine, puta monachi, prohibentur. §. 10. hic. l. 17. D. eod. l. 32. §. fin. l. 33. D. eod. Cujac. 2. obs. 38. Zoef. D. hic. n. 7.

Et quia naturam imitatur adoptio, naturâ prohibetur minor natu majorem adoptare. Non tantum, qui minorennis est, verum etiam qui non antecedit adoptatum pubertate plenâ, id est annis 18. §. 4. hic. Quam obrem Tullius in oratione pro domo ad Pontifices adoptionem Clodii irritam fuisse probat, deficiente scil. ætate.

Verum cur jura requirunt ut plenâ pubertate id est annis 18. pater antecedit filium adoptatum, cum adoptio naturam imitetur, isque generare posset, qui pubes est factus? An quia firmiore opus est judicio, ad adoptandum, quam ad generandum? An potius, quia certum est, cum qui octo-decim annis antecedit adoptatum, generare potuisse, si unquam esset generaturus? Ita dicendum videtur, quod qui 18. est annorum & corpore & animo habilis omnino censeatur ad generandum.

§. 4. §. 5. 6. 7.

Quinam possint adoptari??

Licet autem.] Non tantum filios, sed etiam nepotes & pronepotes adoptari posse, dictum fuit in princ. hujus tituli. Id quod procedebat in adoptione in specie dictâ, si nepotes & pronepotes in alicujus remanissent potestate. Verum est alter casus, quando nonnulli in locum nepotum vel pronepotum adoptantur, licet sint filii primi gradus. Id quod locum habet non tantum in adoptione in specie dictâ, verum & adrogatione, quæ fit
re-

rescripto Principali. Cum qui in locum nepotum & deinceps adoptantur, possint esse sui juris. Et adoptantur, vel tanquam ex filio, quem tamen non habet, qui adoptat, vel tanquam ex filio, qui etiamnum in vivis est. Illum casum explicat §. 5. & 6. hunc determinat §. 7. quæ ratio est, quod in explicatione eosdem conjunxerim. Et quidem priori loco dicitur, cum qui filium non habet, in locum nepotis adoptare posse. §. 2. hic. Unde colligere mihi videor, id eum posse, sive filium non amplius habeat, quod in fata concesserit, sive filium nunquam habuerit. d. 6. Nec moveor, quod adoptio naturam imitetur, adeoque non videatur is admittendus ad adoptandum nepotem ex filio, qui filium non habuit. Licet enim in nonnullis ad similitudinem naturæ sit inventa adoptio, non tamen in omnibus. Siquidem & is potest adoptare, qui nunquam generavit, nec forte propter frigiditatem generare unquam potuit. Præterquam, quod negandum non sit, hic aliquam esse naturæ similitudinem, ut quemadmodum ex filio nepos est, ita secundum fictionem, quasi nepos tanquam ex filio assumatur; quem jus me habuisse fingit, quod forte eum habere potuerim. l. 43. D. hic.

Posteriori loco, quando nepotem ex filio adoptat, qui etiamnum in vivis est, statuitur, filium in adoptionem nepotis consentire debere, idque ne ei invito suus hæres agnasceret. §. 7. hic. l. 10. D. eod. Nam quod omnes tangit ab omnibus est adprobandum. l. 148. D. de Regul. Juris. l. ult. Cod. de Auct. Præstand. Cumque suum agnasci hæredem sit juris publici. Arg. l. 3. D. de Testam. non id fieri oportet, nisi prius ejus exploratâ voluntate, cui quis agnascitur. Arg. l. antepen. D. qui sui vel alien. jur. sunt. Accedit, quod naturam sequatur adoptio, ut sicuti per nuptias filium nemo suscipit, nisi in nuptias ipse consenserit, ita nec per adoptionem invito filium nanciscatur. Licebit tamen avo in nepotem adoptare non consentiente filio, si nepos non agnascatur filio hæres, avo defuncto. Id quod locum habiturum est, si indistinctè nepotem adoptaverit, non tanquam ex filio; quo referri poterit meo judicio l. 44. D. hoc. tit.

§. 8.

ADOPTIO comparatur NUPTIIS.

IN plurimis autem causis.] Dicit in pluribus causis, id est in pluribus casibus. Cum qui ex legitimo matrimonio natus est, ei assimilari, qui est adoptatus, vel adrogatus; & tamen non nisi unum proponit casum. Ut, quemadmodum quis filium naturalem in adoptionem dare potest, ita & ille qui non extraneum adoptavit, eundem alteri in adoptionem dare possit. Ratio generalis est, quod adoptivus ad vicem filii naturalis habeatur. l. 23. D. lib. & Posthum. l. 5. Cod. hoc tit. Hoc tamen fallit in impubere adrogato, qui

qui alteri à patre adrogatore in adoptionem non dabitur; cum ne quidem sine iustâ causâ debeat emancipari, nisi sub conditione relinquendi quartam omnium bonorum. §. 3. hic.

§. 9.¹

1. *AN CASTRATI, THLIBIÆ, | 2. Casus nonnulli, quibus Nuptiæ
SPADONES possint adoptare? comparatur ADOPTIO.*

- c. **S**ed & illud.] Alius casus priori adjicitur, quo adoptio nuptiis comparatur; ut qui generare non possunt, adeoque nec legitime matrimonium contrahere, etiam adoptare non valeant. Quod in his demum personis locum habeat adoptio, in quibus etiam natura locum habere potest. l. 16. D. hoc tit. Unde castrati, id est quibus testes sunt exsecti, (addunt inter Medicos nonnulli & vasa seminaria corrupta) adoptare non possunt, quod nullâ spe parentes esse valeant. Idem quod de thlibiis, seu thlasii, quibus testes sunt contriti, dicendum est. §. 9. hic. Theophil. ibid. Ex novell. tamen Leonis 26. 27. & omnes illi, sicut & sceminæ adoptare possunt, quod jure Orientali Græcorum admissum fuisse, colligitur ex Harmenopuli lib. 2. tit. 8. §. 4.

Quidigitur statuendum est de spadonibus? *Resp.* Quandoque omnes illi qui evirati, dicti fuere spadones, idque à Spado vico Persico, in quo homines primum castrari ceperunt. Donat. in Eunuch. Act. 1. Scen. 2. Stephanus de Urbibus. Licet Ammianus Marcellianus libr. 14. Semiramidem reginam omnium primum mares castrasse referat, quos ibidem spadones appellat, quod etiam fecerat Curtius histor. libr. 4. Quandoque in jure nostro Spadonum nomine etiam continentur thlibiæ, & ita certum est, spadones adoptare non posse. l. 128. D. de verb. signific. In quantum vero spadones, castratis & thlibiis opponuntur, quales sunt illi qui vitio quo frigiditatis temporali laborant, sic ut sublato illo corporis vitio liberis procreandis operam dent, illi quidem poterunt adoptare. §. 9. hic. quoniam nuptias contrahere non prohibentur. l. 6. D. de liber. & Posthum. l. 6. §. ult. D. de Edilit. Edict. Natura enim magis in homine generandi & consuetudo spectanda est, quam temporale vitium aut valetudo, propter quam forte à generandi facultate interim abducitur. l. 9. in init. D. de liber. & Posthum. Galen. libr. 15. de Usu partium corpor. human. vid. plura huc facientia apud Alciat. in l. Spadones. D. de verb. significat. Anton. August. 3. Emend. 3. 5. Titum Popmam in notis ad Curt. libr. 4. p. mihi. 32. Connan. 2. cornu. 15. Hieronym. Magium 2. Miscell. 5.

2. Sunt præter enumeratos casus & alii, quibus adoptio nuptiis comparatur. Ut, quemadmodum per nuptias quis efficitur filius-familias, ita etiam per

per adoptionem. in princ. Instit. Nisi tamen jure novo sit ab extraneo adoptatus. §. 2. vel jure anteriori scēminæ permissa fuerit adoptio, quod adoptatus non sit in potestate. §. 1. 10. hic. Ut, quemadmodum ex legitimo natus matrimonio, ab intestato succedit, & paternæ sit particeps dignitatis, ita etiam adoptatus. §. 1. hic. l. 10. §. 1. Cod. eod. l. 10. D. de Senat. Ut, quemadmodum ille potest emendari, & corrigi, ita & adoptatus modicè castigari. l. 1. Cod. de Emend. Propinq. Ut, quemadmodum ille patrem in jus vocare non potest, nisi præhabita veniâ, ita nec adoptatus, adhibitâ tamen limitatione, quæ occurrit in l. 8. D. de in jus vocand.

§. 10.

FOEMINÆ ordinariè non adoptant.

F*xmina quoque.*] Quandoquidem per scēminam continuari familia non potest, quod ea familiæ caput & finis existat. l. pronuntiatio. 195. §. fin. D. verb. signif. ea propter nec ipsa adoptare poterat. l. mulierem. Cod. hic. Moribus tamen quarundam gentium, id æque concessum fuisse scēminis, atque maribus, videtur colligi ex historiâ Moſis à filiâ Regis Pharaonis in Ægypto adoptati. Exod. 2. v. 10. Quinimo Adamam Cariæ Reginam Alexandrum Magnum adoptasse, neque eum filii nomen aspernatum fuisse, refert Arianus libr. 1. de Expedit. Alexandr. Id quod posterioribus temporibus in regno Neapolitano Reginam liberis orbam fecisse, scribit Paulus Æmil. libr. 10. histor. Francor. in Carol. sexto. Ex indulgentiâ tamen Principis jure Romano ad solatium liberorum amissorum adoptare poterat. §. 10. hic. Ut ita per adoptionem jus filii consequeretur, non filii-familias; quod liberos in potestate non habeat.

Verum cur in solatium liberorum, in numero plurali hoc privilegium mulieribus est indultum? *Resp.* Quia jus trium liberorum multis prærogativis fuit honoratum. l. 5. Cod. hic. tit. §. 2. Instit. de Senatusc. Tertull. cujus origo è l. Juliâ petenda. Quale jus quandoque à Senatu, postmodum à Principe iis ex privilegio concessum est, qui liberis erant orbat. Ita Plin. 2. Epistol. *Nuper ab optimo Principe trium liberorum ei jus impetravi: quod quanquam parce & cum delectu daret, mihi tamen, tanquam eligeret, indulsit.*

Quinimo Livie Drusi matri, solatii ergo, ob filium Drusum ereptum, hoc jus est tributum. Dion. libr. 55. vid. de jure trium liberorum Martial. 2. Epigramm. 91. 92. & 8. Epigramm. 31. & 9. Epigramm. 68. ibique Ramires. Desider. Herald. Juvenal. Satirâ 9. v. 87. Ulpian. tit. 15. Brodæum. 5. Miscell. 40. Liphium in comment. ad 3. Annal. Tacit. p. mihi. 158. 159. Anton. August. Dial. 2. Antiq. p. mihi. 33.

§. II.

NEPOS FILII Adrogati etiam est in Potestate PATRIS ADROGATORIS.

Sic etenim Divus Augustus.] Differentias inter arrogationem & adoptionem in specie dictam ad §. 1. enumeravi, quarum una hoc §. 11. recensetur. Sed quia exempla rem declarant, & illustrent magis, capropter refert Augustum non ante Tiberium adoptare voluisse filium, quam Tiberius. Drusi sui fratris filium Germanicum adoptasset, quod una Tiberium sibi in filium, & Germanicum in nepotem habere vellet. De quâ historiâ, vid. Dion. lib. 55. Tacit. Annal. 1. circa init. Sueton. in Tiber. cap. 15. vid. Fabrot. ad Theophil. hic.

§. 12.

SERVUS adoptatus libertatem consequitur, non autem filiationem.

i. De Jure Hebræorum admissa fuerunt ADOPTIONES.

2. Spiritualis ADOPTIO à Civili distinguitur.

3. Quid Moribus circa ADOPTIONEM obtineat, explicatur.

1. **A** pud Catonem.] Liber homo in filium adoptatus jus consequitur filiationis, verum servus à domino adoptatus tantum libertatem nanciscitur. Cum enim filius esse non posset, nec actus reddi deberet illusorius, ad minimum libertatem consequi debuit, etiam jure novissimo, ingenuitatem. Nov. 78.

Verum quæ ratio est, quod filius esse non potuerit, cum eum in filium adoptare voluerit dominus? An quia per saltum in eum conferri non debuit filiatio, in quem prius non fuerat collata ingenuitas? Verum, quis dubitat, quin is qui servum adoptare voluit in filium, eum tacite manumittere festinaverit. Sicuti qui eum sibi voluit hæredem, aut filio suo tutorem, etiam tacite libertatem eo ipso concesserit. An quia servus adoptari non potuit, quod filiatione indignus censeretur, quasi se erga patrem civem Romanum filiali gerere nequeat affectu? Verum, potuit forte filiali in herum fuisse affectione, potuit eundem grandi lucro ditasse, à mortis periculo liberasse, ut omni favore beandus videatur. An quia non nudis asseverationibus, aut ementiâ professione, verum matrimonio legitimo concepti, vel adoptione solemnî, filii de jure civili constituuntur? l. 14. Cod. de Probat. Et tamen illegitime nati, puta liberi naturales tantum, per adrogationem, jus liberorum legitimorum olim consequabantur. Nec in adoptione per dominum factâ ullâ deest solemnitas, quod ea serio, & ingenuè, & professione apud acta fieri soleat. Ut frustra Hortom. Bacchov. alique hic casum fingant, quem per d. l. 14. quasi de ementiâ quâ professione sermo esset,

cx-

explicare conantur. Quid ergo, si dominus ex animi sententiâ, non simulatè, actis intervenientibus declaret, se id enixè velle, & obnixè cupere, ut servus jus filiationis consequatur, servilem insuper statum indicet, requisita omnia adoptionis adhibeat, anne unquam eo ipso in filii-familias jus transibit? Eam tamen sententiam conceptis verbis rejicit §. fin. hujus tituli, ut eam ipsam contra expressum textum admittere, sit juri aversari velle audacter, si non stolidè. An potius ad juris subtilitatem hic erit recurrendum, quod forte leges per adoptionem, (sicuti cuique rei sui sunt effectus, sui limites) nec jura ingenuitatis nec filiationis cuiquam tributa voluerint? Quod non male à Wesembecio, frustra à Bacchovio reprehensio, est observatum, si jus antiquum respiciamus, per l. fin. D. de stat. homin. Cum enim jura neminem adoptari voluerint, nisi qui vel sui juris esset, vel in potestate sui patris constitutus, facile animadvertimus id juris subtilitati, vel liberæ juris dispositioni attribuendum esse, quod talem & non aliam adoptioni naturam assignaverit. Cumque qui servilis est conditionis nec sui juris censi possit, nec potestati patriæ suppositus, quis inquireret ulterius, cur in filium adoptari non potuerit? Quod si quispiam rationem aliam juris investigare velit, eam forte suggerere potero; quod leges noluerint ut modi quibus fiunt filii-familiarum cum iis confunderentur, quibus servi nanciscuntur libertatem; ut ita singulorum jurium distincti essent effectus, & operationes distinctæ. Arg. §. 2. in princ. Instit. de Codicill. Forte etiam, si hic conjecturis locus sit relictus, non videbatur id esse congruum & conveniens humanæ conditioni idque in republicâ benè constitutâ, ut quis se sentiret esse filium, antequam didicisset, quid sit esse liberum. Ne vero ille actus adoptionis solemniter interpositus fieret illusorius, adoptatum aliquid per eum consequi oportuit, nec tamen quicquam infra libertatem consequi potuit, quod inter conditionem servilem, & hominis liberi, nullus status esset intermedius.

JURE DIVINO.

Jure Hebræorum adoptiones fuere receptæ, non tantum quæ per patrem, sed etiam per avum, per matrem, & patrum fuere peractæ. Per patrem in hunc modum celebrata etiam fuit adoptio, ut filium natu minorem, in locum primogeniti adoptaret. Gen. 49. v. 3. 4. 8. 1. Chronic. 5. v. 1. 2. Ita Jacobus duos Josephi filios, id est nepotes, Ephraim & Benjamin in filios assumpsit, sic ut in nomen, familiam & successionem avi transierint. Gen. 48. v. 12. & seqq. Matres etiam jus adoptandi habuisse, colligere licebit ex c. 30. Genes. v. 3. & seq. & v. 17. 18. 19. Nec mirum, cum quandoque masculini in foeminarum nomen transirent. Esrâ 2. v. 61. Quinimo in nubia filia Pharaonis in filium Moysen indito ei nomine adoptavit, eumque

in omni sapientiâ *Aegyptorum* instrui curavit, quo tali matre dignus filius haberetur. Gen. 2. v. 10. Act. 7. v. 21. Patruum itidem adoptasse confirmat exemplum *Esteræ* à *Mardocheo* in filiam assumptæ. Ester. c. 1.

Quinimo extranei adoptari poterant, etiam servi idque in solatium liberorum, qui tum in bona adoptantis succedebant. Ita videtur Abraham adoptasse famulum suum *Eliezer*, quem successurum dicebat in ejus bona liberis deficientibus. Gen. 13. v. 2. Servo tamen adoptato non videtur ei licuisse liberum Patrem, nomine *Abba*, insignire. Quod colligit *Seldenus* ex c. 4. Epistolæ ad Galatas. v. 5. & Roman. 8. v. 14. vid. Misna. tit. Baba Bathra. Spiritualis insuper adoptionis in sacro Codice fit mentio, cujus contemplatione, divini nominis, cælestis patriæ, fideles sunt participes. Num. 6. v. 27. Deut. 28. v. 10. Daniel. 9. v. 19. Hebræos 11. v. 13. & seqq. 2. Corinth. 5. v. 6. Et quandoquidem nos Deus in filios familias adoptavit, ideo in familiam eandem assumimur, agnationis jus cum fratre primogenito nanciscimur; ut eapropter in ejus nomen succedamus, in ejus nomine baptizemur, Christiani appellati. Act. 11. v. 26. Roman. 6. v. 2. 3. 4. 2. Corinth. 10. v. 7. Gal. 4. v. 5. Eph. 1. v. 5. 1. Johann. 1. v. 7.

2. Verum ut utriusque naturæ adoptionis, id est civilis, & spiritualis innotescat magis, aliquod inter utramque differentias, quæ mihi in mentem venerunt, in chartam conjicere decrevi. Adoptio illa civilis est, quâ civilis Romanus aliquem in filium familias assumit, idque ad naturæ similitudinem. Spiritualis seu divina adoptio nihil aliud est, quam gratiosa Dei sententia, quâ fideles propter Christum ad filiorum conditionem acceptat. Illa tantum est extrinseca quædam denominatio, eorumque communicatio, quæ spectant externa, id est fortunæ quædam bona. Hæc divina, realis est quædam relatio, quæ in extrinsecâ fundatur actione, & ad quam sequitur novæ naturæ ingeneratio, novæ vitæ communicatio. In civili non succedunt illi, qui sunt ab extraneo adoptati, si testamento sint præteriti vel exheredati. In divinâ succedunt perpetuo, nec qui obsequio per Christum, sibi spem succedendi parat, eâ unquam excidit. Ibi, non quisvis adoptatur est extraneus, quod & nepos ab avo, & filius emancipatus à patre possit adoptari. Hic, quisquis in Dei filium assumitur, inspecta ejusdem naturæ depravatâ omnino fuerat extraneus, & peregrinus, semotus à jure civium, & testamentis promissionum. Ibi adoptio ad successionem ordinatur, ut filius ab intestato in paternam succedat hereditatem, defuncto patre. Hic non ordinatur ad successionem adoptio, quod nec pater adoptans, nec frater primogenitus moriatur; ut hæc ipsa tendat ad participationem æternæ hereditatis, semper viventis Dei; quo cum unâ adoptivus admittitur. Ibi potest adoptivus successionem privari, quia potest exheres impune scri.

scribi, cessante omni quærela, cessante remedio præteritionis. Hic, in tantum non exheredatur, ut licet ingratitude incurrat notam, ne quidem propter illam ipsam, quæ gratiosa est Dei patris in nos miseros misericordia, secludatur. Ibi, non omnis qui aliquem in filium adoptat, ejusdem auctor censeripotest, nisi jura naturalia & civilia concurrant. Hic, Deus adoptat neminem, nisi cujus est causa, ut omnis filius adoptivus ab eo trahat originem. Idque ex illo Boëtii de Consol. Philos. libr. 3. Metr. 6.

Quid genus & proavos strepitis?

Si primordia vestra,

auctoremque Deum spectes,

Nullus deneger exstat,

Ni vitis pejora fovens

Proprium deferat ortum.

Ibi qui à patre terreno adoptatur, si adoptionem in specie intueamur, nunquam est in tutelâ. Hic, si fidelium veteris testamenti spectemus adoptionem, illi quasi sub tutelâ, & pædagogîâ legis erant constituti. Ibi, dum plures sunt liberi, pro ratâ singuli succedunt, nunquam in universam hæreditatem. Hic, omnes in solidum cælestis hæreditatis sunt participes, nec quod consortem admittat alter, eo minus è paternâ hæreditate percepturus est. Ibi, qui adoptatur, per adoptionem non fit particeps naturæ adoptantis, quod adoptio tantum sit imitatio naturæ, non identitas. Hic, quicumque in filium Dei adoptatur, divinæ naturæ fit particeps. Ibi, non semper per adoptionem, qui adoptatur, in nomen, familiam, potestatem adoptantis transfertur. Hic, omnis fidelis à Deo adoptatus, in familiam, nomen, potestatem Dei viventis assumitur. Ibi, jus adoptionis perire potest, etiam quandoque perit, eorum qui fuerunt in potestate patris adoptantis vel emancipatione, vel alio quo modo. Hic vero, jus adoptionis est perpetuum, ejusque juris nonquam variaturi testis infallibilis est ipse divinus spiritus. Ibi externa quædam solemnia adhibentur, quædam indicia, quibus de consensu constet, & quisque vel sciat vel probet, se esse adoptatum. Hic, quicumque à Deo est adoptatus, id intus sentit, & credit, spiritu Sancto testante, & acclamante, quod sit Dei filius. Ibi, nullum fundamentum prærequiritur, ut quis possit in filium adoptari. Hic, ut præcedat vocatio & justificatio, quibus nitatur adoptio, necessum est. Ibi ante ipsam peractam adoptionem, si quidem extraneus sit adoptatus, nullum jus erat quæsitum ad hæreditatem adoptantis. Hic, quisquis antecederet ad adoptionem, jus quæsitum habet ad cælestem hæreditatem, idque vi generationis fidei & justificationis antecedentis. Ibi, non nisi unus primogenitus esse potest suo patri. Hic, quotquot sunt adoptati suo modo primogeniti.

appellari poterunt, & omnes primitiarum spiritus sunt participes. Ibi, in regnum succedit primogenitus, & postquam est adoptatus, forte in confortem imperii assumitur, vel designatur successor. Hic filii adoptati per adoptionem regiam acquirunt dignitatem, omnesque ex æquo paternum regnum occupabunt. Ibi, qui naturâ filii, multis nominibus, adoptatis sunt potiores & majori gaudent jure. Hic, adoptivorum melior est conditio, quam ejus erat, qui ratione creationis, Dei filius est vocatus, qualis erat Adam, à Deo conditus in statu integritatis. Nam hujus tum conditio deterior fieri poterat, adoptivorum non item. Ibi, naturâ filii impediunt adoptionem, ne spes eorum pereat, qui obsequio successionem sibi quærunt. Hic, ipse Dei filius naturalis, ipsam fratrum sollicitat adoptionem, ut propter eum ab omni alienum invidiâ, ea peragatur. Ibi adoptio naturam imitatur quidem ad naturæ similitudinem est introducta. Hic adoptio superat naturam, estque aliquod mysterium, quod satis assequi non possumus. Ibi est adoptio propter defectum, in eorum solatium; qui prole carent. Hic adoptio orta est ex abundantia divinæ bonitatis, & quidem in eorum solatium, qui adoptantur. Ibi tantum adoptantur homines liberi, non mancipia, nisi prius donati sint libertate. Hic, omnes qui adoptantur, quasi munitione liberantur à legis, peccati, mundique servitute. Ibi differentia quæ in sexu fuit olim observata, ut mulier adrogari non potuerit, cum curiatis comitiis fieret adrogatio. Hic, non habita ratione sexus, cujuscumque sint conditionis, adoptantur; quod in Christo non consideretur, mas aut foemina, verum nova creatura. Ibi requiritur eorum consensus, quorum potestati subducebantur adoptivi. Hic, vel iis invitis adoptantur, ut divina adoptio eo sensu sit actus jurisdictionis contentiosæ non voluntariæ; in quantum invito Dæmone cujus quondam dominio eramus subjecti, (tanquam fugitivi solebant apud veteres) & à quo victi detinebamur, in libertatem filiorum Dei vindicamur.

M O R I B U S.

3. Et si de consuetudine generali cesset adoptio, prout apud Romanos obtinuit. Imbert. in Enchir. v. filii adoptivi. ut potius qui adoptatur alumni sit instar. Gregor. Tholos. Synt. Juris. libr. 10. c. 6. n. 30. Gudelin. de jure noviss. 1. c. 13. Grot. introd. 1. part. 6. Christin. vol. 4. decis. 155. 158.

Non tamen aliquando Franci aliæque gentes usum adoptionis signorunt. Vid. Baron. Instit. hic. comm. poster. sicut apparet ex eo, quod Sigibertus rex Galliarum in Austrasiâ filius Dagoberti, ann. 652. adoptaverit Hildericum, filium Grimvaldi Majoris domus. Tritem. libr. breviar. annal. Franc. in rege 52. Vid. Bodin. 1. de Republ. 4. in fin. Unde licet sequentibus temporibus etiam recepta fuerit adoptio, non tamen adopti-

vus

vus succedebat adoptanti. Masuer. Pract. tit. de Probat. §. item si defunctus. Sicuti nec adoptito jus retractus gentilii competit. Tiraquell. de Retract. gloss. 8. §. 1. Unde etiam, si in privilegiis, vel statutis liberorum facta sit mentio, eorum appellatione non veniunt adoptati. Curt. Jun. consil. 339. n. 24. Alex. vol. 1. cons. 2. n. 13. Tiraquell. de retract. §. 1. gloss. 8. n. 36. aditam. ad Sneydw. Instit. hic. §. adoptio. Coppen observ. Practic. 1. q. 54. n. 16. Servari tamen adoptionis jura, de Saxoniz consuetudine, si actus tales fiant in judicio, scribit Coppen Pract. 1. quæst. 54. n. fin.

Et de moribus quandoque nepotem in nomen avi materni transire, avo consentiente notum est, licet non ipse inter nepotes solus succedat. Sicuti accedente Principis consensu, vel etiam Propinquorum permissam esse adoptionem nonnulli censent. Vid. Angel. in repet. l. eam quam. Cod. fidej. not. ad Sneydw. init. hic. Choppin. ad Consuet. Andeg. libr. 3. c. 3. tit. 2. n. 13. Molin. ad Paris. §. 2. vel 3. Gloss. 2. in fin. Cujac. ad l. 44. D. Usucap. & Usurpat. Masuer. Pract. tit. de Probat. n. 34.

Quinimo ex consuetudine & jure Hungariæ ac Transylvan. si quispiam nobilium rusticum vel ignobilem in filium adoptaverit, & successorem bonorum hæredemque sibi designaverit, regio consensu accedente, is qui adoptatus est, non tantum erit nobilis, verum etiam ejus filii in nobilium numerum referentur. Collector. Consuet. Hungar. & Transylv. part. 1. decret. tit. 8. vid. Bocser. de Regalib. c. 2. n. 41. 42. Treutl. vol. 2. disp. 15. thes. §. litt. c. Francisc. Balthaf. Resol. jur. civil. & Bavaric. tit. 3. resol. 1. n. 7.

Per universam tamen Germaniam volunt in locum adoptionis successisse unionem prolium, quæ juris est actus, quo causæ cognitione interpositâ, præsentibus tutoribus vel curatoribus, & iis quorum interest, actis intervenientibus, liberi conjugum ex diverso matrimonio antea suscepti, communes utrique conjugum, quoad successionem, liberi fiunt ex consensu. Gail. 2. observ. 125. Gilken. ad l. pactum quod dotali. 15. Cod. de Pactis. Besold. Thesaur. Practic. v. Ein Kinschaff. Rickius de unione prolium, qui c. 9. in casibus triginta unionem prolium comparat adoptioni, & in quindecim casibus discrepantiam ab eadem observat. vid. Besold. in delib. juris Pand. ad hunc tit. n. 34. ex Georg. Besold.

In papatu vero, adoptioni similem faciunt in nonnullis professionem illam, quam faciunt Religiosi vel monachi, quâ ipsâ solemniter factâ, in potestatem transeunt sui Superioris, quod est inter cætera obedientiæ votum. vid. Dessel. in not. ad Zoesl. Instit. hoc tit. circa fin.

LIBER. I. TITULUS. XII.

QUIBUS MODIS JUS PATRIÆ POTESTATIS SOLVITUR.

Videamus nunc, quibus modis ii, qui alieno juri sunt subiecti, eo jure liberentur. Et quidem quemadmodum liberentur servi à potestate dominorum, ex iis intelligere possumus, quæ de servis manumittendis superius exposuimus.

Hi verò, qui in potestate parentis sunt, mortuo eo sui juris fiunt. Sed hoc distinctionem recipit. Nam mortuo patre, fanè omnimodò filii, filiæve sui juris efficiuntur. Mortuo vero avo, non omnino nepotes neptesve sui juris fiunt: sed ita, si post mortem avi in potestatem patris sui recasuri non sunt. Itaque si moriente avo pater eorum vivit, & in potestate patris sui est, tunc post obitum avi in potestate patris sui fiunt, Si vero is, quo tempore avus moritur, aut jam mortuus est, aut per emancipationem exiit de potestate patris: tunc ii, qui in potestatem ejus cadere non possunt, sui juris sunt.

1. Cum autem is, qui ob aliquod maleficium in insulam deportatur, civitatem amittit, sequitur, ut qui eo modo ex numero civium Romanorum tollitur, perinde quasi eo mortuo, definant liberi in potestate ejus esse. Pari ratione & si is, qui in potestate parentis sit, in insulam deportatus fuerit, definit esse in potestate parentis. Sed si ex indulgentia Principis restituti fuerint, per omnia pristinum statum recipiunt.

2. Relegati autem patres in insulam, in potestate liberos retinent. Et ex contrario, liberi relegati in potestate parentum remanent.

3. Pœnæ servus effectus filios in potestate habere definit. Servi autem pœnæ efficiuntur, qui in metallum damnantur, & qui bestiis subjiuntur.

4. Filiusfamilias si militaverit, vel si Senator, vel Consul factus fuerit, remanet in potestate patris. Militia enim, vel
con-

consularis dignitas de patris potestate filium non liberat. Sed ex Constitutione nostra summa Patriciatus dignitas illicò, imperialibus codicillis præstitis, à patria potestate liberat. Quis enim patiatur patrem quidem posse per emancipationis modum potestatis suæ nexibus filium liberare: Imperatoriam autem celsitudinem non valere eum, quem sibi patrem elegit, ab aliena eximere potestate?

5. Si ab hostibus captus fuerit parens, quamvis servus hostium fiat, tamen pendet jus liberorum, propter jus postliminii, quia hi, qui ab hostibus capti sunt, si reversi fuerint, omnia pristina jura recipiunt: idcirco reversus etiam liberos habebit in potestate, quia postliminium fingit eum, qui captus est, in civitate semper fuisse. Si vero ibi decesserit, exinde, ex quo captus est pater, filius sui juris fuisse videtur. Ipse quoque filius neposve, si ab hostibus captus fuerit, similiter dicimus, propter jus postliminii, jus quoque potestatis parentis in suspenso esse. Dictum est autem postliminium à limine, & post. Unde eum, qui ab hostibus captus est, & in fines nostros postea pervenit, postliminio reversum rectè dicimus. Nam limina sicut in domo finem quandam faciunt, sic & imperii finem esse limen veteres voluerunt. Hinc & limen dictum est, quasi finis quidam & terminus. Ab eo postliminium dictum est, quia ad idem limen revertebatur, quod amiserat. Sed & qui captus victis hostibus recuperatur, postliminio rediisse existimatur.

6. Prætera emancipatione quoque desinunt liberi in potestate parentum est, Sed emancipatio antea quidem vel per antiquam legis observationem procedebat, quæ per imaginarias venditiones, & intercedentes manumissiones celebrabatur, vel ex imperiali rescripto. Nostra autem providentia etiam hoc in melius per constitutionem reformavit: ut, fictione pristina explosa, rectà viâ ad competentes Judices vel Magistratus, parentes intrent, & filios suos, vel nepotes, vel nepes, ac deinceps, à sua manu dimittant. Et tunc, ex edicto Prætoris

in bonis hujusmodi filii, vel filia, vel nepos, vel neptis, quæ à parente manumissus, vel manumissa fuerit, eadem jura præstantur parenti, quæ tribuuntur patrono in bonis liberi. Et præterea si impubes sit filius, vel filia, vel cæteri, ipse parens ex manumissione tutelam ejus nanciscitur.

7. Admonendi aurem sumus, liberum arbitrium esse ei, qui filium, & ex eo nepotem vel neptem in potestate habet, filium quidem de potestate dimittere, nepotem vero vel neptem retinere; & è converso filium quidem in potestate retinere, nepotem vero vel neptem manumittere, vel omnes sui juris efficere. Eadem & de pronepote & pronepte dicta esse intelligantur.

8. Sed & si pater filium, quem in potestate habet, avo vel proavo naturali, secundum nostras Constitutiones super his habitas, in adoptionem dederit, id est, si hoc ipsum, actis intervenientibus, apud competentem Judicem manifestaverit, præsentem eo, qui adoptatur, & non contradicente, nec non eo præsentem, qui adoptat: solvitur quidem jus potestatis patris naturalis, transit autem in hujusmodi parentem adoptivum, in cujus persona & adoptionem esse plenissimam antea diximus.

9. Illud autem scire oportet, quod si nurus tua ex filio tuo conceperit, & filium postea emancipaveris, vel in adoptionem dederis, prægnante nuru tua, nihilominus quod ex ea nascitur, in potestate tua nascitur. Quod si post emancipationem vel adoptionem conceptus fuerit, patris sui emancipati, vel avi adoptivi potestati subjicitur.

10. Et quidem neque naturales liberi, neque adoptivi ullo penè modo possunt cogere parentes, de potestate sua eos dimittere.

COMMENTARIUS.

IN PRINC.

1. *Solvitur, suspenditur, transfertur* | 2. *Solvitur Morte naturali.*
PATRIÆ POTESTAS.



Scuti patria potestas quæ juris civilis est, multis constituebatur modis, ita etiam variis modis dissolvitur. Nec tantum dissolvitur, verum transfertur quandoque, etiam quandoque suspenditur. Ut in hoc tit. de tribus agatur, de patriæ potestatis dissolutione, translatione & suspensione. Rectè tamen rubrica concepta est de dissolutione illius potestatis, quod potissimum de eâ agatur, & quæ transfertur eo ipso solvi dicatur. Transfertur, si pater filium avo vel proavo, paterno vel materno in adoptionem dederit. §. 8. hic. Suspenditur si vel pater ab hostibus fuerit captus, vel etiam filius. §. 5. hic. l. 3. 2. §. 1. D. de Hæred. Instit. l. 12. §. 1. D. de Capt. & Postl. Huc non incommode referetur casus, quo pater factus est furiosus, quod spes sit eum ad sanam mentem reversurum esse. Arg. princ. Instit. de Nupt. Non tamen eo retuleris casum, quo pater est deportatus, licet ex indulgentiâ Principis forte sit restituendus. Nam quæ dependent ab indulgentiâ Principis, sperari non debent, aut esse in suspensio. Nec ubi crimen commissum est, quis ullo favore dignus censebitur; secus quam obtinet, ubi casus vel infortunium prædominatur. l. apud Julianum. §. fin. D. leg. 1. vid. Connan. 2. comment. 14.

Videamus nunc.] Licet ad hunc titulum septem dissolvendæ patriæ potestatis modos recenseat Hottomannus, attamen non nisi sex enumerantur. Mors patris, aut avi paterni: deportatio; pœnæ servitus: patricia dignitas; emancipatio: denique adoptio. Qui postremus modus olim ad emancipationem referri potuit, quod non nisi interveniente emancipatione filius in adoptionem daretur. Subinitium hujus tituli primus explicatur modus, scil. mors naturalis, quæ omnia solvere dicitur, & ultima rerum est linea. Nov. 22. de Nupt. c. 20. Non tamen indistincte ejus mors, in cujus filius erat potestate, jus patris dissolvit. Vel enim suo patri subiectus est filius, vel avo paterno. Priori casu, defuncto patre, fit omnimodo sui juris, neque in potestatem avi vel alterius dilabitur. Nam patria potestas est personalis, ideoque patre defuncto nec ad hæredem, vel quemquam alium transfertur. Cum pater-familias moritur, inquit Ulpianus, quotquot

capita ei subjecta fuerint, singulas familias habere incipiunt. l. si ita esset. D. quand. dies legat. Nov. 22. sic ut singuli patrum-familiarum nomen subeant. l. 198. de verb. signif. Secus quam obtinet in servis, qui hero defuncto, hæredi ejus subesse incipiunt.

Casu posteriori, si defunctus sit avus, in cujus erat nepos potestate, in sui patris relabatur potestatem. Quæ cum erat in potentiâ vivo avo, nec suas vires exerebat, avo defuncto in actu constituitur, & exercitio etiam est patris. in princ. hic. Quod de nepotibus est dictum, idem de pronepotibus & sic deinceps inferendum erit. l. 5. D. qui sui vel alien. juris sunt. Quid si pater vivo avo, in cujus erat potestate, ratione dignitatis, dosui patris exierit potestate, an defuncto avo, nepos qui avi potestati suberat, efficietur sui juris? Non equidem, quandoquidem pater illius nepotis, non erat factus sui juris per emancipationem, ut nepos avo defuncto, pleno jure fiat in potestate sui patris. in princ. hic. Quid si per adrogationem vel adoptionem pater recidat in potestatem sui patris, an post avi mortem in cujus est potestate, nepos labetur in potestatem sui patris? Id negandum esse videtur.

Neque obstant in princ. hujus tituli collocata: Si moriente avo tuus pater vivit, isque est in potestate sui patris, tum te, supple nepotem in ejusdem patris fieri potestate. Id enim ita est accipiendum, si tuus pater est in potestate sui patris, & semper fuit, sic ut nunquam eâ exciderit, tunc te nepotem, mortuo avo, in patris esse potestate. l. 41. D. de Adopt. Ratio est in promptu, quia nepos, filius sui patris, emancipato patre, eo ipso à patris sui potestate liberatus est; ut quæ patria potestas vivo avo fuerat in potentiâ, & per emancipationem patris est extincta, reviviscere nequeat in nepotis præjudicium. Cum jus semel quæsitum nepoti, per sui patris emancipationem ab avo factam, non ei sit aufendum sine causâ. Arg. l. 1. D. de Adopt.

§. 1.

1. *Solvitur Morte Civili.*

2. *Pœnæ remissio, & restitutio per PRINCIPEM facta, quid sit, &*

quotuplex?

3. *Deportatio de Moribus est subla-*
14.

1. **C**ivitatem amittit.] Agitur hoc §. de morte civili, cum qui deportatur pro mortuo habeatur in civitate Romanâ, ut qui è civium numero censetur exemptus. l. 28. D. de Pœn. l. 4. §. 2. D. bon. libert. Pœnæ enim deportationis, adimit civitatem Romanam, l. 6. fin. D. de interd. & Releg. Unde etiam deportati ἀπόλις id est, sine civitate esse dicuntur. l. 15. l. 17. §. 1. D. de Pœnis. l. 1. §. 2. D. leg. 3. Cumque qui civitatem amittunt, ea quæ civium sunt Romanorum nequeant retinere, quia pro peregrinis habentur.

bentur. l. 10. §. 3. D. in jus vocand. dñl. 17. l. 1. Cod. de Hæred. Instit. Plin. 4. Epistol. 11. patriam potestatem, ut quæ juris est civilis, per deportationem amitti, consequitur. §. 1. Instit. de Patri. potest. Idem quod statuendum vice versâ, idque ex naturâ correlativorum, de filio familias, qui per deportationem in potestate patris retineri non potest. Ut enim peregrinus civem Romanum; ita civis Romanus peregrinum in potestate non habet. Ulpian. in Fragm. tit. 10.

Si ex indulgentiâ.] Deportatus quia in perpetuum deportatus est, etiam in perpetuum excidit jure patriæ potestatis. Unde si quondam revocetur in civitatem, pristinæque dignitati restituatur, liberos in potestatem recipiet, quod ex post facto pœnæ deportationis facta sit remissio. Id quod procedet, si ex indulgentiâ Principis facta sit restitutio, non si ex indulgentiâ judicis, aut magistratus cujusque, eum damnantis. l. 1. §. ult. D. de quæstion. l. 1. Cod. de Sent. Pass. l. fin. Cod. de Gener. abolit. Nisi à supremo Principe id hoc ei specialiter fuerit concessum. Clarus. §. fin. q. 59. Menoch. 1. Arbitr. 96. Farinac. libr. 1. tit. 1. q. 6.

Non solet autem Princeps cuiquam pœnæ veniam concedere, aut aliquis delicti facere gratiam, nisi parti læsæ fuerit satisfactum, vel ea suum jus remiserit. l. 2. §. si quis. D. Ne quid in loc. public. l. rescripta. Cod. de Precibus imper. offer. l. ult. Cod. de Repud. hæred. l. fin. Cod. de Abolit. Gail. de pace publ. 2. c. fin. Covarr. 2. Resol. c. 9. n. 8. Menoch. 1. Arbitr. quæst. 96. Farinac. 1. tit. 1. q. 6. n. 6. & seqq. & n. 27.

Quin tamen pacis studio, & publicæ gratiæ utilitatis, damna subditis illata remittere valeat, etiamsi non fuerit iisdem satisfactum, vel ipsi injurias sibi illatas remiserint, dubium non habet. Publicum quippe commodum juri privatorum est anteponendum, quod etiam suadente ratione status, privatis jus quæsitum possit auferri. l. 11. D. de Eviction. l. si quando. l. ædificia. Cod. de Oper. Public. l. 15. §. 2. D. Rei Vindic. Clarus. §. fin. q. 59. n. 3. Gail. 2. obs. 57. Menoch. de Recuper. Possess. remed. 10. quæst. 14. Gabriel tit. de jure quæst. non toll. lib. 3. concl. 2. vid. mea tract. de statut. sect. 2. c. 2. n. 23.

Ne vero eam Princeps remittat pœnam, quam jus Dei, & naturalis ratio flagitat, apprimè cavendum est. Idque propterea ne Deo clementior videri velit, adeoque divino juri adversari. l. 2. Cod. de his qui ad Eccl. l. 22. Cod. Episc. & Cleric. Novell. de Judic. §. oportet. Lev. 35. v. 10. Num. c. 35. v. 31. 32. Deut. 19. v. 13. 1 Reg. 2. v. 5. Prov. 25. v. 5. vid. Claruin. §. fin. q. 85. Myns. 2. obs. 30. Menoch. 1. arbitr. 96. Martyr. 1. Reg. c. 20.

Ut autem pater jus quod amisit per deportationem in liberos recuperet, non sic sufficit simpliciter esse facta restitutio. Neque enim id dicant le-

ges, quarum nonnullæ patriam potestatem per restitutionem non revocant, aliæ vero eandem omnino revocant, & omnia jura pristina. Neque hic cum Bacchovio distinguam inter jus antiquum & novum, quasi in l. fin. Cod. de Sent. Pass. & Restit. aliquid novi per Constantinum fuerit introductum. Cum quod Constantino placuit, etiam anterioribus placuisse imperatoribus evidenter demonstrat. l. 1. Cod. eod. Ut potius inter restitutionem generalem & specialem sit adhibenda distinctio, indeque conciliandi petenda ratio. Nam si generalis sit restitutio, strictè ea est accipienda, & non nisi pœnæ gratiam facit, atque in patriam reditum largitur. l. 1. D. Ad l. Jul. de ambit. l. 4. §. 7. Cod. De sent. pass. l. 4. Cod. de bon. proscript. Sin vero restitutio sit specialis, nec ad certam speciem restricta, uti restringitur in l. 3. D. l. in insulam. Cod. Sent. Pass. verum concepta in infinitum, hæc vel simill formulâ, *restituo te in Integrum*, ea plenissima & latissima censetur, quæ patriam potestatem, honores, cæteraque omnia, præter alienata, & fructus perceptos, consumptos, non extantes, restituit. l. 3. §. 2. D. de Mun. & Honor. l. 2. D. de Decurion. l. 1. §. 4. 12. fin. Cod. Sent. Pass. l. ult. Cod. de Repud. hæred. Auth. idem est. Cod. de Hæret. Donell. 2. comm. 27. Pacius in not. hic. Anton. Faber. 1. jurispr. 11. part. 3. vid. plura de indulgentiâ & gratiâ apud Clarum. §. fin. q. 57. 59. Farinac. libr. 1. tit. 1. q. 4. 6. Gail. de pac. public. 2. c. 1. & fin. Cujac. 8. observ. 39. & hic. §. 1. Menoch. 2. præf. 9. & 5. Præf. 46. & 1. arbit. 96. & de rem. recup. poss. remed. 10. n. 116. Fachin. 9. contr. 17. 18. Covarr. 1. Resol. 3. & seqq. Tessauro. 2. q. 58. decis. 81. 21. Sneiderw. hic. Cravett. & consil. 8. Hippol. de Marfil. singul. 491. Gregor. Tholos. lib. 3. de Republic. c. 22. 23. Peregrin. de jure fisci §. tit. 2. n. 17. Fichard. 2. consil. 8. n. 6. Heigium. 2. quæst. 22. & seqq. Thoming. 1. consil. 45. Henon. ad Instit. disp. 2. n. 26. Besold. tract. de juribus majest. cap. 4. Berlich. decis. 61. Althuf. dicajol. libr. 2. c. 23. Acac. Enenck. Baron. de Privil. Parent. & liber. privil. 1. cap. 9. n. 6. & seqq. Carpzov. jurispr. criminal. p. 3. quæst. pen. & ult.

MORIBUS.

3. Quod in jure Romano traditur de deportatis, id censent de consuetudine iis esse applicandum, qui in imperio dicuntur banniti. ut qui patriam amittunt potestatem, & in potestate esse desinunt. Gail. de Pace public. 2. c. 12. vid. Dessel. in not. ad Zoef. Instit. hic. Aliter de moribus deportationis, vel aquæ & ignis interdictionis, cessat pœna. Clarus. §. sent. §. fin. q. 67. 71. Sneiderw. ad §. 1. hic. num. 11. 12. Alii tamen censent banno non amitti patriam potestatem. Bald. in l. si cum dotem. 25. D. solut. matrim. vid. Acacium Enenck. Baron. de Privil. Parent. 1. c. 9. n. 3.

§. 2.

Qua conditio relegatorum?

Relegati autem.] Quinam sint relegati, in sequentibus ad tit. de capitis diminut. explicabitur. Id vero certum est, bona relegatis non adimiri regulariter. Sicuti nunquam jus civitatis arriunt relegati, ut patriam remaneant potestatem. tit. de interd. & Releg. Ovid. Tristit. 5. Eleg. 2. 11. & de Pont. Eleg. 8. vid. Theophil. hic.

§. 3.

1. Quid sit Pœnæ Servitus?

2. Quid sit Bestiis subijci?

3. Moribus Servitus Pœnæ sublata?

Pœna servus.] Explicata est una species mortis civilis, deportatio, altera est pœnæ servitus, quæ maximam inducit capitis diminutionem. §. 3. hic. l. 29. D. de Pœnis. Id quod obtinet dum servi in metallum damnantur, vel dum bestiis subijciuntur. In metallum damnantur, qui deportantur ad eruendas venas, marmoraque in crustas secanda. Sicuti ad opus aliud publicum mittebantur damnati postquam fustibus cæsi fuissent, quæ pœna hodie prohibita. Nov. 22. c. 8. Paul. 5. sent. tit. 18. l. fin. D. de Effra. l. 2. D. termin. inoto. l. 10. D. de Pœn. vid. Diodor. Sicul. lib. 6. Isidor. Origin. 5. tit. fin. Prudent. Hymn. in S. Laurent. Chryseostom. 3. de Provid. Athanas. Epistol. ad Solit. tit. agend. Greg. Tholos. Synt. Juris libr. 31. c. 20. 36. Farin. libr. 1. q. 19. n. 18. Cujac. 6. obs. 25. 8. obs. 27. & 15. obs. 22. 14. obs. 34. Alciat. 1. parerg. 39. Menoch. 1. arbitr. 89. & 2. arbitr. 530. vid. Althuf. 1. dicajol. 98. n. 56, 57. ibique loca scripturæ allegata.

Bestiis subijciuntur quandoque, qui laniendi sunt à bestiis. l. pen. D. 2. Ad l. Pompej. de Parric. l. 3. D. ad l. Cornel. de fals. Hic intelliguntur non qui bestiis obijciuntur ut devorarentur, quibus nulla spes evadendi superest, verum qui dantur ad bestias, id est cum bestiis sunt depugnaturi. Quod licet cum grandi vitæ discrimine agant, nihilominus superstites nonnunquam remanent. 1. aut damnum. 2. §. quicumque D. de Pœn. l. 8. D. de fals. vid. Sueton. in Galigul. c. 27. Tertyll. in Apologet. c. 12, Prudent. 1. 5. Hymn. in Hemit.

MORIBUS.

Servitus pœnæ etiam de moribus non obtinet, ut tamen ejus locum subiret ad trirēmes damnatio, vel in ergasterium publicum. Clarus §. fin. q. 67. n. 7. 8. Gothefred. in l. 17. D. de Pœn. Farinac. 1. q. 19. num. 14.

§. 4.

1. Dignitas FILIUM eximit nexu.

IM PATRIÆ POTESTATIS.

2. BULLA quid sit.

3. Qui PATER PRINCIPIS?

4. PA.

4. PARENTES in *Sacro Codice* appellantur Prophetæ, Sacerdotes, ceterique Verbi Ministri?

5. Moribus, *An Ministerium, An Doctoratus solvat PATRIAM POTESTATEM, disquiruntur.*

1. **F**ilius-familias si militaverit. Nulla olim dignitas ne quidem ex II. Romuli, filium liberabat nexibus patriæ potestatis. §. 4. hic. l. 3. D. Adopt. l. 1. §. fin. D. Ad Macedon. l. 3. Cod. de Castrens. pecul. l. fin. Cod. de Consul. libr. 12. Dionys. Halicarn. libr. 2.

Olim tamen, qui Flamines Diales, seu Jovis sacerdotes inaugurantur, quæ virgines Vestæ capiuntur, sui juris efficiebantur. Ulpian. tit. 10. §. 4. Plutarch. in Problem. q. 42. 48. Varro in 5. de ling. latin. Halicarnass. libr. 2. Gell. 1. noct. 12. & 10. c. 15. Sicuti sub Imperatoribus posterioribus Romanis, dignitas summa patritiatus, filium sacris eximebat paternis. §. 4. hic. Erat hæc dignitas peculiaris, à postremis Imperatoribus inventa, summa non duratione tantum, in quantum perpetua est, cum consulares aliæque majores sint temporales, verum etiam dignitate, in quantum præfectorios antecedit viros. Ut longè alius sit hic patritiatus honor illo, qui patritiis ortis ex iis, quos in Senatores delegit Romulus, deferbatur, ad oppositionem plebejorum. Cassiod. 1. variar. 1. & 6. variar. 2. Budæus in l. fin. D. de Senator. Jure tamen novissimo jura aucta fuerunt, ut non tantum illa nova Patritiatus dignitas, verum aliæ dignitates, etiam episcopalis, non tamen doctoratus, filium eximant nexibus patriæ potestatis. vid. l. fin. Cod. de Decurion. lib. 10. ubi illæ dignitates enumerantur, & Nov. 81. Donell. 2. comm. 26. ibique Hilliger.

2. *Imperialibus Codicillis præstitis.* Principes per Codicillos honores alicui deferbant, vel etiam si causa subesset, auferebant. §. 4. hic. l. 41. D. de excus. tutor. Sueton. in Claud. c. 29.

Suntque codicilli diplomata collatum beneficium continentia, etiam bullæ voce generaliori appellatæ. Quæ nomen fortiuntur ab aureâ bullâ, forte à Græcâ voce *βύλλα*, id est sigillo, in quantum dignitatis & auctoritatis amplioris gratiâ aureum sigillum cui imago Cæsaris est insculpta, si bulla Cæsarea, appendi solet. Aliter quadruplices fuisse bullas, aureas, argenteas, cereas, plumbeas, refert Meursius in lex. Græco-Barbar. verbo *Κρυόβυλλον*. vid. Cuspinian. in Austras. Besold. Thesaur. Pract. v. Bull. Petrum Heigium. 1. quæst. 4. n. 10. Carpov. ad legem Regiam Germanor. cap. 3. sect. 2.

3. *Quem sibi patrem elegit.* Imperatores Romani, non tantum Præfectos & jurisconsultos egregios, suos amicos vel fratres appellarunt. 1. Scio. in princ. D. de Annuis Legat. l. Divi. D. jure patron. l. 1. Cod. Si mancip. ita venierit. Cassiod. in form. Rectoris Provinciæ libr. 6. verum insuper eodem

QUIB. MODIS JUS PATRIÆ POTEST, SOLVIT. 149

eosdem parentis titulo fuere dignati. l. ex divi. 4. Cod. Mocat. l. 6. Cod. Theod. de Annon. & tribut. & l. 2. Cod. Theod. de Pact. Peculiari vero jure, quibus codicillos patriatus concedebant, suos patres appellabant. §. 4. hic. l. fin. Cod. de Conf. libr. 12. Quasi tales, Principi à consiliis essent ut qui tanquam Principis oculi per universam rempublicam prospiciebant, ejusque curam, veluti patres familiarum, gerebant. Ut non aliter fieri potuerit, quam ut, qui pater est Principis, cui omnia parent, sui juris, collatione summæ dignitatis, efficiatur. §. 4. hic. l. 1. Cod. de Quæst. & Offic. Magistr. Cassiod. 3. Epistol. 5. vid. Brisson. 3. de formul. p. 314. & seqq. Panciroll. Not. Imper. Orient. c. 5. 67. 71. & Thesaur. var. lect. t. c. 8. Petr. Heigium 1. quæst. 4. n. 13. & seqq.

JURE HEBRÆORUM.

Apud Hebræos, prophetas sacerdotes & Levitas, non ab ætate tantum, 4. verum etiam ab officio patres appellarunt, idque propterea quod in sacris præirent. Quâ ratione Micah sibi Levitam juvenem, in patrem & sacerdotem elegit. Jud. 17. v. 10. Et Elifæus Eliam, in eorum abeuntem, patris appellat nomine. 2. Reg. 2. v. 12. quo epitheto Elifæi mortem deflevit Joas, Rex Israël. 2. Regum 13. v. 14. Sicut & antea eundem pro patre agnoverat Hazaël, regis Syriæ præfectus. 2. Regum 6. v. 21. Et certe si jure consulti haud immerito patres appellantur, dum consilia suppeditant saluberrima, quidni spirituales illi patres censebuntur, qui spirituales cibum nobis abunde subministrant. Quo nomine Apostolus Paulus Corinthiis scribens infert, licet multos habeant doctores, non tamen illos multos habere parentes, respicit ecclesiarum ministros. 1. Corinth. 4. v. 15. 1. Thessal. 2. v. 7. 11. Quod vero consiliarium spectat Principis, cum etiam apud Ægyptios appellatum fuisse Patrem regis, colligere licet ex historia Josephi, à Pharaone in patrem electi. Genes. 48. v. 8.

MORIBUS, & JURE CANONICO.

Si quis in ecclesiæ ministrum sit electus, quod publico fungatur munere, 5. quodque ejus curæ ecclesia sit commissæ, cujus est pater spiritualis, patriæ potestatis vinculo exemptus censetur. Vid. Acac. Enenck. Baron. de Privil. Parent. & libr. 1. c. 9. n. 21. & seqq. Idem quod de Monachis, sed perperam statuunt Pontificii, juri canonico congruenter. c. cum ad monasterium. de Statu Monach. Tum, quod secundum illos Monachi vivere mundo desierint, mortui civiliter, tum quod Abbat omnino, ejusque regulis subijciuntur. Jafon in l. parre furioso. 8. D. Qui sui vel alien. jur. Papon. 21. Arrest. 1. §. 1. de Emancip. Zoef. D. de Adopt. n. 17. quibus contradicunt, & rectè Cujac. Parat. Cod. de emanc. Treutl. disp. 2. thes. fin. litt. d. vol. 1. Pinell. in l. 1. p. 1. n. 45. Cod. de bon. matrem. Hænon. disput. 2.

postliminii, sicuti plerumque fictiones, teste Paulo, naturali æquitate est introductum: ut qui per injuriam ab extraneis detinebatur, is ubi in fines suos rediisset, pristinum jus reciperet. l. 19. D. de Capt. & Postlim. Revers. Everh. consil. 78. paulo post init. & loc. legal. à vi fictionis. Quinimo, quod hic de duplici fictione traditur, utilitatis tam publicæ quam privatz gratiâ est introductum, habetque insignes in jure nostro effectus, quos descriptos vid. in l. 22. §. quod filius. D. de Captiv. & Postlim. Revers. l. pen. D. de suis & legitim. hæred. l. 32. §. 1. D. Hæred. Instit. vid. Bacch. hic. Acacium Enenck. Baron, de Privil. Parent. & liber. 1. cap. 9. n. 22. & seqq.

Præstina jura recipiunt.] Fictio refertur ad ea, quæ juris sunt, non quæ facti, quod facti causæ infectæ nullâ constitutione fieri possint. l. 12. §. facti. D. de Captiv. & Postlim. Quapropter possessio interrupta, postliminio non restituitur. l. 19. D. Ex quibus caus. major. neque uxore, quæ secundum antiquos, nostra erat possessio. (ex illo Terent. *de uxore, uti possedi, nihil mutat Chremes*) recuperatur per postliminium. l. 8. l. 14. D. de Captiv. Nisi id forte mutatum, per Nov. 22. c. 7.

Ipse quoq; filius, neposve.] Filius neposve qui liberatus est patriâ potestate reverti non potest in potestatem, nisi vel voluntate patris & suâ, putâ per adoptionem, vel suâ culpâ, id est, si emancipatus se ingratum in parentem præbuerit. l. 12. D. de Adopt. l. 1. Cod. de liber. ingrat. Gothefred. ad d. l. 12. in not. Verum cum per captivitatem non sublata sit patria potestas, quæ in suspenso collocatur, nulla harum causarum requiritur, ut potestati patris subjiciatur. Duplicem tamen in filio vel nepote causam esse oportet postliminii: & quod pater eum recipiat, & quod ipse jus suum recuperet. l. 24. D. de Capt. & Postlim. Revers.

MORIBUS.

Cum nemo per captivitatem inter Christianos hostium servus efficiatur, etiam non suspenditur patriâ potestas, ut hic nullâ fictione opus sit. Quemadmodum jus postliminii inter Christianos nullum est, nisi ratione quorundam bonorum. Sneiderwin, ad §. 5. Instit. hic. n. 2. Boër. decif. 178. n. 2. Anton. Faber in suo Cod. tit. de Postlim. Revers. Grot. de jure belli & Pacis. 3. c. 9. in fin. & alii apud Groenweg. de ll. abrogat. hic. Dessel. in not. ad Zoef. Instit. hic.

§. 6.

1. EMANCIPATIO quid sit?

2. Quotuplex.

Paterea emancipatione.] Est alius, & quidem solemnis solvendæ patriæ potestatis modus, emancipatio. Quæ nihil aliud est, si jus antiquum

speciemus, quam filii-familias de potestate patriâ dimissio, facta solemniter. Dico, filii-familias, quia secundum Ulpianum, manumissio ad servos pertinet, emancipatio solum ad filium. l. 1. §. alienatio. D. quand. de Pecul. Act. Annal. Licet olim sine manumissione non perageretur emancipatio. Ad- do, solemniter facta, quia emancipatio est actus legitimus, & quidem voluntarię jurisdictionis, ut corâ magistratu fieri debuerit. l. 3. 4. D. de Adopt. l. 2. D. de Offic. Præt. l. 77. D. de Reg. Jur. An etiam extra ordinatio? Forte. l. 3. Cod. de Emancip. Azo in summ. Cod. eod. n. 2. An coram magistratu municipali? Quod videtur dicendum, si modo apud eum sit legis actio, vel lex municipii id concesserit, vel induxerit longa consuetudo. l. 1. ult. Cod. Emancip. Azo in summ. Cod. eod. Donell. 2. comm. 26. ibique Hiltiger.

Verum quid erit respondendum, ad locum Sueton. in August. cap. 64. Ubi ab Augusto dicuntur empti Cajus & Lucius per assen & si- bram, verum domi. Ut non videatur emancipatio esse actus coram ma- gistratu expediendus. Resp. forte, domi empti dicuntur, quia non extra familiam Augusti sunt quæsti, quod essent ejus nepotes, ex filiâ Juliâ ge- niti. Nisi quis censeat Principem domi hæc posse peragere, quod suâ præ- sentiâ supplcat omnes juris solemnitatis. Vid. Anton. Sabellic. ad Suet. d. loc. Vel potius dixeris, actum voluntarię jurisdictionis, qualis erat emancipatio, ubique celebrari potuisse, modo ii, quos oportet, sint præ- sentes. l. 36. D. Adopt. Secus quam obtinet jure posteriori per l. fin. Cod. de Emancip.

Quæ vero emancipatio olim non nisi unius erat generis, & à me defini- ta, ea jure posteriori fuit triplex; legitima; Anastasiana & Justinianeæ. Le- gitima est, quæ ex 12. tabulis originem habet, variaque solemnia, ritusque desiderabat. Nam per imaginarias venditiones & intercedentes manu- missiones celebratur. §. 6. hic.

Neque enim ex 12. Tabulis res abalienari poterant, nisi interveniente venditione, quæ per æs & libram fieri dicebatur. Quando scil. adhibeban- tur ad minimum quinque testes, cives Romani puberes, & insuper alius ejusdem conditionis, qui libram æream tenebat, appellatus libripens: ad- erat & emptor, qui æs, vel nummum æneum, vel assen tenebat, dicens. *Hunc ego hominem ex jure Quiritium meum esse ajo, isque emptus est hoc ære, æ- neâque librâ.* Deinde ære libram percutiebat, & æs ei dabat, à quo homi- nem accipiebat, quasi pretii loco. Neque enim vere erat pretium, quod in uno nummo non consistit, verum dicis causâ, vel fide interveniebat pro pretio. Quo sensu Imperator Augustus dicitur Cajum & Lucium adoptasse domi, per assen & libram emptos à patre Agrippâ. Sueton. in August. c. 64.

¶ Cumque filius-familias jure antiquo, semel atque iterum emancipatus,

in potestatem revocari impune poterat, ideo fuit introductum, ut trijæ intercederent imaginariæ conditiones, totidemque manumissiones. Unde demum postquam pater naturalis, filium tertio divendit emptori, patri fideiuciariorum, eique mancipat & tradit, censetur omnino de patris naturalis potestate exivisse. Secus quam in cæteris liberis obtinebat, qui unâ emancipatione sui juris efficiuntur. l. 8. §. 1. D. de Injust. Rupt. l. 3. §. 1. D. Capit. Minut. Vjd. plura de sollemnibus emancipationibus earumq; variis effectibus, apud Horat. Epistol. libr. 11. ad Florum. ibique comm. Cajum apud Bœt. in Topic. Ulpian. tit. 19. §. 2. & tit. 10. in princ. ibique Cujac. Caj. 1. Instit. tit. 6. n. 3. Beroald. & Torrent. ad Sueton. in August. c. 64. Brisson. 1. antiq. 7. & 11. Carol. Sigon. de Antiq. jure civ. Roman. 1. cap. 10. Nannium Syll. §. miscell. Connan. 2. comment. 14. Donell. 19. comment. 4. & 2. comm. 26. 27. ibique Hilliger. Gomef. ad l. 47. Tauri. Rævard. de Auctor. Prudent. cap. 5. Acacium Enenck. Baron. de Privil. Parent. 1. cap. 10.

Hanc legitimam emancipationem dein Imperator Anastasius sustulit, omnemque in posterum ex rescritto Principis fieri jussit, idque coram magistratu. l. pen. Cod. de Emancip. quæ ideo ab autore dicta est emancipatio Anastasiana. Denique tertiam introduxit Justinianus, ideo Justinianea appellata, quæ apud judicem competentem sine rescritto Principis peragitur. §. 6. hic. l. fin. Cod. de Emancip.

§. 7.

Potest emancipari NEPOS, relicto PATRE, & vice versa.

Admonendi autem sumus.] Sicuti in negotiis ad se spectantibus temperandis cujusque cernitur arbitrium. l. 21. Cod. Mandat. ita etiam in emancipationibus liberorum, parentum relinquitur arbitrio, qui filios & ultiores descendentes habent in potestate, num omnes, num vero filios retentis in potestate nepotibus emancipare velint, aut vice versa. §. 7. hic. l. 28. D. de Adoption. l. 6. §. 2. & l. seq. D. de bonor. possess. contr. tabul. l. 6. D. si tabul. testam. nullæ extabunt. l. 5. D. de Collat.

Neque obstat, quod nepos non jungatur avo nisi per filium. l. 6. D. de collat. ut non videatur in potestate retineri posse, filio emancipato. Licet enim in nascendo pendeat à filio nepos, ut esse non potuerit nisi pater fuisset intermedius, non tamen in conservando sanguinis jure à filio intermedio dependet nepos, ut qui non moritur, moriente suo patre, filio intermedio, in ordine ad avum cujus est nepos. Anton. Faber. in Ration. ad l. 28. D. de Adopt. Hilliger. ad Donell. 2. comm. 26. litt. c.

li 3

§. 8.

Transfertur PATRIA POTESTAS Adoptione, consensu interveniente vel tacito vel expreso.

S*ed & si pater.]* Transfertur patria potestas, quo nomine solvitur ex parte ejus, qui eam transfert, si pater filium avo vel proavo, sive paterno sive materno in adoptionem dederit. Tum quia unus idemque pleno jure esse non potest in duorum potestate. Tum quia jure novo, naturalia & civilia jura concurrunt, quo casu patris naturalis potestas in adoptivum transfertur. §. 2. §. 8. hic. l. pen. & ult. Cod. de Emancip. Id quod tum demum effectum sortitur, cum omnia rite geruntur, apud judicem competentem, & quidem actis intervenientibus. §. 8. hic. l. pen. & ult. Cod. de Emancip. vid. Höenon. 2. disput. ad Instit. 2. 7. iis presentibus, inter quos tota causa peragitur. §. 8. hic. l. 24. D. de Adopt. idque propter solemnitatem. l. 1. D. de v. obligat. Nec per alium negotium expeditur, cum sit personale, etiam actibus legitimis annumeretur, qui per procuratorem, aut alterius personæ interventum, expediti non possunt. l. 25. §. 1. D. de Adoption. Non etiam altero geritur invito, quod voluntariæ species sit jurisdictionis. Ut tamen non censetur eo invito quid gestum, qui cum præsens sit non contradixit. l. 5. D. de Adopt. Quod præsens, sciens & tacens consentire præsumatur, etiam habeatur pro consentiente, modo contradicendo actum impedire potuisset. Id quod tum maxime procedit, cum de ipsius agitur commodo, vel cum sola alicujus sufficiens scientia, ut actus de jure subsistat. §. 8. hic. l. 2. D. Solut. Matrim. l. qui tacet. D. de Regul. Juris. ibique Petr. Faber, Bronchorst, alijque & DD. ad Regul. juris canonic. in 6. Qui tacet.

Tempus inspicitur conceptionis, ut NEPOS sit in potestate AVI.

I*llud autem scire oportet.]* Quandoque dum agitur de ejus commodo, qui est in utero, nullum tempus à lege determinatum est, sive sit conceptionis, sive medium, sive editionis. §. 1. Instit. de Ingenicis. ibique mea not. l. 7. D. de statu homin.

Hic tamen, sicuti etiam dum inquiritur, utrum liberi sint legitimi, tempus inspicitur conceptionis. Ut nepos ex filio natus in ejus sit potestate futurus, in quo tempore conceptionis ejusdem erat pater, licet cum nepos nasceretur, pater per adoptionem alterius potestati fuisset suppositus. §. 9. hic. l. 11. D. de statu homin. l. 7. D. de Senator. vid. Ulpian. Regular. tit. 5. §. fin. Harmen. 1. tit. 17. Covarr. 4. decretal. 2. c. 8. §. 2. vid. mea ad §. 1. Instit. de Ingen.

§. 10.

- | | |
|--|--|
| <p>1. <i>Invitus nemo potest emancipari, nec ab invito.</i></p> <p>2. <i>Sunt tamen varia exceptiones à regulâ.</i></p> <p>3. <i>Alii PATRIÆ POTESTATIS dis-</i></p> | <p>4. <i>solvenda Modi enumerantur.</i></p> <p>4. <i>De Moribus varii Modi enumerantur, quibus PATRIA solvitur POTESTAS.</i></p> |
|--|--|

ET quidem.] Quoniam in alicujus injuriam non tribuuntur beneficia, 1. neque invitis fiunt, aut extorquentur, Senec. de benef. §. cap. 9. l. 70. D. de Regul. Juris. ideo in emancipatione & patris & filii requiritur consensus. l. pen. Cod. de Emanc. Nov. 89. cap. 11. Quia tamen §. 10. hoc tit. additur vocabulum *penè*, capropter illi casus sunt enumerandis, quibus pater invitus filium emancipare cogitur, vel saltem potestatem patriam invitus amittit, dein quibus filius etiam invitus de potestate dimittitur?

Casus prioris sunt: si impubes adrogatus qui plenum consensum adhibere non potuit, pubes fuerit factus, tunc enim pater eum causâ cognitâ, si quidem id desideret adrogatus emancipare tenetur. l. 32. 33. D. de Adopt. Quemadmodum hoc etiam procedit, si minor in ipsâ adrogatione fuerit circumventus. l. 3. §. 6. D. de Minor. Si pater legatum acceperit eâ lege, ut filium emanciparet. Voluntatem enim defuncti approbavit in uno, ut etiam in aliis eandem sequi debeat. l. 18. D. de Condict. Indeb. Et parendum est conditioni quæ honesta est, ne testatoris voluntas circumveniat. l. 92. D. de Condit. & Demonstr.

Si parens filium duriter habeat. l. ult. D. Si à parent. quis fuer. manum. quod patria potestas in pietate, non in atrocitate consistere debeat. l. 5. D. ad l. Pomp. de Parric.

Si Leno factus suis liberis necessitatem peccandi imponat. l. 12. Cod. de Episc. Audient. l. ult. Cod. de Spectac. libr. 11. Neque enim in eo parendum est patri, quo efficitur ne videatur esse pater. vid. Nov. de Lenon. 17.

Si parens ad incestuosas nuptias convolaverit, nisi hic censeri debeat amissa potestas ratione poenæ consequentis crimen. Nov. 12. c. 2.

Casus posterioris ordinis, id est, quibus filius invitus potest emancipari, obtinent in genere, quando subest una ex causis, propter quas filius potest exheredari. Nov. 115.

Quinimo, invitus filius, qui naturalis tantum, etiam sine ullâ suâ culpâ, patriæ potestati subijci potest, idque per legitimationem. l. fin. D. de Adoption. Ad quam legem, vid. Cujac, 10. observ. 23. Connan. 2. comment. 24. n. 3. Donell. 2. comment. 27. litt. a. ibique Hilliger, vid. ad hanc materiam

teriam DD. in l. filius familias. §. secundum vulgarem. D. Leg. 1. Bartol. in l. nec avus. Cod. de Emanc. liber. Baldum in l. quamvis. Cod. de fideic. Alex. in l. utrum. D. verb. obligat. Castrenf. consil. 61. Accurs. ad l. 32. D. de Adopt. Donell. 8. comm. 12. Zoef. D. de Adopt. n. 14.

3. Præter casus hæcenus enumeratos, quibus filius de potestate parentis exit, sunt & alii hic subjiçendi. Ut, si à patre tacite fuerit emancipatus, quod accidit, si pater eum *diu* passus fuerit res proprias ut patrem-familias gerere, argum. l. 1. Cod. de patriâ potestat. Nam silentium paternum, non pro nudo consensu, sed solemnî actû habetur. Atque ita non obstat, l. non nudo 3. Cod. Emanc. liberor.

Dixi, filium tacite emancipari, si *diu* res proprias administraverit. Quod vocabulum Baulus J.C. accipit de decennio, idque ad præscribendam libertatem, quando manumissio à non habente potestatem facta est. l. si cum fideicommissa. 16. §. Arist. D. qui & à quibus manum. Quod si non adsit manumissio, bonæ fidei possessionem pro libertate 20. annis præscribunt Dioclet. & Maximian. Imperatores, in l. 2. Cod. de long. tempor. præscript. quæ prolibert.

Et ita secundum Græcos filius habetur pro tacite emancipato, qui sciente & non contradicente patre, stabile vivendi genus delegit, licet necdum ad eam pervenerit ætatem, quâ matrimonium contrahere possit. Harmenop. 1. tit. 18.

Ratio generalis est, quod ex diuturnitate omnia præsumantur solemniter gesta, & quæ forte defuerunt, ipso tempore suppleantur. l. qui in aliena. §. sed si non. D. Acquir. Hæred. l. hoc jure. §. ductus aquæ. D. Aquâ quotid. & æstiv. l. 1. §. denique. & l. 2. D. de Aquâ Pluv. Arcend. vid. Baldum in l. post mortem. D. de Adopt.

Est casus priori simillimus, si diu passus fuerit pater rei filiû impuberis per tutorem administrari, quasi eundem tacite, adeoque solemniter manumississet, quod est ex. l. 1. Cod. de Patr. Potestat.

Est & alius casus, si parens propriam exposuerit sobolem, vel eam exponi fuerit passus. Ubi tamen aliqua juris mutatio est observanda. Olim enim licuit parenti filium impune exponere, secundum ll. à Romulo Præscriptas. Dionys. Halicarn. 2. Imperatores autem Christiani, primum Constantinus, postmodum Theodosius, dein Honorius, constituerunt, ut voluntate expositus parentis, suscipientis fiat servus, nec ab hujusmodi servitute redimi poterat. l. 1. 2. Cod. Theodos. de Expos. liberor, l. 1. Cod. Theodos. Qui sanguin. empt. vel nutriend. acceper. vid. & l. 1. Cod. Theod. Ne pastor. filii dent.

Melius & sanctius decreverunt post Constantinum, ante Theodos. & Ho-

Honor. Valentinianus, Valens & Gratianus, ut qui filium exposuisset, patriâ potestate privaretur, & expositus fieret liber ab omni obsequio ei præstando, qui vitam & mores suæ sobolis contempsisset. l. 2. Cod. de Infant. Exposit. Ante Constantinum tamen Diocletianus & Maximianus Imperatores Gentiles, statuerunt, ut salvum & integrum jus esset patri in filiâ expositâ, si modo restitueret pretium alimentorum in expositam. factorum. l. patrem. 16. Cod. de Nupt. vid. Quintil. 7. c. 1. Denique Imperator Justinianus in omnibus expositis etiam servilis conditionis id constituit, ut omnes sint liberi, & sui juris, nec in potestatem exponentis redigantur. l. 3. Cod. de Infant. Exposit. vid. Gell. 12. noct. 1.

Obtinuit olim & alius solvendæ patriæ potestatis modus, qui non sine ignominia nota admittitur, quando pater filium ut indignum familiâ eiciebat. De quo modo agitur in l. 6. Cod. de Patriâ potest. vid. Connan. 2. comm. 13. Cujac. in l. multi non notæ. D. de Liber. & Posthum. & alios modos, quibus solvitur patriæ potestas, vel saltem cessat ejus effectus, etiam de moribus, apud Enenck. Baron. de Privil. Parent. & liber. 1. cap. 11. & 12.

MORIBUS.

Licet de consuetudine generali nonnulli velint sublatos patriæ potestatis effectus, prout de jure civili obtinebant, inter quos est Elbertus Leoninus libr. 5. Emend. 3. & Busius ad l. 3. D. Qui sui vel alien. juris sunt. Consuetudinem tamen emancipandi filios coram lege loci apud nos remansisse, negari non potest. Sic tamen, ut etiam à matre, quæ defuncto patre, liberos habet in potestate, fieri possit, etiam filio invito, peragatur. vid. Acac. Enenck. Baron. de Privil. Parent. 1. cap. 10. n. 13. & seqq. Dessel. ex D. Santvoert. In not. ad Zoef. Instit. hic. Non tamen secundum concil. Carthaginense. c. 14. parentes Clerici filios emancipare debebant, nisi de moribus eorum & ætate securi forent. Aliter ad parentes peccata à filiis de potestate dimissis commissa, pertinere judicabantur. Moribus insuper tacita quædam admissa est emancipatio, si filius per annum & diem separatas ædes habuerit à paternis, sic ut cum fuerit pater suas res agere, suam artem exercere. Johann. Faber. §. 1. Instit. Ad Tertull. Ferron. ad Consuet. Burdegal. tit. 1. de statu Person. Chassan. ad Burgund. tit. des enfans. §. 3. Quæ etiam domicilii mensuræque separatio appellari potest. Lantrecht. libr. 2. artic. 29. Const. Elect. Saxon. 10. p. 2. Philipp. Decius. conf. 245. Zas. in l. utrum turpem. n. 4. D. v. oblig. Snejdwy. ad §. fin. hic. n. 8. Sichard. ad Rubric. Cod. qui admitt. ad bonor. poss. Reusner. 1. decis. 10. n. 9. Wessemb. Parat. D. de Adopt. n. 7. Moller. 2. Semestr. 16. n. 6. Coppen obs. Pract. 1. q. 58. n. 9. vid. Berlich. Pract. conclus. 11. Christin. vol. 4. decis.

cif. 186. n. 11. Grot. 1. introd. 6. consuet. Antwerp. c. 43. Amstelod. apud Duyfentdael. libr. 1. c. 41. p. 303. Id quod fallit in studiose, ut qui videtur quam diu abest peregrinari, vel exulare. Auth. habita. Cod. Ne fil. pro patre. Alii nihilominus censent demum per separationem domicilii dissolvi potestatem patriam, si per annos 20. filius seorsum habitaverit. Bald. in l. post mortem. D. de Adopt. Gloss. in l. 1. v. cum diu. Cod. de Patr. Potest. & in l. 2. Cod. de long. tempor. præscript. quæ pro libert. Sneiderwin. in notis ad §. fin. hic. vid. Acacium Enekek. Baron. de Privil. Parent. 1. c. 10. n. 13. 14. Alii bonorum insuper requirunt separationem, saltem per eam indicii potestatis dissolutionem statuunt; id quod in Poloniâ, Hungariâ, Transilvaniâ receptum est. Collect. consuet. Hungariæ & Transilvan. p. 1. decret. tit. 51. vid. & tit. 56. Daubher. in manual. loc. cit. Tacita emancipationi proxima est de moribus abdicatio, ut si filius se possit exhibere, cum pater dimittat, ut propriâ vivat quadrâ, quod est: *uyt den broede doen*. Wamess. cent. 4. consil. 44. n. 53. Dessel. in notis ad Zoef. Instit. hic.

Solvitur insuper de moribus, quasi per tacitam emancipationem, si liberi sint majores annis 25. Id quod in Galliâ servatur consuetudinariâ, non eâ, quæ regitur scripto jure. Quinimo de generali consuetudine videtur introductum, ut simplex bonorum separatio, & separata administratio jussu patriæ potestatis tollat. Berlich. Præct. conclus. 11. n. 26. Grot. 1. introd. 6. n. 10. 11. Christin. 4. decif. 186. n. 11. Francisc. Balthaf. Præct. Resolut. jur. civil. & Bavaric. tit. 3. resol. 3. n. 6. Consuet. Antwerp. tit. 43. artic. 73. vid. DD. Bald. in c. 1. §. 1. de duobus fratribus. Alex. in l. si. D. qui test. facere. Greg. Tholos. lib. 11. Synt. c. fin. n. 12. Guid. Papæ q. 54. & Joh. Pap. 7. Arrest. 1. §. 24. notæ ad Sneiderwin. §. propterea. Inst. hic. n. 1. & n. 4. §. seq. in not. Sand. libr. 2. tit. 7. def. 5. 6. Gudel. de jure noviss. 1. c. 13. in fin. Christin. vol. 4. decif. 186. num. 9. Groenweg. de ll. abrog. hoc tit. Anton. Marth. de Auction. libr. 2. c. 5. n. 31. in fin. qui addit particulam *ferre*. vid. eundem in Auct. ad disp. de Nupt. n. 24. Secus tamen obtinet apud Messanenses, ubi ætate nemo liberatur. Giurb. ad Messan. consuet. c. 3. gloss. 1. part. 1. & c. 4. gloss. 2. part. 1.

Quid si parens fuerit prodigus, sic ut ei datus sit curator? Etiam de moribus tum solvitur patria potestas. Grot. 1. introd. 6. Groenweg. ibid.

Nuptiis insuper patriam potestatem dissolvi, tenent plerique, unde etiam nepotes non subjiciuntur potestati avi paterni. Id quod olim ex lege Numæ Pompilii constitutum fuisse, tradunt. Rævard. ad ll. 12. Tabul. c. 3. Cont. 1. Subces. lect. 4. n. 4. & de consuet. in Galliâ, Hispaniâ, Angliâ, Lusitania, Italiâ, Germaniâ, superiori & inferiori obtinere testantur Pyrrus ad Aurelian. hoc tit. Tiraquell. de ll. connubial. ad l. 1. part. 1. gloss. 1.

n.4. 6. Argent. ad Brittan. art. 429. Boër. ad Bituric. tit. 1. §. 2. & decis. 197. num. 4. Imbert. Enchirid. Juris, in verb. le fils est. Omes. ad l. 47. Tauri. n. 2. Alberic. de Nupt. 1. c. 4. Smith. de Republic. Anglic. 3. c. 8. Pinell. ad l. 1. §. 1. de bon. matern. n. 34. Hering. de fidejuss. 7. num. 621. Gregor. Tholos. Synt. Jur. libr. 11. cap. 10. Gudel. 1. de jure noviss. 13. Zyp. not. juris Belgici. tit. Ad Macedonium. Berlich. conclus. Pract. p. 2. conclus. 11. n. 34. Mæv. ad Lubecens. 1. tit. 4. artic. 5. in fin. Sand. decis. 2. tit. 7. def. 5. Goris advers. ad conf. Gelriz. tract. 4. §. 8. Christin. vol. 4. decis. 185. n. 7. & ad Mechlin. tit. 9. artic. 14. n. 7. Quæ omnia etiam de jure Poloniæ admissa, referente Herburt. à Fullin stat. regni Polon. Dresner. Instit. juris regni Poloniæ. Theod. Sawacki Proæ judic. Regni Polon. apud Daubherum in manual. fundam. juris civil. Polonic. ad hunc tit.

Aliter tamen hæc obtinent apud Messanenſes, ubi jus civile sequuntur, teste Giurba ad Messan. c. 1. gloss. 10. part. 1. n. 20. Vid. etiam Berlich. 11. Pract. conclus. n. 49. Carprov. defin. Forens. p. 2. constit. 10. def. 3. Hænon. ad Instit. disp. 2. q. 25. ibique DD. & diff. Enenckel, Baronem. de Privileg. Parent. 1. cap. 7. n. 16. & c. 12. n. 4.

Verum, an si quæ mulier minorennis nupsit marito, vidua effecta iterum patriæ potestati subjicietur? Neg. Arg. l. fin. D. qui sui vel alien. jur. Tiraquell. in ll. connub. gloss. 3. n. 1. 2. Boër. decis. 197. Argent. ad Brittan. artic. 410. in princ. n. 3. Vasq. de success. progress. l. 1. §. 1. n. 34. 43. Acac. Enenck. Baro de Privil. Parent. & liberor. 1. cap. 12. n. 21. ibique varii. Moller. ad Constit. Saxon. part. 2. constit. 10. n. 7. Hænon. disp. 2. Instit. q. 25. Christin. ad Mechlin. tit. 9. artic. 1. n. 10. & artic. 14. num. 5. diff. Chaffan. ad Burgund. tit. des droits appartenans à gents mariez. §. 1. verb. en puissance. Grammat. decis. 54. n. 6. & 12. Tessaür. decis. 150. n. 7. cui ex parte convenit nostrum Statutum Ultrajectinum, quo non sine consensu parentis vidua minorennis ad 2. transit vota. Rubric. 22. art. 6.

LIBER. I. TITULUS. XIII.

D E

T U T E L I S.

TRanseamus nunc ad aliam divisionem personarum. Nam ex his personis, quæ in potestate non sunt, quædam vel

Kk 2

in

in tutela sunt, vel in curatione, quædam neutro jure tenentur. Videamus ergo de his, quæ in tutela vel in curatione sunt. Ita enim intelligemus cæteras personas, quæ neutro jure tenentur. Ac prius dispiciamus de his, quæ in tutela sunt.

1. Est autem tutela (ut Servius definivit) vis ac potestas in capite libero ad tuendum eum, qui propter ætatem se defendere nequit, jure civili data ac permessa:

2. Tutores autem sunt, qui eam vim ac potestatem habent, exque ipsa re nomen acceperunt. Itaque appellantur tutores quali tutores atque defensores: sicut æditui dicuntur, qui ædes tuentur.

3. Permissum est itaque parentibus, liberis impuberibus, quos in potestate habent, testamento tutores dare. Et hoc in filios filiasq; procedit omnimodo, nepotibus vero neptibusq; ita demum parentes possunt testamento tutores dare, si post mortem eorum in potestatem patris sui non sunt recasuri. Itaque si filius tuus mortis tuæ tempore in potestate tua sit, nepotes ex eo non poterunt ex testamento tutores habere, quamvis in potestate tua fuerint: scilicet quia mortuo te in potestatem patris tui recasuri sunt.

4. Cum autem in compluribus aliis causis posthumi pro jam natis habeantur, in hac causa placuit non minus posthumis, quam jam natis testamento tutores dari posse, si modo in ea causa sint, ut, si vivis parentibus nascerentur, sui hæredes, & in potestate eorum fierent.

Sed & si emancipato filio tutor à patre datus fuerit testamento, confirmandus est ex sententia Præsidis omnimodo, id est, sine inquisitione.

C O M M E N T A R I U S.

I N P R I N C.

1. *Proponitur alia PERSONATUM* | 2. *Potestas Tutoria in nonnullis
divisio.* | *major est Patriâ.*



Ranſeamus nunc.] Subſequitur alia perſonarum ſeu ho- 1.
minum diviſio, quod alii ſint vel in tutelâ, vel curâ, vel
neutro jure teneantur. Qui tamen in eo conveniunt
omnes, quod ſui juris cenſeantur, id eſt patreſſami-
liarum: neque enim vel in poteſtate ſunt dominorum,
vel parentum. Et licet tutores vel curatores dicantur

in pupillos habere poteſtatem, non tamen hoc ita ac-
cipiendum, quaſi pupilli ſuæ non ſint poteſtatis, quam quod non ſuæ ſint
auctoritatis vel arbitrii. Spartian. in Aurelian. Livius de Ptolomæo. libr.
42. Unde in jure non obſtante tutelâ vel curâ dijudicantur eſſe ſuæ pote-
ſtatis. l. 43. D. oblig. l. 239. D. verb. ſignif. ſui juris. l. 18. Cod. de jure
delib.

Verum ut res ſit evidentior, non eſt prætereundum quod in jure noſtro 2.
multiplex ſit poteſtas. Alia cujus reſpectu alicui proprietas in re competit,
alia cujus ratione quaſi proprietatis jus eſt acquiſitum, alia denique cujus
intuitu, nec proprietas nec quaſi alicui eſt conceſſa. Illa eſt dominorum in
fervos, iſta parentum in liberos, & rigida olim erant poteſtatis genera, hæc
in impuberes, minores, uxores, & alios. Ut tamen ſui juris eſſe dicantur,
in quantum à ſtriçtè dictâ poteſtate ſunt immunes. Licet autem poteſtas
patris in liberos ſit propriè dictâ poteſtas, & longe major poteſtate tutoriâ.
l. fin. & tit. Cod. de bonis matern. Montanus de tutel. c. 2. in quibusdam
tamen caſibus, hæc illam ſuperare videtur. Nam tutore auctore pupillus
promittendo obligatur, nec tamen ſi promittat patre conſentiente, civili-
ter conveniri poterit. §. pupillus in fin. Inſtit. de inut. ſtipulat. l. fin. §. pu-
pillus. D. de verb. obligat.

Inſuper non ante pubertatem liberatur ab auctoritate & inſpectione tu-
toris, cum quocumque tempore, etiam ante ſeptennium patriæ poteſtati
quandoque eximatur. inſtit. Quibus mod. tutel. fin. Quin amplius
invitus nemo ſubjicitur poteſtati patris, & tamen omnis pupillus volens
nolens accipit tutorem. l. fin. D. qui ſui vel alieni juris.

§. 1.

1. *Definitio TUTELÆ explicatur.* | 2. *Species TUTELÆ traduntur.*

Kk. 3

Eſt

1. **E** *St autem tutela.] Liberati patriâ potestate si se suaque regere nequeant, in alterius constituuntur tutelâ vel curâ. Illi dicuntur pupilli, hi minores; illi se regere non possunt, hi non possunt regere sua; illi itaque tutorem exigunt, hi curatorem; illi prius in tutelâ, dein facti puberes in curâ constituuntur. Ut servato ætatis ordine curam antecedit tutela, quæ definitur, quod sit, *Vis ac potestas in capite libero ad tuendum eum, quiper ætatem ipse se defendere non potest, jure civili data ac permessa.**

Videbatur legendum esse *jus ac potestas*, quæ duo sæpe junguntur, ut in l. 1. §. 2. D. Adl. Falcid. Verum quia meliores Codices legunt *vis, ac potestas*, nihil hic est immutandum, præsertim cum eadem in §. 2. hoc tit. & alibi copulentur, ut in §. quorum. §. adipiscendæ. Instit. de Interdict. l. 17. D. de Legib. l. 7. Cod. de Codicill. Quæ vocabula vel synonyma dici poterunt, in quantum facultatem tutoris expriment, quod in jure non est inusitatum, ut duæ voces ad idem tendat. §. 1. Instit. de Just. & Jure. Vel etiam significabunt diversa, licet eundem effectum respiciant, sic ut *vis*, idem dicat, quod Græcis vocabulum *δύναμις*, & *potestas*, quod *ἐξουσία*. Vid. Alciat. Parerg. l. c. 28.

Nisi denique vel ideo tutela *vis* appelletur, quia per eam à curatelâ discernitur, quæ non nisi in minorem volentem competit, cum hæc etiam in invitum & renitentem datur. §. 2. Instit. de Curator. l. 2. D. eod. Utrobique tamen aliquid observare licet *vim* quandam redolens, cujus respectu & tutor & curator vice domini habetur, & excusatur ex parte pupillus qui quicquam eo auctore gessit, ut speciem quam servientis præ se ferat. l. 157. D. de Regul. jur. Montan. de Tutel. cap. 3. l. n. 1. 2. 19. Quo respexisse Paulum Apostolum est probabile, dum pupillum servo comparat. Gal. 4. v. 1. *Quamdiu, inquit, hæres puer est, nihil differt à servo.* id est, quibusdam juris effectibus inspectis, vix quicquam à servo distat. Sicuti vice versa, à domino in nonnullis non differt tutor vel curator. l. qui fundum. §. si tutor. D. Pro empt. l. vulgo. D. de Admin. tutor. l. 1. Cod. eod. Additur, *in capite libero*, vel in quantum pars accipitur pro toto, vel in quantum est persona libera, quæ caput habet, cum quâ lege agi potest. l. 2. §. 2. D. de Origin. Juris. Quæ verba sine scrupulo tam ad pupillum quam tutorem referri poterunt. Ad pupillum, quem oportet esse hominem sui juris, id est impuberem patrem-familias. l. 195. §. 2. D. verb. signif. l. 239. D. eod.

Neque obstat l. fin. §. fin autem in secundâ ætate. Cod. de bon. quæ liber. in quo singularis est casus, à regulâ exceptus. Ad tutorem etiam verba referri certum est, quem hominem liberum esse oportet, ut sit tutor; licet alii ad hunc solum verba relata velint, quasi hujus potestas activè describatur. Verum neque hæc ipsa priorem evertunt opinionem: cum qui dicit

dicat tutorem habere potestatem in pupillum, eam etiamnum activè consideret, licet ipsa terminativè ordinetur ad pupillum. Neque aliter res sese habere potest; quod nulla actio clarè percipiat nisi in ordine ad terminum, & subiectum. Neque itidem priori adverterantur opinioni, quod in definitione ex primi debuisset, si pupillus intenderetur, in *capite sui juris*, quasi non omne caput liberum sit in tutelâ. *Resp.* enim id verissimum esse, quod non nisi capiti libero detur tutor, licet non omni libero homini dari soleat, neque hoc etiam inferre intendebat juriscopsultus. Quin in eo omne caput liberum, de quò in definitione agitur, subest tutelæ. Est enim istarum vocum deminutio, uti loquuntur filii logicorum, idque per sequentia verba definitionis. Caput enim omne liberum intellige, quod se per ætatem defendere nequit, & patrem non habet, per quem defendatur.

Nec denique obstat, quod scribendum foret, in *caput liberum*, si pupillus designaretur. Quia ita loquebantur antiqui; atque idem erat, quam *super capite libero*. Qui loquendi modus in 12. tabulis etiam occurrit. vid. Tullium pro Domo. Gell. 5. c. 19. Ulpian. tit. 11. Non igitur servus poterit esse tutor, vel in tutelâ, quod pro nullo de jure civili habeatur. l. quod atinet. D. de Regul. Juris. Ratio rationis est, quod qui ipse est in potestate rigidâ & summâ, alium in potestate habere nequeat. Et qui supra se dominum habet, nec quicquam proprium, tutore non egeat.

Non obstat. l. 13. D. De Tutor. & Curator. dat. Quoniam ibidem Statulibero servo impuberi datur tutor, propter imminens spem libertatis.

Subjungitur, *ad tuendum eum*, ubi censeri debet anallogè generis, si ad pupillum verba referantur, & officium tutoris describetur, quod præcipuum est, teste Marcello, ne indefensus relinquitur pupillus. §. 2. hic. l. 30. D. de Admistr. tut. qui se tueri non potest. l. 3. §. 4. D. de Carbon. Edict. adeoque sine tutore pro indefenso habetur. l. 5. §. 14. D. Ut in possess. Neque enim rei, (id est, non tam rei) vel causæ, sed personæ, moribusque pupilli tutor præponitur. l. 14. D. de Testam. tutel. l. 12. §. cum tutor. D. de Administr. tutel. ut rei administratio à tutore non sit removenda. Cumque defensio pupilli spectet tutoris officium, etiam rei pupillaris cura gerenda est. Defendi namque non videtur, quotiescumque non id sit pupilli nomine quod quis pater-familias idoneus facit. l. 10. D. de Administr. tutor.

Additur, *qui propter ætatem*, quo etiam nomine tutela distinguitur à curâ; contra quam adversus interpretes hic sentit Bacchov. Nam certum est per ætatem impuberes rerum discrimina non novisse, consilii esse incapaces, infirmique judicii. l. 8. §. ult. D. Acquir. hæred. l. ult. D. de Manum. Vind. l. 4. §. ult. D. Rem pupill. salv. fore.

Quia

Quæ de pueribus indistincte affirmari non poterunt, cum seipfos etiam non consentientibus curatoribus obligare possint. l. 20. D. de Nupt. l. pueres. 103. D. de verb. obligat. Quin amplius per prædictam phrasin tutela quæ est ætatis, separabitur à tutelâ, quæ erat sexus; cum olim læminæ etiam pueres in perpetuâ essent tutelâ, idque propter sexus fragilitatem, & forensium rerum ignorantiam. Ulpian. in fragment. tit. 11.

Denique subjungitur, *jure civili data ac permissa*. Quibus verbis & efficiens causa tutelæ, & inde desumptæ diversæ species tutelæ significantur. Efficiens causa tutelæ est jus civile, si ejus formam specificam, & peculiaris quos habet in jure effectus, intueamur, quos plerisque forte à Græcorum jure vetustissimo mutuati fuerunt. Licet naturali juri conveniens sit, ut qui perfectæ non sunt ætatis, alterius tutelâ regantur. §. 6. Instit. de Attil. tutor. Frustra tamen quis hinc exculperit, tutelam esse juris naturæ: cum etiam ea ipsa quæ juris sunt civilis, non ideo juri naturali aut gentium adversentur, licet non propterea sint ex jure naturali. Ita dominiorum distinctio juris est gentium, & quidem juris secundarii, nec tamen eam improbat jus naturale, quamquam dicantur varia esse juri naturali adversa, in quantum non sunt ex illo jure profecta primitus. §. 2. Instit. de Jure Natur. Gent. & Civil. Carol. Sigon. 1. de Antiq. jure Civ. Roman. c. 13. Hotton. Myns. Heig. hic. Bronchorst. 2. Miscell. 3. in fin. Faber in ration. ad l. 7. D. de Capit. Minut. Olemann. ad Giffan. disp. 5. num. 8. in Refol. & object. Hænon. disp. 3. ad Instit. q. 1. Montan. de tutel. cap. 6.

2. Species insuper tutelæ in data definitione continentur, quod alia sit tutela data, alia permissa. *Data*, in quantum jus civile antiquum, id est 12. tabulæ legitimos suppeditant tutores, id est adgnatos, eosque qui vel ex interpretatione vel ad exemplum 11. duodecim tabularum, tutores existunt. l. 7. D. de capite Minut. l. 1. 6. D. de legit. tutel. In quantum etiam jus civile post 12. tabulas, necessitate exigente, tandem id juris concessit magistratibus, ut pupillis non habentibus tutores darent, quæ tutela dativa est appellata. *Permissa* tutela ea est, quæ testamentaria, in quantum lex patri permisit testamento tutorem dare filio in potestate vel datum confirmavit. l. 1. D. de Testam. tutel. Ulpian. tit. 11. Licet alii & permissam censeant, quæ est dativa, cum tamen ea ex variis legibus descendat, non permittentibus, sed etiam id officii magistratibus injungentibus. tit. Instit. de Attil. tutore. Plura qui vult de tutelæ definitione adeat Alciat. 1. Parerg. 28. Lyclam. 1. Eclog. 27. Montan. de tutel. cap. 2. 3. 4. 5. Hænon. disp. 7. Pand. in princ.

§. 2.

1. TUTORES unde dicti?

2. TUTITIO in genere ad omnem des-

cen-

defensionem referri potest.

rint?

3. *ÆDITUI, qui olim appellati fue-*

T*utores autem sunt.*] Explicat quid sint tutores, & unde dicantur, ne-
que hoc incongrue, quod ratio nominis hic ipsam rem designet, cum
ex eâ tutores suum nomen sortiantur. §. 2. hic. Id quod in vocabu-
lorum inventoribus laudandum est quam maxime, ut rebus nomina sint
convenientia. §. est & aliud genus. Instit. de Donat. Idque ad exemplum
prisci Instituti Adami, qui rebus creatis congrua vocabula applicavit. Gen.
2. v. 19.

Quia tamen tutores à tuendo, id est defendendo dicti fuerunt, hinc col-
ligere licebit, sepe à voce generali speciei desumi denominationem. Neque
enim tutio solummodo tutoribus, verum etiam iis applicabitur, qui quo-
quo modo curam alicujus susceperunt. Sicuti *ἡ πᾶσι* tutela accipitur in
l. 1. D. de Minor. l. 7. §. 16. D. Solut. Matrim.

Quinimo ad omnem omnino defensionem, siue ea sit publica, siue priva-
ta, tutela refertur. l. 14. D. de Offic. Præs. l. 45. D. Ad l. Aquil. Quo
nomine admissi sunt publici protectores, quando scil. vel respublica, vel
privati alicujus patrocinio, protectioni, & clientelæ sese subjiciunt, unde jus
clientelare, jus advocatiæ ortum traxit. l. 7. D. captiv. l. 89. D. de furt. l.
6. §. 5. Cod. Qui ad Eccles. Conf. l. 4. Cod. de Dignit. l. 1. 2. Cod. de Ex-
cusat. Muner. libr. 10. tit. Cod. de Domest. & Protect. libr. 12. tit. Cod.
Ut nemo ad suum patrocini. libr. 11. Cæsar 7. de Bell. Gallic. Valer. Ma-
xim. libr. 2. cap. 1. Gell. 15. c. 13. vid. Cujac. ad l. 1. Cod. Ut nemo ad
suum patrocinium. libr. 11. Gail. 2. obs. 54. Menoch. 2. Arbitr. cas. 182.
Gregor. Tholos. 11. de Republic. c. 11. & 14. Synt. jur. c. 10. Bodin. 1. de
Republic. c. 7. Friderici Mindan. 2. de Mandat. c. 14. Besold. tract. de Fœ-
deribus. c. 5. & in thesauro Practico. verb. *Vogi.* & singulari tract. Erasmi.
Chokier de Advocat. feudali.

Sicut aditui dicuntur, qui ades tuentur.] Olim appellati *Æditimi* ea
formâ, quâ dicimus *legitimi*. Ciceron. in Verrem, Varr. 1. de Re
Rust. 2. Proquâ à plerisque novâ & commentitiâ usurpatione suo tem-
pore dictos fuisse ædituos quasi à tuendis ædibus scribit Gell. 12. noct.
10. l. 3. §. 3. D. de Tabul. Exhib. Quâ etiam voce usus est Tacit. histor.
3. c. 74. Eisdem Scævola appellat *hierophylacos*, quæ græca vox est, quæ
designat sacrorum custodes. l. 20. §. 1. D. de Annui. Legat. Quos ædi-
tuentes dixit Lucret. libr. 6. adjectivo pro substantivo more latinorum
pato.

§. 3.

1. *Origo Testamentariæ TUTELÆ explicatur.*

RIOS?

3. *Quâ voluntate dentur?*2. *Quinam dent TESTAMENTA-*

1. **P***ermisum est itaque parentibus.] Origo testamentariæ tutelæ est ex 12. tabulis, idque propter testamentum patrum, quod pro lege est, l. 120. D. de verb. signif. Nov. de Nupt. 22. §. disponat. Cicero pro Sexto. & Epistol. 13. 61. Ut tamen & ante 12. Tabulas jure patriæ potestatis ea fuerit parenti concessa. l. 40. in fin. D. de Admin. tutel. l. 39. §. tutor. D. eod. l. 26. §. fin. D. de Testam. tutel. Valer. Maxim. 1. c. 7. §. 4. Carol. Sigon. de Antiquo jure civium Roman. 1. c. 13. Balduin. in §. 1. Instit. de Tutel. Montan. de Tutel. c. 8. n. 2. 3. Quæ ratio est, quod non tantum patri, sed insuper cæteris ascendentibus, modo liberos habeant in potestate, qui non sint post eorum mortem recasuri in alterius potestatem, jus dandi tutores sit tributum. l. 1. §. fin. D. Testam. tutel. l. 2. D. eod. Unde datio tutoris indistincte procedit in patre, qui liberos habet in potestate, quod eo defuncto ipsi non sint recasuri in potestatem alicujus ex ascendentibus. Non ita procedit in avo, aliisque ascendentibus, nisi filios non habeant in potestate, vel quia in fata concesserunt, vel quia à suis parentibus sunt emancipati. init. instit. quibus mod. solv. patr. potest. Secus quam obtinet si propter filiorum dignitatem finita fuerit potestas. Dixi ad tit. Præced. Aliquando tamen utiliter dabitur tutor nepoti cujus pater superstes est, & in potestate, ut in casu l. 10. §. 2. D. Testam. tutel.*

2. *Dant autem tutores, qui dandi licentiam habent, liberis impuberibus, §. 3. hic. volentibus, vel etiam invitis. l. 6. D. de tutor. institutis, vel exheredatis. l. 4. D. de Testam. tutel. l. 26. in fin. D. eod. Neque enim jus suitalis tollitur exheredatione. Arg. §. 4. Instit. de Pupill. Substit. Mont. c. 8. n. 5. Hoc non. disp. 3. ad instit. q. 2.*

Neque obstat l. 6. D. de conf. tutor. ubi puberi datus esse tutor videtur. Resp. enim in d. l. vitiosam esse lectionem, vel etiam per chiasinum textum esse explicandum, & accipiendum de casu quo non recte impuberi tutor erat datus, ut opus fuerit confirmatione.

3. *Testamento tutores dare.] Quia tutela testamento datur, vel mandatur, dicta testamentaria, l. 26. 28. D. testam. tutel. ea propter legatis ex ll. 12. Tabularum comparatur. l. 1. D. de Testam. tutel. l. 53. l. 120. D. verb. signif. Licet ad hæredes, sicuti quidem legata, non transeat. l. tutela. 16. D. de Tutel. Datur autem quovis testamento, modo sit perfectum. l. 3. l. 10. §. 1. l. fin. D. Testam. tutel. etiam post receptum codicillorum usum*

co-

Codicillis testamento confirmatis. l. 32. in fin. D. de Excus. tutor. l. 3. in init. D. Testam. Tutel.

Quid si testamentum patris fuerit imperfectum? Qui eo datus est tutor confirmabitur sine inquisitione. l. 26. §. fin. Testam. tutel. l. 3. D. de Confirm. tutor. diff. ex parte Montan. c. 8. n. 6. & seqq. Nisi tamen prius alius tutor fuerit datus à magistratu; quo casu iudicis erit providere, num curatorem eum velit quem pater imperfecto testamento dedit. l. 3. Cod. de Confirm. tutor.

Quid si vitio exhæredationis testamentum patris corruat? Non opus erit ut eo casu tutor datus confirmetur, quod ab initio datus fuerit utiliter, id est testamento perfecto. Auth. ex causâ. Cod. de liber. Præter. forte & in casu l. hâc consultiss. §. ex imperfecto. Cod. de Testam.

Quid si tutor solis datus fuerit codicillis? Ab intestato datus censetur, ut confirmatione sit opus. l. 1. §. 1. in med. D. de Confirm. Tutore. diff. Rebuff. de Sent. Provis. §. 3. gloss. 2. n. 3. vid. Montan. c. 8. n. 11. & seqq.

Verum, an si testamento, & quidem perfecto datus fuerit tutor, iudex voluntatem patris sequi tenebitur? Quod affirmandum videtur, nisi tamen iusta causa, & pupillorum utilitas suadeat contrarium, vel appareat mutata esse patris voluntatem. l. 8. 9. 10. de Conf. tutor.

Quid si enim mores tutoris testamento dati, patrem lauerint, & Prætori sint cogniti? Non eum admittet Prætor, verum tanquam suspectum repellet. d. l. 10. vid. Montan. de tutel. c. 8. n. 9.

§. 4.

An POSTHUMO detur TUTOR?

QUUM autem in compluribus aliis causis.] Posthumus in jure nostro pro iam nato habetur, quoties de ipsius agitur commodo. l. pen. D. de stat. hom. l. quod dicimus. 231. D. verb. signif. Ut non tantum nato, sed etiam posthumo rectè detur tutor, si modo tempore facti testamenti natus suus fuisset, & in potestate. §. 4. hic. l. 73. §. 1. D. de Regul. Jur. Qui deum erit tutor, cum fuerit natus, ventri interim dato curatore. l. si nemo. 19. §. 2. D. Testam. tutel. l. 1. §. quotiens. §. eligitur. §. tandiu. D. de ventr. in possess. mittend. Adeoque non obstat l. 161. D. de verb. signif. quod non sit pupillus, qui est in utero. Quoniam hic locus est fictioni, secundum quam intelligitur mortis tempore fuisse, qui est in utero. l. 153. D. verb. signif. Montan. de tutel. cap. 3. n. 47. & c. 8. n. 26. Anton. Matth. disp. 1. de Tutel. n. 14. Quinimo licet qui facti testamenti tempore nondum erat natus, vivo patre nascatur, non tamen infirmabitur tutoris datio, non magis quam testamentum, in quo posthumus hæres est scriptus, si vivo testatore

statore in rebus humanis existat. l. 16. §. fin. D. Testam. tutelâ.

§. 5.

- | | |
|---|--|
| <p>1. <i>An FILIO Emancipato; NOTHO, EXTRANEO?</i></p> <p>2. <i>Quis sit TUTOR confirmatus?</i></p> <p>3. <i>An Confirmatus sit Dativus, an Testamentarius?</i></p> | <p>4. <i>Jure Divino TUTELA commenda.</i></p> <p>5. <i>Moribus & AVUS & MATER indistincte dat TUTOREM.</i></p> |
|---|--|

1. **S***Ed etsi emancipato.*] Emancipato filio pater non jure tutorem dat, quod si eum non habeat in potestate, Si tamen dederit tutorem is confirmabitur sine inquisitione, quod paternum testimonium, cura paterna, pro satisfactione sufficiat. §. 5. hic. l. 1. D. de Confirm. tutor. l. de creatione. Cod. de Episcop. Audient. Etiam potestatis reliquæ in patre maneant, & sacra memoria, post emancipationem. Fabrot. ad Theophil. in fin. instit. hic. Nisi tamen pater suam voluntatem immutaverit, quod per Prætorem est inquirendum. l. in confirmando. D. de conf. tutore. Vel ob justam causam patri ignotam, aut postmodum obortam, tutor prætori rejiciendus videatur. l. 28. D. Testam. Milit. l. 4. D. tutel. Testam. l. pen. D. Confirm. tutor.

Quid si pater filio naturali, seu notho dederit tutorem? Siquidem ei nihil sit relictum, frustra censetur datus, nec sine inquisitione confirmabitur; quod si aliquid fuerit relictum, forte non adhibita inquisitione procedet datio. l. 7. D. de Confirm. tutel. l. ult. Cod. eod. Nov. 89. §. quia vero.

Quid si mater filio impuberi testamento dederit tutorem? Siquidem filius sit institutus hæres, & à magistratu tutor confirmatus cum inquisitione, tutor erit. l. 2. D. de conf. tutor. l. 69. §. mater. l. 76. §. non jure. D. de Legat. 2. l. 4. Cod. Testam. tutel. l. 1. Cod. Confirm. tutor. Muliebri quippe consilium fragile, nonnunquam adversus propria commoda laborareprehenditur, ut inquisitione sit opus. l. 2. D. Ad Sc. Vellejan. l. pen. Cod. de Sponsal. Si tamen mater non instituto pupillo, cum id esset è pupilli utilitate tutorem dederit, is etiam ex inquisitione confirmabitur. l. 4. Cod. de Testam. tutel.

Quid si liberto patronus dederit tutorem? Is cum inquisitione, sine satisfactione confirmabitur, si modo pupillum hæredem instituerit. l. 1. §. 2. in fin. l. 4. D. de Confirm. tutor. l. 28. §. 2. D. de Testam. tutel.

- Quid si à patruo, vel quo extraneo pupillo tutor sit datus? Is, siquidem hæres scriptus sit pupillus, cum inquisitione & satisfactione confirmabitur. l. 4. §. 5. D. de Confirmand. tutore. Azo in summâ Cod. eod. n. fin. Dönnell. 3. comm. 5. Montan. de Tutel. c. 8. n. 38. vid. Hænon. disp. 7. Pand. q. 4. ibique DD.

CON-

Confirmandus est ex sententiâ Præsidis.] Et si legis sit confirmare tutorem, 2.
quia eundem dare, vel permittere ut detur, test legis, in quantum tamen
quis est datus testamento, licet non eo modo quo oportuit, magistratui da-
tionem factam testamento juvare conceditur. Et quidem magistratui ma-
jori, non minori, qualis est municipalis, cui nihilominus tutoris confirma-
tio demandari potest. l. 5. D. de Confirm. tutore. Ut ordinariæ jurisdic-
tionis censeri debeat confirmatio, quæ demandatur, cum datio demandari non
potuerit. d. l. 5. D. de Confirm. tutore. Gothefred. ibid. in not.

Non tamen ea confirmatio, quæ fit decreto, procedit, nisi præcedente
causæ cognitione, id est, examinatione & inquisitione personarum, tum
dantis testatoris, tum pupilli, tum dati tutoris, & quandoque idoneâ præ-
missâ satisfactione. l. 1. 5. 7. 8. & seqq. D. de Confirm. tutore. Althus. di-
tajo. l. c. 54. n. 54. n. 11. & seqq.

Verum an qui ita confirmatus est, dativus, an vero testamentariis tuto- 3.
ribus erit adnumerandus? Resp. Licet testamento quidem fuerit designa-
tus & nominatus, sic ut pro testamentario possit haberi, eique in multis
comparetur in jure nostro. l. 3. D. de Confirm. Tutore. Quia tamen simile
non est idem, & quod rei comparatur, ipsa res non est, nisi aliquo effectu
inspecto. d. l. 3. Etiam in hac confirmatione magistratus opera prævalet.
l. 3. §. 1. l. 26. §. fin. D. de Testam. tutel. l. 1. 2. D. de Conf. tutor. l. 1.
Cod. eod. quod ab eo demum tempore quo tutela est confirmata, ipsa
valeat. l. impuberi. 40. D. de Admin. tutor. Unde nec ante confirmatio-
nem ullum currit tempus nominato. l. 2. Cod. de Confirm. tutor. Quin-
amplius datus à magistratu ei præfertur, qui testamento datus est non jure,
antequam sit confirmatus. d. l. 2. Cod. eod. Non immerito tutor confir-
matus dativus erit accensendus. Cujac. Parat. Cod. de Confirm. tutor. &
7. obs. 7. Vult. 1. jurisprudent. Roman. c. 25. Bocer. class. 2. disp. 14. de tutel.
thes. 12. Treutl. disp. 8. vol. 2. thes. 2. litt. c. Hænon. disp. 3. ad Instit. q.
3. vid. Montan. de tutel. c. 8. diss. Donell. 3. comm. 5. Myns. ad §. fin.
hic. Oleman. disp. 5. ad Instit. num. 12. 13. in object. & Respon. ad disput.
Giphan. Eum tamen mixti generis vult tutorem, id est, nominatione testa-
mentarium confirmatione dativum, Bacch. hic. nec diss. Gædd. ad l. 130.
n. 4. D. de verb. signif.

JURE DIVINO.

Impuberum & minorum cura secundum divinas ll. est suscipienda, lique 4.
nobis de meliore nota sunt commendati. Exod. 22. v. 22. Deuteron. 24. v.
17. 26. & c. 27. v. 19. Psalm. 82. v. 3. Zach. c. 7. v. 10. Jacob. 1. v. 27. Qui
in multis, quamdiu sub tutelâ sunt constituti, parum à servorum differunt
conditione, id est, si bonorum administrationem ab alienationem efficacem,

personæ obligationem, spectemus. Si hoc intueamur, quod meliorem suam facere possint conditionem, sine tutorum auctoritate, non autem deteriorum; alios sibi possint obligare, non ipsi vicissim aliis obligari. Gal. 4. v. 1.

MORIBUS.

5. Licet avus nepotem in potestate non habeat, nihilominus nepoti tutorem dabit testamento, idque respectu bonorum, quæ nepoti relinquit. Nam de moribus uti postmodum explicabitur certis rebus tutor dari potest. Groenweg. hic de ll. abrogat. Quin imo non tantum pater sed etiam mater indistincte liberis tutorem dare potest. Grot. 1. introd. 7. n. 14. Neost. decis. suprem. cur. 92. Montan. de tutel. c. 8. n. 39. Daventr. 3. tit. 3. §. 3. vid. Groenw. ad tit. Cod. de Testam. tutel.

LIBER. I. TITULUS. XIV.

QUI TESTAMENTO TUTORES
DARI POSSUNT.

DAri autem tutor potest testamento, non solum paterfamilias, sed etiam filiusfamilias.

1. Sed & servus proprius testamento cum libertate rectè tutor dari potest, Sed sciendum est, cum sine libertate tutorem datum, tacitè libertatem directam accepisse videri, & per hoc rectè tutorem esse. Planè si per errorem, quasi liber, tutor datus sit, aliud dicendum est. Servus autem alienus purè inutiliter testamento datur tutor: sed ita, *quum liber erit*, utiliter datur. Proprius autem servus inutiliter eo modo tutor datur.

2. Furiosus, vel minor viginti quinque annis, tutor testamento datus, tutor tunc erit, cum compos mentis, aut major viginti quinque annis fuerit factus.

3. Ad certum tempus, vel ex certo tempore, vel sub conditione, vel ante hæredis institutionem posse dari tutorem non dubitatur.

4. Certæ autem rei vel causæ tutor dari non potest: quia personæ, non causæ, vel rei, tutor datur.

5. Si

• QUI TESTAMENTO TUTORES DARI POSSUNT. 171

5. Si quis filiabus suis vel filiis tutores dederit, etiam posthumo dedisse videtur, quia filii vel filiae appellatione & posthuma continentur. Quod si nepotes sint, an appellatione filiorum & ipsis tutores dati sint? Dicendum est, ut & ipsis quoque dati videantur, si modo liberos dixerit. Cæterum si filios, non continebuntur: aliter enim filii, aliter nepotes appellantur. Plapè si posteris dederit, tam filii posthumi, quam cæteri liberi continebuntur

• C O M M E N T A R I U S.

I N I T I U M.

1. *Quis TESTAMENTO detur TUTOR?* 2. *An FILIUS-FAMILIAS?*



Diximus autem tutor.] Superiori titulo de tribus fuit actum, 1. quid sit tutela, quis testamento possit dare tutorem, & cui testamento detur tutor. Superest, ut circa tutelam testamentariam examinetur, quis dari possit tutor, & quomodo. In genere datur tutor testamento, cum quo est testamenti factio. l. 21. D. Testam. tutel. Licet id perpetuum non sit, inspecto jure antiquo. Latinius enim testamenti factionem habebat, nec tamen tutor dari poterat. Ulpian. tit. 11. §. 15. Amplius, omnis ille tutor dari poterit, qui à tutelæ munere non repellitur. Quinimo quandoque & ille, qui vel lege vel à magistratu tutor non datur. Lege, ut filius-familias, quod ex 12. tabulis tutor sit proximus agnatus, qualis est pater-familias, quem nemo antecedit. A magistratu, ut servus, qui juris civilis capax non est, nec eum magistratus faciendo tutorem potest facere liberum, ut tutor dativus non fiat. Nisi tamen omnium opinione pro libero sit habitus. Arg. l. 3. D. de Offic. Prætor. vid. Montan. de Tutel. cap. 9. n. 9. & seqq. Bacheov. ad Treutl. vol. 2. disp. 8. thes. 2. litt. G. Zoef. D. hic. n. 6. 7. 8. Wissenb. disp. P. 50. vol. 1. num. 9.

Potest itaque filius-familias major testamento dari tutor, id quod in init. 2. hujus tituli exprimitur. Ratio enim dubitandi ea videbatur, quod cum filius-familias sit in potestate, alium in potestate habere nequeat. Arg. l. 118. D. de Regul. jur. Verum ratio fortior est in contrarium, quod in publicis negotiis filius-familias habeatur pro patre-familias, sic ut tutelam gerere,

ma-

magistratus officio fungi possit. l. antepen. D. Qui sui vel alien. jur. l. 14. D. Ad Sc. Trebellian. Neque quicquam officit dubium allegatum, quod non repugnet aliquem esse in potestate, & tamen alium in potestate habere, modo non sit eadem in genere vel specie potestas. Ita nihil obstat, quominus sit uxor in potestate mariti, qui tamen remanere potest in potestate sui patris.

Nec testamentariam tantum tutelam geret filius-familias, sed etiam dativam, à magistratu sibi impositam. per l. antepen. D. qui sui vel alien. jur. Ut tamen si testamentariam administret, id agat periculo patris, si in se periculum susceperit. Qui si consenserit simpliciter, non nisi de peculio, vel de in rem verso tenebitur. l. Lucius Titius Cajum. D. de Admin. tutel. Quod si dativam susceperit, eamque filii tutelam agnoverit pater, in solidum convenietur. Si non agnoverit peculio tenus, vel etiam de in rem verso. l. si filius-familias D. de Tutel. Censebitur vero pater tutelam filii agnovisse, si eo sciente & consentiente filius decurio fuerit creatus. l. si filius-famil. ibique Gothefred.

An quemadmodum filius-familias, ita & filia-familias tutrix dari poterit? Non videtur, quoniam tutela virile & publicum munus est, à quo mulier de jure Romano arcetur. l. 16. in init. D. de Tutel. l. 2. D. de Regul. Juris.

§. 1.

1. *Quinam Naturâ, Lege, & More* | *beantur.*
Civitatis TUTORES esse prohibe- | 2. *An SERVUS?*

1. *Sed & servus.*] Quidam tutores esse prohibentur naturâ, de quibus ad sequentem §. erit agendum, quidam prohibentur lege, more, vel instituto civitatis. Lege prohibentur esse tutores, creditor vel debitor pupilli, idque ita jure novo constitutum, nisi tamen sit pater, avus, mater, aut avia pupilli, quod jure noviss. est introductum. Et si qui simulaverint se esse creditores, jus crediti amittent, si se esse debitores, pupillo solventes, de novo solveretenebuntur. l. 8. Cod. Qui dare tutor. l. 7. Cod. de Excus. tutor. Novell. 72. Novell. 92. Auth. ad hæc. Cod. Quand. Mul. Offic. tutel. Donell. 3. comment. 3. Menoch. 2. Arbitr. 196. Prohibentur affectantes tutelam vel curam, & sese ingerentes. l. 21. §. fin. D. de Tutor. & Curat. quod tales pro suspectis habeantur. Personæ incertæ. §. tutor. Instit. de Legat. 20. 30. D. Testament. tutel. Neque obstat l. 8. §. 2. D. Legat. 2. Ibi quippe hæres ultro solvit uni, cum neutri quid deberet. vid. Petrum Fabrum in l. 66. D. de Regul. Juris. Miles. §. idem. Instit. de Excus. tutor. Clericus l. generaliter. Cod. de Episc.

&

& Cleric. Ut tamen possit esse tutor jure cognationis, si intra quatuor menses hoc ipsum actis intervenientibus declaret. Auth. Presbyteros. Cod. Episc. & Cleric. Nov. 123. c. 5. vid. Rittershus. ad Nov. p. 8. c. 1. n. 4. & seqq. Forte nec Judæus. l. fin. Cod. de Judæis, nisi quis affirmativam ut probabilem magis amplectatur, per l. spadonem. §. neque. v. jam autem. D. Excus. tutor. l. 3. §. ejus. D. de Decurion. Id vero negant, quod etiam negandum est, statuto & more civitatis, idque juri canonico congruenter. c. Judæi. cum seq. 38. q. 1. Montan. de Tutel. c. 4. n. 32. & seqq. Althuf. dicajol. 1. c. 62. n. vid. Gregor. Tholof. Synt. Juris. libr. 12. c. 4. n. 9. 10. 11.

Prohibetur itidem mater, quæ vitricum superinduxit. Auth. matri. Auth. sacramentum. Quid. Mul. Ut tamen judicis arbitrio sit relinquendum, num ipsa tutorem nominare possit. Menoch. 2. arbitr. cas. 151. Sicuti ejusdem relinquunt arbitrio, num privigno vitricus sit dandus tutor. Menoch. d. cas. 151. n. 5. Cujac. 6. obs. 29. Wurmsfer. 1. obs. 38. c. 8.

Servus an possit esse tutor, vel non esse, hoc §. 1. explicatur, adhibita 2. distinctione. Servus enim proprius testamento cum libertate utiliter datur tutor, idque sub hac formulâ: Servus meus Stichus liber & tutor esto. §. 1. hic. Nisi tamen eum liberum esse putaverit, quo casu nec tutor erit, nec liber. l. 22. D. de Testam. tutel. l. 24. §. si quis. D. fideic. libert. Errantis enim nulla voluntas est. l. 116. D. de Reg. jur. l. cum. 8. Cod. juris & fact. ignor. Neque obft. l. 3. D. de Offic. Prætor. quia in d. l. 3. servus omnium judicio pro libero erat habitus, in l. 22. non nisi opinione parentis, qui eum vult tutorem suo filio.

Servus proprius etiam sine libertate tutor datus, sub hac formulâ: Stichus servus tutor esto, tacite libertatem directam accepisse videtur, & propterea statim erit tutor. Libertatem dico directam, id est, ex ipsâ scripturâ competentem. §. 3. Instit. Quibus ex Caus. Manum. Nam alioqui ei reverâ competit libertas fideicommissaria. l. si hæreditas. 10. §. fin. D. de Testam. tutel. l. etsi non. Cod. de fideic. libert. id quod de jure anteriori fuit indubitatum. Neque obft. l. 32. §. 2. D. de Testam. tutel. Quoniam non ibidem tutor datus testamento directam consecutus est libertatem, licet eum testator quasi duplici nomine liberum, Lucium Erotem appellaverit, verum non nisi fideicommissariam. Quam tamen libertatem sine morâ vel dilatione servo competituram ibidem dicitur, ut designetur, non esse expectandum, donec servus, qui minor erat annis 25. major esset factus, eo quod statim per hæredem, simulac adita fuisset hæreditas, manumitti debuerit. Ex mente tamen Justiniani, idque invitâ jurisprudentiâ, tacite libertatem directam consequitur servus proprius, tutor datus, non expressâ

libertate. §. 1. hic. Ex ipsâ enim tutelæ datione, idque favore pupillorum præsumitur servo libertas fuisse imposita. l. quidam. 5. Cod. de Necess. Serv. hæred. Instit.

Servus alienus purè inutiliter datur tutor. §. 1. hic. & tamen ex æquitate posse subintelligi conditionem, cum liber erit, responsum est ab Ulpian, in l. 10. §. fin. D. Testam. tutel. Neque hic ulla pugna; purè enim inutiliter servus alienus tutor datur, si sola verba spectes, secus, si sententiam. d. l. 10. Nisi quis existimet, purè inutiliter servum alienum tutorem datum, §. 1. hic. in quantum non consequitur libertatem directam, quo nomine à proprio servo distinguitur. d. §. 1. Non tamen purè inutiliter eum datum esse tutorem, in quantum ei fideicommissaria libertas defendi potest. Vel dicas, inutiliter purè servus alienus tutor datur, nisi ejus conditionem testator sciverit, & nisi eum aliud quid sensisse, evidenter appareat. l. 9. Cod. de Libert. fideic. Semper autem utiliter servus alienus sub conditione datur tutor, secus quam erat in servo proprio. Cum, quod id potestate & arbitrio situm est nostro, in casum transferri non debeat. l. 22. D. de Condit. Instit. vid. Nicolaum de Passer. Concil. p. mihi 860. Lyclam. 5. Eclog. 14.

§. 2.

1. *An FURIOSUS vel MINOR?* | 2. *An MUTUS, SURDUS, CÆCUS?*

F*uriosus vel minor.*] Qui naturâ prohibentur esse tutores, ob animi vel corporis vitium non admittuntur, quod non idonei, quod inepti ad administrationem judicentur. Tales sunt ob vitium animi, furiosi. l. furiosus. D. de Tutel. l. 41. D. de Reg. jur. mente capti, fatui, stulti. d. l. furiosus. l. 1. 2. D. de curat. furiosus. l. 12. D. de Tutor. & curat. dat. prodigi. l. 6. D. de verb. obligat. ubi Cujac. & Donell. minores annis 25. ut qui alienâ curâ indigent. l. 1. 2. D. de Minor. Sub conditione tamen ipsi dari poterunt tutores testamento, puta, cum illi sani, vel hi majores fuerint facti. §. 2. hic. l. 10. §. 1. D. Testam. Tutel. Ut quamdiu conditio non existit, non etiam sint tutores.

An igitur conditionalis datio valebit? *Resp.* Fuit super hac re dissensus, omnibus tamen assentientibus dationem conditionalem valere, id est, eum qui datus est fore tutorem cum exstiterit conditio. Verum disputatum fuit circa conditionem, an si illa non fuerit expressa testamento, tutoris datio sit ipso jure nulla? Proculus si purè facta esset, dationem valere negavit. Pomponius tutorem eum rectè purè datum affirmavit, verum subintelligi conditionem, cum furiosus sapere incæperit, & sic in cæteris. l. 11. D. de Tutel. l. 10. §. 3. D. de Testam. tutel. Quam postremam sententiam etiam amplexus.

plexus est Tribonianus. §. 2. hic; ut interm à iudice alius sit dandus, qui existente conditione tutor esse desinet.

Ob corporis vitium non admittuntur mutus, l. 1. §. mutus. D. de Tutel. & surdus. l. 1. §. surdus. D. eod. Perperuā valetudine affectus, vel saltem tempore accipiendæ tutelæ. §. item propter. Instit. de Excus. tutor. Cæcus, etiam altero orbatu oculo. l. luminibus. Cod. qui dari tutor. vel curat. poss. de quo tamen dubitatur. l. 1. Cod. qui morbo.

§. 3.

1. An TUTOR detur cum adjectione temporis? 2. An cum adjectione conditionis?

A D certum tempus.] Explicatur modus, quo testamento dari potest tutor, qui respicit vel verba, & dandi formulas, vel tempus, vel conditionem, vel rem ipsam. Quod attinet verba, nihil interest quibus testamento tutor detur, modo detur verbis directis, sive græcis sive latinis, postquam omnes actus græce conscribi cæperunt. Arg. §. 1. Instit. de verb. obligat. l. iudices. Cod. de Sent. & interloc. judic. l. fin. Cod. de Testam. tutelâ. Sicuti nec refert quibus formulis detur tutor, quod eæ sint varæ & multiplices. l. si quis ita. l. quæro. l. tutoribus. D. de Testam. Tutel. Montan. de tutel. c. 6. n. 20. & seqq. & c. 11.

Tempus autem certum tutoris dationi apponi potest, ut vel ex die certo vel ad certum diem testamento constituatur. §. 3. hic. l. tutor. §. tutorem. D. Testam. tutel. vel ante, vel post hæredis institutionem. l. tutores. D. eod. vid. Nicolaum de Passer. concil. p. mihi. 609.

Apposita itidem conditio tutoris dationem non vitiat sic ut vel ex conditione, vel ad conditionem testamento detur. §. 3. hic. l. tutor. §. tutorem. l. si quis. D. testam. tutel. & pendente conditione locus sit dativo, l. si quis sub conditione. 11. D. de Testam. Tutel. Non obstante l. 77. D. de Regul. Juris. quia de tutelâ dativâ loquitur, quæ non admittit diem vel conditionem expresse, l. muto. §. sub condit. D. de Tutel. admittit tamen conditionem tacite, vel eam, quæ est de naturâ actus; puta, si tutor satisfecerit, si confecerit inventarium. d. l. 77. d. l. muto. d. §. Ratio diversitatis hæc est, quod absurdum videatur, aliquid eorum, quæ à magistratu geruntur, esse imperfectum, cujus defectum nemo supplere auderet vel posset. Nisi quis malit hanc reddere diversitatis rationem, quod datio tutoris, quæ per magistratum expeditur, sit actus legitimus, cujus hæc est natura, ut expresse non recipiat diem vel conditionem. d. l. 77.

§. 4.

1. An certa rei? 2. An datus in uno loco, ad bona alibi

jacentia erit datus?

M m 2

Certa

1. **C**erta autem rei.] Modus dandi tutoris testamentarii denique spectabat rem ipsam, quæ erat pupilli. Ex ita certæ rei vel causæ tutor dari non debebat, quod potissimum personæ, non rei, nisi per consequentiam daretur tutor. Et si unquam rei non saltem rei certæ, sed universi patrimonii dandus erat, idque ad accessionem personæ. §. 4. hic. l. 12. 13. 14. D. de Testam. tutel. Si tamen per varias provincias divisa sit tutela, vel se ab administratione bonorum alibi jacentium excusaverit tutor, certis bonis dabitur. Id quod favore pupillorum est receptum, ne aliter bona longe dissita, negligenterentur. l. 15. D. Testam. tutel. l. 21. §. licet. D. Excus. tutor. Sicuti quandoque præter regulam certo negotio peragendo tutor dari poterat. l. 9. D. de tutor. dat. l. 17. §. 1. D. de Appell. vid. Montan. de Tutel. c. 4. n. 15. & seqq. & c. 10. n. 40. & seqq. Gothefred. ad l. 12. D. Testam. tutel.

2. Quid si tutor in unâ Provinciâ simpliciter pupillo sit datus à magistratu, an omnibus ubicumque sitis datus censetur? Ita videtur dicendum de jure Romano, quod omnes Provinciæ uni subessent Imperatori. §. datus. Instit. de Excus. tutor. l. 12. 13. 14. D. de Testam. tutel. Ut tamen rebus Provincialibus Præfex. Romanis Prætor tutorem dare poterit. l. 27. D. de Tutor. & curat. dat. Myñs. observ. 67. Gais. 2. obs. 123. n. 12. Rebuff. Sent. Provinciali. artic. 3. gloss. 2. vid. tamen Montan. c. 4. n. 23. & seq. c. 7. n. 7. 8. 9. 10. & c. 20. n. 8. Burgund. ad const. Flandr. tract. 2. n. 18.

1. **Quid FILIORUM, FILLARUM, LIBERORUM, POSTERORUM**
veniat nomine?

2. **Quid Moribus obviat circa TUTORES?**

1. **S**i quis filiabus.] Varii hic proponuntur casus, qui partim ex affectione danteis tuorem, partim ex significatione verborum sunt decidendi. Primus sit casus omisus à Justiniano, per modum questionis, proponendus: An si pater filius dederit tutorem, etiam filiabus dedisse censetur? Id quod est affirmandum, tum quia pater omnes liberos ex æquo adamasse præsumitur, tum quia sub genere masculino in jure ordinariè continetur fœmininum. l. 1. D. de verb. signif. l. si ita sit scriptum. 45. D. de Legat. 2. l. si quis ita dixerit. D. de Testam. tutel. Quinimo de jure canonico, qui filius dedit, censetur etiam dedisse notis, idque ex benignâ interpretatione, si de eorum commodo agatur. c. unicus. 35. q. 7. Quod si ita scriptum sit: filio filiisque meis hosce tutores do, masculis duntaxat tutores datos Servius ait, licet forte non juris, sed facti possit esse questio. l. 22. D. de verb. signific. Vid. circa statutorum explicationem, usum multiplicem hu-

hujus quaestiois. apud Merend. 6. cont. 1. 2. & seqq. Menoch. 4. Præf. 84. 89. Mantio. de conj. ult. volunt. libr. 8. tit. 7. & seqq. & de Tacit. & Ambig. 3. tit. 8. n. 20. Peregrin. de fideic. artic. 23. & seq. Acacium Enenck. Baron. de Privileg. Parent. & liberor. in Proleg. Sand. 4. decis. 5. def. 10. 11. Anton. Matth. disp. de success. 11. n. 21. 22.

¶ Quid si testator filiabus dederit tutorem, an etiam eundem filiis dedisse judicabitur? Id quod negandum est; cum exemplo pessimum sit, foemini-
no vocabulo inares contineri, & per sexum indigniorem deterioremq̃
eum qui familiæ caput est, repræsentari. l. si ita sit scriptum. 46. D. de Leg.
1. ibique Gothefred.

Quid si pater filiabus & filiis dederit tutorem, an is etiam posthumis datus
intelligetur? Quod affirmandum est, tum quia secundum communem ver-
borum significationem sub filiis, & filiabus, posthumi posthumæque veni-
unt; tum quia secundum communem juris regulam, posthumi pro natis
habentur, quotiens de eorum agitur commodo. §. 5. hic. l. qui in utero. 7.
D. de statu homin. l. 5. l. 6. D. de Testam. tutel.

Id quod procedit, si modo testatorem ventris ignarum non fuisse con-
stet. Arg. l. si quis ita dixerit. §. si quis cum ignoraret. D. de Testament.
tutel. Et quidem de Posthumâ hæc locum habebit decisio, quod tutelam
attinet, secus quam obtinebit in legatis, ubi posthumæ non censetur quid
legatum, nisi nominatim ea fuerit expressa. l. 17. D. de Leg. 1.

¶ Quid si filiis tutorem dederit pater, an etiam nepotibus eundem dedisse
censetur? Hoc ipsum negat Justinianus. §. 5. hic. aliter enim filii, aliter
nepotes appellantur, supple in casu proposito, & pro subjectâ materiâ. §. 5.
hic. l. 6. l. 16. cod. Maxime cum nepotum nihil intersit tutorem habere te-
stamentarium, ut quibus facile per agnatum, vel officium judicis potest esse
consultum. Cæterum negari non poterit, quin justâ interpretatione sæ-
pissime filiorum appellatione contineantur nepotes. l. 201. l. 210. D. de
verb. signif. Ut judicis arbitrio videatur committendum, quando neglectâ
vi verborum, laxatâ vocis interpretatione ex æquo & bono, inspectis cir-
cumstantiis, si de commodo eorum agatur, qui ex nobis descenderunt, ap-
pellatione filiorum contineantur nepotes, & qui ulteriore sunt gradu, in
lineâ descendenti. Arg. l. 116. D. de verb. signif. vid. Bartol. Bald & DD.
ad l. fin. Cod. de success. Edict. Alex. vol. 4. conf. 36. Azon. in summ.
Cod. hic. n. 14. Alciat. 3. Parad. 14. Cujac. ad l. filii. 84. D. de verb. signif.
Donell. 3. comm. 4. Hænon. disp. 3. ad Instit. q. 4.

Quid si testator liberis tutorem dederit, censetur ne dedisse nepotibus?
Quod affirmandum est per textum expressum. hic. §. 5. & l. 6. 16. D. de
Testam. Tutel. Liberos enim appellatione, & singularis, & pluralis ne-

nepotum numerus continetur, cæterique qui ex his descendunt, usque ad trinepotes inclusivè. l. 220. D. de verb. signif. Gell. 2. noct. 13. vid. Del-
rion. in Senec. Thyestem. v. 682.

Quid si posteris à testatore datus sit tutor, an omnibus descendentibus usque in infinitum erit datus? Ita dicendum est, quod posterorum nomine etiam veniant omnes ultra trinepotes, qui tamen sub liberis non continen-
tur, nisi minus accurate loquamur. l. 83. §. 1. D. de Leg. 1. l. 10. §. 7. D. de Grad. & Affinib. vid. Nicolaum de Passer. concil. p. mihi. 615. Castill. Sotomaj. quotid. juris controv. libr. 3. c. 21. Giurb. ad Conf. Senat. Mes-
san. in Gloss. 6. 7. Montan. de tutel. c. 12. Coren. obs. 16.

MORIBUS.

2. Et si jure consuetudinario tutores possint dividi, in testamentarios, legi-
timos, & dativos, in quantum testamento parentum dati admittuntur, eti-
am parentes vi statutorum adeoque ipso jure liberorum suorum sunt tuto-
res: non tamen vel testamentarii vel legitimi per omnia eodem modo quo
apud Romanos constituuntur. Omnes enim illi admittuntur præviâ ali-
quâ judicis, vel Cameræ pupillaris inquisitione. Nam si sint testamenta-
rii, à magistratibus pupillaribus sunt confirmandi vel expresse vel tacite,
dum in eos inquirunt, dum non contradicunt, dum non repudiant testa-
mento datos, postquam iis fuit significatum, quinam testamento sint dati.
Quod si sint agnati vel cognati defuncti, & magistratus pupillaris eos ido-
neos judicaverit, omnibus aliis præferet, & ad tutelam vocabit. Qui tamen
eo ipso dativis sunt anumerandi. Quod si superstes sit pater vel mater,
omnibus legitimis vi statuti præferentur. vid. Rubric. 31. art. 1. 2. Stat.
Urbis Ultrajectin. Christin. vol. 3. decis. 147. n. 4. & ad Consuet. Mech-
lin. tit. 19. artic. 3. Montan. de Tutel. c. 7. n. 54.

Galli fere nonnisi dativam tutelam agnovere, quod omnes etiam testa-
mento dati, sint confirmandi. Imbert. in Enchir. juris verb. tutela. Mor-
nac. in l. 1. D. de Instit. Actio. Montan. de Tutel. c. 13. n. 11. Britanni
nonnisi testamentariam admiserunt explosâ legitimâ. Argent. ad Brit-
tann. artic. 474. Hollandi, Transilvani, Antverpienses, Omlandi, Mech-
linenses, tantum non agnovere legitimam, agnatorum vel cognatorum,
ut tamen indistinctè parentes liberorum legitimi sint tutores. Illisque de-
ficientibus, si consanguinei sint pupilli, illi ipsi judicio magistratus extra-
neis præferantur, modo nulli testamento parentis dati sint tutores. Grot. 1.
introd. 6. & 7. Groenw. ad tit. Instit. hic. & tit. seq. & tit. de Legit. Pa-
rent. tutel. Anton. Matth. disp. fin. post tutelas. n. 44.

Moribus insuper Galliarum & nostris, ecclesiasticæ personæ non tantum
legitimi, verum etiam testamentarii poterunt esse tutores. Mornac. ad
Auth.

Auth. presbyteros. Cod. de-Episcop. & Cleric. Groenweg. ad d. Auth. Sand. 2. tit. 9. def. 7. Anton. Matth. disp. fin. Auctar. de tutel. n. 48.

Etiā de moribus vitrico quandoque committitur tutela, causā cognitiā. Mainard. 6. decis. 49. n. 2. Mornac. in l. 32. D. de Adopt. Groenweg. ad l. 1. Cod. Ubi pupill. educ. & ad Auth. Sacramenta. Cod. Quand. Mul. Offic. tutel. vid. Barbof. ad l. 15. Cod. de Neg. Gestis. Christin. vol. 3. decis. 160. n. 5. Annæum Robert. 1. Rer. judic. 8. D. Someren de Novercarum. jur. c. 5. n. 3.

Insuper non tantum pater, sed & mater indistincte liberis testamento tutorem dare potest. Grot. 1. introd. 7. n. 14. Neostad. decis. supr. curiæ. 92. Daventr. 3. tit. 3. §. 3. Antwerp. tit. 43. §. 15. vid. Groenweg. ad tit. Cod. de Testam. tutel.

Et quia de moribus juris Romani subtilitates sunt explosæ, quarum una est, quod certæ rei non daretur tutor, potest de consuetudine indistincte certæ rei, vel causæ, vel negotio tutor constitui. Gail. 2. obs. 96. Gudel. 1. de jure Nov. 18. & ult. Grot. 1. introd. 7. Goris 4. advers. §. 14. Vinnius hic. aliique apud Groenw. & Dessel. in not. ad Zoef. hic. citati.

LIBER. I. TITULUS. XV.

DE

LEGITIMA AGNATORUM TUTELA.

Quibus autem testamento tutor datus non est, his ex lege duodecim tabularum adgnati sunt tutores, qui vocantur legitimi.

1. Sunt autem agnati cognati per virilis sexus cognationem conjuncti, quasi à patre cognati: veluti frater eodem patre natus, fratri filius, neposve ex eo: item patruus, & patruī filius; neposve ex eo. At qui per fœminini sexus personas cognatione junguntur, adgnati non sunt, sed alias naturali jure cognati. Itaque amitæ tuæ filius non est tibi agnatus: & invicem tu illi eodem jure conjungeris: quia qui ex ea nascuntur, patris, non matris familiam sequuntur.

2. Quod autem lex duodecim tabularum ab intestato vocat

cat ad tutelam adgnatos, non hanc habet significationem, si omninò non fecerit testamentum is, qui poterat tutores dare: sed si quantum ad tutelam pertinet, intestatus decesserit; quod tunc quoque accidere intelligitur, cum is qui datus est tutor, vivo testatore decesserit.

3. Sed adgnationis quidem jus omnibus modis capitis deminutione plerumque perimitur: nam adgnatio juris civilis nomen est. Cognationis verò jus non omnibus modis commutatur: quia *civilis ratio civilia quidem jura corrumpere potest, naturalia verò non utique.*

COMMENTARIUS.

IN PRINC.

1. Post Testamentariam TUTE-
LAM admittitur LEGITIMA.

à Testamentariâ multipliciter
distinguitur.

2. LEGITIMA est multiplex, etiam



1.

Uibus autem.] Quamdiu speratur tutela testamentaria, non est locus tutelæ legitimæ, verum interim testamentariâ pendente, à magistratu dabitur tutor. Quod si omnino deficiat tutela testamentaria, tum demum admittitur legitima, quæ ipso jure defertur, id est à lege, non testamento, vel à magistratu. init. & §. 2. hic. l. 1. 2. 5. 6. D. de legitim. tutel. l. 11. in princ. D. de Testam. tutel. l. 9. §. 1. D. de tutel. & ration. distrahend. Montan. de tutel. c. 13. & 16.

2. Legitima in jure tutela multiplex est, vel quæ est ex 12. tabulis, verbis directis, & propalam; vel per consequentiam, & per interpretationem; vel ad exemplum & similitudinem. Illa dicta legitima *αὐτὴ ἐξ ὧν*, hæc, & ista, non item. Illa est adgnatorum, ista patronorum, hæc parentum. De eâ, quæ est adgnatorum legitima, hoc agitur titulo, quæ multis nominibus à testamentariâ distinguitur. Nam tutela demum locus est legitimæ si testamentaria deficiat, non vice versâ: quod cessante hominis provisione, demum plerumque succedat provisio legis. l. si tutor. §. si duob. D. tutel. & Ration. distrah. l. si quis sub condit. D. de testam. tutel. Montan. d. loc. Illa dicitur legitima, quod lex tutorem constituat, & faciat, non judex, non testator, licet à judice ratione exercitii dependeat. Bartol. in l. legitimos.

D. hic.

D. hic. Montan. c. 14. n. 6. Testamentaria, non aliter est legitima, quam quod lex permittat eum qui testamento datus est, esse tutorem. §. 1. Instit. de Tutel. Ad illam filiusfamilias non admittitur, cum eundem antecedit pater, ut proximior; ad hanc æque filiusfamilias atque pater vocatur. Ad illam non admittitur servus, licet illi directe & expresse data sit libertas; ad hanc vero admitti potest. Ibi non admittitur dies aut conditio; hic quis potest in diem, ex die, sub conditione, ad conditionem vocari. Illa minima capitis deminutione perit, saltém periit, exceptis nonnullis casibus. Ita ex Anastasii constitutione, inter fratres emancipatos, jus agnationis durat. l. frater. emancip. Cod. hic. l. ne luerum. Cod. de curat. furios. Quod etiam obtinet inter omnes, qui Anastasianâ emancipatione fuerunt liberati, si nominatim cautum sit, ne jura familiæ amittant. l. si ab eo. Cod. de legitim. hæredit. Et in casu l. ult. Cod. de cod. ubi ex Justiniani constitutione fratrum emancipatorum filii vocantur. Sicuti ex sorore geniti agnatorum jure gaudent in casu §. hoc etiam. instit. de legitim. agnat. success. Etiam in filio à patre emancipato, contractâ fiduciâ, jus succedendi adeoque tutelæ num tollitur. §. fin. instit. de legitim. Agnat. success. Hæc, puta testamentaria, non nisi magnâ, & mediâ capitis deminutione, extinguitur. Illa, in jure olim alteri cedi poterat, & is cui cedebatur, cessus vel cessus tutor appellabatur; testamentaria cedi non potest, verum cui delata, subire eam cogitur, nisi justâ de causâ esset abdicata. Ulpian. in Fragment. tit. 11. §. 16. Ad legitimam tutelam olim minores annis 25. admitterebantur, neque tutores esse desinebant, licet interim in ipsorum locum curator daretur. §. item major. Instit. Excus. tutor. l. 3. *μὴν*. D. eod. Ad testamentariam non ante legitimam admittuntur ætatem. §. furiosi. Qui testam. tutor. l. quarto. §. ult. D. Testam. Tutel. ut in eorum locum tutor dari potuerit. §. 1. Instit. de Attil. tutore. Quamobrem Imperator in fin. tit. Instit. de fiduciar. tutel. l. ult. Cod. de legitim. tutel. l. fin. Cod. qui veniam ætatis impetr. se id constituisse scribit, ut legitimi non sint tutores, nisi ætatis sint legitimæ, id est annorum 25. Neque hisce obstat l. tutela. D. de tutel. l. quo defuncto. l. si reliquero. D. de legitim. tutel. Quia illæ II. à Triboniano sunt interpolatæ, & ad jus posterius adaptatæ. Pacius in not. ad fin. Instit. de fiduciar. tutel. Illa denique in gratiam sit hæredis, qui vocatur ad tutelam, quoniam ad hæreditatem; hæc etiam introducta in gratiam ejus, qui non est futurus hæres. tit. Instit. de leg. Patron. tutel. l. 73. D. de Regul. jur. vid. Cujac. 11. observ. 26. Cont. 1. subces. Lection. 6.

§. 1.

- | | |
|--|--|
| 1. Quid sit COGNATIO, & quomplex? | } 3. An si plures AGNATI sint ejusdem gradus, omnes admittantur? |
| 2. Quanam antecedere debeant, antequam LEGITIMA TUTELA | |

1. **S**unt autem agnati.] Cognatio in genere nihil aliud est, quam proximitas personarum, orta ex eo, quod commune habeant nascendi principium. l. non facile. D. Gradib. & Affin. Quæ cognatio dividitur in agnationem, & cognationem in specie dictam. Hæc est eorum, qui sibi per fœmininum sexum sunt conjuncti, ut matertera, sororis filia, &c. Agnatio est eorum cognatio, qui sibi invicem per virilem sexum sunt conjuncti capite non minuti. §. 1. & fin. hic. Illa nomen est magis naturale; hæc legitimum seu civile. Illa non nisi maximâ & mediâ perit capitis deminutione; hæc etiam minimâ. Illa autem sola legitimæ tutelæ facit locum, si quidem ex 12. tabulis, non nisi agnati ad eam admittuntur. Id quod summâ constitutum est providentiâ, ut qui sperarent successionem iidem tuerentur bona, ne dilapidarentur. l. 1. D. hoc tit. vid. Diodor. Sicul. libr. 13: Ita tamen agnati admittuntur, si non alii sint testamentarii, quibus cedunt agnati, si sint proximi sic ut eos nemo antecedit, vel etiam soli sint. l. 9. D. Reb. dub. l. 2. §. 3. D. Suis & leg. hæred. si capitis minutionem non fuerint passi. Ut tamen jure novissimo hæc sint immutata, quibus æque proximis cognatis atque agnatis deferitur tutela, quod æquale sit ei nolumentum successionis, ut capitis minimâ deminutione non amplius legitima pereat tutela, quia nec perit cognatio. Nov. 118. c. 5.
2. Ita tamen ex 12. Tabulis agnatis proximis, & postmodum de jure proximis cognatis deferitur tutela, ut antecedere debeat judicis decretum, descriptio bonorum pupillarium, quod inventarium appellant, promissio de defendendo pupillo, juratoria cautio, de utili bonorum administratione, & satisfactio, rem pupilli salvam fore. l. 3. §. fin. D. de Admin. tutor. l. tutor qui. 7. D. eod. Authent. Ut hi qui obligat. se habere dicunt. §. fin. l. fin. §. defens. Cod. de Administr. tutel. l. legitimus tutor. D. hic. §. 1. Infit. de Satisfat. tutor. vid. de requisitis ante administrationem adhibendis Cypicius decis. neapol. 50. Vivium 1. decis. 40. & de moribus. Mevium 1. tit. 7. artic. 2. post Sneydw. tit. instit. hic. n. 17. Sand. 2. tit. 4. def. 1.
3. Quid si plures sint in eodem gradu proximitatis, an omnes simul ad tutelam legitimam vocantur? Siquidem sint sexus masculini omnes parilliter vocantur, & excluduntur remotiores. Quinimo quamdiu ex primo gradu quis superest, licet adhuc inhabilis, licet remotus, licet excusatus, se-

secundus gradus excludetur. §. 7. tit. seq. l. 3. §. 8. l. 9. D. de legitim. tutor. vid. Montan. de tutel. c. 15. n. 2. 3. 4. Plotum de in litem jurand. §. 9. num. 10. l. si maritus, D. fam. ercisc.

Quid si omnino non sint idonei futuri, qui proximi sunt cognati? Forte consules alium ex cognatis quem idoneum judicaverint, surrogare poterunt. vid. Røvard. l. varior. 10. Montan. de Tutel. c. 14. n. 9. 10.

§. 2.

- | | |
|--|---|
| 1. Quando LEGITIMÆ TUTELÆ fit locus? | } ones ventilantur. 3. Moribus quid obtineat circa TUTELAM AGNATORUM, & FOEMINEAM? |
| 2. MATER & AVIA ad TUTELAM admittuntur, ibique varia quasi- | |

Quod autem.] Ad legitimam tutelam vocantur ab intestato, vel cum pater pupilli intestatus obiit, vel cum in testamento tutorem dare oblitus est, vel cum qui datus est vivo testatore decessit. Verbo, tum demum locus est tutelæ legitimæ, cum ita cessat testamentaria, ut non amplius ejus spes supersit. l. 11. D. de Testam. tutel. Et post legitimam inchoatam, cum deficit legitimus, cui succedit alius gradu remotior legitimus. l. 3. §. quæri. D. hic. Ratio in promptu est, quod legitimus tutor semel admissus cedit nemini, ut non nisi omni spe testamentarii collapsâ, locum habeat. Dativus, licet semel admissus, cedit testamentario, etiam legitimo. Bacchov. hic. Zoef. D. eod. n. 3.

Ita tamen deficiente testamentario legitimus admittitur, ut deficiat testamentarius quasi jure naturæ, id est fato quopiam, non si facto quo magistratus. Unde si tutor testamentarius ut suspectus sit remotus, vel deportatus, locus erit tutori dativo, non legitimo. l. 3. §. quæri. D. hic. l. 11. D. de testament. tutel.

Jure Codicis tutela legitima etiam defertur matri, patre mortuo, quæ olim non admittebatur, nisi ex rescripto Principis. l. fin. D. De tutel. Ut tamen legitimis & dativis non fuerit prælata, multo minus testamentariis. l. 2. Cod. Quand. Mul. Offic. tutel. Auth. matri & aviæ. Id quod forte Augusti temporibus admissum fuisse colligit Røvard. in l. quo tutela. D. de Regul. Juris. Montan. de tutel. c. 15. n. 21. Ut etiam non admissa mater, nisi secundis nuptiis, & Vellejano renunciasset, illis jurato, huic in judicio. l. 2. 3. Cod. Quand. Mul. offic. tutel.

Jure tamen novissimo matri & aviæ permissum est tutelam suorum gerere liberorum, si secundis nuptiis renunciassent, & Vellejano, idque injurato. Et quidem hoc jure legitimis omnibus & dativis præferebantur, non tamen testamentariis, Nov. 44. c. 2. Nov. 94. c. 2. Nov. 118. c. 5. Auth.

matri & seqq. Cod. Quand. Mul. Offic. Tutel. Peck. de Testam. conjug. c. 16. & l. 5. c. 13. Montan. de tutel. c. 9. n. 7.

Quid si mater vidua, sit minorennis? Non admittebatur ad tutelam suorum liberorum, ut eo casu matri avia sit præferenda, aliter non. l. 2. §. his illud. Cod. Quand. Mul. Offic. Nov. 118. c. 5. Chassan. ad Burgund. tit. 6. §. 6. gloss. 1. Faber. tit. Cod. hic. def. 73. Cornæus lib. 3. cons. 101. n. 6. Afflict. decis. 281.

Quid si esset in potestate sui patris? Nihilominus liberorum tutelam nanciscebatur. Init. Inst. de Testam. tutel. l. si filius-familias. D. de Tutel.

Quid si liberorum pater sit superstes? Nihilominus in uno casu mater vel avia admittitur, puta, si eâ lege ab extraneo quid liberis sit donatum, ne pater in donatis haberet usumfructum. Nov. 117. c. 1. Rittershus. ad Nov. p. 8. c. 8.

Quid si liberorum pater testamento matrem à tutelâ removerit? Id forte non poterit, quod nemo efficere valeat, ne leges habeant locum in testamento. l. 55. D. de Leg. 1. Licet non negem eum testamento tutorem dare posse, qui matri præferetur. Nam quæ rectâ viâ sunt prohibita, quandoque per obliquum in jure nostro admittuntur. Arg. l. 77. D. de Regul. Jur. vid. tamen Peckium de Testam. conj. 2. c. 16. Rittershus. ad Nov. p. 8. c. 9. n. 14.

Quid si ad secunda vota transierit mater, cui etiam pactis antenuptialibus vel patris testamento tutela erat demandata? Nihilominus ipso jure munere tutelæ excidit. l. 2. in init. & 3. in med. Cod. quando mulier. Arg. l. 55. D. Leg. 1. vid. Boër. decis. 124. n. 12. & decis. 266. n. 4. & ad consuet. Bituric. tit. 1. §. 6. verb. à son pere. Myns. 3. obs. 83. Montan. de tutel. c. 15. n. 75. & seqq.

Quid si à marito scriptum fuerit in testamento, ut non obstantibus secundis nuptiis, mulier in tutelâ perstaret? Ea tamen per secunda vota finietur ipso jure. Arg. d. l. 55. D. Leg. 1. vid. tamen Guittier. de Tutel. p. 1. cap. 9. n. 16. Guid. Papæ. q. 539. Zoef. D. de Testam. tutel. n. 12.

Quid si mulier quæ per transitum ad secundas nuptias tutelam amiserat, iterum facta sit vidua? Non tamen semel amissam liberorum tutelam recuperabit. Tiraquell. tract. cessante caus. limit. 12. n. 8. 9. Argentr. artic. 480. gloss. 2. n. 5. Boër. decis. 266. n. 4. Surd. decis. 106. Myns. 3. observ. 83. Gomez. ad l. 14. Tauri. Montan. de Tutel. c. 15. n. 78. Perez. Cod. Quand. Mul. Offic. tutel. n. fin.

Quid si mater statuto sit exclusa à successione liberorum, an eo ipso censetur à tutelâ remota? Non videtur. Salicet. in Auth. matri. q. 9. Cod. Quand. Mul. Offic. tutel. Boër. ad Bituric. tit. 1. §. 6. gloss. 2. Chassan. ad Bur-

Burgund. tit. 6. §. 4. gloss. la femme. n. 6. Montan. c. 7. n. 43. 44. & c. 15. n. 5. vid. Honded. 1. consil. 88. Hænon. disp. p. 7. n. 4. Anton. Matth. disp. 1. de tutel. n. 16.

MORIBUS.

Licet jure novissimo effectu inspecto agnatorum & cognatorum subla-
ta sit differentia, de consuetudine tamen Saxoniz ea revocata est. Sneydy.
ad tit. instit. hic. Rittershus. ad Novell. part. 8. c. 9. n. 1.

Sicuti etiam ex Carol. 4. aureâ bullâ mortuo electore, tutela impuberis
proximo adgnato defertur. Cui, num tutor patris Electoris testamento
datus præferatur, quæstionis est difficilis? Et habet utraque sententia
suos propugnatores. Negant id permulti propterea quod possit lex, vel con-
stitutio Principis ordinem tutelæ immutare, adeoque legitimum testamen-
tario præferre, cui legitimo, cum jus sit quæsitum, id ei invito non debet au-
ferri. Rosenth. de feud. c. 12. concl. 10. n. 19. Matth. Steph. 2. de jurisd. p. 1.
c. 5. n. 65. Harprecht. in comment. ad hunc tit. n. 4. Bocer. class. 2. disp.
14. thes. 29. litt. b. & tract. de jurisd. c. 8. n. 78. Treutl. vol. 2. disput. 8.
thes. 3. litt. a. & varii apud Hænon. disp. 3. Inst. q. 6. Quibus etiam meum
calculus adjicerem. vid. Mev. ad Lubec. 1. tit. 7. art. 4. Coppen 1. obs. 67.
totum. diss. Bacchov. ad Treutl. vol. 2. disp. 8. thes. 3. litt. a. aliique apud
Hænon. allegati.

De jure Anglorum & Gallorum, ne quidem ad adgnatos tutela nobili-
um defertur, ut quæ ad Regem jure singulari spectat, una cum proventibus
pupilli, cum onere eundem alendi; vel etiam spectat tutela eum dominum
cujus prædium utili dominio pupillus possidet. Charta Magna Henric. 3.
Anglor. c. 4. Buchan. rerum Scotic. 6. circa finem. Smith. de Republic.
Anglic. 3. cap. 5. Boterus in Relat. de Regn. Angl. tit. opes. Argentr. ad
Brittann. art. 74. & 79. Molin. ad Paris. §. 46. n. 2. Gregor. Tholos. Synt.
juris. 12. c. 10. n. 4.

De moribus Saxoniz, etiam in feudis excluditur tutela agnatorum,
eaque ad Seniores pertinet, qui tutor est sui vassalli. Reinh. de tutel. differ.
11. Quinimò vigore simultaneæ investituræ, & illi de consuetudine feu-
dali sunt tutores, qui ratione successionis vassallo impuberi sunt proximio-
res, licet non sint de sanguine. Id quod etiam jure Saxonico obtinere, col-
ligitur ex Lantrecht. c. 26. Schrader. de feud. part. 10. c. 19. n. 9. Coppen
1. Prae. obs. 60. n. 21.

Moribus Belgii agnati non sunt tutores, nisi à magistratu declarati sint
idonei, & confirmati. Grot. 1. introq. 7. Neost. decif. supr. curiæ. 59. in
fin. Christin. ad Mechlin. tit. 19. artic. n. 30. & 3. decif. 147. Lecuw. Pa-
rat. jur. noviss. 1. p. 2. c. 3.

Mater autem vidua de moribus poterit admitti ad liberorum tutelam licet sit minorennis, quod ex consuetudine maritata habeatur pro maiore. Ut tamen curator specialis liberis dari possit, ad agendam vel defendendam litem, forte & ad administranda negotia; itaque intellectum in causa Principissæ Araufionensium, viduæ regis, quæ ad tutelam Guilielmi 3. Principis Arauf. impuberis fuit admissa. Et in senatu Mechlinensi similiter iudicatum fuisse refert Christin. 3. decis. 149. vid. Boër. decis. 124. n. 7. & ad Bituric. tit. 1. §. 6. gloss. 2. Chassan. ad Burgund. tit. des entans. §. 9. in princ. Choppin. 2. de moribus Parison. 16. Montan. de tutel. c. 15. n. 19. & cap. 37. regul. 2. n. 43. Barbof. Perez. Cod. Quand. Mul. Offic. n. 1. Mevium ad Lubecens. 1. rubric. 7. artic. 6. n. 19. Leeuw. censur. forens. libr. 1. cap. 16.

Quando vero mater de moribus ad tutelam liberorum admittitur, non tenetur renuntiare secundis nuptiis, aut Vellejano. Si tamen ad 2. vota transierit, ipso jure tutelam amittit. Mansuer. Pract. tit. de tutor. num. 15. Boër. ad Bituric. tit. 1. de statu person. §. 6. & decis. 124. n. 13. Imbert. in Enchir. verb. tutela. Argentr. ad Britt. art. 480. gloss. 3. n. 2. Buisius ad l. 1. n. 10. D. de legit. tutel. Sand. 2. decis. tit. 9. def. 3. Neost. decis. cur. suprem. 91. Christin. ad Mechlin. tit. 19. art. 3. n. 12. & decis. 149. Groë. 1. manud. 7. Velav. tit. 29. §. 7. Zutphan. tit. 19. §. 4. Ultraject. tit. 35. §. 2. Daventr. 3. tit. 3. §. 9. & 10. Omland. 3. §. 21. 31. Groenw. tit. Cod. Quand. Mul. Offic. tutel. Contrarium statuit Molin. ad Paris. §. 56. gloss. 1. n. 30. Et jus civile revocandum censet Montan. de tutel. c. 15. n. 57.

Fortè & pater si ad secundas transierit nuptias, de quorundam moribus, excidet tutelâ suorum liberorum. vid. Giurb. ad consuet. Senat. Messan. c. 7. gloss. 17. p. 1. n. 2. & seqq. Duyfentd. ad Amstelod. 1. c. 52. p. 365. Etiam mater quorundam statutis, ab initio renuntiat Vellejano. Leidens. constit. 100. artic. 13. Amstel. constit. art. 36.

LIBER. I. TITULUS. XVI.

D E

CAPITIS DEMINUTIONE.

Est autem capitis deminutio prioris status mutatio. Eaque tribus modis accidit: nam aut maxima est capitis deminutio, aut minor, (quam quidam mediam vocant) aut minima.

I. Ma-

1. Maxima capitis deminutio est, cum aliquis simul & civitatem & libertatem amittit : quod accidit his, qui servi pœnæ efficiuntur atrocitate sententiæ: vel liberis ut ingratis erga patronos condemnatis: vel his, qui se ad pretium participandum venumdari passi sunt.

2. Minor sive media capitis deminutio est, cum civitas quidem amittitur, libertas vero retinetur: quod accidit ei, cui aqua & igni interdictum fuerit: vel ei, qui in insulam deportatus est.

3. Minima capitis deminutio est, cum civitas retinetur & libertas, sed status hominis commutatur: quod accidit his, qui cum sui juris fuerint, cœperunt alieno juri subiecti esse, vel contrà, veluti si filius familias à patre emancipatus fuerit, est capite deminutus.

4. Servus autem manumissus, capite non minuitur: *quia nullum caput habuit.*

5. Quibus autem dignitas magis, quam status permutatur, capite non minuuntur: & ideo à Senatu motos capite non minui constat.

6. Quod autem dictum est, manere cognationis jus etiam post capitis deminutionem, hoc ita est, si minima capitis deminutio interveniat; manet enim cognatio. Nam si maxima capitis deminutio interveniat, jus quoque cognationis perit, ut puta servitute alicujus cognati: & ne quidem si manumissus fuerit, recipit cognationem. Sed & si in insulam quis deportatus sit, cognatio solvitur.

7. Cum autem ad adgnatos tutela pertinet, non simul ad omnes pertinet, sed ad eos tantum, qui proximiori gradu sunt, vel si plures ejusdem gradus sunt, ad omnes pertinet: veluti si plures fratres sunt, qui unum gradum obtinent, pariter ad tutelam vocantur.

C O M M E N T A R I U S.

IN PRINC. §. 4. & 5.

Quid, & Quotuplex sit CAPITIS DEMINUTIO.

Capitis deminutio.] Mutatio quæ cuiquam accidit, duplex est, vel personæ, vel dignitatis. Capitis deminutio personæ est, non dignitatis; & dicitur esse, *status mutatio*, ut frustra vocabulum *prioris* adjiciatur: cum qui statum non habet, cum mutare nequeat, l. 1. D. Capit. Minut. Paul. 1. Sent. tit. 7. §. 1. l. 2. D. de integr. Restit. Boët. ad topic. Ciceron. libr. 2. Non igitur capite deminuitur servus, qui per manumissionem consequitur libertatem, quia *status* antea non habuit. Id est nihil eorum, quæ singulos cives in civitate Romanâ oportet habere, puta libertatem, civitatem, & familiam. l. 31. l. 107. D. de Regul. Juris. Si tamen vocabulum *status* generalius sumatur, ut conditionem hominis designet, etiam servus habere statum dicetur, in quantum servilem habet conditionem. §. fin. Instit. de jure person. tit. D. de statu homin. Non itidem capite deminuitur, qui novæ dignitatis sit particeps, quia nihil dignitas facit ad statum. Non denique capite deminuitur, qui dignitate vel cingulo privatur, quia neclibertatis, nec civitatis, nec familiæ patitur detrimentum, tantummodo ejus minuitur existimatio. §. 5. hic. l. 3. D. de senat. l. pen. D. Extraord. cognit. Fieri autem potest propter adjectionem majoris pœnæ, ut qui dignitate privatur, capite deminuat, ut si unâ deportetur, si efficiatur pœnæ servus. Id quod evenit propter adjunctum, non præcise propter dignitatem amissam. Auth. Incestas. Cod. de Incest. Nupt. Auth. novo jure. Cod. de pœn. judic. qui male judic. Status autem ille de jure nostro triplex est, libertas, civitas & familia; quoniam tria sunt quæ habemus. l. 3. l. fin. D. de Interd. & Relegat. Id quod graphicè expressit Comicus in Eunuchis. Actu 4. Scen. 7. *Principio eam dico esse liberam. T. Hem! C. Civem Atticam. T. Hui! C. Meam sororem.* Adeoque triplex est capitis minutio, seu status mutatio; *maxima, media & minima.* Duæ tamen capitis minutiones in jure quandoque sub *magnâ* continentur, tumque per *minorem* & *minimam* designant. ut l. 1. §. 4. D. Suis & legitim. hæred. l. 1. §. 8. D. Ad Sc. Tertyll. l. 5. §. 3. D. Extraord. Cognit.

§. 1.

Quanam sit maxima CAPITIS DEMINUTIO?

Ma-

Maxima capitis deminutio est.] Maxima censetur, cum quis amittit libertatem, & per consequentiam civitatem & familiam. Non quod qui maximam patitur capitis deminutionem, semper pellatur civitate, id est, deportetur, verum quod jus civitatis amittat, id est, civium Romanorum. Talem autem patiuntur, non tantum qui servi poenae effecti, (qui bestiiis subijcendi, quæ per correctæ) Nov. 22. §. illud. verum etiam liberti, propter ingratitudinem in servitutem revocati, liberi homines, qui se ad participandum pretium venumdari sunt passi. §. hic. l. 2. Cod. de libert. Valer. Maxim. 2. c. 1. Quæ capitis deminutio ea propter maxima est appellata, quod libertatis, quæ amittitur infinita sit estimatio, quamque nemo bonus, nisi cum animâ amiserit. L. 176. §. 1. D. de Regul. Juris.

§. 2.

Quanam Media?

Minor, sive media.] Media capitis deminutio est, cum retentâ libertate, civitas amittitur, & per consequentiam familia, quam nemo, nisi civis Romanus, retinere potest. Quod iis olim accidebat, quibus aquâ & igni interdictum erat; rebus duabus, quibus humana vita maxime continetur. l. 5. D. hoc tit. Ulpian. in Fragment. tit. 11. Ut cum iis carere nemo possit, cum civitate exire necessum esset. Hodie in ejus poenæ locum successit deportatio, quâ quis civitatem deserere cogitur, ut omnia jura civitatis amittat, dictus capropter esse sine civitate. l. 17. D. de Poen.

Verum, hic quæsitum, num deportati libertatem retineant, quod non nisi mediam patiantur capitis deminutionem? Resp. Si per libertatem eam intelligamus, quæ superioribus titulis fuit explicata, quamque quis habet in Romanâ civitate, dicendum est deportatos ipsam amisisse. Quod si de eâ loquamur libertate, quæ juris est gentium, dubium nullum est, quin eam deportati retineant. l. 17. D. de Poen. Neque hæc distinctio inter libertatem, quæ est juris civilis, & eam quæ est juris gentium contemni debet, aut tanquam commentitia explodi, sicuti facit Bacchov. ad hunc §. 2. ut tamen eam nolim stabilitam ex l. 5. §. fin. D. de Extraordinar. Cognit. Estumarem enim, eandem hâc ratione optime confirmari, quod deportatus eâ dicatur amittere, quæ sunt juris civilis, adeoque in civitate Romanâ obveniant. Cumque libertas, uti ea recepra est, & exercetur in civitate Romanâ, tam sit juris civilis, atque patriæ, vel dominicæ potestas, sicuti id satis superq; in superioribus à me probatum est; quæ eam libertatem amittet deportatus, atque patriam vel dominicam potestatem amittit. Quod vel illo Ciceronis pro Cecinâ, magis confirmari potest: Si semel, inquit, *Politas pulvis potest, retineri libertas non potest, qui enim potest jure Quiritium liber esse is, qui*

in numero Quiritium non est. Vid. Cujac. 3. obs. 10. Govean. 2. lection. 17. Duaren. 1. disput. c. 9. Rævard. 3. variat. 5.

Differentiam in transitu hic annotare visum est, inter deportationem, relegationem & exilium. Hoc est generale vocabulum, & certorum locorum interdictionem significat, vel latam fugam; id est, omnium locorum, præter certum locum. l. 5. D. de Interd. & Releg. Deportatio est, cum quis ob commissum crimen ad certam insulam vel provinciam mittitur, ut ibi perpetuo moriatur, nisi per Principem ex gratiâ fuerit restitutus. Relegatio est, cum locis certis alicui interdicitur, vel cum quis mittitur ad certam insulam, locum certum, verum non perpetuo. Deportatio fit ab Imperatore, aut cui eam poenam infligendi concessit Imperator; relegatio à quovis magistratu fieri potest. Illa, bonorum confiscationem habet committere; hæc nonnunquam vel certæ partis, vel omnium. Illâ jura civilia amittuntur; hæc nonnisi municipalia. Illâ duplex inducitur capitis diminutio; hæc nulla, ut salva maneat civitas, & familia. vid. l. 4. 7. 14. 15. D. de Interd. & Relegat. l. 28. §. exulibus. D. de Pœn. l. 8. Cod. eod. vid. Vinnium ad Peckium de Incend. Ruinâ Naufrag. p. mihi. 335.

Qui aquâ & igni, vel ei. Cum deportatio quibusdam in locis successisse dicatur, in locum aquæ & ignis interdictionis, l. 2. §. 1. D. de Pœn. l. 3. D. Ad l. Jul. Peculat. qui poterant hæc duæ distinctæ poenarum species, quasi simul obtinuissent, reponi? *Resp.* particulam *vel non semper* disjungendi, verum quandoque explicandi habere significationem. l. pecuniæ. D. de verb. significat. Neque ita obstat l. 2. Inst. de Public. Judic. l. 24. Cod. de Donat. Inter virum & uxorem. l. 1. Cod. de Repud. Sicuti nostræ explanationi non officiet l. 2. §. 2. D. de Leg. 3. ubi verba *item deportati* à sciolo quo adjecta fuisse, non est improbabile. Quemadmodum nonnunquam in legibus aquæ & ignis interdictionis fit mentio, quod olim illâ poenâ fuerint usi; ut hæc sint vestigia juris antiqui, quæ nonnunquam in pandectis videntur. Vult. c. 12. discept. Scholast.

§. 3.

1. *Quanam* Minima?

2. *Moribus quid obtineat?*

M*inima capitis diminutio.* Est minima capitis diminutio, quum libertas & civitas retinetur, verum status mutatur, supple, status familiaris, id est, jus agnationis. l. 4. §. pen. D. de Grad. & Affin. l. 7. D. hic. non itidem jus cognationis. Quod maximâ & mediâ solvitur capitis diminutione, quæ mortui comparatur, non minimâ. §. 6. hic. Nisi forte civilis sit cognatio, qualis est ea, quæ per adoptionem acquiritur. l. 19. D. de reb. dub. vid. Lyclam. 1. Eclog. 25. & 3. Eclog. 10. Accidit autem mul-

multis modis statum familiæ mutari, vel cum pater familias arrogatur, vel filius familias in adoptionem datur non extraneo, vel filius familias emancipatur. §. 6. Instit. quib. mod. testam. infirm. §. 5. Instit. de Testam. Militar. l. 8. in fin. l. seq. D. de Usufr. l. pen. Cod. eod. Gell. l. c. 12. Nisi quispiam hunc modum posteriorem jure noviss. velit immutatum; uti censet Cujac. ad Ulpian. tit. 10. Govean. l. variar. lection. c. 26. vid. Bacchov. sic. Malim tamen & hodie per emancipationem jura familiæ immutari, licet ab intestato successiones, adeoque tutela salva sit emancipato. Nov. 118. §. nulla. Zoef. D. hoc tit.

Quod si aliis præter enumeratos modis sui juris fiat filius-familias, capite non minuitur. Puta, si morte patris, si dignitate, patriæ potestatis nexibus fuerit exemptus. l. 3. §. ult. D. Ad Sc. Macedon. Nov. 81. Vel, si olim flaminio Diali, aut Vestali sacerdotio sui juris esset effectus. l. 2. D. quod cum eo. l. 1. §. sed et si alio. D. Quand. de Pecul. Actio annal. est. Cujac. ad Ulpian. tit. 10.

MORIBUS, & JURE CANONUM.

Hic titulus de capitis deminutione vix est in usu: neque enim jura servitutum, & adoptionum amplius frequentantur. Wesembec. Parat. D. hic. Unde etiam jure canonico non invenitur ullus hæc de re titulus. Busius. D. hic. Besold. de lib. juris Pand. hoc tit. p. mihi. 373. Sunt tamen qui censent huic materiæ locum esse, si de Monachismo disputetur, quasi ille capitis inducat deminutionem, quod tamen negat Zoef. D. de Cap. Minut. n. 6.

LIBER. I. TITULUS. XVII.

D E

LEGITIMA PATRONORUM TUTELA.

EX eadem Lege duodecim Tabularum, libertorum & libertarum tutela ad patronos, liberosque eorum pertinet, quæ & ipsa legitima tutela vocatur: non quia nominatim in ea lege de hac tutela caveatur, sed quia perinde accepta est per interpretationem, ac si verbis legis introducta esset. Eo enim ipso, quod hæreditates libertorum libertarumque, si intestati decessissent, jusserrat lex ad patronos liberosve eorum pertinere: crediderunt veteres, voluisse legem etiam tutelam ad eos pertinere: quum & agnatos, quos ad hæreditatem lex

vocat, eosdem & tutores esse iusserit: quia plerumque ubi successionis est emolumentum, ibi & tutela onus esse debet. Idem autem diximus, *plerumque*, quia si à femina impubes manumittatur, ipsa ad hæreditatem vocatur, cum alius sit tutor.

C O M M E N T A R I U S.

1. *Differentia inter AGNATORUM & PATRONORUM TUTELA describitur.*

est commodum penes eundem etiam est incommodum.

3. *Moribus quid obtineat?*

2. *Exceptiones à regulâ: penes quem*

1.



Icuti legitima agnatorum tutela spectat agnatos, ita legitima tutela libertorum ad patronos, eorum liberos pertinet. Hæc tamen adhibita differentiâ, quod illa ex verbis & mente legis, hæc ex mente tantum; illa propalam, hæc per consequentiam ex 12. tabulis sit desumpta. Insuper, quod illa sit agnatorum legitima, hæc quasi; illa pereat, saltem pericit, minimâ capitis diminutione, hæc non item; illa in ordine ad sceminas & mares obtinuerit, hæc non nisi in ordine ad libertos, (licet postmodum aliter sit statutum, in n. ed. h. c.) quod in bonis libertarum nihil juris habuerit patronus. Ulpian. tit. 11. & tit. fin. §. 1.

Et quidem hanc patronorum tutelam extorsit necessitas, etiam communis juris regula. Necessitas, quod manumissi seu liberti testamentarios tutores habere non poterant, ut qui nullos parentes habere intelliguntur, cum sint manumissi. Non etiam legitimis tutoribus gaudere poterant, cum qui parentes non habent, propinquos à latere nequeant habere. Supererat igitur, ut liberti tutores haberent patronos, eorumque liberos, idque ex interpretatione legis. Ubi enim est eadem ratio, oportet ut ubi servetur idem jus. Juvabat itaque libertos communis juris regula, ut cum sentiant patroni hæreditatis commodum, etiam subire debeant onus tutelæ. l. 10. D. de Regul. Juris. l. 3. D. de legit. tutel. l. 11. D. de jure patron.

2. *Ideo autem diximus plerumque.* Regula erat, penes quem est commodum successionis, penes eundem etiam debet esse tutelæ onus. Quæ regula fallit in nonnullis casibus. Puta, in minore annis 25. aliisque ad tutelæ administrationem incapacibus. l. 2. in fin. D. Reg. jur. l. fin. §. fin. Cod. legit. tutel. Fallit itidem in sceminis. l. 2. l. 73. D. de Regul. Nam tutela plerumque virile munus est, à quo sceminæ arcentur. dd. ll. & l. 16. l. fin. D. de Tutel. l. 1. Cod. Quand. mul. offic. tutel.

Ne-

Neque obst. l. 52. D. de verb. signif. Ubi patroni appellatione etiam patrona continetur. Quia id dextrum procedit, quando non obstat alia ratio juris fortior, quæ illam excludit significationis ampliationem, ut sub genere masculino femininum contineatur. DD. ad l. 1. D. de verb. signif. vid. Pruckmann. tractat. de different. utriusque sexus. p. 1. apud Besold. Præcogn. juris ad tit. 5. 6. libr. 1. Pand. q. 18.

MORIBUS.

Quandoquidem de consuetudine nulli sunt patroni, vel liberti, ideo si verba spectemus, hujus tituli non erit usus. Quia tamen DD. communiter argumentantur à patrono ad seniozem, à liberto ad vasallum, forte si vasallus relicto filio impubere moriatur, adgnatis deficientibus ad tutelam senior admittetur. Everh. loco à libert. Sicuti in Angliâ, is dominus est tutor, cujus prædium utili dominio pupillus possidet. Qui tutor etiam prædium occupat, omne ejus sentit commodum, cum onere alendi pupillum. Smith. de Republ. Anglic. libr. 3. c. 5.

LIBER. I. TITULUS. XVIII.

DE

LEGITIMA PARENTUM TUTELA.

Exemplo patronorum recepta est & alia tutela, quæ & ipsa legitima vocatur. Nam si quis filium aut filiam, nepotem aut neptem ex filio, & deinceps, impuberes emancipaverit, legitimus eorum tutor erit.

COMMENTARIUS.

1. Qualis illa sit, describitur.

2. Moribus quid obtineat?



De exemplum patroni, manumissor patens vicem legitimi tutoris sustinet, ratione liberorum emancipatorum. l. 3. §. fin. D. de legitim. tutel. l. 15. §. 1. D. Excus. tutor. l. 28. §. 3. D. de liber. legat. Neque enim l. 12. tabularum patrem ad legitimam vocabat successionem, nec hæreditatem jure adgnationis obtinere poterat, ut quæ per emancipationem esset sublata. Unde

de hæc parentis tutela ad exemplum introduci debuit, quæ interpretatio-
ne introduci non poterat. Dico ad exemplum, quod filiussfamilias parenti
servi loco esset, & pater velut ejus dominus cum imperio, tam civili, quam
naturali ratione. Ut tamen dulcis hæc penes patrem sit conditio, & libera
servitus, magis ad speciem, & imaginaria, quam vera. Cum adinstar pa-
troni filium, quasi servum manumittebat pater, adinstar liberti post manu-
missionem, filius, & patroni instar pater habebatur. Quia tamen filio ma-
numisso non succedebat pater, nisi eundem contractâ fiducia emancipaf-
set, neque aliter ad tutelam admittebatur, ideo hæc ipsa tutela olim fiduci-
aria, & pater fiduciarius tutor fuit appellatus, Ulpian. in *Fragm. de tutor.*
§. 4. Post modum vero cum pater eodem jure gauderet in bonis filii eman-
cipati, (licet eum non sub hac formulâ, contractâ fiduciâ, emancipasset)
quo patronus in bonis liberti. §. præterea. 6. in fin. instit. quibus in od. jus
patr. potest. solv. effectum est, ut pater ad similitudinem patroni, vicem le-
gitimi tutoris sustineret. §. fin. de legit. agnat. success. l. 3. §. fin. D. legit.
tutel. ut qui ad successionem liberorum per Senatusconsultum est admissus.
l. 2. §. objicitur. D. Ad Sc. Tertyll. vid. Alciat. parerg. 3. c. fin. Coraï.
6. Miscell. 9. Connan. 1. comment. 14. n. 4.

Videtur autem hæc legitima parentum tutela ex emancipatione prove-
niens, exspirasse, inque ejus locum successisse, legitima agnatorum. Præ-
sertim cum jure novissimo inter filium in potestate, & emancipatum diffe-
rentia sit sublata, si vel tutelas vel ab intestato successiones, spectemus.
Auth. defunct. Cod. Ad Tertyll. Nov. 118. c. 1.

MORIBUS.

2. Parentes de moribus indistinctè tutelam liberorum, etiam non emanci-
patorum nanciscuntur. Ita tamen, ut si liberis relicta sit hæreditas camera
pupillaris patri tutorem quandoque adjungat, quem pater forte è consan-
guineis defunctæ uxoris nominavit. Grot. 1. introduct. 6 De consuetudine
Galliarum non tam tutelam habere intelliguntur, quam custodiam nobi-
lem vel civicam, per alleg. apud Desseliū in not. ad Zoef. Instit. hic.

LIBER. I. TITULUS. XIX.

DE

FIDUCIARIA TUTELA.

Est & alia tutela, quæ fiduciaria appellatur. Nam si pater
filium vel filiam, nepotem vel neptem, vel deinceps, im-
pu-

puberes manumiserit, legitimam nanciscitur eorum tutelam. Quo defuncto, si liberi ejus virilis sexus existant, fiduciarii tutores filiorum suorum vel fratris, vel sororis vel cæterorum efficiuntur. Atqui patrono legitimo tutore mortuo, liberi quoque ejus legitimi sunt tutores: quoniam filius quidem defuncti, si non esset à vi vo patre emancipatus, post obitum ejus sui juris efficeretur, nec in fratrum potestatem recideret, ideoque nec in tutelam. Libertus autem si servus mansisset, utique eodem jure apud liberos domini post mortem ejus futurus esset. Ita tamen hi ad tutelam vocantur, si perfectæ sint ætatis, quod nostra Constitutio in omnibus tutelis & curationibus observari generaliter præcepit.

C O M M E N T A R I U S.

1. *Qualis illa sit, & cur ita dicta?*
2. *Quid Jure Divino obtineat?*

3. *Quid Moribus?*



S legitimam tutelam strictissime accipiatur, ea non nisi ad agnatos, idque ex verbis legis 12. tabularum referri debet. Quod si latius sumatur vocabulum, & ea legitima vocabitur tutela, quæ vel lege, vel interpretatione, vel moribus est introducta. Illa erat agnatorum, ista patronorum, hæc parentum; quæ licet jure antiquo dicta fuerit fiduciaria, receptum tamen moribus, ut ad exemplum patroni, legitima appellaretur. Ulpian. tit. de tutel. §. 2. 3. Pac. in not. tit. præced. In latissimâ tamen significatione, etiam quæ fratrum est tutela, aliorumque, hoc tit. dicta fiduciaria, legitima merito dicitur. Cum enim fratres essent tutores ipso jure, non testamento, non magistratus auctoritate, sic ut nec testamentarii sint, nec dativi, consequebatur eos esse legitimos, quod aliarum tutelarum species forent incognitæ. §. 1. Instit. de Tutel.

Diversam tamen sententiam videtur amplecti velle Tribonianus, qui fratres hoc tit. fiduciarios, non legitimos appellat tutores. Verum Respondendum est, Tribonianum fiduciarios noluisse legitimos, ad exemplum filiorum patroni, qui eo modo quo ipsorum parentes, tutores erant legitimi, idque ex interpretatione. Id est, noluit fratres, cæterosque esse tutores, defunctis parentibus, sicuti quidem ipsorum fuerant parentes, qui legitimi
appel-

appellabantur, ad exemplum patronorum; quale jus moribus erat introductum, ut non idem in fratribus esset receptum, aut admissum. Ratio diversitatis, & quidem inspecto jure veteri, huic tamen instituto, non aliis casibus accommodata, hæc est: quod filius defuncti parentis morte patris sui juris efficeretur, si non esset à patre emancipatus, adeoque in fratrum potestatem non relaberetur, vel si foret emancipatus multo minus in eorum recideret potestatem, quod per emancipationem agnatio fratrum sit perempta. Cumque patria potestas non esset hæreditaria, & quia personalis non transitoria in liberos, etiam non poterat tutela patris legitima, quæ vel ratione potestatis, vel beneficio emancipationis, contractâ fiduciâ peractæ competeat, ad liberos superstites transferri. Verum hæc longe aliter obtinent in liberto, qui si servus mansisset, eodem jure apud liberos sui domini post ejus mortem futurus esset. Quoniam potestas domini in servum, ipso jure successionis ad liberos devolvitur. Si vero servus sit manumissus, etiam jus patronatus ad patroni liberos, qui in potestate remanserant, indistincte transfertur, nisi alicui è liberis libertum assignaverit. Cum itaque ad patroni filium tutela liberti jure successionis devolvebatur, non itidem ad filium defuncti tutela fratrum emancipatorum; illa etiam legitima per interpretationem fuit appellata, quam patroni filii nanciscabantur, non hæc quam consequuntur fratres. Atque hic est sensus verborum hujus tituli vers. *Atqui patrono legitimoque* aliter admodum obscura videntur. Cur vero fratres cæterique fiduciarii sint appellati, non omnium una mens est. Censent alii eos propterea appellatos esse fiduciarios, quod nullius fidei securius impuberes committi poterant, quam fratri, vel cæteris. Verum, si procederet ista ratio, ab affectu desumpta fraterno, jure merito parentum omnis tutela fiduciaria debuisset appellari, contra init. hujus tituli. Potius dicendum est, quod cum olim Parens fuerit appellatus tutor fiduciarius, eoque deficiente tutelam fratris impuberis emancipati amplecteretur frater, locum parentis subintrando, etiam eundem in nomen deficientis tutoris transivisse, adeoque appellari fiduciarium, hoc tit. v. *quo defuncto*. Ut vero frater sit tutor fiduciarius sui fratris, oportet eum esse majorem annis 25. & impuberes quorum esset tutor, emancipatione sui juris effectos. Nam si patriâ potestate sint liberati, vel morte patris, vel dignitate propriâ, non erunt in tutelâ fratrum fiduciariâ. Nec tantum frater est tutor fiduciarius sui fratris, sed & pater sui filii filiarumve, si is eave ab avo sint emancipati. Nam si ab ipso patre sint manumissi, tam eorundem legitimam nanciscitur tutelam. Etiam patris filio filiarumque fratris, patris magnus nepoti fratris, avus nepoti, patruelis patrueli, propior sobrinus propior sobrinus, tutores efficiuntur fiduciarii. Quæ forte omnia mutata cen-

seri

feri poterunt, per l. fin. §. sed nec fratrem. Cod. de legitim. hæred. l. frater. Cod. legitim. tutor; quibus prænominatæ personæ, legitimam nanciscuntur tutelam.

JURE DIVINO.

De jure divino videtur fratri natu majori potestas fuisse tributa in fratres natu minores. Ita accipi poterit locus Genes. 4. v. 7. ubi dominus alloquitur Cainum, qui erat primogenitus, hisce verbis: *ad te erit appetitus ejus* (scil. Abeli) *& tu dominaberis ei.* Licet non ignorem hanc phrasin à nonnullis applicari peccato Caini. Quicquid sit, certius nihil est, quam fratres natu majores fuisse Principes familiarum in domo patris, ut ipsi cæterorum curam in se susceperint. vid. 1. Chronic. 12. v. 32. & c. 26. v. 10.

MORIBUS.

Cum secundum plerosque nulla sit legitima vel agnatorum vel cognatorum tutela, manifestum est etiam hujus tituli vix ullum usum superesse. Neost. curiæ decis. 59. in fin. Grot. Vinnius, aliique apud Groeneweg. vid. anteced.

LIBER. I. TITULUS. XX.

DE

ATTILIANO TUTORE.

ET

EO QUI EX LEGE JULIA ET TITIA.

DABATUR.

SI cui nullus omnino tutor fuerat, ei dabatur, in urbe quidem à Præatore Urbano, & majore parte Tribunorum plebis tutor ex lege Attilia; in provinciis verò à Præsidibus provinciarum ex lege Julia & Titia.

i. Sed & si in testamento tutor sub conditione, aut ex die certo datus fuerat, quamdiu conditio aut dies pendeat, ex ejusdem legibus tutor dari poterat. Item si purè datus fuerat, quamdiu ex testamento nemo hæres existeret, tamdiu ex eisdem legibus tutor petendus erat: qui desinebat esse tutor, si conditio extiterat, aut dies venerat, aut hæres extiterat.

2. Ab hostibus quoque tutore capto, ex his legibus tutor petebatur: qui desinebat esse tutor, si is, qui captus erat, in civitatem reversus fuerat: nam reversus recipiebat tutelam jure postliminii,

3. Sed ex his legibus tutores pupillis desierunt dari, posteaquam primò Consules pupillis utriusque sexus tutores ex inquisitione dare cœperunt, deinde Prætores ex constitutionibus. Nam supradictis legibus, neque de cautione à tutoribus exigenda, rem salvam pupillis fore, neque de compellendis tutoribus ad tutelæ administrationem, quidquam cavebatur.

4. Sed hoc jure utimur, ut Romæ quidem Præfectus urbi, vel Prætor secundum suam jurisdictionem, in provinciis autem Præsides ex inquisitione tutores crearent, vel Magistratus jussu Præsidentum, si non sint magnæ pupilli facultates.

5. Nos autem per Constitutionem nostram hujusmodi difficultates hominum refecantes, nec expectatâ jussione Præsidentum. disposuimus, si facultates pupilli vel adulti usque ad quingentos solidos valeant. Defensores civitatum, unâ cum ejusdem civitatis religiosissimo Antistite, vel alias publicas personas, id est, Magistratus vel Juridicum Alexandrinæ civitatis, tutores vel curatores creare: legitimâ cautelâ secundum ejusdem Constitutionis normam præstândâ, videlicet eorum periculo, qui eam accipiunt.

6. Impuberes autem in tutela esse naturali juri conveniens est: ut is, qui perfectæ ætatis non sit, alterius tutelâ regatur.

7. Cum ergo pupillorum pupillarumque tutores negotia gerant, post pubertatem tutelæ judicio rationem reddunt.

C O M M E N T A R I U S.

I N P R I N C.

Describitur à quibus olim dati TUTORES.



I cui nullus.] Hactenus de duabus tutelæ speciebus *Testamentariâ*, & *legitimâ* fuit actum; sequitur tertia, appellata *dativa*, Denominatione desumptâ ab efficiente causâ, sicuti priores inde sunt appellatæ. Nam testamentaria dicta, quod à dispositio ne patris dependet, legitima, quod à lege detur, dativa, quod à magistratu. Cui eapropter erat locus, quod interesset prospici pupillo, qui cum tutorem cum effectu non haberet, aut in eligendo tutore firmum iudiciûm. l. fin. D. de Manum. Vindict. per diligentiam magistratus ea suppleretur indigentia, ut pote cuius erat curare, quo destituto idoneus daretur tutor. hic. in init.

Extante enim tutore vel testamentario, vel legitimo, & quidem cum effectu, ipsa datio facta à magistratu, erat ipso jure nulla. l. 9. Cod. Qui dare tutor. Montan. de tutel. c. 21.

Et quidem describitur hoc titulo juris progressus & incrementum circa tutoris dationem. Ubi observandum antiquis temporibus, id est, etiam ante leg. Juliam & Titiam, pupillis fuisse prospectum. Prætores enim, qui Provinciis præerant, quæ in ditionem populi Romani venerant, impuberibus dabant tutores. Diodor. Sicul. in excerpt. à Valesio editis. Romæ ante legem Attiliam vel à prætore, vel ex Senatusconsulto tutores datos fuisse, non est improbabile vid. Ulpian. in fragment. tit. 11. Livius lib. 39.

Dein tutores in urbe dari cæperunt ex l. Attiliâ, quod erat plebiscitum per Attilium tribunum plebis latum, quo cautum, ut à Prætore Urbano, & maiore parte tribunorum plebis, mulieribus pupillisque tutores darentur. Ulpian. in fragment. tit. 12. Cumque duo primum creati essent tribuni plebis, qui sibi tres crearunt collegas. Livius libr. 2. ut essent numero quinque. Dionys. libr. 6. dein ex Senatusconsulto decem sunt constituti. l. 2. §. capta. D. de Origin. Juris. Dionys. libr. 10. Liv. lib. 3. Ut cum major pars tribunorum plebis adesse deberet, ad minimum sex præsentibus esse oportuerit, Prætore sedente in medio. Lucian. in Amorib. Fabrott. in not. ad Theophil. hic. Sicque quod major pars efficit pro eo habetur, ac si ab omnibus esset effectum. l. quod major. D. Ad Munic. l. 161. l. 46. de Reg. jur. l. 46. Cod. de Decur. libr. 10. Neque obst. l. 3. 4. D. quod

cujusque Univ. ubi dicitur, duas partes decurionum adesse oportere, id est si sint numero duodecim, ad minimum octo desiderari. Quoniam quod major pars eorum, qui præsentes sunt, statuerit, hoc nihilominus ratum esse debebit.

In provinciis vero à Præsidibus dati fuerunt tutores, idque ex lege Juliæ & Titia; quæ licet duo sint nomina, nonnisi tamen una lex est. init. instit. hic. Ulpian. tit. 11. Gregor. Tholos. libr. 12. c. 13. n. 14. Syntagm. juris.

§. 1.

Quando locus sit TUTORI DATIVO?

Sed & si testamento.] Si cui nullus omnino fuerat tutor, ei à magistratu tutor dabatur ne destitueretur auxilio, qui desiderat auxilium, vel illo opus habet. init. hic. §. fin. instit. qui sui vel alieni juris. §. 6. instit. hoc tit. Etiam dabatur, si legitimos exstare fuerit incognitum, aut dubitatum de testamentariis. l. 3. Cod. de Confirm. tutor. l. 5. Cod. de tutel. Testam. Vel si tutores testamentarii fuerint deportati, aut relegati. l. 11. D. de Testam. tutel. l. 3. §. quæri. D. de legit. tutel. l. licet tutorem. D. in quibus causis habenti tutor. l. 3. Cod. Qui pet. tutor. vel si testamentarii sub conditione, aut ex die certo fuerint dati testamento. §. 1. hic. l. 11. D. Testam. tutel. Ut tamen deficiente conditione legitimo sit locus.

Vel si tutor purè sit datus à patre pupilli, verum hæreditas nondum sit adita, quasi qui purè datus est, nondum sit, aut speretur. §. 1. hic. l. 10. D. Testam. tutel. l. si impuberi. D. de tutor. datis

Vel si tutor à patre datus, ad tempus sit excusatus. §. item qui reipublic. Instit. de Excus. tutor. l. in omnem rem. D. de tutor. dat. l. 1. Cod. Si tutor vel curat. reipubl. Nisi quispiam hic actorem vel curatorem adniferit. l. non solum §. qui prinipil. §. si libertus. D. Excus. tutor. l. si quis tutor. D. de Tutel.

Vel si duo sint testamentarii, & unus defecerit. l. si quis sub condit. D. de Testam. tutel. Vel si testamentarii in perpetuum sint excusati, aut dari non potuerint, ut cæci, muti & surdi. l. complura. D. de Tutel. l. si quis sub condit. D. Testam. tutel. l. jurisperitorum. D. de Excus. tutor. Vel si qui dati testamento, provocent, aut appellent. l. cum quidam. D. de Tutor. dat.

Vel si testamentarii sint suspecti postulati, & remoti. l. curatores. l. præses. l. pietatis. Cod. de suspect. tutor. Vel si tutor testamentarius sit minor annis viginti quinque, aut furiosus. Subintelligitur enim conditio, si ille major, & hic ad sanam mentem fuerit reversus. §. 2. Instit. de Testam. tutel. l. 32. in fin. D. Testam. tutel. vid. Montan. de tutel. c. 21.

§. 2.

Cur si TUTOR ab Hostibus sit captus, locus sit DATIVO.

A *B hostibus.*] Si tutor testamentarius, ab hostibus sit captus, interim à magistratu dandus est tutor. §. 2. hic. l. 1. 2. D. eod. Idem quod statuendum est si legitimus hostium sit potitus. l. 1. §. 2. D. hic. An quia in casu posteriori non sufficienter per curatorem pupillo poterat esse prospectum, uti censet Bacchov. ad hunc §. 2. Non videtur, quoniam si legitimus tutor sit minor annis vigintiquinque curator non tutor admittitur, ut per curatorem impuberi consultum esse potuisset. §. item major. Instit. de Excus. tutor. An potius dicendum erit, hoc in casu placuisse jurisconsultis, ut ad similitudinem testamentarii non curator, sed tutor daretur?

§. 3.

Jus Medium describitur.

S *Ed ex his legibus.*] Postquam Claudius Imperator priores illas leges sustulit, quasi minus sufficientes, quod compelli non magis dati tutores poterant quam testamentarii, quod non satis, aut non plene, aut non ita, uti postmodum, (sic enim verba §. accipi velim, arg. §. 2. in fine Instit. de Satisf. tutor.) fuerit cautum, per eundem, ut à consulibus ex inquisitione tutores darentur, introductum est. §. 3. hic. Sueton. c. 23. in Claud. Plin. 9. Epistol. 13. Dein à solo Prætor, non adhibitis tribunis plebis, Romæ tutor fuit datus, quod secundum nonnullos ex Marci Constitutione originem habet. Id saltem verissimum est, Marcum Antoninum primum fecisse Prætorem tutelarem, qui proprius prætor ei rei vacaret. Capitol. in ejus vitâ.

§. 4.

1. Jus explicatur Posterius.

2. *Quis, & à quo, & ubi detur TUTOR?*

3. TUTORIS datio est specialis per missionis.

4. Moribus quid obtineat.

S *Ed hoc jure.*] Neq; in mutatis hætenus, acquieverunt legislatores, quod iura paulatim increscant. Omnium enim rerum initia sunt imperfectiora, donec ea posterior ætas expoliverit. Cicer. de Clar. Orator. 6. Eapropter hoc jure postmodum usi fuere, ut Romæ Præfectus Urbi, vel Prætor, in provinciis Præsides, omnibus provincialibus, magistratus in municipiis, omnibus qui sunt de municipio, darent tutores, idque præviâ inquisitione. §. 4. hic. l. 3. D. Tutor. & curat. dat.

Quinimo si pupilli forent illustres, vel spectabiles, vel clarissimi, iis in urbe tutor dabatur ab urbis Præfecto, decem præsentibus Senatoribus & prætor tutelæ. Tit. Cod. de tutor. Illustr. Person. Quod postmodum soli urbis Præfecto cum senatu concessum est. l. cum furiosus. §. five autem testamentum. Cod. de Curat. Furios. In provinciis autem tutores, dantur, vel nominantur à Præside decreto decurionum eorumque periculo, qui præsentibus adiuvere decuriones. Azo in summ. Cod. de tutor. illustr. Person. & post eundem Cujac. d. loc. in Parat. vid. Alex. ab Alex. Genial. dierum. 2. c. 15. Rayard. 1. varior. 10. 16. Montan. de Tutel. c. 18.

M O R I B U S.

Illustrium personarum tutelam in Angliâ spectare regem, fuit antea demonstratum. In Gallia quid obtineat, etiam superius explicui, sunt tamen loca, in quibus nobilibus tutorem dat Gubernator Senecallus, Ballivus, &c. Rebuff. de Sent. Provis. artic. 6. gloss. 2. n. 13. In regno Hispaniæ illustribus non datur tutor, nisi consultatione & approbatione Regis, & datur æque illustris, atque est is cui datur. Sicuti in imperio ex Antea Bullâ Carol. 4. tutela filiorum electoris competit inter fratres. Seniori, inter adgnatos proximo, licet forte testamento patris alius sit datus. Cæteris autem nobilibus, qui immediate subsunt imperio, vel ibidem habent bona ab assessoribus Camera datur tutor. Id quod in superioribus explicui. vid. Gail. 1. obs. 1. n. 47. Perez. Cod. de tutor. Illustr. Person. n. 2. Tulden. Cod. eod. n. 2.

2. *Prætor secundum suam jurisdictionem.*] Quisque tenetur intra suam jurisdictionem, intra sui territorii limites dare tutorem. §. 4. hic. l. fin. D. de jurisd. Unde sui territorii hominem tutorem dabit. l. 1. §. 2. l. 3. D. hic. l. 3. D. de offic. Præsidi. l. 3. Cod. qui pet. tutor. l. 5. Cod. Qui dare tutores. Nisi tamen intra territorium non reperiatur idoneus, quo casu è proximo loco, vel municipio tutor assumetur. l. 24. D. hic. Quod ita jure Romano receptum, quo uni Supremo parere tenebantur. Hinc etiam tutorem dabit sui territorii pupillo. l. 1. in fin. D. hic. Id est ei, qui vel ibidem domicilium habet, vel inde oriundus est. l. pupilli. D. hic. l. unic. Cod. Ubi petant. Ut tamen in concursu locus originis, id est, civitatis paternæ, de jure Romano, prævaleat. l. libertus. §. præscriptio. D. Ad Munic. Roeland. à Vall. de Lucro dot. q. 22. n. 5. 6.

Quinimo & ibi dabitur quandoque tutor, ubi jacent pupilli bona, vel major eorum pars. Ut magistratus originis, vel domicilii, expressè tutorem bonis non dederit, extra territorium situs, cum ne quidem id tacitè, vel per consequentiam semper processerit de jure civili. l. 27. D. hic. l. 14. 15. D. Testam. tutel. l. unic. Cod. Ubi pet. tutor. Guittier. de Tutel. p.

l. c. 16. Johan. Faber. §. 1. hic. Gregor. Tholos. Synt. juris. libr. 12. c. 13. n. 19.

Vel magistratus jussu præsidi.] Magistratus municipales admonitu, vel 3. jussu, id est præcepto Præsidis non ex mandatâ jurisdictione, nonnunquam dabant tutores, si quando incertum erat, an Præsides qui in omnes provinciales habebat imperium, ipse velit tutorem dare, an vero hanc curam magistratibus municipalibus relinquere. §. 4. hic. l. 3. 19. D. eod. l. Lucius. §. cum testamento. D. Admin. tutel. vid. Cujac. 15. obs. 19. Montan. c. 18. n. 14. & seqq. Licet enim tutoris datio sit jurisdictionis voluntariæ, sic ut magistratus cum possit exercere, quamvis non sit in suo territorio, & quidem de plano. Arg. l. 2. D. de Offic. Procons. l. 8. §. 1. D. hic. etiam omni tempore & omne die. l. nec mandare. §. dari. D. hic. Non tamen ea est ordinariæ jurisdictionis, id est non competit jure magistratus, ad cujus spectat officium, postquam ex speciali lege vel S. consulto, vel constitutione Principali tributa est; quod jurisdictionis est legalis. l. 6. §. 2. D. de Tutel. Unde licet tutoris dati confirmatio, & inquisitio possit demandari, datio tamen demandari non potest. l. 5. D. hic. l. 4. D. de offic. ejus cui mand. jurisd. Argum. l. 1. D. eod. Cuj. 15. obs. 19. & ad l. 1. D. de jurisd. Coras. §. Miscell. 24. Donell. 3. comm. 7. & 17. comm. 8. Pac. §. ant. 69. Gothofr. ad l. 5. D. de Confirm. tutore. Bronch. 1. assert. 13. Henon. disp. ad Inst. q. 8. & disp. P. 7. q. 5. Gregor. Tholos. Synt. jur. libr. 12. c. 13. n. 16. & seqq.

MORIBUS.

De consuetudine omnis judex, habens aliqualem jurisdictionem, vi istius 4. jurisdictionis, dat tutorem. Alex. vol. 5. consil. 44. n. 17. Id quod de moribus Belgii procedere certum est, cum etiam camera pupillaris, quæ jurisdictionem non habet, id possit. Zyp. not. jur. Belgic. tit. de tutor. §. invitis. Grot. 1. introd. 7. n. 14. Montan. de tutel. c. 20. n. 1. Idem quod de Germanis asserit Gail. 1. observ. 1. n. 48. Sneydw. ad §. nos autem. Instit. Vultej. hic. n. 10. Matth. Steph. 1. de jurisdict. c. 4. n. 73. & seq. Wurms. Nucleo juris controuv. libr. 1. tit. 20. controuv. 1. Cöppen 1. observ. 60. in fin. hic. Ut tamen immediate subjectis imperio tutorem det suprema Camera. Gail. 1. obs. 1. Rittershus. ad Nov. p. 8. c. 9. n. 12. Etiam in Galliâ quemvis magistratum vi jurisdictionis dare tutorem, scribit Rebuff. de Sent. Provis. artic. 3. gloss. 2. n. 12, 13. Argentr. ad Brittan. art. 458. gloss. 2. n. 2. Mornac. ad l. 1. D. de Instit. Action. diff. Chassan. ad Burgund. tit. 6. §. 4. gloss. si parle. vid. Groenw. de ll. abrogat. hic. Dessell. in not. ad Zoef. ibid. Anton. Matth. disp. final. post tutelas. n. 46.

De consuetudine Hungariæ & Transylv. tutor datur à Principe, & ideo tutela

tutela dativa, non nisi Principis & Patronorum tutela nuncupatur. Collect. Consect. Hungar. & Transl. p. 1. tit. 115.

§. 5.

1. Jus Postremum explicatur.

2. Quid sit Aureus Nummus, & quanti valeat, describitur.

3. Mores & Jus Canonicum exhibitur.

1. **N**os autem per nostram constit.] Neque lex, ait Imperator, neque Senatusconsultum in republica prolatum ad omnia sufficienter ab initio promulgatum esse videtur, Novell. 74. in princ. sic ut ex post facto novo jure sit juvandum. Id quod usu evenire satis superque hic indicat locus, ubi per varias juris mutationes ante factas, gradatim ad novum jus transit imperatur. Et quo pupillis plenissime foret prospectum, jus posterius per postremum voluit adauctum, adeoque per suam constitutionem, (quam alii cum priori codice intercidisse censent, alii eam esse judicant, l. 30. Cod. de Episc. Audient.) difficultates nonnullas rescavit, quæ minores spectabant magistratus, cæteris in suo statu remanentibus. Per minores magistratus, intellige municipales in Provinciis id est, duumviros, & civitatum defensores, qui cum illis non sunt confundendi. l. 3. 4. Cod. Civit. defens. Nov. 15. Alciat. 3. dispunct. c. 5. Quibus adjiciendus est juridicus Alexandriz, provincialis magistratus cum jurisdictione voluntaria, non contentiosa. l. 2. D. de Offic. Juridici Alexandr. Apul. 1. Miles. Montan. cap. 18. n. 23. Qui omnes non expectata præsidum jussione vel admonitione cum loci Antistite, seu episcopo, cui in nonnullis casibus, cura piarum causarum erat commissa. l. 1. 2. Cod. Episc. Audient. l. fin. §. sed cum antiq. §. in Provinc. Cod. de Curat. furios. pupillis de tutoribus adhibita inquisitione, & cautione exacta, prospicient, modo eorum facultates non excedant aureos quingentos. §. 5. hic.

2. Per aurum intellige solidum (non semissem aut tremissem) qui à quibusdam pro aureo accipitur, l. fin. D. de in jus vocand. Et continuit quandoque auri libra 45. solidos vel aureos, ut tum solidi singuli valuerint collatione cum hodierna monetâ institutâ, daleris imperialibus $3\frac{11}{12}$. Postquam autem è librâ auri duo & septuaginta aurei signari cæperunt l. 5. Cod. de Suscept. Præpos. & Arcar. libr. 10. tum valore & pondere quam proximè singuli aurei æquaverunt dalcros imperiales $2\frac{2}{3}$ seu Florenos Hollandicos quinque cum stufenis septendecim. Quem computum servat Wilibrordus Snell. de Re Nummariâ, fere circa fin. & in init. p. 28. & seqq. vid. Gregor. Tholof. Synt. jur. 36. c. 2. n. 13. 14. Marinum Mersenn. libr. de

de Ponderibus, & mensuris. & post eundem Casimiri Siyenowich equitis Lituani atis magn. Artilleriæ, part. 1. libr. 1. pag. 27. & seqq.

MORIBUS, & JURE CANONICO.

Licet orphanorum & miserabilium personarum cura & inspectio loci antistitibus religiosissimis possit commendari, in quantum est opus charitatis à Deo commendatum. Exod. c. 22. v. 22. Deut. 24. v. 17. 26. & 27. v. 19. Psalm. 82. v. 3. Zachar. 7. v. 10. Jacob. 1. v. 27. Non tamen de moribus unà cum magistratu pro auctoritate tutores dare solent pupillis. Volunt tamen canonistæ in defectum judicis secularis, potestatem dandi tutoris ad ecclesiasticos devolvere. c. ex tenore. de foro compet. Etiam, quando ecclesiastici temporalem habent potestatem, vel pupillus est clericus. c. si clericus. de foro compet. c. si duob. de Appellat. Sneider. ad tit. instit. hic. in princ. n. 3. in not. Gregor. Tholos. Synt. jur. lib. 12. cap. 13. n. 17. 18.

§. fin.

1. Quid sit Actio Tutelæ, & quando competat? | 2. Quid obtineat de Moribus?

Cum ergo pupillorum.] Nonnisi finitâ tutelâ nascitur & intentatur actio tutelæ. §. fin. hic. l. 9. §. fin. cum seq. D. de tutel. & Ration. distrab. Quo nomine ab actione suspecti secernitur cui stante tutelâ, vel nondum inchoatâ, locus est. §. 5. Instit. de Suspect. tutor.

Appellatur etiam hæc actio tutelæ, judicium tutelæ, idque ad distinctionem judicii particularis, de quo §. fin. tit. seq. Quod & sæpius & stante tutelâ intentari potest, cum hoc nonnisi sentel quia generale est, & demum finitâ omni administratione, quod omnia comprehendat. Tendit ad hunc effectum, ut tutor suæ administrationis reddat rationes ibi, ubi eas gessit. l. 1. 2. Cod. Ubi de Ratioc. & præstet culpam latam & levem, duobus casibus exceptis, in quibus saltem de latâ culpâ tenetur, puta, si cessaverit in exigendis debitorum nominibus. l. 2. Cod. Arbitr. tutel. & si præcia minus idonea pupilli pecuniâ comparaverit. l. 7. §. competit. D. de Adm. tutor. Bronchorst. ad l. 23. D. de Regul. juris. vid. Montan. de tutel. c. 38. 39. Galgan. de tutel. libr. 2. c. 24. Guitierr. de tutel. p. 2. c. 14. Gregor. Tholos. Synt. jur. lib. 13. c. 10.

MORIBUS.

Moribus, rationes redduntur finitâ tutelâ, non præcise ubi facta est administratio, sed & in loco domicilii, vel saltem coram curiâ Provinciali. Munnoz de Ratiocin. 7. Montan. de tutel. c. 39. num. 217. & seq. Perez. Cod. Ubi de Ratiocin. n. 2. Quinimo quorundam locorum statutis rationes

nes redduntur, quodcumque id iusserit magistratus. Id quod etiam iurē Bavarico obtinere scribit, Myns. Sneiderw. ad §. fin. hic. Moller. 1. Semestr. 4. vid. Rittershus. ad Nov. p. 8. cap. 9. n. 5. Lantrecht. jur. Bavar. tit. 5. art. 5. Alibi, quotannis, & quidem presentibus pupilli cognatis, coram magistratu. id quod iuri canonico congruum est. Clement. quia contingit. 2. §. ut autem præmissa. 1. v. illi etiam. tit. de Religios. domub. Sneiderw. ad §. 6. hic. n. 3. Berlich. p. 2. conclus. 12. n. 4. Id quod alii tamen applicant legitimis tutoribus, non cæteris, ut Moller. ad conslit. Saxon. p. 2. constit. 21. n. 1. Quem refutat Berlich. loc. cit. n. 7. 8. vid. Antverp. tit. 43. §. 52. Mechlin. tit. 19. §. 13. Ultraj. tit. 31. §. 4. Transil. 2. tit. 4. §. 13. Amstel. Ordin. de Pupill. §. 39. Ruræm. 1. tit. 4. §. 5. Omland. 2. §. 25. Constit. Carol. 5. in comit. Promulg. de ann. 1548. tit. de Pupill. Damhaud. Patrocini. Pupill. 1. tit. 2. Christin. ad Mechl. tit. 39. art. 15. Gudel. 1. de iure noviss. c. fin. in fin. Grot. 1. introd. 9. in fin. Zyp. not. juris Belg. §. tutor. non nisi. Mey. ad Lubec. 1. tit. 7. artic. 11. n. 21. Zoef. D. de tutel. & ration. distrah. n. 1. Duyfentd. ad Anstelod. consuet. 1. c. 55. 59.

Quid si testator testamento remiserit tutori rationum redditionem? Id potest, ut tamen magistratus, vel Camera pupillaris non præcise stare teneatur iudicio defuncti. vid. Sneiderw. ad §. pen. hic. n. 2. in not. Montan. de tutel. c. 32. Regul. 5. Neost. decis. cur. Holland. 20.

LIBER. I. TITULUS. XXI.

D E

AUTHORITATE TUTORUM.

Auctoritas autem tutoris in quibusdam causis necessaria pupillis est, in quibusdam non est necessaria: ut ecce, si quid dari sibi stipulentur, non est necessaria tutoris auctoritas: quod si aliis promittant pupilli, necessaria est tutoris auctoritas. Namque placuit, meliorem quidem conditionem licere eis facere, etiam sine tutoris auctoritate, deterio-rem vero non aliter, quam cum tutoris auctoritate. Unde in his causis, ex quibus obligationes mutuz nascuntur, ut in emptionibus, venditionibus, locationibus, conductionibus, mandatis, depositis, si tutoris auctoritas non interveniat, ipsi

ipsi quidem, qui cum his contrahunt, obligantur, at invicem pupilli non obligantur.

Neque tamen hæreditatem adire, neque bonorum possessionem petere, neque hæreditatem ex fideicommisso suscipere aliter possunt, nisi tutoris auctoritate: quamvis illis lucrosa sit, nec ullum damnum habeat.

2. Tutor autem statim in ipso negotio præsens debet auctor fieri, si hoc pupillo prodesse existamaverit. Post tempus vero, vel per epistolam interposita auctoritas nihil agit.

3. Si inter tutorem pupillumque iudicio agendum sit, quia ipse tutor in rem suam auctor esse non potest, non prætorius tutor (ut olim) constituitur, sed curator in locum ejus datur: quo curatore interveniente, iudicium peragitur, & eo peracto, curator esse definit.

COMMENTARIUS.

IN PRINC.

- | | |
|---|---|
| 1. Quid sit AUCTOREM fieri? | 4. An omnium opus sit AUTHORITY? |
| 2. Quando non sit opus TUTORIS AUCTORITATE. | 5. An possit obligari sine TUTORIS AUCTORITATE? |
| 3. Quando eâ sit opus. | |



Auctoritas autem.] Tutores vel negotia gerunt, vel pupillis negotium aliquod gerentibus auctoritatem interponunt. Ulpian. tit. 11. Auctoritatem interponere nihil aliud est, quam auctorem alicui fieri rei alicujus, id quod est pro subjectâ materiâ negotium confirmare, vel probare quod geritur, etiam quod gerendum est improbare. l. 3. 8. D. hic. Aliter multis quis nominibus alicui potest fieri auctor, (sic legendum, non author)

de quibus egit Alciatus 2. Parerg. 9. & ego singulari capite in tract. de auctor. juris civil. & canon. in Belgio fœderat.

Non est necessaria tutoris auctoritas.] Sunt casus in quibus non opus est tutoris auctoritate, & recte quid gerit pupillus, nec tamen obligatur. Ut quando cum quopiam contractum init, qui non est ultro citroque obligatorius, puta si aliquid stipuletur, ex causâ lucrativâ, sicque suam conditionem

nem faciat meliorem. init. instit. hic. l. 9. in princ. D. eod. l. 11. D. de adq. dom. l. 1. Cod. hic. Id quod favore pupilli recipiendum est, modo aliquem habeat intellectum. l. 9. §. item. D. de Rebus credit. l. 1. Cod. hic. l. 7. Cod. de Contrah. Stipul. Quinimo ex benignitate in eo admissum, qui infantiz proximus est, licet vix ullum habeat intellectum. §. 9. Instit. de Inutil. Stipulat. Neque enim erat invidendum, ut rem suam augeter pupillus sine tutore, qui magis datus videtur pupillo, ne rem suam perdat. Et quod in ejus favorem erat introductum, non debebat in ejusdem odium torqueri. l. 28. D. de Pact. l. 14. Cod. de Procurat. Arg. l. 12. D. vulg. pupill. substit. vid. Lyclam. 7. Eclog. 35.

Quinimo licet contractus sit initus ultro citroque obligatorius, quem Græci *συνάλλαγμα* appellant, l. 19. D. verb. signif. eum quidem quo cum contrahit pupillus sibi obligat, licet contractus reipsa sit invalidus, non autem vicissim ipse alteri obligatur, ut hic claudicet contractus. init. instit. hic. l. Julianus. §. si quis à pupillo. D. Action. Empt. Galganet. de tutel. libr. 2. tit. 22. n. 3. Exc. cas. l. fin. Cod. Usucap. pro empt. l. pupillus. D. eod. Dixi pupillum vicissim non obligari, puta civiliter, sic ut nullâ actione cogi possit, contractui parere. Ut tamen cum naturaliter obligari, & jure naturæ debitorem existere, modo non sit infans, variis juis civilis textus possit comprobari. §. 3. instit. quib. mod. toll. oblig. l. 1. D. de novat. l. 21. in princ. D. Ad l. Falcid. l. si infanti. Cod. de jure deliber. Licet non semper illa naturalis obligatio, de jure civili eum sortiatur effectum, quem aliter sortiri solet. Quo sensu recte dictum in l. 41. D. de cond. indeb. pupillum nec naturâ quid debere, puta, in quantum quod solvit, si promississet, nec esset factus locupletior, repetere posset. vid. Coras. 6. Miscell. 22. Donell. in l. 127. D. verb. oblig. Bronchorst. cent. 1. Afsert. 32. Arum. tract. de Morâ. c. 5. diff. Cujac. ad l. 127. D. verb. oblig. & 17. obs. 4. Vultej. discept. 16. Hænon. disput. 3. ad Instit. q. 9. ibique DD. Fabrott. ad Theoph. in not. hic. vid. Sncidw. §. pen. instit. quibus mod. toll. obligat.

3. *Unde in his causis.*] In quibusdam causis adhibenda est tutoris auctoritas dum quid geritur à pupillo, atque illa sufficiet. Id quod accidit, quando agitur de pupillo naturaliter & civiliter simul obligando, & in genere, quando aliquid in sui præjudicium facit pupillus. hic. in princ. & §. 1. l. 5. l. 9. D. eod. Bartol. in l. naturalis. §. 1. D. cond. indeb. Alexand. in l. iurjurand. §. 1. D. de iurjur. Ut tamen pupillus ita obligatus, beneficium habeat restitutionis, si quidem se læsum esse docuerit. l. 13. D. hic. tot. tit. D. de Minor.

Causæ autem quibus opus est tutoris auctoritate, non omnes tamen, paucis

paucis exhibebo. Tales sunt si iudicium subeat criminale, quod jure novo potest. l. 4. Cod. hic. Si in iudicio civili stare velit. l. 4. Cod. Si adv. rem judic. Si quid in sui præjudicium confiteri. l. certum. §. in pupillo. D. de confess. Si iurjurandum alicui deferre. l. iurjurandum quod ex confess. §. 1. D. de iurejur. Si damnetur à iudice, vel arbitro. l. acta. §. fin. D. de Re judic. l. si pupillus. D. de Arbitr. l. 1. Cod. Qui legit. person. stand. in judic. Si pupillo facta sit nuntiatio, & quidem in personam, vel si à pupillo. l. de pupillo. l. 10. D. Nov. Oper. Nuntiat. Si pupillus sit interpellatus. l. sed si ex stipulatu. D. de verb. obligat. Si pignus acceperit, idque propter periculum actionis pignoratitiæ. l. pupillo. D. de Pignor. Action.

Si remittat quod sibi debetur. l. contra juris. D. de Pactis. Si navim exercere velit. l. 1. §. exercitore. D. Exercit. Action. Si adire hæreditatem. §. 1. hic. Si bonorum possessionem agnoscere. l. moræ. D. Acquir. hæred. Si inire contractum societatis; ut tamen priorem contractum possit continuare. l. 33. D. Pro socio. Si cæteros inire contractus, quorum mentio fit in fin. princip. instit. hoc tit. vid. Montan. de Tutel. cap. 30. n. 100. & seqq.

In quibus vero casibus auctoritatem tutoris intervenire necessum est, in 4. iis etiam intervenisse auctoritatem per eum probandum est, qui sibi obligatum pupillum asserit. l. quæcumque. 13. §. fin. D. de Public. Actione. Ut tamen probasse sufficiat unius, si plures sint tutores, intervenisse auctoritatem. l. 4. l. 7. §. 1. D. hic. l. fin. Cod. eod. Licet de plurium pupillorum re ageretur. l. inter 10. D. hic. Quod jure veteri obtinebat, si plures essent testamentarii, vel dati ex inquisitione, hodie locum habet indistinctè. l. 5. Cod. hic. Ut etiam sufficiat probasse tutorem coactum fuisse ad tempus abesse, ejusque vicem supplevisse actorem, decreto Prætoris vel Præsidis ad litem datum. tit. Cod. de Actor. à tutor. vel curat. dando. Nisi tamen de communi tutelæ negotio agatur, ut quod omnes tangit, ab omnibus sit approbandum. l. fin. Cod. hic.

Ita si pupillus in adrogationem de tur omnium desideratur consensus, ne sit in potestate unius finire tutelam. l. fin. Cod. hic.

Si lis sit ineunda cum pupillo, omnibus tutoribus eum denuntiari est opus, quibus conjunctim pars una tributa est. l. 2. Cod. Si ex plur. tutor. Cujac. Parat. Cod. hic.

Si tutela inter plures sit divisa, non sufficit quemque auctorem fieri, verum ille debet consentire, qui partem eam aut regionem suscepit, ubi actus geritur, quod in eâ contutor habeatur pro extraneo. l. 5. 6. D. hic. l. si duo. §. 1. D. Admin. tutel. l. 1. l. fin. Cod. Si ex plur. tutor. l. fin. Cod. hic. Azo in summ. Cod. eod. n. 4.

Quid si tutor sit honorarius, causâ honoris datus, & ut sit observat^{us} actus, qui geritur, atque custos, quid si datus sit causâ notitiæ, qui administratorem tutorem instruere potest? l. 3. §. 2. D. Admin. tutor.

Is etiam suam auctoritatem interponere debet, quod ad eum periculum tutelæ, ex cussio prius administratore, redundet. d. l. 3. §. 2. l. pupillum etiam. 49. D. Acquir. hæred. l. 14. §. 1. D. solut. Neq; huic sententiæ officit. l. 4. in princ. D. hic. l. 3. §. Prætor. D. de susp. tutor. Quia intelligendæ sunt de eo tutore, cui vel denegata est administratio, vel qui remotus est ab officio.

Quid si uni commissâ sit administratio, non tamen cum exclusione cæterorum? Is quidem gerere tenetur, cui illa cura est demandata, cæteri tamen gerere poterunt, licet non cogantur, adeoque & auctoritatem rei gerendæ præstare. l. quod si forte. §. 1. D. de Solut.

Si tamen eâ lege uni commissâ sit gestio, ut cæteri repellantur, tunc cæteri auctoritatem accommodare non poterunt; ut administrationis intuitu tutores definire videantur. Azo in summ. Cod. hic. n. 1. 2. 3. Duaren. hic. c. 3. & tit. de Acquir. hæred. c. 4. Donell. 3. comment. 13. Bronchorst. 3. Antinom. 43. Bacchov. ad Wesemb. Parat. D. hic. n. 3. & ad Treutl. vol. 2. disp. 12. thes. 6. litt. a. b. c. Anton. Matth. disp. 3. de Tutel. n. 21. vid. Montan. de tutel. c. 30. n. 21. ex parte dissentientem.

5. *Deteriorem vero non aliter, quam cum tutoris.*] Regula est, quod pupillus deteriorem suam conditionem non faciat sine tutoris auctoritate, sicuti nec efficaciter obligari poterit. init. hic. Varii tamen casus in jure nostro ab hac regulâ excipiuntur, quibus conveniri poterit pupillus.

Putâ, si quid gesserit, ex quo factus sit locupletior: tunc enim in pupillum ex const. Pii efficax dabitur actio, quam propter Imperatoriam constitutionem naturalis illa parit obligatio, non tamen in civilem transformata, sicuti quandoque pactum lege confirmatum, actionem parit, licet non transeat in contractum. l. 13. in fin. l. 14. D. Condict. Indeb. l. 1. §. 11. D. depof. l. 3. §. 4. D. de Negot. Gest. l. 3. in princ. D. Commodat. l. 5. in princ. D. hic. vid. Sneider. ad instit. hic.

Si proximus pubertati crimen vel delictum commiserit, quod is doli capax censi possit. l. 112. D. de Reg. jur. ut tamen poenæ in ipso sint temperandæ & mitigandæ, sicuti in minore annis 25. l. 37. D. de Minor.

Si obligatio sine consensu ex ipsâ re nascatur, ut obtinet in quasi ex contractibus, tutelæ, communi dividundo, negotiorum gestorum, &c. l. 46. D. Obligat. Actio. tot. tit. D. de Contr. tutel. Actio. Si pupillus nomine alieno contrahat, ut si institor, si procurator ad negotia à quopiam sit electus. l. sed & si. §. pupill. D. contrah. empt.

§. 1.

1. TUTOR Hæreditatem adire non potest. | 2. Eam adit PUPILLUS TUTORE AUCTORE.

NEquè tamen hæreditatem adire.] Quandoque non sufficit tutoris auctoritas, in quantum requiritur ut ipse pupillus quid agat. Id quod ob-
tinet, si de adquirendâ hæreditate, subintellige, extranei agatur. §. sui autem. Instit. de Hæred. ab Inst. §. 1. hic. Quam tutor adire per se non potest, quod hæreditatis aditio esset actus legitimus, sic ut pupillus eam tutore auctore debeat adire. Poterit tamen sine tutoris auctoritate conditionem hæredi adpositam implere, etiam sese hæreditati, si suus fuerit hæres, jure prætorio immiscere. §. sui. Instit. de Hæred. qual. & differ. l. si pupillus. D. de condit. inst. Sicuti & possessionem adquirere. l. 4. §. pupill. 2. D. de Usucap.

Quod si pupillus non habeat intellectum lege Theodosii ei succurritur, ut per tutorem hæreditatem adire valeat. l. 18. Cod. de jure delib.

Quamvis illi lucrosa sit.] Non poterit sine tutoris auctoritate pupillus adire hæreditatem, quod ea sæpe sit damnosa, propter æris alieni magnitudinem. l. 32. D. Mandat. Quinimo licet locuples sit hæreditas, nec ullum damnum pupillus habeat, (sic accipio verba textus) non tamen eam irrequisito tutore adibit. Quoniam hæreditatis compendium, interdum magno luendum est incommodo, quia nos oneribus subjicit hæreditariis, & creditoribus obligat hæreditariis ex vëro contractus, quod non erat in pupillo admittendum. instit. hic.

§. 2.

1. Præsentia, & consensus TUTORIS de præsentia, requiritur. | 2. Ut tamen moderamen sit adhibendum. | 3. De Moribus Juris Civilis scripta loquitas hic est sublata.

Tutor autem statim in ipso negotio.] Tutoris auctoritas est ille consensus expressus, qui negotio pupilli adhibetur de præsentia. l. 3. D. hic.

Dico expressus, quod nec taciturnitas, nec præsentia tutoris, auctoritatem hic imitetur, nisi negotium tale sit, ut expressum consensum de se non requirat. l. 2. D. hic. Montan. c. 30. n. 5. & c. 43. 44.

Dico, de præsentia, ut excludatur ratihabitio, quæ est de præterito, & mandatum vel jussus, ut est de futuro. Pars enim solemnitatis est auctoritas, quæ in ipso actu intervenire debet, etiam propterea, ne circumveniantur aut decipiantur pupillus. l. 9. §. 5. D. hic. l. quicumque. §. fin. D. Publ. in rem action. Nec obstat. l. semper. 60. D. de Regul. jur. Quoniam tum

sufficit ratihabitio, cum consensus de præsenti requiritur pro solemnitate, & non tantum pro confirmatione ejus quod gestum est. Bald. in l. 1. Cod. qui admitti.

Non tamen sola præsentia sufficit, verum necessum est, ut sanæ mentis sit tutor, ut vigilet, & quid agatur, intelligat, & sponte fiat auctor, non invitus, non per vim retentus. l. 1. §. fin. l. 2. D. hic. Sicuti nec sufficit ejus consensus conditionalis, licet quod geritur negotium sit conditionale. l. & si. 8. D. hic. Azo in summ. Cod. hic. n. 8.

Ut tamen interrogetur tutor, non erit opus? Arg. l. 3. D. hic. quod non versemur in materia stipulationis, ubi responsio fieri debet ad interrogationem antecedentem. Azo in summ. Cod. hic. n. 5. Montan. de Tutel. c. 30. n. 2. Sicuti necesse non est, ut ab initio ad finem negotio intersit tutor. l. nunquam. 31. D. de Usucap. l. 25. §. jussum. D. de Acquir. hæred. vid. Cujac. 13. obs. 31. Donell. 3. comment. 13. Montan. d. c. 30. n. 50.

2. *Statim in ipso negotio.*] Hæc verba cum aliquo moderamine, atq; temperamento sunt accipienda, saltem ut excludant intervallum temporale, ut excludatur epistola, nuncius, per quem auctoritas interponi non potest. §. 2. Unde si negotio, quod perficitur, dum sunt in opere, vel modo perfectis, superadveniat tutor, pro præsente habebitur. l. 25. §. jussum. D. Acquir. Hæred. Argum. l. 1. §. 1. D. verb. obligat. l. 6. §. fin. D. de duobus reis. Sicuti, si negotio mox gerendo præscripserit formam, & gestionis limites determinaverit. l. 31. in princ. D. de Usucap. vid. Duaren. hic. cap. 2. Bronchorst. 2. Miscell. 6. & 3. Antin. 41. Bacchov. ad Treutl. vol. 2. disp. 8. thes. 6. litt. E. vid. Lyclam. 3. Eclog. 17.

MORIBUS.

3. De consuetudine hanc juris Romani scripulositatem esse sublatam, sic ut vel ratihabitio tutoris sufficiat, testantur pragmatici. Montan. de tutel. c. 30. n. 50. Desselius in not. ad Zoef. Instit. hic. Groenweg. de ll. abrog. instit. hic. An satis rectè, & in pupillorum commodum id sit receptum, ipsi viderint.

§. 3.

- | | |
|--|---|
| 1. Quandoque non potest intervenire TUTORIS AUCTORITAS. | 3. Ad alienationem bonorum pupillari- um opus est decreto. |
| 2. Nemo potest esse in re sua AU- CTOR. | 4. Quorundam STATUTIS eo opus est, licet PARENS sit TUTOR. |

1. *Si inter tutorem & pupillorum.*] Quandoque accidit, ut tutoris auctoritas rei gerendæ adhibita non sufficiat, & vel solius alterius privati consensus requiratur, vel præter tutoris auctoritatem publicum decretum

vel

vel sententia sit interponenda. Prioris casus exemplum proponitur in §. fin. hic. ut si inter tutorem & pupillum iudicio sit agendum, quia lis inter eos est orta. Litem ortam intellige ratione negotiorum ante tutelam contrahentium, nam tutelæ iudicium, quod generale est, non nisi finitâ tutelâ exercetur. §. fin. tit. Præced. l. 4. l. 10. D. de Tutel. & Ration. distrah. Unde litis illius nomine olim si non essent contutores, novus à Prætoris tutor decernebatur. Ulpian. in Fragment. tit. 10. jure posteriori, nisi sint contutores, vel cum omnibus sit controversia, curator ad eam rem pupillo decernitur. §. 3. hic. l. 3. §. si pupillus. D. de Tutel. l. 24. D. de Testam. tutel. Qui finitâ illâ lite, curator esse desinet. l. 3. Cod. in lit. dand. tutor. Jure tamen novissimo hic §. per Nov. 72. est immutatus, saltem ex parte, in quantum cautum est, ne debitor vel creditor pupilli sit ejus tutor, exemptâ matre, quæ propterea non arcetur à tutelâ liberorum. Nov. 94.

Ratio generalis decisionis §. 3. propositæ hæc est, ne quis directe in rem 2. suam fiat auctor. l. 5. & seqq. D. hic. id quod DD. extendunt ad omnes alios, qui vel rem privatam, vel publicam administrant. vid. Tiraquell. post ll. connub. gloss. 6. n. 111. usque ad num. 123. Fachin. 11. contr. 46. Merend. 2. contr. 35. Fabrum in suo Cod. hoc tit. def. 2. Coras. 6. Miscell. 14. 15. Montan. de tutel. c. 30. n. 60. & seqq.

Dixi, quandoque præter tutoris auctoritatem desiderari publicum decretum, ut quod geritur valeat. Id quod accidit in casibus enumeratis l. 2. §. 3. l. 7. §. 1. D. Pecul. & 6. 2. v. sed hoc etiam. Instit. quib. alien. licet. & §. fin. Instit. de Curator. potissimum, si agatur, de rerum pupillarium alienatione. tot. tit. D. & Cod. de Rebus eorum qui sub tutel. ut tamen parentem velint exceptum, quem citra decretum bona pupilli alienare posse censent, per l. fin. Cod. De bon. quæ liber. ibidemque DD. De quibus omnibus, quandoquidem ad illorum titulorum explicatione absolvuntur, hic non sum acturus. Judicasse suffecerit autores, quorum scripta hæc omnia enucleant accuratè. Vid. Castrenf. consil. 213. Argentr. ad Britann. artic. 481. gloss. 3. Barbof. ad l. 6. D. Solut. Matrim. Menoch. 3. Arbitr. 171. Sand. de Prohib. rerum alien. p. 1. c. 1. §. 3. 4. 5. Pinell. ad l. 2. Cod. de Rescind. Vend. p. 2. c. 2. n. 26. Montan. de Tutel. c. 33. per totum. Maxvium ad Lubec. 1. tit. 7. artic. 8. 10. 13.

M O R I B U S.

Quorundam statutis locorum opus esse videtur decreto judicis ad alienationem bonorum pupillarium, licet parens sit tutor vel curator. vid. Rubric. 28. art. 6. Statut. Ultrajectini. Sand. 2. tit. 9. def. 11. 14. ibique DD. & tit. 7. def. 4.

LIBER. I. TITULUS. XXII.

QUIBUS MODIS TUTELA FINITUR.

Pupilli pupillæque, cum puberes esse cœperint, à tutela liberantur, Pubertatem autem veteres quod non solum ex annis, sed etiam ex habitu corporis in masculis estimari volebant, Nostra autem majestas dignum esse castitate nostrorum temporum existimans, benè putavit, quod in fœminis etiam antiquis impudicum esse visum est, id est, inspectionem habitudinis corporis, hoc etiam in masculos extendere. Et ideò nostrâ sanctâ Constitutione promulgatâ, pubertatem in masculis post decimum quartum annum completum illicò initium accipere disposuimus, antiquitatis normam in fœminis benè positam, in suo ordine relinquentes, ut post duodecim annos completos viripotentes esse credantur.

1. Item finitur tutela, si adrogati sint adhuc impuberes, vel deportati: item si in servitutem pupillus redigatur, vel si a hostibus captus fuerit.

2. Sed & si usq; ad certâ conditionē datus sit tutor testamento, æquè evenit, ut desinat esse tutor existente conditione.

3. Simili modo finitur tutela morte vel pupillorum, vel tutorum.

4. Sed & capitis deminutione tutoris, per quam libertas vel civitas amittitur, omnis tutela perit. Minima autem capitis deminutione tutoris, veluti si se in adoptionem dederit, legitima tantum tutela perit, cæteræ non pereunt. Sed pupilli & pupillæ capitis deminutio, licet minima sit, omnes tutelas tollit.

5. Præterea qui ad certum tempus testamento dantur tutores, finito eo, deponunt tutelam.

6. Desinunt etiam tutores esse, qui vel remonentur à tutela, ob id, quod suspecti visi sunt: vel qui ex justa causa sese excusant, & onus administrandæ tutelæ deponunt, secundum ea, quæ inferius proponemus.

COM-

COMMENTARIUS.

IN PRINC.

- | | |
|---|--|
| 1. <i>Olim alia erat TUTELA Sexus, alia Etatis.</i> | 4. <i>Quomodo Veteres de PUBERTATE judicaverint?</i> |
| 2. <i>TUTELA finitur PUBERTATE.</i> | 5. <i>PUBERTAS in Jure multiplex.</i> |
| 3. <i>Nihilominus tenetur TUTOR PUBLERIS negotia imperfecta expedire.</i> | 6. <i>Quid Jure Hebræorum obtinuerit?</i> |
| | 7. <i>Quid Moribus?</i> |



Upilli pupillæque.] Olim fuit alia tutela sexus, alia ætatis;

illa erat fœminæ tutela, hæc impuberum. Neque illa finiebatur certo tempore, vel annorū numero, hæc vero usque ad pubertatem durabat, quando in suam tutelam puberes facti venire dicuntur. in med. Principii Instit. De pupill. Substit. l. 9. §. 1. D. de Admin. tutor. l. 51. D. Leg. 3. Mulieres antiquo jure, perpetuā tutelā, etiam provectā ætate continentur : pupillorum tutela certus annorum numerus terminum facit. Bœt. 4. ad Topic. Ciceron. Quod etiam suā ætate confirmaverat Ulpianus, qui tit. 11. scribit. Fœminis tam impuberibus quam puberibus, & propter sexus infirmitatem, & propter rerum fœrensium ignorantiam tutores constitui. vid. insignia huc facientia apud Contium 2. Lect. 13.

Dixi muliebrem tutelam non finitam fuisse tempore, suos tamen illa de jure antiquo sortita est terminos, quibus positis, mulier in tutelā esse definebat. Id quod obtinebat, si virgo Vestæ caperetur. Ulpian. tit. 10. in fin. Si in manum mariti convenisset. Bœt. in Topic. Ciceron. Si liberta quatuor liberorum jure gauderet; tunc enim patronorum tutelā legitimā liberabatur. Ulpian. tit. 29.

Jure posteriori, sublata tutelā sexus, nonnisi ætatis superest tutela, quæ 2. finitur pubertate. init. hic. l. nifi. in princ. D. hic. & fin. l. 1. Cod. Quand. tut. vel curat. esse defin. Ulpian. tit. 11. §. fin. Macrob. in Somn. Scip. 1. c. 6. Quā enim ætate ad generandum censentur habiles, aptique qui proprios zueantur liberos, iisque prospiciant, eā etiam ad sui tuitionem, vel ut suæ fiant tutelæ, judicantur idonei. l. 9. §. 1. D. Admin. tutel.

Nec tantum pubertate tutela ipsa finitur, verum etiam actor, qui à tutore constitutus erat, curator itidem tutori adjunctus, finitā tutelā, esse definit. l. 25. D. de Tutor. & curat. dat. l. potuit. l. propter. Cod. In quibus

bus caus. tutor vel curator datus ab his. l. 1. Cod. quand. tutor. vel curator esse desin.

3. Ut tamen pubertate finitâ tutelâ, quandoque tutor puberis negotia prosequi teneatur usque dum iis finis sit impositus. Id quod accidit, si causæ coeptæ fuerint ante pubertatem; maxime cum nondum redditz sunt rationes, aut instrumenta ad causam instruendam pertinentia. l. ita autem. §. post completum. D. de Admin. tutor. l. unic. Cod. Ut caus. post. pubert. adf. Boër. ad Bituric. tit. 1. §. 8. Alexand. vol. 2. consil. 135. n. 2. Sicuti etiam tutoris hæredes ad explicanda ea, quæ inchoata sunt, tenentur, nisi puberi post pubertatem curatorem dari curaverint, inque eundem transferri administrationem. l. 1. D. de fidejuss. & hæred. tutor. Sand. 2. tit. 9. def. 18.

Quinimo tutor etiam quoad causas nondum à se inchoatas tenebitur, si puberi non curaverit peti curatorem, & in eum transferri gestionem. l. à tutoribus. §. officium. l. ita autem. §. si tutor. D. Admin. tutel. l. admone. Cod. Qui pet. tutor. vel curat. l. ult. Cod. de Peric. tutor. l. unic. Cod. Ut caus. post. pupert. adf. Boër. ad Bituric. §. 8. Ræv. 1. varior. 17. Cuitiert, de Tutel. p. 2. c. 19. Montan. de Tutel. c. 37. n. 81.

4. Pubertatem autem veteres.] Inter veteres non conveniebat, an pubertas annis, an vero corporis habitu æstimaretur. Quintil. 4. c. 2. *Puberem Cassiani quidem eum esse dicebant, qui habitum corporis pubes apparet, id est, qui generare potest: Proculi autem, eum qui quatuordecim annos explevit: verum Priscum, supple Javolenus, eum puberem esse, in quem utrumque concurrat, & habitus corporis, & annorum numerus.* Ulpian. in Fragment. tit. 11. Servus ad Eclog. 8.

Non tamen credendum est veteres ex inhonestâ corporis inspectione de pubertate iudicium tulisse. Ut dicendum sit Tribonianum per ignorantiam juris antiqui, sicuti & in l. fin. Cod. quand. tut. vel. curat. frustra jurisconsultis assignere illam corporis inspectionem, atque adeo omnium explorationem membrorum, quam alibi *habitudinem* appellat Apulejus. Licet enim talis explorationis apud Platonem in Ideâ suâ Reipubl. libr. 11. fiat mentio. Etiam negari non debeat, quin apud Romanos in servis, qui publicè de catastâ vendebantur, fuerit admissa, quorum membra, artus, & læceti contrectabantur. Non tamen ullâ juris auctoritate, vel ratione probabili suaderi poterit, tantam improbitatem gentem Romanam unquam vel conniventibus oculis in suâ republicâ tolerasse. Rævard. Varior. 4. cap. 10. Donell. 9. comment. 14. Hieron. Magius 1. Miscell. 2. Bacchov. disp. 8. ad Treutl. thes. 1. litt. E. Ut quæcunque auctorum testimonia in adversum à dissentientibus diriguntur, ad eam corporis inspectionem sint referenda, quæ etiamnum de jure canonum obtinet; quo illi censentur puberes,

tes, qui ad generandum ex aspectu & habitu, staturâ, vel viribus, judicantur idonei. l. 32. D. de Minor. diff. Cujac. Parat. Cod. Si minor se major. Fabrott. ad Theophilum, alique per locum Quintilian. declam. 279. & l. 4. Cod. qui testam. facere. Quæ tamen loca potius ad factum, quam jus, de quo hic sermo est, retuleris.

Et ideo nostrâ sanctione.] Justinianum Imperatorem Proculejanis accessisse, & hic. §. & l. fin. Cod. Quand. tutor vel curat. esse desinat. satis superque probat. Verum tamen non in eo possum assentiri Triboniano, quasi primitus Justinianus eam sententiam fuisset amplexus, cum & ante eundem Proculejanorum opinio obtinuerit. Id quod indicat locus Tertullian. libr. de Anim. c. 20. *Pubertatem animalem cum carnali dicimus convenire: pariterque & illam suggestu sensuum, & istam processu membrorum exsurgere à decimo-quarto fere anno. Non quia Asclepiades inde sapientiam suppuat, nec quia jura civilia ab hinc agendis rebus attemperant, sed quod & hæc de primordio ratio est, & hanc definitionem fuisse pubertatis jure receptam.*

Post decimumquartum annum completum.] Pubertas in maribus anno 14. 5. in sceminis 12. æstimatur. Quæ legitima dicitur ætas, legitimum tempus, quo pupillorum nomen deponitur. l. 96. D. Adq. hæred. Senec. Consol. ad Marc. c. 24. Macrobi. sat. 7. c. 7. Quintil. Declam. 280. Neque annus postremus ceptus habetur pro completo, licet diem postremum anni finalis attigisse sufficiat, ut ceptus dies censeatur esse completus, id quod in pupillorum favorem est admissum. l. 5. D. qui testam. facere. Secus quam obtinebat in minoribus, ubi ceptus dies postremus pro completo non habetur, quo minori per in integrum restitutionem esset consultum. l. 3. §. 3. D. de Minor. vid. Boër. ad Consuet. Bituricens. tit. 1. §. 8. v. accomplis. Montan. de Tutel. c. 37. n. 29. & seqq.

Quandoque tamen de jure civili in causâ favorabili pubertas ad annos 14. in sceminis, ad 18. in maribus est extensa, puta, si alimenta iisdem ad pubertatem usque sint relicta. Id quod per Hadriani Principis Constitutionem est introductum. l. nola. D. de Alim. Legat. Quinimo si de veniâ ætatis impetrandâ agatur, in maribus ad 20. in sceminis ad 18. ætatis annum extenditur. Sicuti & pubertas anno 18. æstimatur, quando de filio adoptando sermo est; quæ plena pubertas appellatur. §. 4. Inst. de Adopt. l. 2. Cod. qui ven. ætat. Nov. Leon. 28. vid. Montan. cap. 5. num. 127. & seqq.

JURE HEBRÆORUM.

Rabbini apud Judæos similem fere corporis inspectionem, ineptam & prorsus impudicam adinserunt, qualem hic fingit Tribonianus. Puella enim cui anno 12. atq; die unico exacto duo saltem pubis pili, quos signum

inferius vocant, excreverint, pro minori habebatur. Similis in masculo ratio observabatur, qui tunc habitus major, & vir, cum exacto anno 13. præter diem unicum bini ejusmodi pili circa pudenda excrevissent. Quod ex Maimon. in Sanhedrin c.8. §.1. allegat. Fabrot. in not. ad Theophil. hic.

MORIBUS.

7. De jure feudali Saxonico censetur quis pubes, ubi compleverit annos 13. & menses. 6. Sncidw. ad init. instit. hic. Rittershus. ad Novell. p. 8. c. 9. num. 10.

Aliibi pro pubere habetur, si nuptias contraxerit. Velav. tit. 29. §.1. Antverp. tit. 43. §. 66. Transil. 2. tit. 4. §.1. Davent. 3. tit. 3. §. 21. Mechlin. 19 §. 27. Amstelod. §. 24. Slusan. tit. 19. §.1. & ult. Grot. 1. introd. 10. §. ten tweeden. Zyp. notit. tit. de Tutor. §. matrimonio. Mævius ad Lubec. 7. §.1. n. 21.

Quinimo vix uspiam de moribus pubertate finitur tutela, verum demum si quis majorennis sit effectus, quod tutorum & curatorum nomina sint confusa. Gail. 2. observ. 96. n.1. 6. Rittershus. ad Nov. 8. c. 9. n. 17. Montan. c. 37. n. 86. & seqq. Groenweg. hic. Dessel. in not. ad Zoef. instit. eod. ibique DD. Anton. Matth. disp. fin. de tutel. n. 59. Coppen. 1. observ. 64.

§. 1.

1. TUTELA finitur omni capitis deminutione PUPILLI. | 2. Non tamen captivitate.

1. **I**tem finitur.] Proponitur hic alter modus, quo tutela finitur, puta, capitis deminutione pupilli; eaque vel minimâ, vel mediâ, vel maximâ. Illâ quando consensu tutorum adrogatus est pupillus. l. ult. Cod. de Auctor. Præstand. Cum enim se in familiam, & domum alienam transferat, & cum capite fortunâ. l. 11. §. testam. D. de bon. possess. secund. tabul. eique tum sufficiat ad rerum gubernationem, suæque personæ tuitionem auctoritas patris adrogantis. l. ult. Cod. de curat. furios. tutore nullo indigebit. Istâ, quando pûpillus qui proximus erat pubertati, ob commissum delictum est deportatus. §. 1. hic. Licet enim in parvulis, id est infantibus, iisque qui infantie proximi sunt, nulla deprehendatur culpa. l. pen. D. de fideic. libert. Qui tamen ejus est ætatis, ut dolum capiat, qualis est pubertati proximus, is supplicio affici potest. l. 14. D. Ad Senatusc. Silanian. l. pupillum. 111. D. de Reg. juris. Verum qui deportatus est, rebus omnibus, quæ sunt juris civilis, spoliatur, ut in tutelâ remanere nequeat. l. 17. D. de Pæn. l. fin. §. fin. Cod. de Sent. Pass. Hæc, si libertate pupillus privetur, id quod accidit in servitutem revocatione, quod libertus in patronum exsisterit ingratus. §. 1. hic.

Non

Non tamen ad amplissimam libertatem, quâ tutela finiatur referam captivitatem, ut perperam hic fecit Theophilus; cum non tam per eam tutela finiatur, quant sit in suspensio. Nam si pupillus ab hostibus fuerit reversus, ejus tutela redintegratur, idque per fictionem postliminii. Hottom. hic. Et licet contraria opinio placeat Balduino, qui spem postliminii non moratur, Quia tamen in tutore capto, propter eandem spem non finitur, cur in pupillo finitur; cum ex naturâ correlativorum, quod de uno asseritur, de altero negari non debeat. l. 8. D. de Tutel. & Ration. distrah. Quæ etiam ratio est, quod interim, ne pereant, bonis detur curator. l. 15. §. 1. D. Ex quibus caus. major. l. imuto. §. ult. D. de Tutel. Quem si pupilli mater petere neglexerit, ab impuberis successione repellitur. l. 2. §. si mater. D. Ad Sc. Tertull. vid. Montan. c. 37. 2. n. 98. & seqq.

§. 2.

TUTELA finitur die incerto, vel conditione existente.

Sed & si usque.] Siquidem existat conditio, vel dies incertus, qui conditioni comparatur, ad quam tutor erat datus, etiam in illius personâ finitur tutela, quod tutor esse desinat. §. 2. hic. Id quod tantum obtinere in tutelâ testamentariâ, non dativâ, in superioribus est declaratum. Hæc tamen postrema, finitur existente die vel conditione, quæ subintelligi poterat, non exprimi debebat, per l. 77. D. de Regul. juris.

§. 3.

1. *Morte TUTORIS solvitur TUTELA.*

adefecit.

2. *Non si plures sint TUTORES uno defuncto administratio superstiti*

3. *Hæres TUTORIS imperfecta negotia perficere tenetur.*

Simili modo.] Modus qui finem plerisque rebus & negotiis imponit, atque adeo tutelæ, mors est, sive ea sit tutoris, sive pupilli, sive utriusque simul. Neque enim ulla datur tutelæ species, quæ jure hæreditario ad alium transeat. l. 16. D. de Tutel. cum quæ personalia, unâ cum personâ, extinguantur. l. Servitutes. 209. D. de Regul. juris. vid. tamen casum à me explicatum & elucidatum, ad tit. instit. ad Fiduciar. tutel.

An ergo, si duo sint tutores, altero defuncto ejus pars quam administrabat, ad crescit superstiti? Non videtur, per l. 2. fin. Cod. in quibus caus. tutor. habenti. Specul. libr. 2. tit. de instrum. edit. §. 13. n. 13, Montan. c. 37. n. 131.

An igitur, quæ imperfecta negotia sunt relicta, defuncto tutore, ejus hæres negligere poterit? Non videtur, sic ut ea perficere debeat, sive sint

extrajudicialia, sive judicialia. l. 1. D. de fidejuss. ~~Chazred.~~ tut. l. 27. §. pen. D. Neg. Gest. Sand. 2. tit. 9. def. 18. Anton. Math. disp. 4. de tutel. num. 3.

§. 4.

Capitis deminutione TUTORIS finitur TUTELA, non omni tamen, nec omnis TUTELA.

S*Ed & capitis deminutione.]* Non sicuti omni pupilli capitis deminutione perit omnis tutela, extinguitur omnis, per tutoris quamcunque capitis deminutionem. Nam si tutor minimam sit passus, puta si semet in adoptionem dederit, nonnisi legitima tutela, quæ est agnatorum, antiquo jure peribat. §. 4. hic. Id quod postmodum fuisse sublarum, per Nov. 118. c. 5. sic ut minima capitis deminutione non amplius pereat, tutela legitima agnatorum, explicui ad tit. Instit. de legitim. agnat. tutel.

Quia tamen per magnam & mediam capitis deminutionem tutoris omnis indistinctè tutela pereat, dubium non habet, eo quod servus pro mortuo habeatur, & ab omni officio remotus. l. in his 209. l. 175. D. de Reg. jur. etiam deportatus civiliter mortuus peregrinis adnumeretur, ut tutelæ officio fungi nequeat. l. 1. §. pen. D. bonor. poss. contr. tabul. l. 17. D. de Pœnis.

§. 5.

Ad tempus concessa, illo adveniente, finiuntur.

P*raterea qui.]* Tempus expressè præfinitum à testatore, tacite à magistratu, ad quod tutor vel testamentarius, vel dativus est constitutus, si quondam existat, finem tutelæ imponit. §. 5. hic. l. 77. D. de Reg. juris. Est enim juris regula, quod ad tempus data, vel concessa, eo finito, esse desinant, idque vel ipso jure, vel ope exceptionis. l. 4. in princ. D. de Servitut. l. 21. l. 23. D. de Vulg. Substit. Zocf. D. cod. n. 62.

§. 6.

- | | |
|---|---|
| 1. <i>Definit esse TUTOR, qui remotus, qui excusatus in perpetuum, nunquam fuit TUTOR, ut non desinat esse.</i> | 2. <i>Definit esse TUTOR, qui PATRE restituto, reverso, interim TUTOR fuerat.</i> |
|---|---|

D*efinunt etiam.]* Adjiciuntur hoc §. alii duo modi, quibus finitur tutela, vel potius desinunt esse tutores, qui fuerant dati; Puta, si removeantur ut suspecti, vel si excusentur. De modo priori speciali titulo, in sequentibus erit dicendi locus, neque alter modus, si loquamur accuratè,

tutate, facit tutelam finiri. vid. Cujac. in not. Posterior. Aut enim qui datus est tutor, ad tempus excusatur, aut in perpetuum. Si prius, non desinit esse tutor, neque in locum ejusdem interim dabitur tutor. l. 16. D. de tutor. & curat. dat. Si posterius obtineat, non tam finitur, ut quæ nunquam gesta est, quam non suscipitur tutela: quapropter in locum tutoris dati, inque perpetuum excusati, quasi nunquam datus fuisset, alius erit constituendus. l. 11. D. Testam. tutel.

Potius subjici posset modus quis specialis, quo tutela propriè finitur, puta, quando pater impuberis deportatus, quondam restituitur quam plenissime, tunc enim qui tutor pupillo datus erat, tutor esse desinet, adeoque finietur tutela, dum impubes relabitur in potestatem sui patris. l. fin. Cod. de Sent. Pass. & Restit.

LIBER. I. TITULUS XXIII.

D E

CURATORIBUS.

Masculi quidem puberes, & fœminæ viripotentes, usque ad vicesimum quintum annum completum, curatores accipiunt: quia licet puberes sint, adhuc tamen ejus ætatis sunt, ut sua negotia tueri non possint.

1. Dantur autem curatores ab eisdem Magistratibus, à quibus & tutores. Sed curator testamento non datur: datus tamen confirmatur decreto Prætoris, vel Præsidis.

2. Item inviti adolescentes curatores non accipiunt, præterquam in litem. Curator enim & ad certam causam dari potest.

3. Furiosi quoque & prodigi licet majores viginti quinque annis sint, tamen in curatione sunt adgnatorum ex Lege XII. Tabularum. Sed solent Romæ Præfectus urbi vel Prætores, & in provinciis Præfides ex inquisitione eis curatores dare.


4. Sed & mente captis, & surdis, & mutis, & qui perpetuo morbo laborant (quia rebus suis superesse non possunt) curatores dandi sunt.

5. Interdum autem & pupilli curatores accipiunt, ut puta si legitimus tutor non sit idoneus: quoniam habenti tutorem tutor dari non potest. Item si testamento datus tutor, vel à Prætore aut Præsidente, idoneus non sit ad administrationem, nec tamen fraudulenter negotia administret, solet ei curator adjungi. Item loco tutorum, qui non in perpetuum, sed ad tempus à tutela excusantur, solent curatores dari.

6. Quod si tutor adversa valetudine, vel alià necessitate impediatur, quo minus negotia pupilli administrare possit, & pupillus vel absit, vel infans sit, quem velit actorem periculo ipsius tutoris, Prætor, vel qui provinciæ præerit, decreto constituet.

COMMENTARIUS.

IN PRINC.

- | | |
|---|---|
| 1. CURA definitur. | RUM auctoritate obligantur. |
| 2. Differentia inter CURAM & TUTELAM proponitur. | 6. MINOR, quamdiu Minor esse censetur? |
| 3. MINOR sine CURATORE potest obligari. | 7. Jure Mosaico MASCULI censentur majores anno 25. |
| 4. Moribus CURATORUM & TUTORUM non sunt distincta nomina. | 8. Consuetudo variat. |
| 5. Neque MINORES sine CURATORE | 9. FOEMINÆ de Moribus sunt incur à MARITI, aliter extraneum desiderant CURATOREM. |
1.  *Asculi quidem puberes.*] Impuberes facti puberes, & à tutelâ liberati, non omnino liberati censentur. Licet enim sui sit potens, non tamen propter lubricum consilii, semper res suas satis bene poterit administrare. Ut ea propter sub curatore agere debeat, qui tutori subesse desiit. Non ut curator personæ tam consulat minoris, quam bonorum administrationi, negotiis gerendis datus, utque substantiam puberis tucatur, l. 1. D. de minor. l. 16. D. Excus. tutor, l. 39. §. 2. D. de Liber. Caus. l. 78. §. 1. D. Ad Trebell.

Unde cura definiri poterit, quod sit potestas in capite libero, idque ad curanda ejus negotia, qui ratione ætatis, vel animi corporisve vitii, vel alterius accidentis, ea gerere non potest, vel non satis bene. Et

Et licet in nonnullis cura & tutela comparentur, quæque hæcenus dicta 2. fuerunt de tutoribus, etiam in multis curatoribus sint applicanda, sicuti & illa, quæ tribus sequentibus titulis explicabuntur. Multas tamen differentias inter curatores & tutores observare licebit, quas fere omnes hic titulus nobis suppeditat.

Curatores enim indistincte maribus & fœminis dati, ad annum 25. sunt constituti, cum qui dati tutores fœminis ad annum 12. maribus ad annum 14. dati censeantur.

Illi, non tantum puberibus, verum quandoque impuberibus, vel eorum negotiis præficiuntur; hi non nisi impuberibus dari solent. init. hic.

Illi potissimum rei gerendæ præficiuntur, & forte ei tantum; hi personæ sunt præpositi, & per consequentiam rei. init. hic. & §. 4. Instit. de Testam. tutel.

Illi testamento non dantur, dati tamen confirmantur; hi vero æque testamento, atque lege, vel à magistratu, constitui solent.

Illi, invitis non dantur, præterquam in litem; pupillis è contra invitis & reuientibus datur tutor. §. 2. hic.

Illi stante curâ poterunt conveniri super re certâ; hi durante administratione, non item. l. 4. §. 4. D. Rem. pup. salv. fore. l. 16. in fin. D. de tutel. & Ration. distrah.

Illi ad certam litem, ad certam causam dantur; tutores non item, saltem non regulariter. §. 2. hic. §. 4. Instit. de Testam. tutel.

Illi etiam tutorem habenti dantur; ast habenti tutorem communiter tutor dari non debet. §. 5. hic.

Illos consentire non est necessum, ut suam personam minor obliget; fœcus quam obtinet in pupillo, qui sine tutoris consensu semet obligare non potest efficaciter.

Quod ut appareat magis, distinctione adhibetâ, differentiam à me datam 3. explicabo. Nam si loquamur de minore, vel is curatorem habet, vel eo caret, quod invito, uti dictum, curator non detur. Si curatorem nactus sit minor, videndum est, quo referri debeat, quod à minore gestum, puta, an personam minoris spectet, an vero ejusdem bona. Nam si quod gestum est à minore, ejus solummodo personam concernat, valebit quod gestum est, etiam si curatoris deficiat consensus; quod personam suam minor obligare valeat, sine curatore suo, id est, eo, quem habet, salvo tamen ipsi remedio restitutionis, si se læsum esse docuerit. l. 3. D. Obligat. & Action. l. 20. D. Ritu Nupt. l. 101. D. verb. obligat. tit. D. de minor. Quod si negotium respiciat bonorum minoris administrationem, atque alienationem, ut si cum quopiam contrahat vendendo sua, sic ut in consequentiam veniat

bonorum alienatio, nihil agit sine consensu curatoris, & decreto judicis, ut contractus sit ipso jure nullus, nec opus erit beneficio in integrum restitutionis. l. 3. Cod. de in integr. restit. & tit. Cod. Quand. restit. non est opus. tit. D. & Cod. de Rebus eorum, qui sub tutel.

Quod si minor curatorem non habeat, omnibus cum ipso contrahentibus obligabitur, & naturaliter & civiliter simul; in tantum etiam ut sua bona alienare valeat. l. 1. D. de Novat. l. 3. Cod. de in integr. restit. Ut tamen si se laxum esse demonstraverit, per auxilium restitutionis illi succurratur. tit. D. & Cod. de in integr. restit. Minor. §. si quis 33. Instit. de Action. vid. Cujac. Parat. D. hic. & ad d. l. 101. D. verb. obligat. Vultej. discept. Scholast. 16. Fabrum decad. 6. error. 9. Hænon. disp. instit. 3. n. 17. Montan. de tutel. c. 29. & 37. à n. 62. & c. 30. n. 103. Carpzov. p. 2. const. 15. def. 25. n. 10. Zoef. D. de Minor. n. 45. & seq. ibidemque DD.

MORIBUS.

Tutorum & curatorum de generali consuetudine non sunt distincta nomina, vel officia, quod quis censeatur in tutelâ vel curâ, usque dum secundum locorum statuta, pro majorenni fuerit habitus. Gail. 2. obs. 96. Baro ad init. Instit. Quib. mod. tutel. fin. Charond. P. de droijt. libr. 2. c. 7. Gudelin. 1. de jure noviss. c. ult. in fin. Rittershaf. ad Nov. p. 8. c. 1. n. 2. & c. 9. n. 17. Grot. 1. manud. 7. Christin. 3. decif. 148. n. 14. & ad Mechlin. tit. 19. artic. 27. Montan. de tutel. c. 37. n. 86. Faber. Cod. libr. 5. tit. 29. def. 2. 3. Goristract. 4. advers. §. 14. Zoef. D. de Tutel. n. fin. Dessel. in not. ad Zoef. Instit. quibus mod. tutel. fin. Groenw. ibid. Anton. Marth. disp. fin. de tutel. n. 43. Carpzov. def. forens. p. 2. const. 11. def. 10. Statut. Ultraj. Rubric. 31. Discrimen tamen aliquod retinent Britanni. artic. 488. Etiam Bituriges. tit. 1. §. 8. ibique eorum commentatores.

Minores itidem de moribus nostris, ne quidem sine curatorum auctoritate, quos inviti accipiunt, nisi veniam ætatis impetraverint, contrahere possunt vel obligari, sic ut quod gestum pro nullo habeatur. Grot. 1. manud. 8. §. de minderjarige. Ruræm. 1. tit. 4. §. 1. n. 5. Antverp. tit. 43. §. 69. & 72. Mechlin. tit. 19. §. 21. 22. Constit. Ordin. Ultraject. de ann. 1619. Mart. 23. Transilul. 2. tit. 4. §. 11. Amstelod. Ordin. de Pupill. §. 27. Lubecens. 1. tit. 7. §. 6. ibique Mævius.

Sitamen jurato contraxerint minores, obligabuntur, nec forte restituuntur, nisi enormis intervenierit læsio. vid. Neost. suprem. curiæ decif. 80. vid. Capycium decif. 113.

Sicuti obligabuntur, quorundam moribus locorum, si consentiente curatore, adhibitâ cameræ pupillaris scientiâ, licet non adsit judicis decretum, mobilia distraxerint. Choppin. 1. de Moribus Paris. n. 8. Sand. 1. de proha.

proh. rerum alien. 1. §. 2. n. 14. Montan. de tutel. cap. 33. n. 143. Grot. 1. introd. 8. Christin. ad Mechlin. 19. §. 21. n. 10.

Quinimo parens liberorum curator sine decreto etiam immobilia vendere poterit. Mynsing. 6. obs. 61. Gail. 2. obs. 72. n. 14. Fachin. 6. contr. 40. Faber Cod. de bon. matern. def. 3. Sand. 2. tit. 7. def. 4. Christin. vol. 3. decif. 163. n. 7. vid. tamen Sand. 2. tit. 9. def. 14. Statut. Ultraject. Rubric. 28. artic. 6.

Usque ad 25. annum completum.] Quandoquidem minori utilissimum est, vel ratione ejus quod gessit ultimo die anni 25. superesse restitutionis beneficium, ea propter censebitur minor, donec extremum momentum ultimi diei impleverit. l. 1. l. 3. §. minor. D. de Minor. l. 89. D. de Minor. Unde si hæc temporis computatio minorum utilis non foret, in jure nostro annus civiliter, non ad momenta temporum, sed dies numerabitur, sic ut postremus dies incæptus pro completo habeatur. l. anniculus non statim 134. D. de verb. significat. ibique DD. Argum. l. 5. D. de Testam. l. 1. D. de Manumiss. Hinc si postremo die curator moriatur, novum esse substituendum dixerit nemo, quod id ipsum minori utile non esset futurum.

JURE HEBRÆORUM.

Videntur de jure Mosaico mares fuisse majores anno 20. ætatis, quod 7. tum temporis ad munera publica fuerint admissi. Num. 1. v. 3. 18. 20. 22. 24. & c. 26. v. 2. 4. Licet ad functionem practicam ecclesiasticam, ætatem annorum 30. desideraverint. Num. 4. v. 3. 4.

MORIBUS.

Consuetudines circa legitimam ætatem admodum variant. Secundum 8. auream bullam Carol. 4. illustrium minorum tutela finitur anno 18. d. aurea bulla. v. inter Sollicit. Rittershus. ad Nov. p. 8. c. 9. n. 10.

Ex constitutione Friderici Imperatoris de Pace Constant. lib. 5. feud. tit. 12. verb. vassalli nostri, legitima ætas, qua vassalli investendi, est annorum 16. Ad hoc autem ut pacem jurent, demum censentur majores 18. ætatis anno. Constit. Friderici Imperat. de Pace Compon. lib. 5. feud. tit. 11. in princ. Apud Longobardos ætas legitima judicabatur esse annorum 19. 2. Longobard. tit. 29. lib. 1.

Anglorum jura si spectemus, ibidem anno ætatis 14. scæminæ nobiles, & mares anno 21. tutelâ Regis liberantur. Smith de Republic. Anglic. lib. 3. c. 5. Boter. Relat. de Regn. Angl. tit. opes.

Quod Gallos atinet, sunt qui 15. annorum ætatem exigunt, sunt qui annorum 18. vid. Molin. ad Paris. §. 41. gloss. 2. n. 14. Mornac. ad l. 31. D. de legibus. Dessel. in not. ad Zoef. Instit. hic. Sunt qui annorum 21. ut Bituricenses apud Boër. decif. 350. n. 4. & Tiraq. de Nobilit. c. 20. n.

41. Quod spectat Florentinos, ibi legitima ætas æstimatur anno 20. Boët. decif. 350 n. 4. Apud Sicilienses & Neapolitanos anno 18. Afflict. Ad conslit. Regni Sicil. 2. Rubric. 38. n. 14. Marant. de ordin. judic. p. 6. art. 2.

De consuetudine Regni Hungariæ, & Transilvaniæ distinguunt inter legitimam, & provecam ætatem. Illa, in maribus pariter & fœmellis est 12. annorum, hæc in masculis annorum 24. in fœminis annorum 16. tumque omnes appellantur majores. Collect. consuet. Hungar. & Transilv. p. 1. decret. tit. 111.

Jure Saxonico nec non Bavarico minor efficitur major anno ætatis 21. Colerus decif. 6. n. 6. Carpzov. def. forens. p. 2. const. 11. def. 9. Francisc. Balthaf. Resol. jur. Bavar. 5. ref. 5. n. 26.

Apud Gelros, masculus à curâ ætatis liberatur 20. & fœmina 18. ætatis anno. Sand. de feud. Gelriæ tract. 2. tit. 1. c. 2. n. 6. p. 273.

Hollandorum more nonnisi masculus & fœmina annorum 25, extra curatelam est constituta. Grot. 1. introd. 7. in princ. & 10. in princ. Ut tamen inspectis nuptiis in fœminis annos 20. in masculis annos 25. desideraverint. vid. Polit. Ordin. Holland. art. 3.

Secundum statutum urbis Ultrajectinæ, mares 18. fœminæ 20. ætatis anno extra curatelam constituuntur. Non tamen ad omnem effectum, eum ad nuptias consensum desideraverint. curatorum, ad annum 20. si fœminæ, ad annum 25. si sint masculi. Stat. Ultraj. Rubric. 28. artic. 6. Decretum Ordin. Ultraject. super matrim. artic. 5. de ann. 1584. 6. Octobr. Ut tamen noviss. decisione de ann. 1659. April. 14. nullâ habitâ differentiâ sexus omnes demum pro majoribus habeantur 25. ætatis anno. vid. Montan. de tutel. c. 5. n. 129.

9. Quod fœminas attinet de moribus, secundum nonnullos in perpetuâ curâ censentur, si non verè, saltem secundum actum celebrationem, quem tutorem appellant *een straetvoacht*. Unde in Gelriâ, Transilul. & passim necessum est, ut, si mulier aliquem actum judicalem celebrare velit, adhibeat electum tutorem, seu mundiburdum. Idem quod jure Saxoniz de necessitate fieri, testantur Scriptores Saxones, sic ut ne quidem sine curatore extrajudicalem actum celebret. Moller. ad Conslit. Saxon. p. 2. const. 15. Carpz. ibid. def. 1. & seq. Zobel. p. 2. differ. 22. vid. Rittershus. ad Nov. p. 8. c. 9. Sand. de feud. Gelriæ. tit. 1. c. 1. n. 2. 3. & tract. 3. cap. 2. & de effectuc. c. 4. Maxium ad Lubecens. 1. tit. 7. §. 1. n. 18. Antver. tit. 42. Roseboon Syll. cons. Amstel. tit. 43. §. 4. Ruræm. 1. tit. 5. Transilul. 1. tit. 2. §. 16. Daventr. 2. tit. 11. §. 12. Moribus Hollandiæ, potius dicis causa curator adhibetur, ut licet adhibitus non fuerit, actus nihilominus valeat. Grot. 1. introd. 4. circa fin. Idem forte de Trajectinis vicinis foret dicendum.

dum. vid. tamen Montan. c. 7. n. 53. & Sand. 2. tit. 4. def. 3. & tit. 7. def. 5. Rauchb. 1. quæst. 32. vid. de Statuto Florentino. Bald. 2. consil. 407.

De consuetudine Hungariæ & Transilvaniæ quamdiu mulier est innupta nec patriæ subiecta potestati, est in tutelâ vel curâ. Collector Consuet. Hungar. & Transilv. part. 1. tit. 112.

De moribus quorundam, licet mulier sit vidua, effectibus quibusdam inspectis, nisi 25. ætatis annum impleverit, vel in tutelâ, vel potestate patris censebitur. Statut. Ultraj. civitatis Rubric. 22. artic. 6.

Quod si mulier sit maritata, de generali consuetudine est in curâ mariti, qui templaris appellatur tutor, *een Kerckvochr*. Sic ut nihil sitê gerat, vel contrahat, vel alienet, sine consensu mariti, paucissimis exceptis casibus. vid. Herbaj. Rerum Quotid. c. 13. §. 21. Gudel. 1. de jure noviss. 7. Grot. 1. introd. 4. Sand. 1. tit. 2. def. 3. & 2. tit. 4. def. 3. 2. tit. 5. def. 8. Mævium ad Lubecens. tit. 10. art. 1. n. 10. Groenw. ad Grotium loc. cit. & ad Rubric. Cod. Ne uxor pro marito. vid. Mævium ad Lubec. 1. tit. 6. art. 2. n. 29. & art. 13. n. 21. & tit. 10. artic. 5. Ex professo Ampliss. Christian. Rodenb. de jure quod oritur ex statut. divers. tit. 3. p. 2. c. 1. n. 8. & sect. 2. n. 2. & seqq. Statut. Ultraj. Rubric. Statut. Fris. libr. 1. tit. 2. n. 1. 2.

1. Quot generum sint CURATORES? | 2. Moribus testamento CURATOR dari potest.

Dantur autem curatores. Curatores in hoc titulo duorum sunt generum, vel enim dativi sunt, vel legitimi. l. 1. 13. D. hic. l. 5. Cod. eod.

Donell. 3. comm. 19. Illi dicuntur, qui ab iisdem dati magistratibus, à quibus dati sunt tutores; legitimi non alii, quam adgnati, vel iis deficientibus gentiles, ad quos successio pertinebat. Testamentarii itaque curatores nulli. An quia 12. tabulis permissum parenti tutorem dare, non curatorem? An quia minor creditur sibi posse melius prospicere, quam pupillus, ut huic tutorem dari testamento perimiserit lex, non illi? An potius, quia eâ ratione tutela permessa patri, quâ substitutio pupillaris? Quæ cum non ultra pubertatem extendatur, non etiam ultra eandem videbatur testamento proferenda cura.

Et tamen Octavio curatores Cæsaris testamento datos legimus. Appian. 3. civil. Id quod mirum non est, cum vel Cæsarem juris civilis Solemnibus liberatum dicere liceat, adeoque ex privilegio id receptum fuisse Cæsareo. Vel potius eisdem testamento præter morem datos, fuisse secundum jura confirmatos. Certum enim de jure Romano patris testamento curatorem non jure datum, confirmari, idque sine inquisitione, quod idonei

& non sine causâ testamento curatorem dedisse credatur. §. 1. hic. l. 39. & curatores. D. Admin. tutor. l. 1. in fin. l. 6. D. de Confirm. tutor. l. 2. Cod. eod. Arg. l. 22. §. fin. D. de Adulter.

A matre datum curatorem, vel etiam à cæteris minoris consanguineis, confirmari quidem, sed cum inquisitione. l. 2. §. D. de Confirm. tutor. Est tamen casus jure novissimo, quo curator filiofamilias testamento potest ordinari. Nov. 117. c. 1. §. 1. puta eorum nomine bonorum, quorum plenam habet proprietatem. l. fin. §. fin. autem. in fin. Cod. de bon. quæ liber.

MORIBUS.

2. Curator etiam de moribus testamento dari potest, quia inter tutorem & curatorem vix ulla est differentia. Argentr. ad Britann. artic. 474. gloss. 2. num. 1.

§. 2.

1. Inviti non accipiunt CURATOREM.

2. Moribus accipiunt.

3. Ad litem accipiunt CURATOREM.

etiam Inviti.

4. Moribus sine CURATORE in causâ criminali subsistere potest.

1. **I**tem inviti adolescentes.] Jure antiquo, id est, ex lege latorîâ, qui curatorem minori annis 25. vel à præfide, vel à consulibus postulabat, causam cum eum dari desideraret, exprimere debebat. Quæ si justa videretur, tum demum à magistratu curator minori, etiam invito, dabatur. Quod postmodum Marcus Imperator in tantum immutavit, ut adolescentes causis etiam non redditis probatisque curatores ex suâ constitutione acciperent. Ita enim Capitolinus in Marco. *De curatoribus cum ante non nisi ex lege latorîâ, vel propter lasciviam, vel propter dementia darentur, ita statuit, ut omnes adulti curatores acciperent, non redditis causis.* Quo referri poterit l. 1. §. 3. D. de Minor. Quæ continet Ulpiani responsum, qui post Marcum Imperatorem sub Heliogabalo vixit, ut eum respexisse ad Marci constitutionem, sit probabile. vid. l. 33. §. 1. D. de Adminstr. tutor. l. 5. §. 3. D. eod.

Tribonianus vero jus illud antiquum ex parte revocasse videtur, saltem pro jure novo, mirâ fraude, si non inscitâ, nobis obtrulisse, ut loquitur Rævard. l. Varior. 17. Nisi hoc ipsum correctum videri cuicumque possit, per l. 1. Cod. quand. tut. vel curat. esse vid. Duaren. ad princ. titul. de minor. Cujac. ad l. 1. D. eod. Sneydw. hic. n. 10. in not. Pacium 2. Antin. 88. Lyclam. 3. Eclog. 15. Montan. c. 37. n. 87.

Verum, quæ erat ratio, quod adolescentes inviti curatorem non accipiant? An quia eorum sugillat verecundiam, si inviti accipere cogantur, quasi non satis idonei habiti, qui sua gerant? An quia iniquum est ingenuis ho-

hominibus, & quidem puberibus non competere liberam rerum suarum administrationem? l. 2. D. Si quis à Parent. fuer. manum.

Neutra earum rationum meo iudicio sufficiens est, ut nec in iis sit acquiescendum. Non prima, quod Tribonianus eos dicat puberes, qui ejus sunt ætatis, ut sua negotia tueri nequeant. in princ. instit. hic. Non altera, quod iniquum censei non debeat, aut cuiquam injuria inferatur, si libera rerum administratio, eidem justa de causa eripiat. tit. instit. quibus alien. licet, vel non.

An potius quia durum est, hominem liberum, & quidem puberem, qui intellectum, & judicium habet, sic ut suam personam possit obligare, invitum ab alterius cujusdam nutu & arbitrio dependere? Ambigo, & si cui hæc ratio displiceat, lubens meliorem quam ille excogitaverit amplectar, illam rejectam.

MORIBUS.

Jure Saxonico, & moribus nostris inviti adolescentes accipiunt curatores, maxime Rex, vel Princeps. Nisi veniam ætatis impetraverint, quam etiam concedit magistratus municipalis. Sneider. hic. n. 10. ibique canonista. Coppen observ. Pract. 1. q. 62. n. 2. Christin. vol. 3. decisi. 148. n. 13. Zyp. not. jur. Belgic. tit. de Tutor. Tulden, ad tit. Cod. Quando tutor vel curat. esse def. Dessel. in not. ad Zoef. hic. Groenweg. ibid. & Vinnius ibid. Ant. Matth. disp. fin. de tutel. n. 61. — Sneider. d. loc. n. 12. 13. Grof. 1. manud. 19. §. ten derden. Groenwegen ad l. 2. Cod. de his qui ven. ætat. Maz. ad Lubec. tit. 2. §. 7. n. 8. 9. Anton. Matth. dict. disp. n. 60. ibidemque DD. Id quod ex æquitate canonicâ receptum esse volunt, quam etiam probavit Carol. 5. ordin. Politic. tit. 11. §. 1. & seq. n. 48. vid. Schrader. tract. feud. part. 10. sect. 19. n. 123. Rittersh. ad Nov. p. 8. cap. 9. n. 11.

Præterquam in litem.] Regula fuit proposita, minores invitos non accipere curatorem; sequitur à regulâ exceptio, quod cum accipiant si sit litigandum. Id quod obtinere certum est, si ve agant, si ve conveniantur. l. clarum. Cod. de Auct. Præst. l. 2. Cod. Qui legit. perf. standi. Hæc tamen adhibitâ differentiâ, ut si agant minores sine curatore, à limine judicii repellantur. Si conveniantur, à judice cogi possint, petente adversario, ut sibi curatorem possint, vel à judice sibi dari permittant, per quem in iudicio consistant. l. 3. §. 2. D. de Tut. excepto casu l. 3. Cod. qui legit. perf. stand. in jud. Ratio generalis est, ne si minor sine curatore litiget, quod dictum aut pronuntiatum est à judice, pro nullo habeatur. Neq; enim contra indefensos minores curatorem non habentes sententia est proferenda, ut si adversus eos dicta sit, restitutione non habeant opus, l. acta. 45. §. fin. D. de Re judic. l. 1. Cod. in quibus caus. in integr. restit. necess. non est. Est & alia ratio observan-

da, de quâ consuli poterit l. clarum. 4. Cod. de Auctor. Præstand. Sumē tamen nonnulli casus excepti, quibus nec minor curatore habet opus, quos collige ex l. 3. Cod. qui legit. person. stand. in judic. l. 4. Cod. Si advers. Rem judic. vid. Mynsing. 2. obsery. 31. Gail. 2. obs. 108. Gothefr. ad l. 3. Cod. Qui legit. person. stand. Superest altera à regulâ propositâ exceptio, quæ occurrit in l. 7. §. 2. D. De minor. ubi debitor minori solvere non tenetur quod debet, nisi sibi assumpserit curatorem. Quod ipsum, an per §. 2. Instit. hoc tit. sit immutatum, dubitare licebit.

MORIBUS.

4. Quandoquidem de moribus ipse reus criminis respondere tenetur, si causâ sit criminalis, ideo censent DD. minores sine curatorum auctoritate in criminalibus posse conveniri, adeoque in judicio consistere. Clarus. §. fin. q. 50. n. 2. Boër. decis. 63. Argentr. ad Brittan. art. 508. Rebuff. ad Constit. Reg. in procem. gloss. 5. n. 72. Menoch. 2. arbitr. 286. n. 2. Montan. c. 32. regul. 9. n. 72. Groenw. ad tit. Cod. de Auctor. Præstand. Statut. Antverp. cap. 43. concordat. Amstelod. Edamens. Brielan. vid. Duyfentd. l. ad conf. Amstelod. c. 53.

§. 3.

1. FURIOSO datur CURATOR.

2. Etiam CONIUX CONIUGI.

3. PRODIGUS quis sit?

4. Moribus quid requiratur, ut quis

dicatur PRODIGUS?

5. Jure posteriori nondum est sublata cura legitima.

1. **F**urioso quoque.] Non tantum ætati, verum etiam animi vitio, moribusque curator dari solet. Id quod evenit, dum furioso majori datur à lege, vel officio magistratus. Ut tamen jure novo, furioso nobili detur curator ab urbis Præfecto, convocato senatu. In Provinciâ, à Præside, servatis iisdem solemnibus, quæ à Præside in tutoris datione observantur. l. 7. §. fin. & Auth. seq. Cod. hic. Nam furiosi status non multum à pupilli conditione abhorret. l. 1. D. de curat. furios. l. 7. §. adeo autem. D. quibus ex caus. in poss. eat. Quod si furiosus sit minor annis 25. non ei curator tanquam furioso, verum tanquam minori dandus est, quasi ætatis esset impedimentum, sicuti reverâ est. Ut ætati tantisper, non dementiæ sit consulendum. l. 3. §. quia autem. D. de Tutel. Quoniam si duæ concurrant causæ, quarum una est naturalis, accidentalis altera, ea quæ naturalis est, prævalebit. Quia vero homines nonnunquam furorem vel dementiam simulant, quo sese muneribus civilibus subducant l. 6. D. hic. ideo nonnisi causâ plenissimè cognitâ, iis dandus est curator. vid. Gregor. Tholos. Synt. jur. libr. 13. c. 3. n. 26. Menoch. 6. præf. 45. n. 63. Perez. Cod. hic. num. 15.

M O

MORIBUS.

Forse de consuetudine mulier erit curatrix mariti furiosi. vid. Argent. 2. ad Brittan. artic. 495. gloss. 2. Herbaj. rerum quot. c. 13. §. 19. Antwerp. Stat. c. 41. Amstelod. tit. de Curat. artic. 26. Sicuti maritus erit curator uxoris, ut tamen consanguineus, qui successionem sperat utroque casu sit adjungendus. vid. Argent. ad Britt. artic. 483. Sneydw. §. fin. 8. Instit. Quibus mod. jus patr. potest. Rittershus. ad Nov. p. 8. c. 9. n. 9. Montan. c. 35. c. 38. & seq.

Et prodigi.] Prodigis majoribus annis 25. etiam curator à lege vel magistratu datur. Lege enim 12. Tabularum, quod & in furioso obtinet, in curâ agnatorum proximorum, vel gentilium, si deficient agnati, constituitur prodigus. Cum enim neque tempus neque finem habeat expendere, verum sua bona dilacerando & dissipando profundat, adeoque eorum intuitu furiosum faciat exitum, bonorum administratione ei erat interdicendum. l. 1. D. de curat. furios. l. 12. §. fin. D. de Tutor. & curat. dat. Ut non ante censi debet prodigus, effectu juris inspecto, quam ei decreto magistratus suarum rerum alienatione sit interdictum, quæ relam patre vel matre, vel aliquo cognatorum, proponente. l. 10. in princ. l. 16. §. fin. D. hic. l. 27. D. de minor. l. 6. D. de verb. oblig. l. 41. D. de Regul. juris. Id quod manifestum est ex formulâ, quâ Prætores uti consueverunt: *quando tu bona patria avitæque nequitia tuâ disperdis: liberosque tuos ad egestatem perducis: ob eam rem tibi eâ re, commercioque interdicto. Paul. 3. sent. 4.* Etiam suadet ratio, quod prodigalitas sit facti, quæ propterea probanda, cum probabiliter quis ignorare possit, quando qui sua profundit in prodigorum ordinem sit referendus. Secus quam obtinet in furioso, quem furere quis probabiliter colligere potest. Neque obstat. l. 6. D. hic. Quia ibidem qui sanus erat, dementia simulabat, cum tamen qui demens est bonam mentem non simulaverit: id enim foret bonæ mentis indicium. Azo in summ. Cod. hic. n. 2. 5. Bartol. Jafon. Duaren. Cujac. ad l. 6. D. de verb. oblig. Sneydwin. hic in notis. Viglius ad §. item prodigus. n. 3. Instit. quibus non est permiss. facere testam. Gomef. 2. variar. 14. n. 31. Bronchorst. 1. Antin. 34. Hænon. disp. 3. Instit. q. 14. Carpzov. p. 3. const. 6. def. 10. diss. Donell. ad l. 6. D. verb. obligat. Fachin. 2. contrav. 63. 64.

Quid si decretum Prætoris sit injustum, & per parentem prodigi vel aliter malè sit informatus? Nihilominus post interdictionem, pro prodigo habitus, nec testamentum facere, nec sua administrare, nec obligari potest, ne quidem naturaliter, si spectemus conventiones; non si quasi contractus, vel delicta, aut crimina. l. 6. D. de verb. obligat. l. 10. D. hic. l. 18. D. qui testam. In dubio enim pro decreto prætoris est præsumendum, do-

nec ei obreptum fuisse doceatur. l. 19. D. hic. l. 3. Cod. de in integr. Restit. Fachin. 2. contr. 66. 67. Mont. c. 28. n. 45. & seqq. & c. 37. Regul. 2. n. 17. Carpzov. p. 2. constit. 6. defn. 19. Perez. Cod. hic. n. 2. Zoef. D. cod. n. fin.

MORIBUS.

4. Ut prodigus de moribus constituatur, opus est decreto judicis & publicatione; sicuti decretum desideratur, ut designat esse prodigus. Rebuff. de Sent. Provis. artic. 3. gloss. 4. n. 13. Argentr. ad Britann. art. 497. Danhaud. c. 8. de tutel. & curat. muner. n. 26. Grot. 1. introduct. 11. Sand. de Prohib. rerum alien. p. 2. cap. 1. n. ult. Christip. ad Mechlin. tit. 19. artic. 29. n. 2. Perez. Cod. hic. in fin. Antv. statut. cap. 43. Amstelod. de curat. artic. 90. 91. 92. vid. librum formularum dictum de Papegay. Groenweg. hic. Et quidem curatorem dat vel curia provincialis, vel etiam judex ordinarius. Grot. 1. introduct. 11. Cur. Holland. decis. fin.
5. *Sed solent Roma.* Cura vel legitima erat, vel dativa, testamentaria nulla. l. 1. l. 13. D. hic. l. 5. Cod. eod. Posterioribus vero temporibus capit esse dativa, & qui dati à magistratu honorarii dicti fuere curatores, quod magistratus ille honores gereret, qualis est Prætor, Præfectus urbis, atque Provinciæ præses. §. 3. hic. l. 1. 6. 13. D. hic. l. fin. §. fin. autem. Cod. eod. Ulpian. tit. de Curator. Ut tamen lex 12. tabularum, secundum quam furiosi & prodigi sunt in curatione suorum adgnatorum, qui successionem sperant, sublata censi non debeat. l. 5. Cod. hic. Donell. 3. comment. 19. Wissemb. vol. 1. Pand. 53. n. 21. diss. Bacchov. ad Wissemb. Parat. D. de Tutel. n. 7. Sicuti nec sublata est Anastasii constitutio, secundum quam fratres furiosi vel prodigi sunt in curatione fratrum emancipatorum, qui quidem cognatorum numero veniunt. l. 5. Cod. hic.

An non ergo extranei furiosis & prodigis olim à Præatore poterant dari curatores? Non poterant, nisi furiosis & prodigis ingenuis, testamento patris scriptis hæredibus, quod lex 12. tabularum tantum ab intestato curatores faciebat legitimos. Libertinis tamen prodigis in omnem eventum, poterant dari curatores extranei, quod patri naturali ex 12. Tabulis non essent hæredes, neque à lege illis curator daretur. Ulpian. tit. de Curator.

§. 4.

1. Mente Captis, Surdis, Mutis, | 2. Non tamen Cæcis.
&c. datur CURATOR.

1. *Sed & mente captis, surdis, mutis.* Recipiunt curatorem mente capti, qui citra rabiem laborant, à furiosis hoc nomine distincti. l. 2. D. de Inoff. Testam. l. 25. Cod. de Nupt. surdi. §. 4. hic. muti. §. 4. hic. l. 8.

l. 8. §. fin. D. de tutor. & curat. dat. perpetuo morbo, & quidem fontico, laborantes. l. quæsitum. D. Re judic. & generaliter omnes majores, qui rebus suis superesse non possunt. §. 4. hic. l. 2. 8. D. cod. l. 1. Cod. cod. ibique Salicet, Azoin summ. Cod. ibid. n. 1.

Cæci curatorem non accipiunt, quod alterius possint esse tutores. l. 16. D. de Auctor. tutor. Jason ad l. 8. Cod. Qui testam. facere. Donell. 9. comment. 10. Faber Cod. de Testam. defin. 28. in not. Sand. de Prohib. rerum alien. p. 1. c. 1. n. 5. Nisi id correctum videri possit, per l. 4. Cod. qui dar. tut. & l. unic. Cod. qui morbo. ut tamen non incongrue responderis dd. 11. hoc tantum innui, quod se possit cæcus excusare.

§. 5.

Quando Impuberibus datur CURATOR?

Interdum autem.] Quandoque impuberes quibus tutor erat datus, curatorem recipiunt, si tutorem habeant fidelem, verum qui vel idoneus non sit, vel ad tempus excusatus. §. 5. hic. Id quod accidit etiam quando tutorem habent in exercitio, verum cum eo litigant. §. 3. Instit. de Auct. tutor. Quibus adijce casum in l. 3. & fin. Cod. In quibus cas. tut. habenti. Ratio generalis est, quia tutorem habenti tutor dari non potest, ut curator sit subjiciendus. l. 27. D. Testam. tutel. l. 4. Cod. in quibus caus. tut. habenti. An quia auctoritas & potestas tutoris, quæ juris est publici, per tutorem secundum diminuetur? Verum idem de curatore dicendum, qui etiam gaudet aliquâ super rebus potestate. An quia talis actus solemnissimus non facile duplicari potest? Verum curatorem constitui, etiam ad actum solemnem referri debet: & tamen habenti curatorem curator dari potest. An quia tutor personæ, atque universo patrimonio per consequentiam datus censetur? Verum poterunt esse duo tutores ejusdem pupilli, vel etiam plures, ut post invicem plures dari posse credendum sit. Ut hic recurrere malim ad juris civilis subtilitatem, cujus non alia videtur superesse ratio, nisi quod etiam hæc ratione tutelam à curâ voluerint distinctam. Dixi tutorem habenti tutorem non dari, idque secundum communem juris regulam, à quâ tamen multæ dantur fallentiæ; quas enumerare quoniam longum foret, easque ad aliquot distinctiones Bacchovius hoc in loco referre attentaverit, ipse consuli poteris, ne quod aliorum est, pro meo venditem.

§. 6.

Quandoque datur Actor.

Quod si tutor.] Quoniam tutore impedito, & absente pupillo, vel intra infantie metas constituto, procurator negotiis non datur. l. de-
cretum.

Creto. 24. D. de Admin. tutel. l. neque. 11. Cod. de Procur. ideo ad actorem recurritur, qui negotia pupilli interim sit administraturus. Eligendus ab ipso tutore, perque Prætorem vel Provinciæ Præsidem, decreto interveniente confirmandus. §. 6. hic. l. solet. 13. D. de Tutel. Unde si pupillus adsit, & fieri possit, non actor, verum procurator, interpositâ tutoris auctoritate constitui poterit. Theoph. hic. Sicuti nec actor à matre constituitur, cui pater negotia filii testamento commisit. l. 31. §. pen. D. de Negot. Gestis.

LIBER. I. TITULUS. XXIV.

DE

SATISDACTIONIBUS TUTOR. VEL
CURATOR.

NE tamen pupillorum pupillarumve, & eorum, qui quævis in curatione sunt, negotia à curatoribus, tutoribusve consumantur, vel deminuantur: curet Prætor, ut & tutores, & curatores eo nomine satisfident. Sed hoc non est perpetuum: nam tutores testamento dati satisfidare non coguntur, quia fides eorum & diligentia ab ipso testatore approbata est. Item ex inquisitione tutores vel curatores dati satisfactione non onerantur, quia idonei electi sunt.

Sed si ex testamento vel inquisitione duo pluresve dati fuerint, potest unus offerre satisfactionem de indemnitate pupilli vel adolescentis, & contutori suo vel concuratori præferri, ut solus administret: vel ut contutor aut concurator satis offerens præponatur ei, ut & ipse solus administret. Itaque per se non potest petere satisfactionem à contutore suo vel concuratore: sed offerre debet, ut electionem det concuratori vel contutori suo, utrum velit satis accipere, an satisfidare. Quod si nemo eorum satis offerat, si quidem adscriptum fuerit à testatore, quis gerat, ille gerere debet. Quod si non fuerit adscriptum, quem major pars elegerit, ipse gerere debet, ut

ut edicto Prætoris cavetur. Sin autem ipsi tutores dissenserint circa eligendum eum, vel eos, qui gerere debent, Prætor partes suas interponere debet. Idem & in pluribus ex inquisitione datis comprobandum est, id est, ut major pars eligere possit, per quem administratio fiat.

2. Sciendum autem est, non solum tutores vel curatores pupillis vel adultis, cæterisque personis ex administratione rerum teneri, sed etiam in eos, qui satisfactionem accipiunt, subsidiariam actionem esse, quæ ultimum eis præsidium possit adferre. Subsidiaria autem actio in eos datur, qui aut omnino à tutoribus vel curatoribus satisfdari non curaverunt, aut non idoneè passi sunt caveri. Quæ quidem tam ex prudentum responsis, quam ex Constitutionibus Imperialibus etiam in hæredes eorum extenditur.

3. Quibus Constitutionibus & illud exprimitur, ut nisi caveant tutores & curatores, pignoribus captis coërceantur.

4. Neque autem Præfectus urbi, neque Prætor, neque Præses provinciæ, neque quisquam alius, cui tutores dandi jus est, hac actione tenebitur: sed hi tantummodò, qui satisfactionem exigere solent.

COMMENTARIUS.

IN PRINC.

- | | |
|---------------------------------------|---|
| 1. <i>Nonnulla antecedunt TUTORIS</i> | 2. <i>Non omnes Tutores satisfdant.</i> |
| <i>administrationem.</i> | 3. <i>Non illi, qui dati ex Inquisitione.</i> |



N Etamen.] Tutorum & curatorum administrationem varia debent antecedere, puta repertorii bonorum pupillarium confectio, de quâ, in l. 7. in princ. D. de Admin. tutor. l. 24. Cod. eod. l. fin. Cod. Arbitr. tutel. l. 27. Cod. de Episc. Audient. Novell. 94. in fin. Bartol. & DD. in d. l. 7. Bald. in d. l. fin. Castrenf. vol. 1. consil. 350. Montan. cap. 32. Reg. 5. Antecedat cautio, & quidem nuda, de pupillo in judicio defendendo. l. 30. D. de Admin. tutor. l. fin. §. 4. Cod. eod. etiam juratoria de omni procurando com-

commodo, omni que incommodo evitâdo. Id quod jure Codicis in personâ curatoris qui furioso datur, fuerat constitutum. l. 27. Cod. Episc. Audient. sed postmodum ad omnes etiam translatus tutores. Nov. 72. cap. 8. vid. Sneiderw. ad tit. Instit. de legitim. adgnat. tutel. n. 13. & seqq. Montan. de Tutel. c. 32. regul. 2. 3. 8. 9. Quandoque antecedit illa cautio, quæ fit datis fidejussoribus, rem pupilli salvam fore; dicta satisfactio, in quantum est species satisfactio, & quidem Prætoris, de quâ in sequentibus erit dicendum. Capyc. decif. 50. Montan. c. 32. reg. 7. Ea ipsa introducta est, quo pupillis in omnem eventum esset prospectum, quibus aliter metuendum foret, quod fraudis & insidiarum plena sint omnia. Ut jure merito, satisfactio remedii applicari jubeant magistratus, quo mali perfidique in officio contineantur. Estque hoc remedium nihil aliud, quam *cautio ex constitutionibus orta, à tutore ad petitionem Prætoris, vel alterius majoris magistratus in gratiam pupillorum præstita, quo rectè ipsorum bona administrantur.*

Dicitur cautio, non indistinctè quævis, verum ea, quæ fit datis fidejussoribus: curat enim eam interponi prætor, pro omni eo quod interest, ut ea propter desiderantur fidejussores. l. 7. D. de Stipul. Prætor. l. 52. D. v. oblig. Nov. 94. in Epil. Secus quam obtinet, si pro re certâ, vel pro certâ quantitate ea ipsa interponatur, quod quandoque sufficiant pignora. l. 2. §. 3. D. Quod legator. l. 1. §. 9. D. de Collat. Et licet satisfacere nequeant per fidejussores, non tamen ad pignora, vel cautionem juratoriam admittentur, ut sine infamiâ sint removendi, vel non recipiendi. l. 7. D. stipul. Prætor. l. 2. D. de Tutor. & Cur. Qui sat. non ded. l. fin. Cod. Arbitr. tutel. Donell. 3. comment. 11. Gail. 2. obs. 47. Montan. c. 32. reg. 7. Additur, *ex constitutionibus. §. 3. Instit. de Attik. tutore.* Quod eam propter jus constitutionum, non ex suo edicto promanantem, interponi jubeat prætor. Et quidem ad *petitionem Prætoris* ea interponitur, ut qui curat præstari satisfactionem. in princ. Instit. hic. non tamen accuratè loquendo eam exigit aut accipit Prætor. §. fin. Instit. hic. Bacch. ibid. Verbo, res ita sese habet, ut præstetur cautio prætor statuit vel curat, id est, caveri jubet, eamque à tutore vel curatore coram magistratu stipulatur pupillus vel adultus. Qui, si absit, vel fari nequeat, ejus servus, vel alius ejus nomine, puta servus publicus stipulabitur. l. 2. D. Rem pupill. salv. fore. Eamque cautionem accipiunt, id est, exigunt, minores magistratus, dum viri municipales, civitatum defensores, juridicus Alexandriæ; etiam ætuarii vel scribæ. §. fin. hic. l. 1. §. neque. D. de Magistr. Conven. l. 2. 3. D. Rem. pupill. salv. l. fin. Cod. Magistr. Conven. Et si in morâ eam præstandi sint tutores vel curatores, pignoribus captis coerceri poterunt. §. 3. Instit. hic. Adficitur denique, qui finis est cautionis, *quo rectè pupillorum bona administrantur; id est,*

est, ne consumantur, ne diminuantur, in princ. hic. utque tutoris diligentia incrementum capiant. l. 1. in princ. D. de Tutel. & Ration. distrah. l. 15. l. 58. §. 3. D. Admin. tutel. Montan. c. 32. regul. 9.

Sed hoc non est perpetuum.] Non omnes qui dati sunt tutores satisfacere tenentur, non saltem illi quorum fides est electa, & approbata, vel expresse, vel tacite. Hoc modo, si dati sint testamento patris, etiam si confirmati, quod ille optime scire præsumatur qualitates & condiciones suorum concivium. in princ. Instit. hic. l. 36. D. de Excus. tutor. l. fin. Cod. de curat. furios. l. 20. Cod. de Episc. Audient. l. qui à patre. D. de Confirm. Tutor. Id quod ad executores extenditur testamentarium. l. firmo. §. 1. D. quand. dies legat. l. nulli. Cod. Episc. & Cleric. ad curatorem testamentum datum in casibus permissis. l. cum furiosus, §. & is quidem. Cod. de curat. furios. l. de creationibus. in princ. Cod. Episcop. Audient. ad tutorem datum codicillis. l. 3. D. de Testam. Tutel. Montan. c. 32. reg. 7. n. 79. & seqq.

Fallit tamen in testamento matris vel aviæ, quod eo dati tutores ex inquisitione sint confirmandi, adeoque approbandi expresse. l. 3. in fin. D. de conf. tutor. l. 1. Cod. cod. Dixi ad tit. de Testam. tutel.

Fallit, si quid novi emergat, quod patrem pupilli latuerit, puta si detecta aut patefacta sit aliqua tutoris improbitas, vel si tutor insigni calamitate sit affectus, vel ad inopiam vergat, vel testatoris factus inimicus, vel alia quæ causa oboriat, quam tutelariorum prator suo committet examini. Arg. l. 4. D. Testam. tutel. l. 8. 10. 11. D. de confirm. tutor. l. liberto. §. largius. D. de Ann. legat.

Fallit, si tutor à patruo testamento non rite sit datus; quo casu & inquisitionem & satisfactionem jura desiderant. l. 5. D. de Confirm. Tutor.

Fallit, si fideicommissum à tutore vel curatore peti potuerit; ut tamen potius fideicommissi, quam administrationis nomine adhibenda sit satisfactio. l. fin. in fin. D. de Confirm. tutor.

Fallit, si tutor cum fisco aliquem iniverit contractum. l. 9. D. de Confirm. tutor. Montan. c. 32. reg. 7.

Item ex inquisitione tutores.] Non satisfiant tutores vel curatores ex inquisitione dati, expresse probati, unde idonei censentur electi, quod fides inquisitionis pro vinculo cedat cautionis. in princ. Instit. hic. l. bonorum. D. de Curat. furios. l. 13. §. fin. D. Tutor. dat. l. 2. 4. Cod. de Tutor. qui non satisf. Nisi tamen à magistratibus minoribus ex inquisitione sint dati. l. 5. D. de confirm. tutor. l. 1. §. si curatores. D. de magistr. conven. l. pen. Cod. de Tutor. qui sat. non dederunt. Vel curator furioso datus ex inquisitione substantiam idoneam non possideat. l. 27. D. Episcop. Audient. Vel tutor datus sit à matre vel aviæ, & ex inquisitione confirmatus. l. fin.

D. de confirm. tutor. aliisque in casibus, quibus testamentarius satisfdare tenebatur.

Superest ergo legitimos tutores communiter satisfdare, eosque solos. Quod tamen perpetuum non est. Nam patroni, si honesti sint, adeoque causâ cognitâ, non satisfdant, l. 5. §. 1. D. de legitim. tutel. Id quod multo magis in parente videtur admittendum. vid. l. 7. D. Ut legat, vel fideic. Sand. 2. tit. 7. def. 2. Pinell. in l. 1. p. 2. n. 20. Cod. de bon. matern. Sicuti jure Cod. traditum est agnatos locupletes, vel alios non operari satisfdatione. l. de creationibus. §. pen. Cod. Episcop. Aud. Non tamen matrem de jure novissimo à satisfdationis officio immunem declarare aude-rem. Novell. 118. in fin. Montan. cap. 32. reg. 7. n. 23. & seqq.

Id autem in transitu notandum est, licet quidam tutores non satisfdant, pupillis tamen aliâ ratione prospectum esse; dum universa bona tutorum vel curatorum tacitè pro administratione pignori sunt obligata. l. 20. Cod. De Admin. Tutel. Quod an demum d. l. 20. per Constantinum sit introductum disquiri solet. vid. Montan. c. 31. 32.

§. 1.

- | | |
|---|---|
| <p>1. Si plures sint TUTORES, unus offerre potest satisfdationem.</p> <p>2. Secundum RABBINOS plurium</p> | <p><i>suffragiis est applaudendum.</i></p> <p>3. De Moribus quid obtineat circa satisfdationem, explicatur.</p> |
|---|---|
1. **P**otest unus offerre satisfdationem.] Præter allegatas à regulâ exceptiones, alia est subjicienda, quod vel plures testamentarii, vel ex inquisitione dati, tum teneantur satisfdare, cum unus eorum cæteris offert satisfdationem, quo solus administraret. §. 1. hic. l. Testamento. D. de Testament. tutel. Ut enim testamentarius vel legitimus satisfdet, directè peti non potest, propter regulam jam datam, & rationem ibidem subjectam. in princ. Instit. hic. Quod tamen directè ab iis exigi non potest, per indirectum permissum est fieri. §. 1. hic. Arg. l. 77. D. de Regul. juris. Unde qui satisfdationem offert, quod solus velit administrare, ei permittenda administratio, si quidem alter satisfdare nolit, summâ suadente æquitate. Forte enim suum contutorem vel curatorem merito suspectum habet, & commune periculum erit, quod ad omnes ex æquo pertinebit. Præterquam quod per unum idoneum melius res geratur, quam per plures minus idoneos. l. 3. §. 6. D. de Admin. Tutel. Cum quod à pluribus geritur, ab omnibus negligatur. l. 1. D. de Rebus eor. qui sub tutel.

Nec tamen omnimodo, qui satisfdationem offert, alteri præferendus est. Quid si enim suspectus sit, qui satisfdationem offert? Quid si aliter magis sit ido-

idoneus, nec reperiatur fidejussores? Posterior etenim priori erit anteposendus. l. 17. §. 1. & seq. D. de Testam. Tutel. Quid si plures sint tutores, neque quispiam eorum satisfidet? Geret ille tutelam, cui testator administrationem commisit; nisi omnes velint gerere, nec esse succedanei periculi alieni. l. 3. §. 6. pen. D. de Admin. tutor. Quid si testator nulli commiserit administrationem, vel cui eam commisit, administrare nolit? Quem major pars elegerit, ipse geret. l. 3. §. 7. D. de Adminstr. tutor. §. 1. hic. Quod si pars major non sit, quia pars utrobique numerus, suas partes interponet Prætor, §. 1. hic. l. 3. §. 7. D. de Admin. tutor. Neque enim quando agitur de præjudicio vel jure tertii, & non inter se contententium, ad sortem est recurrendum. Quod si prætori non consentiant, audiendi sunt, modo omnes tutelam velint administrare. l. 3. §. 6. pen. D. Admin. tutor.

JURE HEBRÆORUM.

Est præceptum Rabbiorum, plurium suffragiis applaudendum esse, 2. quod tamen non admittunt in causis capitalibus, in sententiæ suæ confirmationem abutentes textu scripturæ. Exod. 23. v. 2. notante Hottingero ad l. 67. 82. 83. juris Hebræorum.

MORIBUS.

Non adhibetur de consuetudine distinctio inter hæc phrasæ, *curare ut satisfidetur*, & *exigere satisfactionem*. Quivis enim judex curare potest, ut satisfidetur, & quivis magistratus major, etiam satisfactionem exigere potest.

Quod vero spectat ipsam satisfactionem, de consuetudine quorundam Gallorum omnem tutorem satisfacere teneri, testis est Masuerius in Rubrica de tutor. in princ. Argent. ad Britann. artic. 474. gloss. 1. n. 4. Chassan. ad Burgund. tit. 6. §. 4. gloss. si parle. Id quod in Germaniâ receptum ex Comitibus Imper. August. tit. de pupill. & minor. Myns. ad princ. Insti. hic. Sneiderw. ad tit. Instit. de legitim. agnat. tutel. Consentunt Ultrajectini, Statut. urbis. tit. 31. §. 3. Velaviens. tit. 29. §. 4. 5. Zurphan. tit. 19. §. 2. Anton. Matth. disp. 2. de tutel. n. 19. & fin. n. 52.

Apud Hollandos vero & Frisios, tutorum vel curatorum satisfactio necessaria non est, sed arbitrio judicis ejus exactio relinquitur. Omnes enim tutores ex inquisitione vel à judice dantur, saltem approbantur vel expresse vel tacite. Grot. 1. Manud. 9. in princ. Sand. 2. tit. 9. def. 9. Id quod partim apud Germanos & Gallos obtinere testes sunt Rittershus. in Expos. Nov. p. 8. c. 5. n. 10. Choppin. 2. tit. 7. ad Consuet. Paris. Mornac. ad l. 60. D. de Ritu Nupt.

Si tamen testamento dati sint tutores, iisque remissa fuerit satisfactio, ejus onere liberantur. vid. Sand. libr. 2. tit. 4. def. 1. & tit. 9. def. 9.

Moribus autem Galliarum ideo, licet ex inquisitione dati sint, cavere

tenentur, quia illa inquisitio summariè expeditur, teste Imbert. in Enchir. juris Galliz in verb. tutela, aliisque ibidem. Montan. c. 3. reg. 7. n. 89.

Et ubique fere cautio ita est arbitraria, ut vel pignoribus, vel juramento, vel nudà cautione sint contenti. vid. Mornac. in l. 60. D. de Ritu Nupt. Argenter. ad Brittan. att. 474. gloss. 1. n. 6. Raguell. in l. fin. §. sed cum. Cod. de Curat. Furios. Rittershus. p. 1. Novell. c. 3. n. 10. Constit. Carol. de ann. 1348. Christin. ad Mechlin. tit. 19. art. 7. Sand. decis. 2. tit. 9. def. 9. Grot. 1. introd. 9. Groenw. hic. Anton. Matth. disp. fin. de tutel. num. 53.

Moribus insuper Galliarum, & forte nostris, mater non satisfaciat. Imbert. Enchir. jur. in verb. tutela. ex Boën. ad Bituric. §. 8. Et si statutum forte exigit satisfactionem, tales dabit fidejussores, quales reperire potest. Montan. de Tutel. c. 15. n. 71.

Maritus itidem uxoris curator satisfactione non operatur, in tantum etiam, ut ne quidem ejus bona tacite pignori sint obligata pro administratione. Sand. 2. tit. 4. def. 1.

§. 2.

1. Finitâ Tutelâ conveniuntur TUTORES.

2. Etiam ipsorum Hæredes.

3. Et Fidejussores, Postulatores, &c.

4. Denique Magistratus municipales & Ministri.

1. **S**ciendum autem est.] Finitâ tutelâ, quo in omnem eventum pupillis foret consultum, non ipsi tantum, qui administrarunt, verum & alii, non tamen simul conveniri poterunt. Conveniuntur igitur ordine & quidem primo loco, finitâ administratione ipsi tutores & curatores, secundum sequentes cautelas. Si enim inter eos facta non sit administrationis divisio, & omnes gesserint, vel nemo, quemlibet eorum in solidum conveniendi facultatem habebit pupillus arg. l. 9. D. de duobus reis. Idque summâ juris ratione nititur; cum quod pluribus pro indiviso commissum est, singulos obliget in solidum. l. 4. D. de verb. obligat. Ex æquo tamen & bono ad exemplum epistolæ Hadriani Imperatoris auxilium divisionis implorantibus succurritur. l. 1. §. 10. D. de tutel. & ratione distrah. Id quod procedit, si modo tempore litis contestatæ omnes essent in solvendo. l. 2. D. de quibus rebus attund. judic. erat.

Aliter iis ceditur actio adversus contutores, quod forte pater arbitrabitur, modo propter culpam communem, non dolum communem, aut culpam propriam fuerint conventi. l. 1. §. placet. §. nunc tractamus. D. de Tutel. & Ration. distrah. l. 1. D. de Admin. tutor. l. 6. Cod. de Indeb.

Con-

Condict. l. 6. Cod. Arbitr. tutel. l. 2. Cod. de divid. tutel. Vel si cum omnibus egerit pupillus vel minor, inter omnes sententia periculum dividetur. l. 2. Cod. Si plures unâ sent. Vel si quispiam eorum solverit solidum, antequam ei cesset actio, directâ adversus contutores experiri non poterit. l. 1. Cod. de contr. tutel. & util. Ut tamen utilis negotiorum gestorum illi non sit deneganda. l. 2. D. de contr. tutel. judic. l. 1. §. nunc tractem. D. de Ration. distrah. l. 55. D. de Admin. tutor.

Quid si divisa quidem sit administratio, verum ab ipsis tutoribus vel curatoribus? Eodem conveniri poterunt modo, quo casu priori; quod divisio propriâ facta auctoritate pupillis nequeat adferre præjudicium. l. divi. D. de Administ. tutel. Ut tamen convento tutori cedendæ sint actiones. l. 2. in fin. Cod. de divid. tutel.

Quod si alter ipsorum gesserit negotium, alter à gerendo abstinerit, ille qui gessit primum convenietur, dein quâ à gestione abstinuit; ut tamen uterque teneatur in solidum. l. 2. Cod. Si tutor vel curat. non gess. Neque obstat. l. 1. §. 15. D. de tutel. & Ration. distrahend. Ubi magistratus minores prius dicuntur conveniendi, quam excutiantur contutores. Quoniam ea legis decisio tum demum procedit, cum nihil potest contutoribus imputari circa collegæ administrationem. Quo casu fidejussores, nominatores, magistratus sunt excutiendi, antequam ad collegam deveniatur. Arg. l. 3. Cod. de Conven. Fisci Debitor. l. 10. vid. Cujac. Parâ. Cod. de divid. tutel. Perez. Cod. Quo quisque ordin. conven. num. 3. 4. libr. 1. 1. Quod si ille qui gessit, tempore finitæ tutelæ fuerit solvendo, hoc ceteros qui non gesserunt, non onerabit. l. 1. Cod. de Divid. tutel.

Quid si denique facta sit administrationis divisio à testatore vel iudice? Tunc commune erit periculum, nec alter propter alterius contutoris factum tenebitur, verum tantum pro ratâ administrationis. l. 51. D. Admin. tutel. l. 2. Cod. Si tutor vel curat. non gesser. l. 2. Cod. divid. tutel. Excipiendi tamen sunt tres casus, quibus contutor contutoris nomine conveniri poterit, scil. si per dolum, vel culpam levem contutorem suspectum non postulerit. Si serius eundem suspectum incusaverit. Si causam agendo adversus suspectum contutorem, sponte pupilli jura prodiderit. l. si duo. D. de Admin. tutel. l. 2. Cod. de Divid. tutel.

Hactenus explicui, qui conveniantur tutores vel curatores; postillos, vel illis nondum excussis, etiam ipsorum hæredes conveniri poterunt, ad quos aliquid ex re pupilli vel minoris pervenit. l. 1. §. pen. D. de Tutel. & Ration. distrah. Quinimo licet nihil pervenerit, si tamen ex re pupilli lucrum tutor captaverit, tenebuntur. d. l. 1. Et quidem iudicio tutelæ, illisque actionibus regulariter, quibus defunctus teneretur conveniri poterunt,

sunt, idque defuncti nomine. l. 1. §. pen. D. Tutel. & Ration. distrah. l. 4. in princ. D. de fidejuss. & nominat. Ut tamen si defunctus quid neglexerit, quod coptutor perfecit, is ante hæredes defuncti sit conveniendus. l. 2. l. fin. in fin. Cod. de Hæred. tutor. Perez. Cod. eod. n. 2.

Et quidem tutorum vel curatorum hæredes propter levem ipsorum culpam tenentur. l. 4. in princ. D. de fidejuss. & nomin. l. 4. Cod. de Hæred. tutor. ubi per culpam, non dolum omissa fuerat tutelæ administratio. Quapropter actiones quæ tutorum vel curatorum nomine in hæredes dantur, famosæ non sunt, licet in ipsos tutores intentatæ, famosæ fuissent. l. furti. §. si quis alieno. §. pen. D. qui not. infam. Quod si non jure sint tutores vel curatores pupillorum, ipsorum hæredes, quod abstinerint, non tenebuntur. l. fin. in princ. D. de fidejuss. & nominat.

An non itaque hæredes propter tutorum vel curatorum dolum tenebuntur? Non videtur, idque propter vulgatam juris regulam, quod actiones ex delictis ordinariè non transeant in hæredes passivè, id est contra hæredes non intententur. §. 1. Instit. de Perpet. & tempor. action. l. 4. D. de fidej. & nomin. tit. Cod. Ex delict. defunct. hered. Nisi tamen vel lis cum defuncto fuerit contestata, vel aliquid ex ejus dolo pervenerit ad hæredes. l. fin. D. hic. l. 4. l. fin. Cod. de in lit. jurand. l. 1. Cod. de Hæred. tutor. In quâ postremâ lege in verb. *que non late* particula non est delenda, sicuti & in l. 2. Cod. de magistr. conven. Vel denique res pupilli dolo tutoris fuerint diminutæ, vel dilapidatæ. vid. ex parte dissentientem Cujac. Parat. Cod. de in lit. jurando. & 13. obs. 39.

Tenentur tamen hæredes tutorum vel curatorum nomine proprio, id est, suo nomine, si forte à defuncto inchoata absolverint, vel res possideant pupillares. l. 1. 4. fin. D. de fidejuss. & nomin. l. 2. Cod. de in lit. jurand. l. 3. Cod. de Hæred. tutor. vid. Gothefred. add. l. 1.

Et quidem tenentur quasi tutores, adeoque utili tutelæ actione, vel negotiorum gestorum, vel de rationibus distrahendis, idque ex propria administratione. l. 1. §. 1. l. 4. in princ. D. de fidejuss. & nomin.

In quam venit dolus, & lata culpa propria, cujus nomine adversus eos in litem juratur. l. 4. in princ. D. de fidejussor. & nomin. l. 1. Cod. de in litem jurand.

Non tamen propter levem culpam propriam hæredes tutorum vel curatorum conveniri poterunt. l. 4. §. 1. D. de fidejuss. & nomin. l. 4. D. de magistrat. conven. Cujus l. sensum in seqq. sum explicaturus.

3. Præter hæredes etiam conveniri poterunt fidejussores tutorum vel curatorum, licet tantum nominati sint, neque contradixerint, cum essent præsentés, adeoque sua nomina in acta publica referri fuerint passi. l. 3. l. 4. §. 3. D. de fidejuss. & nomin.

Con-

Conveniri insuper poterunt ipsi postulatōres, nominatōres, laudatōres, affirmatōres, qui fidejussores idoneos affirmarunt; nam fidejussorum vim sustinent. l. 2. l. 4. in fin. D. de fidejuss. & nomin. l. 1. Cod. de potior. ad inun. nonin.

Ita autem prænominatæ personæ tenentur, ut adolescenti competat electio, an cum ipso tutore, an cum fidejussore velit agere, vel etiam divisione actionibus, partim cum tutore, partim cum fidejussore. tit. Cod. de fidej. tutor. Id quod omnibus postmodum creditoribus ademptum per Justinianum. Nov. 4. Quod si plures sint fidejussores ab uno tutore dati, cessante beneficio divisionis adversus singulos adolescens in solidum experietur. l. 7. D. de fidej. & nomin. l. fin. D. Rem pupill. salv. fore.

Denique ex cussis hæctenus enumeratis debitoribus, actione subsidiariâ, quæ est ex Oratione Trajani, Senatusconsulto confirmatâ datâ in subsidium, conveniri poterunt magistratus municipales in Provinciis, qui tutores dant, & insuper exigunt satisfactionem. §. 2. hic. l. 1. & seqq. D. de magistr. conven. l. pen. Cod. eod. Idque propterea, quod non probè suo officio functi fuerint, id est, non idonee passim sint caveri. Paria enim sunt in jure nostro, aliquid non omnino fieri, aut non rectè fieri. §. 2. in fin. hic. l. 6. D. qui satisfac. cogant. l. 2. D. de Auctor. tutor. Quæ itidem actio subsidiaria in hæredes datur magistratuum, partim ex principalibus constitutionibus, partim ex prudentum interpretatione. §. 2. hic. Non tamen eadem ratione dabitur in hæredes, atque in ipsos magistratus, verum similiter atque tutores eorumque hæredes, magistratus municipales, eorumque hæredes tenebuntur. Id est, ipsi magistratus de dolo & culpâ tenentur, seu de damno negligentia dato, quod est eisdem in omne periculum succedere, non tamen in futuros casus, quos præstare non tenentur. l. 1. §. 11. D. de magistr. conv. Hæredes vero magistratuum non tenentur ex eorum dolo vel latâ culpâ, verum culpâ levi, quæ dolo proxima est. Cum enim dolus & culpa lata in jure æquiparentur, quinimo lata culpa dicatur esse dolus. l. antepen. D. deposit. consequitur eam culpam dolo proximam esse, quæ levis appellatur, & latæ culpæ proxima est. Atque hic videtur esse sensus l. 4. D. de magistrat. conven. junct. l. 6. D. eod. à quo tamen ex parte dissentiant Cujac. 21. obs. 2. & 13. obs. 39. Gothefred. in not. ad l. 1. Cod. de Hæred. tutor. Fabrot. ad Theophil. in notis hic.

Quid ergo dicendum, si filius-familias duumvir creatus, non satis exegerit, an in ejus patrem ulla dabitur actio? In omnem eventum saltem de peculio actio dabitur, id est, sive patris voluntate factus sit decursio, sive eo ignorante, vel etiam invito. l. 1. §. fin. D. magistr. conv. l. 3. in fin. D. de Pecul. Quod si voluntate patris expressâ factus sit decursio, sic ut pater eo ipso

ipſo tutelam filii agnoverit, tenebitur in ſolidum. l. 1. Cod. quod cum eo qui. vid. Cujac. 7. obf. 3. & 13. obf. 34.

§. 3.

Qui TUTORES non ſatiſdant, coercentur.

Quibus conſtitutionibus & illud.] Tutores vel curatores ſiquidem facultatem habeant cavendi, & cavere nolint, captis pignoribus coercerantur. §. 3. hic. l. dies cautionum. §. ſi intra. D. de damn. infect. l. 3. Cod. de ſuſpect. tutor. Quæ pignora capta, ſi ſpectemus jura anteriora, concidebantur. Tibull. 4.

— Heu heu mea pignora cedo :

Ibique Comm. Cujac. ad l. 11. Cod. de Pignor. vel etiam diſtrahebantur. §. 9. Inſtit. de ſuſpect. tutor. l. 5. §. ſi quis. D. delib. adgnoſc. l. 1. §. 1. D. de ventr. inſpic. Quod ſi dolo malo cavere volebant, etiam ut ſuſpecti cum infamiâ removeri poterant. l. 2. Cod. de tut. qui ſatis non ded. Verum quando fidejussores reperire non potuerant, removebantur quidē, non tamen ut ſuſpecti, adeoque ſine ullâ ignominiz notâ. §. fin. Inſtit. de ſuſpect. tutor. d. l. 1. Gail. 2. obf. 47. n. 7. Mont. de tutel. c. 32. regnl. 7. n. 12. 13.

§. 4.

1. Majores Magiſtratus non conveniuntur.

2. Moribus quorundam ceſſat actio ſubſidiaria.

1. **N**equè autem Prefectus urbi.] Majores magiſtratus, ſive Romæ ſive in Provinciis degant, hæc actione ſubſidiaria conveniri non poterunt. Licet enim tutores conſtituant, etiam curent, ut ſatiſdetur, non tamen exigunt ſatiſdationem. Ut illi tantum actione ſubſidiariâ teneantur, qui ſatiſdationem exigunt, ſive inſuper tutoris dandi jus habeant, quales ſunt magiſtratus municipales, ſive tantum exigendi officium illis ſit injunctum, quales ſunt Scribæ & Actuarii. Quod ſi Prætor dedeſſet, ut ſatis exigere, vel tutorum aut curatorum fidejussores probarent, vel alias eum de nominibus & facultatibus tutorum vel curatorum inſtruerent, nec id probè fecerint, actione in factum conveniet adoleſcens. §. 10. in fin. Inſtit. de ſuſp. tutor. l. 1. per totum ſere. D. de magiſtr. conven. l. 2. 3. D. Rem pupill. ſalv. fore. l. fin. Cod. de magiſtrat. conven. vid. Fabrot. ad Theophil. hic. poſt Cujac. ad Nov. 94.

MORIBUS.

2. De conſuetudine generali vix eſt ut in magiſtratibus, miniſtros vel nominatores detur actio ſubſidiaria, ſaltem non dabitur propter levem eorum culpam. Si tamen doli vel lata culpe poſſint argui, eoſ teneri æquum eſt. Id quod in Germaniâ, Galliâ, Belgio obtinere reſtes ſunt DD. quorum

non

nonnulli hoc ipsum ad superintendentes, quos appellamus *oppervoochden*, etiam ad fideiussorum justificatores, uti loquuntur, extendunt. Treutl. vol. 2. disp. 9. thes. 7. litt. E. Rittershuf. ad Nov. p. 8. c. 9. n. 21. Mæv. ad Lubec. libr. 1. tit. 1. art. 7. n. 17. Choppin. de Moribus Paris. 2. c. 7. n. 11. Gothefred. ad tit. Cod. de magistr. conv. in not. Papon. 15. tit. 5. arrest. 11. Mornac. ad l. 12. §. si quis mandaverit. D. Mand. Zyp. not. jur. belgic. tit. de tutor. verb. magistratus. Buf. in l. 1. D. de magistr. conv. Christin. vol. 3. decis. 181. n. 4. Tulden. ad tit. Cod. cod. n. 3. Montan. c. 32. regul. 7. n. 64. Groenw. hic. & ad l. 4. D. de fidej. & nomin. Perez. Cod. de magistrat. conv. in fin. Dessel. in notis ad Zoef. Instit. hic. Eam tamen actionem agnoscit Chassan. ad Burg. tit. 6. §. 6. gloss. en baillant. Everh. consil. 81. Costal. ad l. 7. §. fin. D. de dol. mal. Carpzov. p. 2. constit. 11. def. 41. & fere Neost. decis. supr. curiæ Holl. 61. Leeuw. cens. forens. 1. c. 17. n. 4. Nisi quis prænominatos autores intelligi velit de dolo magistratum. Id quidem negari non potest, in Præturâ Zuyt-hollandiæ jûs civile locum habere, sicque Neostadium esse explicandum. *Hantv. van Zuyt-holland.* p. 112.

LIBER. I. TITULUS. XXV.

DE

EXCUSAT. TUTOR. ET CURATORUM.

EXcusantur autem tutores & curatores variis ex causis: plerumque tamen propter liberos, sive in potestate sint, sive emancipati. Si enim tres liberos superstites Romæ quis habeat, vel in Italia quatuor, vel in provinciis quinque, à tutela vel cura potest excusari, exemplo cæterorum munerum: nam & tutelam & curam placuit publicum munus esse. Sed adoptivi liberi non profunt. In adoptionem autem dati, naturali patri profunt. Item nepotes ex filio profunt, ut in locum patris sui succedant: ex filiâ non profunt. Filii autem superstites tantum ad tutelæ vel muneris excusationem non profunt. Sed si in bello amissi sunt, quæsitum est, an profint? Et constat eos solos prodesse, qui in acie amittuntur.

XX

tuntur

tuntur. Hi enim, qui pro republica ceciderunt, in perpetuum per gloriam vivere intelliguntur.

1. Item divus Marcus in Semeſtribus reſcripſit, eum, qui reſ ſifici adminiſtrat, à tutela vel cura, quamdiu adminiſtrat, excuſari poſſe.

2. Item qui Reipublicæ cauſa abſunt, à tutela vel cura excuſantur. Sed & ſi fue rint tutores vel curatores dati, deinde Reipubl. cauſa abeſſe cœperint, à tutela vel cura excuſantur, quatenus Reipubl. cauſa abſunt: & interea curator loco eorum datur. Qui ſi reverſi fuerint, recipiunt onus tutelæ: nam nec anni habent vacationem, ut Papinianus libro quinto Reſponſorum ſcripſit. Nam hoc ſpatium habent ad novas tutelæ vocati.

3. Et qui poteſtatem aliquam habent, ſe excuſare poſſunt, ut divus Marcus reſcripſit: ſed ſuſceptam tutelam deſerere non poſſunt.

4. Item propter litem, quam cum pupillo vel adulto tutor vel curator habet excuſari non poteſt: niſi fortè de omnibus bonis, vel hæreditate controverſia ſit.

5. Item tria onera tutelæ non adfectatæ, vel curæ, præſtant vacationem, quamdiu adminiſtrantur: ut tamen plurium pupil- lorum tutela vel cura eorundem bonorum, veluti fratrum, pro una computetur.

6. Sed & propter paupertatem excuſationem tribui, tam divi fratres, quam per ſe divus Marcus reſcripſit, ſi quis imparem ſe oneri injuncto poſſit docere.

7. Item propter adverſam valetudinem, propter quam ne ſuis quidem negotiis intereſſe poteſt, excuſatio locum habet.

8. Similiter eos, qui litteras neſciunt, eſſe excuſandos, divus Pius reſcripſit: quamvis & imperiti litterarum poſſint ad adminiſtrationem negotiorum ſufficere.

9. Item ſi propter inimicitias aliquem teſtamento tutorem pater dederit, hoc ipſum præſtat ei excuſationem: ſicut per contrarium non excuſantur, qui ſe tutelam adminiſtratu- ros patri pupil- lorum promiſerunt.

10. Non esse autem admittendam excusationem ejus, qui hoc solo utitur, quod ignotus patri pupillorum sit, divi fratres rescripserunt.

11. Inimicitiz, quas quis cum patre pupillorum vel adu-
rum exercuit, si capitales fuerunt, nec reconciliatio intervenit, à
tutela vel cura solent excusare.

12. Item is, qui status controversiam à pupillorum patre pas-
sus est, excusatur à tutela.

13. Item major septuaginta annis à tutela & cura se potest ex-
cusare. Minores autem viginti quinque annis, olim quidem excu-
sabantur, nostrà autem Constitutione prohibentur ad tutelam vel
curam aspirare; adeò ut nec excusatione opus sit. Quà Consti-
tutione cavetur, ut nec pupillus ad legitimam tutelam vocetur,
nec adultus: cum sit incivile, eos, qui alieno auxilio in rebus suis
administrandis egere nescuntur, & ab aliis reguntur, aliorum tute-
lam vel curam suoire.

14. Idem & in milite observandum est, ut nec volens ad tute-
læ onus admittatur.

15. Item Romæ Grammatici, Rhetores, & Medici, & qui in
patria sua has artes exercent, & intra numerum sunt, à tutela &
cura habent vacationem.

16. Qui autem vult se excusare, si plures habeat excusationes,
& de quibusdam non probaverit, aliis uti intra tempora constituta
non prohibetur.

Qui autem excusare se volunt, non appellant: sed intra quin-
quaginta dies continuos, ex quo cognoverint se esse tutores vel
curatores datos, se excusare debent, cujuscumque generis sint, id
est, qualitercumque dati fuerint tutores; si intra centesimum lapi-
dem sunt ab eo loco, ubi tutores dati sunt. Si vero ultra centesi-
mum lapidem habitant, dinumeratione facta viginti millium diur-
norum, & amplius triginta dierum: qui tamen (ut Scaevola dice-
bat) sic debent computari, ne minus sint, quam quinquaginta
dies.

17. Datus autem tutor, ad universum patrimonium datus esse
creditur.

18. Qui tutelam alicujus gessit, invitus curator ejusdem fieri non compellitur: in tantum, ut licet paterfamilias, qui testamento tutorem dedit, adjecerit se eundem curatorem dare, tamen invitum eum curam suscipere non cogendum, divi Severus & Antoninus rescripserunt.


19. Idem rescripserunt, maritum uxori suæ curatorem datum, excusare se posse, licet se immisceat.

20. Si quis autem falsis allegationibus excusationem tutelæ meruerit, non est liberatus onere tutelæ.

COMMENTARIUS.

IN PRINC.

- | | |
|--|--|
| 1. <i>Quidam TUTORES excusare se non possunt.</i> | 4. <i>Numerus Liberatorum excusat.</i> |
| 2. <i>TUTELÆ est munus publicum.</i> | 5. <i>LIBERORUM nomine quinam veniant?</i> |
| 3. <i>Moribus causas excusationum volunt esse arbitrarias.</i> | 6. <i>Moribus quid obtineat?</i> |

1.  *Excusantur autem.* Qui tutores dati, licet velint, quandoque non admittuntur, quod removeantur quasi suspecti. Alii, licet administrare nolint, non audiuntur, quod nullâ gaudeant immunitate. Alii justam habent causam excusationis propter quam ab onere tutelæ liberari velint, & liberantur. Estque illa excusatio nihil aliud, quam justæ causæ à lege introductæ, allegatio, propter quam quis tutelam, vel curam, vel ejus partem deprecatur, ejusque onere se liberari petit. l. 1. D. de Vacat. Muner. l. 1. & tot. tit. Cod. Si tutor vel curat. fals. alleg. l. 2. 11. Cod. hic. In jure etiam appellata professio. l. 6. Cod. Si tutor vel curat. ex fals. alleg. vel contestatio. l. 13. §. oportet. D. hic.

Alii denique non egent excusatione, neque admittuntur, quod administrare vel nequeant, vel non debeant. Tales sunt mulier. l. 2. D. Regul. jur. miles. §. 14. hic. l. 15. Cod. de Re milit. minor annis 25. §. 13. hic. maritus uxori curator datus. l. 14. D. de Curat. Furios. debitor vel creditor pupilli, idque jure noviss. Nov. 94. c. 1. Nov. 101. c. 5. mutus, surdus, furiosus. §. 3. 4. Instit. de Curator.

Olim non omnes, licet justas causas haberent, se excusare poterant: vel enim

enim erant testamentarii, vel legitimi, vel dativi. Illi semet abdicare dicebantur, isti alteri in iure tutelâ cedebant, hisese excusabant. Ulpian. tit. de tutel. §. 19. Cujac. in not. ibid. Hodie omnes seposunt excusare, si iustas habeant excusationis causas. §. qui autem. Instit. hic. l. 3. §. quæri. D. de leg. tutor. l. 2. §. 5. D. eod. l. 1. 4. 9. Cod. eod. l. 9. Cod. qui dare tutor. Nov. 118. c. 5. Hænon. ibique DD. Instit. disp. 3. n. 20.

Excipiuntur tamen legitimi, qui non nisi ad tempus excusantur. Cujac. ad l. 13. in princ. D. hic. vid. Montan. c. 35. reg. 3. n. 9. & seqq.

Excipiuntur testamentarii quibus contemplatione tutelæ aliquid est relictum; nisi quod ipsis relictum est, amittere velint. l. 28. §. 1. ibique Cujac. l. 32. & seq. l. 36. D. hic. l. pen. Cod. de legat. vid. Pac. 9. Antin. 92.

Excipitur forte libertus à patrono tutor datus, ut qui omnia patrono debet. Montan. c. 35. n. 24.

Placuit publicum munus esse. Tutelam esse publicum vel civile munus, & quidem personale, in super virile, nemo est, qui nesciat. Quia tamen publicum auctoritate, non utilitate, rectè negatur esse munus reipublicæ: neque enim primario ad commodum tendit universitatis. in it. Instit. hic. l. 6. §. 15. l. 15. §. 12. D. eod. l. fin. Cod. de Admin. tutel. non obstante l. 12. §. 1. D. de Excus. Mun. Quoniam non ibidem negatur esse munus, sed tale, quod publicum est utilitate; qualis est legatio; qualia sunt alia reipublicæ munera. vid. Gothefr. ibid. Hænon. disp. 3. Inst. n. 17. Wissenb. disp. P. 52. vol. 1. n. 3. paulo aliter respondentes. Quæ ratio est, quod nemo tutelæ munus detrectare possit, nisi iustas excusationum causas attulerit. Omne quippe munus est necessarium, ut culpa censeri debeat, contra juris auctoritatem mandatum tutelæ officium detrectare. l. 39. §. tutor. D. de Admin. tutel. Et hoc demum proprie munus est, quod necessario obimus, lege, more, imperiove ejus, qui iubendi habet potestatem. l. munus. 214. D. de verb. signif. Et quanquam liber homo cogi præcise nequeat, quod ad ea, quæ sunt facti, nemo adstringatur. l. 13. D. de Re judic. eo tamen quis adigi poterit, ut vel invitatus id gerat, si noluit vel captis pignoribus, vel multa dictione compelli. §. 3. tit. Præced.

DE MORIBUS.

Volunt causas excusationum esse arbitrarias. Grot. 2. manud. 7. §. roochden. Groenw. ad tit. Instit. hic. Daventr. 3. tit. 3. §. 6.

Alibi tamen pauciores quam de jure civili desiderant, ut Ruræm. 1. tit. 4. §. 3. n. 2. & 4.

Alibi causas excusationum legitimas, id est, de jure civili admissas postulant. ut Antverp. tit. 43. §. 26. Amstelod. de Pupill. §. 38. Roscb. in Syll. tit. 28. §. 37. Statutum Ultraject. de ann. 1623. §. ten negersien.

4. *Plerumque tamen propter liberos.*] Excusationum causæ sunt variæ, puta, privilegium, dignitas, absentia, potestas vel etiam administratio, lis, tutelarum numerus, fortuna, valetudo, imperitia, inimicitia, ætas, & professio. Ex privilegio quidam excusantur in perpetuum, ut Ilienses propter inclytam nobilitatem civitatis, & propter conjunctionem Originis Romanæ. l. 17. D. hic. Ut familia Gordiani, cui senatusconsulto in perpetuum à tutelis atque legationibus, & à publicis necessitatibus tributa est immunitas. Capitolin. in Gordianis. Quidam tantum excusantur, quia subest causa privilegii, & tum demum, cum illa subest. Ita merentur excusationem qui numerosam habent prolem, partim ex æquitate, quod unà cum liberis, curæ & sollicitudines incrementum capiant. Partim bono publico, quod numerosa soboles civitati Romanæ necessaria fuerit visa, quæ bellis longè lateque diffusis perpetuo implicabatur, ut præmijs atque invictamentis ad prolem populi frequentandam opus habuerit. Hinc exemplo cæterorum munerum, intellige personalium, & quidem eorum, quæ publicum respiciunt commodum, & sine dignitate geruntur, ad distinctionem honorum, certus liberorum numerus à tutelâ tribuit liberationem. l. 10. l. 14. D. de Muner. & Honor. l. 2. §. 1. D. de Vacat. Muner. Puta numerus trium liberorum Romæ, in Italiâ, prout excedit pomeria urbis Romanæ quatuor, in Provinciis quinque. instit. hic. l. 2. §. 15. D. eod.

An ergo, ille liberorum numerus à cæteris muneribus præstat excusationem? Præstat si munera sint personalia, non si patrimonialia. Ita trium liberorum numerus excusat à legationibus. l. 1. Cod. de Leg. à cæteris muneribus personalibus numerus quinque liberorum, ab omnibus vero muneribus personalibus & honoribus, numerus liberorum sedecim. l. 5. D. de jure immuni. l. si quis decurio. Cod. de Decur. ubi pro octo, sedecim legi vult Cujac. & post eundem Pacius in not. hic. vid. Hænon: ad Instit. disp. 3. n. 16.

5. Liberorum nomine hic continentur naturales & legitimi simul, qui iustis nuptiis sunt procreati, non naturales tantum, non itidem adoptivi, nisi jura naturalia & civilia concurrant. Adoptivi tamen filii, olim patri adoptatori inter præmia parentum profuerunt, verum postquam fictis adoptionibus orbi parentes legibus illuderent, S. Consulto cautum est, ne simulata adoptio in ullâ parte muneris publici prodesset. Tacit. Annal. 15.

Liberorum insuper appellatione hic continentur nepotes ex filio ante defuncto, non ex filiâ, non ex filio superstite, aut eo emancipato. Tum enim suo patri nepotes ad excusationem sunt profuturi, non avo paterno. l. 2. Cod. Qui num. liber. se excus. l. 3. Cod. qui num. liber. lib. 10. vid. Tessauro decif. 267. Perez. Cod. qui num. liber. se excus. Montan. cap. 35. n. 46. & seqq.

An numero libetorum continetur partus monstrosus? Non videtur, siquidem hominis appellatiōne venire nequit. l. non sunt. D. de statu hom. l. 2. §. oportet. D. hic. Goedd. ad l. qui mortui. 129. D. de verb. signif. diff. Costal. ad d. l. 14. Arg. l. quæret. 135. D. de verb. signif.

An continentur, qui in fata concesserunt? Superstites, & incolumes continentur, non defuncti, præterquam in bello amissi. Quod ita interpretatur Ulpian. ut non simpliciter bello amissi profint, verum qui in acie, vel in prælio perierunt. Quod illi potissimum pro republicâ cecidisse dicantur, quicumque in acie ceciderunt. Adeoque per gloriam vivere credantur, qui pro republicâ certarunt incolumitate, dum de summâ rei, ut fit in pugna, contendebatur. init. hic. l. bello. 18. D. hic. Fabrot. ad Theophil. in not. hic. Hoc ipsum præmatici extendunt ad viduam & hæredem ejus qui in acie cecidit, idque ratione stipendiû. Choppin. 1. de Moribus Paris. l. n. 35.

MORIBUS.

Apud Gallos numerum quinque liberorum, posterioribus arrestis num. 6. merum trium, apud nos ne ullum quidem excusare, tradit Christinus ad ll. Mechlin. tit. 19. artic. 6. n. 5. quem tamen vid. vol. 3. decis. 17. n. 4. & Sanden 2. tit. 9. def. 8. & pen. decis. libr. fin. Groenw. hic.

§. 1.

1. Semestria quid sint?
2. PROCURATOR Fisci excusatur.
3. Moribus quid statuendum?

Item divus Marcus in Semestribus. Vertit Theophilus, ἐν ἡμῶν μηνιαῖς διατάξεσιν, quia dum semestrium fit mentio, subintelliguntur hic constitutiones. Aliter hoc vocabulum adjectivum *semestre* vel *semenstre*, sex mensium spatium denotans, quandoque aliis substantivis applicatur, de quibus etiam in l. 49. D. de Pact. l. 12. D. de Acquir. hæred. Sueton. in Aug. c. 35. & in Claud. c. 14.

Qui res fisci administrat. Procurator fisci, qui res fiscales administrat, idq; cum dignitate, excusatur. Quod etiam refert Pacius in not. ad eum qui privatas res Principis administrat. l. 41. D. hic. l. 10. Cod. eod. l. bene à Zenone. Cod. de quadrienn. præscript. Quibus merito adjeceris exactores tributorum, præfectos annonæ, & vigillum, silentiarios. l. 10. 26. fin. Cod. hic. etiam mensores frumentarios, si sint in urbe, l. mensores. D. hic. non si in provinciis. l. his oneribus. §. 1. D. de Vacat. Muner.

Non idem quod de procuratore fisci, statuendum erit de quæstore civitatis, quia civitas habetur loco privatorum. l. 16. D. verb. sign. l. spadonem. §. vestigialia. l. 15. §. ratiocin. D. hic. Cujac. ad l. 30. de Decur. Pacius §. Antin. 83.

Quid

Quid ergo statuendum erit de conductoribus vectigalium fisci? Impropriè se excusare dicuntur, quod ne quidem volentes ad tutelam sint admit-
tendi, ne extenuentur ipsorum facultates, quæ subsignatæ sunt fisco. l. 8. §. 1. D. Excus. Muner. l. 5. §. 10. D. de jure immun. l. 2. Cod. Quibus Muner. Excus. libr. 10.

MORIBUS.

3. Forte de exactoribus tributorum non idem quod de jure Romano statuendum, ut hoc totum judicis arbitrio sit committendum, si quem mole negotiorum publicorum viderint oneratum. Groenw. ad l. 10. Cod. hic.

§. 2.

1. Absentia Reipublicæ causa excusatur. 2. Etiam ea, quæ est necessaria vel injusta.

1. **I**tem qui Reipublicæ causa.] Quandoquidem non facile credendum, quem duabus rebus sufficere. l. 1. §. 2. D. de coll. ideo qui reipublicæ operatur, e-
jusque causa abest, & quatenus, id est, quamdiu abest, excusatur. §. 2. hic.
4. 3. §. 2. D. de Pignor. l. fin. Cod. de Assessor. Quod ut magis sit manife-
stū, hic duo casus sunt secernendi. Unus est quando alicui tutela vel cura est
imposita antequam reipublicæ causa abesse cæpisset, neque ipso jure excu-
satur. Quod id testatum facere debeat apud magistratum, se reipublicæ cau-
sā, id est, non sui commodi, verum publici muneris obeundi gratiā peregre
proficisci, vel profectum esse. l. 32. 35. 36. D. Ex quibus caus. maj. l. 1. Cod.
Si tutor reipubl. caus. Unde si apud magistratum testatus non sit, medii tem-
poris periculum sustinebit. gloss. hic. in verb. *excusantur*. In omnem tamen
eventum, simul ac reversus fuerit, tutelam delatam, quæ interim per curato-
rem fuit gestā, administrare tenetur. §. 2. hic. l. 1. Cod. Si tutor reipubl.
caus.

2. Insuper quæ absentia est injusta, vel necessaria, puta exilii, desertionis
præbet excusationem. l. 28. 29. D. hic.

Vel quæ est justa, licet non reipublicæ causa, ut si quis absit à rebus pu-
pillaribus, quæ in remotā sunt provinciā. l. 2. Cod. de Excus. tutor. Nisi
ei jungatur curator. l. 11. Cod. hic.

Ita qui jussu Principis alio domicilium transtulit, pro absente habebitur.
l. 12. §. 1. D. hic.

Superest alter casus, quando alicui tutela vel cura injungitur, postquam
abesse cæpit, & sine periculo cessat, neque testatione est opus. Quinimo
reversus vel postquam redire debuit, à suscipiendā novā tutelā habet anni
continui vacationem. §. 2. hic. l. non solum. 10. D. cod. l. 4. D. de Vac.
Mun. l. 2. Cod. Si tutor vel curat. reipubl. caus. Id quod tum demum ob-

tinere

tinere volunt Prudentes, cum propter Romanam rempublicam, non provincialem aut municipalem, abesse cæperit, nec tutor sit testamentarius. l. 10. l. 45. D. hic. Perez. Cod. Si tutor vel curat. reipubl. caus. n. 1.

§. 3.

1. *Qui potestatem habet excusatur.* *honoris factus est participes.*
 2. *Non qui post susceptam Tutelam*

E*T qui potestatem habet.*] Tanta licentia, ex 12. tabulis concessa sunt testatoribus, ut quoslibet tutores constituere valeant, etiam magistratus. Eos intellige, qui de facto administrant, non qui forte sunt administraturi: neque enim eo ipso quod gesturi sint, habent excusationem. l. 23. D. hic. Cujac. ad l. 2. in fin. D. hic. Sand. 2. tit. 9. def. 8. Et quidem omnes illos intellige magistratus, qui aliquam habent potestatem, licet imparem, sive majores sint magistratus, sive minores, id est, municipales. l. 11. §. 2. de Minor. l. 6. §. 16. l. 22. l. 30. D. hic. l. 10. §. fin. D. de Excus. Muner. l. 12. D. de Vacat. Muner.

Neque obstat. l. 15. §. 9. D. hic. Quod qui ibi excusari volebat, magistratu abiisset. vid. Bacchov. hic.

Non tamen Senatores excusantur à tutelâ filiorum Senatoris. l. 15. §. 2. & seq. D. hic. l. fin. Cod. eod.

Sicuti nec illi, qui post susceptam tutelam, muneris aut potestatis cujusdam facti sunt participes. §. 3. hic. Neque eadem est ratio potestatis, quæ absentiae, quod quis non adeo commode in duobus & quidem diffitis locis diversa administret, atque quidem in uno loco. Hinc regula est, honorem sustinenti munus vel onus imponi nequit, munus sustinenti honor vel potestas deferri potest. l. 10. D. de Muner. & Honor.

Neque obstat. l. 15. §. 3. D. hic. Ibi enim post susceptam tutelam quis erat factus Senator, ut non agatur de potestate, verum de ordine mutato.

§. 4.

1. *Debitor, vel Creditor Pupilline-* 2. *Moribus secus est.*
quit esse TUTOR.

I*tem propter litem.*] Lis super omnibus bonis, vel ad minimum, super inaximâ parte bonorum, vel hæreditate mortâ, tribuebat olim excusationem. l. propter litem. 21. D. hic. Neque hæc ipsa lis multum abest à questione status. l. 6. D. eod. Quinimo eum qui de universâ hæreditate, controversiâ facit pupillo, ne quidem si velit ad tutelam admittendum esse, scribit Marcianus. in d. l. propter litem. Quod hodie verissimum est, secundum Nov. 72. c. 1. quâ cautum, ne debitor, vel creditor pupillo fiat tutor,

sub pœnâ amissionis crediti, si creditor, & debiti, quod forte pupillo solvit, si debitor, denuo solvendi. Excipiuntur tamen parentes, etiam secundum gradus, qui licet debitores vel creditores sint pupillorum, ad tutelam admittuntur. Nov. 44. vid. Rittershus. ad Nov. p. 8. c. 3. n. 9. & c. 4. n. 9.

MORIBUS.

2. De Consuetudine non tantum parentes, verum & extranei poterunt esse tutores, licet sint debitores vel creditores pupilli. vid. Fabrum Cod. 5. tit. 20. def. 1. Guid. Pap. q. 144. libr. 5. artic. 2. Montan. de tutel. c. 9. Sand. 2. tit. 9. def. 2. vid. seqq. ad §. 14.

§. 5.

1. *Tria onera Tutelæ excusant.*

2. *Plures causæ imperfectæ non excusant.*

1. **I**tem tria onera.] Tria onera tutelæ, vel una admodum onerosa, vel diffusa, quæ cedit pro pluribus, si tutor sit administrator, non si honorarius, excusationem præbent. l. 2. §. fin. l. 4. l. 31. §. fin. D. hic. Et quidem si non persimiliter sint susceptæ tutelæ, id est, si tres sint tutelæ non affectatæ, licet forte onerosæ. §. 5. hic. l. 15. §. 11. D. cod. l. item hi. D. Ex quibus caus. major. l. unic. Cod. Qui numer. liber. Quoniam id quod grato & cupido fertur animo reverâ non est onus, vel pro onere haberi non potest. Saltem non gravat, si quid feceris lubens, & leve sit, quod bene fertur onus. Quo sensu accipio illud Salvatoris Matth. 11. *jugum meum suave, & onus leve est.* Homini puta mundano, inimico crucis Christi, irrogenito, Deo parere servitus est, adeoque ei subesse, jugum grave. Quod si sit Christianicola, ei ea demum vera censetur libertas, mandato divino obtemperare. Præceptum enim divinum amore impletur, & amare vult Christi discipulus, quod eo nihil liget suavius, nihil premat levius.

Verum revertar unde fueram digressus; tres tutelæ non affectatas excusare dixi, verbo dicendum, quando affectatæ judicentur. Et quidem nemo inficias iverit illas videri affectatas, quæ datâ operâ sunt expetitæ, ut ad numerum, adeoque ad excusationem prodessent. Quales ut plurimum sunt exiguæ & tenuissimæ, quando pupilli tam parentibus quam se seu facultatibus destituuntur. l. 17. D. hic. l. 18. §. 1. D. Ad l. Cornel. de fals. Quæ forte jure noviss. correctæ, quibus tutelam affectantes, ne quidem admittuntur, quasi suspecti. Nov. 72.

2. Licet autem tres tutelæ non affectatæ liberent à quartâ tutelâ, non tamen aliquem aliis muneribus civilibus eximunt. l. 3. Cod. de Excus. Mun. Sicuti si duas quis tutelæ administret, insuper habeat Romæ duos liberos, non excusatur, ne quidem à tertiâ tutelâ. Quod plures imperfectæ, & diversæ

versæ excusationum species, nihil proficiant. l. 15. §. 11. D. hic. l. 1. §. fin. D. de Vacat. Muner. Ut hic fallat regula, quæ singula non profunt, multa juvant. l. si stipulatus. D. de Usur. l. instrumenta. Cod. de Probat. & in Auth. de fide instrum. §. si vero neque. Azoin summ. Cod. qui Muner. tutel. n. 3. vid. Montan. c. 35. n. 119. & seqq.

[*Ut tamen plarium pupillorum.*] Non à numero pupillorum, verum ab administrandi onere tutelarum desumendus est numerus. Ut plurium pupillorum non plures sint tutelæ, siquidem ad eadem & communia bona pertineant, verum tum demum, cum patrimoniorum non tantum localis est separatio, sed & ratione singularum personarum. l. 31. §. fin. D. hic.

§. 6.

1. Paupertas excusat, & quis Pau- | 2. Moribus scus est.
pertinus.

[*Ed & propter paupertatem.*] Quandoquidem paupertas tutorem impari oneri subeundo facit, ab onere tutelæ præbet excusationem, si modo paupertinus se oneri imposito non sufficere docuerit. l. 7. l. 40. §. 1. D. hic. Quo casu non tantum à munere tutelæ, verum etiam cæteris muneribus habet excusationem. l. 6. D. de Muner. & Honor. Aliter paupertinus non semper excusatur, quod ei quandoque curator adjungatur. l. 6. Cod. de suspect. tutor. Quandoque tamen non eget excusatione, in quantum removetur, vel potius non admittitur, non quia suspectus, vel quasi, verum quia per inopiam satisfactionem offerre non potest. §. fin. Instit. de suspect. tutor. l. 2. §. fin. D. de collat. bonor. l. 2. D. de Custod. & Exhib. reorum. Quis autem cenferi debeat paupertinus, definiri commodè non poterit, ut hoc ipsum iudicis arbitrio sit commitendum. vid. l. nonnulli. D. de Accus. §. 3. Instit. de success. libert. Alciat. Resp. 252 n. 2. Giurb. part. 1. observ. 22. Speckhan. cent. 1. quæst. 37. 38. 39.

DE MORIBUS.

Paupertas non præcise excusat, cum qui agrè se exhibere potest, etiam salarium administrationis nomine exigere valeat. Id quod etiam non paupertinus illud petentibus propter tutelam onerosam assignari solet. vid. Mævium ad Lubec. 1. tit. 7. artic. 14. Fabrum. Cod. 5. tit. 36. def. 1. Dessel. in notis ad Zocf. Instit. hic. Carpzov. defin. forens. part. 2. constit. 11. def. 40. in fin. Grot. 1. introd. 9.

§. 7.

Excusat adversa valetudo.

Yy 2

Item

Item propter adversam.] Morbum hic intellige fonticum, qui cuique rei agenda est impedimento. l. 10. §. fin. l. 40. D. hic. l. 60. D. de Re judic. l. 1. Cod. qui morbo. Qui si perpetuus sit, perpetuam à tutelâ, sicuti à cæteris muneribus personalibus excusationem præbet. Si temporalis, sic ut spes super sit valetudinis recuperandæ, nonnisi temporalem præstat immunitatem, ut interim in locum tutoris dandus sit curator. l. 10. §. fin. l. 12. D. hic. Non tamen morbus podagricus quem eximit oneri tutelæ. l. 13. D. de Decurion. nisi taliter artus occupaverit, ut quis ne quidem rebus propriis superesse valeat. l. 3. Cod. qui morbo. libr. 10. vid. Lucian. in Tragopodagrâ.

§. 8.

Quid sit Litteras nescire?

Similiter ei, qui litteras nescit.] Imperitia, id est rusticitas excusat, si litterarum imperitia conjunctam habeat imperitiam negotiorum. Scrusquam obtineret, si rerumagnarum & expediendarum ad sit peritia. §. 8. hic. l. 6. §. 18. D. eod. In illo vero litterarum censetur esse imperitia, qui nec legere nec scribere potest. l. 6. §. fin. D. hic. Licet aliter dici possit, per litterarum imperitiam, cum intelligi, qui legendi imperitus est, non etiam scribendi, licet illi scriptura non prosit, quod non tam litteras scribere, quam pingere, & imitari, didicerit. Unde alibi Lipsius consuetam sententiam, nec natate, nec litteras novit, ita emendat; nec notate, nec litteras novit, ut notatio ad orthographiam, adeoque ad scribendi peritiam, & litterarum cognitio, ad peritiam legendi, referatur. Apud Suetonium tamen in vitâ Claudii c. 10. nescire litteras, idem est, quod pingere non posse, ubi vid. Comment. & Cujac. ad l. 6. D. hic. Anton. August. ibid. Duaren. 1. Anniv. disp. 3. Donell. 3. comm. 9. Lyclam. 1. Eclog. 12. Vultej. discept. Scholast. c. 8. Boccr. de Bello. c. 18. n. 16. 17. Fabrot, ad Theoph. hiè. Hænon. ibique DD. disp. ad Instit. 3. n. 18.

§. 9. 10. in

Inimicitia capitales excusant.

Item si propter inimicitias.] Inimicitia fidei administrationi sunt impedimento, nec illo jure, (secus quam inter Christianos obtinet) quis inimico tenebatur benefacere, ut æquum non sit paterno inimico pupillum, ejusque bona committi. Paul. 2. Recept. Sent. Unde si quis se tutorem datum fuisse probaverit, ex inimicitia, ut per onus impositum vexaretur, excusatione gaudebat. §. 9. Instit. hic. l. 6. §. pen. D. eod. l. 14. Cod. eod. Sicuti, qui datus erat à magistratu, postquam cum patre pupilli capitales gesserat.

ferat inimicitias, d. l. 6. quod examinatione idoneâ fieri debeant creationes. l. 1. Cod. Si propt. inimic. libr. 10. Nisi tamen patri pupilli se tutelam gesturum, non obstante inimiciâ, promiserit, vel postmodum intervenierit reconciliatio. §. 9. 11. hic. Arg. l. 3. §. fin. l. 4. ibique Gothefr. D. de Adim. Legat. Montan. c. 35. n. 162. & seqq.

§. 12.

Excusatur cui à Patre Pupilli mota fuit status controversia.

Item is, qui status controversiam.] Excusatur cui status controversia à patre pupillorum fuit mota, id est, quem pater in servitutem revocare voluit. l. 6. D. hic. Quia cum libertas vitâ carior sit, capitis accusatus videtur, qui in servitutem petitur. l. 14. de bon. libert. Cumque de jure Romano inimico benefacere nemo obstringeretur, uti dixi, metuendum erat, ne injuriam à patre sibi illatam tutor filio rependat, & ita patris odio damno pupillus afficiatur.

§. 13.

Grandior Ætas excusat.

1. 2. Minor excusatione non eget.

Item major.] Grandior ætas, & quidem annorum 70. quos oportet esse impletos, meretur excusationem. §. 13. hic. l. 2. D. hic. l. 3. D. de jure immun. l. unic. Cod. qui ætate se excus. l. unic. Cod. qui ætate libr. 10. Ea enim per se gravis est, ideoque otio & quiete digna. Forte tamen à personali munere, quod est publicum utilitate liberat ætas annorum 55. Nisi quis censcat errorem irrepsisse in h. fin. Cod. Qui ætat. vel Prof. libr. 10. vid. Azq. in summ. Cod. qui ætate se excus. Gratian. discept. Forens. tom. 2. c. 328. Sand. 3. tit. 9. def. 5. Montan. c. 35. n. 171. & seqq.

Minores autem.] Minor annis 25. ad tutelam non admittitur puta dativam vel legitimam, recte tamen ad instar furiosi datur testamento tutor. Et interea tutela erit in pendenti, quasi sub conditione datus esset, ut curator locus sit futurus, donec minor factus sit major, id est annum 25. ætatis attingerit. Quod ita favore minoris est constitutum. l. ad rempublicam. D. de Muner. & Honor. cum aliter annus cæptus non habeatur pro completo. l. denique. §. minorem. D. de minor. Verum tamen hic juris cernitur mutatio, ut minor hodie non recte detur tutor, adeoque nullâ egeat excusatione. §. 13. hic. l. fin. Cod. de legitim. tutor.

§. 14.

1. Miles non potest esse Tutor, sicuti nec Clericus.

2. Moribus secus est.

Item & in milite observandum.] Miles excusatione non eget, quod ei tutelâ & curâ sit interdictum, vel ex privilegio, vel ne à militiâ avocaretur. §. 14. hic. l. 4. Cod. qui dare tutor. l. 8. Cod. de legat. Quod etiam

etiam ad militiam cælestem, adeoque ad presbyteros est extendendum, qui tutores dativi, vel testamentarii esse non debent, licet de jure anteriori se tutelæ subijcere poterant, Auth. Presbyteros. Cod. de Episc. & Cleric. Nov. 123. c. 5. Cujac. ad d. novell.

M O R I B U S.

1. De consuetudine propter debitum vel creditum, litem, status controversiam, onera tutelæ, morbum, ætatem, &c. non simpliciter excusantur, verum hæc causæ judici examinandæ committuntur. Sicuti milites, & ecclesiastici, se debent excusare, quod possint esse tutores. Menoch. 2. Arbitr. cent. 1. cas. 60. 65. Mornac. ad Auth. Presbyter. Cod. de Episc. & Cleric. Sand. 2. tit. 9. def. 1. 2. & 7. in fin. Montan. de tutel. cap. 9. n. 55. 66. 67. Groenweg. ad l. 8. Cod. qui dare tutor. Dessel. in not. ad Zoef. Instit. de Auctor. tutor.

§. 15.

- | | |
|--|-------------------------------------|
| 1. Artes liberales præbent excusationem. | 2. Ignavi & Desides non excusantur. |
|--|-------------------------------------|

1. **I**tem Roma.] Professio artium liberalium, & disciplinarum aliarum præbet excusationem modo qui volunt excusari, in patriâ eas doceant, & sint intra numerum à legibus præscriptum, decreto ordinis recepti probatique. §. 15. hic. l. 6. §. 1. D. eod. & seqq. l. 1. §. medicorum. D. Extraord. cognit. l. 5. 7. Cod. de Prof. & Medic. Fabrot. in not. ad Theoph. hic. Idem quod obtinet, si Romæ, quæ communis omnium civium Romanorum patria est, eas artes profiteantur. l. 6. §. 11. D. hic. Vel si valdè disciplinis instructi, supra numerum sint, & extra patriam docendo, moram faciant. l. 6. §. 10. D. hic.

Non tamen excusantur jurisperiti, nisi Romæ, vel Constantinopoli, vel Beryti doceant. l. 6. §. 12. D. hic. Vel in consilium Principis sint assumpti. l. 30. D. eod. Non itidem excusantur Geometræ, Musici, Poætæ. l. 2. D. hic. l. 4. Cod. de Excus. Muner. l. 3. Cod. de Prof. & Medic.

2. Sicuti qui aliter excusari solent, non audiuntur, quando sunt desides, & ignavi, ventres otiosi, inutilia terræ pondera. Quod indigni censeantur privilegiis, in quibus cessat causa, propter quam privilegia sunt concessa. Gail. 2. obs. 118. n. 8. Sncidwin. ad §. 15. Instit. hic. Montan. de tutel. c. 5. num. 206.

§. 16.

- | | |
|------------------------------------|---------------------------|
| 1. Tempus excusationis proponitur. | 3. Moribus quid obtineat? |
| 2. Modus explicatur. | |

Qui

Qui autem vult se excusare.] Agitur hoc §. de tempore, & modo proponendi excusationem. Tempus est, ut sese excuset tutor vel curator, antequam tutelam vel curam susceperit. Nam postquam eam suscepit, administrationem inchoavit, excusationem non habet. l. 2. Ubi Bartol. Cod. Si tutor vel Curat. fals. alleg. Perez. Cod. eod. n. 2. Licet ab aliis tutelis se possit excusare. l. 12. Cod. hic. Quod si tamen iustā de causā abesse cepit, vel domicilium transfulerit, vel non jure curam assumpserit, vel ordinem novum susceperit, ex post facto excusabitur. l. idem Ulpian. §. fin. l. Spadonem. §. scire. l. 30. D. hic. l. verum. §. ex facto. D. de minoribus. l. 1. §. fin. D. hic. §. 19. Instit. hic. l. spadonem. 15. §. 3. D. eod.

Et quidem si tempestive se velit excusare, id facere tenebitur intra quinquaginta dies continuos, computandos non tantum à die nominationis, sed etiam cognitionis, (quod subintelligendum in l. quinquaginta. D. hic.) ex quo se tutorem, vel curatorem datum esse scivit. l. 13. §. 1. 6. D. hic. d. l. quinquag. 38. D. eod. Quo tempore elapso excusationi præscriptum erit. l. 13. §. 5. D. hic. l. testam. 11. Cod. eod. vid. Bartol. in l. 2. §. confestim. D. Tertyllian. Bald. in l. tutores. Cod. Si ex fals. allegat. Montan. c. 35. regul. 3.

Si tamen absit tutor, vel habitet ultra centesimum ab urbe lapidem, id est miliarium vel millium, vel milliare, ab eo loco, ubi tutor est electus, ad minimum habiturus est dies 30. præter illos, qui itineri sunt impendendi, viginti millibus passuum in singulos dies computandis. Id est, in illiariibus viginti, quæ singula continent passus mille, singulique passus, quinque pedes. Ne tamen omnibus diebus computatis minus habeat diebus 50. §. 16. hic. l. 13. in princ. & §. 1. D. eod. Unde Ciceroni id visum fuit incredibile, ut homo biduo, vel ad summum triduo ambularet 70. millia passuum. In Orat. pro Quinctio. Quod si tutor vel curator alterius sit civitatis, quinquaginta dies observare non tenetur. l. 13. §. 4. D. hic.

Sicuti sub conditione vel ex die dato, non ante tempus currere incipit, quam conditio extiterit, vel dies venerit. Idem quod dicendum, si hæreditas nondum sit adita. l. pen. §. procedit. D. hic. si curator testamento datus nondum fuerit confirmatus. l. Cajus. D. hic. Azo in summ. Cod. eod. num. 3.

Disceptandæ vero contestationi & negotio peragendo, id est, ut probet allegatas excusationes, ex die nominationis, id est, ex quo die à iudice nominatus est, modo se nominatum sciverit, continui quatuor menses eidem tribuuntur, idque pupillorum contemplatione, quibus interim curator erit dandus vel etiam tutor, si quidem adeunda sit hæreditas, ubi curatoris auctoritas esset invalida. l. 38. D. hic. l. cum in unâ. §. 1. D. de Appellat. Quo tem-

tempore elapso si contra nominatum fuerit pronuntiatum, appellandi re-
 • medio sibi consulere poterit. l. tutores. 18. Cod. hic.

2. *Qui autem excusare se volunt, non appellant.*] Modus excusationem proponendi talis est: qui se excusare desiderat, & ab onere tutelæ liberari, is apud judicem ordinarium, causas allegat, & quidem omnes, quas se habere putat intra præfinita tempora, easque non per libellum solum, verum per modum actionis proponet. l. 13. §. 8. 10. l. 25. 27. 37. 39. D. hic. Opus enim est causæ cognitione, quæ per libellum supplicem expediri non potest. l. nec quicquam. §. ubi decretum. D. de Offic. Procons. l. 71. D. de Reg. juris. Ut libello quidem causas excusationis profiteatur, verum eas postmodum pro tribunali probare debeat. Azon in summ. Cod. hic. n. 6. vid. Duaren. hic. c. 1. Donell. 3. comm. 9. Cujac. ad d. l. 13. §. 10. Quæ si fuerint rejectæ idque per judicis sententiam inferioris, ad superiorem provocandi licentiam habebit. Ut non à nominatione, sed dēnum à rejectæ excusatione appellare liceat. Id quod peculiari jure in munere tutelæ ex consistit. Marci est admissum. l. 1. §. 1. 2. D. quand. appell. Cum qui ad alia vocantur munera, & auctoritate & utilitate publica, ab ipsâ nominatione teneantur appellare, id est, excusationum causas per modum appellationis proponere. l. 4. l. 7. Cod. de Appellat. Jure tamen veteri etiam tutori licuit à nominatione appellare, quod ante constitutionem Marci obtinuit; ut non mirum, si ejus juris vestigia in Pandectis occurrant. vid. Lyclam. 6. Eclog. 12. & 7. Eclog. 15. Azon. in summ. Cod. hic. n. 5. Duaren. ad hunc tit. c. 1. Donell. 3. comm. 9. Myns. Sneiderwin. hic. Hænon. disp. 3. ad Inst. n. 19. Zoef. D. hic. n. 9. diff. Cujac. ad l. 4. D. hic. & 9. observ. 35. Gothelfred. ad d. l. 4. D. hic. Anton. Matth. disp. 2. de tutel. n. 12.

DE MORIBUS.

3. Apud Gallos dum causas excusationum allegat tutor, interim ipse non curator administrationi se immiscet. Rebuff. Sent. Provis. art. 3. g^o off. 2. n. 1. n. 16. Montan. c. 35. Regul. 2. n. 7. 8. 9.

§. 17.

Tutor Personæ non rei datur, nec de parte patrimonii excusatur.

1. **D***atus autem tutor.*] Quia tutor non tam rei, quam personæ datus esse censetur, quo nomine differt à curatore, capropter certæ rei vel causæ non datur. §. 4. Instit. qui testam. tutor. dari. ubi vid. mea notata. Per consequentiam tamen bonis datus, ad universum patrimonium datus esse creditur; ut excusatio pro parte patrimonii non admittatur. §. 17. hic. Nisi tamen bona extra provinciam jaceant, quibus alius tutor dabitur. Ut illorum bonorum contemplatione se possit excusare, qui in provinciâ datus est tutor. l. 15. D. de Testam. tutel. 10. l. 21. D. hic.

§. 18.

§. 18.

Qui tutelam administravit, non tenetur subire ejusdem Adolescentis curatellam.

Qui tutelam] Sunt præter enumeratas, & alia causa excusationum, non tamen communes tutoribus & curatoribus. Una, quæ soli curatori est applicanda, hoc §. proponitur, puta, si is testamento tutor fuerit datus, quo casu à curâ sibi impositâ se excusabit. §. 18. Sufficit enim si cui vel in paucis amici labore consulatur, ut minimum à testatore gravandus non sit tutor. l. 16. D. hic. l. tutores. §. qui sc. D. de Admin. tutor. l. tutori. Cod. de Negot. Gest. l. 20. Cod. hic. Secus tamen obtinet in liberto, qui tutelam filiorum patroni gessit, nec suâ pecuniâ est emptus, vel manumissus. Omnia enim debet patrono, ejusque liberis, ut pote à quo libertatem rem inestimabilem accepit, quo nomine multa singularia in eo sunt admittenda. l. 5. Cod. hic. Argum. §. pen. Instit. de Susp. tutor. l. 7. Cod. de Revoc. Donat.

§. 19.

1. Maritus non recte Uxori datur
Curator.

RITO.

2. Jure Mosaico UXOR subest MA-

3. Moribus est omnino in Curâ Ma-
riti.

Idem rescripserunt.] Quod hic dicitur maritum uxori curatorem datum 1. se excusare, improprie dicitur, & abusive, sicuti in l. 8. & seq. D. hic. l. unic. Cod. qui morbo. junct. l. 3. Cod. qui dar. tutor. Neque enim maritus eget ullâ excusatione, quod nequeat esse curator, nequidem uxoris furiosæ. l. 14. D. de Curat. Furios. l. 2. Cod. qui dari tutor. l. 4. Cod. hic. Est tamen contemplatione bonorum quorundam uxoris curator, non omnium. Quod ut sit manifestum, bonorum uxoris aliqua præmittenda erit distinctio. Sunt enim bona mulieris dotalia, sunt præter dotalia, seu paraphernalia, sunt denique receptitia. Quæ postrema cum mulier dotem marito daret, ex suis bonis retinebat, neque ullo jure ad maritum transfinittere volebat. Gell. 17. c. 6.

Quod spectat dotalia, dubium nullum, quin maritus eorum possit esse curator, quia est dominus suo modo, ut in illis agere & conveniri possit. princ. Instit. Quibus alien. licet vel non. l. doce ancillam. Cod. de Rei Vindic. Paraphernalia quod attinet, licet eorum dominium non habeat, est tamen administrator legitimus, ut nec hic curator esse negetur. l. 8. l. fin. Cod. de Pact. Conv. Superest igitur, ut noster §. 19. accipiatur de bonis receptitiis, in quibus maritus officio curatoris fungi non potest. l. 2. Cod. qui dar. tutor. poss. Licet enim uxor seipsam marito commiserit. d.

l. 8. quod magis ad uxoris personam, quam bona spectabat, curator tamen eidem creari non poterat.

Idque propterea, ne ob rem non bene gestam cum diminutione famæ removeretur; quod propter matrimonii reverentiam non videbatur permitrendum. §. suspectus. *infr.* de Susp. tutor. Arg. l. 2. Cod. ne fidej. vel mand. dotium dentur. Vel si non removeretur, fraudque tegatur administrationis, uxor amore mariti spoliaretur. Arg. l. 7. Cod. de Interd. Matrim. l. 31. §. quod legaturus. D. de Donat. inter vir. & uxor.

Verum, dixerit quispiam, eandem rationem fraudis & infamæ milituram esse, si quidem maritus sit futurus curator dotalium & præter dotalium bonorum. *Resp.* Id forte negari poterit, quod adhuc aliquid juris in illis habeat maritus, ut propterea fraudis cesset suspicio, nihil autem juris in bonis uxoris receptitiis ipsi sit quaesitum, unde facile fraudibus locus esse posset. Quin tamen in bonis receptitiis constituatur procurator, negari non poterit, idque mandato uxoris. Cessat enim in procuratore ratio, quæ locum habet in curatore, vel administratore legitimo. Nam mandatum per quod constituitur procurator arbitrio domini sine ullâ ignominie notâ revocari poterit, secus quam obtinet in curatelâ, à quâ non sine famæ diminutione quis revocatur. *vid.* Hottom. Bacchov. hic. Montan. de Tutel. in proleg. c. 35. Lyclam. 7. Eclog. 15. Hunn. ad Treutl. vol. 2. disp. 6.

JURE HERRÆORUM.

2. Jure Mosaico, in tantum erat uxor in mariti potestate ut ne quidem votum Deo faceret, aut quod antea fecisset, impleret, nisi marito in id vel expresse vel tacite consentiente. Numer. 30. v. 5. & seqq.

MORIBUS.

3. Moribus plerorumque scæmina est in curâ mariti, adeoque sine eo nec contrahere, nec valide obligari, nec inter vivos de rebus suis disponere potest, exceptis tamen quibusdam casibus. Tiraquell. de ll. connub. in princ. Dainhand. de patroc. pupill. tit. 1. c. 5. n. 38. Wesemb. Parat. de Tutel. n. 3. 4. ibique Bacchov. in not. Rittershus. ad Nov. p. 8. c. 9. n. 8. Herbaj. rerum quot. c. 13. Sand. 2. decif. 2. def. 2. & 4. def. 1. 2. 3. 4. & Frederic. Sand. de Feud. Gelfr. tit. 1. c. 1. n. 2. & 3. Hunnius ad Treutl. vol. 2. disp. 6. p. 672. Perez. Cod. de Excusat. tutor. n. 9. Grot. 1. manud. 4. §. pen. & c. 5. §. *uyt het Huwelyck*. Zobel. 2. diff. jur. Civil. & Saxon. 23. Trajectenf. Statut. tit. 22. §. 4. 5. Frisæ 1. tit. 2. Transil. 2. tit. 2. §. 5. Velav. 27. §. 3. Rurzm. 1. tit. 2. §. 2. n. 3. Mechlin. 9. §. 1. 2. Antverp. tit. 41. §. 13.

Non tamen maritus quorundam locorum statutis uxoris immobilia, vel alienare vel oppignorare poterit, sine ejusdem consensu. Gonis advers. juris Gelfrici. 4. §. 26. Secus quam obtinet in Hollandia, indistincte, *vid.*

Grot.

Grot. 1. introd. c. 5. n. 27. & Ultrajecti, si conjuges communem habeant prolem. Stat. Ultraject. Rubric. 22. art. 2.

§. 20.

Sententia ex falsâ causâ pro Tutore lata, est ipso jure nulla.

SI quis autem falsis.] Quisquis falsis causarum allegationibus fuerit usus, forte testibus pecuniâ corruptis judicē circumveniēdo, atq; ita remissionem obtinuerit, ab onere tutelæ vel curæ non liberabitur. §. 20. hic. l. 1. Cod. Si tutor vel curat. fals. alleg. Mendax enim precator, penitus carere debet impetratis, ut est in c. super literis. de Rescript. Et judicatur iniquum ut quis doli commissi ferat præmium. l. 31. in princ. D. de Recept. Arbitr. Idem quod dicendum, si ambitione, id est gratiâ judicis, non juris ratione fuerit excusatus. l. fin. Cod. Si tutor vel cur. fals. alleg.

Secus quam obtinebit, si propter veram causam fuerit excusatus, sed injustam; quod nihil ipsi sit imputandum. Azo in summ. Cod. Si ex fals. alleg.

An ergo decretum, quo tutor falsis adhibitis allegationibus liberatur, erit ipso jure nullum? Id videtur affirmandum per l. 1. §. Cod. Si tutor vel curat. fals. alleg. quod ita forte receptum favore pupillorum, quorum interest quam maxime, ne tutores judicis religionem circumveniant. l. 1. Cod. Si tutor. fals. alleg. Aliter sententiæ ex falsis elicite allegationibus, valent quidem, sed rescinduntur. l. qui testament. D. hic. l. 33. D. de Re judic. l. 5. Cod. de Præd. Minor. tit. Cod. Si ex fals. instrum.

Næque obst. §. 6. Instit. quibus ex caus. manum. Quod ibidem causa falsa semel approbata, propter quam quis consecutus est libertatem, favore libertatis, quæ data non facile retractatur, sustineatur. vid. Bartol. & Salicet. ad l. 1. Cod. Si tutor vel curat. ex fals. alleg.

LIBER. I. TITULUS. XXVI.

D E

SUSPECTIS TUTORIBUS.

SCiendum est, suspecti crimen ex lege duodecim tabularum descendere.

1. Datum est autem jus removendi tutores suspectos

Ro-

Romæ Prætori, & in provinciis Præsidibus earum, & Legat^{is} Proconsulis.

2. Ostendimus, qui possint de suspecto cognoscere: nunc videamus, qui suspecti fieri possint. Et possunt quidem omnes tutores fieri suspecti, sive sint testamentarii, sive non sint, sed alterius generis tutores. Quare & si legitimus fuerit tutor, accusari poterit. Quid si patronus? Adhuc idem erit dicendum: dummodò meminerimus, famæ patroni parcendum esse, licet ut suspectus remotus fuerit.

3. Consequens est, ut videamus, qui possint suspectos postulare. Et sciendum est, quasi publicam esse hanc accusationem, hoc est, omnibus patere. Quinimodò & mulieres admittuntur ex rescripto divorum Severi & Antonini: sed ex solâ, quæ pietatis necessitudine ductæ, ad hoc procedunt: utputa mater, nutrix quoque & avia, potest & soror. Sed & si quæ alia mulier fuerit, quam Prætor propensâ pietatē intellexerit, sexus verecundiam non egredientem, sed pietatē productam, non sustinere injuriâ pupillorum, admittet eam ad accusationem.

4. Impuberes non possunt tutores suspectos postulare. Puberes autem curatores suos ex consilio necessariorum suspectos possunt arguere: & ita divi Severus & Antoninus rescripserunt.

5. Suspectus autem est, qui non ex fide tutelam gerit, licet solvendo sit, ut Julianus quoque scripserit. Sed & antequam incipiat tutelam gerere tutor, posse eum quasi suspectum removeri, idem Julianus scripsit, & secundum eum constitutum est.

6. Suspectus autem remotus, si quidem ob dolum, famosus est: si ob culpam, non æquè.

7. Si quis autem suspectus postuletur, quoad cognitio finiatur, interdicitur ei administratio, ut Papiniano visum est.

8. Sed si suspecti cognitio suscepta fuerit, posteaquam tutor vel curator decesserit, extinguatur suspecti cognitio.

9. Si

9. Si quis tutor copiam sui non faciat, ut alimenta pupillo decernantur, cavetur epistolâ divorum Severi & Antonini, ut in possessionem bonorum ejus pupillus mittatur: & quæ morâ deteriora futura sunt, dato curatore distrahi jubentur. Ergo ut suspectus removeri poterit, qui non præstat alimenta.

10. Sed si quis præsens negat propter inopiam alimenta posse decerni, si hoc per mendacium dicat, remittendum eum esse ad Præfectum urbi puniendum placuit: sicut ille remittitur, qui datâ pecuniâ ministerium tutelæ adquisierit vel redemerit.

11. Libertus quoque, si fraudulenter tutelam filiorum vel nepotum patroni gessisse probetur, ad Præfectum urbi remittitur puniendus.

12. Novissimè autem sciendum est, eos, qui fraudulenter tutelam administrant, etiam si satis offerant, removendos esse à tutela: quia satisfactio tutoris propositum malevolum non mutat, sed diutius grassandi in re familiari facultatem præstat. Suspectum etiam eum putamus, qui moribus talis est, ut suspectus sit. Enim vero tutor vel curator, quamvis pauper sit, fidelis tamen & diligens, removendus non est quasi suspectus.

COMMENTARIUS.

IN PRINC.

SUSPECTI actio abusive dicitur crimen.



Ciendum est. } Sensus non est, quod ipsum crimen ex 1.
12. tabulis descendat, neque enim lex est criminis ullius causa, saltem non per se: verum remedium quo crimini obviam itum est, seu postulatio suspecti. *Dolus malus*, inquit Cicero, *legibus erat vindicatus: ut tutela 12. tabulis, circumscriptio adolescentium lege Latoria. libr. 3. de Offic. l. 1. §. 1. D. hic.* Quod etiam manifestum est ex verbis 12. Tabularum: *suspecti tutoris removeantur.* Hæc itaque suspecti postulatio, vel accusatio, suspecti crimen appellatur. in princ.

& §. 3. hic. quæ tamen alibi actionis nomine insignitur. l. 1. §. 6. D. hic. Neque enim in rei veritate hic crimen est, multo minus publicum, sed quasi. §. 3. hic. Unde etiam sine libello intentatur, l. 3. §. præterea. D. hic. & qui illud objecit, si desistat, non incidit in Turpillianum. l. 1. §. 11. D. Turpillian. sicuti nec in crimen inscribit, nec qui de eo cognoscit, merum habet imperium. §. 1. Instit. hic. Azo in summ. Cod. hic. n. 5.

Quinimo non semper de suspecto per modum accusationis quaeritur, quod vel per in factum actionem, vel per officium judicis super eo inquiretur. l. 3. §. 4. D. hic. vid. Bartol. in l. 1. & 3. D. hic. & in l. pietatis. Cod. eod. Specul. ad tit. de instrum. §. nunc aliqua.

§. 1.

1. *Quinam removeant SUSPECTOS?*

mandari?

2. *An SUSPECTI cognitio possit det*

3. *Moribus quid obtineat?*

1. **D**atum est autem jus.] Non eadem hic removendi tutorem, quæ constituendi ratio. Nā constituere tutorem poterunt non tantum majores magistratus, sed etiam minores, id est, municipales in Provinciis. Verum tantum removeere eundem possunt majores magistratus; quales sunt Romæ Prætor, Præfectus urbi, in provinciis Præses, Proconsules & legatus proconsulis, postquam ei à proconsule mandata est jurisdictio. l. 4. D. de Offic. ejus cui mand. non si ei à Præfide suspecti cognitio sit demandata, quod Præses Proconsulem non habeat. l. 1. §. suspecti. D. Ad Turpillian. Nisi quispiam in d. l. 1. nomine Præsidis in genere omnem illum intelligat, qui de suspecto cognoscit, sive id agat suo, sive Præsidis nomine; id quod ipse Præses tum agere censetur. l. 1. D. Offic. Præsid. Arg. l. 3. D. Offic. ejus cui mand. Vel etiam solum Præsidem de suspecto cognoscere dixerit, ad exclusionem magistratus municipalis. Azo in summ. Cod. hic. n. 6. vid. tamen Duarenium ad tit. de jurisd. c. 5. Cujac. ad l. 1. D. de Offic. ejus cui mand. Bacchov. ad Treutler. vol. 2. disp. 9. thes. 3. litt. c.

An igitur legatus proconsulis de suspecto cognoscit, in quantum hoc ei à Proconsule est demandatum, an in quantum hoc ipse jure sibi concessio habet, non ante tamen exercet, quæ ei à Proconsule mandata sit jurisdictio? Ute eo sensu demandata videatur cognitio suspecti legato, quod demandetur ei jurisdictio, quo facto, exercet quod aliunde habet. Quæ posterior opinio forte tenenda. §. 1. hic. l. 1. §. 4. D. eod. Arg. l. 13. D. de Offic. Proconsul. & legat. Sicque accipienda. l. 4. D. de Offic. ejus cui mand. Cui consequens erit, suspecti remotionem ad instar tutoris dationem specialis esse permissionis seu jurisdictionis legalis; quod habitus & privatio versentur circa idem. Et si vi ordinariæ jurisdictionis vel Prætor Romæ, vel

vel Præses in Provinciâ tutorum suspectum removeret, frustra jure, vel lege speciali, vel constitutione Principis, id alicui datum vel concessum esse diceretur. §. 1. hic. l. 1. §. 3. 4. D. eod.

Neque obstat, quod suspecti cognitio demandari posse statuatur; cum tamen quæ sunt legalis jurisdictionis demandatâ jurisdictione non transferantur. l. 1. §. 4. D. hic. l. 1. in princ. D. de Offic. ejus cui mand. An quia servanda est differentia inter suspecti cognitionem, & remotionem, quasi cognitio, non remotio sit demandata, cum quæ appellatur remotio in §. 1. hoc tit. suspecti cognitio §. 2. appelletur? An potius quia favore pupillorum, contra communem juris regulâ, receptum est, ut cognitio de suspecto possit demandari? l. 4. D. de Offic. ejus cui mand. jurisd. Ita tamen, ut si quid majorem exigit animadversionem rejiciendum sit in eum, qui mandavit, si modo criminalem habeat jurisdictionem. Quo casu cui mandata est suspecti cognitio, solummodo cognoscat, is qui mandavit, sive sit præses, sive Proconsul, solus (qui forte sensus l. 1. §. suspect. D. Turpill.) animadvertet. Arg. §. 10. & 11. Instit. hic. Nemo enim gladii potestatem sibi datam, aut alicujus alterius coercitionis ad alium transferre potest. l. 10. D. de Regul. jur.

MORIBUS.

Quia jus dandi tutoris est ordinariæ jurisdictionis, etiam ejusdem removendi competet ei, qui eundem constituere potest. Zoef. D. hic. num. 2. Groenweg. Dessel. ad Instit. hic. vid. Mevium ad Lubec. libr. 1. tit. 7. artic. 5.

§. 2.

1. *Omnis TUTOR Suspecti postulat.* } 2. *Non tamen PARENS.*
tur.

Ostendimus.] Suspecti postulat omnis omnino tutor, qui non ex fide tutelam administrat. Igitur & testamentarius incusari potest suspecti, licet ejus fides & diligentia à testatore fuerit probata. in princ. Instit. de Satisf. tutor. Etiam datus ex inquisitione, licet idoneus videatur electus. d. princ. Instit. de Satisf. tutor. l. 1. §. 5. l. 3. §. 1. 2. 3. D. hic.

Utilitatem enim pupillorum spectat Prætor, si quidem ei nonnulla sint comperta, quorum vel parens pupilli, vel qui inquisivit, ignarus erat. l. 10. D. de conf. tutor. Quid si erim tutor ex amico inimicus, è divite pauperior sit effectus? l. 4. D. de Testam. tutel. Quid si morum ante celata, vel ignorata emerferint improbitas? l. 8. D. de conf. tutor.

An legitimus itidem suspectus fieri possit? Ita dicendum, non facile tamen, quod aliqua & hic forte habenda sit ratio cognationis. l. 12. D. de Ma-

Manum. Vind. Ut potius eidem sit adjungendus curator, proutratione necessitudinis personæ æquum esse magistratus fuerit arbitratus. l. 9. D. de Susp. tutor.

Non tamen ita suspecti postulabitur liberti patronus, quin ejus famæ sit parcendum. §. 2. hic. l. 1. §. 5. D. hic. Arg. l. 9. D. de Obseq. Parent. & Patron. præstand. Idque vel non significatâ causâ remotionis, vel saltem non nisi generali formulâ contentâ, puta, quod non ex fide sit versatus. l. 4. D. hic. l. non debet. in fin. D. de Dolo.

Nullo vero modo suspecti videtur accusandus vel removendus esse parens, ut potius ei curator sit adjungendus. l. 3. §. fin. l. 9. D. hic. Arg. l. 1. 2. D. de Obseq. Parent. junct. l. 9. D. hic. Nisi tamen eum removendum esse pupilli suadeat utilitas. l. 6. Cod. hic. vid. Bartol. in l. tutor. 3. D. hic. Montan. c. 36. regul. 3. n. 15. & reg. 6.

§. 3.

1. Suspecti postulatio est quasi publica. | 2. MULIERES postulant Suspecti.

1. **C**onsequens est ut videamus.] Suspecti postulatio publica accusatio non est, vel publicum crimen, quod neque ex legibus publicorum judiciorum sit introductum, neque ad rei publicæ vindictam tendat, neque accusatum perpetua comitetur infamia, etiam per procuratorem intentari possit. l. 1. plane. D. An per alium caus. appell.

Non obstat. l. 39. §. fin. D. de Procur. Ubi loco *accusabitur*, legendum est *excusabitur*. Mornac. ad d. l. 39. Bacchov. in not. ad Wesemb. hic. n. 5.

Secundum tamen aliquam analogiam quasi publica dicitur accusatio, in quantum cuivis ea patet, etiam suo modo publicè interest, prohiberi grassationem in rebus pupillaribus. §. 3. hic.

2. Mulieres ergo suspectos tutores possunt accusare, idque ex rescripto Severi & Antonini, si modo necessitudine pupillo sint junctæ. Nam & hæc publico judicio reos facere possunt, dum suas suorumque injurias exsequuntur. l. 1. §. pen. D. hic. l. fœminas. D. de Procur. l. 3. §. si mulier. D. de homin. liber. exhib. l. 1. D. de Accus. l. 6. D. de Popul. Action.

Quinimo, si quæ mulier propensâ id agat pietate, sexus verecundiam non egressa, audietur. Enixa voluntas & pupillorum commodum, contra juris regulam, hunc meretur favorem. §. 3. hic. Arg. l. videamus. D. de in lit. jurand. l. cum pater. §. filius. D. de Leg. 2. adeoque non obstat. l. 1. §. sexum. D. de Postul. l. fin. §. fin. D. Qui pet. tutor. l. 2. D. de Regul. juris vid. Valer. Maxim. 3. c. 3.

§. 4.

1. *Minores non tamen Impuberes* | 2. *Quid Moribus obtineat?*
Suspecti postulare possunt.

P*Ueres curatores suos.*] Minores suos curatores ex consilio necessario-
 rum suspectos postulare poterunt. §. 4. hic. Quod an jure singulari sit
 introductum, merito dubitaveris. Nam & his olim tali ætate Roma-
 ni causas agere permittebant. Cicer. 1. de Offic. Etiam his accusare con-
 cessum erat, si suas suorumque injurias persequantur. Arg. l. 4. Cod. de
 Auct. Præstand. Quia tamen hæc accusatio quasi publica est, & minores
 hic tendunt ad privatum commodum, quod in jure persequuntur, eisque
 ordinariè non permittitur ut agant sine curatore. §. 2. Instit. de curat. recte
 dixeris hic aliquid singulare admissum fuisse. l. 7. in princ. D. hic. Montan.
 c. 36. reg. 7. n. 15.

Impuberibus tamen permissum non est suos tutores suspectos incusare,
 ne quidem ex consensu tutorum. l. 7. D. hic. Ipsi vero contutores id pos-
 sunt, & debent, nisi postmodum velint conveniri, quod suos contutores
 non postulaverint suspecti. l. 3. in princ. D. hic. Sicuti & servi pupillares
 suspectos possunt deferre, judicemque de fraudibus eorum instigare. l. ni-
 hil. D. hic. Jure tamén singulari receptum est, ut impuberes unà cum tuto-
 ribus mortem patris exsequantur. l. 2. §. 1. D. de Accusat. In cæteris au-
 tem causis dubitandum non est, quin ex consensu tutorum impuberes in
 judicio stare possint. l. 1. 2. Cod. Qui person. hab. stand. in judic.

Quod si nemo sit, qui suspectos incuset, aut incusare velit, ne res pupil-
 lorum pereant, citra accusationem ex officio suspectos removebit magistra-
 tus, modo apertissimis id pareat argumentis. l. 3. §. præterea, l. fin. D. hic.

M O R I B U S.

Siquidem postulatio suspecti crimen sit, non omnibus competet accu-
 satio, quod non nisi publici officii sit, accusare. Si quasi crimen, multo mi-
 nus; quod moribus eos tantum liceat incusare, vel agere, ad quos ea res
 potissimum spectat, ut non omnibus id liceat. Quin tamen contutor; col-
 legam deferre liceat, adeoque suæ consulere securitati dubium non habet.

§. 5.

1. *Definitur SUSPECTUS.*

2. *Definitur Quasi-SUSPECTUS.*

S*uspectus autem est.*] Suspectus est, qui non ex fide tutelam gerit. §. 5. 1.
 hic. Is vero non ex fide gerere dicendus est, qui fraudulentè & calli-
 dè in re pupilli versatur. l. si creditores, D. de Privileg. creditor. l. 3. 7.
 8. D. hic. Etiam qui postquam gerere cepit, gestu abstinct. l. 5. §. 2.

D. de Admin. tutor. Vel qui cum administrare deberet, dolo malo non administrat. Nam si ex culpâ levi abstineat, potius quasi suspectus erit dicendus, qui quandoq; appellatione suspecti continetur. §. 5. hic. l. 4. §. 4. D. eod. l. 2. §. 6. Cod. eod. Vel qui non confecto repertorio, id est inventario bonorum pupilli, ea cæpit administrare. l. 3. §. tutores. D. hic. l. 7. in princ. D. de Admin. tutel. Boër. decis. 33. num. 100. Cravett. consil. 190. Nisi fuerit Pater, qui ad inventarii confectiorem non tenebatur. l. cum oportet. §. 6. non autem. Cod. de bon. quæ liber. Gomef. in l. 48. Tauri. n. 16. Pinell. in l. 1. part. 2. n. 21. Cod. de bon. matern. Vel nisi fuerit tutor, cui parens inventarii remisit confectiorem. l. fin. Cod. Arbitr. tutel. Ut tamen non semper iudicium parentis sequi teneatur prætor. l. 3. §. quamvis. D. de Administ. tutel. Covarr. 2. variar. resol. 14. num. 4. Garfias de Expens. c. 20. n. 22. Sicuti nec facilè à rationum libro conficiendo tutor excusabitur, ne quidem ab illo onere per patrem pupilli liberandus. l. 1. §. officio. D. de Admit. tutor. Garfias d. cap. n. 22.

2. *Sed & antequam.*] Pro suspecto haberi potest, qui tutelæ officium affectavit, adeoque semet intrusit. l. prætor. l. scire. §. cum reliquis. D. de Tutor. & curat. dat. l. Prætor. de Offic. Prætor. Quod generaliter in omnibus est observandum qui adeo cupide & obnixè munera affectant. l. quæ omnia. D. de Procurat. Pro quasi suspecto censetur ille, qui antequam gerere incipiat, in fraudis venit suspicionem. §. 5. hic. l. 4. §. 4. D. hic. Sicuti qui nihil dum gessit per ignaviam vel negligentiam, qui dolo malo non satisfat. l. 4. D. hic. Vel abusive, qui reverà suspectus est, quia est in latâ negligentia. l. 7. §. 1. D. hic. Vel ubi est causa suspicandi. l. 3. §. 8. D. hic. ut in duobus postremis casibus, vocabulum *quasi* videatur esse dubitandi nota.

§. 6.

- | | |
|---|--|
| 1. Suspectus ob dolum remotus, est infamis. | 3. Ob culpam levem remotus, non est infamis. |
| 2. Licet Sententia infamia non memoriter. | 4. Quid Monibus obtineat. |

1. *Suspectus autem remotus.*] Effectus suspecti postulationis est, ut tutori vel curatori interim administratione interdicatur. §. seq. hic. utque si iure fuerit incusatus, à munere suo removeatur. l. pietatis. l. fin. Cod. hic. & remotus ob dolum (nisi sit parens vel patronus, quorum sanæ parcendum est. §. 2. hic.) fiat infamis. §. 6. hic. Idem quod asserendum, si quidem ob latam culpam fuerit remotus: quod ea sub dolo hic comprehendatur. §. 6. hic. Arg. l. 4. §. fin. D. eod. & ad fraudem accedat. l. 7. §. 1.

D. hic. & passim in jure nostro dolo comparetur; quinimo effectu inspecto (nisi de pœnâ corporali agatur. l. 7. D. l. Cornel. de Sicar.) sit dolus. l. 1. D. Si Mens. fals. mod. l. 22. 6. D. de verb. signif. l. 32. in princ. D. Depos. Duaren. ad hunc tit. c. de caus. propt. quas. Donell. 18. comm. 8. Cujac. 7. obs. 8. Coras. 4. Miscell. 2. n. 9. vid. Barbos. ad l. 10. n. 7. in princ. D. Solut. Matrim. Hænon. disp. 3. Instit. n. 22. Montan. c. 36. regul. 8. diss. Sncidw. in 6. hic. Costal. ad l. 11. §. fin. D. Qui not. infam. post gloss. Bartolum aliosque, Bronchorst. 3. Antinom. 19. & ad l. 23. D. de Reg. jur.

Quid si quis ob dolum vel latam culpam sit remotus, nec tamen Sententia mentionem doli faciat? Inspecto juris rigore famosus erit, quod decretum illius delicti vel causæ mentionem faciat, ex quâ de jure sequitur infamia. l. 1. D. Qui not. infam. l. 4. D. hic. Ut tamen velint DD. quasi in dubiis id quod minus lædit, eligendum esse. vid. Montan. c. 36. regul. 8. n. 1. & seqq. Zoef. D. hic. n. 8.

Si ob culpam non aq̃ue.] Quicumque ob culpam removetur, id est ob culpam levem, (sic enim illa vox passim in jure accipitur. l. 23. D. de Regul. juris. l. 5. D. commod. l. fin. Cod. hic.) segnitiam, rusticitatem, non fit famosus. §. 6. hic. l. 3. §. fin. D. eod. Neque enim infamiam parit negligentia, nisi in magnis & arduis, & ubi periculum imminet rei publicæ. l. 1. 2. D. Ad l. Jul. Majest. vid. Lyclam. 6. Eclog. 14.

M O R I B U S.

Qui propter infidelem administrationem à tutelâ removetur, non ea propter infamiâ notatur. Nisi propter tale delictum sit remotus, quod ipso jure infamiam irrogaret, vel tali pœnâ affectus, quæ infamiz maculam inureret. vid. Groenw. de ll. Abrog. hic. De consuetudine tamen Hungariæ & Transilvaniæ suspectus remotus propter infidelitatem notatur infamiâ, & insuper damni illati nomine condemnatur in duplum. Coll. Consuet. Hungar. & Transilvan. part. 1. decret. tit. 123.

§ 7.

Suspecto postulato interim interdicatur administratione.

S*I quis autem suspectus.*] Quia postulatio suspecti instituitur stante tutelâ, & tutum non est tutorem in administratione continuare, quod ipsa lis dubitationem pariat. Nec tamen postulatione, sed damnatione quis desinit esse tutor, eapropter interim eidem interdicatur administratione, dato curatore qui administret, donec de suspecto judicium fuerit terminatum. §. 7. hic. l. sed etsi. §. si ante. D. Pet. hæred. l. 7. Cod. eod. Montan. c. 36. regul. 9.

§. 8.

Differentia inter actionem Tutelæ & Suspecti proponitur.

S*ed si suspecti cognitio.*] Differentiæ inter actionem suspecti & tutelæ sunt variz, quarum una in hoc §. proponitur. Illa quippe in hæredem tutoris non datur, hæc vero in hæredem regulariter dari potest, nec defuncto tutore extinguitur. Ratio prioris est, quia qui mortuus est, removeri non potest, ut frustra suspecti cognitio tutore mortuo intentaretur, quæ potissimum in hunc tendit finem, ut tutor removeatur. Nisi quis vel hinc rationem desumpserit, quod suspecti postulatio, quasi publica sit accusatio, & quasi criminis. Quod cum mortalitate deleatur, excepto crimine Majestatis, aliisque pecuniariam utilitatem persequentibus. §. 2. Instit. de Public. judic. l. ult. D. Ad l. Jul. Peculat. l. is qui. D. Ad l. Jul. Majest. etiam causa suspecti, crimini comparata, cum personâ extinguitur. l. 15. D. Turpill. l. 3. 6. D. de Public. judic. Suspecti itidem cognitio, non tantum morte, verum si alio quovis modo tutela fuerit finita, extinguitur. l. pen. D. hic. Cum enim finitâ tutelâ adversus tutorem competat tutelæ actio, eaque æque sit famosa atq; suspecti, ob dolum secutâ condemnatione, opus esse non videbatur, vel suspecti agere, vel suspecti actionem peragere. Hinc alia refultat inter actionem suspecti & tutelæ differentia, quod illa finitâ tutelâ cesset, hæc non item. Illa quidem ante hanc intentari possit, verum hæc adveniente, extinguitur. Illi hæc intentatâ nunquam possit esse locus, huic vero illâ inchoatâ, & extinctâ locus datur. vid. Montan. de tutel. c. 36. regul. 10.

§. 9.

1. Si TUTOR copiam sui non faciat, | *norum.*
locus est missioni in possessionem bonorum. 2. Quid Moribus obtineat?

1. **S***I quis tutor copiam sui non faciat.*] Si tutor copiam sui non faciat, id est statit, vel absit dolo malo, ne pupillo per prætorem decernantur alimenta, præterquam quod pro suspecto habeatur, etiam mittitur pupillus in bonorum possessionem tutoris, rei servandæ causâ. Dato interim curatore qui distrahat ex bonis, quæ servando servari non possunt, id est, quæ tempore deteriora sunt futura, vel onus & commodum secum adjunctum habent. Qualia sunt vinum, oleum, frumentum, vestes, jumenta, & similia. Non itaque ea dividentur, ut inde pupillus alatur, vorum ut ei sit cautum, habeatque unde damna, si quæ data vel illata sint, reposcat. l. 3. D. Ubi pupill. educ. l. 5. §. fin. D. jure delib. l. 3. §. 14. D. hic. l. 7. §. 2. cod. Montan. c. 36. n. 30.

Mis-

MORIBUS.

Missiones bonorum exoleverunt, adeoque de plano adversus tutorem 2.
proceditur, quo per sententiam consulatur pupillo. Groenw. hic.

§. 10.

1. Punitur ab Urbis PRÆFECTO,
qui per mendacium se alimenta
decernere posse negat.

redemit.

3. Munerum Nundinationes sunt im-
probanda.

2. Punitur itidem, qui pecuniâ tutelam

Sed si quis praesens.] Quia criminum omnium cognitio, & animadversio 1.
præfecto urbi competebat, tantum enim prætor habebat jurisdictionem civilem, ideo qui per mendacium negat (quod raro de jure civili est impunitum) alimenta pupillo decerni posse, quod prætendat tantum non esse in pupilli patrimonio, mittitur ad Præfectum Urbi puniendus, & quidem eâ pœnâ, quâ solet affici, qui tutelam corruptis Prætoris ministris redemit. §. 10. hic. l. 3. §. 15. D. eod.

Sicut ille remittitur, qui datâ pecuniâ.] Si tutor datâ pecuniâ, & erogatâ 2.
in Prætoris ministros vel officiales, per quos fit inquisitio ministerium (sic lego) id est officium vel administrationem tutelæ redemerit, itidem ad præfectum Urbi remittitur puniendus, & quidem satis graviter, adeo ut ad corporalem pœnam procedatur. Nihil enim interest, id agat quispiam, ut corruptâ fide inquisitionis tutor constituatur, an bonâ fide constitutus veluti prædo, bonis alienis incumbat. Neque aliter evenire potest, quam ut is qui emit vendat; adeoque propter erogationem à se factam, illicite quid corradat, ne in damno hæreat. Alexander. Sever. apud Capitolinum. §. 10. hic. l. 3. §. 15. D. eod. l. 1. §. 7. D. de Offic. Præf. Urbi.

Quod etiam ad omnes illos est extendendum, qui dato pretio munera 3.
publica improbè fuerunt nundinati. Nov. 8. in princ. c. 1. 7. & Novell. 15.
Gregor. Tholof. libr. de Rep. 4. c. 5. n. 27. & c. 6. n. 4. Montan. c. 36. n. 14. & seqq.

§. 11.

LIBERTUS durius punitur, quia ingratus.

Libertus quoque.] Silibertus tutelam filiorum vel nepotum sui patroni fraudulenter gerat, ad urbis Præfectum mittitur puniendus corporaliter. §. 11. hic. Admissa enim in patronum patronive liberos, severius sunt vindicanda, quam si in extraneos peccatum foret. l. 28. §. ad statuas. D. de Pœn. Quod quo quis majus accepit beneficium, eo graviorem suo sceleri in benefactorem commisso pœnam mereatur. Arg. l. 3. §. de his qui. D. Ad Senat. Silan. l. 8. Cod. de Episc. & Cleric. l. unic. Cod. de Conduct. & Procurat. libr. 11.

Nec obſt. l. 13. §. 6. D. de Re Milit. Licet enim ibidem miles à patrè ad ſupplicium oblatus eſſet, non tamen offenderat patrem.

§. 12.

- | | |
|---|---|
| 1. Qui fraudulenter tutelam gerit, licet ſatis offerat, removeſtur. | 3. Quis ſit PAUPERTINUS Judici determinandum relinquitur. |
| 2. PAUPERTINUS non Quaſi-Suſpectus removeſtur. | 4. Quid obtineat Jure Hebræorum? |
| | 5. Quid Moribus? |

1. **N**oviſſime ſciendum eſt.] Quid ſi qui fraudulenter tutelam gerit, ſatis offerat, an nihilominus ut ſuſpectus à tutelâ removebitur? Videbatur dicendum eum removendum non eſſe, quod per ſatiffactionem pupillo ſatis eſſet conſultum, ut in damno hæſere nequeat. Neque enim alius eſt finis ſatiffactionis, quam ne à tutoribus pupillorum conſumantur negotia. in princ. Inſtit. de Satifd. tutor. Quia tamen propoſitum graſſandi malevolum non mutat ſatiffactio, ſed ſpoliorum præbet occaſionem, & copiam facit, quo quis fiat deterior. l. 6. D. hic. Nov. 72. inſuper expedit pupillo, rem ſuam ſalvam fore, quam tabulas cautionis dere ſervandâ incolumi, habere; propterea leges tutorem ſuſpectum non obſtante cautione idoneâ, voluere remotum. §. 12. hic. l. 5. D. hic.

2. **Enimvero tutor vel curator.]** Tutores qui removebantur, vel ſuſpecti, vel quaſi ſuſpecti, vel non quaſi ſuſpecti, dicebantur. Hi poſtremo ſunt tales, vel ratione commiſſi vitii, quales ſunt, qui per mendacium negant alimenta pupillo decerni poſſe. l. 3. §. 15. D. hic. Vel citra ullam ſuam culpam, ullum peccatum, quales ſunt, qui contra matris voluntatem tutores ſunt dati. l. unic. Cod. Si contra matr. volunt. Etiam paupertini; in quibus licet nihil ſit culpandum, quod sæpe bonæ mentis foror ſit paupertas, quia tamen fidejuſſores invenire nequeunt, removebuntur. §. fin. in fin. hic. l. 8. D. eod. l. 2. Cod. De tutor. vel curat. qui ſat. non ded. Ut tamen quandoque in officio tutelæ retineantur, iſſque ex cauſâ jungatur curator qui facultatibus ſufficiat. l. pietatis. 6. Cod. hic.
3. **Quinam vero dicendi ſint paupertini,** quoniam determinari difficile poſteſt, arbitrio judicis relinquitur decidendum. vid. Menoch. 2. arbitr. caſ. 65. n. 8. & caſ. 96. n. 13. Gail. 1. obſ. 142. Covarr. 2. Variar. reſol. 6. n. 8. Maſcard. conſul. 114. & 1155. Montan. de tutel. c. 36. reg. 2. vid. quæ ſuperius in hanc rem ſum commentatus.

JURE HEBRÆORUM:

4. **Jure Moſaico** dicebatur paupertinus, qui ſemet ipſum exhibere non poterat, ex eleemoſynis ſuſtentandus. Deut. c. 14. v. 21. c. 15. v. 7. 9. 10. 11. & c. 18. v. 6. & c. 24. v. 17. 19. 20. 26.

Mo-

MORIBUS.

Paupertinus non à tutelâ, sed ab administratione removetur. Dessel. in 5.
not. ad Zoesl. Instit. hic. Licet Antumnus in censur. ad l. 8. D. eod. judi-
cet eundem esse removendum, quod fraudis sit metus, urgente necessitate.
Id quod verissimum esse censerem, si quando paupertinus se sponte ingere-
ret, non si postquam factus erat tutor, citra culpam in paupertatem incidis-
set, quod in tali fraudis cesset suspicio.


FINIS LIBRI PRIMI.



IN LIB. SECUNDUM,
INSTITUTIONUM
 SEU ELEMENTORUM,
 JURIS CIVILIS
 COMMENTARIUS.

DE RERUM DIVISIONE, ET AC-
 QUIRENDO EARUM DOMINIO.

T I T U L U S. I.

 Uperiore libro de jure Personarum exposui-
 mus: modo videamus de Rebus, quæ vel in
 nostro patrimonio, vel extra patrimonium
 nostrum habentur. Quædam enim naturali
 jure communia sunt omnium, quædam pu-
 blica, quædam universitatis, quædam nulli-
 us, pleraque singulorum, quæ ex variis causis cuique adquirun-
 tur sicut ex subjectis apparebit.

1. Et quidem naturali jure communia sunt omnium hæc,
 aër, aqua profluens, & mare, & per hoc littora maris. Nemo
 igitur ad littus maris accedere prohibetur: dum tamen à vil-
 lis, & monumentis, & ædificiis absteineat, quia non sunt juris
 gentium, sicut est mare.

2. Flumina autem omnia, & portus publica sunt: ideoque
 jus piscandi omnibus commune est in portu, fluminibusque.

3. Est autem littus maris, quatenus hybernus fluctus maxi-
 mus excurrit.

4. Riparum quoque usus publicus est jure gentium, sicut
 ipsius

ipsius fluminis. Itaque naves ad eas appellere, funes arboribus ibi natis religare, onus aliquod in his reponere, cuilibet liberum est, sicut per ipsum flumen navigare. Sed proprietas earum illorum est, quorum prædiis hærent: qua de causa arbores quoque in iisdem natæ eorundem sunt.

5. Littorum quoque usus publicus est & juris gentium, sicut & ipsius maris: & ob id cuilibet liberum est, casam ibi ponere, in quam se recipiat: sicut retia siccare, & ex mari deducere. Proprietas autem eorū potest intelligi nullius esse: sed ejusdē juris esse cujus & mare, & quæ subjacet mari terra vel arena.

6. Universitatis sunt, non singulorum, quæ in civitatibus sunt theatra, stadia, & si qua alia sunt communia civitatum.

7. Nullius autem sunt res sacræ, & religiosæ, & sanctæ: quod enim divini juris est, id nullius in bonis est.

8. Sacræ res sunt, quæ ritè per Pontifices Deo consecratæ sunt: veluti ædes sacræ & donaria, quæ ritè ad ministerium Dei dedicata sunt: quæ etiam per nostram Constitutionem alienari & obligari prohibuimus, exceptâ causâ redemptionis captivorum. Si quis autem auctoritate suâ quasi sacrum sibi constituerit, sacrum non est, sed profanum. Locus autem, in quo ædes sacræ sunt ædificatæ, etiam diruto ædificio, sacer adhuc manet, ut & Papinianus scripsit.

9. Religiosum locum unusquisque suâ voluntate facit, dum mortuum infert in locum suum. In communem autem locum purum invito socio inferre non licet. in commune verò sepulchrum etiam invitis cæteris licet inferre. Item si alienus usufructus est, proprietarium placet, nisi consentiente usufructuario, locum religiosum non facere. In alienum locum consentiente domino licet inferre: & licet postea ratum non habuerit, quàm illatus est mortuus, tamen locus religiosus fit.

10. Sanctæ quoque res, veluti muri & portæ civitatis, quodammodò divini juris sunt: & ideo nullius in bonis sunt. Ideo autem muros sanctos dicimus, quia pœna capitis constituta est in eos, qui aliquid in muros deliquerint. Ideo & le-

gum eas partes, quibus pœnas constituimus adversus eos, qui contra leges fecerint, Sanctiones vocamus.

11. Singulorum autem hominum multis modis res fiunt. Quarumdam enim rerum dominum nanciscimur jure naturali, quod (sicut diximus) appellatur jus gentium: quarumdam verò civili. Commodius est itaque à vetustiore jure incipere. Palàm est autem, vetustius esse jus naturale, quod cum ipso genere humano rerum natura prodidit. Civilia enim jura tunc esse cœperunt, cum & civitates condi, & magistratus creari, & leges scribi cœperunt.

12. Fera igitur bestiarum, & volucres, & pisces, & omnia animalia, quæ mari, cœlo & terrâ nascuntur, simulatque ab aliquo capta fuerint, jure gentium statim illius esse incipiunt: quod enim ante nullius est, id naturali ratione occupanti conceditur. Nec interest, feras bestias & volucres utrùm in suo fundo quis capiat, an in alieno. Planè qui alienum fundum ingreditur, venandi aut aucupandi gratiâ, potest à domino, si is præviderit, prohiberi, ne ingrediatur. Quicquid autem eorum ceperis, eousque tuum esse intelligitur, donec tuâ custodiâ coercetur. Cum verò tuam evaserit custodiam, & in libertatem naturalem sese receperit, tuum esse desinit, & rursus occupantis fit. Naturalem autem libertatem recipere intelligitur, cum vel oculos tuos effugerit, vel ita sit in conspectu tuo, ut difficilis sit ejus persecutio.

13. Illud quæsitum est, an si fera bestia ita vulnerata sit, ut capi possit, statim tua esse intelligatur. Et quibusdam placuit statim esse tuam, & eousque tuam videri, donec eam persequaris: quod si desieris persequi, desinere esse tuam, & rursus fieri occupantis. Alii verò putaverunt, non aliter tuam esse, quam si eam ceperis. Sed posteriorem sententiam nos confirmamus, quod multa accidere soleant, ut eam non capias.

14. Apium quoque fera natura est. Itaque apes, quæ in arbore tua confederint, antequam à te alveo includantur, non magis tuæ intelliguntur esse, quam volucres, quæ in arbore tua

nidum fecerint. ideoque si alius eas incluserit, is earum dominus erit. Favos quoque, si quos effecerint, eximere quilibet potest. Planè integrè re, si prævideris ingredientem fundum tuum, poteris eum jure prohibere, ne ingrediatur. Examen quoque, quod ex alveo tuo evolaverit, eousque intelligitur esse tuum, donec in conspectu tuo est, nec difficilis persequutio ejus est, alioquin occupantis fit.

15. Pavonum quoque & columbarum fera natura est. Nec ad rem pertinet, quod ex consuetudine evolare & revolare solent: nam & apes idem faciunt, quarum constat feram esse naturam. Cervos quoque quidam ita mansuetos habent, ut in sylvam ire, & redire soleant: quorum & ipsorum feram esse naturam nemo negat. In iis autem animalibus, quæ ex consuetudine abire & redire solent, talis regula comprobata est, ut eousque tua esse intelligantur, donec animum revertendi habeant: nam si revertendi animum habere desierint, etiam tua esse desinunt, & fiunt occupantium. Revertendi autem animum videntur desinere habere tunc, cum revertendi consuetudinem deseruerint.

16. Gallinarum autem & anserum non est fera natura: idque ex eo possumus intelligere, quod aliæ sunt gallinæ, quas feras vocamus: item alii sunt anseres, quos feros appellamus. Ideoque si anseres tui, aut gallinæ tuæ, aliquo modo turbati turbatæve evolaverint, licet conspectum tuum effugerint, quocumque tamen loco sint, tui tuæve esse intelliguntur: & qui lucrandi animo ea animalia detinet, furtum committere intelligitur.

17. Item ea, quæ ex hostibus capimus, jure gentium statim nostra fiunt: adeò quidem, ut & liberi homines in servitutem nostram deducantur. Qui tamen si evaserint nostram potestatem, & ad suos reversi fuerint, pristinum statum recipiunt.

18. Item lapilli, & gemmæ, & cætera, quæ in littore maris inveniuntur, jure naturali statim inventoris fiunt.

19. Item ea, quæ ex animalibus dominio tuo subjectis nata sunt, eodem jure tibi adquiruntur.

20. Præterea quod per alluvionem agro tuo flumen adjecit, jure gentium tibi adquiritur. Est autem alluvio incrementum latens. Per alluvionem autem id videtur adjici, quod ita paulatim adjicitur, ut intelligi non possit, quantum quoque temporis momento adjiciatur.

21. Quod si vis fluminis de tuo prædio partem aliquam detraxerit, & vicini prædio attulerit, palàm est eam tuam permanere. Planè si longiore tempore fundo vicini tui hæserit, arboresque, quas secum traxit, in eum fundum radices egerint, ex eo tempore videntur vicini fundo acquisitæ esse.

22. Insula, quæ in mari nata est (quod rarò accidit) occupantis sit: nullius enim esse creditur. At insula in flumine nata (quod frequenter accidit) siquidem mediam partem fluminis tenet, communis est eorum, qui ab utraque parte fluminis prope ripam prædia possident, pro modo scilicet latitudinis cujusque fundi, quæ prope ripam sit. Quod si alteri parti proximior sit, eorum est tantum, qui ab ea parte prope ripam prædia possident. Quod si aliquâ parte divisum sit flumen, deinde infra unitum agrum alicujus in formam insulæ redegerit, ejusdem permanet is ager, cujus & fuerat.

23. Quod si naturali alveo in universum derelicto, ad aliam partem fluere cœperit; prior quidem alveus eorum est, qui prope ripam ejus prædia possident, pro modo scilicet latitudinis cujusque agri, quæ prope ripam sit: novus autem alveus ejus juris esse incipit, cujus & ipsum flumen est, id est, publicus. Quod si post aliquod tempus ad priorem alveum reversum fuerit flumen, rursus novus alveus eorum esse incipit, qui prope ripam ejus prædia possident.

24. Alia sanè causa est, si cujus totus ager inundatus fuerit; neque enim inundatio fundi speciem commutat: & ob id, si recesserit aqua, palàm est eum fundum ejus manere, cujus & fuit.

25. Cum ex aliena materia species aliqua facta sit ab aliquo, quæri solet, quis eorum naturali ratione dominus sit, utrum is, qui

qui fecerit: an potius ille, qui materię dominus fuerit. Ut ecce, si quis ex alienis uvis, aut olivis, aut spicis, vinum, aut oleum, aut frumentũ fecerit; aut ex alieno auro, vel argento, vel ære vas aliquod fecerit, vel ex alieno vino & melle mulsum miscuerit; vel ex medicamentis alienis emplastrum aut collyrium composuerit; vel ex aliena lana vestimentum fecerit; vel ex alienis tabulis navem, vel armarium vel subsellia fabricaverit. Et post multam Sabinianorum & Proculianorum ambiguitatem, placuit media sententia existimantiũ, si ea species ad priorem & rudem materiam reduci possit, eum videri dominũ esse, qui materię dominus fuerit: si non possit reduci, eum potius intelligi dominum, qui fecerit. Ut ecce, vas conflatum potest ad rudem materiam æris, vel argenti, vel auri reduci: vinum autem, vel oleum, aut frumentum ad uvas, vel olivas, vel spicas reverti non potest, at ne mulsum quidem ad vinum & mel resolvi potest.

Quod si partim ex sua materia, partim ex aliena speciem aliquam fecerit quis; veluti ex suo vino & alieno melle mulsum miscuerit, aut ex suis & alienis medicamentis emplastrũ aut collyrium; aut ex sua lana & aliena vestimentum fecerit: dubitandum non est, hoc casu eum esse dominum, qui fecerit: cum non solum operam suam dederit: sed & partem ejusdem materię præstiterit.

26. Si tamen alienam pupuram vestimento suo quis intexuerit, licet pretiosior sit purpura, tamen accessionis vice cedit vestimento: & qui dominus fuit purpuræ, adversus eum, qui subripuit, habet furti actionem & conditionem: si-ve ipse sit, qui vestimentum fecit, si-ve alius. Nam extinctæ res, licet vindicari non possint, condici tamen à furibus, & quibusque aliis possessoribus possunt.

27. Si duorum materię voluntate dominorum confusæ sint, totum id corpus, quod ex confusione fit, utriusque commune est: veluti si qui vina sua confuderint, aut massas argenti vel auri confuserint. Sed & si diversæ materię sint, & ob

id propria species facta sit, fortè ex vino & melle mulsum, aut ex auro & argento electrum, idem juris est: nam & hoc casu communem esse speciem non dubitatur. Quod si fortuito & non voluntate dominorum confusæ fuerint, vel ejusdem generis materiæ vel diversæ, idem juris esse placuit.

28. Quod si frumentum Titii frumento tuo mistum fuerit, si quidem voluntate vestra, commune est: quia singula corpora, id est, singula grana, quæ cujusque propria fuerunt, consensu vestro communicata sunt. Quod si casu id mistum fuerit, vel Titius id miscuerit sine tua voluntate, non videtur commune esse: quia singula corpora in sua substantia durant. Sed nec magis istis casibus commune sit frumentum, quam grex intelligitur esse communis, si pecora Titii tuis pecoribus mista fuerint. Sed si ab alterutro vestrum totum id frumentum retineatur, in rem quidem actio pro modo framenti cujusque competit; arbitrio autem judicis continetur, ut ipse æstimet, quæle cujusque frumentum fuerit.

29. Cum in suo solo aliquis ex aliena materia ædificaverit, ipse intelligitur dominus ædificii: quia omne, quod solo inædificatur, solo cedit. Nec tamen ideo is, qui materiæ dominus fuerat, definit dominus ejus esse; sed tantisper neque vindicare eam potest, neque ad exhibendum de ea re agere, propter legem duodecim tabularum, quæ cavetur, ne quis tignum alienum ædibus suis junctum eximere cogatur, sed duplum pro eo præstet per actionem, quæ vocatur de tigno juncto. Appellatione autem tigni omnis materia significatur, ex qua ædificia fiunt. Quod ideo provisum est, ne ædificia rescindi necesse sit. Quod si aliqua ex causa dirutum sit ædificium, poterit materiæ dominus, si non fuerit duplum jam consequutus, tunc eam vindicare, & ad exhibendum de ea re agere.

30. Ex diverso, si quis in alieno solo ex sua materia domum ædificaverit, illius sit domus, cujus & solum est. Sed hoc casu materiæ dominus proprietatem ejus amittit, quia voluntate ejus intelligitur esse alienata, utique si non ignorabat se in alieno

eno

eno solo ædificare, & ideò licet diruta sit domus, materiam tamen vindicare non potest.

Certè illud constat, si in possessione constituto ædificatore, soli dominus petat domum suam esse, nec solvat pretiū materiæ, & mercedes fabrorum, posse eum per exceptionē doli mali repelli: utique si bonæ fidei possessor fuerit, qui ædificavit. Nam scienti alienum solum esse, potest objici culpa, quod ædificaverit temerè in eo solo, quod intelligebat alienum esse.

31. Si Titius alienam plantam in solo suo posuerit, ipsius erit. Et ex diverso, si Titius suam plantam in Mævii solo posuerit, Mævii planta erit, si modò utroque casu radices egerit: antè enim, quam radices egerit, ejus permanet, cujus fuerat. Adeo autem ex eo tempore, quo radices egerit planta, proprietas ejus commutatur, ut si vicini arbor ita terram Titii presserit, ut in ejus fundum radices egerit, Titii effici arborem dicamus. Ratio enim non permittit, ut alterius arbor esse intelligatur, quam cujus in fundum radices egerit. Et ideò prope confinium arbor posita, si etiam in vicini fundum radices egerit communis fit.

32. Quà ratione autem plantæ, quæ terræ coalescunt, solo cedunt, eadem ratione frumenta quoque, quæ sata sunt, solo cedere intelliguntur. Cæterum sicut is, qui in alieno solo ædificavit, si ab eo dominus petat ædificium, defendi potest per exceptionem doli mali, secundum ea, quæ diximus: ita ejusdem exceptionis auxilio tutus esse potest is, qui alienum fundum suâ impensâ, bonâ fide consecvit.

33. Litteræ quoque, licet aureæ sint, perinde chartis membranisque cedunt, ac solo cedere solent ea, quæ in ædificantur, aut inseruntur. Ideoque si in chartis membranisque tuis carmen, vel historiam, vel orationem Titius scripserit, hujus corporis non Titius, sed tu dominus esse videris. Sed si à Titio petas tuos libros, tuasve membranas, nec impensas scripturæ solvere paratus sis, poterit se Titius defendere per exceptionem doli mali: utique si earum chartarum, membranarumve possessionem bonâ fide nactus est.

34. Si quis in aliena tabula pinxerit, quidam putant tabulam picturæ cedere: aliis videtur, picturam (qualiscumque sit) tabulæ cedere. Sed nobis videtur, melius esse, tabulam picturæ cedere. Ridiculum est enim, picturam Apellis vel Parrhasii in accessionem vilissimæ tabulæ cedere. Unde si à domino tabulæ imaginem possidente is, qui pinxit, eam petat, nec solvat pretium tabulæ, poterit per exceptionem doli mali submoveri. At si is, qui pinxit, eam possideat, consequens est, ut utilis actio domino tabulæ adversus eum detur: quo casu si non solvat impensam picturæ, poterit per exceptionem doli mali repelli, utique si bonâ fide possessor fuerit ille, qui picturam imposuit. Illud enim palam est, quod si is, qui pinxit, subripuit tabulas, siue alius, competit domino tabularum furti actio.

35. Si quis à non domino, quem dominum esse crediderit, bonâ fide fundum emerit, vel ex donatione, aliave qualibet justa causa æquè bonâ fide acceperit, naturali ratione placuit fructus, quos percepit, ejus esse pro cultura & cura. Et ideo si postea dominus supervenerit, & fundum vindicet, de fructibus ab eo consumptis agere non potest. Ei verò, qui alienum fundum sciens possederit, non idem concessum est: itaque cum fundo etiam fructus, licet consumpti sint, cogitur restituere.

36. Is verò, ad quem ususfructus fundi pertinet, non aliter fructuum dominus efficitur, quam si ipse eos percepit. Et ideo licet maturis fructibus, nondum tamen perceptis, decesserit, ad heredes ejus non pertinent, sed domino proprietatis adquiruntur. Eadem ferè & de colono dicuntur.

37. In pecudum fructu etiam fœtus est, sicuti lac, pilus & lana. Itaque agni, hœdi, & vituli, & equuli, & fuculi statim naturali jure dominii fructuarii sunt. Partus vero ancillæ in fructu non est, itaque ad dominum proprietatis pertinet. Absurdum enim videbatur, hominem in fructu esse, cum omnes fructus rerum natura gratiâ hominis comparaverit.

38. Sed si gregis usumfructum quis habeat, in locum de-
mor-

mortuorum capitum ex fœtu fructuarius submittere debet, (ut & Juliano visum est) & in vinearum demortuorum vel arborum locum alias debet substituere. Recte enim colere, & quasi bonus paterfamilias uti debet.

39. Thesauros, quos quis in loco suo invenerit, divus Hadrianus, naturalem æquitatem secutus, ei concessit, qui eos invenerit. Idemque statuit, si quis in sacro, aut religioso loco, fortuito calu invenerit. At si quis in alieno loco, non data ad hoc operâ, sed fortuito invenerit, dimidium domino soli concessit, & dimidium inventori. Et convenienter, si quis in Cæsaris loco invenerit, dimidium esse Cæsaris statuit. Cui conveniens est, ut, si quis in fiscali loco, vel publico, vel civitatis invenerit, dimidium ipsius esse debeat, & dimidium fisci, vel civitatis.

40. Per traditionem quoque jure naturali res nobis adquiruntur: nihil enim tam conveniens est naturali æquitati, quam voluntatem domini volentis rem suam in alium transferre, ratam haberi. Et ideo, cujuscunque generis sit corporalis res, tradi potest, & à domino tradita alienatur. Itaque stipendiaria quoque & tributaria prædia eodem modo alienantur. Vocantur autem stipendiaria & tributaria prædia, quæ in provinciis sunt: inter quæ, nec non & Italica prædia, ex nostra Constitutione nulla est differentia. Sed si quidem ex causa donationis aut dotis, aut qualibet alia ex causa tradantur, sine dubio transferuntur.

41. Venditæ verò res & traditæ non aliter emptori adquiruntur, quam si is venditori pretium solverit, vel alio modo satisfecerit, veluti ex promissione aut pignore dato. Quod quamquam cavetur ex lege duodecim tabularum, tamen recte dicitur & jure gentium, id est naturali, id effici. Sed si is, qui vendidit, fidei emptoris secutus fuerit, dicendum est, statim rem emptoris fieri.

42. Nihil autem interest, utrum ipse dominus tradat alicui rem suam, an voluntate ejus alius, cui ejus rei possessio permessa sit.

43. Quâ ratione, si cui libera universorum negotiorum administratio permessa fuerit à domino, isque ex his negotiis rem vendiderit & tradiderit, faciet eam accipientis.

44. Interdum etiam sine traditione nuda voluntas domini sufficit ad rem transferendam: veluti si rem, quam tibi aliquis commodaverit, aut locaverit, aut apud te deposuerit, postea aut vendiderit tibi, aut donaverit, aut dotis nomine dederit. Quamvis enim ex ea causa tibi eam non tradiderit, eo tamen ipso, quod patitur tuam esse, statim tibi acquiritur proprietatem, perinde ac si eo nomine tibi tradita fuisset.

45. Item si quis merces in horreo depositas vendiderit, simulatque claves horrei tradiderit emptori, transfert proprietatem mercium ad emptorem.

46. Hoc amplius, interdum & in incertam personam collata voluntas domini transfert rei proprietatem: ut ecce, Prætores & Consules, cum missilia jactant in vulgus, ignorant, quod eorum quisque sit excepturus: & tamen quia volunt, quod quisque acceperit, ejus esse, statim eum dominum efficiunt.

47. Quâ ratione verius esse videtur, si rem pro derelicto à domino habitam occupaverit quis, statim eum dominum effici. Pro derelicto autem habetur, quod dominus ea mente abjecerit, ut id in numero rerum suarum esse nolit: ideoque statim dominus ejus esse desinit.

48. Alia sanè causa est earum rerum, quæ in tempestate levandæ navis causâ ejiciuntur: hæ enim dominorum permanent: qui palam est, eas non eo animo ejici, quod quis eas habere nolit, sed quo magis cum ipsa navi maris periculum effugiat. Quæ de causa, si quis eas fluctibus expulsa, vel etiam in ipso mari nactus, lucrandi animo abstulerit, furtum committit. Nec longè videntur discedere ab his, quæ de thesauro currente, non intelligentibus dominis, cadunt.

DE RERUM DIVISIONE, &c. 387

COMMENTARIUS.

IN PRINC.

- | | |
|---|--|
| <ol style="list-style-type: none"> 1. <i>Differentia inter Rerum Distinctionem & Divisionem proponitur.</i> 2. <i>Cujus Juris sit Dominiorum distinctio ostenditur.</i> 3. <i>Rei traahitur definitio.</i> 4. <i>Vocabulum Rei multipliciter accipitur.</i> | <ol style="list-style-type: none"> 5. <i>Servitutes Rei appellatione continentur.</i> 6. <i>Rerum generalis proponitur divisio.</i> 7. <i>Moribus bona dividuntur in Allodia & Feuda.</i> |
|---|--|



Necquam ad explicationem tituli me conferam, in antecessum ostendam differentiam inter divisionem rerum, & rerum distinctionem. Nam ante distinctionem rerum, id est dominiorum, fuit nihilominus aliqua rerum divisio, quod non omnes unius essent naturæ, adeoque ante ipsum genus humanum, diversi generis, vel specierum diversarum res fuerint.

Nec tamen ante genus humanum, cum ne quidem cum humano genere, nata fuit ulla distinctio dominiorum. Omnia enim in statu primævo, simul atque in mundum venisset homo, communia, & omnibus utenda, jure divino & naturali fuere propoſita. Non aliter atque invitatis ad epulas omnia quæ sunt appoſita utenda & abutenda ſingulis conſeſſa ſunt ex æquo. Domini etenim eſt terra, & plenitudo ejus, Pſalm. 8. & omnes inhabitantes in eâ, jure creationis, vique divinæ largitionis æquali jure cenſentur, ut nemo inſpectis rerum primordiis, aliquid ſuum, vel alterius dicere poterit; nihil enim tum occupatum, nihil per apprehenſionem alicujus erat effectum, nec locus fuerat, vel adquiſitioni originariæ, vel derivatæ. Genef. 1. v. 28. 29. c. 1. diſt. 8. c. 7. & 9. diſtinct. 1.

Verum poſtquam multiplicatis hominibus ſinguli ſingula occupaveſſent, atque occupationis ſua feciſſent, incæpit eſſe dominiorum quædam diſtinctio, ſic ut aliquid *tuum*, aliquid *meum* in poſterum appellaretur. Neque credendum erat, Deum vel naturam ita in commune collocaſſe omnia, ut poſtquam ab alio ex iis quid fuiſſet occupatum, nihilominus manſiſſet commune. Ita enim Deus & natura malorum omnium cauſas, & ſemina ſparſiſſent diſcordiarum, unde jurgia, & tumultus & majora incommoda propulſarent. Quinimo Deus & natura, univerſi conſuſioni intenti viderentur, ſiquidem talia largirentur media, tales hominibus præformaſſent regulas,

talia jura præscripsissent, quibus observatis, non posset non everti quies & tranquillitas gentis humanæ; tunc quæque viribus suis, inbecilliori eriperet, quod ei proprium occupatione factum esset, dum singula omnibus sufficere non possent, licet per singula egestati & commoditati singulorum consultum esset satis. Quid enim aliud Deus & natura intendere volebat, dum omnia in commune profudit, quam ut omnes omnium usum haberent, ad naturæ sustentationem. Cumque si omnes hujus forte rei usum nanciscerentur, non sua exigentiæ vel necessitati succurrerent, quod una res non sufficiat omnibus, evidenter colligitur, Deum & naturam voluisse, ut singuli res singulas occupando, earum usum per illam occupationem ita nanciscerentur, ut ab eodem ceteros jure merito removerent, qui per alias nondum occupatas vel utilius usui applicatas, similiter sibi ipsis prospicerent. Ut enim intentioni Patris-familias mensam instruendis, legibus convivialibus, rectæ rationi (quibus tamen quæ apponuntur omnibus conviviis sunt communia, & omnibus in quæcumque apparatus æquale) adverteretur, si quam portionem carnis sibi decerpit convivæ, inque orbem mensuratum opposuit, alter ei ereptum velit: ita iniquum & injustum foret, si quæ natura largi amanti dedit omnibus, postquam unus aliquam particulam quantum sibi sufficiat assumpsisset, eam alter alteri per vim auferre conetur. Neque hic casum excipio necessitatis, quasi tunc jus pristinum reviviscit, adeoque mihi hecat rem ab alio occupatam auferre. Id enim nusquam fuit natura; & dissuadet ratio; ut quod est meum sibi meo facto, alterius esse inciperet, vel etiam commune. Non quidem nego aliquem teneri ex æquitate & hinc conscientia alteri communicare particulam rei suæ, si alteri fame moriendum esset, ipsi vero suppeteret abunde: nego tamen rem communicandam ea propter esse communem. Sicuti, quis tenetur ex lege charitatis nonnulla in pauperes erogare, non tamen si officio desit, pauperibus ea auferre licebit. vid. Grot. de jure bell. & pac. 2. c. 2. n. 6. & eoque dissuadentem, & Hobbes dissentientem.

Quinimo hanc ipsam dominiorum & rerum distinctionem, postquam insatiabilis cupiditas humanum genus invasit, & rationes variæ suaserunt. Quarum consideratione suo exemplo Deus gentibus divisionis modum demonstravit. Genes. 10. Deut. 32. Jos. 9. 18. 21.

Neque enim pacifica aliter esset vita, neque tranquillitas hominum cohabitantium status, quod communio litium sit mater, & fomes ut plurimum discordiarum. Genes. 13. v. 2. l. 79. §. dulcissimis. D. de Leg. 2. Minus idem consultum esset rebus communibus, in quibus minor quam in propriis adhibetur diligentia; cum quod ab omnibus possidetur, negligatur à singulis. l. 3. §. 6. D. de Adm. tutor. l. 1. D. de Rebus eor. qui sub tutel.

vel

vel eur. & quis suam partem corrumpi patiat, dum invidet alterius portioni. l. 2. Cod. Quand. & quibus quart. pars. libr. 10. Cod. vid. Bodin. 11 de Republ. 2. Pinell. in l. 2. Cod. de Rescind. Vend. p. 1. Rubric. n. 15. 16. 26. Merend. 2. contr. 15. Amel. in cas. conscient. 5. c. 41.

Superiore libro.] Connexionem tituli cum præcedentibus libro primo 3. expolitis in vanum hic prolixè docent interpretes, cum Tribonianus in hujus tituli vestibulo satis superque eam indicet. Nam explicato jure personarum, quarum gratia sunt omnia comparata, adeoque & ipsæ res, non inconvenientis est, ut post personas de rebus agatur. Idque servato ordine, quæ sibi proposuerat Tribonianus, in fin. tit. Instit. de Jure Nat. Gent. & Civil.

Duobus autem capitibus hic titulus absolvitur; explicatione divisionis rerum, & modorum acquirendi dominii. Sic ut frustra disquirant interpretes, utrum verba de *acquirendo earum dominio*, rubricæ sint adijcienda, nec ne? Licet enim apud Theophilum & in quibusdam manuscriptis codicibus hæc verba desint, forte per incuriam exscriptorum omissa, res ipsa tamen satis loquitur ea omittenda non esse, ut quæ maximam hujus tituli partem absorbent.

Principio de rerum agendum est divisione, præmissa ipsius rei prout dari potest definitione, ejusque varis acceptionibus. Si jurisconsultum roget, non ille suppeditabit rei definitionem, quod vocabuli communitas omnia complectatur, adeoque juris terminos excedat. Ut hic Philosophus in medium sit producendus, qui forte rem cum ente confundendo, eam dixit esse, quæ habet essentiali cum non repugnantia ad existendum. Neque enim jura in totum repudiant ea, quæ nondum sunt, modo futura sperentur. Et rei appellatione veniunt fructus ex aliquo fundo nascituri, sicuti legari iidem possunt, eorumque nomine actiones exerceri. l. 1. in fin. D. de Condit. & Demonstrat.

Rei quod spectat acceptiones, ea sunt varæ; non omnes tamen rubricæ 4. hujus tituli convenientes. Quandoque enim latissimâ rei significatione & personæ & actiones & quicquid bonis annumerari potest, comprehenduntur, in princ. tit. seq. l. 3. §. cum ita. D. de Leg. 2. Non aliter atque in bonis nostris ea dicuntur, quæ etiam actionum, petitionum, persecutionum veniunt nomine. l. 6. 49. D. de verb. Signif. l. 1. D. de rebus credit. Bald. in l. 1. D. de statu homin.

Quandoque rei vocabulum in strictiori significatione, corporalia & incorporalia bona complectitur, ad exclusionem personarum & actionum. §. fin. Instit. de Jure Nat. Gent. & Civil. l. 3. l. 23. D. de verb. signif. vii. Alciat. Cædd. ad dd. ll. Pinell. Rubric. Cod. de bon. mat. in p. 1. §.

Quo sensu hoc titulo variaz rerum divisiones proponuntur, quarum prima est, quod quedam sint in patrimonio, quedam extra. Per *patrimonium*, intelligo non eas tantum res, quæ à patre proveniunt, verum etiam quæ à matre sunt profectæ. Sicuti quandoque in jure nostro *matrimonium* sub sese *patrimonium* comprehendit. l. 2. Cod. de Offic. Comit. Rer. Privat.

Non tamen hic per *patrimonium* significari velim universa quæ in bonis habemus, sic ut actiones non complectamur, quemadmodum id perperam existimat Bacchovius. Cum enim agatur de iis rebus, quæ personis & actionibus opponuntur, earumque partes sint vel esse in patrimonio vel extra, consequetur nisi *patrimonium* actiones excludat, sub rebus non contineri. Neque enim partes divisionis sunt appellandæ, vel membra totius, quæ in toto non conveniunt, verum potius eidem adversantur. vid. Cujac. 4. bbl. 16. Sunt itaque in patrimonio nostro, res illæ, quæ de facto, in bonis sunt alicujus privati, vel prout tanquam privatus consideratur; quæ in sequentibus singulorum esse dicuntur. vid. Osw. Hillig. ad Donell. 4. comm. 5.

- Quibus adnumerandæ servitutes, seu jura tam rusticorum quam urbanorum prædiorum; quæ hic tertiam rerum speciem non constituunt. Licet enim servitutes per se sine corporibus alienari nequeant, adeoque rebus corporalibus nitantur. l. Julianus scribit. D. de curator furios. l. 10. §. hoc jure. D. de Usu & habit. l. 47. D. de Contr. Empt. l. 19. §. fin. D. de Petit. hæred. non ideo tamen in bonis esse negantur. l. 4. D. de Usufr. Maxime cum eas possidentes habeamus exceptiones, & non possidentes actiones, licet non eo quo res corporales modo, petantur vel reperantur. tot. tit. D. Si Servit. Vind. l. rem in bonis. D. de Acquir. Domin. Non aliter atque si nummi qui consistunt in quantitate, capropter à bonorum appellatione excluderentur, quod non essent corpora, cum tamen corporibus nitantur.

Neque obstat. l. 1. D. de Usu & usufr. leg. ut quæ non agit de servitutibus, vel eas in bonis, vel ex bonis nostris esse negat, verum servitutem servitutis dari negat, adeoque eam à bonorum nostrorum removet appellatione. Aliter vid. respondentem Donell. 4. comment. 5. litt. B. diss. Azo in summ. Instit. hoc tit. Pacius in not. ibid. Fabrot. in not. ad Theophil. hic.

- Res extra *patrimonium* esse dicuntur, quæ de facto in potestate non sunt singulorum. Exque vel tales esse dicuntur, quod vel de facto singulorum non sint, sed esse possint, vel ita non sint, ut nec esse possint. Hæc, vocari poterunt res extra *patrimonium*, & quidem absolute, quales sunt, divini juris. Illæ, extra *patrimonium* secundum quid, quales sunt communes, publicæ & universitatæ. Quæ unà cum rebus singulorum, seu quæ privati

vati sunt patrimonii, humani juris censentur, idque ad oppositionem earum quæ sunt divini juris. Ut meo judicio quæ divisio rerum summa in l. 1. D. de Rer. divis. proponitur, per hanc nostram quæ sub initium hujus tituli collocatur, explicetur. Hopper. in not. hic. Zoef. ibid. vid. Donell. 4. comment. 1. & seqq. ibique Hilliger.

MORIBUS.

De consuetudine bona dividuntur in allodialia seu patrimonialia, quæ pleno jure nostra, & feudalialia, quorum nomine aliquem agnoscimus superiorem, saltem dominum directum. De quâ divisione, & vocum earum origine. vid. Alberic. de Rosate in l. famil. n. 2. Cod. Fam. Erc. Alciat. Parg. 1. c. 45. Budæum ad l. Herennius. D. de Eviction. Molin. ad Paris. tit. 1. §. 46. n. 1. & §. 68. verb. Franc. alcu. Schifordegerum ad Fabrum libr. 3. tract. 29. q. 6. 7. 8. Rittershus. in Partit. Feudal. libr. 1. c. 2. n. 19. Gregor. Tholof. libr. 6. Synt. Juris. c. 1. Befold. Thesaur. Pract. in verb. allodium.

Quorundam etiam moribus, (sicuti quondam jure Hebræorum. 1. Reg. 21. v. 3.) bona dividuntur in hæreditaria & adquisita. vid. Maxium ad Lubec. tit. 10. artic. 6. libr. 1.

§. 1.

1. Res communes explicantur in genere.
2. In specie quam sint communes ostenditur.
3. Mare an sit commune?
4. An Littora?

5. Quid de consuetudine obtineat?
6. Inter res communes est aliqua differentia.
7. Moribus non sine permisso PRINCIPIS in Littore adificare licet.

ET quidem naturali jure.] Quæ res non quidem erant de facto, vel in patrimonio cujusquam, vel in patrimonio singulorum, ejus tamen erant conditionis, ut vel proprietate, vel usu, vel utroque modo hominum necessitatibus inservire yaleant. Tales erant res communes, publicæ, & universitatis. Connan. 3. comment. 2. Communes appellantur, quæ ita jure naturali ad omnium & singulorum hominum usum sunt proditæ, ut cum sint nullius, proprietate & usu cedant primæ occupanti. Dico, jure naturali eas esse communes, & in quantum natura immediatè & ab initio non præcepit ullam dominiorum distinctionem; & in quantum jus gentium secundarium hic nullam juris naturalis deminutionem introduxit, verum eas res suo juri primævo reliquit; & denique in quantum res tales censentur suâ naturâ, ut omnibus sine cujusquam detrimento promiscuum usum præbeant, quod singulorum exigentiæ abunde sufficient. Prætere-

VERO

vero ad hominum usum proditæ esse dicuntur, ut cedant primo occupanti, quod utendo quodammodo res communes, etiam quandoque abutendo, si ærem, si aquam à nobis haustam consideremus, eas facimus nostras.

Verum obijcerit quispiam, res communes in suo statu remanere primo, sic ut frustra occupanti cedere dicantur. *Resp.* Licet ratione suæ collectionis adeo latè pateant, ut occupationi in universum non subiaceant, & totius aggregati contemplatione maneant communes, quod semper maxima pars supersit, quæ totum dici merito possit, respectu minimæ illius portionis, quæ forte occupata est. Quia tamen singulæ, etiam minimæ totius aggregati, vel collectionis aquarum particulæ, ejusdem naturæ sunt cum suo toto, cum rei nomine etiam pars contineatur. l. 72. D. de verb. signif. consequetur, si partium detur usus, qui omnibus erat expositus, earundem partium occupationem dari, quarum datur usus; adeo ut ex fiant occupantium, non usu tantum, verum etiam proprietate. Et nisi quæ res sunt communes, usu & proprietate fierent occupantium, sequeretur eas nullâ ratione distingui à publicis, quæ etiam vocantur communes, in quantum sunt usu omnium, non proprietate. §. 2. hic. Quinimo forte non distinguerentur ab omnibus rebus universitatis, quæ dicuntur communes, in quantum ratione usus vel universis patent civibus, vel quandoque omnibus hominibus civitatem intrantibus, qualia sunt ambulacra, templa, & quæ sunt hujus generis alia. §. 6. hic.

2. *Communia sunt omnium, ær.]* Quid enim tam commune est, quam spiritus vivis, inquit Cicero in Orat. pro Rosc. Amerino. quem quisque trahit, & attrahendo facit suum, quem corporum nostrorum elementum, & quasi alimentum credimus, sine quo nemo mortalium vivere vel ad momentum potest. Ut recte cecinerit Prudentius contra Symmachum lib. poster.

*Non nego commune cunctis viventibus ipsum
Aëris, astrotum, pelagi, telluris, & imbris.
Immo etiam injustus pariter, justusque sub uno
Axe habitant, unas capit impius, & pius auras.
Castus, & incestus, meretrix, & nupta, nec alter
Ore sacerdotis, quam Mirmillonis anhelat
Spiritus, aërio vitam qui temperat haustu.*

& post

*Aura rotat tenuis, vegetatur mobilis ær,
Et res natura sit publica, promptaque cunctis,
Dum servant elementis suum samulantia cursum.*

& post

Non facit ergo pates in religione tenenda.

Aëris

Aëris & calis communio, corpora tantum

Gignit, alit, reparat, recidivaque semina servat.

Aqua profluens.] Flumen ipsum, quod semper intra nostram ditionem manet, publicum est, aqua vero profluens, quæ perpetuo, & porro & procul fluit extra ditionem ejus, cujus est flumen, ut ad mare tandem perveniat, communis est, & quicquid in eâ capitur. §. 1. hic. l. 1. in fin. D. de Rerum divis.

Mare.] Mare, in quantum pro aggregato seu collectione aquarum accipitur, qualis est Oceanus, vel pro majori ejus portione, omnino respuit dominium, & proprietatis, & superioritatis, seu jurisdictionis. Quis enim adeo potens esse poterit, ut occupatione, vel violentia in tam vasta spatia meditetur imperium? Præterquam quod à naturâ omnium usus sit destinatum mare, neque in eo recedatur à communione, à quâ propterea fuit recessum, quod res singulæ omnibus non sufficerent. Accurate Prudent. contr. Symmach. libr. posteriori.

Ut latro sessus adit sic pyratis mare servit.

Ut mercatori, nec fluctus secius hosti

Obsequitur, quam cum domina fert transstra carina.

& post

Nunc adsum homini data munera legibus hisdem

Quæ concessa semel, sors loquitur, annis inundat.

Velivolam ratibus mare finditur.

Particula vero maris in ordine ad Oceanum minima, sinus, vel frétum aliquod marinum poterunt esse jurisdictione & imperio cujusdam Principis, in quantum vel illud tenet, dum pilas erigit in mari, ædificat prope lit-tora, molem ponit, caput fabricat, indeque præterantes cogit, vel in officio continet, vel etiam actum excercet jurisdictionis, dum tutam reddit maris partem à pyratis, adeoque securam prætervehentibus reddit navigationem, à quibus tum merito vectigal exigit. l. 1. §. 18. D. de Oper. Nov. Nunciat. l. 6. D. hic. l. quamvis. D. de Acquir. dom. vid. l. unic. Cod. de Class. libr. 11.

Quo etiam nomine in mari commissum à vicinis vindicari potest, utpote quibus in vicinam lictoribus partem aliqua videtur competere jurisdictio. d. l. 1.

Potest itidem Imperator legem mari dicere, & navigandi rationem suis subditis præscribere, quam servabunt, ut tamen non subditis eo ipso nullum in mari generetur præjudicium. Quo sensu accipio illud DD. qui ad l. 13. D. Comuni Prædior. desumpto argumento ab opposito, censent, à Principe servitutem mari imponi posse. Gothefr. in not. ad d. l. 13. Be-

bio in not. ad Instit. hic. Nisi quis mare in d. l. 13. accipiat pro sinu quo maris, cui forte in præjudicium exterorum servitus imponitur, in quantum Princeps in sinum maris aliquod imperium meditari potest. vid. l. deprecatio. 9. D. Ad l. Rhod. de jactu. l. 1. Cod. de Sacros. Trinit.

Quinimo privati inter sese puta piscatores, hanc conventionem inire poterunt, quæ inter illos tenebit, & ex æquo & bono servabitur, (non tamen obligabit tertium, vel cuiquam præjudicabit,) ut quisque piscationem propè certa littora exerceat, ne alter alterius prohibeat piscationem, aut utilitatem speratam intercipiat. l. 13. Commun. Prædior. vid. Bartol. in l. quo minus. D. de Flumin. & in l. jurisperitos. §. cum priundus. D. Excus. tutor. Balb. tractat. de Præscript. part. 5. Princ. p. 4. §. 6. Sncidw. ad §. Flumin. Instit. hic. Coppen 2. Præct. obs. q. 68.

Ut multo magis Principes pactiones & fœdera inire valeant, quibus singulis ratione jurisdictionis termini vel limites in mari collocentur; quæ tamen pactiones maris communione privare non possunt ceteros, qui non contraxerunt, aut in illas conventiones publicas non consenserunt. Arg. d. l. 13.

Poterit in superpenes singulos esse possessio, & quidem exigua maris portionis, quæ forte in fundum privatum sese innmisit. Cujus nomine privato adversus quemcumque eum turbantem in illâ possessione dabitur interdictum, vel etiam injuriarum actio. Argum. l. si quisquam. D. de Divers. Præscript. l. sane. l. injuriarum. circa fin. D. de injur.

Non tamen unquam dominio maris præscribi, vel longo usu, vel tempore immemoriali jus commune quæsitum in mari, deminui poterit. Quod enim dominium vel jus, solâ acquiritur occupatione, & obtinet in rebus communibus, id ipsum etiam amittitur, quando res communes occupare desinimus. Quia non durat occupationis effectus diutius, quam ipsa durat; quod sublata causâ adæquatâ, tollatur causatum. Tiraquell. tract. cessant. caus. Hoc ipsum exemplo ferè à nobis capta probari potest, quæ si in naturalem libertatem se receperit, occupantis esse desinit, licet eam longo tempore possederit, ut incipiat esse secundi occupantis. §. 12. verb. quicquid. Instit. hic. Ita quicumque littori casam inædificavit occupatione actuali portiunculam illam littoris suam fecit, quæ tamen ejus esse desinet, simulac inædificatum vel littori impositum fuerit dirutum. Qui sensus est l. 45. D. de Usucap. Quando dicitur in locis publicis jure gentium præscriptionem dominium non facere irrevocabile, quod in iis omne jus domini sit ab occupatione, quâ cessante, & illud evanescit.

4. Et per hoc littora maris.] Sunt enim pars maris, adeoque quod in mari, idem in littoribus obtinebit. l. 3. §. fin. D. de Acquir. domin. Argum. l.

72. D. de verb. signif. ut merito communia dicantur. Hinc licitum in littoribus ædificare. l. 4. D. Ne quid in loc. public. ambulare. §. 1. hic. vim instruere. Theophil. hic. piscari. l. 4. De Rer. divis. In tantum, ut si quis à quopiam impediatur, injuriarum agere valeat. l. 13. §. fin. D. de injur. Id quod in aliquo casu non admisit Leo Imperator in suâ Novell. 56. Quod autem dictum littora esse communia non sine temperamento est admittendum; quædam enim sunt populi Romani, in quantum barbaros arcent à littoribus. l. 3. D. Ne quid in loco public. quæ nihilominus sunt communia; & publica vocantur, in quantum jure gentium sunt publica. l. 14. de Acquir. Domin. id est, ita à naturâ prodita, ut in nullius adhuc dominium pervenerint. l. 45. D. de Usucap. Quædam vero ita sunt populi Romani, ut sint in ejusdem patrimonio; neque ita erunt communia, ut occupari à quovis possint. d. l. 14. in princ. vid. Loccen. de jure maritim. c. 4. 6.

MORIBUS.

Censent inveteratâ consuetudine observatum esse, ut in mari & littoribus distincta sint imperii jura, tractus atque sinus. vid. Selden. mare clausum. Grot. c. 5. maris liberi. & 2. de jure belli. c. 2. 3. Peregrinum de jure fisci libr. 1. tit. 1. n. 17. 18. 22. Bodin. 1. de Republic. 10. p. 267. Cæpoll. 2. de Servit. Rustic. Præd. c. 26. à n. 4. Heig. p. 2. q. fin. n. 54. Valsq. Illustr. quest. 2. c. 89. n. 30. Elbert. Leonin. observ. juris libr. 6. c. 1. n. 4. Sixtin. de Regal. libr. 2. c. 3. n. 98. Pacium in suo tractat. pro dominio Venetor. in mari Adriatico. Perezium aliosque ad tit. Cod. de Classiar. libr. 11. Zoef. D. de Rerum divis. n. 5. 6. Pontan. in discuss. Histor. lib. 1. & 2. Hillig. ad Donell. 4. comment. 2. litt. F. Loccen. de jure maritim. 1. c. 4. 5.

Dum tamen à villis.] Communia erant aer, aqua profluens, mare, & per hoc littora maris. Non tamen hæc omnia pariliter sunt communia, id est, non eodem communionis, quia non eodem occupationis genere. Aërem enim & aquam profluentem omnino nostram facimus, nobisque & ad usum & ad abusum applicamus. Mare, & littora maris non aliter, quam si pilas ibidem jaciamus, hic inædificemus. l. 1. §. 18. D. de nov. oper. nunt. l. 6. D. de Rer. divis. l. 2. §. 8. D. Ne quid in loco public. & usum publicum non impediamus. l. 3. 4. D. Ne quid in loco public. & privatis nihil incommodi inferamus. d. l. 2. §. 8. adeoque à casis & villis, ab ædificiis rusticis, à monumentis abstinemus. §. 1. hic. l. 5. in fin. D. eod. l. fundi. 211. de verb. signif. Atque ita non obstat l. quamvis. 50. D. de Acquir. domin. Bacchoy. luc.

7. In littore maris ædificare cuilibet permiffum non eft, nifi publica accedat auctoritas. Unde nec licitum prope littus, in tumulis arenaceis, feu collibus quos *duyven* appellant, pecora pascere. Unde quæftor domanii Principis id largiri folet, ex confenfu præfectorum Cameræ rationum. Zypæus not. jur. Belg. libr. 11. tit. 1. Dessel. in not. ad Zoef. Inftit. hic.

§. 2.

1. Flumina sunt publica.

2. Molendinum in flumine publico indiffimè habere non licet.

3. Omnes Portus sunt publici.

4. Moribus Flumina non sunt publica.

1. **F**lumina autem omnia.] Publica in specie ita dicta, (non quæ jure gentium dicebantur publica, qualia erant communia) sunt quasi populi, quia in dominio populi, omnium ufui deftinata. A communibus eo ipfo diftincta, quod publica occupatione noftra non faciamus, verum tantum eorum ufum juxta cum omnibus habeamus communem. l. 24. D. de Dam. infect. Quæ equidem publica funt juri gentium, quod ufum communem gentibus præbeant. l. 7. §. quod fi. D. de Acquir. Domin. Non tamen publica jure gentium, qualia erant littora, quæ in nullius adhuc dominium pervenerunt. l. 45. D. de Ufucap.

Priori modo publica funt flumina, quæ perennia, quæ perpetua, in jure publica appellata, ad diftinctionem privatorum, quæ rariſſime fluunt, vel quæ navigabilia non funt, quia quandoque exſiccantur. l. 1. D. de flumin. l. 13. §. fi quis. D. de injur. Quo fenſu dixit Martianus flumina *pene omnia* publica eſſe, quod exciperentur, quæ ætate exareſcunt, cum publicum, & perpetuum ufum non præſtent. l. 4. §. 1. D. hic. Cæpoll. de Servit. Ruftic. c. 31. 32.

Quibus omnibus vehementer obſtat. l. 24. D. de damno infect. ubi in fluminibus publicis ædificare permittitur, quod indicio eſt, rem aliquam eſſe communem, ſicuti reſponſum fuit de littoribus. *Reſp.* Siquidem fluminibus inædificati quis fieret dominus, adeoque & fundum cui inædificavit occupatione faceret ſuum, ſequeretur neceſſario flumina eſſe communia, & juri gentium. Verum cum fit præſumendum aliquem inædificaffe ad uſum piſcandi navigandique in flumine, neque enim aliter debuit fieri, non etiam fundi cenſebitur eſſe factus dominus cui inædificavit.

2. Hinc à DD. quæſitum eſt, num privatis in flumine publico molendinum extruere liceat, idque ad lubitum? *Reſp.* De jure Romano non licebit injuſſu populi fundo fluminis molendinum imponere, ſic utigna molendini ei inſigantur, quod fluminis proprietas non fit privatorum. Mobile

bile tamen molendinum, adinstar navigii in flumine ponere non erit prohibitum, modo fluminis usum non impediatur, id est ipsam navigationem, vel aliis incommodum hoc ipso non inferatur. l. 2. §. 8. l. 3. 4. D. Ne quid in loc. Public. & tot. tit. D. Ne quid in flum. public.

MORIBUS.

• Quod spectat molendini in flumine structuram, non idem omnium hic sensus est, vel sententia. Sunt qui distinguunt inter flumen publicum & privatum, inter navigabile, & non navigabile; quodque in publico hoc facere liceat, modo non sit navigabile & quidem ejus permissu, qui habet jurisdictionem, si tamen non fiat ad vicini æmulationem. vid. de iis omnibus quæ spectant molendinum, Bartol. in l. quo minus. D. de flumin. Sneider. hic. n. 12. & in §. summa. num. 55. Instit. de interd. Roeland. à Valle vol. 3. consil. 97. n. 5. & seqq. Boër. decis. 125. Chassan. ad Burgund. tit. des forrests. §. fin. n. 1, 2. Capoll. c. 4. de aquar. n. 26. 66. & c. 50. de Servit. Rustic. Præd. Papon. Arrest. 13. tit. 8. des moulins. Gail. 2. obs. 69. Schurffium 2. consil. 42. 45. & 3. consil. 38. Wesembec. consil. 34. 67. Mindan. 2. de Process. Camer. Imper. c. 38. n. 2. Menoch. 6. Præsumpt. 29. n. 14. Hænon. ad Instit. disp. 4. q. 3. & ad Pand. disp. 10. n. 2. Heringium singul. tract. de Molendinis. Rauchbar. quæst. jur. civil. & Saxon. part. 1. q. 27. Copen. 2. obs. Præct. 68. meum tract. de natur. mobil. & immob.

[Portus publici.] Portus sunt stationes navium, & loca commoda, unde merces deportantur, & quo importantur. l. portus. 59. D. de verb. signif. Qui sive marini sint, sive fluviales, rebus publicis adnumerantur, ut hi quidem sequantur naturam fluminum, illi tamen non sequantur naturam maris, quod tum quidam forent communes.

Verum quæ ratio est diversitatis, quod non singuli portus conditionem totius sequantur, cui adhærent? *Respondet*, quia si portus nonnulli forent communes, sequeretur quod in iis edificare cuique permissum foret, adeoque occupanti cederent; quod cum sine incommodo populorum fieri non potuisset, effectus ex quibus estimantur res communes, in portibus non esse admittendos, suavit ratio, ut publicis propterea rebus adnumerentur. vid. Menoch. rem. 6. de Retinendâ possessione. n. 53. Sixtin. de Regal. 2. c. 4.

[Ideoque jus piscandi.] Jus piscandi si spectemus usum, non proprietatem, commune est in fluminibus & portibus. Intellige flumina publica non privata, in quibus si quis piscari velit, prohiberi à domino poterit l. 13. §. si quis. D. de injur. Pacius in not. hic.

Videtur tamen hoc concedendum, pisces fieri capientis, ad exemplum ferarum in alieno invito proprietario captarum. Bæcher. hic.

Dixi, in fluminibus publicis piscandi usum omnibus esse communem;

id quod procedit, nisi Princeps diversum statuerit. Arg. l. 9. D. Ad l. Rhod. vel admiserit consuetudo. Arg. l. 32. D. de leg. vel longissimo tempore piscationi in diverticulo fluminis, (cujus non eadem, quæ fluminis hic est ratio) præscriptum sit; vel quispiam locum à se occupatum etiamnum retineat. l. 7. D. de Diversi. & tempor. Præscript. vid. Connan. 3. comment. 15. n. 1. Cæpol. de Rustic. Præd. c. 28. Forcatul. Dialog. 85. n. 5. Donell. 5. comment. 22. Duaren. cap. 3. Hænon disp. Pand. 10. num. 2. in fin.

MORIBUS.

4. Fluminum publicorum usus non patet omnibus, adeoque non licet quovis reti in fluminibus piscari; verum tantum hamo, vel reti projectio. Hinc jus piscandi inter regalia collocatur, & quemadmodum Princeps fluminibus tributum imponit, ita etiam à piscatoribus vectigal exigit. Quod, quandoquidem fluminum defensio & tuitio spectat Principem, sumptusque ut flumina sint navigabilia, per eum fiunt, rationi & æquitati consentaneum judicatur. vid. Choppin. de Doman. Franc. libr. 1. tit. 15. Roel. à Valle 3. consil. 97. Cravett. consil. 530. Anton. Peregrin. libr. 8. de jure fisci. n. 44. & seqq. Hieron. Treutl. consil. 106. Vivium decif. 344. Gregor. Tholos. Synt. jur. libr. 3. c. 14. Everh. junior. 1. consil. 47. Sixtin. de Regal. libr. 2. c. 3. Cæpoll. de Servit. Rust. c. 31. Bocerum de Regal. c. 3. Grot. de jure belli. 2. c. 3. & 8. Mevium ad Lubec. 3. 4. 6. §. 13. 14. Perez. Cod. de Alluvion. Loccen. de jure maritim. 1. c. 9. de jure Bavarico Politicæm Ordnung. libr. 4. tit. 9, art. 4. & 16. de Græf. de jure public. c. 26. n. 1.

Quin imo certis mensibus; vel aliquâ anni parte, quando semina piscium sunt matura, prohibetæ sunt apud nostros piscationes. id quod & jure regio Hispaniæ servari tradit. Pichard. ad §. 2. instit. hic.

§. 3.

Littus Maris definitur.

Et autem littus maris.] Littus maris in topic. Ciceronis definitur, quâ fluctus eludit. Secundum Celsum quousque maximus fluctus à mari pervenit. l. 96. D. de verb. signif. atque ita forte legendum in l. 112. D. de verb. signif. Per maximum fluctum, eum intellige, qui hybernus est, quia hyeme potissimum mare turbatur, & unda abundum est. Fabrott. in not. ad Theophil. hic.

§. 4.

1. Riparum usus est publicus.

2. Differentia inter Littus & Ripam proponitur.

3. Moribus quid in Ripâ servetur, ostenditur.

Riparum quoque usus publicus est.] Usus est publicus jure gentium, l. 3. D. de flumin. l. 30. §. 1. D. de Adq. domin. Licet non sit juris gentium; quod omnium gentium forte non sit communis, tamen riparum jure gentium usibus omnium ibidem navigantium deserviunt. Quæ servitus ideo jure gentium ripis est imposita, quod sine riparum usu, flumine quis commodè uti nequeat; ut communis censeretur debet usus, sicut fluminis l. 5. D. Rer. Divis. l. 24. D. de damn. infect. Concessio etenim uno, & ea concessa videntur, sine quibus hoc unum expediri non potest. Arg. l. 2. D. de jurisd. vid. Bartol. in l. 2. §. 4. D. Ne quid in loc. public. Forcatul. Dialog. 84. 86. Bocerum de Regal. cap. 3. Loccen. de jure maritim. l. c. 8. 10.

Sed proprietates eorum.] Differentia hic proponitur, inter littus & ripam, quod illius usus sit communis & proprietates cedat occupanti; hujus usus sit publicus, & omnibus in flumine navigantibus communis, ut tamen proprietas non cedat occupanti, cum sit privatorum, qui in vicinia ripæ prædia possident. §. 4. hic. Neque sine ratione hæc inter littus & ripam differentia constituta. Littus enim pars maris est, adeoque à mari occupatur, ejusque naturam sequitur, ripa non est pars fluminis, nec à flumine tenetur, aut ejus naturam sequitur. Nam definitur, quod ipsa plenissimum flumen contineat. l. 3. D. de Flumin. vid. tamen l. 1. §. ripa. D. eod. Non saltem ripa est pars fluminis, in quantum aliquid de terrâ quæ proxime flumen est, comprehendit: quomodo tamen eam hoc loco accipi oportet, ut usum sui præbeat. Nisi enim ripa eam terræ partem in se contineret quæ proxime flumen est, non diceretur quis in ripâ onus collocare, funes arboribus ibi natis religare. §. 4. hic. Ratio in promptu est, quia ripa flumen excedit, & continet, in quantum flumen naturalem rigorem cursus sui tenet. l. 1. §. ripa autem. D. de Flumin. Cumque continens contenti pars non sit, nec fluminis partem ripam esse dixeris. Non insuper ripa sequitur naturam fluminis, licet naturam maris sequatur littus; quoniam in conservandis littoribus nulla hominum cura adhibetur, ut quæ adversus impetuosum mare nullâ egent tuitione. At ripæ fluminis ut plurimum exceduntur, nisi operâ & industriâ vicinorum impetus ejus coercetur. Quia vero hoc detrimentum vicinos tangit, quos huic malo occurrere & prospicere animadvertimus, dum vim fluminis sistunt, æquum etiam est ut ad illos, non indistinctè ad omnes, riparum pertineat proprietates. l. secundum. 10. D. de Regul. juris. c. qui sentit. de Regul. juris in 6. Accedit & altera differentia, quod cum littus à quovis occupari possit, non tamen colatur, aut coercetur mare, quatenus maximus hybernus fluctus excurrit, ripa vero colatur, & impetum fluminis coercetur.

MORIBUS.

Censet Desselius in not. ad Zoëf. Instit. hic. hodiernis moribus ripæ proprietatem ad populum pertinere, in quantum ea majori anni parte contigitur aquis. Unde etiam inter regalia referuntur illa quæ ripatica dicuntur. c. unic. quæ sine regal. ibique Alvar. Cujac. Hottom. vid. Bartol. in l. quo minus. D. de flumin. n. 4. 7. n. 15. Cæpoll. de Servit. Præd. Rustic. c. 36. Loccen. 1. de jure matrim. c. 6. Sixtin. de Regal. 2. cap. 5. Graef de jure Public. c. 36. n. 11. Non tamen in omnibus locis illa sententia videtur admittenda. In Gelriâ enim, & apud nos licet in medium usque flumen sua virgulta ponere, adeoque illam ripæ partem quæ majori anni spatium aquis contigitur, invadere. Quod non liceret, si quidem ripa, quæ aquâ contigitur, foret publica, ad exclusionem privatorum, qui prope ripam prædia possident. Ratio in promptu est, quod in illis locis ripæ tutela non ipsum Principem uti volebat Gudelin. §. de jure noviss. cap. 3. verum privatos spectet. Uti igitur deminutio est privatorum, qui prope ripam prædia tenent, ita & incrementum ripæ aquâ recedente, ipsorum erit. Ut quæ pars ripæ, vel fundi ante potestatem erat privatorum, ipso facto, id est aquæ discessu, vel occupatione fundi fluminis, immixtis virgultis, eorundem dominio subijciatur.

§. 5.

Alia inter Littus & Ripam differentia traduntur.

Litterum quoque usus.] Præter exhibitas inter littus & ripam superiori §. distinctiones, hic alias proponit. Puta, quod littoris usus sit publicus, seu juris gentium, in quantum ejus usus omnium gentium communis est, quod cuilibet ibidem liceat casam ponere, piscari, exsiccare retia. Riparum autem usus publicus quidem sit, verum jure gentium, sicuti est ipsum flumen, id est, ut usus omnium in flumine navigantium deserviant. §. 4. hic. Insuper, quod littoris proprietas sit juris ejusdem, cujus est mare, & quæ subjacet in mari arena. Unde a sensu contrario, & ad oppositionem, quam hic intendit jurisconsultus, inferendum est, quod ripæ proprietas non sit ejusdem juris cujus est flumen. An vero nec ejusdem juris, cujus est fundus fluminis, dubii juris est, & in sequentibus examinabitur: neque enim in omnibus hic oppositionem admittere necessum est. vid. Cæpoll. de Præd. Rustic. c. 27. Loccen. de jure maritim. l. c. 6.

§. 6.

Quæ, & quasuplicia sint Bona Universitatis?

Uni-

Universitatis sunt.] Universitatis sunt bona civitatis, licet nonnulla privatorum usus deferviant, non tamen quasi propria cujusque, quod eorum proprietas sit ipsius civitatis in communi. l. 7. D. quod cuiusque univers. l. 2. §. 2. D. Ne quid in loc. public. Vocantur ea bona alibi publica, in d. l. 2. abusive tamen, quod ea sola publica censi debeant, quæ sunt populi Romani: civitates enim jure privatorum habentur. l. 15. 16. D. de verb. signif.

Quæ vero sunt universitatis bona, in triplici differentiâ collocantur, quædam enim usus omnium, nec tantum civium sunt destinata, qualia theatra, & templa, ut tamen proprietate sint universitatis non singulorum. §. 6. hic. l. 2. §. 2. D. Ne quid in loc. publ. Quædam usus singulorum civium concessa sunt, ut civitatis pascua, quæ singulis civibus interserviunt. Quædam usus communitalis, non singulorum interserviunt, quale est ærarium, aurifodina &c. §. 6. hic. l. 7. D. Quod cuiusque univers. l. 17. D. verb. signif.

Omnia tamen communia appellantur, in quantum vel proprietate, vel usu communia sunt ipsi universitati, aut singulis in eâ civibus. §. 6. hic. vid. l. 122. D. de Leg. 1. Althuf. 1. Dicajol. 12. in fin.

§. 7.

Quotupliciter aliquid dicatur esse Nullius?

Nullius sunt.] Quæ res sunt extra patrimonium, vel sunt absolute tales, vel secundum quid. Illæ dicuntur, quæ ita sunt extra patrimonium, ut in nostro patrimonio esse nequeant. Quales sunt res divini juris, quæ nullius esse statuuntur, quod bonis privatorum vel patrimonio universitatis, vel populi Romani non adscribantur. Ut eapropter quasi nostra vindicari nequeant, l. 23. §. 1. D. Rei Vind. Licet veluti proprietatis causam, quæ religiosa, continere dicantur. l. 2. §. quædam. D. interd. Alicujus tamen censi debent, in quantum piis usus destinata, Dei sunt, vel divini juris. §. 7. hic. l. si in emptione. §. omnium. D. de Contrah. Empt. Quo sensu dixit Imperator in l. sancimus. 21. Cod. de Sacros. Eccles. ea quæ divini juris sunt, humanis nexibus illigari non debent. vid. Alciat. 9. parerg. 15. Connan. 3. comm. 1. n. 2. Pinell. de bon. matern. part. 2. n. 4.

Non tamen ea tantum quæ Dei sunt, nullius in bonis esse censentur, verum alio sensu, quæ sunt communia jure naturali, in quantum naturali ratione cedunt primo occupanti. §. feræ. 12. Instit. hic. Nullius insuper & ea dicuntur, ratione eventus vel casus, quæ interim certum dominum non habent, quales sunt res hæreditariæ, antequam earum quis existat hæres. l.

Ecc

1. in

1. in medio principii. D. hic. Sicuti & ea quæ illo tempore cujus memoria non exstat, desiderunt esse alicujus, ut Thesauri. l. 31. §. 1. D. de Acquir. domin. Nec non, quæ voluntate domini pro derelictis habita, non aliter atque jure naturali communia, cedunt primo occupanti. §. 47. hic.

§. 8.

1. *Quid Sacrum Jure Romano.*

2. *Quid inter Christianos.*

3. *Quid Moribus.*

4. *Res sacræ alienari non possunt.*

5. *Exceptiones variæ proponuntur.*

6. *Ecclesiæ relicta sub usu superfluo, nihilominus eidem debentur.*

7. *Quæ Moribus ad alienationem Bonorum Ecclesiæ solemniter requisita?*

1. **S***ACRÆ RES.*] Licet apud auctores probatos, voces *sacrum, sanctum, religiosum*, quandoque confundantur, etiam aliter atque aliter accipiantur, hic tamen in forensi significatione de singulis erit agendum. Sacræ res dicuntur, quæ rite per Pontificem Deo sunt consecratæ. §. 8. hic. Ovid. 1. Falstor. Synes. Epistol. 67. Alex. ab Alex. Genial. dier. 2. c. 8. & 6. c. 14. ibique Tiraquell. in comm. Quandoque etiam per Principem, qui Pontificis munere nonnunquam inter Ethnicosungebatur.

Atque ita non obstat. l. 9. §. 1. D. hic. Nisi quispiam existumaverit in d. l. 9. agi de loco publico, vel Principis, vel etiam de aliis locis privatorum, quæ in sacrum sine Principis permissione vel destinatione non dedicabantur. Erant vero res sacræ in duplici differentiâ, vel enim immediate divino cultui destinabantur, ut sunt ædes, aræ, simulacra, calices, donaria, id est, oblata dona. Vel inserviebant ministris sacrorum, ut inde sustentarentur, quales sunt fundi, decimæ, redditus annui, bona usibus piis destinata. Althus. 1. jurisprud. c. 10. Hænon. disp. 10. ad Pand. n. 1.

2. Inter Christianos, ea Deo consecrata esse dicuntur, quæ ab usu profano, vulgari, communi, Politico, ad usum aliquem peculiarem, quopotissimum honor divini numinis celebratur, & promovetur, adeoque ad ejus cultum, ad ecclesiæ vel ejus ministrorum, vel pauperum, destinantur vel transferuntur. Quæ licet dicantur esse in ecclesiæ dominio, in quantum ecclesiæ usus sunt relicta. l. 14. Cod. de Sacros. Eccles. nullus tamen sunt in bonis, in quantum humanis & vulgaribus usus eximuntur. Aliquam enim earum portionem propriarius contestandæ gratitudinis ergo, quod sua largâ manu à Deo acceperit, ei restitutam voluit, omni suo jure abdicato. Eâ lege & conditione tacitâ, ut si quid in Dei ministerium contulit, contrectare fuerit ausus, adeoque subtrahere illi usui cui destinavit, lubens, non furti tantum, verum etiam Sacrilegii crimini se vellet implicatum. Actor. 4. v. 34. 35. & c. 5. in princ. & 20. v. 14. Et quamquam

quam terra sit Domini, ejusque plenitudo, nostraque substantia, si quam possidemus ad Deum non pertingat, in quantum inde nullum fructum percipit, nullius indigens. Psalm. 16. v. 2. 3. Actor. 17. v. 25. Quia tamen eam hominibus jure saltem utilis dominii concessit Deus, voluere homines in recognitionem superioris illius dominii nonnulla Deo redonata, ut in auctorem beneficium in creaturas collatum redundaret. Quæ etiam recepit Deus, in quantum, vel illis concessa sunt, erga quos misericordiam exerceri voluit, vel bonis quasi honoratur, dum eain cultum sacrum vel religiosum homo destinat. l. 2. §. 2. D. Pollicit. ibique Gothefr. l. fin. Cod. de Sacrosf. Eccles. Idque secundum illud Salomonis Proverb. 3. v. 9. *Honora dominum de divitiis tuis, & de principii omnium fructuum tuorum.* ibique Commentatores Belgæ. vid. Genes. 4. v. 3. 4. Levit. 1. 2. 22. ult. v. 1. 2. ibidemque Comment. Belg. Proverb. 20. v. 25. ibique Thom. Cartwright. Jesai. 58. v. 7. Matth. 25. v. 35. 36. & seq. Marci. 12. v. 41. 42. 43.

MORIBUS.

Ipsis rebus nullam sanctitatem inesse credunt illi, qui puriorem religionem Christianam sunt amplexi. Nec quicquam sacrum credimus præter panem & vinum in eucharistiâ, & aquam in baptismo. Nam quod ex iis elementis superest, post peractos ritus, communi jure censetur. Quæ vero piis usus sunt destinata, ea nostris bona ecclesiæ vel redditus ecclesiastici appellantur. Groenweg. hic. ibique alii allegati.

Quæ etiam per nostram constitutionem alienari.] Res sacræ, cujuscumque ex forent generis, à privatis occupari non poterant, id est, in alium usum non sacrum, non religiosum, omnino dispares, & toto genere diversum ab intentione donatoris, transferri. l. Sancimus. Cod. de Sacrosf. Eccles. In tantum etiam ut alienatæ in casibus non exceptis, à possessore repeterentur, idque sine pretii restitutione. Auth. qui res. Cod. de Sacrosf. Eccles. vid. Nov. 7. seu coll. 2. const. 1. ibique Azon. in sum. Nov. 40. 46. ubi Azon. Nov. 67. 120. 131. Cum enim quasi in Dei patrimonium sint transfusæ, ejusque ministrorum usum, non poterunt sine facto, concessione, vel permissione divinâ, ad alium usum transferri. l. fin. Cod. de Sacrosf. Eccles. Quod ita jura civilia admittunt, ut donaria, similiaque Deo oblata, in casibus exceptis alienari possint. §. 8. hic. ædes sacræ nullo casu possint. l. ædes sacræ. D. de Contr. Empt. Pacius in not. Crispin. Quod alienari nequeant regulariter, quamdiu remanent apud eos ubi pro sacris habentur, non si ab hostibus capiantur; ut eo casu de facto alienentur, dum ab iisdem prophanantur. l. 36. D. de Religios. non tamen de jure, ut quæ postliminii fictione sacræ manserunt, saltem pristino juri restituantur. d. l. 36.

Quod alienari per se solæ non possint, verum ut aliis rebus adherent,

Ecc 2

qui-

quibuscumque tanquam majoris partis accessio dividendum. Ut tamen nec divini juris esse definant, nec ad alium usum non pium transferantur, verum una cum territorio, alterius superioris directioni subiciantur, quo sensu castro dividendo res sacræ transire dicuntur. Arg. l. 22. 23. 24. D. de Contrah. Empt.

5. *Excepta causa redemptionis captivorum.*] Quæcumque secundum regulam communem alienari non possunt, quia extra hominum commercium constituta, ea tamen extra ordinem in casibus quibusdam exceptis subjacent alienationi, idque non sine ratione. Quos casus hoc in loco secundum jus Romanum, quibus mores Christianismi conformes sunt, neque dissentit jus divinum, quâ potero brevitate, enarrabo.

Et quidem ante Justinianum Imperatorem, ex Constit. Leonis, majoris ecclesiæ (sic loquebantur tum temporis) bonorum immobilium prohibita fuit alienatio. l. 14. Cod. de Sacros. Quod etiam ab Anastasio Imperatore porrectum ad ecclesias, quæ Patriarchæ Constantinopolitano subinciebantur. l. 17. Cod. eod. Justinianus denique Imperator omnem omnino rem piæ causæ destinatam, vel ecclesiæ relictam, alienari vetuit. Nov. 7. Nov. 120. Auth. hoc jus porrectum. Cod. de Sacros. Eccles.

Excipiebantur nihilominus aliquot casus, quibus iustâ de causâ bonorum ecclesiæ alienatio procedebat. Quos omnes interpretes ad quatuor capita revocarunt; necessitatem evidentem, utilitatem, pietatem, & incommoditatem. Gilken. ad Auth. hoc jus porrectum. Cod. de Sacros. Eccles. n. 14.

1. Iusta alienationis causa erat, æris alieni, quo ecclesiæ grabavatur, Nov. 46. Nov. 67. §. quoniam contingit. Nov. 120. §. hoc etiam.

2. Causa erat, redemptionis captivorum, quod homo re quavis sit præstantior. l. 21. Cod. de Sacros. Eccles. Nov. 7. c. 8. verb. nisi tamen. Nov. 120. c. 9. 10.

3. Causa erat, alimoniarum pauperum, quos fames premit, viva ecclesiæ membra pereant, quæ sanguine Christi sunt redemptæ. l. 21. Cod. de Sacros. Eccles.

4. Causa erat, permutationis rei unius ecclesiæ, cum re alterius ecclesiæ in utriusque commoditatem. Nov. 54. c. 2. Nov. 120. c. 7. Auth. item sibi invicem. Cod. de Sacros. Eccles.

5. Causa est, si ecclesiæ detur res, quæ rei ab ecclesiâ acceptæ æquivaleret, vel æstimatione superet. Nov. 7. c. 2. §. 1. Auth. Sed & permut. ibique. Barbof. Cod. de Sacros. Eccles. Nov. 120. Cumque res ab ecclesiâ accepta, alterius esse cæperit, etiam alienari sicuti res omnis promeritalis, poterat. Nov. 119. c. 10. correctâ Nov. 55.

6. Causa erat incommoditatis, si res mobiles contractæ, vel ruptæ; sic
ut

ut illi usui, cui erant destinatae, non amplius inservire valeant. l. 17. Cod. de Sacros. Eccles. Barbof. ibid. n. 9. & Auth. seq.

Quae insuper fuerint causae de jure canonum, propter quas res ecclesiae alienari potuerint, enarrantur à Treutlero vol. 1. consil. 85. n. 21. Zoesl. tit. decretal. de Rebus Eccles. alien. vel non. Vallensi Parat. Decretal. eod. vid. Duaren. 7. de Minister. Eccles. 9. Choppin. de Sacra Polit. 3. tit. 5. 6. 7. 8. Gilken. ad l. 14. & Auth. seq. Cod. de Sacros. Eccles. Marant. de multipl. alien. Prohib. n. 3. 4. Sañd. de Prohib. rerum alienat. c. 7.

Recensui illos casus, quibus alienatio bonorum, quae divini juris censentur erat permessa, & non sine ratione. Tum quod necessitas non fert legem, sed facit licitum, quod aliter esset illicitum. Tum quod in plerisque casibus enumeratis, non tantum res ecclesiae profanantur, quam in usus pariles & analogos transferuntur, aut in earum locum aliud quid valoris ejusdem vel aestimationis substituitur.

Quid si res ecclesiis vel causae pie ea lege sint relictæ, ut Deus cultu celebretur supersticioso, an quæ relictæ nihilominus debebuntur? Resp. Quia conditio vel etiam modus legato adjectus, si bonis repugnet moribus, vel institutio civitatis, vitietur, vel remittitur. §. 10. Instit. de Hæred. l. 1. l. 15. l. 27. D. de condit. Instit. etiam tale legatum, sub tali conditione, vel modo relictum illicito sustinebitur. Ut tamen ad officium spectet Viri Principis, vel Magistratus, defuncti voluntatem, ratione genericæ intentionis, quæ bona erat servare, modum redigendo ad cultum verum, qui erat supersticiosus, eumque usui parili, id est pio, sed licito, cum alter esset illicitus, applicando. Arg. l. 16. D. de Usu & Usufr. legat. Neque enim vir Princeps, aut quisquam alius absolutam potestatem in res sacratas ecclesiae sibi adquisivit, quæ Dei sunt, adeoque nullius hominis in bonis; ut nec in usus toto genere diversos, eas convertere debeat.

Non obstat. l. 4. D. de Administr. rerum ad civit. & l. 9. in fin. Cod. de Pagan. Sacrif. Vel quia loquuntur de rebus publico aut universitati relictis, vel in casu quo extrema necessitas exigit, ut in usus alios convertantur.

Unde si quæ bona tempore Papatus, vel cum multiplex superstitio religionem Christianam inquinasset, ecclesiis, vel Deo essent relictæ, idque sub modo vel cultu idololatriæ, ea semotim superstitutione, omni; cultu illicito, in cultum Divinum licitum, id est, in alios usus pios erunt convertenda, non autem citra necessitatem profananda, vel ad usum sisci vel privatorum traducenda.

„ Et ideo in papatu ad Ecclesiarum & capitulorum sustentationem & faciendam administrationem ex pia devotione legata ab heredibus testatorum, „ vel & à quibusdam terrarum dominis minus rectè occupantur, & debent potius particularum abusu supersticioso sublato ad pium & rectum

, usum transferri. *arg. l. legatum 16. ff. de usufr. leg. Schurff. conf. 48. cent. 1.*
 , & *conf. 5. cent. 4. Cothm. conf. 99. lib. 2. ubi Lauterbachium adulatorie contra*
 , disputantem refutat. sunt verba *Thomæ Lindemanni in disp. ad §. 8. inst. de*
 , *R. D.*

Quod in tantum verum est, ut si Christiani jure belli talia bona ceperint à Christianis, non tamen prophanis usibus sint applicanda. Cum enim utrobique intentio, & finis ultimus eorum, qui ista bona reliquerunt, fuerit bonus, nosque Christiani communem habeamus Deum, eundemque in unitate essentiae, & personarum trinitate, licet diversis modis & mediis, & ritibus colamus non poterunt ea quæ ita sunt oblata non accepta fuisse Deo, ut propterea à sordibus, id est, ab abusu defæcata, in usum pium merito transferantur. Ita de jure nostro bona hæreticorum qui Christiani erant, templis Christianorum fuisse applicata. l. 3. l. 5. §. cunctis. l. 8. §. 3. Cod. de Hæret. Nov. 131. c. 8. c. 14. Id quod congruum sacro Codici, è quo colligimus, ea bona, quæ in & ab ecclesiâ apostaticâ, dum cultus esset admodum depravatus, in sacrum inferebantur, Deo fuisse oblata, etiam ab eodem semoto vitio, acceptata. 2. Reg. 12. v. 4. 18. Matth. 5. v. 22. & 23. v. 23. Luc. 21. v. 4. vid. Grot. 3. de jure bell. c. 6. §. 5. 26. c. 11. 12. Gothefred. ad l. 9. §. 2. in fin. D. Rerum divis. Carpzov. ad l. Reg. Germ. c. 4. sect. 4. Horenb. ad Bullam Innocent. 10. p. 90. & seqq.

Quapropter etiam boni Principes tales oblationes in fiscum non redegerunt, aut prophanis usibus applicarunt, verum aliis piis usibus destinaverunt. Hæc praxis totius Germaniæ, & Angliæ, hæc consuetudo Ordinum generalium Belgii scederati; qui etiam quæ ab hostibus capissent sacra, vel potius ecclesiastica bona, in usus pios, Deoque gratos converterunt. Nisi quod quondam extremâ urgente necessitate, (Sacro codice viam & exemplum præmonstrante. 1. Samuel. 21. v. 3. & seqq. Matth. 12. v. 3. 4.) nonnulla in militum stipendia impenderint; quorum etiam nomine, ubi non sufficiunt ecclesiastici redditus, ad ministrorum ecclesiæ sustentationem se obligatos norunt, adeoque in locum abalienatorum tempore belli, liberalliter subministrant, quæ ad divini cultus promotionem judicant necessaria. vid. consentientes auctores, tam Theólogos, quam jurisconsultos, Lamb. Danzum lib. 3. Polit. Christi. c. 2. Mart. in Comm. ad 1. Reg. 21. in princ. Zepper. de ll. Mosaic. 4. c. 10. p. 366. & de Polit. Eccl. c. 26. Philippi Parei Vind. pro Parente p. mihi. 267. Gisb. Voetii consil. Theologic. de Ufu & abus. bon. Eccl. p. 2. ibique DD. innumeros. Horenb. ibique Varios ad Bullam Innocentii 10. p. 64. & seqq. & in p. 2. Polit. eccl. Andr. Essennii def. consil. Theol. Schurffum cent. 1. consil. 48. Modestini Pistor. consil. 54. in fin. Sacidwin. ad §. 8. Inst. de Rerum divis. Harpricht. ibid.

Ob-

Obrecht. disp. de Rerum Divis. thes. 68. Renat. Choppin. de Sacra Polit. libr. 1. tit. 7. n. 30. in fin. Matth. Wesembec. p. 1. consil. 4. n. 23. 96. & consil. 220. n. 14. 19. 20. Sand. de Prohib. rerum alienat. c. 7. §. 1. Grot. in not. ad Cassandr. Consult. c. 16. Amirat. discurs. in Tacit. 15. c. 5. Boccalin. tom. 1. parnass. 91. Scioppium in consil. Regio. fol. 25. Arumæum discurs. public. vol. 7. cap. 4. §. 17. & c. 7. Hænon. disput. ad Instit. 4. q. 4. Tuschem litt. E. conclus. 273. Scheplitz ad Brandenburg. fol. 9. 17. Sanct. Pacis Relig. in German. de ann. 1555. §. 21. Carol. Angliæ Regis Epist. de ann. 1647. in Eicon. Basil. Carol. 2. declarat. de ann. 1660. oct. 25. libr. Statut. Frisiz 1. tit. 13. & 4. tit. 2. 3. Carpzov. del. Regiæ German. c. 4. sect. 4. & jurisprudent. Consistor. 1. tit. 1. def. 6. & 2. tit. 21. q. 131. & seqq. Befeld. dissert. Polit. jurid. de majest. in genere. sect. 2. c. 7. Busium ad l. 38. D. de Leg. 3. Anton. Matth. in orat. de jure patronat. circa. fin. Groenweg. de ll. Abrogat. ad l. 15. & fin. Cod. de Sacros. Eccles. Wissemb. disp. Pand. 3. vol. 2. n. 6. Consult. jurisconsult. Bataviæ part. 4. consil. 366. 367. vid. Sent. Cur. suprem. Holland. 176. part. 1. impress. ann. 1662.

MORIBUS.

Ad alienationem bonorum ecclesiasticorum non aliæ solemnitates requiruntur, quam quæ ad distractionem bonorum reipublicæ adhibentur. Id est, ut consensus adsit eorum, qui summa rei potiuntur; quorum est advertere, ut è bonis ecclesiæ nummi redacti, in usus eosdem vel pariles convertantur. Estque hic alienandi res ecclesiasticas modus receptus secundum Anastasii constitutionem in l. 17. Cod. de Sacros. Eccles.

§. 9.

- | | |
|---|------------------------------------|
| 1. <i>Quis locus Religiosus?</i> | 3. <i>Jus Hebræorum annotatur.</i> |
| 2. <i>De Jure sepulchrorum varii Auctores allegantur.</i> | 4. <i>Mores enarrantur.</i> |
| | 5. <i>Jus Canonicum allegatur.</i> |

Religiosum locum.] Licet quandoque voces sacrum, sanctum, religiosum confundantur, Festus in voce *Religiosus*; & ita *religiosum* à relinquendo dictum velint, quod propter sanctitatem à prophanis usibus relinquatur. Gell. 4. c. 9. Macrob. 3. Satur. si tamen forensi modo eas voces explicemus, multum inter se differunt. Hinc etiam in hoc §. 9. qui locus fiat religiosus, ad distinctionem loci sacri, declaratur. Illum enim quisque facit suâ voluntate, cum sacrum locum faciat Pontifex consecratione. Non tamen pro arbitrio quis facit locum religiosum, nisi variis positis requisitis. Necessum enim est ut in certum locum inferat mortuum, id est cadaver, vel præcipuam ejus partem, puta caput, vel cineres. §. 9. hic. l. 44. D. de

Religios. Gell. 4. Noct. c. 9. Ut cadaver ibidem sepeliatur, recondat, tanquam perpetuæ sedis, & sepulture destinatum. l. 40. D. de Religios. Ut etiam ibidem perpetuo maneat. Neque ab hostibus locus sit occupatus (ut tamen jure gentium sepulcra debeant esse inviolabilia,) l. 36. D. Relig. neque in alium locum, cadaver quod temere faciendum non est, translatum. l. 9. §. 2. D. hic. l. 39. l. 44. §. 1. D. de Religios. Unde si quis ossa recondita, quæ inviolabilia turbaverit, vel de loco in locum injussu Pontificis vel Principis transtulerit, injuriarum, etiam violati sepulchri conveniri poterit. l. 8. D. de Religios. tit. D. de Sepulcr. viol. vid. Menoch. 2. arbitr. 387. Berlich. 5. conclus. 47. Christin. l. decis. 58.

Requiritur amplius, ut quis inserat cadaver in locum, plenâ proprietate suum. in princ. §. 9. hic. Nec interest, locus ille purus sit, qui privatus & prophæus, id est, neque sacer, neque sanctus, neque religiosus est. l. 2. §. 2. D. de Relig. (cui etiam adnumerandum *κενοτάφιον*, inane sepulchrum, tumulus vacuus. l. 6. §. 1. D. de Religios. licet contrarium Virgilio placuerit. l. 6. in fin. l. 7. D. hic.) an vero religiosus illatione cadaveris factus. §. 9. hic. Qui suus quidem appellatur, non quia est in dominio privati. §. 7. Instit. hic. verum quia dum interdicto experimur, veluti proprietatis causam continet. l. 2. §. 2. D. de Interd. Quamobrem etiam talis religiosus locus divendi non potest, verum jus inferendi mortuum in suum sepulchrum. l. 6. D. de Religios.

Quid si igitur locus in totum sit alienus, an domino invito, an vero eodem consentiente mortuum inferre licebit? *Resp.* Si quidem eo invito intuleris, religiosum locum non effecisti. l. 6. §. pen. D. de Relig. Quod si eodem consentiente & quidem ab initio (licet postmodum dissentiat) vel ex post facto ratum habente, (licet ab initio dissenserit) locus erit religiosus. §. 9. hic. Pacius in not. à Crispin. collectis.

Quid si locus pro parte sit alienus, pro parte proprius, adeoque communis? Siquidem communis locus est purus, invito socio extraneus inferri non potest. l. 2. §. 1. D. de Relig. l. 6. §. 6. D. Comm. divid. Nam in re communi deteriorandâ, vel extra hominum commercium constituendâ melior est prohibentis conditio. §. fin. Instit. de Donat. l. Sabinus. 28. D. Comm. Divid. Unde si unus ex sociis in fata concesserit, cum invitis cæteris inferre licebit. l. 41. junct. l. 43. D. de Religios.

Quod si locus communis sit impurus, id est commune sepulchrum; non socium tantum, verum quemcunque invitis sociis ibidem sepelire concessum est. §. 9. hic. l. 6. §. si quis. D. Comm. Divid.

Quid si non plenâ proprietate locus fuerit suus, in quantum ad alium ejusdem pertinet usufructus? Quoniam invito usufructuario dominus proprie-

prietatis ejusdem conditionem deteriorem facere nequit, jus prohibendi fructuarius est habiturus. l. 15. §. 7. D. de Usufr. l. offa. 8. §. nec solum. D. de Religiof. Nisi tamen proprietarius defunctus in alium locum commodè inferri non potuerit. l. 2. §. si usumfructum. D. de Religiof. vid. Donell. 4. comm. 4. Anton. August. 1. Emend. 2. Gilbert. Regium. 2. Enant. 4.

In commune sepulchrum.] Sepulchra fuere vel propria vel communia. 2. Illa, quæ quasi proprietate, & usu ad unum tantum pertinebant. Hæc quæ pluribus sociis erant communia & usu, & quasi proprietate. Quæ tamen in eo conveniebant, quod quemque in quodcumque sepulchrum inferre licebat, secus quam erat in loco puro communi, in quem non licebat extraneum inferre, socium tamen inferre licuit. Fuere itidem sepulchra vel hæreditaria, vel familiaria, vel communia sensu à prioribus diverso. Illa, ad quoscumque hæredes pertinebant, ista ad agnatos, hæc, in quæ cuilibet è populo mortuum inferendi jus erat. l. 5. D. de Religiof. l. 4. §. is autem. D. de fideic. libert.

Plura qui volet de sepulchris & sepeliendi ritibus & cadaveribus, is adeat Horat. 1. Serm. Satir. 1. Herodian. libr. 4. Ammian. Marcell. lib. 19. Barnab. Brisson. 2. Select. Antiq. c. 14. 15. 16. Alex. ab Alex. 3. Genial. diæ. c. 2. & 7. Dempster. ad Rosin. Antiq. 5. cap. 39. Delrionem ad Senec. Thyestem in not. inargin. v. 747. Baysum de Vasculis. Muret. 3. varior. 10. Peckium de jure sistendi. 5. n. 23. Alber. 2. de jure bell. 23. Cujac. 10. obs. 37. Befold. libr. 3. tract. de confid. vitæ & mort. c. 1. 2. 3. Rittershus. ad 12. Tab. class. 1. c. 3. 4. Salmuth. ad Panciroll. rerum memorab. tit. 62. Forcat. dialog. 1. n. 8. Reverend. meum Parentem Gisbert. Voet. Part. 1. libr. 3. Tract. 2. Polit. Eccles. de Sepulchris.

JURE HEBRÆORUM.

Apud Judæos trium generum sepulchra fuisse deprehendimus. Communia, familiaria, & hæreditaria. De quibus passim in libris Regum, & Genes. 23. 25. v. 10. Jerem. 26. v. 23. Matth. 27. v. 7. Et quidem in veteri testamento sepulchra habebantur impura, & omne cadaver, scil. active impurum erat, in quantum qui aliquid eorum attigisset, se ipsum lavare debebat. Num. c. 19. Haggai. c. 2. v. 13.

MORIBUS.

Nostriis moribus, ubi purior admittitur religio, nullus locus est religio. 4. sus, neque ulla sanctitas inest monumentis theologicè loquendo: forensi tamen modo sepulchra nostra sunt sancta, in quantum in violatores sepulchrorum, & mortuorum turbatores graves poenæ, pro judicis tamen arbitrio, decernuntur. Non tamen meo judicio loca sepulchrorum apud nos sunt in commercio, neque enim templi quod publicum est, vel aræ par-

tem dividimus, aut pretio comparamus, verum sepulchrum, id est, jus inferendi mortuum in certum locum. Unde etiam sine consensu ædilium loca sepulchrorum dividere non est permittum, ipsique ædiles dum sepulchra dividunt, hanc legem adjiciunt, ut ne liceat ipsis irrequisitis alteri locum dividere, in eumque jus sepeliendi transferre. vid. tamen Goris ad Sand. de Effestucat. p. 103. Groenweg. hic. aliosque ibidem dissentientes.

JURE CANONUM.

5. Sepulchra non tantum loca religiosa appellantur, verum & illa loca, quæ usui pio, vel exercitiis pietatis destinantur. vid. tit. de Religios. domub. tit. de Sepulturis. Ut tamen non omnis locus videatur religiosus, in quem mortuus infertur, nisi sit consecratus, & ille illatus, qui hæreticus non est. c. quicumque. 2. in princ. verb. & locus ille. de Hæretic. in 6.

Hinc de jure Canonum sepulchra alia sunt prophana, alia ecclesiastica. Prophana, quæ sunt in loco non consecrato, ut in bivio aut trivio, vel alibi, quo cadavera animalium abscondi solent. Ecclesiastica sepulchra appellantur, quæ sunt in loco consecrato, vel ecclesiastico Cœmiterio, quæque cum luminaribus, psalmis, sacris orationibus, & oblatione, aliisque ritibus adhibitis, fiunt. c. 12. de Sepultur. c. qui divina. 13. q. 2. c. duodecimo. 13. q. 5. Gregor. Tholos. Partit. Juris Canonici. l. tit. 15. c. 1. 2. 3. & seqq.

§. 10.

- | | |
|---------------------------------------|--|
| 1. Quid Sanctum? | 4. Moribus idem obtinet sub distincti- |
| 2. Muri Municipiorum ædium sancti. | one. |
| 3. Poenæ capitis in violantes consti- | 5. Portæ etiam forensi modo sancta- |
| tuta. | |

1. **S** Ad hæc quoque res. 3. Sicuti leges sanctæ fuerunt appellatæ, ita noti in mæritis hoc loco tales res significantur, quæ sanctione, id est poenâ aliquâ, (sicut alii à sâgminibus herbis, per quas Romani legati pro inviolabilibus habiti, eam vocem dictam velint. l. 8. D. hic. Dueren. 1. disp. 37.) ab injuriâ & violatione hominum sunt defensæ atque munitæ. l. 5. D. eod. Quo etiam nomine quodammodo divini juris esse dicuntur, ut sicuti res sacratæ Deo, ita & hæc suo jure tutæ videantur. §. 10. hic. l. 8. §. 2. D. eod. Just. Rycq. in capitul. Roman. c. 6. Fabron. ad Theoph. in not. hic. Tales sunt muri, & portæ civitatis.
2. De muris urbis Romæ res extra dubium est constant, quod tamen jure merito ad muros extenderis municipiorum, quos sanctos esse, neinõ negaverit. l. 8. §. 2. D. hic. l. 2. D. Ne quid in loc. sacro. quod non minus securitas populi violetur in muris municipiorum, quam urbis Romæ. Cum

que

que lex generaliter de civibus Romanis loquatur, quos non aliter quam per portas egredi & ingredi licet, caetiam de municipiis, ubi cives sunt Romani, intelligenda erit. l. fin. D. hic. Arg. l. 17. D. de stat. homin. l. 3. Cod. de ll. Quæ ipsa ratio est, quod sine Principis aut Præsidis auctoritate, muros ne quidem municipiorum privatis liceat reficere. l. 9. §. 4. D. hic. Ut tamen hoc liceat universitati, vel p. jvatis ejuldem consensu, vel expresso vel tacito, modo in publicum cedat commodum. l. 7. l. omnes. 18. Cod. de operib. publ. Hottom. in §. 10. hic. Gothesfred. ad l. fin. eod. vid. Rævard. 2. varior. 13. Lyclam. 3. Eclog. 6. Tim. Fabrum disput. 12. thes. 6. Hillig. ad Donell. 4. comm. 1. litt. Z. Besol. delib. juris Pand. ad libr. 1. n. 35. p. 128. Hœnon. disp. Instit. 4. n. 5. ibique DD. diss. Boër. decif. 232. Clarus §. fin. quæst. 68. n. 32. Coraf. ad l. fin. D. hic. Petr. Gregor. libr. 35. cap. 7. n. 1. Bronch. 1. Miscell. assert. 16.

Pœna capitis constituta est.] Quia hostile & abominandum reputatur 3. aliâ, quam per portas egredi, & muros vel mœnia, quæ quasi munia, ad motis scalis vel qualibet aliâ ratione transcendere, quod etiam ad muros municipales, uti dictum, & vallum castrense & carceres extenditur, ideo in violatores capitis pœna, id est, ultimi supplicii est constituta. §. 10. hic. l. fin. D. eod. l. 3. §. nec non. 17. D. de Re milit. l. 13. §. 5. D. eod.

Quæ demum pœna flagitio perfecto, non si conatus adsit vel affectus, iocum est habitura. §. 10. hic.

Ne quicquam obstante l. fin. in verb. *voluerit*. D. hic. ut quæ non de conatu, vel solâ voluntate, sed temeritate facientis est accipienda. Nam si historiam conferamus, non Remus transcendere tantum voluit, sed etiam verè transcendit. Livius libr. 1. Plutarch. quæst. Rom. 27. Nisi quispiam censeat id prætexisse Romulum, quo fratre Remo interempto, solus imperium obtineret, quod sicuti tædæ, ita nec regna ferant parem vel socium. Minut. Felix in Octav. Hieron. ad Rusticum Monachum, Epistol. 4.

M O R I B U S.

Non distinguemus inter muros municipiorum & urbis Romæ, verum 4. potius inter mœnia oppidorum limitaneorum, seu præsidiorum, & non limitaneorum. Ut in hisce pœna nulla capitalis sit decreta verum levior, relinquenda judicis arbitrio. In illis certa & quidem capitis pœna in transgressores sit constituta; quæ tamen potissimum locum habebit, belli tempore, si ab hostibus periculum immineat. Hæc etenim statuti nostri militaris est ratio, quæ anima legis. Ut hallucinentur interpretes, qui censent pœnam ultimi supplicii in violatores mœnorum de jure constitutam, omnino desuetudine inumbratam esse; quod etiam de carceribus statuendum dicitur. vid. Articul. Militar. belgii fœderat. artic. 46. ibique Pappum.

Bartol. tract. de carceribus Boër. q. 232. Clarum. §. fin. q. 21. Cæpoll. de Urban. Præd. c. 40. Ludovic. Roman. singul. 239. Salmuth. in Panciroll. 1. memor. de 7. mundi miracul. p. 207. Nellum. tractat. de Banuit. p. 2. Menoch. 2. arbitr. 483. Vaud. 2. quæst. 2. Guidon. Papæ decif. 232. in fin. Boëkel. public. disquis. 9. n. 3. Christin. ad Mechlin. tit. 2. art. 16. & 4. decif. 149. Busium, ad l. fin. D. hic. Befold. in delib. jur. Pand. ad l. fin. D. eod. Zyp. not. juris Belgic. tit. de jure fisci. Berlich. decif. 70. Mevium ad Lubec. 4. tit. 15. art. 2.

5. *Porta civitatis.*] Quod de muris civitatis, idem de portis affirmat. §. 10. hoc tit. Licet ubi de muris sermo in l. 8. 9. D. hic. nulla portarum fiat mentio. Sunt enim portæ civitatis æque inviolabiles atque muri, in quantum eandem nemini propriâ auctoritate vël claudere, vel aperire licet. Si tamen spectemus jus Pontificium & Augurum qui ceremoniis adhibitis muros consecrabant, portas sacras non esse dixeris. Purum enim & impurum per eas intrare & exire solet, ut ubi portæ collocarentur, sulcus non duceretur. vid. Plutarch. in Roman. q. 27.

§. 11.

- | | |
|---|--|
| 1. Dominiî definitio explicatur. | 5. Modi acquirendi Dominiî in duplici sunt differentiâ. |
| 2. Divisiones Dominiî proponuntur. | 6. Regna sunt Jure Gentium introducta, non tamen Civiles constitutiones. |
| 3. Etiam de Moribus. | |
| 4. Dominiî acquirendi modi à causis sunt distincti. | |

1. *Singulorum autem hominum.*] Sequitur altera rubricæ pars, quæ est de acquirendo rerum dominio, id est, de variis acquirendi dominiî modis. Quos antequam referam, paucis natura dominiî, id est definitio, & nonnullæ divisiones erunt explicandæ. Definitur à multis, inter quos est Zoef. D. de Adq. Domin. ex parte Vinnius Instit. hoc. §. 11. Quod sit jus de re liberè disponendi, nisi quis lege prohibeatur. Verum meo judicio minus accurate, quod non omnis qui ad libitum de re quapiam disponit, dominus sit appellandus. Procurator enim omnium bonorum cum mandato speciali, cum liberâ bonorû administratione, de re meâ liberè disponendi nactus est facultatem, nec tamen dominus appellabitur. Quin imo nec omnis ille qui dominus est, de re suâ ad libitum disponit, nisi eam ab alio possessam, prius vindicaverit. Quin amplius quandoque quis prohibetur de re suâ disponere, non lege sed privatâ conventione, cui standum est. Præterquam, quod illis verbis, non tam natura dominiî ad obligationis differentiam designetur, quâ aliquis ejus effectus. vid. tamen Salic. ad l. traditionibus. 20. Cod. de Pact.

Connan. 3. comm. 3. Gomel. in l. 45. Tauri. n. 5. Gabriel. comm. opin. tom. 1. libr. 4. verb. dominium.

In strictiori significatione malim hunc in modum dominium definire, quod sit *jus quo res corporalis nostra est*. Aliter dempto corporali, complectetur omne dominium. Vocabulo *juris*, ipsum genus significatur, quod commune & dominio, & obligationi. Est enim jus duplex, vel *in re*, vel *ad rem*; illud est, jus circa ipsam rem; quo res ipsa est devincta; hoc est tale jus, ad quod res ipsa præcise non est devincta, verum persona. Jus in re est multiplex, vel jus Dominii, vel Servitutis, vel Possessionis, vel Pignoris, scil. realis, Prætorii, hypothecæ. Jus ad rem, est obligatio, sive ex contractu, vel quasi, sive ex maleficio, vel quasi, sive ex aliis causarum figuris. Subjungitur in definitione, *quo res corporalis nostra res*. Dominium enim in strictiore significatione rerum est corporalium, ut incorporalium, puta juris possessionis, servitutis, illò sensu, non sit dominium; l. rectè dicimus. 25. D. verb. sign. Negandum tamen non est, quin dominium largius acceptum, pro omni jure, adeoque pro re incorporali accipiatur. l. 4. D. de Usufr. Adjicitur denique in def. *quo res nostra est*; ut ita ab obligatione dominium fecernatur, per quam res quidem mihi debetur, mea tamen non est. Duo enim sunt habendi modi, unus jure dominii, alter jure obligationis. l. 88. D. de verb. signif. Illo quid nostrum est, hoc nobis deberi dicitur. l. 159. D. de Regul. juris. vid. Gædd. ad l. 49. n. 7. & seqq. D. de verb. signif. Althus. 1. Dicajol. 18. Hænon. disp. 10. ad Pand. n. 3.

Dominium in genere definitum, olim variè dividebatur; vel enim erat bonitatum, quod etiam naturale, quasi utile, vel quiritarium, quod legitimum, quasi directum. Illud erat rerum nec mancipi, hoc rerum mancipi, quæ nostræ omni jure. Razardus 1. varior. 5. & 2. varior. 12. Contius disp. juri civil. de variis domin. q. 12. Non tamen antiqua dominii divisio cum eâ, quæ postmodum fuit introducta confundenda est, quâ dominium in naturale seu verum, & civile seu fictum, dispescitur, ut illud sit uxoris in re dotali, hoc vero mariti. vid. Ulpian. in Fragment. tit. 19. & mea ad tit. Quibus alien. licet vel non.

Est in super aliud dominium directum, aliud utile; illud, quod quis habet in re corporali, forte & incorporali, & quidem absolute. Qualis est Senior in re feudali, dominus, in agro emphyteutico. Hoc, est jus cum fructu, cum omni utilitate, quod habet ille, qui dominum superiorem vel directum agnovit; qualis est Vassallus, Emphyteuta, Superficiarius. Et quamquam hi termini dominii directi & utilis in jure non ita reperiantur, quia tamen citra reprehensionem ab iis tradi possunt, qui disciplinas tractant, idque familiarioris gratiâ explicationis, eam divisionem jubens amplectar.

Nam cuius fundamentum sufficiens in iure reperitur, & quâ distinctione non adhibita, iura inter se conciliari nequeunt, ea non videntur reprobanda. Alibi enim emphyteuta negatur esse dominus. l. 1. D. Si ager Vectigal. alibi dominus esse affirmatur. l. 12. in fin. Cod. de fund. Patrimon. ut dominium quod habet superior sit discernendum voce, sicuti rediscernitur à dominio, quod habet emphyteuta. Quocumque vero nomine & illud & hoc exprimitur, nihil refert, modo rem habeamus. Baldus tract. de Præscript. p. 3. in princ. part. 2. q. 2. Sneiderw. hic. n. 4. Coras. 6. Miscell. 20. Myns. ad Rubric. hic. n. 16. Costal. ad l. 1. D. Si ager Vectig. Coëdd. ad l. 25. 26. D. verb. signific. Rosenth. c. 1. de feud. defin. conclus. 6. litt. c. Coppen 2. Practic. obs. 70. n. 7. Zoef. D. de Acquir. domin. n. 5. Hunnius Variar. resol. 2. tract. 1. q. 7. diff. Cujac. 11. obs. 35. Duaren. 1. disputat. 17. Donnell. 9. comm. c. 14.

Dominium in super dividitur in plenum, & non plenum; illud est, quod continet rei proprietatem cum usufructu; solidum dictum, à consolidatione, quod usufructus iungatur proprietati. §. fin. Instit. de Usufr. Hoc est, quod continet proprietatem, deducto usufructu, seu à quo usufructus est separatus. §. 2. & fin. Instit. de Usufr. l. 4. D. de Adim. Legat. l. 27. D. Rei Vindic. l. 11. Cod. Action. Eempt. Unde etiam in iure nostro plena dicitur proprietates, cui nuda opponitur, quia usufructu, id est, iure, commoditate & utilitate percipiendorum fructuum denudata, non servitute personali, quæ nunquam proprietati iuncta est, ut frustra ab eâ separari diceretur. l. 43. §. 1. l. 53. D. de Usufr. l. 34. D. de Rei Vind. l. 21. §. 2. D. quod met. caus. vid. alias domini distinctiones apud Althus. 1. Dicaj. c. 5. & DD. hic. Coppen 1. obs. 70.

MORIBUS.

3. DD. in praxi multiplex faciunt dominium; aliud ratione jurisdictionis, quod appellant dominium universale, quale habet Princeps in rebus singulorum; aliud ratione proprietatis, quod est dominium particulare, singulis privatis in re propria competens; aliud locorum ad universitatem pertinentium, iure universitatis; aliud superioritatis, quo civitates vel federati se Principis alicujus majestatem observaturos promittunt. Alciat. in l. in suis. n. 21. D. de Liber. & Posthum. Gail. de Pac. Public. cap. 11. n. 4. 5. Covarr. in c. peccatum. part. 2. §. 9. n. 8. Damhaud. prax. crimin. cap. 82. n. 79. Peregrin. de iure fisc. libr. 1. tit. 2. n. 40. Pacius tract. de domini. Maris Hadriat. pro Venet. p. 6. 7.

Insuper dominium in praxi aliud est superius aliud inferius. Illud appellant, quod jurisconsulti appellantur directum, hoc, quod utile nuncupatur. Costal. ad l. 1. D. Si ager Vectigal. Dessel. in notis ad Zoef. hic. n. 2.

Mul-

[*Multis modis.*] Varii sunt acquirendi dominii modi, quos tamen ab 4
 ipsis causis, ex quibus nobis dominia adquiruntur, distinctos esse oportet.
 Contractus enim sunt causæ, quibus aliquid sit nostrum, nonnisi tamen
 interveniente modo. Neque enim solis conventionibus, vel pactis, domi-
 nia rerum transferuntur, ut modi, quales hic traduntur, intervenire debeant.
 l. 20. Cod. de Pact. Per causas intellige, non quascumque conventiones
 vel contractus, verum titulos habiles ad dominium, interveniente aliquo
 modorum, transferendum. Quales sunt vel onerosi, puta, emptionis, per-
 mutationis, vel lucrativi, puta donationis &c. de quibus omnibus in titu-
 lis Dig. post tit. de Usucap. §. 41. Instit. hic. in princ. Instit. de Usucap. l.
 20. Cod. de Pactis. Heringium de Molendin. quæst. 13. & seqq.

[*Nascimur jure naturali.*] Modi acquirendi dominii in duplici differ- 5
 entia constituuntur. Vel enim sunt modi acquirendi universales, vel par-
 ticulares. Illis res adquiruntur per universitatem, his res singulæ efficiun-
 tur nostræ. Et quamquam omnes isti acquirendi modi, partim sint ex jure
 gentium, partim ex jure civili, hic tamen JC. modos particulares, (non ad
 exclusionem modorum acquirendi per universitatem) dicit esse vel juris
 gentium, vel juris civilis. vid. Coras. 6. Miscell. 25. Modi juris gentium,
 in hoc §. 11. tales dicuntur ad oppositionem juris civilis, & eapropter sub
 appellatione juris naturalis comprehenduntur. §. fin. Instit. De Legit.
 Adgnat. tutel. Quod licet in strictiori significatione juris gentium secun-
 dario opponatur. in princ. & §. 1. 2. Instit. de Jure Nat. Gent. & Civil. non
 juris gentium primævo. §. 11. Instit. eod. Hic tamen adeo latè accipitur,
 quod rarum, ut vel ipsum jus gentium secundarium complectatur. §. 11.
 hic. Ut hallucinetur Crispin. ex edit. Paci in notis, qui per jus naturale jus
 gentium secundarium designari censet. Licet enim nonnulli dominii acqui-
 rendi modi sint juris gentium secundævi. §. 17. Instit. hoc. tit. quo refero l.
 5. D. de just. & jure. plerq; tamen qui hoc enarrantur titulo, sunt juris gen-
 tium antiquissimi. Ne dicam omnes illos modos, si causam spectemus dici
 posse naturales, in quantum recta ratio, tales acquirendi dominii modos, si-
 cuti sub initium hujus tituli demonstravi, ita usu exigente, & humanis ne-
 cessitatibus, non tantum suavit, verum etiam introduxit.

[*Civilia autem jura.*] Intellige, tam civiles acquirendi dominii modos, 6.
 puta per emancipationem, usucapionem, jus ad crescendi, in jure cessionem,
 quam civiles constitutiones, quæ à naturali jure distinguuntur, quod hoc
 sit vetustius, cum ipso genere humano natum. Istæ vero constitutiones de-
 mum obtinuerunt, postquam in unum coierunt homines, & civitates conde-
 dere ceperunt, & creare magistratus. Leges enim civiles sunt, ab omni-
 bus per suffragia in civitate latæ, ut sint fundamentum societatis, vel à su-
 premo

premo magistratu sancitæ, in quem omnis à subditis legum ferendarum potestas est translata.

Neque hisce obstat l. 5. D. de iust. & iure. ubi regna jure gentium esse condita, refertur. Quandoquidem non statuitur in §. 11. hic, civitates vel regna jure civili esse introducta, verum quod cæperit jus civile, postquam civitates condi & magistratus creati cæperunt.

§. 12.

Venatio & Piscatio explicatur.

Fera igitur bestia.] Modi acquirendi dominii juris gentium, & quidem particulares, de quibus hoc tit. agitur, ad tria capita generalia referri poterunt, ad occupationem, accessionem & traditionem. Occupation est iusta rei apprehensio, animo facta domini, per quam naturalis habetur possessio, à quâ dominium rerum quondam incipit. l. 1. §. si dominium. D. de Acquir. poss. Connan. 3. comm. 3. Estque vel rerum animatarum, vel inanimatarum; utraque vel earum rerum, quæ sunt nullius, vel quæ sunt alicujus. diss. DD. qui volunt occupationem solummodo esse rerum nullius, sed falluntur insigniter. Ad Occupationem rerum nullius refer animalia, à §. 12. usque ad 16. inclusive. in littore inventa. §. 18. insulam in mari natam. §. 22. pro derelictis habita. §. 47. inventionem thesauri. §. 40. Ad occupationem vero rerum, quæ sunt alicujus, referenda quæ in bello capta, quæ cum essent hostium, jure gentium secundo, sunt capientium. §. 17. hic.

Res animata, sunt vel feræ, vel cicurata seu mansuefactæ, vel mansuectæ. Quæ feræ vel perfectæ sunt, vel insectiles. De illis agitur. §. 12. 13. de hisce. §. 14. de cicuratis & mansuetis seu domesticis. §. 15. & seq. Ut singulorum constet ratio, per regulas subsequentes circa singulos. §. 5. rem claram & manifestam reddam.

1. Quicquid venatione vel aucupio à nobis acquiritur nostrum est. §. 12. hic. sive id adquiratur in fundo nostro, sive in alieno. d. §. Neque interest, utrum fundi alieni dominus me ingredientem prohibuerit, an non; cum nihilominus fera capta, fiat capientis. l. 3. D. de Acquir. domin. Licet in hoc intersit, quod domino prohibenti ne fundum ingrediatur, adversum me injuriarum competat actio, permittenti non item. l. 13. §. fin. D. de injur. per rationem l. 11. Cod. de Servit. & Aqua. l. 2. §. si quis in mari. D. ne quid in loc. public. l. 16. D. de Servit. Præd. Rustic. Myns. Speidw. hic. Duaren. ad l. 3. §. item feras, D. de Acquir. Possess. Covarr. in relict. c. peccatum. de Regul. juris in 6. part. 2. §. 8. n. 4. & seq. Donell. 4. comm. 8. in fin.

Sicuti

Sicuti nec interest, in sylvâ circumseptâ vagentur feræ, an alibi: cum naturali libertati relictæ esse censeantur. l. 3. §. item feræ. D. de Acquir. Possess.

Non itidem interest, utrum manu, vel instrumento, puta reti vel laqueo capiantur, neque se expediverint, neque ab alio fuerint expeditæ. l. 55. D. de Acquir. domin. Sic tamen ut si alius feram extricaverit, in eundem actio in factum sit competitura; qui casus & sensus genuinus est d. l. 55. in verb. *summum tamen*, ut frustra alia quædam ex eâ lege interpretes exculpere contentur.

Si tamen vivariis feræ sint inclusæ, cum eas possidere intelligamus, non fient capientis. l. 3. §. item feræ. D. Acquir. possess.

Sicuti, quando fructus fundi sterilis, & arenosi in venatione consistit, vel consuetudine loci privatis jus venandi est ademptum; quemadmodum de jure feudali solummodo urfos, apros & lupos capere licebat. §. nemo. tit. de Pace tenend. & jure Cod. nonnisi Leones, si feræ generosiores & majores intueamur. l. unic. Cod. de Venat. ferar. vid. Cæpoll. de Præd. Rustic. cap. 21. Guidon. Papæ q. 218. Gail. 2. obs. 66. 67. 68. Sneider. ad §. 12. hic ibique not.

2. Quicquid tibi quæsitum est per occupationem, non diutius censetur esse tuum, quam à te detineatur, id est, tuâ custodiâ contineatur. Quoniam simulac illud retinere desiisti, in naturalem libertatem se recepit. §. 12. hic. l. 44. l. 55. D. de Acquir. domin. Cum enim eodem modo quid amittatur, quo quæritur, sequitur si quid occupare desieris, id tuum non amplius esse, quod occupatione feceras tuum. l. 45. D. de usuc.

Unde quæsitum est, quando fera cenferi debeat in naturalem libertatem se recepisse? Et respondetur, cum vel oculos tuos effugerit, vel difficilis sit ejus persecutio. §. 12. hic. Neque enim hoc meum est, quod mihi non tenetur parere, si nolit. Multo magis in statum naturalem se recepit, si impossibilis ejusdem sit persecutio, ut si in locum impenetrabilem, in avia & derupta, fera vulnerata fugerit.

Quid si facilis ejusdem sit persecutio, an sublata dicetur esse spes recuperandi, adeoque dominii causa amissa? Non videtur. l. 44. D. de Acquirend. Domin. In quo notabilem observare licebit differentiam inter acquisitionem dominii & amissionem. Quod non ita mea esse incipiat fera, si facile possit occupari, licet mea esse non desinat, si facile possit recuperari.

3. Pisces capti hamo vel reti non aliter atque feræ, capientis sunt, sive capiantur in fluminibus, sive in mari. §. 1. 2. hic. sive in stagnis. l. 3. §. 14. D. de Acquir. poss. non si capiantur in alienâ piscinâ, vel lacu, cum à domino piscinæ possideantur. d. l. 3. l. 13. §. fin. in fin. D. de Injur. Quod

tum demum procedere existimarem, si dominus pisces in piscinam conjecerit, d. l. 3. Non si ibidem sponte generati vel orti sint, id est citra industriam domini. l. 15. D. de Act. Empt. Sic ut meo iudicio hic plerique frustra distinguant inter piscinam & stagnum, quasi nunquam in piscinâ piscari liceat, sed quidem in stagno; cum tamen in dd. ll. 15. & 3. quæ invicem adversari videntur, mentio fiat piscinæ, & Paulus à nobis possideri pisces affirmet, id neget Ulpianus. Nisi quispiam existimaverit, Ulpianum per piscinam stagnum intellexisse; quod mihi non sit probabile. vid. diff. Cujac. 4. obs. 2. Covarr. in c. peccatum. de Regul. jur. in 6. p. 2. relect. §. 8. n. fin. Hænon. disp. Pand. 10. n. 4. litt. G. in comm.

§. 13.

1. Persecutio non est occupatio, sicuti } 2. Moribus quid circa Jus Venandi.
nec vulneratio. } obtineat, explicatur.

2. **I**llud questum.] Cum dictum fuerit feras & pisces fieri occupantis ejusque remanere, donec in libertatem naturalem evaserint, inquiri poterat, an non censeatur fera esse occupata, si adeo à me sit vulnerata ut effugere nequeat? Et licet quibusdam affirmativa sententia placuerit, modo quis feram persequi non desistat; eaque sententia de consuetudine retineatur. Quia tamen persecutio non est occupatio, nec vulneratio apprehensio, & capiendi feram vulneratam certitudo absoluta non sit, quod inter vepres & dumeta se possit abscondere, & alia multa accidere, ne capiam, negativam potius sententiam amplexus est Tribonianus, in verborum proprietate fundatam. §. 3. hic. l. 5. D. de Acquir. domin. Ubi in transitu hoc observare merito licebit, quandoque jus statui ex iis, quæ contingere possunt. l. 11. §. fin. D. de Jurisd. Hoffer. in not. hic.

MORIBUS.

2. De consuetudine generali jus venandi, subditis est interdictum, adeoque vel omnino sublatum, vel multis modis imminutum, idque iustis de causis. Nam si promiscuè omnibus venari liceret, maximæ lites & certamina exorirentur, ab officiis & artificio subditi avocarentur, & tandem rerum species absumerentur. Fachin. 1. contr. 1. Wesemb. Parat. D. de Acquir. Domin. n. 7. Sneiderwin. in comm. hic. n. 9. Bronchorst. 3. Assert. 76. in fin. Harpricht. hic. n. 84. Heigius p. 1. quæst. 15. Speckh. cent. 1. quæst. 97. Grot. de jure belli libr. 2. c. 2. n. 5. Lyclam. 3. membr. eclog. 9.

Ut tamen si quis contra prohibitionem fuerit venatus, morte non sit afficiendus. vid. Tiraquell. de nobil. c. 37. n. 150. Gregor. Tholof. Synt. juris. libr. 39. c. 10. Zoannet. tract. de Venat. Merulain tract. *Van de Wildernisf.* libr. 1. tit. 2. c. 1. & libr. 3. tit. 3. c. 1. Grot. 1. introd. 14. Carpxov. ju-

jurispr. forens. p. 3. const. 32. def. 17. Fachin. 1. contr. 1. Gail. 2. obs. 68. Sebast. Medic. de Venat. q. 5. n. 7. Speckhan. 1. quæst. 98. Harprich. in comment. hic. n. 256. Heigium loc. cit. n. 80. Bocer. class. 4. disput. 3. thes. 32. in fin. & in thesauro Pract. verb. Wilderer. Coppen 2. observ. Practic. 72.

Nobilibus nihilominus ubique fere jus venandi concessum est, id quod advocatis in matriculam relatis tributum censent, quinimo doctoribus, qui nobilibus communi dd. calculo adnumerantur. l. diximus. in fin. D. de Excus. tutor. Gloss. Cynus & alii in l. providendum. Cod. de Postuland. Bartol. in l. Medicos. Cod. de Prof. & Medic. libr. 10. Bald. in l. nemini. Cod. de Advoc. divers. judic. Tiraquell. de nobilit. c. 5. n. 4. & c. 20. n. 67. Campeg. de dote p. 1. quæst. 13.

Nisi quod jus venandi animalia generosa, (Excipe Neoburgensem ducatum. Sebast. Khraiffer. declar. privil. ducat. Neob. p. 2. art. 13. & seqq.) qualia sunt cervi, apri &c. Principi & Baronibus sit reservatum; quod etiam ad aves nobiliores, puta phasianos & ardeas, referunt.

In Brabantia tamen omnibus brabantinis secundum lætum introitum Carol. 5. & Philippi 2. Hispaniarum. art. 33. 34. venari licet, quadrupedes feras canibus, perdices falconibus. Quod etiam civibus Trajectensibus est concessum, qui appellantur *Mertens-mannen*, quales censi poterunt, quorum pater & avus in numerum civium relati erant. Quibus vero jus venandi competit de moribus, eos oportet modum & tempus statutis singulorum locorum præscriptum, servare, ne in pœnam incidant. Sicuti prohibentur etiam certis in locis venari, vel Principi, vel supremo Præfecto, reservatis.

Lupos, vulpes, (etiam de jure feudali urfos & apros. Constit. Freder. de pace tenend.) animalia pecudibus nociva, in tantum omnibus capere permissum est, ut etiam ad illa intercipienda, præmiis subditi invitentur. Christin. 5. decif. 84. Zyp. not. jur. Belgic. libr. 11. tit. de venat. ferar. Gudel. de jure noviss. 2. c. 2. n. 8. & seqq. Zoef. D. de Adquir. domin. n. 12.

Moribus autem venari & piscari in alienolibere non licet. vid. Cravett. consil. 658. Fachin. 1. contr. 1. Gregor. Tholos. Synt. juris libr. 39. c. 10. Zyp. loc. cit. Berlich. conclus. Pract. part. 5. conclus. 51. Coppen 2. obs. Pract. 69. n. 2.

Sicuti feræ sylvis privatis, & pisces stagnis inclusi in dominio privatorum esse intelliguntur. Grot. 2. de jure belli. c. 8. n. 2. Etiam quæ vulneratz sunt feræ, si qui eas vulneravit persequatur, alterius esse non debent. Zoef. D. de Adquir. domin. n. 10. Grot. 2. introd. 4. ibique Groenw. Vinnius, Groenw. Dessel. in Instit. hic. Quod & dicendum, licet tantum venator

detexerit feram, Accursi. in l. 5. §. 1. D. hic. Covarr. ad c. peccatum de Regul. jur. in 6. p. 2. §. 8. vid. tamen Cujac. ad l. feud. tit. 1. in fin. Non tamen capientis erit fera, si eam laqueo cæperit, quod illo feras capere sit prohibitum, idque sub poenâ pecuniariâ, vel graviori. Gomef. in l. 45. Tauri. n. 47. Gabriel 2. comm. opin. libr. 17. p. 333. col. 1. vid. Constit. Ordinum Hollandiæ ann. 1517. Decembr. 26. & 1544. May. 19. & 1561. Febr. 12. Constit. Ordinum Ultrajectin. de ann. 1581. Dec. 5. & 1591. Dec. 30. & 1619. Decembr. 15. & 1630. Jul. 7. & ampliât. ann. 1647. Octobr. 26. lib. 4. statut. Frisiz tit. 4. & 7. & append. Nov. p. 53. 56. 57..

§. 14.

1. Apes an fiant occupantis? | 3. Quid Moribus.
2. Quid Jure Hebræorum obtineat.

1. **A**pum quoque fera natura est.] De feris animalibus, & quidem quadrupedibus perfectioribus est actum; sequuntur imperfectiora, quæ dicuntur insectilia, quorum in numero collocantur apes. Varro de Re Rustic. libr. 3. c. 6. c. 16. Columell. 8. cap. 11. & 9. c. 3. vid. Hieron. Magium 1. Misc. 3. Cœl. Rhodigin. 20. antiq. c. 18. Plinius apes neque mansueti generis neque feri esse voluit, sed mediæ inter utrumque naturæ. libr. 11. c. 5. Apium tamen feram esse naturam putavit Cajus, quod etiam cæteris prudentibus placuit. §. 14. hic. l. 5. §. Apium. D. Acquir. Domin. l. 26. D. de furt. circa quarum dominium, capturam vel inclusionem, sequentes observabuntur regulæ.

1. Apes vel manu captæ, vel alveo inclusæ, sive in meo, sive in alieno, fiunt occupantis. §. 14. hic. Neque contradicit Pomponius in l. 8. §. 1. in fin. famil. Ericisc. quod in d. l. loquatur de apibus, quæ prioris mansissent domini, adeoque consuetudinem avolandi, & revolandi haberent, ut vetitatis rationibus & artibus illas avertere non liceat.

2. Apes alveo nondum inclusæ, quæ etiam non sunt alicujus, si favos sibi effecerint, fiunt occupantis. §. 14. hic. cum quæ ratio est principalis, eadem sit & accessorii. Sic tamen ut si quem ingredi meum fundum impederem, vel apium includendarum, vel favorum eximendorum gratiâ, adversus eundem actione injuriarum experiri liceat. §. 14. hic. l. 13. §. fin. D. de Injur.

3. Examen, id est, nova apium soboles, quæ ex alveo tuo (domunculâ è vimine, vel inani cortice) evolaverit, eonsque tua intelligitur, donec in conspectu tuo remanet, nec difficilis est ejus persecutio. §. 14. hic. adeoque ea occupanti non cedit. Apium enim ea est accessio, quæ quia nondum

in

in naturalem libertatem sese recepit, tua esse non desinit. §. 14. hic. §. 12. in fin. eod.

JURE HEBRÆORUM.

Secundum Rabbinos, examen apium fit occupantis, si desperent proprietarii, id est, habeant pro derelicto. Aliter si sciant, quo evolaverit, repetent, ut tamen hoc ipsum fiat sine proximi detrimento. Unde sit ramo proximi infederit, cum amputare non debebant. Bab. Kam. Cod. 1. c. 10. §. 2.

MORIBUS.

Consuetudines hic nomihil variant, passim tamen ab hoc §. 14. recedunt. Quandoque qui signat arborem, quod etiam lege Longobardorum obtinebat, quandoque arboris dominus, apes jure dominii acquirit. Fabrot. ad Theophil. hic. Dessel. in not. ad Zocf. Instit. hic. n. 22. Scabiosos tamen Lipsiensis jus civile secutos fuisse, refert Berlich. concl. 5. part. 5. nm. 10. In regno Franciæ domini terrarum examen apium inter reperta referunt, adeoque suo jure occupant. Joh. Faber ad Instit. hic. Chafsan. ad Burgund. rubric. 1. §. 1. in verb. Espaves. Sneydwin. hic. n. 6. vid. Decker. 2. dissert. 17. n. 1. 2. 3.

§. 15.

1. Pavonum natura etiam mansueta. | lumbas obtineat.

2. Quid Jure Hebræorum circa co- | 3. Quid Moribus.

Pavonum quoque.] Post animalia fera sequuntur cicurata, quæ etiam mansuefacta, ad distinctionem mansuetorum. Illa namque feræ sunt naturæ, sed consuetudine mitigata; hæc naturâ talia seu mansueta. Ad illa refero columbas & pavones, qui quia facile cicures fieri possunt, etiam olim inter aves cicures fuerunt educati, teste Athen. libr. 14. forte propterea mansueti appellantur. in l. 37. D. de furtis. vid. Plin. 8. histor. c. 34. & 59. Et quidem circa talia animalia hæc una servabitur regula. Eorumque cicurata animalia in dominio cujusque remanere intelliguntur, donec animum eundi & redeundi habeant. §. 15. in med. hic. quod arbitrio iudicis determinandum relinquitur. Argum. l. 1. §. 2. D. de jure delib.

Nisi tamen non revertendi animus, qui hic est desuetudo, infidiis cujusdam fuerit procurata; ut si inescaverit columbas, vel tamdiu incluserit, usque dum revertendi consuetudinem amiserint. l. 8. §. 1. D. Famil. Erisc. l. 37. D. de Furtis.

JURE HEBRÆORUM.

Retia columbis expandere vetitum erat, nisi id fieret procul à loco habitationis usque ad 30. stadia. Imo nec ultra enumerata stadia id licebat, si

vineta ad centum miliaria essent propè aut circum urbem. Quod columbæ de vineto ad vinetum transvolare soleant. Lemper. Bak. Cam. Cod. 1. c. 7. §. 7.

MORIBUS.

3. Columbæ licet consuetudinem revertendi amiserint, retineri tamen ab occupante non debent. Groenw. de ll. abrog. ibidemque DD. vid. de columbis & columbariis, quatenus ea de moribus exstruere licet, Czpoll. de Servitut. Præd. Urban. c. 77. Chassan. ad Burgund. tit. 13. §. 9. Choppin. de Doman. Franc. libr. 3. tit. 22. Guidon. Papæ quæst. 212. Christin. ad Mechlin. tit. 2. artic. 17.

§. 16.

1. Gallinæ domestica sunt animalia. | 3. Moribus non item.
2. Furtum sit rei minima.

1. **G**allinarum quoque & anserum.] Nullum animal reperitur mansuetum, cujus non etiam sit ferum. Unde quædam gallinæ, quidam anseres sunt mansueti, dicti domestici, quidam sunt feri, agrestes appellati. Varro de Rustic. 3. c. 10. Colum. 8. c. 14. vid. Hieron. Mag. 1. Misc. 3. De mansuetis seu domesticis sequentes regulæ servandæ.

1. Mansueta animalia non possunt dici nullius, licet potestatem nostram & possessionem effugerint. §. hic. l. 44. D. de Acquir. Domin. Nisi tamen ea pro derelictis & amissis habeamus. §. 47. Instit. eod. vid. Gædd. ad l. 1. n. 68. D. verb. signif.

2. Talia animalia lucrandi animo inclusa, in tantum non sunt occupantis, ut etiam iis interceptis furtum committat. §. 16. hic. l. 5. §. gallin. D. hic. l. 37. D. de furt. Ut pro rei minimæ furti competere actionem sit dicendum, quæ ordinaria est. Non enim iustitiæ ratio ex quantitate, verum ex suis regulis æstimari debet. Arg. l. 22. in fin. D. damn. infect. Quæ tamen actiones extraordinarium dantur, præsertim quæ famosæ, ob rem minimam de jure Romano, dari non solent. l. 4. D. De Restit. in integr. l. 9. §. fin. l. 10. D. de dolo. Nisi quis ideo de dolo actionem propter rem minimam dari nolit, quod quisque sibi cavere possit à dolo, non item à fure. vid. Myns. Sneider. hic. Bronchorst. 4. assert. 70. diss. Zasius 2. Singul. Resp. 26.

MORIBUS.

3. Forte propter rem minimam non intentabitur actio furti. vid. Clarum. §. furtum. n. 23. §. sent. Menoch. 1. arbitr. 72. n. 23. Covarr. 1. varior. 7. n. 12. Treutler. vol. 1. disp. 14. thes. 11. litt. B. Jure saltem Saxonico, si studiosus animo comedendi Gallinam incluserit, & postmodum ducatur penitentiæ, non tenetur furti. Coppen 2. obs. 71. n. 9.

§. 17.

1. Ab Hostibus capta non semper
sunt occupantis. | 2. Jus Divinum explicatur.
3. Mores describuntur.

Item ea qua ex hostibus.] Hactenus actum fuit de occupatione animalium, quæ erant nullius, de cæterorum inanimatorum occupatione quæ etiam sunt nullius in bonis, postmodum erit dicendi locus. Hoc §. 17. de eorum, quæ sunt alicujus, agendum est occupatione, qualia sunt in bello capta. vid. DD. in l. ex hoc jure. D. de just. & jure. Connan. 3. comment. 3. 5. Grot. de jure Bell. & Pac. libr. 3. c. 6. Lyclam. 3. Eclog. 8. Bocerum de Bello. c. 15.

De quibus hæ regulæ erunt observandæ.

1. In bello capta legitimo, naturali ratione fiunt nostra. l. 3. §. pen. D. de Acquir. domin. Id est jure gentium secundario, quo bella & captivitates sunt introductæ. §. 2. Instit. de Jure Nat. Gent. & Civil. l. 5. §. fin. D. de Acquir. Domin.

Per legitimum bellum intellige, quod Populus Romanus, vel alius, superiorem non recognoscens de rebus repetendis, vel debitis petendis, vel injuriâ propellendâ, vindicandâ, legitime & publice decrevit, aut quod ipsi populo ab adversâ parte ita est indictum. l. hostes. 24. D. de Captiv. & Postlim. Reverf. l. 118. D. de verb. signif. Quæ omnia si adsint, non quidem ad justitiam causæ sufficient, verum tamen ad hosce juris gentium effectus producendos sufficient. Cum enim nemo superiorem recognoscat, vel judicem in causâ, quod par in parem imperium non habeat, quisque sibi in suâ causâ jus dicet, idque remedio armorum. vid. Grot. 1. de jure belli & pacis. c. 1. 2. 3. & libr. 2. c. 1. & 3. c. 6. Carprov. in capitul. regiâ. dist. 1. c. 4. Besold. in tract. de majest. c. 6. Daniel. Ott. c. 11. de jure public.

Nonnunquam tamen circa mobilia, hominibus exceptis, jura variantur, quod quandoque mobilia fuerint publicata, & in fiscum redacta. l. pen. D. Ad l. Jul. Pecul. l. pen. §. simili. Cod. de Donat.

Sicuti omnia immobilia, quales agri ex hostibus capti, fisco seu Principi applicantur. l. 20. §. 1. D. de Capt. & Postlim. l. 31. D. de jure fisci. Quæ ea quandoque in præmia veteranis assignat, vel distrahi jubet. l. 15. D. de Rei Vind. l. 11. D. de Eviction.

Quinimo nonnulla, nec militibus, nec Principi cedunt, qualia sunt bona quæ postliminio subjacent, quæ prioribus dominis sunt restituenda. l. 36. D. de Religiof. l. 2. l. 20. l. 30. D. de Captiv. & Postlim. Id quod de immobilibus est admittendum indistinctè, d. l. si captivus. 20. §. 1. de mobilibus non æque, l. si quid. 26. in princ. D. de Captiv. d. l. 20. l. divus. 31. D. de jure

jure fise. nisi fuerint servi, qui recepti ex hostibus jure postliminii ad suos dominos revertuntur. l. postliminium. 19. §. si vero. D. de Captiv. & Postlim. Nisi tamen captivi de quibus in pace fuerat cautum, ad suos redire noluerint, eis quippe postea non est postliminium. d. l. 20. in princ. vid. Duaren. ad hunc tit. c. 3. & ad l. 1. le. 2. D. de Acquir. Possess. Covarr. in c. peccatum. §. 11. n. 7. Carol. Sigon. de Antiq. jure civium Roman. c. 15. Cujac. 11. obs. 7. & 19. obs. 7. Gædd. ad l. 3. §. 1. n. 10. D. de verb. sign. Merend. 2. contr. 22. Anton. de Mattheis ad l. 1. D. de Acquirend. Possess. n. 11. Harprich. hic. num. 4. Bronchorst. 3. enant. assert. 77. Gregor. Tholos. Synt. jur. 20. c. 4. diss. ex parte circa mobilia. Donell. 4. comm. 21. Vacun. libr. 2. declar. 25.

2. In bello legitimo capta, tam diu sunt capientium, quandiu ab iisdem tenentur. §. 17. hic. ideoque si custodiam suorum hostium evaserint, vel aliter fuerint amissa, eorum esse desinunt. d. §. 17. Neque enim minor ratio debebat esse rerum ab hostibus occupatarum, præsertim hominum, quam animalium brutorum, quæ si non fuerint inclusa, sed in naturalem libertatem se receperint, à potestate liberantur. An vero homines capti tum demum in libertatem se recepisse sint æstimandi, cum oculos hostium effugerint, vel difficilis est eorum persecutio, mihi non fit probabile: cum etiam si facilis est eorum persecutio, id obtinere debeat. Major enim favor hominum esse debebat, quorum gratia sunt omnia, quam cæterorum animalium. l. 2. D. de statu homin.

3. Etsi quæcumque in bello capiuntur in jus & ditionem victoris transeant, in tantum ut sacra, & religiosa fierent prophana, saltem de facto profanarentur. l. 36. D. de Religios. ne tamen de Diis veluti captivis triumphasse viderentur gentiles, moratiores inter eos id summæ existimarunt fuisse impietatis, siquidem deorum templa, donaria, statuae, ornamenta, deleantur, aut corrumperentur. Grot. 1. de jure bell. & pac. libr. 4.

JURE DIVINO.

2. De jure Mosaico circa bona in bello capta barbarico res ita se habet. Aut quæ capiuntur Deo sunt devota vel anathemate conclusa, & ex illis nihil quod captum est, fit accipientis. Josuæ. 6. v. 17. & seq. & 7. v. 1. In tantum etiam ut homines in bello capi non debuerint, ut asserventur, quod essent ad unum omnes trucidandi. d. v. 17. & Deuter. 20. v. 16. 17. Aut cum quibus populis vel urbibus bellum gesturi essent Israëlites, sunt extra fulmen anathematis constituti; qui si pacem cum Israëlitis iniecerint nihil capietur, ut tamen ipsorum urbes tributariae sint futuræ, & servitutem universo populo Israëlítico debeant. Genes. 48. v. 22. Deut. 20. v. 11. Jos. 22. c. 8. Quod si pacem spreverint, & armis subigantur, masculi occidentur, & quæ

quæ insuper sunt bona mobilia in spoliis cedunt militibus. Deut. 20. v. 12. 13. 14. Jos. 8. v. 27. Ut quod ab universis esset captum, divideretur inter omnes. d. v. 27. quod singuli caperent, sibi reservarent, & si homines juve servitii eos retinerent, nisi virginem cæpissent, camque afflixissent, id est, stuprassent, quam liberam dimittere tenerentur. Deut. 21. v. 11. & seqq. Non tamen in posterum hoc statutum præcise fuit observatum, ut quicquid caperetur, tantum foret occupantium, verum consuetudine obtinuit, ut non tantum inter eos, qui conflictui interfuissent, verum etiam qui apud impedimenta remansissent, universa præda distribueretur. 1. Sam. 30. v. 24. 25. Ne tamen viderentur inimemores divinæ bonitatis, cujus auxilio victores existerant, decimas direptorum Deo concedere solebant. Genes. 14. coll. cum Hebr. c. 7. v. 4.

M O R I B U S :

Circa bona quæ in bello capiuntur non idem censent Pragmatici, de quorum opinionibus Petr. Faber 2. Semestr. 3. Merend. 2. contröv. 2. Grot. de jure bell. lib. 3. c. 6.

Ita tamen in nostris partibus observatum memini ut si expeditio cum exercitu susciperetur, quicquid in eâ caperetur, vel etiam in pugna, reipublicæ cederet, nisi quædam favore ducis exercitus in prædæ militibus concederentur. Sicuti quandoque ut fortitudo militum excitetur, dum oppidum expugnatur, militibus diripiendum traditur. Quod si jussu gubernatoris excursiones per hosticum faciant, quicquid capiunt in commune conferunt, cujus in locis prædialiis aut ad tympanum, aut tubam divenditi pretium inter eos dividitur, assignatâ portione Gubernatori loci, vice Gubernatori, Præfecto vigilum, Centurioni, & audientario.

Quod vero spectat res hostium, quæ quondam nostræ fuerunt, eæ intra certa tempora si recuperentur nobis restituentur portiunculâ capientibus concessâ. vid. Sent. cur. suprem. Holl. 119. p. 1. Sent. impr. ann. 1662. vid. Covarruv. ad c. peccatum. p. 2. §. 11. n. 6. & seqq. Matth. Wesemb. consil. 202. n. 63. Peregrin. 3. de jure fisc. c. 3. Id certum est, homines captos in bello, quod Christiani inter se gerunt, non fieri capientium. Bartol. in l. hostes. 24. Myns. Sneidwin. hic. Verum ad certam fidelitatis speciem quandoque obstringuntur, sic ut etiam victori militare cogantur, quod in Germaniâ factitatum, vel etiam capientibus redemptionis pretium persolvunt. Boër. decis. 178. n. 2. Damhaud. in Prax. rerum crimin. cap. 8. n. 7. 8. Covarr. 2. loc. cit.

Quod si Christiani cum Turcis, similibusque gentibus bellum gerant, capti servi capientium efficiuntur. vid. Alciat. ad l. 118. D. de verb. signif. Hænon. disp. 10. ad Pand. 7. n. 6. in comm. litt. D.

Inventa in Littore sunt occupantis.

Item lapilli & gemma.] Post occupationem animatorum, & quæ erant alicujus, sequitur inanimatorum occupatio, & quidem eorum, quæ sunt nullius. Estque vel occupatio mobilium, vel immobilium, vel utrorumque. Hæc est rei pro derelicto habitæ, ista est, insulæ in mari, illa est, vel apertorum, ut inventorum in littore, vel occultorum, ut thesauri inventi. De inventis in littore puta lapillis, gemmis, cæterisque agitur §. 18. hic. & circa ea sequentes regulæ notandæ.

1. Lapilli, gemmæ, aliæque res in littore maris vel in ipso mari inventæ, cum essent nullius statim fiunt inventoris §. 18. hic. l. 3. D. Adquirend. domin. Discrimen inter lapillos & gemmas qui desiderat, inspiciat l. cum aurum. 19. §. pen. D. de Auro & argent. Alciat. 4. de verb. signif. diff. Valla. 6. Eleg. ult.

Non tamen quæ in viâ publicâ sunt inventa, vel quæ alicui ignorantæ exciderunt, vel quæ erant jacta, & vi fluctuum ejecta, & ad littus appulsa, statim fiunt inventoris, sicuti nec illa, in quibus artificium deprehenditur: erant enim alicujus, etiam manent alicujus, nisi bonâ fide sint usucapta. l. falsus. 43. §. qui alienam. D. de furtis. §. fin. Instit. hic. Anton. de Mattheis ad l. 1. D. de Acquir. Possess. n. 14.

2. Nullæ res censentur inventæ, nisi quæ sunt apprehensæ, sic ut adpectu quem invenisse non sufficiat, nisi & adsit apprehensio corporalis. l. 1. §. 1. D. de Acquir. poss. l. 3. §. Nerat. D. cod. Nam invenire nihil aliud est, quam in rem venire. l. 13. Cod. de fidejuss. Nec interest, utrum facilis, an difficilis sit rei visæ apprehensio; uti nec refert, ea res sit thesaurus, vel quæ res alia, sicuti perperam distinguit glossa. Quod non aspectu, verum occupatione nitatur inventio. Unde si duo in littore spatientur, quorum alter rem prius viderit, alter prius apprehenderit, hic illo erit potior in dominio. Johan. Faber. in Instit. hic.

Non obstat l. 1. §. 2 l. 1. 18. §. 2. D. de Acquir. Poss. Neque enim in illis agitur de occupatione sine titulo, verum de rei occupatione quæ erat alicujus. vid. Menoch. 5. Præsumpt. 30. 31. Connan. 3. comm. 3. n. 4.

Si tamen qui prior rem vidit, eam alteri monstraverit, æquum erit ut quod ab altero apprehensum inter se partiantur: quoniam nisi ille demonstrasset non invenisset alter. vid. Horat. Royat. decis. Lucens. 23. Grot. de jure bell. 2. c. 8. n. 3.

§. 47.

1. Idem quod dicendum de iis, quæ pro derelictis sunt habita. 2. Moribus contrarium servari volunt.

QUÆ ratione.] Derelicta, seu pro derelictis habita etiam ad idem di-
cta, inventorum nomine veniunt, si apprehendantur corpore & ani-
mo. l. 2. §. 1. D. Pro derelict. Suntque talia, quæ dominus eo animo ab-
jecit, ut in numerum rerum suarum ea amplius esse nolit. Nec interest im-
mobilia sint, an mobilia; tam enim quis fundum, vel ædes, quam rem mo-
bilem deferere potest. l. 1. l. an pars. D. pro derelicto. Et eo ipso dominus
esse desinit, quo rem pro suâ non amplius habet. l. 2. D. Pro derelict.

Non obstante l. 34. D. de Pact. & l. 17. §. 1. D. de Acquir. Possess. ubi
quis dicitur rei suæ manere dominus, licet dominus esse nolit. Resp. enim
non solo affectu amitti dominium, verum accedente aliquo actu, in quan-
tum animo domini rem pro derelicto habentis, jungitur ipsum factum abje-
ctionis. Quo ipso censetur prior dominus, eam rem alicujus fieri voluisse.
l. 5. §. 1. D. Pro derelict.

MORIBUS.

Volunt, quæ pro derelictis sunt habita sicuti & inventa cætera, fisco, 2.
non occupanti cedere. Unde etiam plerique censent, hunc modum pro
derelicto, moribus cessare. Zyp. not. jur. Belgic. Perez. Cod. de bon. va-
cant. n. 23. Quorum sententiæ ad stipulâri non possum, neque enim puto
ullam Ordinum nostrorum constitutionem, ullum judicatum tale quid in-
ferre. Quod de Saxoniz moribus etiam statuendum esse censerem, per no-
tata apud Heig. ad §. 10. hic. & 2. quæst. 40. num. 148. Loccen. 1. de jure
marit. c. 6. n. 11. Coppen 2. obs. 71. n. 11. Rectius quis dixerit, hunc ad-
quirendi domini modum cessare, in quantum hæc nostra ætas, potius con-
cupiscit aliena, quam ut propria derelinquat. Argentr. ad Briſtann. artic.
266. c. 2. verb. pro derelict.

§. 48.

1. Jacta Navis levanda gratia non describuntur.
2. Mores circa Naufragorum bona 3. Deperdita non sunt inventoris.
4. Moribus non idem forte dicendum.

ALIA sane causa.] Quæ eo animo abjecta non sunt, ut pro derelictis 1.
habeantur, non sunt occupantis. Puta, si quis incendii causa ea ab-
jecerit; quod in amittendâ possessione, affectio ejus qui possidet, sit
potissimum attendenda. l. possideri. 3. §. in amitt. D. de Acquir. Possess.
Hinc quæ in tempestate levandæ navis causâ ejiciuntur, dominorum

permanent, quia salutis gratiâ interim dimittuntur. §. 48. hic. l. 2. 8. D. Ad l. Rhod. de jact. l. 9. §. fin. D. Adquir. domin. l. 21. §. 1. D. Adquirend. Possess. Nemo enim præsumitur jactare suum, multo minus ut in necessitatibus velit exercere liberalitatem. l. 18. D. de Adim. legat.

Unde nec fisco bona naufragorum occupando sua facit; nihil enim juris fisco reservatum in alienâ calamitate, ut de re tam luctuosa compendium sectari non debeat. l. 1. Cod. de Naufrag. lib. 11.

Quamobrem si privatus quæ in mari jacta lucrandi animo abstulerit, furtum committit. §. 48. hic. nec interest, sciverit an ignoraverit, hæc esse ejecta. l. 43. §. 4. D. de furt. l. 3. D. de incend. Omnes enim scire debent, quod suum non est, ad alios modis omnibus pertinere. l. fin. Cod. Unde vi. Perez. tit. Cod. de bon. vacant. n. 25.

Sitamen per errorem probabilem pro derelictis habita putaverit, furti quidem non tenetur, sua tamen non facit. l. 43. §. 6. D. de furt. Quod si non sine summo vitæ discrimine quæ jacta è profundo traxerit, æquitatis ratione cedent occupanti. Harmenop. 2. tit. fin. §. 19.

Idem quod dicendum, si derelinquendi animo projecta fuerint, quod an unquam præsumendum, an plerumque, ad l. 43. §. 5. 11. D. de furtis, disquiri solet? Dicam, quod sentio, & forte non alius; effectû inspecto, & opinione projicientis ea pro derelictis habita videri: cum quæ ea ejiciunt in tempestate, sic ejiciant, ut de iisdem recuperandis desperent, adeoque; eventus intuitu, pro derelictis metuant & credant, quod omnis spes recuperandi adempta cœnseri possit. Quomodo explico parenthesi inclusa in d. §. 11. in v. *cum sciat peritulum*. quali dicat, opinione, existimatione & eventu conjuncto inspecto, merces in mare projiciuntur, quod putent eas perituras. Nec tamen eo animo merces ejici præsumendum est, ut pro derelictis eas habeant domini, si quidem *animus*, non pro opinione, sed affectû, voluntate, intentione accipias, quod eas sibi restitutas malit dominus, nisi desperasset. l. 3. §. 6. D. de adquir. possess. Quo sensu *animus* accipitur in §. 48. hic. ubi non animo, id est, non affectû, & intentione derelinquendi merces ejiciuntur; ut illi non adyersetur. d. l. 43. vid. l. fin. de exp. hæred. Nisi quis vel dictam l. 43. accipiat in casu, quo tales merces in mare projiciuntur, quæ diu humorem aquæ marinæ ferre nequeunt, adeoque aspergine aquæ corrumpuntur, quales sunt, membranz, libri, frumentum, aromata, &c. Quæ si ejiciantur, tunc præsumendum erit, ea derelinquendi animo jacta, quod, sciat peritura.

Verum an *plerumque* hoc erit præsumendum, an interdum? Putarem voculam *plerumque* in d. l. 43. accipiendam, pro *interdum*, quod apud Ciceronem infrequens non est. vid. Speckhan. cent. 3. class. 1. quæst. 45.

MORIBUS.

Ubique fere locorum, ut in Hispaniâ, Angliâ, Galliâ, Italiâ, Siciliâ, 2. quod & accolis Rheni fuit usitatum, res appullæ littori, vel fisco, vel territorii dominis cedebant. Argent. ad Brittan. artic. 56. gloss. 1. n. 45. Rebuff. ad constit. Reg. in procem. gloss. 5. n. 74. Sichard. ad Auth. navigia. n. 1. Cod. de furt. & serv. corrupt. Benedict. in c. Rainutius. in v. & uxorem nomine Andalusium. n. 935. de Testam. Selden. Mare Claus. libr. 1. c. 7. Mornac. ad l. 4. §. 1. D. Ad l. Rhod. Quia tamen hæc dura visa fuit consuetudo, juri & æquitati repugnans, quod afflictio non sit superaddenda afflictio, ideo in imperio Germanico, in Belgio, (nonnihil dissentiunt Frisones libr. 1. stat. tit. 19. & seqq. & 4. tit. 3. & nov. append. p. 57.) cautum est, juri canonico congruenter, ut bona naufragorum dominis restituantur, siquidem intra annum & 6. hebdomadas compareant, seque dominos esse probent, conservatori pro opere satisfacto, qui quæstori proventuum, vel loci officario denuntiat se ejecta è mari vindicasse. Magnum Privil. Mariæ Burgund. Hollandis & Zelandis concessum. Quod si intra præscriptum tempus domini comparere neglexerint, bona conservata cedunt fisco vel territorii dominis ex privilegio. c. excommunicamus. de Raptor. Constit. Carol. 5. de ann. 1547. Decembr. 10. & constit. de capital. judic. c. fin. In Galliâ hæc paulo aliter servantur, ubi ex Constit. Ludovici 12. & Henrici 3. nisi intra duos menses domini sua repetierint, tertia pars extractorum urinatoribus, tertia Admyrallio, tertia fisco applicatur, vel dynastis, quorum in finibus sunt extracta. vid. Alciat. 2. disp. c. 5. Gail. 1. obs. 18. n. 6. Bodin. 1. de Republic. libr. c. 10. circa fin. Grotium de jure belli & pac. libr. 2. c. 7. n. 1. Peck. ad tit. D. de Incend. Ruin. Arnisæum de jure majest. libr. 3. c. 6. n. 19. Selden. de mari claus. libr. 1. c. 24. Mornac. in l. 2. in fin. D. Ad l. Rhodiam. Lessium de just. & jure libr. 2. c. 14. n. 49. Hænon. disp. 4. ad Instit. n. 26. Gudelin. de jure noviss. 5. cap. 10. Christin. 5. decis. 64. Zyp. not. juris Belg. tit. de jure fisci. Grot. 2. introd. 4. ibique Groenwegen, & ad tit. l. 1. Cod. de Naufrag. Autor Batavicæ Arcadiæ. p. mihi 448. Perez. tit. Cod. de Naufrag. Dessel. in not. ad Zoef. Instit. hic. n. 60. & Zoef. D. de Acquir. dom. n. 12.

Nec longe videntur discedere.] Quæ casu sunt amissa, vel deperdita, qualia etiam censentur, quæ de rhedâ currente non intelligentibus dominis cadunt non aliter atque ejecta, non sunt occupantis. §. 48. hic. Cornan. 3. comment. 4. n. 5. Unde si quis talia repererit, libellum, vel programma affigi curabit quo significetur rem deperditam à se inventam esse, quam domino reddere velit. l. 43. §. 8. D. de furt.

Si quis compareat, qui se rei dominum asserat, notas & signa indicet.

Hhh 3,

qui-

quibus rem suam esse probet, neque enim aliter ei reddere qui rem invenit, tenebitur. Arg. l. 2. §. tandiu. D. de Servis Fugitiv.

* Qui si abunde probaverit, se rei dominum esse, gratis erit restituenda, nec ullum petendum præmium. d. l. 43. §. 9. D. de Furt. Honestè tamen si quid pro custodiâ fuerit oblatum, accipi potest. Argum. l. 1. §. 5. D. Extraord. Cognit. vid. de præmio inventoris Cont. 1. disp. juris civil. 16.

Quid si nemo se rei dominum adferat, vel qui id asserit in dominii probatione deficiat? Siquidem inventor eam pro derelicto habitam putet, usufrucipiet pro derelicto. l. 4. D. Pro derelicto. Vel si nullius fuisse credat, eam usufrucipiet pro suo. l. 1. 2. D. Pro suo. Vel si non appareat esse alicujus, & dominum habere desierit, ut inventum, aut thesaurum sibi retinebit. Licet Hostiensis sententia sit, rem inventam à divite inventore, cum de dominio non constaret, inter pauperes esse distribuendam. Hostiensis in summ. tit. de Pœnit. verb. quod si quis invenerit. & Angel. hic. Unde si paupertinus sit inventor, cum in sui sustentationem rem retinere possit, censet Johann. Faber. hoc tit.

MORIBUS.

4. Si quid deperditum sit, & à quoquam repertum, is pro custodiâ & curâ honestè petet honorarium, eique hoc adjudicabitur, licet promissum non sit. Casus notatus est in libr. formularum Curie Holland. cui tit. *de Papegay*.

§. 40.

1. *Thesaurus cujus sit prolixè describitur.* | 2. *Mores recensentur.*

1. **T**hesauros quos quæ.] De apertis inventis fuit actum, de occultis inveniendis, & inventis breviter dicendum est. Quo spectat §. 40. qui de thesauro tractat inventionem, & casibus nonnullis ratione diversitatis locorum determinandis. Definitur in l. 31. §. 1. D. de Acquir. domin. Quod sit vetus depositio pecuniæ, cujus non extat memoria, ut jam Dominum non habeat; quo cum facit l. unic. Cod. de Thesaur. libr. 10. Quibus non adversatur l. 15. D. Ad Exhib. l. 44. D. de Acquir. Possess. l. 22. D. Famil. Ercisc. Aliter enim in objectis legibus, & laxius quam in nostro §. 40. thesauri vocabulum accipitur. Regulæ circa thesauri inventionem sunt varæ, quibus omnis sublata erit difficultas.

1. Thesaurus à Domino loci, in quo reperitur, datâ ad hoc operâ, vel fortuito inventus, id est dum inventioni thesauri non intendebat, statim cedit inventori. §. 40. hic.

Est enim quasi loci beneficium, non tanquam fructus; cum enim non

re-

renascatur, in fructu dici nequit, ut cedat proprietario inventori. l. 8. §. si fundum. D. Solut. Matrim. Vel potius fortunæ donum, id est, Christiane loquendo, Dei beneficium, l. 63. §. 1. D. Acquir. domin. l. unic. Cod. de Thesaur. Ita tamen cedit inventori, si non per artes illicitas vel magicas, eundem eruerit, aut investigaverit: aliter enim non fieret occupantis, sed fisco cederet. l. unic. Cod. de Thesaur. libr. 10.

Amplius si non nudè eum invenerit, verum etiam apprehenderit, & loco moverit. Nisi enim loco moveatur, quasi in naturali libertate permanere videtur. l. 3. §. Neratius in fin. D. de Acquir. Possess.

Quod si quispiam vel lucri, vel metus, vel causâ custodiæ aliquid sub terrâ recondiderit, thesaurus non erit, adeoque nec cedit occupanti, licet ignorans rem esse depositam, invenit. l. 44. D. de acquir. poss. Nam si cum sciret rem quondam esse depositam, & noverit à quo sit deposita, eandem retinendo committet furtum. l. 31. in fin. D. de Acquir. domin.

Unde si venditor pecuniam intra muros condiderit, & postmodum domum distrahat, non erit emptoris, qui pecuniam forte dum reficit domum, invenit, sed venditori, cujus fuerat domus, restituetur. l. 67. D. de Rei Vindic.

Quod si ab emptore thesaurus in domo sibi divendita sit repertus, cujus ignoratur dominus, is quidem ad emptorem pertinebit, non quia thesaurum emit, tanquam accessorium, verum quia eum reperit in suo. Est enim uti dixi, non loci accessorium, unde nec in fructu censetur, verum loci beneficium. Argum. ab opposito sensu, in l. 67. D. de Rei Vindic. Ut rejicienda eorum sententia, qui venditori tanquam læso supra modum, concedunt beneficium l. 2. Cod. de Rescind. Vendit. inter quos est Ludovic. Romanus in l. si quis. 36. D. verb. oblig. Alciat. 7. Parerg. 1. Si tamen quis sciverit thesaurum in domo, quam emptus est, esse defossum, id vero ignoraverit venditor, inventionis effectu fraudabitur emptor. Elbert. Le-onin. in Przlect. Manuscript. ad l. 67. D. Rei Vindic. Dessl. in notis ad Zoef. Instit. hic. n. 73. vid. Burgund. ad Flandr. tractat. 12. Arumæum. 1. decis. 1. Fabrott. ad Theophil. in not. hic.

2. Thesaurus in loco publico seu fiscali inventus, vel civitatis, pro parte dimidiâ fisco vel civitati, pro alterâ parte inventori cedit, modo non datâ operâ eum invenerit. §. 40. hic. l. unic. Cod. de Thesaur.

Quod si inventor partem ad fiscum pertinentem suppresserit, tunc totum thesaurum & alterum tantum fisco inferre cogitur. Fabrot. post Scholia-stem ad Theophil. hic. per l. 3. in fin. D. de jure fisci.

3. Thesaurus in alieno loco privato fortuito inventus, pro parte dimidiâ cedit inventori. §. 40. hic. l. 63. §. 1. D. de Acquir. domin. l. unic. Cod. de Thesaur.

Unde

Unde si quis datâ operâ, domino loci ignorante, vel etiam permittente thesaurum inveniit, domino loci in solidum adquiritur. §. 40. hic. Neque enim in alieno sepositas opes occultari licet. d. l. unic.

Non obstat. l. 3. Cod. de Metall. libr. 11. in quâ non agitur de thesauro inveniundo, verum de metallorum fodinis, boni publici causâ investigandis. Quas etiam de jure feudorum ad regaliâ Principis referunt, saltem deciman erutorum partem Principi deberi censent, licet quis in suo fodinas metallorum inveniit. vid. Andream de Ifernia. 2. feud. tit. 5. Marth. de Afflict. decif. Neapol. 321. Molin. de Justit. & jure tract. 2. disp. 54. n. 1. Covarr. ad Regul. Peccat. p. 3. Pichard. ad Instit. hic. in fin. Perez. tit. Cod. de Metall. libr. 11. Rauchb. 1. quæst. jur. civil. & Saxonie. 22. Bocer. de Regal. c. 3.

4. Thesaurus ab usufructuario, hypothecario, marito, in fundo ad usufructum, hypothecam, in dotem dato vel concesso, inventus, pro parte tantum dimidia illis cedit. Unde si thesaurum non invenerint, nihil illis erit adquisitum. Si tamen loquamur de fundo dotali æstimato, thesaurus per maritum in eo inventus totus cedit marito, quod illius fundi & naturaliter & civiliter censetur dominus. l. si quis in aliena. §. quod si servus. & §. fin. D. de Acquir. domin. l. divortio. §. si fundum. D. Solut. Matrim. ibique Barbosa. vid. Carpzov. jurispr. Forens. p. 2. constit. 53. decif. 6.

5. Thesaurus ab emphyteuta vel vasallo, in fundo emphyteutico vel feudali inventus, totus cedit inventori. Cum enim non immerito pro dominis habeantur, etiam jure loci thesaurum facient suum. Arg. l. 12. in fin. Cod. de fund. Patrim. Alvarott. in c. 1. quæ sint regal. n. 7. Sueidwin. hic. num. 6. Mynf. n. 7. Heigius, Harprich. ibid. Coral. ad l. 1. n. 17. Cod. de jure Emphyteus. diff. Garfias de Expens. c. 22. n. 52. Gothefred. ad l. 1. Cod. de jure. Emphyt. Bocer. class. 4. disp. 13. thes. 6. & disp. 3. thes. 48. Molin. ad Paris. tit. 1. §. 37. n. fin. Hoënon. disp. 4. ad Instit. n. 24.

6. Thesaurus in loco sacro vel religioso fortuito inventus ex Adriani constitutione totus cedit inventori, non adhibitâ distinctione; locus ille privatus sit an publicus. Cum enim locus sacer vel religiosus sit nullius, consequitur in illo thesaurum inventum inventori cedere. §. 40. hic. Postmodum tamen contrarium placuisse Divis fratribus, scribit jurisconsultus in l. 3. §. 10. D. de jure fisci. Idque in fisci gratiam; sic ut inventori dimidium, fisco alterum dimidium cederet. Nisi quispiam ad evitandam juris correctionem per divos fratres introductam, respondeat, in d. l. 3. locum religiosum esse talem, in quo aliquid juris sibi fisco vindicet, quo nomine etiam locus Cæsaris appellatur; in nostro vero §. 40. talem intelligi locum religiosum, in quo fisco nihil juris sit quæsitum. Ita Alciat. 7. Parerg. 1. in fin.

An. Charond. 1. Verof. 21. Connan. 3. comm. 4. Zoef. D. de Acquir. dom. n. 24. & ad Inſtit. n. 73. Perez. Cod. de Theſaur. n. 5.

Quæ tamen reſponſio meo iudicio juri civili minus conveniens eſt, quod locus ſacer vel religioſus dicatur eſſe nullius in bonis. §. 7. hic. & rebus publicis atque univerſitatis contradiftinguatur. in princ. Inſtit. eod. ut nihil juris Cæſari vel ſiſco ſuper tali loco ſit quaſitum, ſicuti nihil tale è textu juris allegato, puta, d. l. 3. §. 10. exſculpere poterunt.

Malim cum Cœjacio 9. obſ. 37. ſtatuerè in theſaurorum quaſtione jam olim diſſentientes fuiſſe Imperatorum ſententias; ſaltem conſtitutiones conſtitutionibus adverſas fuiſſe. Quod quid aliud inferit quam conciliari forte hæc juris loca inter ſe non poſſe. uti ſtatuit, Anton. Auguſt. 1. Emend. 3. Duaren. ad l. 7. §. ſi fundum. D. Solut. Matrim. vid. Donell. 4. comm. 14. Bronchorſt. cent. 3. aſſert. 89. Hænon. diſp. 4. Inſtit. 23. Bacchov. ad Treutler. vol. 2. diſp. 20. theſi 2.

MORIBUS.

Sicuti olim Principes aliquod jus ſibi in theſauris vindicaſſe apparet ex 2. l. unic. Cod. de Theſaur. Nov. Leon. 51. & 2. feud. 56. tit. quæ ſunt regalia. Caſſiod. 6. variar. 8. ita etiam de moribus plerique ſtatuant Principes jure regalium in theſauris ubicumque repertis jus aliquod ſibi tribuere. Ex legibus regni Hiſpaniæ ſcribunt theſaurum repertum cedere Regi, quartâ ejus parte, vel ut alii quintâ conceſſa inventori. Covarr. in c. peccatum. p. 3. §. fin. in fin. de Reg. jur. in 6. In Galliâ forte non ubique eadem ſervatur ratio, nam ſecundum quosdam theſaurus totus cedit ſiſco regio. Rebuff. tra& de Reſciſſ. Contractus. artic. 1. gloſſ. 15. n. 3. Connan. 3. comm. 4. in fin. Secundum alios dimidium regi, vel domino loci, dimidium inventori attribuetur. Papon. 13. tit. 7. arreſt. 1. Sunt etiam qui partem tertiam inventori, partem proprietario loci, ubi theſaurus eſt inventus, partem domino loci adjudicant. Choppin. de Doman. Franc. libr. 2. tit. 5. n. 11. vid. eundem ad conſuet. Andegav. libr. 1. c. 42. n. 20. & c. 61. in fin. Molin. ad Pariſ. 1. §. 1. Gloſſ. 1. num. 60. & §. 37. gloſſ. 10. & §. 55. gloſſ. fin. in fin. vid. Gregor. Tholoſ. Synt. jur. libr. 3. c. 11. n. 6. Baron. ad tit. Inſtit. hic. comm. diſſ. ex poſteriori parte Chaffan. ad Burgund. Rubric. 1. §. 1. verb. Eſpaves. n. 6. verb. vidimus.

Secundum jura Normandorum theſaurus ad eorum ducem ſpectabat, quocumque in loco fuerit inventus, ſicuti res Vaivæ ſeu dereli&æ; veriſcûm ſeu Wreccum, uti loquuntur, quod mare ad terram projicit. Richard. Zouchæus judic. tempor. ſecundum conſuet. feud. & Normann. p. 1. ſect. 5. Apud Portugalloſ ſecundum antiquam legem Dyoniſii regis, quæ tamen non eſt ſcripta, theſaurus in fundo proprio inventus, pro duabus partibus

inventori; pro tertiâ fisco cedit; in fundo alieno inventus, tertiâ pars fundi domino, tertiâ inventori, tertiâ fisco tribuitur. Barbof. ad l. 8. §. si fundum. D. Solut. Matrim. n. 51.

Quod spectat belgii mores, sunt qui thesaurum in loco aut viâ publicâ inventum, domino territorii in solidum vindicant, sed repertum in loco privato inventori attribuunt, siquidem loci sit dominus; adeo ratione loci privati jus civile servari statuunt. Elbert. Leoninus Emend. juris. cap. 11. num. 3.

Moribus nostrarum Provinciarum sequimur jus civile, quicquid hic alii in contrarium clamitent. inter quos est Zoef. D. Acquir. Domin. num. 31. vid. & Christin. 5. decis. 16. 17. Neque enim vel Principum constitutionibus, neque judicatis unquam probabitur, à jure civili nostram consuetudinem hâc in parte recessisse. Quinimo cum Procurator fiscalis cum inventore thesauri quandoque transegerit in portionem, nec jus prætenfum exequi fuerit ausus, satis colligitur thesaurum fisco non applicari. Aliter fisci advocato de jure & quidem certo transigere non licet, vel etiam jure dubio, nisi ex consensu superiorum. vid. Groenweg. ad §. 39. contra fiscum disputantem, & auctorem Batavicæ Areadix p. mihî. 437. Grot. 2. introd. 4. & 2. de jure belli. 8. n. 7. Vinnium. ad §. 39. hic.

Quod etiam juri Saxonico congruum, quo Thesaurus ad Elect. Saxon. regalia non pertinet, nisi arte magicâ sit inventus. Constit. Saxon. p. 2. Heig. p. 1. q. 13. n. 65. Coppen 2. Pract. obs. 71. n. 17. Zobel. ad Constit. Saxon. p. 2. q. 53. Carpzov. 2. constit. 53. def. 4. §. 1.

Quin tamen Princeps possit hoc jus introducere, ut thesaurus cedat rei publicæ bono, facile concedendum est. Tum quia culpæ annumerandum, pecuniam recondi, cujus essentia in usu sita est. l. 4. §. 6. D. Ad l. Jul. Pecul. Tum quia nemini fit injuria, nec cuiquam suum jus detrahitur, si quod est nullius, Principis subsit arbitrio, uti in simili, de venatione moribus est constitutum. Plura qui volet de Thesauris, adeat Specul. de Emphyt. n. 158. 132. Alciat. 1. 7. parerg. 1. Boër. decis. 224. Anton. de Mattheis, de Acquir. Poss. c. 32. Connan. 3. comm. 4. n. 42. Chaffan. ad Burgund. tit. 1. de Just. §. 1. v. toutes espars. Nicol. de Passer. concil. p. 664: Mant. de tacit. & ambig. 4. tit. 16. n. 52. Valascum de Emphyt. q. 15. n. 1. Peregrin. de jure fisci. 4. tit. 2. num. 5. Gomes. ad l. 45. Tauri. Bursat. 2. consil. n. 209. Covarr. p. 3. Relict. c. peccatum. §. 3. de Regul. jur. in 6. Charond. 3. Respons. 20. Matth. Stephan. de jurisdict. libr. 2. part. 1. c. 7. n. 444. Barbof. prolixè ad l. divortio. §. 2. D. Solut. Matrim. Lyclan. 3. Eclog. 7. Sixtin. de Regal. 2. c. fin. Berlich. part. 2. concl. 66. seu fin.

Quod spectat thesaurum in fundo dotali à marito inventum, cum ex usu,

usu, supple illius loci, in totum marito cedere, statuit Argentæus ad Britann. artic. 53. n. 9. & artic. 408. Non quod in fundo uxorio cum repererit, quam quod in mobilium vim atque numerum cadat, ideoque mariti sit arbitrium.

§. 22.

1. Insula in Mari nata sit occupantis. 2. Moribus non item.

Insula, quæ in mari.] Occupationem tam mobilium, quam mixtorum, qualia erant pro derelictis habita, sequitur immobilium quæ sunt nullius occupatio, qualis est insulæ in mari natæ ad distinctionem insulæ natæ in flumine, quæ refertur ad accessionem, non occupationem. De cujus insulæ generatione, diversisque speciebus egi ex professo, in meis disquis. natural. de insularum generat. Hic nonnisi una tradetur regula, quæ rem juridicè planam reddet.

Insula quæ in mari nata est, (quod raro accidit) sit occupantis, §. 22. hic. Ratio in promptu est, quia quod nullius est in bonis, cedit primo occupanti. Sicut enim littus est commune, & occupantis, ita etiam fundus maris, cujus eadem est natura, adeoque & insula in fundo nata, vel ei adhærens. Ut si natatilis vel saltatilis sit insula, de qua egi in disq. antea allegatâ, etiam communis censetur, non quia sequitur naturam fundi, sed maris, sicuti quæ in flumine nata insula, si mobilis, sequitur ipsum flumen. §. 22. hic.

Verum cur additur, in textu Insit. quod raro accidit? An igitur leges feruntur de casibus raris, contra quam est expressum in l. 3. & seqq. D. de legibus? Resp. non ordinariè leges circa casus infrequentes feruntur, quandoque tamen id exigit rei natura, ut circa ea quæ rata sunt condantur. l. 10. D. de statu homin. l. 3. D. Si pars hæred. Petat.

An insuper rarum est, insulam in mari nasci? Id nemo dixerit qui historias antiquas & modernas consuluerit. Nam pluribus modis, & sæpe insulas generari, à me fuit demonstratum. Ut dicendum sit hanc locutionem comparativè accipiendam, insulam in mari raro nasci, id est, rarius, vel non adeo frequenter, atque quidem in fluminibus, §. 22. verb. at insula. Insit hic.

MORIBUS.

Insula in mari non sit occupantis, nisi adsit consensus Principis, cui quis 2. subest. vid. Gryphiandrum singul. tract. de Insulis. c. 22.

§. 19.

1. Ex animalibus & ancillis nostris | 2. Moribus partus ancillæ non est in
nata sunt nostra. | dominio.

1. **I**tem ea.] Expliciti hujus tituli paragraphos, qui commodissime ad occupationem reduci poterant. Sequitur ut de secundo generali acquirendi modo agatur, quæ est *Accessio* in genere. Modus acquirendi dominii, quo res aliqua propterea sit nostra, quia rei, quæ nostra est, accedit. l. 23. §. item quæcumque. D. de Rei vindic. l. 19. §. 20. D. de Auro & Argent. Legat. c. accessorium. de Regul. juris in 6. Connan. 3. comm. 6. Donell. 4. comm. 23. in princ. Vultej. 1. jurispr. c. 62. Althus. dicajol. 1. c. 15. Hoënon. disp. 10. Pand. n. 7. Estque vel naturalis, vel industrialis; ille est qui naturalem causam respicit, non accedente nostro facto; hic, qui operâ & industriâ hominis constat.

Ad illum refero, animalium factum. §. 19. alluvionem. 20. 21. insulam in flumine natam. 22. adjectionem alvei deserti per flumen. §. 23. fructus. §. 36. 37. 38. 39. Ad hunc, puta industrialem refero specificationem. §. 25. 26. accessionem in specie. §. 27. confusionem. §. 28. commixtionem. §. 29. inædificationem. §. 30. 31. implantationem. §. 32. sationem. §. 33. scripturam. §. 34. Picturam. §. 35.

De factu animalium hoc §. agendum est, tam ancillarum, quam brutorum. Nam etiam homines, præsertim ancillæ, quæ sunt animata possessio nostra, animalium nomine veniunt. Ut hallucinetur Bacchovius, qui partum ancillæ hic excludit, additâ ratione quod non sit in fructu. Verum animadvertere debuisset, partum ancillæ non ut fructum, sed ut accessionem considerari. Et negari non potest, quin in jure, tanquam accessio, sequatur ventrem, non aliter atque sata sequuntur solum. tit. Instit. de Ingen.

Nec obst. quod hic de modis acquirendi naturalibus agatur, qui proveniunt occasione earum rerum quas natura ad hoc produxit. Cum per jus naturale, & acquirendi modos naturales, etiam eos designemus, qui sunt juris gentium secundarii. Præterquam quod naturale sit, inspectâ servili conditione, postquam usu exigente, ancilla in nostram redacta est potestatem, ut partus sequatur ventrem. Licet enim pater sit naturaliter principium generationis, & in tantum partum habeat naturaliter in suâ potestate, maxime si ei subsit mater. Attamen si alterius fuerit ancilla, dum eam imprægnavit, jus suum exercere non potest, nec in ancillam nec in ipsam partum. l. 5. §. idem scribit. D. Rei Vindic. Non aliter atque ille qui seminum est dominus, & suo modo autor frugum, propterea quod sua semina

In alterius agrum projecerit, nihil juris super feminibus, aut frugibus vindicare potest. §. 33. hic. l. 49. D. de Rei Vindic. l. 12. §. quis. D. Ad Exhib. l. 21. §. 1. D. de Usur. l. 7. Cod. de Rei Vindic. Neque enim feminum jure, unde generantur fata, sed corporis, è quo percipiuntur, æstimari solent. d. §. 33. l. 25. §. 1. D. de Usur.

Quid vero legibus Mosais & moribus circa partum ancillæ, & ancillam obtinuerit, dictum fuit ad tit. de jure Personarum. & ad tit. de ingenuis. vid. tamen Grot. 2. de jure belli. §. n. 29. & 8. n. 18.

§. 20. 21.

1. Describitur Alluvio.

2. Arbores avulsæ quandoque vicinis cedunt.

P *Ratione quod per alluvionem.*] Naturalem accessionem etiam spectat alluvio, per quam augmentum fit ejus, ejus est fundus. Et quidem si sit fructuarius, ratione usufructus ad fructuarium, ratione proprietatis ad dominum fundi pertinebit. l. 9. §. huic vicinus. D. de Usufr. Nam quod per alluvionem fundo accedit, simile fit ei, cui accedit. l. 11. §. quod tamen. D. Public. Actio. Unde si fundo emphyteutico, vel feudali accesserit augmentum, ratione domini directi, domino directo, ratione utilis utili domino acquiritur. dd. ll. §. Si quis de manso. §. rursus. Si de investit. feud. contr. fuerit. ibique Alvarott. Molin. ad Paris. tit. 1. §. 1. gloss. §. n. 117. Tessaure. dec. 140. Definitur, autem alluvio, per incrementum latens, vel non apparens idque effectu inspecto. §. 20. hic. l. 9. §. 3. D. de Usufr. Spatium enim quod flumen sensim, pedetentim, minutatim, recedendo post se relinquit, ex alluvione oritur. Ut alluvio sit, appulsus materiæ fluminis, aut in flumine, ad ripam, quo paulatim, fallentibus & furtivis incrementis, aliquid alterius fundo accedit. l. 7. §. 1. D. de Acquir. domin. l. 1. Cod. de Alluvion. Dicitur *appulsus*, intellige non accedente cujusquam operâ vel facto, quod hic de accessionis naturalis agatur specie. Additur, *fluminis aut in flumine*; quia licet stagna vel lacus interdum crescant & decrescant, suos tamen terminos retinent, adeoque jus alluvionis in illis non obtinet. l. lacus 12. D. Acquir. domin. Sicut, nec in flumine privato jus alluvionis admittitur, quod alveus illius omni ratione & modo sit privatorum: Subjicitur, quo aliquid *alterius fundo* adjicitur, ubi per alterius fundum, non intelligo quemcunque; neque enim omni agro accedit, quod flumen ripæ adjicit. Hinc agere vel occupatorius seu artificialis, quo refer arcifinium qui nullâ mensurâ continetur, vel limitatus & assignatus. In illo locum habet alluvio, in hoc non item, quod certâ mensurâ contineatur, adeoque suos statutos terminos habeat. l. 16. D. de Acquirend. domin. l. 1.

§. 6. D. de flumin. vid. Sixt. Frontin. libr. de Re agraria & Aggen. Urbici in Frontinum Comm. ex editione & emendatione lectissimi juvenis Rob. Keuchenii. Cujac. 102. observ. 9. Connan. 3. comm. 5. Grot. 2. de jure bell. c. 8. n. 12. Gothefred. ad l. 16. D. de Acquir. domin. in noq. Adjicitur denique paulatim, quia alia causa est, si vis vel impetus subito fluminis partem notabilem alicujus prædio vel ripæ adjecerit. Neque enim possessoris negligentia, verum tempestatis violentia, quicquid est ablatum, abreptum apparet. Et manifestè intelligi potest, quantum quoquo temporis momento adjectum fuerit, ut alluvionis nomine non veniat. §. 20. in fin. hic. l. 7. §. 2. D. de Acquir. domin. Unde §. 21. proponitur ille casus, quo vis fluminis subito partem aliquam terræ meo prædio detraxit, & tuo adjecit, vel appulit. Quæ si tuo prædio coalueris, vel meâ negligentia, vel casu, ex eo tempore quo coaluit, fundo tuo est acquisita. §. 21. hic. l. 7. §. 2. D. de Acquir. domin. l. 9. §. Alphen. D. de Damn. infect. Quod si nondum coaluerit, mea frustra remansit, adeoque eam vindicare potero, quod unitatem cum fundo alterius non fecerit. l. 9. §. Alphenus. D. de Damn. infect. Grapbiaandram de insul. cap. 18. 27. Loccen. de Maritim. 1. cap. 6.

Ex eo tempore videtur.] Siquidem hæc vocabula videtur, & acquisita esse, in numero singulari legantur, sicuti Pandectarum Florentinarum est lectio, referri debent ad terræ crustam, quæ si coaluerit, vicini fundo, cum quâ unitatem fecit, *acquisita videtur*. Quod si respiciant arbores quæ radices egerunt in fundum vicini, quia adinstar crustæ vicini prædia coaluerunt: neque enim earum est separatum corpus à fundo, quo continentur, vicini fundo *acquisita* videntur. Sicque lectio in numero plurali retineri poterit, & quidem propterea, quod arbores sequantur solum non vice versa. §. 21. hic. l. 7. §. 1. 2. D. de Acquir. domin. l. 40. D. Action. Empt. l. 9. §. Alphen. D. de damn. infect.

Quid si arbores cum parte tui prædii tibi detractæ per impetum fluminis in vicini fundum radices egerint, an etiam ea terræ pars cui tuæ arbores erant unitæ, vicini censebitur? Non videtur hic casus extra dubitationis aleam esse collocatus. Nam si arbores radicum extremitatibus, quibus è crustâ tuâ prominent, vicini fundo inferantur, & tua pars terræ vicini prædio nondum coaluerit, arbores pro parte fore vicini, non fundi partem, statuendum esse. Sequuntur enim solum, ubi radices egerunt, non vero solum sequitur, quia non potest censerī arborum accessorium. Non itaque pro parte vicini fundo infixæ arbores tuam prædii partem avulsam ad se trahent, sed potius tua crusta, quæ nondum vicini prædio coaluit ad se pro parte trahet arbores, in quantum tuæ terræ ex parte sunt insertæ. Arg. §. 32.

fin

fin. hic. l. 40. D. Action. Empt. Ut tum demum integræ arbores vicino adquisitæ videatur, cum tua portio longiori tempore vicini fundo adhæsit, & arbores in eum fundum radices egerunt. §. 21. hic.

§. 22.

- | | |
|---|--|
| 1. Insula in flumine nata sit occupantis. | 2. Nonnulli casus circa insulam explicantur. |
|---|--|

AT insula in flumine nata.] Accessioni naturali etiam adnumeratur insula in flumine nata fundo affixa, seu adhærens. Ut quæ natatilis est ejusdem juris censei non debeat, quod naturam fluminis sequatur, adeoque publico adnumeretur. l. pen. §. 2. D. de Acquir. Domin.

Quæ vero nata est insula in medio fluminis, communis est eorum, qui ab utraque parte fluminis, prope ripam prædia vel agros possident, non limitatos. l. 7. D. de Acquir. domin.

Ratio, quæ mihi verissima videtur, hæc est, quod fundus fluminis aliquo modo sit vicini, cujus est ripa. Non aliter enim atque insula in mari nata communis est, quia fundus maris est communis, qui sequitur naturam lititoris. Ita etiam insula in flumine nata sequetur fundum, & fundus ripam. Fundum autem fluminis aliquo modo esse vicinorum, ideo mihi videtur inferri debere, quod aliter insula in flumine nata, vel esset ejus, cujus est flumen, vel esset primi occupantis. Neque Hottomanni sententia placet, ideo vicinorum censei insulam in flumine natam, quod pro vicinis sit præsumendum, quasi illi primum insulam occupando suam fecerint. Cum enim in posteriori parte §. 22. hic. excludatur occupatio, & includatur accessio, eoque nomine in mari nata insula, ab eâ quæ in flumine nata est, secernatur, & unius inclusio, sit exclusio alterius, non poterit præsumi oppositum fuisse in appposito. Accedit, quod pro modo latitudinis cujusque fundi, quæ prope ripam est, insula cuique vicino adquiratur; sicut pro ratâ vicinis accedere colligatur. §. 22. hic. l. 29. D. de Acquir. domin.

Nedicam, quod qui agros in viciniâ habent limitatos, insulam in flumine natam accessionis nomine non adquirant, quod à jure alluvionis excludantur. Unde si non jure accessionis insula deberetur vicinis, non esset ratio, cur non indistinctè omnibus vicinis insula in flumine nata, pro ratâ accederet. Denique, nisi fundus fluminis quodammodo privatorum esset, qui prope ripam prædia possident, insula in flumine nata foret publica, quinimo & ipsa ripa, cujus pars est fundus, cuique fundus est contiguus, foret publica.

Neque obst. l. pen. §. 1. & ult. D. de Acquir. domin. Ibi enim insula dicitur publica non ratione proprietatis sed usus, neque tam ratione totius,

quæ

quam extremitatum, quæ publicum præstant usum. §. 4. Instit. hic. l. 5. De Rerum divis.

Non itidem obstat. l. 1. §. 6. D. de fluminibus; ut quæ continet exceptionem & regulâ, propter rationem in præcedentibus allegatam, per l. 16. D. Acquir. domin.

Non denique obstat. §. 23. in med. Instit. hic. ubi dicitur alveum novum ejus fieri, cujus est flumen, quod erat juris publici. Quia alveum fieri publicum referendum est, non ad proprietatem, verum ad effectum. In quantum, dum flumen eum occupat, pro publico habetur, sic ut privatus jus suum in eo exercere nequeat. Nam publicum tum præstat usum, nec privatis in viciniâ prædia habentibus ullam præ cæteris adfert commoditatem, quamdiu flumine contegitur. Cæterum simulac aquis denudatur, etiam usus ratione privatorum esse incipit; qui si publicus antea fuisset proprietate, per fluminis recessionem privatorum, quibus flumen nihil forte ademisisset, fieri non deberet. vid. Cujac. 2. obs. 9. & 14. observ. 11. Pacium 6. enant. 93. Donell. 4. comment. 29. Harprich. hic. Lyclam. 7. Eclog. 2. Hænon. disp. Instit. 4. n. 9. Griphian. de insul. c. 22.

2. *Quod si alteri proximior sit parti.*] Sequuntur aliquot casus explicandi, quorum nonnulli hoc §. 22. sunt omitti. Quid si in viciniâ insulæ nullipossideant agros, forte quia flumine toti sunt occupati, an censentur esse primi occupantis? *Resp.* Quia inundatio speciem fundi non mutat, eorum videbitur insula, qui postquam recessit aqua, in viciniâ agros possidebant. l. 7. §. 6. D. de Acquir. domin.

Quid si insula alteri ripæ parti adeo vicina sit, ut nullâ parte ultra fluminis medietatem sita sit? Non dubium quin ejus sit insula, cui vicina est. §. 22. hic.

Quid si pro parte ultra fluminis medietatem jaceat, tuotamen, quam meo agro vicinior? Tota erit tua. d. §. 22. l. 7. §. 3. D. de Acquir. domin. Cum enim medium fluminis dimidiâ ex parte non teneat, licet aliquâ sui parte medium fluminis occupet, communis non erit. Quod an rationi conveniens sit non video, nisi quis censeat, fortius ad se trahere minus forte, adeoque partem minorem fluminis mediam superantem, rapi à parte majori.

Quod si aliquâ parte divisum sit flumen, dein infra unitum, agrum alicujus in formam insulæ redegerit. Dicendum erit per circumluvionem agrum circumluvium in formam externam insulæ redactum esse, non tamen reverâ insulam factam. Manet igitur ejusdem ager, cujus antea fuerat, nec causa proprietatis immutatur. §. 22. hic. l. 1. Cod. de Alluvion. Aggen. Urbicus in Frontinum. loc. cit.

Ne-

Neque obſt. l. 30. §. 2. D. de Acquir. domin. ubi tribus modis inſula dicitur effici, quorum unus eſt, quando agrum qui alvei non fuit, amnis circumfluat. Quoniam, uti dixi, ſi formam externam ſpectemus, inſula dicitur, ſi effectum & naturam rei, non erit, quod cauſa proprietatis non mutetur. d. l. 30. §. 2. in fin.

§. 23.

Alveus à flumine deſertus eſt vicinorum.

Quod ſi *naturali alveo.*] Etiam ad acceſſionem pertinet alveus à flumine deſertus; nam ſi fluvius publicus alveum deſerat eum facit noſtrum, ſi prope ripam fluvii non limitatos agros poſſidemus. §. 23. hic. Cum enim prior alveus pars eſſet vicinorum prædiorum, quam flumen quaſi detraxerat, recedente flumine incipit vicinorum eſſe, effectui inſpecto. l. 30. §. 1. D. de Adq. Dom. Quod in tantum verum eſt, ut ſi poſt aliquod tempus etiam non longum reverſum ſit flumen, ruſum novus alveus non ejus eſſe incipiat, cujus agri partem flumen antea abſumpſerat (propter ſpeciem mutatam, quæ efficit, ut alia res eſſe videatur §. ſeq. hic.) verum ejus, qui prope ripam prædia poſſidet. §. 23. hic. l. 7. §. quod ſi. l. 30. §. 1. D. de Acquir. domin. l. 38. D. eod. Atque hoc ipſum dicat ſtricti juris ratio, ut tamen jure benigniori & ex æquitate domino priori reſtituatur. d. l. 7. in fin. Niſi flumen minutatim receſſerit, & alluvione in antiquum locum redierit. Tunc enim non eadem æquitatis ratio ſubſeſſe videtur, quæ in caſu præcedenti ſuberat, ut jure alluvionis ejus fiat novus alveus, qui prope ripam prædium poſſidet. l. 30. §. alluvio. l. 38. D. de Acquir. domin. vid. Franciſc. Vivium deciſ. 498.

§. 24.

1. Alvei mutatio *ab inundatione deſert.*
2. *Circa fluminis inſulam & acceſſi-*

ones & inundationem mores variant.

Alia ſane cauſa eſt.] Quandoquidem alvei mutatio ab inundatione diſfert, ea propter hoc §. 24. ſubjungitur, non eandem eſſe rationem mutati alvei, & agri inundati. Alvei quippe mutatio ſpeciem mutat, inundatio non item, quod remeante flumine poſt diſceſſum ejus maneat fundus, cujus antea fuerat. l. 7. §. aliud ſane. l. 30. §. alluvio. verb. itaque. D. Acquir. domin. Quia tamen inundationis tempore poſſeſſio interea eſt amiſſa, quæ aquâ recedente, mox reſtituitur, ſine novâ apprehenſione; etiam per intui-neſcentiam fluminis uſus agri domino auferitur, ut effectui quo domini carcat, ideo per inundationem interim proprietatem amiſſam

K k k

dixit

dixit jurisconsultus in l. 23. D. quib. mod. Ufuf. amitt. Nifi quis exiftumet in dubio videri amiffam interea proprietatem per inundationem, quod etiamnum incertum fit, nuni aqua, eodem quo venit impetu, fit difceffura. vid. Pacium 6. Antin. 88. Lyclam. 7. Eclog. 47.

MORIBUS.

2. Censent plerique DD. hodiernis moribus, alluvionem, & quicquid in flumine nascitur, esse Principis, nisi quispiam de jure suo docuerit in Rationum Camerâ, vel consensum impetraverit. Adeoque existumant insulam in flumine natam, ad privatos non pertinere, verum regalibus annumerari. Groenweg. hic. ibique plures.

Quod & si forte in Hollandiâ obtineat, excepto agro Putteno, secus tamen est in Gelriâ, aliisque locis vicinis, ubi si in flumine nata sit insula, non quidem erit vicinorum, sed ejus qui primus curru fimo onerato eo pervenire potuit, inque medio consistens, ubi profundus est maxime locus, consistit, donec cantharum vini vel cerevisiæ exhauserit. vid. Grot. 2. introd. 9. & 2. de jure bell. cap. 3. & 8. n. 14. Christin. 4. decis. 85. Zyp. not. jur. Belgic. tit. de jure fisci. Goris advers. 4. §. 23. post Griphandrum de insulis. c. 13. Molin. ad Paris. tit. 1. §. 1. gloss. 5. n. 115. Sixtin. de Regal. libr. 2. c. 3. n. 29. Peregrin. de jure fisci. 8. n. 67. & seqq. Perez. Cod. de Alluvion. num. 8. Bullæum append. ad 2. disput. de instrumentorum materiâ. Heigium part. 2. q. 20. n. 58. & q. 40. qui sequitur jus commune. Simon. van der Leeuwen. Censur. Forens. 2. c. 4. n. 12. & seq.

Quod vero spectat inundationem, per eam moribus nostris dominium censetur amissum, siquidem ager per decennium fluctibus sit contactus. Nisi quis sui prædii possessionem aliquo actu fuerit tutatus, puta, piscando, virgultaque implantando, aut oppositis aggeribus aquam excludendo. vid. Zypæum loc. cit. Grot. de jure belli. 2. c. 8. n. 10. Vinnium ad §. 24. hic. Consultat. juris Batav. part. 2. consil. 26. Conflit. Carol. 5. de ann. 1531. May. 23.

In Hungariæ & Transilvaniæ partibus per alvei mutationem jura pristina non amittuntur, verum integra priori domino reservantur. Collector Consuet. Hungar. & Trans. part. 1. decret. tit. 87.

§. 36.

1. Fructuum perceptio accessionis est species.
2. Fructuum divisiones explicantur.
3. Bonæ fidei possessor fructus facit

4. Quid obtineat in malæ fidei possessore?
5. Quid Moribus?

S*I quis à non domino.*] Ad accessionem naturalem ultimo refertur fructuum perceptio, idque ex alieno. Estque vel bonæ fidei, vel malefidei possessoris, vel fructuarii, vel coloni.

De quibus antequam agam, præmittam fructuum distinctionem, in civiles, naturales & industriales. Civiles sunt annui redditus, annuæ pensiones, ex rebus locatis provenientes. Qui quoniam non ex ipso corpore oriuntur, sed ex aliâ causâ, id est, novâ obligatione, nec tam fructus sunt, quam fructuum vicem obtinent, propterea non inepte, civiles appellantur. l. usufructuaria. 121. D. de verb. signif. l. 34. 36. D. de Usur. l. 62. D. de Rei Vindic. Naturales sunt, qui ita sponte à naturâ proveniunt, ut plus naturæ, quam operæ requirant, saltem citra notabilem hominis industriam proveniunt, ut sunt poma, gramina &c. Industriales sunt, qui ita naturâ cooperante proveniunt, ut tamen potissimum desideretur causa & factum hominis, quâ ratione ex facto hominis illi fructus nasci dicuntur, ut sunt sata. l. 45. D. de Usur. Hænon. disp. 10. Pand. n. 14. Zocf. Inst. hic. ibique Dessel. in not. diff. Cujac. 18. obl. 3. Coraf. 5. Misc. 8. 9. 10. Althuf. 1. dicajol. cap. 2. vid. Gœdd. in l. 121. D. verb. Signif. Molin ad Paris. tit. 1. §. 1. gloss. 1. n. 99. & seqq. Costal. ad d. l. 45. D. Usur. Pinell. ad l. 2. Cod. de Rescind. Vendit. p. 2. cap. 4. n. 52. Meno. 2. Arbitr. 3. cas. 210. & de recup. possess. remed. 15. n. 577. Copus tract. de fruct. 1. tit. 1. 2.

Est alia fructuum divisio, quæ viam parat ad sequentia, qualis est in fructus pendentes, extantes, & consumptos. Illi dicuntur, qui nondum à solo sunt separati, sic ut portio fundi censcantur, quia terrâ continentur. l. 44. D. de Rei Vindic. l. 27. D. de usufr. Qui etiam propterea stantes appellantur. l. 7. §. interdum. D. Solut. matrim. l. si apes. 26. D. de furt. Extantes dicuntur, qui quidem à solo separati sunt, ut non amplius sint pars soli, verum nondum sunt consumpti. Et licet qui fructus sunt pendentes, etiam nondum sit consumpti, quia tamen quamdiu pendunt, non ut fructus, sed pars fundi considerantur, extantium nomine non veniunt. Et poterunt extantes subdividi, in perceptos plenè, vel non plenè. Plenè percepti dicuntur, qui perfecte collecti, id est, non tantum à solo separati, verum etiam in horreum devecti, vel quando vinum & oleum ex uvis & olivis est expressum. Qui etiam in jure quandoque perceptorum veniunt nomine, in quantum plenè percepti. Non plenè percepti censentur, quando demum capti percipi, ut adhuc humi, vel in messe jaceant, neque ex illis aliqua species sit facta saltem non detecta. l. 9. §. ex rebus. D. de Donat. l. 78. D. de Rei Vindic. l. 25. §. 1. D. de Usur. l. 13. D. quibus mod. Usuffr. amitt. l. 48. D. de Acquir. domin.

Hiscæ præmissis ad ipsum §. 36. me conferam, cujus initium erat. *Siquis*

à non domino. id est, ab eo rem nactus sit, qui rei dominium transferre non potuit, sic ut traditione nondum accipiens dominus sit effectus. Nam si quis à vero domino fundum emisset, isque traditus esset, proprio jure, id est, jure domini fructus perciperet, qui modus percipiendorum fructuum ad hunc §. 36. non pertineret.

Æque bonâ fide acceperit.] Refer hæc verba ad emptionem, quæ, (non itidem cæteræ causæ) requirit bonam fidem & tempore contractus, & traditionis. Ut non sufficiat fundum divenditum acceptum esse bonâ fide cum traderetur, sed etiam emptum esse bonâ fide, cum nondum traderetur. l. 3. D. Pro emptor.

3. *Naturali ratione placuit.*] Licet dicendum videbatur fructus esse veri domini, quod ex re domini proveniant. §. 19. hic. l. 49. D. Rei Vindic. Quia tamen bonæ fidei possessor est quasi dominus, in quantum ratione fructuum loco domini fere habendus, ideo placuit ejus esse fructus ratione naturali. Maxime cum domini instar, operam in conservandâ re præstet, congruum sit regulæ juris, penes eum esse debere commodum, penes quem erat incommodum. §. 36. hic. l. 25. §. 1. D. de Usur. l. 48. D. de Acquir. dom. Sequentibus vero regulis jus bonæ fidei possessoris circa fructuum perceptionem fiet manifestum.

1. Bonæ fidei possessor omnes omnino fructus lucratur, tam civiles, quam naturales & industriales, quos percipiendo sive plene, sive non plene, fecit suos. §. 36. verb. fructus quos percepit. Instit. hic. l. 25. §. 1. D. de Usur. l. 48. D. de Acquir. dom.

Non obstante l. 45. D. de Usur. utpote in quâ Pomponius à cæteris jurisconsultis secessum fecisse videtur. Pinell. in l. 2. p. 2. c. 4. n. 55. Cod. de Rescind. Vendit. Faber 4. Conject. 17. Vultejus 1. discept. c. 20. Gilken. ad l. certum. c. 7. Cod. Rei Vindic. Hartm. Pistor. 4. quæst. 26. Fachin. 1. contr. 57. Bronch. cent. 3. assert. 78. Olemann. disp. 9. n. 30. & seqq. Harpricht. Zoef. ad hunc §. 36. diss. Cujac. hic. & in l. 4. §. 5. D. Usucap. Donell. 4. comment. 25. Duaren. ad tit. D. de Usur. c. qui fruct. in restit. veniant. Heenon. disp. 4. Instit. n. 17.

2. Multo magis bonæ fidei possessor omnes fructus lucratur, quos non tantum percepit, verum insuper consumpsit. §. 36. verb. ab eo consumptis. Instit. hic.

3. Non tamen bonæ fidei possessor ullos fructus pendentes lucratur; cum enim sint pars fundi, cum ipso fundo sunt restituendi. l. 44. D. de Rei Vindic.

4. Bonæ fidei possessor, quoscunque fructus percepit interim facit suos, id est, revocabilit. l. 48. D. de Acquir. dom. Sic ut de extantibus, tam in-

industrialibus quam naturalibus teneatur, in quantum factus est locupletior. §. 36. verb. & ideo. hic. l. 4. §. 2. D. fin. Regund. l. 22. Cod. de Rei Vindic. Ut tamen expensas industrialium gratia factas jure merito deducat, ne in damno versetur. l. 36. §. 5. & ll. seqq. D. de Petit. hæred. Pinell. ad l. 2. Cod. Rescind. vendit. p. 2. c. 4. n. 59. Hartmann. Pistor. 4. quæst. 25. n. 2. Copus de fruct. libr. 2. c. 7. Fachin. 1. contr. 58. Bronchorst. 2. assert. 89. diff. Donell. 4. comm. 26.

Non obstat l. 45. D. de Usur. Quod enim industriales eo loci irrevocabiliter dicuntur fieri conjugis, id propterea est, quia adest donantis voluntas.

5. Bonæ fidei possessor omnes fructus consumptos facit omnino suos, id est, irrevocabiliter, adeoque pleno jure, sive ex iisdem factus sit locupletior, sive non. §. 36. §. de fructibus ab eo. Instit. hic. Garfias de Expens. c. 23. n. 40. Cujac. ad African. tract. 7. ad l. quæsitum. D. Acquir. domin. Pinell. ad l. 2. Cod. de Rescind. Vend. p. 2. c. fin. num. 60. Vultej. 1. discept. 20. Fachin. 1. contr. 58. Bronch. 2. assert. 59. in fin. diff. Covarr. 1. Resol. 3. Menoch. remed. 15. recuper. possess. n. 578.

6. Bonæ fidei possessor de omnibus omnino fructibus tenetur, quos post licem contestatam percepit; cum per litis contestationem in malâ fide constituitur. l. 10. D. de Usur. l. 4. §. 2. D. fin. Regund. vid. Lyclam. 3. Membran. Eclog. 1. 2. 3.

Ei vero. Malæ fidei possessor licet titulum prætendat in tantum non lucratur fructus, ut omnes restituat, etiam percipiendos, (exceptis civilibus, puta usuris, ratione l. 62. D. de Rei Vind.) id est, ut præstet eorum æstimationem, quos honestè de re percipere potuisset. §. 36. hic. §. & si hæreditas. Instit. de Offic. judic. Arg. l. 78. D. de Reg. juris. l. si navis. 62. §. fin. D. Rei Vindic. l. 12. D. Quod met. caus. Vultej. 1. discept. 20. Copus de fruct. libr. 2. tit. 4. cap. 1. 2. Menoch. de Recuper. possess. remed. 15. n. 606. Bronchorst. cent. 2. assert. 87. Harprich. hic. n. 58. vid. diff. apud Hænon disp. 4. Instit. n. 20. & Treutler. disp. 15. vol. 1. thes. 9. 10. & seqq. ibique Bacchov.

Et quidem fructus extantes avocabuntur rei vindicatione, consumpti conditione. l. 3. Cod. de condict. ex lege. percipiendi vero officio judicis venient restituendi, id est, æstimandi. §. 2. 3. Instit. offic. judic. habitâ tamen prius ratione sumptuum, idque ex æquo & bono, quod aliter de rigore juris non obtineret. l. 37. & seq. D. Petit. hæred. Alios qui volent circa fructuum perceptionem discepanes, consulat. Sneiderw. hic. Fachin. 1. contr. 53. & seqq. Gail. 2. obs. 46. Garfiam de Expens. c. 2. n. 8. Coraf. 5. Miscell. 9. Althus. dicajol. 1. c. 2. 38. 39. 40. Lyclam. 7. membr. 4. Paulum Buserm.

de offic. judic. c. 7. Bocerum de fruct. Rauchb. l. 1. quæst. jur. 26. 28. Perez.
Cod. de Acquir. domin. n. 18. & seqq.

MORISUS.

5. Omnes fructus à bonæ fidei possessore percepti sunt restituendi, vel saltem eorum æstimatio, compensatis & deductis expensis, si post litem contestatam sint percepti. Cæteri ante litem contestatam percepti, semotà omni distinctione, in judicium non veniunt. Pinell. ad l. 2. Cod. Rescind. Vend. p. 2. c. 4. n. 60. post eundem Vinnius hic, etiam Dessel. innot. ad Zoef. hic. n. 66. vid. Garfiam de Expens. c. 23. Mornac. in l. 22. Cod. de Rei Vindic. Tulden. ad Damhaud. præf. civil. c. 104. num. 13. Sebastian. Khraiffser. Instit. juris civil. Bavaric. hoc tit.

Quod autem spectat impensas, quas quis in re alienâ fecit, utilium nomine non tantum deductioni seu exceptioni locus est, verum etiam repetitione & actione sibi consulere poterit. Argentr. ad Britann. artic. 336. gloss. 1. n. 5. Molin. ad Paris. §. 1. gloss. 5. n. 105. Mornac. ad l. 33. D. conduct. indeb. Zyp. not. jur. Belgic. tit. de Rei Vindic.

§. 37.

- | | |
|--|---|
| 1. <i>Differentia inter Fructuarium & Bonæ fidei possessorem præponitur.</i> | 2. <i>Coloni cum Fructuario instituitur comparatio.</i> |
|--|---|

- I. **[S vero.]** Non solum bonæ-fidei possessor, verum etiam usufructuarius fructuum efficitur dominus. Non tamen per omnia & in omnibus in perceptione fructuum id juris habet, quod bonæ-fidei possessor. Nam fructuarius non nisi naturaliter possidet, bonæ-fidei possessor etiam civiliter, & domini loco habetur. l. 12. D. de Acquir. possess. l. 25. §. 1. D. de Usur. Hinc circa fructuarium ad distinctionem bonæ-fidei possessoris sequentes observabuntur regulæ.

1. Usufructuarius non aliter suos facit fructus, quam si ipse eos perceperit vel per se vel per alium. §. 37. hic. l. 13. D. quib. mod. Usufr. amitt. Bonæ-fidei possessor eos facit suos, licet ab alio, & quidem alterius nomine fuerint percepti.

2. Usufructuarius tum demum fructus suos facit, cum maturos (ex sensu l. pen. D. de Usufr. legat.) plenè percepit, cumque eos à solo separavit, non cum sponte deciderunt. §. 37. hic. d. l. 13. Cujus legis verba priora corrigenda esse per posteriora, videtur dicendum, ne admittatur antinomia. Bonæ-fidei possessor omnes fructus suos facit, quomodocumque fuerint percepti, & à solo separati. l. 25. §. præterea. D. de Usuris. d. l. 13.

3. Usufructuarius fructus pendentes ad hæredes non transmittit, sicuti nec-

necdum perceptos. Et quia actio quæ defuncto competere non potuit, non transmittitur ad hæredes. l. 36. D. Ad l. Aquil. l. 58. D. de Ufufr. l. 8. in fin. D. de Annuis Legat.

Et quia usufructus est jus personale, quod cum personâ extinguitur. §. 3. de Ufufr. Verum bonæ-fidei possessor etiam fructus pendentes transmittit ad hæredem, quod in percipiendis fructibus Domini loco censetur. §. 37. hic. l. 25. §. 1. D. de Ufufr.

Licet negandum non sit, quin ex æquitate hæredi fructuarii impensæ sint præstandæ, ne quisquam reddatur locupletior cum damno alterius. l. 14. D. de Condict. Indeb. Costal. ad l. 58. D. Ufufruct. Donell. 10. comm. 9. Hartman. Pistor. 1. quæst. 24. Hænon. disp. 4. ad Instit. n. 22. diss. Cujac. tract. feud. libr. 4. tit. 30. & ad l. 32. §. pen. D. de Ufufr. Legat.

Usufructuarius omnes fructus, quos plenè percepit facit suos & quidem irrevocabiliter. Bonæ-fidei possessor interim, seu revocabiliter fructus lucratur, forte dum habetur loco Domini. l. 48. D. de Acquir. Domin. Ut posteaquam compertum est, cum Dominum non esse, restituat fructus extantes, secundum regulam in superioribus datam. vid. Barbof. ad l. divor. tio. 2. part. n. 33. D. Solut. Matrim.

Eadem fere & de colono.] Non superflua est particula fere, sicuti vult Theophilus, quod multæ differentiæ sint observandæ inter fructuarium & colonum, si fructuum spectemur perceptionem. Pacius in notis hie. Quia tamen eadem fere, quæ in fructuario obtinent, colonos debent applicari, discernendum in quo hic cum illo conveniat, in quo ab illo discrepet. Bacchovius censet colonum in eo differre à fructuario, quod fructus ad hæredem coloni, licet nondum sint percepti, transferantur, id quod verissimum est. Verum in eo convenire putat, quod uti fructuarius, ita colonus fructus eos demum faciat suos, quos ipse percepit, non quos alius, suo, non ejus, id est, coloni nomine separavit, quod juri minus est congruum; ut ejusdem in Mynfingerum, & Pacium iniqua putanda sit censura. Neq; enim id probant textus juris ab eodem allegati, puta l. 61. §. 8. D. de furt. l. 60. §. mensem. D. Locat. Neque eliciet ex verbis *eadem fere*. §. 37. hic. Quæ nihil aliud inferunt, quam colonum sicuti fructuarius, fructuum fieri dominum. Ita tamen, ut colonus eorum fiat dominus, quos ipse non percepit, sed vel alius ejus nomine, vel post mortem ejus hæredes. Quod non naturali, verum civili ratione obtinere statuit. Hofferus in not. ad §. 37. hic. Adeo ut inferendum sit non eadem per omnia in ordine ad fructuum perceptionem in colono & fructuario obtinere. Neque hic audio Bacchovium inferentem id minus rationi fore congruum, si colonus suos faciat fructus, licet eos non percepit. Cum firmiori ipse gaudeat jure, quam fructuarius, idque propterea,

pterea, quod loco fructuum domino fundi debeatur pensio fructibus proportionata. Ut cum dominus congruam fructibus mercedem percipiat, non eum aliud voluisse credendum sit, quam ut ad colonum vel ejus hæredes fructus temporis conductionis omnino pertinerent. Licet autem colonus, omnes fructus tam perceptos, quam percipiendos, tam pendentes, quam separatos faciat suos, toto conductionis tempore, siue ipse eos perceperit, siue ejus hæres, siue alius quocumque nomine. §. fin. Instit. locat. l. 26. D. de furt. Non tamen ulla onera quæ à re debentur, (secus quam obtinet in fructuario) veluti tributa & functiones, sustinet, sicuti nec ullos sumptus in rem, ne quidem modicos facere tenetur. l. 32. §. 6. D. de Adm. tutel. l. 7. §. 2. l. 27. §. 3. l. 52. D. Usufr. l. 19. §. 2. D. locat. conduct.

§. 38.

Quid sit in Fructu, explicatur.

In pecudum fructu.] Egit de fructuario, eumque fructus suos facere, declaravit. Verum id frustra foret, si non etiam constaret, quænam fructuum nomine veniant. Neque enim quæcumque accessionis habent rationem, vicem fructuum obtinent. In pecudum fructu sunt lac, ovium lana, pili vel capilli caprorum, etiam sætus. l. in pecudum. D. de Acquir. domin. In fructu fundi, sunt gramina, segetes, uvæ, olivæ, &c. vid. Giurbam observ. 13. 14. part. 1. Mantic. de Conject. ultim. volunt. 7. tit. 10. Menoch. 2. arbitr. cas. 210. & de Recup. poss. remed. 15. n. 577. Connan: 4. comm. 1. 2. Pinell. ad l. 2. Cod. Refc. Vendit. p. 2. c. 4.

Non tamen in hominum fructu est ancillæ partus, sicut is ad fructuarium non pertineat. In fructu enim id esse intelligitur, quod ad usum hominis est inductum. l. pen. D. de Usufr. Legat. Verum homo emolumentis hominis cujus gratiâ sunt omnia, destinatus non est. Quapropter etiam Deus hominem cæteris omnibus rebus, non ipsi homini dominari voluit. Et quod attinet jura naturalia, homo homini non præstat, nec ab homine differt, ut eapropter in fructu non censeatur. l. 1. D. Ad l. Cornel. de Sincar. l. 31. D. de Regul. jur. Quæ etiam fuit Stoicorum opinio à quibus nostri jurisconsulti fere imbuti fuere, ut in multis eadem tradiderint. Lactet. libr. 2. Marcus Anton. apud Arrian. libr. 7. dissert. Ep. l. 1. c. 16. l. 28. D. de Usuris. l. 68. D. de Usufr. l. 10. §. 2. D. de jure dot. Si tamen spectemus jus gentium secundarium & civile, quo par fere Mancipiorum, atque animalium brutorum est ratio, iniquum non erit hominem homini dominari. Ut etiam eo jure inspecto absurdum videri non debeat, hominem esse in fructu. Sicuti absurdum non est, aliis in casibus juris civilis partum fructibus annumerari. l. 14. D. de Usur. l. 24. §. 1. D. Ad l. Falcid. l. 58. D.

Ad

Ad Trebell. Ut quando §. 38. hic. pro absurdo ponitur, hominem esse in fructu, respicere videatur jurisconsultus vel ad jus gentium primævum, vel ad Stoicorum Sententiam. Nam quod attinet jus gentium secundarium, ancillæ partus accessionis jure cedit domino §. 19. Instit. hic. ut quasi domino, id est, usufructuario cedere, à juris illius ratione absonum non sit. Eadem enim ratio militaret, ne ancillæ partus sit in accessione, & ne in fructu: ut si illud optimâ admiseris ratione, etiam hoc jure optimo admiseris, nisi subtili magis, quam verâ ratione, aliter visum fuisset jurisconsultis. Qui etiam, quo inter ancillæ partum, & fætum pecudis esset differentia constituerunt, ut fætus pecoris statim esset bonæ-fidei possessoris, ancillæ vero partus, non nisi per usucapionem. l. 4. §. 19. D. de Usucap. vid. Alexandr. ab Alex. genial. dier. 1. c. 10. Cujac. ad l. 4. D. de Usuc. Coras. §. Miscell. 8. in fin. Joh. Copus de fructub. tit. 1. c. 3. 4.

§. 39.

Officium Fructuarii describitur.

Sed si gregis usum fructum.] Quoniam egit de fructubus à fructuario perceptis, & iis quæ fructuum nomine veniunt, etiam in transitu aliquod fructuarii explicat officium, cujus prolixior tractatio ad tit. de Usufructu, est rejicienda. Cernitur igitur officium, in casu, quo gregis, tanquam universitatis sibi relicte quis habet usum fructum; tenebitur enim in locum demortuorum capitum alia ex fætu subjungere. §. 39. hic. Quæ substituta statim erunt proprietarii, sicuti quæ post ea, vel ante demortua capita nata, erunt ipsius fructuarii. §. præced. hic. idque propterea ne ea res lucro cedat domino. l. 68. 69. de Usufr.

Quod si alicuj singulorum capitum relictus sit usufructus, demortuis capitibus nihil ille supplere tenebitur. l. 70. §. 3. D. de Usufr.

Cernitur insuper officium fructuarii, si vinearum vel arborum illi usufructus sit relictus, nam & in locum demortuarum substituet alias. An aliunde? Id forte tentari poterit; si enatâ idoneas plantas non reperiatur, sic ut gregis & arborum non eadem ratio sit futura. §. 39. hic.

§. 25. 26.

1. *Natura specificationis traditur.* | 2. *Varia dantur regula.*

Quum ex alienâ materiâ.] Post naturales accessionis modos sequuntur 1. Industriales, ad quos primum referam specificationem. Quando ex alienâ materiâ, vel in totum vel pro parte, opus aliquod sive species est facta. Intellige speciem novam, cum materia quæ hic est artificialis, ad aliquam speciem referri antea potuit, quæ jam novam speciem dicitur esse na-

cta, quia formam novam. Non quidem naturalem substantialem, aut essentialem, verum artificialem, adeoque accidentalem. De quo adquirendi domini modo inter jurisconsultos antiquos ardua fuit contentio. Cassio & Sabino opus factum domino materię addicentibus, quod sine materiā nulla species efficiatur. l. 7. §. 7. D. de Acquir. domin. Quintil. 2. c. 20. Senec. Epistol. 65. 88. Ex adverso, Nervā & Proculo specificanti concedentibus, quod opus factum antea fuerat nullius, cum qui opus fecit, effecerit, ut esset in rerum naturā. d. l. 7. §. 7. Ratio igitur utriusque sectę auctorum desumpta erat ab eo, quod pręvalebat; & illi quidem à materiā, hi à formā desumebant. Et utraque secta probabili nitebatur fundamento, quod aliquid censeri debeat & ab eo denominari, quod pręvalet. l. quęritur. D. de Statu homin. Placuit tamen Imperatori, media jurisconsultorum sententia, quam ut tutissimam in multis juris controversiis decidendis est amplexus. §. fin. Instit. qui & à quibus manum. Et quidem si nova species ad eandem materiam redire possit, rectius id esse censuit, quod Cassio & Sabino placuit. Nam quę talis sunt naturę, ut sæpius in sua redigi possint initia, ea materię potentiā victa, nunquam vires ejus effugiant. l. 78. §. illud fortasse. D. de Leg. 3. Quod si nova facta species ad eandem materiam redire non possit, Nervę & Proculi sententiam ut tutiorem est amplexus. d. l. 7. §. 7. & §. 25. hic. Mutata enim forma, interemit rei substantiam. l. 9. §. sed si quis. D. Ad Exhib. Cum res abesse videatur, cujus corpus manet, quia forma mutata est. l. 13. §. 1. D. de verb. signific.

Ut vero ratione specificationis, aliquis naturali ratione dominus efficiatur, sequentia erunt observanda.

Ut is, qui speciem fecit, eam fecerit suo nomine. l. 7. §. 7. l. 25. D. de Acquir. domin.

Ut sit in bonā fide, id est, materiam existimet esse suam. §. ex diverso. Instit. hic. Quod necessarium est, non quia si alienam sciat eam non faciat suam, verum quia aliter priori domino tenetur furti conditione, quod res propter novam formam perisse censeatur. §. 27. hic. Quinimo ratione materię actione furti conveniri potest, ut qui rem alienam fraudulenter contrectavit. l. 52. §. si quis massam. D. de furt. §. 27. hic. Multo minus si communi materię sciens formam indiderit suę partis amittet proprietatem. §. 26. hic.

Nequicquam obstante §. 28. 29. hic. quod non procedat argumentum ab ædificatione ad specificationem in materiā communi. Ibi quippe militat ratio Principalis & accessorii, hic utrumque est principale. l. 27. in fin. D. de Acquir. domin. Cumque alienę materię formam indens, ejus efficiatur dominus, multo magis, si communi formam addat, in solidum efficitur

tur

tur dominus: cum præter materiæ partem, etiam suam operam accommodaverit.

Ut species ad priorem materiam unde confecta est, reduci nequeat. §. 25. hic.

Ut non tantum aliqua forma externa, puta color, aut quid simile materiæ adjiciatur, verum etiam figura. Id est, uti cenſet Bacchovius, ut vere forma puta accidentalis, & omnino nova, fuerit addita, quæque materiæ quodammodo remota erat. Aliter enim ſpecificans, ſeu formâ addens materiæ dominus non efficitur. Unde qui ex alienis rudibus lignis, navim facit, navis erit dominus, ſi ex alienis tabulis, materiâ navis proximâ, non item. l. 26. D. de Acquir. domin. l. 61. D. de Rei Vind. vid. Connan. 3. comm. 6. n. 3. Lycam. 7. Eclog. 3. 5. Bronch. cent. 3. aſſert. 79. Olemann. diſp. 9. n. 19. & ſeqq. in object. & reſol. Harprecht. p. 1. diſp. 11. theſ. 13.

Sic iſdem, qui ex alterius lanâ nondum præparatâ veſtimentum facit, ejus cenſebitur dominus. d. l. 26. E contrario qui ex alterius lanâ præparatâ, id eſt, ex alterius panno veſtimentum fecerit, non hic faciet ſuum. l. 12. §. 3. D. Ad Exhib. Multo minus qui alterius lanam purpurâ infecit, dominium rei mutabit. l. 20. in fin. D. de Acquir. domin. Sicuti qui ex alienis ſpiciſ frumentum excuſſit, non ſuum fecit frumentum, quod non fecerit ſpeciem, verum eam, quæ ibi erat, detexerit. l. 7. §. 7. verb. videntur. D. Acquir. domin.

Cui non obſt. §. 25. hic. verb. ut ecce. Nam quod de ſpiciſ ibidem additum, exempli tantum loco ſcriptum, non ut deſignetur ejus eſſe ſpicas, qui eas excuſſit. Niſi quiſpiam cum Hoſſero in notis, reſpondere malit, in inſtitutionibus multa dici rudius, quæ in digeſtis accuratius traduntur. Arg. §. 4. in fin. Inſtit. de Teſtam. Milit. ubi vid. mea notata.

Hiſce præmiſſis ſequentes obſervabuntur regulæ circa ſpecificationem.

1. Species ita cedit bonâ fide ſpecificanti, ut tamen materiæ domino teneatur actione in factum, legi Aquiliæ accommodatâ, quâ petat materiæ amiſſæ, ſeu extinctæ pretium. l. 11. D. de Præſcript. Verb. l. 23. §. 5. verb. idſoque. D. Rei Vindic. Equum enim non eſt, quempiam cum alterius jacturâ fieri locupletioſiorem. l. 14. D. de condiſt. indeb.

2. Species quæ reduci poteſt ad rudem materiam, uti ſit in artefactis ex auro, argentoſe, ejus efficitur, qui erat materiæ dominus, qui eam vel actione ad exhibendum, quamdiu forma manet, vel rei vindicatione, ſi forma ſit extincta, revocare poterit. §. 25. hic.

Non obſtante l. 24. D. de Acquir. domin. ubi particula negativa virgulis incluſa delenda eſt, & cum Haloandro affirmativa lectio retinenda.

3. Species ex communi materiâ, id eſt, meâ & tuâ facta, ſi ſeparatio fieri

fieri nequeat fit bonâ fide specificantis, id est, existumantis justo errore communem materiem esse sibi. §. 26. hic. Sic tamen ut alterius partis domino adversus specificantem pro rei æstimatione in factum detur actio. l. 23. §. 5. verb. ideoque. D. Rei Vindic.

4. Species ex alienâ, vel communi materiâ facta malâ fide, si quidem ad eandem materiam reduci nequeat fit specificantis. Ut tamen actione furti & conditione furtivâ is, qui speciem indidit, conveniri possit. §. 27. hic.

§. 27.

Explicatur Accessio in specie.

Sic tamen alienam purpuram.] Ad industriallem accessionem in genere, refertur accessio in specie. Quæ licet eo nomine sit acquirendi ratio naturalis, quâ res quædam tanquam minores, propter prævalentiam majoribus cedunt, industrialis tamen est accessio, quia non naturâ, sed operâ nostrâ, quod alienum est, nostro adjicitur. Talis est accessio meæ purpuræ, forte limbi aut fimbriæ purpureæ, alieno insertæ, vel mei auri, purpuræ alienæ intexti; sive quod intextum separari possit, sive non; nam separari quandoque posse nemo negaverit. Arg. l. 6. D. Ad Exhib.

Circa quem acquirendi modum subsequentes regulæ observabuntur.

1. Accessio cedit rei, cui adjungitur, nec interest plus sit in re quæ jungitur, quam est in re, cui jungitur, sicuti nihil interest, an quæ jungitur sit pretiosior, an vilior. §. 27. hic. l. 34. D. de Contr. Empt. Cum enim quærinus, quid cuique rei cedat, semper illud spectamus, quid cujus rei orandæ gratiâ adhibetur, non quid sit pretiosius. l. 19. §. 13. & fin. D. de auro arg. & vestim.

2. Accessio bonâ fide facta ita cedit rei, ut tamen si possit separari à re cui juncta est, prior dominus ad exhibendum actione experiri valeat. l. gemma. D. Ad Exhib. l. 23. §. item quæcumque D. Rei Vindicat. junct. l. 27. §. fin. D. de Acquir. domin. Per quam factâ separatione, quasi res mea quondam revixisset, actio rei vindicatoria intentari poterit. l. 1. D. Ad Exhibend.

3. Quod si res bona fide juncta rei alterius, separari ab eâ nequeat, actione in factum prior dominus rei suæ æstimationem consequetur. l. 23. §. 5. verb. ideoque. D. Rei Vindic. Vel etiam conditione adversus eum experietur, qui licet bonâ fide junxerit, cum meo tamen detrimento factus est locupletior. Arg. l. hæc conditio. D. de condit. indeb. Quo modo accipi velim verba finalia hujus §. 27. *rem ab omnibus possessoribus condici posse.* Quod cum de furtivâ conditione accipi nequeat, quæ in bonæ fidei possessionem non datur, illa personalis, quam generalem appellat Zoësius, ad-

mit-

mittenda erit. Hofferus in not. hic. Sic ut hallucinetur Bacchovius, qui cenfet nonnisi de furtivâ hic agi conditione, quæ detur adversus fures, *aliosque Possessores*, uti hoc explicat, furibus similes. Neque enim conditio furtiva datur, nisi adversus fures, eorumque hæredes tit. D. de condict. furtiv.

4. Accessio malâ fide facta si sit rei separabilis, quia non facit rem videri omnino consumptam, ita jus accessionis tribuet, ut tamen agi ad exhibendum, & ita res vindicari, vel etiam actio furti intentari possit. §. 27. hic. l. gemma. D. Ad Exhib. Quod si res sit inseparabilis, etiam ad exhibendum dabitur actio, tanquam adversus eum, qui dolo possidere desit. l. 1. 2. D. de Tign. junct. l. 9. §. 3. D. Ad Exhibend. Insuper conditio dabitur furtiva, licet res sit extincta, adeoque amissum dominium. d. §. 27. hic.

Unde quæsitum, num etiam mala fides jus accessionis gignat? *Resp.* Licet plerique hic dissentiant, ita tamen statuendum videtur, non quidem ipsam malam fidem jus aliquod gignere, sed factum adjunctionis, quo naturaliter aliquid illi acquiritur, qui suo quid jungit. Regula enim naturæ est, ut toto pars contineatur, & quod additum est, toti cedat. l. §. 27.

Neque hisce obstat. §. 27. in fin. hic. ubi conditio furtiva, quæ nonnisi domino competit, ei conceditur cujus res malâ fide alterius rei juncta fuerat. Nam ideo soli domino furtiva conditio dicitur competere. l. 1. D. de condict. furtiv. ut excluderetur is cujus interest, licet dominus non fuerit, cui nonnisi furti competit actio, non vero ut excluderetur ille, qui dominus fuit, & dominium sine suo facto, aut culpâ, per jus gentium amisit. Johann. Faber. Zoef. hic.

5. Si res juncta alterius rei, quondam existat separatim, prior dominus eam tanquam suam vindicandi nanciscitur potestatem. Arg. §. 30. Instit. hic. Cum enim per adjectionem dominium alterius rei adquiratur, necessum est, ut per disjunctionem ejus dominium amittatur: quod sublatâ causâ, cesset ejus effectus.

Excipitur nihilominus casus l. 23. §. 5. D. de Rei Vindic.

An quia materiæ confusio facta, sicut separatio præcise fieri nequeat? Verum ita non foret à regulâ exceptio. An potius, quia ratione confusio nis ita censetur extincta, ut non videatur reviviscere posse? In quam sententiam, ut probabilior, lubens inclinarem.

6. Si pars juncta, rei cui jungitur, sit æqualis, neque una alterius ornandæ gratiâ sit adhibita, pretiosior ad se trahet minus pretiosam. Quod si utrinque sit æqualitas, & par ratio, neutra neutri cedit. l. 27. D. de Adquirend. domini.

Confusionis modus *describitur*.

S*I duorum materiae.*] Species accessionis in genere est confusio, ubi quidem nova præcise species facta non est, (tum enim ad specificationem hic modus referretur, quod adversatur ordini) corporum tamen liquidorum, & quæ igne liquefcunt, talis est coitio atque unio, ut ab invicem nequeant, saltem nonnisi difficulter, separari. Quâ ratione quasi nova species facta videtur, sic ut propter affinitatem (nec aliter Tribonianus inadvertentia excusari potest) huius §. 28. agentis de confusione, cum §. 25. tractante de specificatione, inter confusionis exempla de vino & melle agatur, quod etiam ad specificationem in d. §. 25. refertur. Hâc tamen adhibitâ distinctione, quod in d. §. 25. de vino & melle alieno, hoc autem §. 28. de vino & melle communi materiâ, sit sermo. Licet nihil intersit respectu specificationis, tota materia sit aliena, an communis. §. 26. hic.

Regulæ naturam confusionis explicantes sunt hæc.

1. Si confusio duorum voluntate sit facta, vel casu, & res confusæ nequeant separari, aut nonnisi difficulter, corpus sit commune, sic ut iudicio communi dividendo partes sint repetendæ. §. 28. in fin. verb. *idem juris esse*. Instit. hic. Quæ verba legenda sunt affirmative, sicuti ea legit Cajus in l. 7. §. 9. D. de Acquir. domin. l. 27. D. eod. l. 5. §. 1. D. de Rei Vind.

Nam si duorum voluntate facta sit confusio, ex consensu corpora communicata censebuntur. §. seq. hic. sin vero casu, naturæ necessitas hanc suavit communionem, quæ sæpe nobis in sciis accidit. Cum enim confusa corpora ad pristinâ causam reduci nequeant, ea communicari necessum erat, ne quis cum alterius jacturâ locupletaretur. l. 206. D. de Regul. jur.

2. Si confusio voluntate dominorum vel casu non sit facta, verum alterius facto interveniente, qui cum res suâ vel alienâ, rem alterius bonâ fide confudit, sic ut separatio fieri nequeat, is totius massæ dominus efficitur. §. præced. hic. l. 5. §. 1. D. de Rei Vindic. Sic tamen ut materiæ domino in factum actio, ad rei æstimationem, vel condictio, ad exemplum specificationis bonâ fide factæ, competat. l. 66. D. Condict. Indeb. l. 23. §. 5. D. Rei Vindic.

3. Si quis rem alienam cum suâ confuderit, vel duo corpora aliena inter sese, idque malâ fide, is propter confusionem fiet dominus. Ita tamen, ut priori domino si corpora ab invicem facile separari possint, ad exhibendum detur actio, præter actionem furti, & furtivam conditionem. l. 6. D. Ad Exhib. Quod si separari nequeant, vel nonnisi difficulter, locus erit actioni & conditioni furti, non item ad exhibendum. l. 23. §. 5. D. de Rei Vindic.

Ne-

Neque obſt. l. 5. §. 1. D. eod. Ibi enim de utili vindicatione, vel extrinſecus exhibendum actione ſermo eſt, in quantum dolus facit rem extare, quæ tamen eſt extincta. l. 9. in princ. D. Ad Exhibendi. l. 1. in fin. & l. 2. D. de Tign. junct. Vel ſi cui hæc reſponſio minus arrideat, dicam in obſectis l. 5. proponi caſum, quo duo corpora ſunt commixta, qui caſus ad §. ſeq. explicabitur.

4. Quod ſi nova ſpecies, vel quaſi per conjunctionem non ſit effecta, & neutra alteri cedat acceſſionis vice, cujuſque quiſque dominus remanſit, atque adeo cuique ſalva in rem ſuam erit actio. l. 5. §. 1. D. de Rei Vindic. l. 27. D. de Acquir. Domin.

§. 29.

Commixtio à Confuſione diſtincta.

Quod ſi frumentum Titii.] Commixtio eſt alius acceſſionis modus, à confuſione ſeparatus. Quandoque tamen in laxiori ſignificatione, & confuſionem complectitur. l. 5. §. 1. D. de Rei Vindic. Hic commixtio ſtrictius accepta, eſt corporum non liquidorum, quæ ita inter ſeſe miſcentur, ut ſingula maneat diſtincta, propriam retineant ſuperficiem & ſpeciem, ſic ut ſeparari poſſint. Cujus modi ſequentes obſervabuntur regulæ.

1. Commixtione utriuſque domini conſenſu factâ, res fit communis, & cuique communi dividendo competit actio. §. 29. hic. l. 5. in princ. D. de Rei Vindic.

2. Commixtione vero caſu, vel alterius factò eveniente, vendicandæ rei ſuæ actio ſingulis competit dominis, nec quod commixtum eſt, efficitur commune. d. l. 5. in princ. & §. 1. l. 12. §. 1. D. de Acquir. domin. Non magis enim corpora iſto caſu communicantur, quàm ſi pecora Titii tuis permiſſa corporibus communicarentur: Dominii equidem ratione nihil intereſt, quod utrobique eadem maneat corpora. Multum tamen intereſt reſpectu perſecutionis iſtorum corporum. Nam in pecoribus commixtis vindicandi tantum in rem actio intentatur, quia facilis eſt ſeparatio. In frumento commixto vindicando præter in rem actionem, etiam opus eſt officio judicis, qui circa cujuſque partis quantitatem & qualitatem arbitrabitur: mixtorum enim ſeparatio eſt impoſſibilis, ut talium rerum commixtio vim confuſionis habeat, eique ſi domini ſpectemus adquiſitionem, comparetur. §. 29. in fin. hic. Quo forte nomine in l. 78. D. de Solut. dicitur, commixtos nummos, quando diſcerni non poſſint, fieri accipientis. Niſi quiſpiam malit in d. l. 78. exceptionem tradi, quod in nummis quantitatis, id eſt, valoris, non qualitatis vel bonitatis corporis habeatur ratio. l. 94. §. 1. in fin. D. de Soluti.

§. 30. 31.

Inædificatio explicatur.

Cum in suo.] Est alia species accessionis naturali rationi conveniens, quæ dicitur inædificatio. Quando quispiam in suo solo, ex alienâ materiâ, idque sine voluntate domini materiæ, ædificat. §. 30. hic. l. 63. D. de Donat. inter vir. & uxor. Vel etiam vice versâ ex suâ materiâ in alieno extruit ædificium. §. 31. hic. Circa quem modum adquirendi sequentes regulæ sunt observandæ.

1. Qui in suo solo ex alienâ materiâ ædificat, totius ædificii fit dominus. Quicquid enim solo inædificatur, solo cedit, quod sine solo ædificium stare nequeat. §. 30. hic. Nisi tamen solum religiosum sit, vel sacrum, vel publicum, in quo à privatis posita ædificia solo non cedunt, verum diruuntur. l. 1. D. Ne quid in public. l. fideicommissa. §. si quis illicite. D. de Leg. 3. Nisi itidem ædificium sit mobile vel transfutibile, quod alio transferri potest. l. 60. D. de Acquir. domin.

2. Qui ex alienâ materiâ suo solo quid inædificavit, sive fide bonâ, sive malâ, id est, sive ignorans sive sciens alienam esse materiam, conveniri potest ex ll. 12. tabularum, actione de tigno juncto in duplum. Arg. l. 23. §. pen. D. de Rei Vindic. l. 63. D. de Donat. inter virum & uxor. Idque ne alieno facto jus alterius mutetur in deterius. l. 6. §. fin. D. Quemadm. Servit. amitt. Non tamen vel tigni eximendi habet potestatem, vel facultatem petendi, ut ædificium rescindatur. Quod ita constitutum boni publici gratiâ, ne urbs ruinis deformetur. §. 30. hic. vel publicus aspectus fiat deterior. l. 20. §. 10. D. de Oper. Nov. Nuntiat. l. 2. §. 17. D. Ne quid in loco public. Excepto casu l. fin. D. eod. l. 2. Cod. eod. l. 2. Cod. de Ædif. Privar.

3. Qui ex alienâ materiâ sciens suo solo quid inædificavit, præterquam quod in duplum teneatur, etiam adversus eum dabitur ad exhibendum actio, vel vindicatio, quasi dolo possidere desierit; quæ vindicatio extrinseca, seu potius extrinsecus intentata dicetur, quod non tam rem, quæ extincta est, quam ejus æstimationem, persequamur. l. 1. §. fin. l. 2. D. de Tigno Junct. cui jungatur l. 98. §. fin. D. de Solut. Quæ non tantum ad bonæ fidei, sed etiam ad malæ fidei possessorem est referenda. Quamobrem etiam adversus eum, qui malâ fide junxit, in litem jurari. l. 60. D. de Rei Vindic. & furti actio intentari permittitur. l. 23. §. pen. D. Rei vindic. Estque hoc casu duplum merè penale. Arg. §. 3. de Usucap. & §. 5. de oblig. ex delict. Ut ita servetur differentia inter bonæ fidei & malæ fidei possessorem.

4. Qui bonâ fide tignum junxit, id est, aliquam materiam suo solo inædi-

edificavit, tenetur quidem in duplum, non tamen mere pœnale, sed mixtum, sic ut illi duplo etiam insit rei persecutio. Unde extrinsecâ vindicatione, ut ita loquar, aut ad exhibendum actione non tenetur, cum in eo cesset ille color, ac si dolo malo possidere desierit. l. 1. in fin. l. 2. D. de Tign. junct.

Neque obs. quod l. 12. tabularum de tigno furtivo sit concepta, adeoque qui est in bonâ fide in duplum conveniri non debeat. Quoniam noster §. 30. indistincte loquitur, & de duplo tigni nomine jungentem teneri statuit. Lex autem l. 2. tabularum idco furtivi tigni menimit, quod ut plurimum ita eveniret, non autem ut non furtivum excluderetur. l. 7. §. cum in suo. verb. nec tamen. D. Acquir. Domin. Sneiderwin. hic. Bronch. cent. 2. assert. 76. Harpricht. hic. Bocer. class. 3. disp. 1. thes. 70. Hænon. disp. 4. Instit. n. 11. & disp. 10. Pand. n. 9. litt. D. diss. Cujac. Parat. D. de tign. junct. & 23. obs. 19. Gædd. ad l. tigni. 62. n. 8. D. verb. signific.

5. Quicumque tignum suis junxit ædibus, sive sciens, sive ignoras, tignum semel junctum eximere, vel restituere non debet, adeoque nec dupli præstationem, servatâ inter scientem & ignorantem differentiâ, evitare potest. Nam publicè interest, ne civitas ruinis deformetur, vel publicus aspectus fiat deterior. l. 7. D. de Offic. Præsid. l. 1. D. de tigno junct. l. gemma. D. Ad Exhib. l. cætera. D. de Legat. 1. l. 2. 6. Cod. de Ædific. Privat. Neque hic audio Bacchovium contra expressos juris textus hunc §. 30. allegantem in verbis, *ne quos cogatur eximere tignum*, quasi hinc sequatur ex adverso, ut si tignum eximere velit, illud possit. Nam argumentum à contrario sensu non admittitur adversus alia juris loca manifesta, quæ non permittunt, ut tignum solvatur, ut exemptio tigni in voluntate jungentis, posita non sit. l. 1. D. de tign. junct. l. 98. §. fin. D. de Solut. Cumque effectus ille juris vacillaret, propter quem tignum non eximitur, si jungens tignum dissolvere posset, sequitur non magis jungentem eximere tignum posse, quam materiæ dominum. Quæ enim sunt juris publici, id est, publicam respiciunt utilitatem vel commoditatem privatorum conventionibus immutari non debent. l. 27. D. de Reg. jur. Cujac. 13. obs. 19. Treutl. 2. disput. 20. thes. 6. litt. a. Hænon. disput. 4. Instit. n. 12. diss. Donel. 4. comm. 33. Bocer. class. 4. disput. 5. thes. 19. alique apud Hænon.

6. Qui sciens sciente materiæ domino tignum suis ædibus junxit, actione de tigno juncto non tenetur, verum tigni dominus, nisi tignum donatum esse præsumatur, ad tigni æstimationem procedit. Arg. §. 31. in fin. Instit. hic. Hoc si non fecerit, solum tignum vindicare poterit. l. 63. D. de Donat. inter vir. & uxor.

Neque obstat §. 31. in med. hic. quod in eo agatur de illo, qui in alieno ædificavit.

M m m

7. Ædi-

7. *Ædificio diruto, materiam vel tignum junctum pristinus dominus recuperare poterit, non obstante temporis præscriptione.* l. in rem. 23. §. fin. D. de Rei Vindic. Quamvis enim qui suo inædificavit ædificii factus sit dominus, non tamen materiæ dominus est effectus. Licet ille, qui materiæ dominus esse non desit, quamdiu ædificio juncta est, vel adhæret fundo, eam tantisper vindicare, vel ad exhibendum, quasi existat, agere non possit. Neque enim materia, prout est materia solo inhæret, sed quatenus est ædificium; quo diruto pars soluta per se stare incipit, & ædificii pars esse definit. Non aliter atque area ædificii pars censetur quamdiu integrum manet, ædificium, quod si perierit, area ejus pars esse definit. §. 30. in fin. hic. l. 30. D. Acquir. possess. l. 23. D. Usucap. l. 7. §. 1. D. de Except. Rei judic. l. 68. in fin. D. de Solut. Si tamen materia ædificii diruti sit usucapta, aut fere usucapta, iterumque ædibus juncta, materiæ dominus ejus dominium amisisse censetur. l. 30. §. 1. D. de Usucap. Idem quod obtinebit si dominus materiæ duplum antea tuerit consecutus ab eo, qui ignorans rem alienam suo inædificavit, cui duplo cum in sit rei persecutio, materiam consequi non poterit, per dicta superius. §. 30. Instit. hic. l. qui res. 98. §. fin. D. Solut. Vel si inædificatio cum specificatione concurrat, quo casu potius specificationis, quam inædificationis habebitur ratio, ut materia diruto ædificio, quia novam speciem nacta est, à domino priori vindicari nequeat. Arg. §. 25. Instit. hic.

8. *Quicquid ex suâ materiâ quispiam in alieno solo ædificavit, solo cedit, sive sciens ædificaverit, sive ignorans.* §. 31. Instit. hic. l. 2. D. de Superfic. l. 5. Cod. de Ædif. Privat.

9. *Si quis ex suâ materiâ in alieno solo, sciens esse alienum ædificaverit, in tantum non soli dominum faciet ædium dominum, ut insuper eum materiæ faciat dominum, sic ut domo diruta, prior dominus materiam vindicare nequeat, ut quæ suâ voluntate censetur alienata.* §. 31. hic. l. 7. §. servus meus. D. Pro empt. l. cujus per errorem. D. de Regul. jur. Nisi tamen materiæ dominus probaverit se non donandi animo in alieno ædificasse. l. 2. Cod. de Rei Vindic.

10. *Si qui bonâ fide, id est, cum se putaret esse soli dominum, alterius solo ædificium imposuit, possideat ædificium, habebit ejus retentionem, donec impensæ à domino ædificium vindicante, restituantur; adeoque & exceptionis doli mali utetur remedio, quo dominum soli repellat, qui vult cum alterius detrimento fieri locupletior.* §. 31. hic. l. 2. §. 5. D. de Except. doli mali. l. 29. §. domus. D. de Pignor. Quod si non possideat, actione experiri non poterit, quâ impensas consequatur, quod ei non nisi remedio exceptionis sit consultum. d. §. 31. l. 33. D. de condict. indeb. l. 48. D.

Rel.

Rei Vindic. l. 14. D. de doli mali Except.

11. Si quis malâ fide inædificaverit alieno solo, et si possideat, non deducet, vel repetet, quas fecit impensas. §. 31. hic. Neque enim exceptione doli experietur, ut quæ doli replicatione elideretur. §. 31. in fin. hic. Ut tamen neglecto jure stricto, ex æquo & bono illi permissa sit l. 38. 39. D. Pet. Heredit. impensarum deductio saltem necessarium & utilem, si res non perierit. l. 37. 38. D. & l. 2. 5. Cod. de Rei Vind. vid. Azon. in summ. Cod. Rei vindic. n. 26. Donell. 4. comm. 33. & 20. comm. 7. Facchin. 1. contr. 45. Nicolaum de Passer. in Concil. p. 534. Cujac. 2. observ. 4. & 10. observ. 1. Cædd. ad l. 79. in princ. n. 8. 9. D. verb. signific. Fabrum de Error. pragmat. decad. 26. error. 8. 9. Treutl. vol. 2. disput. 20. thes. 6. litt. b. Molin. ad Paris. gloss. 5. num. 68. 75. 83. 85. Menoch. de Recuper. Possess. Remed. 15. n. 508. & seqq. Honded. 2. consil. 84. Hænon. disp. Pand. 10. n. 10. 11. & disp. 4. Instit. n. 13. 14. 15. 16. Bronchorst. 2. Assert. 26. Lyclam. 7. Eclog. 3.

MORIBUS.

Qui alienum suis ædibus junxit, cessantibus plerisque pœnis legalibus, rei æstimationem excedentibus in factum actione ad pretii persecutionem rei amissæ convenitur. *Vice versâ, qui in alieno malâ fide ædificavit non tantum habet exceptionem, verum etiam ex æquitate actionem, ut vel suam materiam tollat, vel quascumque utiles impensas repetat. Neque enim soli dominus cum ejus damno & detrimento locupletior fieri debebat; nisi tamen cum impensas donandi animo fecisse, per soli dominum fuerit probatum. vid. Covarr. ad c. peccatum, de Reg. jur. in 6. p. 2. §. 6. n. 3. Argentr. ad Britann. artic. 539. gloss. 1. n. 5. Garfiam de Epenf. cap. 1. §. 6. Molin. ad Paris. §. 1. gloss. 5. n. 105. Mornac. ad l. 33. D. condic. indeb. Elbert. Leonin. Emend. juris libr. 4. c. 1. Groenw. ad §. 30. Instit. hic ibique DD. Dessel. in not. ad Zocf. hic. n. 44. 46.

§. 32. 33.

1. Satio & implantatio describitur. | 2. Mores annotantur.

SI Titius alienam plantam.] Sunt & alii modi, quibus beneficio rei nostræ res alterius nobis acquiritur, tales sunt, plantatio & satio, quando una planta, vel incum semen tuo solo immititur, aut vice versa. Quos modos capropter conjungere volui, quod juris regulis, unâ nitantur.

1. Si planta, vel semen in alicujus solo radices egerit, & terrâ coaluerit, solo cedit. §. 32. 33. hic. l. 7. §. fin. D. de Adq. domin. l. 9. §. 2. D. Damn. infect.

Solo enim adnumerandum est, quod eodem continetur. Cumque solo

se teneat, quod ibidem radices egerit, non potest non, ut ejus pars, ejus sequi dominium. l. 17. D. Action. Empti. l. 115. D. verb. signif. Nam omnis fructus non jure feminis, sed jure soli percipitur, & magis jus corporis ex quo percipitur, quam feminis, unde oritur, spectari debet. Ut non feminanti, verum domino fundi, sive ille, sive alius feminaverit, cedat. l. 25. D. de Usur.

2. Si arbor in confinio posita in vicini fundum radices immiserit, sit communis. §. 32. in fin. hic. Nisi tamen è nostro fundo tota habeat originem; tum enim tota nostra erit, quod originem sequatur arbor. l. 6. in fin. D. Arbor. furt. Cæsar. Similem in modum, si vitis tua in meum delapsa fundum, ibidem coaluerit, licet aliquo modo in tuum extremitates radicum immiserit, vel priores immissas retinuerit, tota mea censetur, quod ex meo non tuo fundo jam habeat originem. Qui casus est meo judicio l. 22. in princ. D. Quod vi aut clam.

Adeoque d. l. 22. non obstat nostro §. 32. Quinimo licet mea arbor ex vicini fundo pro parte alatur, si modo ex meo originem habeat, non tamen illi pro parte cedet, d. l. 6. Arbor. furt. cæsar.

Neque obstat. l. 26. §. 2. D. de Acquir. Domin. quæ niti videtur alimentis, in verbis: *credibile est alio terræ alimento aliam factam*. Neque enim in eo solo jurisconsultus fundamentum ponit, dominii, quod arbor alatur alterius terræ alimento, & propterea sit alterius. Verum quod cum ex alienâ terrâ alimentum capiat, credibile sit eam alterius esse factam. Ex ratione, quod arbor regulariter ex alienâ terrâ non alatur, nisi radices ibidem egerit, adeoque in confinio sit posita. Sed tamen, quia evenire poterat, ut alatur ex alienâ terrâ, licet in eâ radices non egerit, dum succus forte alimentarius per fibras radicum, sicuti lac per os sugentis attrahitur, vel desertur (quod tamen per propulsione vel impulsione fieri placet novatoribus, verius nugatoribus) adeoque non ita alatur, ut vicini pro parte efficiatur, ideo statuit, *credibile esse*, ut si alieno terræ alimento alatur, etiam aliena fiat. Quod si perpetuo eveniret, ut evenire deberet, si fundi naturam arbor pro parte sequeretur, unde portionem capit alimentariam, non usus fuisset jurisconsultus voce, *credibile*, (quod hic designat, *probabile*,) verum certitudinis notam adhibuisset, & ut certi & notissimi juris statuisset, arborem quod alienâ terrâ alatur, alienam esse factam.

Non itidem obstat. l. 10. D. de Regul. juris. Quod cum quis sentiat incommo- dum, ut qui vicini arborem pro parte alat, etiam eandem jure dominii pro ratâ possidere debeat. Quoniam hic non agitur de alio adquirendi dominii modo, quam qui est per accessionem, & quidem per implantationem accessionis speciem, Cuique alimenti præstatio eo non refertur,

tur, frustra juris regula in materiâ accessionis allegatur. Præterquam quod regula in casu proposito locum non habeat, cum vicinus nullum damnum ex arbore vicini patiatur, saltem pati non teneatur, cum si radices vicini arbor in suum fundum immiserit, adversus eundem experiri possit, ejus non esse radices immisissas in suum fundum habere. l. 6. in fin. D. Arbor. furt. Cæsar. Quo casu nisi vicinus arborem tollat jussu prætoris, ei cui officit arbor radices exscindere permittitur. l. 1. §. 2. D. Arbor. Cæf.

3. Si tamen quis in alieno solo bonâ fide vel malâ fide sæverit, aut arbores implantaverit, impensas & sumptus repetet, juxta regulas in materiâ inædificationis propositas. §. 33. in med. hic.

Nam eadem fere ratio ferentis & inædificantis in alieno. d. §. 33. l. 9. D. de Acquir. domin. Hæc tamen adhibita cautela, ne quæ de dupli præstatione ratione tigni juncti ibidem dicta, quæ de materiæ dominio, quod amissum non erat, proposita, huc transferantur. vid. Donell. 4. comm. 34. Connan. 3. comm. 6. Hieron. Magium Miscell. 4. c. 7. Cæpoll. de Servit. Urban. c. 8. n. 10. Hottom. 1. obs. 10. Vivium decif. 242.

M O R I B U S.

Jure Saxonico rami ex arbore vicini in meum fundum dependentes, mei sunt, ut mihi liceat eos succidere, vel fructus inde colligere. Lantrecht. libr. 2. art. 52. & Weichbilt. artic. 126. Coppen 2. observ. Pract. 73. n. 29.

Statuto Ultrajeßt. Rubric. 27. art. 21. dimidium fructuum propendendum est commune, nisi dominus arboris ramos reseceat, arbitrio tamen vicini. vid. Christin. ad Mechlin. t. 14. artic. 42.

§. 34.

1. Litteræ cedunt chartæ.

2. Moribus secus est.

Litteræ quoque licet aureæ.] Ut sata & implantata cedunt fundo, tanquam adjunctum subjecto, ita etiam litteræ cedunt chartæ, ut fundamento, quo nituntur. l. 3. §. inter dum. D. Ad Exhib. Unde si quid inscriptum sit chartæ, licet aureæ sint litteræ, & insignis artifex eas scripserit, chartæ cedunt, ad exemplum ædificiû, quod licet pretiosius sit fundo, ei tamen cedit §. 34. hic. Nam superimposita, teste Cajo, inferioribus cedunt. l. 2. Instit. tit. 1. Hinc ad sequentes regulas erit attendendum.

1. Scribens scienter in alienâ chartâ, dominus chartæ etiam scripturæ fiet dominus. l. 23. §. 3. D. Rei Vindic. In tantum etiam, ut nec actionem habeat, si non possideat chartam, nec exceptionem, si possideat, quâ artificii vel operæ æstimationem, si jus strictum intuemur, consequatur. §. 34. in fin. hic. Donandi enim animo id fecisse præsumitur, & habet quod sibi imputet, qui alienæ chartæ sciens quid inscripfit. Argum. eorum quæ dicta §. 30. 31. hic.

4. Qui per ignorantiam in alienâ chartâ scripsit, siquidem eam possideat, expensarum habet repetitionem, oppositâ doli mali exceptione. §. 34. hic. Quod si non possideat, nullo juris civilis remedio juvabitur, licet illi glossa consultum esse velit per in factum actionem, quâ repetat impensas. Neque absurdum cuiquam videri debet, chartæ dominum, etiam scripturæ fieri dominum, si quis forte litteras aureas, vel insignem tractatum in alienâ chartâ scripserit. Non quia singularia exempla jus facere non debent, ut regula tamen locum habeat, à quâ ex æquitate in casu singulari iudex deflectet, uti perperam respondet Bacchovius. Neque enim in casu proposito, quicquam interest, aureæ sint litteræ, an vilissimo humore perscriptæ. Sicuti nihil interest, quid litteris contineatur, quis sensus, quæ materia explicetur, ut hic frustra de viri doctissimi lucubrationibus quærat. Verum tantummodo scripturæ, non liquaminis, quo scriptum, non contenti habetur ratio. Idque vel ex eo colligitur, quod carmen, historia, oratio, alienæ chartæ inscripta, non cedat chartæ domino, ut qui contentum pro suo, citra plagium, vindicare non potest, vel sese ejus auctorem nominare, asserere, laudare. Quo facit etiam, quod chartæ dominus, si suam chartam à Titio possessam repetat, non impensas carminis, aut historiæ, aut orationis solvere cogatur, si suam chartam à Titio repetat, verum solummodo impensas scripturæ. §. 34. hic. Ut non litterarum aurearum, non insignium lucubrationum, verum scripturæ habenda sit ratio.

Quid si tamen scriptura sit adeo artificiosa, adeo elegans, ut picturæ pretiosæ comparari possit? Resp. Licet secundum jura civilia sit statuendum omnes litteras chartæ cedere, quod naturali acquirendi modo convenit, cum litteræ nitidissimæ æque chartæ vilissimæ sint impositæ, atque fordidissimæ chartæ pretiosiori, adeoque tam illæ quam hæc ut superimpositæ cedant inferioribus. Quia tamen iniquum censuit Imperator, præteritâ naturali per accessionem acquirendi ratione, ut pictura in accessionem vilissimæ cederet tabulæ, idem in litteris elegantissimis, quod in picturâ admittendum esse existimarem. Non quidem ex æquitate, sicuti vult gloss. & DD. in l. 9. §. litteræ. D. Acquir. domin. Verum ex paritate rationis in §. seq. proposi. Nam si iniquum est elegantem picturam vilissimæ tabulæ accedere, multo magis iniquum erit exquisitissimam scripturam forte Nobilissimæ Virginis Annæ Mariæ à Schuurmans, (quod inter ejusdem dotes excellentissimas vix laudari meretur) vilissimæ chartæ, quæ tabulâ regulariter centuplo vilior est cedere.

M O R I B U S.

- 2 Idem obtinet in scripturâ de consuetudine, quod jure Romano in picturâ. Unde si in alienâ chartâ quid scripseris, dominus chartæ tantum actione

ne ad ejusdem pretium agere poterit, quod non aliter ejus interesse videatur. Mynsing. alique hic. n.6. Sneiderwin. in not. hic. Grotius 2. introd. 8. Groenw. hic. Dessel. in not. ad Zoef. Instit. cod. n. 58.

§. 35.

1. *Pictura tabulam ad se trahit.*

2. *Non idem de pariete dicendum, cui pictura imposita.*

SI quis in alienâ tabulâ.] Jus singulare in picturâ statuitur, quod etiam r.
à Cajo fuerat observatum in l. 9. §. 2. D. de Acquir. Domin. idque ut
verum fateatur, contra modum acquirendi naturalem, qui est per accessi-
onem. Non quod velit Imperator rem principalem sequi ejus accessorium,
sed quod velit accessorium accipere pro re principali. Cum tamen à picturæ
præstantiâ ratio sufficiens non potuerit desumi, ut ei cedat tabula; cum
pretiosiora aliis intexta, vel imposita, tanquam subiectis cedant, & spectan-
dum sit, quæ res cujus rei ornandæ causâ fuerit adhibita, non quæ sit pretio-
rior. §. 34. Instit. hic. l. 19. §. 13. & fin. D. de Auro & argent. leg. Qua-
propter non immerito Paulus à cæteris jurisconsultis secessum fecerat, qui
secutus modum acquirendi naturalem, voluit rem ei rei cedere, cui superim-
posita est. l. 23. §. 3. D. de Rei Vindic. Nec quicquam in contrarium sua-
det desumpta ab artis pictoriæ dignitate ratio; (de quâ videri poterunt
Plin. libr. 35. c. 10. & libr. 38. c. 7. Tiraquell. de Nobilit. c. 34. à num. 2.)
quod artis præstantia ad modum acquirendi naturalem nihil conferat. Præ-
terquam quod nonnisi aliquo tempore in honore fuerit ars pictoria, ple-
rumque inter viliores artes habita, ut etiam vilissima mancipia, in eâ fuisse
instituta certi juris sit. vid. Lyslam. 1. Eclog. 15. Gædd. ad l. 14. D. de
verb. signif.

Verum an in eximiis noluit Imperator observari regulam, sic ut, si pictura
non sit elegantissima, sed artificis vilioris, ea cedat tabulæ? *Resp.* Quia ri-
dicula res esset, secundum Imperatorem, si Pharrasii, aut Apellis, aut Phidie
pictura, de quibus Quintil. 12. cap. 10. exigui pretii tabulæ in accessionem
cedat, in universum placuisse videtur, ut tabula picturæ cederet, non qui-
dem in gratiam obscuri cujusdam pictoris, verum ne pictoribus eximiis in-
juria fieret.

Quid si ergo pictura egregia in alterius muro fuerit depicta? Eam pa-
rieti cedere statuendum erit, nam quod hic de tabulâ contrâ accessionis
naturam est constitutum, ad consequentias producendum non est. Arg. l.
14. D. de leg. Præterquam quod tabulæ & parietis sit dispar ratio, quia pa-
ries res immobilis & pars ædificii, ei cedit, tamquam pars toti, sic ut à pi-
ctore paries vindicari nequeat, quamdiu ædibus est junctus.

Verum non immerito quis quaesierit, num in Imperatoris fuerit potestate, tale jus condere, ut tabula cedat picturæ? *Resp.* Quandoquidem Imperator rerum naturas immutare non potuit, Arg. §. 2. v. *neque enim id potuit.* Instit. de Usufr. l. 8. D. de Regul. jur. & naturale non tantum est, quod accessorium sequatur rem principalem, verum etiam pro principali habeatur, quod cætera sustinet. Causus libr. 2. Instit. tit. 1. etiam in arbitrio Imperatoris situm non est, ut tabula rei impositæ fiat accessio. Id tamen, efficere potuit, ut licet pictura sit accessio, non tamen cedat tabulæ; id est, effectum illum ordinarium modi acquirendi domini per accessionem impedivit, vel inmutavit. Ut vero hujus accessionis modus sit manifestus sequentibus regulis eundem expedian.

1. Licet tabula cedat picturæ, nihilominus priori tabulæ domino adversus pingentem bonâ fide dabitur utilis rei vindicatio, si tabulam possideat pictor, idque ad tabulæ recuperationem. §. 35. hic. Id quod singulare est in eo, qui rei suæ dominium, sine ullo suo facto amisit. Quæ utilis rei vindicatio non tam vere ex dominio, quam ex quâdam æquitate conceditur. Neque enim verâ duo sunt ejusdem rei domini in solidum, neque intrinsecus rei vindicatione experiri poterunt. Verum non nisi pictor in rei veritate dominus est tabulæ, & alter qui prior erat tabulæ dominus, utili tantum vindicatione experietur, quasi tabulæ dominium, quæ ratione substantiæ mutata non est, penes eum remansisset; quo forte nomine passim in hoc §. 35. *dominus: abula* appellatur. Theophil. hic.

2. Et si prior tabulæ dominus, si non eam possideat, adversus pictorem habeat utilem rei vindicationem; tamen si picturæ pretium solvere nolit, pictore hoc desiderante, doli mali exceptione removeri poterit. §. 35. hic.

3. Si prior tabulæ dominus, qui tabulam non possidet, utili rei vindicatione adversus pictorem experiat, etiam oblato precio picturæ, pictori tamen dabitur electio, an picturæ precium accipere velit, an vero priori domino vindicanti, tabulæ precium persolvere. Nam si pictor ad vindicandam tabulam, dum eam non possidet, directam habet actionem, multo magis ad repellendum dominum priorem, dum possidet, habebit exceptionem. l. 156. §. 1. D. de Regul. jur. Gloss. ad §. 35. hic in verb. *imposuit.*

4. Si prior tabulæ dominus tabulam possideat, dabitur pictori, (qui verâ dominus est, & priori domino præfertur, quando contra tertium possessorem agitur) directa rei vindicatio, ad recuperandam tabulam, modo ejus pretium persolvat. §. 35. hic.

5. Si quis malâ fide alterius tabulæ quid imposuerit, poterit prior tabulæ dominus adversus auferentem experiri actione furti, etiam ad exhibendum, & rei vindicatione extrinsecus, quinamplius furtivâ conditione, quasi dolo possidere delierit. l. 1. 2. D. de Tigno junct. §. 41.

§. 41. & 43.

1. *Traditio definitur.*2. *Ejus varia proponuntur requisita.*

PER *traditionem quoque.*] Explicui duos genericos acquirendi dominiū modos, *occupationem*, & *accessionem*, tertius superest, dicta *traditio*,^{1.} per quam res à domino tradita alienatur, id est, in alium transfertur, quem rem traditam accipientem eo ipso facit dominum. Adeo ut non tam ipsa traditio, si accurate loquamur, quam rei traditæ acceptatio sit dominiū acquirendi modus, ipsa vero traditio inodus dominiū in accipientem transfere-
rendi. §. 41. hic. in princ. l. 20. Cód. de Pact. Vel uti loquitur Ulpianus tit. 19. est modus proprius & per se rerum abalienandarum. Quo nomine à traditione coniungi, sub se comprehendente illas translationes, quæ non sine civilibus Solemnitatibus fiebant, secernitur. Ulpian. d. tit. Et potest traditio in genere definiri, quod sit datio, sive translatio possessionis. l. 3. D. de Action. Empt. Vend. Cujac. 11. obs. 19. Gothefred. in not. ad l. 9. D. de Acquir. domin. Cujus effectus erit, dominiū translatio. l. 15. §. 16. D. de damn. ius. Agitur enim in hoc titulo de modis acquirendi juris gentium, ex quo dominia initium capiunt à possessione. l. 1. in princ. D. de Acquir. Possess. Unde consequitur evidenter, ut si alius rem possideat, eam mihi tradi non posse: neque enim ejusdem rei duo poterunt esse in solidum possessores. l. 3. §. 5. D. de Acquir. Possess.

Ut vero traditione dominium transferatur, resque fiat accipientis, non sufficit nuda traditio, à quocumque, quomodocumque facta l. 31. D. de Acquir. domin. sed varia desiderantur, quæ in sequentibus ordine explicabuntur.^{2.}

1. Ut qui alteri rem tradit ejus rei sit dominus, vel loco domini habeatur, ut tutor, curator, procurator. §. 41. hic. l. 16. Cód. Admin. tutor. Ratio prioris est, quia effectus traditionis est, dominiū translatio, quæ sequi non potest, nisi tradens sit dominus, quod nemo plus juris in alium transfert, quam ipse habet. l. 20. in princ. D. Acquir. domin. Ratio posterioris est, quia quod per alium quis facit, per se facere censetur. l. 1. §. de jecisse D. de vi & de vi armat. Unde procurator, non cui simpliciter, verum cui libera permissa est administratio, ex causâ onerosâ, non lucrativâ, rem tradendo, accipientem faciet dominum. l. 60. 61. D. de Procurat. l. 58. D. eod. §. 43. in fin. hic. l. 28. §. si filius. D. de Pact. Cujac. Pacius in not. hic. & centur. 2. quæst. 27. Treut. vol. 2. disput. 20. thes. 4. diff. Donell. 4. comm. 15. Duaren. tit. de Procur. c. 9.

2. Nec sufficit tradentem esse dominum, nisi insuper habeat liberam rei suæ administrationem. Quâ ratione si rem suam tradat pupillus, minor,

N n n

fu-

furiosus, prodigus, eam non faciet accipientis tot. tit. Instit. quib. alien. licet. Arg. §. 41. in princ. Instit. hic.

3. Ut traditio fiat ex causâ seu titulo justo, id est, ad dominium transferendum, habili. §. 41. in fin. hic. Traditio enim sine causâ ad effectum dominii transferendi pro nullâ habetur. l. 9. §. 4. in fin. l. 31. in princ. D. de Acquir. domin. Nec interest ea causa sit onerosa, qualis est emptio, permutatio, an lucrativa, qualis est donatio, modo adsit aliqua causa ad dominium adquirendum comparata. §. 41. in fin. hic. Ubi sub phrasi, *ex qualibet aliâ causâ*, non intellige quamcunque, verum similem, causâ donationis, vel dotis, ad dominii translationem idoneâ. Neque enim aliâ, atque dissimiles genere causâ id præstant, quales sunt commodati, depositi, pignoratitia, locati. Nec interest causa sit vera, modo habilis & iusta, an putativa, cum & hæc ad dominium transferendum sufficiat. l. 36. D. de Acq. domini. vid. Connan. 3. comm. 7. n. 4. Donell. 4. comm. 18.

4. Ut transferens habeat animum dominii transferendi, adeoque sciat rem esse suam, & ut suam transferat. l. 3. §. 8. D. condict. caus. dat. Id enim rationi naturali convenit, voluntatem domini volentis rem suam in alium transferre, ratam haberi. §. 41. hic.

5. Ut etiam ille cui acquiritur, voluntatem habeat acquirendi; quod invito, ut & consensum non adhibenti, nihil adquiratur. l. 1. §. 3. D. Acq. Poss. l. 69. D. de Regul. jur. Arg. l. 55. D. obligat. & Action.

6. Ut res sit talis, quæ licite transferri possit; quâ ratione dubitabatur, anne stipendaria & tributaria prædia, quæ non libera, (quod onus tributum quod Principi, atque stipendii quod populo velut impositum vectigal pendere provinciales, sic ut pleno jure dominorum non essent), tradi potuerint? Ulpian. tit. 19. l. 27. §. 1. D. de verb. Signif. Et videbatur dicendum quod non, quia provincialium agri res erant nec mancipii, ut ipsi plenum dominium transferre non potuerint. *Nam quoties dominium transfertur ad eum qui accipit, tale transfertur, quale fuit apud eum, qui tradit; si servus fuit fundus, cum servitutibus transit; si liber, uti fuit.* Cicero Orat. de l. Agrar. contr. Rull. l. 11. D. de Evict.

Postquam tamen differentia inter provincialia & Italica prædia sublata est, tam illa quam hæc traditione intercedente transferri poterunt, sic ut pleno jure fiant accipientis. l. unic. Cod. de Usucap. transform. Qui sensus est genuinus §. 41. hic. ut hic frustra aliud quid comminiscatur Hottomannus, à scopo Tribonianî prorsus alienum.

7. Ut vera iusta & vacua possessio transferatur in accipientem: traditionibus enim subintellige, & acceptionibus (excepto casu. l. 16. D. de fund. dot.) rerum dominia transferuntur. §. 41. hic. l. 20. Cod. de Pact. Tiracuell.

quell. in l. si unquam. verb. revertatur. num. 388. Cod. de Revoc. Donat. Connan. 1. comm. 8. Cujac. 11. observ. 19. & 14. obs. 9. Hottom. Illust. quest. 11. Myns. 1. obs. 53. Bronchorst. cent. 3. ass. 61. Hænon. disp. P. 10. n. fin. diss. quoad vacuum possessionem Donell. 4. comm. 19. vid. Azomen in summ. Cod. de fund. dotat. n. 3. Contium 1. disp. 8.

8. Uno etiam in casu, ut interveniat instrumentum, desideratur, puta, si res immobilis ex causâ suffragii, propter impetratum Principis suffragium promissa, tradatur. l. unic. Cod. de Suffragiis.

§. 42.

1. Res venditæ licet traditæ non statim sunt accipientis. | 2. Mores explicantur.

Vendita verores, & tradita.] Quæ hæcenus dicta de traditione, per quam dominium transferretur, ea patiuntur in rebus divenditis exceptionem; quarum dominium non aliter in accipientem transit, quam si pretium venditori solutum sit, aut fides de eo habita, vel alio quo modo idoneo eidem satisfactum. §. 42. hic. l. quod vendidi. 19. D. de Contr. Empt. l. 53. D. eod. Tum vero de pretio fides habita censetur, cum vel dilatio solutioni est adjecta, vel pecuniâ non acceptâ, emptori rem tolli venditor permisit. l. 5. Cod. de Re Judic. Gail. 2. obs. 15. n. 6. Sneydwin. Harprich. hic. vid. Tiraquell. de retract. convent. in fin. n. 77. Costal. in l. 19. D. de Contr. Empt.

Ratio cur in venditione non sufficiat traditio, verum oporteat vel pretium præsentari, vel de eo haberi fides; hæc est; quod cum sub conditione res sit traditâ, non quidem expressâ, verum subintellecâ, ut si de pretio fuerit satisfactum, tum demum dominium videatur translatum: eaque tacitæ voluntatis conjectura, quæ facile bonæ fidei contractibus inesse potest, non tantum de jure civili, verum etiam de jure gentium inesse censetur; non prius voluntas dominii transferendi adesse creditur, quam si de pretio venditori fuerit satisfactum. l. 25. D. de Obligat. & Action.

Ut si cesset ea voluntas, traditio, sicuti in antecedentibus fuit probatum, nihil operetur. Unde etiam consequitur, venditorem licet rem emptori tradiderit, eam nihilominus per judicium rei vindicatorium auferre, vel repetere posse. §. 42. Instit. hic. Gail. 2. obs. 17.

Quod in tantum procedit, ut is, qui se dominum ex causâ emptionis asserit, non ante audiat, quam si probaverit, fidem de pretio, quod nondum persolvit, habitam fuisse. l. 12. l. 15. Cod. de Rei Vindic.

Non obs. l. 8. D. de Publician. Quod ibi de pretio soluto nihil exprimi sit necesse, cum præcipue bona fides possessoris inspicitur, secus quam est

in emptione, ubi traditio inspicitur, quam validam esse oportet, ut dominium translatum esse dicatur.

Uno tamen in casu, licet fides sit habita de pretio, quod illud solum esse debeat, puta in causa argenteorum, dominium non transit. Nov. 136. c. 3. verb. si tamen.

Quid ergo dicendum, si nec emptor fidat venditori, nec venditor emptori? Fiat ab emptore pretii depositio, & caveatur à venditore se rem esse traditurum. Arg. l. 1. §. fin. D. de Edil. Edict. vid. Molin. ad Paris. tit. 1. §. 33. Tulden. ad tit. Cod. qui potior. in pignor. n. 6.

MORIBUS.

2. Licet intervenerit traditio, & fides sit habita de pretio, uno casu de moribus dominium non censetur esse translatum in emptorem; puta, si emptor eo animo merces compara verit, ut venditorem jure suo fraudaret. Id quod colligitur etiam ex evehtu, ut si postero die, vel intra paucos dies cedat foro. Quo casu cæteris debitoris obærat & fugitivi creditoribus ratione bonorum venditorum, quasi non esset translatum dominium, venditor præferri solet. Choppin. de Moribus Paris. 3. n. 8. Gail. 2. obs. 15. n. 7. Grivell. decis. 56. n. 4. 8. Costal. ad l. 7. n. 10. D. qui potior. in pignor. Everhard. consil. 209. n. 9. Moller. 4. Semestr. 18. n. 6. Neostad. Suprem. cur. decis. 5. Christin. ad Mechlin. tit. 7. artic. 8. n. 1. Berlich. part. 1. conclus. 66. n. 50. Anton. Matth. de Auction. libr. 1. cap. 18. n. 14. ibique DD. Consult. jurisc. Batav. part. 1. consil. 222. 245. 253.

§. 44. & seqq.

1. Traditio multiplex est.

2. Quam Moribus requirantur, ut

res immobilis tradatur, explicatur.

1. **I**nterdum etiam.] Traditio est vel vera vel quasi, quæ aliis vel propriè vel impropriè dicta traditio. Illa est rei corporalis mobilis, quasi de manu in manum translatio. Hæc est vel rerum immobilium, quæ tum tradi intelliguntur, cum quis in ædes, aut fundum, eo nomine ut fiat dominus introducit, vel eo animo domini permissus ingreditur. l. 2. Cod. de Acquir. Possess. Vel etiam cum quis glebam terræ alicui tradit, in jure, vel clavibus horrei traditis, id omne censetur translatum, quod est in horreo. §. 45. hic. l. 9. §. item si quis. D. Acquir. domin. l. 1. §. pen. D. Acq. possess. l. 47. D. de Contr. Empt. Ulpian. tit. 19. Quæ etiam traditio quia fit per aliquod signum, quod traditionem repræsentat, Symbolica appellari poterit. l. 74. D. de Contr. Empt. Quo non incongruè referetur, quod tradito instrumento emptionis mancipiorum, ipsa mancipia tradita dicantur. l. 1. Cod. de Donat. Et signatæ trabes, etiam pro traditis, habentur.

beantur, ut periculum statim ad emptorem pertineat. l. 14. §. 1. D. de Pericul. & commod. rei vendit. Impropriè dicta traditio etiam ea est, quæ intervenisse fingitur, vel de jure creditur, licet revera non intervenierit; quæ obtinet in societate universalis, non in ita simpliciter, ubi omnia utrinque continuo communicantur, licet speciatim traditio non interveniat, quod tacita intervenire credatur. l. 1. 2. D. Pro socio. Impropriè etiam traditio locum habet in rebus incorporalibus, juribus & servitutibus, quia ea facta censetur, si scientia vel patientia domini, cujus fundus aut ædificium erat liberum, adfuisse probetur. §. 4. Instit. de Servit. Rust. Prædior. l. fin. D. de Servitut. l. 43. D. de Acquir. domin. Habet insuper locum impropriè dicta traditio, quando rem meam, quæ est apud te ex causâ commodati, depositi tibi vendo, vel dono. §. 44. Instit. hic. Quæ ficta traditio, in quantum fictione brevis manus est facta, appellari potest. l. 9. §. 5. D. de Acquir. Dom. vid. Gloss. §. 42. hic. Hottomann. Illustr. quæst. 12. Gomef. in l. 45. Tauri. n. 45. Chassan. ad Burgund. Rubric. 7. §. 1. Althus. dicajol. 1. c. 15.

M O R I B U S.

Ut procedat dominii translatio, non sufficit traditio vera vel ficta, sed insuper requiritur, ut quæ rei immobilis est, fiat coram lege loci, vel legitimis testibus adhibitis formulis, (sicuti in Gelriâ), prædia ibidem possidentibus, idque per transportum, uti appellant, effectucationem, Scotationem, &c. Coram vassallis autem in curiâ feudali domini, translatio rerum feudalium fieri debet. Quæ si ficta quandoque investituræ impropriæ venit nomine, per hastam, pileum vel vexillum &c. facienda. libr. 2. tit. 2. feud. Immobiliū autem rerum nomine veniunt servitutes atque prædiorum jura, vectigalia, pedatica, decimæ laicales, etiam apud nos clericales, annui quoque redditus nummarii, vel specierum perpetui vel redimibiles super certis prædiis constituti, etiam apud nos constituti super corporibus, vel collegiis, de quibus in sequenti titulo ex professio erit agendum. Burgund. ad Flandr. tract. 4. n. 16. Frideric. Sand. de Effectuat. c. 1. Lambert. Goris in addit. ad c. 3. & advers. 3. cap. 1. & advers. 4. §. 18. §. 21. Christin. vol. 1. decis. 240. 151. Constit. Polit. Holland. §. 37. Grot. 2. introd. p. 5. n. 17. 18. Neost. Cur. Holland. decis. 32. & supr. cur. decis. 41. Groenwew. tit. Instit. de obligat. ex consens. Anton. Matth. de Auction. 1. c. 18. n. 15. ibique. DD. Wassenæer Practijck. c. 9. n. 9. 10.

Si tamen vel pactis antenuptialibus, vel testamento, vel judicio familiarum eriscunda, (convocatis ad hoc utrinque consanguineis, quorum subscriptionem nonnulli desiderant,) communi dividundo, societate conjugali statutariâ, vel dotis aut propter nuptias donationis collatione alicui bona

obvenerint immobilia, translatione coram lege loci opus non est, quod ea omnia vim traditionis legalis contineant. Neostad. Suprem. curiæ decif. 8. Zypæus not. jur. Belgici. tit. de Rei Vindic. Goris ad Sand. de Effestucat. c. 2. n. 34. & de Societ. conjug. c. 1. n. 30. & c. 5. Christin. vol. 1. decif. 362. Consuet. Antwerp. tit. 41. n. 2. Groenw. ad tit. Instit. de obligat. ex conf. Wassenæ Præf. proced. c. 22. n. 58.

Moribus insuper si mulier, vel uxor in iudicio rem suam transferat, comparet cum suo electo tutore, vel curatore, qui olim *mundiburdus* unde belgicum, *monber*, appellabatur. Quod quidem in Gelria ad exemplum juris Saxonici, exceptâ urbe Neomagenfi, non item in aliis provinciis necessarium esse videtur. Frederic. Sand. de Effestucat. 4. n. 10. & seq. Lamb. Goris id ad d. ibid. n. 18.

Quod si per procuratorem res immobilis per effestucationem transferatur, opus est mandato speciali; & quidem in Gelriâ mandato judiciali; etiam extrajudiciali, si in aliis provinciis, ubi usus est notariorum, res peragatur. Frederic. à Sand. de Effestucat. c. 4. n. 3. & seqq. Ubiq; tamen extrajudicialia mandata valent, si sint Principum, Comitum, Baronum, virosum illustrium, atque collegiorum, modo manus subscriptione & sigillo sint munita. Sand. d. cap. n. 9. Lambert. Goris in addit. ibid.

§. 46.

* *Missilia distinguuntur à missionibus.*

H*oc amplius.*] Missilia cujuscunque generis, quæ consules, aut Prætores in vulgus spargunt, fiunt accipientis. Nam qui spargunt ejus sunt voluntatis, ut qui primus ea acceperit; ac si essent tradita, eorum fiat dominus. §. 46. hic. Quem modum propterea non ad occupationem, quod perperam nonnulli volunt, sed ad traditionem referendum esse autumarem. Adest enim voluntas domini transferentis, adest voluntas accipientis, id quod in occupatione non obtinet. d. §. 46. Ut tamen permixta sit aliqua traditioni occupatio, in quantum qui spargit missilia, ea vult esse primi apprehendentis, id est, occupantis. Missilia hæc distincta censerī debent à missilibus seu missionibus, quæ factæ amicis, vel quotannis statis temporibus, vel propter lætum seu prosperum quem successum, de quibus videri poterit Historia sacra in libr. Ester c. 9. v. 19. ubi Drusus in annot. Filefacus de Paræcianis p. mihi 147. Nam illa missilia, quæ in vulgus mittebantur, signum erant majestatis, adeoque non nisi ab iis sparsa, qui aliquam majestatem præ se ferebant, secus quam erat in missionibus, quæ vel à paribus in pares, vel superiores, vel inferiores, amicitiz, officiī causâ factæ, etiam sportulæ appellatæ. Alcuius. 3. dispunct. 17.

Missi-

Missilium vero sparsio per Imperatorem Martianum fuit prohibita, & constitutum ut loco missilium 100. auri libræ sub initium consulatus præstarentur. l. 2. Cod. de Consulib. Quæ constitutio postmodum à Justiniano temperata, ut minutiores numos, & nonnisi. 7. quotannis spargere liceret. Nov. 105. c. 2.

LIBER. II. TITULUS. II.

D E

REBUS CORPORALIBUS ET INCORPORALIBUS.

QUædam præterea res corporales sunt, quædam incorporeales.

1. Corporales hæc sunt, quæ tangi possunt: veluti fundus, homo, vestis, aurum, argentum, & denique aliæ res innumerabiles.

2. Incorporeales autem sunt, quæ tangi non possunt: qualia sunt ea, quæ in jure consistunt, sicut hæreditas, ususfructus, usus, & obligationes quoquo modo contractæ. Nec ad rem pertinet, quod in hæreditate res corporales continentur: nam & fructus, qui ex fundo percipiuntur, corporales sunt: & id, quod ex aliqua obligatione nobis debetur, plerumque corporale est; veluti fundus, homo, pecunia. nam ipsum jus hæreditatis, ipsum jus utendi fruendi, & ipsum jus obligationis incorporeale est.

3. Eodem numero sunt jura prædiorum urbanorum, & rusticorum, quæ etiam servitutes vocantur.

C O M M E N T A R I U S.

I N P R I N C.

1. Res corporales describuntur.
2. Res incorporeales definiuntur, earumque exempla traduntur.

5. Quid Statutorum Scriptores intelligant per Mobilia & Immobilia, docetur.

3. SUM

3. *Sunt quadam Res incorporales, quæ tamen non sunt hujus ordinis.*
 4. *Moribus aliter, atque Jure Romano res dividuntur.*
 6. *Quenam Mobilibus & Immobilibus sint annumeranda, prolixè declaratur.*

1.



Quædam præterea res.] Egit superiori titulo potissimum de rerum corporalium acquisitione; quia vero sequentibus titulis etiam de jure rerum incorporalium, & adquirendi modis est acturus, non sine ratione intermedio loco illam rerum divisionem explicat, quæ est in corporales & incorporales. Quæ quidem divisio à Stoicis accepta, omnes res complectitur, ut non detur tertium. Senec. Epistol. 38. Corporales appellantur, quæ sui naturâ cerni & tangi possunt, idque corporaliter, Tales sunt fundus, vestis, si ut corpus, non ut quantitas, accipiat. l. 15. §. & si vestimentorum. D. de Usufr. Etiam homo in individuo non sub ratione personæ consideratus, quod ita primum juris objectum constituat. in princ. Instit. de jure Person. Non itidem universaliter consideratus, & in abstracto, ita enim non erit objectum sensuum commune. Aurum & argentum rebus itidem corporalibus adnumeratur, in quantum vel factum est vel infectum, non itidem cūsum aut signatum; ita enim in quantitate consisteret, & valore. l. 94. §. 1. D. de Solut.

Dixi, res corporales sui naturâ cerni & tangi posse; neque enim de facto perpetuò cernuntur aut tanguntur, quia forte in profundum demersæ, quæ nihilominus corporales manent. Natura enim magis earum consideranda, quam tangendi difficultas. Arg. l. si quis posthum. D. de Liber. & Posth.

Et quidem corporales in triplici sunt differentiâ, vel mobiles, ut supellex, vel immobiles, ut fundus, ædificium, vel sese moventes, quales sunt res animales, equus, mancipium & c. l. 15. D. de Re judic. l. 2. Cod. de Prætor. Pignor. Quæ si philosophis sint genera, jurisconsultis generalissima, ut animal, si Philosophis species, hisce genera, ut homo, si Philosophis individua, hisce species, ut Stichus, Bucephalus, appellantur. vid. de variis divisionibus Guiljelm. Onciac. quæst. juris Philos. 17. Connan. 3. comm. 2. Althus. Dicajol. 1. c. 1. 2. 3. 4. 18. 19. & seqq.

Secundum Pomponium aliter paulo res dividuntur in tres partes, vel enim uno spiritu continentur, ut homo, equus. Vel ex contingentibus, id est, pluribus inter se coherærentibus, ut ædificium, navis. Vel ex distantibus pluribus, ut grex, legio. l. 30. D. de Usucap. Quæ tamen divisio adeo angusta est, ut ne quidem res corporales, suo ambitu complectatur, tantum abest ut omnes res comprehendat.

Se-

Sequuntur res incorporales, quæ nec tangi, adde, nec cerni corporaliter possunt; ut tamen animo cerni, atque intelligi valeant. Tales sunt, hæreditas, usufructus, & omnes illæ, quæ in jure consistunt; etiam quæ consistunt in quantitate, veluti nummi, quæ jura non sunt, quæque talia non nisi admodum abusive, vocantur. Sunt tamen res incorporales, quia corpora non sunt, cum qui nummos debet, non corpora, sed quantitatem debeat. l. qui hæreditas. 46. D. de condic. indeb. l. si is. 94. §. 1. D. de Solut. l. nam et si. 13. §. fin. D. de Rebus credit. Cumque in jure quantitas corpori contradistinguatur, non poterunt nummi, qui sub quantitate continentur corporibus accenseri, nisi quispiam oppositum ad oppositum, tanquam ad proprium domicilium relatum velit. l. 15. §. 4. D. de Usufr. l. 5. D. de impens. in rem dotal. fact. Et licet quantitas sine corpore consistere nequeat, etiam si formata sit (quæ nummorum qualitas) possit tangi, videri propter additum corpori colorem; quia tamen ipsa non suo verum alieno beneficio in sensus incurrit, & secundum se considerata, externis sensibus non obijcitur, eam rem esse incorporalem vel corporis modum consequetur. Quin imo non aliter atque vestimentum non est sine corpore, licet si ut quantitas consideretur, non sit corpus. l. 15. §. 4. D. de Usufr. Etiam servitutes in se consideratæ res sunt incorporales, prædiorum qualitates, sine quibus non consistunt, non tamen ea propter sunt corpora, vel rebus corporalibus adnumeranda. in fin. hic. l. 1. §. 1. D. Comm. Prædior.

Eadem ratione, licet nummi sine corpore non sint, & usum non præbeant hominibus, nisi in quantum nituntur corporibus, ipsi tamen corporibus & rebus corporalibus non accensentur. Ut qui nummos, qui pecuniam petit, non corpora cogitare debeat, sed quantitatem. l. 94. §. 1. in fin. D. de Solut.

Neque hisce officit, quod pecunia in princ. hujus tituli inter corpora referatur. Quoniam pecuniæ vocabulum adeo latè nonnunquam in jure accipitur, ut omnia omnino corpora complectatur; neque hæc tantum, verum insuper res omnes, tam soli, quam mobiles, tam jura, quam corpora. l. 178. & l. 222. D. de verb. Signif. Rationem hujus latissimæ significationis reddit Augustinus Sermon. 239. *Totum, inquit, quicquid homines possident in terrâ, omnia quorum domini sunt, pecunia vocatur.* & post: *& inde est primum vocata pecunia, ideo quia antiqui totum, quod habebant, in pecoribus habebant, à pecore pecuniâ vocatâ.* Quod si vocabulum pecuniæ strictius accipiat, rei incorporali adnumerabitur, quo sensu in jure corpora pecuniæ opponuntur. l. 5. D. de impens. in res dotal. & l. 3. §. 3. D. Ad Macedon.

Verum aliquis hic merito quæsierit, an non alia multa sint incorporalia, quæ tamen nec in jure nec in quantitate consistant? Resp. Sunt quædam in jure nostro, quæ incorporalia merito appellaveris, in quantum corpora non sunt,

sunt, sed tamen quia rebus non adnumerantur, ut sunt tutela, usufructus, agnatio, ideo nec juribus, nec quantitati adscribuntur. Quod autem spectat Deum, angelos & animam rationalem, licet res sint incorporeales philosophicè loquendo, non tamen prout illa vox *incorporeale* juridicè & forensi modo accipitur. Præterquam quod in jure nostro de rebus agatur, prout adquiri possunt, prout juris sunt capaces, quod de Deo, Angelis, & animâ rationali dici non potest, circa quæ objecta, nec actiones, nec exceptiones, nec ulla judicia exercentur, vel exerceri possunt, quod nullius terreui judicis subest jurisdictioni.

MORIBUS.

4. Res dividuntur in allodiales & feudales & emphyteuticas. Illæ sunt, quæ ita tenentur, ut pro eis neque gratia, neque merces, neque pensio, neque officium aut opera ulla debeatur. Istæ sunt quarum nomine debetur pensio, & melioratio. Hæ sunt, quarum nomine debetur fides & homagium. Hottom. in verb. Allodium. Feudor. libr. 2. tit. 23. Richard. Zouchus descript. jur. & jud. tempor. secundum Consuet. Feud. & Normand. p. 1. sect. 5.

Secundum Normandiæ jura, possessiones immobiles dicuntur scædum, five hæreditas, quæ ab aliquo possessa, de loco in locum transferri non potest. Res mobilis è contrario, vulgariter *Catallum* nuncupatur, Anglis forte *castel*, Belgis, *vee*, *have*. Quia hæc ipsa magnam mobilium partem constituunt; sicuti apud Hebræos omnes serè facultates eorum, in pecoribus consistebant. Zouchus loc. alleg.

Statuta locorum fere ubique, neglectâ corporalium & incorporalium divisione, admittunt divisionem rerum in mobiles & immobiles.

Ubi, quia omnia de quibus in judicio contenditur, vel mobilibus vel immobilibus sunt adnumeranda, prolixè disquisitur, quænam mobilium vel immobilium veniant appellatione? Paucis, quâ brevitate, & facultate potero, omnem attingam difficultatem, & latiore divagandi campum, quibus spatium integrum est, aperiam; etiam aperui in meo tract. de naturâ mobilium & immobilium, ad evidentiam juris statutarii materiam strictim propositâ.

5. In cautela tamen hic præmittendum est non tam sollicitos esse statutorum interpretes, circa res mobiles & immobiles, quæ in se spectatæ, moveri possint, vel non possint. Id enim facili negotio expediretur, quod nemo dubitaverit, quin quæ fixæ sunt, & adhærentes solo, non dimoveantur, saltem non dimoveri possint, quin avellantur, vel destruantur ex parte, cæteras res moveri, & dimoveri posse. Verum huc omnis redit difficultas, quo, cum secundum locorum statuta non alia bonorum sit recepta divisio,

fio,

sio, quam quod alia sint mobilia alia immobilia, reliqua omnia, quæ jure Romano erant generis medii, (quales sunt res incorporales, jura & actiones: l. 15. D. De Re Judicata.) referri debeant? vid. DD. Boër. conf. 3. n. 67. 8. Alciat. & DD. ad l. 93. D. verb. signif. Roderic. Alvarad. de conj. ment. defunct. lib. 2. c. 4. 8. & seqq. Czvall. quæst. 312. Menoch. 4. Præf. 129. 137. 138. Deck. 1. dissert. 11. num. 40. Montan. de tutel. c. 33. num. 160. 161. 177. & seqq. Christ. ad Mechl. tit. 9. artic. 8. & tit. 11. art. 25. & tit. 16. art. 2.

Ut illi quamplurimum hallucinentur, & à scopo & intentione juris, atque 6. interpretum peritorum declinent, qui dum jura Romana, dum statutorum vim non satis assequuntur, in numerum mobilium computari volunt, quæ moventur, vel se movent, vel facile moveri possunt; & vice versâ immobilia censeret ea omnia, quæ soli sunt vel solo adhærent, vel inhærent. Nam indubitati juris est non pauca, etiam si jus Romanum spectemus è numero mobilium in ordinem immobilium transferri, ut cum in materiâ evictionis, alienationis rerum minoris, res mobiles pretiosæ pro immobilibus habentur. DD. ad l. 37. §. 1. D. Eviç. l. 22. Cod. de Admin. tutel. Pinell. ad l. 1. p. 3. n. 28. Cod. de bon. Matern. Montan. de tutel. c. 33. n. 123. & seqq. Perez. Cod. quând. decret. opus non est. n. 1. Insuper res incorporales quæ erant medii generis, in materiâ usucapionis, vel mobilibus vel immobilibus annumerantur. l. fia. Cod. de long. temp. præsc. l. unic. Cod. de Usucap. transform. verb. ideo per præsentem. Idem etiam statutis & moribus locorum obtinere nemo iverit inficias, nisi qui modernos scriptores ne quidem à limine salutavit.

Quis enim nescit, molas fluminibus impositas, de loco in locum facili negotio transferri posse? Eas tamen si minorum in bonis existant immobilibus annumerari statuunt. Pinelli. & Perez. loc. cit. Quas alii disceptantes, & in illo casu, & in aliis casibus ad res mobiles transtulerunt. Tiraq. §. 1. de retract. in gloss. ou aultres. n. 91. Peck. de Testam. conjug. 5. c. 30. n. 2. Berlich. p. 3. conclus. 30. n. 15.

Quis dubitat, quin molæ solo impositæ, solo cohæreant? easdem tamen si multis inundationibus sint obnoxie in ordinem mobilium recipi scribit Angel. in l. non solum. D. Polit. hæred. per l. verum. §. si locupleti. D. de Minor.

Pecuniam rem esse mobilem, etiam facile dimoveri, nemo est, qui ambigat, ea tamen si pupillorum, & ad prædiorum compationem destinata, sicuti forte & illa, quæ ex immobilibus redacta, & ad immobilia destinata, immobilium jure coarctabitur. Peck. de Testam. conj. 5. c. 30.

Arma itidem & machinæ bellicæ in arce vel urbe, siquidem eo destinatæ,

ut ibi perpetuo maneant, unâ cum urbe tanquâ immobilia transire judican-
tur. Tiraq. Peck. loc. cit. vid. de hisce prolixè mea de nat. mobil. & immobi.

Etiâ de omni jure servi adscriptitii, res animales sese moventes, por-
tio fundi censentur, adeoque immobiles, sicuti ipse fundus. l. si quis inquilini-
nus. 112. D. Leg. 1. l. 7. Cod. de Agric. & Censit.

Idem quod de piscibus, si stagno sint inclusi, adhibetâ distinctione post
alios. Arg. l. longe. D. de divers. & tempor. præscript. docet Perkius. 5.
de Testam. conj. 30. n. 3.

Naves itidem majusculæ, quæ aliter mobilium veniunt nomine, in Hol-
landiâ pro immobilibus habentur, ut propterea iis alienatis 40. nummus,
sicuti ex omnibus aliis rebus immobilibus pendatur. Constit. Ordin.
Holland. de ann. 1622. Mart. 10.

Vice versâ, arbores crescentes, quæ solo infixæ sunt, licet naturâ suâ im-
mobiles judicentur, alibi tamen, ut in Flandriâ, legato mobilium venire,
refert Perez. Cod. de Legat. n. 28.

Ut si jus civile, si mores & consuetudines si ultimas voluntates intuea-
mur, quandoque inspectâ causâ finali intentione destinatione & scopo,
statuentis vel disponentis, consideratis quibusdam juris effectibus, ea quæ
moveri possunt in ordinem immobilium recipi, & è contrario, quæ solo
adhærent, vel imposita sunt, vel infixæ, in mobilium chorum transferri,
saltem iisdem comparari observemus. Peckius 5. de Testam. conjug. 30.
n. 3. Choppin. de moribus Paris. 1. tit. 1. à n. 10. Berlich. part. 3. concl. 30.
n. 22. & seqq. Perez. Cod. de Legat. n. 28.

Unde vehementer inter Pragmaticos hæc fuit agitata quæstio, ad quam
bonorem speciem de moribus referri debeant nomina & actiones? Sunt qui
semorâ omni differentiâ nomina & actiones in numerum immobilium rece-
perunt. Gloss. in l. moventium. D. de verb. signif. maximè si sint persona-
les. Speculator de fruct. & interesse. §. 1. verb. quæritur. Bartol. in l. si
conveniret in 2. notab. D. de pignor. actio. & in l. uxori. D. de usufr. le-
gat. & in l. moventium. D. de verb. significat. vid. Titaquell. de retract.
gentil. §. 1. gloss. 7. num. 7. & quæstion. 49. de jure primogenituræ. Schra-
der. de feud. part. 3. cap. 3. num. 4.

Sunt qui actiones immobilibus adhærentes, ejusdem cum immobilibus
volunt esse conditionis, verum adhærentes mobilibus ordini mobilium ad-
scribunt. vid. Bartol. in l. 2. in 2. column. verb. quæro. Cod. ubi in rem
actio. per l. si alien. §. 1. D. de usucap.

Sunt qui distinguunt inter actiones quæ tendunt ad res mobiles, & eas
quæ ad res immobiles terminantur. Ut si ad res mobiles tendant, easque
respiciant, mobiliura lege regantur, si vero res immobiles respiciant, ea-
rum

rum jure censeantur. Ut tamen interpretes per actiones ad rem potissimum eas intelligant, quæ rem afficiunt, adeoque non in personam, sed in rem sunt actiones. Hancque sententiam volunt esse communem, eamque lege Parisiensium confirmatam refert Choppin. vid. Speculator. de restit. spoliati. §. 2. Alexandr. 4. Confil. 92. 111. & 3. conf. 27. Peck. 5. de Testam. conjug. 30. n. 3. Marium Giurbam ad Const. Senat. Melan. c. 12. gloss. 5. part. 1. num. 7. 8. ibique DD. Tiraquell. de retract. Gentil. §. 1. gloss. 7. per totum Gail. 2. obs. 11. 12. Choppin. 1. de Moribus Paris. tit. 1. num. 1. Berlich. conclus. 33. n. 5. ibique DD. Andr. Kolh. ad constit. Marchizæ quæst. 8. num. 4. Christin. 2. decis. 4.

Ut hic perperam quorundam opinionem interpretetur non nemo, qui statuit actiones ad res mobiles tendentes esse mobiles, verum ad res immobiles tendentes pro immobilibus haberi. Et licet asserat id rectè DD. placuisse, & ita usu receptum esse, non tamen hæc in parte ei assentiri potero. Neque enim id omnibus illis placuisse DD. quos plenâ manu in suum transtulit, quivis facile advertet. Neque hoc expressit allegatus ibidem Tessaurus 1. quæst. 2. num. 5. qui dicto loco solummodo mobilium vel immobilium nomen ad jura & actiones referre voluit; & hoc nonnisi dubitantes ex aliis allegat. Nec denique usus communis hanc sententiam probavit, quin potius suasit contrarium. Nam qui ad rem actionem habet, nonnisi personale remedium nactus est, adeoque jus ad rem, non jus in re. Quod per actionem personalem res non sit affecta, ut minus habeat qui actionem habet, quam qui rem ipsam tenet. Ut propterea non similiter de actione, sicuti de re ipsâ judicandum sit: quod improprietatis nota videtur, in l. 15. D. de Regul. jur. apposita, satis superque indicat. Hinc non secundum rei veritatem, sed juris quâdam interpretatione, & fictione, dicta regula procedit, per Gloss. Decium & alios in d. l. 15. Puta, in quantum quod est in actionibus, petitionibus & persecutionibus, in bonis nostris esse videtur. l. bonorum. 49. D. de verb. signif. l. 52. D. adquir. domin. Aliter si veritatem ipsam spectemus, si juris rationes examinemus, minus est actionem, quam ipsam rem habere. l. minus. 205. D. de Regul. Juris. Johann. de Rojas. de success. cap. 30. num. 17. & seqq. Quandoque tamen ad aliquem juris effectum plus continetur actione, quam ipsa re. Nam ipsa personalis actio, etiam quæ ad rem tendit mobilem, spatio 30. annorum extinguitur, licet res quævis mobilis regulariter triennio usucapiatur.

Malim itaque secundum mores variorum, & accuratiores juris interpretes congruenter fundamentis legum civilium, rejectis eorum sententiis, qui hic à nobis dissentiunt, & pondere momentisque rationum destituuntur, adhibitis quibusdam distinctionibus rem omnem componere. Nam qui bene

distinguit, benè docet, secundum illud vulgatum. Et divisim traditum est magis clarum, & magis capax. Joh. Faber. in rubric. tit. Instit. de action. Sneydw. ad §. omnes actiones. num. 1. Instit. eod.

Præmissâ summâ & primâ omnium actionum, de quibus apud iudices de quacunque re quaeritur, divisione, quod quædam sint in *rem*, quædam in *personam* concipiuntur, existimarem omnes regulariter actiones, quæ in personam sunt conceptæ, mobilibus esse adscribendas; adeo quod debitum est ex personali actione, pro mobili habebitur. Ratio in promptu est, quia persona tantum, non res quæpiam immobilis est affecta, vel obligata. Cumque persona stabilis non sit, & facile domicilium transferat, & actio personalis ossibus personæ adhærens, eam sequatur, etiam cum eâ ejusdem quoad hunc juris effectum conditionis & naturæ censebitur. §. 1. Instit. de action. ibique DD. Salicet. in l. cunctos populus. 1. n. 14. Cod. de Summ. trinit. Sneydw. ad tit. Instit. de success. ab intestato. rubric. de success. viri & uxor. num. 37. 38. Rauchbar. 1. quaest. jur. Saxonie. quaest. 17. num. 2. 3. Post Andreæ de Ifernica. c. 1. §. sciendum de feud. cognition. Schrader. de feudis. part. 3. cap. 3. num. 4.

Quæ ipsa ratio est, quod moribus actionum personalium nomine sit sistenda, vel uti loquuntur artestanda persona, quam ubique locorum tales actiones comitantur. Quæ ipsa ratio est, quod personales actiones loci statutis, ubi paterfamilias domicilium habet, quasi essent ibidem sitæ res mobiles, regantur & dirigantur. l. hæres absens. 19. §. proinde. D. de judic. l. debitor. 32. D. de pignor. l. 41. §. 6. l. 44. l. 86. D. de Leg. 3. l. 1. 2. Cod. de rerum & verb. signif.

Quod si quæ jam personales sint actiones, quæ naturam realium actionum imitantur, saltem ad aliquem juris effectum, de iis tanquam de realibus, secundum adhibendam in sequentibus distinctionem, judicium ferendum erit. Tales sunt in jure nostro actiones quædam personales anomalæ, à naturâ personalium in quibusdam recedentes, quod non præcise ossibus personæ adhæreant, verum competant adversus quemcumque rei, de quâ controversia est, possessorem, licet ille nobis non sit obligatus ex contractu vel quasi, ex maleficio vel quasi, sed forte ex aliis causarum figuris. l. 1. in princ. D. de obligat. Talis est actio quod metus causa, personalis in rem scripta, actio ad exhibendum, actio noxalis & si quæ plures ejus conditionis. l. 9. in fin. l. 14. §. 3. D. quod met. caus. l. 3. 4. 5. D. ad exhib. §. 5. Instit. de noxal. action.

Quod attinet actiones reales, eas adhibito distinctionis temperamento, vel mobilibus vel immobilibus adscribemus. Aut enim rem mobilem afficiunt illæ actiones, aut afficiunt rem immobilem; vel ut alii loqui amant,

ten-

tendunt in rem mobilem, aut immobilem. Priori casu, mobiles judicabuntur, & mobilium jura atque conditiones imitabuntur, idque ratione accessionis vel connexionis. Cum enim res mobiles sint affectæ, neque ea loco certo sint affixæ, & leges loci regantur, ubi testator vel dominus habet domicilium; consequetur etiam illas ipsas actiones, mobilium sequi naturam.

Verum posteriori casu, quo actiones dantur in res immobiles, vel eas afficiunt, ut est vindicatio rei immobilis, actio hypothecaria, &c. omnes intra rerum immobilium ordinem recipiuntur. Arg. l. 3. §. 15. D. de vi & de vi armat. Nov. 7. in princ. verb. hæc ergo. Hincque etiam sequentur ductum statutorum loci, ubi illæ res immobiles sunt sitæ. dixi in tract. de statut. concurs. section. 9. cap. 1. n. 11. ibique plenâ manu DD. Quæ sententia sicuti in jure nostro fundamentum habet, ita in foro & praxi nova non est, sed insignium doctorum calculis probata. vid. Tiraq. de retract. gentil. §. 1. gloss. 7. n. 8. vid. Christinzum 2 decis. 3. n. 3.

Utrum vero ea ipsa ad res pretiosas mobiles sit referenda, quasi illæ immobilium jure censeantur, non nonnisi dubitanter assererem. Licet enim per ea quæ in anterioribus sunt adnotata, res pretiosæ ad aliquem juris effectum immobilium sequantur conditionem, non tamen propterea ad omnem juris effectum dicuntur esse immobiles; multo minus actiones in res pretiosas mobiles tendentes in ordinem immobilium assumuntur. Anton. Matth. de Auction. libr. 1. cap. 6. in fin.

Quorundam nihilominus locorum consuetudine ne quidem in rem mobilem tendentes actiones, qualis una est hypothecaria super fundo vel ædibus, immobilium jure regitur. Et ita memini me observasse in consilio quorundam in urbe Bredâ Jurisconsultorum, qui constanti stylo & praxi in agro Bredano id observari respondebant, ut hypothecariæ actiones mobilibus accenserentur; adeoque minorem jure suo curatori tales donasse vel reliquisse actiones, neque eo ipso in perpetuum edictum Carolinum impigisse, quo cautum, ne minor ulla immobilia curatori suo donet, vel ultimâ relinquat voluntate.

Verum exigit hujus materiæ usus, ut de rebus pauca tradam, & omnem circa eos difficultatem in compendium redigam, variorum exhibendo sententias, dein meum sensum exprimendo. Multa de rebus provinciæ & municipatim esse statuta, eaque variantia, refert Choppin. 1. de moribus Paris. tit. 1. num. 23. Ut cujusque territorii leges sint explorandæ, quod quælibet provincia suo abundet sensu, ut alibi loquitur Tiraquell. in materiâ retractus. Ubi vero nihil certi per legislatorem dispositum est, ibi cuique pro ingenii moderamine eam tueri atque stabilire licet sententiam,

quæ

quæ conformiter jufis Principiis, & accuratiorum interpretum juris fententiis, ipfi fuerit vifa probabilior.

Sunt itaque, qui fecuti jus civile, reditus fui naturâ nec mobilibus nec immobilibus adnumerare voluerunt, quod tertiam quam speciem ab illis bonorum differentiis separatam conflituant. Arg. l. 15. §. 2. & feqq. D. de re judicat. Neque enim per fe rerum corporalium veniunt appellatione, ut à mobilibus & immobilibus rerum corporalium differentiis fpecificis removeantur. tit. Inftit. de rebus corpor. & incorpor.

Eftque hæc fententia extra omnem pofita difficultatem, fi accuratè loquamur, & in fenfu juris civilis. Panor. in c. nulli num. 10. de rebus ecclef. non alienand. Tiraquell. gentil. gloss. 6. n. 3. Molin. ad Parif. §. 94. gloss. 1. in verbor. rentes. confit. num. 18. Guitiert. Pract. quæft. 3. quæft. 83. num. 7. & 2. quæft. 146. n. 3. Berlich. 3. concluf. 34. num. 5. ibique DD. Theodorus Reinckinck de retract. confanguin. quæft. 2. in quibus rebus jus protimifcos obtineat. num. 75.

Stante vero ftatuto feu confuetudine, quod quæ sunt vel efle intelliguntur, in ordinem mobilium vel immobilium recipi debeant, diffonæ inveniuntur DD. opiniones, circa redituum fequelas & effectus: neque enim rerum naturæ per legislatoris difpofitionem immutari poterunt. Argum. §. fin. in fin. Inftit. de legitim. agnat. tutel. & §. verb. nec enim potuit. Inftit. de ufuf. l. 2. D. de ufuf. earum rerum quæ ufu. confum.

Secundum jus Saxonicum, reditus cenfufve rei immobilis, mobiles efle fanciuntur, referente Choppino libr. 1. de Motibus Parif. tit. 1. n. 23. qui in reliquâ Germaniâ eofdem immobilibus rebus aflociari fcribit, poft Mynfing. 1. obf. 69.

Hanc fententiam ita Jurifconfulti Germani explicant, quod annui reditus conftituti cum pacto de retrovendendo pro mobilibus in Saxoniâ fint habiti, atteftante Schurff. 3. confil. 72. num. 5. Thoming. decif. 3. num. 9. Item tamen noviffimâ Saxoniz conftitutione abrogatum efle fcribit Koppen decif. 24. num. 10.

Sunt qui reditus infuper habitâ eorum differentiâ immobilibus accenfent, idque in cafu quo fecundum locorum ftatuta res funt vel mobiles, vel immobiles. Quoniam, inquiunt, ut plurimum ex immobilibus debentur. Ita Panormitan. in can. nulli. extra de rebus ecclef. non alien. Tiraquell. de retract. gentil. §. 1. gloss. 6. verb. rentes. num. 4. Schraderum de feudis. part. 3. cap. 3. num. 2. Mynfing. 1. obferv. 69. Montan. de tutel. cap. 33. num. 123.

Sunt qui reditus perpetuos annuatim debitos faciunt immobiles, idque fecundum juris civilis fundamenta, quibus pofitis, & immobilibus debiti,

im-

immobilibus adscribuntur. l. fin. §. præterea. Cod. de jure dotium. l. jubemus 14. Cod. de Sacros. Eccles. Auth. de non alienand. rebus eccles. §. vultigitur. Clement. exivi. §. cumque de verb. significat. c. quærela. de elect. Specul. de restit. Spoliat. verb. sed adhuc. Tiraquell. de retract. gent. gloss. 6. ibique DD. Consuet. Burgund. tit. de retractu. §. 8. Greg. Tholosan. Synt. jur. univers. libr. 1. c. 9. in fin. & 26. cap. 2. vid. Chassan. ad Burgund. §. rubric. de re dit. vendit. §. 1. in princ.

Unde si redditus annui ad tempus modicum constituentur, eos mobilium legibus complectuntur. Alciat. in l. moventium. D. de verb. sign. Gabriel Commun. concl. 6. tit. de verb. signif. conclus. 8. num. 3. Mynting. 1. obs. 96. num. 12. Vincent. de Franchis decis. Neapolitan. 262. num. 7. Rodericus de annuis redditibus. 1. quæst. 3. n. 10.

Quorum sententia tum demum probabilis visæ fuit Gregorio Tholosano in Juris sui Syntagm. libr. 1. cap. 9. n. 6. cum illa pensio ad modicum est duratura, & ex earum est genere, quæ sunt redimibiles; id est, quæ sopiri poterunt & aboleri, redemptione vel restitutione sortis mutuata, vel cum ex iis sunt redditibus, quos Galli appellant, *rentes volantes, constitutées à pris d'argent.*

Ut secus obtinere debeat, & etiam obtineat, si de solari juris censu agatur, quam nominant, *rentes foncières.* Sicuti in Brabantia perpetui census redditus, eodem jure, quo immobilia censentur, referente Choppin. 1. de Moribus Paris. tit. 1. num. 23.

Sunt qui redditus semotâ omni differentiâ in mobilium numerum referunt, per ea quæ tradit Salicetus in l. jubemus. 14. Cod. de Sacros. Eccles. num. 4. in med.

Si hic & meum conferre auium symbolum, non mihi videbitur sine distinctione difficultas posse superari, quæ circa redditus inter interpretes fecit dissensum. Vel enim redditus sunt personales, qui in merâ personali consistunt præstatione, neque rem habent sibi subjectam, aut affectam, è quâ sint debiti; & non aliter atque personales actiones in ordinem mobilium recipiuntur, sicuti etiam legibus mobilium regi debebunt. Andreas de Isernia c. 1. §. sciendum. de feud. cognit. Schraderus de feud. part. 3. cap. 3. num. 3.

Cum enim non nisi in personâ, vel personaliter, uti loquuntur, ad eos præstandos debitor sit obligatus, vel annuatim, vel prout ex conventionē, vel ultimâ voluntate, termini solutioni destinati sunt præscripti. l. 3. §. 5. & seqq. D. de annuis legat. & fideic. adeoque isti redditus activè & passivè personam sequantur; quod indicium est eos mobilium bonorum imitari naturam; personam ubique comitentur, & loci legibus regantur, ubi persona

domicilium habet. Bald. in l. Mercatores. Cod. de Commenc. Gail. 2. obs. 124. num. 8. Consultat. Jurisc. Batavia. part. 3. consil. 196. num. 1. consequetur per evidentem illationem tales redditus mobilium seriei inferendos esse.

Ut enim persona stabilis non est, & domicilium mutando ad se trahit mobilia, etiam alibi sita, per DD. ita etiam redditus sese ad personam obvertent, & tanquam ejus sequela domicilii noviter per eam assumpti jure regentur. Argum. l. 3. §. 13. 15. D. de vi & de vi armat. Neque enim quod sequitur alterius ordinis esse poterit, cum eo quod sequitur; & solet se pedissequa genio & ingenio dominæ conformare; sicuti adjunctum subjectum imitatur, & accessorium naturam sui principalis, per jura vulgata apud DD. in l. cum principale. D. de regul. juris. & Vaz. Barb. Princ. & loc. comun. jur. utriusque lit. a. num. 7.

Dixi, redditus personales, passivè & activè comitari vel sequi personam, id est, & debitorem & creditorem. Debitorem, in quantum ille personaliter est obligatus, ex contractu vel quasi, ex maleficio vel quasi, sic ut isti redditus à persona sint debiti, quæ non nisi personali actione conveniri potest, quod ejus bona non sint affecta. Creditorem, in quantum is non nisi actione personali experiri potest, vel ejus hæres, vel qui ab eo causam habet, cui suam actionem cessit. Etiam, in quantum si agatur de successione in bona creditoris, sequi cogimur loci statutum, ubi creditor defunctus domicilium habuit.

Ad evidentiore autem nostræ decisionis intellectum observandum est per redditus personales non eos intelligi, qui cum personâ cui debentur extinguuntur ad instar usufructus; quales sunt redditus alimentorum per legata vel aliam quam ultimam dispositionem alicui relictorum. Qui sicuti relictus legatarii contemplatione, in quem affectus cadebat, cuique consultum voluerat testator, quoad ille viveret, ita mortuo legatario ad ejus hæredem non transibant. l. 4. D. de annuis legat. l. 22. D. de usu & usufr. legat. Nisi tamen evidens fuisset testatoris voluntas, legatum in annuas pensiones ideo dividendis, quoniam non legatario, verum hæredi prospectum voluit, (puta suo) ne simul ad solutionem urgeretur. l. 12. §. 4. D. quand. dies legat. cedat.

Et si enim tales redditus qui cum personâ extinguuntur quandoque sub nostris personalibus super quibus hic quæstio movetur, contineantur, non tamen eo sensu nostri dicuntur personales. Præterquam quod non omnes alimentorum redditus nostro sensu sint personales, cum etiam ex re immobili, puta fundo vel prædio quandoque sint debiti; sicuti certa quantitas frumenti, ex fundo Tusculano quotannis debetur, dum testator loco demon-

strationis, & quasi in securitatem annui cuiusdam redditus fundum adjecit. l. 13. D. de tritic. vino, oleo. l. 12. D. de aliment. legat.

Insuper notandum est, per redditus personales non eos tantum designari, qui personæ sunt debiti, vel præcisè à personâ. Quoniam & personales appellari merentur, qui debiti ab universitate, modo ex contractu, vel quasi, ex maleficio, vel quasi. l. 7. D. quod cuiusque univers. nomin.

Sicuti propterea universitas vel municipium debiti nomine conventum, missionem in bonorum possessionem quandoque patitur. Arg. l. 15. 16. D. de verb. signif. l. 15. §. 2. sed in vectigali. 27. D. de damn. infect. gloss. in l. 1. §. fin. D. quod cuiusque univ. nomine. Quemadmodum etiam personales appellari merentur, qui ab hæredibus defuncti, templo vel ecclesiæ, vel civitati perpetuo debentur. Quod gentilibus infrequens non erat, ut templo vel civitati redditus relinquerent, (non semper sub hypothecâ bonorum, quasi ea pro eorum præstatione essent obligata,) ab hæredibus obligatis personaliter quotannis persolvendos. l. 21. §. 3. D. de annuis legat.

Ut hic per redditus personales eos solummodo significari velim, qui sunt debiti ratione personalis obligationis, uti loquuntur; qualis est ea, quæ oritur ex contractu, vel quasi, ex maleficiis vel quasi. l. 1. D. de obligat. & action. Tales sunt usuræ, quæ ratione mutuæ pecuniæ quotannis solvuntur, debita propter pecuniam mutuo datam, quæ nonnisi actione personali repeti potest. Et quidem usuræ, debita ex pacto, vel stipulatione, vel morâ, vel per litis contestationem, prout id exigebat natura contractus, ut tamen non nisi actione personali petantur. Quales redditus Gallis constituti dicuntur à *pris d'Argent*. quorum nomine immobilia bona non sunt translata vel affectata. Petr. Gregor. Tholos. Synt. juris univers. lib. 1. c. 9. num. 6.

Tales etiam censentur pensiones, & mercedes à locationibus rerum mobilium, vel etiam agrorum vel ædium perceptæ, vel percipiendæ: quod nonnisi ex contractu sunt debita, adeoque actione in personam petendæ, licet occasione rei, & propter fructus, vel usum præstandæ. in princ. Instit. de locat. & conduct. l. 3. Cod. eod.

Tales insuper videri poterunt redditus, qui à testatore sunt relictæ & ab hærede legatario præstandi, si modo non ex certo fundo, vel bonis immobilibus sint relictæ, ut nonnisi personali actione ad eorum persolutionem constringi potuerit hæres; de quibus forte l. 21. §. 3. D. de annuis legat. & fideic. & l. 16. D. de usu & usufr. & redditu legat.

Tales sunt redditus, alicui promissi, de fundo, si forte fundus gratia taxationis, fuerit adjectus, non ut pro redditibus promissis esset obligatus. Qui redditus quia nonnisi ex obligatione sunt debiti, & personali tantum actio-

ne petendi, non afficient fundum, nec ejus possessorem onerabunt. Ut si fundus ex causâ emptionis à promissore reatuum, in emptorem sit transfatus, sine ullo onere, in eum transeat. Textus est notabilis in l. fin. D. de contrah. emptione. *Lucius Titius promissit de fundo centum millia modiorum frumenti annua prestare pradiis Gaji Seji: postea Lucius Titius vendidit fundum, additis verbis: quo jure, quâque conditione ea prædia Lucii Titii hodie sunt, ita veniunt; itaque habebuntur: Quæ an emptor Gajo Sejo ad præstationem frumenti sit obnoxius? Respondit, emptorem Gajo Sejo, secundum ea quæ proponerentur, obligatum non esse.* Ratio decisionis est in l. 1. §. si hæres. 16. verb. neque enim. D. ad Senatusc. Trebellian.

Confer adhæc omnia quæ hæcenus ad nostræ sententiæ elucidationem adduximus, DD. non omnino à nobis, saltem non à nostris fundamentis recedentes. Zasium de feud. part. 4. n. 10. & seqq. Cravettam consil. 782. n. 7. Schraderum de feud. part. 3. cap. 3. n. 8. Sneiderw. ad tit. Instit. de success. ab intestat. rubric. de success. viri & uxor. tit. 1. n. 38. Gabriel. comm. conclus. tit. de verb. signif. conclus. 7. num. 4. Vultej. de feud. cap. 5. n. 9. in med. Christ. 1. decil. 275. Diff. Tiraquell. de retract. gentil. §. 1. glossi. 6. verb. rentes. num. 12. 13. & vari apud Berlichium 3. conclus. 34. n. 14. 15. 16. qui tu in demum redditus in ordinem mobilium transferunt, cum fors à creditore potest repeti & recuperari. Berlich. d. conclus. num. 34. ibique DD.:

Quæ sententia non tam nostris congrua est moribus; quam quidem juri canonico conformis, quo fors per creditorem nequit repeti, licet in debitoris sit arbitrio eandem in genere quantitatem solvere, per textum generalem in Clement. exivi. col. 7. verb. cumque annui redditus. de verb. signif. Videtur tamen idem Tiraquell. nobiscum facere, & parum sibi constare, ut qui in d. glossi. 6. num. 11. eos redditus mobilibus adnumerat, qui in merè personali consistunt præstatione.

Neque obstat nostræ sententiæ, quod annui redditus usufructui comparentur, qui cum rebus immobilibus accenseantur, etiam redditus iisdem applicandi videbantur. Neque enim omnem usumfructum rebus immobilibus comparari, vel immobilium jure regi, in anterioribus satis superque probavimus, per l. 3. §. 13. §. 15. D. de vi & de vi armat.

Post reddituum personalium explicationem agendum est de redditibus, è rebus debitis, siue illæ sint mobiles, siue immobiles. Et quidem qui debiti sunt è rebus mobilibus, eorum nomine affectis, obligatis, vel translati, proculdubio naturam mobilium sequentur, adeoque mobilibus adscribentur: nam partus sequitur ventrem, filia matrem, & cujus juris est causa, ejusdem etiam juris censetur effectus. Arg. princ. Instit. de ingenuis. l.

1. Cod. de rei vindic. l. 1. Cod. de pact. pignor. Novell. 156. 162.

Quod spectat reditus, qui super fixis & stabilibus corporibus sunt constituti, vel ex iisdem debiti corporibus quæ pro reddituum præstatione sunt affecta & obligata, sic ut ex iis immobilibus sint solvenda quotannis, vel aliter, eos omnes jure merito in immobilium ordinem transtuleris; idque vi & naturæ sui accessorii, quod sequitur ductum principalis. Quo referri debent de jure Romano panes civiles, certæ pensationes militibus debita, propterea rebus immobilibus adnumerata, quia ex eorum collatione, qui possessiones, vel res soli tenebant, adeoque ex ipsis possessionibus, erogabantur. l. jubemus. 14. in princ. Cod. de Sacros. Eccles. Nov. 7. Nov. 88. cap. 2. Nov. 120. cap. 1. Martin. Uran. tom. 1. consil. 2. num. 1. Barbos. ad d. l. 14. n. 6. 8. ita fere, Herbasius rerum quotid. c. 10. in fin.

Non aliter atque in jure feudali, quæ ex arcæ, vel cellario domini præstantur annonæ, (illud feudum *Camera*, hoc *Cayena* appellatur) immobilibus itidem adnumerantur. vid. 2. feudor. 1. & Cujac. in comment. ad libr. 1. feud. tit. 1. in princ. Giphon. in antin. juris feudal. disput. 3. num. 34. & seqq.

Similiter ad immobilia referri debebunt vectigalia, guidagia, portoria, & quæ sunt hujus generis alia. Baldus in c. 2. de feud. cognit. & in §. 1. quæ sint regalia. Decimæ, pensiones, solaria, canones ex immobilibus, ex agris emphyteuticis quotannis debiti. Choppin. 1. de Moribus Paris. 3. Sneider. ad tit. Instit. de success. ab intestato. rubric. de success. viri & uxor. tit. 1. num. 37. 38. post Alciatum in l. moventium. 93. D. de verb. signific. Jafonem & alios in l. sciendum. 15. D. qui satisfacere cogant.

Census ex bonis immobilibus debiti, insuper habitâ distinctione an sint redimibiles, an non redimibiles, an debiti ad tempus, an in perpetuum. Vincent. Caroc. de excuss. bonor. quæst. 44. secundæ part. num. 3. Chafsan. ad cons. Burgund. tit. de retract. §. 8. verb. rentes & censues. vid. Giurbam part. 1. observ. 14. num. 13. & ad Messan. 12. Gloss. 5. part. 1. num. 9. Christin. decif. 213.

In genere omnes super immobilibus tanquam super hypothecâ constituti reditus, & ex iisdem præstandi, in immobilium locum succedunt, sive à lege, sive à testatore in ultimâ voluntate, sive pactione inter vivos, sint constituti, sive judicis officio ex iisdem assignati. Eoque refero varias de Corpore Juris depromptas leges. l. 17. §. 1. D. de annuis leg. & fideic. l. 20. l. 21. in princ. D. cod. l. 17. 22. 38. D. de usu & usufr. legat. l. 85. §. item 4. verb. pro quo. D. de verb. oblig. ibique Bartol. l. 26. D. quand. dies legat. l. 1. codicill. 18. D. de annuis legat. & fideic. l. codicill. 34. D. de usu & usufr. legat. l. 4. l. 22. D. de aliment. legat. vid. Menoch. 2. arbitr. 69.

Everhard. consil. 156. n. 2. Bald. in c. 1. §. sciendum. de feud. cognit. & idem cum Bartol. Jafon. Alexandr. in l. sciendum. 15. §. 34. D. qui satisd. cogant. junct. l. fin. §. fin. D. de contrah. empr. Cravett. consil. 782. n. 3. Surd. decis. 204. num. 1. Joseph. Ludovic. comm. concl. 48. num. 64. Choppin. 1. de moribus Paris. 1. num. 19.

Hancque communem esse opinionem, juri & rationi conformem, dicit Peregrin. 1. consil. 43. num. 9. Nam qui redditus ita debentur ex immobilibus ipsa afficiunt prædia, quæ tacite obligantur, licet id expressum non sit. Bartol. in l. codicillis. 34. D. de usu & usufr. legat. num. 2. vid. Bernhard. Græv. 2. pract. concl. 10. n. 6. Theodor. Reinckinck de retract. quæst. 3. in quibus rebus jus protimis. num. 84. 85. Et sibi ex parte contrarius Tiracuell. illos redditus, qui debentur super re immobili quæ illis præstandis est obligata, immobilibus adnumerat, idque ad aliorum exclusionem. per DD. allegatos in suo tract. de retract. gentil. Gloss. 6. n. 11.

Pensiones insuper ex ærario, munera publica, è quibus stipendia debita, munera hæreditaria, sub pensione annuâ, de regis vectigalibus prædisve aucta, tanquam ex rebus soli, immobilibus adscribit Choppinus, ut propterea in iis sicuti in cæteris immobilibus juri retractus locum faciat. Si tamen fuerit munera non hæreditaria, ea tam diu lege Parisiensium immobilium jure regentur, quamdiu ab officiali possidentur. Choppinus 1. de moribus Paris. tit. 1. num. 19. 33. 36. 37.

Quid autem statuendum sit de redditibus à Provinciis, vel Municipiis, vel collegiis licitis persolvendis, vel præstandis annuatim, non unâ definitione determinari poterit. Qui aliorum hic scrinia compilarunt, præsertim Choppini de moribus quorundam Gallorum differentis, redditusque super dominiis Regis consuetos immobilibus adscribentis. 1. de mor. Paris. tit. 1. num. 23. illi similiter à Provinciis, vel civitatibus debitos redditus, immobilium legibus subjiciunt.

Verum si rem omnem rectâ putemus viâ, & ad incudem legum & rationis omnem causam referamus, dicendum videtur eos omnes redditus, qui non è stabilibus debentur corporibus, quique super Provinciarum, municipiorum, collegiorum bonis non sunt fundati, quorumve nomine bona universitatis immobilia, vel quæ immobilium loco censentur, neque expresse neque tacite sunt obligata, sive pro sorte, sive pro redditibus sortis respectu debitis, sive pro utrisque, in ordinem personalium reddituum esse referendos, per ea quæ allegavi tract. de naturâ mobil. & immob. num. 13. & 14. cap. 9.

Et si enim fiscus sit res stabilis, id est, de quo metus non est, ne fuerit solvendo, ut propterea de jure Romano in causâ judiciariâ non teneatur satisf-

risdare, sicuti nec legatorum nomine, si scriptus sit hæres. l. 6. §. 1. D. ut legat. nomin. caveat: non tamen propterea omnis in fiscum actio, vel petitio, ratione cujusdam nominis vel juris personalis immobilium numero adscribi debebit.

Ne dicam non quæcunque privilegia, vel jura fisci ratio vel patrimonium Princeps habet, applicanda esse civitatibus, aliisque collegiis licitis, quæ omnia privatorum jure reguntur. l. 16. & seq. D. de verbor. signif.

Nam si reditus à civitatibus vel collegiis debiti propterea dicentur immobiles, quia civitates vel collegia corpora sunt stabilia, desumptâ denominatione ab iis, à quibus debentur, consequetur ex rationis paritate, actionem ex quocunque contractu cum civitate vel collegio inito natam, immobilium ordini adscribi. Ut si Collegium, si Universitas Advocato, vel Ministro publico, salarium promittat annuum, vel debeat aureos centum ex pollicitatione, vel ad mercedem præstandam operariis sit obligata, ad omnia prænominata, quæ personalis datur actio, judicari debeat immobilis. Quod cum sit à juris ratione absolum, facile percipimus quosdam perperam confundere reditus super immobilibus & stabilibus corporibus constitutos, & ex iisdem debitos, cum reditibus vel pensionibus ab immobilibus & stabilibus corporibus, id est, à civitate ab universitate promissos vel debitos. Quod illi quidem, non isti semper, immobilium jure censeantur. Id quod proculdubio animadvertit *Tiraquellus*, eorum relutans sententiam, qui quia reditus à fisco vel publico debebantur, propterea eosdem immobilibus bonis adscribebant. *Tiraquell. de retract. gentil. p. 1. gloss. 6. num. 14.*

Existimarem propterea, sequentibus adhibitis regulis, omnem quam commodissime tolli posse difficultatem, si quæ superesse videbitur.

1. Si pro reditibus à Provinciâ, civitate, municipio, collegio cuiquam debitis, vel etiam pro sorte, vel utrisque bona immobilia vel quæ immobilium lege reguntur, sint affecta, vel obligata, & quidem cautionis instrumento, sicuti sæpe fieri consuevit, hoc expressum fuerit, illi reditus immobilium jure regentur. Id quod procedit, si domania vel Provinciæ, vel civitatis in redituum sortisque, vel utriusque securitatem sint oppignorata; non forte si impositiones Communitatis, quæ potius mobilibus adnumerabuntur. vid. *Goris 2. adversar. 3. num. 7. Neostad. de feud. Holland. cap. fin. num. 27. Christin. vol. 1. decis. 127, num. 13.*

2. Si quando Ordinum Provincialium constitutione cautum, vel generali consuetudine inductum, vel rerum perpetuò similiter judicatarum auctoritate probatum est, ut reditus, sive vitales, sive perpetui, à Provinciis vel Collegiis debiti, vel promissi, quoad aliquem juris effectum, vel etiam ad omnem

omnem juris effectum, immobilibus adnumerentur, tum extra dubitationis aleam ea res erit constituta, quod decisione Superiorum finem controversiarum acceperit. Arg. l. 1. D. de Princip. Constit. l. 32. 35. 38. D. de legibus. artic. 12. Ordinac. decisoria Ordinum Ultrajectinorum ann. 1659. April. 14. vid. Burgund. ad Consuet. Flandr. tractat. 2. num. 31.

Non tamen inferendum erit, quando redditus ad aliquem juris effectum immobilibus adnumerantur, captopter eisdem immobiles absolute appellandos, ut per omnia immobilium lege gubernari non debeant. Ita dum secundum præfatam Ordinum nostrorum decisionem redditus immobilibus accensentur, non tamen eorundem translatorum vel abalienatorum nomine quadragesimus nummus solvitur, vel desideratur ut coram lege loci, apud acta, cautionis instrumentum tradatur, vel transferatur, statuendum erit eisdem, respectu illorum effectuum, mobilium legibus gubernari. d. artic. 12.

3. Si quando Ordinum constitutionibus cautum est, ut de redditibus annuis vel perpetuis, vel vitalitiis, à Provinciâ vel Civitate debitis, translatis, vel alienatis 40. pendatur nummus, vel 20. aut 30. ex hæreditate collateralium fisco inferatur, tunc illi ipsi redditus ad eum juris effectum immobilibus adnumerari debebunt. Hanc enim notam esse, & genuinum signum, unde colligere liceat aliquid esse immobile, vel jure rei immobilis censerî, quando certa & evidens decisio in contrarium non extat, quondam in meo tract. de Statut. eorumque Concurfu, fueram opinatus.

Neque me istius opinionis etiamnum poenitet, cum nec cujusquam auctoritas, me magnopere movere possit, ut à suscepta recedam sententiâ, eamque in meliorem reformem. Ratio enim generalis pro me militat, quæ desumpta est à signo, quod indicat signatum, & per quod tanquam per indicium signatum subesse colligitur. Ut cum rei translata nomine debeatur nummus 40. etiam eam immobilem certo indicio colligatur. Arg. l. 1. §. si intelligatur. 6. D. de ædilit. edict. & per jura vulgat. apud Vaz Barbof. Princ. & loci comm. ad litt. S. num. 8. & August. Barbof. de axiom. juris litt. S.

Cum enim Ordinum Ultrajectinorum Constitutione de ann. 1637. Februar. 16. super nummo 30. & 40. cautum sit, ut omnium immobilium nomine, eorumque quæ ibidem immobilibus adscribuntur, (licet sui naturâ immobilia dici nequeant,) ab hæreditibus à latere succedentibus fisco inferretur nummus 30. & siquidem immobilia sint hypothecæ supposita, vel alienata, nummus 40. idque ad exclusionem bonorum mobilium, quæ prædicto oneri non subjacent, quorumve nomine vel 30. vel 40. nummus pu-

blico

blico non infertur, exceptis quibusdam casibus artic. 6. præfatæ constitutionis expressis. Evidenter consequbatur, argumentum, à nummo 30. vel 40. desumptum, stante tali constitutione, tanquam à signo & notâ desumptum, valide concludere. Ut quorum nomine non penditur nummus 30. vel 40. ea ab immobilium ordine sint removenda. argum. articul. 1. dictæ constit. Cui in multis consonat Ordinum Hollandiæ Constitutio de ann. 1598. Decembr. 22. & de ann. 1599. Decembr. 18. Ex quibus constitutionibus, tanquam argumento evidenti colligere intendebam, separandos esse annuos quosdam redditus à Provinciis vel aliis stabilibus corporibus debitos, (quibus abalienatis 40. nummus fisco solvitur, certum indicium eos contemplatione illius effectus immobilium jure censer) ab illis redditibus, qui ab onere nummi 40. sunt immunes; qui propterea mobilium naturam imitantur, & eorum numero adscribuntur.

Nam quando Constitutiones quosdam redditus à privatis debitos immobilibus adnumerant, etiam eo ipso tales abalienari vetant, vel coram lege loci transferri, nisi prius fisco illata sit quadragesima pars pretii, artic. 9. 10. dictæ constit. Ultraj. nec tamen iis redditibus adjiciunt, Provinciarum vel Collegiorum redditus, quorum divenditorum intuitu non penditur certa pretii pars: nihil aliud inferri debebat, quam quod ipsi Ordines, stante tali constitutione, tales redditus in immobilium ordinem recipere noluerint. Nam inclusio unius est alterius exclusio, per jura vulgata apud Vaz. Barbosa. Princ. & axiom. jur. lit. 1. num. 17.

Et ne cuiquam hæc nova videri possit opinio, cogitandum erit, idem quod in tractatu meo de Statut. Concurf. indicaveram, non ubique receptum esse, ut Provinciarum redditus immobilium lege regantur. Non saltem in vicinâ Hollandiâ, ubi omnes illos redditus redimibiles, qui vel ab Ordinibus Generalibus, vel ab Ordinibus Hollandiæ, vel Civitatibus vel Collegiis debiti, tam circa successiones ab intestato, hæreditatis divisionem, seu familiæ eriscundæ judicium, quam circa exequendi modum, mobilium ordini adscribi certum est; non aliter atque omnes aliæ personales, uti loquuntur, obligationes, quæ constitutæ sunt sensu Gallorum, à *pris d'argent*. Atque ita rogati responderunt viri Consultiss. Martinus vander Goes, Johann. van Tongeren, in consilio dato 18. Novembr. 1664.

LIBER. II. TITULUS. III.

D E

SERVITUTIBUS RUSTICORUM ET URBANORUM PRÆDIORUM.

Rusticorum prædiorum jura sunt hæc: Iter, Actus, Via, Aquæductus.

Iter est jus eundi, ambulandi, hominis, non etiam jumentum agendi, vel vehiculum.

Actus est jus agendi jumentum, vel vehiculum. Itaque qui habet iter, actum non habet: sed qui actum habet, & iter habet, eoque uti potest etiam sine jumento.

Via est jus eundi, & agendi, & ambulandi, hominis: nam & iter & actum via in se continet.

Aquæductus est jus aquæ ducendæ per fundum alienum.

1. Prædiorum urbanorum servitutes sunt hæc, quæ ædificiis inhærent: ideo urbanorum prædiorum dictæ, quoniam ædificia omnia urbana prædia appellamus, etsi in villa ædificata sint. Item urbanorum prædiorum servitutes sunt hæc, ut vicinus onera vicini sustineat: ut in parietem ejus liceat vicino tignum immittere: ut stillicidium vel flumen recipiat quis in ædes suas, vel in arcem, vel in cloacam, vel non recipiat: & ne altiùs quis tollat ædes suas, ne luminibus vicini officiat.

2. Inter rusticorum prædiorum servitutes quidam computari rectè putant aquæ haustum, pecoris ad aquam adpulsum, jus pascendi, calcis coquendæ, arenæ fodiendæ.

3. Ideò autem hæc servitutes prædiorum appellantur, quoniam sine prædiis constitui non possunt. nemo enim potest servitutem acquirere urbani vel rustici prædii, nisi qui habet prædium.

4. Si quis velit vicino aliquod jus constituere, pactionibus atque stipulationibus id efficere debet. Potest etiam testa-

stamento quis heredem suum damnare, ne alijs tollat cedes suas, ne luminibus cedium vicini officiat: vel ut patiatum eum tignum in parietem suum immittere, stillicidiumve adversus eum habere: vel ut patiatum eum per fundum ire, agere, aquamve ex eo ducere.

C O M M E N T A R I U S.

- | | |
|---|--|
| <p>1. Cognito genere, demum probe cognoscuntur Species.</p> <p>2. Servitus Rei cum Personæ servitute comparatur.</p> <p>3. Traditur definitio servitutis.</p> | <p>4. Servitutis divisio explicatur.</p> <p>5. Prædia ab usu seu materiâ sunt denominanda.</p> <p>6. An Moribus Venatio in alienis sit jus Servitutis?</p> |
|---|--|



Ebus incorporalibus titulo superiori jura prædiorum, 1. quæ servitutes appellantur, annumeravit, easque hoc ipso titulo explicare aggreditur. Verum, quandoquidem nonnisi cognito genere ejus species probe intelliguntur, Arg. Rubric. & l. 1. D. de Rebus Credit. operæ precium erit, ut quædam in antecessum de servitutibus proponantur, dein earum species explicentur.

Servitus, quæ hujus loci est, non confundenda erit cum eâ servitute, 2. quam libro primo Instit. explicuimus. Nam illa personarum erat, secundum quam res mea mihi inservire dicebatur; hæc rerum est, secundum quam res mea, sive inanimata, sive animata, quale est brutum, vel meum mancipium, alteri inservit, & non domino commoditatem adfert. Est tamen inter utramque servitutem, ut dicatur esse utrobique servitus, aliqua convenientia, in quantum utrobique aliquid est contra naturam. Cum enim natura homines inter se fecisset æquales. l. 32. D. de Regul. juris, effecit servitus personarum, ut is, quem natura non fecerat servum, alterius dominio subjiceretur, quod cujusque inclinationi adversabatur. Cumque res suâ naturâ in hunc finem sit comparata, ut suo domino præberet utilitatem, hic præter dominii effectum, non domino commoditatem adfert. Ut utrobique vel persona, vel res contra naturam, eo quo dictum est modo, servire dicatur. Negari tamen non poterit, quin & in hac ipsâ comparatione sit aliqua disparitas, cum res ad hoc sint à naturâ comparatæ, ut alicujus dominio subjaceant, non tamen hunc in finem comparati sint homines, ut nexu mancipioque sint hominum. §. fin. Instit. de Jure Natur. Gent. Civil. §. 38. Instit. de Rerum divis. l. 2. D. de statu homin. vid. paulo aliter hæc explicata,

apud Duaren. ad Rubric. tit. de Servit. Coras. ibid. Cæpoll. de Servit. 1. cap. 1.

3. Servitus, quæ est hujus loci definiri poterit, quod sit *jus, in re alterius alteri constitutum, quo dominus, quod illi alteri sit commodum, ipsi incommodum, in suo aliquid vel pati vel non agere, tenetur*. l. 15. in princ. & §. 1. D. de Servit.

Dicitur *jus in re alterius*, subintellige, aliquid habendi vel agendi, quo nomine dominium de quo libr. 1. à servitute distinguitur. Nam dominium est *jus*, quod habemus in rebus nostris, servitus est super rebus alienis, quod nemini res sua servire dicatur. l. uti frui. D. Si Usufruct. Petat.

Et quidem *jus constitutum*, quod cum res naturâ proditæ essent, ut suo domino adferrent commoditatem, contra naturam, id est, præter ordinarium illum dominii effectum constituendum erat, ut non domino prodesse, idque in præjudicium veri domini. §. 4. hic. Quâ ratione etiâ designatur servitutē non esse jure communi permissam, sic enim frustra constitueretur, ut quæ illo jure tributa foret. Unde etiam venatio de jure naturæ in alieno concessa, ut quis feram persequatur, servitus dici non potest, nisi ubi fructus fundi in venatione consistit, quo casu personali servituti annumerabitur. Quandoque tamen natura rei vice legis est, & pactionis, ut idem operetur, atque si jure constituta foret. l. 1. §. fin. l. 2. in princ. D. de Servit. & aquâ.

Adjicitur, *quod illi alteri sit commodum*, qui finis est servitutis, in tantum etiam, ut si rerum causam meliorem non faciat, pro non constitutâ habeatur. l. 5. l. 6. §. item longe. verb. quid ergo. D. de Servit. Rustic. Prædior. l. 15. D. de Servit. Quod ita tamen accipiendum, ut valeat servitus, licet in præfenti non sit utilis, modo subsit spes futuræ utilitatis. l. pen. D. de Servit. Aliter d. l. pen. accipit Cujacius, in l. 15. quasi excludat utilitatem, non tamen aménitatem. Verum minus accurate, cum gratiæ aménitatis realis servitus non constituatur. l. 8. D. de Servit.

Dicitur ulterius, *ipsi incommodum*, puta, per se & suâ naturâ, nam quandoque ex accidenti dominus aliquâ juvatur commoditate, ut in l. 1. §. fin. D. Aqua & aquâ pluv. Zoef. D. de Serv. n. 10. diff. Conn. 4. comm. 7. n. 7.

Additur denique, *ut dominus in suo cogatur aliquid pati vel non agere*. Hæc enim servitutum est natura, ut quis quid patiatum vel non faciat. l. 6. §. 2. D. Si Servit. Vindic. Id quod ordinarie procedit, & quidem principaliter, per l. 15. §. 1. D. de Servit. ubi dicitur *ne viridaria tollat*. Quod non significat ea auferre vel deponere, neque enim id esset contra servitutum naturam. l. 12. D. de Servit. Præd. Urban. Verum potius erigere, elevare, deponere. Id quod esset aliquid facere, & non tantum, dominum quid pati in suo. Hæret Gothefred. ind. l. 15. in not. consentit nobis Wissemb. disp. 20. P. volum. 1. num. 8.

Dixi

Dixi *principaliter*. Quandoquidem interdum per consequentiam venit ut qui debet servitutem, aliquid facere teneatur, quod obtinet servitute oneris ferendi, ubi si tua columna meum parietem sustineat etiam teneberis columnam reficere, quo onus impositum commode ferat. l. 6. §. 2. D. Si Servit. Vindic.

Verum quid illud est, quod dominus pati tenetur in suo, idque jure servitutis? *Resp.* Pati tenetur, ut alter utatur servitute, utque hoc faciat alter, sine quo servitus explicari non potest, Arg. l. 2. D. de jurisd. Unde consequitur eum cui iter legatum, permissum esse fodiendo, substruendo iter, facere, etiam reficere, ejusque rei gratia ad loca quæ non serviunt, accedere; nisi nominatim expressum sit, quâ accederetur. l. 11. D. comm. Prædior. l. 21. D. de Servit. l. 3. §. fieri. D. de itinere actuque privat. vid. Duaren. ad tit. de Servit. de defin. servit. Donell. 9. comm. 21. Vultej. 1. jurispr. Roman. c. 63. Govean. r. variar. lect. 15. Connan. 4. comment. 7. Pacium 3. assert. 56. Coraf. ad Rubric. de Servit. n. 6. & seqq. & ad l. 15. D. eod. Hænon. disp. 4. Pand. q. 1.

Præmissâ definitione subsequitur servitutum divisio, in reales & personales. Illæ sunt eadem, quæ servitutes prædiales, cum prædium, eo quo dictum est modo, inservit prædio, seu rei, ut fundus fundo, domus domui. Hæ sunt, quando res aut persona, puta mancipium, (quod tamen ut res seu possessio animata sui domini hic consideratur) inservit personæ. Sic ut denominatio servitutum sit desumpta, in illis à prædio dominante, cujus utilitati cedit, in hisce à personâ dominante, cui res alterius inservit. Mixta servitus nulla datur, ut tamen diversâ consideratione, vel ex intentione & destinatione patrisfamilias aliqua servitus possit esse realis, quæ aliter esset personalis. l. 4. D. Servit. Rustic.

Etiam datur casus, quo persona rei inservit, ut tamen eo ipso non constitutur media quæpiam servitus, quam personalis aliqua obligatio. l. maxia. D. manum. testam. l. Titio. 71. D. Condit. & Demonstr. Hænon. disp. 5. Insit. contr. 1. diff. Cæpoll. tract. de Servit. 1. c. 1.

Prædialium servitutum in hoc titulo habenda est ratio, rejectâ servitutum personalium tractatione in titulos duos subsequentes.

Servitutes prædiorum, seu prædiales, absolute servitutes appellatæ, si in concreto considerentur, sunt prædia qualiter se habentia. l. quid aliud. 86. D. de verb. Signif. l. qui fundum. D. Quemadmodum. Servit. amitt. In abstracto, sunt jura, qualitates, seu conditiones, quibus prædia aliis prædiis subjiciuntur, sic ut unius prædii jus augeatur, minuatur jus alterius. Bartol. in l. 1. n. 2. D. de Servit. Cujac. Parat. D. eod.

Ut in servitute prædiali duo prædia spectentur, unum dominans cui servitus

titus debetur, alterum serviens quod eam debet. l. 34. D. de Servit. Rustic. Et quia prædium vel rusticum est vel urbanum; utrumque res corporalis, immobilis; ideo duplex etiam est servitus, vel urbana vel rustica. Illa, quæ inservit prædio urbano, ut commodius quis inhabitet; hæc, quæ prædio rustico inservit, ad commodiorem fructuum collectionem.

Prædium rusticum est locus fructuum vel pecorum gratia extructus, vel saltem illi fini destinatus; nec interest extra mœnia sit positum, an intra, ruri, an in urbe.

An ergo hortus erit prædium rusticum? Siquidem ædium commoditati sit addictus, non erit; si vero ejus usus potissimum in reditu consistat, rusticum censeri debebit. l. 198. in fin. D. verb. signif. Anton. Matth. disp. 5. de Servit. præd. urban. n. 3.

An molendinum? Quandoque rusticum, quandoque urbanum dici poterit. Arg. l. 4. Serv. Rustic. præd. l. 198. D. verb. signif. Cæpoll. de Serv. Præd. Rustic. Urban. c. 11. n. 8.

Prædium urbanum, appellatur ædificium habitandi gratiâ factum, nec interest ruri ædificetur, an in urbe. §. 1. hic.

An igitur area prædium erit urbanum? Sic affirmandum videtur, per l. 211. D. de verb. signif.

Utroque tamen casu, puta in prædio urbano & rustico destinatio patris-familias erit inspicenda. l. 166. D. verb. signif. l. 4. D. Servit. Rustic. Et ita forte inter sese leges conciliari poterunt, quarum una stabulum dicit urbanum. l. 198. D. verb. signif. altera rusticum. l. 4. §. 1. D. In quib. caus. Pignus, forte ab ædificio separatum; saltem non inhabitandi causa factum.

5. Non igitur prædium vel rusticum vel urbanum à loco, aut situ denominabitur, verum ab usu & officio, quam materiam propter quam aliquid sit appellat jurisconsultus. in l. 198. D. verb. signif. l. 1. D. Comm. Prædior. l. 16. Cod. de Præd. Minor. Arg. l. 166. D. verb. signif. l. 11. D. supell. legat. Gædd. ad l. 198. D. de verb. signific. Bronch. 1. Assert. 95. Olen. disp. 10. n. 18. in object. & Resolut. Hænon, disp. P. 4. n. 4. ibique DD. diss. Donell. de Pignor. c. 4. & 11. Comm. cap. 4.

Verum hic potissimum difficultatem movet Florentinus in l. 211. D. de verb. Signif. ad quam legem an accuratè responderint interpretes, addubitarem. Eundem enim cum Neratio, uti nonnulli censent à cæteris jurisconsultis secessum fecisse, nondum liquet, præterquam quod ea responsio nonnisi desperatis locis quæ omnem medicinam respuunt, sit applicanda. Malim potius respondere, quod licet à materiâ uti loquitur J.C. in d. l. 198. id est, ab usu & fine prædia potissimum sint denominanda, in quotidiano tamen sermone, & quidem paulo liberiori, id admitti posse, & alium admis-

sum

sum fuisse, ut etiam à loco prædia denominarentur. d. l. 211. D. verbor. signif. Cum enim J.C. in d. legis principio dixisset, fundi appellatione omne ædificium & omnem agrum contineri, in usu tamen esse statuit, id est, quotidiano hominum sermone, non juridicè loquendo, *ut urbana ædificia ades; rustica villa dicantur*. Sicque l. 2. D. de Servit. Rust. explicandum esse existimarem, relicto nihilominus cuique suo iudicio.

M O R I B U S.

- Cum de consuetudine venatio non omnibus sit concessa, verum illustribus & nobilibus, sic ut etiam invitis dominis in alienis prædiis venandi jus habeant, qualis isthæc sit servitus, inquiri solet? Respondet Harprich. ad §. 12. Instit. Rerum divis. n. 133. hoc jus per se consistere, sic ut nec servituti reali, nec personali sit adscribendum. Quem sequitur Hænon. disp. 5. Instit. n. 2. & ibique dissentientes refutat. diss. Gail. 2. observ. 66. Zas. 1. Singul. c. 11. & 2. consil. 6. Sebastian. Medic. tractat. de venat. p. 2. q. 2. num. 5.

I N P R I N C.

- | | |
|----------------------------------|------------------------------------|
| 1. Servitutum Rusticarum species | 4. Quid Via? |
| enarrantur. | 5. Quid Aquæ ductus? |
| 2. Quid sit Iter? | 6. An recte per causam artificalem |
| 3. Quid Actus? | ducatur? |

Rusticorum prædiorum.] Species rusticarum servitutum sunt iter, & ctus, via, aquæ ductus, aquæ haustus, pecoris ad aquam appulsus, pecoris pascendi, calcis coquendæ, & arenæ fodiendæ. in princ. & §. 2. hic.

Iter est jus eundi ambulandi hominis, non etiam jumentum agendi vel vehiculum. in princ. hic. l. 1. in princ. de Servit. Rustic. Sive, ut Modestinus definit, qua quis pedes vel eques commeari potest. l. 12. D. de Servit. Rustic. etiam sellâ vel lecticâ vehi. l. 7. D. eod. Igitur, qui habet iter jumentum agere non potest, jumento tamen vehi potest, vel à servis aut ab aliis gestari, & portari. Nihil enim interest suis an alienis pedibus eat. dd. ll. Coraf. ad tit. de Servit. l. 1. Duaren. 1. disput. 21. Cujac. Baro. hic.

Quod licet Hottomanno videatur absurdum, qui loco *jumenti*, hic legendum censet *armentum*, nihil tamen absurdi in se continet. Nisi quis existimet armento potius quam equo corrupti itinera. An non ergo qui habet iter, equum ante se agere poterit, modo sit unicus, & portandi oneribus non deserviat? Ita quidem veliz Bæchovius, sed contra expressos juris textus, qui negant eum, qui habet jus itineris, jumentum ante se agere posse, idque in numero singulari, ut etiam unicus equus removeatur, jumentum species, argumento à genere ad speciem desumpto, quod procedit negativè.

tivè. Arg. §. 2. in princ. Instit. quib. alien. licet. in princ. hic. l. 12. D. Servit. Rustic. Neque usquam textus distinguit, inter jumentum, quod quis ante se agat, & quod oneribus portandis deserviat, cum simpliciter d. l. 7. cum qui habet iter, jumentum ducere posse neget. Ratio cur quis jumento vehi possit, & non ducere vel agere ante se, hæc est, quia distinctio quæ piam servanda erat inter iter & actum. Præterquam quod qui jumento vehitur, ipse eques ire dicatur, sic ut jumentum ejus sit accessio, adeoque licet equo infideat, non equus, sed eques commicare censeatur. d. l. 12. Cum si jumentum vel ducat, vel ante se pellat, non ipse, sed jumentum commicare dicatur, ut homo jumentum sit accessio, non vice versa.

Dixi iter esse *jus eundi, ambulandi*, quæ duo vocabula non sunt inter se confundenda, quod *jus eundi* loquendo accurate, respiciat prædii utilitatem, *jus ambulandi* hominis. in med. princ. hic. Ut tamen cui licet ire, eidem etiam concessum sit ambulare, id est, sæpius in sua vestigia regredi. Cujac. 22. obs. 35.

An ergo qui habet *jus eundi & ambulandi*, etiam *jure spatiandi* gaudet? Non videtur. Nam quod prædio non adfert utilitatem, verum tantum amœnitatis sit gratia, *jure servitutis* non competit. l. 8. D. de Servitut. Quin tamen *spatiandi* *jus personæ* deberi possit, facile concessero. Gothefr. in not. ad d. l. 8.

An qui habet iter, cum aliis ire poterit? Cum necessariis personis, hospitibus, domesticis convivis poterit. Arg. §. 7. Instit. de Usu & habit. l. 2. & seq. D. eod. l. 12. §. 1. verb. jubentibus. D. eod. l. 11. Cod. Commun. Utriusque judic. Coraf. ad l. 1. n. 88. D. de Servit. Cæpoll. d. tract. cap. 1. num. 2.

An qui non habet iter quandoque *jus transeundi* per alienum fundum habere poterit? Quandoque poterit, idque non *jure itineris*, sed *jure personali*, de quo in l. 6. D. de Servit. legat. Sunt tamen aliquot casus apud DD. excepti, quibus etiam non constituta servitute per alienum ire fundum alicui concessum est; de quibus Coraf. in l. 1. D. de Servit. num. 77. & seqq.

3. *Actus est jus agendi jumentum vel vehiculum.*] Actus definitur in princ. hic. & l. 1. l. 12. D. de Servit. Rustic. Dicitur ab agendo, quæ vox non tantum ad animalia in propria & stricta significatione, sed etiam ad alia refertur. l. 38. §. jumentorum. D. Edil. Edict. l. 235. id. verb. signific. l. 12. D. hic. Anton. Matth. disp. 6. de Servitut. n. 7. Agit autem qui minat, voce antiquâ, id est, qui ante se pellit, qui ducit, qui manumrahit, & antecedit, qui trajicit. l. 7. 12. D. Servitut. Rustic. Etiam qui per equos, aliquid ducit vel trahit, puta vehiculum, aut quod est vehiculi instar, d. l. 7. & 12. Connan. 4. comm. 11.

Est

Etsi vero copulative sit accipienda descriptio actus, si ipsum jus agendi respiciamus, sic ut quispiam & vehiculum unâ ducere, & jumentum agere valeat, modo per actus latitudinem duci & agi possit. Quia tamen de facto non semper vehiculum ducimus, cum quod forte actus sit adeo angustus, ut jumentum tantum illac duci poterit. l. 13. D. de Servit. ideo non incommode adhibitâ particulâ disjunctivâ, proposita est definitio. Ut erret Flottomannus, qui hic legendum censet, *non etiam agendi vehiculum*, quasi jus ducendi vehiculi ei non sit concessum, qui actum habet, contra l. 1. D. de Servit. Rust. vid. Cujac. 22. obs. 25. Duaren. 1. disp. 31. Donell. 11. comm. 6. Coras. ad l. 1. D. de Servit. n. 97.

Sed qui actum habet & iter habet.] Qui actum habet, non quidem duas habet servitutes, habet tamen iter per consequentiam, & ex præsumptâ mente paciscentium. in princ. hic. l. 1. in princ. D. de Serv. Rustic. Neque enim debet, cui quod plus est, licet, non licere quod minus est. l. 21. D. de Regul. jur. Hinc ordinarie actus sine itinere non est, nisi tamen ita fuerit conventum. l. 4. §. 1. D. Si servit. vindic. l. 11. §. si quis. D. Except. rei judic. Est enim distincta servitus ab itinere, ut qui actum habet, iter vindicare nequeat. l. 7. & 12. D. de Servit. Rustic.

Neque obs. l. 1. D. de Adim. legat. ubi dicitur actum sine itinere esse non posse; quia intelligenda de eo itinere, quo utimur in actu ad agendum jumentum. Neque enim unquam jumentum agere possumus, vel ante nos pelleri nisi & eamus. Donell. 11. comm. 6. Duaren. 1. disput. 31. Faber 1. conject. 20. Lyclam. 3. Membran. 10.

Via est jus eundi, ambulandi.] Via (intellige privatam) non tantum est jus eundi, agendi, & ambulandi hominis, verum etiam lapidem trahendi, vel tignum, hastamque erectam ferendi, modo ne fructus lædantur. l. 7. D. Servit. Rustic. vid. l. 14. 18. 38. D. eod. Ut actus & via non mediocriter inter sese differant, cum qui actum habet trahendi lapidem, vel tignum, vel hastam erectam ferendi jus non habeat. d. l. 7. Quinimo via non est, nisi vehiculum duci possit, actus etiam intelligitur, licet vehiculum duci non possit, dummodo jumentum agi possit. l. 13. 23. D. Servit. Rustic. Viæ latitudo propterea legitima est, id est, legibus determinata, & certa, ad minimum octo pedum in porrectum, sedecim in anfractum, cum actus latitudo olim fuerit pedum quatuor ad minimum, (sicuti itineris duorum aut trium) ut tamen arbitrio judicis latitudo sit determinanda, si non dicta, vel demonstrata à contrahentibus, vel disponentibus. l. 8. l. 13. §. 1. 2. D. de Servit. Rustic. Gothefr. in not. ibid. Insuper via nominatim & principaliter in se continet iter & actum, sic ut utrumque qui viam habet, vindicare possit; verum qui actum habet, iter in se non continet, nisi tacite, nec tam

jure servitutis, quam quidem ratione commoditatis, sic ut iter vindicare nequeat. l. 4. §. 1. D. Si servit. vindic. vid. Connan. 4. comm. 11. Donell. 11. comm. 6. Coraf. ad l. 1. D. de Servitut. fal. 99. Vultej. 1. jurisprudent. Rom. c. 63. n. 72.

5. *Aqueductus.* Est aqueductus jus aquam ducendi per fundum alienum, puta, ad irrigandum agrum sitientem, idque in usum alicujus prædii dominantis. l. 1. §. 1. l. 2. D. de Servit. Rustic. Unde si non in usum prædii, sed personæ fiat, personalis servitus esse dicetur, & ita accipio l. 14. §. fin. D. Aliment. legat. l. 19. §. 4. D. comm. divid. l. 1. §. 12. D. de Aquâ quot. & æstiv.

Nec interest, unde ducatur aqua, an ex capite ipso, unde nascitur. l. 1. §. caput. D. de Aqua. quot. & æstiv. an per rotam ex flumine, sive ex castello, aquarum publicarum receptaculo per fistulam, aquagium, vel fossam. l. 9. 15. 33. D. de Servit. Rustic. l. 2. D. Comm. Prædior. l. 1. §. 38. D. de Aqua quotid. l. 18. D. Præd. Urb. l. 17. D. Aqua & aqua pluv. Modo non in alium locum quam in & per quem est acquisita, ducatur aqua. l. ex meo. 24. D. Servit. Rustic. l. 1. §. 15. D. de aqua quot. & æstiv. Vel alteri ex nostro aqueductu aqua concedatur. d. l. 24. l. cum essent. 33. §. 1. D. Servit. Rustic. Vitruv. de Archit. libr. 8. c. 7. Donell. 11. comm. 3. Duaren. 1. disp. 52. & tit. D. de aquâ pluv. arcend. c. 3. in fin. Wefemb. Parat. D. de Servit. Rustic. n. 2. Gotheff. in d. l. 24.

6. Non recte tamen aqua è lacu aut stagno ducitur, saltem si ducatur, servitus non erit, quod perpetuam causam non habeat. l. 28. in med. D. de Servitut. Præd. Urban.

Neque obstat. l. 2. D. Comm. Præd. Quoniam in d. l. continetur exceptio, quæ est præter regulam; cum in servitutibus jura desiderent causam naturalem & perpetuam ratione potentiz, non actus, ut tamen per causam artificialem constituta servitus tuitione prætoris, ex æquo & bono debeat. d. l. 2. Duaren. Costal. ad d. l. 28. Cuj. 3. obs. 28. Donell. 11. comm. 3. Bronchorst. 1. Enant. 97. vid. de aqueductu Tessaur. decis. 245. Cæpuli. de Servitut. Rustic. cap. 4. n. 51. Giurb. obs. 61. Coraf. ad l. 1. D. de Servit. n. 120. & seqq.

§. 1.

- | | |
|---|---|
| 1. <i>Quid sint Prædiorum Urbanorum Servitutes?</i> | 6. <i>Quid Fluminis?</i> |
| 2. <i>Quid oneris ferendi Servitus?</i> | 7. <i>Qualis sit servitus non altius tollendi ædes?</i> |
| 3. <i>Quid Tigni immittendi?</i> | 8. <i>Quales & quot servitutes de luminibus?</i> |
| 4. <i>Quid Projiciendi & protegendis?</i> | |
| 5. <i>Quid Stillicidii?</i> | |

P*Radiorum urbanorum.*] Describit hoc loco, quid per servitutes prædiorum urbanorum intelligat, easque *adificiis inhaerere* statuit, id est, *adificiis deberi*, idque ad commodiorem usum inhabitandi. Quæ servitutes in l. 3. D. de Servit. in superficie consistere dicuntur, ad differentiam servitutum rusticarum, inhaerentium solo. Appellatae sunt propterea servitutes urbanae, quod *adificia omnia*, licet in villâ sint *aedificata*, urbana prædia appellantur. Si modo commodioris gratiâ habitationis in villâ constituantur, aliter non item. Arg. l. 4. D. Servit. Rustic. l. 166. D. verbor. signif. Ut in vanum sese torqueant in explicandâ l. 4. §. 1. D. quib. caus. pign. vel hypoth. tac. Alciat. ad l. 66. 198. D. verbor. signif. Donell. de Pignor. c. 4. Cæpol. de Servit. Urban. c. 11. per notata superius, ubi difficultatem d. l. 4. §. 1. sustuli.

Item urbanorum prædiorum.] Recenset aliquas species servitutum urbanarum, quales sunt, oneris ferendi, tigni immittendi, stillicidii, fluminis, ne quis altius tollat aedes, & de luminibus.

Quarum servitutum nonnullæ ita ab invicem distinguuntur, ut tamen nonnisi secundum plus & minus differre deprehendantur, sicuti ex sequentibus erit manifestum. Connan. 4. commun. 10. Guiljelm. Onciac. Quæst. Juris Philosoph. 39. 40. 41. 42.

Oneris ferendi servitus est jus, quo vicinus cogitur, non solum pati, ut meum *adificium* in ejus pariete recumbat, sed etiam suum parietem, aut collapsam columnam reficere, quo oneri ferendo apta sit. l. 33. D. Servit. Urban. l. 6. §. 2. D. Si servit. Vindic. l. pen. D. de Damn. infect. Sic tamen ut sultura, interea dum reficitur paries, ad eum cui servitus debetur, pertineat. l. 8. in princ. D. Si Servit. Vind.

Estque illud singulare, in hac servitutis specie, quod forte sit dividua. l. 6. §. 4. D. Si Servit. Vindic. ibique Gothefred. etiam qui debet servitutem, in suo aliquid facere cogatur, contra l. 15. D. de Servit.

Non tamen columnam vel parietem reficere tenetur, siquidem eum derelinquere voluerit. l. 6. §. 2. D. Si Servit. Vindic. vel aliter inter partes fuerit conventum, vel contraria obtineat consuetudo. vid. Costal. ad l. ficut. 8. D. Si servit. vindic. Donell. 9. comm. 21. & 11. c. 4. Vultej. 1. jurispru. Roman. 63. n. 50. Hænon. disp. Pand. 4. n. 13.

Tigni immittendi servitus, est jus, quo licet *ædium domino*, ex suo pariete, tignum, id est, omnem materiam, è quâ fit *adificium*, in vicini parietem immittere, sic ut in utroque prædio, tam serviente quam dominante quiescat. l. 1. 2. 20. 25. D. Servit. Urban. l. malum. 242. §. inter. 1. D. verb. signif. l. 7. D. Ad exhib. l. 62. D. verb. signif. Alciat. Gœdd. ad d. l. 242. Coraf. 3. Miscell. 25. Donell. 11. comm. 4. Unde si citra servitu-

tem vicinus in meum ædificium tignum suum immittat, id propriâ auctoritate recidere potero. Arg. l. quemadmodum. 29. §. 1. D. Ad l. Aquil. l. 7. §. 12. Acquir. domin. Coraf. loc. cit. Costal. ad l. 29. D. Ad l. Aquil.

4. Servitus projiciendi & protegendi, (ut illa videatur hujus esse genus. l. 242. §. 1. D. de verb. signif.) distincta est à servitute tigni immittendi. Nam projiciendi servitus est, quâ licet domino projectum supra alienum habere, sic ut nusquam in alieno, (ut quidem tignum) requiescat, verum tantum in pariete, unde exit. Quamobrem (non sicuti tignum) nullâ constitutâ servitute, projectum auctoritate propriâ recidere non possum. Quod si protegendi parietis causa fuerit constitutum, protectum appellari poterit. l. 1. 2. D. de Servit. Urban. l. 29. §. 1. D. Ad l. Aquil. l. 3. §. 3. §. labeo. D. Uti possidet. vid. Isidor. 5. Ætymol. 3. Donell. i i. comm. 4. Coraf. 3. Miscell. 25. & ad l. 1. D. Serv. n. 73. Alciat. Goedd. ad l. malum 242. §. 1. D. verb. signif. Cæpoll. tract. de Servit. c. 30. 31.

5. Servitus stillicidii duplex est, vel avertendi, vel non avertendi. Avertendi servitus est, quâ stillicidium seu aquam pluvialem, stillatim cadentem, avertere, & in alterius aream vel domum, vel tectum derivare quis potest. Et quidem avertitur hoc stillicidium à prædio dominante, & recipitur à prædio serviente. l. 1. 2. D. Servit. Urban. l. 28. D. eod.

Non avertendi servitus est, quâ prohibetur vicinus stillicidium à meâ areâ in suam derivare; quoniam aquam de tecto vicini delapsa mihi commoditatem adfert. l. 1. 2. D. de Præd. Urban. Ubi DD. observant, non licere domino prædii servientis ibi ædificare, ubi stillicidium casitat. l. 20. §. 3. D. Servit. Urban. Non licere itidem stillicidium inferius demittere, tollere tamen posse. d. l. 20. §. 5. Et si antea ex regulâ casitarit, postea ex tabulato vel aliâ materiâ, cadere non debere; idque ne gravior fiat servitus, puta ex stillicidio flumen. d. l. 20. §. 4. Nisi tamen aliter sit conventum, vel de consuetudine obtineat. d. l. 20. §. 5. in fin. vid. Donell. i i. comm. 5. in fin. Coraf. de Servit. ad l. 1. n. 46. & seqq. Cæpoll. de Servit. Urban. c. 28. 29. Costal. ad l. 2. D. Servitut. Præd. Urban. Gomef. 2. Resol. 15. n. 23. Gothefred. in d. l. 20. Gregor. Tholof. Synt. Juris lib. 4. cap. 7. & seqq.

6. Servitus fluminis duplex est, sicuti stillicidii, vel avertendi, vel non avertendi, quando vicinus cogitur in aream vel cloacam suam recipere, vel non recipere flumen, seu pati, ut aqua pluvia in canales recepta, in ædes suas cum impetu feratur. §. 1. hic. l. 1. l. 20. §. 5. l. 28. D. de Servit. Urban. vid. Cæpoll. & DD. ante citatos.

7. Servitus ne quis altius tollat ædes, est jus vicino quæsitum, (vel etiam quod raro fit, non vicino) quo alicui suum ædificium altius tollere invito vicino

vicino, non licet. Ut tamen arbores plantare, & viridaria supra constitutam altitudinem habere liceat. Unde manifestum est, hanc servitutem à servitute, ne luminibus officiat, esse distinctam, tanquam minus à majori. l. 4. l. 7. l. 12. l. 17. in princ. & §. 2. D. Præd. Urban. l. altius. Cod. de Serv. & Aqua. vid. Duaren. l. disp. 33. & ad l. 12. 15. D. Præd. Urban. Wesemb. Parat. D. cod. n. 4. Donell. 11. comm. 5. Costal. ad l. 4. D. Servit. Urban. Cæpoll. c. 35. 36. de Servit. Urban. Hænon. disp. Instit. 5. §. 5. & disp. P. 4. §. 7. ibique DD.

Quid si inter partes fuerit actum, ne fines agri ut est apud Aggenum, altius tollantur? Non quidem hæc servitus prædiis urbanis, verum rusticis annumerabitur. l. 2. D. de Servit. Rustic.

Est insuper servitus contraria priori, ut quis altius tollat ædes suas, puta, quando alicui certus, vel lege, vel consuetudine, vel statuto, vel conventionne præscribitur modus, ut ei invito vicino, cui ille modus est utilis, infra determinatum altitudinis modum, ædificare non liceat; cum aliter jure naturæ, sicuti tollere, ita etiam ædificium deprimere potuisset. l. 2. l. 4. l. 8. §. Aristo. l. 17. D. Præd. Urbanor. l. 17. §. interdum. D. cod. l. altius. Cod. de Servit. & aqua. Boër. decif. 320. n. 13. Johann. Faber. ad §. æque. 2. Instit. de Action. Harpricht. ibid. n. 10. Coras. 3. Miscell. 24. Cæpoll. c. 26. 27. Pacius 3. antin. 56. Lyclam. 7. membr. 28. Bronch. cent. 1. assert. 99. diff. Vultej. 1. discept. Scholast. c. 5.

Non tamen hæc ipsa servitus, cum servitute ne luminibus officiat, est confundenda, quandoquidem nonnunquam, si ædes deprimantur, luminibus vicini officitur. l. 17. §. 2. D. de Præd. Urban.

Verum quia plerumque altius tollendo officitur vicini luminibus, ideo qui non potest luminibus vicini officere, dicitur non posse vicino invito altius ædificare. l. 4. in fin. D. Servit. Urban. Duaren. ad l. 12. 14. D. Præd. Urban. & l. disput. 33. Faber 19. conject. 15. Treutler. volum. 1. disp. 17. thes. 2. litt. E. diff. Donell. 11. comm. 5. Hænon. disp. 4. P. n. 6.

Servitutes de luminibus variæ sunt, est servitus prospectus, ne prospectus 8. Etui officiat, servitus luminum, & ne luminibus officiat. Servitus prospectus est, quando quis habet à vicino prædio, ut fenestrâ aut simili corpore pellucido cœli claritas ad eum perveniat, idque non tantum è loco superiori, verum & inferiori. l. 15. D. de Præd. Urban.

Servitus ne prospectui officiat, est quando alteri prospectum meum gratiorem & liberiores imminuere me invito non licet, l. 15. 16. D. Præd. Urban. Quæ num à superiore servitute sit distincta, inquiri solet. Id aff. Vultej. 1. Jurisprud. Roman. 63. num. 60. Coras. in l. 1. D. de Servit. Cæpoll. de Servit. Urban. cap. 34. n. 3. post. Azon. in summ. Cod. cod.

num. 3. diff. Donell. 11. comm. 5. Hænon. disp. 4. Pand. n. 8.

Servitus luminum est, quando vicinus tenetur nostra lumina, id est, fenestras quæ nobis erant vel necessaria, vel utiles, excipere. l. luminum 4. l. 16. D. Servit. Urban. l. 40. D. eod. l. 12. Cod. de Ædif. Privat.

Non obstante l. 9. D. de Servit. Urban. Quod ibidem servitus luminum debita non esset.

Servitus ne luminibus officiat, quâ plus sum consecutus, quam prior, est jus mihi quæsitum, ne alter mea lumina, aut ædificando, aut arbores plantando, aut alio quovis modo, auferre, vel impedire possit. l. 16. 17. D. de Præd. Urban. Duaren. 1. disp. 33. Cæpoll. de Servit. Urban. cap. 35. Costal. ad l. 4. D. eod. Hænon. disput. Instit. 5. num. 6. & disp. Pand. 4. num. 7.

§. 2.

- | | | |
|--|---|---|
| 1. <i>Quadam Servitutes sunt communes.</i> | } | 3. <i>Quid Pecoris pascendi servitus?</i> |
| 2. <i>Aquæ Haustus quid sit?</i> | | 4. <i>Quid Servitus calcis coquendæ, & Arcæ fodiendæ?</i> |

1. **I**nter rusticorum prædiorum. Quoniam quæ hoc §. recensentur servitutes, etiam deberi possunt urbanis prædiis, si modo illorum contemplatione præbeant usum, etiam personis, quando magis personæ quam prædii gratiâ constituuntur, sicuti de aquæductu statuimus. l. 19. l. 20. §. si dpmo. D. Præd. Urban. l. 4. D. Præd. Rustic. adeoque naturæ sunt obscurioris, ideo hæc servitutes, à cæteris rusticis separare voluit Imperator & in eorum explicatione vocabula animum dubium indicantia, adhibere.

2. Præmittitur hic aquæhaustus, jus aquæ hauriendæ de puteo, vel fonte, vel cisternâ vicini. l. 1. §. 1. l. 3. §. 3. l. 9. l. 20. §. fin. D. de Servit. Rustic. Quæ etiam censetur concessa, modo jus ad fontem adeundi fuerit tributa. l. item. 3. D. de Servit. Rustic. Duaren. ad d. l. Donell. 11. comm. 6. Et potest illa servitus per viam publicam, etiam sine permisso Principis, secus quanti erat in aquæductu, constitui. l. 14. §. 2. D. de Serv. Quandoque tamen personalibus servitutibus pro usuf diversitate, annumerabitur; sicque non obstat l. 14. §. 3. D. de Aliment. Legat. vid. Donell. 11. comm. 7. Vultej. Jurispr. Roman. 1. c. 63. Wefemb. Parat. D. de Servit. Rustic. n. 3. Coraf. ad l. 1. D. de Servit. n. 126. & seqq.

3. Pecoris ad aquam appulsus, est jus adaquandi pecus, vel appellendi pecoris mei agri, per fundum vicini, ad puteum vel fontem. Quæ servitus est realis, & prædii rustici, si fructus prædii maxime in pecoribus consistat. l. 1. §. in rusticis. l. 5. D. Præd. Rustic. Quod si personam testator demonstraverit, cui servitutem præstari velit, personalis, non realis servitus censetur.

tur. l. 4. D. de Servit. Rustic. Donell. 11. comm. 7. Coraf. loc. cit. Wessb. ibid.

Quid si cui certus erat numerus pecoris, amplio rem numerum, quam debet appellat, an in univ ersum prohibebitur? Non videtur, Argum. l. 1. §. Trebatius. verb. Marcellus. D. de Aqua quotid. & æstiv. Coraf. loc. cit. Hænon. disp. 4. Pand. n. 20.

Quæ de pecoris ad aquam appulsu dicta fuere, eadem pecoris pascendi 4. fervituti applicanda. Nam pecoris pascendi servitus est rustica, ut tamen nonnunquam sit urbana, nonnunquam personalis, pro ratione usus & destinatione patris familias. l. 4. D. de Servit. Rustic. vid. Cæpoll. c. 9. n. 32. & seqq. Coraf. ad l. 1. D. de Servit. num. 134. Mornac. ad l. 12. D. Ufu & habit.

Quid si cum jus pascendi in tuo haberem, ex prato feceris novale? Id quidem me invito facere non potes, quod meum jus deterius fieri non debeat. l. 4. §. in confessor. & seq. D. Si Servit. Vindic. l. 5. l. 7. Cod. de Servit. l. 2. Cod. Ad l. Aquil. Cæpoll. c. 9. n. 40. 41. Chassan. ad Burgund. tit. 13. §. 2. n. 28. Modestin. Pistor. quæst. 106. Carpzoy. p. 2. constit. Elect. 41. def. 1. §. 6.

Quid si qui servitutem non habebat, suum pecus in meum fundum immiserit? Pecus includere non potero, vel retinere, donec illatum damnum resarciatur, quod actione ex l. Aquiliâ vel de pastu pecoris, est petendum; nisi tamen dominus pecudis ignoretur. l. 39. §. quamvis. D. Ad l. Aquil. l. 25. D. Ad l. Jul. de Adulter. Costal. ad l. 39. vid. mea in seqq. ad tit. de l. Aquiliâ. diff. Bartol. in l. 9. D. de damno. infect. Cujus sententia moribus est conformis.

Quid si messis jam sit facta, vel arva quieti sine destinatione? Non tamen pecus in alienum agrum immittere licebit. Arg. l. 6. l. 48. D. Acquir. domin. l. 44. l. 49. §. 1. D. Rei Vindic. Covarr. Pract. quæst. 37. n. 2. Imbert. in Enchir. Juris Galliar. verb. Servitutes. Coraf. ad l. 1. D. de Serv. n. 137. diff. Chassan. ad Burgund. tit. 13. §. 2. gloss. per quemcunque. n. 2. Id quod moribus ex humanitate admittitur. Sicuti de jure divino, feudali, canonico, idque ex æquitate, si animal tuum fame laboret, illud pabulare potes, ex eo, quod secundum viam stans auferes vel arripis. Coraf. ad l. 1. D. de Servit. n. 135.

Calcis coquendæ servitus, nihil aliud est, quam jus calcem coquendi in 5. alieno. l. 1. §. in rusticis. l. 5. D. de Servit. Rustic. Sicuti servitus arenæ fodiendæ, jus fodiendi arenam in alieno. l. 1. §. fin. l. 5. D. Servitut. Rustic. Quo referri poterunt servitutes, cretam eximendi, secandi ligna, vel lignandi, figulinam habendi, coquendi oleum, uvas premendi, &c. Quæ licet

cet inter reales servitutes referantur, si tamen personæ debeantur, ejusque spectent commoditatem, personalibus servitutibus adnumerabuntur. vid. Coraf. d. loc. Cæpol. c. 2. de Servit. Real. num. 6. Wefemb. Parat. D. de Servit. Rustic. n. 4. Coppen 2. observ. Pract. 77. & seq.

§. 3.

Servitutes sine Prædiis constitui non possunt, & non nisi à Dominis.

Ideo autem.] Servitutes reales easdem esse cum prædialibus, antea fuerat dictum, cur vero prædiales seu prædiorum appellentur servitutes, jam declaratur. Sunt enim qualitates, quæ sine subjectis stare nequeunt. 1. quid aliud. 86. D. de verb. signif. & quod amplius est, sine prædiis constitui non possunt. §. 3. hic. l. 1. D. Comm. Prædior. Licet non habenti prædium in futurum promittantur, l. 22. §. fin. l. 23. §. fin. D. Servit. Urban. l. 98. D. verb. signif. vel etiam in casu, quo defleunt à naturâ servitutum realium. ut in l. 4. §. 37. D. Præd. Rustic. Pacius 3. Antin. 52. Bronch. cent. 1. assert. 96. Hænon. disp. Instit. 5. n. 10. Unde duo ad minimum prædia desiderantur, ut una servitus habeat locum; alterum dominans, alterum serviens. Illius nomine servitus acquiritur, hujus nomine alteri constituitur. Nam qui servitutem habet, eam adquisivit, qui debet, eam constituit. §. fin. hic. Et quidem oportet quem esse dominum, in solidum, cujus prædio servitus constituitur, & à cujus prædio servitus debetur; ut nec rei communi, nec alienæ servitus imponi, vel adquiri possit. l. 5. 8. D. Comm. Prædior. l. 2. D. de Servit. l. 26. D. de Servit. Urban. l. 34. D. de Servit. Rustic. vid. Donell. 11. comment. 9. Bronch. 1. Enant. 100. Zoef. D. de Servit. n. 11. Hinc nec rei, quæ hominum commercio exempta est, servitus imponitur. l. 4. D. Comm. Præd. sicuti nec mari, quod omnibus pateat. l. 13. in princ. D. eod.

§. 4.

1. Causæ servitutum proponuntur.
2. Regulariter Vicinis Servitutes constituuntur.
3. Et quidem Conventionibus.
4. Etiam ultimâ voluntate.
5. Et aliis modis.

6. Non tamen ex tempore vel conditione.
7. Acquiruntur Servitutes longo tempore.
8. Modi, quibus fiunt, enumerantur.

1. **S**i quis velit vicino.] Causæ quibus servitutes constituuntur, sunt vel remotæ, vel proximæ. Remota causa est jus civile, proximæ causæ sunt variae, quæ hoc §. 4. proponuntur. Eas Pacius in not. appellat materiam ex quâ servitutum realium, id est, unde servitutes proximè oriuntur; idque

idque pro more jurisconsultorum, qui causas extrinsecas materiam appellare consueverunt. Ita enim jurisconsultus in l. 198. D. de verbor. signif. à materiâ, id est à fine servitutis vult denominari; quod materiæ vocabulum latissime acceptum, & eam comprehendat, ex quâ & propter quam res sit. Sic ut immerito Bacchovius Pacium insimulet falsitatis, quod pactiones materiam servitutum asserat, cum id non fecerit ad causæ efficientis exclusionem, verum ut per eam efficientem causam designaret. Neque enim tantus Philosophus, qui in Aristotelem doctissimos ediderat commentarios ignorare potuit, eam appellari causam efficientem, per quam res constituitur. Verum nec Bacchovius ignorare debuisset, materiæ nomine eam venire posse, quæ Philosophis est efficiens causa, quod jurisconsulti efficientem per particulam *ex* quandoque explicent. §. 1. in fin. & §. 2. Instit. de Oblig.

[*Si quis velit vicino aliquid jui.*] Ut servitutes reales sine prædiis constitui non possunt, ita etiam constitui nequeunt ab eo, qui vicinum fundum non habet. l. 5. §. 1. D. de Servit. Rustic. Impedit enim servitutum medium prædium quod non servit. l. 7. §. fin. D. Servit. Rustic. Poterunt tamen non vicino constitui sub conditione. l. 25. §. 10. D. Famil. Ercl. l. 98. D. verb. obligat. Vel si intermedium prædium serviat. l. 7. §. 1. D. Servit. Rustic. Vel etiam liberum prædium medium, non impediatur usum servitutis, quod accidit in urbanis, si intermedia ædes sint depressæ, & à non vicino servitus ne luminibus officiat sit debita. l. 4. in fin. l. 5. l. 6. in princ. D. Si Servit. Vel loci intermedii usus sit communis, qualis est locus publicus. l. 1. D. de Servitut. Nisi tamen fuerit servitus aquæ ductus, ad quam constituendam, solo publico uti non licet. l. 14. §. 2. D. de Servit. Sicuti nec loco sacro ad ullam servitutem introducendam uti licebit. d. l. 14. §. fin. Flumen tamen publicum servitutem non impedit, si pontem habeat, vel vado transiri possit, secus si pontonibus. l. fin. D. de Servit. Rustic. vid. Donell. 11. comm. 2. Capoll. de Serv. Urban. c. 18. n. 3. Coraf. ad l. 14. §. publico. D. de Servitut. n. 3. & seq. Zocf. D. Comm. Prædior. n. 19. & pen.

[*Pactionibus atque stipulationibus.*] Proponuntur hæ copulative non disjunctive; neque enim solis pactis seu pactionibus servitutes constitui poterunt, sed vel pactis stipulationibus confirmatis, vel pactis in continenti bonæ fidei contractibus adjectis. l. 7. §. 4. 5. D. de Pact. Nec tantum stipulationibus, verum etiam aliis contractibus, vel donationibus servitutes constitui poterunt. Ut tamen omnibus illis casibus quasi traditio interveniat, quod conventiones non nisi personalem pariant obligationem ad constituendam servitutem. l. 1. §. fin. D. de Action. Empt. l. 3. in princ. D. de Obligat. & Action. l. 67. in princ. D. de verbor. signif. l. 20. Cod. de

Paët. Neque quicquam in contrarium facit l. 4. D. de Servit. à Bacchovio allegata, utpote ex quâ nihil, quod huic officiat sententiæ, exculpere possit.

4. *Potest etiam testamento.*] Non tantum actibus inter vivos, sed etiam ultimâ voluntate seu vitutes constitui poterunt. §. 4. hic. l. 16. D. Comm. Prædior. veluti, testamento, codicillis, in super mortis causâ donatione. d. l. 16. & l. 4. Cod. de Usufr. Idque vel per legatum damnationis, vel sinendi modo, vel alio quocumque. ut tamen in hisce casibus nec quasi traditio requiratur. l. 16. D. Comm. Prædior. l. 19. D. Quemadmodum. Servit. amitt. l. 64. D. de furt. Et siquidem constituta fuisset olim servitus per legatum damnationis, hæredis, sin vero per legatum vindicationis, legatarii in alternativis erat electio. l. 13. §. 3. l. 26. D. de Servit. Rustic.
5. Quandoque tamen citra ullam vel conventionem vel dispositionem ex necessitate vicino servitus est præstanda, ita suadente juris ratione. Quid si enim ad meum agrum in medio vicinorum situm, non assignatum sit iter? Cum mihi ad meum agrum semper iter oporteat esse liberum, per alios iter præstari debet. Sicul. Flaccus de condit. agrorum. l. 14. D. Quemadmodum. Servit. amitt. Arg. l. 3, §. 3. D. Servit. Rustic.

Sunt alii modi, quibus servitutes constitui, vel adquiri possent, ut officio judicis, quod sit adjudicatione in judiciis divisoriiis, familiæ erciscundæ, communi dividundo. l. 22. §. sed etiam. D. Famil. Ercif. l. 7. §. 1. D. Comm. divid.

Neque obli. l. 18. D. eod. Quia agitur in d. l. de fundo non hæreditario, non communi, cujus gratiâ arbitrer vocatus non erat, ut nec in iis servitus assignari per arbitrum potuerit. vid. Donell. l. l. comm. 9. & 11. Connan. 4. comm. 12.

6. Ut tamen omnibus prædictis modis constituantur, eo quo oportet modo, id est, sine tempore vel conditione tam inchoandi, quam finiendi servitutes. l. 4. D. de Servit. l. 44. §. 1. verb. placet. D. de Obligat. & Action. Licet negari non debeat, quin promissioni vel obligationi constituendæ servitutis conditio vel tempus adiciatur. l. 98. D. verb. obligat. Sicuti per intervalla dierum, & temporum constitui possunt, quod ea non ad temporis causam, verum ad modum jure constitutæ servitutis pertineant. l. 4. §. 1. 2. l. 5. §. 1. D. de Servit. l. 14. D. Comm. Prædior. vid. Cujac. 15. obf. 6. Donell. 11. comm. 9. Coraf. Costal. ad l. 4. D. de Servit. Vult. jurisprudence. Rom. l. c. 63. Connan. 4. comm. 8. Capoll. de Servit. Urban. c. 22. Pæcium 3. Antin. 52. Bronchorst. 2. Antinom. 3. Gædd. de contrah. stipul. c. 6. concl. 1. n. 25. Wesemb. Parat. D. de Servit. n. 8. Hænon. disp. P. 4. n. 24. Zoef. D. Comm. præd. n. 4. Wissenb. disp. P. 20. vol. 1. n. 2. post Ant. Matth. disp. 7. de Servit. n. 19.

Ad-

Adquiruntur denique servitutes per se, idque jure Codicis, longi temporis præscriptione, si quis eas emerit, vel acceperit à non domino, ad exemplum rerum immobilium. l. fin. Cod. de long. tempor. præscript. Per consequentiam autem acquirebantur, & olim, cum prædia quibus inhærent usucapiuntur. l. si alienæ. 10. §. hoc jure. D. Usucap. l. via. 23. §. si fundus. D. de Servit. Rustic. vid. Donell. 11. comm. 11. in fin. & 12. 13. Duaren. 1. disp. c. 34. Costal. ad l. 14. D. de Servit. Cæpoll. de Servit. Urban. c. 20. Bronch. 1. Afiert. 92.

Jure quidem antiquo servitutes per se usucapi non poterant, quod ita primitus videtur constitutum per ll. 12. Tabul. quia non habent certam & continuam possessionem. l. 14. D. de Servit. l. 3. in princ. D. de Acquir. Possess.

Postmodum tamen jurisconsulti possessionis quadam fictione in illis biennii usucapionem admiserunt, quæ usque ad Tiberii tempora in usu fuit; l. 20. D. Servit. Urban. l. 4. §. fin. D. Usucap. Tumque l. Scribonia inhibita est servitutum urbanarum usucapio, uti censet Cujac. in l. 4. §. fin. D. de Usucap. Quod alii etiam ad rusticas referri existimant, cum lex Scribonia indistinctè loquatur, & ad omnes servitutes prædiales referri possit. l. 14. in fin. D. de Servit. vid. Zoef. D. de Servit. n. 14. Wissenb. disp. P. 20. vol. 1. n. 6. 7. 22.

Utilitatis nihilominus causâ receptum erat, ut tempore & diuturno usu, idque tuitione Prætoris acquirerentur, multo magis vetustate. l. 10. D. Si Serv. Vind. l. 10. §. 1. D. Usuc. l. 1. in fin. l. 2. in princ. D. de Aquâ & aqua pluv. arcend. l. 3. §. ductus. D. de Aquâ quot. vid. Rævard. libr. singul. ad l. Scribon. c. 1. 6. Quod usque ad Justinianum obtinuisse probabile est, qui d. l. finali Cod. de long. tempor. Præscript. differentiam inter res corporales & incorporales quoad hunc juris effectum sustulit; omni inter continuas & discontinuas servitutes discrimine rejecto; quod omnes continuam habeant causam. l. 28. D. Servit. Urban. Costal. ad d. l. 28. Duaren. 1. disp. 34. Fachin. 8. contrav. 22. Hæc tamen adhibitâ distinctione, quod in rerum incorporalium usucapione, nec titulus. l. 10. D. Si Servit. Vindic. l. 1. in fin. D. de Aquâ & aquâ pluv. nec traditio, (quod scientia domini vel patientia sit loco traditionis) desideretur. l. fin. D. de Servitut. l. 11. §. 1. D. de Publician. l. 43. §. 1. D. de Acquir. domin. Donell. 11. comm. 12. Cæpoll. de Servit. Urban. cap. 19. 20. Gomef. 2. Variar. Resol. 15. n. 14. & seqq. Coraf. ad l. 14. D. de Servit. n. 39. Wefemb. Parat. D. eod. n. 5. Zoef. D. eod. n. 15. & seqq.

Paucis aliquot modos adjiciam quibus servitutes reales finiuntur, vel saltem amittuntur. Finiuntur remissione per dominum factâ. l. 6. l. 14. §. 1.

D. de Servit. l. 17. in fin. D. Comm. Præd. l. 8. D. Quemadm. Servitut. amitt. eaque vel tacitâ vel expressâ. Nihil enim interest, an verbis, an etiam facto doniinus id ipsum declaraverit se velle, an aliquid permittat servienti quod servituti adversetur, & libertatem redoleat. d. l. 8. modo tamen nihil precario sit concessum, l. si precario. 17. D. Comm. Præd. Donell. 11. comm. c. pen. Wesembec. Parat. D. Si servit. vindic. in princ. n. 3.

Finiuntur confusione, si idem utriusque prædii dominus esse cæperit & quidem in solidum, quod nemo sibi possit debere servitutem. l. 1. D. Quemadm. servit. amitt. l. 8. §. 1. D. de Servit. l. 26. D. de Servit. Urban. l. 10. D. Comm. Præd. l. 2. §. pen. D. de Hæred. vel actione vendit. l. 38. §. 1. D. Leg. 1. Gothefred. ad d. l. 8. Idque in tantum procedit ut licet rursus dominus prædium vendat, & servitutem pristinam sibi deberi velit, ea de novo sit imponenda. l. 10. D. Commun. Præd. l. 30. D. Servit. Urban. cum exceptione tamen. l. 15. Quemadm. servit. amitt. l. tria. 31. D. Serv. Rustic. Duaren. in d. l. 31. Coraf. ad d. l. 10. D. Comm. Prædior. n. 10. Quod si per aditionem hæreditatis confusio contigerit, venditâ hæreditate in pristinum statum servitus est restituenda per emptorem. l. si ei. 9. D. Comm. Præd. Zoef. D. Quemadm. servit. amitt. n. 2.

Finiuntur rei interitu, quia sunt prædiorum qualitates, quæ sine subjectis stare non possunt. l. 14. D. Quemadm. servit. amitt. l. 20. §. 2. D. de Servit. Urban. l. unus. §. fin. & l. seq. D. Servit. Rustic. l. 86. D. de verb. signif. Excepto casu d. l. 14.

Nec quicquam obstat l. 20. §. si sublatum. D. Servit. Urban. l. 13. in princ. D. Servit. Rustic. vid. Donell. 11. comm. c. fin.

Finiuntur existente die vel conditione ad quam sunt constitutæ; non quidem ipso jure, verum ex æquitate, per exceptionem pacti vel doli mali. l. 4. D. de Servit.

Finiuntur resolutio jure constituentis, quo facto, resolvitur jus accipientis; quod nemo plus juris in alium transferre valeat, quam ipse habet. l. 17. §. 1. D. Quemadm. servit. amitt. l. 54. l. 120. D. de Regul. juris. Unde si fundo sub conditione legato, hæres qui pendente conditione erat dominus, ei servitutem imposuerit, existente conditione, ea finietur. l. si fundum. 105. D. de Condit. & Demonstr. l. is cui. 10. §. hæres. D. Quem. servit. amitt. Donell. 11. comment. 17. Gothefred. ad d. l. is cui. in not.

Finiuntur denique non utendo per modum & tempus. l. 10. §. 1. §. 6. 12. 16. l. 18. in princ. & l. seqq. D. Quemadm. servit. amitt. Rusticæ simpliciter per usus intermissionein, (exceptâ l. 4. D. Quemadm. serv. amitt.) nullo etiam accedente facto adversarii. l. 6. D. de Præd. urban. l. 18. D. Quemadm. servit. amitt. l. pen. Cod. de Servit. & aquâ. Urbanæ demum acc-

accedente facto hominis, præferibentis libertatem. l. 6. l. 32. §. 1. D. Serv. urban. l. 18. D. quemadm. servit. amitt. l. 4. §. fin. de Usucap. Unde ut servitus tigni immittendi in vicini parietem amittatur, non sufficit longo tempore tignum immissum non esse, verum insuper requiritur, contrarium vicini factum, id est, ut ipse foramen obstruxerit. Ratio est, quia illæ non consistunt, nisi in facto illius curdebentur, hæ autem in ædificiis, per quæ etiam sine hominis facto retinentur, ut nisi quid in ædificiis fecerit, qui servitutem debet, retenta servitus censeatur. vid. Sneider. hic. in fin. Cuj. ad l. 4. D. Usucap. Donell. 1. 1. comm. 8. Vult. jurispr. Rom. 1. c. 63. n. 72. Coraf. in l. 14. n. 42. D. de Serv. Costal. in l. 6. D. Servit. urban. Conn. 4. comm. 12. Bacchov. disp. ad Treutler. 17. volum. 1. thes. 17. Zoef. D. Quib. mod. servit. amitt.

Tempus quo servitutes amittuntur est æquale in omnibus, puta decennium inter præsentis, vicennium inter absentes. l. 4. D. de Servit. l. 10. §. 1. l. 18. §. fin. D. Quemadm. servit. amitt.

Ut hic nulla sit admittenda temporis duplicatio, in casu quo non omni tempore servitute uti licet, non obstante l. 7. D. Quemadm. servit. Quandoquidem in jure Cod. id non obtinere constitutum est, si quando quis non nisi singulis quinquenniis semel servitutem exercere potest, quando amittitur demum annis viginti, etiam inter præsentis, ut in cæteris casibus locus sit decisioni l. fin. in fin. Cod. de long. tempor. præscript. diff. Donel. 1. 1. comm. fin. Hænon. disp. P. 4. n. fin. litt. f. qui tamen sibi videtur contrarius disp. §. Instit. n. 14.

LIBER. II. TITULUS. IV.

D E

U S U F R U C T U.

Ususfructus est jus alienis rebus utendi fruendi, salva rerum substantiâ. Est autem jus in corpore, quo sublato, & ipsum tolli necesse est.

1. Ususfructus à proprietate separationem recipit, idque pluribus modis accidit: ut ecce, si quis usumfructum alicui legaverit. Nam hæres nudam habet proprietatem, legatarius vero usumfructum. Et contrà, si fundum legaverit, deducto

Sff 3.

usu-

usufructu, legatarius nudam habet proprietatem, hæres vero usumfructum. Item alii usumfructum, alii deducto eo fundum legare potest. Sine testamento vero si quis velit usumfructum alii constituere, pactionibus & stipulationibus id efficere debet. Ne tamen in universum inutiles essent proprietates, semper abscedente usufructu, placuit certis modis extinguere usumfructum, & ad proprietatem reverti.

2. Constituitur autem usufructus non tantum in fundo & ædibus, verum etiam in servis & jumentis, & cæteris rebus: exceptis iis, quæ ipso usu consumuntur. Nam hæ res neque naturali ratione, neque civili recipiunt usumfructum: quo in numero sunt vinum, oleum, frumentum, vestimenta: quibus proxima est pecunia numerata. Namque ipso usu assiduâ permutatione quodammodo extinguitur. Sed utilitatis causa Senatus censuit posse etiam earum rerum usumfructum constitui: ut tamen eo nomine hæredi utiliter caveatur. Itaque si pecuniæ usufructus legatus sit, ita datur legatario, ut ejus fiat, & legatarius satisfat hæredi de tanta pecunia restituenda, si morietur, aut capite minuetur. Cæteræ quoque res ita traduntur legatario, ut ejus fiant: sed æstimatedis hinc, satisfatur, ut si moriatur, aut capite minuatur, tanta pecuniâ restituatur, quanti hæ fuerint æstimatedis. Ergo Senatus non fecit quidem earum rerum usumfructum (nec enim poterat) sed per cautionem quasi usumfructum constituit.

3. Finitur autem usufructus morte usufructuarii, & duabus capitibus deminutionibus maximâ & mediâ, & non utendo per modum & tempus: quæ omnia nostra statuit Constitutio. Item finitur usufructus, si domino proprietatis ab usufructuario cedatur (nam cedendo extraneo nihil agitur): vel ex contrario, si usufructuarius proprietatem rei adquisierit, quæ res consolidatio appellatur. Eo amplius constat, si ædes incendio consumptæ fuerint, vel etiam terræmotu, vel vitio suo corruerint, extinguere usumfructum, & ne aræ quidem usumfructum deberi.

¶ Cum

4. Cum autem finitus fuerit totus usufructus, revertitur scilicet ad proprietatem, & ex eo tempore nudæ proprietatis dominus incipit plenam in re habere potestatem.

C O M M E N T A R I U S

I N P R I N C.

- | | |
|--|--|
| 1. <i>Definitur Usus-Fructus.</i> | 4. <i>Non recte dividitur Usus-Fructus in verum & quasi.</i> |
| 2. <i>Non satis accuratè dividitur in Causalem & Formalem.</i> | 5. <i>Moribus sufficit quacumque Cautio.</i> |
| 3. <i>Cautio Fructuaria explicatur.</i> | |



HActenus de prædiorum servitutibus actum est, sequuntur personales, jus quæsitum personæ, quo ei res aliena servit. l. 3. §. fin. D. quibus mod. usufr. amitt. l. 57. D. de Usufr. l. 38. in princ. D. Serv. Rust. l. 1. §. & datur. D. de Aquâ quorid. & æliv. Earum species sunt, usufructus, usus, & habitatio, etiam servorum operæ. Quæ cum, sicuti reales, sint individua, excipitur tamen usufructus, qui dividuus est, ut pro parte constitui, vel amitti possit. l. 5. D. hic. l. 25. D. quibus mod. usufr. amitt. l. 19. D. de Usu & habit. Definitur, quod sit *jus alienis rebus utendi fruendi, salvâ rerum substantiâ.* in princ. hic. *Jus*, inquam, servitutis ratione, ex quâ à domino constitutâ, alteri jus competit servitutis. in fin. Instit. de Rebus corpor. & incorpor. Quo nomine usufructus secernitur à jure, quod competit colono, vasallo, emphyteutæ, bonæ fidei possessori. Licet criminalli percipiant fructus ex renatos, non tamen eos percipiunt jure servitutis, à domino rei debitæ. vid. Hottom. Illustr. quæst. 24. Bronch. cent. 1. Misc. 47. *Jus* intelligitur activè sumptum, id est respectu personæ, cui debetur, non ejus ratione, qui eam rei suæ nomine debet; ita enim per servitutem de finiri debuisset. Ideo vero activè hic potius quam passivè definitus fuit usufructus, quia in antecedentibus hoc ejus genus, sicuti cæterarum servitutum, assignare voluit Tribonianus. tit. de rebus corpor. & incorpor. *Jus* denique appellatur usufructus, ut designetur non hic de ipsis fructibus, quæ res sunt corporales, sed de utendi fruendi jure, quæ res est incorporalis, sermonem esse. tit. Instit. de Rebus corpor. & incorpor.

Additur in definitione, quod sit *jus fruendi*, quod plus juris sit in usufructu, quam in usu, in quem omnes fructus non veniunt. Et quanquam vocabulum

lum *fruendi*, etiam *utendi* contineat, non tamen hic abundat *utendi* vocabulum. Licet enim qui fruitur, multo magis utatur, cum cui plus licet, quod minus est non possit non licere: nihilominus ut exprimatur, etiam fructui usum inesse, id erat adjiciendum. §. 1. Instit. de Usu & habit. idque more apud jurisconsultos recepto, quo etiam minus quod in majori continebatur, explicant; tollenda causa dubitationis. in princ. Instit. de Servit. Rustic. l. 12. D. de Servit.

Præterquam quod *utendi* vocabulo etiam differre possit usufructus à jure creditoris in pignore, quo uti non potest. §. furtum. Instit. de Obligat. que ex delict. Non tamen usufructus formaliter, id est, ut servitutis speciem peculiarem, à se distinctam continet servitutem *usus*, quo nomine rectè dicitur, alteri usum fructum fundi, alteri ejusdem fundi usum legari posse, & ita usum fructum esse sine usu. in l. 14. in fin. D. de Usu & habit. l. 5. §. 2. D. Usufr. quemadmodum caveat. vid. Lyclam. 5. Eclog. 23.

Adjicitur porro, *utendi rebus alienis*, tum ut à jure domini non tantum directi, verum etiam utilis separaretur. Tum ut indicaretur, rei suæ usum fructum habere neminem: quod nemini res sua serviat. l. 5. D. Si usufr. petat. l. 26. D. de Servit. Urban. Tum ut constaret, usum fructum non domini proprietatis, sed servitutis esse partem. l. 25. D. de verb. signif. Unde non in bonis proprietarii, verum usufructuarii censi debet, qui eum, si uti frui impediatur, propriâ actione vindicare poterit. l. 5. D. Si usufruct. petat. Cujus etiam contemplatione legibus exprimitur, usum fructum esse domini partem. l. 4. D. hic. vid. Anton. de Mattheis ad l. 1. naturaliter videtur. §. nihil commune. n. 3. D. de Acquir. Possess. Ut absurdi censi debeant, inter quos etiam Pichardus in comment. hic. qui d. l. 4. de quasi usufructu accipiunt. Neque enim qui habet quasi usum fructum partem habet domini, verum integrum & solidum rei dominium, quale est & proprietatis, & usufructus simul, cum qui usufructuarius est tantum habeat dominium servitutis, non item proprietatis.

2. Tum denique ut constaret receptam doctorum divisionem usufructus in causalem & formalem non tam esse rei, quam vocabuli distinctionem in varias significationes. Usum fructum enim causalem appellant qui conjunctus cum proprietate, qui si proprie esset usufructus, diceretur quispiam rei suæ usum fructum habere, contra jura vulgata, quod nemini res sua serviat. Sic ut formalis usufructus, ita dictus, quia formaliter uti loquuntur, aliquis utitur fruitur re alienâ, etiam *nudus* appellatus, ad distinctionem usufructus causalis, qui itidem *plenus* appellatur, propriè dictus usufructus censi debeat, de quo solo in materiâ servitutum agendum. Arg. l. 58. D. Solut. matrim. l. cum in fundo. D. de jure dot. l. 126. §. 1. D. verb. Alciat. in

in l. rectè dicemus. 25. D. de verb. signif. Cujac. in l. 58. D. de verb. obligat. 9. Duaren. ad l. 126. D. de verb. obligat. Donell. 10. comin. 2. Corraf. 5. Misc. 3. Connan. 4. comm. 3. Gædd. ad l. 25. D. verb. signif. Hænon. disp. Inſtit. 5. n. 15. diſſ. Pinell. in l. 1. Cod. de bon. matern. p. 2. n. 9. Gomeſ. 2. Reſol. 15. n. 2. Mynſing. & Sneiderwin. hic.

Quia tamen antiquos jurisconſultos ita locutos fuiſſe deprehendo, metonymicâ meo judicio locutione, dum cauſa ponitur loco effectus, facilioris gratiâ doctrinæ eam diſtinctionem retineri poſſe exiſtimarem. §. 1. Inſtit. hic. l. 4. l. 19. D. de Uſufr. adcreſc. Pacius cent. 3. quæſt. 49. Niſi enim dominus cauſalem haberet uſumfructum, ut ita loquar, id eſt, eum haberet ut effectum in cauſâ & principio, jam equidem jus alteri conſtituere non potuiſſet; quod nemo plus juris in alium transferat quam ipſe habet. l. 55. D. de Regul. Juris.

Denique adjicitur, *ſalyâ rerum ſubſtantiâ*; quo nomine fructuarius à vero domino ſecernitur, qui pro arbitrio de re ſuâ diſponere, eamque alienare, etiam deteriorẽ reddere poteſt. l. 21. Cod. Mand. Fructuario vero rei frui conſeſſum eſt, nec cauſam uſufructus deteriorẽ facere debet, & hoc ſe non eſſe facturum arbitrio boni viri cavet. l. 1. D. Uſufr. quemadm. caveat. Et quidem ita cavet prætoriâ cautione, antequam ad rei uſumfructum, ſiquidem velit proprietarius admittatur. l. 13. in princ. D. hic. l. 4. Cod. eod. l. 7. in princ. D. Uſufr. quemadm. cav. vid. Mynſing. 1. obf. 6. Gail. 2. obf. 64. n. 6. Gabriel. 5. conſul. tit. de Uſufr. conſul. 1. Coſtal. in l. 1. D. Uſufr. quemadm. cav. Donell. 10. comment. 14. Bronchorſt 1. Aſſert. Miscell. 50. Quam cautionem partium conventionẽ remitti poſſe, etiam ab hærede, ſi cui legatus ſit uſufructus, dubium nullum. Modo ne hoc fiat in fraudẽ creditorum hæreditariorum, quibus conſultum erit per ea quæ continentur titul. D. & Cod. quæ in fraud. cred. Non tamen ea cautio teſtamento per teſtatoreẽ ei cui uſumfructum legavit remitti poterit. Et ſi remiſſa fuerit, uſufructus quidem ſubſiſtet, verum cautionis remiſſio prorsus erit inutilis. l. 1. Cod. hoc tit. l. 6. D. Ut in poſſeſſ. legat. Cum enim hæc cautio in gratiam hæredis, non teſtatoris ſit introducta, periculum, non item hunc ipſum, remittetur de jure; cum quiſque favori ſuo, non tertii renũciare valeat. l. 7. Cod. Ut in poſſeſſ. legator. Roeland. à Valle conſ. 92. n. 1. Clarus 3. ſent. §. teſtamentum. q. 46. Non tamen hanc cautionem fructuariam præſtabit pater, licet ea remiſſa non ſit, ut qui citra conventionem in bonis filii, quorum habet uſumfructum, à cautione habet immunitatem. l. cum oportet. §. non autem. l. hoc proculdubio. fin. §. ſin autem. Cod. de bon. quæ liber. Gabriel. loc. allegat. n. 45.

Idem quod de fiſco cui uſufructus relinquitur aſſerendum eſt, ut qui omni

inmi tempore censetur idoneus, & solvendo. l. 1. §. si ad fiscum. D. Ut legator. seu fideic. nom. caveat. Etiam matri applicandum, quæ tantum lucrorum nuptialium, quæ consistunt in immobilibus fructuaria est effecta, & ad secunda vota transivit. l. 6. §. hic illud. verb. mobilium. Cod. de Secund. Nupt. Nov. 22. c. 25. Quam cautionis immunitatem donatori ex æquo & bono tribuendam censent, quod cum eo mitius sit agendum, siquidem retento usufructu omnium bonorum proprietatem alicui donavit. l. 62. D. de Ædil. Edict. Decius in l. 28. n. 2. D. de Regul. jur. vid. Mynf. cent. 5. obs. 36. Gail. 2. obs. 145. in fin. Tessaure. decis. 80. Pinell. ad l. 1. Cod. de bon. matern. p. 2. n. 20. 75. Gomef. 1. Refol. 1. n. 4. Quinimo satisfactionem ei remittendam judicant, ut ad juratoriam cautionem admittatur, qui propter inopiam satisfare nequit. Arg. Auth. generaliter. Cod. de Episcop. & Cleric. ut tamen proprietarius cultus & observator esse jubetur. Arg. l. 5. §. 2. D. de Carbon. Edict.

Nisi tamen mores fructuarium faciant suspectum, quo casu, vel apud proprietarium res erit, vel apud sequestrem, qui fructus ipsi usufructuario, vel eorum loco, certam pecuniæ summam persolvere annuatim debet. Arg. l. 6. D. Si cui plus quam per l. Falcid. l. 2. §. 5. verb. quanquam. D. de aquâ & aquâ pluv. vid. Donell. 100. comment. 14. Surd. decis. 141. Mynfing. 6. obs. 48. Roel. à Valle conf. 92. n. 11. vol. 1. Gail. 2. observ. 47. Facchin. 8. contrav. 40. Gomef. 2. Refol. 15. n. 3. Imbert. Enchirid. juris Gallici verb. usufruct. satisfatio.

4. Etiam propterea definitioni insertum est, *salvâ rerum substantiâ*, ut significaretur usumfructum in rebus fungibilibus, id est, quæ usu consumuntur, non consistere. §. 2. hic. adeoque usumfructum à quasi usufructu separari. d. §. 2. Ut hic liceat plerorumque errorem animadvertere, quo usufructus dividitur in verum & quasi, non majori jure, si non minori, quam in causalem & formalem. Aut enim usufructus qui fuit definitus, ita dividitur, aut alius quispiam fictitius, qui non est in rerum naturâ. Posterius nemo admiserit, ut prius membrum foret admittendum. Verum nemo sanus dixerit, usufructum hic definitum esse vel verum vel quasi. Quod quasi usufructus ne quidem in communi genere cum vero conveniat; ut nec communi definitione. Nam qui habet quasi usumfructum, utitur re suâ, non alienâ, ut hæc illi pereat. Neque tam utitur, quam abutitur, absomit, consumit. Neque corporis habet usum, sed quantitatis, ut nec substantiam restituat, verum quantitatem, vel ejus assignationem. Cuique nec civili vel naturali rationi conveniens sit, ut quæ res usu consumuntur, recipiant usumfructum, non video quo jure usufructus definitio hic tradita, quasi usufructui applicari possit, nisi nomine tenus, sicuti causalis usufructus in jure abusive

usivè quandoque usufructus appellatur. Id quod etiam animadvertat Senatus, qui cum non potuerit quasi usumfructum ad usumfructum referre, jus peculiare constituit in fin. §. 2. hic.

M O R I B U S .

Censent usufructuarium etiam idone pignoribus cavere posse. We- 5. semb. Parat. D. qui satisd. coguntur. Befold. delib. juris Pand. hoc tit. n. 14. in fin. Henon. disp. 5. Instit. n. 18. in fin. vid. Merend. 5. contr. 47. & seqq. Mynsing. 6. observ. 48. Christin. 1. decis. 250. Coppen decis. 33.

§. 1.

- | | |
|---|---|
| <p>1. <i>Verus Usus-Fructus semper à proprietate separatus est.</i></p> <p>2. <i>Usus-Fructus variis constituitur modis.</i></p> <p>3. <i>Non tamen omnium bonorum Usus-fructus relinqui debes.</i></p> | <p>4. <i>Si relictus sit, ante deducendum erit .as. alienum per hæredem solvendum.</i></p> <p>5. <i>Quid Moribus obtineat circa Usum-fructum?</i></p> |
|---|---|

U *usufructus à proprietate separationem recipit.*] Quinimo si de vero 1. usufructu qui fuit definitus, loquamur, non tantum recipit, sed etiam semper à proprietate separatus est. Alienis enim rebus non nostris utimur fruimur. in princ. hic. l. 1. D. cod. Sensus igitur locutionis est, multis casibus accidere, ut qui dominus est, non percipiat fructus, vel utilitatem è re suâ, & qui dominus non est, eam percipiat. Licet, quando dominus eam percipit, non sit usufructus, servitus, quando non dominus eam percipit, usufructus jus sit è servitute constitutâ questum.

Idque pluribus modis accidit.] Potest alicui usufructus deberi variis modis, 2. sicuti variis modis constituitur. Ita testamento alicui legatur usufructus, deductâ proprietate, quo casu citra traditionem antecedentem vel verum vel quasi, ipso jure ignoranti legatario cedit. Sic ut ab eo vindicari possit, sublatâ illâ differentiâ legatorum, quæ olim obtinebat. Quod in legato vindicationis legatarius hoc quidem gauderet jure, non in legato damnationis, quo ab hærede usufructus præstari debebat. l. 3. in princ. D. de usufr. l. 19. D. de Usufr. legat. l. 10. l. 29. D. eod. l. 1. §. 2. D. si usufr. petat. l. 19. §. 1. D. quemadim. servit. amitt. l. 86. §. 2. D. Leg. 1. l. 64. in fin. D. de furt. Paul. 3. sent. tit. 6. §. usufructus. Cujac. 11. obs. 36. diss. Coras. in l. 3. n. 19. D. de Servit.

Constituitur etiam usufructus, pactionibus atque stipulationibus, secundum sensum explicatum titulo præcedenti. §. 1. hic. intercedente traditione verâ, vel quasi. Arg. l. 1. D. Servit. Rustic. l. 3. in princ. D. hic. l. 20. Cod. de Pact.

Constituitur, si dominus nudam proprietatem in alium transferat, sibi reservato usufructu. l. quisquis. Cod. de Donat.

Constituitur in judiciis divisoriiis, familiæ ereiscundæ, communi dividundo, idque officio iudicis. l. 6. §. 1. D. hic.

Lege constituitur patri in bonis adventitiis filii, quæ ejus puta filii non erant pleno jure. l. fin. Cod. de bon. quæ liber. l. 1. Cod. de bonis matern. Novell. 118.

Lege itidem constituitur mulieri, quæ post annum luctus transivit ad secunda vota, idque in bonis quæ à priori marito lucrata est, reservatâ liberis prioris thori proprietate. l. fœminæ. Cod. de Secund. Nupt.

Etiam viduæ inopi in bonis mariti prædefuncti, si liberi sint superstites, quod ex naturâ correlativorum inopi marito concedendum, secundum Auth. Cod. Unde vir & uxor.

Constituitur denique longi temporis præscriptione, interveniente quasi traditione, qualis est patientia vel scientia proprietarii. l. 1. §. fin. D. Servit. Rustic. l. pen. Cod. hic. l. fin. Cod. de long. tempor. Præscript. vid. ad hæc omnia Gomez. 2. Resol. 15. n. 5. & seqq.

Aliter tamen usufructus constituitur, atque servitutes reales, si formam spectemus, nam constituitur vel pro parte divisâ, vel indivisâ. l. 5. D. hic. non tam per se, quia res est incorporalis, quam propter facilem fructuum divisionem. vid. Alciat. J. Parad. 17. Cujac. 12. obs. 13. Hottom. Illustr. quæst. 18. 19-20. Connan. 4. comm. 6. n. r. Donell. 10. comm. 5. & 16.

Constituitur vel sub conditione, vel ex die, vel ad diem. l. 9. §. 4. D. ad Exhib. l. 16. D. quib. mod. usufr. fin. l. 4. 64. D. hic. l. 16. §. 2. D. Famil. Ercisc. Non tamen constituetur in diem mortis alicujus quo desineret. per l. 51. D. hic.

3. Non etiam si rem ipsam spectemus, omnium bonorum constitui poterit usufructus, quod dodrantis æstimationem excedere non debent. Id quod potissimum locum habebit, cum relictus est usufructus in ultimâ voluntate, iis superstilibus, quibus de jure quarta, vel legitima competit. l. 19. ubi Costal. Gothefred. in notis. D. hic. Cujac. ad Nov. 18. Connan. 4. comment. 4.

4. Quod si in casu licito omnium bonorum relictus sit usufructus, non ante eum percipiet fructuarius, quam deducto ab universâ hæreditate, omni ære alieno, quo per hæredem non fructuarius soluto, legatum usufructus diminutum erit. l. 69. D. Ad l. Falcid. Arg. l. 1. 2. D. de hæred. vel action. vend. l. 1. Cod. Si certum petat. l. 2. Cod. Hæred. Action. DD. ad l. fin. D. de Usufr. legat. Cujac. ad l. 37. D. cod. Gail. 2. observ. 145. Fachin. 4. controv. 19. Costal. ad d. l. 37. Vaud. 1. quæst. 31. Hartmann. Pistor. 1. quæst.

quæst. 10. Gædd. ad l. 49. n. 12. & l. 165. in fin. D. de verb. sign. Bronch. cent. 1. Miscell. assert. 49. Hænon. disp Instit. 5. n. 17. & Pand. 3. num. 2. diff. Bartol. in d. l. fin. de Usufr. legat. Guid. Pap. decif. 541.

MORIBUS.

Si feudum filio datum sit, ejus usufructus non erit quæsitus patri, Harprich. ad §. 1. n. 31. hic. Vultej. 1. de feud. c. 5. n. 8. Fachin. 7. contrav. 77. Besold. delib. jur. Pand. hoc tit. n. 11. Hænon. disp. 5. ad Instit. n. 22. Sicuti nostris moribus in adventitiis filiorum patri non quæritur usufructus. dixi ad tit. de Patr. potest.

Secundum Statuta tamen Messanensium secus est, ubi vid. Giurb. ad Messan. 7. gloss. 1. p. 1. & gloss. 2.

Moribus Brabantiz, si uxor vel maritus defungatur, conjugii superstiti, jure devolutionis omnium bonorum debetur usufructus. vid. Christin. ad Mechlin. de jure devolut. Perez. Cod. de Usufr. n. 2.

Moribus nostratum secus est, quibus etiam cessat. tit. Cod. Unde vir & uxor. vid. Groenweg. ad d. tit. vid. Mevium ad Lubecenf. part. 2. tit. 2. artic. 8. 9.

Quid si de moribus usufructus omnium bonorum alicui sit relictus an eo finito reditus vitalitii nomine, qui etiam erat in bonis, aliquid erit restituendum, vel inferendum scriptis hæredibus? Ita quidem antea obtinebat in hac Provinciâ, verum contrarium statutum est, art. 9. decision. ordinum de ann. 1659. April. 14. artic. 9. vid. Rodericum 1. de annuis redit. 3. n. 16. Coren 7. observat. decif. cur. Holl. Rodenborg. de jure maritor. tit. 2. c. 4. n. 33.

Quid vero obtineat si sylvæ aut arborum usufructus alicui sit relictus. vid. apud Pinell. ad l. 1. Cod. de bon. matern. p. 2. n. 59. Garfiam de Expens. c. 11. n. 31. Christin. ad Mechlin. tit. 15. art. 4. & vol. 1. decif. 129.

Quid an usufructuarius omnium bonorum inventarium conficere teneatur, sic ut illud à testatore remitti non potuerit? Ita videtur. Boër. decif. 63. n. 12. Peck. 5. de testam. conj. 24. n. 3. Christin. ad Mechlin. tit. 9. §. 13. Neost. decif. cur. Holland. 20. & suprem. cur. 33.

Ne tamen in universum.] Ac si dicat, licet multis modis constituatur usufructus, non tamen sic constitui poterit, ut perpetuo illa fructuum percipiendorum utilitas à proprietate sit separata. Ita enim res mea foret, nec unquam tamen ullam mihi commoditatem adferret. Quâ ratione, quod dominus præcipuo rei suæ effectu in perpetuum fraudaretur, certis modis usufructum extinguere placuit, de quibus agendum erit in sequentibus. Quâ admissâ interpretatione nihil videtur reprehendendum in methodo à Triboniano observatâ: licet quandoque in leges ordinis impingat.

§. 2.

- | | |
|--|---|
| <p>1. <i>Quarum rerum Usus-Fructus relinquitur, describitur.</i></p> <p>2. <i>Vestimentorum est verus & quasi Usus-Fructus.</i></p> <p>3. <i>Pecunia numerata est quasi Usus-fructus.</i></p> <p>4. <i>Nihil potest LEGISLATOR contra naturam.</i></p> | <p>5. <i>Quasi Usus-Fructus etiam constituitur inter vivos.</i></p> <p>6. <i>Cautio est necessaria, siquidem Hæres eam exigat.</i></p> <p>7. <i>Semel remissa postea exigi non poterit.</i></p> <p>8. <i>Cautio Fructuaria à quasi-fructuaria distinguitur.</i></p> |
|--|---|

1. **C**onstituitur usus-fructus.] Quarum rerum detur verus usufructus in principio hujus §. 2. explicat, ut ita indicet quarum rerum constitua-
tur quasi usufructus, atque adeo inter verum & quasi usumfructum
discrimen innotescat. Non itaque tantum in rebus immobilibus, verum
etiam mobilibus usumfructum consistere docet, modo res sint, quæ usu non
consumantur, & aliquam insuper utilitatem adferre valeant fructuario.

Quid si ergo prædiorum sterilius relictus sit usufructus, sic tamen ut plus
in ea impendamus, quam de iis adquirimus? Respondum est, nihilominus
eorum usumfructum valere, quod quondam utilitatem adferre possint, li-
cet de facto non sint utilia. l. 41. §. 1. D. hic. Arg. l. pen. de Servit.

Quid si in infantibus, furiosis, vel ægrotis mancipiis relictus sit usufructus? Valebit, quod utilitas mutat à ætate vel conditione in iis esse possit.
Paul. 3. Sent. c. 6.

2. *Quo in numero sunt.*] Agit de quasi, seu improprio usufructu, qui jus est
utendi fruendi ex Senatusconsulto rebus illis, quæ usu consumuntur. Quo
in numero sunt vinum, oleum, frumentum, etiam vestimenta, quorum usus
est in abusu, qualia sunt vestimenta quotidiana, non item scenica, funebria,
pomptica, quorum verus usufructus legari potest, modo considerentur
ut corpora, non ut quantitates. l. 15. §. et si vestimentorum. D. hic. l. 9. §.
pen. D. Usufr. quemadm. cay.

An igitur ulla vestimenta consumi poterunt, an potius atteruntur? Resp.
Non quidem propriè loquendo consumuntur, deteriora tamen utend red-
duntur, sic ut omnis eorum usus pereat, quod hic idem est, atque si consu-
merentur. Ut illi hallucinentur, qui sectionem nostram vitiosam censent,
aut per vestimenta intelligunt ipsam materiam, puta lanam cujus, non item,
vestimentorum, quasi usumfructum adiungunt, per §. cum ex alienâ. Instit.
de Rerum divis. ita Donell. 10. comm. 4.

3. *Quibus proxima est pecunia numerata.*] Pecunia numerata verè non ex-
tinguitur, aut consumitur, ipso tamen usu assiduâ permutatione quodam-
modo

modo extinguitur. §. 2. hic. Quo sensu respondit Paulus J.C. pecuniam servari non posse. l. 30. D. de Petit. hered. ejusque usum, vix continuum, vix stabilem, vix diuturnum esse, secundum rescriptum Constantini in l. 22. Cod. de Admin. tutel.

Neque obstat l. 28. D. de Usufr. Quod talium numismatum, de quibus agitur in d. l. 28. non idem sit usus, qui pecuniarum numeratarum, sic ut mirum non sit, si vero usufructui adnumerentur. Neque enim numismata quibus pro gemmis uti solemus, in emptione sunt pretii loco, non rem æstimant, sed ipsa pretio æstimantur, nec tam ut quantitates, quam ut corpora in usum concedi solent.

Sed utilitatis causa senatus. Quandoque ut neglectâ juris subtilitate quid decernat Senatus, suadet æquitas, suadet utilitas & necessitas. Non quod velit Senatus, vel decernat, ut res fungibiles veri usufructus in posterum essent capaces. Neque enim si tale quid voluisset, id efficere potuisset; quod legislator contra naturam rei nihil decernere valeat. §. 2. in fin. hic. l. 188. §. quæ rerum. D. de Regul. jur. Verum id quod potuit Senatus, etiam effecit, puta, ut quasi usufructui res fungibiles adscriberentur.

Cur ergo earum rerum usufructum per Senatum constitutum asserit Tribonianus? *Resp.* Vel hanc fuisse ejusdem incuriam, quam tamen sub finem ejusdem §. 2. emendat; vel jurisconsultis id insuetum non esse, ut ea quibus improprietas nota foret præmittenda, illâ demptâ, absolute ponantur. Sic quasi possessio, simpliciter possessio, quasi dominium, remotâ dictione abusione significante, dominium appellatur. §. namque Instit. de Action. l. Servitut. quæ. D. de Servit. Urban.

Itaque si pecunia usufructus legatus sit. Sicuti verus usufructus, ita etiam quasi usufructus variis constituitur modis. Et quidem vel in ultimâ voluntate. §. 2. hic. & tot. tit. D. de Usufr. earum rerum. Vel pactionibus & stipulationibus, seu contractu inter vivos. Neque enim postremo modo repugnat constitui quasi usufructum, & generaliter hic loquitur Imperator. §. 2. verb. ergo. Licet passim legati fiat mentio, quod plerumque testamento constitueretur, vel id primitus in legatis fuerit tentatum. Quinimo cum jurisconsultus in l. 1. D. de Usufr. ear. rerum scripserit, *quasi usufructum legari posse*, Imperator, in hoc §. 2. usus est verbo *constitui* posse; quod propriè loquendo ad contractus inter vivos, non ultimas voluntates refertur. §. 1. in med. hic. §. 4. in princ. tit. Præced.

Neque obstat, quod vix ac ne vix quidem à contractu mutui distinguere tur quasi usufructus. Præterquam enim quod non appellaretur mutuum, neque adfuisset animus mutui contrahendi, cum tamen contractus secundum suum initium considerari debeant. l. 12. D. Macedon. etiam manifestæ

sunt

sunt differentiæ inter utrumque negotium, si naturam cujusque spectemus. Aliiter enim longe finitur quasi usufructus atq; mutuum, puta nonnisi morte quasi fructuarii, & capitis deminutione. Ille desiderat satisfactionem, quæ si fuerit exacta, nec præstita, secus quam obtinet in mutuo, nullius momenti erit, quod gestum est. Ibi nullæ præstantur usuræ, nec adjici solet usurarum stipulatio, hic sæpe adjicitur. Denique ibi sufficit præstari, vel eandem in genere quantitatem, vel ejusdem æstimationem in pecuniâ numeratâ, §. 2. hic. l. 7. D. de usufr. earum rerum. Hic vero, puta in mutuo, eadem quantitas in genere est reddenda, nec liberabitur mutuatarius præstando æstimationem; quod aliud pro alio invito creditore solveretur, contra l. 2. D. de Rebus Credit. Arum. disput. 5. ad Instit. exercit. 17. Befold. delib. jur. Pand. de Usufr. earum rerum. n. 12. Hœnon. disput. 3. Pand. n. 8. litt. m. diff. Connan. 4. comm. 4. n. 2. Donell. 10. comm. 4. Wesemb. ad tit. D. de Usufr. earum rerum. Pacius in Isagog. ibid. Treutler. disp. de Usufruct. thes. 2. in fin.

6. *Ut tamen hæredi eo nomine utiliter caveatur.*] Non posse quasi usumfructum constitui, nisi hæredi caveatur utiliter, id est satisfacto, hic textus aperte probat. Quod intelligendum, si cautionem exigit hæres, quo casu ante præstitam cautionem nihil suum faciet quasi fructuarius. l. 7. in princ. D. de Usufr. earum rerum. Non tamen propterea existimandum erit hanc cautionem esse de substantiâ ut ab hærede remitti non possit: quandoquidem antequam ea sit præstita, etiam quasi usufructus constitutus censetur. l. hoc senat. §. §. si pecuniæ. 1. D. de Usufr. earum rerum. l. cum ita. §. cum suo. D. quand. dies legat. Joh. Faber hic. Pinell. in l. 1. p. 2. n. 678. Cod. de bon. inatern. Fachin. 8. contrav. 43. Castillo de Usufr. cap. 15. 16. & seq. Perez. Cod. hic. n. 10. 11. Bronchorst. 1. Assert. 89. diff. Gail. 2. obs. 46. n. 2. Roeland. à Valle 1. conf. 62. n. 8. Donell. 10. comm. 4. Costal. ad l. 1. D. Usufr. quemadm. caveat. Treutler. disp. 5. de Usufr. thes. 5. litt. c. Lyclam. 6. membran. 29.

7. Quid si ab hærede semel remissa fuerit hæc cautio, an postmodum exigi poterit? Non videtur, quia favori suo renunciassè censetur hæres, ut propterea jus quæsitum sit quasi fructuario. Nisi tamen metus sit dilapidationis bonorum, sic ut ad æstimationem in posterum præstandum non sit futurus idoneus. Arg. l. 10. D. qui satisfacere cogant.

Quid si omiſsa fuerit prædicta cautio, an postmodum hæres eam jure præstari desiderabit? Ita videtur dicendum, sic ut per incerti conditionem ea sit petenda. l. 5. §. 1. D. de Usufr. ear. rerum.

Quid si cautionem præstare nequeat, cui quasi usufructus est relictus, quia forte paupertinus? In usufructu res est evidens, & antea decisa, ut quæ

quæ sæpe locum facit sequestrationi. Joh. Faber. hic. Verum cum rei, cuius abusus est concessus, non possit esse sequestratio, ad cautionem juratoriam videtur recurrendum. Argum. Nov. 112. §. 2.

Sed æstimationis his satisfatur, ut.] Aliter cavet fructuarius, aliter quasi fructuarius, non si ipsum cautionis genus spectemus, quod utrobique fit satisfacto, sed si effectum, & cautionis contentum. Nam ille cavet, se usurum, fructum boni viri arbitrato, nec causam proprietatis deteriore redditurum. l. 1. in princ. & §. 3. D. Usufr. quemadm. cav. l. 13. in princ. D. hic. Seque finito usufructu rem fructuariam, quodque ex eâ extabit, restitutum. d. l. 1. & tor. tit. D. Usufr. quemadm. caveat. Quasi fructuarius cavet, se vel ejusdem generis & qualitatis rem esse restitutum, vel ejusdem æstimationem. §. 2. hic. l. 1. D. Usufr. quemadm. cav. l. 2. & seqq. D. de Usufr. earum rerum. Ibi cautio inspecto primo capite, toties committitur, quoties fructuarius aliter uti cæpit, hic non nisi semel, finito quasi usufructu. l. 1. §. habet autem. D. Usufr. quemadm. caveat. Propter illam cautionem (non ex l. Aquilia l. 13. §. 2. D. de Usufr.) Fructuarius tenetur de damno culpâ dato, non tantum in committendo, verum etiam in omittendo. l. 1. in fin. cum seqq. l. 5. D. Usufr. quemadm. cav. Propter hanc cautionem de damno, vel culpâ non tenetur quasi fructuarius, quod rei dominus sit effectus, & ad tantumdem restituendum tantum sit obligatus. §. 2. hic. l. 1. 2. D. de Usufr. earum rerum. vid. Gregor. Tholos. Synt. jur. 4. c. 3. n. 16. & c. 4. n. fin.

§. 3.

Modi varii, quibus Usus-Fructus finitur, explicantur.

F*initur autem usufructus.]* Quasi usufructus finitur morte, vel capitis deminutione, ut tamen restitutio fiat in genere, vel præstetur acceptæ quantitatis æstimatio. l. 3. 7. 9. D. de Usufr. ear. rerum.

Quid si quasi usufructu summæ pecuniæ relicto, valor nummorum creverit, vel diminutus sit? In restitutione spectabitur tempus acceptæ quantitatis, non quo ea venit restituenda. §. 2. verb. itaque si pecuniæ. Instit. hic. l. 7. D. de Usufr. earum rerum. Arg. l. 3. in fin. D. de Rebus Credit. vid. Imbert. 1. Instit. Forens. 60. Mantica. de conj. ultim. volunt. 3. tit. 11. n. 8. Gail. 2. obs. 73. n. 4. Everh. consil. 105.

Verus usufructus, vel minuitur, vel finitur; minuitur ipso facto, si pars rei inteseat; ipso jure per l. Falcidiam. l. 68. 69. D. Ad l. Falcid. Finitur multis modis:

1. Morte usufructuarii, quia servitus est personalis, quæ cum personâ extinguitur. l. 1. D. hic. l. 3. in fin. D. Quibus mod. usufr. amitt. l. 8. §.

tale. D. Liber. legat. In tantum etiam, ut maturis fructibus, nondum tamen perceptis discedens, nihil in hæredem transmittat. §. 37. Inst. de Rer. divis. l. 13. D. Quand. dies usufr. leg. ced. Donell. 10. comm. 9. Zoef. D. Quand. dies usufr. n. 7. 8. & seqq. Nisi tamen vel iudicio testatoris, vel verbis stipulationis ad hæredem extendi debeat. l. 3. 5. D. Quib. mod. usufr. amitt. l. 8. D. de Annuis legat. l. 23. D. de Usu legat. l. 38. §. 10. D. de verb. oblig. Huc etiam referri poterunt cásus singulares, de quibus in l. 10. 15. fin. Cod. hic. l. 18. Cod. de jure dot.

Quo vero casu usufructus est repetitus, sic ut ad hæredes transire debeat, de primo id erit intelligendum, non ulterioribus, ne in perpetuum à proprietate separatus esset usufructus. d. l. 3. §. 1. Antiquitas. Cod. de Usufr. vid. Giurb. ad conf. Senat. Messanen. p. 1. c. 7. gloss. 9. Gomez. 2. Re. fol. 15. n. 18.

Quid si duobus conjunctim usufructus fuerit relictus, an uno defuncto finietur usufructus, an potius adcrecet collegatario? Siquidem conjuncti fuerint re & verbis simul, vel re tantum, potius collegatario supersit, quam hæredi adcrecet usufructus, licet suam partem amiserit. l. 1. §. inter. dum. l. 3. D. de Usufr. Adcref. l. 33. D. de Usufr. vid. Swanenburgium singul. tract. de jure adcref. p. mihi 59.

Quid si corpori vel collegio vel universitati usufructus sit relictus? Eum centum annorum lapsu extingui placuit, quia is finis vitæ longævi hominis est. l. 56. D. hic. l. 23. Cod. de Sacros. Eccles. Varro 5. de Ling. latin. vid. de vitâ hominis longævi Menoch. 6. præsumpt. 49. Nisi tamen universitas superioris auctoritate, vel aliter ante annum centesimum fuerit eversa, vel destructa. l. 21. D. quib. mod. usufr. Jason in l. 83. §. sacram. 4. n. 26. D. verb. obligat. vid. Cujac. tract. de Divers. Præscript. cap. 34. Borcholt. de feud. c. 9. n. 5. 6. 7. Bronch. 1. Misc. contr. assert. 86. Befold. delib. juris. Pand. hic. q. 15.

2. Finietur itidem usufructus maximâ & mediâ capitis deminutione; quæ mortalitati comparantur. §. 3. hic. l. 209. D. de Reg. jur. l. cognit. ionum. D. Extraord. cognit. l. 1. §. pen. D. bonor. poss. contr. tabul. Etiam ante Justinianum minimâ capitis deminutione, Paul. 3. sent. 6. §. capitis. ibique Cujac. Quod correctum per §. 3. hic. & l. pen. Cod. eod. Excepto casu, quo patri in bonis adventitiis filii quæsitus est usufructus, qui emancipatione filii non omnino perit, relictâ penes patrem usufructus parte dimidiâ. §. 2. Instit. Per quas person. nob. adquir. l. 3. Cod. de bon. matern. l. 6. §. 3. Cod. de bon. quæ liber.

Unde quæsitum, an confiscatis ob delictum filii-familias bonis, pater in adventitiis amittat usumfructum? Forte ne quidem proprietatem adven-

titie-

titiorum, tantum abest, ut usufructum amittat. l. 3. Cod. de bon. damnat. vid. Clarum §. fin. q. 78. n. 12. Covarr. Variar. Resol. 8. n. 7. Gomel. 2. Resol. 15. n. 12. Fachin. 9. contrav. 47. & seqq. diss. Peregrin. de jure fisci libr. 5. tit. 1. n. 28.

An igitur confiscatis patris bonis ob ejus delictum, usufructus quem in bonis habebat filii applicabitur fisco? Non videtur, sed ad originem suam, id est, ad proprietatem revertetur. vid. Peregrin. 5. de jure fisci. tit. 1. n. 129. Fachin. 9. contrav. 50. Hænon. disp. 3. Pand. n. 7. litt. B. diss. Gomel. in Resol. tit. de Servit. n. 18.

3. Finitur usufructus etiam morte ejus, cui fructuarius rogatus est usufructum restituere. l. 4. D. Quib. mod. Usufr. amitt.

4. Finitur usufructus totali rei interitu: est enim jus in corpore, quo sublato & ipsum tolli necesse est. in princ. hic. l. 2. D. eod. Huc etiam refer collectionem, quæ unâ re sublatâ perit, ut si quadrigæ usufructus sit relictus; secus si quatuor equorum, vel etiam gregis. l. 68. & seqq. D. hic. l. 10. §. fin. D. Quib. mod. Usufr. amitt. Licet hic de moribus nulla servetur differentia, Mornac. ad l. 10. Huc etiam refer mutationem, quod eadem res superesse non videatur, quæ mutata est; præsertim cum hic non dicatur mutata, quæ non in aliam speciem & nomen transivit. l. 9. §. sed et si. D. Ad exhib. l. 13. §. 1. D. verb. signif. Quâ ratione, si in arcam cujus legatus est usufructus ædificium sit impositum, quia area mutata est, usufructum extinguí constat. l. 5. §. 3. D. Quib. mod. Usufr. amitt. Vice versâ, ædificio diruto, cujus erat usufructus relictus, ne quidem aræ usufructus debebitur. §. 3. in fin. hic. Quod area diruto ædificio non amplius ejus pars censi debeat. Arg. §. 30. Instit. Rerum divis. ubi vid. mea notata.

Adeoque non obstat l. 20. §. 2. D. de Servit. Præd. Urban. Quia in d. l. 20. area dicitur ædificii pars, quamdiu ei ædificium est impositum. Præterquam quod responderi posset, ideo destructo ædificio aræ usufructum non deberi, quod ædificii, non vero loci relictus sit usufructus. Sunt qui respondent propter utilitatem in usufructu id esse receptum, ut licet pars supersit, modo tamen res sit mutata, ejus corporis, quod residuum est, usufructum non deberi. l. 13. §. 1. D. verb. signif. Nisi tamen bonorum relictus sit usufructus, quo casu diruto ædificio etiam nunc usufructus aræ debetur. l. 34. §. 1. D. de Usufr.

An vero re restituatâ, quæ interiisse dicebatur, vel esse mutata, usufructus qui interierat, reviviscat, disputari solet? Videtur difficultas distinctione esse temperanda, ut si prior forma redeat, usufructus reviviscere dicatur, sin minus, non restituatur. Arg. §. 30. Instit. de Rerum divis. l. 36. D. hic.

l. 98. §. 8. D. de Solut. Quâ ratione, si quæ res ab hostibus fuerit capta, ad suos redierit, usumfructum restitui indubium est. l. 26. D. Quib. mod. usufr. l. 19. in princ. D. de Captiv. & Postlim.

Non obstante l. 79. §. fin. D. Leg. 3. quod ea sententia quam Celsus propugnat per leges allegatas sit reprobata. Zoef. D. Quib. mod. Usufr. amitt.

5. Finitur usufructus consolidatione, si fructuarius proprietatem rei adquisierit. §. 3. hic. l. 3. §. 1. D. de Usufr. ad cresc. l. 17. 27. D. quibus mod. usufr. Nam solida illa demum est proprietas, à quâ non est deductus usufructus. l. 35. D. de bon. libert. l. 26. §. pen. de Usu leg. l. à libertor. D. de bon. libertor. Donell. 10. comm. 19. Pacius in not. hic.

6. Cessione, quando fructuarius usufructum cedit proprietario; quod nemini res sua servire possit. §. 3. hic. Non itaque cessione factâ extraneo finitur usufructus, quo sensu nihil agere dicitur fructuarius, in quantum sibi usufructum retinet, ut ita cessio nihil operetur, nec ante redit usufructus ad dominium proprietatis, quam defuncto fructuario. §. 3. hic. Arg. init. Instit. qui & quibus ex caus. manura. c. non præstat. de Reg. jur. in 6. sicque accipienda l. 66. D. de jure dor. Wesemb. Parat. D. quib. mod. usufr. amitt. n. 5. Pinell. ad l. 1. p. 3. n. 39. in fin. Cod. de bon. matern. Fabrott. ad Theophil. hic. Zoef. D. quibus mod. usufr. amitt. n. 26. 27. 28. diff. Cujac. in not. ad §. 3. hic. Donell. 10. comment. 20. Covarr. 1. Résol. 8. num. 7. Treutl. disp. de Usufr. thes. 14. litt. E. ubi vid. Bacchovium.

7. Finitur usufructus si non utatur fructuarius per modum & tempus. §. 3. hic. id est, modo & tempore; dum in utendo modum præscriptum non observat, puta ut alternis annis uteretur; dumque nullo utitur tempore, id est, re mobili per triennium, immobili per 10. inter præsentés, 20. inter absentes. l. sicut. Cod. Servit. l. fin. Cod. de longi tempor. præscript.

Neque obst. l. pen. Cod. hic. ea enim intelligenda est de præscriptione annali & biennali, quæ olim obtinebat, cujus respectu usufructus solummodo morte fructuarii & rei interitu extingui placet.

Sicuti nec obst. l. 21. D. quibus mod. Usufr. amitt. l. 56. D. de Usufr.

8. Finitur usufructus per modum exceptionis, si tempus vel conditio sit impleta, ad quam usufructus fuit constitutus. l. 4. D. de Servit. Arg. l. 4. §. 5. D. hic. l. 5. Cod. usuris. l. 12. in princ. Cod. eod. Perez. Cod. hic. n. 19. vid. tamen casum diversum in l. ambiguitatem. Cod. hic.

9. Finitur etiam deficiente conditione sub quâ fuit relictus. vid. l. 30. l. 32. §. duas. D. Usufr. legat. l. 12. Cod. hic. Gregor. Tholof. Syntagm. juris. lib. 4. c. 3. 4. Unde si mulieri sit relictus, donec castè vixerit, si se
vul-

vulgaverit, vel prostituerit, amittitur. Non idem dicendum, si viro nups-
erit, vel iterato. Bartol. in l. mulier. 22. §. 4. n. 5. D. Trebell. Arg. Novell.
22. c. 32. Gail. 2. obs. 98. n. fin. Treutl. disp. de Usufr. thes. 15. litt. D.
diff. Coraf. 3. Misc. 4. Nisi tamen eâ lege usufructus sit relictus, ut si mu-
lier ad 2. vota transeat, eo sit caritura.

10. Extinguitur denique usufructus redemptione legati à testatore fa-
ctâ. l. 17. 27. D. quibus mod. usufr. amitt. l. 64. D. hic. l. 14. §. fin. D. de
Usu. l. 32. §. idem. D. de Usu legat. vid. de modis quibus finitur usufruc-
tus, Alciat. in l. qui Romæ. §. duo fratres. n. 48. D. de verb. oblig. Co-
varr. 1. variat. 8. n. 7. Negusant. de Pignor. membr. 2. p. 2. n. 3. Barbos. ad
l. si usufructus. 58. n. 4. D. Solut. Matrim. Connan. 4. comment. 6. Pi-
nell. in l. 1. p. 3. n. 38. Cod. de bon. matern. Gregor. Tholos. Synt. juris.
libr. 4. c. 5.

MORIBUS.

Jure Saxonico mulier cedendo dotalitium suum, cujus quodammodo
usumfructum habet, suo jure privatur. Coppen 2. observat. Practic. 84.
num. 14.

§. 4.

Si Usus-Fructus totus finiatur, ad Proprietarium redit.

Cum autem finitus fuerit totus.] Quia certis modis finiri usumfructum
placuit, ne inutilis in perpetuum foret rei proprietas. §. 1. hic. con-
sequitur eum, si finiatur, ad proprietatem reverti. Quo casu nudæ
proprietas dominus incipiet plenam in re habere potestatem. Cum enim
rei utilitas & dominii emolumentum in usufructu potissimum consistat, sic
ut res dari non intelligatur, si detrahatur usufructus. l. qui usufructus.
58. D. verb. obligat. plenam in re potestatem non habuisse censetur, in-
terea dum illo dominii effectu caruit. Quod autem dicitur usufructu finito
eundem ad dominum proprietatis redire, id ita demum verum est, si fini-
atur totus. Nam si pro parte intereat, quod etiam in plerisque causis ac-
cidere potest, exceptâ capitis deminutione vel morte, (nisi repetitio sit
legati usufructus. l. 3. 5. D. quibus mod. Usufr.) non tam ad proprietarium,
quam ad constructuarium jure adcrefcendi pertinebit. l. 14. D. quibus mod.
Usufr. amitt. l. 1. D. de Usufr. adcrefc.

LIBER. II. TITULUS. V.

D E

USU ET HABITATIONE.

Iisdem illis modis, quibus usufructus constituitur, etiam nudus usus constitui solet, iisdemque illis modis finitur, quibus & usufructus desinit.

1. Minus autem juris est in usu, quam in usufructu: nam is, qui fundi nudum habet usum, nihil ulterius habere intelligitur, quam ut oleribus, pomis, floribus, fœno, stramentis, & lignis ad usum quotidianum utatur: in eoque fundo hætenus ei morari licet, ut neque domino fundi molestus sit, neque iis, per quos opera rustica sunt, impedimento: nec ulli alii jus, quod habet, aut vendere, aut gratis concedere potest: cum is, qui usumfructum habet, possit hæc omnia facere.

2. Item is, qui ædium usum habet, hætenus jus habere intelligitur, ut ipse tantum inhabitet, nec hoc jus ad alium transferre potest. Et vix receptum esse videtur, ut hospitem ei recipere liceat, & cum uxore, liberisque suis, item libertis, nec non personis aliis liberis, quibus non minus, quam servis utitur, habitandi jus habeat: & convenienter, si ad mulierem usus ædium pertineat, cum marito ei habitare liceat.

3. Item is, ad quem servi usus pertinet, ipse tantum operâ atque ministerio ejus uti potest: ad alium vero nullo modo jus suum transferre ei concessum est. Idem scilicet juris est & in jumento.

4. Sed & si pecorum vel ovium usus legatus sit, neque lacte, neque agnis, neque lanâ utetur usuarius, quia ea in fructu sunt. Planè ad stercoreandum agrum suum pecoribus uti potest.

5. Sed si cui habitatio legata, sive aliquo modo constituta sit, neque usus videtur, neque usufructus, sed quasi proprium ali-

aliquod jus: quamquam habitationem habentibus, propter rerum utilitatem, secundum Marcelli sententiam, nostrâ decisione promulgatâ permisimus non solum in ea degere, sed etiam aliis locare.

6. Hæc de servitutibus, & usufructu, & usu, & habitatione dixisse sufficiat. De hæreditatibus autem & obligationibus, suis locis proponemus. Exposuimus summam, quibus modis jure gentium res adquiruntur: modò videamus, quibus modis legitimo & civili jure adquiruntur.

COMMENTARIUS.

1. Usus definitur.

2. *Isdem modis, quibus Usus-Fructus, constituitur.*



Siquitur altera servitus personalis, *usus* appellatus, vel *nudus usus*. §. 1. hic. Nam si sit cum dominio, est pars domini, si cum fructu est pars usufructus, si sine fructu, est species servitutis personalis per se. l. 1. D. hic. l. 14. §. 1. D. eod. *Et est jura alienis rebus utendi, idque ad usum quotidianum, salva earum substantiâ.*

Dicitur *jura*, puta servitutis, sicuti ea vox in definitione usufructus explicata fuit. Et quidem utendi, non etiam fruendi, quo nomine ab usufructu distinguitur. l. 2. D. hic. Nisi tamen ejus rei usus sit legatus, cujus, nisi fructus adesset, nulla foret utilitas. Quo casu sub usu & fructus continebitur, quod in Sylvæ ceduæ usu legato obtinere statuit Hadrianus. l. 22. in princ. D. hic. Idem quod in numismatum vel gemmarum usu constituto obtinere censerem. l. 28. D. de Usufr.

Additur, *rebus alienis*, in quantum est species servitutis, sic enim à proprietate separatus est, quod nemini res sua serviat.

Adjicitur, *ad usum quotidianum*, potest enim uti frumento, oleis (uti lego cum Cujacio in l. plenum. D. hic.) si ipsi fundi usus, lanâ & lacte, si ipsi pecorum, veluti ovium (sic legendum in §. 4. hic.) usus, sit relictus. l. 12. D. hic. vid. Proverb. 27. v. 26. 27. His tamen omnibus utetur modicè, nec cum aliis extra familiam, nisi sint convivæ vel hospites. Aliquanto enim largius cum usuario agendum est, pro dignitate ejus, cui usus est relictus. l. 12. §. 1. in med. D. hic. l. 3. §. sed quod diximus. D. de Pen. legat. Quod si aliter quam dictum est rebus utatur usufructarius, non uti sed frui, sed abuti-

fuor

fu o jure dicetur, quo refero §. 4. hic. l. 48. §. fin. D. de Acquir. donim.

Denique subjiçitur, *salvâ earum substantiâ*, quia tam usufructus, quam fructuarius cavere tenetur, se re usum esse boni viri arbitratu. l. 5. §. 4. D. Usufr. quemadmodum cav. Quod si tamen interim re minus legitime utatur, officio judicis compelletur, ne eâ aliter, quam æquum est, utatur. l. pen. in fin. D. hic.

IN P R I N C.

2. *Iisdem illis modis.*] Usus constituitur iisdem, supple fere, modis quibus usufructus: neque enim lege, vel sententiâ judicis usum constitutum legimus.

Neque obstat. l. 10. §. 1. D. Comm. divid. Quod non tam constituatur, quam declaratur cujus usus sit futurus. Finitur itidem iisdem fere modis, quibus usufructus, ut tamen non adcreseat, quia est individuus, neque ullo casu eum ad hæredes transire observamus. Et forte nova decisio l. ult. Cod. de Usufr. ad usum non erit extendenda. Constituitur insuper usus in iisdem rebus, in quibus locus est usufructui, puta, in domo, fundo, pecore, equitio, aquâ, sylvâ, &c. l. 2. & seqq. D. hic. Denique cautio æquè atque in usufructu, de re rectè utendâ, eâque usu extincto restituendâ, ab usufruario est interponenda. l. 5. §. 1. l. 7. D. de Usufr. car. rerum quæ usu consum.

§. 1. 3. 4.

Usus & Usus-Fructus *differentia proponitur.*

M*inus autem.*] Licet inter usum & usufructum in multis sit convenientia, est tamen in multis inter jus utriusque discrepantia. Usus enim, sicuti & aliæ vitutes, dividiuus est, quia restrictus ad hujus solius, cui restrictus est, exigentiam; secus quam est in usufructu. vid. l. 19. D. hic. Alciat. 1. Parad. 17. & 2. Parad. 8. Hottom. quæst. Illustr. 20. Coras. 1. Miscell. 3. Gomef. 2. Resol. 10. n. 15. Perez. Cod. hic. n. 32.

Qui habet usum rei, solus modicas impensas facere non tenetur, cum qui habet usufructum eas solus faciat. l. 7. §. 2. l. 27. §. 3. D. de Usufr. l. 18. D. hic. Ut tamen si fructuarius nullum fructum è re percipiat, & omne commodum nanciscatur usufruario, solus modicos sumptus faciat. d. l. 18.

Qui habet usum, alteri eum locare, vendere, aut gratis concedere non potest. §. 1. 2. 3. hic. adde, nec pignori dare, quia cum ipse uti debeat, ad suæ familiæ exigentiam, alteri hoc concedere non potest. Si tamen inutilis aut vixdum utilis usufruario esset usus, etiam id poterit. l. 22. D. hic.

Unde cui spatiosæ domus usus est relictus, si in officinâ ædium parte, contentus sit, ejus partem alteri elocare poterit. l. 2. in fin. & l. 4. D. hic. Sicuti quandoque id poterit ex præsumptâ mente testatoris, qui hanc facultatem in

ei concessit. l. 12. §. 4. D. hic. Verum qui habet usumfructum (excepto casu l. 24. §. 1. D. Leg. 1.) alteri suum jus potest concedere, quod hoc fructuum loco habeatur. §. 1. hic. l. 12. l. 35. §. fin. l. 38. 39. D. de Usufr. l. 27. §. fin. & l. 29. D. Petit. hæred. l. 72. D. de Regul. jur. Per jus intelligo, non illam servitutem personalem, quæ de personâ in personam transferri non potest. Verum commoditatem percipiendorum fructuum, quæ alteri communicatur. Cedere vero jus suum non potest, quia tum illa personalis servitus translata censeretur. §. pen. tit. Præced.

Qui habet usum minus juris habet, quam qui usumfructum; ille enim tantum ad necessitatem rem nactus est, hic ad utilitatem; ille ad usum quotidianum, hic ad lucrum & compendium; ad illum non omnis fructus pertinet, ad hunc omne rei emolumentum spectat, qui ideo defruitur, id est, omnem fructum percipit. §. 1. hic. l. 7. 9. D. de Usufruct. l. 66. §. 2. D. de Leg. 2.

Qui habet usum fundi oleribus, pomis, feno, floribus, stramentis, vino, oleo, forte & fructibus industrialibus frumento, forte etiam foliis uti poterit, sed non nisi modicè, & ad suæ familiæ exigentiam; & ita in fundo morari debet, ne ullam molestiam vel domino lundis, vel colono, vel rusticæ familiæ adferat. cum qui habet usumfructum illis limitibus non coarceatur. §. 1. hic. l. 12. §. 1. D. eod. vid. Connan. 4. comm. 5. n. 1. 2. & c. 6. Cujac. 9. observ. 37. Gregor. Tholos. 4. cap. 2. Gothesfr. in not. ad d. l. 12. §. 1.

Qui habet usum pecorum, lacte & lanâ non utetur, nisi modicè. §. 4. hic. l. 12. §. 2. D. eod. Ad stercorandum agrum iis omnino uti poterit; fæturâ ad fructuarium, vel proprietarium relicta. d. §. 4. l. 48. §. fin. D. de Acquir. domîn. Qui habet usum servi, ejus operâ tantum utetur, ut tamen operam alteri locare nequeat, secus quam est in usufructu. §. 3. hic. Secus etiam quam in operis servi, quæ ne quidem morte ejus, cui debentur, finiuntur. vid. Donell. 10. comm. 1. Cæpoll. de Servit. Urban. 7. n. 1. Gomef. 2. Resol. 5. Althusf. 1. dicaj. 24. n. 37.

§. 2.

Quid sit ædium Usus?

Item qui ædium usum habet.] Qui habet usum ædium, habitare tantum ipse potest, locare partem ædium non potest, nisi in casu l. 4. D. hic. Cum uxore tamen liberis, libertis, personis necessariis, morari ibidem concessum est. §. 2. hic. Etiam cum hospite, modo tamen vitæ sit honestæ, & super quo nulla quærela est vicinorum. l. 2. 3. 4. 5. 6. 7. D. hic. junctâ l. 13. §. fin. l. 27. §. 1. D. Usufr.

X x x

Quod

Quod temperamentum interpretes ad Inquilinum, fructuarium, studio-
sum, & socium transferre solent. vid. Cæpoll. de Serv. cap. 5. n. 5. Sneider.
ad Instit. hic. n. 12. Mornac. in l. 4. §. lenocinium. D. Qui not. infam.

1. *Habitatio explicatur.* 5. 5. | 2. *Multum ex facto mutuatur.*
1. **S**ed si cui habitatio.] Habitatio quandoque pro ipsâ domo accipitur,
quandoque pro jure servitutis. l. cum antiquitas. Cod. hic. & defini-
tur modo posteriori, quod sit jus inhabitandi alienas ædes, vel per se,
vel per alium, salvâ earum substantiâ. Dixi habitationem esse jus, non lo-
cum, uti perperam censet Hottomannus 3. obs. 23. Locus enim est pro-
prietarii, & habitatio ejus, cui in illo loco tale jus est tributum. Locus non
perit morte inhabitantis, cum ita finiatur habitatio. l. 10. in princ. D. hic. Ut
tamen si pereat locus, non possit non perire habitatio, cum nihil supersit,
quod inhabitari possit. Locus usui vel usufructui assimilari non poterat, cum
tamen de habitatione olim fuerit contentio, an usui an usufructui esset simi-
lior. l. 13. Cod. de Usufr. & habit. Hinc etiam habitatio, quemadmodum
illa jura, morte naturali finitur, neque transit ad hæredem. l. 10. in princ.
hic. Et cui relicta est habitatio, sicuti fructuarius, honestè ædes alienas in-
habitare debet. l. 7. D. hic. Insuper commoditatem inhabitandi, adinstar
fructuarii alteri locare potest, non item commodare, licet primitus alicui
commodari, id est, gratuito concedi potuerit. l. 1. D. commod. l. 17. D. de
Præscript. verb. vid. Gothefr. in d. l. 1.
- Sicuti habitationem sibi concessam, in quo usui comparatur, alteri dona-
re non potuit. l. 10. in princ. D. hic. & §. 5. Instit. hic. ubi locationis, non
donationis fit mentio. diff. Bacchov. hic. Neque d. l. 10. per l. 13. Cod.
hoc tit. correctæ est, cum in d. l. 13. non nisi locationis meminerit Impera-
tor, ut jus non correctum expressè, stare debeat immotum. l. 31. in fin.
Cod. de Appell.
2. Negari tamen non poterit, quin habitatio multum ex facto mutuatur,
& ita à cæteris servitutibus personalibus in aliis distingatur.
- Nam habitatio magis ex re ipsâ, quam personâ æstimatur, & propterea,
non utendo, vel capitis deminutione (sicuti quidem personales servitutes)
non amittitur. l. 10. in fin. principii. D. hic. l. legatun. D. caput. deminut.
vid. Connan. 4. comm. 5. Rævard. 2. varior. 12. Cæpoll. de Servit. Urban.
c. 6. Donell. 10. comm. 21. Vincent. Caroc. de Usu & habit. q. 1. 3. Greg.
Tholof. p. 1. Synt. jur. libr. 4. cap. 2. n. 10. Althus. dicajol. 1. c. 18. n. 25.
& seqq.

§. 6.

Modi acquirendi Domini Civiles.

H*Æc de servitutibus.] Egit in antecessum de modis acquirendi domini* juris naturalis, quod & jus gentium primævum & secundævum continebat. §. 1. II. 17. Instit. de Rerum divis. Loco intermedio etiam egit de servitutibus, idque occasione divisionis traditæ rerum in corporales & incorporales. Super sunt acquirendi domini modi, qui jure civili sunt inducti, si eorum formam spectemus: nam si materiam & originem, negandum non est, quin etiam jure gentium per eos dominia, fuerint quæ sita, ne quidem præscriptione longissimi temporis exceptâ. Estque inter omnes illos acquirendi domini modos, tam naturales quam civiles, discors quæpiam concordia. Uti enim illi modi, tribuunt dominium naturale seu *bonitarium*, ita modi civiles plenum ex jure Quiritium tribuunt dominium, civile vel *Quiritarium* appellatum. Modi acquirendi juris civilis in duplici sunt differentiâ, vel enim nituntur titulo universalis, vel titulo singulari, illi di cti universales, hi singulares. De universalibus in sequentibus erit dicendum, hic de singularibus est agendi locus, qui olim erant varii, abalienatio quæ continet mancipationem, cessionem, longi temporis possessio, jus adcre scendi, adjudicatio in judiciis divoris facta, emptio seu acceptatio sub coronâ è prædâ, emptio ex bonorum publicâ venditione, seu sectione, fisci alis traditio rei alienæ, ex Marci constitutione, idque postquinquennii possessionem, lex, usucapio, donatio, & legatum. De prioribus ex parte antiquatis, hic non agendum; super quorum explicatione consuli poterit Ulpian. in Fragment. tit. 19. Contius 1. disp. 13.

LIBER. II. TITULUS VI.

DE

USUCAPIONIBUS ET LONGI TEMPO-
RIS PRÆSCRIPTIONIBUS.

Jure civili constitutum fuerat, ut qui bonâ fide ab eo, qui dominus non erat, cum crederet eum dominum esse, rem emerit, vel ex donatione, aliave quavis justa causa acceperit, is eam rem, si mobilis erat, anno ubique uno; si immobili-

lis, biennio tantum in Italico solo usucaperet, ne rerum dominia in incerto essent. Et cum hoc placitum erat, putantibus antiquioribus, dominis sufficere ad inquirendas res suas præfata tempora; nobis melior sententia resedit, ne domini maturius suis rebus defraudentur, neque certo loco beneficium hoc concludatur: & ideo Constitutionem super hoc promulgavimus, quâ cautum est, ut res quidem mobiles per triennium, immobiles vero per longi temporis possessionem (id est, inter præsentis decennio, inter absentes viginti annis) usucapiantur; & his modis non solum in Italia, sed etiam in omni terra, quæ nostro imperio gubernatur, dominia rerum, iustâ causâ possessionis præcedente adquirantur.

1. Sed aliquando, etiam si maximè quis bonâ fide rem possederit, non tamen illi usucapio ullo tempore procedit: veluti si quis liberum hominem, vel rem sacram, vel religiosam, vel servum fugitivum possideat.

2. Furtivæ quoque res, & quæ vi possessæ sunt, nec si prædicto longo tempore bonâ fide possessæ fuerint, usucapi possunt. Nam furtivarum rerum lex duodecim tabularum, & lex Attilia inhibent usucapionem; vi possessarum, lex Julia & Plautia.

3. Quod autem dictum est, furtivarum & vi possessarum rerum usucapionem per leges prohibitam esse, non eò pertinet, ut ne ipse fur, qui ve per vim possidet, usucapere possit (nam his aliâ ratione usucapio non competit, quia scilicet malâ fide possident) sed ne ullus alius, quamvis ab eis bonâ fide emerit, vel ex aliâ causâ acceperit, usucapiendi jus habeat. Unde in rebus mobilibus non faciliè procedit, ut bonæ fidei possessoribus usucapio competat. Nam qui sciens alienam rem vendiderit, vel ex aliâ causâ tradiderit, furtum ejus committit.

4. Sed id aliquando aliter se habet. Nam si hæres rem defuncto commodatam, aut locatam, vel apud eum depositam, existimans hæreditariam esse, bonâ fide accipienti vendiderit, aut donaverit, aut dotis nomine dederit: quin is, qui ac-

ceperit, usucapere possit, dubium non est; quippe cum ea res in furti vitium non ceciderit, cum utique hæres, qui bonâ fide tamquam suam alienaverit, furtum non committat.

5. Item si is, ad quem ancillæ usufructus pertinet, partum suum esse credens, vendiderit, aut donaverit, furtum non committit. Furtum enim sine affectu furandi non committitur.

6. Aliis quoque modis accidere potest, ut quis sine vitio furti rem alienam ad aliquem transferat, & efficiat, ut à possessore usucapiatur.

7. Quod autem ad eas res, quæ solo continentur, expeditius ita procedit, ut si quis loci vacantis possessionem propter absentiam aut negligentiam domini, aut quia sine successore decesserit, sine vi nanciscatur, quamvis ipse malâ fide possideat (quia intelligit se alienum fundum occupasse:) tamen si alii bonâ fide accipienti tradiderit, poterit ei longâ possessione res adquiri, quia neque furtivum, neque vi possessum acceperit. Abolita est enim quorundam veterum sententia, existimantium etiam fundi locive furtum fieri: & eorum utilitati, qui res soli possident, principalibus Constitutionibus prospicitur, ne cui longa & indubitata possessio debeat auferri.

8. Aliquando etiam furtiva, vel vi possessa res usucapi potest, veluti si in domini potestatem reversa fuerit: tunc enim, vitio rei purgato, procedit ejus usucapio.

9. Res fisci nostri usucapi non potest. Sed Papinianus scripsit, bonis vacantibus fisco nondum nuntiatis, bonæ fidei emptorem traditam sibi rem ex his bonis usucapere posse: & ita divus Pius & divi Severus & Antoninus rescriserunt.

10. Novissimè sciendum est, rem talem esse debere, ut in se non habeat vitium, ut à bonæ fidei emptore usucapi possit, vel qui ex aliâ justâ causâ possidet.

11. Error autem falsæ causæ usucapionem non parit: veluti si quis cum non emerit, emisit se existimans, possideat:

Xxx.}

vel:

vel cum ei donatum non fuerit, quasi ex donatione possideat.

12. Diutina possessio, quæ prodesse cœperat defuncto, & hæredi, & bonorum possessori, continuatur, licet ipse sciat prædium alienum esse. Quod si ille initium justum non habuit, hæredi & bonorum possessori licet ignorantibus possessio non prodest. Quod nostra Constitutio similiter & in usucapionibus observari constituit, ut tempora continuentur. Inter venditorem quoque & emptorem conjungi tempora, divi Severus & Antoninus rescripserunt.

13. Edicto divi Marci cavetur, eum, qui à fisco rem alienam emit, si post venditionem quinquennium præterierit, posse dominum rei exceptione repellere. Constitutio autem divæ memoriæ Zenonis benè prospexit iis, qui à fisco per venditionem, aut donationem, vel alium titulum accipiunt aliquid, ut ipsi quidem securi statim fiant, & victores existant, sive experiantur, sive conveniantur: adversus autem sacratissimum ærarium usque ad quadriennium liceat iis intendere, qui pro dominio vel hypotheca earum rerum, quæ alienatæ sunt, putaverint sibi quasdam competere actiones. Nostra autem divina Constitutio, quam nuper promulgavimus, etiam de iis, qui à nostra, vel venerabilis Augustæ domo aliquid acceperint, hæc statuit, quæ in fiscalibus alienationibus præfatæ Zenoniæ Constitutionis continentur.

COMMENTARIUS.

IN PRINC.

- | | |
|--|---|
| 1. <i>Differentia inter Usucapionem & Præscriptionem constituitur.</i> | <i>tempus immemorabile titulo oper non est.</i> |
| 2. <i>Usucapio definitur.</i> | 8. <i>Traditionem desiderat Usucapio.</i> |
| 3. <i>In Jure Gentium fundamentum habet Usucapio.</i> | 9. <i>Tempora ad præscribendum enumerantur.</i> |
| 4. <i>Bona fides desideratur.</i> | 10. <i>An merum & mixtum imperium præscribuntur?</i> |
| 5. <i>Non omnis Præscriptio Juri Divino aut Canonico adversatur.</i> | 11. <i>Mores explicantur.</i> |
| 6. <i>Iustus titulus in Usucapione necessarius est.</i> | 12. <i>Decimæ Jure Canonum, si Ecclesiasticæ non præscribuntur.</i> |
| 7. <i>Moribus & Jure Canonum ubi</i> | |



Ure civili constitutum fuerat.] Antequam naturam explicem usucapionis, ad inscriptionem tituli seu rubricam nonnihil dicendum. Ea est de *usucapionibus*, & *longi temporis prescriptionibus*. Neque enim jure antiquo eadem erat usucapio, quæ præscriptio. Usucapio namque ita dicta, quod usu longo res alterius caperetur sic ut fieret capientis. l. 1. §. 1. D. Ex quib.

caus. major. l. 13. 29. D. hic. l. 1. Cod. de Usuc. pro hæred. Gell. 7. c. 10. Cujac. ad l. 3. D. hic. Præscriptio ex eo appellata, quod prius tractaretur, seu scriberetur. Illa parit directam in rem actionem Arg. §. Public. Instit. de Action. Hæc tribuit exceptionem, seu potius in eam transit exceptio, si reus eam probet, antequam actio instituta tractaretur. tit. D. de Except. Præscript. Rævard. 1. Præjud. c. 6. 7. 8. 9. 10. Illa litis contestatione non interruptitur; hæc vero interruptitur. Illa requirit bonam fidem; hæc non item. Illa est 10. vel 20. annorum; hæc annorum 30. 40. & plurium. Illa est rerum mobilium, tam nec Mancipi, quam Mancipi, & immobilium, sed Mancipi tantum; hæc est rerum immobilium, & nec Mancipi tantum. Illa nonnisi soli Italici, aut eorum quæ in provinciis Italico jure censentur; hæc & soli provincialis. Illa favorabilis; nec de momento in momentum tempora computantur, ut dies postremus captus usucapionis habeatur pro completo; hæc est odiosa, & oportet ultimum advenisse momentum, ut censeatur completa. Illa adversus minores currit, ut tamen in integrum restituantur; hæc non item, si sit temporalis. Quas tamen differentias, forte eâ exceptâ, quæ est de interruptione per litis contestationem, & bonâ fidē, sublâtas esse, per l. unic. Cod. de Usucap. Transform. & l. ult. Cod. de Præscript. long. facile concessero. Quinimo ante prædictas leges, novissimi juris interpretes, acquisitionem sive longi temporis possessionem vulgo præscriptionem appellarunt; alio quidem sensu, quam jure antiquo, per quod ratione longi temporis possessionis competens exceptio, præscriptio vocabatur. l. ei à quo. D. hic. l. quinque. Cod. fin. Regund. vid. Cujac. Parat. Cod. de longi tempor. præscript. & Cod. de Usuc. transform. Donell. 5. comm. 4. Rævard. libr. singul. de veris usucap. differ. Covarr. 1. tom. p. 1. relect. §. unic. n. 3. 6. Gilken. p. 1. c. 2. de Præscript. n. 19. 20. Hænon. disp. P. 11. n. 1.

Præmissâ differentiâ usucapionis & præscriptionis illius explicanda est definitio, quam eleganter tradit Modestinus in l. 3. D. hic. *Usucapio est adjectio domini per continuationem possessionis temporis lege definiti.*

Dissentit Cujacius qui eam per *ademptionem* definit, sequutus Ulpian. in Fragment. tit. 19. & Isidorum libr. 5. cum tamen refutat & rejicit Contius
1. disp.

1. disp. 11. Utramque lectionem retinet Donell. 5. comm. 4. Vult. 1. jurispr. 71. n. 2. Hænon. disp. 11. P. n. 1.

Dicitur *adjectio domini*, quia finis seu effectus usucapionis est, ipsum dominium, quod nobis adjicitur, & quidem dominium plenum & absolutum, non utile tantum. Cum qui Publicianâ experitur, absolutum, non utile dominium sibi vindicet adversus quemcumque possessorem, excepto vero domino. Unde si qui Publicianam intentabat, usuceperit, etiam verum repellet dominum. in princ. hic. §. publiciana. Instit. de Action. Accedit, quod si per usucapionem non nisi utile dominium acquireretur, ratione domini directi rerum dominiæ æque forent incerto, atque erant ante introductam usucapionem, cui tamen malo jura per usucapionem obviare voluerunt.

Non tamen adipiscimur dominium directum, *possessionis continuatione temporis lege definiti*, nisi continuationem antecedit *fides bona*, & *titulus justus*, resque sit non vitiosa, quæ possideri queat. Quibus si *traditionem* adjece-
ris, nihil amplius desiderari poterit. vid. Donell. 5. comment. 5. Coraf. 6. Misc. 20. Covarr. p. 3. Relect. in princ. & §. 1. n. 13. Verum de singulis in sequentibus paulo accuratius & plenius erit dicendum.

3. *Jure civili constitutum fuerat*. Id est, lege duodecim tabularum introductum fuit, ut rei mobilis annus, biennium rei immobilis esset usucapio. Boët. in topic. libr. 2. Non ideo tamen excluditur jus gentium, vel tacitus gentium plerarumque consensus, quo receptum ut in quam rem dominus factis longo tempore non inquisivit, eam pro derelicto habuisse sit præsumendum. vid. Grot. 2. de jure belli & pacis. c. 4. Quin amplius in ratione juris naturalis fundatur usucapio, quod dictat occasione multiplicati generis humani, & iniquitatis invalescentis, distinctionem dominiorum esse necessariam, quam facit usucapio, dum per longam possessionem tandem certum sit, quid meum, quid alienum. Neque enim ullus mortalium unquam, de jure suo poterit esse certus, nisi aliquo tempore longo, vel longissimo, quæ possessio negligentia & incuria cujusdam vacua relicta est, fieret alicujus. Accedit etiam ratio publicæ utilitatis, quæ omnino privatorum commodis est anteponenda, quod nisi tandem longa possessio dominium adjuce-
ret possessori, res omnes neglectæ jacerent, dum quisque metuens, ne verus dominus quondam superveniret, nullam rei vacuæ curam impendere vellet. Atque ita nullus unquam futurus est litium finis, dum quis ne quidem in rei possessione quam à parente, & avo, & proavo nactus est successionem continuatâ, securus esset, quod illi controversiam movere valeat, qui eam rem quondam fuisse sui proavi assereret, etiam forte probaret. Et certe, nisi aliquo remedio hominum socordiae iretur obviam, metus esset, ne dura
im-

impunitatis spe suas defererent ad lubitum possessiones, tandem ipsa respublica ad ruinam vergeret. Partibus enim in corpore neglectis, tandem ipsum corpus concidere necessum esset. Argum. l. cum notissimi. Cod. de Præscript. 30. annor. Menoch. l. arbitr. 49. Cujac. tit. Cod. de Usucap. pro empt.

Verum obijciunt, qui rem alterius usucapit, peccat, quia vel eam dum usucapit novit alienam, vel postquam usucepit. Et utroque casu ad restitutionem tenetur, ni furtum committere velit, ut propterea usucaptum retinere non debeat. *Resp.* Si dum usucapit rem noverit esse alienam, & cuius ea sit, peccabit, ni eam domino restituerit, ad quod in foro conscientie est obligatus. Verum postquam impleta est usucapio, sic ut per legitimos juris tramites rei dominus sit effectus, ad restitutionem ne quidem in foro conscientie tenetur. vid. Gilken. p. 2. membr. 2. c. 8. de Usuc. Balb. 2. partis p. 3. princ. q. 9. Greg. Thol. Synt. jur. lib. 39. c. 6. Don. 5. comm. 30. Lex enim ei voluit non sine rationabili causa, proximi addicere possessionem, interveniente tanquam medio, longi temporis possessione, non aliter atque jus gentium introducit, ut quod per avulsionem flumen proximi fundo adimit, & meo adjicit, fiat meum, si quando meo coaluit. Neque illi audiendi, qui ingerunt, puniendam quidem esse hominis socordiam, verum ei rem suam esse restituendum. Quoniam hæc ipsa est poena socordiae, ut maculetur dominus jacturam rei suae, quam satis diu dereliquit, & in quam commode inquirere potuisset, si non esset negligentiae incusandus. Neque hanc poenam infligendo peccat lex, suprema moderatrix & domina bonorum cujusque, si cum sufficiens tempus ad inquirendum rem suam concesserit domino, eum tandem quod non inquisiverit, privet rei dominio. Id enim suae imputet negligentiae, quam pro consensu habet lex, dum judicat eum in alienationem rei suae consensisse, qui quasi sciens eam patitur usucapi. Quinimo cum quicumque civis est civitatis, moraliter se legibus civitatis subjecisse credatur, vel etiam ratione bonorum, si exterius, quibus legibus cavetur, ut nisi quis curam gerat rei suae, ejus damno multetur, non videbitur, si rem negligat, non consensisse ipso facto in ejus alienationem. Id quod satis indicat Paulus Jurisconsultus in l. 28. D. de verb. Signif. *Vix esse, ut non videatur alienare, qui patitur usucapi.* Quod si quis existimet inter poenam & delictum non fervari proportionem; is cogitet, contemplatione damni publici, quod occasione socordiae & negligentiae orietur, poenam commissum non excedere. Sicuti nec poena delicto censetur durior, quando qui propria auctoritate per vim rem suam abstulit, quod id sibi licere existimaret, ea propter dominio rei suae privatur. l. 7. Cod. Unde vi. Donell. 5. comment. 30. Grot. 2. de jure bell. 4. Bronchorst. cent. 2. assert. 72.

4. *Uti qui bonâ fide.*] Ad ufucapionem necessarium est requisitum *bona fides*, id est, ut ufucapiens omni fraude careat, putet eum à quo rem habet, verum dominum esse, vel jus à vero domino nactum fuisse, quod ejus fuerit vel procurator, vel tutor, vel curator. l. 109. D. verb. Signif. Insuper oportet, ut existimet se rem à domino habere, animo sibi retinendi, sic ut is qui rem tradidit, dominium in accipientem transferre voluerit. Hæc enim existimatio facit ad bonam fidem, quæ eo ipso à doctoribus præsumitur, saltem in dubio, si adsit justus titulus, qui est ad dominium transferendum habilis. l. 15. §. fin. l. 27. l. 36. 33. §. 1. l. 48. D. hic. l. 109. D. verb. signif. l. pen. Cod. de Eviction. Menoch. 3. Præsumpt. 80. Fachin. 8. contr. 32. Gabriel 2. concl. 2. comm. opin. vid. Hænon. r. 1. disp. Pand. n. 13.

Unde qui certo novit, se nonnulla à vero domino nactum esse, sed titulo bonorum commendatorum, titulo fruendi, vel eum novit à quo rem habet dominum non esse, sed directorem seu usufructuarium, non est in bonâ fide.

Sicuti qui dubitat aut scrupulum sensit ab initio, quod saltem non sit in bonâ fide, ufucapere non potest. l. 1. §. scientia. D. Tribut. Action. Covarr. p. 2. Relect. §. 2. n. 2. 3. Gilken. p. 2. impr. 2. c. 2. n. 137. Gædd. ad l. 109. D. de verb. signif. n. 3.

Quemadmodum nec illum in bonâ fide constituunt, qui titulum quem justum credit, per errorem juris, saltem ut ufucapere non possit, tenent omnes. Vult. r. discept. c. fin. Wesemb. Par. D. hic. n. 11. Fachin. 8. contr. 28. vid. Hænon. disp. 11. P. n. 14.

Id quod jure divino extra dubitationis aleam est collocatum, cum quicquid ex fide non est, sit peccatum.

Diff. quoad jus civile. Gædd. in l. 109. D. verb. signif.

Non vero necessum est, ut ad bonam fidem accedat domini scientia, quod sufficiat ejusdem patientia, live res sit incorporalis, live corporalis, quæ ufucapitur. l. fin. §. pen. Cod. de Præsc. long. temp. Nov. 119. c. 7. Gabriel libr. 7. concl. 2. comm. opinion. diff. Menoch. 3. Præsc. 80. & 2. arbitr. 60. 161. Balbus de Præscript. p. 2. part. 2. q. 1. n. 10. 11.

Oportet autem ut adsit bona fides in principio, id est, quo tempore res est tradita, exceptâ emptione. l. 2. D. Pro emptore. l. pen. D. hic. l. qui scit. §. fin. D. de Usur. l. unic. Cod. de Usuc. transf. Idque sorte receptum propter frequentiam hujus contractus, nisi quis hanc putet esse rationem, quod etiam rem alienam protinus tradendam, sic ut dum contraho eum quo cum contraho dominum esse putem. Videntur hic nihilominus inter se dissensisse jurisconsulti; nam Paulus & Ulpianus omni tempore bonam fidem exegerunt. l. bonæ fidei. §. in contrarium. D. de Acquir. domin. l. qui bonâ fide. D. cod. Quem dissensum an Justinianus sustulerit, an potius in

in

in medio reliquerit, addubitem, Hoc tamen jure Codicis in usucapione rei venditæ servatur, ut si ea sit mobilis, requiratur bona fides utriusque, id est venditoris & emptoris. Si immobilis tantum spectetur bona fides emptoris, quod rei immobilis non fiat furtum, nisi res sit vi possessa, l. 1. 4. 5. 6. 7. Cod. de Usucap. Pro empt. l. 1. 2. Cod. Usuc. pro donat.

Quod dictum bonam fidem in principio desiderari, id ita verum est, ut ea sufficiat, nec mala fides superveniens ei sit impedimento. l. 2. §. 13. D. Proempt. l. 4. §. 16. l. 15. §. fin. D. hic. Quoniam superveniens mala fides, quæ facti est, usucapionem quæ juris est interrompere non debet. l. 48. §. in contrarium. 1. D. de Acquir. domin. Præterquam quod solo animo sibi causam possessionis nemo possit immutare. l. 33. §. 1. D. hic.

DE JURE DIVINO, CANON. & MORIBUS.

Non omnis usucapio vel longi temporis præscriptio de jure divino est improbata, quæ etiam apud Judæos fuit usitata, quaque merito Jephtha Giliadites objecit Ammonitis. Judic. cap. 11. ubi Martyr & Junius. Nam & eo jure dominorum negligentia & socordia non debet esse impunita. Arg. Prov. 20. v. 4. & 28. v. 19. 2. Thessal. c. 3. v. 10. 11. 12. Ut tamen omni tempore quo nondum est impleta usucapio, in acquirente adsit bona fides. Unde si post incæptam usucapionem mala fides superveniat, dominum admonere tenetur. Arg. Levit. 19. v. 18. 1. Cor. 6. v. 8. & 1. Thess. 4. v. 6. Harmen. libr. 3. tit. 3. Connan. 3. comment. 13. Id quod juri canonum, & æquitati Christianæ, adeoque moribus est conveniens. c. possess. 2. de Regul. jur. in 6. c. vigilianti. c. fin. de Præscript. cap. 1. caus. 14. q. 6. vid. Connan. 3. comm. 13. n. 9. Gail. 2. observ. 18. n. 7. Fachin. 1. contr. 63. & 8. c. 26. Myns. 4. obs. 6. Pinell. in Auth. nisi. Cod. de bon. matern. n. 12. Martyr. in 14. cap. ad Romanos. Henon. disp. 6. ad Instit. n. 10. ibique DD.

Quinimo quo conscientie usucapientis esset consultum, existumant nonnulli, si quidem post usucapionum tempora completa, incipiat habere malam fidem, eum teneri rem pristino domino restituere. Argum. c. non dimittitur peccator. de Regul. jur. in 6. Danæus 2. Ethic. Christian. 15. Anes. cas. conscient. libr. 5. c. 41. n. 21. 22.

In contrariam tamen sententiam inclinarem, adeoque quem in conscientia securum existumarem propter rationes antea allegatas. Arg. c. vigilianti. de Præscript. Vasquius 2. Illustr. contr. 71. Fachin. 1. contr. 64.

Consent etiam aliqui neminem ex causâ lucrativâ usucapere debere, quod cum damno alterius redderetur locupletior. Verum non possum omnino huic opinioni assentiri, quod non omne lucrum iniquè percipiatur, si proximus damnum patiatu suâ culpâ, suo delicto, lege statuente pœnam

focordiz. diff. Gregor. Tholof. Synt. jur. libr. 40. c. 8. n. 4. 5. Connan. log. alleg.

6. *Rem emerit, aliâve quâvis justâ causâ.*] Per justam causam, intellige justum titulum, qui possessionis est causa. Ut nisi ea præcedat, non procedat possessio, & ratio juris possidentes dominium quætere prohibeat. l. 23. Cod. de Rei Vindic. Dum justum titulum desidero, includo talem, qui ad dominium transferendum habilis est, quique verus est, non putativus. l. 27. D. hic. Et quidem titulum exigo in usucapione rerum corporalium, neque in servitutibus titulum requiri, in superioribus fuit ostensum. per l. 10. D. Si servit. vindic. l. 1. in fin. l. 2. in princ. D. de Aquâ & aquâ plur. l. 2. Cod. de Servit. Coras. ad l. 14. n. 39. & l. fin. D. Servit. Bronch. 2. Assert. 7. Hœnon. disp. Instit. 6. num. 6. ibique DD. vid. Bacchov. ad Treutler. disp. 17. vol. 1. thes. 9.

Titulus ille justus, vel onerosus est, vel lucrativus; onerosus quando loco rei acceptæ aliquid datur, præstatur, vel promittitur, ut obtinet in emptione, & permutatione. Lucrativus est, donationis, seu pro donato, pro legato, pro derelicto, & qui cum omnibus tanquam generalis titulus concurrere potest, pro suo, rem nancisci. tit. D. post Usuc. Forte etiam titulus vetustatis, vel temporis immemoralis, quæ vim legis, & jus habere dicitur. l. 1. §. fin. l. 2. in princ. l. fin. D. de Aquâ & aquâ plur. Gregor. Tholof. Synt. jur. libr. 40. c. fin.

Titulus injustus est, qui ad dominium transferendum habilis non est, vel propter vitium, aut defectuosum jus possidentis, si vi, vel clam, vel precario possideat, vel propter imbecillitatem tituli, quia alieno nomine possidet, ut colonus, creditor pignoratitius, usufructuarius, commodatarius, depositarius, &c. Ne tamen cum injusto titulo confundatur putativus, vel falsus, quod ille nunquam usucapionem pariat, hic quandoque, ut ad §. 6. dicitur.

MORIBUS & JURE CANONICO.

7. Consent titulum non esse necessarium eo casu, quo præscriptio est tantæ temporis, ut hominum memoriam excedat. c. 1. de Præscript. Quamobrem in multis capitulis nullam tituli fieri mentionem observamus. c. de quartâ. c. ad anres. c. ult. De Præscript.
8. *Justâ causâ acceperit.*] Sicuti in aliis transferendi dominiis modis, ita & hic oportet, ut adsit ex parte ejus, qui se dominum putat, cum non esset, traditio vera vel quasi & transferendi voluntas, etiam ex parte ejus cui ea traditur acceptatio. Neque enim sine traditione & acceptatione possessio, sine quâ non procedit usucapio, ad aliquem transferri potest. in fin. princ. hic. §. 4. cod. l. 25. D. de Adq. Possess. l. 20. Cod. de Pact. Quod si à vero

do--

domino rem traditam aliquis acceperit, eam usucapere non poterit, nec opus habet usucapione, ut qui statim jure gentium dominus est effectus. §. per traditionem. Instit. de Rer. divis. Cujac. in l. 1. 3. D. hic. Donell. 5. comm. 5. in fin.

Putantibus antiquioribus dominis sufficere.] Non quod ipsis rerum dominis, id est, possessoribus visum fuerit, sufficere minimā tempora ad usucapionem. Neque enim illa tempora determinare in arbitrio vel dispositione subjectorum erat situm. Verum ipsis antiquioribus, id est, l. 1. 2. tabularum conditoribus visum fuit, dominis sufficere ad inquirendam in res suas, annum, si res sit mobilis, biennium, si immobilis. Boni enim patrisfamilias erat, teste Varrone, rerum immobilium quotannis inire rationem, & secundo anno, quod desideratur, quærere; rerum vero mobilium singulis semestribus. Ne tamen domini istā ratione maturius suis rebus defraudarentur, jus antiquum immutavit Justinianus, & voluit, ut decennii possessione inter præsentēs, id est, inter eos, qui in eadem Provinciā degunt, res immobilis acquireretur. Inter absentes autem, id est, qui in alienā degunt Provinciā, vel contiguā vel transmarinā, decrevit, ut res immobilis usucaperetur vicennio. l. fin. Cod. de long. tempor. præscript. Quod si cujus res usucapitur sit vagabundus, secundum gloss. in d. l. fin. ubique præsens dici poterit. Qui enim nusquam habitat, ubique habitat, & versa vice. Arg. l. 1. ibique gloss. Cod. Ubi de crimin. Hancque l. fin. decisionem obtinere voluit Justinianus non tantum in Italiā, verum & in omni provinciā. in princ. hic. l. unic. Cod. de Usucap. transform. Ut tamen ignorante rei domino, ea 30. annis usucapiatur, ex Nov. 119. c. 7. Et rei domino absente per aliquot tempus, res demum usucapiatur, si tempus quo absuit, adjiciatur decennio. d. Nov. c. 8. Auth. malæ fidei. Cod. Præscript. long. tempor. Quod vero rem spectat mobilem, eam indistinctè trienni possessione continuatā usucapi voluit. in princ. hic. d. l. unic.

Præter hanc usucapionem jure novissimo longissimi temporis præscriptio introducta est, quando deest vel titulus, vel bona fides, & est quandoque annorum 30. quibus res immobiles, quæque immobilium numero censentur, & actiones civiles personales præscribuntur. l. 3. 4. Cod. de Præscript. 30. annor. l. 1. Cod. Annal. Except. vid. Menoch. 3. præsumpt. 108. n. 4. Gregor. Tholos. Synt. jur. libr. 44. c. 5. n. 12. Althus. dicajol. 1. c. 42. n. 15.

Est nonnunquam annorum 40. quibus res ecclesiæ immobiles acquiruntur, etiam bona reipublicæ, & Principis patrimonialia. l. 4. Cod. de Præscript. 30. annor. Auth. Quas actiones. Cod. de Sacros. Eccles. Nov. 131. c. 6. Nov. 111. antiquatā Nov. 9. Quæ centum annorum præscripti-

onem admisit. Cujac. 5. observ. 5. & 18. obs. 27. vid. plura de aliis juribus quibus 40. annorum curriculum præscribitur apud Cujac. de Præscript. cap. 31. Althuf. loc. cit. n. 16.

Est insuper annorum 50. quæ locum habet in amissis in ludo vetito, quorum recuperandorum jus competit intra annos 50. idque odio ludentium aleæ, ludo vetito. l. fin. Cod. de Aleator.

Est denique usucapio 100. annorum, quam volunt esse rerum civitatis vel Principis. l. fin. Cod. Sacros. Eccles. Quæ num jure novo locum habeat, disquiri solet. propter Auth. quas actiones. Cod. d. tit. l. 4. Cod. Præscript. longiss. tempor. vid. Eustachium Græcum *επιστολῆς*. Dyn. Roger. Balbum, Oldendorp. Sneider. hic. Althuf. loc. cit. ibique plura.

MORIBUS.

10. DD. censent merum & mixtum imperium cum territorio 10. vel 20. annis præscribi. Boër. decis. 227. n. 9. Gregor. Tholos. Synt. Jur. lib. 47. c. 22. num. 30. Sine territorio annis 40. Fachin. 8. contr. 23. Balb. p. 2. part. 5. princ. q. 3. Althuf. loc. cit. n. 9. 16. Regalia vero, & principi reservata, non nisi annis centum præscribi posse. Welemb. de jurisd. n. 9. Gail. 1. de Pace public. obs. 6. n. 11.

11. Quod spectat mores locorum, non ubique eadem præscriptionis obtinet ratio. Consuetudine tamen multarum Provinciarum, puta Gelriæ, Hollandiæ, Ultraject. &c. omnium rerum tam mobilium quam immobilium, incorporalium quam corporalium, una eademque est usucapio, idque per spatium tertie partis centum annorum, id est, triginta trium annorum, quatuor mensium, & trium dierum, uti nonnulli volunt. Goris advers. ad consuet. Gelr. tract. 3. c. 9. idque prolixè. Radelant curiæ Ultraj. decis. 47. Grot. 2. introd. 7. num. 35. Privilegium magnum Mariæ Burgund. Merul. Prax. civil. 4. cap. 7. tit. 93. *Costuym van Wtrecht* Rubric. 23. artic. 20. Rubric. 27. artic. 27.

Nisi tamen in Gelriâ sit minor, adversus quem illud temporis spatium non currit, ut restitutione non egeat. Goris ad Conf. Velav. c. 15. artic. 3. gloss. 3. p. 261. ubi et alia excipit.

Nisi etiam in Hollandiâ sit actio hypothecaria, quæ 30. annis præscribitur. vid. Neost. decis. 8. Leeuw. cens. forens. 2. c. 10. n. 19. Sicuti in agro Vornensi omnis alia res. Groenweg. in princ. tit. Cod. de Præscript. 30. annor.

Quod ad rem omnem mobilem in Hollandiâ, contra Grotium, referri censet Groenweg. d. tit.

Apud Zelandos retentâ distinctione, an sint præsentis an absentes, res soli usucapiuntur 10. & 30. annorum spatio. Statut. Zeland. c. 2. artic. 2.

In

In Brabantia annorum 30. admittitur præscriptio. Zyp. not. jur. belg. libr. 2. tit. de Præscript. Christin. ad Mechlin. tit. 20. Ex conslit. Carolinâ decimæ cuiuscumque sint generis, nonnisi 40. annis præscribuntur. Neost. decis. supr. curiæ 94.

Exstat insuper ejusdem Caroli 5. constitutio de anno 1540. Octobr. 4. & 1549. Februar. 14. secundum quam pretia mercium minutatim venditarum, salaria advocatorum, procuratorum, cauponibus debita &c. biennio præscribuntur, aliter si eorum nomine cuiquam per Chirographum cautum, decennio. Sicuti in Frisiâ ex Regiâ Ord. de ann. 1511. Octobr. 4. est introductum. Quod Principes Galliæ ad sex menses contraxerunt, Ordines Provinciæ Trajectinæ in suo statu reliquerunt additâ ejusdem Carolinæ constitutionis renovatione, ut tamen in usum introducere non potuerint. vid. Boër. ad Bituric. tit. 3. §. 7. Chassan. ad Burgund. Rubric. 13. §. 8. Mechl. tit. 20. art. 1. ibique Christin. Decis. Ordin. Ultraj. de ann. 1659. April. 14. artic. 21. Rebuff. ad Conslit. Regiæ tract. de Mercat. minut. vendit. gloss. 16. 17. & seqq. ubi multa, ut hic descriptorem agere nolum. Pichard. ad tit. Instit. de litter. obligat. n. 16. 17. Imbert. Instit. Forens. 1. c. 34. & 35. n. 7. Mainard. decis. Tholos. cap. 87. Corren consil. 16. in fin. Sand. 5. decis. tit. 6. def. 2. vid. etiam de aliis modis, quibus quis vel anni spatio securus est, puta si in possessionem per Prætorem fuerit missus, apud Grot. 2. p. 7. verb. *want in de*. & 2. p. 2. n. 9. Groenweg. ad Rubric. Cod. de Præscript. 30. annor. Qui etiam ceteras præscriptiones anômalas in suo statu remansisse censent. ad §. fin. Instit. hic. vid. Petr. Heigium. p. 1. q. 16. num. 43. Carpzov. p. 2. def. Forens. constit. 3. def. 4. vid. de redditibus, iisque præstationibus, quæ in merâ facultate consistunt, Coppen observ. Pract. 1. q. 89. 90. 91. & seq. Hænon. disp. controuv. ad Instit. 6. n. 13. 14. 15. van Leeuw. in cens. for. 2. c. 10. n. 21. 22. ibique DD.

Jure Saxonico mobilium usucapio est anni, 6. hebdomadarum, & 3. dierum. Sneider. ad §. rei vindic. tit. de Action. Immobiliu, incorporaliu, hæreditariu mobilium, est annorum 30. & unius, sex septimanarum, & 3. dierum. Wesemb. Parat. D. hic. num. 7. Rauchb. 2. quæst. 28. Coppen 1. Pract. obs. 87. de Recept. German. consuetudine vid. Rittershuf. de differ. jur. civil. & canon. libr. 4. c. 13. p. mihi. 327. ibique DD.

Secundum jura Baviaræ, si res mobiles ab aliis sint oppignoratæ, adversus illos qui sunt in provinciâ, annorum quinque, & qui extra provinciâ, annorum decem, usucapio procedit. Quomodo etiam rebus venditis immobilibus præscribitur, non tamen operis subditorum, aut decimis colligendis. Landtrecht. tit. 9. Sebast. Khraisser. ad Instit. hic.

Secundum consuet. Hungariæ & Transilvaniæ præscriptio rerum immo-

- mobilium regalium est annorum 100. ecclesiarum 40. mobilium 32. civi-
um 12. villanorum unius anni. Inter fratres vero ratione divisionis bono-
rum nulla admittitur præscriptio. Coll. conf. Hung. & Transl. p. 1. tit. 78.
& tit. seq.

JURE CANONICO.

- 12. Secundum canones, si decimæ sint laicorum, ad instar aliorum jurium
præscribuntur, si ecclesiasticæ, sive spirituales, à laicis præscribi non pos-
sunt; ab ecclesiis tamen annis 40. cum titulo, vel tempore immemoriali,
sine titulo præscribuntur. c. 1. de Præscript. in 6. juncto canone. dudum. de
Decim. Rittershus. de diff. juris civil. & canon. lib. 4. c. fin. ibique plures.

§. 1.

- 1. Res incorporales *usucapi non po-
terant.*

nec liber Homo.

- 3. *Non idem Servus fugitivus.*

- 2. *Nec Sacre, Sanctæ, Religiosæ,*

- α. **S**ed aliquando] Non sufficit ex parte usucapientis adesse bonam fidem,
si res tales sint, quas usucapere prohibitum est. Vel quia possideri prop-
riè non possunt, quales erant olim res incorporales, de quarum usu-
capione Donell. 11. comm. 11. Duaren. 1. disput. 34. Cuj. ad l. 4. D. hic.
Cost. ad l. 14. D. de Serv. Fachin. 8. contr. 22. Bronch. cent. 1. assert. 92.
2. Vel quia in bonis nostris haberi non possunt, quales sunt res sacræ,
sanctæ, religiosæ. §. 1. hic. l. 9. D. eod. l. 30. §. 1. D. Acquir. Possess. res
publicæ, etiam communes postquam occupari desierunt. l. 9. D. hic. l. 34.
D. de Contrah. Empt. l. 7. D. de divers. & tempor. Præscript. l. 2. D. de
viâ public. l. 45. D. hic. & l. fin. D. eod. l. 2. Cod. Ne rei dominic. vel
templor. Cujac. ad d. l. 45. Donell. 5. comment. 22. Vasquez. 1. illustr.
quæst. 22. n. 19. Pacius cent. 7. q. 1. Liber homo, quia non est in commer-
cio. §. 1. hic. l. 9. l. 23. §. fin. l. 30. in princ. D. hic. l. 6. Cod. de Ingen.
Manum. l. 2. Cod. de Præscript. quæ contr. libert. l. fin. Cod. de long.
tempor. Præscript. Ratio præcedentium est, quod cum usucapio sit speci-
es alienationis, non poterunt illæ res usucapi, quæ alienari sunt prohibitæ,
quod sint extra commercium. l. alienationis. D. verb. signif. l. 1. Cod. de
Usucap. pro empt.

Verum quis mihi objecerit, cum quandoque res sacra, & liber homo di-
vendatur, quid ni etiam usucapi poterit? Resp. Quia in emptione tantum
spectatur præstatio ejus quod interest, si res vendita non tradatur, vel tradi
nequeat. §. fin. Instit. de Empt. l. 1. D. Act. Empt. in usucapione vero
respicitur dominium, quod alicujus hic esse non potest. §. 7. Instit. Rerum
divis. Illa alienandi causa seu titulus est, hæc alienandi modo adnumeratur,

ut

ut illa procedat etiam in re, effectu quodam inspecto, cujus dominium transferri non poterat.

Servus itidem fugitivus ufucapi non potest, quia possideri non potest. 3. §. 1. hic. l. 1. §. per servum. l. rem quæ. 15. D. de Acquir. Poss. l. 1. Cod. de Serv. fugit. Præterquam quod fugitivus sui furtum faciat, adeoque propter vitium furti, ufucapionem renuat. l. 60. D. de furt. l. fin. §. 1. Cod. de his qui ad eccles. conf.

Non illi ufucapio ullo tempore procedit.] Id est, quæ res enumeratæ fuerunt, longo tempore ufucapi non possunt, quinimo liber homo, ne quidem tempore longissimo, id est, ne quidem annis 60. poterat adquiri. l. fin. Cod. de long. tempor. præscript. quæ est pro libert. Res tamen sacra & religiosa spatio 40. annorum, præscribitur. l. 4. Cod. de longiss. tempor. præscript. Et actio de fugitivis recipiendis triginta annis extinguitur, si dominus possidere desierit, id est, si alius eum apprehendat, non si ipse fugiens furtum sui fecerit. l. 1. §. per. D. Acquir. Possess. Azo ad l. 1. Cod. de Servit. fugit. Cujac. de Præscript. cap. 30. Ad tuendam libertatem forte 40. annorum Præscriptio admitteatur. l. 4. Cod. de Præscript. 30. annor. Quæ tamen hodie non datur adscriptio. l. cum satis. C. de Agricol. & Censit. libr. 11. Cujac. Parat. Cod. de long. tempor. præscript. quæ pro libert.

§. 2.

1. Res furtivæ & vi possessæ non ufucapiuntur.
2. Exceptiones dantur à regulâ.
3. Partus ancillæ furtivæ, an possit

- ufucapi, disquiritur.
4. Quando loci vacantis Usucapio procedat explicatur.

Furtivæ quoque res.] Sunt aliæ res, quæ quia vitium habent, ufucapi non possunt. Ut sunt res furtivæ mobiles, res vi possessæ immobiles, & Prædicti contra l. Juliam datæ. §. 2. hic. l. 4. §. 6. 22. l. 33. in princ. D. hic. l. 86. D. de furt. l. fin. D. de vi bon. rapt. l. 48. D. Acquir. Domin. l. quod contra. D. Ad l. Jul. Repetund. l. 1. Cod. Pro empt. l. 10. 12. Cod. de furt.

Et quidem rerum furtivarum ufucapionem inhibet l. 12. Tabul. hisce verbis: *avum rei furtivæ auctoritas esto.* etiam lex Attinia: *quod surreptum erit, ejus rei æterna auctoritas esto.* Ut hic circa idem plures leges fuerint latæ, quod jura ufucapionem rerum furtivarum admodum detestarentur. vid. Gell. noct. 17. c. 7. Et quanquam ipsa lex quandoque possit esse pro ratione, eaque jurisconsulto nonnunquam sufficere debeat, §. 2. hic. in verb. *nam furtivarum.* non tamen prohibita ufucapio rerum furtivarum ratione caret. Cum enim ufucapio in odium negligentis rem suam sit introducta. l. alie-

nationis. D. de verb. signif. & in casu proposito ea causa cesset, æquum est ipsam usucapionem non obtinere. Non igitur res furtivæ possunt usucapi ab ipso fure, quod erat extra dubium, cum sit in malâ fide, sed ne quidem ab alio, in bonâ fide constituto. Quod res cum suo vitio transeat, nec permittat vitium usucapionem procedere, licet res bonâ fide possideatur. §. 2. hic. l. 7. Cod. Usucap. pro empt. Ut ubi lex inhibet usucapionem, bona fides possidenti non profit. l. 24. D. hic. Id quod maxime in rebus mobilibus procedit, ut quæ facile vitio furti subesse possunt.

Neque obstat. l. 1. §. 15. D. Si quis testam. liber esse iussit. Quod jacentis hæreditatis, quæ interim nullius, furtum non fiat. l. 1. D. Rerum divis. excepto casu. l. 68. D. de furt.

In immobilibus autem propterea non procedit usucapio, quod vi rem alienam tenens, in improbâ sit fide, quæ usucapionem excludit. instit. hic. l. 5. Cod. de Usuc. pro empt. vid. Donell. 5. comment. 27. Wefelb. Par. D. hic. n. 10.

An non igitur tempore longissimo res furtivæ usucapi poterunt? Ita statuendum videtur, quod tanto tempore rei vitium purgetur, & actio furti tollatur. l. 1. §. ad hæc. Cod. de Annal. præscr. l. omnes. Cod. Unde vi. Paria enim sunt, de crimine vel delicto satisfactum esse, vel eidem esse præscriptum. Bald. in l. si cum. in princ. D. Si quis caution. Coppen. 1. obs. 89. n. 9. diss. c. fin. de Præscript. Non idem tamen de re vi possessâ statuendum, quæ ne quidem longissimo tempore præscribi potest. l. fin. Cod. Unde vi. l. 8. §. 2. Cod. de Præscript. 30. annor. Idque odio violentiæ, quæ ipso furto longe improbius est, adeoque maiore pœna digna. in princ. Instit. de vi bonor. rapt. Nisi quis existimet id esse mutatum in re mobili, per vim ablatâ. l. 1. §. ad hæc. Cod. Annal. Except.

2. *Sed tamen aliquando.*] Propositâ regulâ, quod res furtivæ & vi possessæ usucapi nequeant, subjungit casus, quibus tam mobilium quam immobilium procedit usucapio, qui tamen meo iudicio ad §. 6. commodius referri potuissent. Nam qui proponuntur casus, non sunt à regulâ datæ exceptiones, verum nituntur errore probabili, & ignorantia iustâ, quam usucapionem parere in sequentibus explicabitur. Si itaque hæres rem apud defunctum depositam, vel eidem commodatam, cum eam defuncti fuisse existimaret, alteri vendiderit vel donaverit, qui eam bonâ fide acceperit, usucapioni locus erit. Hæres enim in locum defuncti succedens, iustam habet ignorantie causam. l. 42. D. de Regul. jur. Et alieni facti ignorantia, tolerabilis error est. l. fin. §. fin. D. Pro suo.

Non obstant l. 5. D. pro derelict. Quod ibi domini consensu donatarius rem possideret, sic ut ejus scientia rem esse alienam ei non obstat.

Item.

Item si is, ad quem ancilla usufructu.] Si apud quem usufructus esset ancillæ, partum suum esse credens, alteri venderit, is qui emit partum usufructu faciet suum. §. 2. hic. An igitur error juris in usucapionibus possessori proderit? Non videtur. l. 31. D. hic. Et tamen in jure errat, qui partum ancillæ in fructu collocat, contra §. 38. Instit. de Rer. divis. An potius hic est error juris ex parte tradentis, quæ non officit accipienti, qui si in errore juris hæreret, usucapere non potuisset. §. 2. hic.

Non idem dicendum de partu ancillæ furtivæ, cui vitium furti subest, cum in casu anteriori tantum error juris ex parte tradentis subesset. Distinctione tamen res est temperanda. Ut si prægnans surrepta sit ancilla, vel apud furem conceperit, vel apud ejusdem hæredem, partus usucapi nequeat. l. 4. §. 15. & seq. D. hic. l. si ego. §. partus. D. Public. act. l. qui vas. 48. §. ancilla. D. de furt. Arg. l. sacrum. d. tit.

Si vero apud bonæ fidei possessorem conceptus sit partus, quasi vitio purgato, & editus eo tempore, quo furtivam matrem ignorat possessor, partus pro suo usucapi possit. d. §. ancilla. l. non solum. in princ. l. 4. §. 18. D. hic. d. l. si ego. l. si matrem. Cod. Pro empt. Quæ Sententia Juliani est, in d. l. non solum. rejectâ Scævola sententiâ, quæ refertur, non probatur, in l. 10. §. fin. D. hic.

Tres tamen casus à decisione propositâ excipiuntur, quibus ne quidem apud bonæ fidei possessorem conceptus usucapi potest. de quibus in l. 4. §. 16. 17. 18. D. hic. l. pen. D. Pro suo. vid. Donell. 5. comment. 25. Cujac. ad l. 4. D. hic. Gœdd. ad l. 26. D. de verb. signif. Hottom. 7. observ. 18. Bacchov. ad Treutl. vol. 2. disp. 22. thes. 3. litt. A. B.

Non idem quod de partu ancillæ dictum est in fœtu pecudum furtivarum obtinebit. Arg. l. 48. §. fin. D. Acquir. domin. d. l. 4. §. lana. 19. D. hic.

Non obstante l. qui vas. 48. §. ancilla. in fin. D. de Furt. Quod teste Cujac. in l. 4. §. idem in agnis. D. hic. negatio in d. §. ancilla, desit, quod ex differentiâ quæ subjungitur facile colligitur. diff. Connan. 3. comm. 15. n. 3. vid. Hottom. 6. obs. 24.

Quod autem ad eas res.] Proposuit rerum mobilium casus, & sese moventium; hic explicat quid in rebus immobilibus obtinere debeat. Et quidem deciditur, quod si quis loci vacantis possessionem malâ fide, verum tamen sine vi nanciscatur, eamque alii bonâ fide accipienti tradat, accipiens eam usucapere valeat. Non enim res est furtiva, quia immobilis, quæ contrectari nequit. Novell. 119. c. 7. cum tamen furtum, inspectâ juris subtilitate, sine contrectatione non committatur. §. 1. Instit. de oblig. ex delict. §. 2. hic.

Nec obstat, quod res soli commodari possit. l. 1. D. Commod. Quoni-

am contrarium in furto placuit, quod rei immobilis contrectatio, ad furti speciem, vel qualitatem referri nequeat.

Non etiam res est vi possessa, quia supponitur quem eam sine vi nactum fuisse. §. 2. hic. vid. tamen Nov. 119. c. 7. & Auth. malæ fidei. Cod. long. tempor. Præscript. quæ huic §. 2. & l. fin. Cod. de long. tempor. præscript. derogatum est.

Verum quando censebitur esse vacantis loci possessio, ut procedat usucapio? *Resp.* Quando neque animo neque corpore possidebatur. Gloss. & Bartol. in l. 1. Cod. Unde vi. Corpore, si rei non insistat, animo, si longo tempore absit, si negligat & contemnat res suas, idque juris interpretatio, ne. §. 2. hic.

§. 3.

1. Quandoque vitio purgato, res quæ fuerat furtiva, usucapitur. | 2. Etiam quæ vi possessa.

1. **A** Liquando etiam.] Proposuit antecedenti §. regulam generalem, quam repetit §. 5. hoc titulo, puta, rem, quæ est furtiva vel vi possessa, usucapi non posse, quod vitium in se contineat. In §. 3. à regulâ datâ quasi exceptionem proponit, quæ tamen exceptio non est, quod res furtiva non amplius maneat quæ furto ablata est, vel vi possessa. Vitium enim dicitur esse purgatum, vel semotum, si in domini prioris potestatem revertatur. Quod tunc accidisse credendum est, cum ejus rei possessionem justè fuerat nactus, sic ut jure avelli nequeat. l. 4. §. 12. D. hic. l. 13. §. pen. D. de verb. signif. l. fin. D. de vi bon. raptor. l. 7. Cod. de Usuc. pro empt. Etiam in domini potestatem venisse videtur, si ejus vendicandæ nactus est facultatem. l. 215. D. de verb. signif. l. 143. D. cod.

Ut tamen dominus vere sciat, rem ad se ut suam pervenisse, vel ipso volente ad alterum. d. l. 4. §. hinc in potestate. l. si fur. 32. D. hic.

Unde si dominus ignorans rem sibi esse surreptam, eandem pretio comparaverit, non videbitur in ejus reversa potestatem. d. l. 4. l. 12.

Quod si litis æstimationem dominus acceperit, & transegerit cum fure, in ejus potestatem reversa dicitur. l. 84. D. de furt.

Verum si in ejus redierit potestatem, qui dominus non est, puta commodatarii vel conductoris, vel etiam ipsius furis, qui eam alteri commodatam dederat, vitium purgatum non erit. Licet enim illis competat actio furti, huic commodati, non tamen sunt domini, de quibus in hoc §. sermo. vid. l. 4. §. 6. D. hic. excepto casu l. fin. D. hoc tit.

Quod si cum aliquis rem furto abstulisset, ego eidem rem surripuero bonâ intentione, ut eum domino restituerem, idque publicè significem, vitium

ex æquo & bono purgatum esse videbitur. Id saltem in foro Saxonico servari colligere licebit ex artic. 37. libr. 2. Lantrecht. ibique Zobelius. litt. D. Coppen 1. obs. 89. n. 8.

Quod si debitor, qui dominus erat, pignus creditori surripuerit, forte usucapi poterit, quia civilis possessio debitoris remanserat, ut ejus furtum non sit factum; licet furtum fiat, in quantum creditorem commodo pignoris spoliavit. §. 10. de obligat. quæ ex delict. Arg. l. 4. §. si rem. D. hic. l. si rem. 5. D. Pro empt. Cujac. in d. §. si rem. Donell. 5. comm. 28. Bronch. 4. assert. 9.

Vel vi possessa.] Quæ purgatio desiderata fuit in rebus furtivis, eadem etiam necessaria est in vi possessis. §. 3. hic. Quod restringendum est ad vim ablativam in rebus mobilibus, & expulsivam in rebus immobilibus, non etiam ad vim compulsivam. Nam si aliquem vi compellam, ut mihi rem suam tradat, licet nec justum titulum, nec bonam fidem habeam, si tamen ea res ad alium sit translata, qui eam à me bonâ fide emit, locus erit præscriptioni. l. 3. Cod. Quod Met. caus. Menoch. 5. Rem. recup. n. 79. Coppen 1. obs. Pract. 89. n. 9.

§. 4.

- | | |
|--|--|
| 1. Res Fisci sub distinctione usucapi non possunt. | 3. Quid Moribus circa multos obtineat? |
| 2. Sunt alie res, quæ non usucapiuntur. | |

Res *fisci nostri.*] Præter superius enumeratas, quæ vitii ratione usucapi non poterant, sunt etiam res publicæ, seu fiscales. Quæ non ad privatum Principis patrimonium, sicuti olim, verum ad ærarium, quod publicum est, referuntur. l. 18. D. hic. Nov. 17. §. neque autem. Quâ ratione, si publicæ esse desierint, cessante causâ, usucapi poterunt. l. 24. D. eod. Verum ut hic omnis removeatur difficultas, oportet ut observemus diversa fuisse, patrimonium Principis, fiscus, & ærarium. Patrimonium erat Principis facultates propriæ, fiscus (à fiscis, id est, sportulis dictum, quibus nummi vel obsonia gestabantur) erat pecunia à Senatu populoque Romano Principi assignata vel decreta ad majestatem Imperatoriam conservandam; quæ etiam quasi proprium & privatum Principis patrimonium censebatur. l. 2. §. hoc interdictum. D. Ne quid in loc. public. l. 6. §. 1. D. de jure fisc. Ærarium autem pecunia populi dicebatur, cujus administratio quæstoribus erat commissâ. l. 2. §. deinde cum ærarium. D. de Origin. juris. Budæus ad tit. D. de Offic. Quæstor. Tandem vero Princeps omnia in fiscum transtulit, sublatâ inter ærarium & fiscum differentiâ. §. fin. hic. Alciat. ad l. 16. 17. D. de verb. signif. Ut tamen remanserit discrim-

men inter res Principis patrimoniales, seu dominicas, & vacantes, quæ deferuntur & denunciantur. Illæ, sicuti aliæ res Principis privatæ, non usucapiuntur, & non nisi spatio annorum 40. præscribuntur. tit. Cod. Ne rei dominic. vel templor. l. 4. Cod. de Præscr. 30. annor. Donell. 5. comm. 24. Excipi debebunt pensitationes, quæ nullo tempore præscribuntur. l. 6. Cod. eod. Nisi tamen sibi parum constans Tribonianus ea mutaverit per l. 23. Cod. de Sacros. Eccles. Quæ per Nov. 111. & 131. c. 6. iterum videbitur esse correctæ.

Quod si res sint vacantes, nondum incorporatæ, delatæ tamen, propter vectigal non solum, quinquennio à bonæ fidei possessore præscribuntur. l. 2. Cod. de Vectig. & Commiss. Verum si ob aliam causam sint delatæ, atque fisco denunciatæ, quadriennio præscribuntur, computando à tempore, quo fiscus in iis jus habere cepit. l. 1. §. divus. D. de jure fisci. l. 1. ibique. Cujac. Parat. Cod. de Quadrienn. Præscript. Ast si bona vacantia fisco nondum sint nuntiata, eaque bonæ fidei emptori fuerint tradita, ut cæteræ res privatorum, id est, 10. annis inter præsentis, 20. inter absentes usucapi poterunt. §. 4. hic. l. 18. D. eod. l. 13. D. de divers. & temp. præscr. vid. Connan. 3. comm. c. fin. n. 6. 7. Donell. 5. comment. 24. Fabrum 7. conject. 10. Covarr. in regula possessor. p. 2. §. 2. Gregor. Tholos. Synt. jur. libr. 39. c. 2. n. 3.

2. Præter hæcenus enumerata bona, sunt alia, quæ usucapi non possunt, ut pupillorum & furiosorum, usus viæ publicæ, nisi hic sit res meræ facultatis, jura civitatum ad publicum usum destinata, bona dotalia, si non inchoata fuerit præscriptio ante quam fierent dotalia. Filiorum familias, minorum, bona, postquam differentia inter usucapionem, & præscriptionem est sublata; denique ea omnia, quæ sunt meræ facultatis, sicuti in anterioribus indicavi, non usucapiuntur nisi tamen interveniat præscribentis prohibitio, subsecutâ illius patientiæ, contra quem præscribitur. l. 10. D. Quemad. Serv. amitt. l. 48. D. Adq. domin. l. 4. §. 24. D. de Exc. doli l. 3. verb. sed pupill. Cod. de Præscr. 30. annor. Goëdd. ad l. alienatis. 28. n. 18. D. verb. signif. diff. Cuj. ad l. 4. §. si pupilli. D. hic. & 24. obs. 14. l. 2. D. de viâ publ. l. diligenter. Cod. de aquæd. l. 4. l. 16. D. de fund. dotal. l. 48. D. de Adq. domin. Cujac. 14. observ. 9. l. 1. §. fin. Cod. Annal. Except. Cujac. ad l. 13. D. hic. l. fin. Cod. in quibus caus. in integr. restit. l. 3. Cod. quibus non obij. long. tempor. præscript. Cujac. Parat. Cod. de Præscript. 30. annor. Wurmler. 1. obs. 5. tit. 44. Gail. 2. obs. 20. n. 4. 5. Boër. decis. 125. Hænon. disp. P. II. n. 7. litt. g.

MORIBUS.

3. In Hollandiâ, multæ fisco debita propter tributa non soluta, lapsu anni

ni præscribuntur. *Placcaet van de generale Middelen* 4. Sept. 1603. Quod forte secus obtinebit Ultrajecti, in causâ defraudati nummi quadragesimi. vid. Ordin. Ultraject. Constit. de nummo 40. artic. 37. de ann. 1637. Febr. 16.

§. 6.

Error falsæ causæ an pariat Usucapionem?

E*rror autem falsa causæ.]* Justam non tantum sed & veram possessionis causam esse oportet, ut procedat usucapio. Multum tamen interest, inter causam justam, & inter causam veram. Illa quippe nunquam abesse potest, nec injusta causa unquam parit usucapionem. Hæc ita adesse debet, ut tamen quandoque abesse possit. Nam falsa causa, modo illi justus sublit error, usucapionem parit. l. 11. D. Pro empt. l. pen. §. fin. D. Pro suo. Secus quam obtinet, si justa erroris causa non sublit, quo casu ex titulo putativo non procedit usucapio. §. 6. hic. l. 43. D. eod. l. 11. D. de div. & tempor. præscript. l. 1. D. pro donat. l. 2. D. pro emptor. Sicuti error justus non est, qui crassus est, & affectatus, potissimum facti proprii. l. 2. l. 4. l. 6. §. 1. D. Pro empt. l. fin. D. Pro suo. Vel etiam juris error, qui si sit ex parte usucapientis, impedit usucapionem. l. 31. D. hic. l. 32. §. 1. D. eod. aliter quam obtinet si sit ex parte tradentis. §. 2. verb. item si is. Instit. hic. vid. Menoch. 3. præsumpt. 8. n. 2. 3. 4. & 6. præf. 23. Gabriel. 6. tit. de Præscript. conclus. 14. Fachin. 8. contrrov. 28.

§. 7.

1. *Possessio continuata requiritur.*
2. *Quomodo continuetur.*
3. *Quid Jure Divino?*
4. *Quid Moribus?*

5. *Quid Jure Canonum?*
6. *An Successori continuetur.*
7. *An Ignorans per suos Usucapiat?*

D*utina possessio qua prodesse.]* Necessarium in usucapione requisitum erat possessio continuata, id est, non interrupta, sic ut penes usucapientem semper, & actu continuo permaneat. Cum enim sine possessione non procedat usucapio, illâ interruptâ, & hanc interrompi, adeoque impediri necesse est. l. naturaliter §. D. hic. l. 13. §. pen. D. Acquir. possessi. l. 11. Cod. eod. Interrumpitur vel naturaliter vel civiliter. Naturaliter, per violentam dejectionem, de re immobili, vel per rei mobilis occupationem. l. 5. D. hic. Vel cum qui nostro nomine possidet, puta colonus, rem in alium transfert. l. non solum. 33. §. 9. D. hic. Civiliter, per litis contestationem. l. 26. Cod. de Rei Vindic. Ubi tamen inspecto jure antiquo differentiam volunt adhibitam, ut si favore præscribentis esset in-

tro-

introducitur usucapio, per litis contestationem non interromperetur. l. si post acceptum 18. D. Rei Vindic. Si odio negligentis, vel solâ citatione impediretur. l. sicut. l. cum notissimi. Cod. de Præscript. 30. annor. Si partim odio negligentis, partim favore præscriptoris esset introducta usucapio, per litis contestationem interromperetur. Malim potius usucapionem à præscriptione discernere, ut illa non interrumpatur litis contestatione. l. 2. §. fin. l. fin. D. Pro empt. l. 48. D. Acquir. domin. hæc vel solâ in jus vocatione. l. 10. Cod. Acquir. Possess. Paul. 5. sent. tit. 2. Hodie sublati plerisque inter usucapionem & præscriptionem differentiis, utraque forte in jus vocatione, denuntiatione, citatione judiciali, vel si ea haberi nequeat, extrajudiciali testatione, interrumpitur. l. 3. l. cum novissimi 7. Cod. de Præscript. 30. annor. l. 2. 3. Cod. Annal. Except. Nov. 119. cap. 7. Auth. malæ. Cod. de long. temp. Præscript. vid. Connan. 3. comment. 14. n. 8. Duaren. hic. cap. 8. 9. Donell. 5. comm. 21. Vultej. 1. jurispr. 71. in fin. Hænon. disp. P. 11. n. 14. in fin. & 19. in fin. dixi in anterioribus.

2. *Hæredi & bonorum possessori continuatur.*] Ut continuata dicatur esse possessio, non opus est ut in eadem personâ continuetur possessio, quod sufficiat eam esse ratione diversarum personarum. Hinc diutina possessio defuncti, qui erat in bonâ fide, ejus hæredi prodest, cui tempora defuncti computantur. §. 7. hic. l. unic. Cod. de Usucap. transforin. Possessio enim defuncti quasi juncta successori, in eum descendit, & ratione effectus adquirendi domini prodest. l. 30. D. Ex quibus caus. major. l. 14. D. divers. & tempor. Præscript. Cum enim successor pro unâ eademque personâ cum defuncto habeatur, non potest non in jus defuncti succedere. l. 59. 156. 177. D. de Regul. jur. Novell. 48. §. 1. Id quod etiam bonorum possessori applicandum, ut qui hæredis vicem obtinet. §. 6. hic. l. 2. D. de bonor. possess. l. 117. D. de Regul. jur. Nec interest hæres vel bonorum possessor sint in fide malâ an bonâ, quod ipsi defuncto mala fides superveniens non nocuisset, ut nocere non debeat hæredi, vel bonorum possessori. §. 7. hic. l. 23. l. 30. D. Acquir. Possess. l. 14. §. plane. l. 11. D. de divers. & Temp. Præscript. l. 11. Cod. de Acquir. Possess. Unde vice versa mala fides defuncti hæredi & bonorum possessori nocet, licet ipsi fuerint in bonâ fide. Ut enim defuncti personam repræsentant, ita æque in ipsius vitia atque virtutes succedunt, nec suâ ignorantia ejus scientiam excludunt. §. 7. hic. l. cum hæres 11. D. de Divers. & tempor. præscript. l. 13. §. dum quis. D. de Acquir. Possess. l. 11. Cod. eod. Quod in tantum procedit, ut ne quidem usucapionem, si velint, à se inchoare queant. Arg. dd. ll. Nemo enim sibi ipsi causam possessionis mutare potest. l. 33. §. 1. D. Usuc. l. cum nemo. 5. Cod. de Acquir. Possess. vid. Gabriel. tit. de Præscript. libr. 6. conclus. 5.

Co-

Covarr. part. 2. Relect. §. 6. Fachin. 1. contröv. 66. & si contröv. 27.
 Donell. §. comm. 20. Gregor. Tholof. Synt. juris libr. 40. cap. 2. in fin.
 Gilken. lior. 2. membr. 1. c. 16. & membr. 2. c. 6. de Præscriptione.

JURE DIVINO.

Ex iis quæ dicta ad principium hujus tituli colligere licebit, possessionem 3.
 non continuari in hæredem qui est in malâ fide. vid. Martyr. ad 14. cap.
 ad Roman.

MORIBUS.

Secundum consuetudines Britanniz, auctorum vitiosæ possessiones 4.
 non efficiunt succelloribus, ne quidem universalibus, teste Argentreo ad
 Britann. artic. 265. ad verba. de celui qui est possesseur. n. 3. & cap. 3. de
 vitiis possessionum. n. 8. Quod de moribus nostris vix auderem affirmare.
 vid. Connan. 3. comm. 13. n. 9. Fachin. 1. contröv. 64. Myns. cent. 4. obs.
 6. Gail. 2. observ. 18. n. 2.

JURE CANONICO.

Secundum canonistas, si hæres est bonæ fidei possessor, licet defunctus 5.
 sit in malâ fide, ille ex suo capite præscriptionem inchoare potest. Glöff. in
 c. de quartâ. de Præscript. & in c. tua. de jure patron. Licet in contrariam
 sententiam tendant alii ut Zoef. D. hoc tit. n. 63. post allegatos ibid.

Ut tamen omnes canonistæ non tantum bonam fidem defuncti respici-
 ant, sed etiam hæredis, ratione continuationis possessionis. Unde si un-
 quam sit in malâ fide, ei tempora defuncti non proderunt ad implendam
 usucapionem. c. fin. de Præscript.

Et hæredi & bonorum possessori continuatur.] Dicitur in hæredem & bono- 6.
 rum possessorem, defuncti possessionem continuari. An sicuti dominium,
 quod ipso jure transit in hæredem suum, qui vivo patre quodammodo rerum
 paternarum dominus censebatur? §. 2. in med. Instit. de Hæred. qual.

An potius per aliquem actum intervenientem, id est, novam posses-
 sionis apprehensionem? Quæ posterior sententia videtur recipienda ut juri
 & nostris ut & Germaniæ moribus conformis, exceptis Gallia & Braban-
 tiæ locis, ubi mortuus locum facit vivo, ex dicto communi. Nam de jure no-
 stro, nulla possessio acquiritur nisi animo & corpore; ut cum utrumque
 in defuncto defuerit, novâ apprehensione sit opus. l. 8. l. hæredes. l. quod
 meo. 18. §. si venditorem. D. de Acquir. Possess. Myns. 3. obs. 28. Gail. 1.
 observ. 129. Tirâquell. in tract. le mort saisit le vif. in 3. declar. præf. n. 6.
 Roeland. à Vall. vol. 2. conf. 46. n. 26. Cujac. ad l. in suis. D. de Liber.
 & Posthum. Gœdd. ad l. 24. num. 18. D. de verb. signif. Bronchorst. 3.
 Assert. 84. Hænon. disput. Instit. 6. num. 12. & disput. Pand. 11. num.
 27. dissent. Duaren. ad tit. D. de Liber. & Posthum. cap. 3. Coraf. 6.

Miscell. 12. Forster. de success. 2. cap. 4. num. 5. & seqq.

7. *Licet ignorant.*] Per ignorantem hic intellige hæredem qui erat in bonâ fide, cum defunctus fuisset in malâ fide: Cujus occasione inquiri poteris, an unquam ignorant, id est, non scienti rem ufucapi, ea per usucapionem possit adquiri? *Resp.* Si Servus, filiusfamilias, nomine nostro possideant, & quidem ex causâ peculiari, nobis ignorantibus adquirunt. l. 2. §. 11. l. 7. §. fin. D. Pro empt. l. 8. l. 31. §. 3. l. 34. l. 35. l. 44. §. iusto. l. 47. D. hic. l. 2. D. Pro solut. Quod singulari jure receptum est ne dominus vel parens per singula momenta species, id est, corpora, & causas peculiorum, quæ non tam servus & filius, quam ipsi possident, inquirere cogentur. d. l. 47. l. 44. D. Adquirend. Possess.

Si vero alias res non peculiares habeant, quas domini patrisve nomine compararunt, eas possidentes non ufucapiunt, nisi sciente domino vel patre. Ut hic magis scientia vel existimatio domini vel patris, quam servi vel filii familias spectetur. l. 43. §. 1. D. hic. l. 47. D. eod. l. 2. §. 11. D. Pro emptor. Cujac. in d. l. 2. d. §. 11. & 12. vid. eundem 24. obs. 9. Gregor. Tholos. Synt. lib. 40. c. 9. Boroholten de Acquir. Possess. c. 8. n. 36. 37. Zoef. D. de Acquir. Possess. n. 10. 11. 12. vid. plura apud Duaren. in l. 1. D. Acquir. Possess. Connan. 3. comm. 8. Donell. 5. comm. 8. Cujac. in l. 62. D. de verb. obligat.

§. 8.

An mala fides Prædecessoris obstat?

Inter venditorem quoque.] Mala fides defuncti oberat hæredi, sic ut ufucapere non posset, ne quidem ex suâ personâ. Non idem dicendum de procuratore, cujus mala fides non officit domino, quo minus ipse ufucapiat: neque enim successor est sui procuratoris. vid. Vasq. 2. Illustr. quæst. 71. Connan. 3. comm. 13. num. 6. 7. Sicuti mala fides prædecessoris non nocet successori particulari, qui ex suâ personâ, si bonam fidem habeat, ufucapere potest. Et sicuti mala fides auctoris singulari successori non nocet, ita bona fides antecessoris ei non prodest, si ipse malâ fide possideat. l. 13. §. 1. 4. & fin. D. de Adq. Poss. l. an vitium. §. 1. 14. §. 1. D. de divers. & temp. præscript. Quod si & auctor & successor singularis, vel etiam solus auctor possessionem habeat non vitiosam, tempora conjungi poterunt, modo intermedio tempore, à quo auctor possidere desit, alius eandem rem non possederit. l. 13. D. Acquir. Possess. l. possessio. 20. D. hic. l. 2. Cod. de præscript. long. tempor. Hinc tempora inter venditorem & emptorem conjunguntur, §. 8. hic. ut emptor venditoris, & venditor emptoris accessioneatur. l. 13. D. Acquir. Poss. l. 2. §. 20. D. Pro empt. l. 6. l. 15. D. de

de divers. & tempor. præscript. Donell. 5. comment. 20. Balb. 2. part. 3. part. princ. q. 12. de Præscript. Vult. 1. jurispr. 71. n. 31. Borcholten de Acquir. Possess. c. 8. n. 36. 37.

Quod statutum in venditore & emptore, idem etiam ad donatorem & donatarium, heredem & legatarium, cæterosque qui ex aliqua causa lucrativâ possident, extendendum videtur. Arg. l. an vitium. D. de divers. & tempor. præscript. Donell. 5. comm. 20. Wesemb. Parat. D. hic. n. 12. diff. Cujac. Parat. Cod. de Præscript. long. tempor.

§. 9.

- | | |
|----------------------------------|---|
| 1. De Quadriennii Præscriptione, | 3. Non Jure Canonum, si spectes rem quâ Fiscus est tutus. Ecclesia. |
| 2. Quâ Moribus etiam obtinet. | |

E *Dicto divi Marci.*] Refert quid obtinuerit ante Zenonem ex constitutione Marci & Commodi Imperatorum. Qui enim rem à fisco emisset non statim erat securus, verum si eam per quinquennium possideret, dominum vel creditorem, non itidem minorem, per exceptionem repellere poterat. l. facit. l. fin. Cod. Si advers. fiscum. Id quod per Zenonem correctum, qui voluit, ut emptor, vel donatarius rei particularis, quam habet à fisco, statim esset securus, & intra quadriennium dominus vel creditor adversus fiscum experiri possit, id est, actionem intentare. §. 9. hic. l. 2. Cod. de quadrienn. præscript. Quin tamen post quadriennium in integrum restituitur ex causâ, negari non poterit. l. 5. Cod. de Restit. milit. Et minori hanc quadriennii præscriptionem non currere, colligere licebit ex l. fin. Cod. in quibus caus. in integr. restituit. necessaria non est. Arg. l. fin. Cod. Si advers. fiscum.

Habet locum Zenoniana constitutio in re, quam quis habet à fisco, id est, ratione domini vel hypothecæ, quod illis solummodo casibus emptoribus securitatem præstiterit Zenon, non si agatur de ære alieno, vel de statu. l. eum qui. D. de jure fisci. l. 5. Cod. de liber. caus. Et quidem dicta constitutio obtinet si res sit singularis, aliud enim juris esse videtur in hereditate. l. nec ullam. 13. §. item si quis. D. Petit. hered. Quam legem 13. abrogatam non esse existimarem, quod emptor hereditatis, quæ fisco erat delata, creditoribus hereditariis quandocumque conventus, responderi teneatur. l. 1. Cod. de Hered. Vendit. Nisi quis d. l. 13. accipere velit in casu, quo fiscus ita vendidit, ne ipse teneretur. Zoef. D. de Petit. heredit. n. 22. Vel statuat d. l. 1. correctam per l. fin. Cod. de quadrienn. præscript. diff. ex parte Cujac. Parat. Cod. cod.

Hic vero Justinianus Zenonis sententiam Marci constitutioni prætulit,

lit, idque non sine ratione. Nisi enim statim securi essent emptores, paucissimi ad rerum fiscalium emptionem accederent, quod plerique lites excrentur. Itaque per constitutionem Zenonianam ad hastam fiscalem invitantur emptores, qui per Marci edictum absterrentur. Id tamen Zenonianæ adjecit Justinianus, quod cum ea tantum in rebus fiscalibus esset admissa, hodie etiam obtineat in iis rebus, quæ sunt patrimonii Principis, vel ad sacrum seu venerabilem ejus domum pertinent. §. 9. hic. l. fin. Cod. de quadrienn. præscript.

MORIVS.

2. Licet multi contendant hanc quadricennii præscriptionem in usu non esse, malim tamen cum Groenweg. hic contrarium statuere, quamdiu non probatur juri civili hæc in parte, vel ordium placitis, vel rebus similiter perpetuo judicatis, derogatum esse.

JURE CANONICO.

3. Qui res ecclesiæ à fisco emit, securus non est, verum eam ecclesiæ restituere compellitur. c. 2. de rebus eccles. alien. vel non.

LIBER. II. TITULUS VII.

DE

DONATIONIBUS.

ESt & aliud genus acquisitionis, donatio. Donationum autem duo sunt genera, mortis causa, & non mortis causa.

I. Mortis causa donatio est, quæ propter mortis sit suspensionem: cum quis ita donat, ut si quid humanitus ei contigisset, haberet is, qui accepit: sin autem supervixisset, is, qui donavit, reciperet; vel si eum donationis pœnituisset, aut prior decesserit, cui donatum sit. Hæ mortis causa donationes ad exemplum legatorum redactæ sunt per omnia: nam cum prudentibus ambiguum fuerat, utrum donationis, an legati instar eam obtinere oporteret. & utriusque causæ quædam habebat insignia. & alii ad aliud genus eam retrahebant: à nobis constitutum est, ut per omnia ferè legis connumeretur, & sic procedat, quemadmodum nostra Constitutio eam

formavit. Et in summa, mortis causâ donatio est, cum magis se quis velit habere, quam eum, cui donat. magisque ei m, cui donat, quam hæredem suum. Sic & apud Homerum Telemachus donat Piræo.

Πῖραι, ὅν γάρ τ' ἴδμεν ἐπὶ τοῖς αἵματι τὸν ἔχον
 Εἶκιν ἱμὶ μνηστῆρες ἀνέστες ἐν μεσσηρείῳ
 Λάβειν κτήνα γέρας πατρὸς αἰὶν ἄνευ νόμου,
 Αὐτὸν ἔχοντά σε βύλεμ' ἵππων ἱμῖν, ἢ ἕνα τῶνδε
 Εἰδὶ κ' ἱσθ' ὅτι ποτὶ φίλον, καὶ κῆρα φημί σῳ
 Δὲ τίπτε μοι χαίροντι φίλοι πρὸς δόματ' αἰσέων. id est,
 Piræe, incertus quoniam rerum exitus harum est,
 Si tacitâ incautum solidime fortè necate
 Morte proci poterunt, & opes vexare paternas:
 Hac ego te malo, quam illorum quempiam habere.
 Sin ego eos justâ meritis affecero clade,
 Tum mihi tu lato reddes illa omnia latus.

2. Aliæ autem donationes sunt, quæ sine ulla mortis cogitatione fiunt, quas inter vivos appellamus, quæ non omninò comparantur legatis; quæ si fuerint perfectæ, tæmerè revocari non possunt. Perficiuntur autem, cum donator suam voluntatem scriptis aut sine scriptis manifestaverit. Et ad exemplum venditionis, nostra Constitutio eas etiam in se habere necessitatem traditionis voluit, ut, etiamsi non tradantur, habeant plenissimum & perfectum robur, & traditionis necessitas incumbat donatori. Et cum retrò Principum dispositiones insinuari eas actis intervenientibus volebant, si majores fuerant ducentorum solidorum: Constitutio nostra eam quantitatem usque ad quingentos solidos ampliavit, quam stare etiam sine insinuatione statuit. Sed & quasdam donationes invenit, quæ penitus insinuationem fieri minime desiderant, sed in se plenissimum habent firmitatem. Alia insuper multa ad uberiorem exitum donationum invenimus: quæ omnia ex nostris Constitutionibus, quæ super his exposuimus, colligenda sunt.

Sciendum est tamen, quod etsi plenissimæ sint donatio-

nes, si tamen ingrati existant homines, in quos beneficium collatum est, donatoribus per nostram Constitutionem licentiam præstitimus, certis ex causis eas revocare: ne illi, qui suas res in alios contulerint, ab his quamdam patiantur injuriam vel jacturam, secundum enumeratos in Constitutione nostra modos.

3. Est & aliud genus inter vivos donationis, quod veteribus quidem prudentibus penitus erat incognitum, postea autem à junioribus divi Principibus introductum est, quod ante nuptias vocabatur: & tacitam in se conditionem habebat, ut tunc ratum esset, cum matrimonium esset insequentum. Ideoque ante nuptias appellabatur, quod ante matrimonium efficiebatur, & numquam post nuptias celebratas talis donatio procedebat. Sed primus quidem divus Justinus pater noster, cum augeri dotes & post nuptias fuerat permissum, si quid tale eveniret, & ante nuptias augeri donationem, & constante matrimonio, sua Constitutione permisit. Sed tamen nomen inconveniens remanebat, cum ante nuptias quidem vocabatur, post nuptias autem tale accipiebat incrementum. Sed nos plenissimo fini tradere sanctiones cupientes, & consequentia nomina rebus esse studentes, constituimus, ut tales donationes non augeantur tantum, sed etiam constante matrimonio initium accipiant: & non ante nuptias, sed propter nuptias vocentur: & dotibus in hoc exæquantur, ut quemadmodum dotes constante matrimonio non solum augeantur, sed etiam fiunt, ita & istæ donationes, quæ propter nuptias introductæ sunt, non solum antecendant matrimonium, sed eo etiam contracto augeantur, & constituentur.

4. Erat olim & alius modus civilis acquisitionis per jus adcrescendi, quod est tale. Si communem servum habens aliquis cum Titio, solus libertatem ei imposuerit, vel vindictæ vel testamento, eo casu pars ejus amittebatur, & socio adcrefcebat. Sed cum pessimum fuerat exemplo, & libertate servum defraudari, & ex ea humanioribus quidem dominis damnum

num inferri, savioribus autem dominis lucrum accedere: hoc quasi invidiâ plenum, pio remedio per nostram Constitutionem mederi necessarium duximus. Et invenimus viam, per quam & manumissor, & socius ejus, qui libertatem accipit, nostro beneficio fruantur, libertate cum effectu procedente (cujus favore antiquos legum latores multa etiam contra communes regulas statuisse manifestum est) & eo, qui eam libertatem imposuit, suæ liberalitatis stabilitate gaudente: & socio indemni conservato, pretiumque servi secundum partem dominii, quod nos definivimus, accipiente.

C O M M E N T A R I U S.

I N P R I N C.

- | | |
|--|--|
| 1. Donatio est etiam civilis acquirendi dominii modus. | 4. Definitur Donatio, ejusque requisiti explicantur. |
| 2. Quid Jure Divino? | 5. Mores elucidantur. |
| 3. Quid Moribus? | 6. Divisio Donationis proponitur. |



St & aliud genus.] Hic loquendi modus respicit titulum præcedentem, quo actum fuerat de acquirendi dominii modo, & quidem juris civilis. Ut hinc evidenter colligatur, Donationem, saltem aliquem ejus modum, etiam esse juris civilis acquirendi dominii modum. Id quod procedit, siquidem latiori sensu jus civile accipitur, ut sub se prætorium comprehendat: nam aliquâ liberalitas juris prætorii esse videtur. l. interdicitum. 14. D. de Precar. Ideo vero de jure antiquo civili acquirendi dominii modus erat donatio, quod nuda promissio exigui erat momenti, nisi per traditionem ei perfectio accessisset. l. 2. junct. §. fin. l. 1. D. de Public. Action. l. 1. D. hic. l. 9. §. fin. l. 35. §. fin. D. Mort. caus. donat. l. 4. Cod. de Contr. Empt. Ut rectè scripserit Martialis 10. Epigramm. 16. in Cajum.

Si donare vocas, promittere, nec dare Caji:

Vincam te donis, muneribusque meis.

Quinimo non aliter ex l. Cinciâ fieri poterat donatio, quam si vel traditio vel mancipatio intervenisset. Et donationis promissio, ne quidem personam obligabat, nisi per stipulationem esset facta. l. 22. D. hoc tit. Quo potissimum

tiſſimum nomine meo iudicio juri civili adſcribetur; nec tantum domini
adquirendi modo, verum etiam cauſæ, ſeu titulo. in princ. Inſtit. de Uſuc.
Aliter nemo poterit inſiciari, qui gentium moribus, recepta fuerit dona-
tio, & dona fuerint data, ut illo jure inutilis eſſe videatur, ſi non in ſe conti-
neret traditionem vel veram vel fictam. §. 30. Inſtit. de Rer. diviſ. l. ſi quis
argentum. Cod. hic. vid. Ulpian. in Frägin. tit. 19. §. 2. ibique Cujac.
Boët. in topic. Ciceron. Cujac. 10. obſ. 28. & 19. obſerv. 18. Contium y.
diſp. c. 13. Donell. §. comm. 2. Pichard. in commun. hic ad Rubric. num. 5.
Harpricht. hic. n. 1. 2. 3. Conſult. D. Abrah. de Wyckerſloot, quondam
in jure collegam conjunctiſſimum, nunc Reipublic. Trajeſt. Senator. me-
ritiſſimum, diſp. 1. de donation. theſ. 3. & ſeqq.

JURE DIVINO.

2. In ſacro Codice ſæpe donationum celebratarum fit mentio, ut ab omni
ævo & inter omnes fuerint receptæ. Genef. 32. v. 13. & 24. v. 53. & 45. v.
22. 1. Sam. 30. v. 26. 1. Reg. 10. v. 10. 11. Quinimo liberalitatis exerciti-
um commendatur. Prov. 11. v. 25. & 28. v. 27. Titum 3. v. 13. Prohibita
tamen donatio, quæ fieret à Principe ex hæreditate populi, de ſuo facta va-
lebat, & quidem ſi facta liberis, erat irrevocabilis, ſi ſervo, revertebatur ad
Principem anno libertatis. Ezechiel. 46. v. 16. 17. 18.

MORIBUS.

3. De Jure Gallorum non procedit donatio, niſi adſit traditio. *Donner &
retenir ne vult*, donare & non illico tradere, nullus eſt momenti. Id quod
etiam Gelrix moribus, ſed paulo aliter, obtinet. vid. Vallam de rebus du-
biis p. 2. num. 5. Cont. 1. diſp. 13. p. 188. Freder. Sand. ad Conſuet. Gell.
tract. 1. tit. 1. c. 1. n. 40. Goris adverſ. p. 3. cap. 14. p. mihi 220. ubi etiam
agit de fraudulentis donationibus.
4. *Donationum autem.* Antequam diviſionem examinem donationis, præ-
mittenda erit vocis, dein rei ipſius per definitionem explicatio. Donatio
dicta eſt à dono, quali doni datio, quæ quidem vocis eſt alluſio, non ex ori-
gine declaratio. l. 35. §. 1. D. Mort. cauſ. donat. Secundum Varronem
δωρεῖν, ut donum, declinat, à Græco *δωρεῖν*, aliis *δωρεῖν*, Atticis *δωρεῖν*.
Antiquiores Græci, *δωρεῖν*, palmum appellabant, idcirco *δωρεῖν* nomen
dicta, quali manu darentur teſte Plinio 35. c. 14. & *ἀντιδωρεῖν* renunciatio-
nes, ſeu contrariæ donationes. Qui vero donum à munere ſecernatur ex-
plicat l. 194. D. de verb. ſignif. l. 214. D. eod. Mozzius de Contract. tit.
de Donat. in princ. n. 2. Covarr. de Teſtam. p. 1. n. 2. Connan. §. comm.
9. n. 2. Gœddæus ad l. 194. n. 2. D. verb. ſignif. Pichard. Comm. ad Ru-
bric. hic. n. 1. Gregor. Tholoſ. Synt. juris libr. 28. c. 7. n. 4. Zoef. D. hic.
num. 1. prænom. D. Abrahamus de Wyckerſloot diſt. diſp. 1. de Donat.

De-

Definitur donatio à variis diversimodè ; mihi tamen ea placet definitio quæ omnem donationis speciem suo ambitu complectitur. Nec commodiorem investigare potui præter eam, quæ sequitur, quod sit, *liberalis & licita rei datio vel promissio*. l. 1. l. 24. D. de Donat.

Dicitur *liberalis datio*, nec adjicio illud vulgatum, nullo jure cogente facta: neque enim contineretur dos, vel propter nuptias donatio, ad quam de jure civili quis potest cogi pro modo suarum facultatum. Et tamen liberalis datio est dos & propter nuptias donatio, licet non sit mera liberalitas, ut quæ sit ob causam. Arg. §. 3. Instit. hic.

Additur, *datio vel promissio*, licet enim olim non sufficeret promissio nuda, hodiè tamen etiam efficax ex nudâ promissione nascitur obligatio, & nuda donandi conventio parit actionem. §. 2. hic. l. 35. §. ult. Cod. eod. Ut tamen si conventionis, seu promissionis terminis contineatur, non sit acquirendi domini, verum obligationis modus. Ea propter etiam quæ est inter vivos, contractui non ultimæ voluntati comparatur. in §. 2. Instit. hic. sicque non obstat l. 2. l. 22. Cod. eod.

Denique adjicitur, quod donatio sit *rei concessio licita*, quo nomine significatur, non rem quamcumque, & à quocumque datam vel promissam, efficacem de jure civili efficere donationem. Ut enim valida sit donatio, requiritur ut ab eo fiat, qui donandi habet facultatem, dein ut res talis sit, quæ donari potest. Illius requisiti contemplatione excluditur, vel qui absolute donare non potest, vel qui certis personis non rectè donat, vel qui donare quidem potest, sed restitui in integrum potest. Absolute donare prohibetur qui non est compos mentis. l. Modestinus. §. fin. D. hic. Furiosus, prodigus, cui bonis est interdictum. l. is cui bonis. D. de verb. oblig. Filius familias, l. 7. D. hic. l. 1. §. 1. D. quæ res pignori dari poss. Nisi donandi potestatem ei concesserit parens, vel expressè vel tacitè. l. 2. l. 7. §. 2. D. hic. l. 17. Cod. eod. vel justâ ratione motus de peculio castrensi vel quasi donet. l. 7. §. 6. D. hic. vel jure novissimo de peculio donet adventitio, quod pleno jure ad eum pertinet. Nov. 117. c. 2. Uxor, quæ citra consensum mariti dotem donare non potest. l. velles, 6. Cod. de Revoc. Donat. Servus, nisi facultatem donandi à domino fuerit nactus. tit. Instit. quibus alien. licet. Facinorosus condemnatus. l. 15. l. 31. §. fin. D. hic. l. 5. pen. & ult. Cod. Adl. Jul. Majest. Decurio, qui immobilia donare non potest. Nov. 87. correctâ Nov. 38. 46. & omnes indistinctè, qui liberam bonorum vel propriorum vel alienorum administrationem non habent. l. contra juris. §. fin. D. Pact. l. 7. D. hic. l. 6. §. 8. D. donat. inter virum & uxor. vid. Clarum. q. 6. §. donatio. Mozz. tit. de donat. c. de personis. Pinell. in l. 1. §. 3. n. 56. Cod. de bon. matern. Hottom. de Donat. c. 7. in

fin. Zoef. D. hic. n. 8. 9. & seqq. DD. in l. 21. Cod. hic. & l. pen. Cod. de jure dot.

Certis etiam personis quandoque non rectè donatur, quo nomine excluditur pater, qui filio in potestate non justè donat. l. 1. §. 1. D. pro donat. nisi id fiat propter bene merita filii præcedentia. Auth. Unde si parens. Cod. inoff. testam. vel nisi sit miles. l. 4. D. de castrensi. pecul. Menoch. 3. præf. 29. 30. Fachin. 3. contr. 74. Gail. 2. obs. 38. Conjux, qui non donat conjugì, sic ut donatio statim valeat. l. 1. & tot. tit. D. de donat. inter virum & uxorem, nisi tamen maritus sit miles. l. 3. D. de Pecul. castrensi. Quin imò omnis simulata vel fraudulenta donatio à conjugè conjugì facta prohibita est. d. l. 1. & seqq.

Unde nec mater donat filio in potestate, quod patri donatum esse censetur, nisi filio militi in castra eunti quid dederit. l. 3. §. qui in ejusd. D. de donat. inter vir. & uxorem. l. 3. §. 4. & seqq. D. de don. inter vir. & uxorem. l. 5. §. 5. l. 7. §. 6. l. 32. §. 24. D. cod. Myns. 2. obs. 33. Gail. 2. observ. 40. Mantica. libr. 13. tit. 35. & seqq. libr. 21. tit. 1. 2. & seqq. Menoch. 2. arbit. 131. & 5. præf. 29. Mozz. de person. quæ don. n. 32. Miles insuper sue focariæ non rectè donat, licet pagano concubinæ permissum sit donare, vel meretrici. l. 2. Cod. de donat. inter virum & uxorem. nec provincialis judici provinciali, licet post depositam administrationem quinquennii silentium interveniat. l. unic. Cod. de Contr. Judic. vel cor. qui circa eos. sicuti nec urbano judici quid donatur, ut tamen quod donatum est quinquennii silentio confirmetur. d. l. unic. Denique potest quidem donare minor, verum si læsus sit, in integrum restituetur. l. si minorem. Cod. in integr. restit. minor. tit. Cod. Si advers. donat.

Requirebatur insuper ad validitatem donationis, ut res sit talis quæ donari posset; quâ ratione ea omnia excluduntur, quæ non fiunt accipientis, l. in ædibus. §. fin. D. hic. Ita non rectè donantur res sacræ, sanctæ, religiose, quia non sunt in commercio. in princ. Instit. de inutilibus stipulat. res publicæ, res minorum, quæ alienari non possunt. tit. D. Cod. de rebus eorum qui sub tutel. hæreditas viventis, quæ nulla est; in tantum etiam, ut qui ignari donavit hæreditatem, eâ privetur tanquam indignus. l. 29. & seqq. D. hic. Ditiones & regna non rectè à Principe sine consensu subditorum titulo donationis alienantur, quia Princeps tanquam curator & procurator populi, administrare debet ejus bona, non perdere. l. 27. D. admin. tutel. l. Imperatores. D. de pactis. l. 1. D. de offic. Procur. Cæsar. Alciat. 7. patorg. 19. Hottom. Illustr. quæst. 1. Bronchorst 4. assert. 87. & 2. assert. 8. Zepper. 4. de ll. Mosaic. c. 10. Balduin. de legibus constant. libr. 1. Contius 2. lect. subsec. cap. 20. Hænon. disput. Instit. 6. num. 20.

Rit-

Rittershus. p. 5. Nov. c. 11. n. fin. Perez. Cod. de jure fisc. lib. 10. n. 7. 8.

MORIBUS.

Hodiernis moribus donatio à patre facta filio, vel vice versa valet. Wesemb. Parat. D. hic. num. 4. Autumn. in l. 35. Cod. de Donat. inter vir. & uxor. vid. Coppen 2. obs. 97. Inter conjuges non valet apud nos, ne quidem causâ mortis, nisi usufructus reciproci nomine. Stat. Ultraj. Rubric. 22. artic. 7. Et quæ aliis facta personis, sed in fraudem hujus statuti, etiam est improbata. decis. ordinum Ultraject. de ann. 1659. April. 14. artic. 3. vid. Mascard. de Probat. conclus. 1243. n. 8. Boër. ad Bituric. tit. 8. §. 1. gloss. 1. col. 5. Ann. Robert. Rerum judic. 2. c. 13. Papon. 11. tit. 1. arrest. 3. & seq. Menoch. arbitr. cas. 459. n. 28. Tessaur. decis. 170. n. 5. Peck. de testam. conjug. 4. c. 10. Mant. de conject. ult. vol. 10. tit. 4. Rodenburch. de jure marit. in uxor. tit. 2. c. 4. n. 15. Wassenauer *Pract. notariæ*. c. 18. n. 194. Idem sere quod in Gelriâ, in Flandriâ, & Brabantia partibus; etiam Galliâ obtinere, scribunt, Burgund. ad cons. Flandr. in prolog. n. 10. Christin. ad Mechl. Rubric. 17. artic. 3. Chassan. ad Burgund. tit. 4. §. 7. Boër. ad Bituric. Rubric. de cons. matrim. & donarii. §. 1. Argentr. ad Brittan. tit. 12. ad Rubric. de donat. n. 13. & artic. 218. gloss. 1. n. 6. & artic. 266. c. 5. n. 10. & seq. Mornac. ad l. 32. D. de donat. inter virum & uxorem. vid. Tiraquell. de ll. connub. verb. contracter. Alibi ut in Hollandiâ, valet donatio idque per dispositionem ultimæ voluntatis, vel mortis causâ donationis. Grot. 3. introd. 2. verb. *in gelijx*. vid. Tessaur. in simili. decis. 32. n. 13. Alibi procedit ea donatio si non extent liberi, quod de jure Bavarico post Lantrecht tit. 1. artic. 15. affirmat Sebast. Khraisser ad Instit. hic. de jure Saxonico, si non sint utensilia, mortis causa facta donatio erit valida. vid. Sneydwin. hic. num. 18. Coppen 2. obs. 98. & Reinard. de differ. jur. civil. Saxon. 2. p. 1. diff. 9.

Viventis itidem hæreditas de consuetudine donari potest. Mynsing. 2. obs. 33. Gail. 2. obs. 126. & seq. Non tamen minor curatori, aut ejus liberis, patrinis, amicis rectè donat ex Edicto Carol. 5. de ann. 1540. Ordin. decis. Ultrajectina de ann. 1659. April. 14. artic. 15. vid. Grot. introd. Holland. 2. p. 16. num. 5. Sand. 2. tit. 9. def. 19. 20. Groenweg. in l. 17. Cod. de Admin. tutor. Perez. Cod. hic. n. 4. Non insuper concubinis aut meretricibus quis rectè donat, ut donatum, tanquam indignis auferatur. Autumn. confer. du droit. ad l. 5. D. hic. Sand. de prohib. rerum alien. p. 1. c. 6. n. 6. Peregrin. de jure fisc. libr. 2. tit. 9. n. 2. Christin. 1. decis. 200. n. 15. Nec uxor de jure Saxonico, & moribus nostris, sine consensu mariti donare potest; nisi tamen egenis parentibus subveniat. Lantrecht libr. 1. artic. 45. Herbaj. rerum quotid. c. 13. & seqq. Zoef. D.

hic. n. 13. Perez. Cod. eod. n. 7. vid. Zobel. de diff. jur. civil. & Saxon. p. 2. diff. 22.

6. *Donationum autem duo sunt genera.*] Duo tantummodo donationum esse genera vel modos, mortis & non mortis causâ, evidentissimis verbis confirmat Ulpianus in l. 67. §. 1. D. de verb. signif. Sic ut in notis minus accuratus sit Crispinus, qui censet l. 2. D. de mort. caus. don. & l. 1. D. hoc tit. nostro textui adversari. Tria, inquit, facit Julianus donationum genera, quod verum non est. Nam J. C. in d. l. 2. tantum tres facit differentias donationis causâ mortis, non ergo tria genera omnium omnino donationum. Quinimo in d. l. 1. duplex introducit donationum genus, unum propriè, alterum impropriè dictum.

Potius ob stare videbitur, quod Imperator hoc tit. triplicis donationis faciat mentionem, dum genera duo inter vivos donationis introducere videbatur. §. 2. 3. hic. & unum mortis causâ. §. 1. eod.

Verum respondendum est, phrasin, *aliud genus*, in §. 3. designare alterius ordinis eam esse inter vivos donationem, quæ dicitur propter nuptias, quam quæ est pura inter vivos, de quâ in §. 2. hic. licet utraque sub uno genere donationis non mortis causâ contineatur. Commodè igitur meo iudicio bimenbris erit proponenda donationis divisio, quod sit vel propriè vel impropriè dicta. Hæc vel simplex, vel ob causam. Illa mortis causâ; hæc propter nuptias, &c. Propriè dicta donatio erit, quæ locum habet inter vivos, nec tamen est causâ nuptiarum facta, quam explicat §. 2. hic. Verum de singulis in sequentibus accuratius erit agendum.

1. *Distinguitur mortis causâ donatio, & mortis causâ capio.*

2. *Triplex est mortis causâ donatio.*

3. *Requisita Donationis mortis causâ proponuntur.*

4. *In causis dubiis opus est Imperatoris decisioe.*

5. *Comparatio inter mortis causâ donationes & Legata instituitur.*

6. *Multiplex nihilominus intercedit differentia.*

7. *Quid Moribus obtineat?*

8. *Argumentum ab Auctoritate plurimum valet.*

1. **M**ortis causâ donatio est.] Definit hic unam speciem donationis causâ mortis, puta eam, quæ sit propter mortis suspensionem. Poterit enim fieri, vel solâ mortalitatis cogitatione, licet nulla mortis adsit suspicio. Unde in genere definiri debet. per liberalitatem, cui causam dedisse mortis consideratio. Sic ut mors sit causâ finalis potius, quam causâ impulsiva. Effet enim aliter donatio inter vivos, quæ non admittit penitentiam. l. 27. D. de mort. caus. donat. Sicuti & ea donatio, quæ à moriente facta est,

est, sed absolutè non est mortis causâ donatio. l. 42. in fin. D. de mort. caus. donat. vid. Mant. 1. de conj. ult. volunt. 11. 12.

Mortis causâ capio, non idem est mortis causâ donatio, propterea quod ejus eventus etiam à morte alterius, non donatoris pendeat. l. 18. D. mort. caus. don. exc. casu l. 31. §. 1. D. eod. etiam mortis causâ capi intelligatur, quod non transit in speciem donationis. l. 38. in princ. D. eod. & quod quis conditionis implendæ causâ capit, vel ab hærede, vel legatario, vel statulibero. l. 31. §. 1. D. eod. Ut si testator Titio fundum legaverit, si Sejo dederit decem, capiat Sejus illa decem mortis causâ. Neque enim ejus quantitatis ulla olim erat petitio. l. 8. D. Si quis omis. caus. testam.

Mortis causâ donatio est. Tres sunt differentiæ donationis mortis causâ, 2. una est cum quis sanus atque vegetus, solâ mortalitatis cogitatione, id est, intuitu humanæ fragilitatis donat. Altera, cum quis propter mortis donat suspicionem, id quod exprimitur in §. 1. hic. Eaque duplex est, vel cum quis metu mortis, aut ob præsens periculum ita donat, ut rem velit ilico heri accipientis, revocabiliter tamen. Vel cum quis periculo motus, tum demum rem vult esse donatarii, cum mors fuerit subsecuta. §. 1. hic. l. 2. l. 29. & seq. l. 35. D. mort. caus. donat. Atque hi duo postremi donandi modi fuere antiquissimi, ut constat ex Homeri versibus hoc tit. relatis. Postmodum vero captum quoque donari ab eo, qui nullo præsentis periculi metu conterritus, solâ cogitatione mortalitatis quid contem. l. 2. D. eod. id est, cui ex humanâ sorte, mortis cogitatio obversatur. l. 35. §. 2. D. eod.

Vel si eum donationis penitusisset. Requisitum donationis causâ mortis est, 3. quo nomine à donationibus inter vivos distinguitur, quod penitentia faciat locum. Unde si concepta sit sub formulâ, de non revocando, inter vivos facta donatio censetur. l. 27. 32. D. mort. caus. donat. Nisi tamen ab initio hanc legem expressè donator apposuerit, ut nullo casu ejus fiat repetitio. l. 13. in fin. D. eod.

Hinc ab interpretibus quaesitum est, quid in dubio sit præsumendum? Resp. Licet non sit præsumendum in dubio factam esse donationem, si alia quam donationis conjectura capi possit. l. cum de indebito. 25. in princ. verb. qui enim solv. D. de probat. l. eleganter. §. qui repertas. D. de Pign. action. l. si cum. ad eum. D. Solut. Tiraq. in l. si unquam. verb. donatione largitus. n. 208. Cod. de Revoc. donat. Alciat. 8. consil. 1. n. 15. Menoch. 3. Præf. 10. n. 3. 16. & 3. Præf. 34. Harman. Pistor. 3. quæst. 3. n. 56. Jacob. Schultz. ad Modest. Pistor. p. 3. q. 130. n. 39.

Si tamen donationem factam esse constet, verum de specie donationis dubitetur, potius inter vivos quam causâ mortis donatio facta censetur, per ea quæ tradunt DD. Clarus. §. donatio. q. 4. verb. sed quæro. Boër.

decif. 353. n. 13. Fachin. 5. contrav. 22. Faber Cod. libr. 8. tit. 39. def. 3. Sand. 5. decif. 1. Carpzov. def. forenf. p. 2. confit. 12. def. 24.

Sunt infuper alia requifita donationis caufâ mortis, ut, præfentia 5. reftium. l. fin. Cod. de Donat. cauf. mort. Exprefſa mortis vel mortalitatis mentio. l. 3. D. eod. l. apud Celfum. §. Julian. ibiq. gloff. D. de dol. mal. & met. exc. Denique donantis & donatarii præfentia, rem donatam ſibi traditam acceptantis. l. 38. D. de donat. cauf. mort. l. 2. §. 6. l. 10. l. 19. §. 1. l. 26. D. hic. l. 25. 28. Cod. eod. Cujac. 12. obf. 28. Quin tamen per nuncium, per epiftolam, quæ perſonam facit præſentem, fieri poſſit, & acceptari ab abſente, vel alio ejus nomine, dicendum videtur. l. 4. l. 10. D. hic. l. 10. 26. Cod. eod. Clarus. §. donatio. q. 2. Alciat. 3. pareg. 13. Covarr. 1. Refol. 14. num. 12. Mantic. de Tacit. & ambig. libr. 13. tit. 6. 7. Gomeſ. 2. varior. 9. Berlich. part. 3. concluf. 2. num. 4. Forte etiam, quæ abſenti eſt facta, ſed nondum acceptata, per vim fideicommiſſi ſuſtineri poterit. Arg. l. miles ad ſororem. l. cum pater. §. donationis. D. de Leg. 2. Gloſſ. in l. 1. ibique Salicet. n. 3. Cod. Donat. vid. Andreæm Kolh tract. de Paſſ. dotal. part. alterâ. c. 2. n. 14. p. 51. Vallam de Rebus dubiis tract. 2. n. 2. 3.

4. *A nobis conſtitutum eſt.*] In dubiis caſibus & altercationibus jurisconſultorum, opus eſt ſententiâ decilivâ Imperatoris; idque paſſim in jure noſtro reperire licebit. §. 1. hic. §. 2. de Empt. Vend. §. 3. locat. §. 35. de rerum diviſ. l. fin. Cod. eod. Nov. 87. Unde hæc inſignis obſervanda eſt regula, quod in ambiguis jus poſitivum obtinere debeat. §. 1. hic. §. fuerat. Inſtit. de Aſſion.

Verum difficultate non caret, quod ſcribit Imperator, id à ſe conſtitutum eſſe, cum etiam ſub jurisconſultis anterioribus donationum caufâ mortis & legatorum inita fuerit comparatio. l. Marcellus. 15. v. Paulus notat. l. 37. l. 17. l. 9. D. mort. cauf. donat. Reſp. d. l. 15. ad l. Juliam & Papiam referri, cæteras leges ad donationes. Verum quod dubitanter tum temporis à jurisconſultis eſt reſponſum, ſic ut ad jus incertum referri debeat, id Juſtinianus fecit certum. vid. Pichard. ad Inſtit. §. 1. hic.

5. *Ut per omnia ſerè legatis connumerentur.*] Paulò ante dixerat, mortis caufâ donationes ad exemplum legatorum redactas eſſe per omnia. Hic ſeſe corrigit, vel potius explicat priora verba, eaque reſtringit, ut velit in iis ſubintelligi particulam, *ſerè*. Licet enim multiplex ſit convenientia inter legata & caufâ mortis donationes, ideoque hæ paſſim dicantur legatorum vice fungi. l. 3. §. ſed & mortis. D. de bon. libert. legatorum inſtar obtinere. l. 17. D. mort. cauf. donat. legatis comparari. l. 37. D. eod. omnes fortiri effectus, quos ultimæ habent liberalitates. l. ult. Cod. hoc tit. Quarta patiantur detractiorem, jus adcreſcendi admittant, revocentur vel tacite vel expreſſe, ſecutâ deſinum morte confirmentur, præmoriante donatario

non transferantur ad ejus hæredes, nec valeant, si post factam donationem quis reus fiat criminis capitalis. l. 7. D. hoc tit. non itidem subsistant nisi ad minimum adsint 5. testes, quos desiderant codicilli, & regulariter ea donentur, quæ, & quibus, & à quibus legari possunt, l. 5. 9. 12. pen. Cod. Ad l. Falcid. l. unic. §. sin autem. §. hæc omnia. Cod. de Caduc. tollend. l. 29. 30. 35. §. 3. D. mort. caus. donat. l. 23. Arg. l. 3. fin. D. de adim. legat. & fin. D. eod. l. 15. D. hic. l. 20. D. de Accus. l. fin. Cod. mort. caus. donat. l. 35. 37. D. eod. Covarr. de Testam. part. 3. num. 23. verb. secundo. Clarus. §. donatio. q. fin. n. 4. Gomef. 1. Resol. 10. & 2. Resol. 4. n. 19. Graff. 1. Sentent. §. donatio mortis caus. q. 16. Barbof. ad l. quæ dotis. 33. n. 105. 106. D. Solut. Matrim. Berlich. decis. 184. Carpzov. def. forens. p. 3. const. 1. def. 7. diff. ratione juris adcrefcenti Faber de Error. Pragmat. decad. 48. errore 10.

Multiplex nihilominus inter legata & mortis causâ donationes intercedit differentia. Nam legatum accedit testamento, & nonnisi in ultimâ voluntate relinqui potest. Mortis causâ donatio etiam perficitur inter vivos. l. 19. D. de rebus cred. l. 35. §. donatio. D. hic. l. 42. §. fin. D. eod. Legatum ad certam speciem donationis referri non potest, & est quasi donatio: mortis causâ donatio certa species est donationis. §. 1. hic. l. 38. D. mort. caus. donat. Legatum absenti relinqui potest, etiam non acceptanti: mortis causâ donatio præfenti vel ei cui quid per nuncium vel epistolam offeratur, id acceptanti. d. l. 38. Amittit legatum sibi relictum, qui testamentum de falso incusat, non tamen amittit rem donatam, quod res donata extra testamentum etiam relinquatur. l. 35. §. donatio. D. eod. Non rectè legatum relinquit filiis familias, qui tamen mortis causâ donare potest consentiente patre. l. 25. D. eod. Legatum etiam invito relinquitur; mortis causâ donatio nonnisi volenti & acceptanti, uti dictum. Legatum ab hærede vel legatario præstandum est; donatio mortis causâ non item. §. legatum. Instit. de legat. l. 2. Cod. Comm. de Leg. & fideic. In legato relicto inspicitur conditio legatarii. §. legatum. Instit. de legat. in donatione mortis causâ donatoris attenditur conditio. l. Senatus. §. si quis. D. mort. caus. donat. An legatarius sit capax, etiam & præcipuè inspicitur facti testamenti tempus. l. 1. D. de regul. Caton. in donatario nonnisi tempus mortis. l. 22. D. mort. caus. donat. Legatum in singulos annos relictum est multiplex: mortis causâ donatio sic concepta non nisi una. d. l. Senatus. §. 7. Legato adjecta conditio, ut sit irrevocabile, nihil operatur: donationi mortis causâ adjecta, sustinetur. l. 13. in fin. D. mort. caus. donat. Legatum est adquirendi domini modus juris civilis: mortis causâ donatio est juris gentium §. 1. hic. In legato dominium transfertur, etiam citra traditionem: in mor-

tis causâ donatione nunquam dominium in præsentem citra traditionem transfertur, sicuti nec ad eam nova Justiniani constitutio in l. 35. Cod. de Donat. referri debet. Contius 1. disp. 13. p. 187. diss. Cujac. quoad traditionem 10. obs. 28. & ratione d. l. 35. diss. Gomef. 2. Resol. 4. n. 16. Berlich. 3. part. conclus. 2. n. 2. Andr. Kolh de Pact. dotal. part. alter. num. 9. p. 49.

Quæ differentiz num sublatæ sint per l. fin. Cod. Mort. caus. donat. disquiri solet? Probabilior mihi videtur ea opinio, quæ eas sublatas esse negat: correctio enim non facile inducenda, nisi expresse probetur. Arg. l. 32. in fin. Cod. de Appell. vid. Gomef. 2. Resol. 4. & ad l. 48. Tauri.

MORIBUS.

7. In multis differentiz hæcenus propositæ sunt sublatæ, etiam ea quæ est de jure adcrendi conventientia non obtinet, quod jus adcrendi cesset. Mevius ad Lubecens. libr. 1. tit. 9. artic. 1. & seqq.
8. *Sic & apud Homerum.*] Auctores optimi in omnibus causis, & solent, & debent valere plurimum. Nec dedignantur jurisconsulti deficientibus legibus auctoritate poetarum, historicorum, Philosophorum, Medicorum sua confirmare. Artifici enim in arte credendum est, validumque argumentum quod ab auctoritate desumitur. §. 1. hic. §. 2. Instit. de empt. vend. §. 1. ad l. Aquil. §. 5. de publ. judic. l. 12. D. de Statu homin. l. si pater. 36. D. Solut. l. 1. D. de Ventr. inspic. DD. ad l. 1. D. Si certum petetur. Everhard. in topicis legalibus. loc. ab auctoritate.

§. 2.

- | | |
|--|---|
| <ol style="list-style-type: none"> 1. Simplex donatio definitur. 2. Comparatur contractibus. 3. Videtur jure novo esse Domini acquirendi modus. 4. Donator rem promissam tradere tenetur. 5. Quid Moribus obtineat? 6. Inlinuatonis modus explicatur. 7. Exceptiones proponuntur. | <ol style="list-style-type: none"> 8. Mores allegantur. 9. Donatio ex causis gratitudinis revocari potest. 10. Etiam pro parte, si facta sit liberis extantibus. 11. Non tamen ob supervenientiam liberorum revocabitur. 12. Moribus sortè secus, & jure Canonico. |
|--|---|

1. **A** *Licet autem donationes sunt.*] Explicuit unâ speciē donationis improprie dictæ, sequitur ea donatio, quæ simplex est, & proprie dicta, quæq; appellatur inter vivos, non quasi ulla donatio celebretur inter mortuos, neq; enim illi donant, sed quod sine ullâ mortis fiat cogitatione. Id est, non eâ ratione ibidem mortis est cogitatio, prout quidē est in donationibus causâ mortis. Ubi ita mortalitatis contemplatione donamus, ut non ante

mor-

mortem rem velimus esse donatarii irrevocabiliter. Aliter mortis cogitatio in donationibus inter vivos quandoque interveniet, sic ut mors non ut causa finalis, sed impulsiva consideretur. l. 27. D. Mort. caus. donat.

Poterit hæc simplex donatio definiri, quod sit *mera & absoluta liberalitas, & quidem irrevocabilis*. Dico *mera*, quia nullâ juris vel officii necessitate, verum sponte præstatur. l. 214. verb. dona. D. de verb. signif. Quo nomine ob causam, vel sub modo donatio removetur, qualis est donatio propter nuptias.

Additur *absoluta*, quoniam eo fit animo, ut res statim fiat accipientis, neque propter aliam sit causam, quam ut liberalitas & munificentia exerceatur. l. 1. D. de donat. Secus quam obtinet in mortis causâ donatione, quæ in casum concipitur. l. 2. D. mort. caus. donat.

Subjicitur denique, *irrevocabilis*, quoniam eâ mente quis donat, ut rem nullo casu ad se reverti velit. d. l. 2. puta, non temerè, non facilè, non ad lubitum ejus qui donat. §. 2. hic. l. 35. §. sed mortis causâ. D. de mort. caus. donat. l. donatio. Cod. eod.

Non omnino comparantur legatis.] Donatio hæc inter vivos non omnino 2. legato comparatur, id est, non per omnia, seu non eo modo, quo cum legato comparata fuit mortis causâ donatio. Neque enim probare potero antiquorum Codicum lectionem, quam valde probat Cujacius, quæ habet, *eam omnino non comparari legatis*, id est, nullo modo. Nam certius nihil est, quam in quibusdam casibus hanc donationem, cum legato comparari posse. Utrobique enim locus est liberalitati, quæ nullo jure cogente exercetur. Et uterque actus vel scripto, vel sine scripto perfici potest. Uterque in se habet tradendi necessitatem, licet donatio statim, legatum demum post mortem donantis. Utrobique erat acquirendi dominii modus, & quidem juris civilis. Negandum tamen non est, quin in pluribus sit dispar ratio, adeoque concors quædam observanda discordia. Legatum enim deinum fit legatarii mortuo testatore, res donata statim fit accipientis. Ibi juri adcrefcendi, Falcidiæ, revocationi locus est, hic non item. Ibi solemnitates per plurimæ desiderantur, hic vix ullæ. Ibi licet legatum satis amplum, cessat insinuatio, hic si magna exerceatur liberalitas, opus est insinuatione. Ibi nec pactum, nec stipulatio, nec promissio intervenit, sicuti nec præsentia ejus cui quid donatur, nec acceptatio, quæ tamen in donatione inter vivos, obtinent. Illo modo conjuges rectè invicem quid relinquunt, hoc modo regulariter non item. Ibi experimur actione ex testamento, vel aliter, ad consequendum relictum. l. 1. in fin. Cod. Comm. de Legat. hic intentatur remedium. l. 35. Cod. de donat.

Nostra constitutio eas in se habere necessitatem traditionis voluit.] Quod 3.

quidem olim longe aliter obtinebat, cum donatio nullam vim haberet, nisi vel traditio, vel inanciatio intervenisset, nisi legis actione, vel in jure cessione esset perfecta. l. 4. §. Cod. Theod. hic. Cujac. 19. obs. 18. & parat. Cod. de Donat. Hunnius Variar. resol. 2. tract. 4. q. 7. Quinimo donationis promissio, nisi facta esset per stipulationem, ne quidem personaliter obligabat. l. 22. D. de donat. Hodie vero, si donatio hæc inter vivos celebretur nudo pacto, non accedente stipulatione, vel contractu innominato, perfectissimum nihilominus robur est habitura, nisi quis forte in casu l. 27. Cod. hic. desideret instrumentum. Quinimo non amplius censetur acquirendi dominii modus, sed causa; conventio, non acquisitio; & ipsa donatione obligatio constituitur efficax, ad dandum, vel tradendum. in princ. Instit. de Usucap. §. 2. hic. l. 3. D. de Oblig. & Action. l. 35. §. fin. autem. Cod. hic. Nov. 162. c. 1. Cujac. 10. obs. 28. Hottom. 4. observ. 25. Non tamen hodie contractui adnumerabitur, verum pacto legitimo, quod per legem producit actionem. §. 2. hic. d. l. 35. d. Nov. 162. Unde si nudo pacto fuerit celebrata, sicuti perpetuo celebrari potest, dabitur ex lege conditio. Si ex abundanti stipulatio accesserit, locus erit etiam actioni ex stipulatu. Si ad consummationem sequatur contractus innominatus, vel traditio, actione non erit opus, quia dominium jure gentium quæsitum esse censetur. §. 30. Instit. rerum divis. Quod si accesserit usucapio, quia forte res ab eo data, qui dominus non erat, jure civili dominium acquiretur. in princ. Instit. de Usuc. l. 1. D. & Cod. pro donat. Hottom. ad princ. Instit. hic. diss. Contius 1. disput. 13. p. 188. 189. cum quo facere videtur Cædd. in l. rei appell. 23. D. verb. signif. n. 6. Rauchb. quæst. 11. jur. civil. & Saxon. p. 1. n. 49.

4. *Enim se habere necessitatem traditionis.*] Donator rem promissam tradere tenetur, quod est, donationem ad exemplum venditionis in se habere necessitatem traditionis. Quid si tamen id facere non possit donator? Durum esset, cum teneri. §. pen. Instit. de Action. sicuti nec evictionis nomine conveniri potest, præsertim si nudum pactum intervenerit. l. 2. Cod. de eviction. idque ne ex sua liberalitate sentiat damnum. l. 62. D. de Edil. edict.

Ut tamen, si dolus intervenierit donatoris, donatario de dolo competat actio, idque ratione sumptuum, quos in rem fecit, vel damni accepti nomine. arg. l. 62. D. Edil. edict. Perez. Cod. eod. n. 9.

Quâ ratione venditori comparari nequit, ut qui emptori de evictione tenetur, & si rem venditam non tradat, in id quod interest emptoris, condemnatur. l. 1. D. de act. empt.

Sic ut verba in hoc §. 2. occurrentia, puta, *ad exemplum venditionis*, in qui-

quibusdam tantum inducant similitudinem. Ut quemadmodum venditor efficaciter est obligatus, licet res nondum sit tradita, sic etiam donator, simulac donatarius consensum adhibuit acceptando conditionem. Quin amplius sicuti venditor non satisfacit, offerendo rei æstimationem, ita nec donator liberabitur, si rei donatæ offerat æstimationem. Donator enim rem ipsam tradere debet, modo ejus habeat tradendæ facultatem. d. l. 35. Cod. hic. Nov. 162. Menoch. vol. 1. consil. 62. 92. Jos. Ludovic. decif. 40. Perez. Cod. hic. n. 24. & seqq. Althuf. dicaj. libr. 1. c. 82. n. 6. vid. Mant. de tacit. & amb. libr. 13. tit. 4. & seqq.

MORIBUS.

Galliæ atque Gelriæ consuetudine, donatio non nuda conventionem, sed re perficitur. Neque enim procedit donatio & retentio. Nisi quis censeat re consummari donationem, in quantum qui donavit, proprietatem rei donatæ & usufructum transferre debet. vid. Ragnell. ad l. pen. Cod. de Præscr. 30. annor. in fin. Freder. Sand. de feud. Gelr. tract. 1. tit. 1. cap. 1. n. 40. Goris 3. advers. c. 14. n. 4. vid. & mea ad tit. de Testam. ordin.

Neminem tamen ad tradendum quod promisit de moribus suis cogi posse, nisi fit donatum ob causam, scribit Valla de Rebus dub. tractat. 2. n. 4. p. 47.

Et quum retro Principes. Unam juris mutationem circa donationis vinculum hæcenus explicuit Tribonianus, sequitur altera circa donationis modum. Anterioribus enim Principum dispositionibus fuerat cautum, ut donatio ducentis solidis major, insinuaretur, id est, publicaretur, actis publicis infereretur. Per solidos hic intellige aureos, quorum sex faciunt unciam, & septuaginta duo unam libram. l. 5. Cod. de suscept. & arcar. præpos. libr. 10. vid. Clarum. §. donatio. q. 15. 16. Cujac. 19. observ. 31. Bocer. de donat. c. 3. n. 18. 19. Erant vero posterioribus temporibus insinuandæ donationes Constantinopoli apud Magistrum census: in provinciis apud præsides vel defensores civitatis. l. 30. Cod. hic. Quod si aliter facta esset insinuatio, tam insinuantes quam tabellio vicenis auri libris, aliâque gravissimâ indignatione puniebantur. l. 32. Cod. hic. Ut tamen sufficiat ibi fieri insinuationem, ubi fit donatio, vel donator domicilium fovet. l. 27. l. 30. Cod. hic. Ratio insinuationis erat, ne quis re suâ malè uteretur & alienando temerè, postmodum ad egestatem redigeretur. Insuper ut abesset fraus & circumventio, quod quæ apud judices sunt fraude carere præsumantur. l. 27. Cod. hic. vid. rationem in edicto Athalarici apud Cassiod. 9. variar. 18. & de insinuatione, Alexandr. 4. vol. consil. 83. Azon. in summ. Cod. hic. in addit. Giphani. ad l. 25. 37 & seqq. Cod. hic. Gomef. 2. Resol. 4. Gail. 2. obs. 39. Crescentibus autem postmodum populi Roma-

ni divitiis, vel quia liberior esset exercendæ liberalitatis facultas, ad donationem aureorum trecentorum ea fuit requisita. Denique Justinianus Imperator eam quantitatem ad solidos quingentos ampliavit, quam etiam sine insinuatione stare voluit. Ut si eam summam excederet, saltem ad aureos quingentos facta donatio valeret: idque ne utile per inutile viriaretur. §. 2. hic. l. 34. §. i. l. 35. §. fin. l. pen. Cod. hic. c. utile. 37. de regul. jur. in 6. Perez. Cod. hic. n. 30. Unde colligere licebit, omnium bonorum donationem sustineri, modo in tabulas publicas sit relata. l. 35. §. sed et si. Cod. hic. Coras. 6. Miscell. 17. Gail. 2. obs. 11. n. 10. Vaud. 1. quæst. 31. Fachin. 6. controv. 93. Tessaure. decis. 199. vid. tamen Covarr. de testam. p. 4. n. 8. Everhard. consil. 6. n. 6. Mantica. de Tacit. & ambig. libr. 13. tit. 16. Fabrum Cod. 8. tit. 36. def. 9. Grot. 3. introd. 2. verb. *Schenckinge by levende*. Carpzov. def. forens. p. 2. constit. 12. def. 26.

7. *Sed & quasdam donationes invenit.*] Regula fuit propofita, donationes excedentes aureos quingentos, adde, vel eorum valorem, actis publicis inferendas esse. l. 34. §. 1. Cod. hic. ibique Sichard. Gail. 2. obs. 39. Exceptio subjungitur in genere, quasdam esse donationes, non desiderantes insinuationem; quæ cum hic non recenseantur, eas ordine subjiciam. Quarum nonnullæ tamen non excipiuntur, quia non continentur sub regulâ, adeoque ab insinuatione sunt immunes. Aliæ, ad regulam pertinent donationum simplicium, & absolutarum, vtrum excipiuntur, ut etiam non insinuantur. Prioris generis est donatio causa mortis, quæ licet olim fuerit insinuata, etiam per l. 25. Cod. hic. hodie tamen ab insinuatione est immunis per l. fin. Cod. Mort. caus. donat. Est donatio sub modo, & propter causam, quæ etiam insinuatione non eget. §. 2. hic. Excipit propter nuptias donationem, quæ non quidem ex parte uxoris, (de lucro nuptiali certantis, est insinuanda, ex parte nihilominus mariti insinuari debet. Nov. 127. cap. 2. quâ corrigitur Nov. 119. & jus antiquum revocatur. l. 17. Cod. de donat. ante nupt. l. pen. §. alias vero. Cod. donat. l. fin. §. simili quoque. Cod. de jure dot.

Posterioris generis est donatio quæ à Principe facta est privato. l. 34. §. 1. Cod. hic. id quod lege Zenonis obtinebat. l. 31. Cod. eod. Ut enim imperialis fortuna omnes supereminet alias, ita oportet & principales liberalitates culmen habere præcipuum. l. 7. Cod. de bon. quæ liber. Ad hanc tamen donationem jure novissimo opus est instrumento publico, subscriptione donatoris & testium, qui ex lege Zenonis non erant necessarii. Nov. 52. cap. 2. Auth. item. Cod. hic. Et ne deterioris conditionis esset Princeps quam quivis è subjectis, ideo quæ à privato facta est Principi, (quod secundum Zenonem non obtinebat) etiam valet citra insinuationem.

nem,

nem. Clarus. §. donat. q. 17. Rittershus. ad Nov. p. 5. c. 9. n. 1. 2. Sichard. ad l. 34. Cod. hic. Valet insuper Donatio remuneratoria. l. pen. in fin. D. hic. vid. Paulum §. sent. 7. è quo d. l. pen. est restituenda.

Donatio mobilium à Duce belli militibus facta. l. si quis. pen. §. 1. Cod. hic.

Donatio usurarum futuri temporis, id est, earum remissio. l. Modestinus. 23. D. hic. contra. l. 9. in princ. D. eod. Clarus. §. donatio. q. 16. n. 3. 4.

Donatio in ædium facta refectionem, ut tamen in eum finem pecunia sit insumpta. l. pen. §. eandem. Cod. hic.

Donatio facta in redemptionem captivorum. l. pen. in princ. Cod. hic. Quod an ad omnem piam causam extendendum sit, disquiri solet? De jure Romano id negandum videtur. Arg. l. 19. Cod. de Sacros. Eccles.

Donatio facta monasterio in casu. l. qui sua. 39. Cod. de Episc. & Cleric.

An reciproca plurium donatio opus habeat insinuatione disq. ? Forte non, quod videatur remuneratoria. Arg. l. pen. §. fin. D. hic. Clarus. §. donatio. q. 2. n. 2. & q. 16. n. 3.

An pluribus facta, ex personis donatariorum, an donantis censebitur? Resp. Si pluribus conjunctim facta sit donatio, opus erit insinuatione, secus si separatim; tunc enim singulæ donationes considerabuntur. l. 34. §. si quis autem. Cod. hic. Roman. sing. 17. 6. Gomef. 2. variar. 4. Zoef. D. hic. n. 52.

MORIBUS.

Pragmatici judicant donationem ad piam causam factam non insinuari. 8. Tiraquell. de Privil. piz caus. c. 124. Bartol. in l. 19. Cod. de Sacros. Eccles. Gomef. 1. Variar. 4. n. 10. Id quod moribus variorum in omni donatione admissum, congruenter novellæ Leonis 50. quæ renuit insinuationem, ut tamen ex d. nov. scriptura sit adhibenda, trium testium auctoritate firmata, cum secundum nostros mores desiderent notarium, & duos testes, licet plerique vix certi quicquam statuere audeant. Grot. introd. 3. cap. 2. verb. *maer om de overdaedige*.

In Provinciis Belgii quæ Regi Hispaniæ parent, si trecentos aureos excedat donatio, tantum desiderat notarii præsentiam, vel publicas personas, vel donantis subscriptionem, Edict. Reg. Hispan. de ann. 1611. artic. 19. vid. Everhard. consil. 231. n. 4. in fin. Christin. vol. 4. decis. 188. n. 19. Zoef. D. hic. n. 41. & 56. Dessel. in not. ad Zoef. Instit. hic. num. 13. 14. Stat. Antverp. tit. 53. art. 4. Edicto vero perpetuo Philippi 2. Hispan. in Hispaniâ donationes egent insinuatione, & quidem in loco ubi res sita est, vel donator habet domicilium. vid. Molin. de just. & jure disp. 278. Perez. Cod. hic. in fin.

In Frisiâ itidem jus commune servatur, teste Sandij libr. 3. tit. 1. def. 3. in fin.

Ex constitutionibus regis in Galliâ, opus est insinuatione, intra quatuor menses à donatione celebratâ, faciendâ, idque non tantum in donatione simplici, verum etiam in dote, teste Cujac. ad Novell. 119. Tholos. Synt. juris libr. 28. tit. 13. n. 17.

Jure Saxonico ad immobilium donationem etiam desiderant insinuationem, coram lege loci, ubi ea sita, insuper requirunt consensum hæredum donantis, & ne donator decumbat. Coppen 2. Pract. obs. 99. n. 18. ibique DD. Alii eo jure, ut & in cæteris Germaniæ partibus requirunt insinuationem, si donatio excedat ducatos Ungaricos quingentos. vid. Sneider. hic. in comment. num. 40. 41. Carpzov. Resp. juris Elect. lib. 5. tit. 7. Resp. 56.

9. *Scendum est tamen, quod etsi plenissima.*] Donationes quæ simplices, quæ absolutæ, si perfectæ, temerè nequeunt revocari. Id est, ad lubitum vel placitum donatoris revocari non possunt, idque ut fecernantur à causâ mortis donationibus, quæ quocumque tempore, id est, quandiu vivit donator, pœnitentiam admittunt. Poterunt tamen esse casus simplicis & absolutæ donationis, quibus ea revocetur, lege ita disponente. Et vel revocatur in solidum, vel pro parte. In solidum, ob crimen *exherediationis*, si donatarius ingratus extiterit in donatorem. Ingratitudo grave vitium est & intolerabile, maximè si beneficium collatum, ex merâ liberalitate resultabat. Nihil enim magis beneficio contrarium est, quam injuria, quæ ea propter legibus coerceri debebat. Hinc in jure nostro tribus in casibus notabiles ingratitude pœnæ sunt constitutæ. Ut si ingratus in Parentem extiterit filius, cui aliter portio hæreditaria, si non universa hæreditas debetur, à legitimâ merito excludatur, etiam vivo patre iterum potestati subijciatur, si fuerit emancipatus. l. 1. Cod. de Liber. ingrat. vid. Althuf. dicajol. 1. c. 143. de ingratitude. Novell. 115. Si libertus de Patrono malè mereatur, in servitutem revocetur. l. 2. 3. 4. Cod. de libert. Denique, si donatarius in donatorem fuerit ingratus, id quod donatum est amittat. §. 2. hic. Quia tamen odiosa res est, aliquem ingratitude stigmatem notari, non passum, neque ex omnibus ingratitude causis, quod donatum est, revocatur. Eapropter quinque ingratitude causæ in l. fin. Cod. de revoc. donat. enumerantur. Ut, si donatarius impias manus donatori intulerit; si eundem grandi injuriâ affecterit; si grave damnum donatoris bonis dederit; si ejusdem vitæ struxerit insidias; si legi donationi appositæ non paruerit. Quarum causarum, si vel una commissâ sit, idque judici fuerit probatum, per donatorem, non ejus hæredem, contra donatarium procedentem, non vero contra

cjus.

eiusdem hæredem, quod donatum jure revocabitur, & rursus applicabitur donatori. l. fin. Cod. de Revoc. Donat. Connan. 5. con. m. 10. Donell. 14. comm. 27. verb. sed an non. vid. Clarum. §. donatio. q. 21. Comesf. 2. Resol. 4. n. 14. & ad l. 29. Tauri. n. 25. Garfiam tract. de Donation. Remuner. n. 7. & seqq. Fabrum 4. de Error. Pragmat. decad. 22. Perez. Cod. de Revoc. Donat. n. 6. & seqq.

Pro parte revocatur donatio, quæ à parente contra pietatis officium, id 10. est, in liberorum existentium sit præjudicium; etiam si propter nuptias uni ex liberis sit facta. l. 1. 2. 7. Cod. inoff. donat. tot. tit. Cod. de inoff. dotib.

Estque in utroque casu locus remedio quærelæ inofficiosæ donationis vel dotis, ad exemplum quærelæ de inofficioso testamento introductæ, competent non tantum liberis, sed & reciproce parenti. l. 4. Cod. inoff. donat.

Quæ forte quærela originem traxit ex rescripto Alexandri in l. 87. §. 3. D. Leg. 2. & locum habebit, si donatio fuerit re inofficiosa, nisi liberis extiterint in parentem ingrati. l. 5. pen. Cod. inoff. donat. Nov. 92. vid. Chafsan. ad Burgund. tit. 7. de success. §. 2. gloss. defuncti. & 3. gloss. fin. in fin. Choppin. 2. de moribus Paris. 2. num. 7. Fabrum Cod. tit. de inoff. donat. Hodiern. ad l. hæc edict. q. 6. Coren decif. 30. n. 20. Rittershus. ad Nov. p. 5. c. 13. Anton. Matth. disp. singul. ad l. si totas. Cod. de inoff. donat.

Quid si pater cum liberis non haberet, omnem suam donaverit substantiam, an propter liberorum supervenientiam revocabitur donatio? *Resp.* Licet affirmativa sententia sit probanda in casu l. 8. Cod. de revocand. donat. quæ de liberto loquitur: quia tamen is casus est singularis, sicuti multa singularia in liberto sunt recepta, qui plus debet patrono, ejusque liberis, quam extraneus quivis donatarius donatori. §. pen. Inst. susp. tutor. tit. D. de obseq. parent. & patron. & tit. seq. de oper. libert. & quod singulari jure receptum est, non est producendum ad consequentias. l. 14. D. de legib. statuendum erit, casum d. l. 8. in aliis non obtinere.

Accedit quod si Imperator Justinianus liberorum supervenientiam inter causas ingratitudinis referre voluisset, proculdubio eam in d. l. 8. expressisset. Azo in summâ Cod. de Revoc. donat. Hottom. 1. Amic. respons. 12. Donell. ad d. l. 8. n. 3. 18. Ciphani. ibid. Coraf. 7. Miscell. 30. Connan. 5. comm. 10. num. 3. Faber. 7. conject. 14. 15. Treutler. 2. disput. 19. thes. 7. diff. Tiraquell. ad l. 8. verb. libertis. Cod. Revoc. donat. Cujac. 20. obs. 5. Fachin. 3. controuv. 85. Myns. 3. obs. 63. 64. Bronch. cent. 3. assert. 74. Zoef. D. hic. n. 127. Hænon. disp. 6. Instit. n. 21. quem vid. & n. 22. 23.

M O R I B U S.

Donationem omnium bonorum à patre factam, ob liberorum supervenientiam revocari volunt pragmatici. vid. Clarum. §. donatio. q. 22. n. 5. Cha-

Charond. 12. Resp. 57. Fabrum Cod. 8. tit. 38. def. 2. Maynard. 4. decif. 12. & 6. decif. 58. Christin. 1. decif. 340. n. 5. Carpzov. def. forens. p. 1. constit. 12. def. 32. Grot. introduct. juris Holl. 3. p. 2. verb. *de schenckinge*. Idem quod juri canonico congruum esse videtur, per c. quicumque. 17. quæst. 4.

§. 3.

- | | | |
|--|---|---|
| 1. <i>Explicatur propter Nuptias donatio.</i> | } | 4. <i>Utilitas Donationis propter nuptias assignatur.</i> |
| 2. <i>Comparantur Dos & Donatio propter Nuptias.</i> | | 5. <i>Non ea confundenda cum sponsalitiâ largitate.</i> |
| 3. <i>Non tamen per omnia.</i> | | 6. <i>Mores allegantur.</i> |

1. **E***st & aliud genus donationis inter vivos.*] Sequitur alia species donationis improprie dictæ, quæ veteribus quidem erat incognita, si modum intueamur & formam, quam postmodum nacta est. Olim enim cæteris inter vivos donationibus comparabatur, ut semel facta revocari non potuerit, etiam nuptiis non subsecutis. l. 10. l. 15. Cod. de donat. ante nupt. Sub principibus vero junioribus Constantino scil. & seq. Arg. l. cum veteri. Cod. eod. ante nuptias donatio vocabatur, quod stante matrimonio nec fieri, nec augeri poterat. Justinus dein Justiniani pater adoptivus eas etiam stante matrimonio augeri posse permisit. l. pen. Cod. de Donat. ante nupt. retentâ priori appellatione. Quod quia inconveniens erat, cum nomina rebus mutatis etiam sint mutanda, Justinianus Imperator eas donationes propter nuptias appellavit. §. 3. hic. Quas non tantum stante matrimonio augeri, sed & initium capere posse, ad exemplum dotium, voluit. l. cum multæ. Cod. eod. Nam in gratiam matrimonii quod favorabile est, multa sunt constituenda. l. 1. D. Solut. matrim.
2. *Et dotibus in hoc exequuntur.*] Cognationem hic quandam constituit Imperator inter dotes, & propter nuptias donationes. Cum enim illæ ab uxoribus saltem gratiâ uxorum dentur, eæque mereantur donationes propter nuptias, quæ à maritis fiant uxoribus, idque in vicem dotium: vocantur enim propterea antidotalia seu antiphernalia bona, Græcis ἀντιδότην, quia dotium quasi remuneratoria: ideo & eas Imperator dotibus exæquare, adeoque eandem & dotium & propter nuptias donationum, quantitatem esse voluit. Nov. 97. c. 1. 2. Quinamplius constituit, ut quemadmodum earum dominium transit ad maritum, sic & harum ad uxorem suo modo. Utque illæ redeunt ad mulierem, sic hæ revertantur ad virum. Utque stante matrimonio illæ non tantum augentur, verum etiam initium capiunt, sic hæ augeri, & inchoari possint. Utque illæ tacitam in se habent conditionem,

si nuptiæ sequantur, ita & hæc. Ut si maritus dotis partem lucretur, mulier æqualem donationis propter nuptias, capiat. Utque illæ à marito nequeunt alienari, ita nec hæc possunt ab uxore. Utque illas sine causâ divertens amittit mulier, ita & has maritus. l. 15. 19. Cod. hic. Auth. si ve à me. Cod. Ad Vellej. l. 8. Cod. de Repud. Nov. 61. Nov. 91. Nov. 97.

Non tamen per omnia & in omnibus propter nuptias donatio doti exa-
quabitur. §. 3. verb. *Et dotibus in hoc exæquantur*. Instit. hoc tit. Dos enim
licet excedat aureos 500. non eget insinuatione, verum propter nuptias
donatio ex parte mariti insinuari debet. Nov. 127. §. illud. Ulterius, ma-
ritus stante matrimonio fructus dotis lucratur, uxor non item fructus dona-
tionis propter nuptias, quia pertinent ad maritum; ut qui solus onera ma-
trimonii sustinet. l. si is. §. ibi dos. D. jute dotium.

Verum quæsierit quispiam, num ulla hujus sit utilitas, quod maritus uxo-
ri donet propter nuptias. Resp. Erit adhuc aliquis hujus donationis usus
uxoris respectu: nam ratione dotis erit uxori melius prospectum soluto ma-
trimonio. Auth. permixta. Cod. de donat. ante nupt. Et marito adinopi-
am vergente uxor donationem propter nuptias à creditoribus revocare po-
terit. l. ubi. & Auth. donationem quoque. Cod. jure dot. Quinimo inter-
dum donationem propter nuptias faciet suam. l. consensus. §. 4. Cod. de
repud. Nov. 61. 97.

Quæsierit quispiam ulterius, num propter nuptias donatio confundi de-
beat cum sponsalitiâ largitate, quæ etiam à viro proficiscitur? Resp. Licet
glossa ita judicet, in verb. *sponsalium*. in auth. *sponsalitia largitas*; multi-
plex tamen inter utramque donationem assignabitur differentia. Nam pro-
pter nuptias donatio, & ante matrimonium, & stante matrimonio fieri
poterit. Sponsalitia largitas non nisi ante matrimonium confertur. Illa
fit intuitu dotis, adeoque quasi in dotis remunerationem; hæc non item. Illa
 eget insinuatione ex parte mariti; hæc non item. Illa fit vel à sponso spon-
sæ, vel à marito uxori, non vice versâ; hæc à sponso sponsæ, & vice versâ
fieri potest. Illa, secuto matrimonio fit quidem uxoris, sed revocabiliter;
hæc matrimonio subsecuto, manet ejus cui data est. Illa si non sequantur
nuptiæ propter casum, indistinctè repetitur; hæc non item. Aut enim
osculum intervenit, & totum quod sponsa dedit, restituitur, quod vero do-
navit sponsus, non nisi secundum partem dimidiam. Aut non intervenie-
rat osculum, & universum, quod utrinque datum est restituitur. tit. Cod.
de Sponsal. Cujac. Parat. Cod. de donat. ante nupt. vid. Goines. ad l. 50.
§ 2. Tauri.

MORIBUS.

Non eadē quæ de jure Romano secundum mores hodiernos circa dotes, 6.

D d d d

pro-

& propter nuptias donationes servantur. Neque enim æqualitas utriusque donationis retinetur, sed disparia pacta incuntur, etiam lucrorum contemplatione. Gail. 2. obs. 78. n. 2. Zoef. Instit. hic. n. 19. in fin. Quod dotes attinet earum jura & privilegia cessant, & vix ullæ dotes sunt apud Gallos ex Romanâ descriptione. Argentr. ad Britann. artic. 404. in rubric. n. 6. & 419. gloss. 1. Cujac. 5. obs. 4. & consil. 24. Idem quod in Belgio obtinere certum est. Gudel. 1. de jure noviss. 8. Sand. de feud. Gelriæ tract. 2. tit. 2. c. 4. §. 1. n. 15. Grot. 2. manud. 11. & 12. Groenweg. ad tit. Cod. de jure dot.

Poterit tamen mulier vidua, quæ massaria appellatur, manere in domo mortuariâ, donec ei dos ex mariti bonis sit restituta. Weseimb. Parat. D. Solut. matrim. n. 2. & seqq. vid. Perez. Cod. Rei Uxor act. n. pen. & fin. Mevium ad Lubec. 1. tit. 5. artic. 13. 15. & p. 2. tit. 2. artic. 12. 25. 26. 27.

Etiâ, si sibi dotem salvam in Hollandiâ sit stipulata pactis dotalibus, & stante matrimonio quæstis renuntiaverit, dotis repetitionem licet à marito fuerit alienata, est habitura. Neost. de Pact. antenupt. obs. 9. & 21. Grot. 1. introd. part. 5. n. 39. Groenw. ad l. 30. Cod. de jure dot.

In Frisiâ nihilominus, jus hypothecæ, & Privilegium dotis obtinet. vid. Sand. 2. decis. 2. def. 2.

Quod spectat propter nuptias donationes, illæ ex usu sublatae (exceptâ Saxonîâ,) & videtur in eorum locum successisse *donarium*, seu *dōarium*. Cujac. 5. obs. 4. Rancin. 5. Variar. lect. 19. Rittershus. ad Nov. p. 5. c. 1. n. 3. Pichard. in comm. post. §. 20. Instit. de Action. n. 45. p. 181. Perez. Cod. de donat. propt. nupt. n. 9.

Dōarium vel dōerium, latinis dotalitium appellatum, Græcis *νυθέρων*, Hermenop. 4. tit. 10. Germanis, nisi fallor, *leibgeding*, est pars bonorum mariti moribus vel conventionem mulieri assignata, ut pro dote eam habeat obligatam, & post mortem mariti ejus lucretur proprietatem, vel usumfructum. vid. Cujac. 2. feud. tit. 9. Rebuff. de Sent. Provis. gloss. 3. art. 1. & 3. gloss. 1. Argentr. ad Brittan. art. 404. in Rubric. n. 9. & seq. Chaffan. ad Burgundiæ tit. de jure conjug. §. 4. 6. Choppin. de moribus Paris. 2. tit. 1. 2. & seqq. Rittershus. ad Nov. p. 5. c. 10. n. 13. Perez. Cod. de donat. ante nupt. n. 9.

Nec confundendū dōarium, cum illâ donatione, quæ morgangheba, vel *morgen gave* nobis appellatur. Forte ita dicta, quod eam mulier donationem sibi promissam à marito consequeretur propter honorem virginitatis. Ut iterum nubenti non videatur ea tribuenda, nisi forte propter jus primi concubitus. vid. Hermenop. 4. tit. 10. Hartmann. Pistor. 1. q. 44. Berlich. 2. con-

concluf. 15. Est infuper de moribus Saxoniz Gerada fupellex conjugii debita poft mortem conjugis, quæ ad mundum etiam & cultum muliebrem pertinet. Arum. 2. decif. 12. Wefemb. vol. 3. confil. 206. Harm. Piftor. 1. quæft. 14. & feqq. Rauchb. 2. quæft. 19. Sunt Jocalia, quæ vir, vel confanguinei dant mulieri, vel utrinque confanguineis dantur. vid. Sneider. ad 5. fuerat. Inftit. de Aétion. Scipion. Gentil. 2. de don. inter vir. & uxor. cap. 23. 29. Pichard. in comm. ad Inftit. tit. de Aétion. poft §. 20. p. 201. n. 52. Moiler. 2. Semeftr. 43.

De confuetudine Hungariæ & Tranfilvaniæ, dotalitium, & paraphernain fequentem modum accipiuntur. Dotalitium appellant, quod uxori propter ejus deflorationem & concubitum de bonis mariti datur. Cujus donationis certa eft quantitas, pro mariti dignitate Parapherna vero ea appellant quæ mulieri aut per maritum, aut parentes aut fratres, five etiam alios quofcumque dantur tempore folemnitatis nuptiarum aut defponfationis. Quæ vero res à fponfo datæ funt fponfæ pro nuptiarum honore, vel fubarratione, decedente fponfâ, antequam convenirent, per fponfum non repetuntur. Collect. Confuet. Hungar. & Tranfilv. part. 1. decret. tit. 93. & 100.

§. 4.

1. Singularis acquirendi modus per | 2. Quid Jure Hebræorum obtineat.
jus adcrefcendi.

E*Rat olim.]* Recenſetur hic tertius acquirendi dominii modus particularis juris civilis, idque per jus adcreſcendi. Ut ſi ſervum communem quis manumifſiſſet invito ſocio, eum liberum non faceret proportionẽ dominicâ, quod non detur mixtura ex ſervitute & libertate. Sicuti etiam in totum eum facere non poterat liberum, quod ſervus eſſet communis. Verum in re communi nemo dominorum jure facere quicquam altero invito poteſt. l. 28. D. comm. divid. l. 10. D. de aquâ & aquâ pluvi. l. 4. D. Serv. præd. ruſtic. Multo minus invito domino libertatem ſervo dabat, per quam omnino extra domini poteſtatem conſtitueretur. Quinct. 7. c. 4. Non denique jus quod ante manumifſionem in ſervum habebat retinere poterat, ut qui ſervum manumifſiſſet ſolemniter. Conſequebatur itaque juris inſpecto vigore, ut jus domini amiſſum manumittentis ſocio adcreſceret. Sed tamen, quoniam qui ſervum manumittere vult ad rationem pietatis tendit & pervenit. l. 1. Cod. de comm. ſerv. manum. Etiam durum erat, libertati inferre præjudiciũ, cujus magnus eſt favor; dominum liberalem privare re ſuâ, & effectu bonæ intentionis, vice verſâ lucro beare invidum. l. 2. Cod. comm. ſerv. manum. l. in fin. Cod. comm. de manum.

Eapropter ſtatuit Juſtinianus, ut libertas à ſocio data procedat, & ne

quis re suâ invito privetur, nullo accepto, dimidium pretii servi manumissis, alteri socio detur, qui manumittere noluit. §. 4. hic. Determinato servi pretio pro ratione ætatis, morum, corporis dispositionis & artificii. l. 1. §. 5. Cod. de Comm. serv. manum.

Et casu pars ejus amittebatur.] Quo casu? Scil. si socius servo communi invito vel inscio socio, vel sciente sed non consentiente, libertatem imposuisset, vel vindictâ, vel testamento. Quid si censu? Idem dicendum, cum & ea manumissio fuerit satis solemnis, tumque temporis usitata. Quid si ergo per epistolam vel inter amicos data foret libertas? Quia non juris publici viâ facta est manumissio, res non amittebatur, verum datio libertatis in nihilum deducebatur. Id quod in publicis manumittendi modis fieri non poterat, qui retractari non debebant. Ulpian. tit. de Libert. Hoffer. in not. hoc tit. An ea manumissionis distinctio, inspecto hoc juris effectu, ut olim, obtinebit? Non videtur, postquam per omnem manumissionem plena in aliquem libertas confertur. §. fin. Instit. de Libertin.

Et invenimus viam.] Summæ prudentiæ est, quæ utinam omnium esset legislatorum! lèges sic mitigare, ut tamen nemini fiat injuria, & socium ita juvare, ut alter præstetur indemnus. §. fin. Instit. qui sui vel alien. jur. l. 1. & ult. Cod. de comm. serv. manumitt.

Cujus favore etiam contra communes regulas.] In favorabilibus etiam adversus communes, id est, ordinarias juris regulas aliquid statui potest. l. libertas. D. de Reg. jur. l. invitum. Cod. contr. empt. Quod quia publicè utile est, injurium non erit, si quod huic vel illi præjudicat, majori commundo compensetur. Arg. §. fin. qui sui vel alien. jur. l. 2. Cod. de patribus qui fil. distrah. tit. D. Ad l. Jul. de annon.

JURE HEBRÆORUM.

2. Volgete Rabbini, dividuam esse libertatem & servitutem, adeoque hominem servum à communi domino socio invito manumissum, effici semi-liberum, & semi-servum manere. Mainionides in Hilchos Abbadim. c. 7.

LIBER. II TITULUS. VIII.

QUIBUS ALIENARE LICET, VEL NON.

Accidit aliquando, ut qui dominus sit, alienare non possit: & contrâ, qui dominus non sit, alienandæ rei potestatem habeat.

Nam

Nam dotale prædium maritus invitâ muliere per legem Juliam prohibetur alienare: quamvis ipsius sit, dotis causâ ei datum. Quod nos, legem Juliam corrigentes, in meliorem statum deduximus. Cum enim lex in solis tantummodò rebus locum habebat, quæ Italicæ fuerant; & alienationes inhibebat, quæ invitâ muliere fiebant, hypothecas autem earum rerum etiam volente eâ: utrique remedium imposuimus, ut etiam in eas res, quæ in provinciali solo positæ sunt, interdicta sit alienatio vel obligatio: ut neutrum eorum neque consentientibus mulieribus procédat, ne sexus muliebris fragilitas in perniciem substantiæ earum convertatur.

1. Contrà autem creditor pignus ex pactione, quamvis ejus res non sit, alienare potest. Sed hoc forsitan ideo videtur fieri, quod voluntate debitoris intelligitur pignus alienari, quia ab initio contractus pactus est, ut liceret creditori pignus vendere, si pecunia non solvatur. Sed ne creditores jus suum persequi impedirentur, neque debitores temerè suarum rerum dominium amittere viderentur: nostrâ Constitutione consultum est, & certus modus impositus est, per quem pignorum distractio possit procedere: cujus tenore utrique parti, creditorum & debitorum, satis abundè provisum est.


2. Nunc admonendi sumus, neque pupillum, neque pupillam ullam rem sine tutoris auctoritate alienare posse. Ideoque si mutuam pecuniam sine tutoris auctoritate alicui dederit, non contrahit obligationem, quia pecuniam non facit accipientis; ideoque vindicari nummi possunt, sicubi extant. Sed si nummi, quos mutuò minor dederit, ab eo, qui accepit, bonâ fide consumpti sunt, condici possunt: si malâ fide, ad exhibendum de his agi potest. At ex contrario, omnes res pupillo & pupillæ sine tutoris auctoritate rectè dari possunt. Ideoque si debitor pupillo solvat, necessaria est debitori tutoris auctoritas, alioqui non liberabitur. Sed hoc etiam evidentissimâ ratione statutum est in Constitutione, quam ad Cæsarienses advocatos ex suggestione Triboniani viri eminentissi-

mi, quæstoris sacri palatii nostri, promulgavimus: quâ dispositum est, ita licere tutori vel curatori debitorem pupillarem solvere, ut prius judicialis sententia sine omni damno celebrata hoc permittat. Quo subsecuto, si & iudex pronuntiaverit, & debitor solverit, sequatur huiusmodi solutionem plenissima securitas. Sin autem aliter, quam disposuimus, solutio facta fuerit, pecuniam autem salvam habeat pupillus, aut ex ea locupletior sit, & adhuc eandem pecuniæ summam petat: per exceptionem doli mali poterit submoveri. Quod si malè consumpserit, aut furto, aut vi amiserit, nihil proderit debitori doli mali exceptio, sed nihilominus condemnabitur: quia temerè sine tutoris auctoritate, & non secundum nostram dispositionem solverit. Sed ex diverso, pupilli vel pupillæ solvere sine tutoris auctoritate non possunt: quia id, quod solvunt, non fit accipientis; cum scilicet nullius rei alienatio iis sine tutoris auctoritate concessa sit.

C O M M E N T A R I U S :

I N P R I N C.

- | | |
|--|--|
| 1. Dominus regulariter rem suam alienare non prohibetur. | <i>prædictum sit comparatum.</i> |
| 2. Exceptio proponitur in Marito dotis nomine. | 5. Prohibitio etiam ad rem mobilem extenditur. |
| 3. Idem in Sponso admittendum. | 6. Alienationis nomine quid venias? |
| 4. Non idem forte si pecuniâ dotali. | 7. Mores describuntur. |
| | 8. Jus Canonicum allegatur. |

1.  *Cecidit aliquando.* Quoniam in superioribus de acquisitione domini fuit actum, ejusque præcipuus effectus est, jus alienandi, quod quisque sit arbiter & moderator rei suæ. l. 21. Cod. Mand. inquiri non immerito poterat, quibus dominis rem suam alienare liceat, vel non? Et respondetur, regulariter eos qui sunt domini, alienare posse, per d. l. 21. quique non sunt domini, prohiberi alienare. l. 11. D. de Regul. juris.

2. Casus exceptos explicat hic titulus in princ. & §. 2. Primus est in prædicto dotali Italico, non æstimato. l. unic. §. & cum lex. Cod. Rei uxor. action. quod

quod per l. Juliam maritus invitâ uxore alienare vel hypothecâ subjicere prohibetur. Ut tamen eâ consentiente prius potuerit, posterius non æquè; licet neutrum hodie possit, ne quidem uxore consentiente. in princ. hic. l. unic. §. & com lex Julia. Cod. Rei uxor. actione. Sicuti nec interest, ita disponente Justiniano, prædium sit provinciale an Italicum. in princ. hoc tit. Nec interest, quod etiam ex l. Juliâ obtinebat, prædium sit rusticum, an urbanum, dotale, an quasi dotale, quod servo dotali relictum est. l. dotale prædium. 13. l. 3. D. de feud. dotali. Fabrot. in notis ad Theoph. hic.

Ubi quis jure merito quæsit, num Imperator satis accuratus fuerit, dum exemplum refert exceptionis, quæ forte sub regulâ non continetur. Nam si maritus verè non est dominus dotis, & nonnisi juris subtilitate, exceptio non erit de regulâ.

Ut hic in antecessum fuerit examinandum, num maritus dotalis fundi non æstimati verus sit dominus? Et respondendum est, cum passim appellari dominum rerum dotalium dotis causâ. in princ. hic. l. 16. D. de jure dot. prædium ipse esse, & causâ dotis ei datum. l. 13. §. 2. D. de fund. dot. l. 7. §. si res. D. de jure dot. l. 23. Cod. eod. causam dotis habilem esse ad dominium transferendum, non aliter atque venditio, permutatio &c. §. 41. Instit. Rerum divis. rem pro dote, usucapi posse. tit. D. pro dote.

Cumque hæc omnia verè dicantur, & marito reverâ sint applicanda, præsertim quod in tit. Instit. de Rerum divis. de veri dominii, non ficti acquisitione, agatur; etiam in usucapione veræ possessionis, & quidem civilis & naturalis simili habeatur ratio, adeoque veri dominii; insuper constante matrimonio dos per uxorem à possessore vindicari nequeat, ut à marito sit vindicanda. l. 9. Cod. Rei Vindic. quæ veri dominii nota est. l. 23. in princ. D. eod. Consequitur maritum in rei veritate, & reverâ dotis esse dominum. Neque enim aliter l. Juliâ prohibente opus fuisset, ut ne possit rem dotalem alienare. Quæ, lex, ut suprema moderatrix, (quod pacto aut conventionione abundè caveri non poterat,) alienationi rerum nostrarum ex justâ causa modum imponere debuit. §. fin. Instit. qui sui vel alien.

Quin imo, verum mariti dominium esse debet, quod jure naturali, accedente tamen civili ratione, per dotis traditionem adquisivit. §. per traditionem. Instit. de Rer. divis.

Quia tamen maritus, quod habet verum dominium, à lege habet limitatum, & coarctatum, effectum inspecto dominii; etiam dominium perpetuo non est habiturus, sed quondam ab eo revocabitur; id quod nihil facit ad dominii veri essentiam; ideo mulier passim in jure nostro naturale dotis dominium, sive ex jure naturali, retinuisse dicitur, & maritus civile, id est, juris ratione & fictione accedente. l. 7. §. 17. l. 58. D. Sol. matrim. l. 3. D. fund.

fund. dot. l. 5. ad Munic. l. 30. Cod. de jure dot. Quale mariti dominium, stante matrimonio perpetuum, velut obducit & operit mulieris dominium, quod quasi in potentiâ, soluto matrimonio in actum educetur, viresque suas exercebit. l. 1. D. de jure dot. ibique in not. Gothefred. l. 9. Cod. Rei Vindic. Passio aliter hic sentiunt DD. Connan. 8. comm. 9. Cujac. 10. observ. 32. Vaco à Vacun. declar. 6. c. 92. Coras. 5. Miscell. 14. Barbof. ad l. 62. D. Solut. Matrim. Guibert. de dote cap. 5. n. 4. Vaud. 2. quæst. 3. Bronchorst. 2. assert. 22. Pinell. in l. 1. p. 3. num. 13. Cod. de bon. matern. Treutler. vol. 2. disp. 7. thes. 6. Hænon. disput. Instit. 6. n. 24. Zoesf. D. de jure dot. n. 20. & seqq.

3. *Nam dotale prædium maritus.*] Dictum fuit, maritum dotale prædium alienare non potuisse, & confirmatur verbis nostri textus. Quid si nondum sit maritus, verum sponsus, an ei quod marito denegatum, permissum esse censetur? Ex interpretatione l. Jul. prohibito etiam ad sponsum extenditur. l. 4. D. de fund. dotal. Quod si prædium fuerit æstimatum, neque electio reservata sit mulieri, utrum soluto matrimonio prædium velit petere, an æstimationem, marito alienandi libertas competet. l. 11. D. de fund. dotal. l. fin. D. de Pact. dotal. l. unic. §. & cum lex. Cod. de rei uxor. actione. Æstimatio enim imitatur emptionem, imo vera venditio est. l. 10. §. 3. l. 15. D. de jure dot.

Non obstant l. 30. Cod. eod. Nam quod in d. l. mulieri pro rebus æstimatis actio in rem conceditur, (quod non de directâ, sed utili est accipiendum) id intelligendum est in casu, quo matrimonium est solutum, nec maritus erat solvendo, ut in subsidium uxori succurratur. Unde statuendum est, maritum non aliter prædium æstimatum alienare posse cum omni juris effectû, quam si fuerit solvendo, & ex aliis bonis uxori de dote satisfieri possit. l. 1. Cod. de serv. pignor. dat. manum.

4. Quid si prædium pecuniâ dotali fuerit comparatum, an legi prohibitæ suberit alienationis? Non videtur, nisi hâc mente sit emptum, ut dotale fiat. l. 32. D. jure dot. l. 12. Cod. eod. Cujac. 5. obs. 29. Faber 5. conject. 9. diss. Donell. 5. comm. 2. vid. Chassan. Rubric. 4. §. 2. text. & acquiesc. 5. n. 6. 7. Christin. ad Mechlin. tit. 9. art. 10. n. 10.
5. Quid si res mobilis in dotem sit data, an ad eam l. Jul. prohibitio erit extendenda? Cum appellatione prædii res mobilis non contineatur, dicendum erit, l. Juliam in re mobili cessare. l. 42. D. jure dot. l. 3. §. 2. D. de suis & legit. hæred. l. 115. l. 198. l. 211. D. verb. signif. l. 1. Cod. Serv. pignor. dat. manum. l. 3. Cod. de jure dot.

Neque obstat d. l. 1. Cod. Licet enim maritus, servum dotalem possit alienare, & procedat actus alienationis; si tamen solvendo non sit, & in frau-

fraudem uxoris rem mobilem alienasse deprehendatur, non tantum soluto matrimonio, verum etiam eo constante mulierem rem alienatam utili in rem actione consequetur. l. 29. Cod. de jure dot. l. 24. D. Sol. matrim. qui locus posterior à Triboniano est interpolatus. Jure tamen novo Justinianus prohibitionem ad omnes res mobiles extendit, quæ servando servari possunt. l. unic. §. cum lex Jul. Cod. Rei ux. action.

Prohibetur alienare.] Vocabulo alienationis hoc in loco non tantum intelligitur omnis actus, per quem dominium transfertur, verum etiam quod jus in re denegatur. l. 5. 6. 7. 16. D. de fund. dot. l. 28. D. verb. signif. l. dotalem. D. testam. milit. l. fin. Cod. de rebus alien. non alien. Arg. l. 4. Cod. de Præd. Min. An etiam ad venditionem referri debeat alienatio, dubium non habet, si legis sensum spectemus, licet inspectâ virtute verborum, si in dominio adhuc manserit venditoris, puta, quando res nondum est tradita, non tam alienata, quam vendita censeatur. l. 67. D. de verb. signif.

Non omnis tamen species alienationis est prohibita, verum et tantum quæ est voluntaria, non quæ necessaria. l. 1. D. de fundo dotali. l. 2. Cod. cod. vid. Simon. de Præd. de interpret. ult. vol. 3. dubit. 1. fol. 10.

Non quæ est mobilium, quæ servando servari nequeunt, qualia sunt animalia, vestimenta; non etiam quantitatium. l. 10. D. de jure dotium.

Non quæ alienatio est mobilium, licet servando servari possint, siquidem ad eam accesserit post biennium renovatus ab uxore consensus & ex cæteris mariti bonis mulieri satisfieri possit. Auth. five à me. Cod. Ad Vellej. Nov. 61. Julianus Antecessor in d. nov. vid. Coraf. 1. Miscell. l. n. 2. Bacchov. ad Treutl. vol. 2. disp. 7. litt. c. Sand. de Prohib. rerum alien. p. 118.

Non quæ alienatio facta est titulo universali, salvo nihilominus jure uxoris. l. 1. §. 1. D. hic. Arg. l. 62. D. de Acquir. domin.

Quid si mulier alienationi per maritum factæ consenserit, eamque jurejurando confirmaverit? Non tamen procedit alienatio, obstante publicâ utilitate. l. 15. D. de Pact. dot. l. 2. D. de jure dot. l. 27. l. 45. D. de Regul. jur. Præterquam quod jusjurandum actum invalidum de jure civili non reddat validum; quod sequatur naturam actus, cui apponitur. l. 7. §. & generaliter, D. de pact. l. fin. Cod. non numer. pecun.

MORIBUS.

De consuetudine Galliarum & Belgii, si dotalia instrumenta confecta non sint, vel quidem conscripta, sed non exclusâ bonorum communio, dos & omnia mulieris bona sunt communia; & pro parte dimidiâ irrevocabili-
ter cedunt marito, exceptâ tamen Provinciâ Frisicâ, ubi non nisi adquisitorum est communio. Et quidem poterit maritus integram dotem uxore

Ecc

con-

consentiente alienare, vel hypothecæ subijcere. Quin imo etiam eâ dissente; quod ætum demum obtinet in Trajectinâ provinciâ, cum liberos habent communes. Statut. Ultraject. Rubric. 22. Sand. de Prohib. rerum alien. p. 1. cap. 10. Herbaj. rerum quotid. c. 13. & potissimum. §. 6. vid. Groenw. hoc tit. ibique DD. & Dessel, in not. ad Zoef. hic. n. 3.

Jure Saxonico & Bavarico de consensu mulieris dos alienari potest. Sneydw. hic. in comment. n. 9. ibique not. Lantrecht. tit. 1. art. 9. Sebass. Khraisser hic. Ex parte tamen dissentiunt quoad jus Saxonicum, Rauchb. p. 1. quæst. 34. Coppen 2. observ. Pract. 103. Quin amplius secundum jus Saxonicum maritus uxore mortuâ dotem lucratur. Lantrecht. libr. 1. art. 45. vid. DD. all.

JURE CANONICO.

8. Si ad alienationem à marito factam accesserit jusjurandum uxoris, validè facta censetur. c. cum contingat. de jurejur. Covarr. ad c. quamvis. p. 2. §. 1. n. 5. Gómez. ad l. 50. Tauri. n. 17. Perez. Cod. de fund. dotali. num. 9.

§. 1.

- | | |
|-------------------------------------|------------------------|
| 1. Creditor, licet non sit Dominus, | } modi proponuntur. |
| pignus alienare potest. | |
| 2. Species pignorum & distrahendi | } 3. Mores allegantur. |
| | |

1. **C**ontra autem creditor.] In antecessum regula fuit proposita, eos qui domini non sunt, etiam non habere alienandæ rei potestatem. Subjungitur à prædictâ regulâ exceptio in creditore, qui licet dominus non sit, nihilominus rem sibi pignori datam invito creditore alienare potest. Nisi quis existimet, debitorem sub initium contractus tacitè in pignoris alienationem consensisse, si non suo tempore creditori satisfecisset. §. 1. hic. Sed tamen quoniam creditor etiam quando conventum est, ne pignus distrahat, lege disponente distrahendi licentiam nanciscitur, non poterit negari, quin hæc sit à regulâ propositâ exceptio. Potest ergo quandoque qui dominus non est, rem alterius alienare, vel lege disponente aut permittente, ut in casu §. 1. hoc tit. & Auth. hoc jus porrectum. Cod. de Sacros. Eccles. & l. interdum. §. qui tutelam. D. de furt. Vel domino consentiente, qui liberam rei suæ administrationem habebat. Quomodo alienat procurator, qui vel speciali instructus est mandato, vel generali mandato cum liberâ, uti loquuntur, administratione. §. per traditionem. Infit. de rerum divis.

Etiam alienat rem domini servus, domino volente, vel permittente. §. 3. Infit. quod cum eo. Denique ipsâ lege fit alienatio, in princ. Infit. de usuc.

usuc. quandoque interposito iudicis officio. §. fin. Instit. de offic. iudic. l. 2. D. Si ex noxal. caus.

Sed ne creditores jus suum persequi.] Indicat Imperator se eâ constitutione, 2. quæ est in l. fin. Cod. de jure dom. impetr. certum modum distractioni pignorum imposuisse, quem tamen non subjicit. Breviter, quid in singulis pignorum obtineat speciebus, præmissâ pignoris divisione, sum explicaturus. Pignus est vel conventionale, vel legale, vel prætorium, vel giudiciale.

Conventionale, quod ab ipso debitore creditori, consensu nudo, vel non nudo constituitur. §. 1. hic.

Legale est, quod vel lege, vel Senatusconsulto, vel Principis constitutione, vel alio quo jure, citra partium conventionem constituitur. l. 1. l. fin. D. in quibus caus. pign.

Prætorium, quod sit jus dicentis auctoritate, & à prætore constituitur creditori, per missionem in possessionem bonorum debitoris. tit. Cod. de Prætor. Pignor.

Judiciale est, quod capitur ab executore, jussu Prætoris, sententiæ exequendæ gratiâ. tit. Cod. Si in caus. judic.

Circa distractionem pignoris conventionalis hic servatur ordo, ut si pactum fuerit adjectum de non distrahendo, trina præmittenda sit denuntiatio, inter unamquamq; decem dierum spatio intercedente. l. 4. D. de Pign. action. l. ad peremptoriam. 68. D. de judic. Si conventum ut distraheretur, vel nihil de eo fuerit constitutum, una adhibeatur denuntiatio, modo debitor sit absens. d. l. 4. Quod si hypotheca sit, cujus possessionem non habet debitor, actione hypothecariâ eam persequetur, ejusque consequetur possessionem. §. item Serviana. Instit. de action. ibique Jafon. Ferrar. in form. libell. hypothecæ. & si solutionem differat debitor, etiam procedet ad distractionem. Quæ peragetur auctore judice, solemniter sub hasta, præviâ rei venalis immobilis proscriptione, in celeberrimis civitatis locis; & si mobilis, saltem sub auctione publicâ. l. 4. Cod. de distr. pignor. Ut tamen velint distractionem etiam fieri posse, citra proscriptionem & auctionem, modo fiat bonâ fide, nec pignus emat creditor. Arg. l. 14. D. de Pign. action. l. 1. & seq. Cod. si vend. pignor. agat. l. 10. Cod. de distract. pignor. Balduin. de Pignor. c. 18. Perez. Cod. de distract. pignor. num. 7. Quod si pignus emptorem non reperiret, decursis proscriptionum & hastarum solemnibus, creditor id sibi addici à Principe postulare poterat. tit. Cod. de jure domin. impetr.

Postquam vero impetratum & addictum erat dominium creditori per Principem, olim pignori luendo debitori concessus erat annus utilis, hodie ex Justiniani constitutione biennium, l. 3. §. 3. Cod. de jure domin. impetr. diff. Cujac. 26. obs. 22.

Neque ex eadem constitutione ante biennium sit additio, post denuntiationem debitori factam, (id est, postquam res venum fuit exposita) computandum. l. 3. §. 1. in fin. Cod. cod. Nisi tamen de pignore distrahendo aliter fuerit conventum. d. l. 3. §. 1.

Verum an non per biennium erit expectandum antequam creditori pignus distrahere liceat, idque à tempore condemnationis numerandum, ut solvat? Non videtur, quoniam d. l. fin. Cod. tanquam agit de tempore quo jus domini erat impetrandum; quod non impetratur, antequam per integrum biennium pignus apud se venale habuerit creditor, nec emptorem reperire poterit.

Quæ dicta de pignore conventionali, eadem fere servanda circa distractionem pignoris legalis.

Superest ut de pignore judiciali & Prætorio nonnihil dicamus.

In judiciali hic ordo servatur, ut nisi debitor condemnatus per denuntiationem jussus solvere è vestigio pareat, actionibus in rem, vel reparatoriis, fiat locus. §. 2. Inst. de offic. jud. l. 68. D. de Rei vind. l. 2. D. de in litem jurand. In personalibus vero non reparatoriis intra quadrimestre spatium, extra ordinem ab executore pignus capiatur, ex bonis condemnati, idque in gratiam creditoris, qui pro se obtinuerat sententiam, cui prodest executio, non aliis, l. si & jure. D. qui pot. in pignor. Et quidem capitur pignus secundum formam lege præscriptam, quam executor ne quidem postulante creditore potest immutare. l. 15. D. de re judic. Arg. l. 1. §. de minorio. D. de ventr. in poss. mittend. l. 38. D. de Pact. Donell. in d. l. 15. Marant. p. 3. de exec. n. 8. 9.

In prætorio pignore non eadem observantur, verum creditores missi in rem custodiæ causâ, impetrabunt decretum, ut sibi liceat pro modo debiti bona in quæ missi sunt distrahere. tot. tit. D. de rebus auct. judic. poss. non quidem servato ordine bonorum, qui in pignore judiciali servandus erat ex l. 15. D. de re jud. ut tamen utrobique locus sit proseriptioni bonorum, in celeberrimis civitatis locis libellis propositis; dein hæc positi, saltem ut plurimum; insuper ut accedat vox præconis, qui rem venalem esse prædicabat, vel certum offerri precium designabat; ut adsit licitatio, id est, pretii augmentum; etiam quandoque intercessio seu oppositio eorum, qui aliquod jus super re vendendâ prætendebant, interveniat; denique sequatur additio pluri licitanti, facta. Verum de hisce omnibus videri poterunt DD. ad tit. Cod. de fide & jure hæcæ fiscal. lib. 10. & prolixè Postius, Damhauderus, Anton. Matth. de Subhastationibus.

MORIBUS.

3. Quod spectat pignus conventionale, illud ipsum quandoquidem remedium

um additionis & impetrationis dominii longas habet moras, vix est receptum, ut sola additio præviâ licitatione etiam creditori permiffa, fufficit. Perez. Cod. de jure dom. impetr. n. 8. post Christ. in decis. ad eundem titul. Rebuff. ad Const. Regias in prooim. gloss. 5. n. 103. Faber Cod. 8. tit. 22. def. 1. & tit. 16. defin. 3. Argentr. ad Britt. art. 265. c. 13. n. 5. Carpzov. resp. jur. elect. libr. 4. tit. 1. resp. 4. n. 7. Quinimo nunquam poterit creditor pignus conventionale propriâ auctoritate distrahere, licet ita sit conventum, vetum judicis decreto propalam erit divendendum. Argentr. ad Brittan. artic. 165. Rebuff. loc. cit. Coler. 3. de process. execut. c. 9. n. 110. Hartman. Pistor. 3. q. 18. n. 6. Neost. suprem. cur. decis. 90. Merul. prax. civil. libr. 4. tit. 95. c. 2. & tit. 100. c. 1. n. 10. Groenweg. ad 1. fin. Cod. de jure dom. impetr. Ut tamen in Frisâ non omnino hæc in parte à jure civili sit recessum. vid. Sand. 1. tit. 12. def. 3. & 2. tit. 12. def. 20.

Pignus judiciale quod attinet, hoc servari solet, ut ex quibus rebus sibi citius confici pecuniam putat creditor, ex judicis auctoritate per apparitorum capiantur & distrahantur. Quinimo creditor nomina capi, etiam quod à debitore debitoris est debitum sequestrari curat, postquam debitoris debitor vocatus est, & confessus, se debere. Et simulac ea pecunia quæ condemnatio erat debita est consignata, eam oblata & præstita cautione sibi dari postulat. Papon. 18. arrest. tit. 5. arrest. 43. Rebuff. tract. de litt. oblig. artic. 11. gloss. 4. Gudel. de jure noviss. 4. c. 16. Christin. ad Mechlin. tit. 1. artic. 33. n. 6. vid. Burgund. ad consuet. Flandr. tract. 3. n. 3. Instruât. cur. Ultraj. tit. de Exec. sent. Stat. Ultraj. Rubric. 14. Instruât. Cur. Holland. artic. 172. Transilv. p. 1. tit. 21. artic. 3. 5. Ruræmund. part. 5. tit. 17.

Quod si pignus captum, vel constitutum in re consistat immobili, non nisi magnâ solemnitate interveniente, & trinâ præcedente dominicali & nundinali denuntiatione, inter quamque 14. dierum spatium intercurrente, etiam aliquo tempore deinceps præterlabente, ad pignoris distractionem pervenitur. vid. Christin. vol. 4. decis. 172. n. 3. & de Saxon. jure Coppen 2. obs. 103. n. fin.

Hoc insuper notandum est, de moribus non expectari quadrimestre spatium, ut sententia executioni mandetur, quod vel statim ad executionem (præmissâ summatione uti dicunt, ejusque renovatione) procedere liceat. Neost. decis. suprem. cur. 38. Jure tamen Saxoniz dierum 14. spatium condemnatis indulgetur. Sneydwin. ad tit. Instit. de Action. §. omnium. num. 36. Quod Statut. Ultraj. conforme est. Rubric. 14. Radel. decis. curiz Ultraj. 90. Adjecit regnum Siciliz diem, quo denum post dies 15. ad executionem proceditur. Giurba obs. 4. part. 1. n. 1.

Ulterius de moribus multorum locorum, non tantum pignora capiuntur reo condemnato, verum etiam si publico instrumento debitum confessus est, seque liberè passus est condemnari. Sicuti confessiones coram Scabinis factæ, & instrumenta locationum rerum fiscalium, vel patrimonii Principis, publicarum pensitationum & censuum habent paratam executionem. vid. Imbert. 1. Instit. Forens. 4. Joh. Fabrum in §. sed cum aliquis. Instit. de Testam. ordin. Rebuff tract. de Litter. Oblig. in Præfat. n. 13. Gudel. de jure noviss. 4. c. 17. in fin. Sand. 1. tit. 12. decis. fin.

Id vero moribus nostris certum est, creditorem in pignore judiciali, non præferri cæteris creditoribus, qui pro se judicis sententiam non habuerunt. Sicut hæc pignorum capio in rem, non in personam, profit non tantum creditori, pro quo judicatum est, verum etiam cæteris omnibus, si æquali jure gaudeant. Id quod procedit in immobilibus subhastatis, non item in mobilibus captis & distractis, ubi qui sibi vigilavit, cæteris præferetur creditoribus. vid. Groenw. tit. Cod. Si ob caus. judic. pign. & ad l. 10. D. qui potiores in Pignore.

Superest, ut de prætorio pignore quid subiciamus. Id vero censent de consuetudine plerarumque regionum exolevisse. Perez. Cod. de jure domini. impetr. n. fin. in fin. Christin. in suis decis. ad d. tit. Groenw. ad tit. Cod. de Prætor. pignor. & tit. Cod. de bonis auctor. judic. possid. Anton. Matth. de auction. 1. c. 19. n. 60. De quâ sententiâ tamen addubitaveris propterea quæ habet Neguzant. de Pignor. 2. part. 5. n. 6. Faber Cod. de bon. auct. jud. poss. def. 19. 21. Gudel. 4. de jure noviss. 18. Qui censent missionem in pignus prætorium tantum prodesse missis, si nulli sint privilegiati. In Gelriâ saltem ejus juris supersunt vestigia, ubi quis inducitur in possessionem bonorum debitoris, idque judicis auctoritate. vid. Sand. de feud. Gelriæ tract. 3. c. 5. n. 10.

§. 2.

- | | |
|---|--|
| <p>1. Pupillus sine Tutore non recte alienat.</p> <p>2. Eapropter non potest pecuniam mutuatam dare.</p> <p>3. Repeti vel condici pecunia potest.</p> | <p>4. Pupillo tamen mutuo dari potest.</p> <p>5. Non recte solvitur Pupillo.</p> <p>6. Moribus quid desideretur?</p> <p>7. Non denique quod debet solvere potest Pupillus.</p> |
|---|--|
1. **N**unc admonendi sumus.] Regula in principio hujus tituli proponebatur, eos, qui sunt domini, alienare res suas posse. A quâ regulâ exceptio data in marito dotis nomine, fuit explicata. Sequitur altera, quæ obtinet in pupillo, qui licet dominus sit, nihil tamen alienare potest sine tutoris auctoritate. l. non omnis. §. fin. D. Si cert. petet. l. 11. D. de ad-

quir.

quir. domin. Rerum enim administrandarum jus ei non competit. l. 17. §. 1. D. de jurejurand. multo minus alienandarum. Quod solidum requirit judicium, cujus incapax est pupillus. l. 8. §. fin. D. adquir. hæred. qui dum non intelligit, quid agat, debet ejus judicium suppleri per tutorem. l. quamvis. §. infans. D. Adquir. Possess.

Ideoque si mutuum.] Pupillus alienare nihil potest sine tutoris auctoritate, 2. te, convenienter mutuam pecuniam dare non potest, quod inutui datio sit alienatio. in princ. & §. 2. Instit. quib. mod. re contr. oblig. l. 2. §. 2. D. de rebus cred. Cumque pecunia non fiat accipientis, etiam mutuum non intervenisse consequitur. l. 2. §. 2. D. ad Macedon. Nam hæc est *diaploia* Imperatoris, quia pupillus alienare non potest, ideo nec mutui datio valebit, argumento desumpto à genere ad speciem negativè; quod non tantum in jure certissimum est, verum etiam extra omnem dubitationis aleam apud philosophos constitutum. vid. Everhard. in loc. à genere.

Ideoque vindicari nummi possunt.] Quandoquidem nummi accipientis non 3. sunt, despiciendum erat, quibus remediis pupillo sine tutoris auctoritate mutuanti succurratur. Et quidem si nummi etiamnum exsint, vindicari poterunt, quod facti non sint accipientis.

Cui non obstat, quod nihil vindicari possit, cujus possessio amissa non est. §. 1. Instit. de action. Nam licet de jure forte amissa hic non sit possessio, vel non sit amissa solo animo, non amissa civiliter, quo refero l. 11. D. de adquir. domin. Quatenus tamen ea possessio facti est, quæ naturaliter & corporaliter in alium est translata, ita censetur esse amissa, ut vindicationi detur locus. §. 2. hoc tit. l. 29. D. de adquir. possess. Etenim vindicatione conveniri potest, non tantum qui rem propriè possidet, sed & qui rem quoquo modo detinet, ejusque retinendæ facultatem habet. l. 9. D. de Rei vindic. Perez. Cod. eod. n. 14.

Quod si nummi bonâ fide consumpti sint, nascetur condictio. l. 19. §. si pupillus. D. de rebus credit. Nam bona fides & consumptio quasi mutuum conciliant, & personalem producunt actionem. l. si à furioso. l. 3. D. de Rebus credit. Non quidem ex numeratione, verum ex consumptione, quæ conditionem certi quasi ex mutuo, non condictionem indebiti, vel sine causâ, producit. d. l. 13.

Quod si nummi malâ fide consumpti sint, ad exhibendum agendum erit. §. 2. hic. Nam qui dolo malo nummos consumpsit, æquè tenetur, atque si non consumpsisset, & pro possidente damnabitur. l. 131. l. 150. D. de regul. jur. Quia tamen verum est rem esse consumptam, rectè ad exhibendum competet actio. l. gemma. D. ad exhib. Neque tamen eâ peractâ rei vindicatio erit intentanda, quod per eam omnia consecutus sit actor, quæ

con-

consequi voluit. §. si ad exhibendum. Instit. de offic. judic. l. 3. §. 2. D. ad exhib.

4. *At ex contrario omnes res pupillo rectè dari possunt.*] Rectè pupillo sine tutoris auctoritate nummi mutuo dantur, & quidem cum omni juris effectû, modo nummos acceptos ita consumperit, ut eos in rem suam verterit. Neque enim cum alterius jacturâ debebat fieri locupletior. l. 14. D. de condic. indeb. Id quod in omni fere negotio cum pupillo gesto obtinet, ex constitutione Pii Imperatoris. l. 3. D. de negot. gest. l. 3. D. commod.

Non tamen de eo casu hic agitur, verum quo conditio pupilli sit melior, dum alterum sibi obligat, non ipse vicissim alteri obligatur. Dum ei quid promittitur, vel datur gratis, unde nullum damnum patitur. in princ. Instit. de auct. tutor. argum. l. 3. §. duæ autem. D. de Carbon. edict.

5. *Ideoque si debitor pupillo solvat.*] Non rectè pupillo solvitur, quod nihil possit alienare. l. 15. D. Solut. & tamen accepto debito obligationem alienasse censeretur. An non ergo quantum ad dominii translationem rectè pupillo solvitur, qui etiam res alienas sine tutoris auctoritate sibi acquirere potest? Id videtur dicendum, ut tamen debitori non contingat liberatio: ne quid adversus pupillum observetur, quod pro eo est introductum. l. 3. §. duæ autem. D. Carbon. edict. l. 12. D. vulg. & pupill. subtit.

Ita licere tutori, ut prius judicialis sententiâ.] An non si tutori solutio sit facta, debitor erit ipso jure liberatus? Ita quidem videbatur dicendum per l. 7. §. 2. l. 46. §. 5. D. de admin. tutor. Nisi id censeretur debeat sublatum, per §. 2. hoc tit. l. 35. Cod. de adm. tutor. Sic ut hodie non ante securus sit debitor, quam si pupillo facta fuerit solutio tutoris interventu, & judicialis sententiæ sine damno interpositæ, celebratione. d. §. 2. d. l. 25. Quasi id demum justè fiat, quod sit auctore judice, quo præsentè omnis fraudis & deceptionis abest suspicio. l. justè. D. de adquir. possess. Idem etiam dicendum, si vel solâ judicis sententiâ, ad solvendum pupillo, compellatur debitor. l. ait prætor. §. permittitur. D. de minor. l. 167. D. de Reg. jur. Nisi tamen ex redditibus & pensionibus annuis, aut aliis ejusmodi causis pupillo solvatur. d. l. 25. Cod. de admin. tutel. quo casu tutoris sufficit auctoritas ad securitatem præstandam. Non ergo, uti perperam quidam interpretes, circa solutionem pupillo factam triplicis securitatis faciendâ est mentio, plenæ, plenioris, atque plenissimæ: quasi illa locum habeat, si pupillo soli facta fuerit solutio; ista, si tutore auctore; hæc, si tutore auctore, & judice. Cum nullâ gaudeat securitate, qui quod solvit, denique pupillo solvere tenetur; quod obtinet in primo & secundo casu. Ut non nisi una sit securitas, quæ plena & plenissima appellari poterit, superlativo vel comparativo collocato pro positivo, & vice versâ; quod in jure nostro non est in-

infrequens. l. antepen. in princ. D. depositi. l. 21. Cod. Mandat.

Si tamen pupillo fuerit solutum, absente tutore, & iudice, isque nummos bonâ fide consumpserit, id est, in rem suam verterit utiliter, debitori adversus pupillum, denuo nummos petentem, consultum erit per doli mali exceptionem. Licet enim lex non invidet pupillo, rem suam augenti, & conditionem meliorem facienti. in princ. Instit. de Auctor. tutor. si tamen id fiat damno alterius, quod æquum non est, debitori exceptione consultum voluit, non tantum in casu quo factus est locupletior pupillus, sed etiam quo non est factus pauperior. l. nam hoc. 14. D. Condict. indeb. l. 13. §. fin. D. de rebus eorum qui sub tutel. l. 56. l. 206. D. de Regul. jur. l. 47. §. 1. l. 49. D. de Solut.

MORIBUS.

Si pupillo solvatur auctore tutore, plenissima debitori contingit securitas, licet non accedat iudicis decretum. Imbert. enchir. juris in verb. confessio.

Sed ex diverso pupilli vel pupilla. Quoniam pupilli rerum suarum non habent administrationem, capropter non rectè suo creditori solvunt. l. 17. §. 1. D. de iurejur. vel nummos faciunt accipientis. l. 9. §. 1. D. Auct. tutor.

Quid si nummi sint consumpti per creditorem? Pupillo quæsitæ erit liberatio. l. 19. §. 1. D. de Rebus credit. l. 14. §. fin. D. de Solut.

Quid si casu perierint? Etiam ad liberationem pupillo proficiunt: ne quod in ejus commodum introductum, ad incommodum trahatur. l. 12. D. de pupill. subst.

Annon igitur extantes nummi per pupillum vindicari poterunt, & consumpti condici? Ita dicendum erat inspectâ subtili ratione. l. 29. D. de indeb. condict. Attentâ nihilominus æquitate juvari debitorem posse doli mali exceptione, non videbatur negandum.

LIBER. II. TITULUS. IX.

PER QUAS PERSONAS CUIQUE AD-

QUIRITUR.

Adquiritur vobis non solum per vosmetipsos, sed etiam per eos, quos in potestate habetis: item per servos, in quibus usumfructum habetis: item per homines liberos,

& per servos alienos, quos bona fide possidetis, de quibus singulis diligentius dispiciamus.

1. Igitur liberi vestri utriusque sexus, quos in potestate habetis, olim quidem, quidquid ad eos pervenerat (exceptis videlicet castrensibus pecuniis) hoc parentibus suis adquiscebant, sine ulla distinctione: & hoc ita parentum fiebat, ut etiam esset eis licentia, quod per unum vel unam eorum adquisitum esset, alii filio, vel extraneo donare, vel vendere, vel quocumque modo voluerant, applicare. Quod nobis inhumanum visum est: & generali Constitutione emissâ, & liberis pepercimus, & patribus honorem debitum reservamus. **Sancitum etenim a nobis est**, ut si quid ex re patris ei obveniat, hoc secundum antiquam observationem totum parenti adquiratur. Quæ enim invidia est, quod ex patris occasione profectum est, hoc ad eum reverti? Quod autem ex alia causa sibi sive familias adquisierit, huius ususfructum patri quidem adquirat, dominium autem apud eum remaneat. **ne** quod ei suis laboribus, vel prospera fortuna accesserit, hoc in alium perveniens, luctuosum ei procedat.

2. Hoc quoque a nobis dispositum est & in ea specie, ubi pater emancipando liberos suos ex rebus, quæ acquisitionem effugiebant, sibi tertiam partem retinere (si voluerat) licentiam ex anterioribus Constitutionibus habebat, quasi pro pretio quodammodo emancipationis: & inhumanum quiddam accidebat, ut filius rerum suarum ex hac emancipatione dominio pro parte tertia defraudaretur: & quod honoris ei ex emancipatione additum erat, quod sui juris effectus esset, hoc per rerum diminutionem decresceret. Ideoque statuimus, ut pater pro tertia parte domini, quam retinere poterat, dimidiam non domini rerum, sed ususfructus retineat. Ita etenim res intacta apud filium remanebunt, & pater ampliore summa fruatur, pro tertia dimidia petiturus.

3. Item vobis acquiritur, quod servi vestri ex traditione nanciscuntur, sive quid stipulentur, sive ex donatione, vel

ex

ex legato, vel ex qualibet alia causa adquirant. Hoc enim vobis ignorantibus & invitis obvenit. Ipse enim servus, qui in potestate alterius est, nihil suum habere potest. Sed si hæres institutus sit, non alias, nisi vestro jussu, hæreditatem adire potest. Et si vobis jubentibus adierit, vobis hæreditas acquiritur, perinde ac si vos ipsi hæredes instituti essetis. Et convenienter scilicet, vobis legatum per eos acquiritur. Non solum autem proprietas per eos, quos in potestate habetis, vobis acquiritur, sed etiam possessio. Cujuscumque enim rei possessionem adepti fuerint, id vos possidere videmini. Unde etiam per eos usucapio, vel longi temporis possessio vobis accidit.

4. De iis autem servis, in quibus tantummodò usumfructum habetis, ita placuit, ut quidquid ex re vestra, vel ex operibus suis adquirant, id vobis adjiciatur: quod vero extra eas causas consequuti sunt, id ad dominum proprietatis pertineat. Itaque si is servus hæres institutus sit, legatumve quid ei, aut donatum fuerit, non usufructuario, sed domino proprietatis acquiritur. Idem placet & de eo, qui à vobis bonâ fide possidetur, sive is liber sit, sive alienus servus. Quod enim placuit de usufructuario, idem placet & de bonæ fidei possessore. Itaque quod extra istas duas causas acquiritur, id vel ad ipsum pertinet, si liber est; vel ad dominum, si servus est. Sed bonæ fidei possessor cum usuceperit servum (quia eo modo dominus fit) ex omnibus causis per eum sibi adquirere potest. Fructuarius vero usucapere non potest: primum, quia non possidet, sed habet jus utendi fruendi: deinde quia scit servum alienum esse. Non solum autem proprietas per eos servos in quibus usumfructum habetis, vel quos bonâ fide possidetis, aut per liberam personam, quæ bonâ fide vobis servit, vobis acquiritur, sed etiam possessio. Loquimur autem in utriusque persona, secundum distinctionem, quam proxime exposuimus, id est, si quam possessionem ex re vestra, vel ex suis operibus adepti fuerint.

5. Ex his itaque apparet, per liberos homines, quos neque


vestro juri subjectos habetis, neque bonâ fide possidetis, item per alienos servos, in quibus neque usufructum habetis, neque possessionem justam: nulla ex causa vobis adquiri posse. Et hoc est, quod dicitur, per extraneam personam nihil adquiri posse, excepto eo, quod per liberam personam (veluti per procuratorem) placet non solum scientibus, sed & ignorantibus vobis adquiri possessionem, secundum divi Severi constitutionem: & per hanc possessionem etiam dominium, si dominus fuerit, qui tradidit; vel usucapionem aut longi temporis præscriptionem, si dominus non sit.

6. Hactenus tantisper admonuisse sufficiat, quemadmodum singulæ res vobis adquirantur. Nam legatorum jus, quo & ipso singulæ res vobis adquiruntur; item fideicommissorum, ubi singulæ res vobis relinquuntur, opportuniùs inferiore loco referemus. Videamus itaque nunc, quibus modis per universitatem res vobis adquirantur. Si cui ergo hæredes facti sitis, sive cujus bonorum possessionem petieritis, vel si quem adrogaveritis, vel si cujus bona, libertatum conservandarum causa, vobis addicta fuerint: ejus res omnes ad vos transeunt. Ac priùs de hæreditatibus dispiciamus, quarum duplex conditio est. Nam vel ex testamento, vel ab intestato ad vos pertinent. Et priùs est, ut de his dispiciamus, quæ ex testamento vobis obveniunt, qua in re necessarium est, initium de ordinandis testamentis exponere.

COMMENTARIUS.

IN PRINC.

1. *Quædam adquiruntur civiliter, | 2. In Imperio, Monasterio per Monachos non adquiritur.*
quædam naturaliter.

2.  Quandoquidem alienationi proxima est adquisitio; cum qui alienat, alteri quod alienat, (vel expressè, ut si donet, vendat, vel taceat, ut si usucapi rem patiat, pro derelicto eam habeat,) adquiri velit: capropter hoc tit. explicatur, per quas personas cui-

cuique adquiratur. Neque enim quispiam sibi tantum acquirit per semetipsum, verum etiam per alium, non tamen indistinctè. Et quidem acquirit, vel dominium, vel possessionem, vel obligationem. De duobus prioribus hoc agitur titulo, rejecta obligationis acquisitione in titulum Instit. per quas pers. nobis oblig. adquir. In principio vero summam proponitur, per quas personas vel dominium vel possessio nobis adquiratur. Puta, vel per eos, quos habemus in potestate, §. 1. 2. 3. hic. vel quorum nudum usum, vel usufructum habemus. §. 4. hic. vel per eos quos bonâ fide possidemus, sive liberos homines, sive alienos servos. §. 4. hic. vel denique per homines liberos, quos nullo modo possidemus. §. 5. hic. Sic tamen ut ea quæ civiliter adquiruntur, per eos tantum qui aliquo saltem modo sunt in nostrâ potestate; quæ vero naturaliter, per quemlibet adquiramus. l. 53. D. de adquir. domin. Civiliter adquiruntur, quæ ex contractu jure civili approbato, puta, obligationibus, & actionibus personalibus adquiruntur. Naturaliter, quæ per actum naturalem, puta, per apprehensionem vel occupationem adquiruntur, qualis est possessio &c.

Neque tantum per eos adquirimus, quos habemus in potestate, naturali & civili quâ ratione, verum etiam modo quo spiritali; id quod in monachis obtinere volunt, qui mundo mortui monasterio adquirunt. Auth. ingressi. Cod. de Episc. & Cler. c. 6. in princ. de Statu Monach. vid. Chopinum de vitâ Monasticâ.

MORIBUS.

In terris imperii monasterio per monachos non acquiri, scribit Sneider. 2. in fin. hujus tituli, ibique not. Id quod moribus nostris congruum est, quibus monachatus, seu vita monastica improbat.

§. 1.

- | | |
|--|---|
| 1. Jure antiquo quid per liberos adquiratur? | 4. Quid statuendum de muneribus, qua dantur filiis à sensu baptismatis sublati. |
| 2. Quid Jure novo, & Novissimo? | 5. Quis usus peculii profectitii? |
| 3. Quanam peculio profectitio adnumeretur? | 6. Moribus à Jure civili receptum est. |

Igitur liberi vestri utriusque sexus.] Inspecto jure antiquo liberi omnia parentibus adquirebant quasi servi, idque propter magnitudinem patriæ potestatis. §. 1. Instit. quibus non est perm. facere testam. Neque illo tempore, bonorum contemplatione jus patrum fuit diminutum. Postmodum sub Imperatoribus Romanis plenitudo patriæ potestatis fuit diminuta, cum peculium castrense, militis proprium esse cepit. Juvenalis Satir. fin.

Nam quæ sunt parva labore

Militia, placuit non esse in corpore census.

Filius enim miles duplex jus sustinet, patris & filii-familias: l. 15. §. pen. D. castrensi. pecul. cumque in cæteris peculii sit filii-familias, in castrensi vice patris-familias fungitur. l. 2. D. Macedon. Quod ita receptum jure singulari favore militiæ, privilegiis decorandæ.

Per castrense peculium intellige, quod à parentibus, vel cognatis, in militiam agenti donatum est, vel quod ipse filii-familias in militia aliunde adquisivit: quod nisi militaret, adquisitum non fuisset. l. 11. D. de Castrensi. pecul. Quod cum plenè adquisiverit sibi, liberè alienare poterit, de eo disponere, etiam excluso patre, & liberis; adversus patrem litigare, & quid non. §. pen. Instit. de Exhæred. liber. §. i. Instit. quibus non est permiss. l. 2. D. Macedon. l. fin. Cod. de inoff. testam.

Huic castrensi peculio parum absumile est, quasi castrense, quod occasione militiæ togatæ seu literatæ, acquiritur, post castrense demum introductum. l. fin. Cod. de inoff. testam.

Utrunque in eo convenit, quod pleno jure filio adquiratur, usufructu patri denegato. Quod de utroque filii-familias liberè testetur, licet de castrensi militariter, de quasi castrensi paganicè. §. fin. de inoff. testam. l. 2. D. Macedon. l. fin. Cod. inoff. testam. & si intestatus moriatur, utrumque ad patrem jure militari pertineat. l. 2. D. de pecul. castrensi.

2. *Quod nobis inhumanum visum est.*] Jure antiquo inter peculium adventitium & profectitium differentia non fuit observata. §. i. hic. Erant tamen aliquot casus, quibus bonorum adventitiorum filius vel filia capax censebatur. l. 3. §. qui in ejusdem. D. de donat. inter virum & uxor. l. 3. §. 7. D. de minor. l. 16. §. 11. l. 50. D. Ad Trebell. l. 52. in princ. D. de adquir. hæred. l. 1. Cod. de bon. matern. vid. Pinell. ad eund. tit. in Rubric. part. 1. n. 32. Verum Imperator Justinianus suâ constitutione jus antiquum & medium in melius reformavit, inter peculium & peculium, proprietatem & usumfructum, adhibitâ differentiâ. Inter peculium & peculium ea sunt constituta, ut aliud esset adventitium, aliud profectitium. Illud, non ex re vel occasione patris filio obvenit, verum ex bonis matris, uxoris, amici, extranei, vel ejus industria, labore, prosperâ fortunâ patrimonio accessit, & quidem extra causam publici officii militiæ armatæ, vel togatæ. l. fin. Cod. de inoff. testam. Ejusque peculii proprietatem jure novo, spectat filiam, usufructus patrem, qui etiam ejus, quamdiu in vivis est, habet administrationem. §. i. hic. l. 6. l. fin. §. 5. Cod. de bon. quæ liber. Arg. l. 5. Cod. de Silentiar. lib. 12. l. 2. Cod. ut nemi iniecat in empt. specier. lib. 10. Exceptis nonnullis casibus à gloss. notatis in verb. *usumfructum*. hic. quibus adven-

titi-

Etiam pleno jure cedit liberis. per l. 6. in fin. & Auth. seqq. Cod. de bon. quæ liber. Novell. 117. cap. 2. vid. Rittershus. ad Nov. p. 5. c. 15. & ult. Bacchov. coroll. 2. subjecto disp. 8. de Action. Denique excipi debet peculium, adventitium novum, de quo etiam filius vel filia testari poterit. l. 7. Cod. de bon. quæ liber.

Hoc, puta peculium profectitium est, quod à patre vel parente profectum est, de bonis, vel factis ejus. l. 5. D. de jure dot. Cujus usufructus unà cum proprietate secundum antiquam observationem patri debetur. In tantum etiam, ut nec testamentarium nec legitimum hæredem in eo habere possit filius: etiam quod amplius est, post mortem patris sit conferendum. §. 1. hic. l. 13. Cod. de collat.

Quid si amicus quod patri donaturus erat, dederit filio? Profectitio peculio quod donatum est, accensebitur. l. 5. §. 2. D. de jure dot.

Idem quod statuendum, si patris amicus, familiaris, cognatus aliquid filio reliquerit in potestate. l. 10. §. in adrogato. D. de Vulgar. subst.

Et generaliter, si quid datum fuerit filio-familias, intuitu patris, à patre profectum censebitur. §. 1. verb. *qua enim invidia est*. Instit. hic. Arg. l. 19. §. 1. D. de pecul. Secundum illud Senecæ de benef. 5. c. 19. Beneficium ei dedit, cui datum voluit: si in patris honorem fecit, pater accepit beneficium. vid. de peculio Garfiam de adq. slu conjugali. n. 125. & seqq.

Unde in casu dubio si contentio sit super muneribus, quæ dantur filiis, quos de fonte baptismatis, seu de sacro lavacro susceperunt, intrepide statuendum erit, ea munera peculio profectio esse adnumeranda. Nemo enim dubitat, quin occasione, contemplatione, respectu metui paterni, vel amicitia, vel familiaritatis contracta, sint donata, ut ea parenti adquiri nemini iniquum videri debeat. *Qua enim invidia est, quod ex patris occasione profectum est, illud ad eum reverti*. §. 1. hic. l. 19. §. 1. D. de pecul. Nisi tamen ex evidentibus indiciis constet à compatribus, quos patres appellant spirituales, ita relicta fuisse filiis, ut illa velint propria, à bonis paternis separata, nec fratribus communicanda. vid. Menoch. 3. præf. 28. & seqq. Mantica: de tacit. & ambig. conv. libr. 13. tit. 21. n. 24. Giurb. p. 1. obs. 6. Bussum ad l. 3. n. 5. D. qui sui vel alien. jur. Groenw. de ll. abrogat. ad l. 19. §. 1. D. de Peculio. diss. Carpzov. Jurisprud. Consistor. libr. 2. tit. 17. def. 272.

Verum objecerit quispiam, adversus ea quæ hæcenus de peculio profectio dicta fuerint: si peculium istud pleno jure spectat patrem, ergo frustra filio conceditur, ut qui ejus nullam habiturus est utilitatem. Resp. Habet nihilominus non contemnendam utilitatem, quod confiscatis bonis paternis illud peculium remaneat filii. l. 3. §. 4. D. de Minor. Quodque filio emancipato, nisi expresse adimatur, censeatur esse donatum; quodque
ad de

de hoc peculio iustâ de causâ largitionem facere possit. l. 7. §. 1. D. de donat.

MORIBUS.

6. Afferunt communiter in adventitiis non quæri patri usumfructum, ut tamen filium ex usufructu possit alere, qui aliter semetipsum exhibere de suo tenetur. DD. apud Groenw. hic. Secus quam obtinet in Frisiâ, Daventriæ, Slusis Flandrorum, & in Flandriæ Franconatu. Anton. Matth. de aucton. lib. 1. c. 18. n. 13. ibique DD. Moribus tamen Germaniæ patri deberi usumfructum ex Bacchovio observat Desselius in not. ad Zoef. Instit. hoc tit. n. 4. vid. Sneiderwin. ad §. actiones. n. 2. Instit. de actioni. Sicut in Brabantia receptum est, ut superstiti conjugi, bonorum defuncti, etiam existantibus liberis, debeatur usufructus pro parte dimidiâ, si res sit soli, vel quæ à stirpe parentis defuncti descenderunt. Christin. ad Mechlin. tit. 16. artic. 23. & seqq.

§. 2.

Jus antèrius circa peculium aliquam in se continet iniquitatem.

Hoc quoque à nobis dispositum.] Et hic forte distinctio inter proprietatem & usumfructum applicari poterit: cum, non quidem jure antiquo, Principum tamen constitutionibus, puta Constantini, aliorumque qui ante Justinianum fuerant, tertiam partem proprietatis rerum, quæ acquisitionem effugiebant, id est, bonorum adventitiorum (nam castrensium vel quasi nihil videtur unquam adquisitum. l. 6. §. cum oportet. Cod. de bon. quæ liber.) patri quasi pro pretio emancipationis retinere licebat. d. l. 6. §. cum autem. Quod quoniam etiam inhumanum visum est Justiniano, ex parte proprietatem ab usufructu separavit, & penes filium intactam bonorum adventitiorum proprietatem reliquit, patri dimidiâ parte usufructus bonorum filii adventitiorum, pro tertiâ proprietatis concessâ. Qui non ampliore summâ fruetur, licet id procedat secundum Triboniani Iohannisticam, qui infert patrem pro tertiâ, dimidiâ potiturum. Cum inspectâ rei veritate loco tertiæ proprietatis, dimidiam usufructus sit habiturus. §. 2. hic. Quod jus postremum, licet deminuat potestatem patriam, quæ antea competeat, æquum tamen est, ne quod honoris filio accedit per emancipationem, propter deminutionem proprietatis decresceret. d. §. 2. l. cum oportet. Cod. de bon. quæ liber.

An non ergo iniquum cenferi poterit jus novum, quo propter filii emancipationem adventitiorum bonorum usumfructum accipit pater pro virili, tanquam munus lege oblatum, reverentiæ patris manumissionis? per l. 3. Cod. de bon. matern. Ita dicendum videtur, ut expropter multis in casibus

bus ab eo jure per Justinianum fuerit recessum, qui jure novissimo plenam proprietatem adventitiorum filio concessit. l. 7. & fin. Cod. de bon. matern. Nov. 117. c. 2. Nov. 118. c. 2. Nov. 134. c. 11. vid. Pinell. ad l. 1. Cod. de bon. matern. Gomef. ad l. 48. Tauri.

§. 3.

- | | |
|--|--|
| 1. Per Servos nostros quomodo acqui- ratur. | } Dominis? 3. Quid de hæreditate relicta dicen- dum? |
| 2. An etiam ignorantibus & invitis | |

[Tenu vobis acquiritur.] Per filios familias patri multis modis acquirebatur, 1. non tamen indistincte, quod multiplex esset liberorum peculium. Per servos itidem nobis acquiritur, non adhibitâ tamen distinctione; qui unius generis habent peculium, quod dominus à rationibus suis ultro separavit, & servum habere voluit. l. peculium. 4. D. de pecul. Licet enim effectu aliquo juris inspecto, duplex possit videri peculium servi, vel quod simpliciter ei concessum, vel quod est peculium liberæ administrationis. In quo postremo, quicquid in illo non poterat, adhuc potest. Puta solvere, accipere debitum, fidejubere, mandare &c. l. 3. §. 5. D. de Pecul. l. quod servus. D. de solut. Azo in summ. Cod. de Pecul. n. 13. Inspectâ tamen rei naturâ, inspectâ dominicâ acquisitione, in quantum servus nihil proprium habere potest, uniforme dicitur esse servi peculium. Unde, quia nihil in servo subsistere potest, ut qui omnino, & omnium bonorum nomine est alterius potestatis, ideo quicquid ille ex quacumque causâ acquirit, domino cedit. §. 3. hic. l. 10. §. 1. D. de adquir. domin. l. 45. D. de verb. obligat.

Neque obstat l. 10. in princ. D. de in jus vocando. ubi servus suis nummis emptus esse dicitur, ut aliquid proprium habere videatur. Respondendum enim id factum fuisse domini concessione, qui quandoque particubatur servum tantum habere in peculio, quantum sufficiebat, ut in censum referri posset. Præterquam quod non propriè suis nummis dicitur emptus, qui suos nummos habere non potest. Verum conniventibus oculis credendum est suis nummis eum redemptum, cum non nummis ejus, qui eum redemit comparatur. l. 4. §. 1. D. de manumiss.

[Hoc enim vobis & ignorantibus & invitis obvenit.] Quoniam nihil suum 2. propriè loquendo servus habere potest, ideo quicquid acquirit in ipso statim momento ad dominum transmittit. l. placet. D. de adquir. hæred. In tantum etiam, ut illud ignorant, invito, etiam vetanti domino obveniat. l. 62. D. de verb. obligat. Id quod intelligendum est fieri ipso jure, & inspecto initio. Adquiratur enim servo volenti, cujus acquisitionem domi-

Gggg

nus,

nus, ratione potestatis in servum, & respectu ejus quod servus obtinet, juris necessitate admittere cogitur. Ita tamen domino acquiritur, ut quod acquisitum est retinere non habeat necessum, cum & servum, & quicquid ille habet, repudiare, abjicere possit. l. 18. 79. D. de adquir. hæred. Neque enim invito fit beneficium, id est, invitus nemo tenetur uti illo beneficio. l. 69. D. de Regul. jur.

3. *Sed si hæres institutus sit.*] Licet in scio & invito domino servus pleraque adquirat, hæreditatem tamen sibi relictam non nisi jussu domini adire potest. §. 3. hic. l. 15. §. jussum. D. adquir. hæred.

An quia sicuti invito non agnoscitur suus hæres, ita nec invitus quispiam debeat fieri hæres? An potius quia ignorantem & invitum quempiam obligari (neque enim deterior causa domini per servum fieri debet. l. 133. D. Regul. jur.) & oneribus hæreditariis subjici, minus juri sit conveniens? Quæ postrema ratio videtur amplectenda, licet prima non sit improbabilis. l. 6. l. 8. D. de adquir. hæred.

Quod dictum de hæreditate, ex parte possessioni applicari debet, quæ licet citra domini jussu adquiratur, tamen extra causam peculiarem non nisi scienti domino acquiritur. l. 1. §. item acquiritur. l. 44. §. 1. D. de adq. possess. & uti vult Modestinus non nisi volenti. l. 53. D. de adquir. domin. Licet enim plurimum facti habeat possessio, l. 1. D. de adquir. possess. l. 19. D. ex quibus caus. major. adeoque domini jussus non sit necessarius, quia tamen non sine jure consistit, quod & in usucapione per servum facta cernitur, ideo scientia & voluntas domini requiritur. l. 44. §. 1. D. adquir. possess.

§. 4.

1. *Adquirimus per servos alienos.*

2. *Relictum alicujus contemplatione, ejus erit.*

3. *Adquirimus nonnulla per hominem liberum bonâ fide possessum.*

1. *De iis autem servis.*] Hactenus egit de acquisitione per servos, qui nostri sunt, & quidem pleno jure: non idem obtinet in servis quorum nudum habemus usum, quorum operâ & ministerio tantum uti possumus. §. 3. Instit. de usu & habit. l. 12. §. 5. D. cod.

Non idem etiam obtinet in servis, quorum ususfructum habemus. Per quos hoc tantum adquirimus, quod illi vel ex re nostrâ, vel ex operis suis adquirunt, sive quod acquiritur sit proprietas, sive possessio. §. 4. in fin. hic. l. 24. D. comm. divid. l. 4. D. de oper. servor.

Unde si ex hisce duabus causis servus stipuletur proprietario, ei quidem adquirit, sed tamen dominus fructuarius acquisitum condicet. l. pen. D. de stipul.

stipul. servor. Et licet quæ adquiruntur fructuario per servum fructibus comparentur. l. 40. D. de adquir. domin. Quia tamen comparatio in d. l. 40. potissimum est ratione fructuum consumptorum, quos bonæ fidei possessor facit suos irrevocabiliter, ideo statuendum est, fructuario possessori etiam ex duabus causis enumeratis ita per servum adquiri, ut acquisita penes eum perpetuo maneant.

Aliunde vero quæ accedunt, id est, non acquisita ex duabus causis, in fructu non sunt, adeoque accessionis vice cedunt domino proprietatis servi. Talia sunt, quæ servo fructuario donata, legata, hæreditario jure relicta, vel per eundem servum ufucapta. §. 4. hic. l. 19. 47. D. de adquir. domin. l. 45. D. de adquir. hæred.;

Nisi tamen hæc omnia intuitu fructuarii sint concessa, quo casu eadem acquirentur. l. 21. & seqq. D. de Usufr. Arg. l. 19. D. de pecul. & l. pen. Cod. de jure delib. Tumque jussu fructuarii vel possessoris hæreditatem eorum contemplatione relictam servus fructuarius adire poterit. l. 45. §. fin. D. de adquir. hæred.

Neque obstat d. l. 45. ubi Julianus ait, hæreditatis aditionem non esse in operâ servili. Quandoquidem d. l. accipienda in casu, quo hæreditas in operâ servi non est, in quantum non erat relicta fructuarii respectu. l. 47. D. de adquir. domin. Sicuti operæ servi in legato nullæ esse dicuntur, quod relictum censebatur domino proprietatis. l. 19. D. eod.

Atque ex hæcenus traditis regula juris colligi poterit, quæ in multis 2. usum est habitura: quicquid alicujus contemplatione vel intuitu vel respectu, datur, confertur, ipsi acquisitum censeri debet. l. 19. §. 1. de Pecul. vid. Cujac. epit. Nov. 131. in med. & consult. 33. Rittershus. de diff. jur. civil. & can. cap. 4. libr. fin. p. 477. Baldax. de Angelis ad Auth. ingressi. Cod. de Sacros. Eccles. & ad l. 32. & seq. Cod. eod. Perez, Cod. de Episc. & Cleric. n. 14. & Cod. de secund. nupt. n. 10. 16. Zoef. D. de Collat. n. 43. 44. & D. de adquir. domin. n. 96. Groenw. ad tit. Instit. hic. Arnold. Corvinum juris feud. libr. 2. tit. 3. p. 72. & 4. p. 78.

¹ Idem placet.] Quod dictum est de servo, cujus habemus usumfructum, 3. idem de homine libero, qui nobis bonâ fide servit, & de servo alieno, quem bonâ fide possidemus, est statuendum. Nam in hoc comparantur alienus servus, & qui pro servo possidetur, cum esset liber; quod uterque ab eo possideatur, qui est in bonâ fide. §. 4. hic. Equum igitur est, ut uterque exhibeat operas, quæ quodammodo ex ejus re cui servit, debentur. l. 4. §. Stichus si Titio. D. de Statulib. l. 23. D. de adq. dom. Non tamen per omnia qui bonâ fide possidetur à non domino, comparatur ei servo, cujus quis habet usumfructum. Nam si servum spectemus alienum, possessum bonâ fide,

is per longam possessionem usucapi potest, & ita usucaptus quidvis adquirit novo domino. §. 4. hic. Verum qui servi habebat ulumfructum, eundem usucapere non potest; tum quia ad usucapiendum bonam fidem non habet, quod servum alienum esse sciat; tum quia possidet naturaliter tantum, non civiliter, id est, non animo domini. §. 4. hic. l. 12. D. de adquir. possess.

Quod si spectemus liberum hominem, bonâ fide possessum, id quod non ex re possessoris, vel operis suis acquirit, sibi retinebit. §. 4. hic.

Neque obstat l. 54. D. de adquir. domin. si dicamus bonâ fide possessum possessori id ratum habenti, in omnem eventum adquirere voluisse. Nisi quis malit d. l. sensum esse adeo intricatum, ut Oedipus sit opus.

§. 5.

1. *Argumentum à contrario sensu Valet, non semper tamen.*

2. *Per Extraneum prorsus regulariter nobis non acquiritur.*

3. *Varia proponuntur exceptiones.*

4. *Moribus inter Nuncium & Procuratorem vix ulla differentia est respectu acquisitionis.*

1. **E**X his itaque apparet.] Argumentum capit Imperator à contrario sensu, quomodo argumentari quandoque licebit, ad exemplum Imperatoris. Quem etiam in modum argumentatur Jurisconsultus in l. 26. §. 2. D. de Pact. dotal. Neque tamen hoc perpetuum est, argumento §. 2. in princ. tit. præced. ubi cum dictum fuisset pupillum sine tutoris auctoritate alienare non potuisse; eum tutore auctore omnia alienare posse, non rectè concluderetur, quod contrarius ille sensus legibus adversaretur. vid. Merend. 2. contr. 7. Cævall. comm. contr. com. q. 335. Everhard. in loc. legal. argum. à contrario sensu. loc. 82.

2. *Et hoc est quod dicitur.*] Regula proponitur, per extraneum cujus nec ulumfructum, nec usum habemus, vel quem non possidemus bonâ fide, nihil adquiri posse. l. 15. D. de pecun. constit. l. 24. §. 2. D. de Usur. l. quæcumque. 11. D. de oblig. & action. l. 38. §. alteri. D. de verb. obligat.

3. Exceptio subjungitur in procuratore ad hoc mandatum habente, per quem possessio nobis acquiritur etiam ignorantibus, puta quando, aut quo tempore eam nanciscatur: atque ita l. 53. D. de adquir. domin. non obstat. idque causâ utilitatis est receptum. §. 5. hic. l. 1. l. 8. Cod. de adquir. possess.

Quod tum demum procedit, cum eo animo possessionem accipit, ut nobis adquirere velit. l. 1. §. 19. D. adquir. possess. Qui si desit, non nobis, verum sibi possessionem adquisivisse censebitur. d. l. 1. §. 20. Bacchov. Zoef. hic. Non tamen per procuratorem nobis ignorantibus usucapio pro-

procedit. l. 4. D. de pro emptor. l. 1. Cod. de adquir. possess. Non etiam per procuratorem nobis directe quæritur dominium, quia juris est, non facti, adeoque ex cujusque propriâ personâ initium capere debet. l. 53. D. de adquir. domin. Id quod nihilominus per obliquum fieri permittitur, & propter continentiam causæ. Nam per possessionem si dominus sit qui tradit, statim tacite quæritur dominium, si non sit dominus, tandem per usucapionem. §. 5. hic. l. 8. Cod. de adquir. possess. Ut hinc colligere liceat, multa propalam vel expresse esse prohibita, quæ per consequentiam vel tacite sunt admissa. Et quæ rectâ viâ vel sine medio non procedunt, ea quandoque per circuitiōnem vel per medium conceduntur, gratiâ utilitatis. l. 77. D. de Regul. juris. ibique DD. Perez. Cod. de Procur. n. 14. & de Sacros. Eccles. n. 13. & Cod. de leg. n. 9. 10. 11. Groenweg. ad l. 3. Cod. de Pact. & Cod. de Procur. n. 15. Zoef. D. de jurisd. n. 30. & D. de judic. n. 60. 73.

Præter exceptionem hætenus explicatam est alia in procuratore, per quem absenti & ignorantem creditæ pecuniæ quæritur actio, si nomine domini pecuniam mutuo dederit & numeraverit. l. 9. §. pen. D. de rebus cred. Sic ut etiam per consequentiam, si accesserit hypothecaria, domino adquiratur. l. 2. Cod. hoc tit. Quæ olim non sine cessione actionis procedebat, à procuratore facta. l. 11. §. 2. D. de Pignorat. actione. d. l. 2.

Sunt & aliæ exceptiones à regulâ antea propositâ, in tutore, curatore, navis magistro, institutore &c. ubi per liberum hominem sui juris, nobis adquiritur. vid. Connan. 6. comment. 4. Gabriel. 3. comm. opin. conclus. 1.

MORIBUS;

Per procuratorem nobis non tantum possessio, sed & dominium & quaecumque jus adquiritur. Quinimo non aliter atque jure Romano, per nuncium quis acquirere poterat, quod nuncius in personâ domini conciperet conventionem, & nudum ministerium præstaret, essetque vox domini, id quod aliter obtinebat in procuratore, ita de moribus quod per nuncium, etiam per procuratorem expediri potest. vid. l. 15. D. de Pecun. Constit. ibique Gothefred. c. bona memoria ad ipsum. de Elect. c. cum dilecti. de dolo. Groenw. ad l. 1. Cod. hoc tit.

§. 6.

1. Modi acquirendi per universitatē — 2. Successio testamentaria ei, quæ
sem enumerantur. — est ab intestato præfertur.

Hætenus tantisper admonuisse sufficiat.] Hætenus egit Imperator de 1. modis acquirendi domini singularibus, jam se transiturum scribit ad modos acquirendi per universitatem, rejectis legatis & fideicommissis

missis particularibus ad materiam testamentorum, quod iis accidant. Enumerat vero hoc in loco quatuor (non tamen exclusis aliis) acquirendi domini modos per universitatem, qui videntur esse præcipui & notabiliores. Ut sunt hæreditas, bonorum possessio, adrogatio, & libertatum conservandarum causa additio. Tertius hodie non est acquirendi domini modus per universitatem, nisi secundum quid, in quantum pater adrogator tantum consequitur usufructum eorum bonorum filii adrogati, quæ nec castrensi nec quasi castrensi peculio adnumerabantur. Quartus acquirendi modus olim obtinuit, hodie non obtinet. Nam olim quidem septem acquirendi modi per universitatem fuere admissi, qui omnes tamen sublati. Ut sunt cretio hæreditatis, cõemptio, seu in manum conventio, successio per venditionem bonorum debitoris, libertatum conservandarum causa additio, redactio liberæ mulieris in servitutem ex SC. Claudiano; & duæ fiscales per universitatem acquisitiones, caducorum vel quasi, & ereptitorum. De quibus omnibus consulendus est Contius l. disp. 13.

2. *Et prius est, ut de his, quæ ex testamento.*] Præmittitur ordine successio testamentaria; & quia in hæreditatis divisione eam lex præmittit. l. 1. Cod. de Petit. hæred. & quia cessante hominis dispositione, hic demum locus est dispositioni legis. l. 3. D. de acquir. hæred. l. quamdiu, D. de Regul. jur. l. 1. D. de Albo scribend. l. antequam. Cod. Comm. de success. l. 2. 4. 5. Cod. Unde legitimi.

Neque obstat l. 82. D. de Hæred. Instit. ubi deficiente legitimo hærede admittitur testamentarius. Quandoquidem testamentarius ibi scriptus erat sub conditione, si legitimus nolit adire hæreditatem. Ut non ante sit admittendus, quam si conditio existat, legitimo non adeunte. Id tamen negari non poterit, quin sæpe ab intestato successio testamentaria sit præferenda, si naturæ spectemus ordinem. Cum quandoque hæc ipsa non sequatur naturalem rationem, illa vero servet perpetuo istum ductum, quem ratio naturalis demonstrat; puta ut proximiori deferatur hæreditas, vid. Petrum Gregor. libr. 42. Synt. juris cap. 1. Rittershus. ad Nov. p. 7. in procem. & c. 1. 2.

LIBER. II. TITULUS. X.

DE TESTAMENTIS ORDINANDIS.

Testamentum ex eo appellatur, quod testatio mentis sit.
1. Sed ut nihil antiquitatis penitus ignoretur, sciendum est, olim quidem duo genera testamentorum in usu fuisse.

fuisse: quorum altero in pace & otio utebantur, quod calatis comitiis appellabant: altero, cum in prælium exituri essent, quod procinctum dicebatur. Accessit deinde tertium genus testamentorum, quod dicebatur per æs & libram; scilicet quod per emancipationem, id est, imaginariam quamdam venditionem agebatur, quinque testibus, & libripende, civibus Romanis pueribus præsentibus, & eo, qui familiæ emptor dicebatur. Sed illa quidem priora duo genera testamentorum ex veteribus temporibus in desuetudinem abierunt: quod vero per æs & libram fiebat, licet diutius permanferit, attamen partim & hoc in usu esse desuit.

2. Sed prædicta quidem nomina testamentorum ad jus civile referebantur. Postea vero ex edicto Prætoris forma alia faciendorum testamentorum introducta est. Jure enim honorario nulla emancipatio desiderabatur: sed septem testium signa sufficiebant; cum jure civili signa testium non essent necessaria.

3. Sed cum paulatim tam ex usu hominum, quam ex Constitutionum emendationibus cœpit in unam consonantiam jus civile & prætorium jungi: constitutum est, ut uno eodemque tempore (quos jus civile quodammodò exigebat) septem testibus adhibitis, & subscriptione testium (quod ex Constitutionibus inventum est, & ex edicto Prætoris) signacula testamentis imponerentur: ita ut hoc jus tripertitum esse videatur: & testes quidem, & eorum præsentia, uno contextu testamenti celebrandi gratiâ, à jure civili descendant; subscriptiones autem testatoris & testium, ex sacrarum Constitutionum observatione adhibeantur: signacula autem, & testium numerus, ex edicto Prætoris.

4. Sed his omnibus à nostra Constitutione, propter testamentorum sinceritatem, ut nulla fraus adhibeatur, hoc additum est, ut per manus testatoris vel testium nomen hæredis exprimatur, & omnia secundum illius Constitutionis tenorem procedant.

5. Pos-

5. Possunt autem omnes testes & uno annulo signare testamentum: quid enim si septem annuli una sculptura fuerint, secundum quod Papiniano visum est? Sed & alieno quoque annulo licet signare testamentum.

6. Testes autem adhiberi possunt ii, cum quibus testamenti factio est. Sed neque mulier, neque impubes, neque servus, neque furiosus, neque mutus, neque surdus, neque is, cui bonis interdictum est, neque ii, quos leges jubent improbos inestabilesque esse, possunt in numerum testium adhiberi.

7. Sed cum aliquis ex testibus testamenti quidem faciendi tempore liber existimabatur, postea autem servus apparuit: tam divus Hadrianus Catoni, quam postea divi Severus & Antoninus rescripserunt, subvenire se ex sua liberalitate testamento, ut sic habeatur firmum, ac si, ut oportebat, factum esset: cum eo tempore, quo testamentum signaretur, omnium consensu hic testis liberi loco fuerit, neque quisquam esset, qui status ei quaestionem moveret.

8. Pater, nec non is, qui in potestate ejus est, item duo fratres, qui in ejusdem patris potestate sunt, utique testes in uno testamento fieri possunt: quia nihil nocet, ex una domo plures testes alieno negotio adhiberi.

9. In testibus autem non debet esse is, qui in potestate testatoris est. Sed si filius familias de castrensi peculio post missionem faciat testamentum, nec pater ejus recte adhibetur testis, nec is, qui in potestate ejusdem patris est: reprostatum est enim in ea re domesticum testimonium.

10. Sed neque hæres scriptus, neque is, qui in potestate ejus est, neque pater ejus, qui eum habet in potestate, neque fratres, qui in ejusdem patris potestate sunt, testes adhiberi possunt: quia hoc totum negotium, quod agitur testamenti ordinandi gratia, creditur hodie inter testatorem & heredem agi. Licet autem totum jus tale conturbatum fuerat, & veteres quidem familiæ emptorem, & eos, qui per potestatem ei

con-

conjuncti fuerant, à testamentariis testimoniis repellebant; hæredi autem, & iis, qui per potestatem ei conjuncti fuerant, concedebant testimonia in testamentis præstare, licet ii, qui id permittebant, hoc jure minimè abuti eos debere suadebant: tamen nos eandem observationem corrigentes, & quod ab illis suafum est, in legis necessitatem transferentes, ad imitationem pristini familiæ emptoris, meritò nec hæredi (qui imaginem vetustissimi familiæ emptoris obtinet) neque aliis personis, quæ ei (ut dictum est) conjunctæ sunt, licentiam concedimus, sibi quodammodo testimonia præstare: ideoque nec ejusmodi veteres constitutiones nostro Codici inferi permisimus.

11. Legatariis, quia non juris successores sunt, & aliis personis eis conjunctis testimonium non denegamus: immò in quadam nostra Constitutione & hoc specialiter eis concessimus. Et multò magis iis, qui in eorum potestate sunt, vel qui eos habent in potestate, hujusmodi licentiam damus.

12. Nihil autem interest, testamentum in tabulis, an in chartis, membranisque, vel in alia materia fiat.

13. Sed & unum testamentum pluribus codicibus conficere quis potest, secundum obtinentem tamen observationem omnibus factis. Quod interdum etiam necessarium est: veluti si quis navigaturus & secum ferre, & domi relinquere judiciorum suorum contestationem velit; vel propter alias innumerabiles causas, quæ humanis necessitatibus imminant.

14. Sed hæc quidem de testamentis, quæ scriptis conficiuntur, sufficiunt. Si quis autem sine scriptis voluerit ordinare jure civili testamentum, septem testibus adhibitis, & sua voluntate coram eis nuncupatà, sciat hoc perfectissimum testamentum jure civili, firmumque constitutum.

C O M M E N T A R I U S.

1. *Vox Testamenti explicatur.*2. *Traditur definitio.*3. *Testamenti factio definit ad Rempublicam Romanam, est*

Juris civilis.

4. *Jure Hebræorum etiam obtinuit.*5. *Quid Moribus explicatur.*6. *Jus Canonum refertur.*

1.



Nte omnia advertendum est, testamenti vocem quandoque designare ipsas tabulas. tit. D. quemadm. testam. aperiunt. quandoque ipsam voluntatem. l. 1. D. hoc tit. Ut tamen ex re subjectâ, vel mente loquentis vocabulum sit explicandum. Unde si statutum testamenti velit esse æctigalia, ultima designabitur voluntas. Sicut pro singulis testamentis Notarii aliquid certi salarii nomine consequantur, ipsæ tabulæ intelliguntur. Duaren. D. hoc titul.

Dum testamentum supremam indicat voluntatem in triplici differentiâ collocabitur. Vel enim accipietur latissimè, vel strictissimè, vel medio modo. Illo modo omnem ultimam voluntatem complectetur, atque adeo Codicillos; cujus ultimæ voluntatis requisitum erit, ut constet de voluntate. Isto modo, non nisi testamentum solemne, de cujus requisitis hoc titulo agitur. Rubric. Instit. hic. l. 5. D. hic. l. 13. l. 28. §. 1. Cod. eod. Hoc modo, omnem testamenti speciem continet, idque ad exclusionem codicillorum. Cujus testamenti caput & fundamentum est; hæredis institutio, quæ requiritur, vel saltem adhiberi poterit in testamento militis. l. 15. §. fin. D. de Codicill. l. 14. Cod. de testam. vid. Castrenf. in l. proximè. D. de his quæ in testam. desunt. Menoch. 4. præf. 5. n. 6. 7. 8. ibique all.

2. *Testamentum ex eo appellatum.*] Testamenti definitio duplex esse poterit, vel *ex rebus* Græcis dicta, quæ nominis, vel *ex verbis*, quæ rei. Nominis ea est, quæ traditur in principio hujus tituli, quod testamentum sit testatio mentis. Non quod hæc sit vocis ætymologia; sed verius allusio, quæ quandoque aliquam rei notam, vel proprietatem designat. Non aliter atque possessio est, quasi pedum positio. l. 1. D. de adquir. possess. & mutuum, quasi ex meo tuum. l. 2. D. de rebus credit. & miles, quasi ex mille lectus. l. 1. D. de testam. milit.

Id quidem certum est, testamentum esse quandam testationem, quam Græci *διαδικασ* appellant; quæ quia est judicii testatio seu contestatio, quod hominis tantum sani voluntas rata habeatur, non ejus qui mentem non habet, non ineptè jurisconsulti, tam mentis testationem, explosis

Gram-

Grammaticorum ineptiis, dixerunt. vid. Aliciat. in l. tabernæ. 183. D. de verb. signif. Viglium, Pacium, hoc tit. Gædd. ad l. nomen 164. D. de verb. signif.

Rei definitionem exhibet Modestinus in l. 1. D. hoc tit. *Testamentum est voluntatis nostræ iuxta sententia de eo, quod quis post mortem suam fieri velit.*

Dicitur *voluntatis*, id est, dispositio voluntaria, ut designetur, id facere voluntatem, quod in testamento scriptum valeat. l. 12. §. fin. D. de Leg. 1. utpote quam in omnibus dominari oportet. l. 23. Cod. de Leg. & quâ prolata, omnis inter amicos, qui de hæreditate jacente sperant, vel desperant, sopiatur quæstio, neque contentioni amplius locus sit relictus. Quo respiciens Antistes Hipponensis in Psalm. 21. in hæc verba erumpit. *Illi, puta testator, sine sensu jacet in monumento, & valent verba ipsius: sed Christus est in celo, & contradicitur testamento ejus.* Quin amplius, hoc vocabulum definitioni insertum est, ut excludatur vis, coactio, imperium & metus; quæ omnia voluntati hominis liberi, qui solus testari poterat, adversantur. tot. tit. D. & Cod. Si quis aliquem testari prohib. vel coëg. l. 1. D. quod met. caus. l. 21. §. 5. D. cod. Duaren. D. hoc tit. Menoch. de arbitr. cas. 395. n. 7. Peregrin. de jure fisc. tit. 6. Fachin. 10. controuv. Denique, insertum est definitioni, ut removeantur captoriarum institutiones, quæ collatæ in secretum alienæ voluntatis; interrogationes, persuasiones & blanditiæ, nisi sint maritales. l. 114. §. 6. D. de Leg. 1. l. 11. Cod. de testam. milit. l. fin. D. & C. Si quis aliq. testari prohib. Mantic. de conj. ultim. volunt. lib. 2. c. 6. n. 10. Peck. de testam. conj. libr. 1. c. 17.

Additur *voluntatis sententia*, ut designetur testatoris voluntatem animo deliberato fieri debere. Nam qui novit, quid sit sententia seu decretum, novit hic desiderari judicium seu deliberationem. Quo nomine excluduntur furiosi, mente capti, prodigi, impuberes, qui judicio carent.

Adjicitur *voluntatis nostræ*, quod testamentum ex alieno arbitrio pendere non debeat, aut in alterius conferri voluntatem. l. illa institutio. 32. D. de hæred. Instit. Nisi tanquam in conditionem, vel in viri boni arbitrium aliquid sit collatum. vid. Peck. de Testam. conj. 1. c. 14. 27. 28. & seqq. Fachin. 5. controuv. 57. Zoef. D. hic.

Et quidem apponitur *iuxta sententia*: ut designetur plena voluntas, & excludantur omnes aliæ imperfectæ dispositiones, quales sunt codicilli, causâ mortis donationes, epistolæ fideicommissariæ, litteræ &c. de quibus Rittershus. ad Nov. p. 6. c. 1. n. 10. vid. Cujac. 11. obs. 2. Viglium in comment. hic.

Subjungitur, *de eo*, id est, super universis bonis. Neque enim poterit paganus pro parte testatus, pro parte intestatus discedere. l. 7. D. de Regul. jur.

H h h h 2

Etiam

Etiā *de eo*; id est, de suis bonis, non alienis; ut vassallus capropter de bonis feudaliſibus irrequiſito domino teſtari nequeat. c. unic. de ſucc. ſeudi. Non tamen ſuper bonis communibus quis prohibetur teſtari idque pro rata ſuz portionis. l. 1. Cod. qui teſtam. facere poſſ. Hinc omnium bonorum ſocietas non impedit teſtamenti factionem. l. 3. in fin. D. Leg. 1.

Denique ſubjicitur, *quod quis poſt mortem ſuam fieri velit*; poſt mortem, puta, naturalem, non civilem. Quo nomine ſignificatur ambulatoriam hominis eſſe voluntatem uſque ad extremum vitæ ſpiritum. l. 4. D. de adim. legat. l. 32. §. 3. D. de donat. inter vir. & uxor. atque adeo nonniſi morte confirmari, quæ facit eſſe hæreditatem, cum viventis nulla ſit. l. 1. D. de hæred. & action. vend. Ut ſicuti in aliis caſubus mors omnia ſolvit, ita hic mors liget, & firmam reddat diſpoſitionem, quæ tum legis inſtar valet, quod nunquam poſtremum redeat arbitrium. l. 1. Cod. de Sacroſ. Eccl.

Quo cum conſonat illud Pauli ad Galat. 3. v. 15. & ad Hebræos cap. 8. v. ſin. Dicendo autem novum, veteravit prius. & c. 9. v. 16. 17. Ubi enim teſtamentum eſt, mors necesse eſt intercedat teſtatoris. Teſtamentum enim in mortuis confirmatum eſt. Alioquin nondum valet, dum vivit, qui teſtatus eſt. Ad quem locū Ambroſius in hæc verba; quod vero ait: Alioquin nondum valet dum vivit qui teſtatus eſt. Hoc enim ſignificat, quod quamdiu vivit teſtor, poteſt immutare ſententiam, & alios atque alios hæredes adducere in hæreditatem ſuam.

3. Hactenus explicui teſtamenti definitionem ex ſenſu juriſ Romani, ut vel hinc colligere liceat, teſtamenti factionem ſi definitè conſideretur ad Rempublicam Romanam, eſſe juriſ civilis, & quidem publici auctoritate. l. 3. D. hoc tit. adeoque præter civem Romanum neminem teſtamentum facere potuiſſe. l. 8. §. 1. D. hic. l. 110. D. verb. ſign. Gædd. ad l. 2. §. 1. n. 27. D. de verb. ſignif. & de contrah. ſtipulat. c. 2. concl. 1. n. 22. Bronch. cent. 3. aſſert. 30. Rittershuſ. ad Nov. p. 6. c. 1. vid. Fabrum 2. de error. pragmat. 36.

Non tamen propterea negari debet, quin ſi teſtamenti factio indefinite, ſimpliciter & generaliter conſideretur, origine & eſſentiali forinâ juri gentium adſcribi poſſit. Naturali enim rationi conſentaneum eſt, hocque receptum apud gentes, ut voluntates morientium, quibus de ſuis rebus diſponunt, & ſuz conſulunt poſteritati, rata ſint. Quo ſenſu accipio DD. Bartolum in l. interdum. Cod. de indeb. condiſt. Covarr. 3. variar. reſol. 6. n. 6. Vaſq. 1. de Teſtam. §. 1. Cujac. ad l. 1. D. de Teſt. Connan. 9. comm. 1. Clarum 3. Recept. ſent. §. teſtamentum. q. 2. Pinell. in rubric. p. 1. c. 1. n. 23. Cod. de Reſcind. Vend. Gomeſ. ad l. 3. Tauri. Treutler. volum. 2. diſp. 10. theſ. 1. Sneiderwin. hic. in princ. n. 19. Baſtiſt. Villalob. comm. opin. litt. T. n. 20.

Vide

Vide de moribus gentium Plutarchum in vitâ Soloniâ. Ciceronem 3. de finibus. Apud Germanos tamen nullum jus testandi in usu fuisse, scribit Tacitus de moribus German. 1. ubi Berneggerus in quæst. Bodin. de Republic. 5. Coppen 1. obs. Pract. 105. n. 3.

DE JURE HEBRÆORUM.

Apud Hebræos & ante & post legem latam testamentariæ dispositiones admittæ fuerunt. Genes. 21. v. 25. & c. 48. & 49. Job. 42. v. 15. Esaiæ c. 38.

MORIBUS.

Non indistinctè in omnibus nostris provinciis de omnibus bonis testamentum facere licet, sed vel de parte tantum bonorū disponitur, vel de mobilibus. In Geldriâ, (excepto districtu Neomageni, ut tamen coram lege loci ibidem fiant dispositiones) de bonis immobilibus allodiis testamenta facta non valent, nisi tamen pactis antenuptialibus conjuges sibi jus relinquendi invicem bona, reservaverint. Solent tamen prohibitam dispositionem eludere donatione factâ bonorum, dum eadem conducunt à donatario viliori mercede, per totum vitæ tempus, isque mercedem accepto fert. vid. Goris advers. 3. c. 14. & advers. 4. §. 9. Sand. de feud. Gelr. tit. 1. c. 1. n. 44. Omlandia statuto non nisi de acquisitis disponendi conceditur facultas. Sand. 4. tit. 4. def. 4. De Flandriæ & Hispaniæ jure vid. Perez. Cod. de legat. n. 28. De aliorum moribus, Groenweg. hic. & Dessel. in not. ad Zoef. Instit. rod. ibique DD. Anton. Matth. disp. fin. divort. leg. & usus post testamenta. n. 4. Quinimo Argentræus in not. ad Brittan. artic. 226. n. 18. omnem usum testamentorum tollere conatur. vid. Pyrr. ad Aurel. tit. 14. c. 1. Ex antedictis colligitur, etiam moribus aliquem posse pro parte testatum, pro parte intestatum discedere. Burgund. ad Consuet. Flandriæ, tract. 1. n. 47. p. mihi. 60. Anton. Matth. disp. fin. post success. n. 3.

Neque ad testamenti valorem requiritur ulla hæredis institutio, quod legatis bona possint exhausti, ab executore præstanda, vel etiam ab eo, qui ab intestato succedit. Gudel. 2. de jure noviss. c. 5. in princ. Imbert. Enchir. juris Gallia. §. Institution d'heretier. Goris. advers. 4. §. 11.

Quod spectat Angliæ regnum, testamenta de mobilibus conduntur ad libitum, & quidem jure militari sine solemnibus, immobilia natu majori sunt relinquenda, quæ tamen delibari poterunt, si testamentum scriptum sit, & signatum. Smith. de Republ. Anglic. 3. c. 9.

De consuetudine Hungariæ & Transilvaniæ, si quis legitimo successore destituatur, non poterit super possessionibus suis citra consensum regis in perpetuum disponere. Idque propterea, quia omnia eorum bona inspectâ origine à Rege pendunt. Consuet. Hung. & Trans. p. 1. decret. tit. 10. de

bonis tamen propriis servitiis adquisitis, liberrime testari poterunt, etiam in præjudicium liberorum, de avitis non item. idem autor p. 1. tit. 57.

JURE CANONICO.

6. Secundum canones non omnium circa bona liber est stylus. Personæ enim ecclesiasticæ, quæ paupertatis voto non tenentur, de iis, quæ ex ecclesiasticis, vel bonorum ecclesiasticorum redditibus fuere lucrati, vel perceperunt, non aliter quam ad usus pios testari poterunt. c. fraternitatem. de donat. c. quia nos. de testam. c. episcopi. c. res ecclesiasticæ. 12. q. 1. q. 5. Id quod etiam jure novissimo Justiniano probatum est. Auth. licentiam. Cod. de Episc. & Cleric.

Insuper per canones in testamento ad pias causas voluntatem testatoris in arbitrium alterius conferri posse censent. Nec propterea captatoriam judicari voluntatem, quasi in secretum alienæ voluntatis sit collata. Ratio juris canonici est favor piæ causæ. c. cum tibi. de Testam. Rittershus. de diff. jur. civil. & canon. libr. 4. cap. 3. Peck. 1. de testam. conj. 14. 27. 28. Quem canonem ita etiam accipit Coraf. 5. Miscell. 13. vid. Gijken. ad l. 1. Cod. de Sacros. Eccles. num. 35. dissentit tamen Perez. Cod. de Hæred. Instituend. n. 7.

§. 1.

Testamentorum varia erant species.

Sed ut nihil antiquitatis.] De tribus potissimum hoc titulo agit Imperator; de variis testamenti speciebus. §. 1. 2. & fin. de modo & formâ conficiendi testamenta. §. 3. 4. 5. & denique de qualitate testium, qui in testamentis adhibentur. §. 6. 7. 8. 9. 10. 11.

Testamenti species considerari poterunt, vel secundum jus antiquum, & antiquum, vel secundum jus receptum. Antiquati juris tres enarrantur species §. 1. hic. quod opposita juxta se posita magis elucescant; & ex iis quæ antea obtinebant, ea quæ postmodum consuetudine sunt inumbrata, facilius cognoscantur. §. 5. Instit. Procem. l. 1. §. & cum triplici. Cod. de caduc. tollend. Cumque antiquitas habeat unde ipsa novitas illustretur, non contemnendum ejus studium censi debet. Nov. 30. in princ. Licet ad causarum decisionem eam allegari prohibuerit Justinianus. tit. Cod. de vet. jure enucleand.

Olin igitur testamentorum duæ fuere species, quæ hic appellantur, genera; quorum utrumque coram populo factum est; ut eo sensu & inspectâ origine, testamenti factio juris publici censi possit. l. 3. D. de testam. Unum est, quod calatis comitiis, supple factum, appellabant, quia convocato per præconem populo, in comitiis fiebat. Alterum est, quod procin-

ctum;

ctum, vel potius in procinctu, (ita legente Cujacio) dicebatur; quoniam ad prælium faciendum in aciem vocabantur, adeoque stabant in procinctu. Et quidem hoc testamentum militare sine scripto fiebat, coram tribus aut quatuor commilitonibus, ad hoc vocatis. Plutarch. in Coriolano. Cicero 2. de natur. Deor. Vell. Patere. libr. posterior. Accessit denique tertium genus testamenti per æs & libram, nuncupatum. Prius enim ærea pecunia in usu fuit, post argentea, deinde aurea subsecuta est. Verum ab eâ, quæ cæpit, nomen retinuit. In hoc igitur testamento erat familiæ, id est, hæreditatis venditio per testatorem, emptorem & libripendem medium inter utrumque, qui antiquo more ab appendendo publicè nummo nomen habet. Et quidem facta fuit nuncupatio testamenti coram quinque testibus, tanquam universum populum Romanum, cujus erant quinque tribus, representantibus. Sic ut etiam respectu horum solemnium testamentum non privati, sed publici juris esse dicatur. 1. 3. D. de testam. vid. Ulpian. in Fragment. tit. 20. Gell. 5. c. 19. & 15. c. 27. Isidor. libr. 16. c. 17. Alex. ab Alexandr. 4. genial. dier. 3. Hottom. 5. obs. 11. & 9. obs. 12. Brissou. 1. select. antiq. c. 7. Forcatul. dial. 14. Rosin. antiq. libr. 8. in 3. part. explicat. 12. tabul. §. 12. Gregor. Tholos. Synt. juris libr. 41.

§. 2.

Testamenti species, quæ erat juris prætorii, describatur.

Sed prædicta quidem nomina.] Postquam testamentorum genera, tam mediæ quam antiqui juris in desuetudinem abiissent, jure prætorio aliud testamenti genus introductum, in quo explorato veteri mancipationis ritu, septem testium signacula sufficiebant. Hic enim numerus videbatur sufficere, qui etiam in testamento per æs & libram considerabatur, si unâ computentur libripens & familiæ emptor. Præsentiam autem satis testabatur subsignatio; ut iusta prætori ea voluntas fuerit visa, qui solummodo æquitatem reiectis multis juris solemnibus ob oculos habebat.

§. 3.

- | | | |
|--------------------------------|--|--------------------------------|
| 1. Diviso Testamento traditur. | | 4. Quid Moribus? |
| 2. Quid Moribus? | | 5. Quid Jure Canonum obtineat? |
| 3. Solemnia Testamenti varia. | | |

Sed cum paulatim.] Non tamen in illo jure prætorio adqueverunt leges, 1. sed progressu temporis partim jure civili, partim constitutionibus Principum, ei nonnulla sunt adjecta, tum solemnitate publicæ gratiæ, tum potissimum causâ firmitatis. Ubi enim periculum majus intenditur, ibi plenius est consulendum. §. 3. hic. l. 8. Cod. qui testam. fac. c. ubi periculum. de elect. in 6. Nov. Leon. 109.

Ve-

Verum antequam in omnes inquiram solemnitates, testamenti divisionem jure posteriori receptam, præmittere visum est. Neque enim solemnitates quæ in hoc §. 3. recensentur, in omni testamento sunt necessariae.

Est itaque testamentum vel scriptum, vel nuncupativum. Utrumque vel solemne, vel minus solemne seu privilegiatum, vel denique plus quam solemne. De solemnibus tam scripto, quam nuncupativo agitur hoc tit. de minus solemnibus tit. seq. de plus quam solemnibus §. 3. & 4. tit. 12. & in princ. tit. 13. Et quia de duobus prioribus non est contentio, postremum, puta plus quam solemne, quod disquisitioni subjacet, paucis erit probandum. Dari vero plus quam solemne testamentum, sequenti ratione suaderi poterit. Nam, si testamentum solemne est, in quo ordinariæ solemnitates, & requisita adsunt, de quibus agitur in hoc tit. utique testamentum plus quam solemne censetur, quod præter ordinaria requisita hoc tit. proposita, aliud quid desiderat, ut subsistat. At tale est testamentum patris inter liberos, in quo non sufficit in hoc tit. proposita observatio, & solemnitas, verum insuper, quod plus est, requiritur, ut vel filius in potestate instituitur, vel nominatim exheredetur, in princ. Instit. de exhered. liber.

Non obstat 1. Id quod requiritur in paterno testamento, non est testamenti solemnitas, ut frustra dicatur testamentum patris inter liberos esse plus quam solemne. *Resp.* 1. Licet non esset solemnitas, quia tamen necessarium est requisitum, præter solemnitas quæ in testamento ordinario & solemnibus desiderantur, adhibendum, rectè plus quam solemne nuncupabitur. 2. Quinimo quia sui filii institutio vel exhereditatio, plus est quam solemnitas, & quasi patris testamenti fundamentum, eo nomine paternum testamentum merito plus quam solemne dicitur. 3. Quia in testamento patris non sufficit adhiberi 7. testes &c. ut filii institutio vel exhereditatio sit requisita supra ordinarias illas solemnitates dicendum erit.

Non obstat 2. Quod filii institutio vel exhereditatio sit solemnitas in testamento patris desiderata, ut propterea plus quam solemne dici non debeat. *Resp.* Erit tamen comparative loquendo, in ordine ad testamentum solemne, ordinario modo factum, quod simpliciter appellatur solemne, plus quam solemne. Non aliter atque testamentum militis intuitu testamenti solemnibus, minus solemne appellatur, cum tamen sua debita de jure requisita habeat, sine quibus non subsistit.

Non obstat 3. Testamentum patris inter liberos est privilegiatum, est minus solemne, ut plus quam solemne dici nequeat. l. 21. Cod. de Testam. l. fin. Cod. famil. ercisc. *Resp.* Diversâ consideratione, & minus solemne, & plus quam solemne appellari poterit. Nam si liberi scripti sint hæredes, licet tertium ordinarius numerus non adsit, quinimo licet nullus adsit testis

vale-

valebit tamen. Alex. vol. 7. conf. 114. Donell. 6. comment. 9. Speckh. cent. 1. q. 47. 48. Hœnon. disp. 7. ad Instit. n. 2. Vice versâ, si testes adfuit requisiti, cæteræque solemnitates testamenti solemnibus, nec liberi sint instituti vel exhereditati, propter omissum hoc requisitum, nullo modo valebit. Prioris intuitu, erit minus solemnne. posterioris contemplatione plus quam solemnne: sicuti una eademque res secundum leges, diverso jure & citra repugnantiam, censeri potest. Arg. l. 6. in princ. D. quod cujusque universi. nomin.

Præter testamentum patris inter liberos est etiam testamentum muti, surdi & cæci. Ubi non sufficit adhiberi hujus tituli solemnia. Surdum enim & mutum id impetrare à Principe oportet. l. 7. D. Quibus non est perm. fac. testam. nisi scribere sciat, & jure novo testetur secundum formam præscriptam in l. discretis. Cod. eod. Cæco autem non aliter testari concessum est, quam secundum observationem. l. hæc consultissimâ. Cod. eod.

Est præter enumerata genera testamentorum, novum genus, quando nullo teste adhibito, per libellum Principi oblatum, suprema voluntas exprimitur. l. omnium. 19. in princ. Cod. de Testam. Conscientia enim Principis est loco testium, qui suâ præsentia supplet omnes juris solemnitates. Huc etiam referri potest testamentum apud acta, seu coram lege loci vel in præsentia magistratus conscriptum, ubi personæ publicæ testium suppleant præsentiam. d. l. 19. 23. hic. vid. Boër. decif. 218. Clarum, §. testamentum. q. 56. Donell. 6. comm. 6. Myns. 6. obs. 29. Cujac. 4. Sent. Paul. tit. 6. §. 1. Gothefr. in d. l. 23. hic. Gregor. Tholos. Synt. jur. libr. 41. c. 2. 3. Fachin. 6. contrav. 86. Schurff. cent. 2. concl. 71. Hœnon. disp. 7. ad Instit. n. 3.

MORIBUS.

Cæci, muti, surdi jure ordinario statuario testari poterunt, ut tamen valeant consultius esse, si in testamento cæci tertius adhibeatur testis. Groenw. ad l. 8. Cod. hic.

Quod spectat testamentum coram lege loci factum, advertendum est, in partibus Gelriz insinuatum censeri testamentum, quod de bonis feudalibus coram duobus curiæ paribus, præsentem domino, conficitur. Sand. de feud. Gelr. tit. 2. c. 2. n. 10. 11.

Clausum quod attinet testamentum, illud valere certum est, licet testibus non sit prælectum, neque enim hoc de moribus est necessarium. Tiraq. de Privil. pæ causæ. priv. 7. Vasq. 2. de success. progr. §. 20. n. 6. Zoef. D. hic. n. 56. in fin. & 57. Ut tamen in dorso testamenti notarius præsentibus testibus scribat, tali scripturâ contineri voluntatem testatoris, id declarantis. Utque testes unâ cum notario opistographo subscribant.

Quale testamentum, vocato notario & testibus, præsente iudice in omnem cautelam videtur aperiendum. vid. Grot. 2. intr. 17. verb. *de uytterste wille*. Christin. 1. decis. 364. n. 1. Fabrum Cod. 6. tit. 5. def. 20. Carpzov. jurispr. Forens. p. 3. Conflit. 3. def. 2. vid. Hartmann. Pistor. 1. q. 1.

3. *Ita ut hoc justripertitum.*] Per compendium omnes enumerat solemnitates in testamento paganico requisitas, non eas tantum quæ sunt ex jure civili, atque Principum constitutionibus, quam quæ ex jure prætorio originem habent. Quo nomine jus dicit esse tripartitum, id est, solemnities ex triplici & quidem distincto jure originem habere. Testes enim rogati, & in unum collecti, sunt juris civilis: cum etiam in testamento per æs & libram testes adhiberentur. l. 21. §. peto, D. qui testam. facere. Ejusdem juris est testium præsentia, licet etiam eam jus prætorium supponat; cum nulla fieri possit subsignatio, quæ juris est prætorii, nisi testes sint præsentibus. Excipitur testamentum pestilientis tempore factum, in quo non desideratur omnium testium in eodem tempore præsentia, idque propter contagium. l. 8. Cod. hic. Fachin. 5. contr. 92. Bronchorst. 2. Miscell. 12. Hænon. disp. 7. ad Instit. n. 4.

Juri itidem civili adnumeratur ea solemnitas, quæ exigit, ut uno contextu testamentum condatur, id est, uti hoc interpretatur Ulpianus, ut nullus alienus actus testamento inmiscetur. l. 21. §. fin. D. qui testam. facer. Aliter non deliberata sententia voluntatis, sed vaga & inconstans diceretur. Excipitur nihilominus hic actus, qui testamento non obstat, ut est in l. 26. D. de Pigner. Action. Neque enim in d. l. 26. contractus rationem habet pignoris constitutio, sed per modum legati consideratur, dum forte securitatem testatori suo creditori legat. Quomodo legati effectum habet, & si propriè legatum non sit, quod occurrit in l. 1. §. 3. D. de assign. libert. Excipitur insuper omnis ille actus, qui tuto propter naturæ necessitatem omitti non potest. l. 28. Cod. hoc tit. Sic ut quæ hic dicuntur de actu extraneo non interponendo, cum aliquo temperamento sint admittenda. vid. Hænon. 7. ad Instit. n. 6. ibique DD.

Solemnitas, quæ constitutionibus Principum accepta ferenda est, spectat subscriptionem testatoris, modo litterarum sit peritus. §. 3. hic. Aliter octavum testem, qui ejus loco subscribat tenetur adhibere. l. 21. Cod. hoc tit. Si tamen *ἀνίστατο*, sit testamentum, id est, totum manu testatoris conscriptum, ejus subscriptio non desiderabitur. l. 28. Cod. hoc. tit. Etiam novis constitutionibus attribuendum, quod per manus testatoris, vel testium nomen hæredis exprimat. §. 4. hic. l. jubemus. Cod. hoc tit. Quod tamen postmodum per Justinianum remissum est per Nov. 119. §. quia vero. 9. Auth. & non observ. Cod. hic. Cujac. in expof. Nov. 66.

De-

Denique constitutionibus adscribitur, quod testium subscriptio desideretur. §. 4. hic. excepto rustici testamento, quod ut plurimum qui ruri degunt, litterarum sint imperiti. l. fin. Cod. hic.

Et jure prætorio desideratur septenarius testium numerus, forte etiam in omnem cautelam, quæ abundans testamento non nocet. Lex enim ne quid falsitatis incurrat per duos testes compositum testamentum, majorem testium numerum expostulat; ut ita per plures perfectissima veritas reveletur. l. fin. verb. cum enim. Cod. de fideic. Ut jus civile Justinianicum hæc in parte juri canonico, (de quo in seqq.) & novellæ. 41. Leonis, quæ in urbe quinque, tres in agro testes desiderat, sit præferendum. Rationes sunt in promptu: neque enim absurdum continet civili jure desiderata solemnitas, aut divino juri adversum. Præterquam quod ad officium spectet legislatoris, providere ut ultima voluntas sit certa, fraudibus minime obnoxia, manifesta, utque sine strepitu judicii exitum fortiatur. l. hæc consultiss. Cod. qui testam. facere. Sic ut audiendus non sit Bacchovius hoc in loco, qui studio contradicendi motus, jus canonicum certâ ratione niti, statuit, nullam interim proferens rationem, nisi quod juris gentium rationi minime convenire videatur, tantum testium numerum adhiberi. Qui cogitare debuisset, nihil hic jus divinum, vel gentium disposuisse; quæ jura sese habent merè permissivè. Tantum enim jus divinum in materiâ judiciali vel extrajudiciali ad minimum duos vel tres testes efflagitat, idque ad exclusionem testis unius, qui non est audiendus, ut secundum ejus solius testimonium quis condemnatur. Num. 35. 30. Deut. 17. 6. Matth. 18. 16. non autem uspiam plurium exclusit testimonium, ut de veritate magis constare possit. Præterquam quod jus civile ad rei dubiæ probationem tantum desideret duos vel tres testes, id quod etiam jus divinum desiderabat, verum plures adhiberi jubet civile jus, idque ad solemnitatem, ut testamentum justum esse dicatur. Unde si dubitetur, num testamentum fuerit conscriptum, id factum esse per duos vel tres testes probari poterit, licet non propterea hoc testamentum justum & solemne diceretur, utpote de cujus formâ & viribus disponendi facultatem nactus est Princeps. Qui eo ipso quid statuet non contra jus divinum, sed præter jus divinum, secundum quod nulla certa solemnitas condendorum testamentorum nobis est præscripta. A solemnitate juris prætorii hæcenus explicatâ, excipitur testamentum rustici, vel ejus qui ruri habitat, quod ratum, si quinque testes adfuerint, modo plures haberi non potuerint. l. fin. Cod. hic. ubi Gothefr. Novell. 41. & 43. in fin. Donell. 6. comm. 9. Gregor. Tholos. libr. 42. c. 5. n. 18.

Jure denique prætorio exiguntur testium subsignationes. §. 3. hic. quo facilius negotia explicantur, & salva sit rerum probatio. l. 22. D. de Testam.

Quam tamen solemnitatem, uti testium subscriptionem non admisit Nov. Leonis 42. vid. Connan. 9. comm. 1. 2.

MORIBUS.

4. Generatim solemnita loci inspiciuntur, ubi testamentum conditur, non ubi bona sita, vel testator habet domicilium. Tumque testamentum in uno loco conditum, valet ubique locorum, licet forte alia requiratur solemnitas. Quod licet de jure Romano obtinebat quo omnes provinciae uni suberant Imperatori, moribus tamen non nisi ex comitate recipitur. vid. Gabriel. concl. 4. libr. 4. tit. de testam. Gail. 2. obs. 123. Gomef. ad l. 3. Tauri. n. 20. Costal. ad l. 6. de Evict. Fachin. 5. contr. 90. Teflaur. 2. q. 8. Sand. 4. tit. 1. def. 14. mea in tract. de Statutor. concursu. sect. 9. c. 2. & in tract. de natur. mob. & immob. c. 1. 2.

Quod spectat mores speciatim, certum est testes in testamento non esse specialiter rogandos, suffecerit enim si fortuito advenerint. Viglius ad §. plane. Instit. de testam. mil. n. 5. Gomef. ad l. Tauri. 3. n. 29. Christin. ad Mechlin. tit. 17. §. 1. n. 39. Secus tamen obtinet de consuetudine Velaviz. tit. 30. §. 5. Ruræm. part. 3. tit. 6. §. 1. n. 7.

Testamenti contextum quod attinet, ei intermiscetur quandoque actus non testamentarius, adeoque contractus in testamento celebrari potest. Grammat. decif. Lusit. 173. 339. 381. Cævall. comm. opin. q. 140. n. 5. & q. 475. Gædd. ad l. 10. D. verb. Signif. Peck. 1. de testam. conj. 43. n. 7. Vivius decif. 508. Manic. de conj. ult. volunt. libr. 8. tit. 1. n. 36. Copen. 2. obs. 110. n. 15. Secundum quam sententiam Scabinos Lipsiensis aliquando judicasse, testatur Scha fficus quæst. juris præct. 3. q. 27. Quod alii non aliter admittunt, quam si contractus aliquo modo a testamentum pertineat. Grassus recept. sent. §. testamentum. q. 60. n. 2. vid. Wurniser. nucleo juris contr. tit. 10. contr. 6. libr. 2. Alii tum demum, si non sit longi spatii. Gloss. in l. hæredes. 21. §. fin. in fin. D. hic. Sncidw. ad tit. de legat. n. 10. in princ. Barbof. ad l. 34. n. 114. D. Solut. matrim.

Subscriptionem si spectemus testium, eam in tantum non desiderant DD. ut etiam imperiti literarum possint esse testes. Gomef. ad l. Tauri. 13. num. 31. Mornac. ad l. 14. D. de peric. & com. rei vendit. Anton. Matth. disp. fin. post success. n. 23. Ruræmund. part. 3. tit. 6. §. 1. n. 5.

Cujus tamen contrarium exigit Ordinum Ultrajectinorum decisio de ann. 1659. April. 14. art. 17. secundum quem si inter duos testes fuerit adhibitus litterarum imperitus, tertius erit adjungendus, qui scribere valeat.

Etiam in Brabantia & cæteris ditionibus, quæ Hispano parent, ex Edict. Principum de ann. 1611. art. 12. testamenta subscribuntur à testatoribus & duobus testibus, ad hoc vocatis, si litterarum sint scientes; aliter tenenter

notarii, vel Parochi ejus rei facere mentionem. Zoef. D. hic. n. 48.

Nusquam vero, quod sciam, signacula testium ad testamenti valorem considerantur. vid. Gudel. de jure noviss. 2. cap. 5. Grot. 2. introd. 7. Anton. Matth. disp. fin. post success. n. 19.

Septenarium testium numerum, quem jus Romanum admisit, explere mores, quibus sufficit testimonium duorum regulariter masculorum, (non semper tamen) adhibito Tabellione, vel testimonium duorum Scabinorum, adhibito Secretario. Grot. 1. introd. 17. Gudel. 2. de jure noviss. 5. Gomel. ad l. Tauri. 3. n. 32. Coren obs. suprem. curiæ. 31. 421. Zoef. D. hic. n. 6. & 47. Anton. Matth. loc. cit. n. 21. Groenw. ad §. 6. hic. Basileæ tamen requiruntur testes 10. Franco comment. ad l. 7. D. de Regul. jur. In Frisia quoad testium numerum sequuntur jus civile. Sand. 4. tit. 1. def. 4. libr. 1. stat. Frisicæ, tit. 16. art. 2. Ant. Matth. loc. cit. n. 19. ibique DD. Idem fere obtinet in Hispaniæ regno, ubi in scriptis testamentum requirit 7. testes, & insuper notarium. Pichard. in comm. ad hunc §. 3. Instit. eod. In Velaviâ 4. desiderant testes cum Sculteto, vel ecclesiæ Ministro. Consuet. Velav. c. 30. Ultrajecti ad Rhenum uno casu tres testes desiderant, quando duorum alter scribere nequit. Ordin. decif. de ann. 1659. art. 18.

Et casu quo domi quis testari desiderat coram Scabinis, in oppidis quatuor supra Prætozem adhibere tenebitur. Amplifl. Rodenb. de jure quod oritur ex statut. divers. p. 1. tit. 2. c. 4. n. 6. 7.

Poterit quis nihilominus coram septem testibus supremum condere elogium, & valebit, licet non adhibitus fuerit notarius. Modo in ditione Ultrajectinâ, licentiæ litteras impetraverit, quod fieri debet, etiamsi de alodiis testari velit. Quibus litteris non habet opus, siquidem coram Scabinis & Secretario testetur, de bonis intra eorum jurisdictionem sitis. Vel si inter liberos disponat, vel ut alii, si tempore pestilentiæ testamentum condar. Quinimo ex edict. Caroli 5. si filii sint exheredati, nonnisi coram publicis personis testamentum condi debet. vid. Ampl. Rodenburg. de jure quod oritur ex statut. divers. 1. tit. 2. c. 4.

Apud Senenses tres testes in testamento, etiam non rogati sufficiunt. Menoch. 4. Præsumpt. 4. n. 3. 4. ut tamen notarius præter tres testes adesse debeat, sicuti Venetiis, & in Hispaniâ. Menoch. d. loc. Qui alibi sibi contrarius duos Venetiis admittit. 5. præf. 45. n. 5.

Moribus & consuetudine Regni Angliæ minorem in testamentis solemnitatem desiderant, quæ coram duobus liberis hominibus facta, subsistunt. Couwel. Instit. 2. tit. 10. Richard. Zouchus descript. juris eccles. Anglic. p. 2. sect. 4. Alibi sufficit per scripturam & subscriptionem testatoris constare, quæ sit ejusdem voluntas. Pérez. Cod. hic. num. 21. vid. Rittershus. ad Nov. p. 6. c. 1. n. 9.

Differunt etiam mores à jure civili tribus in casibus.

1. Quod in testamento rustici nihil de solemnibus sit remissum, nisi in Friiâ ubi jus Romanum sequuntur. Grot. 2. introd. 17. n. 35. Coren obs. 31. n. 51. 52. Groenw. in l. fin. Cod. de testam. vid. Anton. Matth. disp. fin. de success. num. 27.

2. Quod testamentum ad pias causas ordinarias solemnitates non desideret, adeoq; forte vel per unum testem quod relictum probari possit. Alciat. in l. 1. Cod. de Sacros. Eccles. Bartol. in l. 1. Cod. de Summ. trinit. Sand. 4. tit. 1. def. 3. Coren obs. 31. Radel. decis. 125. n. 34. Christin. volum. 1. decis. 304. n. 12. Mevius ad Lubecen. part. 2. tit. 1. art. 2. num. 55. ibique DD. & ita coram Scabinis nostris judicatum memini in causâ cujusdam Virginis Neeltje Purves, quæ Egberto Johannis Aedes ægrotanti ministerium præbuerat, cui propterea reliquerat legatum, suâ manu conscriptum, & à matronâ præsentē subscriptum.

3. Quod testamentum tempore pestilientis factum ad imitationem testamenti militaris non desideret solemnità; quasi bellum ferveat inter Deum & homines, uti loquuntur doctores. Bartol. in l. naturaliter. n. 23. D. de Uluap. Myns. 1. obs. 96. Gail. 2. obs. 119. n. 18. vid. Clarum. §. testam. q. 56. Papon. 20. tit. 1. art. 1. Tessaur. decis. 180. Dauth. de testam. p. 446. n. 424. Bocer. de bello. c. 26. n. fin. Althuf. dicajol. 1. c. 51. Sand. 4. tit. 1. def. 4. Groenw. ad l. 8. Cod. de testam. n. 3. Anton. Matth. disp. d. n. 24. JC. Batav. p. 1. conf. 67. & 77. & p. 2. conf. 36. 94. Jure Saxonico in tali testamento sufficiunt duo testes. Licet in cæteris terris imperii alii quinque desiderent vid. Coppen 2. obs. 112. Fabr. Cod. 6. tit. 5. def. 5. Berlich. practic. conclus. 5. n. 6.

JURE CANONICO.

5. In testamento ad pias causas duo testes sufficiunt. c. cum esses. c. cum relatum. de Testam. In cæteris causis sufficit præsentia parochi, & duorum testium, ut testamentum valeat. c. cum esses. de testam. Absente Parocho quatuor testes laici desiderantur. Ubi numerus duorum testium, qui superadduntur, defectum Parochi supplent. Ita Specul. in tit. de instrum. edit. §. compendiosæ, post num. 12. Jalon. in l. hæc consultissimâ. col. 2. verb. sed dubium. Cod. de Test. vid. Clarum. §. testam. q. 56. Menoch. 7. præf. 8. Mantie. de conj. ult. vol. 2. tit. 14. Fachin. 4. contrav. 5.

§. 5.

1. Omnes Testes uno annulo signare | 2. Etiam alio signo.
poterunt.

1. **P**ossunt autem omnes testes.] Pergit explicare varios casus, qui circa solemnitatem prætoriam, quæ erat subsignatio, incidere poterant. Quæ situm

tum enim, si singuli testes annulum non habeant, utrum uno annulo omnes signare valeant? Et respondetur quod id facere possint, adeoque nihil referre proprio an alieno signent annulo. §. 5. hic. Dummodo si sit alienus addatur protestatio. l. si unus. Cod. eod. Cum enim hic magis spectetur actus signationis quam ipsum signum, etiam alieno signatum, actum signationis efficiet validum. Id quod aliter obtinere censendum est in casu, quo quis rem suam per signum vult ostendere, vel mercator suas merces ab alienis fecerere. l. quod si. §. 1. l. 1. §. si dolium. D. de peric. & comm. rei vendit. vid. de Signis, marcis, uti loquuntur, & signandi jure Tiraq. de nobil. c. 6. Menoch. 2. præf. 57. 58. & 3. præsumpt. 64. Sebast. Khraiff. in Ducat. Neoburg. privil. artic. 4.

Quid si annulum non habeant signatores, an quolibet alio signo signare poterunt? Licet Viglius tutius esse existimet, si annulo signetur, quod in l. 22. D. hic. mentio fiat annuli; quia tamen potissimum respicitur subsignatio, existimarem quovis signo eam peragi posse, modo signum habeat *χαρακτήρ*, id est, formam insculptamque signi imaginem. l. 22. §. signum autem. D. hic. Baro, Wesemb. Hottom. hic. & 1. obs. 20. Donell. 6. comm. 8. Heron. disp. 7. ad Instit. n. 7. diff. Cujac. 14. obs. 11. Robert. 1. recept. lect. 21. vid. Alciat. ad l. 74. D. de verb. signif. Alex. ab Alexandr. Genial. dier. 1. c. 16. Connan. 6. comm. 2. n. 3. Bocerum de bell. c. 22. n. 8.

§. 6.

1. *Quinam possint esse Testes?*2. *An Mulier?*3. *Quinam prætereā non admittantur?*4. *Quid de Moribus & Jure Canonum?*

T*Estes autem.*] Secundum jus prætorium septenarius testium numerus desiderabatur. Verum neque hoc suffecerit, nisi qui testes adhibentur ad testimonium ferendum sint idonei. Idonei hic censentur, cum quibus est testamenti factio. §. 6. hic. An passiva? Verum ita impuberes & furiosi testes esse possent. An activa? Verum tum etiam scæmina ad testimonium dicendum admitteretur, quia testamentum facere potest. Malim itaque hanc subungere regulam, eos omnes testes esse posse, qui ex testamento capere, vel testamentum facere possunt, exceptis impuberibus, furiosis, prodigiis & scæminis, d. §. 6.

Sed neque mulier.] Ac si dicat, licet cum muliere sit testamenti factio, etiam facere testamentum possit, ea tamen propter certas causas à testimonii dictione repellitur. l. 20. D. qui testam. facere. An quia jure antiquo testamenta calatis fiebant comitiis, coram populo, ubi mulier non comparebat? Gell. 5, c. 19. An quia mulier nec familiæ emptor nec libripens nec

relis

testis olim esse poterat? Ita videbatur dicendum inspecto jure antiquo, cuius forte vestigia sequutus est prætor. Nisi de jure posteriori ratio sit investiganda in sexus fragilitate, & inconstantia in testimonio dicendo. Licet enim scœmina in causis criminalibus ad testimonium dicendum admittatur. l. 20. §. 6. D. hic. quia tamen ultimæ voluntates multis subjacent captivonibus, inque iis agatur de lucro captando, cujus scœmina est avida, quæ ad rem attentata. l. 4. in fin. D. Vellej. ideo potius in testamento, quam causis criminalibus à testimonio dicendo arcetur. Quo facit illud Chrysof. latine versi. in 2. part. homil. in Matth. homil. 23. *Sexus muliebris incautus & mollis est: incautus, quia non omnia quæ videt, vel audit, cum ratione & sapientiâ considerat: mollis autem, quia facile flectitur.*

Præter scœminam à testimonii dictione repellitur *impubes*, quia ejus infirmum est judicium. l. fin. D. de manum. vind. *Furiosus*, quia compos mentis non est. l. 20. §. ne furiosus. D. qui testam. facere. *Mutus & surdus*, si nihil omnino exaudiant, vel loquantur. l. 11. §. fin. D. de obligat. Neque enim ex eo genere præsentis satis appellari poterunt. l. fin. D. de verb. signif. *Prodigus*, quoniam qui moribus furiosus est, levioris opinionis esse censetur. *Cæcus*, quod testatorem non cognosceret, & falsi occasio vix evitari posset. Arg. l. 9. Cod. de testibus. *Improbi denique & intestabiles*, quales etiam sunt ob crimen famosum damnati, quoniam jure vel sententia inhabiles sunt declarati. l. 26. D. hic. l. 19. D. eod. l. 21. D. de testibus. Cum quibus etiam quandoque ne quidem testamenti factio passiva est. l. 3. Cod. de Apostat. vid. Viglium ad §. 6. hic. & de intestabilibus. Plin. 30. c. 2. Gell. 7. c. 18. Fabrot. ad Theophil. §. 6. hic.

MORIBUS & JURE CANONICO.

4. An moribus mulier ad testimonium dicendum admittatur, inquiri solet? Id affirmat Boër. ad Bituric. tit. 11. §. 1. Argentr. ad Brittan. artic. 573. n. 1. Christin. ad Mechlin. tit. 17. §. 1 n. 32. Quod juri canonum congruum videtur, quo sexus differentia vix ulla servatur. vid. Zoef. D. hoc tit. n. 47. diss. Grot. 2. introd. jur. Holl. 17. §. de *getuygen*. Ruerm. p. 3. tit. 6. §. 1. n. 7. Transilul. part. 2 tit. 5. §. 4. Amsturt. tit. de testam. p. 44. vid. Anton. Matth. disp. fin. post success. n. 21. Groenw. ad §. 6. hic. Wassen. *Pract. Notariæ*. c. 18. n. 17.

§. 7.

1. Testimonium Servi & omne Domesticum reprobatur. | 2. Impubes Testis esse nequit.

1. **S**ed quum aliquis ex testibus.] Servum non adhiberi testem certi juris erat, quod de jure civili pro nullo haberetur. l. 32. D. de regul. jur. Exceptio à regulâ in uno casu traditur hoc §. 6. quando servus omnium opinione,

ne, saltem plerorumque, argum. l. 3. D. ad Macedon. pro libero habitus in testem adhibetur. Imperator enim Adrianus, postmodum Severus & Antoninus ex sua liberalitate, id est, speciali favore, testamento subvenerunt. An, quia utile per inutile vitiari non debebat? Arg. l. 34. §. 1. l. 35. fin. Cod. de donat. An quia error facit jus? Uti hoc communiter censent, per l. 3. in fin. D. de supell. legat. ubi vid. Gothefred. in notis. An potius, quia id suadet utilitas privata, suadet publica, quod expediat ultimas voluntates exitum sortiri non obstante aliquo errore probabili? Id quod probabilius videri debet, arg. l. 3. D. de offic. Prætor. Non aliter atque putativi notarii instrumentum propter eorum utilitatem, qui ejus operâ uti fuerunt, sustinebitur. Zoes. D. de offic. Prætor. ad d. l. 3. Perez. Cod. de fid. instrum. n. 8.

Quod vero de servo constitutum, ad alios, puta impuberes, qui omnium 2. opinione pro puberibus fuere habiti, quod forte virili togâ induti, extendi non debet, uti hoc perperam cum DD. statuit Bacchovius. Et quia constitutum speciali Principum liberalitate, ut sit jus singulare, ad alios casus transferri non potest, ne quidem similes. l. 14. D. de legibus. Et quia longè dispar est ratio inter impuberem & servum. In hoc enim tantum obstat civilis ratio, civilis defectus, qui per Principem suppletur. Arg. l. 3. in fin. D. de offic. Prætor. in illo & naturalis & civilis, judicii puta defectus, qui ne quidem Principis licentiâ suppleri potest. Arg. §. 2. in fin. verb. neque enim. Instit. de usufr. vid. ex parte diss. Gomefium in l. 3. Tauri. n. 26.

Quæ liberalitas in hoc §. 7. testamento scripto applicatur, eadem etiam nuncupativo est applicanda. Quoniam Imperatores ultimaræ voluntatis favorem respexerunt, cujus eque testamentum nuncupativum atque scriptum est particeps.

§. 8. 9.

1. *Possunt ex una Domo plures adhiberi testes.* 2. *Mores variant.*

Pater nec non is.] Ex una domo testes plures in testamento alterius adduci, nihil prohibet: neque enim hoc domesticum est testimonium. Consequitur ergo patrem & filium unâ testes esse posse, sicuti duo fratres. l. 22. in princ. D. hic. Non tamen idoneus testis est pater filio in potestate, vel filius ille patri testatori. Uti nec frater in potestate patris fratri testatori, qui in ejusdem patris est potestate, testis esse poterit: quod omne domesticum testimonium sit reprobatur. §. 8. 9. hic. Per domesticum intellige non eum, qui est in eadem domo, sed familiâ, adeoque à potestate.

K k k k

testate domesticum testimonium est defumendum. vid. Cujac. ad l. 22. D. hic. Rævard. 2. varior. 8. Donell. 25. comm. 3. Anton. Matth. disp. 1. de Testam. diff. Duaren. 1. disput. 28. Johann. Faber ad §. 9. hic. vid. Fabbrott. comm. ad hunc §. 9.

Ideo vero patris & filii testimonium est reprobatum, quia pater & filius juris fictione pro eadem habentur personâ. Vel etiam quia filio imperari potest, quamdiu est in potestate. l. 6. D. de testibus. Adeo ut prohibitio ad matrem se non extendat, propter rationes allegatas, nisi filius à matre sit scriptus hæres, aut vice versâ. §. 10. hic.

Non etiam se extendit prohibitio ad filium emancipatum, quod etiam prænominatæ rationes cessent,

Neque obstat l. 6. Cod. de testibus. Quoniam in materiâ judiciariâ de negati testimonii ratio defumitur ab affectione, verum in testamento à potestate, quâ cessante testimonium filii vel patris admittitur.

Non itidem ad filium vel patrem militem sese extendit prohibitio, si modo ante missionem filius miles testari velit jure militari. l. 20. §. 2. D. hic. Unde si jure paganico, vel post missionem faciat testamentum, ejus pater non recte in testem evocatur. §. 9. hic.

MORIBUS.

2. Domesticos testes quidam repudiant, non tam propter potestatem illam juris civilis, quæ moribus sublata est, quam propter affectionem. Unde censent nonnulli patrem in testamento filii emancipati testem non adhibendum esse, propter speratam successionem, aut fratrem in testamento fratris. Verum quoniam judicatis destituuntur, juri civili standum esse existimarem; ut tamen prudentiæ judicantis nonnihil sit committendum. Hispaniæ legibus qui intra quantum consanguinitatis gradum hæredi scripto conjunctus est, à testimonio dicendo repellitur. Pichard. in comm. ad Instit. in §. 9. hic. vid. Alex. 2. consil. 47. Viglium & Vinnium hic. Anton. Matth. disp. fin. de success. n. 22.

§. 10.

1. Hæres non potest esse testis. | 2. Moribus videtur secus statuendum.

1. **S**ed neque hæres scriptus.] Circa hæredem, utrum testis esse possit, aliter jure antiquo, aliter jure novo constitutum est. Illo enim jure & ipse, & qui essent in ipsius potestate testes esse poterant. Idque propter subtilem differentiam inter emptorem familiæ, cujus res agebatur, & hæredem, cujus res non agebatur. Verum postquam illa sublata est differentia, aliter fuit constitutum. Cumque inter testatorem & hæredem negotium geri dicatur, §. 10. hic. quod tamen abusive dicitur; sicuti in l. 1. D. de Re-

Relig. nec quisquam in re sua testis adhibeatur, capropter neque hæres, neque ejus filius in potestate, in cujus ipse est potestate, neque fratres hæredis, qui sunt in ejusdem patris potestate, rectè testes adhibentur. §. 10. hic. Aliter forte domesticis & clandestinis fraudibus facile quidvis pro negotii importunitate confingeretur. l. 27. Cod. de donat.

Neque obst. l. fin. Cod. de fideic. quoniam improprie hæres sibi judex & testis esse asseritur. Azo in summ. Cod. de testibus.

MORIBUS.

Num hæres scriptus in testem sit admittendus, non extra dubitationem 2. est constitutum. Quod meam spectat sententiam, audacter assererem, sublatâ juris civilis subtilitate, posse hæredem quandoque esse testem. Præsertim si in re certâ, aut particulâ quadam adinstar legatarii sit scriptus hæres, nec quicquam præter illam capiat, sicuti moribus obtinet. Quinimo licet in solidum sit scriptus hæres, non tamen à testimonio dicendo repellatur: quod testamentum non necessario testibus prælegatur, verum clausum iis exhibeatur. Ut omnis absit fraudis suspicio, nec in suum commodum testimonium dicere sit credendus, qui, quid testamentum contineat, ignorat.

§. 11.

1. Legatarius potest esse Testis. | 2. Variant Mores.

Legatariis autem.] Non eadem est ratio legatariorum, ut & fideicommissariorum singularium, atq; quidem hæredum, ut illi, vel alii iisdem conjuncti testimonium dicere non prohibeantur. Neque enim juris, verum certæ rei sunt successores. l. 6. D. de except. contra quam hæredes, qui in omne jus defuncti succedunt. l. 9. §. hæredes. D. hæred. Instit. l. 11. D. de divers. & tempor. præscript. Sic ut vere dici possit, legatariorum negotium non agi. l. quædam. §. nihil. D. de edend.

Verum objecerit quispiam, tam negotium agitur legatarii, qui dodrantem omnium bonorum auferre potest, quam hæredis, qui forte tantum auferat quadrante. n. Ut si hæres non admittatur in testem, nec admittendus sit legatarius. Resp. Licet quandoq; commodi respectu magis legatarii quam hæredis habeatur ratio, quia tamen jus civile respicit jus succedendi universale, quod est à parte hæredis, capropter hæredi, non legatario testimonii dictionem denegavit. Accedit, quod ea non curentur de jure quæ per obliquum, & per consequentiam alicui obveniunt; ut licet aliquid emolumentum percipiat legatarius, non tamen à testimonii dictione removeatur. Arg. l. 1. D. de Auctor. tut. l. 77. D. de reg. jur. Donell. 6. comm. 7. Bronch. cent. 2. assert. 97.

Neque obstat, quod nemo sibi in testamento quid possit adscribere. tit. Cod. qui sibi adscrib. in testam. Alia quippe est ratio testamentarii, qui testamentum scribit, alia legatarii; cum ab illo facili negotio falsum committeretur, id quod in legatario non est præsumendum propter alios testes, qui præter legatarium negotio interfunt.

Quid si frater legatarii testis sit adhibitus in testamento? Nullo jure repudiari poterit, quia nec ipse legatarius. Præterquam quod ille nequeat censi in propria causâ testimonium dixisse, ad quem emolumentum non proprio nomine, sed ex personâ tertii forte pertineret. l. 1. §. in omni. 11. D. quand. appell. DD. in l. in omnibus. & seq. Cod. de testibus. Azo in sum. Cod. eod. n. 10. Viglius ad §. 11. hic. num. 7. & Vinn. ibid. n. 4. Zyp. not. jur. belgic. tit. de testam. in verb. testibus. vid. Groenw. ad §. 11. hic. in fin.

Quid si universa hæreditas exhausta sit legatis, & præter legatarios testis nullus sit adhibitus? Resp. quia d. §. 11. indistincte loquitur; neque in actu publico & solemnî facile mala fides debet præsumi; etiam testi aliquid relinqui potest; (quod etiam de moribus obtinet) testamentum valere existimarem. Zoef. D. hic. n. 37.

Quid si testamentum sit nuncupativum, an & in eo legatarii testes esse poterunt? Quid ni, cum §. 11. indistincte loquatur, ejusque ratio sit universalis, ut propterea tam ad nuncupativum testamentum, quam scriptum referri debeat. Connan. 9. comm. 3. Charond. 2. veros. 10. Zoef. D. hic. n. 37. diff. Faber decad. 66. error. 1. Heenon. disp. 8. ad Instit. n. 9. ibique DD.

MORIBUS.

2. Existumat Groenwegen in libr. de ll. abrogatis hoc tit. d. §. 11. esse sublatum. Verum quia nullo nititur judicato, præterquam si niteretur, judicatum non faciat legem, neque consuetudine contrarium est introductum, huic §. 11. etiamnum locum facerem. Præsertim cum moribus congruum sit, testem in testamento nuncupativo admitti, cui aliquid relictum est. Faber Viglius allegati à Zoef. D. qui testam. facere poss. n. 37. Id quod juri Bavarico congruum esse testatur Sebast. Khraisser. hic. per Lantrecht. tit. 34. artic. 2.

Quin tamen multarum urbium Franciæ, Burgundiæ, Flandriæ ex parte sublatus sit hic §. 11. negari non poterit. Charond. P. jur. gall. tit. de testam. Perez. tit. Cod. de legat. in fin. Idem quod in tractu Ruræmundano observatur. Ruræm. p. 3. tit. 6. §. 1. n. 7.

§. 12.

1. *Cuique materia Testamentum inscribi potest.* | 2. *Quid Moribus?*

Nihil autem interest.] Agitur hic de materiâ testamenti subjectâ, puta, cui verba testamenti inscribuntur. Nec interest ligno, vel tabulis ligneis, an chartâ, membranâ, corio, cerâ, id est, tabulis cerâ obductis, aliquid inscribatur. §. 12. hic. l. 1. D. de bon. poss. sec. tabul. l. 4. 19. D. bon. possess. contr. tabul. l. 52. D. de Leg. 3. Sicuti nec refert stylo ligneo, ferreo, an lapideo, cultello aliove quo instrumento quid inscribatur, incidatur, vel insculpatur. De quibus scribendi modis consuli poterunt antiquitatum scriptores Isidorus, Origin. 5. c. 24. Alciat. 2. disp. 29. Alexand. ab Alexandro 2. genial. dier. cap. 30. cum comm. Tiraq. Cœl. Rhodigin. 7. Antiq. lection. 20. 21. Panciroll. Rerum memorial. 2. cap. 13. ibique in comm. Salmuthut. Fabrot. ad Theop. in comm. ad 12. hic.

Non etiam interest Græcis an latinis litteris testamentum fuerit conscriptum, modo quod scriptum legi possit & intelligi; non quidem à testibus, verum ab ipso testatore. l. 10. §. fin. D. hic. Notis vero scribi testamentum permissum non est. l. 6. §. fin. D. de bonor. possess. Novell. 107. c. 1. quod notis fraus subesse posset. Idem quod multo magis de siglis, seu litteris singularibus affirmandum; quoniam & illa fraudis occasionem suppeditarent: neque enim eorum ut quidem integrarum vorum, adeo perspicuus & facilis est intellectus.

MORIBUS.

Nihil interest si nostros mores spectemus, cui materiæ voluntas novissima inscribatur, sed tamen constitutione imperii de anno 1512. notarii in membranâ testamenta conficere iubentur. vid. Viglium ad §. 12. hic.

§. 13.

1. *Unius voluntatis plures poterunt esse Codices.* | *comprehendi potest.*
 2. *Quid si plures Codices differant?* | 5. *Quid Moribus, & an talis voluntas altero invito ab altero possit revocari?*
 3. *Quid si Copia supersit testamenti?*
 4. *Duorum voluntas uno Codice*

Sed & unum testamentum.] Non est prohibitum unum testamentum pluribus inscribere codicibus, pluribus tabulis, quæ etiam appellantur plura exemplaria. l. fin. D. de his quæ in testam. delent. l. 10. D. testam. quemadm. aper. l. 47. D. de Leg. 2. Fabrot. ad. Theoph. hic. Modo singulis debita requisita, signa, & subscriptiones adsint. Pro unis enim

tabulis habentur, & supremum utrumque iudicium accipiemus. l. 1. §. sed & si in duobus. D. de bonor. poss. secund. tabul.

Quod ideo permissum, ut quis profecturus secum ferre testamenti exemplar, & domi aliud ejusdem sensus vel tenoris, ut ita loquar eum Imperatore, relinquere possit. §. 13. hic. l. 1. §. si quis ex duobus. D. de boni. poss. secund. tab.

2. Quid si pluribus codicibus non eadem sint inscripta? Siquidem simul fuerint scripti, id est, eodem tempore, ex utriusque, quasi ex unis duobus scriptis hæredibus pro parte debebitur hæreditas. d. l. 1. d. §. Quod si unius hæredis duobus scriptis codicibus facta sit mentio, cui in uno codice 50. in altero 100. relicta sunt, minor summa debetur. l. 47. D. de Leg. 2.

Quod si non simul conscripti fuerint codices, & constet qui sint priores, qui posteriores, hi illis prævalebunt. §. 2. Instit. quib. mod. testam. infirm. Id si incertum sit, neuter sustinebitur. Arg. l. duo sunt. D. de testam. tutel. l. 27. D. de rebus dub.

3. Quid si quod pro exemplo (id est copiâ, ut ita loquar) est habitum, reperitur non extante testamento? Non deberi hæreditatem statuendum erit, quod exemplo hæreditas non deferatur. d. l. 1. §. 7. sed si unum. 7. D. de bon. poss. sec. tab. l. fin. D. quemadmodum. testam. aper. Secus quam obtinet in exemplari seu authentico reperto, quo aperto tabulæ testamenti apertæ censentur. l. 10. D. cod.
4. Explicui unam & unius hominis voluntatem pluribus comprehendere posse codicibus. Verum an vice versâ, duplex, vel duorum hominum voluntas uno testamento, uno codice explicari poterit? Ita dicendum videtur si sint pater & filius in casu §. 2. Instit. de pupill. substit. l. 2. & seq. D. cod. Quod etiam datum fuit conjugibus per primam novellam Valentiniani de Testament. Vigl. in §. pen. Instit. d. tit. vid. l. 20. in princ. D. cod. l. 28. Cod. de testam.

MORIBUS.

5. De moribus extra omnem dubitandi aleam est constitutum, in unâ chartâ plures posse testari. vid. Boër. ad Bituric. de conf. cont. marit. Clarum §. testam. q. 60. Peck. tot. tract. de testam. conjug. Gail. 2. obs. 117.

Disputatum tamen anxie, an quemadmodum simul testantur conjuges, vel alii, qui unâ chartâ testati fuerunt, etiam alter altero invito à priori voluntate possit recedere? *Resp.* Licet id non admittant Trajectenses in casu usufructus reciproci, si quidem id fiat altero conjugis infcio in fraudem alterius, si tamen jura & rationes, & auctoritates adhibere liceat, secessum à priori sententiâ faciendum esse judicarem. vid. Peckium 3. de testam. onj. 1. & l. c. 43. Everhard. consil. 79. & 213. n. 23. Valf. de success. resol. 1.

§. 1.

§. 1. n. 10. Grot. 2. introd. 15. & 17. verb. *twee luyden*. Decher. 1. dissert. 1. n. 8. Christin. 6. decis. 58. n. 6. Coren obs. 11. & 12. Berlich. 1. decis. 92. Herhaj. rerum quot. c. 7. p. 63. Zoef. D. injust. rupt. irrit. n. 22. 23. Ampl. Rodenb. de jure conj. 2. tit. 2. cap. 4. n. 52. Carpzov. jurispr. forens. p. 3. constit. 2. def. 13.

§. 14.

1. *Quid sit Testamentum nuncupativum?* 2. *An Moribus omnis voluntas sit nuncupativa?*

S*ed hoc quidem.*] Testamentum solemnne duplex est, vel solemnne scriptum, vel nuncupativum. Illud est, quod scripto constat, hoc quod testibus, coram quibus tantum nuncupata est voluntas, id est, linguâ & voce significata. l. 21. §. 2. Cod. de Testam. Plin. 14. c. 22. Justin. histor. 12. Macrob. Saturn. 1. c. 10. Non tamen omne testamentum in scripturam redactum, est solemnne scriptum. Nam quod coram testibus declaratur, etiam scribi potest. Et testamentum cæci licet scribatur, tam nuncupativum, quam scriptum dici poterit, nisi quis illud malit esse mixti generis, ut in sequentibus explicabitur. Quod ergo ita scribitur, ut necessaria sit scriptura, & quidem illa solemnne de quâ actum est §. 3. licet forte adsit quædam nuncupatio, id est, generalis testatio, (quam phrasin ita accipit Ulpian. tit. 20. §. 8.) id demum solemnne scriptum nuncupabitur. Unde ad solemnne nuncupativum non desideratur scriptura aut signatio (secus erat jure prætorio) tanquam ejus solemnitas, quod ultimæ voluntates magis sint favorabiles quam contractus, qui scripturæ non alligantur. Aliæ tamen solemnitates requiruntur, puta, ut testator coram septem testibus rogatis palam, id est, ut ab omnibus exaudiatur, hæredem nuncupet. Sic ut non suffecerit ad scedulam testes referre, quâ contineatur hæredis nomen. l. 21. D. hic. Arg. l. 29. §. quod si non. Cod. eod. Nec tamen necessarium erit, ut prædicat scribere, an nuncupare velit suam voluntatem: cum id ipsum ex actis satis appareat. l. 26. in fin. Cod. hic. vid. de nuncupativo testamento Alciat. 2. Parerg. 32. Sncidw. hic. Connan. 9. comm. 1. Gomef. ad l. 3. Tauri. Gregor. Tholof. Synt. juris univers. libr. 42. c. 5.

MORIBUS.

Nuncupativa esse testamenta, licet in scripturam redigantur tenent plerique. Notarius enim, si testamentum non sit clausum, nuncupatam voluntatem testatoris excipit, eamque redigit in scripturam, suo prothocolo inserit, idque ad perpetuam rei memoriam. Quod si clausum sit testamentum, sufficit testatorem coram notario declarare, eam quæ chartâ clausâ continetur esse suam voluntatem. Tumque notarius declarationem testatoris dorso

dos testamenti clausi inscribit, etiam ut constet de eo, quod fuit declaratum. Unde si testator moriatur antequam nuncupata ejus voluntas coram notario & testibus, in scripturam fuerit redacta, vel ab ipso, testibus & notario subscripta, nihilominus sustinebitur, Viglius ad §. 7. Instit. quib. mod. testam. infirm. & §. fin. hic. n. 3. Clarus §. testamentum. q. 4. n. 1. Boer. ad Bituric. tit. 2. §. 1. litt. f. Sneydwin. ad §. fin. hic. Autum. conf. dum droict. Franc. in l. 12. Cod. de Testam. Sneydwin. hic. Montan. de tutel. c. 10. n. 35. Neost. decis. 1. p. 6. Coren. suprem. curiæ decis. 31. p. mihi. 245. & observ. 10. Carpzov. defin. forens. p. 3. constit. 3. def. 34. 35. Perez. Cod. hic. n. 13. Jurisc. Batav. consil. tom. 2. conf. 12. 13. 14. vid. n. men Sand. 4. tit. 1. def. 2. Annæum Robert. 2. judic. 10. Constitutiones tamen Brabantiz ducum, subscriptionem notarii desiderant, etiam testatoris si scribere possit, denique & testium. Aliter debet ejus fieri mentio in mento. Edict. de ann. 1611. Jun. 12. Perez. Cod. hic. n. 20.

Quod etiam jure Gallicano observari, scribit Charond. pand. jur. gall. tit. de Testam. vid. ex parte diff. Fabrum de error. pragmat. decad. 58. error. 1. 2. & decid. 69. error. 4. Merend. 3. contr. 56. Mantic 2. conj. 12.

Quinimo in hac nostrâ Provinciâ per Ordinum decis. de ann. 1659. April. 14. constitutum, ut si testium alter subscribere nesciat, in ejus locum tertius adhibeatur testis, litterarum peritus, ut d. decis. scripturam desiderare videatur.

LIBER. II. TITULUS. XI.

D E

MILITARI TESTAMENTO.

SUpradicta diligens observatio in ordinandis testamentis, militibus, propter nimiam imperitiam eorum, Constitutionibus Principalibus remissa est. Nam quamvis ii neque legitimum numerum testium adhibuerint, neque aliam testamentorum solemnitatem observaverint, rectè nihilominus testantur, videlicet cum in expeditionibus occupati sunt: quod meritò nostra Constitutio introduxit. Quoquo enim modo voluntas ejus suprema inveniatur, sive scripta, sive sine scriptura, valet testamentum ex voluntate ejus. Illis autem tem-

temporibus, per quæ citra expeditionum necessitatem in aliis locis vel suis ædibus degunt, minimè ad vindicandum tale privilegium adjuvantur. Sed testari quidem, etsi filii familiarum sunt, propter militiam conceduntur: jure tamen communi, eadem observatione & in eorum testamentis adhibenda, quam in testamentis paganorum proximè exposuimus.

1. Planè de testamentis militum divus Trajanus Cætilio Severo ita rescripsit: id privilegium, quod militantibus datum est, ut quoquo modo facta ab his testamenta rata sint, sic intelligi debet, ut utique prius constare debeat, testamentum factum esse, quod & sine scriptura & à non militantibus fieri potest. Si ergò miles, de cujus bonis apud te queritur, convocatis ad hoc hominibus, ut voluntatem suam testaretur, ita loquutus est, ut declararet, quem vellet sibi hæredem esse, & cui libertatem tribueret: potest videri sine scripto hoc modo esse testatus, & voluntas ejus rata habenda est. Cæterùm si (ut plerumque sermonibus fieri solet) dixit alicui, *Ego te hæredem facio*, aut, *Bona mea tibi relinquo*, non oportet hoc pro testamento observari. Nec ullorum magis interest, quam ipsorum, quibus id privilegium datum est, ejusmodi exemplum non admitti. Alioqui non difficulter post mortem alicujus militis testes existerent, qui affirmarent se audisse dicentem aliquem, relinquere se bona, cui visum sit, & per hoc vera judicia subverterentur.

2. Quinimò & mutus & surdus miles testamentum facere potest.

3. Sed hætenus hoc illis à Principalibus Constitutionibus conceditur, quatenus militant, & in castris degunt. Post missionem vero veterani, vel extra castra alii, si faciant adhuc militantes testamentum, communi omnium civium Romanorum jure id facere debent. Et quod in castris fecerint testamentum, non communi jure, sed quomodo voluerint, post missionem intra annum tantum valebit. Quid ergò si intra annum quis decesserit, conditio autem hæredi adscripta post

annum extiterit? an quasi militis testamentum valeat? Et placet valere quasi militis.

4. Sed & si quis ante militiam non jure fecit testamentum, & miles factus, & in expeditione degens, resignavit illud, & quædam adjecit, sive detraxit, vel alias manifesta est militis voluntas hoc valere volentis, dicendum est, valere hoc testamentum, quasi ex nova militis voluntate.

5. Denique & si in adrogationem datus fuerit miles, vel filiusfamilias emancipatus est, testamentum ejus quasi ex nova militis voluntate valet, nec videtur capitis deminutione irritum fieri.

6. Sciendum tamen est, quod cum ad exemplum castrensis peculii, tam anteriores leges, quam Principales Constitutiones quibusdam quasi castrensia dederant peculia, & horum quibusdam permissum fuerat etiam in potestate degentibus testari, nostra id Constitutio latius extendens, permiserit omnibus in hujusmodi peculiiis testari quidem, sed jure communi. Cujus Constitutionis tenore perspecto, licentia est, nihil eorum, quæ ad præfatum jus pertinent, ignorare.

C O M M E N T A R I U S.

A D R U B R I C.

1. Testamentum militare non semper est Militis, & vice versa.
2. Miles describitur.
3. Desinitur Testamentum militare.
4. Imperitiæ privilegii fuit occasio.
5. Miles, quomodocumque velit, testari poterit.
6. Qua requisita Testamenti nuncu-

pativi?

7. Qua Testamenti scripti?
8. In expeditione demum testantur.
9. Non si degant in locis limitariis.
10. Secus quam obtines, si licentiâ Imperatoris propter infirmitatem castra excefferint.



Actenus de testamento solemnî tam nuncupativo quam scripto fuit actum, quod etiâ commune, vel paganicum appellari solet, Non quod in pagis, vel à gentilibus confectum, verum à civibus, qui paganorum appellatione comprehensi, militibus oppo-

nun-

nuntur. l. 36. §. 1. hic. Ut testamentum militare dicatur, quod non solemniter, aut more civico, sed jure militari, id est, ex privilegio militibus concessio, conditur. Dictum in Rubr. nostrâ, *Testamentum militare*, accuratius quam in rubricâ D. & Cod. ubi *militis testamentum*, appellatur.

Neque enim omne militis testamentum, est militare vel privilegiatum: quia potest esse paganicum, si alibi quâ in expeditione testetur niles. Cumque testamenti denominatio non tam ex personâ testatoris, quâ ex testandi formâ defumatur, potius quod est privilegiatum, *militare*, quam *militis*, appellabitur. Nam omne privilegiatum hoc in loco est militare, & vice versâ; licet non omne testamentum militis, seu à milite factum, sit privilegiatum, in quantum ordinaria juris solemnia in hybernis sunt adhibenda, ut ipsum sustineatur.

IN PRINC.

Supradicta diligens observatio, militibus.] Loquitur de solemnibus titulo superiorum explicatis, quæ militibus in militari testamento remissa esse indicat. Quod ut melius innotescat, quis sit miles, & quid testamentum militare, explicandum erit. *Miles est, qui in numerum relatus, sub armatâ militiâ, stipendia meret.* Dico, in numerum relatus: quod ex eo demum tempore quis militare incipiat. Proinde lecti tirones, licet publicis expensis iter faciant, nondum milites censentur. l. 42. D. hic. l. 16. Cod. eod. l. pen. & ult. Cod. de Comeat.

Nec obst. l. unic. §. fin. D. de bonor. poss. ex testam. milit. Quia non ibi quis militiâ solutus erat, sed translatus, ut propterea jure militari testari potuerit.

Additur, *sub armatâ militiâ*: ut ita qui militat in sago ab eo qui in togâ militat discernatur. l. 6. l. 18. D. de Re judic. qui licet in numerum sit relatus. §. 15. Instit. de excus. tutor. l. 6. §. 10. D. eod. non tamen sub armatâ militiâ continetur. §. fin. hic.

Denique adjicitur, *stipendia meret*: quia milites de publico aluntur. l. 31. Cod. loc. l. 15. Cod. de re militar. ut quamvis gratis militent, quod raram est, privilegiis militaribus non destituantur. Quasi majori digni favore, qui non tam spe lucri, quam amore patriæ suam vitam periculis exponunt. De cæteris requisitis, ut quis dicatur miles vid. l. 11. 25. 38. §. 1. l. 43. D. hic. l. 3. Cod. de Fabrienf. libr. 11. l. fin. Cod. de Veteran. libr. 11. Veget. 1. de re militari. c. 8. Tacit. Histor. 1. cap. 70. & 4. cap. 35. & Lipsium in comment. ad Annal. Taciti. Fabrot. ad Theoph. in comm. hic.

Testamentum sequitur militare, *Quod militia factum est à milite, vel ab eo, qui loco militis censetur.* Dico, *militia*, non domi, non in hybernis; quod nisi in castris & expeditione factum sit, militare testamentum non dicatur.

Adjicio, *vel ab eo*; quoniam etiam non militantes, modo in hostico versentur, jure militari testari possunt. l. unic. D. de bon. poss. ex testam. milit. Ut tamen non testentur, si sint filii familiarum, nec valeat ipsorum testamentum intra annum post reditum. Quo nomine privilegia militum majora censentur, quam eorum, qui versantur in castris, sed in numerum relati non sunt. vid. de testamento militari, Connan. 9. comm. 5. Clarum 5. sent. §. testamentum. q. 15. Chassan. catalog. glor. mundi. part. 9. confid. 1. Petr. Fabrum in §. jus nostrum. D. de Regul. jur. Gregor. Tholos. libr. 19. c. 1. Bocerum de bello. c. 22. 23.

4. *Propter nimiam imperitiam eorum.*] Quin etiam propter imperitiam militibus hoc privilegium sit indultum, negari non potest. Tum propter textum expressum hujus tituli, tum propter l. 3. Cod. eod. ubi militum simplicitati hoc privilegium, ut inquit Macer, præmii loco tributum est. l. 26. §. 1. D. hic.

An igitur privilegium censebitur, quod alicui ignorantia nomine indultum est? An nullum præmium simplicitas, & juris error meretur? Dicam quod sentio, militum imperitia etiã privilegii fuit causa, seu potius occasio, licet non præcipua: quod potissimum militibus varia sint indulta privilegia, propter ea quæ subeunt pericula, causâ reipublicæ. Nov. 149. Etiam quod in castris consulendi peritiores non detur occasio. Quo nomine minores, rustici, mulieres non eximuntur juris ordinarii solemnibus, & si legum peritiã desituantur, quod peritiores consulere valeant. l. 2. §. fin. D. quis ordo in bonor. poss. serv. l. 10. D. de bon. poss.

Neque tamen absurdum censei poterit, si militibus propter juris ignorantiam aliquod tribuatur privilegium, occasione rei alicujus quæ ignorantiam illam comitatur. Quo sensu ipsa ignorantia (ita loquar) quasi laudem meretur. Quia enim milites neglectis juris formulis toti sunt in armis, eoque imperitiores quo minus temporis juris indulgent cognitioni; eapropter imperitiæ occasione merito iisdem præmia sunt indulta. Unde Gordianus Imperator: *arma magis scire, quam jura milites, sacratissimus legislator existimavit.* l. fin. in med. princ. Cod. de jure delib. & Cassiod. 1. var. 17. *Mens devota præliis non debet aliis cogitationibus occupari.* Quod exaggerat Imperator Justin. Novell. 47. §. quisquis autem. *Militibus armatis civilium causarum ignorantia est, & solius circa bella concupiscentia causa est studiosa, & jussu laudabilis.* Gail. 2. obs. 118. n. 7. Vigl. hic. n. 8.

Constitutionibus principalibus remissa est.] Videtur hoc privilegium à Julio Casare primitus concessum fuisse militibus. l. 1. D. hic. postmodum per Augustum, & subsequentes Imperatores vel auctum, vel approbatum. in princ. Instit. tit. seq. & §. 6. Instit. hoc tit.

Quo-

Quo quo enim mado voluntas ejus suprema invenitur.] Sensus non est, quod-
cumque militis dictum ultimæ voluntatis nomen fortiri. Quid si enim per
jocum & ludum quem nuncupet hæredem? Quid si, ut plerumque incon-
sideratè, & non serio dixerit alicui; *te facio hæredem*? Suprema voluntas
non erit, quod non censeatur deliberatum animi judicium, quale desidera-
tur, ut voluntatis dicatur esse sententia. §. seq. hic. Argum. l. 3. §. 2. D.
oblig. & actio. Verum sensus verborum est, si quidem constiterit testa-
mentum militis esse factum, licet nullæ sint interpositæ de jure requisitæ
solemnitates, nihilominus ut ultima voluntas sustinebitur. Quia tamen
de jure gentium requisita in testamento militari non sunt remissa: neque
enim illa remitti poterant, cum de voluntate militis constare debebat, ideo
nonnulla si testamentum vel scriptum fuerit, vel nuncupativum, erant adhi-
benda.

Quod spectat nuncupatam militis voluntatem, in eâ oportet adhiberi
testes, quia tota fide testium nititur; nisi aliter de voluntate constare po-
tuerit. l. 40. D. hic. Et quidem testes duos desiderarem, quod pluralis nu-
meri fiat mentio in princ. & §. 1. hic. qui si certus non sit, duorum nume-
ro contentus erit, l. 12. D. de testibus. Excluso testimonio unius, quod pro-
bationis privilegium non meretur. l. 20. D. de quæstion. Plutarch. in Ca-
ton. Uticens.

Non autem necessarium est, ut testes ad actum testandi sint rogati; quod
suffecerit illos vel fortuito advenisse. Remissa enim est omnis juris civilis
solemnitas, nec alia desideratur, quam quæ jus gentium exigit, quo satis
constat de voluntate militis, licet testes non sint vocati. l. Lucius. D. hic.

Neque obstat. §. 1. in verb. *convocatis ad hoc hominibus*. Quod ablativus
absolutus quandoque factum indicet, non vero inferat necessitatem, nisi
quando conditionem indicat. Arg. l. 1. Cod. de jure Emphyteus. vid. Gail,
obs. l. 18. n. 17. Cujac. consult. 49. Bocerum de bell. c. 25.

Non itidem necessarium est testimonium masculorum; (quæ solemnitas
erat juris civilis) quod suffecerit adesse homines, quorum appellatione cri-
am venit scæmina. §. 1. in princ. hic. l. 152. D. de verb. signif.

Neque obstat, quod improbable sit mulieres sequi castra, vel in peri-
culis versari. Quoniam certum est, quandoque scæminas castra secutas, ade-
oque laborum atque periculorum socias fuisse. Ut si forte reperiantur in
castris, à testimonii dictione non videantur removendæ. Clarus §. testa-
mentum. q. 55. n. 5. Vasq. de success. creat. 2. §. 2. n. 9. 20. Zoef. D. hic.
num. 6.

Quod si scripto miles testetur, nulla solemnitas, nulli testes erunt neces-
sarii, modo constet de voluntate ejusdem. Dum forte saucius in acie, in

vaginâ aut clipeo, literis sanguine suo rutilantibus, quod fieri vult, annotet, aut in pulvere vel arenâ quid inscribat gladio vel hastâ, vice calami fungente. l. 15. Cod. hic.

8. *Item in aliis locis, vel suis sedibus degunt.*] Omnino legendum esse *sedibus*, non *ædibus* post Theophil. censent interpretes accuratiores. vid. Veget. de re mil. 3. c. 4. Lindenbrog. in comment. ad Ammian. Marcell. p. mihi 10. Stewech. in Veget. p. mihi 152. Fabrot. ad Theoph. in not. hic. Ex quibus colligitur milites jure militari testari posse, dum versantur in expeditione, castris, fossato aut campo, non dum sunt in suis sedetis, stativjs, hybernis. l. unic. D. de bonor. poss. ex testam. milit. l. pen. Cod. hic. Quod etiam suadet ratio, ab eo desumpta, quod in hostico versentur, ubi peritiores consulere nequeunt. vid. Fabrot. ad Theoph. hic. Carpz. jurispr. forens. p. 3. constit. 4. def. 28.

Neque obstat. §. 1. hñ. ubi Trajanus Imperator omnibus militantibus hoc privilegium concessit. Quandoquidem hic per *militantes* eos intelligimus, qui sunt in castris aut in expeditione, ut qui secundum excellentiam militare censentur. Præterquam quod dicendum sit, posteriores Imperatores explicasse satis, quinam per *militantes* sint intelligendi. in princ. & §. 3. hic. l. pen. Cod. eod.

9. Quid si in locis degant limitaneis, ubi hostis est ante muros & portas? Quia non sunt in hostico, vel in exercitu, & habent ante se mœnia, jure communi testari debebunt. Id quod multo magis militibus stationariis vel limitaneis est applicandum hoste remoto. in princ. hic. l. 2. §. pro limitan. Cod. de Offic. Prætor. Afric. l. fin. Cod. offic. milit. judic. Viglius hic. n. 3. Gail. 2. obs. 118. n. 13. diff. Cujac. conf. 49. Connan. 9. comm. 5. n. 9. Bocer. de bell. c. 26. n. 11.
10. Quid si miles licentiâ Imperatoris per aliquot dies extra castra se contulerit valetudinis curandæ gratiâ, an jure militari testari poterit? Resp. Si quidem in vicinum aliquod oppidum muratum se receperit, ibi jure paganico testari debebit, quia cessat ratio privilegii. Quod si in locum vicinum, non tamen adeo tutum devenit, ubi excursions faciunt milites, jure militari testari poterit. l. qui mittuntur. 35. §. fin. & l. miles. 34. in princ. D. quibus ex caus. major. l. 15. §. fin. D. eod. l. 3. l. 4. §. fin. D. de re militar. Vigl. hic. n. 5. Welsch. p. 1. consil. 17. n. 40. Bocer. de bello. c. 18. n. 6. & c. 26. n. 11.

§. 1.

1. Privilegium militare cernitur in multis.
2. Vel nunc testamentum condit.

3. Pagani poterunt de Moribus pro parte testati, pro parte intestati discedere.

Quo-

Quoque modo facta testamenta.] Milites quomodocumque voluerint, testari poterunt, modo de eorum voluntate consuet. §. 1. hic. l. 1. Cod. eod. Et si dubitetur num jure militari testari voluerint, præsumendum erit eos facillimum testandi genus elegisse. l. 3. D. hic. Cernitur hoc privilegium militare quam maxime in testandi modo & formâ. In quantum miles nullas solemnitates adhibere tenetur, nec requisita testamenti paganici observare. Unde nec hæredem instituere cogitur, quod caput est & fundamentum paganici testamenti. l. 1. Cod. hic. Ex certo tempore & ad certum tempus hæredem instituere potest. l. miles ita. D. hic. Pro parte testatus, & pro parte intestatus discedit, etiam ex re certâ hæredem scribit, ut quod superest debeatur hæredibus ab intestato. l. 1. Cod. eod. l. si miles. D. hic. Excepto casu l. 2. 3. Cod. eod. Quod ita receptum ex benignâ voluntatis interpretatione, vel quia in dd. ll. non tam ex re certâ, quam ex certâ portione hæreditariâ quis erat scriptus hæres. vid. Duaren. hic. Unde duplex patrimonium habere censetur, paganicum & castrense. Quicquid illius est hæres, æs alienum ejus nomine contractum feret, sicut qui hujus est hæres, debitum occasione castrensis peculii contractum solus sustinebit. l. 17. §. 1. D. hic. Quinimo duobus factis testamentis discedit, sic ut utrumque, nisi postremum adversetur priori, sit validum. l. militis. 36. §. 1. D. hic. l. 19. D. eod. vid. l. 17. §. 1. D. eod. Vasquez. 3. de success. creat. §. 24. limit. 24.

Non etiam interest, si testamenti spectemus modum, purè, an in diem, an ex die aliquem hæredem scribat. l. 41. D. hic. l. 8. Cod. eod. Uti nec interest verbis an solo nutu quem indicet hæredem; verbis dispositivis, an demonstrativis; notis, an litteris. l. 40. D. hic. l. 7. Cod. eod. Arg. l. 21. D. Leg. 3. junct. §. sed non usque. Instit. de legat. Gloss. & DD. ad l. jubemus. Cod. qui testam. facere. Tiraquell. de Privil. piz caus. privil. 8. 12. Cujac. 3. obs. 3. Vasq. 2. de success. progress. §. 20. n. 44. Perez. Cod. hic. n. 7. Bocerus de bell. c. 18.

Unde si miles moribundus rogatus, num Cajum sibi hæredem velit, præsentibus testibus fessâ voce dixerit, *ita*, vel *maxime*, *volo*, vel annuerit, ad instar fideicommissi militis voluntas censeretur debet. Neque enim ulla requiritur solemnitas in testamento militis Romani præter eam, quæ est juris gentium; quod nihil aliud flagitat, quam ut congrua sit responsio ad interrogata. Arg. princ. Instit. hic. & l. 1. §. 2. D. verb. oblig. diff. Cujac. consult. 36. Tulden. ad tit. Cod. de Testam. n. 8.

M O R I B U S.

Pagani poterunt pro parte testati pro parte intestati discedere. Et si spectemus bonorum differentiam in allodia & feuda, poterit agnatus

repudiare hæreditatem allodialium, & amplecti feudā. libr. 2. tit. 45. feudorum, ubi Groenwegen. post Grot. 2. introduct. §. pen. Goris tract. 4. advers. §. 12. Gudel. 2. de jure noviss. cap. 5. Burgund. ad Flandr. tract. 13. n. 31. vid. Clarum §. testamentum. q. 16. Socinum in regul. testatus pro parte.

Insuper de moribus ex re certā scribi potest hæres; quin imò ne quidem hæredem testamento scribi necessum est, quod legatis exauriri possit hæreditas, nisi sint quibus quarta jure fuerit debita.

Quod si alius sit hæres mobilium alius immobilium, pro ratā emolumentis æ alicum inter eos dividetur. vid. Burgund. ad Flandr. tract. 13. n. 39. Argentr. ad Brittan. art. 219. gloss. 7. & 8. Mornac. in l. 50. §. tractatum. D. de judic. Goris advers. tract. 2. cap. 5. Aliter Costal. ad l. 3. D. famil. ercisc.

§. 2.

1. Mutus & Surdus Miles testari poterit.

2. Potest etiam qui scribere de facto non potest, suam declarare voluntatem.

1. **Q**uinimo mutus & surdus.] Mutum & surdum qui casu, vel vulnere aut morbo talis est factus testari posse, hic inter militis privilegia refertur. An ergo qui ab ineunte ætate hisce vitiis laboravit testari poterit? Id quidem videtur velle gloss. & qui eam sequuntur, verum per absurdum; cum qui naturā mutus est & surdus, voluntatem suam certo manifestare nequeat. Præterquam quod inauditum sit, mutum & surdum natum in numerum militum recipi, ut qui jussu Imperatoris exaudire non potest. Quinimo non omnis ille qui factus est surdus & mutus jure militari testatur, nisi antequam fuerit dimissus, suam voluntatem declaraverit. §. 3. hic. l. 4. D. cod. vid. tamen Tiraquell. de Privil. piæ causæ, q. 9.

Verum objecerit quispiam, non hoc videri militare privilegium, cum etiam paganus casu factus mutus & surdus testamenti factionem retineat. *Respondeo*, id quidem verum est, non semper tamen pagano conceditur testandi facultas, quia non nisi ex licentiâ Principis, & secundum normam præscriptam in l. 7. D. hoc tit. saltem jure posteriori secundum modum explicatum in l. discretis. Cod. qui testam. fac. Verum niliili furedo & mutus testari concessum est quoquo modo velit, si quidem suam voluntatem significare valeat. Ut hic duplici privilegio gaudeat miles, & quod non impetratā veniā, & quod jure militari testari potuerit. Id quod emphaticè per verbum initiale *quinimo*, §. 2. hoc tit. videtur expressum. Sic ut hallucinetur Bacchovius, qui existimat, postquam jure Cod. paganus mutus & surdus non desideravit Principis licentiā, inter privilegia militaria non amplius esse

esse referendum, quod hic §. 2. exprimit. Quasi in eo solo consisteret privilegium, quod mutus & surdus non impetratâ veniâ testetur, & non potius quod etiam filius familias miles testari possit, & licentiam testandi jure militari habeat, licet scribere nequeat.

Verum dixerit quispiam, qui poterit miles suam declarare voluntatem 2. si usum sermonis, & scribendi facultatem amiserit? *Resp.* Is nihilominus legendi facultatem quod ab alio conscriptum est, retinere potuit, ut propterea nutu quod velit, declarare valeat. vid. Duaren. 1. anniv. disp. 3. Bocer. de bello. c. 18. n. 16. 17.

Quæ de muto & surdo milite hætenus sunt allata, eadem ex rationis paritate cæco militi applicari debebunt.

§. 3.

Veterani gaudent privilegio.

Sed hætenus hoc illis.] Privilegium militare duplici ratione hoc §. 3. limitatur. Et quod milites non aliter jure militari testari possint, quam si in hostico versentur; uti ad initium hujus tituli fuit explicatum. Et quod veterani postquam dimissi sunt, quoquo modo sint dimissi, jure militari testari nequeant. §. 3. hic. l. pen. Cod. eod. Si tamen missi sint honestè, vel justâ de causâ, quæ causaria missio appellatur, (secus si causâ ignominia) testamentum quod in expeditione factum erat, intra annum post missionem valebit. §. 3. hic. l. 26. D. eod. l. 5. Cod. eod. vid. de veteranis. l. 2. Cod. de remilit. Senec. epistol. 68. Tacit. histor. 4. Isid. Orig. 2. c. 2. Fabrot. ad Theoph. hic. Quod etiam extenditur ad casum, quo intra annum miles decessit, licet post annum conditio hæredi adscripta demum extiterit. Cum enim conditio retrorahatur ad initium. l. 38. D. hoc tit. quod in iis quæ juris sunt spectari debet, non officit dispositioni conditionem demum post annum extitisse. l. si filiuf. famil. D. de verb. obligat. Non tamen extenditur ad testamentum Tribuni militum; quod propriè loquendo dimissus non dicatur. l. 21. D. hic. vid. tamen Cujac. ad d. l. tract. 4. ad African.

Sicuti nec ad eorum testamenta, qui militant ut catulus in sylvis. Argum. l. generaliter. §. 2. §. eos. Cod. Episc. & Cleric. Zaf. de Substit. c. 5. verb. hæc quæ diximus. Bocer. de bello c. 26. n. 7. Aut qui milites sunt honorarii, equestri dignitate ornati, nomine tenus milites, non re ipsâ. Ut privilegium militare cessare debeat. Argum. d. l. 52. Alciat. in l. 7. num. 25. & l. 15. n. 8. D. Vulg. & pupill. substit. Mant. 6. de conject. ult. volunt. tit. 1. n. 34.

§. 4.

Ante Militiam factum Testamentum valet, quasi ex novâ Militis voluntate.

M m m m

Sed

Sed & si quis ante militiam.] Loquitur de pagano qui cum militiæ nomen non dedisset, saltem in numerum non esset relatus, testamentum non jure fecerat. Quod si miles sit factus, tanquam ex novâ militis voluntate, sustinebatur. §. 4. hic. l. 15. §. 2. D. eod. Insigne privilegium militare, quo remittuntur in testamento pagani de jure requisitæ solemnitates, & fingitur nova esse voluntas, quæ forte nova non est, sed eadem prorsus. Nisi quis eam propterea novam censeat, quod denuo fuerit approbata: quandoquidem tum facimus aliquid nostrum, cum nostram ei accommodamus auctoritatem. Arg. §. pen. Instit. Procem.

An ergo denuo valebit testamentum ante militiam factum, si in eo miles factus nonnihil novaverit, induxerit, adjecerit, vel emendaverit? An si etiam nihil tale effecerit, tanquam ex novâ militis voluntate sustinebitur? Prius affirmare videtur l. 20. §. 1. D. hic. posterius tamen probat l. 15. §. 2. D. eod. cujus legis sententia retinenda est, ut quæ congrua §. 3. hoc tit. Sic ut audiendus non sit Bacchovius, alique qui nescio quas dubitationes movent, ut leges quæ dissidere videntur, concilient. Dicendum potius quæ dictæ l. 20. defunt esse supplenda ex d. l. 15. §. 2. D. eod. Neque enim lex quæ minus dicit, adversatur legi, quæ plus infert. Et hanc conciliationem admittendam esse, colligere licebit ex particulâ *veluti*, & seq. *si nihil horum acciderit*, in d. l. 20. id est, talium, vel similium, ita ut sub voculâ *horum*, contineantur quæ hic in §. 4. occurrunt, *si alias manifesta est militis voluntas, hoc valere volentis*.

Neque obstat illud Zocfii hic. quod nisi aliquid eorum, quæ in d. l. 20. enumerantur accidisset, non esset super quo nova voluntas fundaretur. Non enim hic est nova voluntas, sed quasi ex novâ militis voluntate testamentum valere dicitur. Cujus fundamentum sufficiens est, prioris voluntatis approbatio, vel expressa, vel tacita. §. 4. hic. l. 15. §. 2. D. eod. quæ vim habet testamenti factionis. l. lege. D. de verb. sign. vid. Connan. 9. comm. 5. n. 6. Duaren. ad hunc tit. c. 3. Viglium, Hottom. hic. Pacium 8. Antin. 71. Lyclam. 6. Eclog. 7.

§. 5.

1. Capitis damnatus testari potest.

2. Variis in casibus testari non potest.

3. Minima capitis deminutione non

fit irritum Testamentum Militis.

1. **D**enique & si.] Privilegium militare etiam in eo consistit, quod miles capitis damnatus, idque ex delicto militari super peculio castrensi vel quasi castrensi possit testari, nec quod ante fecit testamentum per damnationem fiat irritum. l. 11. in princ. D. hic. l. 13. Cod. eod. Militare delictum

cum appello, quod aliquis tanquam miles admisit, aliter non commissurus, veluti si in expeditione arma abjiciat, si stationē deferat. l. 2. 6. D. de re milit.

Si tamen delictum militare contineat fidem ruptam, testari non poterit. 2. l. 2. 3. D. de Re milit. l. militibus. Cod. hic. vid. Bocerum de bello c. 18. n. 22.

Sicuti testari non potest, si maximam passus sit capitis deminutionem, servus hostium effectus per captivitatem. l. 10. D. hic.

Quod si minimam passus sit capitis deminutionem, sicuti nihilominus 3. testari potest, ut si ex patre sit factus filius-familias, ita etiam ejus testamentum antea factum quasi novâ militis voluntate confirmatum non sit irritum; secus quam in paganis obtinebat. §. 4. hic. & §. 4. Instit. quibus mod. testam. infirm. l. 8. §. si post. D. de jure codicill.

Quod si miles fuerit emancipatus, id est, ex filio-familias sui juris effectus, an quasi ex novâ militis voluntate convalescere debebit? Resp. Cum miles filius-familias inspecto peculio castrensi loco patrifamilias habeatur, nihil interest, in potestate remanserit, an fuerit emancipatus. Cur ergo hic casus in §. 6. hoc tit. adrogationi accensetur, quasi, sicuti in casu priori d. §. 6. ex novâ militis voluntate testamentum ante emancipationem factum convalesceret? Resp. Forte, quia propter mutationem personæ testamentum de rebus castrensibus tempore potestatis patriæ conditum, extingui videri poterat primâ facie si crassius loquamur, ut nonnunquam fit in institutionibus, ut propterea hic sermo fiat de emancipatione. Licet veritate rei inspectâ, contrarium sit dicendum, per l. si quis filio. §. fin. D. de injust. rupt. Quapropter etiam in fine §. 5. hoc tit. statuitur, *nec videri fieri irritum*. Quinimo dixerit quispiam, non fit testamentum irritum, ut frustra addatur, *nec videri fieri irritum*. Id verum esse fateor, sed quia forte alicui minus accurate attendenti videri poterat fieri irritum capitis deminutione, Arg. §. 3. de cap. minut. eapropter respondet non videri fieri irritum, accurate ad singula attendenti, præsertim ad d. l. si quis. advertenti. Vel etiam dici poterit, illa verba §. 6. hic. *quasi ex novâ militis voluntate*, non necessario referenda esse ad *emancipationem*, quod sufficiat ea ad *arrogationem* ordinari. Quicquid sit, negari non poterit, quin Tribonianus minus accurate & incongrue in hoc §. 6. fuerit locutus; ut propterea hic locus non debeat videri inextricabilis, quem me satis expedivisse post Hofferum, existumarem. vid. Lyclam. 7. Eclog. 47.

§. 6.

1. Quis Miles Togatus?

2. Et quomodo testetur?

3. Nostri temporis Milites privilegia merentur militaria.

- 1.2. **N**ostra id constitutio latius extendens.] Sicuti duplex est militia sagata & togata, ita etiam peculium aliud erat castrense, aliud quasi castrense. De hoc testari permissum est filiisfamilias, muneribus reipublicæ vacantibus. §. 6. hic. l. unic. Cod. quimilit. possess. l. 8. Cod. de proxim. sacror. scrinior. tit. Cod. de Princip. agent. in rebus. Neque enim illi minus provident humano generi, quam si præliis vel vulneribus patriam salvam redderent. Quam comparisonem inter utramque militiam facit Imperator in l. 14. Cod. de Advoc. divers. jud. vid. Reinhard. Rebbichium in lex. nov. critic. p. 90. lib. 10. cap. 10. Fabrot. ad Theoph. hic. Id quod anterioribus Principum constitutionibus (quibusdam, l. 1. §. nec castrense. D. collat. honor. l. velint. Cod. de assess. l. fin. Cod. de inoff. testam.) id est Imperatoris Justiniani constitutionibus, omnibus militibus togatis est concessum. l. fin. Cod. de inoff. testam. Nov. 123. Quia vero domi versantur extra pericula & armorum strepitum, ea propter non nisi jure solemniter testari poterunt. §. fin. hic. l. fin. in princ. Cod. de jure delib. Salicet. ad l. 1. Cod. de jur. & fact. ignor. q. 5. Sichard. ad rubric. Cod. hic. n. 7. Vafq. de success. creat §. 24. n. 32.

Ut tamen illis non concedatur testamenti factio, si filii familiarum sint, nisi in quantum sunt quasi in expeditione togatorum, id est, actu legunt, vel docent, vel consulunt, vel patrocinantur, vel aliis fungentes muneribus suis laboribus prodesse conantur. Ut desides, qui nomine tenus sunt advocati, vel officiorum nominibus gaudent, privilegiis militiæ togatæ indigni judicentur. Argum. l. generaliter. §. 2. §. eos. Cod. de Episcop. & Cleric. Grassus §. testamentum. q. 4. Zif. in l. milites. n. 8. D. de Re judic. Gail. 2. obs. 118. n. 13.

MORIBUS.

3. Nostri temporis milites, licet testamentorum paganorum tantæ non sint solemnitates, atque quidem de jure Romano, nihilominus nullis observatis solemnibus, dum sunt in expeditione jure militari testari poterunt. Licet enim militia hodierna in nonnullis forte non adeo laboriosa atque dura, non tamen minus est periculosa, & tamen minus privilegiata, quod apud nos honesta nulla sit missio, vel justum militiæ tempus, verum omnis causaria, quando ineptis ad militiam factis stipendium hebdomadale vel mensuum persolvitur. Alex. Alciat. ad l. centurio. num. 15. D. vulg. sublit. Bartol. Salicet. in l. 1. Cod. de juris & fact. ignor. Clarus §. testamentum. q. 15. 16. Mantica. 6. de conj. ult. vol. 1. de Præcis 3. de testam. interpr. 2. dub. 1. solut. 8. Gail. 2. obs. 118. Coler. decis. 243. Bellonus tractat. de re militar. Wesenb. p. 1. consil. 17. n. 32. Boccr. de bell. c. 23. n. 8. Vaud. 1. varior. 25. Gomef. ad l. Tauri. §. 0. n. 68. Viglius Instit. hic. in princ. n. 11.

Cu-

Gudelin. §. de jure noviss. c. fin. n. 8. Grot. 2. introd. tit. 17. §. een Krijchsmann. Zoef. D. hic. n. fin. Carpzov. Instit. forens. p. 3. constit. 4. det. 26. 27. Christin. ad rubric. 17. statuti Mechlin. Quæ sententia in tantum placet pragmaticis ut statuatur etiam eos milites qui in limitaneis locis degunt, ubi Hannibal est ante portas, jure militari testari posse. Cynus in l. 1. Cod. de juris & fact. ignor. q. 6. Zasius tractat. de Substit. c. 5. Matth. Wesemb. p. 1. consil. 1. Bocerius de Bello. cap. 26. n. 11. Hænon. disput. 8. ad Instit. num. 10.

Quin imo testamentum militare valuisse in castris, ubi vel coram ecclesiæ Ministro saucius miles declarabat suam voluntatem, me tum temporis impubere præsentem, benè memini. Ut minor forte de moribus quam jure Romano solemnitas videatur adhibita quandoque fuisse.

Non tamen militibus Florentinis eadem quæ Romanis concessa sunt privilegia, quia sunt mercatores. Additamenta ad Azonem in suum. Cod. hic.

Non itidem militibus Gallis, si fides Mornacio in l. 11. §. Veteranis. D. de Eviction. & l. 55. D. de jure dot. in fin.

In quâ etiam sententiâ fuisse Baronem indicant ea, quæ scripsit ad tit. Instit. hoc tit. in comm. poster. vid. Per. 2. Cod. tit. de milit. testam.

Nisi quis cum Decio ad rubricam Cod. hoc tit. velit hanc quorundam opinionem de militibus desidiis, sceleribus & latrocinis vacantibus esse accipiendam.

LIBER. II. TITULUS XII.

QUIBUS NON EST PERMISSUM FACERE TESTAMENTUM

NON tamen omnibus licet facere testamentum. Statim enim ii, qui alieno juri subjecti sunt, testamenti faciendi jus non habent. Adeò quidem, ut quamvis parentes eis permiserint, nihilo magis jure testari possint: exceptis iis, quos antea enumeravimus, & præcipuè militibus, qui in potestate parentum sunt, quibus de eo, quod in castris adquisierunt, permissum est ex Constitutionibus Principum testamentum facere. Quod quidem jus ab initio tantum militantibus datum:

Mmm 3.

est.

est, tam ex auctoritate divi Augusti, quam Nervæ, nec non optimi Imperatoris Trajani: postea vero subscriptione divi Hadriani etiam dimissis à militia, id est, veteranis concessum est. Itaque si quidem fecerint de castrensi peculio testamentum, pertinebit hoc ad eum, quem hæredem reliquerunt: si vero intestati decesserint, nullis liberis vel fratribus superstitis, ad parentes eorum jure communi pertinebit. Ex hoc intelligere possumus, quod in castris adquisierit miles, qui in potestate patris est, neque ipsum patrem adimere posse, neque patris creditores id vendere, vel aliter inquietare, neque patre mortuo cum fratribus commune esse: sed scilicet proprium ejus esse, qui id in castris adquisierit: quamquam jure civili omnium, qui in potestate parentum sunt, peculia perinde in bonis parentum computentur, ac servorum peculia in bonis dominorum numerantur: exceptis videlicet iis, quæ ex sacris Constitutionibus, & præcipuè nostris propter diversas causas non adquiruntur. Præter hos igitur, qui castrense peculium vel quasi castrense habent, si quis alius filius familias testamentum fecerit, inutile est, licet suæ potestatis factus decesserit.

1. Præterea testamentum facere non possunt impuberes: quia nullum eorum animi judicium est. Item furiosi, quia mente carent. Nec ad rem pertinet, si impubes, postea pubes: aut furiosus postea compos mentis factus fuerit, & decesserit. Furiosi autem, si per id tempus fecerint testamentum, quo furor eorum intermissus est, jure testati esse videntur: certe eo, quod ante furorem fecerint, testamento valente. Nam neque testamentum rectè factum, neque ullum aliud negotium rectè gestum, postea furor interveniens perimit.

2. Item prodigus, cui bonorum suorum administratio interdicta est, testamentum facere non potest: sed id, quod antè fecerit, quam interdictio bonorum suorum ei fiat, ratum est.

3. Item surdus & mutus non semper testamentum facere possunt. Utique autem de eo surdo loquimur, qui omninò

non

non exaudit, non qui tardè exaudit. Nam & mutus is intelligitur, qui eloqui nihil potest, non qui tardè loquitur, sæpè enim etiam litterati & eruditi homines variis casibus & audiendi & loquendi facultatem amittunt. Unde nostra Constitutio etiam his subvenit, ut certis casibus & modis secundum normam ejus possint testari, aliaque facere, quæ eis permixta sunt. Sed si quis post testamentum factum adversa valetudine, aut quolibet alio casu mutus aut surdus esse cœperit, tamen nihilominus manet ejus testamentum.

4. Cæcus autem non potest facere testamentum, nisi per observationem, quam lex divi Justinii patris nostri introduxit.

5. Ejus qui apud hostes est, testamentum, quod ibi fecit, non valet, quamvis redierit. Sed quod, dum in civitate fuerat, fecit, sive redierit, valet jure postliminii, sive illic decesserit, valet ex lege Cornelia.

COMMENTARIUS.

- | | |
|--|--|
| 1. <i>Nemo Testamentum facit nisi cui hoc permixtum.</i> | 6. <i>Neque Hæreticus.</i> |
| 2. <i>Cur Filius familias nequeat testari?</i> | 7. <i>Neque Damnatus capitis.</i> |
| 3. <i>Servus testari non potest.</i> | 8. <i>Mores explicantur.</i> |
| 4. <i>Neque qui de statâ suo dubitat.</i> | 9. <i>Enarratur Jus Canonicum.</i> |
| 5. <i>Neque Peregrinus.</i> | 10. <i>Privilegium castrensis peculii multiplex.</i> |



Nte omnia in omni ultimâ voluntate inquirendum est, 1. quis testari, vel non testari possit. Aliter testamentum quod is fecit, qui testamenti faciendi jus non habuit, pro testamento non habetur. Et licet inspecto ordine primum in causam efficientem inquirendum fuisset, quia tamen non adeo circa methodum sollicitus fuit Tribonianus, parum etiam curabimus, quid cui præponatur. Hoc vero titulo de iis agitur, quibus non est permixtum facere testamentum, non autem de iis, quibus id est permixtum: forte quia uno contrariorum cognito, alterum per se colligitur satis. in princ. Instit. qui sui vel alien. jur. Adeoque inferri debet quicunque non prohibitum testamenti fa-

ctionem

ctionem habere. Licet enim quisque jure gentium liberam nanciscatur disponendi facultatem, si animi gaudeat judicio: quia tamen faciendi testamenti jus, prout in civitatem Romanam receptum est, juris gentium non est; etiam civili jure, quæ sunt juris gentium, effectuum contemplatione restringi, coarctari, impediri poterunt, suadente publicâ commoditate. Arg. l. 6. D. de just. & jure. l. 9. D. eod. Hinc lege civili speciatim hic vel ille prohiberi poterit, ne testamentum faciat. Id quod ex hoc titulo 12. colligitur, quo illis interdictum est dispositione testamentariâ, qui vel conditionis ratione, vel animi corporisve vitii contemplatione remouentur.

IN PRINC.

2. *Statim enim ii, qui alieno juri subiecti sunt.*] Principio de talibus agit personis, quæ propter statum vel conditionem testamentum facere prohibentur; qualis est filiusfamilias. An quia de pecuniâ suâ quis testatur. l. 77. §. mando. D. de Leg. 2. l. 13. Cod. de Testament. filius autem familias nihil in suo censu habet? l. 7. Cod. qui bon. ceder. poss. Ita quidem voluit Ulpian. tit. 20. de Testam. & verum erat inspecto jure antiquo, ut ea jure novo cesset ratio, quo filius aliquid suum habere potest. An ergo, quia velle non creditur, qui obsequitur imperio patris? l. velle. 4. D. de regul. juris. Neque hoc dicendum videtur, cum filiusfamilias patre consentiente rectè donec causâ mortis, qui tamen volente patre non rectè disponit. Nisi quis per plenam voluntatem quam in testamento desideramus exclusum velit filiumfamilias, qui dum obsequitur parenti liberrimâ non gaudet voluntate. An potius filiusfamilias testari non potest, quia lex 12. tabularum, quæ testamenta confirmat, loquitur de patre familias? Id quod verissimum est; nam testamenti factio est ex iis quæ jure sunt permissa, quo nomine juris publici esse dicitur. Cumque lex tantum permittat patri testamentariam dispositionem, filium excludi manifesti juris est.

Quid si filiusfamilias sit legitimus tantum, seu adoptivus? Non tamen poterit facere testamentum, quia prohibitio ob filii conditionem vel statum, quem respexit legislator, facta est. l. 6. D. qui testam. facere Pac. in not. hic.

Quid si sit naturalis tantum? *Resp.* Licet non quidem inspecto jure civili potestati patriæ subiciatur, adeoque nullo expresso juris textu excludatur, videtur tamen dicendum hoc juri ci denegari debere, ne melioris sit conditionis, quam qui iustis nuptiis est quæsitus.

Quid si filiusfamilias qui testamentum fecit mortis tempore sui juris sit effectus? Non tamen ejus dispositio sullinebitur. in fin. principii hoc tit. l. 19. D. qui test. facere. Quod enim non valet ab initio, tractu temporis non

con-

convalescit. l. 29. D. de regul. juris. Id quod tum præcipue procedit, cum principium rei valuisse debuit. l. 4. D. qui testam. fac. l. 20. D. de regul. jur. Si tamen clausula adjecta sit codicillaris, per modum donationis causâ mortis, vel fideicommissi, ejus voluntas sustinebitur, si quidem in eâ voluntate perseveraverit. l. 1. D. de Leg. 3. vid. Covarr. 3. p. de testam. n. 12.

Quid si filiusfamilias à patre ad hoc tantum fuerit emancipatus ut testamentum faceret? Non videtur id admittendum, quod nemo pro parte videri debeat in potestate remansisse: cum quisque vel sui vel alieni juris censeatur, semotâ omni mixturâ. in princ. Instit. qui sui vel alien. jur.

Quid si consentiente patre ad pias causas fuerit testatus? Non tamen ejus dispositio sustinebitur. Neque enim respectu peculii adventitii pro patre familias habetur, ut ne quidem favore piæ causæ testari de eo potuerit. Præsertim cum principium hujus tituli, nonnisi castrense peculium excipiat, sub quo non continetur adventitium.

Quid si filiusfamilias secundum jus noviss. de iis testari velit bonis, in quibus patri non est quæsitus usufructus? Resp. Quandoquidem nondum in iis bonis pro patre familias habetur, etiam de talibus testari non poterit. Neque enim eo ipso quod aliquid dicatur ipsius pleno jure, testandi licentiam nanciscitur, sed forte liberam inter vivos administrationem; qui casus est Nov. 22. c. 26. & Nov. 117. §. c. 2. Excepto forte casu l. 8. Cod. de bon. quæ liber.

Neque obstat l. fin. Cod. de bon. quæ liber. ut quæ ad peculium castrense & quasi referenda est, quale tantum ante jus novellarum pleno jure ad filium pertinebat, non ullum adventitium. Cujac. ad d. Nov. 117. Donnell. 6. comm. 5. Perez. Cod. hic. n. 9. Zoef. D. eod. n. 17. Hænon. disp. ad Instit. 7. num. 13. ibique DD. vid. tamen alios casus apud Clarum §. testamentum. q. 17. Cæpoll. caut. 113. Socinum Regul. filiusfamilias. 154. Sneiderw. hic. in princ. Tessaur. decis. Pedem. 150.

Ratione status vel conditionis præter filiumfamilias à testamenti factio- 3.
ne servus excluditur. Et quia nihil proprium habere potest, & quia jure civili pro nullo habetur. l. 3. D. de manumiss. l. 32. D. de regulis juris. Nisi tamen fuerit servus publicus, qui inspecto jure antiquo de parte dimidiâ peculii disponebat. Ulpian. tit. 20. in princ. Vel principis cubicularius, qui de peculio testari potest. l. 5. Cod. hoc tit. ibique Gothefr. in not. Vel forte postmodum liber factus voluntatem priorem confirmaverit, quæ per modum fideicommissi sustinebitur. l. 1. §. 1. D. de Leg. 3.

Excluditur de statu suo dubitans, sit ne liber an servus. l. 14. 15. D. hic. 4.
etiam errans in statu. d. l. obses. nisi hoc ei à Principe sit concessum, vel jus togæ Romanæ impetraverit. l. 11. D. hic.

5. Excluditur peregrinus, quia testamenti factio est civium Romanorum. l. 8. D. hic. Videtur tamen contrarium colligi posse ex Ulpian. tit. 20 de testam. §. latinus, quod etiam jure noviss. revocatum per Auth. ut omnes peregrini. Cod. Comm. de success.
6. Excluditur hæreticus, etiam hæresios & hæreticorum fautor atque receptor. l. 4. & Auth. credentes. Auth. Gazaros. Cod. de hæret.
7. Excluditur damnatus capitis, & deportatus, in metallum damnatus, ultimo supplicio afficiendus. l. 8. D. hic. etiam ob crimen famosum condemnatus. l. 18. §. fin. hic. Neque hoc ipsum jure novissimo mutatum est per Auth. bona damnat. Cod. de bon. proscrip. quia solummodo ab intestato intra certos gradus admittitur successio. Vsq. illustr. quæst. c. 96. num. 2. Zoef. D. hic. n. 10. vid. Clarum §. testamentum. q. 19. Gomef. ad l. 4. Tauri. Nisi tamen à sententiâ fuerit appellatum, l. 13. §. 2. D. eod. vel illicitè quis sit damnatus, pœna nondum sumptâ. l. 6. §. 6. D. injust. rupt. irrit. vel fuerit miles propter delictum militare, non continens fidem ruptam, condemnatus. d. l. 6. §. irritum. l. & militibus. Cod. eod.

Non tamen accusatus ante condemnationem à testamenti factione removetur. l. 9. D. hic. Nisi quis sibi mortem consciverit, conscientia sceleris. d. l. 6. §. 6. l. 8. D. de Parric. Vel id agat dolo malo, ne unquam condemnetur. l. 8. §. 1. D. de manum. Vel perduellionis sit reus, cujus etiam memoria post mortem damnatur. l. 9. D. hic. l. 31. §. fin. D. de donat. l. 20. D. de accus. l. 5. §. 4. D. Ad l. Jul. majest.

MORIBUS.

8. Filiusfamilias (excipe Frisios) liberè de adventitiis testari potest, modo sit pubes. Mainardus §. c. 2. & 6. 7. c. 19. Gomef. ad l. Tauri §. Elbertus Leoninus 6. emend. 3. Goris tractat. 4. advers. §. 7. Consuet. Ultrajectinæ jussu ducis Albani collectæ. §. 4. 9. vid. Sand. 4. tit. 1. def. 1. Groenweg. hic. Dessel. in not. ad Zoef. hic. num. 10. 17. ibique DD. Anton. Marth. disp. fin. de success. n. 7. & seqq.

Ut tamen multis in locis plenam desiderent pubertatem, quæ est annorum 18. §. 4. Inst. de adopt. Statut. Transilul. p. 2. tit. 5. §. 8. Daventr. p. 3. tit. 4. §. 1. Omland. p. 3. §. 42. Ruræm. p. 3. tit. 6. §. 1. Mechlin. tit. 19. §. 24. Sluf. tit. 3. 2. §. fin. Franconatus Flandr. p. 2. tit. de testam. §. 73.

Secus quam obtinet apud Burgundos. Chassan. ad Burgund. tit. 7. §. 3. gloss. habilis. Hollandos. Grot. 2. introd. 15. Velavos. tit. 30. §. 1. Antverpianos. tit. 46. §. 6. Christin. ad Mechlin. tit. 19. §. 24. n. 3. vid. Zoef. hic. num. 3.

Nupera ordinatio decif. apud Ultrajectinos, de anno 1659. April. 14. art. 16. requirit 16. annos in sceminis, in maribus annos 18. atque decernitur

tur

tur insuper hoc statutum fore reale. Noviomagenfes in maribus desiderant annum 20. in foeminis annum 18. Goris ad verf. 4. §. 11. Mores itidem Palatinatus in teftatore plenam flagitant pubertatem.

Multoque magis filiusfamilias ad pias caufas fecundum pragmaticos teftari poteft. Tiraq. de privil. piz caul. privil. 78. Faber Cod. tit. 2. libr. 1. def. 40.

Obfides insuper de moribus teftamenta facere poffunt, quia id poffunt ab hoftibus capti. Alciat. in l. 118. D. de verb. fignif. Dauth. de Teftament. num. 201.

Peregrinos quod fpectat, illi etiam teftari poterunt. Burgund. ad confuet. Flandr. tract. 14. n. 5. Grot. 2. introd. 16. Groenweg. ad l. 1. Cod. de hæred. Inftit. Chriftin. 4. decif. 77. n. 6.

Secus quam in Regno Galliarum obtinet, ubi jus albinatus habet locum, fecundum quod peregrini quæ ibidem habent, coronæ relinquere tenentur. Dessel. in notis ad Zoef. hic. n. 18.

Nifi beneficij regio jus indigenarum vel litteras naturalitatis fint conceffi. Choppin. 1. de dominio Franciæ 12. n. 2. Gregor. Tholof. Synt. juris libr. 3. c. 19. & 42. c. 8. Baro ad Inftit. hic. in comm. pofter. vid. tamen Imbertum in Enchir. verb. bona. ex parte diffidentem.

Hæreticis itidem moribus Belgii fœderati libera de bonis teftandi facultas conceditur. Quæ tamen pars Belgii Regi paret Hispaniarum, hæreticos à difpofitione teftamentaria remouet, quando ob pertinaciam funt damnati. Zyp. not. juris belg. tit. de Teftam. Perez. Cod. hic. n. 14.

Capitis damnatis insuper teftamenti factionem concedunt mores, nifi bonorum publicatio, feu confifcatio, (quam in totum fublata non effe juris eft indubitati) pœnæ capitali fuerit conjuncta. Alberic. de Rofate. in Auth. bona damnat. Cod. de bon. profcript. Clarus §. fin. q. 78. n. 1. Farinac. prax. crimin. q. 25. n. 6. Gomef. ad l. Tauri. 4. Beuff. ad l. admonendi. 31. D. de jurej. n. 494. Wefemb. parat. D. qui teftam. fac. poff. n. 13. Coppen 2. obf. 107. Bertich. p. 3. conclus. 8. n. 9. Mevius ad Lubec, part. 4. tit. 9. artic. 1. n. 7. Chriftin. vol. 5. decif. 49. n. 6. Perez. tit. Cod. de bon. profcript. n. 22. Anton. Matth. difp. fin. de fuffeff. n. 10. 11. poft Groenw. ad §. alio autem modo. Inftit. quibus mod. teftam. infirm.

Contrauerfum effe de baftardis & furijs, utrum illi teftamenti factionem habeant, fcribit Grocius 2. introd. 15. §. *of die buyten echt*. In Galliâ tamen pro furijs iudicatum referunt Papon, 21. tit. 3. arrest. 5. 6. Chaffan. ad Burgund. tit. 8. §. 5. verb. *prens les heritages*. Choppin. 2. parif. 4. n. 7. Quod aliorum moribus non admiſſum eſt, niſi poſitis quibusdam conditionibus. Antwerp. tit. 45. §. 1. Lovaniens. c. 16. art. 1. 2. Mechlinenſe tamen

concedit. tit. 18. §. 1. 2. vid. Burgund. ad Flandr. tract. 13. n. 14. Everhard. consil. 70. & 220.

Nostre tamen Provinciæ id omnino videtur statuendum. per Rubric. 23. artic. fin. Statuti Ultrajectini. vid. jurisc. Batav. part. 1. consil. 135. 173.

Circa sceminarum dispositiones mores etiam sunt dissoni, nam quorundam locorum statutis conjux sine consensu mariti disponendi non habet potestatem, & si innupta sine curatore (quod & jure antiquo obtinebat. Ulpian. in Fragm. tit. 20. §. 14.) supremum non condit elogium. Chassan. ad Burgund. tit. 4. §. 1. Peckius de testam. conj. libr. 3. c. 1. Mevius ad Lubecense. p. 2. tit. 1. artic. 14. Transilul. part. 2. tit. 5. §. 7. Daventr. part. 3. tit. 4. §. 6. vid. Herbarum rerum quotid. c. 13. Anton. Matth. disp. fin. de success. n. 8. Zoef. D. hic. n. 17. in fin.

Legibus itidem Longobardorum sine consensu mundualdi scemina testari prohibebatur. Afflic. decis. Neapol. 260. Francisc. Vivius decis. 245. vid. Rævard. 5. varior. 1. n. 23.

JURE CANONICO.

9. Consent canonistæ filium simulac monasterium est ingressus ex privilegio de bonis adventitiis testari posse. Quinimo licet monasterium non fuerit ingressus, ejus testamentum favore piæ causæ factum patre consentiente subsistere statuunt. c. licet. de Sepult. in 6. Covarr. ad Rubric. tit. de testam. part. 3. in fin. vid. Barbosa. ad l. 1. Cod. de Sacros. Eccles. n. 9. Christin. 4. decis. 4. n. 6.

Etiam eo jure testari poterunt excommunicati. c. fin. de poen. in 6. Zoef. D. hic. n. 20.

Non tamen libertatem disponendi concedunt hæreticis. c. 10. de hæret. monachis, clericis, & administratoribus piorum locorum, de bonis in illo statu non aliunde quæsitis. vid. Clarum §. testamentum. q. 27. Grassum quæst. 34. Covarr. de testam. c. 2. n. 5. & c. 3. §. 1. n. 18. Fachin. 6. contr. 14. 15. 16. & seqq. Petrum Gregor. Tholos. Syst. jur. libr. 4. 2. c. 8. n. 3. & seqq. Rittershus. ad Novell. p. 6. c. fin. Ad quorum exemplum testandi dispositionem illis adinendam consent, qui in Nosocomiis, Xenodochiis, vel etiam à collegio cui pauperum cura commissa est, aluntur. Quasi nihil habeant, nisi quod ab illo collegio sunt consecuti, ut hoc ipsum collegio relinquere debeant. Arg. auth. ingressi. Cod. de Sacros. Eccles. De quâ tamen sententiâ nonnihil ambigere. Usurariis manifestis, nisi factâ prius illicitè adquisitionum restitutionis omnem testamenti factionem adiungunt. c. 1. in fin. de usur. c. 1. 2. 7. 8. 9. 12. de Testam. Covarr. 3. varior. resol. 13. num. 9.

Exceptis iis, quos antea enumeravimus.] Milites in potestate de castrensi peculio ex Principum constitutionibus testari posse, præcedenti titulo fuit explicatum. Nam ejus peculium efficitur hæreditas, l. 2. §. 2. D. famil. ercisc. l. 2. D. de castr. pecul. & ne jus civile violaretur, ipse pro patre-familias habetur. l. 6. §. fin. D. de injust. rupt. irrit. l. fin. D. ad SC. Tertulian. Id quod militiæ favore obtentum est, quæ publicam causam, cujus particeps est filiusfamilias, obtinet. l. 18. §. veterani quoque. D. jure fisci. Estque hujus privilegii triplex effectus, & quod peculium castrense pater auferre nequeat, & quod non debeat creditoribus patris, qui solvendo non existit, & denique quod non sit conferendum, ut inter legitimos hæredes id præcipuum filius retineat. in princ. hic. l. 1. §. nec castrense. D. collat. l. 52. §. idem Papin. D. pro socio. l. 12. l. fin. Cod. de Collat. Idem quod jure novo in peculio obtinet adventitio, non item profectio. l. certum. Cod. famil. ercisc.

Neque obstat. l. 3. §. sed utrum. D. de minor. Quoniam hoc singulare est in fisco, intuitu humanitatis fortè ita receptum. vid. Pichardum in comm. ad Instit. hic. Fabrot. in not. ad Theophil. eod. tit. litt. a.

Si vero intestati decesserint.] Hactenus explicatum fuit quid obtinere debeat si quando filiusfamilias testatus decessit. Subjungitur casus, quo intestatus concessit in fata, relicto castrensi peculio. Et quidem jure veteri exclusus omnibus aliis, ad patrem castrense peculium devolvebatur; jure novum demum, si filii vel fratres superstites non essent; jure vero novissimo, à filiis defuncti militis excluditur, ut tamen cum fratribus germanis defuncti concurrat. Non quidem jure singulari, verum communi, quo paganis succeditur; adeoque non potestatis sed successionis jure. Cum olim non ut hæreditas, verum ut quasi paganicum peculium parri deferretur. l. 2. D. de pecul. castr.

§. 1.

1. Impuberes testari nequeunt.

2. Idem de Furiosis statuendum.

3. Quid de Substupidis dicendum?

P*otestates testamentum facere non possunt impuberes.]* Nonnulli testamentum facere prohibentur propter judicii infirmitatem, quales sunt impuberes. §. 1. hic. l. 4. Cod. eod. Licet enim filiifamilias milites, vel alii in expeditione constituti testari possint ex privilegio, non aliter tamen id illis censetur permissum, quam si puberes sint facti. Id quod in militibus subintelligi non est necesse, quod in numerum non recipiantur impuberes; in cæteris id subintelligi oportet. Neque enim mentem stabilem sunt adepti, ad hoc ut propinquis nocere possint. Olim tamen id receptum erat in impuberibus qui tribunatum numerorum meruissent. l. fin. Cod. de te-

ftam. milit. Ut non absonum antiquis fuerit visum, impuberes contemplatione meritorum suorum prædecessorum, vel respectu optimæ spei, quam de illis conceperunt ad munera & honores promoveri. d. l. fin. ibique Gothefred.

Quid si tamen impuberes tutore auctore ultima velint condere elogia? Non magis admittentur, quam filii-familiarum qui consensum adhibent sui patris. l. 1. §. 1. D. de tutel. & ration. distrah. Neque enim tutor de jure publico, quo referunt testamenti factionem, dispensare potest. Arg. l. 45. D. de Regul. jur.

Quid si, uti loquuntur, malitia suppleat ætatem, id est, ingenio vel verutiâ impuberes ætatem antevertant? Resp. Licet quandoque in jure nostro pro puberibus habeantur, ut in materiâ delictorum, quia tamen hic leges determinatum exigunt tempus, illud antevertere non licebit. l. 19. D. hic. Cumque præscriptum sit tempus annorum 14. in masculis, & annorum 12. in foeminis, hoc ita servabitur, ut ne quidem ultimus annus cæptus habeatur pro completo, licet eos ultimum diem attigisse suffecerit, qui cæptus pro completo censetur. l. 5. D. hic. l. 4. Cod. eod. vid. Sneydw. hic. n. 2. ibique notata. Gomef. ad l. 5. Tauri. Cujac. 17. obs. 30. & ad l. 5. Cod. de Codicill.

Quoniam autem impuberes testari non poterant, dicendum videbatur eos ipsos testamentum facere non posse, qui nunquam pubescunt. Quales sunt eunuchi, forte etiam spadones, l. 17. Cod. Theod. Qui postremi non ante annum 18. testamenta condebant. Fabrot. ad Theophil. hic. Omnes tamen hodie, sicuti cæteri facultatem testandi sunt nacti, quod non tam corporis, quam animi qualitas sit spectanda. l. 5. Cod. qui testament. facere.

2. *Item furiosi, quia mente carent.*] Impubes infirmum animi judicium habet, furiosus nullum; ut si ille, multo magis furiosus testamentum, & codicillos facere prohibeatur. §. 1. hic. l. 13. §. 1. D. de offic. Præsid. l. 5. Cod. de Codicill. l. fin. Cod. de testam. milit. Ulpian. in Fragm. tit. 20.

Quod obtinet, licet qui furiosus erat, ex post facto compas mentis sit factus. §. 1. hic. Quod enim non valet ab initio, non potest tractu temporis convalescere. l. 29. D. de regul. juris. Idem dicendum, si cæpto testamento furor intervenierit, quo intermittente, quod cæptum est consummatum. l. 9. Cod. hic. Quod si dum mentis aderat integritas testamentum fuerit perfectum, furor postmodum superveniens testamentum non vitabit; quoniam sine vizio quondam factum fuisse sufficit. l. 29. l. 207. D. de regul. jur. Et novum non est, ut quod semel utiliter est constitutum duret, licet ad eum perveniat casum à quo incipere non potest. l. 85. §. 1. D. cod.

Id

Id quod tum procedit, cum de aliquo naturæ impedimento agimus, non vero de statu vel conditione, quæ nova superveniens irritum faceret testamentum §. 4. 5. Instit. quibus mod. testam. infirm. Quod si furiosus dilucida nanciscatur furoris intervalla, sicuti omnia rectè gerit, etiam testamenti faciendi jus habebit. §. 1. hic. l. 20. D. eod. Ut non idem in illo furioso admittendum, qui perpetuo furore agitur, & continuâ mentis alienatione omni caret intellectu, d. l. 20. l. 14. D. de offic. præsid. Fabrot. ad Theophil. in not. hic.

De furiosis quod dictum, etiam iis est applicandum, qui fatui sunt, quod 3. judicium nullum habeant. Non tamen idem est statuendum de simplicioribus, substupidis, hebetioris judicii hominibus, macarones teste Cælio Rhodigino appellati. Ut qui testamentum facere non prohibentur, cum aliquale mentis judicium habeant, licet minus limatum. Cælius Rhodigin. 17. Antiq. lect. 3. in fin. Viglius ad §. 1. hic. Gomez. 1. Resol. 6. n. 2. Christin. 3. decif. 173. n. 13.

§. 2.

1. Prodigus testari non potest.

2. Moribus quandoque potest.

[Tem prodigus.] Post furiosum sequitur prodigus, qui moribus furiosus est, adeoque passim in jure furioso comparatur. §. 3. Instit. de curator. l. 40. D. de regul. jur. Rationem, cur pequeat testari, hanc subjicit Ulpianus in Fragm. tit. 20. Quoniam commercium illi interdictum est, vel, uti vult Julianus, quoniam in bonis nihil habet, cum ei deminutio sit interdicta. l. 10. D. de curat. furios. Dicam potius, quia voluntatem, id est, sanam mentem, propter improbos mores non habere censetur, quâ in parte furioso comparatur. Furiosi enim vel ejus cui bonis est interdictum in jure nulla voluntas est. l. 18. D. hic. l. 40. D. de Reg. jur. vid. Clarum §. testamentum. q. 33. Grassum quæst. 22. Gail. 2. observ. 51. Gregor. Tholof. Synt. jur. libr. 42. c. 8.

MORIBUS.

Sicuti secundum Novell. Leonis 39. prodigi testamentum sustinetur, 2. si quando eos scribit hæredes, qui aliter essent ab intestato successuri, ita etiam moribus ex æquo & bono recipitur ejusdem voluntas, si providè disposuerit. Sand. 4. decif. tit. 1. def. 3. Dessel. in not. ad Zoef. Instit. hic. ibique DD. Carpzov. part. 3. constit. 6. def. 9. 10. 11. Licet alii censeant eum tutius facturum, si veniam testandi à magistratu loci impetraverit. Groenwegen ad Instit. hic.

§. 3.

1. Surdus & Mutus *adhibita distinctione testantur.*

2. Moribus *res aliter sese habet.*

3. *Quid Jure Canonum.*

- i. **I**tem *surdus & mutus non semper testamentum facere.* Loquitur de surdo & muto pagano, & quidem de eo qui nihil omnino exaudit, qui non loquitur, id est, significabilem vocem ore non emittit. Qui si utroque simul vitio, & quidem à naturâ laboret, testari non poterit, ut qui signo indubitabili voluntatem exprimere nequeat. Arg. §. 1. de testam. milit. Quod si casu factus esset mutus vel surdus, olim impetrato Principis beneficio testari poterat. l. 7. D. qui testam. facere. l. 10. Cod. eod. Hodie id etiam poterit sine Principis licentiâ, modo solemnia observaverit præscripta in l. 10. Cod. eod.

Quid si casu sit factus surdus & mutus, etiam testamentum facere poterit, modo litterarum non sit imperitus. d. l. 10. vid. Viglium hic.

Quod si à naturâ surdus fuerit non mutus discretis vitiis, cum testari posse constituit Imperator in d. l. 10. sed contra rationem naturalem & experientiam. Commentitium enim, quod censet aliquem natura surdum exaudire posse, si quis supra ipsius cerebrum loquatur. Cumque contingere nequeat ut qui naturâ surdus est, non etiam sit mutus, conjunctis vitiis eum testari non posse certum est. Adducamus artificem in arte peritum, ejusque auctoritate confutemus Imperatorem, qui voluit artificii in arte credendum esse. Is ita loquitur: *Cui hominum auditus primo negatus sit, huic & sermonis usum ablatum: nec naturaliter surdos esse, ut non iidem sint & muti.* Quocum facit illud Alex. Aphrodisæi problem. 138. ex versione Politiani. *Cur qui naturâ surdi, iidem & muti? Quoniam quæ non audierunt, dicere exprimereque non possunt.*

MORIBUS.

2. Cum de moribus non illæ solemnitates desiderentur, quæ de jure Romano, eveniunt, ut quæ vitia non lædunt animum, quæque non impediunt quominus quis possit suam voluntatem declarare, testamenti facitionem non auferant. vid. Gudel. de jure noviss. hoc tit. Sand. 4. titul. 1. def. 8.

JURE CANONICO.

3. Licet testator obmutescat, sufficit nihilominus cum ad interrogationem alterius annuere testibus presentibus. Ut solemnitates de jure Romano in testamento muti requisitæ, hoc jure non desiderentur. Gloss. in c. cum tibi. verb. dispositionem. de testam. arg. can. cum esses. cod. tit.

§. 4.

§. 4.

1. Cæci testamentum est mixti generis. 2. Mores tantum ordinarias solemnitates desiderant.

CÆCI AUTEM.] Non potest qui cæcus est facere testamentum, nisi secundum formam à Justino præscriptam in l. hæc consultiss. Cod. hoc tit. Olim tamen id facere potuit secundum rationem Pauli jurisconsulti, quod accire possit adhibitos testes, & audire sibi testimonium perhibentes. Paul. 3. Sent. 4. ibique Cujac.

Ubi quaesitum, num testamentum à cæco factum nuncupativum censi debeat? Resp. Non incommoda videtur sententia Viglii, qui illud mixti generis appellat; cum solemnium scripti, & nuncupativi testamenti sit particeps. Septem enim testes sunt adducendi, speciatim rogati, coram quibus hæredem nuncupare tenetur. Insuper aderit tabellio, vel ejus loco testis octavus, qui testamentum scribat, eique unà cum testibus subscribat, additis signaculis. Quæ omnia ad majorem testamenti fidem, semotà omni suspitione sunt adhibenda.

Hoc superest dubium, utrum qui adhibetur notarius octavum constituat testem, utrum potius inter testes sit computandus? Resp. videbitur inter testes esse numerandus, qui testamentum scribit, cum quibus septenarium constituet numerum, si fuerit notarius. Arg. l. Domitius. D. hic. Novell. 73. c. 8. Nam loco notarii in d. l. hæc consult. Cod. hoc tit. octavus adhibetur testis, qui si solus suppleret vicem notarii minus esset consultum testamento cæci, quod in locum personæ publicæ succederet privata. Ut potius sit statuendum, cum notarius fungatur vice duorum, in ejus locum substitui duas personas adeoque loco notarii, qui etiam testis appellari poterat, & septimum testem constituebat, adhiberi testem octavum; id est, præter septimum adjici octavum, qui scribendo testamentum vicem suppleat notarii. vid Gomef. ad l. 3. Tauri.

M O R I B U S.

Testamentum cæci non alias desiderat solemnitates, quam quæ in aliorum testamentis adhibentur. Secus quam obtinet in Germaniâ, ubi solemnities juris Romani in testamento cæci desiderari scribit Carpzov. jurispr. forens. part. 3. constit. 6. def.

§. 5.

1. Ab Hostibus capti testari nequeunt. 2. In civitate quod factum erat testamentum, susinetur. 3. Quodnam tempus spectandum, ut Testator habilis fuisse discatur? 4. Quis

O o o o

4. *Quis locus inspiciendus circa conditionem testatoris?*

5. *Cujus loci habenda ratio in ordine ad testamenti solemnia?*

6. *Mores sustinent eorum testamenta, qui apud Hostes testati fuerunt.*

1. **E**ius qui apud hostes est.] Duo casus hoc §. 5. explicantur, unus est, quo testamentum apud hostes factum est, quod non valere certum est, licet testator ad suos redierit. l. 8. D. hic. Cives enim esse desierunt, qui servi hostium sunt facti. Valent tamen codicilli juris fictione, quos quis fecit apud hostes, si modo testator fecisset testamentum cum esset in civitate Romanâ. l. 12. §. 5. D. de captiv. l. 3. §. 1. D. verb. signif. Non idem, quod de captivis, judicandum est de iis qui à latronibus fuere capti: neque enim liberi esse desierunt. l. 13. in princ. D. hic. Sicuti qui apud hostes se contulerunt, non ut patriæ proditores, verum ut exploratores publici boni gratiâ, abusivè transfugæ appellati, testamenti factionem non amiserunt. l. 15. D. de tutel.

2. Alter casus est, quo testamentum ejus qui ab hostibus captus est quondam in civitate Romanâ factum erat. Id quod valere dicitur, nec fieri irritum, licet captivitate testator maximam capitis deminutionem sit passus. Non quidem inspectâ veritate, ita enim testamentum irritari certum est. §. 4. Instit. quib. mod. testam. infirm. verum attentâ juris fictione, eâque duplici, prout casus duplex incidere poterat. Aut enim qui captus est rediit ad suos, & per fictionem postliminii retro creditur in civitate fuisse. l. 16. D. de captiv. Aut decedit apud hostes, & per legis Corneliæ fictionem censetur momento captivitatis defunctus, quasi nunquam hostium potitus fuisset. l. 12. D. hic.

Tres supersunt determinandæ quæstiones, quæ licet in institutionibus non sint explicatæ, usum tamen habent non contemnendum, præsertim si spectemus mores, & statutorum discrimina pro locorum diversitate.

3. Prima est, quodnam tempus sit spectandum, ut testamentum valeat, an facti testamenti, an potius mortis testatoris? Resp. Quando inquiritur de conditione vel statu testatoris, sit ne liber an servus, sui an alieni juris, civis an peregrinus, utrumque tempus inspicitur, & facti testamenti & mortis testatoris. §. 6. Instit. quibus mod. testam. infirm. l. 1. §. 8. D. de bon. poss. contr. tabul.

Verum quando salvo statu vel conditione agitur de vitio quopiam animi vel corporis, vel morum superadveniente, solummodo ejus temporis quo testamentum fit, habenda est ratio. §. 1. Instit. hoc tit. l. 2. l. 6. §. 1. D. eod. vid. Duaren hoc tit. fol. 321. Bacchov. in not. ad Treutl. vol. 2. disp. 10. thes. 7. litt. D. Anton. Matth. disput. 1. de testament. solemn. num. 4.

Se-

Secunda est, quis locus sit spectandus circa statum & conditionem testantis, filius familias sit, vel non, habilis an inhabilis? *Resp.* Spectandum esse locum domicilii, ut tamen immobilium ratione alibi jacentium, spectandus sit locus rei sitæ, in ordine ad succedendi modum. Quorum bonorum contemplatione intestatus decessisse videri poterit testator. Arg. l. fin. D. de jurisd. vid. Gail. 2. obs. 123. & seqq. Gones. ad l. 3. Tauri. num. 20. Fachin. 5. contrav. 9. & seq.

Tertia est, cujus loci sit habenda ratio circa solemnia? *Resp.* Illius loci, ubi negotium geritur, ubi testamentum fit. Quod etiam extendit vires ad alia loca, ubi forte major vel saltem alia requiritur solemnitas. Arg. l. fin. Cod. de testam. l. fin. Cod. de testam. milit. c. 10. 11. de testam. Bartol. in l. 1. n. 37. Cod. de Sacros. Eccles. Jason in l. 1. n. 90. Cod. de summ. trinit. Covarr. ad c. 10. n. 23. de testam. Everhard. consil. 185. Gones. ad l. 3. Tauri. n. 20. Costal. ad l. 6. D. de Eviction. Tessa. 3. quæst. 8. Sand. 4. tit. 1. def. 14. Carpov. jurispr. forens. p. 3. conflit. 6. def. 12. diff. Fachin. 5. contrav. 90. & seqq. vid. meum tractatum de Statutis, eorumque concursu.

M O R I B U S.

Non tantum ab hostibus capti testamenti factionem retinent, verum etiam qui mutatis partibus hinc recedunt ad hostes, si non sint milites, nisi tamen sententiâ judiciali hostes patriæ sint declarati. Novell. Leon. 40. Sand. 4. tit. 1. def. 2. Ratio prioris est, quia capti in bello civili testamenti factionem retinent; quale bellum censetur quod cum Christianis Christiani gerunt. Alciat. in l. hostes 118. D. de verb. signif. Ratio posterioris est, quia qui ad hostes transiverat jure Romano testamenti factionem non habebat quod ad Barbaros defecisset. Quæ cum apud nos cesset, etiam nostri recedentes ad Christianos, testamenti factionem retinent. l. 21. §. fin. l. 24. D. de captiv. Viglius. Sneiderwin. hic. Zyp. not. jur. belgic. tit. de testam. vid. Desseli. in not. ad Zoef. hic.

Quid si Christiani capti sint à Barbaris, puta Turcis, Indis, aliisque gentibus à fide Christianâ averis, vel ad tales gentes defecerint? Idem videretur dicendum secundum Covarr. in c. peccatum. p. 2. §. 11. n. 6. Quod tamen negat Alberic. Gentil. 3. de jure belli. c. 9.

EXHÆREDATIONE LIBERORUM.

Non tamen ut omninò valeat testamentum, sufficit hæc observatio, quam supra exposuimus, sed qui filium in potestate habet, curare debet, ut eum hæredem instituat, vel exhæredem eum nominatim faciat: alioqui si eum silentio præterierit, inutiliter testabitur: adeò quidem, ut, si vivo patre filius mortuus sit, nemo hæres ex eo testamento existere possit, quia scilicet ab initio non constiterit testamentum.

Sed non ita de filiabus, & aliis per virilem sexum descendantibus liberis utriusque sexus antiquitati fuerat observatum: sed si non fuerant scripti hæredes scriptæve, vel exhæredati exhæredatæve, testamentum quidem non infirmabatur, jus tamen adcrescendi eis ad certam portionem præstabatur. Sed nec nominatim eas personas exhæredare parentibus necesse erat, sed licebat inter cæteros hoc facere. Nominatim autem quis exhæredari videtur, sive ita exhæredatur, *Titus filius meus exhæres esto*: sive ita, *Filius meus exhæres esto*, non adjecto proprio nomine, scilicet si alius filius non extet.

1. Posthumi quoque liberi vel hæredes institui debent, vel exhæredari. Et in eo par omnium conditio est, quod & filio posthumo, & quolibet ex cæteris liberis, sive fœminini sexus, sive masculini, præterito, valet quidem testamentum, sed postea adgnatione posthumi sive posthumæ rumpitur, & eâ ratione totum infirmatur. Ideoque si mulier, ex qua posthumus aut posthuma sperabatur, abortum fecerit, nihil impedimento est scriptis hæredibus ad hæreditatem adeundam. Sed fœminini quidem sexus personæ vel nominatim, vel inter cæteros exhæredari solebant: dum tamen, si inter cæteros exhæredarentur, aliquid eis legaretur, ne viderentur præteritæ esse.

esse per oblivionem. Masculos vero posthumos, id est, filios & deinceps, placuit non aliter rectè exhæredari, nisi nominatim exhæredarentur: hoc scilicet modo, *Quicumque mihi filius genitus fuerit, exhæres esto.*

2. Posthumorum autem loco sunt & hi, qui in sui hæredis locum succedendo, quasi adgnascendo fiunt parentibus sui hæredes: ut ecce, si quis filium & ex eo nepotem neptemve in potestate habeat; quia filius gradu præcedit, is solus jura sui hæredis habet, quamvis nepos quoque & neptis ex eo in eadem potestate sint. Sed si filius ejus vivo eo moriatur, aut quâlibet aliâ ratione exeat de potestate ejus, incipit nepos neptisve in ejus locum succedere, & eo modo jura suorum hæredum quasi adgnatione nanciscitur. Ne ergo eo modo rumpatur ejus testamentum, sicut ipsum filium vel hæredem instituere, vel nominatim exhæredare debet testator, ne non jure faciat testamentum: ita & nepotem neptemve ex filio necesse est ei vel hæredem instituere, vel exhæredare: ne fortè eo vivo, filio mortuo, succedendo in locum ejus nepos neptisve, quasi adgnatione rumpat testamentum. Idque lege Juliâ Velleâ provisum est, in qua similis exhæredationis modus ad similitudinem posthumorum demonstratur.

3. Emancipatos liberos jure civili neque hæredes instituere, neque exhæredari necesse est: quia non sunt sui hæredes. Sed Prætor omnes tam fœminini sexus quam masculini, si hæredes non instituuntur, exhæredari jubet: virilis sexus nominatim, fœminini vero inter cæteros; quia si neque hæredes instituti fuerint, neque ita (ut diximus) exhæredati, permittit eis Prætor contra tabulas testamenti bonorum possessionem.

4. Adoptivi liberi quamdiu sunt in potestate patris adoptivi, ejusdem juris habentur, cujus sunt justis nuptiis quæsitii. Itaque hæredes instituendi, vel exhæredandi sunt, secundum ea, quæ de naturalibus exposuimus. Emancipati vero à patre adoptivo neque jure civili, neque eo jure, quod ad edi-

Etiam Prætoris attinet, inter liberos connumerantur. Quâ ratione accidit, ut ex diverso (quod ad naturalem parentem attinet) quamdiu quidem sunt in adoptiva familia, extraneorum numero habeantur; ut eos neque hæredes instituere, neque exheredari necesse sit: cum vero emancipati fuerint ab adoptivo patre, tunc incipiant in ea causa esse, in qua futuri essent, si à naturali emancipati fuissent.

5. Sed hæc quidem vetustas introducebat, nostra vero Constitutio inter masculos & fœminas in hoc jure nihil interesse existimans; quia utraque persona in hominum procreatione simili naturæ officio fungitur: & lege antiquâ duodecim tabularum omnes similiter ad successionem ab intestato vocabantur, quod & Prætores postea secuti esse videntur: ideo simplex ac simile jus, & in iis, & in filiabus, & in cæteris descendantibus per virilem sexum personis, non solum jam natis, sed etiam posthumis, introduxit, ut omnes, sive sui, sive emancipati sint, vel hæredes instituantur, vel nominatim exheredentur: & eundem habeant effectum circa testamenta parentum suorum infirmenda, & hereditatem auferendam, quem filii sui vel emancipati habent, sive jam nati sint, sive adhuc in utero constituti postea nati sint. Circa adoptivos autem filios certam induximus divisionem, quæ in nostra Constitutione, quam super adoptivis tulimus, continetur.

6. Sed si in expeditione occupatus miles testamentum faciat, & liberos suos jam natos, vel posthumos, nominatim non exheredaverit, sed silentio præterierit, non ignorans, an habeat liberos: silentium ejus pro exheredatione nominatim facta valere, Constitutionibus Principum cautum est.

7. Mater, vel avus maternus, necesse non habent liberos suos aut hæredes instituere, aut exheredare, sed possunt eos silentio omittere: nam silentium matris, aut avi materni, & cæterorum per matrem ascendentium, tantum facit, quantum exheredatio patris. Neque enim matri filium filiamve, neque avo materno nepotem neptemve ex filia, si eum eamve hæredem

dem non instituat, exhæredare necesse est: sive de jure civili quæramus, sive de edicto Prætoris, quo Prætor præteritis liberis contra tabulas bonorum possessionem permittit: sed aliud eis adminiculum servatur, quod paulò post vobis manifestum fiet.

C O M M E N T A R I U S.

I N P R I N C.

- | | |
|---|--|
| 1. Testamentum PATRIS inter LI- BEROS est plus quam solemne. | FILIAM circa Exhæredationē. |
| 2. Institutio & Exhæredatio descri- bitur. | 4. Præteritio describitur. |
| 3. Differentia est inter FILIUM & | 5. FILIO in potestate præterito te- stamentum est nullum. |
| | 6. Secus obinet in FILIA præteritâ. |



Non tamen ut omnino valeat testamentum, sufficit hac obser-
ratio.] Testamentum patris inter liberos aliquo res-
pectu plus quam solemne appellari posse, superius
fuit explicatum. Nam præter solemnitas quæ in testa-
mentis ordinandis desiderabantur, & hoc erat neces-
sarium, ut sui liberi vel nominatim instituerentur, vel
exhæredarentur. Nam si pater silentio eisdem præ-
terierit, quod Græci appellant *νεμεσιων*, id est, nec hæredes instituerit, nec
exhæredaverit, testamentum erit ipso jure nullum. in princ. hic. l. 30. D.
de liber. & posthum. l. pen. Cod. de fideic.

Instituuntur, dum ad hæreditatem vocantur, uti oportet. Unde si sui
liberi sub conditione casuali sint institui, censentur esse præteriti. l. 4. l.
86. D. de hæred. Instit. l. 28. D. liber. & posthum. l. 4. Cod. de Instit. &
substit. Secus si sub potestativâ, quæ facile per illos impleri potest. d. l. 4.
D. Neque id ipsum jure noviss. mutatum censi debet. Arg. l. 32. in fin.
Cod. de Appel. Clarus §. testamentum. q. 30. in princ.

Quid si cum elogio sint instituti, id est, adjecto vocabulo contumelioso,
puta: *filius meus impurissimus hæres esto?* Resp. Si tale vocabulum adjectum
fuerit causâ contumeliæ, nulla erit institutio. l. 9. §. 8. D. Hæred. Instit. Sin
vero animo reprehendendi vel increpandi, ipsa sustinebitur. l. 48. §. 1.
D. eod.

Exhæredantur, dum illis debita hæreditas non datur vel adimitur, secun-
dum juris formam. Vel dum à successione parentum certo judicio remo-
ventur.

ventur. l. 44. l. 47. D. de bon. libert. Neque enim sub conditione exhereditari, ritè exhereditari creduntur. l. 3. §. pure. D. de liber. & posthum.

Nec obstat, quod sub conditione potestativâ possint institui, ut videantur sub eadem posse exhereditari. Quoniam odiosa est exhereditatio, nec propterea interpretatione ullâ adjuvanda. l. 19. D. hic.

Non itidem censentur ordine exhereditari, qui ex certâ tantum re, vel parte sunt exhereditari. l. 19. D. hic.

Qui non sunt exhereditari ab omni gradu, id est, & ab institutione & à substitutione; etiam ab omni personâ. l. 3. §. 2. 3. 5. D. hic. l. 8. §. si ab uno. D. bonor. possess.

Exheredantur autem vel expressè vel tacitè. Expressè dum pater vel avus paternus eos exheredes scribit. Tacitè, dum mater vel avus maternus; quod silentium matris vel avi materni habeatur pro exheredatione. §. 7. hic. Auth. ex causâ. Cod. de liber. præter.

Dixi per exheredationem liberos ab hereditate parentum excludi vel removeri. Quo nomine exhereditatio secernitur à modo abdicationis, quæ non quidem erat ab hereditate, qualis nulla est viventis, verum abs re, domo, & familiâ patris. l. 6. Cod. de patr. potest. Præterquam quod illa non esset ignominiosa, sicut erat abdicationis. Cujus forte exemplum in sacro codice cernitur in Ismaële, qui unâ cum matre è familiâ Abrahami expellitur. vid. l. 6. pen. Cod. Patr. potest. Alciat. 2. disp. 28.

3. *Exheredem eum nominatim faciat.*] Filii in potestate nominatim exhereditari debebant, idque vel adjecto nomine proprio, vel demonstratione, quæ vice nominis fungitur. vel etiam nomine appellativo filii, si præter eum sit non alius. in princ. hic. l. 34. D. de condit. & demonstr. l. 2. l. 3. §. 2. D. hic. l. 4. Cod. eod.

Unde si plures fuerint liberi, cum testator hanc formulâ usus fuisset: *filii meus exheres esto*, benignâ interpretatione nemo censebitur esse exhereditatus. l. 1. D. hic. Maxime cum in dubiis exheredationibus favendum non sit. l. 19. D. eod.

Exhereditari etiam poterant, si filiar, inter cæteros, id est, dum exheredantur indefinite, non nominatim, idque sub hanc formulâ: cæteri exheredes sunt. Quod si voci indefinitæ cæteri, subjungatur nomen speciei, puta filii, filiarque, nominatim facta censebitur exhereditatio. §. 1. hic. l. Titius. 25. ibique Jafon. D. hic. vid. Connan. 10. comm. 1. 2.

4. *Aliquisi eum silentio præterierit, inutiliter testabitur.*] Tum dicitur quis esse præteritus, cum est omissus silentio, vel institutus aut exhereditatus, non uti oportuit. l. 4. l. 86. D. hæred. Instit. l. 16. 26. 30. D. hic. licet eidem forte legatum sit relictum. l. maximum. Cod. de liber. præter. Quid

Quid si testator hanc formulâ fuerit usus : *filium meum prætereo*, vel, *non instituo, alienus à meâ substantiâ esse?* *Resp.* Quoniam cum silentio conjuncta est præteritio, hanc potius indirectam exhæredationem, quam præteritionem judicarem. in princ. & §. 6. hic. l. 3. l. si quis. Cod. eod.

Et cessat ille color, quasi filium oblivione omisisse censeatur, sic ut testamentum sit ipso jure validum.

Quod si quis filium in potestate silentio præterierit, testamentum erit ipso jure nullum. in princ. hic. l. fin. §. sancimus. Cod. eod. Et quia testatio plena non est, in quâ juris necessaria deficit observatio. in princ. hic. l. 5. Cod. de leg. Et quia præsumendum est, filium oblivione fuisse præteritum, propter naturalem patris amorem. l. 7. D. Si tabul. testam. null. exstab. l. 15. D. de inoff. testam. Arg. l. 50. §. sed num quid. D. de bon. lib. Et quia filius ipso jure quodammodo bonorum dominus censetur. §. sui autem. Instit. de hæred. qual. & diff. l. in suis. D. hic.

Cumque ejusdem rei plures in solidum nequeant esse domini, non alium præter filium hæredem fingemus, nisi ei pater nominatim ademerit hæreditatem. l. 5. §. fin. D. commod.

Neq; obstat. l. 30. D. hoc tit. ubi liberis præteritis testamentū dicitur rumpi, ut non videatur ipso jure nullum. *Resp.* in d. legis principio actum fuisse de liberis posthumis, qui sperabantur, quibus præteritis testamentum non erat ipso jure nullum, cum incertum esset, an unquam sint exsisturi. §. 1. hic.

Non itidem obstat. Auth. ex causâ. Cod. de liber. præter. per quam jus antiquum nonnulli censent esse mutatum. Quoniam verbum *præteritionis* ad testamentum maternum & *exhæredationis* ad paternum referri debet, ut hic nihil novi sit introductum, nisi quod testamento legata relicta, quo filius est exhæredatus, hodie debeantur, quæ olim debita non erant, rescisso per quærelam testamento. vid. Alciat. 4. parerg. 9. Cujac. in l. 17. D. injust. rupt. irrit. testam. & in l. 4. D. de liber. & posthum. diff. Duarenus. D. de injust. rupt. testam. Donell. 9. comm. 10. Hænon. disp. Instit. 7. n. 15.

In tantum autem hæc sententia locum habet, quod filio suo præterito testamentum sit nullum, ut ne quidem sustineatur filio postmodum defuncto. l. 7. D. hic. Cujac. ibid.

Excipitur casus in milite, qui jure militari testamentum fecit: is enim silentio filium præterire potest, modo non ignoret se filium habere. §. 6. hic. l. sicut. Cod. de testam. milit. Excipitur casus, si filius supervivens se abstinuerit, tunc enim testamentum ex æquo & bono sustinebitur. l. 17. D. injust. rupt. testam. & poterit scriptus hæres bonorum possessionem secundum tabulas amplecti. l. 12. D. eod. vid. Bacchov. tit. quibus mod. infirm. testam. §. 6.

6. *Sed non ita in filiabus.*] Inspecto jure veteri in multis causis deterior est conditio foeminarum quam masculorum. l. 9. D. de stat. honot. Hinc quid jure anteriori non quidem secundum 12. tabulas, sed mediam jurisprudentiam circa foeminas aliosque obtinuerit, verbo recensetur. in princ. & §. 5. hoc tit. l. fin. Cod. de liber. præter.

Filiâ enim vel nepotibus ex filiâ præteritis tanquam non suis testamentum erat firmum, id est, non infirmabatur filiæ vel nepotis præteritione. Personæ tamen præteritæ scriptis hæredibus adcredebant, id est, iis adjungebantur, eorum numerum augebant. Itaque si qui instituti erant hæredes essent sui, præteriti cum illis in viriles portiones succedebant. Quod si instituti essent extranei, in dimidiam totius hæreditatis filiæ præteritæ admittébantur. Cajus, Ulpianus, Paulus. Theoph. in Instit.

§. 1.

1. Posthumus præteritus rumpit te- | 2. *Differentia servata inter Posthu-*
stamentum. | *stamentum & Posthumam.*

1. **P***osthumi quoque liberi.*] Non eadem est ratio posthumorum, quam natorum. Hi enim in potestate sunt parentum reverâ, & de factis: illi non rectè dicuntur fuisse in morientis potestate, antequam nascantur. l. fin. D. de collat. bonor. Unde nati injustum faciunt testamentum, id est, ipso jure nullum; posthumi rumpunt, & quidem in totum. Illi semper, hi si nascantur, nec se inveniunt exhæredatos. l. 3. §. ex hia. D. injust. rupt. testam. Cumque vis testamenti ab incerto eventu pendere non debeat, l. fin. D. comm. præd. & posthumi potuerint, vel non nasci, vel nasci mortui, qui pro non natis habentur. l. 129. D. de verb. signif. ea propter testamentum interim sustinebitur, donec agnatione posthumi vel posthumæ rumpatur. §. 1. hic.

Ut tamen in uno casu major sit effectus posthumi præteriti, quam nati. Nam filio nato præterito à primo gradu, & exhæredato à secundo, testamentum vires capit à gradu secundo, & primus gradus pro non scripto habetur. Secus quam est in posthumo præterito, qui totum testamentum rumpit; forte quia hic primus gradus à secundo pendet, qui cum à principio tenebat, verum rumpebatur nato posthumo, etiam rumpitur secundus. l. 5. verb. rumpendo. D. de injust. rupt. irrit. l. 3. §. fin. D. hic. vid. Duaren. d. tit. c. 3. Merend. 4. contr. 24.

Verum quæsitur quispiam, cur posthumæ præteritæ non competat jus adcrescendi, quod natæ præteritæ competeat? *Resp.* Quia natæ præteritio habebatur pro exhæredatione, posthumæ non item, quæ per oblivionem præterita censebatur. §. 1. hic.

Sed feminini quidem sexus persona.] Ut filiorum & filiarum jure veteri non eadem erat ratio, ita nec posthumorum & posthumarum. Filio non exhæredato nominatim, testamentum erat inutile, filiâ inter cæteras non nominatim exhæredatâ, testamentum sustinebatur. Posthumus etiam non aliter quam nominatim exhæredari poterat, ast posthumam inter cæteros exhæredatam esse sufficiebat, si modo ei quidpiam fuerat legatum, ne oblivione præterita videatur. §. 1. hic. l. 12. D. injust. rupt. testam.

Vetustas enim masculos plus dilexit, quam sceminas. §. item vetustas. Instit. Hæred. ab intest.

Verum obijciat quis, cur cum posthumi nequeant exhæredari, quod ingrati non existant, quia nondum sunt in rerum naturâ, nihilominus requiratur ut exhæredes scribantur nominatim, si masculi, vel inter cæteros, si sceminae? Resp. Licet justâ de causâ exhæredes non sint futuri, quod ingratitudinis vera causa non cadat in posthumos, nihilominus propter jus patriæ potestatis exhæredari poterunt. Ut tamen per quærelam testamentum rumpatur, sicuti natis exhæredatis eo remedio rescinditur. §. 1. hic. vid. Gell. 3. c. 16. Alciat. 4. parad. 10. Duaren. ad tit. de inoffic. testam. cap. 6. Donell. 6. comm. 13. Connan. 9. comm. 10. Pacium 5. Enant. 86. Hænon. disput. 7. ad Instit. n. 16.

§. 2.

1. Posthumi sunt vel Veri, vel quasi. | 2. *Quæ formulæ circa Posthumos inventæ?*

P*osthumorum autem loco.]* Posthumus est, qui post humatum patrem natus est, unde forte dictus posthumus. l. 6. D. inoff. testam. Plutarch. in Coriolano & Syllâ. Alciat. 8. parad. 12. Vel etiam, qui post factum testamentum suus vel adgnascitur, vel fit. l. 1. §. 1. verb. sed & hi. & §. 2. 3. l. 12. D. injur. rupt. testam. l. 1. Cod. de Liber. & Posthum.

Sunt ergo posthumi in duplici differentiâ, vel veri, vel quasi. Illi, qui post mortem parentis, id est, patris, vel avi & sic deinceps, vel sunt nati, vel exsecti, vel extracti. d. l. 3. §. 1. l. 1. D. hic. l. 6. in princ. D. inoff. testam.

Quasi posthumi dicuntur, qui vel post factum testamentum vivo testatore nascuntur. l. 3. §. 1. & pen. D. hic. l. 12. D. injust. rupt. vel adoptantur. l. 28. §. 1. D. hic. vel sui efficiuntur. l. 28. §. 1. D. hic. l. 13. D. injust. rupt. testam. vel legitimantur, cum fuerant naturales tantum. l. 8. D. injust. rupt. Bald. ad d. l. 28. §. 1. vid. Connan. 10. comm. 3. 4. Pinell. in Rubric. Cod. de bon. matern. p. 1. n. 36. 37. p. 59. Non tamen in hoc nostro §. 2. de alio agitur posthumo, quam qui post factum testamentum, suo patre mortuo, avo suus nepos existit, in locum patris succedendo. Qui ne rumpat

testamentum avi, quasi agnatione, lege Juliâ Vellejâ provisum est, ut avus nepotem vel neptem instituat vel exheredet, idque ad posthumorum similitudinem. Ita tamen ut nepotem nominatim, inter ceteros neptem, si modo ei aliquid leget, exheredem scribat. Arg. §. 1. hic. l. Gallus. 29. D. de Liber. & Posthum.

Quæsierit forte quispiam, cur l. Vellejâ id fuerit introductum ut nepos institutus vivo suo patre, & postmodum succedens, testamentum non rumperet? Resp. Id propterea constitutum esse, quia subtili juris ratione institutus, sed non eo quo succedere debebat modo, rumpebat testamentum. Nam ut suus succedere debebat nepos, suo patre defuncto, nec tamen ut suus institui poterat quem vivus pater gradu antecederet, ut proximum in potestate gradum non oblineret.

2. Idque lege Juliâ Vellejâ provisum est.] Posthumi sunt vel alieni, vel non. Illi jure civili institui non poterant, idque propter incertitudinem §. 26. & seq. Instit. de Legat. Jure tamen prætorio illis fuit subventum, si modo ex eâ sperentur, cum quâ erat jus connubii, id est, vestalis vel ascetria. §. 28. Instit. legat. vid. Govean. ad l. 29. D. liber. & posthum. Bacchov. ad Treutler. vol. 2. disp. 13. thes. 2. litt. E. Qui non erant alieni, vel filii erant, vel nepotes. De filio posthumus fuit actum, de nepote agit §. 2. hoc tit. In cujus gratiam inventa est formula Galli Aquilii, neque enim probabile est ante Gallum Aquilium jure civili institui potuisse postumos nepotes, vivo suo patre. d. l. 29. Viglius ad §. 2. hic. n. 3. 4. Perez. Cod. hic. n. 4. Et quidem hæc inventa formula in casum quo qui tempore facti testamenti erat in utero uxoris sui filii, ante avum filio mortuo, post avi mortem, intra 10. menses proximos post mortem patris nepos nasceretur.

Qui ex formulâ Galli videtur suus, cum inspectâ rei veritate, tempore facti testamenti natus, suus non fuisset.

Erat insuper lex Vellejæ, in casum lata, quo vivo testatore vel filius vel nepos nasceretur. Cujus legis duo sunt capita; unum de nepotibus post testamentum vivo avo nascituris, & natis suo patre præmortuo; alterum de nepotibus tempore facti testamenti, id est, ante testamentum natis, & quidem vivo suo patre. Utrumque in casum, quo filius nepotis pater, testamenti facti tempore superstes est, sed tamen ante suum patrem discedit. De secundo capite legis Vellejæ agitur in §. 2. hic. rejecto primo capite ad Pandectarum tit. de liber. & post.

Erat præterea casus, si posthumus nasceretur post testamentum avi, & quidem vivo suo patre, qui mox discederet. Idque ex sententiâ Juliani. d. l. 28. §. 15. D. liber. & posthum. ut forte Julianus Posthumus appellari mereantur. Nisi quis cum mixti generis esse voluerit, quod duobus capit-

pitibus legis Vellejæ ex parte commixtis sit institutus.

Erat denique casus, si post testatoris captivitatem: posthumus nasceretur, observatâ legis Cornelij fictione. l. 15. D. de injust. rupt. vid. ad hæc Duaren. Cujac. ad dd. ll. 29. & 15. Govean. ad d. l. 29. Gulljelm. Onciaci quæst. jur. Philos. 30. n. 1. Zoef. D. hoc tit. Perez. Cod. eod. Fabrot. ad Theoph. hic.

§. 3.

LIBERI Emancipati præteriti non dicunt testamentum nullum.

E*Mancipatos liberos jure civili.*] Non eadem est ratio suorum, quæ emancipatorum: illi enim præteriti à patre dicunt testamentum nullum, hi utuntur remedio bonorum possessionis contra tabulas. Ratio est, quia plane extranei & alieni intelliguntur emancipati, propter imaginarias illas venditiones, quæ in eorum emancipationibus interveniebant, non aliter atque cæteræ res venditæ in alium sunt translata. l. 55. §. 1. D. de Ritu nupt. Quia tamen naturalis conjunctionis rationem intuetur prætor, (quam hic non respicit jus civile,) eos sub colore suitatis admittit. l. 6. §. 1. D. bonor. possessi. Cum enim hæredes contra jus efficere non possit, quasi hæredes facit, id est, bonorum possessores. §. minus ergo. Instit. de Hæred. ab intest. §. 1. Instit. de bonor. poss.

Quod amplius est, cum in naturali conjunctione scæminarum & masculorum par sit ratio, non minus scæminis quam maribus dedit prætor bonorum possessionem contra tabulas. Verum dixerit quispiam, ita melioris conditionis erunt emancipatæ scæminæ de jure prætorio, quam suæ de jure civili, quod non videbatur admittendum. *Resp.* hic nihil absurdi contineri, cum prætor magis æquitatis rationem intueatur, quam jus civile, ut non mirum si illo jure magis emancipatis, quam hoc jure suis succurratur. Nisi dicatur filiabus suis præteritis etiam à Prætore per bonorum possessionem contra tabulas subventum fuisse, & filiabus emancipatis jure prætorio forte non plus fuisse tributum, quam jure civili suis filiabus præteritis per jus adcrefcendi. Bacchov. hic.

§. 4.

Adoptivi impune poterunt præteriri.

A*doptivi liberi.*] Olim adoptivi non aliter atque naturales, id est, sui & legitimi, quamdiu erant in potestate patris adoptantis debebant hæredes institui vel exhæredari. Si tamen ab adoptivo patre fuissent emancipati, non eadem erat ratio: quod nullo jure ad patris adoptivi bona pervenire potuerint. Non jure civili, quoniam quod per adoptionem fue-

Pppp 3

rant

rant consecuti, aliâ civili ratione, id est, emancipatione perdebant. §. minus ergo juris. Instit. Hæred. ab intest. Non jure prætorio, quia cessat æquitas, conjunctio naturalis, quæ inter adoptantem & adoptatum nulla erat, nisi forte jura naturalia & civilia concurrant. §. 2. Instit. de adopt. Quia tamen vel per adoptionem, vel per emancipationem naturale vinculum, quo patrem naturalem contingunt, sublatum non est, ideo eos Prætor ac si à patre naturali fuissent emancipati, ad bonorum possessionem contra tabulas admittit. l. 4. D. Si tab. test. extab.

§. 5.

Jus novissimum proponitur.

S*Ed hac quidem vetustas introducebat.]* Imperator Justinianus ut scæminis semper impensè favit, ita etiam hoc in loco non habitâ ratione sexus dignioris, jus antiquum circa successiones in multis bene dispositum, in deterius reformavit, turbavit, sustulit. Nec movebatur rationibus satis justis, in §. 5. enumeratis, cur jura pristina mutaret: cum tamen in novis rebus constituendis evidens utilitas exigebatur, ut recedatur ab eo jure, quod diu æquum fuit visum, in princ. Instit. de Codic. l. 2. D. de Princ. Constit. Bacch. hic. Suâ autem constitutione Justinianus Imperator inter masculos & scæminas nihil interesse voluit, uti nec inter filios ceterosque per virilem sexum descendentes, inter natos & posthumos. §. 5. hic. l. 4. Cod. de liber. præterit. Adcoque statuit ut tam scæminæ quam mares, tam ulterioris quam primi gradus, tam posthumæ quam posthumi, tam suæ quam sui, tam emancipatæ quam emancipati paris essent juris & conditionis ad testamenta suorum parentum infirmanda. Ut si sui sint, sive scæminæ sive mares, præteriti, testamentum dicant nullum. Si posthumi sive mares sive scæminæ, testamentum rumpant agnatione, vel quasi. Si emancipati, sive scæminæ sive mares, per bonorum possessionem contra tabulas ad hæreditariam portionem auferenda non admittantur. Estque hic genuinus sensus nostri §. 5. ut hallucinentur qui alium huic §. 5. sensum affingunt, quasi jure novo inter suos & emancipatos sublata sit differentia: cum expressis verbis dicat Imperator se discrimen in sensu sustulisse, subjectis novi juris rationibus, quæ non nisi sexui applicari poterunt. Ut discrimen inter suos & emancipatos dispositioni juris antiqui sit relinquendum, quod stabit, donec mutatum esse probetur. Argum. l. 32. in fin. Cod. de appell. Fabrot. ad Theoph. hic.

§. 6.

Miles potest Liberos præterire.

S*Ed si in expeditione.]* Quæ dicta superius circa præteritionem filii sui, exceptionem patiuntur in testamento militis, qui in expeditione occupatus, filium in potestate impune præterire potest, modo se filium habere

bere sciat, vel uxorem esse prægnantem. l. sicut. Cod. de testam. milit. Cum enim omnibus juris civilis solemnibus miles sit solutus, etiam ab hac subtili observatione, liberatus erit. in princ. & §. 1. Instit. de testament. milit.

Quod si se filium habere ignoraverit, vel uxorem uterum ferre, non præsumendum erit, eum alienas successiones propriæ voluisse antepone, adeoque non sustinebitur ejus voluntas. §. 6. hic. l. 2. D. de manum. testam. l. 9. 10. Cod. de testament. milit. l. 30. Cod. de fideic. Gomez. ad l. 24. Tauri.

§. 7.

1. MATER & AVUS Maternus idem potest. | 2. Quid obtineat Jure Hebræorum?
3. Quid Moribus?

Mater & avus maternus.] Mater vel avus maternus non tenentur liberos vel instituere vel nominatim & expressè exhæredare. Sufficit ab iis liberos esse præteritos, quos non habent in potestate; qui præteriti reputantur pro exhæredatis, quod præteritio hoc in loco sit tacita quæpiam exhæredatio. Nec interest sciverint, an ignoraverint se liberos habere; licet in uno intersit casu, quod ex testamento in quo per errorem sunt præteriti, legata etiam jure antiquo peti poterant, etiam relicta servabantur libertates. Cum aliter per quæreclam inofficiosa, quæ locum habet quando liberi à matre sunt præteriti, totum testamentum infirmaretur, & quicquid eo relictum, ad causam intestati redigeretur. l. 28. D. de inoff. testam.

Ude quæsitum, num præteriti gaudeant beneficio juris prætorii, quo fruuntur liberi à patre emancipati? Resp. quod non, quia habentur pro exhæredatis, quibus non competit bonorum possessio contra tabulas. Sunt qui hanc rationem reddunt, quod non subsit naturalis conjunctio, quam in tuetur prætor. Potius dicendum foret, rationem nominis & familiæ cessare, quæ prætorem movere potuisset. Quicquid sit quod prætorem moveat, illud saltem indubitatum est, edictum prætoris de bonor. poss. contr. tabul. ad testamenta fœminarum non pertinere, quæ suos non habent, nec habere desierunt, quia habere non possunt. l. 13. D. de suis & legitim. hæ. l. 6. §. 1. D. de bonor. poss. l. 4. §. 2. D. de bonor. poss. contr. tabul.

Neque hic quicquam jure novissimo immutatum, ut errent, qui statuunt hodie præteritos à matre testamentum dicere nullum, non aliter atque si à suo patre fuissent præteriti. Cujac. ad l. 17. D. de injust. rupt. testam. Duaren. ad tit. D. de liber. & posthum. c. 3. Treutl. vol. 2. disp. 11. thes. 1. litt. c. diff. Clarus §. testamentum. q. 47. Grass. q. 36. n. 1. Donell. 6. comm.

11. Fachin. 6. contrav. 77. Henon. disp. 7. ad Instit. §. 17. Akhus. dicaj. 1. c. 50. n. 15.

JURE HEBRÆORUM.

2. Filius si expressâ formulâ exheredatus esset à patre, testamentum erat irritum. Idem quod observari volunt in filiabus, fratribus, & in duplici sorte primogenituræ. Idque colligunt Rabbini ex cap. 27. Numer. v. 11. ubi lex de hæreditate deferenda dicitur esse in decretum judicii, sic ut immutari non potuerit. Quo etiam trahunt illud Prov. 9. v. 17. Selden. de success. cap. 24.

Volunt tamen iidem Rabbini, si pater moribundus aut ægrotus, non si sanus, aliquem ex iis, quem lege instituere debebat, hæredem vel nuncupasset vel scripsisset, & cæteros præterivisset, vel exheredasset tacitè, testamentum valuisse. Ut si dixerit testator: *filius mihi hæres esto ante omnes alios. vel, solus hæres esto.* Quasi fas esset eos ad libitum hæredes instituere, qui essent ex eorum numero, quos lex vellet cohæredes. Quo trahunt, verum sine ullâ ratione probabili, locum Deut. 21. v. 16. Idque ad exemplum substitutionis quasi pupillaris jure civili receptæ, quâ requirebatur ut ex fratribus si non essent liberi furiosi, scribatur hæres.

Donatione etiam licitum habebatur, facultates sub lege tamen redimendi & Jubilæi in extraneum transferre, atque ita per consequentiam liberos paternâ hæreditate privare. Quod observat Selden. loc. alleg.

Ut tamen si filio omnium bonorum esset facta donatio, is partes debitas cæteris fratribus ad instar curatoris administraret, quas fratribus salvas retinebat. Quod spectat jura Hebræorum lege nondum latâ, dubium non habet quin patrifamilias liberum fuerit etiam proximis præteritis extraneum ex assè hæredem scribere. Gen. c. 15. v. 3.

MORIBUS.

3. Non curantur plerorumque moribus juris illius Romani subtilitates, quæ certum & instituendi & exheredandi modum continebant. Unde liberi sub casuali conditione institui poterunt, modo ea non fuerit appositâ legitimæ, quæ sine onere relinquenda. Clarus §. testamentum. q. 39. n. 4. Gothefr. ad Nov. 18. c. 3. Grot. 2. inttod. 18. §. *int algemeyn*. Groenw. ad l. 4. D. hæred. Instit. Censent tamen conditionem potestativam etiam à legitima esse rejiciendam. Gothefr. ad d. Nov. 18. c. 3. Groenw. loc. allegat. diff. Clarus loc. alleg. aliique apud Anton. Math. disput. fin. de success. num. 34.

Quinamplius nihil interest filius sit exheredatus an præteritus, sic ut de moribus nostris (Frisiâ forte exceptâ & quondam nostrâ Provinciâ, si iudicatum standum, de ann. 1580. Jul. 30.) testamentum subsistat. Quod tamen

men ibidem vi clausulę codicillaris sustinebitur, licet in eo filius sit præteritus. vid. Clarus §. cit. q. 8. 9. Gail. 2. observ. 12. 114. Sneiderwin. hic. in princ. Sand. 4. decis. 1. def. 6. & 4. dfin. 10. Radel. decis. 44. Grot. 2. introd. 17. 18. Hartmann. Pistor. 1. q. 1. Ruræm. p. 3. tit. 6. §. 3. Groenw. hic. & in l. 1. Cod. lib. & posth. hæred. Instit. Dessel. in not. ad Zoef. hic. ibique DD.

Et quidem testamentum continens filii præteritionem, per quærelam rescindi debet. Gudel. 2. de jure noviss. 5. Neostad. supr. curiæ decis. 100. Grot. Groenw. loc. cit. vid. de Saxoniz moribus dissentientem Carpzov. jurispr. forens. p. 3. constit. 9. def. 1. n. 7.

Multo minus nullum censei poterit testamentum, in quo congruenter locorum quorundam statutis filia præterita est, vel ab hæreditate semota. Clarus §. testam. q. 42. n. 6. Forster. de success. ab intest. l. 1. cap. 34. n. 4. Viglius §. sed hæc quidem. 5. hic. n. 3.

Quod si suspiciamus locorum testamentum foret nullum, non id ipso jure obtineret, verum per judicis sententiam declarari deberet, instituta quærela vel actione super nullitate, quæ non nisi spatio 30. annorum siniretur. Bartol. in l. si express. 19. n. 12. D. de Appellat. Guid. Papon. q. 597. vid. Anton. Matth. disp. 8. de success. n. 7. & ex parte dissentientem Gomecium 1. varior. 11. n. 7.

Quod vero spectat posthumorum vel nepotum exhæredationem aut præteritionem, ibique observatas juris Romani subtilitates, illarum raro vel potius nunquam apud nostrates usum habebunt. Perez. Cod. hic. num. 7. in fin.

In hoc etiam quorundam mores à jure civili secessum faciunt, quod posthumos filios vel nepotes pro legitimis agnoverunt, qui mense duodecimo & ultra duodecimum mensem post humatum patrem fuerunt prognati. vid. Alciat. 3. parerg. 7. Mynsing. 6. obs. 40. Caranz. in fin. de part. natur. & legit. Zoef. D. hic. n. 56.

LIBER. II. TITULUS XIV.

DE

HÆREDIBUS INSTITUENDIS.

Hæredes instituere permissum est tam liberos homines, quam servos. & tam proprios, quam alienos.

Qq 99

Pro.

Proprios autem olim quidem secundum plurium sententias non aliter, quam cum libertate, rectè instituere licebat: hodie vero etiam sine libertate, ex nostra Constitutione, hæredes eos instituere permissum est. Quod non per innovationem induximus, sed quoniam æquius erat, & Atilicino placuisse Paulus suis libris, quos tam ad Masurium Sabinum, quam ad Plautium scripsit, refert. Proprius autem servus etiam is intelligitur, in quo nudam proprietatem testator habet, alio usumfructum habente. Est tamen casus, in quo nec cum libertate utiliter servus à domina hæres instituitur, ut Constitutione divorum Severi & Antonini cavetur, cujus verba hæc sunt: *Servum adulterio maculatum, non jure testamento manumissum ante sententiam ab ea muliere videri, quæ rea fuerat ejusdem criminis postulata, rationis est. Quare sequitur, ut in eundem à domina collata hæredis institution nullius momenti habeatur.* Alienus servus etiam is intelligitur, in quo usumfructum testator habet.

1. Servus autem à domino suo hæres institutus, si quidem in eadem causa manserit, fit ex testamento liber, hæresque ei necessarius. Si vero à vivo testatore manumissus fuerit, suo arbitrio adire hæreditatem potest: quia non fit hæres necessarius, cum utrumque ex domini testamento non consequatur. Quod si alienatus fuerit, jussu novi domini adire hæreditatem debet, & eà ratione per eum dominus fit hæres. Nam ipse alienatus, neque liber, neque hæres esse potest, etiamsi cum libertate hæres institutus fuerit: destitisse enim à libertatis donatione videtur dominus, qui eum alienavit.

Alienus quoque servus hæres institutus, si in eadem causa duraverit, jussu ejus domini adire hæreditatem debet. Si vero alienatus fuerit ab eo, aut vivo testatore, aut post mortem ejus, antequam adeat, debet jussu novi domini adire. At si manumissus est vivo testatore, vel mortuo, antequam adeat, suo arbitrio adire potest hæreditatem.

2. Servus etiam alienus post domini mortem rectè hæres in-

instituitur; quia & cum hæreditariis servis est testamenti factio. Nondum enim adita hæreditas personæ vicem sustinet, non hæredis futuri, sed defuncti: cum etiam ejus, qui in utero est, servus rectè hæres instituatur.

3. Servus autem plurium, cum quibus testamenti factio est, ab extraneo institutus hæres unicuique dominorum, cujus iussu adierit, pro portione domini acquirit hæreditatem.

4. Et unum hominem, & plures usque in infinitum, quot quis hæredes velit, facere licet.

5. Hæreditas plerumque dividitur in duodecim uncias, quæ assis appellatione continentur. Habent autem & hæ partes propria nomina ab uncia usque ad assem, ut puta hæc, sextans, quadrans, triens, quincunx, semis, septunx, bes, dodrans, dextans, deunx. Non autem utique semper duodecim uncias esse oportet: nam tot uncia assis efficiuntur, quot testator voluerit, & si unum tantum quis ex semisse (verbi gratiâ) hæredem scripserit, totus as in semisse erit. Neque enim idem ex parte testatus, & ex parte intestatus decedere potest: nisi sit miles, cujus sola voluntas in testando spectatur. Et è contrario potest quis in quocumque voluerit plurimas uncias suam hæreditatem dividere.

6. Si plures instituantur hæredes, ita demum in hoc casu partium distributio necessaria est, si nolit testator eos ex æquis partibus hæredes esse: satis enim constat, nullis partibus nominatis, ex æquis partibus eos hæredes esse. Partibus autem in quorundam personis expressis, si quis alius sine parte nominatus erit, si quidem aliqua pars assi deierit, ex ea parte hæres fit. Et si plures sine parte scripti sunt, omnes in eandem partem concurrunt. Si vero totus as completus sit, ii, qui nominatim expressas partes habent, in dimidiam partem vocantur: & ille vel illi omnes in alteram dimidiam. Nec interest, primus, an medius, an novissimus, sine parte hæres scriptus sit. ea enim pars data intelligitur, quæ vacat.

7. Videamus, si pars aliqua vacet, nec tamen quisquam

Qqqq 2

sine

sine parte sit hæres institutus, quid juris sit, veluti si tres ex quartis partibus hæredes sunt. Et constat, vacantem partem singulis tacitè pro hæreditaria parte accedere, & perinde haberi, ac si ex tertiis partibus hæredes essent. Et ex diverso, si plures hæredes scripti in portionibus sint, tacitè singulis decrescere, ut, si (verbi gratia) quatuor ex tertiis partibus hæredes scripti sint, perinde habeantur, ac si unusquisque ex quarta parte scriptus fuisset.

8. Et si plures uncix, quam duodecim distributæ sint, is, qui sine parte institutus est, quod dupondio deest habebit. Idemque erit, si dupondius expletus sit: quæ omnes partes ad assem postea revocantur, quamvis sint plurium unciarum.

9. Hæres & purè & sub conditione institui potest: ex certo tempore, aut ad certum tempus non potest: veluti, *post quinquennium quam moriar, vel ex Calendis illis, vel usque ad Calendas illas hæres esto*. Denique diem adjectum haberi pro supervacuo placet; & perinde esse, ac si pure hæres institutus esset.

10. Impossibilis conditio in institutionibus & legatis, nec non in fideicommissis & libertatibus, pro non scripta habetur.

11. Si plures conditiones in institutionibus adscriptæ sunt: siquidem conjunctim, ut puta, *si illud & illud factum fuerit*, omnibus parendum est; si separatim, veluti, *si illud aut illud factum erit*, cuilibet conditioni obtemperare satis est.

12. Illos, quos numquam testator vidit, hæredes institui possunt: veluti si fratris filios peregrinantes, ignorans qui essent, hæredes instituerit. Ignorantia enim testantis inutilem institutionem non facit.

COMMENTARIUS.

1. Hæredis institutio est fundamentum testamenti.

est, vel verbis facta precariis excludit.

2. Et absolute facta eam, qua obliqua

3. Hæredis Institutio de Personâ in Per-

Personam extenditur.

4. Quandoque de casu in casum extenditur.

5. Positi in conditione non sunt vocati ex Testamento.

6. Quidam institui non possunt.

7. Quidam in partem aliquam admittuntur.

8. Quidam absolute institui poterunt, ut Servi.

9. Qui Servi dicantur proprii?

10. Exceptio proponitur à regulâ.



Um hæredis institutio sit caput & fundamentum totius 1. testamenti, cujus ommissio testamentum vitiat, quo nomine à Codicillis distinguitur. l. 1. in fin. D. vulg. subst. l. 10. D. de codic. Ulpian. titul. 24. & plerumque ab hæredis institutione initium fieri debeat. l. 1. D. hic. non forte semper & perpetuo, propter l. 24. 25. Cod. de testam. eapropter non inutiliter in materiâ testamentariâ peculiarem rubricam sibi vindicant ea quæ est de Hæredibus instituendis. Fabrot. ad Theoph. hic.

Ubi tria veniunt ordine excutienda, quis hæres institui possit vel non institui? In quibus partibus? & denique, quo modo? Is, si spectemus allusionem nominis, hæres instituitur qui quasi in locum testatoris statuitur: cum una quodammodo cum eo persona esse videatur. In rei veritate instituitur hæres, qui à testatore post ejus mortem primo loco bonorum designatur dominus. Nam antiqui hæredem pro hero, vel domino accipiebant. §. fin. Instit. de hæred. qual. & diff. l. cum hæredes. D. de adquir. poss. & hæreditatem bona & familiam nuncupabant. d. loc. & Rubric. fam. l. ercisc. §. 1. Instit. de testam. ordin. Cujac. 5. obs. 10.

Designatur bonorum dominus tam nuncupatione quam scripturâ: nam utrumque instituendi vocabulum in se complectitur, licet longe inter se differant, scribere & nuncupare. l. 1. §. 1. D. hic. l. 29. Cod. de Testam.

Hæres instituere permixtum est. In antecessum nonnullæ tollendæ difficultates, dein ad personas deveniendum erit. Et quidem in principio quæsitum: num hæredis institutio directam tantum dicat institutionem, num vero & obliquam? Resp. Quia hæredis institutio testamentum dicit non codicillos, & ex institutione colligimus testatorem codicillos facere noluisse; consequitur nonnisi directam, exclusâ obliquâ, verbis simpliciter prolati, designari. l. illud. §. 1. D. Codicill. l. si Titius. 96. D. de Leg. 3. l. non codicillam. Cod. de Testam. Cujac. Parat. Cod. hic.

Quæsitum ulterius: num hæredis institutio de personâ ad personam 3. extendendâ? Videtur quod ita, si modo extensionem juvent circumstantiæ, vel conjectura pietatis. l. Gallus. 29. §. quid si tantum. D. de liber. & posthum. l. 102. D. condit. & demonstr. l. 3. Cod. de inoff. test. Fachin.

4. controv. 77. Menoch. 4. præf. 26. n. 19. Hœnon. disp. 8. ad Instit. n. 1. diss. Alciat. 3. de verb. signif. n. 5. & seq. Vafq. de success. progress. in explic. l. 3. Cod. de inoff. testam. n. 9.

4. Amplius quæsitum: num institutio in unum facta casum ad alium sit extendenda? *Resp.* tum demum extendenda est, cum vel evidens est lex, vel conjecturæ voluntatem indicant testatoris. l. 10. l. 29. §. & quid si. D. de liber. & posthum. l. 4. l. 21. D. de vulgar. substit. Duaren. ad eundem tit. c. 9. Pachin. 4. controv. 61. vid. Mantic. de conj. ult. volunt. 3. tit. 2. Menoch. 4. præf. 16. 26. 65.

5. Quæsitum denique: num liberi censeantur hæredes instituti, vel vocati ex testamento, qui positi in conditione; *si sine liberis discedat*? *Resp.* Neg. quia conditio non est dispositio, ut positi in conditione, non sint in dispositione, licet à conditione pendeat dispositio. l. si quis. 8. D. Si quis omiff. caus. testam. l. 29. l. 82. D. hæred. Instit. Cravett. conf. 109. 125. Boër. decis. 155. Covarr. in c. Rainut. §. 3. n. 2. de testam. Gomez. 1. Resol. 3. n. 23. Gail. 2. obs. 136. n. 20. Hotrom. illustr. quæst. 13. Hœnon. disp. 8. ad Instit. n. 7. Sunt tamen qui affirmativam sententiam amplectuntur, quando conjecturâ pietatis qui in conditione positi vocati censentur. l. 102. D. condit. & demonstr. l. 30. Cod. de fideic. vid. Fusar. de fideic. q. 437. & seq. Sand. 4. decis. 6. def. 5. Mantic. de conj. ult. vol. l. 11. tit. 2. 3. & libr. 10. tit. 8. Menoch. 4. præf. 89. n. 2. Neost. decis. cur. Holl. 22. in fin. Christin. vol. 1. decis. 308. & vol. 4. decis. 46.

6. *Hæredes instituire permiffum est tam liberos quam servos.*] Videtur esse transpositio, neque enim de liberis hominibus erat dubium, verum de servis, ut sensus sit tam servos quam liberos hæredes scribi posse, tam proprios quam alienos. In genere hoc præmittendum omnes illos hæredes scribi posse, qui non prohibentur. Et quidem quosdam instituere licet absolute, quosdam non omnino, quosdam nullo modo. In numero eorum qui nullo modo instituuntur sunt Servi pœnæ, In metallum damnati, Deportati. l. si in metallum. D. quæ pro non script. l. 1. Cod. hic. Eorum liberi, qui sunt majestatis rei. l. quisquis. §. filii. Cod. ad l. Jul. majest. Hæretici. l. monachi. Cod. de hæretic. Collegia illicita. l. 8. Cod. hic. Incestuosi. Auth. quibus mod. natur. eff. sui §. fin. Peregrini. l. divus. D. de jure fisci. l. 1. Cod. hic. Quod forte correctum per Auth. ut omnes peregrini. Cod. Comm. e success. Incertæ personæ. l. 9. §. fin. D. hic. l. 13. Cod. eod. nisi tamen indubitabili signo describerentur. d. l. 9. §. si quis. id quod postmodum per Justinianum fuit temperatum. §. incertis. & seqq. Instit. de Leg. Incertis etiam personis corpora licita adnumerabantur, nisi hoc jure eis fuisset concessum. l. 8. Cod. hic. Estque postmodum collegiis tributum Christ. an-
rum.

rum. l. 1. 12. Cod. Sacros. Eccles. Mulier insuper quæ intra annum luctus nubit, hæreditatis adipiscendæ capax non est. l. 1. §. præterea. Cod. secund. nupt. Imperator litis causâ scriptus hæres. l. pen. D. hic. licet alius potentior admittatur. l. 8. §. 3. D. Alien. judic. mut. caus. fact. Duaren. hic. cap. 2.

In numero eorum qui non omnino, id est, qui secundum aliquam portionem institui poterunt, erant jure antiquo cælibes, nisi qui essent genere proximi, sicuti nec ex testamento capiebant, nisi intra centum dies matrimonium inivissent. Ulpian. tit. 17. Orbi, qui ab extraneo non nisi dimidium ejus quod relictum capere poterant. Conjux, quæ lege decimariâ relictorum partem decimam capiebat. vid. Ulpian. tit. 13. 15. 16. quæ sublata per tit. Cod. infirm. poen. cælibat. Conjux secunda, quæ jure novo non plus capit ex testamento conjugis, quam singuli liberi prioris matrimonii. l. hæc editali. Cod. de secund. nupt. Liberi naturales tantum, & spurii, quibus si extent legitimi, vel defuncti parens, non nisi certa portio lege præscripta relinqui potest. Nov. 89. c. 12. vid. Clarum. §. testam. q. 31. & seq. Fachin. §. q. 98. Gregor. Tholos. Synt. juris. libr. 42. c. 35.

Absolutè licet eos instituere, de quibus agitur in hoc titulo; quales sunt 8. servi, tam alieni, quam proprii. Illi ex personâ domini rectè hæredes instituuntur, cum ex propriâ personâ juris civilis sint incapaces. §. 4. Instit. de pupill. substit. l. non minus. 11. D. hic. Unde quorum domini institui non poterunt, nec ipsi hereditatis erunt capaces. Quandoque tamen ex personâ non domini sed usufructuarii hæreditatem adquirunt, si intuitu usufructuarii servus hereditas sit relicta. vid. mea ad tit. Instit. per quas pers.

Servi proprii olim non aliter quam cum libertate scribebantur hæredes, quod mortuo testatore non supersit qui domini personam repræsentaret. Hodie etiam sine libertate: quod in obscurâ voluntate manumittentis libertati sit favendum. l. 179. D. de regul. jur. Id quod æquum est, & ante Justinianum placuisse jurisconsultis colligere licet, ex init. hujus tituli, sed comprobatum postmodum Justiniani Constitutione in l. pen. Cod. Necess. serv. hæred.

Quid si dominus servum fecerit hæredem, ademptâ libertate? Dicendum cum nihilominus hæredem fore. Neque enim efficere potest dominus ne leges habeant locum in testamento. l. 55. D. de Leg. 1. Tacitè nihilominus poterit servo heredi adimere libertatem, si eum alienaverit. §. 1. in med. hoc tit. quo in casu, uti sæpe in jure accidit, tacitum plus operatur, quam expressum. l. 77. D. de Regul. jur.

Quæ de servo herede dicta, non per omnia servo legatario sunt applicanda, cui legatum relinquitur, etiam sine libertate. l. pen. Cod. de Serv. ne-

necess. hæred. Neque enim eadem legatarii quæ hæredis est ratio, cum effectum sortiri possit voluntas testatoris legatario manente servo, non ita, hærede servo remanente, quasi hæreditas majori cum honore, quam legatum, tantum ex æquitate præstandum, sit relinquenda. l. 5. §. illo. Cod. eod. vid. Cujac. 18. obs. 4.

9. *Proprius autem servus is intelligitur.*] Dictum fuit servos proprios hæredes institui posse, verum constare debet, quinam proprii esse intelligantur, Et dicitur eos esse proprios, quorum alii habent usumfructum. l. 1. §. 1. D. Silan. Usumfructus enim pars dominii non est, sed servitutis, sic ut proprietate nostri sint servi, quorum alienus est usumfructus. l. 25. D. verb. signif. Suos enim eos accipimus qui sunt pleno jure testantis, inter quos fructuarii non continentur. l. 73. D. Leg. 3.

An ergo in fraudem usumfructuarii servus hæres scriptus à domino proprietatis libertatem consequetur? *Resp.* libertatem consequetur, sed non in fraudem usumfructuarii, cui præstabit operas, & ex ejusdem re adquiret. l. 1. Cod. Comm. de manum. Non aliter atque homo liber alieno ære redemptus tam diu retinetur quasi pignoris jure, & præstat operas, donec satisfecerit redemptori.

Quid si servus fuerit communis plurium dominorum? Si cum libertate domini eum hæredem instituat, tenebitur socius jure novo suæ partis pretium accipere. l. 1. & fin. Cod. de comm. serv. manum. Si vero simpliciter, non factâ mentione libertatis, forte socio per servum communem quæsitæ erit hæreditas; nisi de voluntate testatoris aliter constiterit. l. verum. §. si servo commun. D. pro socio.

10. *Est tamen casus.*] Regula fuit proposita servum proprium etiam sine libertate hæredem institui posse. Subjungitur exceptio in servo adulterii cum dominâ commissi maculato, qui à dominâ istius criminis postulata, hæres institui non debet. in princ. hic. Si modo non tantum in reorum numerum sit relata, sed & criminis fuerit particeps, quod accusasse non sufficiat. l. reo. Cod. Ad l. Jul. Adult. Idque rationis est, quod nemo ex suâ improbitate præmium consequi debeat. l. 12. §. sed furti. D. de furt. vel poenam quam meretur effugere, quod eveniret, si servus adulterii reus, liber & hæres fieret, ut qui quæstionibus subduceretur. l. prospexit. D. qui & à quibus manum. l. his verbis. §. interdum. D. hoc tit. vid. Nicolaum de Passeribus concil. p. mihi 631. Muretum variar. lect. 19. c. 8.

§. 1.

Servus proprius quando Hæres institutus fiat liber?

S*ervus autem à domino.*] Quod dictum servum proprium hæredem institui posse, adeoque fieri liberum, ita intelligendum est, si in eadem causâ man-

manferit, id est, ejusdem domini, qui eum voluit hæredem, vel postquam alterius factus est, à priori domino fuerit redemptus. l. 9. §. 16. l. 50. D. hoc tit. Quod favore libertatis est receptum, sic ut in aliis casibus obtinere non debeat. l. 15. D. de adimend. legat. Quod si servus vivo testatore fuerit manumissus, hæres quidem erit & successor domini, non tamen necessarius. l. 6. §. 3. l. 90. D. hic. Quod si fuerit alienatus, jussu novi domini qui per eum fiet hæres adibit hæreditatem. Idem quod de alieno servo hærede instituto dicendum est, qui quamdiu suo domino subest, ejus jussu adibit hæreditatem, alterius factus, jussu alterius; verum sui juris effectus suo arbitratu hæreditatem adire poterit. Sicut enim cum servi dominio ambulare bonorum possessio, ita & hæreditas. l. 2. §. fin. D. de bonor. possess. secund. tabul.

§. 2.

Servus alienus licet Dominus sit defunctus vel in utero, Hæres institui poterit.

SERVUS etiam alienus.] Servos alienos institui posse hæredes fuit indicatum §. 1. verum id poterat habere difficultatem in servo alieno, domino defuncto. Videtur enim ille servus esse nullius, quia dominum non habet. l. 1. in princ. D. de Rer. divis. Et respondetur eum nihilominus hæredem institui posse, quod nondum adita hæreditas defuncti vicem repræsentet. l. 34. D. Acquir. domin. Præsertim quamdiu incertum est, sitne hæres scriptus aditus hæreditatem. d. l. 1. l. 31. §. fin. D. hic. l. 28. §. fin. D. stipul. servor. & ita non obstat l. 24. in fin. D. de novat.

Quid si servus ejus qui est in utero hæres sit institutus? Idem dicendum erit; non quia intelligitur tempore mortis testatoris extitisse, qui in utero relictus est, id quod quidem in aliis obtinet casibus. l. 153. D. verb. signif. verum quia hæreditas, quam capiet cum fuerit natus, defuncti personam exhibet. Arg. princ. Instit. de stipul. servor.

Non recte tamen usufructus servo relinquitur, si ejus dominus in fata concefferit, & necdum hæreditas sit adita. Quoniam usufructus, jus personale, sine personâ esse non potest. l. usufructus. D. stipulat. servor. cum relicta servo hæreditas sit juris, quæ personæ intervenientis factum non de- siderat. vid. quæ dixi ad tit. de stipul. servor.

§. 3.

Servus plurium Hæres institui poterit.

SERVUS autem plurium.] Quemadmodum servus unius, si jussu domini hæreditatem adeat, eam in solidum acquirit domino, modo cum eo sit testamenti factio: ita & servus plurium, cum quibus est testamenti factio

R r r

factio unicuique dominorum, cujus jussu adierit, pro ratâ adquirere hæreditatem. Arg. l. 76. D. de rei vindic.

Quid si portionem in quâ servus communis hæres est institutus alter dominorum capere non possit? Rectè nihilominus servum fuisse institutum dicitur. Neque enim coincidunt, cum domino testamenti factionem non esse, & dominum certam portionem capere non posse. Ut ita huic §. 3. non obstat l. 82. D. de adquir. hæred.

Quid si à domino servus communis hæres sit institutus? Quia dominus rei suæ hæres esse non potest, cæteris dominis acquisita erit hæreditas, adhibita distinctione paulo ante allegatâ.

Quid si unius jussu servus communis adierit hæreditatem, an etiam socios oneribus hæreditariis obstringet? Resp. Si quidem reliqui suas partes repudiaverint, invitos eos obligari non oportet, vel oneribus intricari hæreditariis. §. 3. Instit. Per quas person. adquir. Quia tamen nemo pro parte testatus, pro parte intestatus discedere potest, ideo reliquorum partes repudiata huic soli, cujus jussu adita est hæreditas, sine novâ additione adcre-scent. l. 66. D. de adquir. hæred.

§. 4.

1. Plures in infinitum Hæredes institui poterunt. | 2. Moribus quid obtineat?
3. Quid Jure Canonico?

a. **E**T unum hominem, & plures.] Quia unicuique disponendi super rebus suis concessa est facultas, sic ut ejus voluntas legis instar obtineat. l. 1. Cod. de Sacros. Eccles. Nov. 22. §. disponat. ideo quot quis velit, hæredes facere potest. Nullâ factâ determinatione numeri instituendorum, quod hic designat modus loquendi, *in infinitum*, quem alii per hyperbolem explicant. Quod ita tamen accipiendum est, dummodo curet testator, ne vagetur nimium, neve tanta sit incertitudo, quin ex circumstantiis ad certitudinem referri possit. vid. l. fin. Cod. de Sacros. Eccles. ibique DD. Joh. Fabrum, Vigilius in d. §. 4. Gomef. 1. Resol. 2. n. 2.

MORIBUS.

2. De Moribus etiam valet testamentum in quo omissa est hæredis institutio, quod legatis quis exhaurire valeat hæreditatem, dato executore, qui legata distribuat, quæ aliter per officium judicis, vel viduam defuncti testatoris, quæ massaria appellatur, distribui poterunt. Gomef. ad l. Tauri. 24. n. 1. v. 4. Gudel. 2. de jure noviss. 5. Christin. 1. decis. 147. n. 8. Goris tract. 4. advers. §. 11. Aurelian. tit. 14. §. 1. Paris. tit. 14. §. 299. Ruræm. 3. tit. 6. §. 1. n. 18. Sluf. Flandr. titul. 32. §. fin. diff. Grot. 2. introd. 24. Transilul. 2. tit. 5. §. 9. Daventr. 3. tit. 4. §. 7.

Pere;

Peregrini insuper ex testamento capere possunt. Burgund. ad Flandr. tract. 14. n. 5. Grot. 2. manud. 16. à princ. Groenweg. ad l. 1. Cod. de hæred. Instit. Stat. Antv. tit. 40. §. 1.

De Galliz moribus disquirunt ipsi Galli, apud Imbert. in Enchir. verb. bona quibus. De aliorum moribus, quibus exteris immobilia non relinquuntur, vid. Mevium ad Lubecens. libr. 1. tit. 2. artic. 5.

Si tamen nostris moribus exteris vel extraneis, non liberis testatoris, ut in Hollandiâ, non in lineâ rectâ, ut Ultrajecti, relinquuntur immobilia, vel quæ eorum veniunt nomine, vicefima hæreditatis in Hollandiâ, tricesima, Ultrajecti, fisco debetur. vid. Mevium ad Lubec. part. 2. artic. 4. titul. 2. Constit. Ordin. Holland. ann. 1640. Aug. 18. & 1653. Sept. 27. Constit. Ultraj. ann. 1637. Febr. 16.

Quod attinet collegia licita, iis moribus rectè immobilia relinquuntur. Non tamen monasteriis vel ecclesiis ea relinqui poterant, quia manui mortuæ relicta dicebantur, nisi impetratæ essent à Principe litteræ amortizationis. Gail. 2. obs. 32. Peckius de amortifat. bonor. c. 10. & Goris advers. 3. c. 8. Grot. 1. introd. 5. & 16. Sand. de feud. Gelriz tract. 1. tit. 1. cap. 1. n. 42. Ratelant. decif. cur. Ultraject. 125. n. 21. Constit. Carol. ann. 1524. Mart. 24. & ann. 1531. Octobr. 15. Lib. edictorum Flandr. part. 1. p. 57. 54. 749. Perez. Cod. de sacr. eccl. n. 9. Non etiam hodiè monialibus, vel sacrificulis apud nos ea rectè relinquuntur. vid. libr. stat. Fris. append. nov. p. mihi 5. 6. Placit. Ordin. Holl. ann. 1655. May. 4. Anton. Matth. disp. fin. post success. n. 18. Mev. ad Lubec. 1. tit. 2. art. 6. vid. mea de Statutorum concursu. sect. 5. c. 2. n. 13.

Illicitis vero collegiis multo minus quid relinqui potest, licet Proceres Belgii ad eorum conventus soleant connivere. vid. Coren obs. rerum judic. 9. Groenweg. ad tit. Cod. de Hæretic. & Manich. Memini tamen in ditione Vianensi incidisse casum quo pauperibus conventus anabaptistici Ultrajecti quid esset relictum, & pendente lite causam transactione fuisse terminatâ, ut portio relictæ pauperibus nostris, portio anabaptistis assignaretur. Et tamen hæreticis & apostatis, etiam deportatis rectè quid relinquitur, nisi ad partes hostium defecerint, vel apud illos degant, quibus immobilia relinqui non possunt. vid. Leeuw. Censur. forens. 3. cap. 4. num. 35. 36. 38.

An vero liberi perduellium hæreditatis sint capaces disquiritur? Sunt qui hunc rigorem exclusum velint, ut Clarus §. læsa majestas. n. 14. Rebuff. procem. ad Constit. regias gloss. 5. num. 106. alique apud Anton. Matth. disp. fin. de success. n. 15. Forte tamen contrarium in Belgio statui possit, ex iis quæ habet Meteranus in suâ historiâ, de militibus Hoochstratanis

tanis sub Aelberto & Isabellâ seditionem moventibus, qui læsæ majestatis condemnati in primo gradu, dicuntur illis omnibus afficiendi pœnis, quæ de jure civili erant statutz. Verum hæc rejicienda ad tit. fin. Instit.

Circa conjugem ad hæreditatem vocandam mores variant, nam si intra annum luctus nubat, nihilominus rectè quid capiat ex testamento. Gail. 2. obs. 98. n. 8. Peck. 1. de testament. conj. 47. n. 3. Coren consil. 11. Rebuff. procem. ad consil. reg. gloss. 5. n. 66. Mornac. ad l. 11. §. si quis ergo. D. qui not. infam. Etiam in Hollandiâ & alibi capere potest ex testamento conjugis, non usumfructum tantum, verum etiam proprietatem; ne tamen si sint liberi prioris matrimonii plus capiat, quam quisque eorum. vid. Boër. decis. 200. Fachin. 3. contr. 66. Gratian. disc. forens. 2. c. 219.

Ultrajecti & in districtu Velaviz non nisi usumfructum reciproce relictum, non partem proprietatis, nisi pacto antenuptiali concessam, capere potest. Ultraj. Stat. tit. 22. §. fin. & Ordin. decis. ann. 1659. April. 14. art. 3. Velav. tit. 30. §. 3. Anton. Matth. disp. fin. de success. n. 17. Ampliss. Roodenb. de jur. conjug. tit. 2. cap. 4. p. mihi 239. Quod si ducta sit conjux minorennis invitis tutoribus, ex ejus testamento nihil conjux potest capere. Edict. Carol. 5. ann. 1540. Octobr. 4.

De spuriis id receptum videtur ut saltem ex testamento patris alimenta capiant. Sneiderwin. ad §. legari. Instit. de legat. Gail. 2. obs. 88. Costal. ad l. 19. D. de stat. hom. Imbert. in Enchir. in verb. spurio an possit. Everh. consil. 156. & 238. n. 5. Grot. 2. introd. 16. Coren consil. 21. Christin. ad Mechlin. tit. 18. §. 2. n. 8. Consuet. Ultrajectinæ jussu ducis Albani collectæ. §. 33. vid. Statutum Leidenf. artic. 150. In Frisâ tamen jus civile retinetur. Sand. 4. tit. 3. def. 37.

Tutores, curatores, administratores quod attinet, ex constitutione Carolinâ ann. 1540. Octobr. 4. ad immobilia eorum, quorum res administrant non vocantur, nisi sint parentes vel fratres &c. vid. Rebuff. tom. 2. ad consil. reg. tract. de don. & aliis dispos. gloss. 9. n. 18. Grot. 2. intr. 16. Sand. 2. tit. 9. def. 19. 20. Zyp. not. jur. Belgic. tit. de testam. verb. ita hæc. Roodenb. de jure conjug. p. mihi 118. Christin. 4. decis. 4. n. 16. Ordin. decis. Ultraj. ann. 1659. April. 14. artic. 15. quæ mobilia removel. vid. Statut. Amstel. p. 386. §. 8. Antwerp. tit. 46. §. 7. Fris. tit. 7. §. fin. Mechlin. tit. 19. §. 24. n. 7. & 10. ibique Christin. Consult. jurisc. Barav. tom. 1. conf. 10. & 114. Groenw. in l. 17. Cod. de admin. tut. Wassen. Pract. Notar. c. 18. n. 37. mea de nat. mobil. & immob. c. 18. n. 3. 4.

JURE CANONICO.

3. Non discedit intestatus qui extremam voluntatem alterius committit dispositioni; adeoque non est necessum, ut hæredis nomen exprimatur. c. cum tibi. de testam. Non.

Non etiam mulierem intra annum luctus nubentem ab hæreditate cuiusquam remonent canonistæ. Arg. c. *fig.* de *Secund. nupt.*

§. 5. 6. 7. 8.

- | | |
|--|---|
| 1. Hæreditas in 12. partes dividitur, & cur ita? | 3. Varii casus circa portiones assignantur. |
| 2. Extracertâ nemo scribi potest Hæres. | 4. Mores enarrantur. |

Hæreditas plerumque dividitur.] Licet quandoque testator in tot partes hæreditatem dividat, quot ipse velit. l. 13. D. de *liber. & posthum.* l. 13. §. 1. D. hic. omnes tamen partes juris potestate in duodecim uncias resolvuntur. d. l. 13. §. 1. vid. Tiraquell. de *jure primog.* quæst. 17. n. 11. Perfectus est enim numerus duodenarius, & secundum eum quondam nummi, pondera, & agri dividebantur. Aggenus Urbicus. Fabrot. ad Theophil. hic. Nec minor datur numerus, qui in tot partes æquales dividi ac subdividi possit, licet quidem major detur, in plures commodius dividendus. vid. Budæum de *asse.* Alexandr. ab Alexandr. *genial. dier.* 1. c. 1. & Tiraquell. *ibid.* Duaren. 2. *Anniv. disp.* 36. Magium 1. *Miscell. cap.* 15. Connan. 10. *comm.* 6. Gregor. Tholof. *Synt. jur. lib.* 42. c. 34. Coraf. 2. *Miscell.* 8.

Et si unum tantum quis ex semisse.] Quia paganus non potest pro parte testatus, pro parte intestatus discedere, inspecto initio, licet ex post facto id novum non sit, ideo hæredem scribere ex semisse, & alterum semissem legitimo hæredi ab intestato cum effectu relinquere nemo potest. l. 7. D. de *Regul. jur.* l. pen. §. *filius-familias.* D. de *castrens. pecul.* l. 37. D. de *testam. milit.* l. 30. §. 1. D. excus. tutor. Petr. Faber. in d. l. *jus nostrum.* 7. D. de *regul. jur.* Si tamen testator fecerit partes pauciores quam duodecim, ex quibus quem scripserit, ne pereat ultima voluntas, cujus favor est magnus, is solus per jus ad crescendi ex *asse* censetur hæres. Idem quod obtinet si ex re certâ quem scripserit hæredem, quod detractâ rei certæ mentione, ex conjecturâ voluntatis, legis accedente interpretatione, eum ad universam hæreditatem vocaverit. l. 1. §. 4. D. hic. l. 5. 6. 7. 8. l. 13. §. 2. D. eod. l. 19. D. de *liber. & posthum.* l. 13. Cod. hic. Tiraquell. *tract. le mort saist le vis.* 2. part. quæst. 4. Connan. 10. *comm.* 6. Gómes. 1. var. *resol.* 10. n. 8. Nisi tamen ei dederit cohæredem, qui tum erit hæredis loco, & in re certâ institutus loco legatarii, si non ante testatorem cohæres fuerit defunctus. l. 13. Cod. hic. vel incapax. l. 2. Cod. eod.

Quod si de voluntate constet testatoris, qui aliquem solummodo ex re certâ, vel certâ portione hæredem scripsit, & propterea neminem ex testa-

mento hæredem, vel quem scripsit plus capere vetuit, tunc neglectâ testatoris voluntate, quia legi adversatur, secundum legis dispositionem qui scriptus est hæres in assem succedet. Neque enim potest testator jus adcreſcendi prohibere, vel efficere ne leges habeant locum in testamento. l. 36. l. 74. D. hic. l. 55. D. Leg. 1. l. 7. D. Reg. jur. Duaren. 1. de jure adcreſc. c. 2. Clarus §. testamentum. q. 75. n. 3. in fin. Gregor. Tholof. Synt. jur. libr. 18. 46. c. 11. n. 15. Fachin. 4. controv. 15. in fin. diff. Gomeſ. 1. variar. resol. 19. num. 10. Viglius in §. 7. hic. n. 8.

Secus quam obtinet in testamento militis, qui si ex re certâ scripserit hæredem, quæ supersunt bona hæredes ab intestato capient. l. 1. Cod. Testam. milit. Quod si ex certâ portione hæreditariâ, etiam cessabit jus adcreſcendi, nisi tamen ratio affectionis & voluntatis conjectura aliud suadeant. l. 2. 3. Cod. de Testam. milit.

3. Quid si plures scripti sint hæredes, & omnibus res singulares fuerint assignatæ? Detractâ rerum singularium mentione, unâ ad hæreditatem vocati censentur, retentis illis rebus singularibus, si modo de contrariâ testatoris voluntate non appareat. l. 9. §. 13. D. hic.

Quid si hæredibus neque res singulares, neque portiones sint assignatæ? Omnes succedent æqualiter. §. 6. hic.

Quid si testator filium & nepotes instituerit, nullis partibus designatis? Si nati fuerint nepotes viro testatore, & patre superſtite, ſient duo ſemiſſes, quorum unum capiet filius, alterum nepotes. Si fuerint nati, patre eorum præmoriēte, ordine ſucceſſivo admittentur. l. 29. §. 1. D. de liber. & poſt-
hum. ubi Cujac. vid. Gomeſ. 1. reſolut. 2. Menoch. 4. præſ. 70.

Quid si ab unâ parte hæres, ab alterâ plures sint instituti, hæc formulâ: *Titius hæres eſto, Sejus & Mavius hæredes ſunto*? Collectim iſtituti unam tantum portionem auferent, alter alteram. l. 13. l. liber. 59. §. 2. l. 17. §. fin. D. hic. Unde ſi uſus ſit teſtator nomine collectivo, ut in l. 5. §. 1. & ſeqq. D. de rebus dubiis, vel aliter de ejus voluntate conſtet, quod omnes in viſiles partes vocaverit, etiam in æquales ſuccedent. l. 88. §. 6. D. Leg. 2. l. 29. D. hic. l. fin. Cod. impub. & aliis ſubſtit. vid. Duaren. 2. de jure adcreſc. Gomeſ. 1. Reſol. 2. n. 4. & ad l. Tauri 8. n. 15. Sand. 4. titul. 4. def. 2.

Quid si omnibus partes sint assignatæ, quæ ſeſe adæquant aſſi? Quia voluntas eſt manifeſta, fruſtra ad interpretationem recurrimus. Quod ſi excedant aſſem, eæ quæ excedunt hæredibus pro ratâ decreſcent, vel ſi ad dupondium recurratur, quod dupondio decſi ſingulis accreſcet pro ratâ. §. 7. hic. l. 13. §. 4. D. eod. Quæ tamen per l. 23. Cod. de legat. correctæ videntur, ubi ſi primo relictus ſit as, ſecundo ſemis, ſex uncias Juſtinianus primo adimit,

adimit, easque adjicit secundo. Zoef. D. hic. n. 12. Quod si quæ partes singulis & omnibus assignatæ, sint infra assem, quæ supersunt singulis ad crescent pro ratâ. §. 7. hic. l. 13. §. 2. 3. D. cod.

Quid si quibusdam partes sint tributæ, quibusdam non item? Siquidem partes assignatæ sint infra assem, quod assi deest sine parte institutis ceder. §. 6. verb. partibus autem. Instit. hic. Quod si partes nonnullis tributæ sese adæquent assi, sine parte instituti, quia ad dupondium recurritur, in novum assem venient, id est, in semissem totius hæreditatis. §. 6. 8. hic. l. 87. D. cod. Quod si se dupondio exæquent, sine parte scripti in novum assem veniunt, id est, in tertiam hæreditatis partem. Ubi enim dupondius expletus est, si novus as addatur, continebit trientem tanquam tripondii partem tertiam. l. 17. §. fin. D. hic.

Excipe casum, si testator dixerit: *ex reliquâ parte hæredes sunt*. Quia propter relationem ad partem quæ nulla est, nihil debetur. Idem: quod statuendum erit in casu, quo testator se refert ad eum, qui partem non habet. l. 17. §. sed si ex asse. l. 19. D. hic. Pichard. in comment. ad Instit. hoc loc. Ast si partes quibusdam relictæ excedant assem, quod dupondio deest iis cedit qui sine parte scripti sunt hæredes. Si excedant dupondium, id est, si *dupondius superatus sit* (ita enim legendum in §. 8. hic.) quod tripondio deest, iis quibus partes non erant assignatæ, tribuetur. d. §. 8. l. fin. D. bonor. poss. sec. tabul.

MORIBUS.

Si quis ex re certâ, vel certâ portione sit hæres scriptus, non in solidum censetur esse hæres, verum quod superest debetur hæredibus ab intestato, cessante jure ad crescendi; quod non repugnet quem pro parte testatum pro parte intestatum succedere, nisi inspectâ Romani juris subtilitate. Gudelin. de jure noviss. libr. 2. c. 5. Christin. vol. 1. decis. 305. & vol. 4. decis. 10. n. 3. Goris advers. 4. §. 12. & de differ. juris. §. 11. n. 6. Perez. Cod. hic. n. 10. in fin. Zoef. D. hic. n. 10. & D. de legat. n. 39. Groenw. Instit. hoc tit. de ll. abrogat. vid. tamen collectan. Zutphenii in suâ praxi tit. *erfgenamen*. q. 2. 29.

§. 9.

1. Modi instituendi varii, quorum
alii illiciti, alii liciti.

2. Quid Moribus?

Hæres & purè & sub conditione.] Modi instituendi multiplices esse poterunt, quorum alii illiciti, alii liciti, & jure probati. Illi sunt, quando institutio in alterius arbitrium confertur. l. 32. D. hic. (nisi id fiat tacite, tanquam in conditionem. l. 68. D. hic.) Vel est captatoria. l. 70. D. cod.

Vel

Vel error committitur in personâ. l. 9. D. eod. nisi conjecturis sit locus. Vel committitur error in personæ qualitate, qui secum rapiat errorem in personâ, vel eum involvat. l. 4. Cod. eod. Vel per maledictum contumoliz causâ adjectum facta est institutio. l. 9. §. 8. D. eod. non item, si animo increpandi. l. 48. §. 1. D. eod. Vel institutio perplexa est, ut in l. 36. D. de condit. Instit. Vel quando quis ita hæredem scribit, ut velit pro parte testatus, & pro parte intestatus discedere. l. 7. D. de regul. jur.

Nisi tamen id eveniat ex post facto. l. 15. §. fin. l. 24. D. de inoff. testam. Auth. ex causa. Cod. de liber. præterit. Vel miles fecerit testamentum. l. 2. Cod. testam. milit. nec alter alteri sit substitutus. l. 2. Cod. eod. Vel pater arrogator pupillo arrogato substituat quoad illa tantum bona, quæ ipsi relinquit. l. 10. §. 6. D. Vulg. substit. Vel duplex sit patrimonium bonorum, puta feudaliū & allodialium. tit. 45. l. 2. feudor.

Illicitus est insuper instituendi modus, quando institutio fit ex certo tempore vel ad certum tempus. §. 9. hic. l. 24. D. eod. Sicut enim paganus non potest ex parte testatus, ex parte intestatus discedere, ita non potest pro temporis parte esse testatus, & intestatus. Nam secundum jura civilia qui semel est hæres, non desinit esse hæres. l. 88. D. hic. Excipitur miles, cujus dispositio est privilegiata. l. miles ita. D. de testam. milit. Excipitur etiam casus, siquidem id fiat tacite, vel per consequentiam. Arg. l. 5. D. de condit. & demonstr. l. 77. D. de Regul. juris. Denique excipitur casus, quando confertur institutio in tempus mortis alicujus tertii, quia est loco conditionis. l. 9. Cod. hic. vid. Cujac. 3. obs. 34. Gomez. 1. variat. 2. c. 8. Gœdd. ad l. 20. ex. 2. n. 3. D. de verb. signif. Ne tamen utile per inutile vitaretur, utque potius actus valeat quam pereat, receptum est ut dies certus hæredis institutioni adjectus pro supervacuo haberetur. §. 9. in fin. hic. l. 34. D. eod. Bronch. cent. 3. ass. 31.

Liciti instituendi modi sunt, si quis instituitur vel pure vel sub conditione. Neque hic quicquam eveniet contra juris regulas. Vel enim quondam existit conditio, vel deficiet. Si existat, perinde est, quasi pure sit hæres institutus. l. 26. D. condit. instit. & retrahitur ad tempus mortis testatoris. l. potior. 11. D. qui potior. in pignor. l. 38. D. de testam. milit. ut sub conditione institutus vel tunc à morte defuncti successisse intelligatur. l. 54. D. de acquir. hæred. Quod si deficiat conditio, defunctus semper intestatus decessisse dicetur, quod uti conditionis existentia retrahitur, ita etiam non existentia ejusdem retrahatur. vid. Duaren. 2. de jure adcrefc. c. 2. sub fin. Connan. 10. comm. 6.

Verum objiciet quispiam, ex hæredatio non semper potest fieri sub conditione. l. 68. in fin. D. hic. igitur nec institutio sub conditione facta semper

per valet. *Resp.* Certum est filium non posse sub conditione exheredari, sicuti nec sub conditione casuali potest institui, nisi contrario modo, id est, si non existat conditio, fuerit exheredatus. l. 4. §. 6. l. 86. D. hic. Verum quod est in filio singulare ad alios casus trahendum non est. Ita etiam filius non nisi sub potestativâ facili institui poterat. dd. ll. quam tamen nonnulli remotam volunt à legitimâ, per l. 32. Cod. de inoff. testament. vid. Clarum §. testamentum. q. 39. Gomes. 1. variar. resol. 11. Pichard. Commun. ad tit. Instit. de Vulg. subst. n. 53.

Licet uti idem est instituendi modus & valet etiam si voluntas testatoris propter conditiones non adscriptas sit imperfecta. l. si testamentum. Cod. de Instit. & substit.

Non obstat. l. 9. §. tantumdem. D. hic. Quoniam ibidem Marelli sententia refertur, non vero probatur ab Ulpiano, uti colligere licet ex l. 2. D. eod. vid. Duaren. de Condit. Instit. l. 3. in fin. Hœnon. disput. Instit. 8. num 12.

Conditioni adscribitur dies incertus, qui conditionem facit. l. 75. D. de condit. & demonstr. Diei incerto casus adnumeratur, quo quis in tempus capiendæ hæreditatis instituitur hæres, veluti: *Lucius Titius cum poterit capere, hæres esto.* l. 62. D. hic. Vel, *cum erit annorum 14. hæres esto.* l. 33. D. de Vulgar. Substit. Modo postrema formula hunc sensum habeat, *si annorum fiat quatuordecim.* l. 23. D. quand. dies Legat. vid. Cujac. 18. observ. 1. Sand. 4. decif. 4. def. 7. Coren obs. 28.

Etiâ conditioni comparatur, si in tempus mortis alicujus tertii collata sit institutio: nam diem incertum mors alterius habet, l. 1. §. dies autem. D. de condit. & demonstr. An idem statuendum si in mortem hæredis collata sit institutio, sub hac formulâ: *Titius cum morietur, hæres esto?* Forte, per l. 79. D. condit. & demonstr. l. 9. Cod. de Hæred. instit. ibique Gothefred. Quo casu ex die tacitè videtur quis institutus hæres, quod expresse fieri non potuisset. Arg. l. 77. D. de reg. jur. Gothefred. loc. alleg. vid. Gomes. 1. varior. 2. n. 8. Perez. Cod. hic. n. 8.

M O R I B U S.

Ex certo tempore & ad certum tempus de consuetudine hæres scribi potest, explosâ hac in parte juris civilis subtilitate, Viglius ad §. 9. hic. Grot. 2. introd. 18. §. *insgelijx*. Goris tract. 4. advers. §. 12. Gudelin. 2. de jure noviss. c. 5. Groenweg. ad §. hæreditas. hic.

§. 10.

Quotuplex sit conditio & quis effectus?

Impossibilis conditio.] Conditio quæ casum, id est, rem futuram contingens, est vel possibilis vel impossibilis. Hæc, quæ abusive appellatur

latur conditio, existere non potest, idque ex tribus fere causis. Vel quia rerum natura est impedimento, ut, si digito cœlum tetigeris. §. si impossibilis. Instit. de inut. stipul. qualis etiam ea quæ falsa est censeri debet. l. 72. §. falsam. D. condit. & demonstr. Vel quia jus & honestas & leges repugnant, ut, si nudus in foro saltaveris. l. 15. 27. D. de condit. instit. vid. l. fin. Cod. de Instit. & substit. Vel quia factum est impedimento, ut si perplexa, quæ exitum reperire non potest, de quâ in l. 16. D. de condit. instit. l. cum ita. D. de opt. legat. l. 188. D. de Reg. jur. vel per angustiam temporis à nemine impleri. l. 6. D. Condit. instit. l. 2. §. 6. D. de eo quod cert. loc.

Quæ impossibilis est, quia perplexa, vitiat institutionem, & habetur pro adjectâ. l. 16. D. condit. instit. Quæ impossibilis est vel per naturam, vel per leges mores & instituta civitatis, non vitiat sed vitiatur, id est, ipsa pro non adjectâ habetur, vel potius remittitur. §. 10. hic. l. 1. 15. D. de Condit. instit. Secus quam obtinet in contractibus. §. si impossibilis. Instit. de inut. stipul. quod sibi imputare debeant contrahentes cur non apertius legem contractibus adjecerint. l. 39. D. de pact. Accedit & altera ratio, quod in conventionibus de onerando debitore agatur, ut non sit verosimile eum ulterius voluisse obligari quam verbis expressit. Arg. l. 25. D. de probat. Cum ex adverso in ultimis voluntatibus liberalitatem exercere testatori fuerit animus, ut propterea plenior adhibenda sit interpretatio. vid. Cujac. Duaren. Donell. ad l. impossibilis. 7. D. de verb. obligat. Gœdd. de contr. stipul. cap. 8. concl. 9. num. 190. 191. Bronch. 3. cent. assert. 66. Hœnon. disp. 8. Instit. 11.

Possibilis conditio multiplex est, vel potestativa, quæ est in potestate personæ honoratæ, saltem per illum non stat, quo minus sit. l. 4. 10. 20. D. condit. instit. Vel casualis, quæ ab externo incerto eventu pendet. Vel mixta, quæ partim à voluntate & animo pendet honorati, partim ab eventu casuali. l. fin. Cod. de necess. hæred. instit. Illa nisi impleatur, vel per institutum stet, quo minus impleatur; (nisi tamen casus faciat eam deficere); ista, puta casualis, nisi evenierit; hæc, scil. mixta, si per hæredem steterit, quo minus eveniat, vel non evenierit insuper, vitiabit institutionem. l. 8. §. mortui. D. condit. instit. l. 28. l. 31. D. de condit. & demonstr. Zoef. D. eod. à n. 22. & n. 30. 31. 32.

§. 11.

1. *Effectus conditionum plurium describuntur.* | 2. *Quid Moribus.*

1. **S** *plures conditiones.]* Quid si plures adscriptæ sint conditiones, an omnes impleri oportet? *Resp.* Si conjunctim sint scriptæ, singulas existere necesse est, quia ad orationis computatæ veritatem non sufficit

cit partis impletio. §. 11. hic. Honded. 1. consil. 1. Hering. de fidejuss. cap. 10. n. 165. Renckinck de retract. q. 6. p. 20. Quod si plures conditiones sint appositæ disjunctim, unam sufficit adimpleri, quod orationis disjunctim conceptæ veritas consistat, si vel unum membrum fuerit verum. §. 11. hic. l. 5. l. 17. D. de condit. instit. l. 51. D. de condit. & demonstr. Atque hæc quidem procedunt, si plures conditiones oratione affirmatæ sint comprehensæ. Nam si negata sit oratio, & quidem conjunctim expressis conditionibus, eas omnes deficere necessum est, si disjunctim, vel unam deficere sufficiet. l. 10. l. 110. §. fin. l. 129. D. de Reg. jur. Accidit tamen quandoque favore ultimarum voluntatum ut conjuncta pro disjunctis, & versa vice, accipiantur. l. pen. Cod. de verb. signif.

MORIBUS.

Si conditio vel modus illicitus sit adjectus, idem de consuetudine per omnia servabitur, quod jure Romano; nullo quod sciam refragante. vid. Menoch. 6. præf. 45. n. 41. Carpz. jurispr. consistor. libr. 2. tit. 21. q. 131. & seqq. Consult. jurisc. Batav. p. 2. consil. 367. Wassenæ Præf. notariæ. c. 18. n. 105.

Quod si agatur de conditione per naturam impossibili, qualis est, si cœlum digito tetigeris, censent bene multi, vitari institutionem, quod testator non serio ultimum elogium condidisse sit credendus. vid. Pichard. ad Instit. hic. n. 14. Sand. de feud. Gelr. c. 3. §. 4. n. 14. p. 248. ibique Costalium, Charondam, Corasium, aliosque. Groenw. ad §. 10. hic. post Grot. Desselium in notis ad Zoef. Instit. hoc tit. §. 10.

Verum si examinetur ratio quæ potissimum movit veteres jurisconsultos, ut conditionem per naturam impossibilem institutioni adjectam, vitari voverint, facili negotio percipient, qui hic dissentiunt, de moribus idem quod de jure Romano judicandum esse. Nam cum hæredem excusari voverint, si aut non fecerit, aut fieri non curaverit, quod erat impossibile, & per naturam impossibilis conditio, per modum faciendi, dandi præstandi quicquam concipiatur, quæ ita concepta remittitur, si per hæredem non stet, quo minus faciat vel det vel præstet, nec quicquam hic possit hæredi imputari; quo jure licet non existat conditio impossibilis, à petitione hæreditatis sit repellendus hæres, nondum satis perspicere possum. l. 23. D. de condit. instit. l. si filius. 33. §. 1. D. fideic. libert. l. Thais. 41. §. Spondoforus. D. eod. Ut quamdiu nec rationibus justis, nec rebus perpetuo vel ut plurimum similiter judicatis convincar, in jure Romano jure merito adquiescam. vid. Philibertum Brussel. 4. de Condit. 2. n. 13.

§. 12.

Peregrè nati, & peregrinantes hæredes institui poterunt.

Il quos nunquam testator vidit] Et si peregrini hæredes institui non poterint, nisi sint in orbe Romano ibique domicilium habeant, qui omnes ex constitutione Antonini cives sunt effecti. l. 17. D. de statut. homin. procul tamen agentes, quos nunquam vidit testator & peregrinantes, etiam per solum barbaricum, quia cives esse non desierunt, hæredes institui poterunt. §. 12. hic. l. 11. Cod. hic. Nov. 89. c. 12. §. 2. Quinimo peregrè nati, extra provincias populi Romani, hæreditatis sunt capaces, quia ex cive nati, civium numero veniunt, d. loc.

Neque obstat quod vel ob meritum, vel affectum quis scribatur hæres, ut qui peregrè natus est, quem testator nunquam cognovit, non videatur hæres institui posse. Quoniam novum non est, absentes posse de nobis benè mereri, & in incognitos ratione consanguinitatis cadere affectum, etiam in extraneos prorsus, quos diligimus ob virtutem per quam nobis sunt conjunctissimi. Fabrot. ad Theoph. hic.

LIBER. II. TITULUS XV.

D E

VULGARI SUBSTITUTIONE.

POtest autem quis in testamento suo plures gradus hæredum facere: ut puta, *Si ille hæres non erit, ille hæres esto*; & deinceps, in quantum velit testator: ut novissimo loco in subsidium vel servum necessarium hæredem instituere possit.

1. Et plures in unius locum possunt substitui, vel unus in plurium, vel singuli in singulorum, vel invicem ipsi, qui hæredes instituti sunt.

2. Et si ex disparibus partibus hæredes scriptos invicem substituerit, & nullam mentionem in substitutione partium habuerit, eas videtur in substitutione partes dedisse, quas in institutione expressit: & ita divus Pius rescripsit.

3. Sed

3. Sed si instituto hæredi cohærede substituto dato, alijs ei substitutus fuerit: divi Seyerus & Antoninus sine distinctione rescripserunt, ad utramque partem substitutum admitti.

4. Si servum alienum quis patremfamilias arbitratus, hæredem scripserit; & si hæres non esset, Mævium ei substituerit, isque servus jussu domini adierit hæreditatem: Mævius substitutus in partem admittitur. Illa enim verba, *si hæres non erit*, in eo quidem, quem alieno juri subjectum esse testator scit, sic accipiuntur, si neque ipse hæres erit, neque alium hæredem effecerit: in eo vero, quem patremfamilias esse arbitratur, illud significant, si hæreditatem sibi, vel ei, cujus juri postea subjectus esse cœperit, non adquisierit. Idque Tiberius Cæsar in persona Parthenii servi sui constituit.

C O M M E N T A R I U S.

I N P R I N C.

1. Substitutio definitur. 3. Tres sunt modi Vularis Substitu-
2. Omnis Substitutio in casu est facta. | onis.



Otest autem quis.] Quia facile contingit ut institutus hæres vel moriatur ante testatorem, vel defuncto testatore hæreditatem repudiet, propterea permissum est testatori, primis hæredibus secundos subijcere, quo omnibus modis sibi prospiceret ne intestatus discederet. Quod quandoquidem usu ita exigente est introductum, existimarunt DD. substitutionem in se spectatam esse juris gentium. vid. Gomef. ad l. 3. Taur. Connan. 10. com. 7. Gregor. Tholof. Synt. juris libr. 42. c. 10. Quam illi ipsi describunt per *secundi heredis institutionem*, quibus si adjeceris, *in casum factam*, sufficiens erit definitio. l. 43. §. Lucius. D. hic. Dico *secundi heredis*, id est, cujuscumque post primum hæredem ordinati, sive tertio quarto vel ulteriore loco sit ordinatus. Nam in jure nostro quilibet à primo ulterior esse censetur. §. 1. Instit. de Hæred. qualit. l. 7. Cod. de præscript. 30. annor. Et quidem cujusque hæredis, vel scripti vel nuncupativi, non tamen hæredis ab intestato, repugnante naturâ substitutionis. l. 1. in princ. l. 36. D. hic. diss. Gomef. 1. varior. 3. num. 3. Insuper cujusque hæredis, sive liberi sive servi, in

tantum ut in subsidium testator servum proprium hæredem necessarium instituere possit. Additur, eam esse secundi heredis *institutionem*, quod vocabulo institutionis, etiam in jure statutorio intelligi possit substitutio, per textus & DD. relatos à Pichardo in comm. ad hunc locum. n. 14. 15. Denque adjicitur *in casum factam*: neque enim sufficit plures personas post invicem esse institutas, nisi primo hæreditas delata vel acquisita, eoque vel non adeunte vel post aditionem deficiente detur alteri; utque institutus in gradu primo constitutus esse dicatur, ceteri ei substituti gradu ulteriore. Potest enim testator plures facere institutionum gradus, ut tamen omnes qui sunt post primum appellentur substitutiones. l. 1. l. potest. 36. D. hic. Ulpian. tit. 22. Tacit. Annal. 1. de Augusto. Quod si plures sint facti substitutionum gradus post institutionem, medio forte deficiente, substitutio ad ulteriorem transivit. l. 69. D. de Acquir. hæred. Tessaur. decis. 86. Gomez. 1. Resol. 3.

2. *Ut puta, si ille hæres non erit.*] Nulla substitutio potest esse sine casu, conditione, eventu vel causâ, in quam ipsa ex naturâ propriâ confertur. Ut casus in substitutione, à conditione seu casu in institutione separetur; etiam ab eâ conditione, quæ substitutioni quandoque adjicitur, non tamen est de ejusdem essenciâ. Qualem conditionem extrinsecam merito appellaveris, & ab eâ ad exemplum institutionis, substitutionem conditionalem. l. 8. l. fin. §. 1. D. hic. Licet enim omnis substitutio directa videatur conditionalis in quantum in casum facta, vi tamen ipsâ demum erit conditionalis, si conditio extrinsecus fuerit adjecta. Et quia casus intrinsecus substitutioni duplex est, vel hæreditatis delatæ, vel insuper acquisitæ. ideo nonnisi duæ sunt species substitutionis. Prima est vulgaris, si is cui delata est hæreditas & nondum acquisita, deficiat. Secunda, non vulgaris, si is cui hæreditas est delata etiam acquisita, deficiat postmodum. Illa simplex est appellata, quod casum simplicem, hæc duplex, quod casum duplicem contineat. Illius formula hic in principio occurrit: *Titius hæres esto, si ille hæres non erit, ille, id est alius, hæres esto*. Dicta est vulgaris substitutio, quod vulgo fiat, & à quovis cuivis; quod in aliâ specie substitutionis non obtinet. l. 46. D. de hæred. instit. l. 30. D. de pact. dotal. Govean. 1. var. lect. 28. Cujac. 7. observ. 20.

Dixi eam fieri à quolibet, intellige testamentum facere permisso, & quidem cuilibet, sed capaci, testamento non codicillis, & non aliter quam si primus hæres deficiat. Nam quamdiu locus est instituto, id est, quamdiu primus obtinet gradus. l. 2. §. 4. D. de bonor. poss. secund. tabul. tamdiu excluditur substitutus. in princ. hic. & arg. §. 4. eod. excepto casu l. si libertus patrono. 41. verb. quid ergo. D. de bon. libertor.

Hæc

Hæc ipsa vulgaris substitutio meo judicio in tres species vel potius modos se diffundit, in expressam, tacitam & mixtam. Illa, quæ verbis exprimitur, ista quæ ex verbis colligitur, idque vel ex præsumptione legis, vel ex præsumptâ mente testatoris. l. Titius, & seq. D. hæred. Instit. l. jam hoc jure. D. hic. Quomodo tacita vulgaris sub expressâ pupillari continetur. Hæc, puta mixta dicitur, quando unus sensus formulæ expressus est, & alter omisus, ut in hac formulâ: *Titium hæres esto, si hæres esse noluerit, Sempronius hæres esto.* nam subintelligitur & hic casus, si hæres esse non potuerit. l. Gallus. §. & quid si tantum. D. liber. & posthum. Bartol. in l. i. n. 14. D. cod. Jason. ibid. n. 23. Gomef. 1. varior. 10. Menoch. 4. præf. 65. n. 2. vid. Zoef. D. hic. num. 7. diff. Fachin. 4. contro. 61. Duaren. ad tit. de Vulgar. subst. c. 11. Mantic. de conject. ult. volunt. §. tit. 1. n. 3. Hoenon. disput. ad Instit. 8. n. 13.

§. 1.

Quid sit breviloqua & reciproca substitutio?

ET plures in unius locum.] Ne intestatus decedat testator, plures in unius locum, etiam plures in locum plurium substituere potest. Idque vel ut sibi invicem sint substituti, quæ reciproca appellanda substitutio, non tamen nova species à cæteris distincta, licet formula distincta; quæ si paucissimis facta verbis, ut *invicem substituo*, breviloqua appellatur. Vel ut ultiores prioribus, non vice versâ sint substituti.

Reciproca appellata substitutio, pro numero & conditione personarum etiam varia est. Quandoque enim duas tantum pupillares complectitur, si fiat duobus impuberibus ex hæredatis. §. 4. tit. seq. Quandoque duas vulgares & pupillares simul, illas expressè, hæc tacitè; uti si duo impuberes hæredes scripti, invicem sint substituti in casum expressum, quo alter hæres non erit. l. 4. §. sed jus. D. hic. Nam substitutio in unum facta casum ad alterum favore ætatis pupillaris extenditur. Quandoque reciproca substitutio duas tantum vulgares continet, si alter pubes alter impubes, vel alter in potestate, alter emancipatus, invicem fuerint substituti. Licet enim suo pupillo substitui potuisset pupillariter, non tamen aut puberi, aut emancipato. Quod absurdum videatur idem vocabulum in suo impubere duplicem, in pubere, vel emancipato non nisi unam designare substitutionem. l. 4. §. 2. D. hic. l. Lucius. 45. D. cod. ubi Bartol. copiose. vid. hic Viglium, §. 1. n. 2. Grass. §. substitutio: q. 52. Fusarium de substit. q. 473: Fabr. Cod. 6. tit. 25. def. 11.

§. 2.

Partes in Institutione posita, censentur repetita in Substitutione.

E*tsi ex disparibus partibus.]* Hæredibus invicem substitutis, aut partes sunt expressæ, tam in substitutione quam in institutione, & nulla poterit esse dubitatio, vel quæstio voluntatis. Aut expressæ sunt in institutione, omissæ in substitutione, & in dubio censebuntur pro ratâ eadem in substitutione repetitæ, quæ expressæ fuerant in institutione. §. 2. hic. Quo etiam modo legata voluntate testatoris repetita videntur à substituto, quæ ab instituto relicta. l. 74. D. de Leg. 1. Cum enim institutio vim quasi præfationis habeat in ordine ad substitutionem, & quæ in præfationibus dicta, in sequentibus censeantur repetita. §. 15. Instit. ad l. Aquil. ideo in substitutione eas quis est habiturus partes, quæ in institutione expressæ erant. l. si plures. 24. D. hic. l. 1. Cod. de Impub. & aliis substit. Exenij li gratiâ, primo in sex uncias, secundo in quatuor, tertio in duas instituto, isti; invicem substitutis, non succedente primo, secundus quatuor, tertius duas uncias est habiturus. Nisi tamen per voluntatem testatoris expressam aliter fuerit constitutum. d. l. 24. Vel testator propriis nominibus fuerit usus, vel propriis & appellativis simul, præcedentibus propriis, vel omnes æqualiter sint honorati, aut gravati. Tunc enim substituti in viriles portiones admittentur. l. 124. D. Leg. 1. Arg. l. quoties. 23. 24. D. Trebell. l. 1. Cod. de Impub. & aliis substit. Quod si nonnulli propriis, nonnulli appellativis nominibus (id est, *hæredum* voce designati) fuerint substituti, illi portiones viriles, hi portiones hæreditarias, id est, pro ratâ institutionis, accipient. d. l. 124. D. Leg. 1. Angel. hic. vid. Menoch. 4. Præf. 108. & 131. Mantica. 8. tit. 2. de conj. ult. volunt. Duaren. hic. c. 25. Donell. 6. comm. Zoc. l. D. hic. n. 9. 86. Althus. dicajol. l. c. 48. n. 7. & seqq.

§. 3.

Secundo Substitutus etiam primo Substitutus est.

S*ed si instituto hæredi.]* Proponitur casus quo primo & secundo recusante, vel ante aditionem decedente, tertio quopiam substituto, ad tertium portio utriusque pertinebit. Quod jus post Julianum jurisconsultum ita productum per Severum & Antoninum Imperatores. §. 3. hic. l. 27. D. eod. Nam ultimo loco substitutus, id est, substitutus secundo, etiam primo substitutus censetur, & substitutus substituti, etiam est substitutus instituti, sicuti hæredis hæres, testatoris hæres fieri potest. l. 65. D. de verb. signif. l. fin. Cod. de hæred. Instit. Secus quam obtinet in societate, ubi socii mei socius, meus socius non est, quod personæ industria hic sit electa.

Sine distinctione.] Id est, sine mortis vel scripturæ discrimine, quod in omnem eventum postremo substitutus admittatur. Neque enim refert, tertii sub-

substitutio ante secundi substitutionem facta sit, an post, prior substitutus ante institutum, vel post institutum decesserit. l. 41. D. hic. Si modo de unâ hæreditate agatur, non de duabus. l. 47. D. hic. Quam legem tamen aliter explicat Pichard. in comm. hoc tit. n. 3. Ratio decisionis in hoc §. 3. hæc esse videtur, quod præsumptio sit hanc fuisse defuncti cogitationem, ut totum habeat tertius, ideoque rejectâ ordinis scrupulositate, tertius ad successionem totius indistinctè admittetur. l. cohæredi. D. hic. Unde si primus & secundus cohæredes adiverint hæreditatem, nihil ex substitutione percipiet tertius, quod vulgaris substitutio aditâ hæreditate evanescat. l. post aditam Cod. de impub. & aliis subst. Quod si primus solus adiverit hæreditatē secundo repudiante, tertius in partem repudiantis admittetur d. l. post aditam. Et hæc quidem ita obtinent in vulgari substitutione, ut aliud sit statuendum in pupillari, ubi tertius substitutus non in totum admittitur; per rationem, quod non una vel unius sit hæreditas in pupillari substitutione, atque quidem in vulgari. l. 47. D. hic. §. 2. tit. seq. vid. Duaren. de substitut. c. 16. Viglium hic. Zoef. D. de vulg. substit. n. 67.

§. 4.

- | | |
|--|--|
| 1. Casus excepti, quibus cum instituto substitutus admittitur. | } onis explicatur. 3. Mores enarrantur. |
| 2. Sensus formulæ vulgaris substituti- | |

SI servum alienum quis patrem familiæ arbitratus.] Quia substitutio facta 1. est in casum, ideo substitutioni demum locus est, deficiente instituto. Id quod in omni specie institutionis obtinet, excepto casu hujus §. 4. quo cum instituto substitutus in partem admittitur. Ut si testator instituto quem liberum esse credebat, cum esset servus, Mævium substituerit, quo casu Mævius cum eo, qui pro libero habitus est à testatore, in partem admittitur. Secus quam obtineret si testator eum servum esse scivisset, quia tum dominus instituti servi solus esset hæres, excluso Mævio substituto. §. si servum. Instit. hic. l. 40. D. de hæred. Instit. l. cum proponas. Cod. eod.

Et quidem hunc casum alii aliter atque aliter exponunt, ut possit d. l. 40. cum nostro §. 4. conciliari. Censet Alc. 4. disp. 2. servum pro libero habitum institutum fuisse, eique cohæredem & substitutum Mævium datum, eoque casu Mævium unum auferre semissem, alterum dividendum inter servum institutum & substitutum Mævium, quod videtur indicare d. l. 40. Alii existimant servum solum institutum, eique Mævium substitutum datum, adeoque duos fieri semisses, quorum alterum servus, alterum Mævius auferret. Quæ sententia priorè probabilior, & textui nostro magis congrua, ut

retinenda videatur. Cum enim hoc casu servus ei hæreditatem acquisivisse dici non possit, cujus in potestate in postea pervenerit, ut qui semper fuerit in potestate. Neque non acquisivisse præsentī domino, cum reverā sit in potestate, sic ut postea demum in servitutem deductus dici non debeat. Videbatur conditio substitutionis evenisse, adeoque ex voluntate testatoris substitutus admittendus esse. Quod quia etiā præter mentem erat testatoris, in casu dubio media via erat eligenda, resque inter dominum servi & substitutum per medium dividenda. Nam pars *αὐτοῦ*, siue ullo additamento posita, dimidium totius significat. §. 4. hic. Arg. §. 7. qui & quibus ex caus. l. 99. D. Leg. 1. l. 43. D. de Usufr.

Non obstat. d. l. 40. de Hæred. instit. Quia textus ibidem corruptus est, adeoque emendandus ut nostro §. 4. congruat. vid. Connan. 10. comm. 7. Cujac. 17. obs. 21. Duaren. de substit. c. 10. Vigiliū hic. n. 10. Gothefred. in not. ad d. l. 40.

Non itidem obstat l. 3. Cod. de hæred. instit. cum dissimilis sit casus, utpote in quo institutum voluit hæredem, & nī hoc fiat, nihil actum voluit. Præterquam quod responderi posset, d. l. 3. continere argumentationem, & quæstionem voluntatis, hunc §. 4. tituli nostri continere decisionem, in quā propterea est acquiescendum. Dissimilis itidem casus est in l. 4. Cod. de hæred. instit. quæ probè examinata nostro §. 4. non adversatur.

Præter casum hætenus explicatum est alius, quo ne quidem deficiente instituto substitutus admittitur. Ut si pater suo filio substituerit vulgariter, qui post patrem relictis liberis ante immixtionem in fata concessit. Is enim hæreditatem ad suos liberos transmittet, excluso substituto. Arg. l. unic. §. 5. 13. Cod. de caduc. toll. vid. tit. Cod. de his qui ante aperit. tabul.

Est alius casus in jure nostro, sed priori contrarius, quo substitutus servo proprio testatoris admittitur, excluso in totum instituto. l. 57. D. hæred. instit. vid. Grass. in §. substitutio. Pichard. comm. ad princ. hujus tituli. & Lyclain. 5. eclog. 15.

2. *Illā enim verba, si hæres non erit.*] Quis sit sensus & effectus verborum in substitutione vulgari, *si hæres non erit*, explicat §. 4. hoc tit. & l. 40. D. de hæred. instit. Nam aliter accipiuntur hæc verba in extraneo, aliter in suo, aliter in necessario hærede tantum. In extraneo sui juris hunc sensum admittunt, si ipse sibi non adquisierit hæreditatem, aut ei cujus juri, mutatā conditione subiectus esse cœperit. §. 4. hic. d. l. 40. In extraneo alieni juris hanc admittunt significationem, si neque ipse hæres erit, neque alium in cujus est potestate hæredem fecerit, si modo eum alteri subiectum esse testator non ignoraverit. §. 4. hic. d. l. 40. In suo hæc verba denotant non

tan-

tantum hæredis existentiam, quia suus est ipso jure hæres, sed etiam immixtionem, adeo ut ex suo necessario faciant hæredem voluntarium. l. 16. D. de lib. & posthum. l. 12. D. de Condit. instit. manente nihilominus jure fuitatis. Arg. l. unic. §. 5. 13. Cod. de caduc. tollend. in necessario tantum, puta servo proprio, hæc verba tollunt adeundi necessitatem, ut sensus sit, si hæres esse noluerit, vel non potuerit; idemque in servo hærede scripto, eique vulgariter substituto, operabuntur. l. 12. D. de condit. instit.

Idque Tiberius Cæsar in personâ Parthenii.] In l. 41. D. de Hæred. Instit. Tiberii Cæsaris nomen occurrit, licet alii dissentiant, inter quos est Theophilus, qui Imperatorem Pium substituit, & Azo in summ. Inst. hoc tit. Qui Titum respicit Imperatorem; sed quo fundamento perspicere non possum.

MORIBUS.

Quod nonnulli censent hanc vulgaris substitutionis materiam de moribus esse sublatam, non auderem asserere propter rationes & autores citatos apud Deslæl. in not. ad Zoef. hoc tit. Id tamen lubens admisero, rarius adhiberi substitutiones, sicuti nec iis opus habemus, cum per fideicommissum consequamur, quod Romani per substitutionem vulgarem. diss. Groenweg. alique hic. Moribus tamen Galliæ substitutionem ad instar fideicommissorum non ultra gradum quartum extendi testatur Petr. Gregor. Tholof. Synt. juris univ. libr. 42. c. 10. n. 5.

LIBER. II. TITULUS. XVI.

DE

PUPILLARI SUBSTITUTIONE.

Liberis suis impuberibus, quos in potestate quis habet, non solum ita, ut supra diximus, substituere potest, id est, ut, si hæredes ei non extiterint, alius sit ei hæres: sed eo amplius, ut, si hæredes ei extiterint, & adhuc impuberes mortui fuerint, sit eis aliquis hæres: veluti si quis dicat hoc modo, *Titius filius meus hæres mihi esto, Et si filius meus hæres mihi non erit, sive hæres erit, & prius moriatur, quam in suam tutelam venerit, tunc Sejus hæres esto.* Quo casu, si quidem non extiterit hæres filius, tunc substitutus patri fit hæres: si vero extiterit hæres filius, & ante pubertatem decesserit, ipsi filio fit

T t t t 2

hæ-

hæres substitutus. Nam moribus institutum est, ut cum ejus ætatis filii sint, in qua ipsi sibi testamentum facere non possunt, parentes eis faciant.

1. Quaratione excitati, etiam Constitutionem posuimus in nostro Codice, quâ prospectum est, ut, si qui mente captos habeant filios, vel nepotes, pronepotes, cujuscunque sexus vel gradus, liceat eis, etsi puberes sint, ad exemplum pupillaris substitutionis, certas personas substituere. Sin autem resipuerint, eandem substitutionem infirmari: & hoc ad exemplum pupillaris substitutionis, quæ postquam pupillus adoleverit, infirmatur.

2. Igitur in pupillari substitutione secundum præfatum modum ordinata, duo quodammodo sunt testamenta: alterum patris, alterum filii, tanquam si ipse filius sibi hæredem instituisset: aut certè unum testamentum est duarum causarum, id est, duarum hæreditatum.

3. Sin autem quis ita formidolosus sit, ut timeat, ne filius suus pupillus adhuc ex eo, quod palàm substitutum acceperit, post obitum ejus periculo insidiarum subiaceat; vulgarem quidem substitutionem palàm facere, & in primis testamenti partibus ordinare debet: illam autem substitutionem, per quam, si hæres extiterit pupillus, & intra pubertatem decesserit, substitutus vocatur, separatim in inferioribus partibus scribere, eamque partem proprio lino, propriaque cerâ consignare: & in priore parte testamenti cavere, ne inferiores tabulæ, vivo filio & adhuc impubere, aperiantur. Illud palàm est, non ideo minus valere substitutionem impuberis filii, quod in eisdem tabulis scripta sit, quibus sibi quisque hæredem instituisset, quamvis pupillo hoc periculosum sit.

4. Non solum autem hæredibus institutis impuberibus liberis ita substituere parentes possunt, ut, si hæredes eis extiterint, & ante pubertatem mortui fuerint, sit eis hæres is, quem ipsi voluerint, sed etiam ex hæredatis. Itaque eo casu si quid ex hæredato pupillo ex hæreditatibus, legativæ, aut donati-

nationibus propinquorum atque amicorum adquisitum fuerit, id omne ad substitutum pertinebit.

Quæcumque diximus de substitutione impuberum liberorum, vel hæredum institutorum, vel exhæredatorum, eadem etiam de posthumis intelligimus.

5. Liberis autem suis testamentum nemo facere potest, nisi & sibi faciat. Nam pupillare testamentum pars & scquela est paterni testamenti: adeò, ut si patris testamentum non valeat, nec filii quidem valebit.

6. Vel singulis autem liberis, vel ei, qui eorum novissimus impubes morietur, substitui potest: singulis quidem, si neminem eorum intestatum decedere voluerit; novissimo, si jus legitimarum hæreditatum integrum inter eos custodiri velit.

7. Substituitur autem impuberi aut nominatim, veluti, *Titius hæres esto*: aut generaliter, ut *Quisquis mihi hæres erit*. Quibus verbis vocantur ex substitutione, impubere mortuo filio, illi, qui & scripti sunt hæredes, & exstiterunt, & pro qua parte hæredes facti sunt.

8. Masculo igitur usque ad quatuordecim annos substitui potest: fœminæ usque ad duodecim annos. Et si hoc tempus exceßerint, substitutio evanescit.

9. Extraneo verò, vel filio puberi hæredi instituto, ita substituere nemo potest, ut si hæres extiterit, & intra aliquod tempus deceßerit, alius ei sit hæres: sed hoc solum permissum est, ut eum per fideicommissum testator obliget alii hæreditatem ejus vel totam, vel pro parte restituere, quod jus quale sit suo loco trademus.

COMMENTARIUS.

- | | |
|--|--|
| 1. Sunt dua substitutionum species. | 4. Quibus? Origo pupillaris Substitutionis describitur. |
| 2. Pupillaris à Vulgari multis modis distinguitur. | |
| 3. Quis substituat pupillariter, & | |

1.



Uia duo sunt casus generales, ideo nonnisi duo substitutionum dantur genera, vel potius species, vulgaris & pupillaris. Id quod suadet rubrica D. de vulgari & pupillari substitutione, quæ distinctos sibi titulos in institutionibus vindicat. Nam quæ substitutio exemplaris appellatur, si spectemus successionem, novam constituet speciem, in secundum facta casum, licet formula & modo variet nonnihil. Et quæ dicta militaris, doctoribus compendiosa, ad primum & secundum casum, ut mixta, non incommodè referri poterit. l. 15. D. hic. l. precibus. Cod. de impub. subtit. Nisi quis mavelit cum Duaren. 2. disp. anniv. 7. Donell. 6. comm. 21. quatuor admittere distinctas substitutionum species.

2. Hactenus de vulgari fuit actum, sequitur pupillaris substitutio, quæ à vulgari multis nominibus distinguitur. Nam illa puta pupillaris non semper est secundi hæredis institutio, quod filio impuberi ex hæredato quandoque substituat parens. Sic ut definitio superiori titulo tradita, à potiori, & ab eo quod ut plurimum fit, sit desumenda. Hæc puta vulgaris semper est secundi vel ulterioris hæredis institutio. Illa concipitur à parente liberos impuberes in potestate habente. Hæc à quovis testatore etiam cuius fieri potest. Illa adveniente pubertate extinguitur, vel instituto ante testatorem decedente. Hæc additione hæreditatis finitur, non item hærede ante testatorem moriente. Illa moribus dicitur introducta, id est, moribus populi Romani. Hæc Leg. 12. Tabularum, quâ patri familias libera legandi vel testandi licentia conceditur. In illâ quodammodo duplex est testamentum, duplex hereditas. In hæc, nonnisi unum testamentum, una hereditas. Unde & in illâ tertius, secundo & primo deficiente, non ad utramque partem admittitur. In hæc tertius substitutus deficiente primo & secundo in totum admittitur. Plures differentias non cumulo, quas potius ad singula loca in progressu recensbo.

IN PRINC.

3. *Liberis suis impuberibus.* Ut constet quæ sit pupillaris substitutio describitur qui, & quibus, & quomodo substituant pupillariter. Et quidem pupillariter substituant parentes qui liberos habent in potestate, postmodum non recasuros in potestatem alterius. l. 2. D. hic. Non autem mater, vel avus maternus, qui licet pupillares tabulas fecisse dicantur, in quantum pupillo facta est substitutio, non tamen pupillariter substituunt, sed vulgariter. l. 33. D. hic. Nisi quis dictam l. 33. acceptam velit de institutione conditionali, vel fideicommissaria, ut cum ad pubertatem pervenerit filius, hæreditatem alteri restituat. vid. Duaren. ad tit. D. de Vulg. subtit. cap.

14. Viglius de Vulg. subst. in princ. hoc tit. n. 3. Bronch. 3. aff. 35. Zoef. D. cod. n. 19.

Et quidem substituunt parentes, id est, pater & avus, & sic deinceps, liberis inpuberibus in potestate proximum gradum habentibus. l. 2. in princ. hoc tit. Etiam adoptatis, & posthumis, si tales, ut in potestate sint futuri. §. 4. Inst. hic. l. 2. in fin. princ. D. hic. Licet forte nec testamenti facti, nec mortis tempore sint in potestate. d. §. 4. l. 2. D. hic. Etiam adrogatis, ita tamen ut iis substituere liceat bonorum solummodo ratione, quæ ab ipso adrogatore aut ipsius occasione ad arrogatum pervenerunt. l. 10. §. cum in arrogato. D. hoc tit.

Fortè etiam naturalibus liberis, id est, bastardis sub conditione legitimisationis. Arg. l. 62. D. de hæred. Instit. l. potior. 11. §. 1. D. qui pot. in pignor. l. quod. 38. D. de testam. milit. Zas. in l. 2. D. hic. n. 33. Viglius in princ. hic.

Verum quo tempore impuberes natos oportet esse in potestate? Resp. Utroque, & conditi testamenti, & mortis tempore. Quoniam in ultimis voluntatibus etiam spectatur initium, quinimo potissimum. l. 2. l. cohæredi. §. cum filiæ. D. hic. l. si alienum. §. 1. D. hæred. instit. l. 4. qui testam. facere. l. 220. D. Reg. jur. Donell. 6. comm. 25. Covarr. ad c. Rainutius. de Test. §. 5. in princ. Viglius in princ. hoc tit. n. 7. 8. Bocer. class. 2. disp. 5. thes. 46. Hænon. disp. 8. ad Instit. n. 17. Perez. Cod. hic. n. 14. Zoef. D. cod. num. 25. diff. Connan. 10. comm. 18. n. 2. Unde avus non rectè substituit nepoti, qui mortis demum tempore suus esset futurus, nisi substitutio facta sit ex formulâ l. Vellejæ. Azoin summ. Cod. hoc tit. n. 9. Zoef. D. cod. n. 27.

Veluti si quis dicat hoc modo.] Modus substituendi pupillariter formulâ propositâ designatur, quæ duplicem continet casum, & si hæres non erit, & si decesserit antequam sit pubes factus. Nec quicquam interest, uterque casus expressus sit, an alteruter, cum si primus tantum sit expressus, qui casus est vulgaris substitutionis, is in se contineat tacitam pupillarem: sit tantum secundus, qui casus est substitutionis pupillaris, sub se complectatur tacitam vulgarem; quod ex Veri & Marci Imperatorum constitutione ita est introductum. l. 4. D. hic. l. 42. D. adquir. hæred. vid. Donell. 6. comm. 24. 26. Menoch. 4. præf. 35. 36. 40. 56. Althus. dicaj. 1. cap. 48. n. 26. Fabrot. in not. ad Theoph. hic.

Multum nihilominus interest, effectum inspecto, an secundus casus, puta, si antequam pubes factus decesserit, expressus sit, an subintellectus. Expressa enim pupillaris substitutio excludit matrem, & alios ascendentes præteritos, quos ipse filius præterire non potuisset. l. Papinianus. 8. §. sed nec impubes.

pubes. D. inoff. testam. Quod de pupillari tacitâ dicendum non est. l. fin. Cod. de Instit. substit. Gloss. ibid. Zoef. n. 50.

Multum etiam interest, uterque casus extiterit, an alteruter. Nam si primus existat casus, quo filius hæres non erit, puta effectu inspecto, nec se immisceat jure prætorio, vel successionem ex testamento omittat. l. 3. Cod. de Impub. substitutus patri impuberis succedet.

Neque obst. l. 30. §. sed & si quis. D. de fideic. libert. ubi dicitur eum non esse sine hærede, qui suum habet hæredem licet abstinentem. Resp. enim, non quidem esse sine hærede si spectemus subtilem rationem juris Romani, quo suus heres erat ipso jure heres, & necessarius. Verum ne nudum nomen hæredis substituto noceret, non aucte per suum hæredem excludetur substitutus, quam si suus hæres rem habeat, & reverâ existat hæres. Tunc enim magis ex testamento hæres esse videtur, cum se jure prætorio immiscet hæreditati, ut si abstinuerit prætor eum hæredis loco non habuerit. l. 1. §. 3. D. Si quis omisi. caus. testam. l. 12. D. de interrogat. action.

Quod si posterior existat casus, quo impubes hæres est in rei veritate, sed intra pubertatem decedit, substitutus erit hæres impuberis, eique ex testamento succedet. in princ. hic.

4. *Nam moribus institutum est.*] Originem pupillaris substitutionis respicit Imperator, vel potius causam efficientem remotam, & insuper causam finalem. Ejus originem adscribit moribus; an juris gentium, quomodo mores quandoque in jure explicantur? l. 8. junctâ l. 29. D. de Ritu nupt. Non videtur; quod gentes hanc substitutionis speciem non agnoverint. An potius legibus 12. tabularum, quibus omnibus civibus licentia testandi concessa est? Neque hoc videtur admittendum, quia tantum ibidem *sua pecunia*, non alienæ facta est mentio; quo respexit l. cum pater. §. mando. D. de Leg. 2. l. testandi. Cod. de Testam. Ut vulgaris substitutio tantum, non item pupillaris suam originem accepto referat 12. tabulis. l. 2. D. hic.

An potius moribus, id est, juri privato? Quod dicendum videtur per l. 3. in princ. D. de Prævaric. ubi *mores* privatorum consuetudinem designant, quam jus civile scriptum forte postmodum comprobavit, eique nonnulla adjecit. Arg. d. l. 2. D. hic. Quo ferè modo jus Codicillorum dicitur esse introductum, in princ. Instit. de Codicill. etiam responsa prudentum quæ antea fuerant non scripti juris portio. l. 2. §. 5. D. de Origin. juris. Ut sensus sit, hanc pupillarem substitutionem à prudentibus excogitatam, deinde ab aliquibus exercitam, denique communi laudatione & approbatione receptam fuisse. Eapropter autem hic adhibendi erant mores, quod jus civile scriptum, 12. tabulæ, & leges Pandectarum contrarium suaderent.

rent. Licet enim pater familias de suâ re legandi habebat licentiam, non tamen de re alterius disponere poterat. l. 8. §. si post factum. D. de Codicill. l. 120. D. de verb. signif. Auth. ingressi. verb. ideo nec. Cod. de Sacros. eccles. c. placuit. 23. q. 2. Sicuti testamenti jura ab alieno arbitrio pendere non debebant. l. 32. D. de hæred. Instit. Id quod in casu substitutionis pupillaris eveniebat, ubi parens de rebus impuberis, personæ in rei veritate alienæ, disponebat. §. 2. hic. l. 10. §. ad substitutos. D. eod.

Quia tamen impubes sibi testamentum facere non potest, ejusque interest habere successorem ex testamento, quæ ratio est hujus juris; etiam quodammodo parens & filius habentur pro unâ personâ; insuper præsumendum est parentem propter affectum naturalem filio optinè consulturum, substitutio pupillaris fuit recepta, parentique concessum, ut filio impuberi testamentum faceret. in princ. hoc tit. l. 28. §. Titius. D. de liberat. legat.

Possent nihilominus & alia explicatio hujus originis adhiberi, ut etiam ex 12. Tabulis pupillaris substitutio trahat originem, in quantum ea nititur jure patris potestatis, quæ ut moribus dicitur inducta, id est, ex 12. tabulis, ita etiam hæc ipsa per consequentiam inde fluxit. l. 2. in princ. D. hic. l. patre. D. qui sui vel alien. jur.

§. 1.

1. *Quid sit quasi pupillaris substitutio?* | 3. *Quot modis finiatur?*
2. *Quot modis à pupillari distinguatur?*

QUÆ ratione.] Ad exemplum pupillaris introducta substitutio, dicta 1. quasi pupillaris, minus eleganter, exemplaris. §. 1. hic. Duaren. 2. disp. 7. Viglius hic in princ. Quæ licet antea singulari Principum obtinuerit beneficio, l. ex facto. 43. D. hic. postmodum tamen generali constitutione commune jus esse cepit. l. humanitatis. Cod. impub. & aliis substitut. Estque hæc quasi pupillaris substitutio per quam pater aut mater vel avus maternus liberis etiam emancipatis, puberibus, naturalibus tantum, mente captis, furiosis, ex consequentiâ prodigis, mutis & surdis, si voluntatem manifestare nequeunt, in eum casum substituunt, quo cum illo morbo, aut vitio puberes discedunt. l. 9. Cod. de impub. & aliis substit. l. fin. Cod. de curat. furios. Unde si talibus impuberibus facta fuerit substitutio, pupillari-ter potius, quam Justinianicè facta censebitur. Arg. l. 3. D. de Tutel. nisi tamen ii substituunt, qui non nisi vulgariter liberis substituere possunt. vid. Donell. 6. comm. 27. & ad l. 9. Cod. eod. n. 5. Gomef. 1. varior. 6. Menoch. 4. præsumpt. 44. & seqq.

Distinguitur hæc ipsa à pupillari, quamvis secundum etiam contineat 2. casum,

casum, variis nominibus. Quasi pupillaris à matre & avo materno fieri potest, pupillaris non item. Illa vitio animi vel corporis vel morum laboranti, hæc etiam sanis; illa puberibus, hæc non nisi impuberibus. Illa fit etiam naturalibus tantum, hæc non nisi legitimis. Illa emancipatis fieri potest, hæc non nisi in potestate constitutis. Illa si puberes respuerint, evanescit, hæc solâ pubertate. Illa Justiniani constitutione introducta, hæc moribus seu consuetudine. In illâ substitutio continetur vulgaris, in hæc non item. In illâ semper est secundi hæredis institutio, in quantum instituto, saltem ad legitimam, vocato, substituitur, in hæc non item, quod etiam substituitur ex hæredato. Ibi liberi substitui debent, vel ordine fratres, si quos habet ille, cui facta est substitutio, hic vero impuberi quivis substituitur. Ibi ratio occurrit humanitatis, hic respicitur patria potestas, cujus occasione est introducta pupillaris. vid. DD. ad l. 9. Cod. de impuber. & aliis subst. Covarr. in c. Rainutius. §. 6. n. 1. Gomez. l. varior. 6.

3. *Si autem respuerint.*] Finitur hæc substitutio iisdem fere modis, quibus finitur pupillaris. l. 43. in fin. D. hic. Arg. d. l. 9. Cod. eod. Ut si testatori adimatur testandi facultas, si per capitis deminutionem ejus testamentum corruat, si nemo sit qui adeat hæreditatem, si liberi legitimi nascantur ei cui facta est substitutio. Speciatim vero finitur, si medio tempore respuerit cui substitutum fuit, licet illo tempore non fecerit testamentum, vel fecerit quidem, sed postmodum in idem vitium reciderit. Nam quæ in casum facta est substitutio, deficienti casu sic deficit, ut non convalescat iterum. §. 1. hic. Arg. l. 3. Cod. de liber. & posthum. Nisi tamen recidivam passo de novo quasi pupillariter substituerit parens. l. 43. D. hic. l. 3. Cod. eod. Arg. l. 2. Cod. de Posthum. hæred. Instit. Viglius in §. quâ ratione. Instit. hic. Zoef. D. eod. n. 82. vid. Covarr. ad c. Rainut. §. 6. in fin. de testam.

§. 2.

Unum est Testamentum in substitutione pupillari, & quodammodo duplex.

I*n pupillari substitutione duo quodammodo.*] Designat collectionem institutionis & substitutionis simul, non substitutionem tantum. Eoque sensu rectè statuitur, duo quodammodo censeri testamenta. Sic ut cavilletur Bacchovius, dum existimat paulo pinguius hic loquutum fuisse Justinianum, quasi non ita passim loquatur, ut nomine substitutionis, ipsam institutionem eâ contentam necessario, comprehendat. in princ. hic. verb. hoc modo.

Respectu itaque diversorum & unum & plura poterunt hic intelligi testamenta. Unum, si unius testatoris personam respiciamus, & pupillare testamentum pars & sequela paterni censeatur: cum impubes sibi testa-

men-

mentum facere nequeat. §. 5. hic. in princ. Instit. eod. Unum, si Falcidiæ spectemus deductionem, quæ nonnisi una in testamento patris & filii. l. 11. §. quod vulgo. D. Adl. Falcid. Unum testamentum, si intueamur solemnia & ordinandi modum, quod sufficiat tabulas paternas esse signatas, licet filii sint resignatæ, & vice versâ. l. 20. D. hic. Id quod procedit, cum eodem tempore institutio & substitutio facta est; unde si tempore diverso sibi & filio testamentum faciat pater, cuique sua adhiberi debebunt solemnia. l. 16. §. 1. D. hic.

Plura insuper videri poterunt testamenta, quia plures sunt personæ, pater & filius; adeoque alia atque alia hæreditas. Nam patri succedit impubes, impuberi non patri, substitutus. in princ. hic.

Quia tamen juncta cæpit esse hæreditas, cum quodammodo tantum, non omni ratione, duo sint testamenta, ideo substituto hæreditates separare non licet, sic ut utriusque hæreditatem adire debeat, vel repudiare. l. 10. §. filio. D. hic. l. 59. D. de adquir. hæredit. vid. Althuf. 1. dicajol. 48. num. 21. & seq.

§. 3.

Cautela in pupillari substitutione observanda.

S*eparatim in inferioribus partibus scribere debet.*] Quandoque in jure nostro vocabulum *debeti*, non infert necessitatem, verum quid fieri commodè possit, quid sit consultius. §. 5. in fin. Instit. quod cum eo, qui in alien. potest. Unde hoc in loco Imperator per modum consilii non præcepti, in cautelam singularem formam ordinandi pupillares tabulas præscribit, ut nomen pupillo substituti in imâ parte tabularum, seu in imâ cerâ, quod veteres in ceratis tabulis scriberent, collocaretur, illaque pars tabularum proprio lino per foramina trajecto, propriaq; cerâ consignaretur, ne antequam impubes moreretur sciri possit quis ei fuerit substitutus. Insuper præscribit ut testator in primore parte testamenti caveat, ne filio vivo & adhuc impubere tabulæ pupillares aperirentur. §. 3. hic. l. 8. D. Test. quemadm. aper. l. 3. Cod. eod. Id enim periculosum foret pupillo, ut qui forte insidiis substituti, aut ejus proximorum esset expositus. vid. Persium Satir. 2. Sueton. in Cæsare cap. 83. & in Galbâ. cap. 9. Horat. 2. Sernon. Satir. 5. Fabrot. ad Theophil. hic.

§. 4.

Exhæredato pupillariter substitui potest.

N*on solum tamen hæredibus.*] Cum pupillaris substitutio moribus, & quidem occasione patris potestatis sit introducta, ideo patri concessum modo sibi quem fecerit hæredem, filio impuberi exhæredato pupilla-

pillariter substituere. §. 4. hic. l. 10. D. Ad l. Falcid. Nec licet sine causâ filius sit exheredatus, per quærelam rescisso testamento propterea tabulæ pupillares infirmabuntur. Fabr. ad Theoph. hic. l. 1. §. 2. l. 2. l. 10. D. cod.

Quod in tantum procedit, ut si quid ex hereditate vel legatis amicorum exheredato fuerit adquisitum, ad substitutum pertineat. Neque enim hoc in casu suis bonis substituit testator, sed bonis impuberis, cui propterea dat heredem, ne intestatus moreretur, quod miserrimum & injuriæ plenum semper fuit habitum. l. 6. D. de interrog. in jure faciend. l. 10. §. ad substitutos. D. hic.

Quinimo si in primo gradu præteritus, in secundo sit exheredatus impubes, à secundo testamentum capiet exordium. l. 34. §. 2. D. hic.

Verum an si exheredato filio substitutus fuerit datus, legatum ab exheredato relictum, à substituto præstabitur? Neg. injuria enim exheredationis nullam benignitatem meretur. l. 5. D. de Leg. 3. l. cum quidam. Cod. de legat. Viglius §. non solum. in fin. Instit. hic.

Sicuti nec exheredati substitutus legatum à se relictum præstare cogitur. l. ab exheredati. l. 26. D. de Leg. 1. Cum quæ ab eo relicta secundis tabulis, quasi primis relicta censeantur. l. in ratione. 30. §. quod vulgo. D. Ad l. Falcid. l. cum quidam. Cod. de legat.

Si tamen ab ipso filio exheredato relicta legata, per fideicommissum alteri sint præstanda, omnino debebuntur. l. 43. in fin. D. hic. Donell. in l. 24. Cod. de legat. Licet non rectè pater in bonis exheredati per fideicommissum eidem substituat, quod non nisi nostra bona fideicommissi vinculo subjaceant. l. cohæredi. 41. §. quod si. D. hic. vid. Pichard. in comment. hic. n. 10. 11.

§. 5.

Necessaria requisita substitutionis pupillaris enumerantur.

Liberis autem suis.] Requisite necessarium pupillaris substitutionis est, ut pater sibi faciat heredem testamento. Aliter filii testamentum, sequela paterni testamenti, non valet. l. pen. D. Testam. quem. aperiant. l. 35. §. pen. D. de Acquir. hered. cum sublato principali evanescat accessorium. l. 2. D. hic. l. 126. §. cum principalis. D. de Reg. jur. Quin amplius requiritur ut prius sibi faciat testamentum dein filio, quod paternum testamentum sit principale. l. 1. §. 7. D. Ad l. Falcid. l. 2. D. hic. Licet nihil intersit, an filio per nuncupationem substituat, dum sibi in tabulis testamentum fecit. l. 8. §. fin. D. bonor. poss. sec. tabul. Insuper desideratur, ut prius sibi scribat heredem, dein filio, nec convertat ordinem scripturæ; maxime, si substitutio facta sit exheredato. §. 5. hic. l. 2. D. cod. Nisi testator

testator fuerit miles, vel filium scripserit hæredem, vel uno conceptu institutionem & substitutionem collocaverit. d. l. 2. §. 5. vid. Donell. 6. comm. 28. Pacium cent. 5. q. 92. Treutler. vol. 1. disp. 11. thes. 8. litt. g. Hænon. disp. 8. Instit. n. 19.

Exigitur amplius, ut adita sit patris hæreditas, quod aliter hæreditas filii adiri non possit. d. l. 2. Id quod procedit in extraneo scripto hærede, secus quam obtinet in suo instituto, & sese abstinente, cum ipso jure sit hæres. l. 12. D. hic. Secus etiam quam obtinet jure prætorio, quo substitutio pupillo conservatur, si ab intestato patris adeatur hæreditas. l. 2. §. quisquis. in fin. D. hic.

Quid si pater sibi quidem fecerit testamentum, verum pro parte tantum valeat? Adhuc sustinebitur pupillare testamentum. l. 8. §. sed nec. D. inoff. testam.

Quid si fecerit testamentum, sed minus solemne? Siquidem inter liberos fuerit testatus non infirmabitur, modo liberis institutis substitutus sit datus. Arg. d. l. 2. §. 4. & l. hæc consultissimâ. §. ex imperfecto. Cod. de testam. Sin inter extraneos fuerit testatus, pupillares tabulæ evanescent. l. fin. Cod. Famil. Erisc.

Quid si testamentum patris fiat irritum, vel rumpatur de jure civili? Tabulæ pupillares corrumpere responsum est in l. Papinianus. 8. §. 5. D. de inoff. testam.

Quid si jure Prætorio testamentum factum sit irritum? Incolumes remanebunt pupillares tabulæ; neque enim prætor juris civilis custos, voluit remedium bonorum possessionis contra tabulas, quod jure civili concessum non erat, nimium dilatari. l. 34. §. fin. & l. seq. D. hic.

§. 6.

Novissime morienti substitui potest.

Vel singulis autem liberis.] Ut omnibus esset consultum, nec quispiam liberorum non relicto successore decederet, singulis testator substituere potest; quo casu ex testamento successio deferretur. Secus quam obtinebit, si novissimo impuberi morienti fuerit substitutum, quo casu eos invicem succedere voluit ab intestato; id est, voluit ut quilibet eorum, postremo tamen excepto, legitimum haberet successorem. §. 6. hic. l. vel singulis. 37. D. hic. Nisi tamen contrarium ex voluntate testatoris possit colligi, ut in l. Titia. 87. §. Seja. D. Leg. 2. ubi cum pluribus institutis, testator duobus fundum prælegaverat, cumque à novissimo moriente tertio restitui jussisset, tacita substitutio subaudiri debebat, cum aliter fieri non posset, quam ut à novissimo totus fundus ad tertium deveniat.

Nisi etiam jure novissimo superstes fuerit mater, quo casu substituto ex ultimi hereditate non debetur as, in quem mater pro parte admittitur. Nov. 118. c. 1. 2. vid. Zoes. D. hic. n. 45-46.

Quid si cum ex pluribus pupillis novissimo morienti facta esset substitutio, omnes pariter fuerint mortui? Admittetur nihilominus substitutus, quod cum novissimo morienti sit substitutus, multo magis omnibus commorantibus substitutus videatur. l. ex duobus. 34. D. hic. l. qui duos. 9. D. de rebus dubiis.

Non obstante l. cum qui. 34. D. ad Trebell. Quoniam in casu d. l. fideicommissarius tantum fuit substitutus uni, non utrique, & quidem in partem supremi morientis. Cumque ignoretur quænam sit illa pars, & quis postremo fuerit mortuus, nihil illi deberi poterat. Cujac. tract. 4. ad African. in d. l. 34. D. hic.

§. 7.

Modus, quo alicui substitui potest, explicatur.

Substituitur autem.] Spectant quæ hic dicuntur modum, quo pupillo substitui potest. Et quidem ei substituitur vel nominatim, id est, nomine proprio, hæc formulâ, *Titius hæres esto*, vel generaliter: *quisquis mihi hæres erit*, siue unus sit, siue plures. Neque enim generalis substitutionis formula omnino numerum multitudinis desiderat. Generalis autem formula substitutionis hanc ipsam conditionem continet, si institutus mihi hæres erit. Comparatur enim hic substituendi modus ei substitutioni pupillari, quæ sub conditione facta est. l. 8. in fin. principii. D. hic. Eapropter qui ad substitutionem admittuntur eandem habebunt partes in substitutione, quas habuerunt in hereditate patris. d. l. 8. Et hunc sensum continet dicta generalis formula, ut non omnis qui patri hæres extitit, verum is tantum qui proximus est, & ex testamento hæres extitit, videatur substitutus. l. 3. D. hic. l. 2. 7. D. de verb. signif.

Unde neque pater, qui per filium, neque dominus, qui per servum, modo emancipatus vel manumissus sit filius vel servus antequam discederet impubes, post defunctum ejusdem patrem, neque etiam hæredis hæres ad substitutionem admittitur. d. l. 3. d. l. 8. Et quidem in illis hæc videtur esse ratio, quod testator ad illos solos affectionem habuisse credatur, qui scripti sunt hæreses. In hærede vero hæredis, non alia militat ratio, quam quod incerta sit persona. l. 70. D. de verb. signif. Sic ut in hæc facti specie cesset regula, quod hæredis hæres etiam sit hæres testatoris. Pichardus in comm. ad §. 4. n. 10. 11. Instit. hic. vid. Mantic. 5. de conj. ultim. volunt. 1. 2. 3. & seqq. Perez. Cod. hic. n. 19.

Quid

Quid si testator duos sibi scripserit hæredes, & subjecerit, *quisquis mihi hæres erit, & Titius, filio meo hæres esto*, an semisses sient, sic ut unum capiant bini scripti hæredes, alterum Titius? Secundum Justinianum, qui articulum *quisquis* accipit distributivè, fieri debebunt trientes, sic ut singulæ personæ in viriles & æquales portiones admittantur. l. fin. Cod. hic.

Neque obstat l. 9. D. hic. ubi plures vocati sub vocabulo *quisquis*, pro uno habentur. Quoniam d. l. 9. poterit videri correctæ per d. l. fin. Covean. ad d. l. 9. vid. Duaren. ad tit. Pand. hic. c. 15. Zoef. D. hic. n. 47. 48. Perez. Cod. eod. n. 20. Anton. Mattheum disp. de success. 7. n. 21.

§. 8.

1. Substitutio vulgaris *variis modis* | 2. *Aliis modis evanescit* pupillaris.
evanescit.

Substitutio *evanescit.*] Aliter paulo evanescit vulgaris, quam pupillaris substitutio. Illa evanescit deficiente conditione, id est, additione hæreditatis per institutum factâ. l. 3. §. 2. D. de hæred. instit. l. post aditam. Cod. hic.

Neque obstat. Auth. de hæred. & Falcid. §. si vero. per quam nonnulli censent dd. ll. esse emendatas. Quoniam secundum d. Auth. vi substitutionis non succedit substitutus, sed beneficio legis. Azo in summ. Cod. hoc tit. n. 6.

Quid si plures sint instituti copulativè? *Titius, Sempronius, & Marius hæredes sunt.* Quod si hæredes non erunt, *Lucius hæres esto.* Licet alter ipsorum adierit hæreditatem, nondum tamen locus erit substituto, quod non omnes instituti deficiant, qui deficere debebant, ut substituto possit esse locus. Nam copulativa oratio demum vera si omnia membra sint vera. §. fin. Instit. de hæred. instit. l. pen. D. hic. l. 30. Cod. eod. Nisi tamen copulativa in disjunctivam, vel disjunctiva in copulativam ex testatoris mente resolvatur. l. 57. §. 1. D. ad Trebell.

Nisi itidem nominatim & sigillatim alicui facta sit substitutio; quo casu substitutus potior est jure ad crescenti, cohæredi in partem cōhæredis deficientis competenti. Arg. l. fin. D. hic. vid. Duaren. D. hoc tit. cap. 10. Gomez. 1. Resol. 3. n. 26. Menoch. 4. præf. 87. n. 5. Zoef. D. hic. n. 5.

Evanescit insuper vulgaris substitutio, substituto ante institutum defuncto. Cum enim nondum subsistat in personâ defuncti, non poterit ab ejusdem hærede vindicari. l. unic. §. in novissimo. Cod. de caduc. tollend.

Non idem statuendum si institutus moriatur ante testatorem; quia propterea quem voluit substitutum testator ne intestatus moreretur. l. si pater. 26. l. cum ex filio. 39. §. fin. D. hic. l. Thais. 41. §. pen. D. fideic. libert.

Am

Amplius, evanescit vulgaris substitutio, si substitutus nolit adire hereditatem, nisi substitutus sit hæres necessarius instituto. Quod accidit, quando servus testatoris in primo gradu iussus est esse liber, & in gradu secundo filio substituitur. Tunc enim contra regulam juris antiquam, quæ caveatur, ne quis sit hæres necessarius, nisi ex eodem gradu & libertatem, & hereditatem consequatur, servus filio sit necessarius hæres. l. 4. Cod. de necess. serv. hered. l. pen. Cod. de jure delib. Petez. Cod. de necess. serv. hered. num. 6.

Denique evanescit vulgaris substitutio, si cum hereditas nondum esset adita ab instituto, is reliquerit filios, in casibus, quibus nondum adita hereditas ad hæredis defuncti hæredes transmittitur. l. ventre. 48. D. de adquir. hered. l. unic. Cod. de his qui ante apert. tabul. l. infanti. 18. §. 1. l. cum in antiquioribus. 19. Cod. de jure delib. vid. Alciat. in l. 1. n. 78. D. hic. Duaren. ad tit. D. hic. Pichard. in comm. hic. in princ. n. 35. 36. Gomès. 1. Resol. 3. n. 25. Anton. Matth. disp. 7. de success. n. 6. & post eundem Willemb. vol. 1. Pand. disp. 56. n. 19.

2. Hæc, puta pupillaris substitutio evanescit, si impubes cui facta est substitutio tempus excedat pubertatis. §. 8. hic. l. 2. l. 7. D. eod. l. 5. D. qui testament. facer. poss. Quoniam in casum facta substitutio, ultra casum non est extendenda. in princ. hic. Id quod procedit si vel ultimum diem anni duodecimi scemina, vel decimiquarti masculus attigerit, præsertim si tum ipse fuerit testatus d. l. 5. aliter forte dies cæptus non habebitur pro completo. Quibus autem modis probari debeat, quem intra pubertatem decessisse ut substitutioni sit locus, abunde docent Boër. decis. 38. n. 30. Alciat. tract. de præsumpt. regul. 2. præf. 14. n. 16. Covarr. 2. varior. 7. n. 1. 6. vid. plura de diebus apud Viglium & Pichardum in Comment. hic.

Quod si testator ultra pubertatem filio substituerit, non tamen ultra pubertatem valebit substitutio. l. 7. l. 14. D. hic. Tum quia testator efficere nequit ne leges habeant locum in testamento. l. 55. D. de Leg. 1. Tum quia homini sanæ mentis, qui sibi testamentum facere potest, qualis est is, qui excessit pubertatem, jus testamenti faciendi non est adimendum. l. 43. D. hic.

Quid si statuto vel loci consuetudine testamenti factio masculis sit denegata usque ad annos 18. foeminis usque ad annos 16. ? Etiam ad illud tempus se pupillaris extendet substitutio. vid. Grassum. §. substitutio. q. 22. Gothefr. ad l. 1. Cod. de sacrosf. eccles. Zoef. D. hic. n. 29.

Quid si infra pubertatem alicui substituerit patens, id est, tempus fuerit coarctatum ad annos 10. ? Eo expleto evanescet substitutio: quoniam concessa ad tempus, post tempus censetur denegata. l. 21. 23. 43. D. hic. Azo in summ. Cod. eod. n. 10.

Pu.

Pupillaris etiam evanescit substitutio, si filius impubes vivente patre fuerit emancipatus, vel alio quo modo patrie potestati exemptus, dum maximam vel mediam passus est capitis deminutionem. l. 41. §. cum filio. D. hic. l. nec ei. §. eorum. D. de adopt. Auth. ingressi. Cod. de Sacros. Eccles. Ut tamen substituto per utiles actiones succurri velint. l. causa cognita 40. D. hic.

Evanescit insuper, si pupillus ante patrem testatorem fuerit mortuus. Id quod singulare est in pupillari substitutione, cum in vulgari nihil intersit, institutus ante vel post testatorem in fata concesserit. l. 26. l. 39. §. 2. D. hic. l. 41. §. pen. D. de fideic. libertat. l. unic. §. 3. Cod. de caduc. toll. Cuyck ad Cravettam consil. 62. Si pupillus quoquo modo factus sit intestabilis. l. 4. D. de testam.

Evanescit amplius substitutio pupillaris, si testator capitis deminutionem fuerit passus. l. si quis filium. §. irritum. D. injust. rupt. irrit. Si postmodum aliud fecerit testamentum. l. si quis eum. §. fin. D. hic. l. cum in secundo. D. inj. rupt. irrit. Si hæreditas testatoris non fuerit adita, cum extraneus esset scriptus hæres. §. 5. hic. l. 2. D. eod. Nam si filius institutus abstinerit jure prætorio, non evanescunt tabulæ pupillares, quod jure filius extiterit hæres. l. 44. D. de re judic. non obstant. l. 11. §. 1. D. ad Sen. Trebell. quæ casum continet singularem.

§. 9.

- | | |
|---|---|
| 1. Substitutio vel directa vel fideicommissaria. | 4. Militaris substitutio ab aliis specie distincta non est. |
| 2. Differentia utriusque recensentur. | 5. Mores circa materiam substitutionis describuntur. |
| 3. Miles per verba directa ultra libertatem substituere potest. | 6. Jus Canonicum refertur. |

Extraneo vero, vel filio puberi.] Substitutio alia est directa, alia fideicommissaria. l. 4. Cod. de fideic. nam verbum *substituto* commune est, sic ut ad utramque referri possit. l. 4. §. 2. in princ. D. hic. Directa est quæ sit verbis directis, vel quando nullâ personâ interveniente quis caput deficientis hæreditatem. Fideicommissaria est quæ verbis sit precariis, vel hæreditas per fideicommissum ab hærede est relicta. Quales substitutiones Græcis appellatur *ἀντικαταστάσεις*, Latinis, *restitutiones*. l. fin. Cod. Comm. de legat. rubric. Cqd. de Instit. & substit. & restit. Unde nonnulli eas non tam substitutiones, quam quidem restitutiones appellant. §. fin. hic. Cujac. Parat. Cod. de Instit. & substit. Duaren. 2. Anniv. disput. 7. Donell. 6. comm. 23. Viglius in princ. & §. 1. Instit. tit. præced. vid. Althus. dicajol. 1. c. 49.

2. Differentias inter utraq; intercedentes, paucis enarrabo, quod non ubivis obviat. Directa substitutio sæpe facta censetur in omnia bona quæ habuit institutus, in omni intra pubertatem decesserit; quod accidit in pupillari & militari. Fideicommissaria tantum facta videtur ratione bonorum quæ à testatore sunt profecta, quod ille propria non aliena fideicommissio gravare debeat. l. cohæredi. 41. §. quod si hæredem. D. hic. l. 6. D. de Leg. 3. l. 41. §. miles. de testam. milit. Illa non nisi testamento fieri potest, hæc etiam codicillis, & ab intestato. §. pen. Instit. de Codicill. Ulterius, ubi est directa substitutio, ibi substitutus propriâ auctoritate & per se capit hæreditatem. Ubi fideicommissaria ibi substitutus eam capit per manum hæredis. In illâ spectantur potissimum verba, in hac potissimum mens testatoris. l. 42. D. hic. l. 57. §. 1. D. ad Trebell. Ibi verba directa sunt ad substitutum, hic autem ad hæredem diriguntur, eum rogando ut restituat hæreditatem. §. fin. hic. l. fin. in princ. D. de Leg. 3. Ibi detractioni Trebellianicæ non est locus, hic ea locum invenit. Ibi filii legitima in pupillari ætate decedentis ad substitutum deveniet, hic vero legitima substituto detrahitur, nec subjacet oneri restitutionis. l. 15. D. hic. l. quoniam in prioribus. Cod. de inoff. testam. Denique quæ directa non ultra pubertatem extenditur, quæ fideicommissaria & à pagano ultra pubertatem extendi potest. §. fin. hic. vid. Gratian. de Garzatoribus de vulgar. & fideicomm. substit. num. 8. 9. 15. 27. Oddum de substit. in prælud. p. 1. q. 5. Gilken. ad rubric. Cod. de inpub. & alijs substit. n. 12. Menoch. 4. præf. 67. & seqq. Coppen 2. præf. obs. 134. usque ad 145.
3. *Sed hoc solum permissum est, ut cum per fideicommissum.* Paganus filio puberi vel extraneo jure directo substituere non potest in casum, si quondam, vel quodcumque decesserit. Poterit tamen per fideicommissum obligare hæredem ut alii hæreditatem vel totam vel pro parte restituat. §. fin. hic.
- Quid si paganus verbis usus sit directis, an non ea flectentur in fideicommissaria, sic ut per vim fideicommissi teneant? Non videtur, quoniam non aliter paganus hoc possedicitur, quam si per fideicommissum obliget hæredem: certum autem est formulam directam secerni à fideicommissariâ. §. fin. hic. l. 7. D. hic.
- Præterquam quod soli militi privilegii loco tributum sit, ut filio puberi quibuscumque verbis substitueret. Unde si substitutionem verbis expresse- rit directis, ea flectentur in fideicommissum, ut idem in pagano cessante privilegio non sit admittendum. l. 8. Cod. hic. l. 5. Cod. de fideic. Alciat. in l. 7. D. hic. num. 10. Cujac. 11. obs. 25. & 12. obs. 27. & 17. obs. 26. & tract. 2. ad Afric. p. 13. Duaren. D. hic. c. 23. Connan. ult. comm. 9. Fachin. 4. controv. 44. Bronchorst 3. assert. 33. Hænon. disp. 8. Instit. n. 20. diff.

diff. Donell. 6. comm. 25. Gomef. 1. refol. 4. n. 6. vid. Graffum. §. substitutio. q. 23. Covarr. in c. Rainut. §. 5. n. 1.

Hic militi concessus substituendi modus, seu potius formula, ab aliis substitutionum speciebus non nisi formâ extrinsecâ distincta est. Cumque verborum compendio enumeratas substitutionum species, modos diversos, plura tempora, plures ætates complectatur, capropter ex corrupto textu DD. eam appellarunt compendiosam. l. precibus. 8. Cod. de impuber. substit. Duaren. 2. disput. 7. De quâ prolixè differentes vide DD. Bartol. in l. humanitatis. Cod. impub. & aliis substit. Bald. in l. precibus Cod. eod. Castrenf. consil. 134. incipit. viso puncto. Menoch. 4. præsumpt. 51. & seq.

MORIBUS.

Quod pragmatici nonnulli judicant vulgarem substitutionem moribus esse sublata id eos sine fundamento asserere autumarem, per rationes & auctores allegatos apud Dessel. in notis ad Zoef. Infit. hic. Id tamen lubens agnoverim raro apud nos fieri substitutiones, neque iis opus esse, cum per fideicommissa id consequamur, quod per substitutiones Romani. diff. ex parte Groenw. alique ad hunc titulum. Moribus etiam Galliæ non sunt improbatæ vel desuetudine inumbratæ substitutiones, ut tamen non ultra quantum gradum eas extendi referat Gregor. Tholof. Synt. jur. univ. libr. 43. c. 10. n. 5.

Quod spectat substitutionem pupillarem & quasi, non etiam ea per omnia sublata est, cum certum sit patrem filio impuberi & furioso substituere intuitu bonorum propriorum; idque ad exemplum substitutionis, quo jure Romano filio arrogato facta est. l. 10. §. 6. D. hic.

Idem quod statuendum est de milite compendio verborum substituente, idque in ordine ad peculium castrense. Quinimo moribus pater aut mater non tantum impuberi vel furioso, verum etiam puberi, & sanæ mentis, ratione bonorum à se prosectorum substituere potest in omnem eventum, idque ad exemplum substitutionis militaris, quæ vulgari erat similis.

Eaque substitutio quamvis directis verbis sit concepta, modo de intentione appareat testatoris, per modum fideicommissi conservabitur. Faber Cod. 6. tit. 8. def. 6. n. 14. & def. 8. in fin. Mantic. de conj. ultim. volunt. libr. 8. tit. 1. n. 21. Moller. 4. Semestr. 29. n. 6. 7. Grot. 2. introduct. 20. Groenw. ad §. fin. hic. Anton. Marth. de auct. 1. c. 11. n. 32. in fin. Licet aliter in dubio potius directam quam fideicommissariam velint substitutionem. Mantic. de conj. ult. vol. 5. tit. 1. n. 3. & tit. 7. num. 3. Menoch. 4. præf. 66. & præf. 71. Fufar. de substit. p. 1. quæst. 6. Peregrin. de fidic. art. 18. n. 16. 17.

Parentibus tamen de moribus permissum non est liberis vel impuberibus, vel mente captis testamentum facere, aut de eorum bonis adventitiis disponere, quo sensu rectè dictum à Doctoribus pupillarem & quasi pupillarem substitutionem esse sublatam, eoque refero Grot. 2. introd. 6. §. *de groote*. & 2. introd. 19. in fin. Gudel. in jure noviss. §. *Goris advers.* 4. §. 7.

In agro tamen Leodiensi non aliter atque jure Romano pupillari locus est substitutioni, in tantum ut etiam mater, secus quam jure scripto obtinebat, rectè substituatur. Dessel. in not. ad Zoef. Instit. hoc tit. post Carolum de Mean.

JURE CANONICO.

6. A pagano facta substitutio verbis directis, post pubertatem trahitur ad fideicommissariam substitutionem, sic ut ea sustineatur secundum juris benignitatem. c. Rainutius, de Testament.

LIBER. II. TITULUS XVII.

QUIBUS MODIS TESTAMENTA INFIRMANTUR.

Testamentum jure factum usque eò valet, donec rumpatur, irritumve fiat.

1. Rumpitur autem testamentum, cum in eodem statu manente testatore, ipsius testamenti jus vitatur. Si quis enim post factum testamentum adoptaverit sibi filium per Imperatorem, eum, qui est sui juris, aut per Prætorem secundum nostram Constitutionem, eum, qui in potestate parentis fuerit, testamentum ejus rumpitur quasi adgnatione sui hæredis.

2. Posteriore quoque testamento, quod jure perfectum est, superius rumpitur. Nec interest, exstiterit aliquis hæres ex eo, an non: hoc enim solum spectatur, an aliquo casu existere potuerit. Ideoque si quis aut noluerit hæres esse, aut vivo testatore, aut post mortem ejus, antequam hæreditatem adiret, decesserit, aut conditione, sub qua hæres institutus est,

est, defectus sit: in his casibus paterfamilias intestatus moritur. Nam & prius testamentum non valet, ruptum à posteriore: & posterius æquè nullas habet vires, cum ex eo nemo hæres exstiterit.

3. Sed & si quis, priore testamento jure perfectò, posterius æquè jure fecerit, etiamsi ex certis rebus in eodem hæredem instituerit, superius tamen testamentum sublatum esse, divi Severus & Antoninus rescripserunt: cujus Constitutionis verba & hic inferi jussimus, cum aliud quoque præterea in ea Constitutione expressum sit. *Imperatores Severus & Antoninus Coccejo Campano: Testamentum secundo loco factum, licet in ea certarum rerum hæres scriptus sit, perinde jure valere, ac si rerum mentio facta non esset: sed & teneri hæredem scriptum, ut contentus rebus sibi datis, aut suppletâ quartâ ex lege Falcidia, hæreditatem restituat his, qui in priore testamento scripti fuerant, propter inserta fideicommissi verba, quibus ut valeret prius testamentum, expressum est, dubitari non oportet. Et ruptum quidem testamentum hoc modo efficitur.*

4. Alio autem modo testamenta jure facta infirmantur: veluti cum is, qui fecit testamentum, capite deminutus sit. quod quibus modis accadat, primo libro retulimus.

5. Hoc autem casu irrita fieri testamenta dicuntur, cum alioqui & quæ rumpuntur, irrita fiant: & ea, quæ statim ab initio non jure fiunt, irrita sint. Sed & ea, quæ jure facta sunt, & postea per capitis deminutionem irrita fiunt, possumus nihilominus rupta dicere. Sed quia sanè commodius erat, singulas causas singulis appellationibus distingui, ideò quædam non jure facta dicuntur, quædam jure facta rumpi, vel irrita fieri.

6. Non tamen per omnia inutilia sunt ea testamenta, quæ ab initio jure facta, per capitis deminutionem irrita sunt: nam si septem testium signis signata sunt, potest scriptus hæres secundum tabulas testamenti bonorum possessionem agnoscere, si modo defunctus, & civis Romanus, & suæ potestatis

mortis tempore fuerit. Nam si ideò irritum factum sit testamentum, quia civitatem, vel etiam libertatem testator amisit, aut quia in adoptionem se dedit, & mortis tempore in adoptivi patris potestate sit, non potest scriptus hæres secundum tabulas bonorum possessionem petere.

7. Ex eo autem solo non potest infirmari testamentum, quod postea testator id noluerit valere: usque adeò ut & si quis post factum prius testamentum posterius facere cœperit, & aut mortalitate præventus, aut quia eum ejus rei pœnituit, id non perfecit: divi Pertinacis oratione cautum sit, ne aliàs tabulæ priores jure factæ irritæ fiant, nisi sequentes jure ordinatæ & perfectæ fuerint: nam imperfectum testamentum sine dubio nullum est.

8. Eadem oratione expressit, non admissurum se hæreditatem ejus, qui litis causa Principem reliquerit hæredem: neque tabulas non legitimè factas, in quibus ipse ob eam causam hæres institutus erat, probaturum: neque ex nuda voce hæredis nomen admissurum: neque ex ulla scriptura, cui juris auctoritas desit, aliquid adepturum. Secundum hoc divi Severus & Antoninus sæpissimè rescripserunt. Licet enim (inquiunt) legibus soluti simus, attamen legibus vivimus.

COMMENTARIUS.

IN PRINC.

Testamentum vel injustum, vel nullum, vel ruptum, vel irritum.



Testamentum jure factum.] Quoniam nihil est perpetuum aut stabile in rerum naturâ, quam lex imitatur, & quondam naturæ imaginem habet testamentum, ideò ei accidit, ut rumpatur, vel infirmetur. l. 32. D. d. Servit. præd. urban. Quod cum dicat privatione habitum includere debbit, ut infirmari vel rumpi illud propriè loquendo dicatur, quod valuit ab initio. §. 5. Instit. hic. Quod vero testamentum nunquam firmum fuit, dicitur vel esse injustum, vel nullius momenti, utrumque abusivè testamentum. l. 2.

§. 1.

§. 1. D. quemadm. testam. aper. Injustum appellatur, quod non jure factum est, in quo requisita testamenti solemnia defunt. l. 1. D. hic. Arg. l. 5. Cod. de legibus. Nullius momenti testamentum est, in quo suus hæres est præteritus, vel non ita uti oportuit institutus, aut ex hæredatus, vel in quo nemo scriptus est hæres, quod erat testamenti caput & fundamentum. in princ. Instit. de hæred. ab intest. & in princ. Instit. de ex hæred. liber. l. 1. D. hic. Arg. l. 5. §. 7. in fin. D. eod.

Et licet hoc testamentum ab initio fuerit nullum & inutile, ut testator nullas tabulas reliquisse videatur. l. 1. §. fin. D. Si tab. testam. null. extab. nec quicquam debeatur ex illo testamento, licet adjectam habeat clausulam codicillarem. Gabriel. 6. conclus. tit. de claus. concl. 7. Hænon. disp. 8. Instit. n. 22. ibique DD. abusive tamen injustum dicitur. l. 3. §. 2. 3. l. 6. §. 2. D. hic. sicut utrumque vocatur irritum. l. 1. D. hic. ruptum. l. 30. D. de liber. & posthum. & imperfectum. l. si duobus. D. de bonor. poss. secund. tabul. Cujac. in l. 1. D. hic.

§. 1.

Rumpitur Testamentum variis, 2. Etiam agnatione posthumi.
modis. 3. Quid Moribus?

Rumpitur autem testamentum.] Quod ab initio valuit testamentum, ex post facto variis modis infirmari, aut vitari potest. Id quod contingit vel jure civili, vel prætorio, vel officio judicis. Hoc modo, per quærelam inofficiosi testamenti, quâ olim testamentum ad causam intestati redigebatur. Isto modo, per bonorum possessionem contra tabulas, ex edicto prætoris, quo totum infirmatur, legatis solummodo in quibusdam casibus, certis personis præstandis. Illo modo, si scriptus hæres, vel nolit vel non possit adire hæreditatem, si testamentum rumpatur, vel irritum fiat. Hæredes non adeunte testamentum irritum constituitur citra ullam testatoris mutationem, & dicitur defectum. l. 1. in fin. D. hic. Quo casu ne quidem legata relicta debebantur. l. eam quam. l. 4. Cod. de fideic.

Rumpitur testamentum, cum non persona, sed ipsum testamentum aliquod vitium incurrit, vel cum in eodem statu manente testatore, testamenti jus vitatur. §. 1. hic. l. 2. D. eod. Id quod accidit multis modis, ut testamenti rescissione, vel rescissione, quando testator testamenti tabulas rupit, fregit, incidit. l. pen. §. fin. D. bon. poss. secund. tabul. l. pen. Cod. de testam. Resignatione, quando testator signa vel sigilla amovit, vel revulsi, linum detraxit, vel incidit. l. 1. §. si linum. §. si rosæ. l. fin. D. bon. poss. secund. tabul. l. 30. Cod. de testam.

Quamvis per se postea conatus sit reponere. l. 22. §. 2. l. 23. D. Qui testam.

itam. facere possi. l. pen. Cod. de testam. Deletione, quando testator testamentum lituris induxit, obliterando scripturam, vel cancellando, inducendo, interliniendo. l. fin. D. hic. l. 1. 2. D. de his quæ in testam. delent. Modo hæc omnia facta sint consulto, non per furem, aut casu fortuito. l. fin. D. hic. l. 1. 2. D. de his quæ delent. Quæ tamen inconsulto deleta, antequam consuinatae essent tabulæ, si legi, si intelligi non possint, pro non scriptis habebuntur. l. 1. §. 2. D. quæ in testam. delent. vid. Menoch. 4. præf. 165. n. 22. & seqq. & de adipisc. possess. remed. 4. quæst. 84. Fachin. 5. controv. 93.

Quid si plura sint exempla, & unum tantum deletum, vel deletum exemplum, non exemplar, seu authenticum? Quod relictum est nihilominus valebit, & debebitur. l. fin. D. quæ in testam. delent. l. 10. fin. D. Test. quænam. aper. vid. l. 2. ibique DD. Cod. de Testam.

2. *Si quis enim post factum testamentum.*] Rumpitur etiam testamentum agnatione posthumi vel quasi posthumi non instituti, vel exheredati. §. 2. de exhered. liber. l. 23. §. 1. D. Liber. & posthum. l. 8. D. bonor. possess. contr. tabul. Illa est vera & naturalis, quæ quis post conditum testamentum, vel mortem testatoris hæres suus sit testatori, qualis antea non erat, quia necdum conceptus, aut natus. §. posthumi. Instit. de exhered. liber. l. 8. D. hic. l. 12. l. 23. §. 1. D. de liber. & posthum. Id quod non obtinet si sit abortivus, si monstruosus. l. quod. Cod. de posth. hæred. vel si natus vivo testatore sit mortuus. l. posthumus. 12. in princ. D. hic. l. fin. Cod. de posth. hæred. instit. vel si testator fuerit miles. Arg. §. 6. Instit. de Exher. liberor. l. 7. D. stat. hom. l. sicut. Cod. Testam. milit. Obtinet tamen, non obstante clausulâ codicillari, quæ magis ex consuetudine, quam testamentum voluntate adjicitur. Menoch. 4. præf. 32. Gail. 2. obs. 114. n. 8. Tesauro. decis. 141. Hænon. disp. Instit. 8. n. 21. Hæc quasi agnatio est civilis, si legitimetur filius naturalis post factum testamentum, si quis arrogetur, vel adoptetur in suum hæredem. §. 1. hic. & aliis modis, ad tit. Instit. de exhered. liberor. explicatis. Quibus subjici poterit modus aliquis juris antiqui, de quo in l. 8. §. 1. D. hic. Ulpian. in Fragm. tit. 11. Hodie tamen si qui arrogatur vel adoptatur sit extraneus, quia non transit in potestatem extranei, testamentum quasi agnatione non rumpetur. §. sed hodie. de adopt. §. adoptivi. de exhered. liberor. l. cum in adoptiv. Cod. de adopt.

MORIBUS.

3. Licet non sit adita hæreditas, nihilominus relicta debentur. Alex. 2. consil. 209. Cuyck ad Cravett. consil. 324. Et refert Sanden vi clausulæ codicillaris hæredes ab intestato ad præstationem legatorum compul-

sos

fos fuisse. libr. 4. tit. 4. def. 10. Nec mirum, cum de moribus testamentum sit validum, licet non contineat hæredis institutionem. Insuper non rumpitur de consuetudine testamentum adgnatione posthumi vel quasi. Si tamen quispiam post factum testamentum aliquem legitimaverit, eum facultatem habere annullandi, vel rumpendi testamentum, statuunt DD. Telsaur. decis. 84. Forster. de success. ab intestat. libr. 6. c. 29. n. 7.

§. 2. 3.

- | | |
|---|--|
| <p>1. Rumpitur prius per posterius ipso jure.</p> <p>2. Quid si facta sint duo Testamenta simul?</p> <p>3. Quid si posteriori Testamento quis scriptus sit Hæres ex re certâ?</p> | <p>4. Quid si priori Testamento iusjurandum de non revocando fuerit appositum?</p> <p>5. Quid si Testator posterius incidit?</p> |
|---|--|

Posteriore quoque testamento.] Rumpitur etiam testamentum aliquo facto testatoris, quando (quod non facile præsumendum, Menoch. 4. præf. 165. & 6. Præf. 3. 4.) voluntas testatoris est mutata per posterius testamentum ritè factum. §. 2. hic. l. 2. D. eod. Ut enim leges posteriores derogant prioribus. l. fin. D. de constit. princ. & pacta novissima sustinentur. Argum. princ. Instit. de replicat. ita etiam voluntas hominis quæ ambulatoria est usque ad extremum vitæ spiritum. l. 4. D. de adim. leg. l. 32. §. 2. D. de donat. inter virum & uxor. & iudicium erit ratum, quod postremum, quia morte confirmatur. l. 18. D. inoff. testam. l. 1. D. de hæred. vel action. vend. l. 19. Cod. de inoff. testam. l. 1. Cod. de Sacros. Eccles.

Quod in tantum procedit, ut posterius testamentum jure factum rumpat prius ipso jure. l. 27. Cod. de testam. Neque enim secundum leges paganus potest duobus relictis testamentis discedere, & unius hominis non nisi una voluntas. Unde necessum non est, ut testamento posteriori sit adjecta clausula prioris derogatoria; quod posterius seipso derogat priori. Nec quicquam aliud operabitur clausula derogatoria, quam ut evertantur priores codicilli, (testamentum enim ipso jure erat eversum) qui aliter valerent. §. 1. de codicill.

Nec obstat l. 22. D. de Leg. 3. quia diversum continet casum, & insuper à Triboniano corrupta.

Quinimo licet ex posteriori testamento ritè facto nemo hæres extiterit, vel quia hæres esse noluit, vel quia hæres esse non potuit, ante vel post testatorem defunctus, nihilominus rumpetur prius. Actum enim metimur ratione sui principii, non ratione eventus. §. 2. hic. l. 16. D. eod. Quo casu

intestatus erit ille qui testatus est, in quantum ex testamento hæredem non habet, aut propter exitum habere non potuit. in princ. Instit. de hæredit. quæ ab intestat. Excipe nihilominus casum l. 11. D. hic. ubi posteriores tabulæ erant vacuæ, nec mentem testatoris continebant.

Quin amplius si quis in priori testamento scriptus sit hæres purè, alius vero in posteriori sub conditione, posterius rumpet prius; adeoque hæres conditionalis priori præferetur; id quod in ultimis voluntatibus, non item in contractibus, singulari jure obtinet. l. 7. D. de rescind. empt. Nec quicquam interest extiterit conditio, an defecerit, sit possibilis, an impossibilis. Ibi quippe sufficit, quod existere poterit; hic, quod habeatur pro non adjectâ, sic ut posterior institutio, non aliter atque si purè facta sit, valeat. §. 10. Instit. de Hæred. instit. l. 1. D. de condit. instit. l. 16. D. hic.

2. Quid si duo testamenta eodem die sint condita, sic ut ignoretur quid prius, quid posterius? Neutrum valere poterit, idque ob incertitudinem, & utrumque de jure Romano valere nequit, ut evértatur utrumque. Arg. l. duo sunt. D. testam. tutel. ibique gloss. Clarus §. testamentum. q. 100. Grassi. cod. q. fin. Boër. decif. 311. Forster. de success. libr. 4. c. 8. n. 12. Nisi tamen in uno scripti sint extranei, in altero qui venire potuissent ab intestato. vid. Gregor. Tholos. Synt. jur. libr. 44. c. 1. Zoef. D. hic. n. 31. Althuf. dicaj. 1. cap. 55.

3. Quid si in testamento posteriori quis solus hæres sit scriptus, & quidem ex recertâ? Nihilominus rumpetur testamentum prius. §. 3. hic. Quod jure civili nemo pro parte testatus, & pro parte intestatus possit discedere. §. 5. Instit. de hæred. instit. l. 7. D. de regul. jur. Præterquam quod ex recerta scriptus, detractâ rei mentione, ex assè hæres esse censeatur. l. 1. D. de hæred. instit. vid. Alexand. vol. 4. consil. 112. n. 1. Clar. libr. 3. §. testamentum. q. 94. Concen. 3. q. 2. Gomef. in l. 3. Tauri. n. 92. Gabriel. 2. Comm. opinion. tit. de jurejur. conclus. 1. Covarr. rubric. de testament. 2. part. n. 19.

4. Quid si priori testamento jusjurandū de non revocando fuerit appositū? Non obstante jurejurando, per posterius rumpetur prius: eo quod jusjurandū sequatur naturam actus cui apponitur, qui cum sit ambulatorius, etiam adjectum jusjurandum ambulatorium censebitur. l. 4. D. de adim. leg. l. 55. D. Leg. 1. l. fin. Cod. de non numer. pecun. Quod tamen non aliter admittunt DD. quam si testamentum posterius æquè fuerit juratum. Accurs. in Auth. sacram. puber. Cod. si advers. vendit. Covarr. rubric. de testam. p. 2. n. 16. Ut meo judicio hallucinetur Czpolla cautela 117. n. 3. qui censet prius juratum per posterius revocari non posse. Cujus sententia licet adinittenda sit, quando loquimur de eo, quod fieri non debet, (neque enim debet

debet juratum revocare testator, & peccat in conscientiâ dum revocat) tamen, si loquamur de eo quod per leges fieri potest, saltem in foro Cæsaris juratum testamentum per posterius, etiam injuratum, revocatum esse dicitur. vid. Menoch. 4. præsumpt. 66. Mantie. de conject. ult. volunt. libr. 12. c. 8. Cujac. 14. obs. 7. Fabr. decad. 37. error. 8.

Quid si cum testator prius & posterius fecisset testamentum, inciderit posterius, ut prius sustineretur, & pro supremâ voluntate haberetur? Non videntur hæredes priori testamento scripti posse petere hæreditatem, quod prius per posterius sit ruptum ipso jure. Nec tamen ex posteriori testamento cum effectu agent hæredes, quod ab hæredibus priori testamento scriptis per exceptionem doli repellantur. Ut conjecturis debeat hic esse locus, & despiciendum an non testator, prius testamentum quasi de novo agnoverit, vel approbaverit, vel posterius eo animo inciderit, ut valeret prius. vid. l. 11. §. 2. D. de bonor. poss. secund. tabul. l. 8. §. 3. D. cod. l. 1. §. si consulto. D. quæ in testament. delent. l. sancimus. Cod. de Testam.

§. 3.

1. *Non semper Testamentum posterius rumpit prius.* 2. *Quid Moribus?*

Sed & teneri heredem scriptum.] Regulam hæc tenet explicui, quod testamento posteriori ritè factò rumpatur prius. Sequuntur aliquot casus, seu potius exceptiones à regulâ, quarû una est ex constitutione Severi & Antonini Imperatorû, proposita in §. 3. hujus tituli. Ubi qui in posteriori testamento ex re certâ scriptus est hæres, propter inserta fideicommissi verba, (sic legendum) quibus ut valeret testamentum prius, expressum est, hæreditatem deductâ quartâ illi restituere tenetur, qui in priori testamento scriptus fuerat hæres. l. 12. §. 2. D. hic. Nisi quis existumet non hic videri duo esse testamenta, quod cum fidei hæredis committatur, ut valeat prius, satis constet testatorem non voluisse ut prius per modum testamenti, sed codicillorum sustineretur. Fabrot. ad Theoph. hic. Id quod in milite secus est, qui jure directo etiam duobus testamentis discedere potest. l. 19. D. de testam. militar. Cujus etiam testamentum posterius rumpit prius, licet posterius non sit factum solemniter. l. 2. D. hic. l. 34. §. 1. l. 36. §. fin. D. de testam. milit.

Altera exceptio est, si in testamento posteriori scripti sint hæredes qui essent ab intestato successuri, vel aliter testamentum posterius foret privilegiatum: quibus casibus posterius imperfectum, rumpet prius perfectum. l. 2. D. hic. l. 12. §. 1. D. de bon. poss. contr. tabul. l. 21. §. 1. 3. Cod. de test.

Yyy 2

Azo

Azo in summâ Cod. eod. n. 22. Connan. 10. comm. 4. n. 4. Gilken. ad d. l. 21. Cod. §. imperf. n. 2. Zoef. D. hic. n. 35.

Quod etiam locum habet, quando priori testamento scriptus hæres, sponte agnovit voluntatem posteriorem imperfectam. l. non dubium. 16. §. 1. Cod. de testam. Vel testamento imperfecto posteriori adjecta est clausula codicillaris, cujus contemplatione hæreditas per modum fideicommissi alteri deferetur. §. pen. Instit. de codicill. l. 3. D. testam. milit. l. 29. §. 1. D. qui testam. facere. l. fin. Cod. de codicill.

Non obstante l. 13. D. de inoff. testam. Quoniam ibi fingitur demens fuisse testator, ut ne quidem vi clausulæ codicillaris debita sint legata. Bronch. 3. enant. 24. Wissemb. disp. P. 55. n. 17.

Hiscæ adjice casum l. 38. D. de fideic. libert. & alium juris novissimi, quo testamento posteriori imperfecto rumpitur prius perfectum, si modo posterius sit holographum, & ipsis testibus palam fuerit nuncupatum. Novell. 107.

Est denique casus in l. 92. & fin. D. de hæred. instit. ubi posterius testamentum licet perfectum non rumpit prius, idque propter errorem testatoris, qui putabat hæredem primo testamento scriptum in fata concessisse. Sic ut primus hæres succedat, præstitis nihilominus legatis testamento relictis posteriori. Azo in summ. Cod. de testam. n. 21. Pichard. in comm. ad Instit. n. 2. & 12.

MORIBUS.

- 25 Testamentum posterius non rumpit prius ipso jure, verum ut prius sit ruptum posteriori subjicienda erit clausula revocatoria prioris, & sufficiet generalis revocatio, etiamsi prius fuerit patris inter liberos. Sicuti prius revocatum censetur, quando posterius illud everit, in quantum ei contrarium. Unde quis potest de moribus duobus & pluribus testamentis factis discedere, & priora vel in totum vel pro parte sustinebuntur, prout eum posterioribus vel in totum vel pro parte conveniunt, aut nihil adversi continent. Si tamen vel clausula revocatoria sit adjecta, vel adversa contineant, etiam posterius coram notario & duobus testibus factum rumpet prius, licet hoc fuerit conditum coram septem testibus. Habet enim posterius testamentum sua requisita quæ consuetudo desiderat. vid. Mant. de conj. ult. vol. libr. 12. tit. 1. num. 33. Fabrum Cod. 6. tit. 5. def. 10. Neost. Cur. Holland. decis. 1. Coren obs. rerum judic. 39. diss. quoad testamentum patris inter liberos. Grass. §. testam. q. 86. n. 5. Mant. de conj. ult. vol. 6. tit. 2. n. 27. Main. §. decis. 19. Decker. libr. 2. dissert. 3. n. 25. Zoef. D. hic. ibique DD. Groenwog. §. 3. Instit. hic. & ad tit. de Codicill. ibique DD.

Censent nihilominus Pragmatici invitâ Romanâ jurisprudentiâ, relucante ratione, & decisionibus curiarum dissidentibus, per testamentum posterius, generalem continens revocationem præcedentis, non rûpi prius, quod forte continebat clausulam revocatoriam testamenti posterioris. Verum eo casu desiderant posteriori testamento subjici debere specialem & expressam revocationem illius clausulæ, seu formulæ, quæ priori testamento fuerat inserta. Idem quod applicant pactis antenuptialibus, quæ per expressam voluntatem testamentariam revocari volunt, nec aliter ea revocata censent. vid. Bartol. & DD. in l. 22. D. de Leg. 3. Clarum lib. 3. §. test. q. 99. n. 5. Grassum §. testamentum. q. 87. & seqq. Fachin. 4. contr. 8. & 92. Covarr. de Test. n. 59. Pap. 20. tit. 1. arr. 4. Mant. 12. de conj. ult. vol. tit. 8. Men. 4. præf. 166. Fabr. Cod. Sabaud. libr. 6. tit. 5. def. 10. def. 25. Gom. ad l. Tauri. 3. n. 92. 93. Everh. præf. consil. 79. & 167. n. 13. Peck. 1. de testam. conjug. 10. n. 4. Pichard. ad tit. Instit. de adempt. legat. in comment. n. 11. & seqq. Sand. 4. tit. 1. def. 10. 20. Berlich. part. 1. decis. 92. n. 4. Gregor. Tholos. libr. 44. c. 1. n. 11. 12. Neost. decis. 1. de pact. anten. & obs. 22. Grot. 2. introd. 24. §. *daer is noch*. Coren consil. 10. n. 24. Dessel. in not. ad Zoef. Instit. hic. n. 7. in fin. Neostad. de pact. anten. obs. 3.

Etiâ judicant nonnulli prius testamentum per posterius ritè factum non posse revocari, quando prius est factum duorum consensu, vel à duobus; ut quando conjuges invicem relinquendo usumfructum unâ chartâ fuere testati. Choppin. 3. de moribus Paris. 1. Ita saltem velint pragmatici in hac nostrâ provinciâ. de quâ vid. Ampliss. Rodenb. in tract. de jure conjug. & Consult. D. Someren de jure noverc. c. 9. n. 7.

Communior tamen juri & rationi magis congrua est sententia contraria, cum hâc limitatione, nisi communi testamento adjecta fuerit clausula, de non revocando, nisi conjunctim, & non aliter. vid. Cævall. comment. contra comm. q. 265. Gail. 2. obs. 117. Clarum §. testam. q. 60. Grassum §. testam. q. 90. Mynsing. cent. 1. obs. 8. Oldrad. consil. 174. Everhard. consil. 213. n. 23. Peckium de testam. conj. libr. 1. c. 1. c. 43. n. 4. 13. 14. Viglium ad §. 2. Instit. de pupill. substit. Fabrum de error. pragmat. dec. 42. c. 4. & 37. error. 8. Pichard. in comment. ad §. d. §. 2. Dessel. ad Zoef. in comment. hic. n. 11.

Existunt insuper si duo simul fecerint testamentum, & in eâdem chartâ fuerint testati, alter de bonis alterius, non posse alterum altero invito, ne quidem post mortem alterius, in præjudiciû voluntatis prioris successione in testamento communi ordinatâ immutare. Peckius d. l. c. 43. n. 4. Everhard. consil. 60. n. 2. Decker. 1. diss. 1. n. 4. 8. Grot. 2. introd.

15. in fin. Coren obs. 11. 12. Christin. 6. decis. 58. n. 6. Carpzov. jurispr. Forens. Roman. Saxonie. p. 3. constit. 2. def. 13. Leeuw. cens. forens. 3. c. 11. n. 7.

§. 4.

Testamentum multis modis fit irritum.

Alio autem modo.] Testamentum jure civili infirmatur, si rumpatur, si irritum fiat. Illud accidit in eodem statu manente testatore; hoc si status testatoris mutetur, quod evenit si capite fuerit minutus. Id quod verissimum est si maximam capitis deminutionem spectemus, quod servus testari nequeat, qui pro nullo habetur. l. 32. D. de regul. juris. Etiam si mediam, quoniam qui civitatem amisit, qualis est deportatus, id juris est civilis, qualis est testamenti factio, amisisse dicitur. l. 17. D. de pœn. Exceptis quibusdam casibus, ut si à Principe quis fuerit restitutus plenissime. l. 6. D. hic. l. 1. & fin. Cod. de Sent. pass.

Si ab hostibus captus ad suos revertatur, quo casu fictione postliminii testamentum sustinetur. §. 5. Instit. quibus non est perm. facere testam. l. 6. §. pen. D. hic. Quinimo & per minimam capitis deminutionem testamentum irritatur, puta, si paganus, non miles, se dederit adrogandum. §. 4. de testam. milit. l. pen. §. 2. D. de bonor. possess. secund. tabul. Nam si liuss familias factus ad testandum se reddidit inhabilem, & res ad eum casum devenit à quo incipere non potest. §. 6. Instit. de noxal. action. in princ. Instit. Quibus non est perm. facere testam.

Quid si non nemo fuerit emancipatus, an quia capite minutus est, testamentum quod fecit irritum fiet? Utrum hic casus sit habilis, & dari possit, addubitarem; consule tamen §. 5. Instit. de testam. milit. ibique mea notata, & l. 22. D. eod.

Irritum insuper fit testamentum, quando hæres scriptus noluit adire hæreditatem. Quo casu ex illo testamento nihil debebitur. l. 14. Cod. de fideic. exceptis quibusdam casibus, de quibus post alios Wissenb. ad disp. 27. & seqq. D. de regul. juris.

Irritum denique fit testamentum, quoties ipsi testatori aliquid contingit, quod cum ad testandum fecit inhabilem, ut si paganus capitis sit damnatus, vel propter sceleris conscientiam mortem sibi consciverit. l. 6. §. 5. 6. 7. D. hic. Si modotale fuerit crimen propter quod bona erant publicanda, & sibi mortem conscivisset post litem contestatam, vel postquam in scelere fuisset deprehensus. In crimine tamen majestatis, repetundarum, peculatus, accusatio etiam post mortem inchoari potest. l. in fraudem. §. 2. 3. D. de jure fisci. d. l. 6. l. fin. Cod. de bon. eorum qui ante sent.

Ne-

Neque quæ hæcenus explicata per Nov. 22. c. 8. Nov. 134. c. fin. sunt sublata, verum testamentum etiamnum damnatione censetur irritum esse factum. Arg. l. sancimus. 27. Cod. de Testam. Faber de error. pragmat. decad. 70. error. 1. 2. 3. Ferrar. in praxi tit. 52. gloss. 24. n. 3.

§. 5.

Vox irritum varias admittit significationes.

Hoc autem casu irrita.] Quædam vitia statim insunt testamento, ut si nullum, si injustum, quædam accidunt ex post facto, ut si ruptum vel irritum sit factum. Hoc enim ab initio jure factum postea in irritum recidebat. Et licet vocabulum *irritum* & *ruptum*, omnibus illis casibus possit applicari, quia tamen propriè rumpi vel irritari non dicitur, quod ab initio non valuit, præstabit singulas res & species propriis appellare nominibus. l. 3. D. de lib. & posth. Ulpian. tit. 23. in inscript. §. 5. hic. l. 1. D. hic. Præterquam quod etiam intersit rumpatur testamentum, an irritum fiat. Quoniam ex eo quod rumpitur, aliquid deberi potest, tit. D. de legat. præstand. bon. poss. pet. Auth. fin. Cod. de liber. præter. ex eo quod irritum sit, nihil debetur, verum locus est successioni ab intestato, quasi nullum fuisset ab initio. l. filio. 17. D. hic.

§. 6.

1. Testamentum irritum factum | 2. Quid Moribus?
quandoque convalescit.

Non tamen per omnia inutilia.] Testamentum quod per capitis deminutionem testatoris factum fuerat irritum, quandoque convalescit, ut si qui se adrogandum dederat, codicillis vel aliis litteris, eodem testamento se mori velle declaraverit. l. 11. §. 2. D. de bon. poss. secund. tabul. Etiam, si testamentum septem testium signis, (quæ solemnitas est juris prætorii,) fuerit signatum, & testator mortis tempore factus sit sui juris, & civis Romanus. Testamentum enim jure prætorio convalescit, & sufficit illo jure, neglectâ legum Romanarum subtilitate, testatorem utroque tempore, & facti testamenti, & ejus quo moritur, testamenti faciendi jus habuisse. §. 6. hic. l. 12. D. cod. l. 1. §. exigit. D. de bonor. poss. secund. tabul. Id quod tunc locum habebit, cum non est alius ab intestato hæres, cui competat bonorum possessio contra tabulas. Ulpian. in Fragm. tit. 23. 28. Non autem jure prætorio convalescet testamentum nuncupativum, quod in eo testium signacula non reperiantur. §. fin. Instit. de testam. ordin. Convalescet tamen mixtum, quale est testamentum cæci, quod etiam in eo septem testium signacula desiderantur. l. hac consultissima. Cod. de testam. vid. Gædd. ad l. 20. D. de verb. significat.

MORIBUS.

2. Sublatis de consuetudine juris civilis capitis deminutionibus, earumque effectibus, certum est testamenta non fieri irrita, idque ad exemplum testamenti militaris, quod per militis capitis deminutionem non irritabatur. Hinc etiam capitis damnatos testari posse censent, nec per sententiam, quod ante factum erat testamentum irritari. Clarus §. testam. q. 19. n. 1. Molin. ad Parif. §. 2. gloss. 2. n. 10. Imbert. in Enchir. verb. filii adoptivi. Choppin. ad cons. Andium l. 3. c. 3. tit. 1. n. 13. Gudel. 1. de jure noviss. 13. in fin. Grot. 1. manud. jur. Holland. 6. Groenw. ad §. 4. hic. diss. de capitis damnatis Neostad. decif. supr. curiæ Holland. 21.

§. 7.

1. Nudâ voluntate Testamentum | 2. Excipitur casus.
non revocatur. | 3. Quid Moribus?

1. **E**X eo autem solo.] Dictum fuit testamentum prius non rumpi per posterius, nisi hoc fuerit ritè factum: unumquodque enim eo modo solvitur, quo ligatum est. l. 35. D. de regul. juris. Cui consequens est, ut quemadmodum nudâ voluntate testamentum constitui non potest, ita nec poterit nudâ voluntate revocari. l. 11. §. testamento. D. bonor. poss. secund. tabul. Id quod oratione Pertinacis, quæ Senatusconsultum antecessit, fuit cautum. §. 7. hic. Capitol. in vitâ Pertinac.

Neque obft. l. 11. §. 2. D. de bon. possess. secund. tabul. Quod nullum ibidem testamentum conficiatur nudâ voluntate, verum quod factum erat prius ope exceptionis sustinetur.

Non itidem obft. l. 97. D. de acquir. hæred. ubi ponendus est casus habilis, puta, quod ibi fortè hæres sit factus incapax, ut ad causam intestati testamentum propterea redigatur. vid. Merend. 3. contr. 44.

Quid si testator coram septem testibus dicat, se revocare testamentum prius, seque intestatum decedere velle? Hæreo; ut tamen censi possit testamentum esse revocatum. Arg. l. 1. §. si hæres. D. si tabul. testam. nullæ extab. l. 36. §. 3. D. testam. milit. vid. Covarr. de testam. p. 2. ad rubric. Fachin. 4. contr. 8.

2. Quid si testator apud acta fuerit professus, convocatis testibus tribus, se nolle testamentum prius valere? Resp. Olim quidem vel solo lapsu decennii prius testamentum infirmabatur, hodie si cum mutâ à eo quo dictum est modo voluntate labatur decennium à tempore facti testamenti computandum, voluntas prior sublata esse dicetur. l. sancimus 26. Cod. de Test. vid. Clarum, §. testam. q. 91. Covarr. in rubric. de testam. p. 2. n. 19. verb. nono. Joh. Papon. 20. Arrest. tit. 1. c. 3. Donell. ad d. l. 26. Greg. Thol. lib. 4. Synt. jur. c. 1. n. 7.

MORIBUS.

Testamentum solâ declaratione coram tabellione revocatur, licet non interlabatur decennium. Grassus §. testam. q. 84. n. 5. Gomef. ad l. Tauri 3. n. 104. Mornac. ad l. 8. D. de pecul. Roseb. Syll. conf. Amstel. tit. 44. §. 6. Consuet. jussu ducis Albani collectæ. §. 34. Transis. 2. c. 5. §. 11. Ruzem. 3. tit. 6. §. 4. n. 4. Antverp. tit. 46. §. fin. Davent. 3. tit. 4. §. 9. vid. Mainard. 5. decis. 23. Tessaure. 1. quæst. 56. Mantic. 2. conj. ult. volunt. 15. n. 28. Fabr. Cod. 6. tit. 5. def. 29. n. 1. Neost. Cur. Holl. decis. 1. & de Pact. anten. obs. 22. verb. quod autem. Coren consil. 10. Grot. 1. introd. 24. n. 15. Groenw. ad §. 7. hic, l. 27. Cod. de testam. Carpzov. jurispr. forens. p. 3. constit. 3. def. 42.

§. 8.

Princeps non vult esse Hæres ex Testamento imperfecto.

Eadem oratione expressit.] Respicit Imperatorem Pertinacem, de quo superiori §. fuerat locutus. Is oratione, quâ suavit. Senatufconsultum, expressit, se non admitturum ejus hæreditatem, qui vel litis causâ, vel imperfecto testamento posteriori, puta scripto vel nudâ voce, id est, uti nonnulli interpretantur, testamento nuncupativo posteriori cum prius esset scriptum, (alii nudâ voluntate, juris solemnibus destitutâ) Principem declaraverat hæredem. §. 8. hic. l. 20. Cod. de testam. Verba Pertinacis hæc sunt: *Sanctius est inopem rempublicam obtinere, quam ad divitiarum cumulum per discriminum atque dedecorum vestigia pervenire.*

Cujus sententiæ rationes sunt in propatulo, quod calumniæ facultatem ex principali majestate capi non oporteat. l. pen. D. de hæred. inst. Quod facile accideret, si testes quo Principi gratificarentur talem nuncupationem ementirentur. Præterquam quod credendum non sit, Principem qui juratuetur, observationem testamentorum evertere velle. l. 35. Cod. de inoff. testam. multo minus illis in casibus, ubi quam maximè erat providendum.

Ne dicam, quod æquum sit Principem servare leges quos ipse præscripsit aliis, neque inde lucrum capere, unde alios id percipere non permisit. §. 8. hic. l. 4. Cod. de leg. vid. Fabron. in not. ad Theoph. hoc tit. Non quod ullus subjectorum Principem absolutum legibus subiciat, dum Principis sustinet personam, verum quod ante adeptum principatum per illos, qui in eum majestatem personalem contulerunt, legibus certis, vel potius pactis sit alligatus, quæ eum servare oportet. §. fin. hic. l. 3. Cod. de testam. Verum de hac difficultate, quæ non unâ distinctione finiri potest, alibi apertus erit divagandi campus. Consuli interim poterit Alciat. ad l. 17.

in fin. D. de verb. signif. Cujac. 15. obs. 30. Lucas de Penn. ad l. 1. Cod. de Præpos. sacri cubicul. Papon. decis. 340. Bronch. cent. 1. miscell. aff. 2. Bepold. disp. Polit. fin. thes. 53. & seqq. class. 2. & Oicon. juris ad tit. 3. 4. libr. 1. Pand. idem in tractat. de majest. antimachiavello.

LIBER. II. TITULUS. XVIII.

DE

INOFFICIOSO TESTAMENTO.

Quia plerumque parentes sine causa liberos suos exheredant, vel omittunt, inductum est, ut de inofficioso testamento agere possint liberi, qui queruntur, aut iniquè se exheredatos, aut iniquè præteritos: hoc colore, quasi non sanæ mentis fuerint, cum testamentum ordinarent. Sed hoc dicitur, non quasi verè furiosus sit, sed rectè quidem fecerit testamentum, non autem ex officio pietatis. Nam si verè furiosus sit, nullum testamentum est.

1. Non autem liberis tantum permissum est testamentum parentum inofficiosum accusare, verum etiam liberorum parentibus. Soror autem & frater, turpibus personis scriptis hæredibus, ex sacris Constitutionibus prælati sunt. Non ergo contra omnes hæredes agere possunt. Ultra fratres igitur & sorores cognati nullo modo aut agere possunt, aut agentes vincere.

2. Tam autem naturales liberi, quam secundum nostræ Constitutionis divisionem adoptati, ita demùm de inofficioso testamento agere possunt, si nullo alio jure ad defuncti bona venire possint. Nam qui ad hæreditatem totam vel partem ejus alio jure veniunt, de inofficioso agere non possunt. Posthumi quoque qui nullo alio jure venire possunt, de inofficioso agere possunt.

3. Sed hæc ita accipienda sunt, si nihil eis penitus à testatoribus testamento relictum est, quod nostra Constitutio ad vere-

verecundiam naturæ introduxit. Si vero quantacumque pars hæreditatis vel res eis fuerit relicta, de inofficioso querelâ quiescente, id quod eis deest, usque ad quartam legitimæ partis repleatur: licet non fuerit adjectum, boni viri arbitratu debere eam compleri.

4. Si tutor nomine pupilli, cujus tutelam gerebat, ex testamento patris sui legatum acceperit, cum nihil erat ipsi tutori relictum à patre suo, nihilominus poterit nomine suo de inofficioso patris testamento agere.

5. Sed si è contrario pupilli nomine, cui nihil relictum fuerat, de inofficioso egerit, & superatus est: ipse tutor, quod sibi in testamento eodem legatum relictum est, non amittit.

6. Igitur quartam quis debet habere ut de inofficioso agere non possit, sive jure hæreditario, sive jure legati, vel fideicommissi, vel si mortis causâ ei quarta donata fuerit, vel inter vivos in iis tantummodò casibus, quorum mentionem facit nostra Constitutio: vel aliis modis, qui in nostris Constitutionibus continentur. Quod autem de quarta diximus, ita intelligendum est, ut, si unus fuerit, sive plures, quibus agere de inofficioso testamento permittitur, una quarta eis dari possit, ut ea pro rata eis distribuatur: id est pro virili portione quarta.

COMMENTARIUS.

IN PRINC.

1. Origo querelæ explicatur.

2. Estque judicium principale.

3. Querela quando competit.



Uia plerumque.] Quandoquidem commune naturæ si- mul & parentum votum liberos legitime prognatos ad hæreditatem vocat. l. 15. D. hic. l. 7. §. fin. D. Si tab. testam. non extab. l. fin. D. de bon. damnat. & ex illo Apostoli, qui filius, est etiam hæres.; non injuriâ remedium querelæ est adinventum, quo judicis officio interposito, testamenta parentum infirmarentur, si in officium pietatis inpegiissent. Cum enim plerumque sine causâ, liberos ex-

hæredare soleant, quamvis raro eosdem exhæredent, jus ex eo quod plerumque accidebat, statuendum erat. in princ. Instit. hic. l. 3. 4. D. de legibus. Neque consentiendum est parentibus, qui injuriam adversus liberos suos testamento inducunt, maligne circa sanguinem suum inferentes judicium. l. 4. D. hoc tit. Quapropter in omnem eventum liberis prospectum voluere leges, ut si omissi vel præteriti à matre vel avo materno. §. fin. Instit. de exhæred. liberor. si exhæredati inique à patre vel avo paterno, testamentum dicant inofficiosum. in princ. hic. Cujus remedii origo non adeo certa est, aliis hoc inventum auctoritati prudentum. Rævard. lib. de auctorit. prud. c. 12. aliis legi Glicia. Cujac. 2. obs. 21. 3. obs. 8. 14. obs. 14. & ad Nov. 18. aliis, consuetudini & moribus populi Romani, quæsito colore deimentia, adscribentibus. Anton. August. libr. singul. de Leg. & Senatufc. p. 65. Donell. 10. comm. 4. vid. Contium 1. success. 3. Hænon. disp. 9. ad Instit. q. 1. ibique DD.

2. Et licet olim hoc remedium forte ante petitionem hæreditatis fuerit institutum, tanquam præparatorium ad judicium principale, probabile tamen id hodie, (quod Græci etiam tenent interpretes,) nihil aliud esse, quam petitionem hæreditatis ex causâ inofficiosi testamenti. l. 8. §. 8. l. 20. l. 21. §. fin. l. 27. §. pen. D. hic. l. 1. l. si quis filium. Cod. eod. l. 3. Cod. de petit. hæred. Cujac. Parat. D. hic. & 2. obs. 21. & 3. obs. 8. Non quod hæreditatis petitio cum inofficiosi quærelâ sit confundenda, verum quod ipsa sit hujus genus. Datur enim petitio hæreditatis, etiam ubi non est inofficiosi querela, ut in casu l. 6. §. 1. D. hic. l. 1. Cod. eod. Nusquam tamen inofficiosi querela de jure alicui competit, ubi non etiam est petitio hæreditatis; adeo ut non obstat l. 6. §. 1. D. hic. Bacchov. in commun. eod. Eo enim ipso quo rescinditur testamentum, petitur ipsa hæreditas, vel portio hæreditaria. l. 20. l. 21. l. 27. D. hic. l. pen. §. sed quemadm. D. de bonor. poss. contr. tabul. l. 34. Cod. eod. Licet non semper ea petatur cum effectu. vid. Donell. 19. comm. 3. 4. Connan. 9. Comm. 8. 9. diss. Duaren. ad hunc tit. Costal. ad l. 20. D. hic. Sichard. ad l. 1. n. 6. in fin. Cod. hic. Viglius ad hunc tit. Hænon. disput. Instit. 9. q. 2. 3. Treutl. vol. 1. disput. 13. thes. 1. litt. e.

3. Hoc colore.] Remedium quærelæ liberis competit, si à parentibus inique fuerint exhæredati vel præteriti. Quia tamen famosum erat de iniquitate parentum conqueri, non aliter atque in quibusdam casibus odiosis, res verbis temperatur. §. 2. Instit. de susp. tutor. l. non debet. D. de dolo. l. 2. D. rerum amot. ita etiam in hoc titulo ad colorem recurritur, quasi non sanæ mentis fuerit testator, quasi paternum nomen exuerit, supremamque pietatem, dum proximum sanguinem negligit. Sanus enim non videtur, qui

in propria viscera exercet inclementiam; cumque sine causâ odit, quem procreavit. Sanus non videtur, qui in seipsum sâvit, quod evenit, si in liberos sit durus, per quos ipse parens magis petitur. §. fin. Instit. de noxal. action. Sic ut hic color seu *apêçari*, seu prætextus quæsitus sit à naturali erga liberos charitate, quam lex præsumit naturæ congruenter in parentibus sanæ mentis. Adeo ut hic frustra sit Bacchovius, qui prætextum in subtili juris ratione quærit, & quidem in 12. tabul. quibus cuique de bonis disponendi licentia erat concessa. Neque quod hic de colore dicitur, jure novissimo sublatus est, quasi non aliter quærela competat, quam si legitima causa testamento sit inserta; cum testamentum parentum subsistat, per quærelam rescindendum, licet ei iusta causa inserta non sit. Nov. 115. c. 3. in fin. Donell. ad Auth. ex causâ. Cod. de liber. Præter. Duaren. ad hunc tit. c. 3. & c. 3. de Liber. & Posthum. Hænon. disp. Instit. 7. q. 16. & 9. q. 4. & 6. Besold. in delib. jur. ad tit. P. hic. n. 18. diff. Bartol. ad l. Titia. D. hic. Clarus §. testamentum. q. 41. n. fin. Treutl. vol. 1. disp. 13. thes. 2. litt. a. Gregor. Tholof. Synt. jur. libr. 44. c. 3. n. 5. & 17.

§. 1.

- | | |
|------------------------------|--------------------------------------|
| 1. Competit Liberais. | 5. Quid Moribus? |
| 2. Quid Moribus? | 6. Concessa est quærela fratribus. |
| 3. Competit Parentibus. | 7. Quando? |
| 4. Non tamen sicuti liberis. | 8. An detur ultra Fratres & Sorores? |

Non autem liberis tantum.] Agitur de personis, quibus concessum est 1. quærelam intentare. Et quidem certum est eam primo competere liberis, l. 15. D. hic. Paul. 4. Sent. 5. sive suis, sive emancipatis, l. 23. D. hic. naturalibus & legitimis simul. l. liberorum. D. de verb. signif. etiam legitimis tantum, id est adoptatis, ut tamen sint adoptati ab aliquo ascendente in lineâ rectâ. §. 2. Instit. de adopt. non natis tantum, verum etiam posthumis. l. posthumus. l. Papinianus. 8. §. si ex causâ. D. hic. tam ulterioris gradus liberis, quam proximioribus, si modo illos nemo antecedit, vel non alia intercedat persona. l. 7. Cod. hic.

Quid si pater iustâ de causâ sit exheredatus, an nepos ex suâ personâ quærelam movere poterit? Non videtur, quod nepotem antecedit pater. l. si quis filium. Cod. hic. Gomef. 1. variat. 11. Hænon. disput. Instit. 9. num. 7.

Quid si pater sit emancipatus, nepos in potestate retentus? Forte simul admittentur, per tit. Dig. de conj. cum emanc. lib. nisi ille tit. sublatus dici possit per Nov. 118. c. 1. Zoef. D. hic. n. 20.

Et quidem competit omnibus illis descendentes; si à patre aut avo paterno

terno sint exheredati, vel à matre aut avo materno præteriti. Non itaque competit liberis emancipatis à patre præteritis, ut qui gaudent remedio bonorum possessionis contra tabulas. tit. D. de bon. poss. contr. tabul. l. 8. in princ. l. fin. Cod. de lib. præte. Non suis præteritis à patre, vel non ad eum modum exheredatis, quem lex flagitat. in princ. Instit. de exhered. liber. l. 3. §. 1. 2. & seqq. D. Liber. & posthum. l. 4. D. hæred. instit. Non etiam ab extraneo adoptatis, ut quibus tantum saluum est jus succedendi ab intestato. §. 2. hic. §. 2. de adopt. Non itidem ab extraneo adrogatis, quod iis per constit. Pii abunde sit consultum. l. 22. in princ. D. de adopt. l. 8. §. si impubes. D. hoc tit. Vaudus 1. quæst. 29. Hænon. disp. Instit. 9. num. 10.

Naturalibus tantum adversus testamentum patris quærela non competit, utpote quibus non debetur legitima. d. l. 8. A matre tamen præteritis remedium inofficiosi tributum est; sicuti & ipsis spuris, nisi mater sit illustris, & habeat legitimo matrimonio quæsitam prolem. l. 29. §. 1. D. hic. l. pen. Cod. ad Orfitianum. Natis ex damnato coitu, vel adulterio, vel incestu, nullum superest remedium, ne quidem adversus testamentum maternum, quod ab omni juris beneficio sint exclusi. Auth. ex complexu. Cod. de incest. nupt.

MORIBUS.

2. Statuunt de moribus Galliæ, quærelam nudum esse nomen; & quia exheredati etiam sunt *saissi*, uti loquuntur, in iis admittunt continuationem possessionis bonorum paternorum, ut quærelâ non egeant. Autumn. censur. ad l. 14. D. de bon. poss. contr. tabul. Baro ad tit. Instit. hic. comm. posterior. Quod licet alii nostris etiam moribus velint applicatum, saltem generaliter loquantur, Anton. Matth. Auctar. ad disp. de divort. leg. & usus, post disp. de testamentis. n. 80. ibique DD. Malim tamen id de Galliorum, Brabantinorum &c. moribus assertum, apud quos, *mortuus locum facit vivo*. Quod cum apud nostrates non obtineat, quærelæ etiamnum locum esse colligitur, per ea quæ à me tradita ad tit. Instit. de Hæred. qualit. & differ.

Non tamen de moribus videntur naturales tantum experiri posse remedio quærelæ adversus testamentum matris, quod matri non succedant ab intestato, legitimis liberis existentibus. Idem quod de adoptivis dicendum, cum adoptionis de moribus, (exceptâ Frisiâ) vix ullum supersit vestigium. Dessel. in not. ad Zoef. Instit. hic. n. 5. ibique DD.

3. *Verum etiam liberorum parentibus.*] Non liberis tantum modo, verum etiam parentibus, non existentibus defuncti liberis, competit inofficiosi quærela. in princ. hoc tit. Quamvis enim parentibus non eodem modo debeat li-

liberorum hæreditas, turbato tamen ordine mortalitatis, non minus parentibus quam liberis aliquid relinquendum erat. l. 15. D. hic. Id quod etiam suadet commiserationis ratio, ne simul & liberis & bonis privarentur. l. 7. §. fin. D. Unde liberi. Suadet insuper causa pietatis, quæ inter parentes & liberos secundum naturam retributionis salva esse debet; exemplo desumpto à ciconiis, in quarum pullis obtinet illud Græcorum ἀντιπαρουσία. l. 1. D. de obseq. parent. Alciat. emblem. 30. Pyerius hyeroglyphic. libr. 17. Gomef. 1. Refol. 11. n. 36.

Dixi non eodem modo parentibus liberorum deberi hæreditatem, quo 4. liberis parentum. Nam parentibus remedium quærelæ datur, non habitâ differentiâ præteritionis vel exhæredationis per liberos factæ, non observatâ sexus differentiâ. Similem tamen in modum ad liberorum deveniunt hæreditatem, id est, quibus liberis competit adversus maternos scriptos hæredes quærela, eorumdem matri etiam adversus eorum hæredes datur remedium; idem quod de patre dicendum est. Excipitur nihilominus casus in matre, quæ conquæri non potest super tabulis pupillaribus filii impuberis defuncti, quibus erat præterita vel exhæredata. l. 8. §. 5. D. hic. Est insuper hoc singulare in patre, quod non tantum nomine proprio, verum etiam nomine filii agere possit. Illo casu, quo ipse præteritus est, vel exhæredatus, hoc casu, quo ipsius filius est exhæredatus. Si modo quærela intentetur filio volente vel consentiente, non item co invito. l. 8. in princ. D. hic.

Quid si filii defuncti sint exhæredati, pater præteritus, an exhæredatis non quærentibus admittetur pater? Ita videtur dicendum, quoniam si plures sunt ordines & gradus, uno deficiente, sequens admittitur, ut fiat successioni locus. l. 14. D. hic. l. pen. in princ. D. eod.

Quid si per quærelam à patre motam ruptum sit testamentum filii, an unâ cum patre jure noviss, admittentur fratres germani? Non videtur, quod Nov. 118. c. 2. tantum obtineat in casu quo testamentum non erat confectum, vel quod conscriptum ab initio fuerat nullum. vid. tamen princ. Instit. de Success. ab intestat. Zoef. D. hic. n. 45.

MORIBUS.

Consuetudine Averniæ pater non admittitur ad quærelam testamenti 5. inofficiosi. Mornac. ad l. 15. D. hic. Quod juri Atheniensium, congruum est, quo patri demum quærela competeat, si urgeret necessitas. Moribus nostratum, si modus succedendi ab intestato pactis antenuptialibus præscriptus, testamento non sit mutatus, parentibus ex bonis liberorum non debetur portio legitima. vid. Neof. in not. ad obs. 2. 3. cur. suprem. Sand. 4. tit. 2. def. 4. & tit. 5. def. 19. Christian. Roodenb. de jure conjug. cap. 2. tit. 3. part. prior. p. 132. & seqq.

6. *Soror autem & frater.*] Quoniam charitatem parentum proximus fraternæ benivolentiæ gradus excipit, ideo post parentes inofficiosi quærelam intentant fratres, & sorores. Gomef. 1. resol. 11. n. 37. Zoef. D. hic. n. 45. & seqq. Intellige germanos & consanguineos, non itidem uterinos, quibus hoc remedium est denegatum. in princ. hic. l. pen. Cod. de adopt. l. 21. 27. Cod. hic. Neque id ipsum jure novissimo sublatum, quo tum deinceps consanguinei & uterini exæquantur, cum quis intestatus decessit. Nov. 118. cap. 2. 3.

7. Non aliter tamen admittuntur fratres, quam turpibus personis scriptis hæredibus, infamiæ facti vel juris laborantibus. Quibus forte omnis hæreditas est adimenda. l. 1. 3. 4. D. l. 27. Cod. hic. Fachin. 4. contr. 91. Tessaure. decif. 128. Hænon. disp. 9. Instit. 9. Nisi vel ipse frater quærelam intentans, turpitudinis maculâ sit notatus. l. 11. Cod. eod. Turpium enim prælatio tum demum est contumeliosa, cum fratres postpositi honestis moribus sunt imbuti. Nisi etiam turpis fuerit servus necessarius scriptus hæres; vel frater in defunctum exstiterit ingratus. Auth. de nupt. 22. nov. §. ingratus. Castrenf. consil. 109. Cujac. 17. obs. fin. Zoef. D. hic. n. 21. 22. 23. 24. Non tamen personæ turpi hic annumerabimus spurium, ut qui nihil admisit, cujus nomine removeretur. l. cognitionum. §. 1. D. extraord. cognit. l. 3. §. 2. l. 6. in princ. D. de decur. l. 2. Cod. de dignit. l. crimen. 25. D. de Pœn. c. nunquam. dist. 56.

Secus quam statuendum erit in concubinâ defuncti, quod illicita conjunctio aliquam ignominie notam secum trahat. vid. Palæt. de noth. & spur. cap. 55. Fachin. 4. contr. 93. Hartm. Pistor. 1. quæst. 36. Hænon. disp. 9. ad Instit. quæst. 8.

8. *Ultra fratres igitur & sorores.*] Collateralibus remotioribus, quales sunt fratrum filii remedium quærelæ non competit; sive cum patris conjunctim, sive per se id intentare velint. Neque si intentaverint, cessante hic jure representationis, cessante lege, quicquam obtinendi spem habebunt. §. 1. hic. l. 1. D. eod.

Non obstat l. 6. in princ. D. eod. Quod in d. l. sermo de posthumo cognato, qualis est nepos ex filio conceptus, postquam is a suo patre fuerat emancipatus. Crisp. ex edit. Pacii in not. ad §. 2. hic.

Non itidem obs. l. 4. Cod. de lib. præterit. ubi qui exæquantur ad succedendum, etiam ad testamentum infirmandum exæquantur. Quoniam d. regula perpetua non est, sed fallit, etiam in parentibus & fratribus germanis, qui licet ab intestato pariliter succedant, non tamen pariliter ad quærelam admittuntur.

Expugnato tamen à parentibus vel patris testamento, forte cum illis ad-

admittentur, licet ipsi testamentum expugnare non potuerint. Sicuti admittuntur, si quærela fuerit contestata, in locum parentum succedendo. l. 6. §. fin. D. hic. Etiam in casu, quonemo superest, qui eos agentes repellat. l. 9. §. si quis ex his. D. hic. Nec tamen iis proderit victoria, sed aliis qui essent ab intestato successuri, ut præstiterit eisdem abstinuisse. d. l. 9. l. 1. D. cod.

§. 2.

Quærela tum datur cum cessat aliud remedium.

I*ta demum de inofficioso testamento agere.* Sicuti in delictis ad stellionatum, in contractibus ad actionem doli non recurritur, quamdiu alia superest actio, ita in materiâ testamentariâ inofficiosi actio, quæ in rem est, non intentatur, nisi deficientibus aliis juris remediis. §. 2. hic. Ultimum enim adiutorium positum est, quia extraordinarium & admodum odiosum, quo quasi dementiæ insinulatur parens, ejusque opinio læditur. in princ. & §. 2. hic. Plinius 5. epistol. 1. Nisi tamen aliud sit minus commodum, vel etiam magis novum, post quærelam demum introductum. Qualis est bonorum possessio contra tabulas, quæ inspecto jure antiquo non adeo pingue erat remedium, atque quidem inofficiosi quærela, ut quæ olim totum testamentum rescindebat. l. 8. §. si ex causâ. D. hic. cum bonorum possessione contra tabulas petita nihilominus certis personis legata forent præstanda. l. 1. D. de leg. præst. contr. tabul. bonor. Ita si pater manumissor sit præteritus, etiam si salvam habeat bonorum possessionem contra tabulas, jus tamen antiquum, id est, inofficiosi quærelam, quam etiam habet, licet filium non manumisisset, sibi potest defendere. l. 1. §. fin. D. si quis à parente manum. Idque secundum juris regulam: *Quoties duplici jure alicui desertur successio: repudiato novo jure, quod ante deseritur, supererit vetus.* l. 91. D. de Regul. jur.

Quæsierit ergo nonnemo, cur filio emancipato præterito tantum experiri liceat remedio bonorum possessionis contra tabulas? *Resp.* Quia nullo jure ei competit quærela, quæ patri competebat, sive præterito, sive ex hæredato. l. fin. Cod. de lib. præterit.

§. 3.

1. Cui aliquid relictum, is aget ad supplementum. | 2. Qualis sit hæc actio ad supplementum, & quem habeat auctorem?

S*ed hoc ita accipiendum est.* Hæc quærela adversus possessorem hæredem scriptum, vel nuncupatum, & fideicommissarium universalem post aditam hæreditatem, & illos omnes qui sunt hæredis loco intentanda,

l. 8. §. si conditioni. 2. §. 10. D. hic. l. 10. Cod. eod. cessabit, si cui, aliter ea competeret, aliquid sit relictum (ita olim) quod sese adæquet quartæ, hodie licet quartam non contineat, vel potius legitimam. §. 3. hic. Quo casu ad supplementum ager quartæ, cui quid est relictum, siue adjectum fuerit testamento, ut ea suppleretur, siue non. §. 3. hic. l. 30. l. 36. Cod. cod. Neque enim facile concedendum erat, ut per liberos parentum testamenta dissolverentur. Et erubescit lex castigatores filios parentibus statuere, quorum pudor hæc ratione oneraretur. Nov. 22. Præsertim si liberis aliquid sit relictum, ut omnino contra pietatem testamenta fecisse non videantur. Et tamen quia minus legitimâ quem habere non oportet, si sine causâ fuerit exheredatus, ad quartæ supplementum agitur. §. 3. hic. Excepto casu l. fin. Cod. quand. & quib. quart. pars libr. 10. ibique Cujac. ubi ne quidem quartâ contentus esse tenetur.

2. Hinc cui nihil relictum, non ager ad supplementum, verum testamentum infirmabitur per quærelam: cum quod non est, suppleri non possit. l. quamvis. §. infans. D. de acquir. poss. Quam ad supplementum actionem se introduxisse scribit Justinianus hoc §. 3. licet & ante eundem in nonnullis juris locis supplementi facta sit mentio. l. 25. D. hic. Paul. 4. sent. 5. etiam ex constitutione Constantini quarta fuerit suppleta. l. 4. Cod. Theod. hoc tit. Aliter enim olim ad quartæ supplementum agebatur, aliter hodie ex Justiniani constitutione. Olim viri boni arbitrato compleri debebat; hodie, forte novâ actione, vel conditione ex lege idque intra annos 30. peti potest. §. 3. in fin. hic. Hænon. disp. 9. ad Instit. n. 11. ibique DD. & n. 12. ibique Gomef. 1. resol. 11. Olim ex Constantini rescripto suppleta fuit quarta, si quidem id esset adjectum testamento, hodie secundum Justiniani constitutionem agitur ad supplementum, licet testamento non sit adjectum, ut viri boni arbitrato repleretur. §. 3. hic. Quod si nihil horum fuisset innovatum, tamen jure merito Justinianus actionem ad supplementum sibi vindicasset, in quantum renovando, & approbando quid fecit suum: cum & hoc ipsum nostrum faciamus, cui nostram accommodamus auctoritatem. §. pen. Instit. proem. Et novum non est Justiniano, ut à se constitutum asserat, quod illi, quamvis ab aliis inventum, postmodum forte placuit. in princip. Instit. de Exhered. liber.

§. 4.

Qui Legatum agnovit, Quærelam non habet.

Si tutor nomine pupilli.] Qui percepit legatum testamento sibi relictum, ab inofficiosi quærelâ excluditur, quod defuncti judicium agnoverit, l. 8. §. si conditioni. D. hic. l. 30. D. de minor. l. 3. §. fin. D. de bonor. poss.

poss. contr. tabul. l. 6. Cod. de inoff. donat. Nisi id totum alii administra-
verit, puta tutor pupillo: cum enim non proprio nomine, verum officii re-
spectu perceperit, à quærelâ non removebitur. §. 4. hic. l. 10. §. 1. l. pen. &
ult. D. hic. vid. Coppen 2. obs. 117. 118. Non tamen qui agnovit legatum
suo nomine, impeditur testamentum dicere falsum. l. 5. in princ. D. de his
quibus ut indign. Neque enim testatoris inculcat iudicium, vel cum demen-
tiæ arguit, sed forte alterius factum reprehendit.

§. 5.

Qui movit Quærelam Legatum sibi relictum perdit.

Sed si è contrario.] Qui testamentum dixit inofficiosum, & non obtinuit,
quod sibi relictum est, perdit, lucro fisco applicato. Id quod obtinet si
non ante sententiam ab improbâ lite destiterit: indignus enim iudicio
defuncti, qui ejusdem inculcavit voluntatem. l. 8. §. meminisse. D. hic. Qui
tamen alterius egit nomine, ut tutor respectu pupilli, licet causâ cadat, nihi-
lominus legatum sibi relictum capit. §. 5. hic. Fides enim tutoris excusata
esse debet, quem officii necessitas excusat satis. l. 30. D. hic. l. 87. l. 90. D.
de Leg. 8. l. pen. D. de his quæ ut indign. Arg. l. 7. D. Testam. quemadmi-
n. aper. Sicuti non amittit pater legatum sibi relictum, licet filius qui cum eo
fictione juris censetur eadem persona, adversus testamentum matris egerit,
& in lite succubuerit. l. 22. §. 1. D. hic. vid. Pinell. p. 1. rubric. de bon.
matern. n. 21. & seqq.

Secus quam statuendum in advocatione, qui licet alterius nomine moverit
quærelam, legatum sibi relictum testamento, quod impugnat, amittet. l. fin.
D. hic. Tutorem enim excusabat administrandi necessitas, patronum non
item. d. l. fin. l. 23. D. quibus ut indign. Nisi imperio magistratus non ha-
benti advocatum patrocinium præstiterit. l. 5. §. advocatum. D. quæ ut in-
dign. l. 7. Cod. de postul. Covarr. Pract. quæst. 6. n. 4. vel alia quæ justa
causa, vel necessitas eundem excusaverit. l. 14. §. si patroni. D. de bon.
libert.

§. 6.

- | | | |
|--------------------------------------|---|---------------------------------|
| 1. Cessat Quærela variis de causis. | } | sumptæ non veræ tamen enume- |
| 2. Variæ Juris mutationes circa Quæ- | | rantur, & rejiciuntur. |
| relam recensentur; ubi etiam a- | | 4. Quid obtinuerit Jure Hebræo- |
| gitur de Exhæredatione, & Le- | | rum? |
| gitimâ. | | 5. Quid Moribus? |
| 3. Doctorum mutationes Juris præ- | | |

1. **I**gitur quartam quis debet habere.] Sunt varii casus quibus inofficiosi quærela cessat, ut si qui est institutus, vel exheredatus quartam fuerit consecutus, vel titulo universali jure hæredis, ex l. Falcidia, ex Pegasiano, ex constitutione Pii, vel titulo singulari, jure legati, fideicommissi particularis, mortis causâ donationis, vel dotis vel propter nuptias donationis. §. 6. hic. l. 8. §. quarta. §. unde si. §. si quis. D. hic. l. 29. Cod. hic. l. 17. Cod. de collat. Id quod demum obtinet jure novo si dum ei quid relictum titulo singulari, cum esset præteritus, judicium patris agnoverit, aut cum hæredibus transegerit. l. 35. §. 2. D. hic. vid. Althus. dicajoh. 1. c. 56. n. 39. ibique DD.

Cessat amplius quærela, si qui conquæri potuisset eâ non contestatâ decesserit. Quod quærela non præparata, non transmittatur ad hæredes, l. 6. in fin. l. 7. D. hic. nisi quando hæres suos intra tempus deliberandi discedit, quo casu ad hæredes quærelam transfert. l. 34. Cod. hic. Zoef. D. eod. n. 62. 63.

Cessat insuper in testamento militis testantis de peculio castrensi, l. 27. §. 2. D. hic. l. fin. Cod. eod. etiam in testamento quasi militis de quasi castrensi peculio disponentis, quamdiu in sacris constitutus est paternis. l. fin. Cod. hic. Sic tamen ut in casu posteriori locus sit conditioni ex lege. Auth. Presbyteros & Diacon. Cod. de episcop. & cleric.

Porro cessat in matre, si pater filio impuberi substituerit pupillariter, vel puberi furioso quasi pupillariter, fratre furioso in casu posteriori scripto hærede. l. 8. §. 3. D. hic. l. 9. Cod. de pupill. substit. Quibus adjice casum singularem in l. 3. Cod. hic. ubi filius præteritus legitimam petit conditione ex lege.

Etiam cessat quærela, si intra quinquennium ab aditâ hæreditate, adversus hæredem scriptum vel substitutum, vel fideicommissarium universalem non sit contestata. l. 11. l. 34. l. pen. §. 2. Cod. hic. Vel si non fuerit mota adversus fratrem præteritum, qui hæreditatem nactus est per bonorum possessionem contra tabulas. l. 20. D. de bon. poss. contr. tab. adversus fiscum, quæ scripti hæredis bona ut vacantia occupavit. l. 10. Cod. eod. Nisi tamen minorennis sit, qui intra quinquennium non agit. l. 2. Cod. in quibus caus. in integr. rest. necess. vel etiam majorennis agere fuerit impeditus. l. 16. Cod. hic. vel iusta & magna subfit causa cur non egerit. l. 8. §. fin. D. hic.

Ut tamen elapso quinquennio, si quidem aliquid fuerit relictum titulo institutionis, intra 30. annos licentiam habeat petendi quod deest legitimæ. Alex. 1. consil. 108. 128. & 4. consil. 250. Gomez. 1. resol. 14. Valsq. de success. creat. §. 10. n. 255. Balbus 4. de Præscript. 4. q. 21. 22. 23. vid. Hænon. disp. 9. Instit. q. 13.

Cessat

Cessat denique querela, si quis debito modo sit exheredatus, id est pure. l. 3. D. de liber. & posthum. l. 4. D. hered. instit. l. 68. D. eod. Arg. l. 18. D. de bon. poss. contr. tabul. ab omni hereditate. Arg. l. 19. D. de exher. liber. & gradibus remotus. l. 3. §. fin. D. injust. rupt. saltem indefinite, si non expresse. Arg. l. 3. §. ante. §. filius. D. exhered. liber. l. 1. Cod. de lib. praterit. & quidem ex iusta causa, jure nov. ab herede probanda. Nov. 115. Nisi tamen post admissam culpam patri fuerit reconciliatus. Arg. l. 3. §. fin. l. 4. D. de adim. legat. l. 5. Cod. famil. ercisc.

In tantum vero ab hereditate paterna remotus erit, ut ne quidem ad legitimam possit contendere. Quandoquidem per querelam, quæ cessat in ingrato, per filium non ingratum tantum contenditur ad legitimam, cum si aliquid sit relictum, solummodo ad legitimæ supplementum agatur. §. fin. hic. l. 8. §. 8. 9. D. eod. Nam quando qui non est iuste exheredatus, alio juris remedio legitimam potest consequi, querelam intentare non potest, ut propterea non ad universam agat hereditatem, non saltem jure posteriori, verum tantummodo ad portionem legitimam, multo minus ad eam ager, qui merito est exheredatus. §. 2. hic. Auth. ex caus. Cod. de lib. prater. vid. Connan. 9. comm. 10. & de causis exheredationis. Cuj. ad Nov. 18. Rittersh. ad Nov. p. 6. c. 3. Befold. in delib. juris ad P. hoc tit. n. 22. & seqq. Zoef. D. hic. n. 79. vid. Althus. dicajol. 1. c. 56. n. 41. post Clarum §. testamentum. q. 54. Menoch. 1. præf. 80. & arbitr. cas. 147. Gail. 2. obs. 113.

Non tamen cessabit querela propterea quod clausula codicillaris testamento fuerit adjecta, quia nimis facile liberi excluderentur. vid. tamen Clarum 3. sent. q. 47. Men. 4. præf. 32. n. 20. 21. Gabr. tit. de claus. concl. 7. & 8. libr. 6.

Verum quoniam non alibi fere major cernitur juris mutatio, quam in tit. de inofficioso testamento, eapropter ad accuratiorem tituli intellectum quam maxime facere putavi, si multiplices differentias inter jus D. etiam Cod. & jus novissimum recenserem. Quarum alia in rei veritate sita sunt, alia in probabili DD. opinione. Quæ nostro judicio legum fundamento nituntur, sunt hæc sequentes.

1. Olim legitima liberorum erat quarta, non totius hereditatis, verum portio quarta illius portionis, quæ erat debita singulis liberis ab intestato. §. 3. hic. Hodie debita portio ab intestato, semis est, si liberi sint quinque numero vel plures, si infra numerum quinarium, triens. Nov. 18. Unde consequitur, ut si quinque sint liberi eorum portio major sit futura, quam si forent quatuor. Faber error. 9. decad. 11.

Ut tamen numerum non faciat ad augendam vel minuentem portionem legitimam, qui à patre est exheredatus. l. 8. §. quoniam. D. hic. l. si post.

§. liberi. D. de bon. poss. contr. tabul. l. 1. §. 3. D. de conj. cum emancip. liber. ejus. l. 9. §. 2. D. de lib. & posthum. hæred. instit. vid. Grassum §. legitima. q. 7. n. 3. Fachin. 4. contr. 31. Gail. 2. obs. 122. Fabrum error. 4. decad. 15. Zoef. D. hic. n. 87. 88.

Nec tantum in liberis jure nov. aucta est legitima, verum etiam in parentibus pro numero personarum, quibuscum succedunt, quod accidit quando plures sunt fratres germani sorte instituti, patre præterito vel exheredato. Nov. 18. c. 1. in fin. vid. Grassum. d. loc. q. 9. Fachin. 4. contr. 29. Fabrum d. loc. Roel. à Valle. 3. conf. 39. Hænon. disp. 9. Instit. n. 15. 17.

Quod de parentibus dictum, non idem fratribus erit applicandum, qui olim non aliter quærelam intentabant, quam turpibus personis scriptis hæredibus, ut non censeretur eorum legitima esse aucta. Arg. d. nov. c. 1. in fin. Grass. §. legitima q. 10. Vaud. 1. quæst. 50. Treutl. vol. 1. disput. 13. thes. 13. litt. d. Zoef. D. hic. n. 83. diss. Cujac. ad Nov. 18. in princ. Fachin. 4. contr. 28. Hænon. disp. Instit. 9. n. 16. Althuf. dicajol. 1. c. 56. n. 27.

2. Olim quærela non præparata non transmittebatur ad hæredes, ne quidem si essent sui. l. 6. in fin. l. 7. D. hic. Hodie transit uno in casu, hærede scripto intra deliberandi tempora discedente. l. 34. l. pen. in fin. Cod. hic.

3. Olim per quærelam inofficiosi, testamenti tabulæ in totum rescindebantur, omniaque relicta ad intestati causam recidebant, sic ut ne quidem legata relicta deberentur. l. 6. §. pen. D. hic. l. 8. §. si ex causâ. D. cod. Hodie non nisi institutio rescinditur, forte ad legitimam usque, cujus petendæ licentiam & remedium habet exheredatus, ut cætera omnia firma maneat. Nov. 115. §. aliud quoque. Auth. ex causa. Cod. de liber. præterit. Id quod moribus congruum est, per ea quæ traduntur apud Neostad. decif. suprem. cur. 100. Christin. 4. decif. 20. Althuf. 1. dicajol. 56. n. 41. ibique DD.

4. Olim quærela solummodo poterat intentari, si non esset petita hæreditas. l. 13. D. hic. l. fin. Cod. de liber. præterit. Unde etiam aliquando agebat & vincebat ille, qui jus succedendi non habebat. l. 6. §. 1. D. hic. Hodie quærela ab hæreditatis petitione, non aliter atque species à suo genere distincta est. l. 34. Cod. hic.

5. Olim in judicio centumvirali coram centumviris in quatuor tribuna lia divisus, quibus præerat Prætor hæreditatis petitiones, & quærelarum causæ ventilabantur. l. 13. l. 17. D. hic. Rævard. Protribun. c. 20. Postmodum provinciarum rectores, dein quicumque magistratus de talibus causis cognoscere cœperunt.

6. Olim

6. Olim non solum exheredatis sed etiam institutis compete-
bat, si ex minore parte quam legitimâ fuissent instituti. §. 6. Inst. l. 3. Cod.
hic. Hodie cessat quærela, si modo ex certis rebus sint instituti, adeoque
solummodo nominati hæredes: quod enim institutionis titulo relictum est
in legitimam imputabitur, quod ei deest actione ad supplementum petetur.
l. 30. §. 1. 36. Cod. hic. Nov. 115. c. 5. in princ.

7. Olim nullo suo merito exheredati, modo eis quarta esset relictâ quo-
cumque titulo, vel universali, vel singulari, quærelam intentare non pote-
rant. §. 3. hic. Quo referri poterit l. 25. D. eod. Hodie quamvis rem ha-
beant, quæ sese adæquet quartæ, si tamen nihil illis sit relictum titulo insti-
tutionis quærelæ remedium intentabunt. Novell. 115. c. 3. & §. Fachin. 4.
controv. 24. & 30. Donell. 6. comm. 12. Gregor. Tholos. libr. 44. c.
2. n. 6. 7. 8. Pichard. in comm. ad Instit. §. fin. hic. n. 37. Althus. dicajol.
1. c. 56. n. 39. diff. Faber decad. 14. error. 5. & seq.

8. Olim filius tenebatur probare se obedientem patri fuisse, l. 5. D. hic.
l. 28. Cod. eod. nisi tamen hæredes scripti sponte probandi onus in se sus-
cepissent, quo refero l. 22. l. 30. Cod. hic. Hodie instituto hæredi proban-
di onus incumbit, causam ingratitude quæ est expressa, veram esse. Nov.
115. c. 3. in fin. verb. siue igitur omnes.

9. Olim exheredationis causæ legibus non erant definitæ, verum ab
arbitrio centumvirosum dependebant, merita liberorum expendentium.
l. 7. D. de bon. damnat. ubi lege, *meritis de causis*, ut in Pand. Florentinis.
Hodie quatuordecim causas in liberis admisit Justinianus. Novell. 115.
c. 2. 3. in parentibus octo, d. Nov. c. 4. in fratribus tres. l. 11. l. 27. Cod.
hic. Nov. 22. c. 24. 47. Sic tamen ut exclusæ censerî non debeant, causæ
similes, æquæ graves, vel graviore. Arg. l. fin. Cod. de Rêvoc. donat. c.
1. §. 2. libr. 2. tit. 24. feudor. Menoch. 2. arbitr. cas. 130. Althus. dicajol. 1.
cap. 50. n. 7.

Quæ causæ sequentibus versiculis à DD. fuere comprehensæ:

Hic septem ex causis exheres filius esto:

Si patrem feriat, vel maledicat ei;

Carcere detrusum si negligat, aut furiosum,

Criminis accuset, vel paret insidias,

Si dederit damnum grave, si nec ab hoste redemit,

Testatæ vetes, se societæ malis;

Si mimos sequitur, vitiisque cubile paternum;

Non orthodoxus, filia si meretrix.

Atque hæc sunt causæ propter quas liberi à parentibus impunè exhered-
antur. Sequuntur, propter quas à liberis parentes exheredari possunt:

Si

*Si pater accuset capitalis criminis, aut se
Adjungat mimis, vitæque est infidatus;
Testari prohibet gratum; dirumque venenum
Preparat: inclusum si carcere, vel furiosum
Negligat; & veram contemnat religionem.*

Causæ propter quas frater à fratre impune potest exheredari sunt tres numero, Si ingratus existat frater, si turpis sit persona, si servus necessarius scriptus fuerit hæres.

3. DD. Superioribus adjiciunt sequentes differentias, quæ tamen accuratius jura civilia examinanti placere non poterunt.

1. Olim de bonis castrensibus vel quasi impunè testari poterant, cessante omni querelâ. l. fin. Cod. hic. Secus esse contendunt jure nov. per nov. 115. c. 4. Auth. presbyteros & clericos. Cod. de Episc. & cleric. Verum d. auth. tantum agit de quasi castrensi peculio, in eoque patrem admittit non per querelam, sed per conditionem ex lege.

2. Olim testamentum non erat nullum, licet essent præteriti vel exheredati non adjectâ causâ. Hodie volunt esse nullum, si causa non sit expressa. d. Nov. 115. Verum perperam, cum d. novellâ tantum indicetur effectui inspecto nullius momenti fore exheredationem, non autem testamentum esse nullum.

Non obstante auth. ex causâ. Cod. de liber. præterit. ut quæ ab Irnerio è græco in latinum malè versa est sermone. Viglius hic.

3. Olim si mater filium præterisset, testamentum non erat ipso jure nullum, quod matris præteritio esset loco exheredationis. Hodie idem in matre obtinere censent, quod in patre, verum sine fundamento.

4. Olim emancipato præterito testamentum non erat nullum; hodie id statuunt perinde nullum esse, atque si saus esset præteritus. §. 3. Instit. de Exhered. liber. d. nov. Verum ex dd. textibus nihil minus colligitur.

5. Olim querela non preparata non transmittabatur ad posteros extraneos. l. 6. in fin. l. 7. D. hic. hodie in casu scimus in fin. Cod. hic. eam ad extraneos transmitti judicant, licet non sit preparata. Verum in d. l. scimus, novus casus in extraneis positus non est, sed qui jure antiquo obtinebat repetitus.

JURE HÆREDORUM.

4. Propter ingratitudinem, vel aliam quamvis causam, liberi pro parte à paternâ hereditate vel jure primogenituræ, removeri poterant, etiam removebantur. Genes. 9. v. 22. & seqq. & c. 25. v. 31. & seqq. & c. 27. & c. 49. v. 3. 4. 1. Chronic. 5. v. 2. 3. Quinimo filii querelâ inofficiosi non gaudebant, ut quibus legitima portio non debebatur, & ab hereditate paternâ

ternâ removebantur existentibus fratribus. Dicam ad tit. de success. ab intest. vid. mea de Statut. concurs. Videntur tamen ante leges forenses Mosaicæ ad paternæ hæreditatis portionem admittæ fuisse. Gen. 31. v. 14. Job. c. fin. v. 15.

Quid dicendum de parabolâ prodigi Lucæ 15. v. 12. & seqq. ubi filius à patre vivo legitimam portionem petit? Forte maternam portionem quæ illi jure hæreditario obigit, defunctâ matre petiit. Legitimam paternam, aut aliam quam portionem hæreditariam bonorum paternorum petere non potuit. Quia de jure, nulla est hæreditas viventis. l. 1. D. & Cod. de Hæred. vel act. vendit. Dicam potius, sicut testator legatum quod reliquit alicui, debitum demum post ejus mortem, si in eadem perstiterit voluntate, vivus donare potest ei cui id legaverat. l. 22. D. Leg. 2. Ita parens quotam bonorum, quam demum filio relinquere tenebatur, si se non ingratum in parentem præbuisset, & quidem post mortem, suo arbitratu filio inter vivos assignare potest: quod voluntatis est, non necessitatis. Nisi quis dicta Scripturæ accipere velit, de portione quâpiam bonorum, non hæreditariâ, sed filio qui emancipatur assignandâ, quo post emancipationem extra paternam domum se exhibeat. vid. Grassum §. legitima. quæst. 12.

MORIBUS.

Mores non quidem nostri, verum Germanorum Gallorumque hic non- nihil variant circa quotam legitimæ. Dessel. in notis ad Zoef. comment. ad Instit. hic. Quæ etiam non tantum minui, verum quandoque statuto in totum tolli potest, id quod certissimum est, si liberi sint ingrati. vid. Con- stit. Ordinum Prov. Ultraj. de ann. 1650. May. 30. Et filii nonnunquam hæc debitâ clausulâ legitimantur, ne ad legitimam consequendam possint agere. Zoef. D. hic. n. 14.

Admittunt tamen matrem ad legitimam consequendam ex bonis filii impuberis, cui parens substituerat pupillariter. contra l. 8. §. 3. D. hic. Ita tenet Autumnus in Cens. Gall. p. mibi 62.

Sicuti è contrario filium excludunt à legitimâ, si interposito jurejurando, vel aliquo accepto loco legitimæ, renunciaverit hæreditati paternæ. Bartol. in l. 1. §. qui habebat. D. de bonor. poss. contr. tabul. Gail. 2. obs. 147. Gomes. 1. varior. 9. 11.

Aliter renuntiando simpliciter hæreditati paternæ, non censetur legitimæ renunciassse. Mynsing. 1. obs. 36. Faber decad. 12. error. 8.

Etiam parentes à legitimâ liberorum excludunt, si consenserint pactis nuptialibus, quibus de futurâ successione disponitur, quæque testamento non sunt mutata vel revocata, dixi in anterioribus §. §.

Bbbbb §

Quan-

Quandoque statuta parentes cogunt, ut legitimam præstent, quæ tamen jure Romano nulla erat viventis. Joseph Ludov. decis. 11. Fachin. 9. contr. 52. Hænon. disp. Instit. 9. n. 14. in med.

Nihil autem interest de moribus, an quid liberis sit relictum titulo institutionis, an titulo singulari: cum quicquid liberis est concessum inter vivos donatione, si quidem ita velint parentes, in legitimam imputetur. vid. Grassum recept. sent. libr. 2. art. collatio. Merlin. de legitim. libr. 2. tit. 2. q. 13. Menoch. 2. arbitr. 163. Papon. arrest. 10. tit. 1. Berlich. p. 3. concl. 15. n. 17. Gudel. de jure noviss. 1. c. 13. & 5. c. 19. in fin. Politic. Ordin. Holland. artic. 29. Grot. 2. introd. 18. Christin. ad Meehlin. tit. 16. artic. 23. & vol. 4. decis. 9. Sand. 4. decis. 9. def. 6. Althus. dicajol. 1. c. 56. n. 33. 39. Hænon. disp. 9. Instit. q. 14. in fin.

Non tamen quæ quis capit jure primogenituræ, vel majoratus in legitimam imputabuntur. Fachin. 4. contr. 23. Tiraquell. de jure primogen. q. 5. Idem quod statuendum de bonis feudalibus vel emphyteuticis non hæreditariis, quæ filio nati majori jure majoratus competunt. vid. Clarum §. feudum. q. 46. Fachin. d. loc.

Ex causâ nihilominus de moribus à quærelâ & legitimâ removebitur, si exheredatio filii facta sit in favorem & utilitatem liberorum: sit enim *bonâ mente*. Ut si forte pater filio obærato exheredato vel præterito hæc formulâ, *on seefckere redenens*, certis de causis, nepotes ex filio hæredes instituat. Sichard. ad auth. non licet. n. 26. Cod. de liber. præterit. Rittershus. ad Nov. p. 6. c. 3. n. 22. vid. Mantie. de Conj. ult. volum. 4. tit. 13. num. 13. Sand. 4. tit. 2. def. 3. & tit. 7. def. 1. Berlich. p. 3. conclus. 15. n. 54. Decker. 1. diss. 14. n. 22. Carpzov. defin. forens. p. 3. const. 9. def. 11. Groenw. §. 3. hic. Sicuti de consuetudine per consequentiam filius, suâ electione suâque voluntate se privat legitimâ parentum, etiam si non fuerit ingratus, quando parens hæc formulâ supremum condidit elogium: *filio meo relinquo usufructum omnium meorum bonorum, quod si eum nolit, volo ut suâ legitimâ sit contentus, ut tamen intra mensem suam declarare teneatur voluntatem, an usufructu an legitimâ potiri velit*.

Uterius legitima liberorum morâ, dilatione, fideicommissio, vel alio quo incommodo onerari non debet. L. 30. 32. 36. Cod. inoff. testam. Grassus §. legitima. q. 38. Gail. 2. obs. 199. Wurf. 1. obs. 29. Faber decad. 14. error. 9. & decad. 15. err. 12. Gomel. 2. Refol. 11. n. 27. Zoef. D. hic. n. 100. & seqq. vid. plura de legitimâ apud Berlich. part. 3. conclus. 11. & seqq. Claud. Bertrandier. Merlinum de legit. Cavall. quæst. 370.

LIBER. II. TITULUS. XIX.

DE

HÆREDUM QUALITATE ET DIFFERENTIA.

Hæredes autem aut necessarii dicuntur, aut sui & necessarii, aut extranei.

1. Necessarius hæres est servus hæres institutus. Ideoque sic appellatur, quia sive velit, sive nolit, omninò post mortem testatoris protinus liber & necessarius hæres fit. Unde qui facultates suas suspectas habent, solent servum suum primo aut secundo aut etiam ulteriore gradu hæredem instituere: ut, si creditoribus satis non fiat, potius ejus hæredis bona, quam ipsius testatoris à creditoribus possideantur, vel distrahantur, vel inter eos dividantur. Pro hoc tamen incommodo illud ei commodum præstatur, ut ea, quæ post mortem patroni sui sibi adquisierit, ipsi reserventur. Et quamvis bona defuncti non sufficiant creditoribus, iterum tamen ex ea causa res ejus, quas sibi adquisierit, non veneunt.

2. Sui autem & necessarii hæredes sunt, veluti filius, filia, nepos, neptisve ex filio, & deinceps cæteri liberi, qui in potestate morientis modo fuerint. Sed ut nepos, neptisve sui hæredes sint, non sufficit eum, eamve in potestate avi mortis tempore fuisse: sed opus est, ut pater ejus, vivo patre suo, defierit suus hæres esse, aut morte interceptus, aut qualibet alià ratione liberatus à patris potestate: tunc enim nepos neptisve in locum patris sui succedit. Sed sui quidem hæredes ideo appellantur, quia domestici hæredes sunt, & vivo quoque patre quodammodò domini existimantur. Unde etiam, si quis intestatus moriatur, prima causa est in successione liberorum: Necessarii vero ideo dicuntur, quia omninò, sive velint, sive nolint, tam ab intestato, quam ex testamento, ex le-

B b b b b 2

ge

ge duodecim tabularum hæredes fiunt. Sed his Prætor permittit volentibus abstinere hæreditate, ut potius parentis, quam ipsorum bona similiter à creditoribus possideantur.

3. Cæteri, qui testatoris juri subjecti non sunt, extranei hæredes appellantur. Itaque liberi quoque nostri, qui in potestate nostra non sunt, hæredes à nobis instituti, extranei hæredes nobis videntur. Qua de causa, & qui hæredes à matre instituuntur, eodem numero sunt: quia fœminæ in potestate liberos non habent. Servus quoque hæres à domino institutus, & post testamentum factum ab eo manumissus, eodem numero habetur.

4. In extraneis hæredibus illud observatur, ut sit cum eis testamenti factio, sive hæredes ipsi instituuntur, sive hi, qui in potestate eorum sunt: & id duobus temporibus inspicitur: testamenti quidem facti tempore, ut constiterit institutio; mortis vero testatoris, ut effectum habeat. Hoc amplius, & cum adit hæreditatem, esse debet cum eo testamenti factio, sive purè, sive sub conditione hæres institutus sit: nam jus hæredis eo maximè tempore inspiciendum est, quo acquirit hæreditatem. Medio autem tempore inter factum testamentum & mortem testatoris, vel conditionem institutionis existentem, mutatio juris non nocet hæredi: quia (ut diximus) tria tempora inspicere debent.

Testamenti autem factionem non solum is habere videtur, qui testamentum facere potest, sed etiam qui ex alieno testamento vel ipse capere potest, vel alii acquirere, licet non possit facere testamentum. Et ideo furiosus, & mutus, & posthumus, & infans, & filiussam. & servus alienus testamenti factionem habere dicuntur. Licet enim testamentum facere non possint, attamen ex testamento vel sibi, vel alii acquirere possunt.

5. Extraneis autem hæredibus deliberandi potestas est de adeunda hæreditate, vel non adeunda. Sed sive is, cui abstinendi potestas est, immiscuerit se bonis hæreditatis: sive
ex-

extraneus, cui de adeunda hæreditate deliberare licet, adierit, postea relinquendæ hæreditatis facultatem non habet, nisi minor sit vigintiquinque annis. Nam hujus ætatis hominibus, sicut in cæteris omnibus causis deceptis, ita & si temèrè damnosam hæreditatem susceperint, Prætor succurrit. Sciendum est tamen, divum Hadrianum etiam majori vigintiquinque annis veniam dedisse, cum post aditam hæreditatē grande æs alienum, quod aditæ hæreditatis tempore latebat, emerfisset. Sed hoc quidem divus Hadrianus cuidam speciali beneficio præstitit: divus autem Gordianus postea militibus tantummodò hoc concessit.

6. Sed nostra benevolentia commune omnibus subjectis Imperio nostro hoc beneficium præstitit, & Constitutionem tam æquissimam, quam nobilissimam scripsit: cujus tenorem si observaverint homines, licet eis adire hæreditatem, & in tantum teneri, quantum valere bona hæreditatis contingit: ut ex hac causa neque deliberationis auxilium sit eis necessarium, nisi omisâ observatione nostræ Constitutionis, & deliberandum existumaverint, & sese veteri gravamini aditionis supponere maluerint.

7. Item extraneus hæres testamento institutus, aut ab intestato ad legitimam hæreditatem vocatus, potest aut pro hærede gerendo, aut etiam nudâ voluntate suscipiendæ hæreditatis, hæres fieri. Pro hærede autem gerere quis videtur, si rebus hæreditariis tamquam hæres utatur, vel vendendo res hæreditatis, vel prædia colendo, locandove, & quoquo modo voluntatem suam declaret, vel re, vel verbo de adeunda hæreditate: dummodò sciat, eum, in cujus bonis pro hærede gerit, testatum intestatumve obiisse, & se hæredem esse. Pro hærede enim gerere est pro domino gerere: veteres enim hæredes pro dominis appellabant. Sicut autem nudâ voluntate extraneus hæres fit, ita contrariâ destinatione statim ab hæreditate repellitur. Eum, qui surdus vel mutus natus, vel postea factus est, nihil prohibet pro hærede gerere, & acqui-

rere sibi hereditatem : si tamen intelligit , quod agit.

COMMENTARIUS.

Hæredum multiplex est differentia.



Quandoquidem superioribus titulis sepius hæredum facta est mentio, eorumque non una est natura, non eadem proprietates, adeoque pro naturæ & proprietatum differentia, etiam differentes sunt effectus, ea propter non inutiliter de *hæredum qualitate & differentiâ*, hoc titulo differitur. Sic tamen ut in prioribus de *differentiâ*, in posterioribus de *qualitate*, variisque effectibus agatur, ordine rubricæ inverso. Ut vel hinc colligere liceat argumentum ab ordine vel dispositione rubricæ desumptum non adeo firmum esse, nec semper procedere. vid. Everhard. in topie. arg. ab Ordin. & à Rubric.

IN PRINC.

Hæredes autem.] Hæredes inspecto jure civili in triplici differentiâ collocabantur. Alii erant necessarii tantum, alii sui & necessarii, alii extranei. Quæ divisionis membra in tantum sunt opposita, in quantum per extraneos illos omnes designamus, qui nec sui sunt, vel domestici testatoris, nec in ejus potestate. Quo nomine servus institutus hæres & postmodum à domino manumissus extranei loco habetur. §. 3. hic.

Alio tamen sensu omnes illi vocari poterunt extranei, qui non sunt de familiâ testatoris, i. e. non domestici, non sui, non ex eadem domo vel gente. l. 195. D. de verb. signif. Sicuti sano sensu necessarii tantum, sup. poterunt appellari, in quantum hoc vocabulum apud Plautum, aliosque scriptores antiquos designat hoc ipsum, quod est *proprium*. Unde servus dicitur suus, quia proprius, non alienus. in princ. & §. 1. Instit. de hæ. instit. vid. Connan. 10. comin. 5. Coraf. 3. miscell. 16. & 4. miscell. 10.

§. 1.

1. *Quis sit necessarius Hæres ?*

2. *Cur ita dicatur ?*

1. *Necessarius hæres est.*] Necessarius hæres, id est, necessarius tantum, est servus à domino institutus hæres ; servus igitur testatoris, non alienus. Nam qui alterius domini servus est, hæres necessarius non est, nisi ex voluntate sui domini, cujus jussu hereditatem adire potest, etiam debet. §. 3. Instit. per quas person. l. 25. §. jussum. D. Adquir. hæred.

Non

Non aliter tamen servus testatoris hæres est necessarius, quam si in eadem causâ remanserit. Unde si à testatore vivo fuerit manumissus, non testamento, vel alterius potestati subjectus, hæres non erit necessarius. Cum enim hisce postremis casibus testamento libertatem non consequatur, non etiam testamento hoc onerari debebat incommodo, ut esset necessarius heres. §. 1. hic. §. 1. de hered. instit. l. 6. §. 3. l. 90. D. de her. inst. Et quidem jure antiquo dicebatur in eadem causâ permanisse, si in eodem gradu, & testamento libertas & hæreditas esset relicta. Jure novo, licet non manserit in eodem gradu, id est, in primo gradu liber esse jussus, in secundo gradu substitutus, & libertas non sit data testamento, modo scriptus fuerit heres, pro necessario habebitur. l. 4. §. fin. Cod. de necess. serv. hæred. Id quod ante Justinianum ex constitutione Antonini, si servus heres esset scriptus sub nuncupatione liberti, ex benignâ receptum est interpretatione. l. 2. Cod. eod.

Dicitur hæres necessarius, quod si velet si nolit protinus, & quidem 2. citra aditionem fiat hæres, repudiandi ei ademptâ facultate. §. 1. hic. l. 57. in fin. D. de adq. hered. Quod ita obtinet propter dominicam potestatem l. in suis. D. de lib. & posthum. cujus contemplatione quasi ex necessitate servili agit quicquid agit. l. 19. §. si libero. D. de negot. gest. l. 4. D. de regul. juris. In tantum etiam, ut noli velit esse hæres, penâ quâ coerceri per magistratum possit. l. 4. Cod. de serv. necess. hered. instit. l. pen. Cod. de jure delib. vid. quæ dixi ad tit. Instit. de hæred. instit.

Quod ita de jure constitutum est, partim in commodum domini testatoris, partim in utilitatem servi hæredis. Illius enim bonâ, si suspēctæ sint facultates, instituto servo, hæredis servi nomine distraherentur, neque testator defunctus ullâ injuriâ afficeretur. §. 1. in fin. Instit. quibus ex causâ manum. l. 1. Cod. qui manum. non poss. Hujus, puta servi hæredis bonâ, quæ post mortem patroni sibi adquisivit, sibi retinet, neque ea veneunt, licet defuncti bona creditoribus non sufficiant. §. 1. hic. Quorum in numero bonorum etiam ea censentur quæcumque servo heredi necessario patronus debebat. Quæ tum demum obvenient, cum antequam administrationem susciperet servus hæres institutus, bonorum separationem impetravit. l. 1. §. fin. D. separat. vel jure novo bonorum testatoris legitimè fecit reparatorium. §. 5. hic. l. fin. Cod. de jure delib. Præter hoc bonorum commodum, propter asperam aliquam notam, quod ejus nomine defuncti bona veneant, etiam libertatem cum ipsâ consequitur hæreditate. Libertatem, inquam, quâ nihil gratius præstari servo potest, quamque nescio quo incommodo, luere vel reparare quisque malit. l. 39. §. 1. D. de fideic. libert. l. 9. §. 2. D. de statu lib.

§. 2.

1. *Quis suus & necessarius?*2. *Cur ita dicatur?*3. *Filius & Pater pro eadem habentur*

tur Personâ.

4. *Cur Filius dicatur necessarius?*

1. **S***ui autem & necessarij hæredes sunt.*] Quis sit hæres suus & necessarius, hic describitur, neque enim illa res difficultate carebat. Sic ut Angelus Politianus vir aliter in literaturâ studio politissimus cum se in glossæmatis non esse cessurum Accursio jactasset, à Mario Socino seniore interrogatus, quis esset suus hæres, infelicitè obmutuerit. Alciat. 4. de verb. signif. ad fin. & 5. Parerg. 19. Suus igitur est, qui in familiâ defuncti proximum succedendi tenet gradum. Id est, quem in potestate constitutum, nemo antecedit, nemo in successione prævenit. l. 12. D. de Testam. l. 33. D. testam. milit. l. 7. D. si tabul. testam. null. extab. l. 6. D. de injust. rupt. l. 11. l. 29. D. de lib. & posthum. l. 1. in princ. & seqq. D. de suis & legit. hæred. Estque non filius tantum, sed & nepos, & sic deinceps, modo ejus pater, vivo suo patre suus hæres esse desierit, quocumque modo patriâ liberatus potestate. Tunc enim nepos, in locum patris succedendo avo suus existit hæres. §. 2. hic. Excipe casum juris prætorij quo cum patre emancipato nepos in avi potestate retentus, jungebatur. tit. D. de conjug. cum emanc. lib. ejus. Excipe casum juris noviss. quo qui per dignitatem de potestate patris exiverunt, extranei non sunt. Nov. 81. c. 2: Excipe alterum casum juris noviss. quo ne quidem cum parentibus emancipatis nepotes ab intestato concurrunt, verum à parentibus quia gradu proximioribus excluduntur. Nov. 118. c. 1.

2. *Sed sui quidem hæredes ideo appellantur.*] Suus dicitur quasi sui ipsius hæres, in quantum patri domesticus, sic ut vivo patre quodammodo dominus esse credatur, adeoque dominium non tam transferri, quam continuari dicatur. l. 11. D. de lib. & posthum. l. 12. in fin. D. bon. libert. Nam quæ illi obvenit hæreditas, quasi debitum accedit, & penè ad propria venire dicitur. l. 10. D. pro socio. l. 1. §. largitur. D. de success. edict. Maxime cum eadem pene cum defuncto persona esse censeatur. l. fin. Cod. de impub. & aliis substat. ut propterea inter patrem & filium in potestate nulla lis, nulla actio subsistat. l. lis nulla. 4. D. de judic. & patri non sit pernissum filium noxæ dare, quasi ipse in filio læderetur magis. §. fin. Instit. de noxal. action. etiam acquisitum filio per fratrem patri reverà adquiratur. l. frater à fratre. D. de condic. indeb. vid. Alciat. 4. de verb. signif. p. ult. Coraf. 3. miscell. 6. Viglium hic. Gomef. 1. resol. 9. n. 10. Wissenb. disp. P. 58. part. 2. n. 19.

Dixi

Dixi filium eandem *penè* cum defuncto personam censerì. Neque enim 3.
inspecto jure naturæ, eadem est persona. d. l. frater à fratre. Neque re-
verà vivo patre dominus est bonorum paternorum, ut propterea furturn fa-
ciat patri. §. 12. Instit. de oblig. quæ ex delict. Neque propterea vivo
patre legitimam jure exigit, quæ ut portio est hæreditatis, ita etiam nonnisi
defuncti. l. 1. §. si impuberi. 21. D. de collat. bonor. l. 1. D. de Hæred. &
action. vend.

Necessarii vero ideo dicuntur.] Necessarium Metaphysicis appellatur, 4.
quod non potest non esse, vel aliter sese habere. Ut necessarius hæres di-
catur, qui sive velit sive nolit hæres esse teneatur. §. 2. hic. juxta illud Apo-
stoli, si filius, ergo hæres. Galat. 4. Idem quod suadet jus suitatis, cum
qui idem cum defuncto, civili jure inspecto, sic ut domini tantum sit conti-
nuatio, non possit non dici hæres ratione continuationis. Idque legibus 12.
tabularum introductum esse videri poterit §. 2. hoc tit. in quantum decem-
viri hoc jus constituentes ad patriam potestatem respexerunt. Crispin. in
not. apud Pac. hoc tit.

Sic ut non obstat l. 5. D. de condit. & demonstr. collata cum l. 8. D. qui
sui vel alien. juris. ubi patria potestas quæ moribus est introducta, neces-
sarium hæredem facit. Nisi quispiam existumaverit ideo ex 12. tabulis filium
vel nepotem necessarium fieri hæredem, quia eos jus illud antiquum suo-
rum complectitur appellatione, & per consequentiam necessarios facit;
cum qui suus est, non possit non esse necessarius. l. 220. D. de verb. signif.
Atque hæc quidem de jure civili antiquo obtinebant, quod ne quidem
jure noviss. est immutatum. Alciat. 3. parad. 10. Cujac. in Nov. 118. & in
l. fin. D. de liber. & posthum. Licet enim ab intestato pariliter succedant
sui & emancipati. d. Nov. 118. non tamen propterea sequitur suum jure ci-
vili abstinere posse. diss. Viglius in §. 5. n. 8. de exher. liber. Costal. in l.
Gallus. D. de liber. & posthum. Hænon. disp. Instit. 10. n. 1.

Quia tamen æquum non est ut servi & filii ejusdem sint conditionis, cum
inter dominicam & patriam potestatem multum intersit, & secundum illam
quis possit cogi, ut qui sit in dominio, & pro nullo habeatur, secundum
hanc non item, cum filius civium numero veniat, eapropter prætor ex æquo
& bono suis voluit succurrere, concessit iisdem abstinendi licentiâ. §. 2.
hoc tit. l. 5. D. de adquir. hæred. Cum enim per filium ipse pater magis pe-
tatur, & sit præsumendum potius sibi quam filio malè velle. §. 7. Instit. de
noxal. action. l. isti. D. quod met. caus. ideo prætor filii potius viventis
pudori, quam patris defuncti pepercit. l. 28. §. quod prætor. D. de rebus
auct. judic. possid. ut hujus non illius nomine bonorum hæreditariorum à
creditoribus possessorum fiat venditio, §. 2. in fin. hic.

Neque obstat quod videatur jure civili filius beneficium nactus abstinendi ut hic frustra jus prætorium accedat. l. fin. §. 13. Cod. de jure delib. l. 1. Cod. si min. ab hæred. se abst. Quoniam sui hæredes *sine damno* jure novo, id est, confecto repertorio sese immiscunt, vel etiam, si minores, abstinent, non quidem inspecto jure civili, sed prætorio, ad quod tum receptum Imperatores rescribent. vid. Gornel. 1. resol. 9.

§. 3.

Non omnis qui Testatori subiectus est, suus est.

C*eteri, qui testatoris juri subiecti non sunt.*] Certum est, illos extraneos esse hæredes, qui instituti testatoris juri subiecti non sunt, vel post institutionem sui vel alieni juris esse cœperunt. Adeoque liberi matris, emancipati patri, servi domino, post factum testamentum manumissi, vel alterius domini potestati suppositi, hæredes erunt extranei. Nec tamen hinc vice versâ inferre licebit, illos omnes hoc in loco pro suis haberi, qui sunt in potestate. Ita enim nepos, qui est in potestate avi, patre suo in ejusdem potestate remanente, avo non esset extraneus.

An igitur suus & necessarius? Non utique §. 2. hic. An necessarius tantum? Multo minus. Ut statuendum sit nepotem in potestate utriusque & patris & avi, extraneum esse suo avo, quod aliter plenaria hæredum divisio prædita non fuisset.

Verum quæsit non nemo, cur ergo extranei hoc §. 3. dicuntur, qui non sunt in potestate testatoris? *Resp.* Vere dicitur illos esse extraneos qui non sunt in potestate testatoris, sed non omnia dicuntur, quod non soli sint extranei, verum etiam illi ipsi, qui licet sint in potestate, non tamen proximum ab intestato gradum tenent. Ut definitio *extraneorum* sub initium hujus §. 3. proposita, à potiori parte, & ab eo quod ut plurimum obtinet, sit desumpta.

Nam illi in genere sunt extranei qui nec sui nec domestici sunt testatori, vel in ejusdem potestate, sic utinvisi hæredes esse non cogantur. Negandum tamen non est, vocem extranei quandoque in jure nostro paulo aliter accipi, atque in propositâ hæredum divisione. Sic ut nepotes in potestate, licet sui non sint, aut necessarii, extranei tamen esse negentur, sicuti in genere omnes illi negantur esse extranei qui sunt ex descendantibus. l. 1. Cod. de impon. lucrat. descript. l. unic. Cod. de his qui ante apert. tabul.

§. 4.

1. Tempora, quibus Hæres est capax, | 2. Mores enarrant.
- inspicienda.*

IN extraneis hæredibus illud observatur.] Egit de hæredum differentiâ, id est, divisione: sequuntur qualitates seu differentiæ propriæ, seu potius effectus proprii, quibus potissimum extranei à suis & necessariis tantum distinguuntur. §. 4. §. 6. Una proponitur differentia notabilis hoc §. 4. quæ hæc est: in extraneis illud observari, ut sit cum iis testamenti factio. Id est, ut licet testamentum facere non possint, saltem ex testamento quid capere possint, & vel sibi vel aliis quorum in potestate sunt acquirere. §. 4. in fin. hic. Quapropter furiosus, (supple, si necessarius hæres patri vel domino. l. 63. D. acquir. hæred.) mutus, posthumus, infans, filius, servus alienus, (nisi rei vitio aliud quid obtineat. l. 82. D. de acquir. hæred.) passivam testamenti factionem habent. §. 4. in fin. hic. Secus quam obtinet in servis pœnæ, aliisque tit. de hæred. instit. enumeratis; quibus adijce sceminas probrofas, Suet. in Domit. c. 8. Lenones, Valerius Maxim. 7. c. 7. & Virgines Vestæ sacras, Symm. 10. Epistol. §. 4. Verum non sufficit extraneos habere testamenti factionem passivam, uti loquuntur, nisi eam tribus habeant temporibus. Facti puta testamenti, ut constet institutio; mortis testatoris, ut ad effectum perducatur; denique aditæ hæreditatis, ut executionem testamentum sortiatur. §. 4. hoc tit. l. 49. §. 1. D. de acquir. hæ. Medii vero temporis non habetur ratio, quod eo nihil juris cedatur, ut non noceat si quid interjectum. §. 4. hic. l. 6. §. solemus dicere. D. de hæred. instit. l. 49. D. eod. ut tamen quid singulare sit observandum in l. 20. D. de liber. & posthum.

Non idem, quod de extraneis, in necessariis hæredibus tantum est admittendum, in quibus duo tempora inspiciuntur, & institutionis, & mortis testatoris, ut servi in potestate dominorum esse dicantur. §. 1. de hæred. instit. l. 50. in princ. D. eod. Viglius hic. diss. Cujac. in not. ad §. 4. Excipe tamen casum singularem libertatis favore admissum in l. 58. D. de manum. testam. ubi hæreditarius factus est servus, post mortem testatoris ante aditam hæreditatem alienatus.

Non idem etiam quod in extraneis obtinet, locum habet in suis & necessariis simul, in quibus ratione capacitatis duplex inspicitur tempus, facti testamenti, & mortis testatoris, quod dominium in iis continuetur. l. 4. §. cum filio. D. vulg. & pupill. substit. Licet ut dicantur sui, tantummodo mortis testatoris tempus inspiciatur, & sufficiat eos tunc temporis in potestate & gradu proximo fuisse. §. 1. hic. Aliter quam obtinet in posthumo suo, in quo duo tempora inspiciuntur, institutionis & mortis testatoris. §. 1. de extræred. liber. & in casu quo testamentum post mortem testatoris destituitur, etiam destituti testamenti tempus inspicitur. §. 7. instit. hæred. ab intest. Bacchov. hic. Cui tamen assentiri nequeo, quod in extraneis

nonnisi duo tempora desideret, quasi mors testatoris ad se trahat tempus aditionis. Id enim manifestis juris textibus antea citatis adversatur, nec rationi conveniens est, quod eo ipso inter necessarios & extraneos non esset differentia servanda; contra quam voluit Imperator. §. 4. 5. 6. Instit. hic. qui proprietates & qualitates singulares admisit in extraneis quibus à necessariis secernerentur. Accedit quod distincta sunt tempora mortis testatoris, & aditionis hæreditatis; cum hæres extraneus post mortem testatoris deliberandi jure gaudeat. Sic ut intervallum quandoque annale inter mortem testatoris & aditionem hæreditatis intercedat, nec tempus certum quod intercessit retrahatur.

Neq; obstat ratio Bacchovii, quod nisi tempus aditionis ad tempus mortis referretur, quatuor tempora in extraneo forent admittenda, si sub conditione esset institutus. Certum enim est, unum censei tempus existentis conditionis, & mortis testatoris, ut propterea in §. 4. verb. *medio autem tempore*. hoc tit. mors testatoris & existentia conditionis pro eodem accipiantur. Ne dicam quod conditione existente vel deficiente semper institutio quæ erat in suspensio, pro purâ habeatur: cum si non exstiteret ab initio hæres non fuisse censeatur, si vero exstiteret, ea retrahatur ad tempus mortis testatoris, ac si purè hæres fuisset institutus.

Non itidem obstat altera Bacchovii ratio, quod necessum sit duobus temporibus capacem esse hæredem, testamenti facti & mortis testatoris, & si illis temporibus fuerit incapax, frustra quæri de tempore adeundæ hæreditatis, adeoque insubtiliter hoc tertium addi tempus. *Resp.* enim hanc argumentationem esse perquam ineptam, pari enim jure inferrem, frustra de primo quæri tempore, quia si tempore mortis esset incapax hæres, non eum juvaret quod tempore primo, id est, facti testamenti fuisset capax; adeoque per Bacchovium sequeretur, insubtiliter primum tempus fuisse adjectum. Ut statuendum sit propterea frustra vel de tertio vel primo quæri tempore, si secundum deficiat, quia jus exigit & quidem copulative, non disjunctive, ut hæres extraneus sit capax tribus temporibus. Non ergo quod intendebat Bacchovius confirmavit, qui probare debuisset, sufficere in extraneo quod duobus temporibus, puta testamenti faciendi & mortis testatoris fuerit capax, & capere possit hæreditatem, licet tertio tempore quod est aditionis, fuerit incapax.

M O R I B U S.

2. De consuetudine non agnovimus hæredes necessarios, quod quisque inspecto initio, suo arbitrio hæreditatem sibi delatam adeat, ut inter suos & extraneos nulla ferè sit differentia. Vinnius ad princ. Instit. hic. Groenw. ad l. 14. D. de suis & legitim. hæred. Et licet in favorabilibus liberi presumantur

sumantur quidem hæredes parentum, ut in dubio liberis incumbere videatur onus probandi, quod paternâ abstinuerint hæreditate, (id quod etiam in odiosis admittit Sanden 4. decis. 3. def. 1.) quando tamen agitur de liberis obligandis, & damnosa futura est hæreditas, eam agnovisse non censentur, nisi per creditores hæreditarios vel legatarios fuerit probatum, quod sese immiscuerint hæreditati. Menoch. 4. præf. 99. n. 4. Gail. 2. obs. 128. Faber Cod. 6. tit. 12. def. 2. 3. Moller. 4. Semestr. 39. Perez. Cod. qui ante apert. tabul. Carpozov. jurispr. forens. Roman. Saxon. part. 3. constit. 14. def. 20. In quibusdam tamen Flandriæ regionibus maritus uxori necessarius est hæres, & quidem ab intestato. Damhoud. prax. civil. c. 18. n. 31.

Quinimo, variorum moribus, puta Hispaniæ, Franciæ, Brabantæ, partium quarundam Germaniæ & Geliæ, non proprietas tantum verum etiam possessio ipso jure à defuncto in hæredem transit, & continuatur, secundum vulgatam paroimiam, *mortuus locum facit vivo*. Gomes. ad l. Tauri 45. n. 111. Tiraq. tract. singulari *le mort saisit le vif*. Cora. 6. miscell. 13. Boër. ad Bituric. tit. 11. §. 6. Aurel. tit. 14. §. 6. Burgund. tit. 7. §. 1. ubi Chassan. Turonens. tit. 25. §. 2. ubi Saxon. Brittan. art. 509. ubi Argent. Gail. 1. obs. 157. Roeland. à Valle consil. 46. Thoming. decis. 11. Borcholt. de acquir. poss. c. 8. n. 26. 27. Gudelin. de jure noviss. 2. c. 18. Zyp. not. jur. Belgic. tit. unde liberi. ver. pen. Carpozov. jurispr. part. 3. constit. 9. def. 27. num. 6. Perez. Cod. de acquir. poss. n. 7. Antverp. tit. 47. §. 1. Ruræmund. part. 3. tit. 7. §. 6. n. 3.

Estque hoc jus maximi momenti, quod ejus vigore omne remedium possessorium ab hærede possit intentari, licet naturaliter hæreditas ab eo non fuerit apprehensa, contra l. 23. in princ. D. de acquir. poss. l. 30. §. 5. D. cod. Guid. Papæ decis. Gratiopol. 552. n. 3. Faber Cod. libr. 8. tit. 4. def. 3. Joh. Faber ad §. 2. n. 4. hic. Kinschot respons. 1. & alii apud Dessel. in not. ad Zoef. Instit. hic. Quod ipsum an placuerit ceteris Gelris, Hollandis, Zelandis, Ultrajectinis, Frisiis, non videtur asserendum. vid. Grot. 2. introd. 2. §. fin. Sand. 4. tit. 13. def. 3. Auctorem Batav. Arcad. p. mihi 584. & 588. Sand. de effectuat. cap. 2. n. 22. 23. Anton. Matth. disp. fin. ad success. n. 70.

Quorum moribus per judiciariam immissionem in domum mortuariam introducitur hæres, si quæstio sit futura inter hæredes, tumque de fiduciariâ possessione contenditur. Neost. cur. Holl. decis. 55. in fin. Leeuw. cens. forens. libr. 2. c. 9. & edit. 2. Parat. jur. noviss. 3. p. 3. cap. 5.

Sicuti & alibi remedia executiva adipiscendæ possessionis decernuntur. Gail. 1. obs. 157. n. 17. Perez. Cod. acquir. poss. n. 7.

§. 5.

- | | |
|---|---|
| 1. Jus deliberandi <i>explicatur.</i> | 4. <i>Quid sit Inventarii beneficium?</i> |
| 2. <i>Qua tempora deliberationi sint praescripta.</i> | 5. <i>Quid Moribus?</i> |
| 3. <i>Moribus quid obtineat?</i> | 6. <i>Quid Jure Canonum?</i> |

1. **E***xtraneis autem hæredibus deliberandi potestas est.*] Proponitur & alia differentia per quam hæredes extranei à cæteris distinguuntur. Ea; cernitur in hæreditatis acquisitione, cum differentia superius proposita in hæredis capacitate spectaretur. Extranei itaque hæredes si velint cum effectu esse hæredes, adire debebunt hæreditatem, ut tamen eam adeant pro lubitu, nisi restituere sint rogati. Quo casu ad adeundam hæreditatem eamque restituendam à fideicommissario ex Trebelliano, olim ex Pegasiano, cogi poterunt. l. 4. in princ. D. ad Sen. Trebell. Et si semel adierint hæreditatem eam relinquendi facultatem non habebunt. Sibi enim impudent quod cum tempus adeundi illis curat per annos 30. adeo præcipientes fuerint in amplectendâ hæreditate. §. 5. hic. l. 30. Cod. de jure delib. Nam quod semel acquisitum est, repudiari non potest. l. 3. §. decretali. D. de success. edict. Ne si eandem sæpius amplecti & repudiare liceret hæreditatem leges hominibus fierent ludibrio, l. fin. §. ubi. Cod. de bon. quæ liber. Exceptis tamen minoribus, qui si juvenili calore se immiscuerint hæreditati, vel minus lucrosam adierint, vel pro hærede se gesserint, vel bonorum possessionem agnoverint, in integrum restitui poterunt. l. 7. §. non solum. verb. sed et si. D. de minor. l. 1. D. de indeb. condict. l. 90. D. de solut. l. 4. §. 1. D. de fideic. libert. l. 1. Cod. Si adversi hæred. & tit. Cod. Si ab hæred. se abstinent.

Nec tamen ipsi majores inficii & inviti oneribus hæreditariis subjicerentur, ex Hadriani constitutione certis personis ex speciali beneficio succurrebatur propter æs alienum ex improvise emergens. Quod beneficium Gordianus ad milites eosque solos extendit, quasi illi supra paganos privilegia mereantur. §. 5. hic. Licet generalis ratio beneficium commune suadere potuisset, quod quæ postmodum ex inopinato emergunt, auxilio quo indigeant. l. 11. §. ex causâ. D. de interrog. in jure faciend.

2. *Cui de adeundâ hæreditate deliberare licet.*] Ne forte qui scripti erant hæredes inficii & inviti oneribus hæreditariis subjicerentur, dies quidam ad deliberandum dati fuerunt. Quod tamen beneficium non in omnium hæredum gratiam erat introductum. Nam qui necessarii erant hæredes, quales servi proprii, tenebantur omnino hæreditatem adire, sic ut nec prætorio nec civili jure adjuvantur. Alieni servi hæredes scripti deliberandi facul-

ta-

tatem non habebant, verum ipsorum domini, idque propter domini continuationem: l. 1. D. de jure delib. l. 1. §. qui sunt. 7. D. Si quis omiff. caus. testam. Qui sui & necessarij, jure civili beneficio abstinendi, adeoque deliberandi non gaudebant, quia tamen jure prætorio se immiscere dicuntur, abstinendi jus habebant.

Et quidem olim à testatore dies erant hæredi instituto præscripti, appellati dies cretionis, intra quos consultare debebat hæres, num delatam hæreditatem amplecti vel non amplecti velit. l. 72. D. de acquir. hæ. l. cretionum. Cod. de jure delib. Ulpian. in Fragm. tit. 22. Cujac. ibid. & 4. obs. 15. & 7. obs. 41. Cont. 1. disput. 12.

Ad imitationem deinde testatoris, qui forte sine cretione hæredem scripsisset, vel sublatis cretionum solemnibus, Prætor postulantibus hæredibus, etiam suis, dies aliquot deliberandi præscribebat; & non tantum scriptis hæredibus, verum etiam legitimis. Qui dies ita arbitrio judicis erant relicti, ut tamen non minus centum concederet, nec spatium novem mensium excederet. l. 1. §. fin. l. 3. & seq. D. hic. Quod si ad Principem itum fuisset, is annale spatium indulgere poterat; quod tempus auctore Justiniano cuiusvis deliberanti ex lege conceditur, à die ex quo quis sibi hæreditatem delatam esse scivit, computandum. l. 19. Cod. de jure delib. Quod si elapso illo tempore nondum suam voluntatem declarasset, vel ad substitutum, vel iis non existentibus ad hæredes defuncti ab intestato hæreditas deferrebat. l. pen. D. de jure delib. l. 69. D. de acquir. hæ. Secus quam obtinet si pendente annali deliberatione decesserit, quo casu hæreditatem ad suos hæredes transmittit. l. 19. Cod. hic. vid. Gail. 2. obs. 131. Gomef. 1. resol. 9. Donell. 7. comm. 4. Intrigol. de substit. cent. 3. q. 27. & seqq. Bacchov. ad Treutl. volum. 2. disp. 12. thes. 7. Gregor. Tholof. Synt. jur. libr. 46. c. 2. Sand. 4. decis. 9. def. 1. Zoef. D. de jure delib. n. 3. & seqq.

MORIBUS.

Hæreditas ab extraneo non adita quorundam moribus ad hæredem scripti hæredis transmittitur. Statut. Antv. tit. 47. §. 7. Ruræm. 3. tit. 7. §. 6. n. 5. Et quod attinet deliberandi tempus, id ipsum à judice petitur vel præscribitur, & prout urserint creditores hæreditarii vel legatarii, judex longius vel brevius petenti largietur. Ut non petenti nihil sit præscribendum, qui per annos 30. expectare poterit, nec adire hæreditatem, nisi illi hoc desiderent quorum interest. Quod si elapsum fuerit deliberandi tempus, non tamen eo ipso à beneficio inventarii, (quod etiam juri congruum) exclusus censetur. Nam qui minore est usus non capropter majori beneficio renunciavit, ut nec eo sit privandus. vid. l. fin. §. fin autem hoc aliquis. Cod. de jure delib. Giphani. ad d. l. §. & hæc quidem.

4. *Sed nostra benevolentia.*] Hæreditas triplici viâ adiri poterit, vel rectâ, si quis adeat incunctanter, vel tardiore, habita deliberatione, utrâque fragili & periculosa, vel denique tutissimâ omnino, facto inventario, §. 5. in fin. hic. l. fin. Cod. de jure delib. Licet enim olim qui habitâ deliberatione ad-
vissset hæreditatem, Falcidiam legatorum nomine deducere potuerit, hodie tamen ni fecerit inventarium, æquè atque creditoribus hæreditariis, legatariis obligatus est in solidum. Azo in summ. Cod. de jure delib. n. 6. Ut si quis sine periculo adire velit hæreditatem id facere possit, modo tenorem constitutionis, quæ de inventario lata est, per omnia observaverit. §. 5. in fin. hic. Cujus usus quoniam frequentissimus est teste Roelando à Valle de conf. inventar. in princ. ea propterper compendium in ejus rationem inquiram. Estque inventarium, repertorium omnium eorum quæ in alicujus bonis reperiuntur. Vel accurata & legitima eorum omnium ex fide bonâ descriptio, seu annotatio. Roel. à Vall. p. 1. in princ. & q. 2.

Quæ quidem non omnino jure digestorum fuit incognita, in quantum tutoris & curatoris erat officium repertorium bonorum conficere. l. tutor qui repertorium. in princ. D. de admin. tut. etiam aliorum, de quibus in l. 1. §. pen. D. de ventr. in poss. mitt. l. 1. D. de curat. bon. dand. l. fin. D. de bon. au&. judic. possid. l. 1. D. de requir. reis. l. si quis posthac. l. si quis intra. Cod. de bon. proscript. l. fin. Cod. de bon. vacant. libr. 10. l. nulli. l. orphanotr. Cod. de Episc. & Cler. Inspecto tamen hæredis officio, non nisi jure codicis & novellarum cognitum fuit jus inventarii. l. fin. in princ. Cod. de jure delib. Nov. 1. Cravett. conf. 210. vid. Clarum §. testamentum, q. 66. Specul. tit. de instrum. edit. §. fin. Roel. à Vall. part. 1. q. 4. & part. 2. q. 14. Chassan. ad Burgund. Rubric. 7. de success. §. 13. ad verb. per beneficium inventarii. n. 6. Capell. Tholos. decis. 247.

Quod eapropter respectu hæredis est inventum, ne si velit esse fraudulentus supprimat hæreditaria, vel si velit esse fidelis, non ultra vires hæreditarias teneatur, neve terminum ad deliberandum petere cogatur, quod hoc beneficio tutus sit abundè. l. fin. §. 1. §. & si præfatam. §. fin. autem. Cod. de jure delib. Nov. 1. c. sancimus.

Unde quicunque volet impune adire hæreditatem, & lucrum aliquod sentire, & non pati damnum, ejus confessionem omittere non debet. Nec interest sit Princeps, an subditus, fiscus, vel ecclesia, extraneus, an filius, si tanquam hæredes ex testamento vel ab intestato bona hæreditaria amplectantur. Nov. 1. in fin. Roel. à Vall. p. 2. q. 1. & seqq. & p. 5. pag. 252. & seqq. in 8. Grassius §. inventarium. q. 4. Henon. disp. Instit. 10. n. 5. 6. 10. ibique DD. diss. ratione filii, Gail. 2. obs. 138. Fachin. 4. contr. 34. Mynsing. 3. obs. 60. Ut tamen inventarium conficere non teneatur qui suc-

suc-

successor est ejus qui bonis cessit. vid. Roel. à Vall. de conf. invent. p. 2. q. 53. & p. 5. §. quid de hærede. Tessa. decif. Pedem. 36. 182. Heig. 1. quæst. 35. Berlich. 2. conclus. 28. Christin. 1. decif. 228. & 4. decif. 123. Nec fiduciarius hæres, in hunc effectum, quod non amittat omnia comoda si omiserit inventarium. vid. Roel. p. 5. p. mihi 257. & seqq. Nec miles, qui licet defuncti voluntatem observare teneatur, Nov. 1. c. 4. §. 2. non propterea incidet in pœnam neglecti inventarii. l. fin. in fin. Cod. de jure delib. Nec is cui per testatorem necessitas exhibendi vel conscribendi inventarii remissa est, modo remissio tantum spectet legatariorum & fideicommissariorum, non creditorum, vel eorum quibus debetur legitima, præjudicium. Argum. Nov. 1. in fin. v. hæc nos, uti communiter omnibus. & l. fin. Cod. de Pact. Alex. 6. consil. 51. n. 18. Cravett. consil. 174. Roel. à Vall. in ult. part. §. antestator. Covarr. 2. varior. 14. n. 4. vid. Peck. de testam. conj. 4. c. 24. num. 3. Coren consil. 23. Perez. Cod. de jure delib. num. 18.

Ut vero qui conficit inventarium legis gaudeat beneficio, varia in repertorii descriptione jura desiderant. Oportet enim ut hæres ex testamento incipiat inventarium intra dies 30. ab aperturâ tabularum & scientiâ delata hæreditatis computandos. l. fin. §. 1. 2. 3. fin. Cod. de jure delib. vid. Roel. à Vall. p. 3. §. quæritur. & seqq. Fachin. 4. contro. 35. Rittershus. ad Nov. p. 6. c. 8. n. 7. Hænon. disp. 10. ad Instit. n. 4.

Utque absolvas inventarium intra 60. dies proximos, vel incipiat & absolvas intra dies 90. l. fin. §. si vero. §. fin autem. Cod. de jure delib. Jafon, Giphani. Sichard. ad d. l. fin. Guid. Papæ decif. 571.

Aut si hæreditas vel major ejus pars alibi quam in hæredis sit domicilio, vel hæres absit, annale ipsi concedatur spatium, computandum à morte testatoris. l. fin. §. fin autem. Cod. de jure delib. Nov. 1. Cujac. ibid. in epit. part. poster. Roel. à Vall. p. 3. §. si datur. & §. quid quando. vid. Sand. 4. decif. 12. def. 2. Bacchov. ad Treutl. vol. 2. disp. 12. thes. 8.

Ut locum & tempus adjiciat ubi & quando conficitur inventarium. l. fin. in princ. Cod. de jure delib. Nov. 1. §. fiat inventarium. Roel. à Valle p. 3. §. continereque.

Ut adfint testes ad minimum duo, qui cognosceant hæredem. Bartol. & DD. in d. l. fin. §. cum igitur. Roeland. à Valle p. 3. §. in ipso & seqq.

Ut evocentur creditores hæreditarii & legatarii, illique quorum interest, eorumve procuratores. l. fin. §. cum igitur. Cod. de jure delib. Nov. 1. c. sancimus. c. hinc nobis. v. fiat igitur. Quos sufficit in genere citari, si incogniti, vel nominatim qui cogniti, & ad domum, si præsentis. d. l. fin. §. hinc nobis. Roel. à Valle p. 3. §. in ipsaque. §. fierique. & seqq. Quod

si non sint creditores vel legatarii, vel non compareant, eorum loco adhibeantur viri locupletes, fidei & opinionis bonæ. Auth. sed cum testator. Cod. ad l. Falcid. Cujac. ad Nov. 1. part. poster.

Ut inventarium per Notarium, (nam unus sufficit) describatur, qui ad hunc actum sit rogatus, saltem sub ejus præsentia res geratur. l. fin. §. fin. autem. verb. sub præsentia. Cod. de jure delib. Azo in summ. Cod. eod. n. 7. Treutl. vol. 2. disp. 12. thes. 8. ibique Bacchov.

Ut res omnes in hæreditate repertæ describantur, licet depositæ, vel commodatæ. l. fin. §. fin. autem. Cod. de jure delib. vid. Roel. à Valle p. 3. p. mihi in 8. 97. & seqq. Perez. Cod. eod. n. 9.

Ut hæres subscribat inventario si literarum sit peritus, sin minus ejus loco notarius ad hoc rogatus. l. fin. §. fin. autem. Cod. de jure delib.

Denique ut in ejus consecutione servetur solemnitas loci & consuetudinis ubi sit. Arg. l. 6. D. de Eviction. l. 3. in fin. D. de testibus. Roeland. à Vall. p. 3. §. quæ autem. Sneider. ad §. extraneis. n. 17. Instit. hic. Rittershus. ad Nov. p. 6. c. 8. n. 10.

Quæ enumerata si ritè fuerint observata magna utilitas ad hæredem redundabit. Neque enim tenebitur creditoribus hæreditariis ultra vires hæreditatis, neque integra legata solvere tenebitur, quinimo ab omnibus legatis quartam deducet. l. fin. §. & si præfatam. Cod. de jure delib. Nov. 1. c. fin. Roel. à Vall. de invent. p. 4. in princ. & seqq.

Quinamplius durante tempore inventarii conscribendi ad judicium vocari non poterit, aut in aliquo vexari à creditoribus, vel legatariis. l. fin. §. donec. Cod. de jure delib. ibique Alex. Jafon, Salicet. Roel. à Valle p. 4. verb. quarta. & 2. consil. 73. Sic ut hæres pendente tempore minus possit inquietari quam defunctus potuit, ut vel executio sententiæ contra defunctum lata differatur. l. fin. §. etsi præfatam. Cod. de jure delib. Roel. à Vall. d. loc.

Expensas insuper in funus, in repertorii consecutionem, aliosque sumptus necessarios deducet, antequam creditoribus vel legatariis satisfaciatur. l. fin. §. in computationem. Cod. de jure delib. Duen. in reg. 267. n. 3. Alciat. 3. consil. 139. Perez. Cod. eod. n. 11.

Et si hæreditas quæ morte testatoris erat solvendo, sorte quia res hæreditariæ citra culpam hæredis interierint, ex post facto non sufficiat, id hæredem non onerabit. l. fin. §. etsi præfatam. Cod. de jure deliber. Roeland. à Valle p. 4. §. sexta.

Uterius rectè dividet bona hæreditaria, in quibus jus hypothecæ quæsitum erat creditori, & è pecuniâ inde redactâ primo venientibus satisfaciet, reservatis creditori hypothecario, vel aliis privilegiatis suis actionibus

bus adversus ceteros creditores & legatarios. l. fin. §. fin. vero hæredes. §. et si præfatam. Cod. de jure delib. Sichard. Giphani. ibid.

Quod si non reperitur in hæreditate pecunia, compelli poterunt creditores, ut res hæreditarias accipiant in solutum, etiam debitorum hæreditariorum nomina. Arg. d. l. fin. §. et si præfatam. §. fin. vero hæredes. ibique DD. Auth. hoc nisi. Cod. de solut. vid. Sneydw. ad §. extraneis. n. 19. in fin. Instit. hic. Fachin. 4. contr. 39.

Denique si quæ actiones hæredi in defunctum competeant, aut erant competituræ, tanquam non confusæ remanent in suo statu; quasi per inventarii confectionem bonorum facta sit separatio. l. fin. §. in computatione. Cod. de jure delib. contra. l. 95. §. 2. D. solut. l. 7. Cod. de pact. Excepta nihilominus actione pœnali, quam hæres aliter sibi competentem intentare nequit. Durum enim foret pœnam quæ ad lucrum tendit hæredi in aliorum detrimentum conservari. l. cum emptor. 48. D. ad l. Falcid. Faber 2. de error. pragm. 4.

Plura qui scire cupit circa inventarii confectionem, ejusque effectus varios, & non confecti incommoda, adeat Alex. 4. conf. 67. & 6. consil. 30. Baldum, Perusinum, Monticulum, Roeland. à Valle, de inventario. Gail. 2. obs. 138. Sneydw. ad §. fin. Instit. hic. Grassum §. confect. inventarii. Gomef. 1. variar. resol. 5. Hartmann. Pistor. obs. 137. Gregor. Tholof. Synt. jur. libr. 46. c. 2. Dilectum 11. de arte testandi. 8. Fachin. 4. & 6. contr. 29. & seqq. Fabr. Cod. 6. tit. 11. 12.

MORIBUS.

Apud Saxones omitti inventarii pœnam cessare scribunt varii. Beust in §. c. admonendi. D. de jurejur. n. 914. Zobel. part. 2. diff. 57. Coler. proc. exec. p. 1. c. 10. vid. Rauchb. 1. quæst. juris Saxon. 29. Carpzov. def. for. 1. consil. 8. def. 8. n. 6. & 3. part. const. 14. def. 14.

In Baviarâ vero & ducatu Neoburgensi non conficitur inventarium, nisi quando necessitas exigit. Juris Bavarici Lantrecht. 1. tit. 43. Sebast. Khraiff. declar. privil. ducat. Neoburg. tit. 23.

Moribus vero nostrarum Provinciarum inventarii confectio est necessaria, nisi quis incommoda pati velit. Ut tamen aliter obtineat, atque jure Romano. Nam facultas succedendi per inventarium est quoddam beneficium, intra tres menses à die aditæ hæreditatis impetrandum. Grivel. decif. 143. Christin. ad Mechlin. tit. 16. artic. 50. n. 9. Vel ut apud Transilvanos intra prænominata tempora ex die scientiæ connumeranda. Transilul. 2. tit. 7. §. 5. Daventr. 3. titul. 7. §. 2. Ut tamen hoc beneficium largiatur Princeps, vel supremus ejusdem senatus, examinandum vel interinandum & approbandum coram curiâ provinciali, vel coram judicio civitatis, ubi

domus est mortuaria. Et oportet ut impetrato hoc beneficio intra dies 40. conficiatur omnium bonorum repertorium, proque mobilibus æstimatis, proque reddendis rationibus præstetur cautio. Constit. Caroli 5. de ann. 1544. May. 19. Perez. Cod. de jure delib. n.9. Vel si mobilia & immobilia sint divendita, aut iisdem fruatur hæres, eorum omnium nomine satisfacet. Gudel. de jure noviss. 2. c. 18.

Quod si quis cognatus testatoris remotior, etiam non scriptus hæres velit simpliciter adire hæreditatem, is præferetur proximiori instituto, qui non nisi sub inventarii beneficio vult adire hæreditatem. Id quod ubique fere locorum, exceptâ hodiè nostra Provinciâ Ultrajectinâ, receptum. Parisiensem tamen & Aurelianensem statutis ita constitutum, ut ex transfersâ lineâ veniens non summoveat eum, qui in lineâ rectâ constitutus est. vid. Peck. de testam. conj. 1. cap. 35. Zyp. not. juris Belgic. libr. 6. in fin. Kinschot in respons. 30. Gudel. 2. de jure noviss. 18. Grot. 2. ad introduct. Holl. 21. Neost. decif. suprem. cur. 17. Sand. 4. tit. 12. def. 1. Christin. ad Mechlin. tit. 16. §. 40. 50. Burgund. ad Flandr. tit. 7. §. 13. - Chassan. ad Burgund. tit. 7. §. 13. Imbert. 1. Instit. Forens. 8. in not. Rebuff. tom. 2. ad const. regias. tract. de restit. gloss. 1. n. 32. Aurelian. tit. 16. §. 18. Perez. Cod. de jure delib. n.9. 10. Dessel. in notis ad Zoef. Instit. hic. Antverp. statutum. tit. 47. §. 25. Groenweg. ad l. fin. Cod. de jure delib. & §. 6. hic. n. 2.

Quod spectat de moribus, eos, quorum interest, illi intra dies quindecim sunt vocandi, qui noti nominatim, cæteri per publicum programma. Qui si non compareant intra sex menses, quando sunt in Belgio, vel intra annum, si peregrinentur, exceptis personis de jure privilegiatis, suo jure super rebus venditis earumque pretio privati censentur. per DD. all.

De moribus insuper clausulam salutarem inventario subjicit hæres, quod omnia bonâ fide retulerit in inventarium, salvo jure addendi diminuendi &c. si quæ forte per ignorantiam omissa vel adjecta. vid. Sneiderwin. ad §. extraneis. n. 15. Instit. hic. Rittershus. ad Nov. p. 6. c. 8. n. 11.

Denique hæres juramento confirmat inventarium; quod jure Romano demum interponebatur ad creditorum & legatariorum petitionem. Nov. 1. Rittershus. ad Nov. p. 6. c. 8. n. 31.

JURR CANONICO.

6. Censent hæredem qui neglecto inventarii beneficio adivit hæreditatem, quartam quidem legatorum non detrahere, nec tamen ultra vires hæreditarias teneri. c. Rainaldus. de Testam. Idque æquitatis intuitu, ne videatur legatarius lucrari velle cum detrimento hæredis. Licet alii statuunt non obstante inventarii beneficio hæredem de jure canonum in solidum obligari.

ri. Bartol. apud Rittershus. de differ. jur. civil. & canon. libr. 4. cap. 7.

§. 6.

1. *Aliter Suus aliter Extraneus ad-* | 2. *Quid Moribus?*
quiris & amittit Hæreditatem.

Item extraneus hæres.] Explicatur ulterius differentia quæ inter suum & 1. extraneum hæredem intercedit, quod aliter extraneus aliter suus acquirit hæreditatem. Olim quidem extraneuseam acquirebat cretione, aditione, geritione pro hærede, & agnitione. Cretio erat aditio intra tempus ad deliberandum testamento præfinitum. Quæ quia verbis solemnibus fiebat, hinc mutus & surdus cernere non poterat; & quia actui legitimo annumerabatur, per procuratorem non expediebatur. Verum quoniam scrupulosæ in cretione observabantur subtilitates, etiam symbolum adhibebatur, digitorum puta percussio, testium numerus, ideo ea hodie sublata est. l. 5. §. 1. l. 93. §. 2. D. de acquir. hæred. l. 4. l. 17. Cod. de jure delib. Cicero 3. offic. Varro 4. de Ling. lat. Festus in verb. cernit, & cretio. Plin. 2. c. 26. Ulpian. in Fragm. tit. 22. §. cretio. Cujac. 7. obs. 18. & Patrat. D. de acquir. hæred. Duaren. 1. disput. 1. & 2. disput. 41. Rævard. de auct. Prud. c. 8.

Aditio est actus sollemnis & legitimus vindicandæ delatæ hæreditatis. l. 77. D. de regul. jur. l. 12. Cod. de test. man. Eapropter etiam qui adibat hæreditatem, lege agere dicebatur. Valer. Maxim. libr. 7. tit. 7. §. 5. nec per procuratorem eam adire poterat, nisi tamen esset Procurator Cæsaris, cui relicta hæreditas. l. 1. D. de offic. Procurat. Cæsar. l. per procuratorem 90. D. de acquir. hæred. Cont. 2. lect. 17. Cujac. 1. obs. 34. Donell. 7. comm. 8. diff. Duaren. 2. disp. 27. Fachin. 6. contr. 96. Et licet aditio referatur ad extraneum hæredem, suus tamen quandoque abusive dicitur adire. l. 38. in fin. D. acquir. hæred. l. 10. D. de collat. sicuti extraneus se immiscere. l. 1. §. 1. D. offic. Procur. Cæsar.

Pro hærede geritio est actus quilibet quasi hæredis; ut quando rebus hæreditariis tanquam hæres utitur, res hæreditarias vendendo, locando, vel quid expendendo, accipiendo, quod citra nomen & jus hæredis accipere non poterat. l. 20. §. Papinianus. verb. itaque tunc. D. de acquir. hæred. Si modo vel de voluntate constet, vel suam declaret voluntatem se id agere tanquam hæredem: hoc enim animo esse debet, ut velit esse hæres. Quod non tam facti est, intellige solius, quam etiam animi. d. l. 20. quo etiam refero l. 88. D. eod. hicque sensus est §. 6. hoc tit. in verb. *quoquo modo voluntatem suam declaret de adeundâ hæreditate.* Unde si quid pietatis, si quid custodiæ causâ fecit, si quid quasi non hæres egit, sed quasi alio jure domi-

nus, apparet non videri pro hærede gessisse. d. l. 20. vid. Menoch. 4. præf. 99. 100. 101. præf. 103. & seqq. Mant. 12. tit. 9. 12. de conject. ult. volunt. Fachin. 9. contr. 51. & seqq. Fabr. error. 6. deead. 3. Mascard. concl. 40. & seqq.

Agnitio est nuda voluntas seu animus declaratus suscipiendæ hæreditatis, idque sine ullo tali facto, quo interveniente quis se pro hærede gerere diceretur. §. 6. hic. Ut tamen animus aliquo signo, aliquibus verbis sit expressus; quod in mente retentum nihil operetur, & lex civilis in actum merè internum nihil sibi vindicet. l. 18. D. de poen. l. si repetendi. Cod. condict. ob caus. vid. Tiraq. tract. le mort saisi le vis. septimæ part. declar. 3. n. 2. Menoch. 2. arbitr. cent. 4. cas. 360. Gregor. Tholos. Syn. jur. libr. 46. cap. 4. & DD. prænominatos. Non aliter tamen quis agnitione acquirit hæreditatem, quam si sciat testatorem obiisse, seque ei hæredem esse. §. 6. hic. l. 19. D. de adquir. hæ. Unde si vivat de cuius bonis agitur, l. 27. D. eod. aut dubitet hæres an vivat, l. 13. §. 1. D. eod. aut nesciat vel dubitet quo jure veriat. l. 22. l. 32. D. eod. hæreditatem non acquireret. Nam quæ animi destinatione peragenda sunt, nonnisi verâ & certâ scientiâ perfici poterunt. l. 76. D. de regul. jur. vid. Hænon. disp. Instit. 10. n. 11. & seqq.

Sicut autem nudâ voluntate.] Quemadmodum extraneus variis modis dicebatur acquirere hæreditatem, ita etiam ad distinctionem sui hæredis eam amittit. Id quod fit repudiatione, recusatione & omissione. Illo modo vel expressè vel tacitè declarando se nolle esse hæredem, isto modo, contrarium aditioni actum exserendo, hoc modo, nihil agendo. vid. l. recusari. D. de adquir. hæred. Azon. in summ. Cod. eod. num. 5. Donell. 7. comm. 2. Menoch. 4. præf. 102. Masc. concl. 833. 853. Mant. 12. de conj. ult. vol. 14. Fachin. 6. contr. 49. & seqq. Hænon. disp. 10. ad Instit. n. 20. 21. Zoef. D. de adquir. hæred. n. 46. & seqq. Althuf. dicajol. 1. c. 44. n. 4. 5. 6. 7.

Ut tamen paganus hæreditatem pro parte amplecti & pro parte repudiare nequeat, quod unius hominis nonnisi unum sit patrimonium, & nemo pro parte testatus pro parte intestatus decedat. l. 76. D. adquir. hæred. Si tamen spectemus jus feudale poterit agnatus, non filius, quando feudum est antiquum, retinere feudum, repudiata hæreditate. libr. 2. feud. tit. 45. & 51. Covarr. 2. resol. 18. num. 4. Gail. 2. obs. 154. n. 18. Hottom. de feud. cap. 19. vid. Sand. de feud. Gelr. cap. 2. §. 3. p. mihi 241. & seqq. Groenw. ad d. tit. feud.

MORIBUS.

2. Si hæres velit testatorem terræ mandare licet id faciat pietatis intuitu, tutius

tutius tamen egerit si protestetur interventu publicæ personæ. Mascard. de probat. conclus. 44. num. 36. & conclus. 47. n. 6. & seqq. Menoch. præf. 100. & seqq. Mantic. 12. de conj. ult. volunt. 11. 14. Faber. Cod. 6. tit. 12. def. 8.

LIBER. II. TITULUS. XX.

DE

LEGATIS.

POST hæc videamus de legatis: quæ pars juris extra propositam quidem materiam videtur (nam loquimur de iis juris figuris, quibus per universitatem res nobis adquiruntur:) sed cum omninò de testamentis, & de hæredibus, qui in testamento instituuntur, locuti simus, non sine causa sequenti loco potest hæc juris materia tractari.

1. Legatum itaque est donatio quædam, à defuncto relicta, ab hærede præstanda.

2. Sed olim quidem erant legatorum genera quatuor: per vindicationem, per damnationem, sinendi modo, per præceptionem: & certa quædam verba cuique generi legatorum assignata erant, per quæ singula genera legatorum significabantur. Sed ex Constitutionibus divorum principum solemnitas hujusmodi verborum penitus sublata est.

Nostra autem Constitutio, quam cum magna fecimus lucubratione, defunctorum voluntates validiores esse cupientes, & non verbis, sed voluntatibus eorum faventes, disposuit, ut omnibus legatis una sit natura, & quibuscumque verbis aliquid relictum sit, liceat legatariis id persequi non solum per actiones personales, sed etiam per in rem, & per hypothecariam. Cujus Constitutionis perpensum modum ex ipsius tenore perfectissimè accipere possibile est.

3. Sed non usque ad eam Constitutionem standum esse existimamus. Cum enim antiquitatem invenimus legata quidem

dem strictè concludentem, fideicommissis autem, quæ ex voluntate magis descendebant defunctorum, pinguiorem naturam indulgentem: necessarium esse duximus, omnia legata fideicommissis exæquare, ut nulla sit inter ea differentia: sed quod deest legatis, hoc repleatur ex natura fideicommissorum; & si quid amplius est in legatis, per hoc crescat fideicommissorum natura. Sed ne in primis legum cunabulis permistim de his exponendo, studiosis adolescentibus quamdam introducamus difficultatem: operæpretium esse duximus, interim separatim prius de legatis, & postea de fideicommissis tractare, ut naturâ utriusque juris cognitâ, faciliè possint permissionem eorum eruditi subtilioribus auribus accipere.

4. Non solum autem testatoris vel hæredis res, sed etiam aliena legari potest: ita ut hæres cogatur redimere eam, & præstare, vel si eam non potest redimere, æstimationem ejus dare. Sed si talis sit res, cujus commercium non est, vel adipisci non potest, nec æstimatio ejus debetur: veluti si campum Martium, vel basilicas, vel templa, vel quæ publico usui destinata sunt, legaverit, nam nullius momenti tale legatum est. Quod autem diximus, alienam rem posse legari, ita intelligendum est, si defunctus sciebat alienam rem esse, non si ignorabat. Forsitan enim si scivisset alienam rem esse, non legasset: & ita divus Pius rescriptit. Et verius est, ipsum, qui agit, id est, legatarium probare oportere, scivisse alienam rem legare defunctum; non hæredem probare oportere, ignorasse alienam: quia semper necessitas probandi incumbit illi, qui agit.

5. Sed & si rem obligatam creditori aliquis legaverit, necesse habet hæres eam luere. Et in hoc quoque casu idem placet, quod in re aliena: ut ita demùm luere necesse habeat hæres, si sciebat defunctus rem obligatam esse, & ita Divi Severus & Antoninus rescripserunt. Si tamen defunctus voluerit legatarium luere, & hoc expresserit, non debet hæres eam luere.

6. Si

6. Si res aliena legata fuerit, & ejus rei vivo testatore legatarius dominus factus fuerit, si quidem ex causa emptionis, ex testamento actione pretium consequi potest; si verò ex causa lucrativa, veluti ex donatione, vel ex alia simili causa, agere non potest: nam traditum est, duas lucrativas causas in eundem hominem, & eandem rem concurrere non posse. Hâc ratione, si ex duobus testamentis eadem res eidem debeat, interest, utrum rem, an æstimationem ex testamento consequutus sit. Nam si rem habet, agere non potest, quia habet eam ex causa lucrativa; si æstimationem, agere potest.

7. Ea quoque res, quæ in rerum natura non est, si modò futura est, rectè legatur: veluti fructus, qui in illo fundo nati erunt, aut quod ex illa ancilla natum erit.

8. Si eadem res duobus legata sit, sive conjunctim, sive disjunctim, si ambo perveniant ad legatum, scinditur inter eos legatum: si alter deficiat (quia aut spreverit legatum, aut vivo testatore decesserit, vel alio quoquo modo defecerit) totum ad collegatarium pertinet. Conjunctim autem legatur, veluti si quis dicat, *Titio & Sejo hominem Stichum do lego*: disjunctim ita, *Titio hominem Stichum do lego, Sejo hominem Stichum do lego*. Sed & si expresserit *eundem hominem Stichum*, æquè disjunctim legatum intelligitur.

9. Si cui fundus alienus legatus sit, & emerit proprietatem, deducto usufructu, & usufructus ad eum pervenerit, & postea ex testamento agat: rectè eum agere, & fundum petere Julianus ait; quia usufructus in petitione servitutis locum obtinet: sed officio judicis continetur, ut, deducto usufructu, jubeat æstimationem præstari.

10. Sed si rem legatarii quis ei legaverit, inutile est legatum: quia quod proprium est ipsius, amplius ejus fieri non potest. Et licet alienaverit eam, non debetur nec ipsa res, nec æstimatio ejus.

11. Si quis rem suam quasi alienam legaverit, valet legatum: nam plus valet quod in veritate est, quàm quod in opi-

E e e e

nione.

nione. Sed & si legatarii esse putavit, valere constat: quia exitum voluntas defuncti habere potest.

12. Si rem suam legaverit testator, posteaque eam alienaverit, Celsus putat, si non adimendi animo vendidit, nihilominus deberi. Idemque divi Severus & Antoninus rescripserunt. Idem rescripserunt, eum, qui post testamentum factum prædia, quæ legata erant, pignori dedit, ademisse legatum non videri: & ideo legatarium cum hærede ejus agere posse, ut prædia à creditore luantur. Si verò quis partem rei legatæ alienaverit, pars, quæ non est alienata, omnino debetur: pars autem alienata ita debetur, si non adimendi animo alienata sit.

13. Si quis debitori suo liberationem legaverit, legatum utile est: & neque ab ipso debitore, neque ab hærede ejus potest hæres petere, neque ab alio, qui hæredis loco sit. Sed & potest à debitore conveniri, ut liberet eum: potest etiam quis vel ad tempus jubere, ne hæres petat.

14. Ex contrario, si debitor creditori suo quod debet legaverit, inutile est legatum, si nihil plus est in legato, quam in debito: quia nihil amplius per legatum habet. Quòd si in diem vel sub conditione debitum ei purè legaverit, utile est legatum, propter repræsentationem. Quòd si vivo testatore dies venerit, vel conditio extiterit, Papinianus scripsit, utile esse nihilominus legatum, quia semel constitit, quod & verum est. Non enim placuit sententia existimantium, extinctum esse legatum, quia in eam causam pervenerit, à qua incipere non potest.

15. Sed si uxori maritus dotem legaverit, valet legatum: quia plenius est legatum, quàm de dote actio. Sed si quam non accepit dotem legaverit, divi Severus & Antoninus rescripserunt, si quidem simpliciter legaverit, inutile esse legatum: si verò certa pecunia, vel certum corpus, aut instrumenta dotis in relegando demonstrata sunt, valere legatum.

16. Si res legata sine factò hæredis perierit, legatario decedit. Et si servus alienus legatus sine factò hæredis manumissus

sus fuerit, non tenetur hæres. Si vero hæredis servus legatus sit, & ipse eum manumiserit, teneri ipsum Julianus scripsit: nec interest, sciverit, an ignoraverit à se legatum esse. Sed & si alii donaverit servum, & is, cui donatus est, eum manumiserit, tenetur hæres, quamvis ignoraverit à se eum legatum esse.

17. Si quis ancillas cum suis natis legaverit, etiamsi ancillæ mortuæ fuerint, partus legato cedunt. Idem est, & si ordinarii servi cum vicariis legati fuerint: quia licet mortui sint ordinarii, tamen vicarii legato cedunt. Sed si servus fuerit cum peculio legatus, mortuo servo, vel manumisso, vel alienato, peculii legatum extinguitur. Idem est, si fundus instructus, vel cum instrumento legatus fuerit: nam fundo alienato, & instrumenti legatum extinguitur.

18. Si grex legatus fuerit, & postea ad unam ovem pervernerit, quod superfuerit, vindicari potest, Grege autem legato, etiam eas oves, quæ post testamentum factum gregi adjiciuntur, legato cedere, Julianus ait. Est autem gregis unum corpus ex distantibus capitibus, sicut ædium unum corpus est ex cohærentibus lapidibus.

19. Ædibus denique legatis columnas & marmora, quæ post testamentum adjecta sunt, legato dicimus cedere.

20. Si peculium legatum fuerit, sine dubio quicquid peculio accedit, vel decedit, vivo testatore, legatarii lucro vel damno est, Quod si post mortem testatoris ante aditam hæreditatem aliquid servus adquisierit, Julianus ait, si quidem ipsi manumisso peculium legatum fuerit, omne, quod ante aditam hæreditatem acquisitum est, legatario cedere, quia hujusmodi legati dies ab adita hæreditate cedit: sed si extraneo peculium legatum fuerit, non cedere ea legato, nisi ex rebus peculiaribus auctum fuerit peculium. Peculium autem nisi legatum fuerit, manumisso non debetur: quamvis si vivus manumiserit, sufficit, si non adimatur, & ita divi Severus & Antoninus rescripserunt. Iidem rescripserunt, peculio legato, non videri id relictum, ut petitionem habeat pecuniæ, quam in

rationes dominicas impenderit. Iidem rescripserunt. peculium videri legatum, cum rationibus redditis liber esse iussus est, & ex eo reliqua inferre.

21. Tam autem corporales res legari possunt, quàm incorporales. Et ideo quod defuncto debetur, potest alicui legari, ut actiones suas hæres legatario præstet: nisi exegerit vivus testator pecuniam, nam hoc casu legatum extinguitur. Sed & tale legatum valet, *Damnus esto hæres meus domum illius rescire, vel illum ære alieno liberare.*

22. Si generaliter servus vel res alia legetur, electio legatarii est, nisi aliud testator dixerit.

23. Optionis legatum, id est, ubi testator ex servis suis, vel aliis rebus optare legatarium jusserat, habebat olim in se conditionem: & ideo nisi ipse legatarius vivus optasset, ad hæredem legatum non trans mittebat. Sed ex Constitutione nostra & hoc in meliorem statum reformatum est, & data est licentia hæredi legatarii optare servum, licet vivus legatarius hoc non fecerit. Et diligentiore tractatu habito, & hoc in nostra Constitutione additum est: sive plures legatarii extiterint, quibus optio relicta est, & dissentiant in corpore eligendo, sive unius legatarii plures hæredes sint, & inter se circa optandum dissentiant, alio aliud corpus eligere cupiente, ne pereat legatum (quod plerique prudentium contra benevolentiam introducebant) fortunam esse hujus optionis iudicem, & forte hoc esse dirimendum, ut ad quem sors venerit, illius sententia in optione præcellat.

24. Legari autem illis solum potest, cum quibus testamenti factio est.

25. Incertis verò personis neque legata, neque fideicomissa olim relinqui concessum erat. Nam ne miles quidem incertæ personæ poterat relinquere, ut divus Hadrianus rescripsit. Incerta autem persona videbatur, quam incertà opinione animo suo testator subiciebat: veluti si quis ita dicat, *Quicumque filio meo filiam suam in matrimonium dederit, ei hæres meus*
fun-

fundum dato. Illud quoque, quod iis relinquebatur, qui post testamentum scriptum primi Consules designati essent, æquè incertæ personæ legari videbatur, & denique multæ aliæ hujusmodi species sunt. Libertas quoque incertæ personæ non videbatur posse dari, quia placebat nominatim servos liberari. Sub certa verò demonstratione, id est ex certis personis incertæ personæ rectè legabatur: veluti, *Ex cognatis meis, qui nunc sunt, si quis filiam meam uxorem duxerit, ei hæres meus illam rem dato.* Incertis autem personis legata vel fideicommissa relicta, & per errorem soluta, repeti non posse sacris constitutionibus cautum erat.

26. Posthumo quoque alieno inutiliter antea legabatur. Est autem alienus posthumus, qui natus inter suos hæres testatori futurus non est. Ideoque ex emancipato filio conceptus nepos, extraneus erat posthumus avo.

27. Sed nec hujusmodi species penitus est sine justa emendatione relicta, cum in nostro Codice Constitutio posita sit, per quam & huic parti medemur, non solum in hæreditariis, sed etiam in legatis & fideicommissis: quod evidenter ex ipsius Constitutionis lectione clarescit. Tutor autem nec per nostram Constitutionem incertus dari debet: quia certo iudicio debet quis pro tutela suæ posteritati cavere.

28. Posthumus autem alienus hæres institui & antè poterat, & nunc potest: nisi in utero ejus sit, quæ jure nostro uxor esse non potest.

29. Si quidem in nomine, cognomine, prænomine, agnominine legatarii testator erraverit, cum de persona constat, nihilominus valet legatum. Idemque in hæredibus servatur: & rectè. Nomina enim significandorum hominum gratiâ reperiuntur, qui si alio quolibet modo intelligantur, nihil interest.

30. Huic proxima est illa juris regula, falsa demonstratione legatum non perimi: veluti si quis ita legaverit, *Stichum servum meum vernam do lego.* Licet enim non verna, sed em-

ptus sit, si tamen de servo constat, utile est legatum. Et convenienter, si ita demonstraverit, *Stichum servum, quem à Sejo emi*, sitque ab alio emptus, utile est legatum, si de servo constat.

31. Longè magis legato falsa causa adjecta non nocet: veluti cum quis ita dixerit, *Titio, quia me absente negotia mea curavit, Stichum do lego*: vel ita, *Titio, quia patrocínio ejus capitali crimine liberatus sum, Stichum do lego*. Licet enim neque negotia testatoris umquam gesserit Titius, neque patrocínio ejus liberatus sit, legatum tamen valet. Sed si conditionaliter enuntiata fuerit causa, aliud juris est, veluti hoc modo: *Titio, si negotia mea curaverit, fundum meum do lego*.

32. An servo hæredis rectè legemur, quæritur: & constat purè inutiliter legari, nec quicquam proficere, si vivo testatore de potestate hæredis exierit: quia quod inutile foret legatum, si statim post factum testamentum decessisset testator, hoc non debet ideo valere, quia diutius testator vixerit. Sub conditione verò rectè legatur servo, ut requiramus, an quo tempore dies legati cedit, in potestate hæredis non sit.

33. Ex diverso, hærede instituto servo, quin domino rectè etiam sine conditione legetur, non dubitatur. Nam etsi statim post factum testamentum decesserit testator, non tamen apud eum, qui hæres sit, dies legati cedere intelligitur; cum hæreditas à legato separata sit, & possit per eum servum alius hæres effici, si priùs, quàm jussu domini adeat, in alterius potestatem translatus sit, vel manumissus ipse hæres efficitur: quibus casibus utile est legatum. Quod si in eadem causa permanserit, & jussu legatarii adierit evanescit legatum.

34. Ante hæredis institutionem inutiliter antea legabatur: scilicet quia testamenta vim ex institutione hæredis accipiunt, & ob id veluti caput atque fundamentum intelligitur totius testamenti hæredis institutio. Pari ratione nec libertas ante hæredis institutionem dari poterat. Sed quia incivile esse putavimus, scripturæ ordinem quidem sequi (quod & ipsi

an-

antiquitati vituperandum fuerat visum) sperni autem testatoris voluntatem, per nostram Constitutionem & hoc vitium emendavimus: ut liceat & ante hæredis institutionem, & inter medias hæredum institutiones legatum relinquere, & multò magis libertatem, cujus usus favorabilior est.

35. Post mortem quoque hæredis aut legatarii simili modo inutiliter legabatur: veluti si quis ita dicat, *Cùm hæres meus mortuus fuerit, do lego.* Item, *pridie quàm hæres aut legatarius morietur.* Sed simili modo & hoc correximus, firmitatem hujusmodi legatis ad fideicommissorum similitudinem præstantes; ne in hoc casu deterior causa legatorum, quàm fideicommissorum inveniatur.

36. Pœnæ quoque nomine inutiliter antea legabatur, & adimebatur, vel transferebantur. Pœnæ autem nomine legari videtur, quod coërcendi hæredis causâ relinquitur, quo magis aliquid faciat, aut non faciat: veluti si quis ita scripserit, *Hæres meus si filiam suam in matrimonium Titio collocaverit:* vel ex diverso, *si non collocaverit, dato decem aureos Sejo:* aut si ita scripserit, *Hæres meus si servum Stichum alienaverit:* vel ex diverso, *si non alienaverit, Titio decem aureos dato.* Et in tantum hæc regula observabatur, ut quàm plurimis Principalibus Constitutionibus significaretur, nec Principem agnoscere, quod ei pœnæ nomine legatum sit. Nec ex militis quidem testamento talia legata valebant, quamvis aliæ militum voluntates in ordinandis testamentis valdè observabantur. Quin etiam nec libertates pœnæ nomine dari posse placebat. Eo amplius nec hæredem pœnæ nomine adjici posse, Sabinus existimabat: veluti si quis dicat, *Titius hæres esto, si Titius filiam suam in matrimonium Sejo collocaverit, Sejus quoque hæres esto.* Nihil enim intererat, quâ ratione Titius coërceretur, utrum legati datione, an cohæredis adjectione. Sed hujusmodi scrupulositas nobis non placuit: & generaliter ea, quæ relinquuntur, licet pœnæ nomine fuerint relicta, vel adempta, vel in alium translata, nihil distare à cæteris legatis constituimus, vel in dan-

dando, vel in adimendo, vel in transferendo: exceptis videlicet iis, quæ impossibilia sunt, vel legibus interdicta, aut aliàs probrosa. Hujusmodi enim testamentorum dispositiones valere, secta meorum temporum non patitur.

COMMENTARIUS

Legati vocabulum generalissimum.



Posthac.] Legata testamentis accidunt, iisque relinquuntur, ut propterea posteorum naturam de legatis agatur. in princ. hic. Præterquam quod legata multiplicem habeant cum hæreditate relicta testamenti, convenientiam, ut etiam quodammodo legatarii in rebus legatis sint hæredes. l. id tempus. D. de usucap. Ne dicam, voce legati plenissime latissimeque acceptâ 12. tabulis & hæredis instituendi, legata & libertates dandi, tutelæ constituendi potestatem testatori fuisse tributam. l. 120. D. de verb. signif. Alciat. ad d. l. Cæd. ibidem axiom. 1. Sncidw. ad §. sed nos. 3. n. 3. ibique in not. Instit. hoc tit.

§. 1.

1. Legatum unde dicatur?

2. Definitio Legati explicatur.

3. Moribus Legata non semper ab Hærede sunt præstanda.

1. **L**egatum itaque.] Legati nomen Ulpianus deducere videtur, quod legis modo, id est imperativè relinquatur. tit. 24. Vel forte quia legis habet vigorem, quo sensu Justinianus legare græco vocabulo *νομιμα* exprimere voluit. Nov. 22. c. 2. Nisi quis legatum à græcâ voce *λαγν* figuratum velit, unde *λαγν*, hæreditas.

2. Quod attinet rei definitionem ea multiplex in jure occurrit. Una est Florentini in l. 116. D. de Leg. 1. habito respectu ad l. Falcidiam. Altera est Modestini in l. 36. D. de Leg. 2. idque intuitu juris antiqui, quo nonnisi ex testamento legatum debebatur. Tertia, quæ hic occurrit est Triboniani, juri novo minus congrua, ut in sequentibus docebitur. Et est, *donatio quædam à defuncto relicta, ab hærede præstanda*. Dicitur *donatio*, tum ex parte testatoris, à cujus liberâ & liberali voluntate proficiscitur. l. 6. D. Si cui plus quam per l. Falcid. l. 24. Cod. de Testam. Tum ex parte legatarii, in quantum legatum acquisitum lucrativam causam continet, semoto omni damno. l. 32. D. Mand. l. 119. D. de verb. signif.

Quia

Quia tamen propriè loquendo certa species donationis non est, id est, nec causâ mortis, nec inter vivos, propterea hic adjecta est particula *quedam*; quæ nota est improprietatis, quâ significatur legatum tantum donationi causâ mortis comparari, non tamè per omnia esse. Sic ut hallucinetur Bachovius, qui censet dictam particulam in vanum definitioni esse insertam.

Fortè & ideo *donatio quedam* appellatur legatum, quia legatarius est rei certæ successor, & legatum acquirendi modus singularis. Licet enim rerum universitas legari possit, non tamen universitas juris. l. 23. l. 26. §. 2. D. de Leg. 1. l. 22. §. fin. D. Senat. Trebell. Ut hinc colligere liceat hæreditatem vel directam vel fideicommissariam, quod utrumque juris nomen sit, legari non posse. l. 96. D. Leg. 3. l. 119. D. de verb. signif.

Quin tamen res universæ quandoque legentur, dubitandum non est, servatâ differentiâ, an pars bonorum, an pars hæreditatis sit legata. Ut illo casu deducantur onera hæreditaria, hoc casu non item. l. 9. D. de Leg. 2. l. 8. §. fin. D. eod.

Additur, à *defuncto relicta*, quâ phrasi hæc sequentia significantur, quibus verbis aliquid relinquatur, quis relinquat, & quando? Postremum exprimitur voce *defuncti*, & nonnisi morte relinquentis legatum confirmari, adeoque tum demum relictum censerì, colligitur. l. 1. 2. Cod. Comm. de legat. Quis relinquere possit, non tam exprimitur, quam implicatur: cum enim post testamentum ponatur legatum, tanquam accessio testamenti, satis colligitur eum legare posse, qui testamenti faciendi jus habet. l. 2. D. de Leg. 1. l. 1. D. de Leg. 3. Unde servi, de statu suo dubitantes, deportati, filii familias frustra legant. d. l. 1. Relinquendi modus etiam implicatur, id est, aliquid relinquì verbis directis non inflexis seu obliquis: nam legare, est imperativè & legis modo quid relinquere. Ulpian. in Fragm. tit. 24. Quo nomine, inspecto jure antiquo, excluditur fideicommissum particulare, quod propriè loquendo nec datur, aut donatur, nec verbis civilibus, vel legis modo relinquitur.

Denique subjicitur, *ab hærede præstanda*, intellige, hæredem, qui suo non alieno nomine, vel ex personâ alterius est hæres. vid. Gœdd. ad l. verbis. 20. n. 2. D. de verb. signif. Et intellige etiam inspecto jure antiquo omne legatì genus excepto eo quod est per vindicationem, quale etiam legatarius post mortem testatoris statim, non expectato hærede, capiebat. Et quidem hæc verba adjecta, ad exclusionem legatarii, & aliorum, non tamen ad exclusionem ipsius testatoris, qui si volet, relictum vivus præstare poterit. Et licet ea verba Modestinus, Theophilus non agnoscant, Duaren. in princ. de Leg. 1. Bronch. 2. assert. 45. non tamen inutiliter posita censebuntur, quod legatum à fideicommissò singulari secernant, quod quando-

F f f f

que

que præstandum à legatario, cum legatum à legatario non præstaretur. in princ. Instit. de singul. rebus per fideic. Coppen 2. præct. obs. 146.

Neq; obstat illud Zoëfii Inst. hoc tit. Quod hæc verba pristino magis juri, quam moderno convenient, adeoque inutiliter videantur adjecta. Quoniam Tribonianus definitionem præmissam juri novo accommodare noluit, saltem non debuit, quod demum in sequentibus jus novum explicet, & introducat. §. 3. hic.

Præterquam quod posito jure novo, differentia verborum sublata non est, quæ inter legata & fideicommissa singularia intercedebat. Neque à legatario etiamnum legari potest, licet ab eo fideicommissum particulare relinqui possit, quod si in modum relinquendi spectemus, non est legatum. Denique & juri antiquo & novo postrema definitionis verba sano sensu applicari poterunt, in quantum solus hæres ad legatorum solutionem quasi ex contractu est obligatus. §. 5. Instit. de oblig. quasi ex contract. l. 47. D. de Leg. 1. l. 1. §. 2. D. quod legat. Cujus etiam solius damno & impensæ legata præstantur, ut præter eum neminem legata onerent.

Quid si ergo testator rem alicui legatam vivus præstiterit, cui eam præstari voluit se defuncto? Id quidem poterit, ut tamen legatum esse definat, & in veram donationis speciem incidat. Non quidem inter vivos, sed eam, quæ est mortis causa, sic ut dominium sit revocabile. l. 1. §. 1. D. de cond. caus. dat. Neque enim in dubio voluntatis mutatio præsumitur, saltem non in eam speciem quæ à priori toto genere distincta est, & agenti præjudicialis, l. quinquaginta. 12. D. de probat. l. 3. D. eod. l. 32. §. 2. D. de donat. int. virum & uxorem. vid. Lydam. 4. eclog. 2. diss. Castrenf. in l. 22. D. de Leg. 2. Gomez. l. resol. 12. n. 4. Bacchov. ad Treutl. vol. 2. disp. 13. thes. 1. litt. D.

MORIBUS.

3. Ufu fori legata non semper ab hærede præstanda, sicuti nec jure Romano noviss. quia etiam debentur deserto testamento, vel ab executore testamento nominato, nullo scripto hærede. Alexandr. 2. consil. 209. Cuyck ad Cravett. consil. 324.

§. 2.

1. Olim varia erant genera Legatorum.

tuntur.

2. Etiam varia petendi remedia.

4. Tollitur circa eam sententiam difficultas.

3. Hodie tribus actionibus Legata per-

1. **S** Ed olim quidem.] Quatuor olim erant legatorum genera, per vindicationem, per damnationem, per præceptionem & sinendi modo; quæ ratione formæ legandi, & effectuum erant diversa. In legatis per vindica-

dicationem hisce utebantur verbis : do, lego, capito, sumito, habeto, quæ verba directa erant ad legatarium. Hincq; nascebatur rei vindicatio, nec res aliena legari poterat, & genere legato cui quid legatum erat compete-
bat electio. Per damnationem legabatur hæc formulâ: hæres meus damnas esto dare, hæres dato, facito, hæredem meum dare jubeo. Hincq; nascebatur actio personalis, & quia verba ad hæredem dirigebantur, ejus etiam erat electio. Per præceptionem legatum ita exprimebatur: Titius illam rem præcipo, vel habeto præcipuam. Quo modo non nisi hæredi rectè prælegabatur, qui hinc tantum personalem actionem nanciscebatur, vel judicio familiæ eriscundæ relictum consequabatur. Sinendi modo legatum hæc formâ relinquebatur: Hæres meus damnas esto sinere Titio sumere rem sibi que habere, cujus legati nomine personalis actio compete-
bat. Quid autem amplius inter hæc legatorum genera interfuerit, explicat Cajus Instit. 2. tit. de legat. Ulpian. tit. 24. Paul. 3. sent. tit. 6. & 4. tit. 1. Theophil. hic. vid. Cujac. ad d. loc. & Fabrot. ad Theophil. in not. cod.

Verum hodie Principum constitutionibus solemnes formulæ quæ in singulis legatorum generibus observari debebant, & petendi modi diversi sunt sublatis. l. 20. Cod. de legat. l. 1. Cod. Comm. de legat. Sic ut omnium legatorum unus & simplex sit legandi modus, utque in omnibus potius mens & voluntas testatoris quam verba spectentur, iisdemque remediis seu actionibus ad legatorum contendatur petitionem, terminis positus habilibus. §. 1. hic. d. l. 1. Cod. l. si quis filium. Cod. de lib. præter. Ita tamen omnium legatorum una est natura, ut ea solummodo sit observanda in naturâ generaliori, in effectu & modo petendi, prout fuit explicatum, sic ut differentia quædam specificæ & accidentales inter legata & legata remanserint. Aliud enim est legatum purum, aliud sub modo, in diem, sub conditione relictum, aliisque eorum omnium effectus. Aliud est legatum proprietatis, aliud usufructus, habitationis, operæ servorum, annuum, alimentorum; & alterum altero favorabilius est, pro affectu, conditione, dignitate testatoris, vel honorati. l. 50. in fin. D. Leg. 1. l. 14. §. 1. D. de alim. legat. l. 17. §. si quis rogat. D. ad Trebell. vid. Mantic. 6. de conject. ult. volunt. Cravett. in repet. rubric. de Leg. 1. num. 173. Fabrum 6. conj. 1.

Et quibuscumque verbis aliquid relictum sit, licet.] Quemadmodum olim 2. erant varia legatorum genera, ita etiam variabant circa remedia petendi, & aliter legatum damnationis, aliter legatum vindicationis petebatur. Verum sublatis legatorum differentiis propter utilitatem etiamnum actiones remanserunt, in tantum etiam ut in singulis legatis, secus quam olim, omnibus illis sit locus. Excipiebatur tamen hypothecaria, quæ antea non obti-

nebat, cum locus esset solemnī in rem missioni contra tertium possessorem si hæres solvendo non esset, quæ hodiè est sublata. l. 1. l. fin. §. 2. Cod. Comm. de legat. Nov. 39. Paul. 4. sent. 1. §. rem fideicom. Fabrot. in not. ad Theophil. hic.

3. Hodiè igitur legatariis licet tribus experiri actionibus, & quod relictum est persequi, vel hypothecariâ, vel rei vindicatione, vel actione personali ex testamento, vel codicillis utiliter; denegato ipsis quarto remedio, quam viam executivam DD. appellant. Gomef. 1. resol. 12. num. 10. Fachin. 5. controv. 31. Treutl. vol. 2. disp. 13. thes. 7. litt. c. Hænon. disp. 10. Instit. n. 33. ibique DD. Hypothecariâ experitur, in loco rei sitæ, vel domicilii hæredis, in quantum nondum rei legatæ dominus est, jus tamen reale habet in rebus defuncti, etiam in re testatoris sibi legatâ, non item in rebus hæredis, vel ejus à quo legatum est relictum. l. 1. Cod. Comm. de leg. l. unic. Cod. ubi in rem actio. Rei vindicationem intentat, si quidem non ei electio, verum certum corpus, quod erat testatoris vel hæredis, non cujusdam tertii pure sit legatum, ut ponendi sint termini habiles. l. nemo. 54. D. de regul. juris. Et quidem rei vindicationem propterea habet, quia à die mortis testatoris censetur esse dominus, sic ut dominium rectâ viâ in eum transeat. l. 20. D. opt. legat. l. 64. in fin. D. de furt. l. 84. §. Stichum. D. Leg. 1. Id quod obtinet per juris subtilitatem & fictionem quandam, nam reverâ demum aditâ hæreditate pro domino habebitur, l. si nemo. 181. D. de regul. jur. sicuti possessionem demum nanciscitur per apprehensionem, & ideo actione in rem experitur. vid. Socinum regul. 221. & Sncidwin. ad §. si res legata. n. 2. in add. Personalem ex testamento actionem instituit legatarius, ubi res relicta est, nisi incertum quid relictum sit, vel ubi testator legatum præstari voluit. vid. l. 47. l. 108. D. Leg. 1. l. cum tres. D. Leg. 3. Menoch. 4. præf. 200. & 2. arbitr. 69. Et quidem personalem actionem intentat, in quantum jure gentium, quo dominia citra traditionem non transferuntur, adeoque reverâ citra juris subtilitatem, dominus non est. l. 20. Cod. de Pact. l. 47. l. si servus. 108. D. Leg. 1.

Quæ actio est rei persecutoria civilis quasi ex contractu, stricti juris, licet quantum attinet usuras & moram naturam bonæ fidei imitetur. §. 1. hic. §. 5. Instit. de oblig. quas. ex contr. l. qui solidum. 78. l. 87. §. 1. D. Leg. 2. l. 1. §. belliss. D. ut legat. nomine. l. minorum. in fin. Cod. in quibus caus. in integr. restit. necess. vid. Crispum de Monte de termin. actionum. n. 163. Sncidw. ad §. sed olim. n. 15. 18. 26. Instit. hic.

4. Verum rogaverit quispiam, qui legatarius tribus actionibus experiri valeat, cum se invicem evitent rei vindicatio & actio personalis ex testamento, quod illa detur domino, hæc non domino, nec quis uno eodemque tem-

tempore cēseri possit dominus & non dominus? *Resp.* Potest quis diversā consideratione & pro diversitate dominiū esse dominus & non dominus, prout antea fuit explicatum, sicuti in jure infrequens non est, ut una eademque res diversō jure censeatur. l. 5. D. quod cujusque univ. nomine. Ne dicam, quod actiones in rem & in personam exercitio quidem sint contrariæ, adeoque concursu una aliam tollat, non tamen origine. Sic ut legatarius pluribus quidem gaudeat actionibus, eligere tamen debeat quā experiri velit, & unā electā ad aliam forte regressus non detur. l. 76. §. pen. D. de Leg. 2. l. hujusmodi. 84. §. fin. D. Leg. 1. vid. Obrecht. disp. de concurs. action. Mynsing. 1. obs. 68.

§. 3.

1. *Differentia inter Legata & Fideicommissa proponitur.*
2. *Ea sublata jure posteriori.*

3. *Aliqua tamen in re & verbis superest differentia.*
4. *Objectiones remouetur.*

Sed non usque ad eam constitutionem standum esse. } Non contentus Imperator eā juris correctione, quā discrimen sultulit inter legatorum genera. l. 1. Cod. Comm. de leg. insuper necessarium duxit & propter astringentem inter legata & fideicommissa singularia, & ut evitetur multitudo, & ut favorabiliores essent ultimæ voluntates, legata fideicommissis ex æquare. §. 3. hic. l. 2. Cod. comm. de leg. & fideic. Olim enim inter ea multiplex erat differentia, sive originem, sive naturam, sive varios eorundem effectus consideremus. Illa enim juri civili adscribebantur, hæc juri gentium. Ut illa non nisi verbis Latinis fuerint relicta, hæc etiam Græcis. Et illa quidem verbis imperativis seu directis relinquebantur, hæc precariis seu inflexis. Illa strictius, hæc laxius, & pinguius accipiebantur, ut illorum minor, horum major esset favor. Illa non nisi ab hærede præstabantur, hæc etiam à legatario & fideicommissario. Illa tribus actionibus peti poterant, hæc postmodum non nisi actione personali. Illa relinquenda erant testamento, hæc etiam postquam codicilli fuere confirmati, ipsis codicillis. Illa post mortem hæredis non poterant relinqui, cum tamen post hæredis mortem fideicommittere potuerit. Illa nec ante hæredis institutionem relinquebantur, hæc relinqui in quâcumque testamenti parte non repugnabat. Illorum æstimatio si incapacibus essent relicta non præstabatur, horum nomine debebatur æstimatio, modo extrinsecus incapacitas supervenisset. Atque ita conciliabitur l. 49. D. de Leg. 2. quæ loquitur de legatis, cum l. 40. l. 114. D. Leg. 1. l. 11. §. 16. D. de Leg. 3. quæ agunt de fideicommissis. Plures qui cupiat differentias, is adeat Ulpian. in Fragm. tit. 24. 25. Alciat. 3. par. 1. Cujac. Parat. Cod. de fideic. Duaren. 2. disp. ann. 9.

Fffff 3

Ne-

2. *Neceſſarium eſſe duximus.*] Hodie legata fideicommiſſis ſingularibus & hæc illis ſunt exæquata, ſic ut in illis non ſit minus, in hiſce non plus quam in illis. Et quemadmodum jam laxa pinguis & favorabilis eſt legatorum natura, quod erat fideicommiſſorum, ita etiam firma eſt natura fideicommiſſorum, eaque creſcit per hoc quod amplius erat in legatis. Igitur hodiè legata relinqui poterunt codicillis ab inteſtato; nec tantum ab hærede, verum etiam à legatario præſtantur; & valent licet verbis imperativis ſint concepta, non aliter atque ſi præcariis relicta forent; & potius voluntatis, quam verborum habenda eſt ratio. Vice verſa, fideicommiſſa particularia tam neceſſario præſtantur atque legata; atque pro eorum confeſſione æque tres competunt actiones, atque pro legatorum perſecutione.

An igitur jure noviffimo inter legata & fideicommiſſa nulla ſupererit differentia? Id quidem inferre videtur textus noſter in §. 3. v. *ut nulla ſit inter ea differentia*, quæ tamen verba ſano ſenſu vel accipi. Nam certi juris eſt naturam legatorum & fideicommiſſorum, ſi accurate loquamur, confuſam non eſſe, quod ex confundi non potuerint, ne quidem per Imperatorem. Ut enim eſſentiz rerum Imperatori non ſubjiciuntur, ita nec eaſi mutare poterit, vel in alium ſtatum aut conditionem transformare. arg. §. 2. in fin. de uſufr. & in fin. tit. de leg. tut. Hinc conſequitur etiam novam eſſe legati aliam fideicommiſſi definitionem, ut quæ naturam & rationem formalem rei cujuſque explicat. Etiam jure novo legatum non eſſe fideicommiſſum, & fideicommiſſum non eſſe legatum. Sicut enim hoc ipſum efficere non potuit Imperator, ita nec voluit. arg. d. §. 2. de uſufr. quod legatum tantum exæquare voluerit fideicommiſſo, non idem facere cum eo, adeoque *ipſum* non *ipſum* affectaverit.

3. An igitur Imperator in verbis differentiam ſublataſi voluit, adeoque verborum fecit confuſionem? Neque hoc eſt dicendum, quod non idem ſonnet legatum & fideicommiſſum, neque directa verba eadem quæ præcaria, vel vice verſa. Præterquam quod Imperator non verbis ſed rebus leges imponere voluerit, neglectâ etiam verborum proprietate. l. 2. in princ. & in fin. Cod. Comm. de Legat.

Nec ſi contrarium voluiſſet Imperator id efficere potuiſſet, cum quæ vocabula valent uſu, & communi conſenſu ſunt recepta, ſolâ voluntate Imperatoris uſitata dici nequeant. Facilius enim peregrinum Romanâ donaverit civitate, quam vocabulum exoticum vel inuſitatum latinitate. Ut aliud nihil hic intenderit Imperator, quam ut intuitu variorum effectuum legata fideicommiſſis exæquaret, utque animum alterius vim obtineret reſpectu finis. Ita Imperator alibi ſe differentiam in ſexu ſuſtuliſſe ſtuit, tum ratione tutelarum legitimarum, tum ratione ſucceſſionis ab inſtato.

Nov.

Nov. 118. cap. 4. Nec tamen sexum fœmœcum voluit masculinum, vel cognatos esse agnatos, vel ut per virilem sexum juncti, per masculinum juncti censerentur.

Verum dixerit quispiam, si Ulpiani temporibus effectorum contemplatione legata fideicommissis sunt exæquata. l. 1. D. de Leg. 1. quid igitur novi introduxit Justinianus, si non hoc ipsum, quod nulla vel in rebus vel in verbis amplius sit differentia? Resp. Non quidem legata temporibus Ulpiani dicuntur *per omnia* esse exæquata fideicommissis, id est, ratione quartæ Falcidiæ & interdicti quod legatorum, uti censet Cujac. 8. obs. c. 4. Hæc enim responsione Ulpiani verba manifestè everterentur, quæ inferunt legata *per omnia* esse exæquata fideicommissis, & responsio est, *non per omnia*, quia tantum quoad interdictum quod legatorum, & deductionem quartæ Falcidiæ. Non etiam dici poterit legata quidem *per omnia* fideicommissis esse exæquata, non tamen *in omnibus*, ac si illud obtinuerit tempore Ulpiani, hoc constitutum sit per Justinianum. Quoniam nihil aliud intendit Imperator quam ut legata *per omnia* fideicommissis exæquantur, quod est *in omnibus* ea fuisse exæquata. Non insuper inferri poterit in d. l. 1. per omnia legata fideicommissis dici exæquata, supple à Justiniano, uti statuit Gothefr. in not. ad d. l. 1. quod Ulpianus, qui non vixit sub imperio Justiniani, hæc præfagire non potuerit. Ut non alia supersit responsio, quam quod Tribonianus responsum Ulpiani juri posteriori accommodaverit, adeoque quod ipsi non infuetum, aliquid de suo assuerit. vid. §. 4. Instit. de public. judic. l. 5. D. de codicill. vid. Alciat. in l. 1. de legat. 1. Govean. 2. var. lect. 29. 32. Cont. 1. disp. 1. Vacon. 4. declar. 57. Cujac. 10. obs. 38. Duaren. 2. disp. anniv. 9. Anton. August. 2. emend. ult. Rævard. 3. var. 4. Donell. 8. comm. 2. Mantic. 7. conject. 1. Merend. 4. contro. 46. Coraf. 5. Misc. 15. Fachin. 5. contr. 50. Bacchov. ad Treutl. disp. de legat. thes. 1. litt. H.

§. 4.

1. Res omnes legari possunt.
2. Quadam res, & facta legari non possunt.
3. Ubi Legatum rei prorsus est inutile, ibi ne quidem æstimatio debetur.
4. Casu quo statutum prohibet immo-

bilis legari, nec debetur æstimatio.

5. Idem quod in Feudo Legato obtinet.
6. Res alterius legari potest.
7. Quid obtineat Jure Canonum.

Non solum autem.] Explicatâ naturâ, definitione & divisione legati, 1. progreditur Imperator ad objectum, id est, ad rem quæ legari possit. Et quidem in genere præmittendum est, omne factum, quod licitum, omnem

omnem in super rem, sive ea sit nostra sive aliena, sive libera sive oppignorata, sive præsens sive futura, sive corporalis sive incorporalis, legari posse. Verbo, ea omnia, quæ præstari possunt, quæ legata intelligi possunt, utiliter relinquuntur.

2. Unde quæ præstari non possunt, quæ ita relicta, ut non intelligantur, quænam sint, quæ legata esse dicuntur, inutiliter relicta censentur.

Prioris generis, puta quæ præstari non possunt, vel res sunt, vel facta. Res quæ præstari non poterunt in triplici sunt differentiâ. Si non sint in rerum naturâ aut actu aut potestate; vel quia nunquam esse poterunt, quales sunt centaurus, hircocervus, Judæorum Leviathan; vel quia esse desierunt, qualis est servus defunctus. Si quæ res legatæ legatario nihil commodi vel emolumentum adferant, vel quia eidem debita, vel quia ante mortem testatoris ejus factæ, cum facti testamenti tempore essent alienæ, vel quia cum legarentur essent ejusdem. §. 14. 15. Instit. hic. §. 6. §. 10. *cod. l. 41. §. 1. D. Leg. 1.* Si quæ non sint in commercio, vel quia non sunt in commercio absolute, quales sunt res sacræ, sanctæ religiosæ, vel quia non sunt in commercio secundum quid. Quæ postremæ iterum vel ex se tales sunt, ut res publicæ, universitatis, Principis, &c. §. 4. hic. l. 39. §. fin. *D. Leg. 1.* etiam res hostium mobiles, quæ postliminio carent. l. 103. *D. de verb. obl. l. 9. 98. 104. §. 2. D. de Leg. 1.* Vel tales sunt ex accidenti, ut si legetur Judæo, vel hæretico, vel cæcicolæ in principium Christianum, cujus ille non habet commercium, propter aliquod delictum. l. 1. *Cod. ne manc. Christ. Ubi potissimum inspicitur, num aliquid sit in commercio legatarii, cum si tantum non sit in commercio hæredis, legatum utile sit futurum. l. 49. §. 3. D. de Leg. 2. junct. l. 34. D. de verb.* Sicuti in super non inutile legatum est futurum, in quantum ejus debetur æstimatione, si res sit in commercio, verum legatarius ejus commercium non habeat, propter corporis vitium vel aliam probabilem causam, nec ejus vitii vel conditionis testator fuerit ignarus. Ut si muto legetur militiæ cantor, cæco lector, claudus cursor, surdo silentiarii, vel servo militiæ quæ vendi potest. l. 40. l. si filius-familias. 114. §. si quis alicui. *D. de Leg. 1. l. fideicommissa. 11. §. si servo alieno. D. Leg. 1. vel etiam præsidi provinciæ relinquatur prædium provinciale cujus ille ratione potestatis commercium non habet. l. 62. D. contr. empt. l. 49. §. 2. 3. D. Leg. 2. vid. Mant. 9. conjectur. 8. 9. & seqq. Covarruv. ad cap. 5. num. 3. de Testament. Donell. 8. comment. 11. Pacium 6. ar. in nom. 6. Bronch. 3. enant. 46. Coppen 2. observat. 147. & seqq. Perz. Cod. de leg. num. 8. Althus. dicajol. 1. cap. 53. num. 26. Vel denique res quæ non sunt in commercio secundum quid, tales erunt ratione circumstantiarum vel aliter, ut columnæ, tigna, aliaque ædibus juncta, quæ de-*

detrahi turpe visum fuit Senatui, ne ruinis deformatetur civitas, vel ager; ut tamen velint reliquorum nomine deberi æstimationem. l. 41. §. 1. 2. 3. 4. D. Leg. 1.

Sequuntur facta, quæ præstari non possunt; quæ vel sunt illicita, vel inutilia, vel inæstimabilia, vel naturâ impossibilia. *Illicita* dicuntur, quæ fiunt contra leges, aut bonos mores; nam quæ licite fieri non possunt, ea nos facere non posse existimandum est. l. 112. §. pen. & ult. D. de Leg. 1. Eaque sunt in duplici differentiâ, vel ut quid faciat legatarius, vel ne quid faciat. Prioris generis sunt, si legatis ædibus jubeat testator legatarium ædes demoliri, & alteri vendere rudera, vel reliquias. l. 2. Cod. de Ædif. privat. Si aliquem rogaverit ut hæredem Titium sibi instituat. l. 114. §. ut quis. D. de Leg. 1. Ut sororem in uxorem ducat. §. 2. Instit. de nupt. ut ludos illicitos, ut cultum idololatricum celebret. Quo casu postremo, licet legatum spontatim præstari non debeat, in parilem tamen usum, id est, in aliud ludi genus, in cultum divinum licitum, convertendum erit. l. 16. D. de usu & usufr. legat. Posterioris generis sunt, puta ne quid faciat legatarius, si ei legatum relictum eâ lege, ne uxorem ducat, nè liberis alimenta præbeat. l. 62. §. 2. D. de Condit. & Demonstr. rit. D. de Alend. & agnosc. liber.

Inutilia dicuntur, quando testator vestes, vel alia supervacua in funus impendi vult, aut secum pretiosa sepeliri. l. 113. §. fin. D. Leg. 1. vel etiam quædam non expressâ causâ alienari vetat. l. 114. §. divi. D. de Leg. 1.

Inæstimabilia judicantur, quando quis rogatur filium suum emancipare, extraneum adoptare, precium liberi hominis vulnerati ratione vulneris, vel deformitatis assignare. d. l. 114. §. ut quis. in fin. l. 92. D. de Condit. & Demonstr. l. 41. §. ejus hæres. D. Leg. 3. l. ex hac lege. D. si quadr. pauper. feciss.

Impossibilia naturâ censentur, quando testator legat alicui navim, ut eâ per montes naviget, ut terram australem incognitam petat, vel mensis spatium terrarum orbem circumnaviget. Arg. l. 1. D. de condit. instit.

Set si talis res sit cui non est. Ubi rei legatum prorsus est inutile, ibi ne quidem ejus præstanda erit æstimatio. Aliter legatum omnino inutile dici non potuisset; quod effectu inspecto ferè nihil interfit, rem quis habeat, an ejus æstimationem. Arg. §. 4. & 10. Instit. hic. Si tamen res ejus sit conditionis, ut æstimatio legata videri potuerit, ea præstabitur legatario. l. 49. §. 1. D. Leg. 2. l. 11. §. 16. D. Leg. 3. vid. Menoch. 4. præf. 119. 120. n. 6. Mantic. 9. conject. 9. n. 9. Peregrin. de fideic. artic. 11. n. 78. Sand. 4. tit. 4. def. 4. Lyclam. 7. eclog. 32.

Quid ergo statuendum in casu quo statutum prohibet immobilia relinqui cænobio vel monasterio, seu manui mortuæ, citra impetrationem litterarum

Ggggg

amor-

amortizationis, an ne immobilium relictorum debetur æstimatio? Ita quidam velint, Arg. l. mortuo. 49. §. 1. D. Leg. 2. l. fidei commissum. 11. §. si servo. D. Leg. 3. Alii aliter sentiunt, (cum quibus & nos) si quando statutum habet clausulam irritantem actum in contrarium tendentem. arg. l. non dubium. Cod. de Leg. 1. 3. D. de his quæ pro non script. vid. Peck, de amortiz. tit. 9. in fin. Gail. 2. obs. 32. Wamef. consil. 459. Zoef. D. hic. n. 30. Perez. Cod. de incert. person. n. 4.

5. Quid si vassallus in iussu Senioris alicui extraneo, ad quem non jure pertinebat feudum legaverit, an ejus præstabitur æstimatio? Non videtur, Arg. l. 39. in fin. D. de Leg. 1. c. 1. in princ. de success. feud. c. 1. §. donare. qual. olim potuerit feud. alien. vid. Clarum §. feudum. q. 40. n. 4. Grassum §. legatum. q. 14. n. 22. Gail. 2. obs. 154. n. 13. Fach. 5. contr. 37. Vultej. 1. feudor. 9. n. 72. Sand. 4. decis. 4. def. 4. Bronchorst 2. miscell. 97. Hœnon. disp. 10. Instit. n. 24. Gregor. Tholos. Synt. jur. libr. 42. c. 38. n. 32. Christin. vol. 6. decis. 28. Vinn. ad hunc §. 4. diss. Johann. Fab. in §. non solum. Instit. hic. Mantic. 9. conj. 12. n. 8. Bacchov. ad Treutl. disp. 13. vol. 2. thes. 5. Quod forte illorum moribus congruum, apud quos feuda ad instar patrimonialium alienari possunt. Gregor. Tholos. loc. cit. Tulden. tit. Cod. hic. n. 9.

6. *Quod autem diximus.* Res quæ legatur vel est testatoris, vel alterius: Quæ alterius, vel est legatarii vel hæredis, vel cujusdam tertii. Hæc potestrema, licet ista & illa etiam possit dici aliena, in quantum non est testatoris, peculiari appellatione rei alienæ nomine venit. §. 4. hic. Eaque vel aliena erat facti testamenti tempore, vel etiam tempore mortis testatoris. De quo casu posteriori agitur §. 4. hoc tit. adhibita distinctione sciverit an ignoraverit testator rem alienam esse. Nam si scivit, (quod per legatarium probabitur, §. 4. hic. l. verius. D. de probat.) rei alienæ legatum valet, sic ut eam redimere justo pretio cogatur hæres. Quam si dividere recuset dominus, aut iniquo pretio dividere velit, legatario veram æstimationem præstabit hæres, §. 4. hic. l. 14. §. fin. D. de Leg. 3. judicis arbitrio determinandam si super eâ re contentio. l. alieno. 3. §. fin. v. fin. autem. D. de fideic. libert. Idem quod obinet si res dotalis à marito alicui sit legata; quæ licet alienari non potuerit simpliciter. l. 1. & seq. D. de fund. dot. si tamen fuerit legata, ejus debetur æstimatio. l. 1. & seq. D. de fund. dot. Alex. Jafon. in l. cum servus. §. constat, D. Leg. 1. Quod etiam applicandum est rei minoris quæ legata est, secundum Grassum §. legatum. q. 14. n. 17. Covarr. in c. filius noster. n. 5. de Testam. Casus tamen singularis est in l. 20. Cod. hic. ubi non debebatur rei legatæ æstimatio, quod mulier ejus proprietatem legare poterat. Perez. Cod. hoc tit. n. 13. Idem quod di-

dicendum est si res aliena legata præstita sit ab hærede, sed evicta. Nisi testator non aliud jus legare voluerit, quam quod super illâ re habuit. vid. l. si domus. 71. §. fin. D. Leg. 1. l. si res. 57. D. eod. l. 77. §. 8. D. Leg. 2. Sneiderw. ad §. 4. 5. hic.

Quod si testator ignoraverit rem esse alienam, inutile erit legatum. Quoniam præsumendum est, eum si scivisset rem esse alienam, legatum non fuisse. §. 4. hic. Sunt enim magis in legandis rebus suis, quam in alienis comparandis, & onerandis hæredibus faciliores voluntates. l. 67. §. si rem tuam. D. Leg. 2. Nisi tamen proximæ personæ, vel consanguineo remotiori eam reliquerit testator, quo casu prior cessat præsumptio, & assumitur contraria. Quia verisimile est propter affectum, testatorem licet rem alienam esse scivisset, eam nihilominus legatum fuisse legatario. l. 10. Cod. hic. Vel nisi extraneo testator quid legaverit propter bene merita: quoniam & hic præsumendum est testatorem, licet alienam scivisset, nihilominus rem legatum fuisse. Sicuti & in casu l. Paulus. 39. in princ. D. fideic. libert. vid. Tiraq. de Priv. piz causæ. c. 66. Gomef. 1. resol. 12. num. 13. Fabr. in Cod. libr. 6. tit. 18. def. 21. Menoch. 2. arbitr. 146. Sneiderw. ad §. non solum. n. 14. 15. hic.

Quid si testator rem communem legaverit, eam ignorans esse communem? Non nisi in partem dimidiam legatum sustinebitur. Arg. l. 10. Cod. hic. ibique Bartol.

Quid si communem sciverit eamque simpliciter legaverit? In dubio ea sumenda erit interpretatio, quâ adhibitâ minimè gravatur hæres. Quod si nominatim dixerit se totum fundum legare, etiam totus debebitur, vel partitio non fuit æstimatio. Arg. l. 68. in princ. D. Leg. 3. vid. plura huc facientia apud Grass. §. legatum. q. 14. Gomef. 1. varior. 12.

JURE CANONICO.

De jure canonum, quæritur, num res aliena legari possit? Plerique tenent rei alienæ legatum non valere, per c. 5. de testam. gloss. in l. cum alienam. Cod. de leg. ubi Jason, Alexander, aliiq. apud Covarr. in c. filius noster. n. 6. de Testam. Verum cum ibi tantum præcipiatur, ne quis rem alienam legatam vindicet, apprehendat, detineat invito domino, ut qui non cogitur rem suam alienare, dicendum erit leges à canonibus non dissentire: sic ut jam de jure canonico atque civili rei alienæ legatum valeat, & præstanda sit ejus æstimatio, si eam dominus alienare noluerit. c. si episcopus. 11. q. 5. Covarr. ad c. 5. Vasquez de success. p. 1. §. 21. n. 4. Zoef. D. hoc tit. n. 23. 24. vid. Fortunatum Garfiam de ultim. sine juris civil. & can. pag. 140. & seq.

Neque obstat. verba finalia d. can. 5. ubi Pontifex post verba: si auctor

ejus rem legaverit alienam, subjungit : *sed quia lege Dei vivimus*. Neque enim hæc verba referenda ad priora, quasi esset contra legem Dei rem alienam legare, verum ad subjectam decisionem : *valde mihi videtur injustum* &c. Ubi agitur de iniquo rei ecclesiæ legatæ detentore ; qui casus nihil facit ad regulam nostram. Ut in judicando præcipientes nimium videantur illi, nec satis textum juris canonici expendisse, qui cum in ipsâ luce cæcutiant, Pontificem jus Romanum non satis intellexisse audacter asserunt.

§. 5.

Res obligata recte legatur, & quis eam luat, explicatur.

S*ed & si rem obligatam.*] Non tantum res libera, verum etiam alteri oppignorata legari poterit ; nec tamen indistinctè. Aut enim res oppignorata alterius est, aut ipsius testatoris. Si fuerit alterius, quæ in ante dictis adhibita fuit distinctio, sciverit an ignoraverit testator eam esse alienam, erit adhibenda. Quod si fuerit testatoris, aut eam oppignoratam scivit, aut alienavit. Si ignoraverit, non eam luet hæres, nisi proximo fuerit legata. Arg. d. l. 10. Cod. hic. Si sciverit, hæres eam luere debet, id est, jus pignoris vel hypothecæ dissolvere, remque liberam legatario præstare, nisi vel contrarium expresserit testator, vel ex conjecturatâ mente defuncti id colligi potuerit. Idem quod dicendum de moribus si reditus est re legatâ perpetuo sit debitus, vel non redimibilis. vid. l. 39. §. 5. D. de Leg. 1. l. 69. §. 3. D. eod. Johan. Fabrum ad §. 5. hic. Vinnium ibid. Neost. decis. 11. in fin.

§. 6.

1. *Rei quæ facta est Legatarii Legatum valet.*

2. *Eadem quantitas multoties relicta, forte non nisi semel debebitur.*

1. **S***i res aliena legata fuerit*] Dixi de re alienâ, quæ etiam erat aliena tempore mortis testatoris. Ea etiam aliena dicitur, quæ vivo testatore facta est legatarii ; de quo legato non eadem, quæ de superiori legato sunt statuenda. Nam si facta sit legatarii ex causa lucrativâ, puta donationis, inutile erit legatum. §. 6. hic.

Nisi tamen servo legatarii res fuerit donata, quo casu legatum sustinebitur. l. si servus. 108. §. 1. D. de Leg. 1.

Vel constet ex indicis testatorem legatum ampliare voluisse. l. 53. §. 2. D. Leg. 1. l. 42. in fin. D. de Ufusu.

Vel una res duobus testamentis, sive unius sive duorum testatorum, sit relicta. Nam si primum ex uno testamento rei æstimationem fueritactus, ex altero testamento rem consequi poterit. §. 6. hic. l. 34. §. 2. l. 108. §. Stichum. D. Leg. 1. Interest enim legatarii rem potius habere, quam ejusdem

dem æstimationem; quod in illam non hanc cadat affectus. Sic ut in notis cum Theophil. hic. labatur Crispin. qui statuit d. §. 6. tantum accipiendum esse de testamentis diversorum testatorum.

Neque hisce obstat. l. 84. §. 2. D. Leg. 1. quod casus ibidem expressus sit singularis. vid. tamen Mantic. 9. conj. 9. Pacium 6. antin. 7.

Vel legatarius aut rem sibi legatam, aut aliquid ejus loco, alteri restituere vel dare fuerit jussus. l. 34. §. quod si rem. D. Leg. 1. l. 108. §. sed si cum mihi. D. Leg. 1. Cessat enim ante tradita regula, si effectum legati intueamur: quod rem non habere dicatur, qui eam restituere rogatus est. l. 51. D. de Reg. jur. l. 71. D. de verb. signif. vel à quo res avocabitur. l. 82. §. 1. D. Leg. 1.

Vel res in genere alicui sit legata, eo quod regula ad rem in specie relictam sit applicanda. §. 6. hic.

Quod si res legata facta sit legatarii ex causâ onerosâ, puta emptionis, vel permutationis, conditione ex testamento ejus pretium consequi poterit. Ei enim res abesse videtur, cui pretium abest. l. 45. §. 1. D. Leg. 2. l. 14. D. verb. signif. l. 34. D. Leg. 2. vid. Fachin. 10. contr. 52. Gomel. 1. Resol. 12. Sand. 4. decis. 4. det. 12. Wissenb. disp. P. 2. vol. 2. n. 7.

Quid si res facta legatarii ab eodem vivo testatore fuerit alienata? Et si in contractibus quod negotium semel factum irritum non convalesceret. l. 17. D. oblig. & action. l. 83. §. 6. D. de verb. oblig. Quia tamen ultimæ voluntates sustinentur, quando res ad eum casum devenit, à quo potest incipere. Et nondum actio nata dicitur, quamdiu superstes est testator. Sequetur, legatum ita relictum in casu proposito convalescere.

Quid si quantitas ab eodem testatore multoties alicui sit legata? Non nisi semel debetur, nisi legatarius probaverit testatorem summam duplicare voluisse. Hæc ergo voluntatis erit quæstio, quæ ex conjecturis, habitâ ratione dignitatis, affectionis, &c. erit æstimanda. l. 34. §. 3. & seq. D. Leg. 1. vid. Menoch. 4. præf. 128.

§. 7.

Quod non est, legari quandoque potest.

EA quoque res.] Quæ non sunt in rerum naturâ, in multiplici sunt differentiâ. Vel enim non sunt, & esse non possunt, ut quæ esse desierunt, & quæ repugnant, abusivè res appellatæ, quod essentiam non habent vel possibilem vel actualem. Vel non quidem de facto sunt, esse tamen poterunt, quales sunt res futuræ, vel quæ futuræ sperantur, ut fructus in fundo nascituri, & is qui in utero est. l. 1. in fin. D. de condit. & demonstr. Illarum legatum est prorsus inutile, sicuti in superioribus fuit indica-

tum. Harum non item, licet jure antiquo non nisi per damnationem tale legatum relinqui potuerit. Cajus 2. Instit. tit. de leg. §. 3. Et quamvis talium rerum legato insit conditio, si futurae sint, d. l. 1. in fin. non tamen ea conditio legatum quoad transmissionem faciet conditionale. l. 99. D. de cond. & demonstr. Defuncto enim legatario, fructibus nondum natis, vel eo qui in utero est nondum edito, nihilominus ejus heredibus, quod quondam existeret, debetur.

Dixi legatum ratione transmissionis conditionale non esse, erit tamen conditionale intuitu dispositionis, obligationis & actionis. Cum legatum tum demum debebatur, & petatur, cum quid fuerit natum, vel editum. d. l. 1. §. fin. D. de cond. & demonstr. Unde si tantum quantum legatum est in fundo fuerit natum, tantumdem debetur, si minus, etiam minus, si nihil, etiam nihil consequetur legatarius. l. 25. §. 1. D. quod. dies leg. ced. junct. l. 6. §. 1. D. eod. l. 73. D. de verb. oblig. l. 8. §. 2. D. Leg. 2. l. 5. D. Trinitic. leg. Si tamen non taxationis, sed demonstrationis gratia fundus sit adjectus, quae legata est quantitas debetur, licet minus, vel nihil in fundo fuerit natum. Vel non semel, sed quotannis certa quantitas adjecto fundo sit relicta, quo casu ex fructibus, vel ubertate anni subsequenter supplebitur praecedentis anni sterilitas. d. l. 5. junct. l. 27. §. fin. D. Leg. 3. l. 12. D. de Aliment. legat.

§. 8.

1. Eadem res duobus legari potest.

2. Explicatur Jus adcrefcendi.

3. Quod Moribus cessat.

1. **S**i eadem res duobus legata sit.] Non tantum una res uni, sed etiam una res pluribus legari poterit. Neque casus habebat difficultatem, si ambo perveniant ad legatum & maneant collegatarii. Verum dubium erat maximum in casu quo vel alter cum altero non concurreret, vel concurreret quidem in principio, sed postmodum concurrere desineret. Quod ut sit manifestum, sequentibus distinctionibus negotium omne expediam. Aut quis non concurrat, quia in rerum natura non erat, cum fieret testamentum. Et olim, & hodie totum legatum ad collegatarium pertinet. l. unic. §. 3. Cod. de caduc. toll. Aut est in rerum natura, sed omnino est incapax, puta quia deportatus, vel servus poenae effectus, & idem dicendum. Aut incapax est factus, forte quia caelebs, & perinde habebatur jure veteri, ac si partem suam accepisset. l. 34. §. 9. D. Leg. 1. nec totum ad collegatarium pertinebat. d. l. jure novo collegatario adcrefcit. d. l. unic. Aut repudiat legatum vivo testatore, & totum itidem adcrefcit collegatario. §. 8. hic. Aut deficit quocumque modo post obitum testatoris, ante cessum legati diem,

diem, & totum ad collegatarium pertinet. §. 8. hic. d. l. unic. Aut deficit postquam legati dies cessit, nec ejus portio adcreſcet collegatario, si de legato loquamur proprietatis, verum ad hæredem deficientis pertinebit. d. l. unic. Secus quam obtinet in legato usufructus, ubi deficientis portio in omnem eventum usufructuario adcreſcet, licet suam portionem amisisset. l. 33. in fin. D. de Usufr.

Non aliter tamen accretioni locus erit, quam si conjuncti sint à testatore, quibus una eademque res est legata: quoniam tum demum locus est præsumptioni, voluntatis, quæ in legato (sicuti lex in hæreditate) jus adcreſcendi introducit; quasi testator voluerit potius collegatarium rem in solidum habere, quam hæredem.

Non tamen inter quomodocumque conjunctos jus adcreſcendi admissum est. Vel enim conjuncti sunt re & verbis simul, quando singulis unâ eademque oratione una eademque res in solidum est legata, veluti: *Titio & Sejo, hominem Stichum do, lego.* Qui in §. 8. hoc tit. appellantur *conjuncti*, simpliciter, ut & in l. 1. D. de usufr. adcreſc. & l. unic. Cod. cad. toll. Vel re conjuncti sunt, non verbis, quando singulis una eademque res in solidum est relicta, verum diversis orationibus, seu duabus enunciationibus, veluti: *Titio hominem Stichum do, lego: Sejo eundem hominem Stichum do, lego.* Qui hoc §. 8. appellantur, *disjuncti*. & in l. 89. D. Leg. 3. l. 142. D. verb. signif.

Inter quos omnes locus est juri adcreſcendi, quod aliquâ ratione singuli solidum ab initio habuerint. Ut videatur testator ad casum deficientis respexisse, quo intuitu singuli solidum habere videntur, & propterea gaudere jure non decreſcendi; ut tamen concursu partes faciant, quem casum respiciendo testator, singulos partes habere voluit. §. 8. hic. Quo nomine jure adcreſcendi gaudere dicuntur. Vel denique sunt conjuncti verbis tantum, quibus una eademque res, sed pro partibus unâ oratione relicta est, veluti: *Titio & Sejo fundum Tusculanum ex æquis partibus do, lego.* De quibus personis conjunctis in hoc §. 8. nulla facta mentio, forte propterea, quod inter eosdem jus adcreſcendi cesset. Neque enim ibi locum habet jus adcreſcendi, ubi partes ab initio per testatorem sunt assignatæ. l. 3. in princ. l. pen. D. de Usufr. adcreſc. Id quod iis accidit, qui verbis tantum sunt conjuncti, cessante præsumptâ mente testatoris, quæ jus adcreſcendi in legatis, lege præsumptionem adjuvante, introduxit. Secus quam obtinet in hæredibus pluribus, ubi licet singulis assignata sit quæta, nihilominus jus adcreſcendi admittitur. l. 59. §. cum quis. l. 63. D. Hæred. instit.

Non obſt. quod partes quidem habeant ab initio, sed pro indiviso: cum nihil interſit quales habeant partes, modo eas habeant: quod cui pro indiviso

rifo pars est assignata, concursu partem non faciat, quam & ante concursum habuit. Nec solidum ante concursum habere sit dicendus, cui pro indiviso per dispositionem evidentem testatoris pars est assignata. d. l. 3. in princ. l. 34. §. si conjunctim. D. Leg. 1.

Non itidem obstat. l. unic. §. his ita. Cod. de caduc. toll. ubi verbis conjunctis jus adcrendi tribuitur. Quoniam ibi per conjunctos non intelliguntur ii, qui verbis tantum, sed qui re & verbis simul.

Non insuper obstat. l. 41. in princ. D. Leg. 2. l. 89. in fin. D. Leg. 3. ubi verbis conjuncti re conjunctis præferuntur. Quia quando verbis conjuncti cum re conjunctis concurrunt, præferuntur re conjunctis, quod per accessionem fiant conjuncti re & verbis, ex præsumptâ mente testatoris. Sicuri in obscurâ voluntate testatoris, quandoque admittuntur. l. si ita. 66. D. hæc. inflit. Cujac. 15. obs. 4. & 24. obs. 34. Anton. Faber 6. conj. 1. & de error. pragmat. decad. 49. error. 4. §. 6. Swanenb. de jure adcrendi. p. 59. diff. Grass. §. jus adcrendi. q. 8. n. 4. Duaren. de jure adcrendi. l. cap. 10. Donnell. 7. comm. 13. Gœdd. ad l. triplici. 142. D. verb. signif. n. 10.

Non denique obstat l. 16. §. 2. D. Leg. 1. ubi cui virilis portio erat assignata, nihilominus totum vindicat, altero deficiente. Quoniam in d. l. est casus specialis, quo Titio & posthumis legatum est relictum. Ut testator licet viriles partes expresserit eâ tamen sit voluntate, ne aliter velit postumos facere partem, quam si nascantur.

Dixi jus adcrendi tantum obtinere inter conjunctos re & verbis simul, & inter conjunctos re tantum. Aliter tamen paulo in illis atque in hisce jus adcrendi locum habet. Conjunctis enim re & verbis simul pars vacans non nisi volentibus accedit, & quidem cum onere. l. unic. §. ubi autem. Cod. de caduc. toll. Conjunctis autem re tantum pars vacans adcrendi invitis, & quidem sine onere. d. §. ubi autem. in fin. Ulterius illi, si conjunctorum plures sint, & deficiat unus, præferuntur re conjunctis tantum, non hi istis. Atque hæc ita obtinent, si spectemus jus adcrendi ratione rei id est proprietatis legata, nam paulo aliter hæc explicanda forent inspecto usufructus legato. Ibi enim portio adcrendi portioni; hic adcrendi personæ, licet suam portionem amiserit. Ibi jus adcrendi, est jus retinendæ partis ejus, ad quam quis non concurrat; hic etiam est jus nanciscendæ partis ejus ad quam quis concurrat, sed concurrere desit.

Olim etiam aliter atque aliter jus adcrendi obtinebat. Nam si res esset disjunctim duobus legata, id est, re tantum conjunctis, singulis in solidum debebatur, sic ut altero præoccupante alteri ad æstimationem actio competere. Conjunctim re legata, id est, re & verbis simul, concursu partes habebant, citra concursum quandoque jus adcrendi admittebatur, quandoque

excluebatur. Insuper in legato damnationis, deficiens portio ejus remanebat à quo legatum erat, quasi hæres divisim singulis damnatus esset dare. In legato vindicationis solidum sibi vindicabat legatarius, sic ut juri ad crescenti locus esset.

Atque si ad hæc attendamus dissona responsa jurisconsultorum in Pandectas relata, idque ne quid antiquitatis lateret, conciliari poterunt. vid. Cajum, Ulpian. in Instit. hic. Alciat. 4. Parad. c. 8. 9. Zas. libr. singul. respons. c. 18. Forcat. in nœcyomant. dial. 59. Duaren. de jure ad cresc. Swanenburg. de jure ad cresc.

M O R I B U S.

Quoniam de moribus non curamus Romani juris subtilitates, eapropter 3. jus ad crescenti, quod in hæreditariis portionibus, non ex verisimili testatoris voluntate, sed ex legis potestate originem habet, ne forte quispiam pro parte testatus, & pro parte intestatus discederet, sublatum est. Ut tamen quid probabiliter senserit testator, adeoque quid conjecturâ voluntatis eum sensisse sit credibile, respiciatur. Grot. Gudel. Christin. Vinnius alii que apud Groenw. ad §. 9. Instit. de Hæred. instituend. Anton. Matth. disp. fin. de success. n. 77. ego ad tit. Instit. eod.

§. 9.

Fundi proprietas sola legari potest, & quid obtineat illo casu?

S*I cui fundus alicujus legatus sit.*] Explicui ad §. 6. casum illum quo res aliena alicui erat legata, ejusque rei dominium vivo testatore ad legatarium translatum. Hic quaeritur quid dicendum in casu, quo legatarius fundi legati proprietatem deducto usufructu emerit à tertio, & vel morte legantis, vel ex quacumque aliâ causâ lucrativâ, ejus fundi usufructus, qui ipsi non erat legatus ad eum pervenerit? Et responsum est à Juliano legatarium fundum sibi legatum rectè petere, id est, uti existimat Pacius in notis, Theophilum secutus, fundi æstimationem. Nam si quis rem habeat ex causâ onerosâ, is nihilominus rei pretium consequi potest. §. 6. hic.

Verum dixerit quispiam non commodè legatarius fundi petet æstimationem, quod fundus & proprietate & usufructu constet, nec tamen utriusque petenda sit æstimatio. *Resp.* Licet fundus constet duobus, & proprietate, & commoditate, quam ex suâ re percipit dominus, quem usum fructum causalem appellant: prout tamen usufructus accipitur pro servitutis personalis specie, secundum quam nemini res sua servit, usufructus pars fundi non erit, nec eo fundus constabit. l. 25. D. verb. signif.

Sic ut qui fundum petit, servitutem usufructus non petat; quæ etiam ab usufructuario ad eum non perveniet, verum cum personâ extinguetur.

H h h h h

Eum

Eum tamen usufructum legatarius petet de rigore juris, qui pars est proprietatis, quem causalem appellant, adeoque ejusdem æstimationem.

Verum ita obstat Juliani sententia, dum inquit, *usufructum in petitione servitutis locum obtinere*. Quasi dicat, eum qui petit fundi æstimationem, etiam usufructum ut servitutem petere possit. *Resp.* Forte ideo Julianus usufructus ut servitutis petitionem concessit, quod legatarius non videatur habere proprietatem fundi, ut quæ illi adest ex causâ onerosâ, sic ut abesse videatur. l. labeo. 34. D. de verb. signif.

Licet ex æquo & bono legatario tantum adjudicetur proprietatis, non usufructus æstimatio. Nisi quis malit hunc meum sensum amplecti, *reliquit legatarium fundum petere*, id est, & æstimationem proprietatis, & usufructus, qui cum eâ est conjunctus, nec servitutis venit nomine. l. 5. D. Si usufr. petat. l. 25. D. de Servit. urban. Ejus tamen usufructus æstimationem, qui à proprietate separatus est, peti non possit; *quod talis usufructus in petitione servitutis locum obtineat*. §. 9. hic. Et tamen quia legatarius semel usufructum, quem appellant causalem, quæque pars fundi est, effectum saltem inspecto accepit, judicis officio interveniente, proprietatis tantum non itidem illius usufructus æstimatio ei præstabitur: quod duæ causæ lucrativæ concurrere nequeant. §. 6. hic. vid. Mantic. 9. conj. 9. Lyclam. 6. membran. 2.

§. 10.

Res Legatarii quandoque ei legari potest.

Sed si rem legatarii.] Legata quandoque esse inutilia, quod nihil commo-
di legatario adferant, in antecessum explicui. Tale est etiam legatum,
quando ea res quæ legatarii est, eidem legatur. §. 10. hic. l. proprias.
Cod. eod. Nam quod meum est, amplius meum fieri nequit. Et quamquam
ex pluribus causis idem nobis quandoque debeat, non tamen ex pluribus
causis idem nostrum esse potest. l. 3. §. ex pluribus. D. de adquir. possess. l.
159. D. de regul. jur. idque propterea ne bis idem possidere videamur.
Quod in tantum etiam procedit, ut licet ex post facto nostrum esse desierit,
non tamen vel res, vel æstimatio debeat. l. 39. l. 40. §. Si Titius. l. 41.
§. tractari. D. de Leg. 1. l. 13. Cod. de Leg. vid. Lyclam. 7. eclog. 6. Quod
enim ab initio non substituit, ex post facto convalescere non potest. l. 1. D.
de regul. Caton.

Si tamen res nostra nobis legata sit onerata, in tantum utile erit legatum,
in quantum res ab onere liberabitur. l. 71. §. pen. D. Leg. 1. l. si tibi ho-
mo. 86. in princ. & §. fin. D. cod.

Neque obstat l. 66. §. pen. D. de Leg. 2. Quæ vel summum jus con-
tine-

tinebit, vel emendationem aliquam admittet. Cujac. 5. ad African. in l. 35. de vulg. substit. & quæst. Papin. l. 17. in d. l. 66.

Insupèr si res nostra sub conditione nobis sit legata, sustinebitur legatum; quod in legato conditionali regula Catoniana cesset. l. 98. D. de Condit. & Demonstr. l. 1. 3. 4. D. de regul. Caton. Vel si res legatarii aliquo jure à legatario avelli possit. l. non quocumque. 84. in princ. D. Leg. 1. Forte sustinebitur etiam legatum in casu l. 1. in fin. D. de reg. Caton. Nisi quispiam statuat legatum ibidem sub conditione relictum esse. Gothfr. ad d. l. in not.

§. II.

1. Veritas opinioni præfertur.

2. Non semper tamen.

Si quis rem suam quasi alienam legaverit.] Licet rem alienam non recte 1. leget testator, dum eam putabat esse suam. §. 4. hic. si tamen rem suam leget, dum eam alienam existimabat, legatum valebit. Plus enim hic valet quod est in veritate, quam quod in opinione consistit. §. 11. hic. l. pen. §. qui ignoravit. D. de juris & fact. ignor. Quod tum maximè locum habet, cum in veritate non deficit voluntas. l. 4. §. quoties. de man. vind.

Secus quam obtinet in iis, quæ ab animo potissimum æstimantur, ubi 2. plus valet quod est in opinione, quam quod est in rei veritate. Ita cum quis putaret se necessarium esse hæredem, cum esset voluntarius, hæreditatem repudiare non poterit. l. 15. D. de adquir. hæ. l. 23. D. eod. Etiam cum à pupillo emeret, quem puberem esse credebatur, ex æquo & bono eam rem usucapiet. l. 2. §. 15. D. pro emptor. Insupèr cum quis se invito servi domino per eundem servum rem domino recipere existimaret, furtum committere dicitur, licet inspecto eventu furtum non faciat. §. 8. Instit. de oblig. quæ ex delict.

Idem quod obtinet in actibus inter vivos, ubi quo animo, quâ intentione quid fiat, apprime advertendum est. Unde si rem meam tibi tradam quasi tuam, dominium in te non transferetur. l. 3. §. 8. D. condict. caus. data. Vicissim si rem tibi tradam eo animo ut te faciam dominum, licet errem in causâ, nihilominus dominium erit translatum. l. 36. D. de adquir. domin. Non aliter atque in delictis observatur, ubi voluntas ea distinguit, & potissimum dominatur animus seu affectus. l. 53. in princ. D. de furt. l. 1. §. divus Hadrian. D. ad l. Cornel. de sicariis.

Quid si testator rem alienam, quam legatarii existimabat legaverit? Legatum sustinebitur. An quia hic minus est in opinione, quam in rei veritate? An quia non repugnat voluntatem sortiri effectum? Hocque agendum, ut voluntas magis valeat, quam ut pereat? §. 11. hic. l. 12. D. de rebus dub. Ita forte dicendum erit, non obstante §. 10. hoc tit. ubi jure lega-

H h h h h 2

tum

tum non valebat, quod res legata esset legatarii, cum in casu proposito non sit legatarii, licet ejus esse putetur. Ut favore ultimæ voluntatis, quæ conservanda quoad fieri potest, in hoc casu tantum non operetur opinio, quantum ipsa veritas. vid. Nicolaum de Passer. in concil. p. mihi 459.

§. 12.

Legatum debetur, nisi fuerit ademptum.

Si rem suam legaverit testator.] Si rem alienam testator legasset, adhibita distinctione legatum valebat. §. 4. hic. si suam, indistinctè legatum sustinebatur; nec intererat sciverit eam esse suam, an alienam esse putaverit. §. 11. hic. Et quidem eo usque legatum valebat, donec à testatore fuisset revocatum vel ademptum; quod quomodo tacite fiat, §. 12. explicatur. Vel enim testator rem legatam postmodum dedit pignori, hypothecæ supposuit, vel eandem alienavit. Priori casu, legatum ademptum non erit, (licet aliter pignoris datio alienationis nomine contineatur. l. fin. Cod. de rebus alien. non alien.) Verum hæres suis sumptibus petente legatario rem legatam luet. §. 12. hic. Arg. l. 1. §. cum prædium. D. de pignor. Posteriori casu, si alienaverit rem legatam, sive ejusdem partem, non adimendi animo, integrum legatum nihilominus legatario debetur. Quod si animo adimendi res legata in totum sit alienata, nihil debetur, si pro parte, ea pars quæ non est alienata, adhuc debetur. §. 12. hic. Tum vero adimendi animo res legata censetur alienata, cum eam testator spontè, nullâ cogente necessitate distraxit, vel in alium translulit, vel etiam donavit. Nec si eam redimat testator, legatum, quod semel extinctum erat, convalescer. l. 15. D. de adim. legat. nisi contrariam voluntatem legatarius ex judiciis vel aliter probare potuerit. l. 27. §. 3. D. de instr. leg. l. si fideicommissa. §. si rem. D. de Leg. 3. Bartol. ibid. Quod si testator cogente necessitate rem legatam alienaverit, quia vel res deficit familiaris, vel res legata erat peritura, legatum non præsumetur ademptum. l. rem legatam. D. de adim. legat. Et hæc quidem obtinent si res in specie sit relicta; nam si quantitas fuerit legata, & pro eâ quid emptum fuerit à testatore, legatum non erit extinctum, verum ex re emptâ præstabitur. l. pater. D. de adim. legat.

Quid si nomen debitoris sit legatum? Si id ipsam testator exegerit, ademptum videbitur. Bartol. in l. rem legatam. D. de adim. legat.

§. 13.

- | | |
|--------------------------------------|---------------------------------|
| 1. Liberatio legari potest debitori. | 3. Moribus qui legatur debitum. |
| 2. Non actio in rem. | |

S*I quis debitori suo.*] Non solummodo corpus legari potest, verum etiam ^{1.} *ius*; quæ ratione liberatio debitori legari dicitur, & quidem utiliter, modo cum effectu sit debitor, nec perpetuâ exceptione tutus. l. 13. D. de lib. legat.

Neque obstat, quod debitum creditori, adhuc sit in dominio debitoris, sic ut ei legari non possit. l. 1. D. eod. Quoniam non tam à creditore testatore debitoris res sua legatur, quam res testatoris: quoniam debitum, effectu inspecto, *res* alienum appellamus. §. fin. Instit. ad l. Falcid. Præterquam quod non tam res debita, quæ in debitoris est dominio, legetur, quam liberatio, quæ debitoris non erat, ut quæ tantum remissionem debiti contineret. Cujus legati hic est effectus, ut si vel partis debiti, vel totius sit remissio, nec pars, nec totum à legatario exigatur, saltem non cum effectu. Et non tantum ab illo non exigatur, sed nec ab ejus hærede nec fidejussore. §. 13. hic. l. 2. D. de lib. leg. Nisi tamen liberatio sit personalis, puta ne à debitore tantum petatur; quo casu ab ejus hærede rectè exigetur. l. 7. §. fin. l. 15. l. 20. D. de liber. legat. non autem à fidejussore. d. l. 2. Vel nisi tantummodo ad certum tempus dilata sit petitio, quo elapso debitum peti poterit. §. 13. hic.

Est & alius effectus hujus legati, quod debitor petenti hæredi non tantum obijciat exceptionem, sicque ejus elidat intentionem, verum etiam eundem liberationem differentem, actione ex testamento conveniat, quo acceptilatione liberetur. §. 13. hic. l. 25. in princ. D. de liber. leg. Id quod procedit, sive testator hæredem suum jussit, ut debitorem liberaret, sive prohibuerit, ne exigeret, sive debitori simpliciter debitum remiserit, chirographum reddi voluerit. l. 3. §. 1. D. eod. d. l. 25. gloss. hic. Aliud dicendum, si testator rem debitoris sibi pignori datam debitori reddi jussit. Non enim remissum erit debitum, verum pignoris nexus erit solutus. l. 1. D. de liber. legat. Ratio diversitatis est, quod reddito chirographo non alius possit effectus redditionis concipi præter liberationem. Verum pignore reddito, alius est effectus, quam debiti liberatio; sic ut exitum nihilominus voluntas defuncti sit habitura, nec futura inutilis. vid. Mantica. 9. de conj. 8.

Verum an quemadmodum ab actione in personam liberatur debitor, cui ^{2.} legata est liberatio, ita etiam ab actione in rem, quæ testatori tenebatur, liberari poterit? Non videtur, cum cui liberatio legatur, ei legari dicatur quod debet, id est, cujus ipse est dominus. Id quod de re aliena dici non potest, cujus ipse, cui legaretur liberatio, tantum est possessor. l. 1. D. hic. l. 28. §. 4. l. 18. §. 1. D. de acceptil.

Non obstante l. fin. §. 2. D. de liber. legat. ubi particula *non*, in fine posita delenda est. vid. Gomez. 1. resol. 12. Bacchov. ad Treutl. vol. 2. disp. 13. thes. 4. lit. I.

H h h h h 3

M o

MORIBUS.

3. Si cui liberatio legata is implorabit iudicis officium; qui pronunciabit nihil deberi, & silentium hæredi imponet. Modo prius fuerit conventus ut si quam actionem se habere putaverit, eam intra certum tempus instituat. ex l. diffamari. Cod. de ingen. manum. vid. Gail. 1. observ. in princ. & seqq.

§. 14.

- | | | |
|--|--|---|
| 1. Creditori quod debet, Testator legare potest. | | quantitatem leget Creditori, compensandi animus præsumitur. |
| 2. Non tamen si Debitor certam | | 3. Difficultas aliqua tollitur. |

1. **E**X contrasio si creditori suo.] Si debitori suo liberationem testator legaverit, valere legatum hæcenus fuit explicatum. Non tamen è contrario, si testator suo creditori quod debet legaverit, utile erit legatum. Nisi tamen emolumentum debiti legato ampliatur, id est, plus sit in legato, quam est in debito. l. 25. §. fin. D. de liber. leg. l. 66. in princ. D. Leg. 2. Id quod accedit, si vel quantitate debitum augeatur. §. 14. hic. vel modo, tempore, conditione, loco, debitum differatur. l. 29. D. Leg. 1.

Quid si certa aliqua species fortè ex causâ venditionis alicui sit debita, eaque cui debita, id est creditori sub eadem conditione sit legata? Existumarem legatum inutile non esse; quod cum antea debitor liberari potuisset præstando id quod interest, ex legato dominium consequatur. l. 1. in princ. D. de action. empt. l. 28. D. Leg. 1. l. 3. D. de Leg. 3.

Non idem tamen statuendum erit, si quantitas ex causâ mutui, vel aliter sit debita; quod in ejus locum id quod interest non succedat.

Atque ita non obstat l. 29. D. de Leg. 1. quod ibidem non corporis sed pecuniæ debitum erat. vid. Donell. 8. comm. 11. Fabrum 4. conj. 12. Pacium 6. Antin. 18.

Quid si testator quod non erat debitum, quasi debitum legaverit? Valet nihilominus tanquam legatum. l. 75. §. 1. D. Leg. 1. vid. Mantic. de conj. ult. vol. 3. tit. 8. n. 2. & vol. 6. tit. 14. n. 14. Carpzov. jurisprudence. Forens. part. 3. const. 9. def. 22.

Quid si debitor qui centum creditori debet, eidem simpliciter certam legat quantitatem, an cum debito compensasse dicetur? Non videtur, nisi ex conjecturis alia testatoris voluntas possit colligi, quæ attenditur in dote, ubi pater qui filiam legavit certam quantitatem, eam animo compensandi cum dote legasse præsumitur. l. 53. l. 85. D. Leg. 2. l. 16. Cod. de legat. Arg. l. 22. §. 9. Cod. de jure delib. vid. Duarenum in l. si cum dote. 22. §. si pater. 3. D. Solut. matrim. Coras. 3. misc. 1. Cujac. 3. obs. 16.

Fa-

Fachin. 5. contr. 33. Mantic. 10. conj. 2. Menoch. 4. Præf. 109. Gomez. 1. varior. 12. n. 27. Fabr. Cod. 6. tit. 17. def. 8.

Quod si vivo testatore dies venerit.] In tantum valet legatum, quo debitor creditor rem debitam sub conditione, vel in diem legat, ut si conditio extiterit, vel dies venerit vivo testatore, inutile non reddatur. Idque sensit Papinianus, per rationem, quod legatum semel constiterit. l. 85. §. non est novum. D. de regul. jur. l. 5. D. ad l. Falcid. A quâ sententiâ secessum fecit Paulus in l. 82. D. Leg. 2. per rationem, quod res vitietur, si ad eum casum devenierit, à quo incipere non potest. l. 98. D. de verb. obligat. Quæ tamen regula locum non habet si quando casus superveniens ad eundem tendit effectum, ad quem tendebat testatoris dispositio, tamque disponens quam legatarius in eodem maneat statu. l. 2. in fin. D. quæ pro non script. ut propterea non obstat casui in §. 14. hoc tit. proposito.

Sicuti non obstat, quod legatum videri possit extinctum, propterea quod nullam legatario adferat communitatem. Licet enim hoc in casu, legatum nullam conferat utilitatem, inspecto commodo representationis, adferre tamen potuisset, si testator ante diem aut conditionem, ad quam debitum erat constitutum, decessisset. Quoniam citra moram legatarius rem sibi debitam actione ex testamento consequi potuisset. Non tamen audiendus est Bartolus in l. debitor decem. D. Leg. 2. quem hic sequitur Bacchovius, qui censet ideo legatum valere, quia aliâ actione creditor sibi debitum consequi potest. Quoniam hæc ratione omne debitum, & omni modo, id est indistinctè creditori legari posset; quod tamen manifestè adversatur textui in §. 14. hic. vid. Nicolaum de Passer. concil. p. mihi 606. Lyclam. 7. eclog. 7.

§. 15.

1. Legatum dotis valet.

2. Non semper tamen.

3. Jure Saxonico quid obtineat?

Ed si uxori maritum dotem legaverit.] Debitum creditori legari non posset, si legatum ipso debito sit plenius, statuit §. 14. Cumque uxori maritus dotis contemplatione sit debitor, ut quæ uxori soluto matrimonio est restituenda, negari non poterit, quin tale legatum valeat. Longè enim plenior est actio quæ legati nomine competit, quam ea quæ est de dote. §. 15. hic. Tum propter commodum representationis, sive præsentis solutionis, tum propter alias utilitates. Olim enim dos quæ pondere numero vel mensurâ continebatur, annuâ bimâ trimâ die, id est, tribus pensionibus annuis reddebatur. l. 1. §. 2. D. de dot. præl. l. 3. D. annuis legat. l. 3. §. Stich. D. de Statulib. Ulpian. tit. 6. Hodie post annum actione dotis exigitur. tit. Cod.

Cod. de rei uxor. actio. §. exactio. ad quem locum per Tribonianum inflexa est l. 1. §. 2. D. de dote præleg.

Nisi quispiam per *annuâ*, non annum, verum tres pensiones, annuam, bi-mam, trimam diem intelligat. Sicuti apud Ulpianum in Fragmentis. tit. 6. §. mariti, occurrunt hæc verba: *quæ à die reddi debent, id est, annuâ die*. Goth. ad d. l. 1. §. 2. D. de dote præleg.

Verum quæ dos est legata, siue consistat in re mobili, siue immobili, statim peti potest, & quidem tribus actionibus. l. 1. 2. Cod. Comm. de legat. vid. Menoch. 2. arbitr. 53. Coraf. §. miscell. 6. num. 6. Quin amplius quos sumptus litis sustineret qui ex stipulatu actione dotem repetit, eos si dos fuerit prælegata, lucrabitur. l. 3. §. si rem. D. de Leg. 3. Insuper ex adi-tæ hæreditatis tempore usuræ ei cui dos est prælegata currere incipiunt. Angel. hic. vid. gloss. ibid. Quin amplius impensæ per maritum in doti in factæ, remissæ censentur, & quæcumque forte in præjudiciu uxoris sunt adjecta, cessabunt. l. 1. §. 1. D. de dot. præleg.

Etiâ actione de dote non consequimur solidum, verum beneficio com-petentæ gaudet maritus, etiâ hæredes ejus non extranei. l. 18. D. Solut. matr. l. 21. 22. D. de re judic. Cum tamen actione ex testamento solidum legatum consequamur, nisi obstat falcidia. l. 1. §. 12. 13. D. de dote præleg. Denique si maritus uxori dotem prælegaverit, quam non accepit, certum ei corpus, vel certam quantitatem assignando, etiâ per formulam, *supra dotem*, legatum valebit, & quod relictum est, præstabitur. §. 15. hic. l. 3. D. de dote præleg.

Falsa enim demonstratio non vitiat hoc legatum. §. 30. hic. l. 10. D. de auro & argent. l. 17. 33. D. de Condit. & demonstr. Et præsumitur mari-tus uxori dotem quod esset indotata, in vicem donationis prælegasse; idem quod de falso debito asserendum est. l. 25. in fin. D. de liber. legat. Unde si legetur certa quantitas, tanquam debita, licet non sit debita, nihilominus utile erit legatum. l. 2. Cod. de fals. caus.

2. Quod si quis simpliciter dotem legaverit, nec expressa sit certa quanti-tas vel certum corpus, nec dotem acceperit maritus, quia non apparet quid dandum sit, inutile erit legatum. l. 1. §. 5. D. de dote præleg. Sicuti, si le-getur debitum ut corpus, & habitâ ratione ad locum, si nihil ibidem repe-riatur, vel habitâ ratione ad personam, quod debet Titius, & nihil debeat, inutile erit legatum. l. 1. §. 5. D. de dote præleg. l. 78. §. 1. D. de Leg. 1. vid. Gomez. ad l. 50. Tauri. n. 46.

MORIBUS.

3. Jure Saxonico legatum dotis non sustinetur, quod maritus eo jure cele-bratis nuptiis lucretur dotem. Sneider, ad §. sed si uxori. Instit. hic. Idem quod

quod in Angliæ regno obtinet, ubi quicquid in dotem datur filiz, penes maritum ejusque hæredes remanet.

§. 16.

Cui pereat res legata?

Si res legata sine facto hæredis perierit.] Res legata ab hærede post mortem testatoris est præstanda, nisi ea perierit; si modo sine dolo vel culpâ hæredis perierit. Unde quaesitum est, cui res legata pereat, an hæredi, an legatario? Et respondetur, eam perire legatario; subintellige, si casu vel fato perierit. Tum quia debitor certæ speciei, qui casus est subiectus, liberatur rei interitu. §. 16. hic. l. 26. §. 1. D. de Legat. 1. Tum quia res perit suo domino, & legatarius domini loco habetur, etiam juris civilis intuitu dominium nanciscitur statim à morte testatoris. §. 2. in fin. hic. l. 9. Cod. pignor. Actio.

Hinc si hæredis servus legatus, ab alio sit occisus, aut alterius servus legatus, à domino manumissus, hæres non tenebitur. Verum casu priori si quidem post aditam hæreditatem contigerit, legatario in legato damnationis de dolo competet actio, in legato vindicationis ex l. Aquiliâ agendum erit. Differentiæ ratio erat, quod hæres jure antiquo in legato damnationis debitori compararetur, quod jus reale quaesitum non esset legatario. Verum debitori servi in contractibus ex l. Aquiliâ denegatur actio, & creditori datur actio de dolo adversus occidentem. l. 18. §. fin. D. de dolo. Quod si hæredis servus legatus ab alio sit occisus ante aditam hæreditatem, hæredi dabitur actio. l. 13. §. pen. & ult. D. ad l. Aquil. l. 15. D. eod. Neque enim legatario, verum hæreditati quaesita erit actio, adeoque hæredi.

Quid si hæres proprium servum, quem legatum esse ignorabat, manumiserit? Eum teneri rescriptum est. l. 25. §. si quis. D. ad Trebell. Idem quod statuendum, si servum alteri donaverit, eumque donatarius manumiserit. l. 112. §. 1. D. Leg. 1. Utrobique enim hæredis facto servus est alienatus, adeoque ad servi æstimationem tenetur. d. l. 112. Non idem dicendum erit, si proprium servum justâ de causâ occiderit. l. 53. §. 2. D. Leg. 1. Nam qui occidit nullum sentit lucrum, qui manumittit vel donat aliquo modo lucrum sentit. Ita forte si hæres ante aditam hæreditatem bonâ fide quid fecerit, non tenebitur; quo refero l. 65. §. pen. D. de condict. indeb. l. 24. D. de liber. legat.

Quid si non species, sed res in genere sit legata? Ea perit hæredi. Quid si quantitas? Idem dicendum, l. incendium. Cod. Si certum pet. Quid si species, verum incerta sit legata? Idem obtinebit. l. quod te. D. de rebus credit. Quid si duo alternative sint relicta? Uno sublato adhuc alterum de-

debebitur. d. l. incendium. Cod. Si cert. petet. Quid si certa species dolo, culpâ vel morâ hæredis perierit? Ei perit. §. 16. hic. Quid si certa species evicta sit legatario? Si ut res testatoris sit evicta, eam præstare tenetur hæres, secundum distinctionem ad §. 5. hic. propositam. Quod si ut aliena fuerit evicta, cum eam testator alienam sciret, hæres eandem legatario præstabit. l. 77. §. 8. D. de Leg. 2. adhibita tamen distinctione ad §. 4. hoc tunc propositâ. vid. Gomef. 2. resol. 12. n. 31.

§. 17.

Legatum cum accessione debetur.

S*I quis ancillas cum suis natis.*] Si res legata perierit, an quod ei adjunctum est nec perierat, etiamnum debeatur, inquiri solet? Et si quidem quod rei junctum est accessionis vicem non subeat, licet res legata perierit, adhuc quod adjunctum erat, si supersit præstabitur. Duo enim legata separatim esse intelliguntur, sic ut altero extincto, alterum etiam supersit. Unde ancillâ cum natis legatâ, si ea præmoriatur, nati debebuntur. §. 17. hic. l. 3. 8. D. de pecul. legat. l. 62. D. de Leg. 1. Ut enim homo non est in fructu, ita propter dignitatem forte in hoc casu non habetur loco accessionis. §. in pecudum. Instit. de rerum divis. l. 44. D. de ædil. edict. Nisi quis malit jure singulari constitutum esse favore ultimarum voluntatum, quo legatum saltem pro parte sustineretur, quod loco accessionis ancillæ partus habitus non fuerit. Aliter dum agitur de acquirendi domini modo per accessionem, partus ancillæ domino ancillæ cedit. §. item quæ ex animalibus. 19. Instit. de rerum divis. ibique mea not.

Quid si servus ordinarius cum vicariis sit legatus? Illo extincto vicarij nihilominus debebuntur. §. 17. hic. l. 4. D. de pec. leg. Nisi tamen implicite cum servo ordinario vicarij fuerint legati; puta, ordinarius cum peculio, quo vicarij continentur. Quo casu ordinario defuncto, etiam vicariorum legatum erit extinctum. l. 17. D. de pecul. Vicarij enim peculij vocabulo exprimebantur, quod conditionem hominis non significat, ut ipsi sublato servo ordinario pro extinctis habeantur. §. 17. hic. in v. *sed si servus fuerit*. l. 25. D. de pecul. legat. Ubi casum observare licet, quo implicitum & expressum non idem operantur. Quod si quæ rei legatæ juncta sunt accessionis vicem obtineant, re precepta, non ea quæ juncta erant debebuntur. l. 2. D. de pecul. legat. Unde servo cum peculio servi accessione, legato, ipsa vel mortuo, vel manumisso, vel alienato, cum viveret testator, peculij legatum pro extincto habebitur. §. 17. hic. Cæterum si servus tempore mortis testatoris vixerit, peculium legato cedit, id est, debebitur. §. 12. D. de pecul. legat.

Quid

Quid si fundus iuſtructus, vel cum iſtrumento fuerit legatus, & fundus vel chaſmate perierit, vel alienatus ſit? Fundi iſtrumenta tanquam ejusdem acceſſio non debebuntur. l. 5. D. de iſtruct. legat. Quia tamen fundo iſtructo legato non tantum iſtrumentum fundi, ſed etiam iſtrumentum patriſſimilias continetur. l. 2. Cod. de verb. ſignif. fundo ſublato nihilominus patriſſimilias iſtrumentum legato cedit. Atque ita inter ſe conciliari poterunt §. 17. hic. & l. 1. l. 5. D. de iſtruct. legat.

Quid ſi fundus & iſtrumentum fuerit legatum? Quia duo ſunt legata, ſi deſiciat fundus, & iſtrumentum fundi & patriſſimilias debetur. d. l. 5. Bartol. ibid. vid. Nicolaum de Paſſer. concil. p. 486. Menoch. 4. præſ. 154. n. 14. Dopell. 8. comm. 17.

§. 18.

1. *Qualis ſit Legatum Gregis & 2. Quid Moribus?*
Quadrigæ?

Si grex legatus fuerit.] Quoniam idem grex eſſe videtur, licet quædam corpora ſint ſubſtituta, l. 6. D. de Leg. 2. l. 30. §. de tertio. D. de Uſuc. Et ex adverſo quædam ſint ſubtracta, ideo grege legato, etiam oves quæ poſt factum teſtamentum gregi adjiciuntur, legato cedunt, quæque ſuperſunt, reliquis extinctis, licet ad unam ovem grex devenerit, vindicari poterunt. §. 18. hic. l. 2. l. 1. D. Leg. 1. Arg. l. 7. §. 2. D. quod cujuſque univerſ. nom. Nam quicquid poſt factum teſtamentum legato accedit, vel decedit, ad legatarium non ad hæredem pertinet. Quæ ita obtinent in gregis proprietate legatæ, ut non idem ſtatuendum ſit in uſuſuctu gregis legato, qui non debetur ſi eo grex pervenerit, ut grex non intelligatur, id eſt, ſi minus ſint quam 10. oves. l. 31. D. quibus mod. uſuſfr. l. fin. D. de Abig. Vel ſi loquendo pro ſubjectâ materiâ, grex ad unam ovem devenerit, quæ ſola numerum non facit. Ratio diverſitatis eſt, quod grege legato, etiam minimæ ejus particulæ legatæ videantur: gregis autem uſuſuctus in parte non intelligatur. Unde ſi quadrigæ uſuſuctus eſſet legatus, extinguitur, modo ex equis unus perierit, quod collectivè quadriga conſideretur, quæ non amplius eſt. Secus quam obtineret, ſi equorum eſſet legatus uſuſuctus, quoniam uno deſiciente adhuc ſuperſunt equi. l. 10. §. fin. D. quibus mod. uſuſfr. fin.

M O R I B U S.

Hæc juris ſubtilitas quæ circa quadrigam obſervabatur, moribus non 2. curatur, ut tamen ſpectanda ſit voluntas & intentio teſtatoris. Mornac. ad d. l. 10. vid. Autumn. in cenſ. ad l. peculium. 65. §. quadrigæ. D. Leg. 1. Anton. Matth. diſp. fin. de ſucceſſ. n. 48.

§. 19.

Quale Legatum Ædibus?

Æ*Dibus denique legatis.]* Et si legatum ædium à legato gregis in hoc distet, quod illud ex coherentibus partibus, hoc ex distantibus capitibus constet. §. 18. hic. in eo tamen conveniunt, ut quæ post factum testamentum talibus legatis adjiciuntur, iis cedant. §. 19. hic. l. cætera. §. fin. D. de Leg. 1. vice versa, quæ supersunt cæteris extinctis, adhuc debeantur. Arg. §. 18. in fin. l. 22. D. Leg. 1. l. 44. §. 4. D. eod. Nisi tamen hæres probaverit mutatam esse defuncti voluntatem. Quo refero casum l. 79. §. pen. D. de Leg. 3. l. 65. D. de Leg. 1. vid. Guiljelm. Oniciac. quæst. juris Philos. 45. Anton. Matth. disp. de success. 11. num. 15. 16. 17.

§. 20.

1. *Quale Legatum peculii?*

2. *Servum manumissum non sequitur.*

1. **S***i peculium legatum fuerit.]* Quoniam peculium crescit, decrescit, nascitur, moritur, ut inquit Marcianus in l. 40. D. de Pecul. videndum an si fuerit legatum, lucro vel damno legatarii augmentum capiat, vel diminutionem patiat. Neque res sine distinctione explicari poterit. Vel enim aliquid accedit aut decedit peculio vivo testatore, vel eo defuncto. Priori modo, id omne quod accedit vel decedit, est lucro vel damno legatarii. Posteriori modo, si peculium extraneo fuerit relictum, quicquid ei adcrefcit, vel decrefcit post mortem testatoris, ante aditam hæreditatem, lucro vel damno est hæredis. Nisi lucrum postmodum contingens, non extrinsecus, verum ex ipso peculio legato provenit, qualis est ancillæ partus, foetus pecorum, &c. Vel nisi testatorem hoc voluisse ex indiciis satis appareat. l. 8. §. fin. D. de pecul. legat. Quod si peculium non extraneo verum manumisso sit legatum, id quod post mortem testatoris ante aditam hæreditatem per servum cujus peculium legatum est acquiritur, legatario cedit. Ratio differentiz est, quod in extraneo legatum peculii cedat à morte testatoris, à quo tempore regulariter legata cedunt, id est, deberi incipiunt. l. unic. §. 1. Cod. de caduc. toll. Verum in servo manumisso cui relictum est peculium, legatum demum cedit ab aditâ hæreditate §. 20. hic. Quoniam relicta manumisso libertas, sicuti alia legata personalia, qualia sunt usufructus & habitationis, non ante aditam hæreditatem cedunt. d. l. unic. §. libertatibus.

2. *Peculium autem nisi legatum fuerit.]* Servum manumissum peculium non se-

sequitur nisi fuerit legatum. l. 24. de pecul. legat. Neque manumisso ultimâ voluntate peculium concessum esse videtur; nisi expressè fuerit relictum. Si tamen dominus eum liberum esse iussus est redditis rationibus, & ex peculio reliqua inferre, peculium retinebit. Cum fieri non posset, ut ex peculio reliqua inferret, nisi dominus ei peculium reliquisset, unde quæ debet solveret. Quæ ipsa est voluntatis conjectura, quam inducit necessitas, vel id quod est impossibile. §. 20. hic. in fin. l. 8. §. 7. D. de pecul. legato. Crispin. in not. ad d. §. 20.

Neque obstat l. 23. §. 2. D. eod. Quod ibi tantum rationes à servo exigì vetuerit testator, non item eum quod debebat ex peculio inferre iusserit.

Quid si servus manumissus sit inter vivos? Quoniam ex parte manumittentis animus donandi præsumitur, non intererit expressè an tacitè peculium fuerit concessum: quod postremum tunc factum intelligitur, cum peculium non est ademptum. §. 20. hic. l. 1. Cod. de pecul. ejus qui lib. mer.

Quid si peculium sit concessum, an etiam ea pecunia venit, quam in rationes dominicas impendit servus? Quod dicendum videbatur, quoniam sicuti domino debitum, peculium legatum minuit, ita per contrarium à domino servo debitum peculium augebit. l. 6. §. si autem. D. de pecul. legat. Responsum tamen est in contrarium, servum ejus petitionem quod in rationes dominicas impendit non habere. §. 20. hic. Estque responsi ratio, quod peculium servum habere passus sit dominus, sic ut servi peculium diminutum videatur, eo quod dominus ejus partem in rationes suas impendi voluerit. Malim tamen hoc quicquid est ex conjecturâ voluntatis determinari. l. 4. D. de pecul. l. 23. §. 1. D. de pecul. leg. vid. Menoch. 4. præf. 155.

§. XI.

1. Actiones legari poterunt.

2. Quando perent Actionum Legatum?

Tam autem res corporales quam incorporales legari possunt.] Est hoc loco verborum transpositio, quod hæcenus egerit de rebus corporalibus.

Sic ut legendum sit, tam res incorporales, quam corporales, legari posse; præsertim cum de corporalibus dubium esse non poterat. Quod autem notandum est, inter res incorporales præter servitutes, etiam referuntur actiones, quæ alibi rerum appellatione non continentur. §. fin. Instit. de jure nat. gent. civil. §. fin. de rebus corpor. & incorpor. Quibus adjici poterunt annui redditus, ut quæ ordinariè legato mobilium vel immobilium

non continentur. Covarr. 2. variar. resol. 1. 2. n. 3. Sand. 4. tit. 4. def. 6. vid. Anton. Matth. disp. 11. de success. n. 1. 2. 3. 4.

Actiones vero tum legatæ dicuntur, cum testator vult, ut suas actiones hæres legatario præstet, id est, ut eas legatario cedat. §. 21. hic. Neque enim aliter directè ante cessas actiones ad consequendum debitum ager legatarius. Quin tamen utiliter etiam ante cessionem experiri possit, constat ex l. 18. Cod. de legat.

2. Ita tamen debiti, id est, actionis legatum erit utile, si non vivus testator pecuniam sibi debitam exegerit, id est, non tantum petierit. l. 6. D. de fund. instr. leg. sed quod petit fuerit consecutus. l. 7. §. liberatio. D. de lib. legat. vel etiam reo alium dederit creditorem. Arg. l. 87. D. de verb. sign. Quo casu etiam legatum extinguitur; tum propter tacitam voluntatem adimendi, tum quia desit esse nomen. Nisi legatarius probaverit hæc omnia non adimendi vel transferendi animo facta fuisse. l. 11. §. si rem. 12. 13. D. Leg. 3. l. pen. §. fin. D. de adim. legat. Menoch. 4. præf. 168.

Num vero legatis bonis etiam debitorum nomina comprehendantur difficilioris est indaginis: Et poterit super eâ questione consuli l. 4. §. 8. 23. 49. D. de verb. sign. ibique DD. Alex. 6. consil. 68. vid. meum tract. de natur. mol. il. & immobil.

§. 22.

1. Electio cui competat?

2. Quid Moribus?

1. *Si generaliter servum.] Electio est facultas vel jure vel testamento alicui concessa assumendi sibi jure domini rem quam velit ex universis testatoris, ejusdem generis. Quæ locum habet vel in contractibus vel in ultimis voluntatibus. Contractus si spectemus debitoris ut plurimum est electio, non semper tamen. l. plerumque. 10. in fin. D. de jure, dot. l. 3. D. de eo quod certo loc. Quod ultimas attinet voluntates, non unâ distinctione omnis difficultas auferri poterit. Vel enim legatur corpus, vel quantitas. Si illud, vel corpus in genere legatum est, vel in specie. Si in genere, vel plura vel unum est legatum. Si plura, ut servorum electionem, ad minimum tres eligere poterit legatarius. l. 1. D. de opt. legat. idque favore ultimarum voluntatum. Et non ultra tres, quod hominem frugi modico id est ternario numero contentum esse deceat. Aliter quam obtinet in materiâ probationis, ubi pluralis duorum numero contentus est. l. 12. D. de test. Quod si non nisi unum corpus fuerit legatum, & per illud ad rem quandam certam deveniri possit, legatarii est electio. §. 22. hic. l. 1. §. 1. 37. D. de Leg. 1. Ratio in promptu est, quod ejus debens esse electio, cui potestas datur experiundi quâ actione velit. l. 108. §. cum hæro. D. de Leg. 2. Qui si fuerit filiusfamilias, non optabit aut eliget sine patris consent. l. 20. D. de Leg. 1.*

Leg.

Leg. 1. secus quam obtinet in stipulatione. l. fin. D. de verb. oblig. Dixi legatario competere electionem; id quod nihilominus patitur suas exceptiones. Nam si res corporales sint in genere legata, quæ formâ, naturâ, & manifestâ utilitate ab invicem distant, puta domus, fundus; quæ nomina non naturâ, sed nostrâ destinatione constant, tunc hæredis erit electio. l. 24. §. pen. D. Leg. 1. l. 69. §. gener. D. de jure dot. Imo potius inutile erit legatum, nisi vel fundi vel ædificia sint in bonis testatoris. l. 71. in princ. D. de Leg. 1. Quo casu secundum DD. certum de incertis eligit hæres, ut qui mentem testatoris melius scire creditur, quam legatarius.

Hæredis itidem erit electio, si ita testator voluerit, quod ex verbis, vel indiciis colligitur. §. 22. hic.

Sicuti olim, cum differentia servabatur inter legatum damnationis & vindicationis, in casu priori hæredis ad quem verba executiva dirigebantur, erat electio, quasi debitoris. Idque ad exemplum contractuum, in quibus propter alternationem electio est debitoris. l. 20. §. 7. D. de Leg. 1. l. quicquid. 99. D. de verb. oblig. l. 10. in fin. D. de jure dot. c. in alternativis. de reg. jur. in n. 6. Cujac. ad l. 37. D. Leg. 1.

Quod si per vindicationem legatum esset relictum, quia verba ad legatarium dirigebantur, qui actionem in rem habebat, ei concessa fuit electio. l. 108. §. 2. D. de Leg. 1. vid. illius juris antiqui vestigia in l. 9. D. de Servit. l. 26. D. de servit. præd. rustic.

Quando vero corpus in specie legatum est, vel est legatum simpliciter, vel alternative, vel incertum ex certis.

Si simpliciter, nullius est electio, cum quod certum legatum est, debeatur.

Si alternative, legatarii erit electio. §. 22. hic. l. si cui. 19. l. Lucius, 22. D. Leg. 2. Donell. 8. comm. 19. Gomef. 1. resol. 12. n. 32.

Si incertum ex certis, puta unum ex suis servis legavit testator, tunc electio erit legatarii. §. 22. hic. Secus quam obtinet si corpora ejusdem nominis plura in specie habuerit testator, puta plures Stichos, & unum legaverit, quo casu hæredis erit defuncti voluntatem declarare. l. si quis à filio. 32. §. si quis. D. Leg. 1. ibique Gothefr. in not. sicuti in casu quo ædificia vel fundi sunt in bonis testatoris, & ex iis unum in genere legaverit testator. l. 71. in princ. D. Leg. 1.

Explicui quid obtineat corpore legato, ad quantitatem legatam prope- ro, ubi iterum distinguendum inter quantitatem in genere vel in specie relictam. In genere relictâ quantitas, si incerta, id est sine expressione quantitatis, puta vinum, oleum, frumentum, & nihil ejus habuerit testator, electio erit hæredis, qui dabit quantum volet. Cumque vel minimum ejus quantitatis quæ in genere relictâ est, ejusdem sit naturæ cum toto, quod est

est homogeneum, guttulam vini, quæ etiam vinum est, hæres dandoliberabitur, adeoque inutile erit legatum. Quod si aliquid ejus quod legatum est fuerit testatoris, id omne debebitur, cessante electione. Quod si certa quantitas sit relicta, non expressâ ejusdem qualitate, puta vini Hispanici amphoræ sex, hæres etiam erit electio, non quidem nomine quantitatis quæ certa, sed qualitatis, id est bonitatis, quæ incerta. Hæres itaque tale vinum Hispanicum dabit, quale volet, id est, non tenebitur dare optimum, ut tamen non det pessimum, vel quod mucidum aut acidum. l. 4. D. de Tritic. legat. arg. l. 110. D. de Leg. 1.

Quod si in specie quantitas sit legata, puta ex hoc vino amphoræ decem, nullius erit electio, verum quod relictum, sive sit optimum, sive pessimum, legatario præstabitur. vid. Gomef. 1. resol. 12. n. 32. Menoch. 4. præf. 17. in princ. & 129. Anton. Marth. disp. de success. 9. n. 9.

MORIBUS.

2. Filium familias sine consensu patris relictum eligere posse, modo habeat firmatum iudicium, scribunt Argentr. ad Brittan. artic. 501. gloss. 5. n. 2. vid. Roseb. ad Amstelod. tit. 29. §. 9. Consuet. Ultraj. jussu ducis Albani collectæ. §. 4. 6. 9. Antv. tit. 47. §. 8. Ruræm. p. 1. tit. 3. §. 5. Anton. Marth. de success. disp. fin. n. 50. & ex illo Wissenb. disp. P. 1. volum. 2. num. 8.

§. 23.

1. Optio ab electione distinguitur.
2. Si pluribus relicta electio, res forte terminabitur.
3. Non tamen in omni causâ fors est adhibenda.

1. **O**ptionis legatum.] Quandoquidem legatarii non semper erat electio, propterea testator quandoque eam legatario concedebat, quæ tunc vocabatur optio. Et licet electionis vocabulum in genere acceptum optionem complectatur, si tamen in specie sumatur electio ab optione multis nominibus distinguitur. Optio enim olim in sese quodammodo conditionem continebat, si ipse legatarius optasset, sic ut ad ejus heredem optio non pertineret. §. 22. hic. l. 3. D. qui & à quibus manum. l. fin. §. sed ceteri. Cod. comm. de legat. Secus quam in contractibus obtinet. l. 75. §. pen. D. Leg. 1. l. 76. D. de verb. oblig. Electio autem in specie sumpta pura erat, adeoque & hæredi legatarii competebat. §. 23. hic. l. 12. §. pen. D. quand. dies legat. Ea est sollemnis & expressa electio; hæc generi tacite inest, sive sit quantitas, sive corpus. In eâ optimum in unoquoque genere, quod legatum est eligere licet; in hâc medium, non optimum, capere licet. l. 2. D. de opt. legat. l. 37. D. de Leg. 1. l. 9. §. 1. D. de do. o malo.

Qui.

Quibus non obſt. l. fin. §. ſed & ſi quis. Cod. comm. de legat. Neque enim in d. l. optio facienda erat per legatarium, ſed per tertium, qui optimum eligere non poteſt. Ea per procuratorem fieri non poterat, quod eſſet actus legitimus; hæc per quemcunque ejus nomine, cui ea competit, fieri poteſt. vid. Cujac. 15. obſ. 16. & 23. obſ. 14. & tract. 8. ad African. in l. 37. D. mand. Raguell. in l. fin. Cod. comm. de legat. Petr. Fabrum in l. 77. D. de regul. juris.

Quid ſi pluribus optio fuerit relicta, & in corpore eligendo partes diſſentiant? Quoniam in ſui non tertii præjudicium diſſentiunt, niſi contentio forte dirimatur, invicem erunt impedimento. l. 34. in princ. D. de uſufr. ut ad ſortem ſi hoc petant ſit recurrendum. §. 23. hic. Neque enim id in jure infrequens eſt, ut ad ſortem recurratur, ſi talis incidat caſus, qui ſortem admittat. l. ſed cum ambo. D. de judic. l. 3. Cod. comm. de legat.

Non omnis tamen quæſtio per ſortem terminari vel poterit vel debebit. Quid ſi enim facti ſit quæſtio, puta fundum emerim, nec ne? Sorti non erit locus. l. auctor. Cod. de probat. Quid ſi juris incidat controverſia? Non ea ſorte, verum legibus erit determinanda. l. 7. in fin. l. 8. D. de pact.

Quid ſi anceps ſit quæſtio jure non determinata, & diſcordia partium tendat in præjudicium tertii? Officio, vel decreto judicis ſtatuetur, quis potior ſit futurus. §. 1. verb. ſin autem. Inſtit. de ſatiff. tutor. ubi ego in comment.

§. 24.

1. Quibus poſſit legari?

2. Quid Moribus?

Legari autem illis poteſt.] Explicui quantum ſatis eſt, quod ſpectabat ſecundam tituli noſtri partem, quæ res legari poſſint. Sequitur pars tertia in quâ agitur de perſonis quibus aliquid legari poteſt. Et quidem in genere iis omnibus, & ſolis legatum relinquitur, quibuſcum teſtamenti factio eſt, ſeu qui ex teſtamento quid capere poſſunt. Cum enim legatum teſtamento relinquatur, neceſſario conſequitur ei legari non poſſe, qui ex teſtamento nihil capit. §. 4. Inſtit. de hæred. qual. & diſt. ibique mea notata.

Capiunt autem ex teſtamento quod relictum eſt, collegia licita, quæ licet olim nihil capiebant (ſicuti nec civitas,) niſi forte privilegio eſſent munita, quod pro incertis habebantur, hodie tamen recte illis relinquitur legatum. l. 122. D. Leg. 1. Ulpian. hoc tit. l. 8. Cod. de hæred. inſtit. l. unic. Cod. de incert. perſon. Quo referuntur Eccleſiæ orthodoxæ, pauperes, ipſe Chriſtus. l. 1. l. fin. Cod. de Sacroſ. eccleſ. vid. Nov. 131. c. 9. Tiraq. de privil. piæ cauſ. in proœm. Mantic. 8. conj. §. Menoch. 4. præſ. 111. &

K k k k k

ſeqq.

seqq. Cives insuper Romani sibi relictum capiunt, etiam eorum servi, l. 31. D. de hæred. instit. per regulam in l. 12. §. regula. D. de Leg. 1.

Quibus ipsis legare possumus, eorum quoque servis rectè legamus. Excipe casum in servo deportati, cui aliquid relinqui potest, licet domino non jure relinquatur, l. 7. in princ. D. de Leg. 1.

Servi, qui dominos non habent, saltem non cives Romanos, nihil legati nomine capiunt, exceptâ causâ alimentorum. Tales sunt pœnæ servi, qui in metallum damnati. l. 3. D. quæ pro non script. habent. Tales sunt ab hostibus capti, si ibi decedant, non si revertantur. l. 101. §. fin. D. Leg. 1. Non idem statuendum erit de servis hæreditariis, qui licet nullius esse dicantur, in quantum certum dominum non habent. l. 1. in princ. D. de rerum divis. fictione tamen juris jacentem hæreditatem pro domino agnoscunt, eique adquirunt, in princ. Instit. de stipul. servor. l. 116. §. servo. D. Leg. 1.

Deportati legatum sibi relictum itidem non capiunt, quod quæ civium sunt Romanorum, amiserint. l. 17. D. de pœn. Quia tamen ea quæ sunt juris gentiû non amittunt, d. l. 17. propriè legata quæ ipsis à milite relictæ sunt, capere possunt, quasi hæc ipsa jure gentium, non civili, quo in testamento faciendo miles non obstringitur, relictæ videantur. l. 13. §. 1. D. de testam. milit. l. 7. §. 1. D. de Leg. 3. vid. Gregor. Tholos. Synt. juris. libr. 42. cap. 33.

MORIBUS.

2. In quibusdam locis hæredi prælegari nihil potest, Perez. Cod. hic. n. 29. vid. Anton. Matth. disp. fin. de success. n. 46. Sicuti in Flandriæ & Brabantia partibus, quæ regi Hispaniarum parent; cognatis tabellionis, qui testamentum scribit, intra gradum quartum, illo testamento nihil jure relinquatur. Perez. Cod. hic. n. 9. Etiam monasteriis immobilia legari non debebunt, nisi prius impetratis à Principe literis amortizationis. Constit. Caroli 5. de ann. 1520. Gail. 2. obs. 32. dixi ad tit. Instit. de hæred. instit. vid. Leeuw. censur. forens. 3. c. 8. n. 2.

§. 25.

Incertis personis legari hodie potest.

Incertis vero personis.] Nihil olim vel per modum legati vel fideicommissi personis incertis relinquebatur. §. 25. hic. Paul. 3. sent. 6. Rationem reddit Ulpian. tit. 22. quia certum debet esse consilium testantis. Neque enim in incertos cadit affectio, cum tamen legata meritorum vel affectionis contemplatione relinquuntur. l. 9. D. pro socio.

Id quod in tantum obtinebat, ut ne miles quidem testamento personæ in-

incertæ quid relinqueret. Etiam libertas, cujus aliter magnus est favor, incertæ personæ relicta non valeret. §. 25. hic. Sub certâ tamen demonstratione incertæ personæ quid relinqui licitum erat: puta uni ex cognatis, qui nunc sunt, & filiam meam in uxorem est ducturus. Neque enim in casu proposito omnino est incertitudo, & intelligi potest affectio, & legatum exitum habere potest. Quod si incertæ omnino personæ legatum relictum per errorem alicui solutum esset, repeti non poterat.

An quia naturaliter est obligatus hæres legatum incertæ personæ relictum præstare? Ita vellet Bacchovius, verum quâ lege vel juris auctoritate id confirmet, non video. An potius jura sunt intelligenda de legato religionis & pietatis intuitu relicto, quod pietatis causa perpetuo maneat, errore sublato? l. summa. D. de indeb. condicte. Id quod malim cum Pacio tenere, quam illius nullo jure fundatam opinionem amplecti. vid. nonnulla huc facientia apud Tiraquell. de Privil. piz. caus. priv. 56. Menoch. 4. piz. 25. 107. Gregor. Tholof. Synt. juris libr. 42. cap. 33. Anton. Matth. disp. 9. de succell. n. 19.

§. 26. 27.

Posthumo Legatum relinquitur.

Posthumum quoque alienum.] Posthumorum duo genera recensentur, vel enim sunt sui, vel alieni. Hi dicuntur, qui cum nati fuerint, non sint futuri inter suos hæredes, quales etiam sunt ex emancipato filio concepti nepotes. §. 26. hic. Licet illi ipsi alio sensu avo non sint extranei. §. cæteri. Instit. de hæred. qual. & differ. Illi sunt qui nati inter suos hæredes testatori sunt futuri. Suis autem jure antiquo utiliter quid legabatur, etiam vivo testatore natis, ex l. Vellejâ; nepotibus posthumis, defuncto testatore, ex formulâ Galli Aquilii. l. Gallus. 29. D. de liber. & posthum.

Alienis posthumis legari nihil poterat: an quia nondum erant in rebus humanis? Verum nec sui in rebus humanis existerant. An quia incertæ sunt personæ, & turpitudine non caret, alieno posthumo quid relinquere? Quod verissimum est. l. 3. §. 1. l. 9. §. 1. D. de liber. & posthum.

Neque obstat quod etiam sui posthumi sint incerti, quibus tamen aliquid jure relinquitur. Quoniam ratio suitatis in liberis & nepotibus posthumis incertitudine potior est, eamque vincit. Zoef. D. de liber. & posth. n. 38. Alienis tamen posthumis fideicommissum olim relinqui poterat: quod fideicommissi quam legati major esset favor. l. 6. §. fin. D. de rebus dub. Jure Justinianæo, incertis personis, & alienis posthumis rectè quid legatur, ut §. 26. per sequentem sit sublatus. Et licet non extet illa constitutio, cujus hic meminit Imperator, forte quia cum priori codice intercedit, non incommode tamen eo trahi poterit, l. 1. & fin. Cod. de Sacros. Eccles.

Kkkkk 2

§. 28.

Jure prætorio olim Posthumus quid relinquebatur.

P*osthumus autem alienus.] An igitur jure antiquo alienus posthumus hæres scribi poterat, nec tamen poterat esse legatarius? §. 26. 28. hic.*

Hoc ipsum absurdè statueretur, cum qui hæres instituitur, multo magis legatarius esse possit. An vero non eadem incertitudo in personâ hæredis, quæ in personâ legatarii requiritur? An non tam obstabit turpitudine, si alienus posthumus scribatur hæres, quam si ci quid legetur? Verum major illo casu, quam in hoc turpitudinis erit suspicio. l. 3. §. 1. D. de liber. & posth.

An potius hic legendum *posthumus non alienus*, quem olim & hodie institui posse certum est? Ita velint nonnulli, qui saltem statuunt sic legi posse, nisi constans librorum lectio obstaret. Bacch. Zoef. hic. Verum dicendum erit ita legi non posse, nisi violentiam textui inferamus, nec etiam debere, nisi rationem insuper habeamus. Quo enim referri deberet subjecta exceptio? *nisi in utero ejus sit, qua jure nostro uxor esse non potest.* Nisi enim & ea verba deleerentur, admissâ lectione priori, absurdus sensus sequeretur. Vel enim exceptio loquitur de filio vel de nepote, posthumis. Si de filio, non erit exceptio, neque enim continebitur sub regulâ. Suus enim posthumus dici non potest, qui ex eâ natus quâ cum jus connubii non est, quod futurus non esset in potestate. §. pen. Instit. de Nupt. Si de nepote, non itidem erit exceptio, cum quæ filio nupta fuit, quo casu nepos est suus posthumus avo, jure nostro avo nunquam uxor esse possit.

An vero dicendum erit, exceptionem intelligendam esse in casu, quo cum eâ, è quâ speraretur posthumus, jus connubii non est, id est cum quâ nemo connubium habet, qualis est jure antiquo virgo Vestæ, jure novo ascetria? Verum nec ita dici poterit hæc à regulâ esse exceptio, quod nullæ sunt nuptiæ, adeoque nemo vel suus vel alienus posthumus appellari mereatur.

An potius statuendum erit olim jure Prætorio non civili, alienum posthumum hæredem fuisse institutum, id est, prætorem ei accommodasse bonorum possessionem secundum tabulas? in princ. Instit. de bonor. possess. §. servus etiam. Instit. de hæred. instit. Crispin. Hofferus in not. hic. Quo referri debebunt l. pen. D. de Leg. 1. l. 6. in fin. D. de rebus dub. Cujac. ad l. 29. D. de lib. & posthum. Cui regulæ commode subijcitur exceptio, *nisi in utero ejus esset, qua jure nostro uxor esse non potest.*

Neque obstabit, prætorem neminem hæredem facere, adeoque jure prætorio nec quemquam hæredem institui posse, uti tenet Zoef. hoc tit. & D. de lib. & posthum. n. 41. Licet enim prætor directè neminem faciat hæredem, id tamen facit utiliter. Et quamquam hæredem civilem neminem instituat,

præ-

prætorium nihilominus facere potest. Sic ut effectu inspecto idem præstet quod jus civile, cum bonorum possessor hæredis loco habeatur. §. 13. hic. l. 1. 2. D. de bonor. poss. vid. Lyclam. 7. eclog. 8. 19.

§. 29.

1. Nomina Personarum *varia apud antiquos.* | 2. Error in nomine *non vitiat Legatum.*

S*iquidem in nomine.*] Personarum nomina in quatuor ordines divisa fu-
sisse hic §. 29. indicat. considerabant enim prænomen, nomen, cognomen, & agnomen. Illud erat gentis, sicuti nomen familiar, cognomen, quod cuique proprium est, agnomen adjectitium, assumptum, forte ex devictis gentibus, à facto quo egregio. Verum in hæc omnia prolixè inquirere, & secundum antiquitates explicare, non erit hujus loci, nec instituti nostri. Quem studium oblectat antiquitatis, is consulere poterit Tiraq. ad Alex. ab Alexandro genial. diæ. 2. c. 19. Brisson. 8. formul. p. mihi 836. Alciat. 4. disp. 1. Anton. August. emend. libr. 3. c. 8. Angel. Polit. in misc. cent. 1. c. 31. Brod. 5. miscell. 10. Sigon. 2. emend. 8. 14. 23. Hart. 2. dec. 8. §. 3. Robertell. ann. 1. c. 24. & 31. Fabrotum lect. libr. sing.

Quod spectat juris decisionem, hic inquiritur, quid obtineat, si quidem testator erraverit in nomine? Et respondetur, legatum non obstante errore in nomine, sustineri. §. 29. hic. Nihil enim interest, quibus quidque nominibus appelletur, dum res ipsa manifesta est. Et licet nomen personam demonstrans, etiam in vanum adhiberetur, nisi voluntatem dicentis manifestaret. l. 7. §. 1. D. de supell. legat. Quia tamen nomen hominis significandi gratiâ repertum est, & voluntas facit, ut quod scriptum est, valeat. l. 12. in fin. D. de Leg. 1. error in nomine non vitiat, modo de personâ constet. §. 29. hic. l. 4. Cod. de test. l. 10. Cod. de ingen. manum. Multo minus vitiat error in syllabâ. l. 54. D. de manum. testam. cum quæ ratio est totius, eadem in parte obtineat. l. quæ de tota. 76. D. rei vindic.

Idem quod dicendum si in nomine proprio à personâ ad rem translatum, erratum est. Unde si fundus aliquis appelletur Cornelianus, qui fortè erat Sempronianus, legatum valebit. §. 29. hic.

Secus quam obtinet in casu quo erratum est in nomine appellativo. Proprium enim ad nutum & lubitum cujusque immutatur, & qui fundus, quia tuus antea Cornelianus appellabatur, jam forte quia meus Paulianus dicitur. Appellativum publico omnium consensu comparatum, & usu longo introductum per singulos immutari non potest.

Hinc si cum vestem testator legare vellet, suppellectilem adscripserit, putans vestis appellatione suppellectilem contineri, legatum erit inutile. l. 4.

D. de Leg. 1. l. 3. D. de rebus dub. Non idem statuendum erit, si testator improprie fuerit locutus, vel abutatur vocabulis, vel ad vulgi opinionem ea capiat; legatum enim sustinebitur, nec ille facti error vitiaabit. l. 3. in fin. D. de supell. legat. vid. Mantic. 4. de conj. ult. volunt. 5. Socin. reg. Error in nomine proprio. 119. 120. Sneiderwin. ad §. 29. hic. Gothefr. ad d. l. 3. in fin.

§. 30.

1. Falsa demonstratio non vitiat Legatum. | 2. Proponuntur Exceptiones.

1. **H**ic proxima est juris regula.] Quia demonstratio vice nominis fungi dicitur. l. 6. D. de rebus cred. l. 34. D. de condit. & demonstr. ideo quemadmodum error in nomine proprio non vitiat legatum, nec falsa circa personam demonstratio legatum perimit. Modo certum sit quam personam demonstraverit testator, adeoque ex circumscriptione de ejus voluntate constet. §. 30. hic. l. 29. D. de Testam. l. 33. l. 34. D. de condit. & demonstr. Perinde enim legatum valet, ac si nullus error intervenisset. l. 17. §. 1. D. de condit. & demonstr. Quæ juris decisio etiam ad alias res legatas est extendenda, si tamen non aliunde vitietur legatum.

2. Unde si incerta omnino quantitas sit expressa, legatum erit inutile. l. 75. §. 1. D. de Leg. 1. l. 12. D. de Leg. 2. l. 2. 3. 5. Cod. de fals. caus. adjunct.

Vel si ad incertum, unde tertio quid esset relinquendum, relata sit demonstratio. Ut si testator dixerit, *ex centum qua Titio legavi, hæres meus quinquaginta Sejo dato*. Nam si Titio nihil fuerit legatum, nec Sejo quicquam debebitur. l. 72. §. fin. D. de condit. & demonstr.

Vel si vitiata mens testatoris arguatur. l. 40. §. pen. D. de condit. & demonstr. l. 5. Cod. de testam.

Vel errore lapsus fuisse testator per hæredem fuerit probatum, ut in casu l. Titia. §. Gajus. D. de Leg. 2.

Vel demonstratio fuerit probrosa, & contumeliæ causa adjuncta. l. 9. §. 8. D. de hæred. instituend. l. 54. D. de Leg. 1. Secus quam obtinet si objurgandi causâ, vel animo increpandi pater filio inclementer dixerit. l. 48. §. 1. D. de hæred. instit. vid. ad hæc. Bartol. & DD. in l. demonstratio. D. de condit. & demonstr. & in l. 54. D. Leg. 1. Gomef. 1. resol. 12. n. 74. Donnell. 8. comm. 14. & 6. comm. 19. Bacchov. vol. 2. disp. 13. thes. 6. litt. H. Gregor. Tholof. Synt. jur. libr. 42. c. 32. n. 52.

§. 31.

1. Falsa causa non facit inutile Legatum. | 2. Exceptiones proponuntur.

Longe magis legato falsa causa.] Quod de falsa dictum est demonstratio-
ne, multo magis obtinet in causa falsa, legato adjecta. l. 17. §. 1. D.
de condit. & demonstr. Falsa enim causa ab ipsa dispositione separa-
ta est, & legandi ratio legato non coheret. l. 72. §. 6. D. de condit. & de-
monstr. Et qui dedit donare voluit, quamvis falso quid sibi persuaserit. l.
65. §. id quoque. D. de cond. indeb. Nam legatum quod ex munificen-
tia testatoris provenit, non habet pro fundamento rationem legato adje-
ctam. l. 8. D. pro socio.

Quod si conditionaliter causa fuerit concepta, non aliter valebit lega-
tum, quam si ea extiterit. l. legato sub cond. D. de cond. & dem. Vel
si causa non in prateritum, sed futurum relata sit, quæ demonstrationi non
comparatur. l. 34. §. 1. D. de condit. & demonstr. l. 52. D. cond. indeb.
Vel si hæres probaverit testatorem si falsam causam scivisset, non fuisse le-
gatum. l. 72. §. 6. D. cond. & demonstr. l. fin. D. de hæred. instit. vid.
Merend. 2. contr. 23. Sand. in decis. ad hunc titul.

§. 32.

1. Servo Hæredis non recte legatur. | 2. Exceptiones enarrantur.

AN servo hæredis.] Redit ad materiam antea propositam, ubi quæ-
rebatur, quibus utiliter, vel inutiliter, quid relinqueretur. Et statuit
servo hæredis non recte quid legari; quod legatum nullam conti-
neat utilitatem, & absurdum implicet sensum. Cum enim per servum do-
mino legatum quærat, in personam domini consistere non poterat. l. 116.
§. 1. D. Leg. 1. Et inutile visum fuit, quod ab hærede præstari non est ne-
cessum, quale est legatum hæredis servo relictum. l. 17. D. quand. dies
legat.

Nec juvat, servum posse manumitti, vel alienari ante mortem testatoris
ut ita legatum utile fore videatur, quasi tum hæres sibi ipsi debet non esset
futurus. Obstat enim regula Catoniana, quæ quod ab initio nullum erat, ex
postfacto non convalescit. Cujac. 4. obs. 4. Connan. 10. comm. 5. n. fin.
Govean. 2. varior. c. 29.

Excipitur tamen libertas quæ servo hæredis utiliter legatur, eique ab
hærede præstanda est, si velit esse hæres. Arg. §. 4. in princ. & §. 16. hic.

Excipitur legatum sub conditione hæredis servo relictum, quod ad lega-
ta conditionalia regula Catoniana non porrigatur, & alienari potuerit ser-
vus, antequam exstiterit conditio. §. 32. hic. l. pen. D. de regul. Caton.

Num vero si jure novo pure quid sit relictum hæredis servo, tempera-
mentum observari debeat in l. 5. §. 2. Cod. de Necess. serv. hæred. addubi-
tarem. Cum in d. l. 5. non de servo hæredis, sed testatoris agatur, ut non
fa-

facile in correctoriis de casu in casum sit procedendum. Arg. l. 32. in fin. Cod. de appellat.

§. 33.

Domino Servi Hæredis iustituti rectè legatur.

EX *diverso.*] Non quemadmodum domino hærede scripto, inutiliter servo legatur, hærede servo instituto, domino legatur inutiliter. §. 33. hic. Ratio est, quia ad alium legati commodum, ad alium hæreditatis emolumentum pervenire potest; id quod in casu præcedenti non obtinebat. §. 32. hic.

Vel enim servus in casu §. 33. scriptus hæres antequam domini jussu adita sit hæreditas, in alterius domini potestatem translatus est, & novum dominum facit hæredem, vel ipse sui juris est factus, & hæres efficitur, vel in eadem causa permansit, & jussu domini legatarii adivit hæreditatem. Posteriori casu evanescit quidem legatum, quod in unam eandemque personam domini concurrant jura hæredis & legatarii. l. 12. l. 18. l. 116. D. de Leg. 1. duobus tamen prioribus erit utile legatum, quod non ad eundem legati utilitas & hæreditatis commodum pertineant. §. 33. hic.

Neque obstat regula Catoniana quæ legata spectat pura, cum hic subsit conditio, si tempore aditionis non sit in potestate domini legatarii. §. 33. hic. l. 82. §. servo. D. de Leg. 2.

§. 34.

2. Ordo scripturæ negligitur.

| 2. Idem obtinet de Moribus.

1. **A**NTE *hæredis institutionem.*] Ultimum quod hoc titulo explicandum superest, spectat legandi modum. Olim, quod potestas testamenti initium caperet ab institutione, ante hæredis institutionem per modum legati nihil relinqui poterat. Ne quidem ipsa libertas cujus aliter favor est maximus. Paul. 3. sent. cap. 8. Ulpian. in Fragm. hic. l. pen. D. de his quæ in testam. del. l. fin. D. de Codicill. Excipiebatur testamentum militis, qui nullis juris solemnitatibus erat adstrictus, sic ut ordinem scripturæ negligere potuerit. Quia tamen æquum non erat ordinem scripturæ causam juris & voluntatis impedire. l. 77. §. fidei tuæ. D. Leg. 2. & ob inanem observationem irritas fieri tabulas. l. 15. Cod. de testament. ideo Justiniani constitutione omnis illa juris scrupulositas est sublata. l. 24. Cod. de testam. Sic ut hodie permissum sit, vel in principio, vel in medio, vel in fine scripturæ hæredis nomen collocare.

MORIBUS.

2. Quoniam de moribus ne quidem ad testamenti solemnitatem vel fundamentum.

mentum requiritur hæredis institutio, multo minus hic ordo exigitur, ut ante legata hæredis institutio collocetur. Id quod generali omnium gentium usu receptum esse, post Baldum in l. hac consultiſſimâ. n. 6. Cod. qui testam. fac. testatur Pichard. ad Inst. hoc tit. Quin amplius in tantum nostri notarii à jure veteri Romanorum recesserunt, ut hæredis institutionem post legata si non perpetuo, saltem ut plurimum collocent.

§. 35.

Post mortem Hæredis vel Legatarii recte aliquid relinquitur.

P*ost mortem quoque hæredis.]* Quemadmodum actiones ab hæredibus vel contra hæredes non incipiebant, ita nec post mortem hæredis vel legatarii utiliter quid legabatur. Et tamen in tempus mortis hæredis jure aliquid relinquebatur; quæ mera erat juris subtilitas. Ulpian. in Fragn. hoc tit. Paul. 3. sent. 8. Verum cum hodie actiones ab hæredibus & contra hæredes incipiant. l. unic. Cod. ut action. ab hæred. etiam legata per omnia fideicommissis sint exæquata. §. 3. Inst. hoc tit. talibus legatis ad exemplum fideicommissorum robur accomnodavit Justinianus Imperator. §. 35. eod. l. Scrupulosam. Cod. de contr. stipulat.

§. 36.

- | | |
|---------------------------------------|--------------------------------------|
| 1. Pœna nomine relictum hodie valet. | rum voluntatum observanda traduntur. |
| 2. Regula circa explicationem ultima- | |

P*œna quoque nomine.]* Quia testamenti factio, non imponendæ pœnæ causâ, verum testandæ voluntatis gratiâ concessa est. in princ. Inst. de testam. ordin. & legata benevolentiae intuitu, non odio hæredis relinquebantur. l. 8. D. pro socio. l. 9. D. quæ in fraud. patr. eapropter pœnæ nomine relictum non valebat. l. 1. D. quæ pœn. nom. In tantum etiam ut ne quid Principi legatum ita relictum sustineretur. l. unic. Cod. eod. etsi legibus civilibus, saltem legum solemnibus non subesset. §. fin. Inst. quibus mod. testam. infirm. Sicuti nec ex militis voluntate quid capi poterat. §. 36. hic. cujus aliter dispositio quomodocumque declarata pro jure servatur. l. 1. Cod. de testam. milit. Sicuti nec libertas ita relicta sustinebatur, licet ejus favor esset maximus. d. §.

Pœnæ nomine relictum hic dicitur, quando aliquid in odium hæredis est adjectum, ejus coercendi gratiâ. Puta, hæres ne filiam Gajo det, vel si dederit, decem aureos Titio præstet. Ut ita pœna duplici ratione à conditione distinguatur. Quod illa animo coercendi hæredem sit apposita, hæc non item. l. pen. D. quæ pœn. nom. Illa dicat conditionem ex parte testatoris, hæc ex parte legatarii. Ut tamen potius ex voluntate testatoris, quam

ex verbis pœnâ conditione secernatur. l. 2. D. eod. vid. Mantic. 5. conj. 11. Quia vero major esse debet voluntatis favor quam scrupulosa observatio, neque propter subtilitatem ultima everti debent elogia; ideo jure codicis, quæ pœnæ causa præstanda, non aliter atque conditiones observari debent. §. 36. hic. l. unic. Cod. quæ pœn. caus. ad quam Const. inflexit Tribonianus. l. 1. D. quæ pœnæ nomin. Ut quemadmodum non ante impletam conditionem legatum capitur à legatario, ita non ante à legati præstatione immunis sit hæres, quam si quod facere vel non facere jussus est à testatore, observaverit. Legatum enim in pœnam adjectum est, ut nisi quod voluit testator id impleverit hæres, legato sit indignus. vid. Nov. 1. c. 1. Nov. 48. 131. c. 12.

Excusabitur tamen hæres, si voluntas testatoris sit illegitima, impossibilis, inepta. Arg. l. 15. D. de condit. instit. l. 55. D. de Leg. 1. l. 113. §. ser. vo. D. Leg. 1. l. 27. in fin. Cod. ad l. Falcid. Vel conditio à legibus remissa. l. 8. in princ. D. de condit. instit.

2. Verum, priusquam hujus tituli tractationem deferam, quod maxime ad ejus intellectum facit, generalia circa ultimæ voluntatis interpretationem, & verborum significationem subjeciam, quibus observatis, omnis ferè difficultas, quæ circa obscure relicta legata, vel hæreditates movetur, tolli poterit. Id quod sequentibus regulis me effecturum esse spero.

1. In ultimâ voluntate id apprimè cavendum, ne quis eam admittat interpretationem, quæ legibus adversetur. l. 55. D. de Leg. 1. l. 21. D. de rebus dub.

2. Ne admittatur voluntatis quæstio, quando in verbis nulla est ambiguitas. l. ille. 25. §. 1. D. Leg. 3. l. 19. D. de usu & usufr. leg. l. non aliter. D. de Leg. 3. Nam verba clara & perspicua dubiæ voluntati sunt anteponenda. l. 7. §. 2. D. de suppell. legat. Nec creditur aliud velle testator, quam quod verbis expressit. d. l. 7. & l. unic. §. fin. autem. Cod. de caduc. tollend.

3. Ut explicentur vocabula ex proprietate. l. 69. D. Leg. 3. l. 219. D. de verb. signif. ex usu communi, vel etiam ipsius testatoris. l. 3. in fin. D. de suppell. legat. l. 9. in princ. & §. 3. l. 10. D. de tritic. legat. l. 1. D. de usur. ex interpretatione. l. 29. l. 53. D. de verb. signif. ex sensu. l. 3. Cod. de liber. præter. ex formâ verborum. l. non aliter. D. Leg. 3.

4. Ut si de voluntate constet, ea verbis etiam perspicuis, id est verborum proprietati sit præferenda. l. pen. D. de Leg. 1. l. 29. §. 118. D. verb. sign. l. 11. §. si servo. D. Leg. 3. l. 69. in princ. & §. 1. D. de Leg. 3. l. cum virum. 16. Cod. de fideic. l. 2. in fin. Cod. comm. de legat. & fideic.

5. Ut in dubio præsumatur, id quod minus est, ne nimium gravetur hæres. l. 29. §. 1. D. Leg. 1.

6. Ut

6. Ut laxè & benignè legata interpretemur. l. quisquis. 95. D. Leg. 3. l. 2. Cod. comm. de legat. vid. Mantic. 7. conj. vol. 1. Peregrin. de fideic. artic. 1. n. 23.

7. Ut in dubio ille sensus assumatur, quo voluntas potius valeat quam ut pereat. l. 12. 21. D. de rebus dub.

8. Ut si quid perperam, vel præposterè, vel minus accuratè scriptum sit, id benignè interpretemur, & suppleamus. l. 1. §. 5. D. de hæc. instit. l. 24. D. de rebus dub.

9. Ut quod ambigüe positum interpretemur secundum id, quod credibile est fuisse cogitatum. l. 24. D. de rebus dub. id est, secundum conjecturam voluntatis. Quæ capitur, ex defuncti facultatibus. l. 30. D. Leg. 1. ex charitate & affectione, & solito. l. pen. D. alim. leg. l. 50. D. Leg. 1. ex legatarii ætate, necessitudine, naturâ, dignitate, l. 75. D. Leg. 3. l. 50. in fin. D. Leg. 1. ex contextu testamenti. l. 75. D. Leg. 1. ex antecedentibus & consequentibus. l. 50. in fin. D. Leg. 1. ex more & consuetudine regionis, in quâ versatur testator. l. 50. in fin. D. Leg. 1. vid. Alciat. in præf. reg. præf. 32. Mantic. 6. de conj. ult. vol. 13. & 7. tit. 7.

LIBER. II. TITULUS. XXI.

D E


ADEMPZIONE LEGATORUM ET TRANSLATIONE


Ademptio legatorum (sive eodem testamento adimantur, sive codicillis) firma est. Sed & sive contrariis verbis fiat ademptio: veluti si quis ita quid legaverit, *Do, lego*, ita adimatur, *Non do, non lego*: sive non contrariis, sed & aliis quibuscumque verbis.

i. Transferri quoque legatum ab alio ad alium potest: veluti si quis ita dixerit, *Hominem Stichum, quem Titio legavi, Sejo do lego*: sive in eodem testamento, sive in codicillis hoc fecerit: quo casu simul & Titio adimi videtur, & Sejo dari.

C O M M E N T A R I U S.

1. Legatum multis nominibus non debetur.
2. Quot modis adimatur?
3. Quot modis transferatur?
4. Legatum non debetur si repudiatum sit.
5. Si ex causâ lucrativâ obtentum.
6. Si ante Testatorem decedat Legatarius.
7. Non si Principi Legatum relictum.
8. Vel Collegio Ecclesiastico.
9. Non debetur Legatum, si pereat.
10. Si incapaci, vel indigno sit relictum.
11. Moribus quid obtineat?

1.  *Demptio legatorum.*] Multis modis acciderè potest, ut legatum alicui relictum, non debeatur. Idque vel ratione testatoris, vel ipsius legatarii, vel rei legatæ, vel legis dispositione.

2.  Primo modo non debetur legatum, si testator legatum ademerit vel transtulerit, quod voluntas hominis sit ambulatoria usque ad extremum vitæ spiritum. l. quod si. 4. D. de adimend. legat. Adimit, revocando relictum quoquo modo, & quibuscumque verbis, etiam sine ullâ scripturâ, nudâ voluntate. l. 18. D. de Leg. 3. Ea quippe facit quod in testamento scriptum valeat. l. 12. §. fin. D. de Leg. 1. Adimit, non solum testamento, verum etiam codicillis. l. 3. D. de adim. legat. si testamento fuerint confirmati si non. Id quod certum est, postquam jâs codicillorum in usu esse cœpit. Quin imo non tantum solemnî testamento, verum etiam non solemnî adimitur legatum; illo ipso jure, hoc ope exceptionis. Argum. l. 16. D. de vulg. substit. l. 3. §. fin. D. de adim. legat. l. si post divisionem. Cod. de juris & fact. ign. Non ideo tamen quævis ademptio est efficax, ut servanda sit hæc regula: ex quibus causis legati datio est inutilis, ex iisdem etiam ademptio erit inefficax. l. legata. 14. in fin. D. de adimend. legat. l. 21. D. cod.

Uterius testator legatum adimit vel expressè vel tacitè. Expressè, vel purè vel sub conditione. Purè, quod *Titio legavi non lego*; sub conditione, quod *Titio legavi non lego, si militatum abiverit*. Amplius expressè adimit, si plus quam legatum est ademerit. l. 3. §. si quis. D. hic. Si quod scriptum est induxerit. l. nihil. 16. D. hic. Tacitè, quando ex præsumptionibus colligitur adiminendi voluntas. l. 17. Cod. de legat. Id quod accidit multis modis. Ut si ortæ sint inimicitie capitales & gravissimæ, id est majoris partis bonorum, vel status controversia inter testatorem & legatarium post factum testamen-

mentum fuerit mota. l. 3. in fin. D. de adim. legat. §. 11. 12. Inst. de exc. tut. l. fin. in fin. principii. Cod. de revoc. donat. Neque enim de jure civili quispiam tenebatur benefacere suo inimico, ideoque præsumebatur non bene illi voluisse: contra quam obtinet ex præcepto divino, tam veteris quam novi testamenti, quod inimicis sit benefaciendum. Si tamen legatarius post ortas inimicitias in amicitiam rediisset, redintegrabatur legatum. l. 4. D. de adim. legat.

Amplius tacite censetur adeptum legatum, si res legata per testatorem fuerit alienata; modo fuerit alienata sponte & libera voluntate, non urgente necessitate rei familiaris. l. si servo. 26. l. 18. D. hic. Quo casu licet testator rem postea redemerit, non reviviscet legatum. l. 15. D. hic. Nisi legatarius ex conjecturis novam probet voluntatem, quâ legatum sit renovatum. vid. Socinum regul. 218.

Nec obstat. l. 9. §. servus. l. 50. D. de hæred. instit. Quia ibi casus est quo servus à domino hæres scriptus, in ejus fuit potestate tempore facti testamenti, & tempore mortis, id quod sufficit ut sit hæres; non vero ibidem agitur de legato, quod convalescere dicatur.

Nec itidem obstat. l. servus. 27. D. hic. Quoniam continet casum quo servo alteri legato aliquid est relictum, quod ei per alienationem non est adeptum, ipse tamen alteri cui legatus erat adeptus est.

Porro si vivo & ignorante testatore legatarius cum ejus uxore concubuerit. Arg. l. fideicommissum. Cod. de fideic. Neque enim credendum est, testatorem legatum fuisse relicturum, si factum scivisset. An idem dicendum si turpiter cum eâ luserit? Forte, argum. c. unici. quibus mod. feud. amitt.

Denique si testator hanc formulâ legatum transtulerit, *quod Titio legavi Sejo do lego*. Quæ res in personam Titii tacitam adeptionem continet. §. 1. hic. l. 1. & 5. D. eod. Licet Bartol. existimaverit hanc fuisse legati deminutionem, quasi in idem legatum Sejus & Titius concurrant. vid. Fachin. 5. contr. 52. Hunnius Variar. resol. 2. tract. 8. q. 17.

Quid si duobus Titius testator separatim aliquid legaverit, & uni ademerit, nec appareat cui quid si adeptum? Neutri adeptum dicetur, ad eque utrique legatum debetur. l. si quis. 3. §. 7. D. hic. Secus quam obtinet si utrique conjunctim quid fuerit relictum, quod utrique adeptum censetur. l. si fuerit. 10. in fin. D. de rebus dub. Azo in summ. Inst. hoc tit. n. 12. Hottom. 6. obs. 5.

Transfert testator legatum, & si cum alio, in quem illud transfert, non 3. sit testamenti factio. l. plane ubi. D. de Leg. 1. & transfert sive eodem testamento, sive posteriori, sive codicillis. §. 1. hic. Nisi tamen ex conjectu-

ris possit colligi hanc fuisse testatoris voluntatem ut utrique res legata communis esset. §. 8. Instit. de legat. Id quod per legatarium priorem est probandum. §. 4. Instit. eod. aliter enim translatione legatum ademptum censetur. §. 1. in fin. hoc tit. vid. Mant. lib. 12. tit. 2. de conj. ult. volunt. Menoch. 4. præf. 169. Gomez. 1. Resol. 12. Covarr. de Testam. p. 2. n. 12. Gregor. Tholos. Synt. jur. lib. 42. tit. 33. n. 41.

Transfert autem testator legatum quatuor modis, vel de personâ in personam, etiam incapacem. l. plane. in princ. D. de Leg. 1. Vel ab eo qui dare iussus est, ut alius det aut præstet legatum; vel quod purè dedit, legat sub conditione, aut vice versâ; vel denique rem pro re legat. §. 6. D. hoc tit.

Ubi quæsitum, num si alicui legatum relictum sit purè, quod postea alteri sub conditione relinquatur, priori sit ademptum? Resp. Tum demum ademptum erit, vel in alium translatum, cum sequentis extiterit conditio. l. quod si. 7. D. hic.

4. Atque ita explicui modum ademptionis & translationis; legatum insuper non debetur ratione ipsius legatarii. Ut si legatum repudiaverit, quod non revocabitur, licet postmodum poenituerit. l. 44. §. 1. D. de Leg. 1. Non enim debet jus semel quæsitum hæredi, sine causâ eidem auferri.
5. Si legatum ex causâ lucrativâ fuerit consecutus. §. 6. tit. super. Si modum vel conditionem adjectam, quæ possibilis erat, non impleverit. §. antep. instit. de hæred. instit.
6. Si ante testatorem in fata concesserit. l. 10. D. hic. Id quod procedit, licet testator legaverit Titio, pro se & ejus hæredibus. l. 5. §. 1. D. quand. dies leg. l. 22. D. de Leg. 2. Sand. 4. decis. 4. def. 11.
7. Si tamen Principi quid sit relictum, eo discedente ante testatorem, legatum ejus successori debebitur. l. 56. D. de Leg. 2. Forte quia sub nomine dignitatis principalis legatum relictum, non tam Principi, quam principatui relictum creditur. Argum. l. 20. §. 1. D. de annuis legat. l. 2. D. de rebus dub.
8. Idem quod de Collegio ecclesiastico dicendum, cui legatum est relictum. Nam si forte dissolvatur, etiam ante mortem testatoris, aliis usibus piis applicabitur legatum. vid. Tiraquell. de priv. piæ causæ priv. 91. Wesemb. consil. 4. n. 23. & consil. 37. n. 6. Bus. in l. 38. D. de Leg. 3. Martyr. class. 2. loc. comm. 4. n. 52.
9. Non insuper debetur legatum ratione rei legatæ, si ea perierit vel extincta sit, modo sine facto, culpâ vel morâ hæredis id acciderit. vid. mea ad §. 16. tit. præced. & l. 88. D. de Leg. 3. l. 65. in fin. D. de Leg. 1. Zoef. D. hoc tit. n. 13. 14. 15.

De-

Denique lege ita disponente legatum non debetur, si vel incapaci, vel indigno sit relictum. Illo casu, remanet apud hæredem, & quidem sine onere. 10.
 Hoc casu fisco regulariter applicatur, quandoque hæredi, quandoque alicui tertio, verum cum onere præstandi res alienæ, & legata quæ aliis relicta. Ratio diversitatis est, quia incapaci relictum ab initio est inutile, relictum indigno ab initio valet, sed ex post facto ipsi aufertur. tit. D. & Cod. de his quibus ut indign. Cuj. parat. eod. Verum ut hæc paulo accuratius percipiantur, observandum est olim quædam legata habita fuisse pro non scriptis, quædam in causâ caduci, quædam caduca. Nam quæ relicta sunt, vel deficiunt cum sit testamentum, vel postquam factum est, vel post mortem testatoris. Illa pro non scriptis habentur, qualia sunt, quæ adeo dubia, ut intelligi non possint. l. 4. l. 27. D. de rebus dub. Quæ iis relicta, qui in rebus humanis non sunt, vel qui servi pœnæ, in metallum damnati, deportati, qui omnes sunt incapaces. l. 16. D. de Leg. 1. l. 3. 4. D. quæ pro non script. Vel cum aliter ab initio inutile est legatum, ut si hæredis servo purè sit relictum. §. an servo. Inst. de leg. Quando testamentarius sibi quid adscripsit. l. 1. D. quæ pro non script. Atque hisce casibus excluso fisco legatum penes hæredem remanebat, nisi quispiam legatario sit conjunctus, vel substitutus. l. 1. D. quæ pro non script. l. unic. §. 3. Cod. de caduc. tollend. Remanebat vero legatum penes hæredem, uti dixi sine onere, exceptis quibusdam casibus, in l. 4. h. fin. D. quæ pro non script. l. 26. §. 6. D. de fideic. libert. l. 17. D. de fals.

Ista, puta quæ sunt in causâ caduci, vivo testatore post factum testamentum deficiunt; ut si legatarius vivo testatore discedat, aut deficiat conditio legato appposita, aut legatarius fiat incapax. Eaque legata olim à fisco occupabantur, hodie conjuncto seu collegatario cedunt, & quidem cum onere, sicuti olim fisco cedebant. l. unic. §. 4. Cod. de caduc. toll.

Hæc, quæ propriè vocantur caduca, relicta capacibus, post mortem testatoris inutilia reddebantur. Vel quia ante apertas tabulas, vel ante aditâ hæreditatem in fata concessissent, vel quia aliquo facto sese indignos fecissent, ut si non ultri fuissent defuncti necesse, si testari eum prohibuissent, aut coëgissent, si ipsorum culpâ vel negligentia testator mortuus fuisset. tit. D. & Cod. de his quibus ut indign. Quibus in casibus relicta regulariter fisco applicabantur, & quidem in solidum; quandoque tantum pro parte; quandoque etiam hæredi cum onere. l. 1. l. 10. Cod. de his quibus ut indign. l. 5. §. amittere. l. 10. D. eod. l. pen. Cod. de leg. Verum postmodum hæc omnia sublata, & quæ legata olim fisco applicabantur, ea hodie debentur substituto, dein collegatario, denique hæredi cum onere, si tale sit onus, quod à quolibet impleri potuerit. l. unic. §. 5. 6. 8. 11. Cod. de caduc. toll. Ut tamen si per jus adcrescendi collegatarius portionem deficientis collegatarii capiat, qui illi

re tantum erat conjunctus, non sentiat onus, quod suo legato non est annexum. l. unic. §. 11. in fin. Cod. de caduc. toll. Id quod paulo aliter evenit jure novo in hærede deficiente, qui si non transmittat hæreditatem ad suos successores, ejus portio substituto, dein cohæredi deferitur, sed cum onere. l. unic. §. 10. in fin. Cod. de caduc. toll. Quo etiam deficiente eam capiet qui ab intestato successurus fuisset; denique fiscus admittetur. l. unic. §. 13. Cod. de caduc. toll.

Sicuti jure novo, omnia quæ legibus Papiis Poppæis de extraneis scriptis hæredibus, qui vicestimam fisco inferebant, de cælibe, qui nuptias facere debebat intra 100. dies, de orbo, qui decimam relictæ fisco inferebat, constituebantur, sunt sublata. tit. Cod. infirm. poen. cælib. tit. Cod. de cad. toll.

MORIBUS.

11. Indignis relictæ nunquam cedunt fisco, verum remanent apud substitutum, collegatarium, vel etiam hæredem. Molin. ad Paris. §. 13. gloss. 3. n. 8. 9. Ann. Robert. 3. rerum judic. 7. Moller. 4. Semestr. 10. & 3. c. 42. Sand. 4. tit. 4. def. 5. Omland. 3. part. §. 77. Quod spectat legem vicestimariam, ea locum habet moribus Hollandiæ, quando à latere venientes consanguinei in immobilia succedunt; etiam quando succedunt ascendentes. Sicuti trigesima pars hæreditatis immobilium apud Ultrajectinos fisco inferitur. vid. Constit. Ordinum Holl. ann. 1640. April. 18. & ann. 1653. Sept. 27. Constit. Ordinum Ultraj. ann. 1637. Febr. 16.

LIBER. II. TITULUS. XXII.

A D

LEGEM FALCIDIAM

Supereft, ut de Lege Falcidia dispiciamus, quâ modus novissimè legatis impositus est. Cum enim olim Lege duodecim Tabularum libera erat legandi potestas, ut liceret vel totum patrimonium legatis erogare (quippe cum ea lege ita cautum esset, *Uti quisque legasset suæ rei, ita jus esto*) visum est hanc legandi licentiam coarctare: idque ipsorum testatorum gratiâ provisum est, ob id, quòd plerumque intestati moriebantur, recusantibus scriptis hæredibus pro nullo aut minimo lucro hæreditates adire. Et cum super hoc tam lex Furia,

ria, quàm lex Voconia lata sunt, quarum neutra sufficiens ad rei consummationem videbatur : novissimè lata est lex Falcidia, quâ caveretur, ne plus legare liceat, quàm dodrantem totorum bonorum, id est, ut si ve unus hæres institutus sit, si ve plures, apud eum eorū pars quarta remaneat.

1. Et cum quæsitum esset, duobus hæredibus institutis (veluti Titio & Sejo) si Titii pars aut tota exhausta sit legatis, quæ nominatim ab eo data sunt, aut supra modum onerata: à Sejo verò aut nulla relicta sint legata, aut quæ partem ejus dumtaxat in partem dimidiam minuant; an quia is quartam partem totius hæreditatis, aut amplius habet, Titio nihil ex legatis, quæ ab eo relicta sunt, retinere liceat, ut quartam partem suæ partis salvam habeat: placuit posse retinere. Etenim in singulis hæredibus ratio legis Falcidiæ ponenda est.

2. Quantitas autem patrimonii, ad quam ratio legis Falcidiæ redigitur, mortis tempore spectatur. Itaque (verbi gratiâ) si is, qui centum aureorum patrimonium in bonis habeat, centum aureos legaverit: nihil legatariis prodest, si ante aditam hæreditatem per servos hæreditarios, aut ex partu ancillarum hæreditariarum, aut ex foetu pecorum tantum accesserit hæreditati, ut, centum aureis legatorum nomine erogatis, hæres quartam partem hæreditatis habiturus sit: sed necesse est, ut nihilominus quarta pars legatis detrahatur. Ex diverso, si septuaginta quinque legaverit, & ante aditam hæreditatem in tantum decreverint bona (incendiis fortè, aut naufragiis, aut morte servorum) ut non amplius quàm septuaginta quinque aureorum substantia, vel etiam minùs relinquatur, solida legata debentur. Nec ea res damnoſa est hæredi, cui liberum est non adire hæreditatem: quæ res efficit, ut sit necesse legatariis, ne destituto testamento nihil consequantur, cum hærede in portione pacisci.

3. Cum autem ratio legis Falcidiæ ponitur, antè deducitur æs alienum, item funeris impensa, & pretia servorum manumissorum: tunc demùm in reliquo ita ratio habetur, ut ex

M m m m

eo

eo quarta pars apud hæredem remaneat, tres verò partes inter legatarios distribuantur, pro rata scilicet portione ejus, quod cuique eorum legatum fuerit. Itaque si fingamus quadringentos aureos legatos esse, & patrimonii quantitatem, ex qua legata erogari oportet, quadringentorum esse, quarta pars legatariis singulis debet detrahi. Quòd si trecentos quinquaginta legatos fingamus, octava debet detrahi. Quòd si quingentos legaverit, initio quinta, deinde quarta detrahi debet. Antè enim detrahendum est, quod extra bonorum quantitatem est, deinde quod ex bonis apud hæredem remanere oportet.

C O M M E N T A R I U S.

I N P R I N C.

- | | |
|--|--------------------------------|
| 1. Origo Falcidiæ & ejus capita proponuntur. | 5. Quando cesset? |
| 2. Ad quæ Falcidia porrigatur? | 6. Quid Moribus? |
| 3. Cujus gratiâ sit introducta? | 7. Quid Jure Canonico? |
| 4. Quis eam deducat? | 8. Quot sint Quartarum genera? |

1.



Upereſt ut de l. Falcidiâ.] Legatum quandoque tollitur, quandoque diminuitur; tollitur quando nullo modo debetur, diminuitur quando non in ſolidum debetur. Id quod evenit vel de factò, vel de jure; de factò, ſi res legata decreverit, vel pro parte interierit, citra moram & culpam ejus per quem erat præſtanda. De jure diminuitur, vel ſi per Falcidiam in hæredis gratiâ quarta detrahatur, vel ſi teſtator legatarium partis reſtitutione oneraverit. De Falcidiâ hoc titulo agendum, de onere reſtituendi in ſequentibus. Falcidia, non à facili, aut falce, ſed à Falcidio Tribuno plebis appellata, temporibus Auguſti adhuc triumviri, lata eſt. Dion in Auguſto. Quâ integra legata vel quæ eorum vice funguntur hæres præſtare non tenetur. Quod ante Falcidiam præſtiterat lex Voconia, quæ cavet ne plus conſequeretur legatarius quam hæres. Cell. 9. noſt. Attic. 13. & 17. c. 5. Auguſt. 3. de civit. Dei. & quâ lege perzque mulieribus atque maribus legari non poterat. Dion libr. 56. Fabrot. ad Theoph. hic. Etiam lex Furia, quâ cautum.

NC

ne ultra mille asses legare, mortifve causâ donare liceret. Ulpian. tit. 1. §. quæ prohibet. Cicero pro Balbo, & 3. in Verrem. Theoph. hic. Carol. Sigon. 1. de antiqu. jure civ. Roman. c. 12. Alexand. ab Alex. Genial. dier. 6. c. 15. Cujac. 19. obs. 31. in fin. Et licet Falcidia certum legandi modum statuerit, non tamen eum usque adeo restrinxit, saltem non ita atque quidem lex Furia & Voconia.

Unde cum 12. tabulis licentia testatori concessa erat omnia legatis exhauriendi, ea primo capite legis Falcidiæ fuit confirmata. Idque in ordine ad 11. Furiam & Voconiam, quibus ea licentia nimium erat coarctata, sic ut ne quidem semper dodrantem legatis exhaurire fuerat concessum. Secundo vero capite l. Falcidiæ modus legatis est impositus, ne plus legare liceat quam dodrantem univerforum bonorum, neve minus capiat hæres quartâ parte hæreditatis. l. 1. D. hic. Primum legis Falcidiæ caput suasit ultimæ voluntatis favor, ut quisque de rebus suis disponat, prout dignum est, sitque ejus dispositio legis instar. Nov. 22. §. secundum vero. Secundum l. Falcidiæ caput suasit testatoris favor, ne intestatus decedat, adeoque legata intercidant. Nov. 1. c. 2. favor itidem hæredis, ne cogeretur subire onus hæreditatis, nullo vel saltem exiguo lucro percepto, si non grandi cum damno, nondum invento beneficio repertorii seu inventarii bonorum. in princ. & §. 2. Denique hoc suasit publica utilitas, cum publice intersit testamenta hominum sortiri exitum. l. vel negare. 5. D. quemadm. testam. aper.

[*Qui modus novissime legatis est impositus.*] Quoniam contra voluntatem 2. testatoris legatorum nomine introducta erat Falcidia, interpretatione prudentum ad alia porrigi non poterat sine expressâ lege. Unde constitutione Severi extensa est ad mortis causâ donationes, Pegasiano postmodum ad fideicommissa particularia testamento relicta; (forte Falcidia ad ea & ante Pegasianum tacite relata;) constitutione Pii ad fideicommissa particularia ab intestato. l. 18. D. hic. l. 3. §. 10. 12. Cod. eod. l. 2. §. fin. Cod. de codicill. l. 1. Cod. de mort. caus. donat. Non tamen ad mortis causâ capiones quæ speciatim accipiuntur, pro iis, quæ dantur conditionis implendæ causâ, Falcidia transferri poterit, quod lege destituamur. l. 1. §. 8. l. 93. D. hic. Nisi tamen in fraudem Falcidiæ tale quid relictum fuerit, ut in specie l. fin. Cod. hoc tit. vid. Alciat. 1. parad. 11. Cuj. parat. D. hic. Gotheffr. in not. ad l. 1. D. eod. Multo minus inter vivos donationes Falcidia respicit, ut quæ vix ullam cum legatis habent similitudinem. §. 2. Inst. de donat. gloss. in l. 12. Cod. hic. Nisi tales celebratæ sint inter vivos donationes, quæ non statim, sed morte demum confirmentur; qualis est inter virum & uxorem facta donatio. l. 12. Cod. hic. l. 23. Cod. eod. Azo in summ. Cod. eod. n. 3. vid. Donell. 8. comm. 26. Menoch. arbitr. cas. 164. Contium 2. lect. c. 4. 5. Hænon. disp. 11. Instit. n. 2.

M m m m m 2

1d-

3. *Idque ipsorum testatorum gratiâ provisum est.*] Quo jure testatorum gratiâ dicitur introducta Falcidia, cum etiam iis invitis locum habuerit, eorumque licentiam coarctaverit? l. 15. §. 1. D. hic. Non aliter atque nolenti domino consulitur, qui servum vendere tenetur quem duriter habuit. §. 2. in med. Instit. qui sui vel alien. jur. ita etiam invitis testatoribus succurritur, in quantum eorum testamenta sustinentur, è quibus si non adita esset hæreditas, legata non deberentur. in princ. hic.

Neque obstat l. 71. D. eod. ubi refertur Falcidiam hæredis causâ latam esse. Quoniam id verissimum est, non tamen ad exclusionem testatoris, cujus gratia ea etiam est introducta. Quinimo hæredis causa ea lata, in quantum testator respecto jure Pandectarum deductionem quartæ Falcidiæ in hæredis præjudicium prohibere non poterat. Non tamen eo ipso excluditur legatarius ad quem per consequentiam beneficium ex l. Falcidiâ redundat. Nisi enim hæredi liceret quartam retinere, propter nullum vel minimum lucrum adire nolit hæreditatem; quo casu nec legata percipiet. legatarius, quæ ex testamento quod corruebat, non debebantur. §. 2. in fin. Instit. hic.

4. *Ut siue unus hæres institutus sit, siue plures.*] Si testator reliquerit legata simpliciter, & plures sint hæreses, nec expresserit à quibus nominatim illa præstari velit, omnes hæreses proportionibus hæreditariis solvere tenentur legata, & in universon ab omnibus legatis unam deducunt quartam, in fin. principii hic. Quod si testator ab hæredibus pluribus nominatim legata reliquerit, in singulis ratio legis Falcidiæ poni debet. Id est, singuli à legatis à se præstandis deducunt quartam, quæ plures deductiones singulorum si cumulentur, facient quartam totius hæreditatis, si illa legatis fuerit exhausta. §. 1. in fin. Instit. hic. vid. Cujac. 8. observ. 35. & 13. obs. 14. Donell. 8. comm. 23. Duaren. c. 8. ad l. Falcidiam.

5. *Apud eum esse.*] Hæres institutus deducit quartam, siue unus siue plures. §. 1. hic. l. 3. Cod. eod. Idem dicendum de hærede hæredis, si hic non deduxerit, quia succedit in jus defuncti. l. quamquam. 10. Cod. hic. licet institutus hæres decesserit ante legatorum solutionem. d. l. 10. Fideicommissarius universalis tum demum deducet Falcidiam, cum hæres fiduciarius illi partem cedit, quam ex personâ hæredis capit, vel cum hæredem fiduciarium adire coëgit, aliter non item. l. 47. D. hic. Perez. Cod. hic. n. 4. Sed & hæres ab intestato hoc gaudet beneficio. l. fin. Cod. quand. dies legat. Fiscus etiam gaudet quartæ deductione, quia vicem hæredis obtinet, cum ab hærede tanquam indigno hæreditatem aufert. l. 3. Cod. hic. Non vero deducit quartam, qui hæreditatem restituere est coactus. l. nam quod. 14. §. qui compulsus. D. ad Trebell. Non ille cujus fidei commissum est,

ut totum quicquid ex testamento cepisset, restitueret, quia constat de voluntate testatoris, quæ dominatur in fideicommissis. l. 32. in fin. D. hic. Nec si per obliquum testator prohibuerit quartæ detractiōnem; id quod potuit in certo legato, non in omnibus. l. 64. 75. D. hic. Menoch. 2. arbitr. 164. Pacius 6. ant. 27. diff. multi apud Vaud. 2. quæst. 17. Similem in modum per consequentiam quæ prohiberi, ne deducat quod secundum statuta locorum præcipuum esset habiturus, intrepidè affirmarem; si modo legitime non fiat præjudicium. Expressè tamen jure civili anteriori testator quartæ detractiōnem prohibere non poterat, quod lex Falcidia hæredis gratiâ lata foret. l. 71. D. hic. sed jure novo potest, modo id fiat expressè. Nov. 1. Hænon. disp. 11. Instit. n. 9. 10. Nec Falcidiam detrahit legatarius, quia hæredis loco non est. l. lex Falcidia. 47. D. hic. Ex æquitate tamen, non jure Falcidiæ ei permittitur detractio portionis, propter præsumptam mentem testatoris. l. pœnales. 32. §. fin. D. hic. Sicuti quando rogatus est restituere, tanto minus præstat fideicommissario, quanto minus accepit ab hærede propter Falcidiam, ne ullum damnum patiatur. l. 93. §. si Titius. D. ad Trebell. l. 43. §. fin. D. de condit. & demonstr.

Nec eam detrahit hæres qui integra legata scienter solvit, vel etiam per ignorantiam juris. l. 1. Cod. hic. l. 9. Cod. cod. ut tamen jure anteriori commodo Falcidiæ careat in iis quæ solvit, non in reliquis. l. 15. §. non idcirco. l. 16. D. hic. jure noviss. in omnibus, quasi defuncti voluntatem agnoverit. Nov. 1. §. hæc autem. Excusabitur tamen filius, qui legitimam salvam esse habiturus, excusabitur miles, qui merito jura ignorat. l. fin. in princ. v. arma. Cod. de jure delib. Rittershus. ad Nov. p. 6. c. 5. n. 19. 20.

Nec insuper quartam deducit, qui integra legata se soluturum esse promisit, non deductâ Falcidiâ. l. fin. Cod. hic. modo hoc ipsum promiserit defuncto testatore. l. 46. & seq. D. hic. non si antea. l. 15. §. 1. D. hic.

Nec ille qui defuncti voluntatem quæ non adversatur legibus, intra annum postquam à judice monitus est, implere recusavit. Nov. 1. §. si quis autem. §. illud quoque. Vel qui per mendacium dicit, legatum piæ causæ relictum præstari non posse, aut ejus præstationem differt. Nov. 131. §. fin. autem hæres. Aliter in legato ad piam causam etiam Falcidia locum habet, l. 1. §. ad municipium. §. D. hic. Hænon. disp. 11. Instit. n. 8. ibique DD.

Sicuti propter suam culpam Falcidiam non detrahit in illâ parte, in quâ suam fidem accommodavit, ut incapaci restitueret. l. 11. D. de his quibus ut indign. l. 13. D. hic. & in casu l. 24. D. cod. & quando neglexit conficere inventarium, licet sit filius. l. fin. Cod. de jure delib. Auth. sed cum testator. Cod. hic. vid. Covarr. c. 1. de testam. n. 14. Sarmient. 2. selecta

interpret. 7. Cæpoll. caut. 7. Rittershus. ad Nov. p. 6. c. 5. Ex conditione rei legatz etiam multis in casibus Falcidia cessat, puta in castrensi peculio, de quo quis est testatus militariter. l. 17. §. si post. D. hic. l. 7. Cod. eod. Idem quod de quasi castrensi peculio affirmandum. l. fin. Cod. de inoff. testam. In dote prælegatâ uxori, in quantum mulier suum recipit. l. si usufr. 81. §. 1. D. hic. l. 12. §. 1. 2. Cod. eod. In iis quæ empta parata uxoris causâ. l. 81. in fin. D. eod. In instrumentis dotis, quæ post mortem mulieris marito sunt cessura, si quidem marito ab uxore sint legata. l. si prædiorum. 15. Cod. hic. In iis forte quæ alienari sunt prohibita. Auth. sed & in eâ re. Cod. hoc tit. Menoch. 4. præf. 198. n. 30. Althus. dicajol. 1. c. 57. n. 25. diff. Fachin. 5. contr. 6. Denique in legato libertatis. l. 33. 36. D. hoc tit. quod favor suavit libertatis, quæ insuper pretio æstimari non potest.

MORIBUS.

6. Falcidiam secundum statutum Noribergeſe non obtinere scribit Rittershus. ad Nov. p. 6. c. 5. n. 17. Eamque in Brabantia non esse in usu refert Zyp. not. jur. belg. libr. 6. tit. de testam. vid. Dessel. in not. ad Zoef. hic. Saltem tantus non erit usus Falcidiæ, quod testamentum & legata conserventur, licet scriptus hæres hæreditatem adire recusaverit; ut tamen propterea non dixeris eam omnino sublatam esse. vid. Gomef. 1. Refol. 12. num. 11. Molin. 1. de primog. c. 17. n. 10. Parlador. 1. rerum quot. c. 11. Hinc tacite de moribus censetur prohibita, modo testator bonorum alienationem fieri prohibuerit. Neost. cur. Holl. decif. 5. Grot. 2. introd. 23. n. 37. Coeren obf. 39. n. 8. vid. Menoch. 4. præf. 98. In praxi ejus deductio cessat in legato ad pias causas. Tiraq. de privil. pie caus. c. 26. 27. Gail. 2. obf. 110. n. 7. Guid. Papæ decif. 188. Fachin. 5. contr. 17. Fab. Cod. 6. tit. 28. def. 2. Grot. 2. introduct. 23. circa fin. Christin. 1. decif. 320. Perez. Cod. hoc tit. n. 17. Carpoz. jurispr. forens. const. 1. def. 16. & resp. juris elect. libr. 6. tit. 3. resp. 25. n. 7. Non cessat in filio, qui inventarium facere neglexit. Guid. Papæ decif. 53. n. 1. Gail. 2. obf. 138. vid. Menoch. 3. præf. 11. & præf. 60. 61. Plura qui volet de Falcidia ratione praxeos, is adeat Mantica de conj. ult. volunt. vol. 13. Graff. §. Falcidia.

JURE CANONICO.

7. Si per errorem juris existimaverit hæres integra legata præstanda esse, eaque solverit, nihilominus Falcidiam detrahet. c. Apostolicæ. de Cleric. excomm. & c. 2. de constit. in 6. Quinimo statuunt canonistæ in animæ foro ad legatorum integram præstationem non teneri hæredem, licet non confecerit inventarium, modo fide bonâ in hæreditate versetur. Paul. Winderk. part. 2. de theol. jurisconf. c. 37. in fin. Quod etiam in praxi observari refert Mynf. 3. obf. 60. Gail. 2. obf. 138. n. 13. contra quam cautum est jure

jure Hispanorum. Pichard. in comm. ad Instit. hoc tit. in princ. n. 63.

Pars quarta remaneat.] Varia in jure nostro quartarum sunt genera; est 8. quarta Trebellianica, quarta legitima, quæ utraque Falcidiæ venit nomine. l. 16. §. 9. D. Treb. Nov. 92. Est quarta, quæ obtinet in legatis, ultra do-
drantem relictis, in specie dicta Falcidia, de quâ in fin. principii hoc tit. Quæ
tria quartarum genera, sicuti eam quæ filio adrogato competit, Græci, ve-
rum perperam, aucta censent. Harmen. 5. tit. 8. 9. Est alia quarta ex con-
stit. Pii, de quâ in l. 2. 2. in princ. D. de adopt. Est quarta ex tribus mari-
bus in l. pen. §. sed ea omnia. Cod. de adopt. Est quarta fisci. l. pen. D. de
jure fisci. Est quarta filiæ parentis majestatis damnatæ. l. quisquis. Cod.
ad l. Jul. majest. Est quarta matris vel aviæ curialis. l. 2. Cod. quand. &
quibus pars quart. Est quarta filii superstitis, quando defunctus uxorem
superstitem gravidam relinquit. l. 3. D. Si pars hæred. pet. Sneiderw. in not.
ad tit. Instit. ad Trebell. §. sed quia. Vigl. in §. si quis. n. 7. quibus mod. in-
firm. test. Fabrot. ad Theoph. in not. hoc tit.

§. 1.

1. Singuli Hæredes Quartam detra-
hant.

2. Quid obtineat si portio deficiens al-

teri adcreseat?

3. Quo remedio Quartam consequamur?

E*T cum quasitum esset.*] In singulis rebus Falcidiæ ratio obtinebit, nisi 1.
uni plura legata sint relictæ, & quidem de rebus diversis. tunc enim
si res sint indivisibiles ex unâ re quartam detrahet hæres, quæ sese om-
nium rerum legatarum quartæ exæquet. Vel si res sint divisibiles, pro ar-
bitrio & æquitate judicis, ex unâ vel pluribus rebus deducetur quarta, ut
quam minimo damno afficiatur legatarius. Bartol. in l. in quartam D. hic.
Castrenf. in l. 2. Cod. eod. In singulis etiam hæredibus quartæ ratio ponen-
da est, sic ut singuli quartam suæ portionis habeant salvam. §. 1. in fin. hic.
Etiam in casu quo ab uno hærede nominatim relictum est legatum, quod
ejus partem exhaurit. §. 1. hic. Licet enim ab eo solo legatum sit præstan-
dum, quia solus est oneratus, non aliter tamen hoc præstat, quam retentâ
quartâ Falcidiâ. d. §. 1.

Quid si ergo duobus scriptis hæredibus, alterius pars legatis sit onerata, 2.
alterius non item, & alter eorum decedat, antequam suam agnoverit por-
tionem? Ea adcreseat superstiti cohæredi, etiam cum onere præstandi lega-
ta; quod dubium non habet. Verum an Falcidiæ locus sit futurus, id est
an integra legata ab hærede gravato relictæ sint præstanda, difficultate non
caret; ut subsequenti distinctione res sit temperanda.

Aut ille hæres deficit, cujus portio legatis erat onerata, quæ adcrefcit

co-

cohzredi superstiti, cujus portio non erat onerata. Et superstes deducet Falcidiam à portione oneratâ, quæ separatim consideratur, id est non confusè cum portione non oneratâ; adeoque non juvantur legatarii per portionem non oneratam, non defectam. l. 78. in fin. D. hic. Secundum quam explicanda & corrigenda, l. 1. §. si cohæres. 14. D. hic. Cujac. 4. obl. 35. Aut deficiit cohæres cujus portio legatis non erat onerata, quæ integra adcrefcit portioni cohæredis superstitis, quæ erat legatis gravata. Et superstes non deducet Falcidiam, quod in hoc casu utriusque semissis fiat confusio, sic ut ultra dodrantem superstes oneratus non sit, cum integrum semissem habeat saluum. Quâ ratione legatarii per deficientem portionem non oneratam oneratæ adcrefcentem iuari dicuntur, in quantum integra legata salva sunt habituri. l. 78. D. hic.

In casu tamen priori, quo portio onerata hæredis deficientis accedit integre portioni, discrimen servandum inter substitutionem pupillarem & vulgarem. Nam si pater filium instituerit hæredem, ei dato cohærede, eundemque cohæredem substituerit pupillariter, filio qui patri non existit hæres, intra pubertatem decedente, tum substitutus filio obligatus est, ut integra præstet legata, quod assis habeatur ratio, qui ad substitutum pervenit. Secus quam obtinet si pupillus patri extiterit hæres ex semissè, & adiverit hereditatem, dein defecerit intra pubertatem; quod hoc in casu semissis habeatur ratio, in quem jure substitutionis succeditur impuberi; ut à portione gravatâ Falcidia sit deducenda. l. qui fundum. 87. §. qui filium. D. hic.

Quod si portio cohæredis sit onerata, eique postmodum ex substitutione pupillari adcrefcet portio pupilli ex hausta legatis, in utraque portione ratio legis Falcidiæ ponenda erit. l. 87. §. fin. D. hic. vid. Alciat. parerg. 5. cap. 24. & 6. parad. c. 4. Duaren. 2. disp. 10. Cujac. 8. observ. 4. Donell. 8. comm. 23. Pacium 9. antin. 47. Bacchov. vol. 2. disp. 14. thes. 2. Perez. Cod. hic. n. 10.

3. *Placuit posse retinere.*] Certius nihil est, quam heredem quartam Falcidiam retinere posse. §. 1. hic. sicuti actione ex l. Falcidiâ quartam servare poterit. l. 1. §. 11. l. 14. §. 1. l. 15. §. 1. l. 93. D. hic.

Verum dubitatur, num eandem non retentam, sed præstitam per ignorantiam facti, vel occupatâ à legatario, vindicare valeat? Sunt qui censent olim jure rentionis consultum fuisse hæredi, non alio civili remedio. l. patet. 14. J. quod. 15. l. acceptis. 93. D. hic. Nov. 1. §. sed quia. Et propterea remedium prætorium fuisse introductum puta interdicitum, *quod legatorum*, quo experiebatur hæres, si quartam non retinisset. tit. D. quod legat. Cuj. 8. obl. 4. Alii existimant hæredem & olim quartam non retentam vindicare

po-

potuisse. per l. lineam. 26. D. hic. Arg. l. Plautius. 49. l. 73. §. fin. D. cod. l. 2. l. fin. Cod. cod. & ita tenet Azo in summ. Cod. hic. n. 14. Duaren. hic. c. 8. Donell. 8. comm. 27. Bacchov. vol. 2. disp. 14. thes. 4. sect. *tertium*. Verum quandoquidem jure novo extra dubitationis aleam constitutum est, hæredi etiam competere vindicationem, parum circa altercationes partium contententium erimus solliciti. l. pen. Cod. hic.

§. 2.

1. *Quo tempore spectandum defuncti patrimonium?* | 2. *Consulitur Legatariis.*

Quantitas autem patrimonii.] Ut Falcidiz ratio iniri commodè possit, 1. dispiciendum erit quo tempore spectanda sit patrimonii quantitas, unde Falcidia est deducenda. Et proponitur, patrimonium considerari prout erat tempore mortis testatoris. §. 2. hic. ipsa enim aditio ad tempus mortis trahitur, seu potius retrahitur. l. 138. 193. D. de regul. jur. Neque enim ante obitum testatoris Falcidiz ratio iniri potest, cum nulla tum sint legata, nulla hæreditas. l. 1. D. de hered. vel actione vendit. Hinc nec aucta hæreditas ante aditionem prodest legatariis, nec deminuta iisdem nocet. l. in quantitate. 73. D. hic. omne enim commodum & incommodum spectat hæredem. §. 2. hic. Nisi tamen aliquid hæreditati post mortem accesserit quod causam ex facto defuncti, vel inito ab eo contractu habuit, non quod noviter post mortem emerit.

Atque ita non obstat. l. 56. §. 1. l. 43. l. 83. D. hic. Bacchov. ad Instit. in comm. hoc tit.

Nisi itidem legatorum dies non à morte testatoris, verum ab aditâ cedat hereditate; quo casu Falcidia deducitur ex tempore quo cedunt legata. Arg. §. si peculium. 20. v. si post mortem. Instit. de legat. vid. Gomef. ad l. 23. Tauri.

Nec ea res damnoſa eſt hæredi.] Quia tamen hæres à legatariis aut fideicommissariis particularibus cogi non potest ut adeat hereditatem, secus quam obtinet si universali fideicommissio sit oneratus, quod in heredem fideicommissarium omnia onera transferantur. §. 2. hic. §. ergo. Instit. de fideic. hered. Et nisi adita fuerit hæreditas, legata non debeantur. l. 14. Cod. de fideic. secus quam obtinet jure noviss. Nov. 1. c. 1. §. 1. Tutius agent legatarii, (non quod id agere cogantur, est enim consilium non præceptum quod hic traditur) si cum hærede in portione paciscantur. §. 2. hic.

§. 3.

1. *Quid Patrimonii veniat nomine?* | 3. *Quid Moribus?*
2. *Quid Jure Hebræorum?* | 4. *Quanam in Falcidiam imputentur?*

Nnnnn

Cum

1. **C**um autem ratio legis Falcidia. Ut intelligatur quanta sit Falcidia, inspicere debebat, quantum fuerit in patrimonio defuncti, idque tempore mortis. §. 2. hic. Verum jam explicandum quid patrimonii veniat nomine; neque enim quæ computanda mortis tempore, aliter computari debebunt, quam ut sint mansura. l. 38. D. hic. Ut quæ ablata fuissent vivo testatore, vel auferri potuissent in bonis non sint. Sicuti è contrario in bonis remansisse dicuntur, quæ relicta sub conditione quæ deficit. l. 11. §. 1. & §. Imperator. D. hic. Et quæ exigi poterunt cum effectu, licet necdum sint in bonis, patrimonii quantitatem augebunt. l. pretia. 63. §. pen. D. hic. l. 56. §. 1. D. eod. Azo in summ. Cod. eod. num. 21.

Hinc bona demum esse dicuntur, quæ deducto ære alieno, deductis Deorum donis, secundum Paul. 4. sent. 3. deductis iis quæ æri alieno comparantur, puta funeris impensis, rebus alienis in hæreditate repertis, fideicommissis à defuncto debito, supersunt. §. 3. hic. l. 7. 8. Cod. eod. Quibus non est adjungendum, quod in morbum impensum est, cum æris alieni nomine veniat. l. pen. D. de religiof. & sumpt. funer. l. 14. §. 1. D. eod. nisi pietatis intuitu vel affectionis sit impensum. l. 13. Cod. de Neg. Gest. Et quod reliquum est, deductis pretiis servorum manumissorum, vel manumittendorum, vel etiam supplicio affectorum, tam alienorum quam priorum. §. 3. hic. l. 36. 39. D. eod. Estimandis secundum communem utilitatem, non privatum affectum. l. pretia. 63. D. hic. aut eam æstimationem, secundum quam in sensum res rediguntur. l. 62. §. 1. D. hic. l. 4. D. de cens. vid. Duaren. hic. c. 8. Donell. 8. comm. 24. Neque enim bona dici debebunt, quæ nos non beant, quæque plus incommodi quam commodi secum trahunt. l. 39. §. bona. D. de verb. signif. l. 83. D. eod. Prædictis jungere, quicquid circa inventarii conscriptionem expendit hæres. l. fin. §. in computatione. Cod. de jure delib. Etiam quod hæredi mortis tempore fuit debitum à testatore. l. 6. 8. Cod. hic.

Neque obstat, quod pro quâ parte quis est hæres, extinguatur actio propter confusionem. tit. Cod. de hæred. action. l. 6. Cod. hic. Quoniam illa quidem confusio admittitur, quando inter se agunt cohæredes, non autem quando cum hærede contendunt legatarii.

Ideo vero æs alienum ante legata est deducendum, quia æs alienum est verum debitum, cum legata sint quasi debita, saltem non debita à testatore. l. 39. D. hic. Ideo funeris impensa, quia ejus causa est maxime necessaria, & favorabilis, sic ut omne creditum antecedit, cum bona solvendo non sunt. l. 2. D. de Privil. cred. l. 14. v. fin. l. 28. l. 31. l. 45. D. de religiof. & sumpt. fun. Covarr. in c. Rainald. §. 3. n. 2. de testam.

Et satius est, etiam honorificentius testatorem de suo funerari, quam aliquos legata consequi; quod non deceat quem exercere liberalitatem in præjudicium aliorum, in præjudicium religionis. Gomef. ad l. 30. Tauri. Garfias de expens. c. 8. Gamm. decis. 318. Vander Anus de Privil. cred. c. 3. Non tamen ad impensam funeris retuleris quod ad extructionem monumenti est erogatum; quod isti sumptus non erant adeo necessarii, ut omitteri potuerint. l. 1. §. fin. l. 2. D. hic. vid. Bartol. in l. 1. §. de impensâ. D. hic.

Ideo pretia servorum manumissorum ante legata collocantur, quod libertati multum sit tributum. Ideo quod circa inventarii confectionem impensum, quia iniquum esset quempiam ex illo beneficio sentire damnum. l. fin. Cod. de jure delib. Ideo quod hæredi à testatore erat debitum, quoniam si forte hæreditas non esset solvendo, ejus causa ut veri creditoris potior esse deberet legatariis. d. l. fin.

JURE HEBRÆORUM.

Apud Jehudzos forte sepultura ratio ante omnia habenda est. vid. 2. 2. Regum. 2.

MORIBUS.

Quando bona solvendo non sunt, sic ut de jure concurrentiæ & prælati-
onis inter creditores sit contentio, ejus quod in morbum, in ægrum: curan-
dum, vel visitandum impensum est, una cum impensâ funeris habetur ratio.
Argent. ad Brittan. art. 514. gloss. 3. n. 4. Sichard. in l. 4. Cod. de pet.
hæred. Wesemb. Parat. D. de religiof. in fin. Mornac. in l. 37. D. de Re-
lig. Anton. Matth. tract. de judic. disp. fin. n. 96.

Quod si inquiratur inter conjugem superstitem, & hæredes conjugis prædefunctæ, quis sumptus in morbum, in Medicos, Chirurgos factos, ferre debeat, respondendum erit, eos ad æs alienum, stante matrimonio contractum referri, sic ut commune conjugum sit onus. Chassan. ad Bur-
gund. rubric. de jurib. 4. §. 9.

Deinde quod ex bonis apud hæredem remanere. Id est quod ex hæreditate, vel jure hæreditario quartæ nomine hæredi debetur. In Falcidiam enim ea demum imputantur quæ jure universali alicui obveniunt, non quæ jure præcipui, vel per modum legati vel mortis causa donationis, vel alio quo titulo singulari quis nanciscitur. l. 74. §. 6. 91. D. hic. Nisi tamen contraria testa-
toris voluntas appareat, l. 22. D. hic. Duaren. tit. ad l. Falcid. c. 8. Quod si aliquid penes hæredem remanserit titulo institutionis, tantum à legatis deducet, quantum sibi ad quartam deest. Ut Falcidia quandoque sextam, quandoque millesimam partem detrahi jubeat, inspecto puta eo, quod decrat quartæ, eo computato, quod erat relictum jure hæreditario.

l. in quantitate. 73. §. fin. D. hic. l. 2. Cod. eod.

Quid si legatum sit conditionale, vel in diem? Medii temporis commodum hæredi imputabitur in quartam, quod illud tanquam jure hæreditario percipat. l. in lege Falcidiâ. 45. D. hic.

Quid si sint retentiones omnis temporis, id est ea quæ inutiliter alicui relicta, vel quidem utiliter, sed postea defecerunt? Etiam in quartam imputantur, quia jure hæreditario hæc ipsa apud heredem remanent, vel ad ipsum devolvuntur. l. in ratione. 30. l. non dubium. l. nec interest. D. hic. l. unic. Cod. de caduc. tollend. §. & cum triplici. Azov in summ. Cod. hic. n. 17. 23.

Verum cur in Falcidiam ea tantum imputantur, quæ relicta titulo universalis, cum in Trebellianicam veniat, quicquid est relictum, insuper habito modo, quo sit relictum? Ratio diversitatis non alia videtur esse, quam quod lex Falcidia velit quartam partem hæreditatis penes heredem remanere, ut nihil quod non esset hæreditarium, in Falcidiam esset imputandum. l. 1. in princ. D. hic. Ulpian. in Fragin. tit. 24.

Verum Pegasio, quod postmodum ad Trebellianum est translatum, simpliciter fuit cautum, ut quartam partem de fideicommissis hæredi retinere liceret. §. sed quia. cum seqq. Instit. de fideic. hæred. Alii aliam differentie rationem allegant, quam propterea non improbavero; ut hic cuique liberum suum judicium relinquam. vid. Alciat. 6. parad. 4. Duaren. 2. disp. 10. Contium 1. disp. 3. Cujac. 8. obs. 4. Perez. Cod. ad Trebell. n. 18.

LIBER. II. TITULUS. XXIII.

DE

FIDEICOMMISSARIIS HÆREDITATIBUS, ET AD S.C. TREBELLIANUM.

Nunc transeamus ad fideicommissa: sed prius est, ut de hæreditatibus fideicommissariis videamus.

1. Sciendum itaque est, omnia fideicommissa primis temporibus infirma fuisse, quia nemo invitus cogebatur præstare id, de quo rogatus erat. Quibus enim non poterant hæreditatem, vel legata relinquere, si relinquebant, fidei com-

mit-

mittebant eorum, qui capere ex testamento poterant hæreditatem. Et ideo fideicommissa appellata sunt, quia nullo vinculo juris, sed tantum pudore eorum, qui rogabantur, continebantur. Postea divus Augustus primus, semel iterumque gratiâ personarum motus, vel quia per ipsius salutem rogatus quis diceretur, aut ob insignem quorundam perfidiam, iussit Consulibus auctoritatem suam interponere. Quod quia iustum videbatur, & populare erat, paulatim conversum est in assiduam jurisdictionem: tantusque eorum favor factus est, ut paulatim etiam Prætor proprius crearetur, qui de fideicommissis jus diceret, quem fideicommissarium appellabant.

2. In primis igitur sciendum est, opus esse, ut aliquis recto jure testamento hæres instituatur, ejusque fidei committatur, ut eam hæreditatem alii restituat, alioqui inutile est testamentum, in quo nemo hæres instituitur. Cum igitur aliquis scripserit; *Lucius Titius hæres esto*, potest adjicere, *Rogo te Luci Titi, ut cum primum poteris hæreditatem meam adire, eam Cajō Sejō reddas, restituas*. Potest autem quisque & de parte restituenda hæredem rogare. Et liberum est, vel purè, vel sub conditione relinquere fideicommissum, vel ex certo die.

3. Restitutâ autem hæreditate, is quidem, qui restituit, nihilominus hæres permanet: is verò, qui recipit hæreditatem, aliquando hæredis, aliquando legatarii loco habetur.

4. Et Neronis quidem temporibus, Trebellio Maximo & Annæo Seneca Consulibus, Senatusconsultum factum est, quo cautum est, ut si hæreditas ex fideicommissi causa restituta sit, omnes actiones, quæ jure civili hæredi, & in hæredem competenter, ei, & in eum darentur, cui ex fideicommissio restituta esset hæreditas. Post quod Senatusconsultum Prætor utiles actiones ei, & in eum, qui recipit hæreditatem, quasi hæredi, & in hæredem dare cœpit.

5. Sed quia hæredes scripti, cum aut totam hæreditatem, aut penè totam pserumque restituere rogabantur, adire hæreditatem ob nullum vel minimum lucrum recusabant, atque

ob id extinguebantur fideicommissa; postea Vespasiani Augusti temporibus, Pegaso & Pusione Consulibus, Senatus censuit, ut ei, qui rogatus esset hæreditatem restituere, perinde liceret quartam partem retinere, atque ex Lege Falcidia ex legatis conceditur. Ex singulis quoque rebus, quæ per fideicommissum relinquuntur, eadem retentio permissa est. Post quod Senatusconsultum ipse hæres onera hæreditaria sustinebat: ille autem, qui ex fideicommissio recipiebat partem hæreditatis, legatarii partarii loco erat, id est, ejus legatarii, cui pars bonorum legabatur, quæ species legati partitio vocabatur, quia cum hærede legatarius partiebatur hæreditatem. Unde quæ solebant stipulationes inter hæredem & partarium legatarium interponi, eadem interponebantur inter eum, qui ex fideicommissio recepit hæreditatem, & hæredem, id est, ut lucrum & damnum hæreditarium pro rata parte inter eos commune esset.

6. Ergò siquidem non plus quàm dodrantem hæreditatis scriptus hæres rogatus sit restituere, tunc ex Trebelliano Senatusconsulto restituebatur hæreditas, & in utrumque actiones hæreditariæ pro rata parte dabantur: in hæredem quidem jure civili; in eum verò, qui recipiebat hæreditatem, ex Senatusconsulto Trebelliano tamquam in hæredem. At si plus quàm dodrantem, vel etiam totam hæreditatem restituere rogatus esset, locus erat Pegasiano Senatusconsulto: & hæres, qui semel adierat hæreditatem (si modo suâ voluntate adierat) sive retinuerat quartam partem, sive retinere noluerat, ipse universa onera hæreditaria sustinebat. Sed quarta quidem retentâ, quasi partis & pro parte stipulationes interponebantur, tamquam inter partarium legatarium & hæredem. Si verò totam hæreditatem restitueret, emptæ & venditæ hæreditatis stipulationes interponebantur. Sed si recusabat scriptus hæres adire hæreditatem, ob id, quòd diceret eam sibi suspectam esse, quasi damnosam: cavebatur Pegasiano Senatusconsulto, ut, desiderante eo, cui restituere rogatus

rus esset, jussu Prætoris adiret & restitueret hæreditatem: perindeque ei & in eum, qui reciperet hæreditatem, actiones darentur, ac juris est ex Trebelliano Senatusconsulto, quo casu nullis stipulationibus est opus: quia simul & huic, qui restituit, securitas datur, & actiones hæreditariæ ei & in eum transferuntur, qui recipit hæreditatem, utroque Senatusconsulto in hac specie concurrente.

7. Sed quia stipulationes, ex Senatusconsulto Pegasiano descendentes, & ipsi antiquitati displicuerunt, & quibusdam casibus captiosas eas homo excelsi ingenii Papinianus appellat, & nobis in legibus magis simplicitas quàm difficultas placet: ideo omnibus nobis suggestis, tam similitudinibus, quàm differentiis utriusque Senatusconsulti, placuit, exploso Senatusconsulto Pegasiano, quod postea supervenit, omnem auctoritatem Trebelliano Senatusconsulto præstare, ut ex eo fideicommissariæ hæreditates restituantur: sive habeat hæres ex voluntate testatoris quartam, sive plus, sive minus, sive nihil penitus, ut tunc, quando vel nihil, vel minus quartâ apud eum remanet, liceat ei vel quartam, vel quod deest, ex nostra auctoritate retinere, vel repetere soluti, quasi ex Trebelliano Senatusconsulto; pro rata portione actionibus tam in hæredem, quàm in fideicommissarium competentibus. Si verò totam hæreditatem spontè restituerit, omnes hæreditariæ actiones fideicommissario, & adversus eum competant. Sed etiam id, quod præcipuum Pegasiani Senatusconsulti fuerat, ut, quando recusaret hæres scriptus sibi datam hæreditatem adire, necessitas ei imponeretur totam hæreditatem volenti fideicommissario restituere, & omnes ad eum & contra eum transferre actiones: & hoc transposuimus ad Senatusconsultum Trebellianum, ut ex hoc solo necessitas hæredi imponatur, si, ipso nolente adire, fideicommissarius desideret restitui sibi hæreditatem, nullo nec damno nec commodo apud hæredem remanente.

8. Nihil autem interest, utrùm aliquis ex assè hæres institutus,

tutus, aut totam hæreditatem, aut pro parte restituere rogatur: an ex parte hæres institutus, aut totam eam partem, aut partem partis restituere rogatur. Nam & hoc casu eadem observari præcipimus, quæ in totius hæreditatis restitutione diximus.

9. Si quis, unâ aliquâ re deductâ, sive præceptâ, quæ quartam continet, (veluti fundo, vel aliâ re) rogatus sit restituere hæreditatem, simili modo ex Trebelliano Senatusconsulto restitutio fiet, perinde ac si quartâ partem retentâ rogatus esset reliquam hæreditatem restituere. Sed illud interest, quòd altero casu, id est, cum deductâ sive præceptâ aliquâ re, restituitur hæreditas, in solidum ex eo Senatusconsulto actiones transferuntur: & res, quæ remanet apud hæredem, sine ullo onere hæreditario apud eum remanet, quasi ex legato ei acquisita. Altero verò casu, id est, cum quartâ partem retentâ rogatus est hæres, restituere hæreditatem, & restituit, scinduntur actiones, & pro dodrante quidem transferuntur ad fideicommissarium, pro quadrante remanent apud hæredem. Quia etiam licet, unâ re aliquâ deductâ, aut præceptâ, restituere aliquis hæreditatem rogatus sit, in qua maxima pars hæreditatis contineatur, æquè in solidum transferuntur actiones: & secum deliberare debet is, cui restituitur hæreditas, an expediat sibi restitui. Eadem scilicet interveniunt, & si duabus pluribusve deductis præceptisve rebus, restituere hæreditatem rogatus sit. Sed & si certâ summâ deductâ præceptave, quæ quartam, vel etiam maximam partem hæreditatis continet, rogatus sit aliquis hæreditatem restituere, idem juris est. Quæ autem diximus de eo, qui ex asse institutus est, eadem transferimus & ad eum, qui ex parte hæres scriptus est.

10. Præterea intestatus quoque moriturus, potest rogare eum, ad quem bona suo, vel legitimo jure, vel honorario pertinere intelligit, ut hæreditatem suam totam, partemve ejus, aut rem aliquam (veluti fundum, hominem, pecuniam) alicui restituat: cum alioqui legata, nisi ex testamento, non valeant.

11. Eum

11. Eum quoque, cui aliquid restituitur, potest rogare, ut id rursum alii aut totum, aut partem, vel etiam aliquid aliud restituat.

12. Et quia prima fideicommissorum cunabula à fide hæredum pendunt, & tam nomen quàm substantiam acceperunt: ideo divus Augustus ad necessitatem juris ea retraxit. Nuper & nos eundem Principem superare contententes, ex facto, quod Tribonianus vir excellentissimus, Exquæstor sacri palatii, suggestit, Constitutionem fecimus, per quam disposuimus: si testator fidei hæredis sui commisit, ut vel hæreditatem, vel speciale fideicommissum restituat, neque ex scriptura, neque ex quinque testium numero (qui in fideicommissis legitimus esse noscitur) possit res manifestari, sed vel pauciores, quàm quinque, vel nemo penitus testis inter venerit: tunc siue pater hæredis, siue alius quicumque sit, qui fidem hæredis elegerit, & ab eo restitui aliquid voluerit, si hæres perfidiâ tentus adimplere fidem recusat, negando rem ita esse subsecutam, si fideicommissarius iusjurandum ei detulerit, cum prius ipse de calumnia iuraverit, necesse eum habere, vel iusjurandum subire, quòd nihil tale à testatore audiverit, vel recusantem ad fideicommissi vel universalis, vel specialis solutionem coarctari, ne depereat ultima voluntas testatoris fidei hæredis commissa. Eadem observari censuimus, & si à legatario vel fideicommissario aliquid similiter relictum sit. Quòd si is, à quo relictum dicitur, postquam negaverit, confiteatur quidem aliquid à se relictum esse, sed ad legis subtilitatem recurrat, omninò solvere cogendus est.

COM M E N T A R I U S.

I N P R I N C.

- | | |
|--|-------------------------------------|
| 1. <i>Differentia varia inter directam &</i> | <i>rem.</i> |
| <i>Fideicommissariam Hæredita-</i> | 2. <i>Fideicommissum definitur.</i> |

I.



Nunc transeamus ad fideicommissa.] Non tantum jure directo, vel hæreditas vel legata nobis adquiruntur, sed etiam obliquè, id quod fit verbis precariis. Quo modo nobis relinquitur res universalis, quæ *fideicommissaria hæreditas* appellatur, vel res singularis, saltem titulo singulari, quæ *fideicommissi singularis* venit nomine. Ut vero prius de hæreditate, quam de legatia fuit actum, ita etiam ante de fideicommissio universali, post de singulis rebus per fideicommissum relictis agendum erit.

In antecessum autem differentiarum erunt exhibendæ inter fideicommissum universale, & directam hæreditatem. Illud verbis relinquitur precariis, obliquis; hæc verbis imperativis, directis. Illud ab hærede, etiam ab ipso fideicommissario relinquitur; hæc nonnisi à testatore. Illud testamento imperfecto, modo clausula subiecta sit codicillaris, adeoque codicillis; hæc nonnisi perfecto testamento defertur. Illud vel solo nutu relinqui potest; hæc pluribus verbis, vel nuncupatis, vel scriptis. In illo detractioni Trebellianicæ locus est; hic obtinet Falcidia, si legata contineantur. Illud transfertur mediatè; hæc immediatè. Illud vel in diem, vel ex certo tempore relinqui potest; hæc diem certum non admittit. Illud ut adeatur à servo, sufficit domini ratihabitio; hæc nisi jussu domini antecedente adiri non potest. Illud relictum solâ hæredis conscientia probari potest; hæc desiderat testium numerum, aliaque solemnia. In illo quandoque fiduciarius hæres legatarii vicem obtinet; in hac qui designatus hæres, nonnisi hæredis locum tenet, excepto casu, quo duobus scriptis hæredibus, aliter ex re certâ scriptus erat.

Dictum autem est fideicommissum, quod fidei hæredis vel instituti vel ab intestato venientis à defuncto committatur, & alteri restituendum demandetur. Definitum ab Ulpiano sit. 25. Quod non civilibus verbis sed precariè relinquitur, nec ex rigore juris civilis proficiscitur, sed ex voluntate datur relinquentis. Initio igitur inspecto à fide hæredis gravati, ejusque beneplacito, non à juris necessitate, vel legis dispositione dependebat. in princ. hic. Hottom. Brissou. de verb. juris. in verbo *fideicommissum*. Et in tantum non erat obstrictus hæres gravatus, jure antiquo, id est ex 12. tabul. ut neque ullâ actione civili conveniri, neque ex æquitate officio judicis, ne quidem extra ordinem ad eorum præstationem cogi potuerit. in princ. hic.

An ergo leges malitiis hominum viam aperuerunt, an perfidiarum ansam præbuerunt? An etiam pudor hominis fidem frangentis onerabatur? Sic ut tantum noluerint efficiter quem posse conveniri, qui aliter in conscientia implere tenebatur, quod ejus fidei commissum erat? Ne aliter atque leges ex nudo pacto seu nudâ præmissione quem efficaciter conveniri

no-

§. 1.

- | | |
|---|--|
| <p>1. Incapacibus secundum quid Fideicommissa relinquuntur.</p> <p>2. Rogati per salutem Principis implent Fideicommissa.</p> <p>3. Ex Jure singulari universale inducitur.</p> | <p>4. Fideicommissi cum tempore utilia esse ceperunt.</p> <p>5. Qui petantur Fideicommissa?</p> <p>6. Quid Moribus?</p> <p>7. Quam de Fideicommissis cognoscebant?</p> |
|---|--|

Quibus non poterant hereditatem.] Ideo fidei hæredum testatores relicta commendabant, quod quibus nihil directè vel civilibus verbis relinquere poterant, quasi per tacitam fidem, sic ut fideicommissarii nomen tabulis non contineretur, per domesticam cautionem, scripturam privatam, epistolam, libellum fideicommissarium, ab alio capaci relinquerent. l. 3. D. de jure fisci. l. 103. D. de Leg. 1. l. 22. Cod. de fideic.

Tales erant non omnino incapaces, ut orbi, cælibes, mulier intra annum luctus nubens, peregrini quibus cum legibus Romanis nihil erat commercii. Licet etiam illis casibus quandoque hæreditas auferretur, & fisco applicaretur. l. 1. 3. D. de jure fisci. Quod si absolutè quidam forent incapaces, quales sunt deportati, servi poenæ, certum est nec his præter alimenta quicquam relinqui potuisse; aut si quid fuerit relictum, ne quidem vinculo pudoris obstringebatur hæres ut hoc ipsum præstaret, quod in fraudem legis commissum poenam mereretur. Ulpian. tit. 25. l. 103. D. de Leg. 1.

Postea Divus Augustus.] Jure antiquo omnia fideicommissa prorsus erant inutilia, jure medio seu recentiori, unum forte atque alterum fideicommissum jussu Principis sortiebatur effectum. Qui gratiâ quorundam, quod proximi essent testatoris, in princ. hic. odio grandis quorundam perfidiæ, quam refrenare æquum erat. l. 1. D. de const. pecun. contemplatione venerationis Principalis, quod per ipsius salutem nonnulli rogati essent, fideicommissa quandoque sustinuit. in princ. hic. Sicuti enim per Deum rogati arctius obligantur. l. 3. D. de jure fisci. ita cum Dei vicem in terris gereret Princeps, etiam per salutem Principis rogatus, hoc vinculo citra crimen, nisi forte inconsulto calore jurasset, se liberare non poterat. l. 2. Cod. de jurejur. Plin. 10. epistol. 67. & 87. vid. Genes. 42. v. 15. Tertull. in Apologet. c. 32.

Quod quia justum & popolare.] Ex jure quarundam personarum, & quod aliquid populo sit gratum, pedetentim jus commune factum est; non aliter atque ex civili jus gentium, quasi per inductionem jurium singularium vel exemplorum, jus universale introductum, vel jus generale, quod omnes

cives obligat. l. an inutilis. 8. D. de acceptilat. Et hoc ipsum est, quod indicat Paulus J. C. ex jure quod est, id est ex variis casibus, qui fuere observari adinstar juris, tandem regulam fieri, id est jus regulare, & commune. in princ. hic. l. 1. D. de regul. juris.

4. *Paulatim conversum est.*] Quæ fideicommissa olim erant inutilia, postmodum utilia esse cœperunt. Et quidem primum ex æquo & bono extra ordinem petebantur, certâ nondum prodiâ actione de fideicommissio persequendo, postmodum officio judicis ordinario, prodiâ actione, si fideicommissarii essent capaces. Nam & olim non omnino, id est secundum quid incapacibus relinquebantur, quod in se non haberent præstandi necessitatem. l. 7. D. de Leg. 3. l. 78. §. actionis. D. de verb. signif. §. 1. in fin. hic. Unde licebit observare regulam, illud quod justum non est, vim legis non fortiri. l. 39. D. de Leg.

5. Verum an fideicommissarius res hæreditarias vindicare poterit? Restitutâ hæreditate per hæredem fiduciarium eas vindicare poterit, etiam ante restitutam hæreditatem si per hæredem sint alienatæ, fideicommissario dabitur utilis rei vindicatio. l. fin. Cod. comm. de legat. Aliter res nondum restitutæ sunt in dominio hæredis, qui eas alienare poterit, & in quartam imputare. l. Marcellus. §. res. l. si hæres institutus. §. si hæres. D. hic. Ut tamen quod supra quartam alienatum est, tanquam illicitè translatus, repetatur. l. fin. Cod. comm. de legat. vid. Peregrinum de fideicomm. art. 43. & seqq.

Quid si mortuus fuerit fideicommissarius, priusquam ei restituta esset hæreditas? Petitionem fideicommissi in hæredem transmittit. l. 44. in princ. l. 16. §. 9. l. 25. 46. D. hic. Gail. 2. obs. 131. Goues. 1. resol. 5. n. 9. Bacchov. ad Treutl. vol. 2. disp. 14. thes. 8. lict. A. Perez. Cod. de fideic. n. 9. diss. Faber decad. 31. error. 1. Vaud. 2. var. quæst. 1.

MORIBUS.

6. Moribus Belgii nulla est fideicommissi petitio, nisi in acta sit relatum, coram loci judice, ubi immobilia sita. Idque propterea ne quæ fiat alienatio, vel dominii translatio in detrimentum eorum, ad quos bona essent devolutura. Edict. perpetuum Carol. 5. Edictum Ordin. Holl. ann. 1624. §. 1. 2. Ultraject. constit. decisoria ann. 1629. April. 14. Ruræm. p. 3. tit. 6. §. 1. n. 17.

Idem quod obtinet in ditione Vianensi secundum constit. Illustrissimi Brederodii ann. 1629. Decemb. 23. vid. Choppin. 2. de moribus Paris. 8. num. 8. Mornac. in l. 2. D. de edend. Zyp. in not. jur. Belgic. tit. de testam. Zoef. D. hic. n. 39. Wassen. Pract. notariael. c. 18. n. 161. 188.

7. *Tantiſque eorum favor, ut prator propius crearetur.*] Romæ Prætor, in Pro-

Provinciis Præses de fideicommissis cognoscebat. l. cum etiam. Cod. de rebus credit. Iino si major esset summa, Consulum Romæ de eâ erat cognitio, non Prætoris fideicommissarii. Unde Quintil. 3. Instit. Orat. c. 8. *Non debes apud Prætorem petere fideicommissum, sed apud Consules, major enim Prætorâ cognitione summa est.* vid. Fabrot. ad Theophil. hic.

§. 2.

- | | |
|---|--|
| 1. Fideicommissum ab eo relinquitur, qui testamentum facere potest. | vanti succeditur. |
| 2. Quid Moribus? | 4. Quo modo Fideicommissa relinquuntur? |
| 3. In Fideicommissis Testatori gratia | 5. Fideicommissum vel expressum vel tacitum. |

Imprimis igitur sciendum est.] Fideicommissum relinqui non potest, nisi 1. testator justamentum faciendi habeat. l. 2. D. de Leg. 2. Neq; enim quem rogare potest, ut hæreditatem alteri restituat, nisi eum prius verbis directis scripserit vel nuncupaverit heredem. Qui cum non nisi testamento designetur, id eum facere posse, etiam fecisse requiritur. §. 2. hic. Nec sufficit eum fecisse testamentum, verum & perfectum esse debuit; quod ex imperfecto præstari non debuerint fideicommissa. l. 29. Cod. de fideic. Nisi tamen imperfecto testamento subjecta sit clausula codicillaris, vel sint facti codicilli testamento confirmati, vel etiam ab intestatò.

Neque obstat l. 38. D. de fideic. libert. Quod ibi jus singulare sit inductum propter affectionem quam testator erga alumnam habuit, ut subintelligatur clausula codicillaris. vid. Covarr. in cap. cum esset. n. 6. de Testam. Clarum 3. sent. §. testamentum. q. 52. Gail. 2. obs. 132. & seqq.

Sicuti non obstat. l. 1. §. 1. D. Leg. 3. Quia filius postmodum emancipatus in eadem perstitit voluntate.

MORIBUS.

De consuetudine etiam inter vivos conventionem fideicommissum constitui potest. Surdus decis. 44. Peregrin. de fideic. artic. 51. Quod tamen plerique DD. ad singulare fideicommissum restringunt. Testaur. decis. 225. n. 11. Gail. 2. obs. 126. n. 8. 9. Sand. 4. decis. 5. def. 19. Verum cum pactis antenuptialibus de futura successione secundum mores disponendi facultas sit concessa, nihil obstat, cur non æquè iisdem universale fideicommissum induci possit, sicuti etiam nonnunquam inducitur.

Ut aliquis recto jure hæres instituitur.] In fideicommissis considerantur tres personæ, testator qui aliquem instituit, & dum jus habet testamenti faciendi, cum onere fideicommissi gravat, hæres qui recto jure instituitur, fiduciarius hæres appellatus, qui rogatus est seu gravatus onere restituendi,

di, denique hæres fideicommissarius, seu honoratus, cui hæreditas per hæredem directum est restituenda. §. 1. hic. l. quamvis. D. de judic.

Ubi anxie quæsitum inter interpretes, cui fideicommissarius succedat, an testatori gravanti, an potius hæredi directo gravato? *Resp.* Quia directus hæres rogatur non suam, sed testatoris hæreditatem fideicommissario restituere, dicendum videtur, cum testatori, non hæredi rogato succedere. §. 2. hic. l. 41. §. 3. D. de Vulg. & pupill. substit. Covarr. Pract. quæst. c. 38. n. 2. Tessaur. decis. 64. n. 6. Faber de error. pragmat. decad. 54. error. 8. Fachin. 4. contrav. 85. Sand. de prohib. rerum alien. p. 3. c. 6. n. 18. & seqq. & 4. def. 5. decis. 6. vid. tamen Mantic. de conj. ultim. vol. 8. tit. 12. Fabrum Cod. 6. tit. 19. def. 6. & tit. 22. def. 27.

4. *Cum igitur aliquis scripserit.*] De modo relinquendi fideicommissum, potissimum in hoc §. agitur. Cumque testamento fideicommissum relinqui regulariter scripisset, pergat alterum explicare modum, quod vel purè vel sub conditione vel ex certo die relinquatur. Quo nomine sicuti sub initium hujus tituli indicavi, ab hæreditate directâ separatur, quæ ex certodie, nisi militis sit hæreditas, relinqui non potest. Idque propterea, ne quis pro tempore testatus, pro tempore intestatus decederet; quæ juris Romani erat subtilitas. §. 9. Instit. de hæred. instit. l. miles ita. D. de milit. testam. l. potest. 56. D. de hæred. instit.

Verum quæsierit quispiam, cur non idem quod in obliquâ institutione admissum est, sit in directâ admittendum? *Resp.* Quia in directâ nemo interea est hæres ex testamento, si dies nondum advenerit, cum in obliquâ licet dies nondum venerit, directus hæres nunquam desinat esse hæres. §. 3. hic.

5. *Rogo te Luci Titi.*] Hic observare licebit fideicommissum ratione modi relinquendi aliud esse expressum, aliud tacitum. Expressum est, quod verbis exprimitur, cujus hic subjungitur formula: *rogo te Luci Titi* &c. Aliter etiam expressum dicitur, quod testamento vel codicillis relinquatur. Tacitum est, quod ex legis præsumptione, vel ex conjecturis voluntatis, vel utroque modo colligitur. Tale fideicommissum est, si pater filium roget hæreditatem post mortem restituere extraneo, neque enim aliter creditur testator filium onerasse fideicommissio, quam si sine liberis decedat, quæ conditio tacitè inesse censetur, si filius tempore facti testamenti liberos non habuerit. l. cum avus. 102. D. de condit. & demonstr. l. cum acurissimi. 30. Cod. de fideic. vid. ad hæc varia apud Grassum §. fideicommissum. q. 23. 24. 40. Menoch. 4. præf. 89. Mantic. 10. de conj. ult. vol. tit. 4. 18. Cujac. ad l. cum avus. libr. 9. resp. Papin. Covarr. 1. resol. 19. & pract. quæst. c. 38. Fachin. 4. contrav. 50. 60. Zoef. D. hic. n. 10. & seqq. Tale etiam fidei-

fideicommissum est, si pater dicat, *mando filia ne testetur*. l. qui filia. D. ad Trebell. & in l. Lucius. D. Leg. 3. l. 16. D. de Donat. Aliter etiam tacitum fideicommissum est, quod privata cautione, vel scripturâ relinquitur, puta libello fideicommissario. l. 22. Cod. hic. Vel epistolâ donationis, forte in æde sacrâ depositâ. l. cum pater. §. donationis. D. de Leg. 2.

§. 3.

1. Fideicommissi restitutio qui fiat? | 2. Qui restituit Hæres permanet.

Restitutâ autem hereditate.] Fideicommissi restitutio duobus fit modis, vel ipsâ re, si hæres patiatur à fideicommissario possideri res hereditarias, vel omnes vel aliquas, eâ opinione ut velit restituere, & qui possidet, eas recipere. Vel verbo, si dixerit se restituere, sive inter præsentis sive inter absentes, per nuncium vel per epistolam. l. 37. D. hic. Quo facto res sunt in ejus bonis, cui erant restituendæ. l. facta. D. hic. Ut tamen hæredi fiduciario teneatur ad impensas non modicas in rem fideicommissariam factas, si non eas deduxerit. vid. Peregrin. de fideic. art. 50. Menoch. de recup. possess. remed. 15. n. 558.

Qui restituit nihilominus hæres permanet.] Quoniam qui semel hæres extitit, non desinit esse hæres. §. 3. hic. l. ei qui. 88. D. de hæred. instit. l. 1. D. hic. supple. hæres directus. Quoniam jus personale adeo infixum est personæ, ut evelli non possit. l. frater à fratre. D. de condiçt. indeb. Et ille cui restituta est hereditas, directus dici nequeat. Quia tamen effectu quodammodo hæres est, & hæredis vice fungitur, quamvis non semper, apud directum hæredem præter inane nomen vix quicquam relinquatur.

§. 4.

- | | | |
|---|--|--------------------------|
| 1. Quid cautum Trebelliano? | | 3. An Fructus retinendi? |
| 2. Quæ actiones non transeant in Fideicommissarium? | | 4. Quid Moribus? |

ET Neronis quidem temporibus.] Quandoquidem qui semel est hæres, semper hæres permanebat, adeoque creditorum & legatariorum actiones excipere tenebatur, propterea hæres fideicommissarius erat loco emptoris hereditatis, (excepto casu quod emptor utiles actiones non habeat, quas habet fideicommissarius. l. 5. Cod. hæres vend.) cui ab hærede fiduciario, imaginariâ venditione intercedente, uno vel duobus nummis ad similitudinem pretii acceptis, & interpositâ stipulatione emptor venditæ hereditatis, bona hereditaria tradebantur. Theoph. hic. Quod tum demum obtinebat, cum hæres directus fidem servare volebat, adeoque hereditatem restituere, quod tum temporis nondum efficaciter obligaretur. Verum.

rum.

non erat Trebelliano, quo actiones in fideicommissarium activè & passivè transferebantur. §. 5. hic. §. seq. eod. Sed tamen quia iniquum erat quem ultra modum onerari, & fideicommissarius legatario partiario comparabatur, id est ei cui pars bonorum legabatur, & olim stipulationes inter hæredem & partiarium legatarium interponebantur: ideo ad similitudinem istius juris anterioris constitutum est, ut inter hæredem directum & fideicommissarium de lucro & damno pro ratâ communicando stipulationes interponerentur. §. 5. hic. Ulpian. in Fragu. tit. 24. 25. ibique Cujac. l. 164. §. partitionis. D. de verb. signif. Theoph. hic. Hottom. Brisson. v. partiarus. D. de verb. signif. vid. Fachin. §. contr. 12.

Neque obstat l. 1. Cod. ad Trebell. Licet enim ibidem non exprimitur interpositas fuisse stipulationes, eas tamen intervenisse credendum est, quasi minus scriptum, plus dictum. Arg. l. 1. §. 4. D. de hæred. instit.

Ex singulis quoque rebus.] Forte in singulis rebus per fideicommissum relictis idem juris est ex Pegasiano, quod in fideicommissio universali, ut utrobique quarta deducatur.

§. 6.

1. *Differentia inter Pegasianum & Trebellianum proponitur.* | 2. *Quid Moribus?*

1. **E***rgo siquidem.*] Qui recipit hæreditatem, quandoque hæredis, quandoque legatarii vicem obtinebat. §. 3. hic. Quod quando eveniat hic §. 6. explicat. In quo etiam variz differentiz inter Trebellianum & Pegasianum jure anteriori intercedentes proponuntur. Ex Trebelliano enim hæredis vicem obtinebat fideicommissarius. §. 4. & 6. hic. Ex Pegasiano legatarii loco habebatur. §. 5. 6. hic. Ex illo restitutâ hæreditate, vel in totum, sic volente hærede, vel pro parte activè & passivè actiones pro ratâ in fideicommissarium transibant. §. 4. 6. hic. l. 30. §. multum interest. D. ad Trebell. Nisi testator hæredem rem singularem retinere jussisset, quo casu hæres tanquam legatarius, sine onere & damno rem sibi relictam retinebat. l. 32. D. mand. l. 13. Cod. de hæred. instit. In hoc, puta Pegasiano, restitutâ tota hæreditate, emptæ venditæ hæreditatis stipulationes, restitutâ parte, quasi partis & pro parte stipulationes interponebantur. §. 6. hic. Ex illo igitur pro parte ferebat onera hæreditaria hæres. Ex hoc nisi stipulationes fuissent interpositæ, si spontè non coactus adivisset hæreditatem, universa onera sustinebat. §. 6. hic. Ex illo non cogebatur hæres adire hæreditatem. Ex hoc per prætorem cogebatur. §. 6. hic. l. 4. D. ad Trebell. l. si quis omisâ. D. si quis omis. caus. testam. Si tamen fideicommissarius heredi caveat de omni damno, & habeat testamenti factionem

pal-

passivam, §. legari. Instit. de legat. l. quia poterat. D. ad Trebell. Ex illo hæres quartam deducere non poterat. Ex hoc si velit quartam partem retinere potest, modo non coactus adiverit hæreditatem. §. 6. hic. Ex illo quartam vel tertiam quandoque habebat volente testatore, quia sibi relictum retinet, & forte quarta erat relicta. §. 6. hic. Ex hoc etiam testatore invito quartam retinet. §. 6. hic. Quod an correctum sit Nov. 1. c. 2. disquiri solet? Eam tamen prohiberi non posse opinarer, hæc motus ratione, quod jure veteri prohiberi non potuerit. l. 15. §. 1. D. ad l. Falcid. neque hoc jure novissimo mutatum reperitur. Præterquam quod alia sit ratio Falcidiæ, alia Trebellianicæ. Nam qui legata præstat hæres, non cogitur hæreditatem adire, verum fiduciarius hæres ex Pegasiano cogi potest, ut propterea non videatur quarta Trebellianica posse prohiberi, ut ita hæres lubens adiret, atque restitueret hæreditatem. Alciat. 5. parad. 19. Forcatul. dialog. 45. Vaud. 2. quæst. 17. Fachin. 5. contr. 4. 5. 6. 7. Rittershus. p. 6. Nov. c. 5. n. 33. Hillig. in not. ad Donell. 7. comm. 29. litt. 2. diss. multi apud Hænon. disp. Instit. 11. n. 18. 19. 20.

MORIBUS.

Nec Falcidiam nec Trebellianicam posse prohiberi in Belgio quæ Hispano paret, est receptum. Christin. 1. decif. 316. Perez. Cod. hic. n. 21. De Gallorum moribus vid. Charond. 3. Pand. jur. Gall. tit. 12. Alii contrarium ubique usu receptum esse statuunt. vid. Bartol. in Auth. sed cum testator. Cod. Ad l. Falcid. Gail. 2. obs. 138.

§. 7.

- | | |
|--|--|
| 1. Pegasianum in Trebellianum translatum. | 4. Non semper Hæres quartâ conten- tus est. |
| 2. Fideicommissarius quartam non deducit. | 5. Quandoque nihil restituit. |
| 3. Quando cesset detractio quartæ? | 6. Quid Moribus? |

Sed quia stipulationes.] Quod antea ex diversis S. Consultis Trebelliano 1. & Pegasiano obtinebat, id Imperator Justinianus commixtis & confusis Senatusconsultis ex solo Trebelliano obtinere voluit, quibusdam tamen sublatis quæ ex Pegasiano obtinebant. Puta, quod solus hæres onera hæreditaria sustinere cogeatur; quod stipulationes emptæ venditæ hæreditatis restitutâ universâ hæreditate interveniebant. Tum quia tales stipulationes antiquitati displicebant, tum quia captiosæ erant, sic ut ad fugiendas litium ambages & anfractus, eas tolli fuerit satius. §. 7. hic. Hodie igitur ex Trebelliano hæres restituere gravatus quadrantem hæreditatis indistinctè consequitur, & inter eum ac fideicommissarium citra stipulatio-

1.



Unc tranſeamus ad fideicommiſſa.] Non tantum jure directo, vel hæreditas vel legata nobis adquiruntur, ſed etiam oblique, id quod fit verbis precariis. Quo modo nobis relinquitur res univerſalis, quæ *fideicommiſſaria hæreditas* appellatur, vel res ſingularis, ſaltem titulo ſingulari, quæ *fideicommiſſi ſingularis* venit nomine. Ut vero prius de hæreditate, quam de legatâ fuit actum, ita etiam ante de fideicommiſſo univerſali, poſt de ſingulis rebus per fideicommiſſum relictis agendum erit.

in antecellum autem differentiæ erunt exhibendæ inter fideicommiſſum univerſale, & directam hæreditatem. Illud verbis relinquitur precariis, obliquis; hæc verbis imperativis, directis. Illud ab hærede, etiam ab ipſo fideicommiſſario relinquitur; hæc nonniſi à teſtatore. Illud teſtamento imperfecto, modo clauſula ſubjecta ſit codicillaris, adeoque codicillis; hæc nonniſi perfecto teſtamento deſertur. Illud vel ſolo nutu relinqui poteſt; hæc pluribus verbis, vel nuncupatis, vel ſcriptis. In illo detractio *Trebellianicæ* locus eſt; hic obtinet *Falcidia*, ſi legata contineantur. Illud tranſfertur mediatè; hæc immediatè. Illud vel in diem, vel ex certo tempore relinqui poteſt; hæc diem certum non admittit. Illud ut adeatur à ſervo, ſufficit domini rati habitio; hæc niſi juſſu domini antecedente adiri non poteſt. Illud relictum ſolâ hæredis conſcientiâ probari poteſt; hæc deſiderat teſtium numerum, aliaque ſolemnia. In illo quandoque fiduciarius hæres legatarii vicem obtinet; in hac qui designatus hæres, nonniſi hæredis locum tenet, excepto caſu, quo duobus ſcriptis hæredibus, aliter ex re certa ſcriptus erat.

Deſignatum autem eſt fideicommiſſum, quod fidei hæredis vel inſtituti vel ab inſtituto venientis à deſuncto committatur, & alteri reſtituendum demandetur. Deſinitum ab *Ulpiano* tit. 35. Quod non civilibus verbis ſed precariè relinquitur, nec ex rigore juris civilis proſciſciſitur, ſed ex voluntate datur relinquentis. Initio igitur inſpecto à fide hæredis gravati, ejusque beneplacito, non à juris neceſſitate, vel legis diſpoſitione dependebat, in princ. hic. *Hottom.* *Briffon.* de verb. juris. in verbo *fideicommiſſum*. Et in tantum non erat obſtrictus hæres gravatus, jure antiquo, id eſt ex 12. tabul. ut neque ullâ actione civili conveniri, neque ex æquitate officio judicis, ne quidem extra ordinem ad eorum præſtationem cogi potuerit, in princ. hic.

An ergo leges malitiis hominum viam aperuerunt, an perſidiæ anſam præbuerunt? An etiam pudor hominis fidem frangentis orerabatur? Sic ut tantum noluerint efficaciter quem poſſe conveniri, qui aliter in conſcientiâ implere tenebatur, quod ejus fidei commiſſum erat? Non aliter atque leges ex nudo pacto ſeu nudâ promiſſione quem efficaciter conveniri

no-

§. 1.

- | | |
|---|--|
| <p>1. Incapacibus secundum quid Fideicommissa relinquuntur.</p> <p>2. Rogati per salutem Principis implent Fideicommissa.</p> <p>3. Ex Jure singulari universale inducitur.</p> | <p>4. Fideicommissa cum tempore utilia esse ceperunt.</p> <p>5. Qui petantur Fideicommissa?</p> <p>6. Quid Moribus?</p> <p>7. Quam de Fideicommissis cognoscant?</p> |
|---|--|

Quibus non poterant hereditatem.] Ideo fidei hæredum testatores relicta commendabant, quod quibus nihil directè vel civilibus verbis relinquere poterant, quasi per tacitam fidem, sic ut fideicommissarii nomen tabulis non contineretur, per domesticam cautionem, scripturam privatam, epistolam, libellum fideicommissarium, ab alio capaci relinquerent. l. 3. D. de jure fisci. l. 103. D. de Leg. 1. l. 22. Cod. de fideic.

Tales erant non omnino incapaces, ut orbi, cælibes, mulier intra annum luctus nubens, peregrini quibus cum legibus Romanis nihil erat commercii. Licet etiam illis calubus quandoque hæreditas auferretur, & fisco applicaretur. l. 1. 3. D. de jure fisci. Quod si absolutè quidam forent incapaces, quales sunt deportati, servi pœnæ, certum est nec iis præter alimenta quicquam relinqui potuisse; aut si quid fuerit relictum, ne quidem vinculo pudoris obstringebatur hæres ut hoc ipsum præstaret, quod in fraudem legis commissum pœnam mereretur. Ulpian. tit. 25. l. 103. D. de Leg. 1.

Postea Divus Augustus.] Jure antiquo omnia fideicommissa prorsus erant inutilia, jure medio seu recentiori, unum forte atque alterum fideicommissum jussu Principis sortiebatur effectum. Qui gratià quorundam, quod proximi essent testatoris, in princ. hic. odio grandis quorundam perfidiæ, quam refrenare æquum erat. l. 1. D. de constit. pecun. contemplatione venerationis Principalis, quod per ipsius salutem nonnulli rogati essent, fideicommissa quandoque sustinuit. in princ. hic. Sicuti enim per Deum rogati arctius obligantur. l. 3. D. de jure fisci. ita cum Dei vicem in terris gereret Princeps, etiam per salutem Principis rogatus, hoc vinculo citra crimen, nisi forte inconsulto calore jurasset, se liberare non poterat. l. 2. Cod. de jurejur. Plin. 10. epistol. 67. & 87. vid. Genes. 42. v. 15. Tertull. in Apologet. c. 32.

Quod quia justum & popolare.] Ex jure quarundam personarum, & quod aliquid populo sit gratum, pedetentim jus commune factum est; non aliter atque ex civili jus gentium, quasi per inductionem jurium singularium vel exemplorum, jus universale introductum, vel jus generale, quod omnes

cives obligat. l. an inutilis. 8. D. de acceptilat. Et hoc ipsum est, quod indicat Paulus J.C. ex jure quod est, id est ex variis casibus, qui fuere observati ad instar juris, tandem regulam fieri, id est jus regulare, & commune. in princ. hic. l. 1. D. de regul. juris.

4. *Paulatim conversum est.*] Quæ fideicommissa olim erant inutilia, postmodum utilia esse cœperunt. Et quidem primum ex æquo & bono extra ordinem petebantur, certâ nondum prodita actione de fideicommissio persequendo, postmodum officio judicis ordinario, prodita actione, si fideicommissarii essent capaces. Nam & olim non omnino, id est secundum quid incapacibus relinquebantur, quod in se non haberent præstandi necessitatem. l. 7. D. de Leg. 3. l. 78. §. actionis. D. de verb. signif. §. 1. in fin. hic. Unde licebit observare regulam, illud quod justum non est, vim legis non fortiri. l. 39. D. de Leg.

5. Verum an fideicommissarius res hæreditarias vindicare poterit? Restitutâ hæreditate per hæredem fiduciarium eas vindicare poterit, etiam ante restitutam hæreditatem si per hæredem sint alienatæ, fideicommissario dabitur utilis rei vindicatio. l. fin. Cod. comm. de legat. Aliter res nondum restitutæ sunt in dominio hæredis, qui eas alienare poterit, & in quartam imputare. l. Marcellus. §. res. l. si hæres institutus. §. si hæres. D. hic. Ut tamen quod supra quartam alienatum est, tanquam illicitè translatus, repetatur. l. fin. Cod. comm. de legat. vid. Peregrinum de fideicomm. art. 43. & seqq.

Quid si mortuus fuerit fideicommissarius, priusquam ei restituta esset hæreditas? Petitionem fideicommissi in hæredem transmittit. l. 44. in princ. l. 16. §. 9. l. 25. 46. D. hic. Gail. 2. obs. 131. Gones. 1. resol. 5. n. 9. Bacchov. ad Treutl. vol. 2. disp. 14. thes. 8. lit. A. Perez. Cod. de fideic. n. 9. diss. Faber decad. 31. error. 1. Vaud. 2. var. quæst. 1.

MORIBUS.

6. Moribus Belgii nulla est fideicommissi petitio, nisi in acta sit relatum, coram loci iudice, ubi immobilia sita. Idque propterea ne quæ fiat alienatio, vel domini translatio in detrimentum eorum, ad quos bona essent devolutura. Edict. perpetuum Carol. 5. Edictum Ordin. Holl. ann. 1624. §. 1. 2. Ultraject. constit. decisoria ann. 1629. April. 14. Ruræm. p. 3. tit. 6. §. 1. n. 17.

Idem quod obtinet in ditione Vianensi secundum constit. Illustrissimi Brederodii ann. 1629. Decemb. 23. vid. Choppin. 2. de moribus Paris. 8. num. 8. Mornac. in l. 2. D. de edend. Zyp. in not. jur. Belgic. tit. de testam. Zoef. D. hic. n. 39. Wassen. Pract. notariæ. c. 18. n. 161. 188.

7. *Tantusque eorum favor, ut prætor proprius crearetur.*] Romæ Prætor, in Pro-

Provinciis Præfes de fideicommissis cognoscebat. l. cum etiam. Cod. de rebus credit. Ino si major esset summa, Consulum Romæ de eâ erat cognitio, non Prætoris fideicommissarii. Unde Quintil. 3. Instit. Orat. c. 8. *Non debes apud Prætorem petere fideicommissum, sed apud Consules, major enim Prætorâ cognitione summa est.* vid. Fabrot. ad Theophil. hic.

§. 2.

- | | |
|---|--|
| 1. Fideicommissum ab eo relinquitur, qui testamentum facere potest. | vanti succeditur. |
| 2. Quid Moribus? | 4. Quo modo Fideicommissa relinquuntur? |
| 3. In Fideicommissis Testatori grati | 5. Fideicommissum vel expressum vel tacitum. |

Imprimis igitur sciendum est.] Fideicommissum relinqui non potest, nisi i. testator jus testamenti facendi habeat. l. 2. D. de Leg. 2. Neq; enim quem rogare potest, ut hæreditatem alteri restituat, nisi eum prius verbis directis scripserit vel nuncupaverit hæredem. Qui cum non nisi testamento designetur, id eum facere posse, etiam fecisse requiritur. §. 2. hic. Nec sufficit eum fecisse testamentum, verum & perfectum esse debuit; quod ex imperfecto præstari non debuerint fideicommissa. l. 29. Cod. de fideic. Nisi tamen imperfecto testamento subiecta sit clausula codicillaris, vel sint facti codicilli testamento confirmari, vel etiam ab intestato.

Neque obstat l. 38. D. de fideic. libert. Quod ibi jus singulare sit inducitur propter affectionem quam testator erga alumnam habuit, ut subintelligatur clausula codicillaris. vid. Covarr. in cap. cum effes. n. 6. de Testam. Clarum 3. sent. §. testamentum. q. 52. Gail. 2. obs. 132. & seqq.

Sicuti non obstat. l. 1. §. 1. D. Leg. 3. Quia filius postmodum emancipatus in eadem persistit voluntate.

MORIBUS.

De consuetudine etiam inter vivos conventionem fideicommissum constitui potest. Surdus decis. 44. Peregrin. de fideic. artic. 51. Quod tamen perique DD. ad singulare fideicommissum restringunt. Testaur. decis. 225. n. 11. Gail. 2. obs. 126. n. 8. 9. Sand. 4. decis. 5. def. 19. Verum cum pactis antenuptialibus de futurâ successione secundum mores disponendi facultas sit concessa, nihil obstat, cur non æquè iisdem universale fideicommissum induci possit, sicuti etiam nonnunquam inducitur.

Ut aliquis recto jure hæres instituitur.] In fideicommissis considerantur tres personæ, testator qui aliquem instituit, & dum jus habet testamenti facendi, cum onere fideicommissi gravat, hæres qui recto jure instituitur, fiduciarius hæres appellatus, qui rogatus est seu gravatus onere restituendi.

di, denique hæres fideicommissarius, seu honoratus, cui hæreditas per hæredem directum est restituenda. §. 1. hic. l. quamvis. D. de judic.

Ubi anxie quæsitum inter interpretes, cui fideicommissarius succedat, an testatori gravanti, an potius hæredi directo gravato? *Resp.* Quia directus hæres rogatur non suam, sed testatoris hæreditatem fideicommissario restituere, dicendum videtur, cum testatori, non hæredi rogato succedere. §. 2. hic. l. 41. §. 3. D. de Vulg. & pupill. substit. Covarr. Pract. quæst. c. 38. n. 2. Telsaur. decis. 64. n. 6. Faber de error. pragmat. decad. 54. error. 8. Fachin. 4. contrav. 85. Sand. de prohib. rerum alien. p. 3. c. 6. n. 18. & seqq. & 4. def. 5. decis. 6. vid. tamen Mantic. de conj. ultim. vol. 8. tit. 12. Fabrum Cod. 6. tit. 19. def. 6. & tit. 12. def. 27.

4. *Cum igitur aliquis scripserit.*] De modo relinquendi fideicommissum, potissimum in hoc §. agitur. Cumque testamento fideicommissum relinquit regulariter scripserit, pergit alterum explicare modum, quod vel purè vel sub conditione vel ex certo die relinquatur. Quo nomine sicuti sub initium hujus tituli indicavi, ab hæreditate directâ separatur, quæ ex certo die, nisi militis sit hæreditas, relinqui non potest. Idque propterea, ne quis pro tempore testatus, pro tempore intestatus decederet; quæ juris Romani erat subtilitas. §. 9. Instit. de hæred. instit. l. miles ita. D. de milit. testam. l. potest. §. 6. D. de hæred. instit.

Verum quæsierit quispiam, cur non idem quod in obliquâ institutione admissum est, sit in directâ admittendum? *Resp.* Quia in directâ nemo interea est hæres ex testamento, si dies nondum advenerit, cum in obliquâ licet dies nondum venerit, directus hæres nunquam desinat esse hæres. §. 3. hic.

5. *Rogo te Luci Titi.*] Hic observare licebit fideicommissum ratione modi relinquendi aliud esse expressum, aliud tacitum. Expressum est, quod verbis exprimitur, cujus hic subjungitur formula: *rogo te Luci Titi* &c. Aliter etiam expressum dicitur, quod testamento vel codicillis relinquitur. Tacitum est, quod ex legis præsumptione, vel ex conjecturis voluntatis, vel utroque modo colligitur. Tale fideicommissum est, si pater filium roget hæreditatem post mortem restituere extraneo, neque enim aliter creditur testator filium onerasse fideicommissio, quam si sine liberis decedat, quæ conditio tacitè inesse censetur, si filius tempore facti testamenti liberos non habuerit. l. cum avus. 102. D. de condit. & demonstr. l. cum acurissimi. 30. Cod. de fideic. vid. ad hæc varia apud Grassum §. fideicommissum. q. 23. 24. 40. Menoch. 4. præf. 89. Mantic. 10. de conj. ult. vol. tit. 4. 18. Cujac. ad l. cum avus. libr. 9. resp. Papin. Covarr. 1. resol. 19. & pract. quæst. c. 38. Fachin. 4. contrav. 50. 60. Zoef. D. hic. n. 10. & seqq. Tale etiam fidei-

fideicommissum est, si pater dicat, *mandō filia ne testetur*. l. qui filia. D. ad Trebell. & in l. Lucius. D. Leg. 3. l. 16. D. de Donat. Aliter etiam tacitum fideicommissum est, quod privatā cautione, vel scripturā relinquitur, puta libello fideicommissario. l. 22. Cod. hic. Vel epistolā donationis, forte in æde sacrā depositā. l. cum pater. §. donationis. D. de Leg. 2.

§. 3.

1. Fideicommissi restitutio qui fiat? | 2. Qui restituit Hæres permanet.

Restitutā autem hereditate.] Fideicommissi restitutio duobus fit modis, vel ipsā re, si hæres patiatur à fideicommissario possideri res hereditarias, vel omnes vel aliquas, eā opinione ut velit restituere, & qui possidet, eas recipere. Vel verbo, si dixerit se restituere, sive inter præsentēs sive inter absentes, per nuncium vel per epistolam. l. 37. D. hic. Quo factō res sunt in ejus bonis, cui erant restituendæ. l. facta. D. hic. Ut tamen hæredi fiduciario teneatur ad impensas non modicas in rem fideicommissariam factas, si non eas deduxerit. vid. Peregrin. de fideic. art. 50. Menoch. de recup. possess. remed. 15. n. 558.

Qui restituit nihilominus hæres permanet.] Quoniam qui semel hæres extitit, non desinit esse hæres. §. 3. hic. l. ei qui. 88. D. de hæred. instit. l. 1. D. hic. supple. hæres directus. Quoniam jus personale adeo infixum est personæ, ut evelli non possit. l. frater à fratre. D. de condict. indeb. Et ille cui restituta est hereditas, directus dici nequeat. Quia tamen effectu quodammodo hæres est, & hæredis vice fungitur, quamvis non semper, apud directum hæredem præter inane nomen vix quicquam relinquatur.

§. 4.

1. Quid cautum Trebelliano? | 3. An Fructus retinendi?
2. Quæ actiones non transeant in Fideicommissarium? | 4. Quid Moribus?

ET Neronis quidem temporibus.] Quandoquidem qui semel est hæres, semper hæres permanebat, adeoque creditorum & legatariorum actiones excipere tenebatur, propterea hæres fideicommissarius erat socio emptoris hereditatis, (excepto casu quod emptor utiles actiones non habeat, quas habet fideicommissarius. l. 5. Cod. hæres vend.) cui ab hærede fiduciario, imaginariā venditione intercedente, uno vel duobus nummis ad similitudinem pretii acceptis, & interpositā stipulatione emptor venditor hereditatis, bona hereditaria tradebantur. Theoph. hic. Quod tum demum obtinebat, cum hæres directus fidem servare volebat, adeoque hereditatem restituere, quod tum temporis nondum efficaciter obligaretur. Verum.

rum.

rum postquam fideicommissa jus obligandi nata sunt, cessantibus illis stipulationibus emptæ & venditæ hæreditatis, Senatusconsultum Neronis temporibus factum est, appellatum Trebellianum, à Trebellio Maximo consule, quo cautum ut omnes actiones in solidum, si tota restituta esset hæreditas, vel in partem, si pro parte esset restituta, ei & in eum darentur, cui ex fideicommissio restituta esset hæreditas. Id quod prætor sequutus est, qui utilem actionem ei & in eum dedit, cui restituta est hæreditas: quod iniquum esset directum hæredem teneri, penes quem hæreditaria bona non erant. Præterquam quod iniquum fuisset, ab hærede directo quid peti, quod ipse postmodum repetat à fideicommissario, licet id jure antiquo obtineret. Nam litium, quas leges execrantur, debet esse amputatio, & quod per pauciora fieri potest frustra per plura fiet.

2. Dixi ex Trebelliano actiones in fideicommissarium transferri, si restituta erat hæreditas. Id quod intelligendum de iis actionibus, quæ cœperunt à defuncto, & rei habent persecutionem. Non igitur illæ transeunt, quæ sunt pœnales, nisi lis cum defuncto fuerit contestata. l. 58. §. 2. l. 73. D. ad Trebell. Non illæ quæ ab hærede cœperunt, si non eas nomine hæreditario adquisierit: tales enim non sine novâ cessione transeunt. l. 22. D. de constit. pecun. l. 73. D. Trebell.

Quædam insuper actiones non restituuntur, quod earum objecta restitutioni non subjaceant. Ita operarum actiones, quæ filio patrono competunt, jura itidem sepulchrorum non transeunt. l. quia perinde. §. restituta. l. si patroni. §. 1. D. Trebell. l. 6. D. de religiof.

Nec dos filiarum fideicommissio gravatæ. l. 62. D. Trebell. Nec prælegata, quod hæreditatis appellatione non contineantur. l. 96. D. Leg. 3. Nec forte de jure canonum jus patronatus. c. 3. de judic. vid. Fachin. 10. contr. 94. Gomez. 1. resol. 5. n. 29.

3. Nec fructus post aditam hæreditatem ante moram percepti. l. 18. §. 2. l. 58. §. 2. D. Trebell. l. 83. D. de Leg. 3. Nisi tamen contemplatione fideicommissarii testator diem restitutionis distulerit, sic ut hæres gravatus sit quasi administrator fideicommissarii. l. 3. §. 3. D. de usur. l. 43. §. 2. D. de Leg. 2. Vel nominatim caverit testator, ut fructus restituerentur. l. 18. in princ. D. Trebell. l. 63. §. 4. D. cod. exceptis tamen liberis primigradus. l. 6. Cod. eod. Vel hæres promiserit se fructus esse restitutum; quia standum est promissis. Arg. l. 1. D. de constit. pecun. l. pen. Cod. de pact. Vel de supplendo fideicommissio agatur: tunc enim fructus veniunt in restitutionem. l. 27. §. hæres ex assc. l. 33. D. hic. Vel hæres rogatus sit restituere quicquid ex bonis supererit. l. 3. §. 2. D. de usur. l. 32. D. Trebell. Vel hæreditatem cum incremento. l. 63. §. 4. junct. l. 27. §. 1. D. eo. l. Vel fidei-

fideicommissum sit restituendum sub conditione, aut in diem. Quoniam
 tam fructus ex voluntate defuncti sunt percepti. l. 18. 22. 27. §. 16. D.
 Trebelli. vid. ad hæc omnia Peregrinum de fideic. art. 8. & 10. Gomef. 1.
 resol. §. n. 15. Mantie. 6. de conj. ult. vol. 7. 11. 12. Menoch. arbitr. cas.
 256. n. 3. & 4. præf. 197. Fabr. decad. 11. error. 3. 4. Socin. regul. Treb.
 432. 433. Copus de fruct. tit. 3. c. 1. Buchov. disp. 14. vol. 2. thes. 9. Co-
 ren. consil. 19.

MORIBUS.

Moribus Gallorum, Brabantinorum, partis Gelriz, aliorumque, quæ 4.
 restitutio hæreditatis per multas olim fiebat ambages, non obtinet. Verum
 simulac obiit testator, & hæres & fideicommissarius, quisque pro suâ por-
 tione non tantum dominium nanciscitur, sed & possessionem rerum hære-
 ditariarum. Sic ut remediis petitoriis & possessoriiis adversus alios experi-
 ri valeant. vid. Tiraquell. tract. le mort saisit le vif. part. 2. declar. 11. Re-
 buff. in præc. ad constit. regias. gloss. 5. num. 78. Mornac. ad l. 1. D. de
 fideic. hæredit. petit. Gomef. ad l. Tauri. 45. n. 138. Menoch. remed. 4.
 adipisc. poss. n. 181. Peregrin. de fideic. artic. 48. n. 12. Ruræm. part. 3.
 tit. 7. §. 6. n. 3. Dessol. in not. ad Zoef. Instit. hic. Quod tamen aliis Gel-
 dris displicet, Sand. de effect. c. 2. n. 22. etiam Hollandis, & nostris. Grot.
 2. introd. 2. §. fin. denique Frisii. Joh. à Sanden 4. tit. 13. def. 3.

§. 5.

Quid Pegasianum?

Sed quia hæres scripti.] Licet ex Trebelliano actiones activæ & passivæ transibant in fideicommissarium, obligatus nihilominus remanebat directus hæres, sic ut à creditoribus & legatariis conveniri poterit actione directâ. Et quamvis ita conventus actionem exceptione repellere potuerit. l. 1. §. 3. & 4. D. ad Trebell. sicuti ipse repellebatur si hæreditatis nomine agere voluerit post restitutam hæreditatem. d. l. 1. §. 4. Quia tamen hæc ratione molestias experiebatur, idque propter nullum vel minimum lucrum, eveniebat ut quandoque hæreditatem adire recusaret, adeoque extingueretur fideicommissum. Quod quia odiosum erat, etiam publicè intererat voluntates defunctorum effectum sortiri. l. 5. D. quænam. testam. aper. etiam publico remedio huic incommodo obviamiverunt. Pegasianum igitur Senatusconsultum tempore Vespasiani factum est, quo hæredi hæreditatem restituere rogato, concessum est, ut ad modum Falcidiz retineat ejus quartam, quod restituere rogatus est. Post quod Senatusconsultum hæres directus onera hæreditaria in solidum sustinebat. Quia enim hanc quartam etiam invito testatore retinere poterat, ideo locus

P P P P P

non

non erat Trebelliano, quo actiones in fideicommissarium activè & passivè transferebantur. §. 5. hic. §. seq. eod. Sed tamen quia iniquum erat quem ultra modum onerari, & fideicommissarius legatario partiaro comparabatur, id est ei cui pars bonorum legabatur, & olim stipulationes inter hæredem & partiarum legatarium interponebantur: ideo ad similitudinem istius juris anterioris constitutum est, ut inter hæredem directum & fideicommissarium de lucro & damno pro ratâ communicando stipulationes interponerentur. §. 5. hic. Ulpian. in Fragm. tit. 24. 25. ibique Cujac. l. 164. §. partitionis. D. de verb. signif. Theoph. hic. Hottom. Brissou. v. partiarus. D. de verb. signif. vid. Fachin. §. contr. 12.

Neque obstat l. 1. Cod. ad Trebell. Licet enim ibidem non exprimitur interpositas fuisse stipulationes, eas tamen intervenisse credendum est, quasi minus scriptum, plus dictum. Arg. l. 1. §. 4. D. de hæred. instit.

Ex singulis quoque rebus.] Forte in singulis rebus per fideicommissum relictis idem juris est ex Pegalio, quod in fideicommissio univèrsali, ut utrobique quarta deducatur.

§. 6.

1. *Differentia inter Pegalium & Trebellianum proponitur.* | 2. *Quid Moribus?*

1. **E***rgo siquidem.*] Qui recipit hæreditatem, quandoque hæredis, quandoque legatarii vicem obtinebat. §. 3. hic. Quod quando eveniat hic §. 6. explicat. In quo etiam variz differentiz inter Trebellianum & Pegalium jure anteriori intercedentes proponuntur. Ex Trebelliano enim hæredis vicem obtinebat fideicommissarius. §. 4. & 6. hic. Ex Pegalio legatarii loco habebatur. §. 5. 6. hic. Ex illo restitutâ hæreditate, vel in totum, sic volente hærede, vel pro parte activè & passivè actiones pro ratâ in fideicommissarium transibant. §. 4. 6. hic. l. 30. §. multum interest. D. ad Trebell. Nisi testator hæredem rem singularem retinere jussit, quo casu hæres tanquam legatarius, sine onere & damno rem sibi relictam retinebat. l. 32. D. mand. l. 13. Cod. de hæred. instit. In hoc, puta Pegalio, restitutâ tota hæreditate, emptæ venditæ hæreditatis stipulationes, restitutâ parte, quasi partis & pro parte stipulationes interponebantur. §. 6. hic. Ex illo igitur pro parte ferebat onera hæreditaria hæres. Ex hoc nisi stipulationes fuissent interpositæ, si spontè non coactus adivisset hæreditatem, univèrsa onera sustinebat. §. 6. hic. Ex illo non cogebatur hæres adire hæreditatem. Ex hoc per prætorem cogebatur. §. 6. hic. l. 4. D. ad Trebell. l. si quis omisâ. D. si quis omisâ. caus. testam. Si tamen fideicommissarius hæredi caveat de omni damno, & habeat testamenti factionem passivè.

passivam. §. legari. Instit. de legat. l. quia poterat. D. ad Trebell. Ex illo hæres quartam deducere non poterat. Ex hoc si velit quartam partem retinere potest, modo non coactus adiverit hæreditatem. §. 6. hic. Ex illo quartam vel tertiam quandoque habebat volente testatore, quia sibi relictum retinet, & forte quarta erat relicta. §. 6. hic. Ex hoc etiam testatore invito quartam retinet. §. 6. hic. Quod an correctum sit Nov. 1. c. 2. disquiri solet? Eam tamen prohiberi non posse opinaretur, hæc motus ratione, quod jure veteri prohiberi non potuerit. l. 15. §. 1. D. ad l. Falcid. neque hoc jure novissimo mutatum reperitur. Præterquam quod alia sit ratio Falcidiz, alia Trebellianicz. Nam qui legata præstat hæres, non cogitur hæreditatem adire, verum fiduciarius hæres ex Pegasiano cogi potest, ut propterea non videatur quarta Trebellianica posse prohiberi, ut ita hæres lubens adiret, atque restitueret hæreditatem. Alciat. 5. parad. 19. Forcatul. dialog. 45. Vaud. 2. quæst. 17. Fachin. 5. contr. 4. 5. 6. 7. Rittershus. p. 6. Nov. c. 5. n. 33. Hillig. in not. ad Donell. 7. comm. 29. litt. a. diss. multi apud Hænon. disp. Instit. 11. n. 18. 19. 20.

MORIBUS.

Nec Falcidiam nec Trebellianicam posse prohiberi in Belgio quæ Hispano paret, est receptum. Christin. 1. decis. 316. Perez. Cod. hic. n. 21. De Gallorum moribus vid. Charond. 3. Pand. jur. Gall. tit. 12. Alii contrarium ubique usum receptum esse statuunt. vid. Bartol. in Auth. sed cum testator. Cod. Ad l. Falcid. Gail. 2. obs. 138.

§. 7.

- | | |
|--|---|
| 1. Pegasianum in Trebellianum translatum. | 4. Non semper Hæres quartâ contentus est. |
| 2. Fideicommissarius quartam non deducit. | 5. Quandoque nihil restituit. |
| 3. Quando cesset detractio quartæ? | 6. Quid Moribus? |

Sed quia stipulationes. Quod antea ex diversis S. Consultis Trebelliano 1. & Pegasiano obtinebat, id Imperator Justinianus commixtis & confusis Senatusconsultis ex solo Trebelliano obtinere voluit, quibusdam tamen sublatis quæ ex Pegasiano obtinebant. Puta, quod solus hæres onera hæreditaria sustinere cogeatur; quod stipulationes emptæ venditæ hæreditatis restitutâ universâ hæreditate interveniebant. Tum quia tales stipulationes antiquitati displicebant, tum quia captiosæ erant, sic ut ad fugiendas litium ambages & anfractus, eas tolli fuerit satius. §. 7. hic. Hodie igitur ex Trebelliano hæres restituere gravatus quadrantem hæreditatis indistinctè consequitur, & inter eum ac fideicommissarium citra stipulationum

num interventionem pro quorū portione activē & passivē scindantur actiones, nisi vel totam hereditatem sponte restituerit, vel eam coactus adierit. Quo casu cum ex Trebelliano adire cogatur, nec ullas actiones sustineat, etiam non detrahet quartam, quod fideicommissarium spectet omnē damnum, adeoque p̄c̄nes eundem etiam romanere debeat omnē emolumentum. l. 1. D. Trebell. l. fin. Cod. eod. Donell. 7. comm. 21. Zoef. D. hic. n. 87. & seqq.

Quasi ex Trebelliano.] Quartam Trebellianicam hodie deducit h̄eres, id quod antea ex Pegasiano obtinebat, ut propterea dicendum sit plerasque h̄. pandectarū, quæ de quartā Trebellianicā agunt, quasi eā ante Pegas. ex Trebelliano fuerit deducta, per Tribonianum fuisse interpolatas. vid. Contium l. Subsec. lect. 9. 4. Govean. 1. variar. lect. 29. Hott. illustr. quæst. 44.

2. *Licet ei.*] Puta heredi fiduciario, qui deducit quartam. §. 7. hic. l. 47. D. ad l. Falcid. l. 22. §. fin. D. hic. etiam ab intestato. l. 3. §. Cod. eod. An non & fideicommissarius h̄eres eaq̄ consequetur? Non videtur, nisi fiduciarius coactus adiverit hereditatem. h̄. l. §. Neratius. l. 2. §. l. 28. 63. §. suspectam. D. hic. Quo casu à legatis ab herede fiduciario relictis quartam deducit, non ab hereditate quam ille secundo fideicommissario restituere rogatus est. l. 2. §. 5. §. 2. D. hic.

Quid si fiduciarius contemplatione fideicommissarii à quartā abstipuerit? Eam deducet fideicommissarius. l. 1. §. denique, v. inde Neratius. D. hic. vid. Duaren. in l. 11. D. de Leg. 1. Fachin. 5. contr. 7. Fabrum Cod. 6. tit. 27. def. 1. Hottom. in §. 11. hic. Gratian. discept. Forens. c. 821. n. 16. Carpoz. defin. Forens. p. 3. Constit. 1. def. 14.

3. *Vel quartam, vel quod deest retinere.*] Non tamen semper nec in omni casu quartam retinebit h̄eres. Non si miles in testamento militari eum rogaverit, quod legum solemnibus sit liberatus. l. 1. §. denique. D. hic. Non si aliquid heredi sit relictum, quod sese adæquet quartæ. §. 7. hic. §. 9. in princ. eod.

Quid si testator fundum genearchicum, antiquum familiæ, alienari vetuerit, quid si omnia bona restitui iusserit? Nihilominus in nostrā opinione quarta deduci poterit, quod Trebellianicam vetare nequeat, per apte dicta. vid. tamen Clarum §. testam. quæst. 62. Grassum §. Trebell. q. 8. Mantica. 7. de conject. ult. vol. 12. Menoch. 4. præf. 198. Roel. à Valle. 4. consil. 9. Pachin. 5. contr. 6. Hænon. disp. 11. Instit. n. 20. Et de prohibitionē rerum alienatione confer Peregrinum de fideic. art. 14. 33. 40. 41. 42. Sand. de prohib. rerum alien.

Quid si h̄eres inventarium facere neglexerit? Non propterea privabitur

tur quartâ Trebellianicâ, quod id expresse nuspian sit cautum, & quæ de Falcidiâ dicuntur quia forte odiosa non sint producenda. l. pen. D. de pœn. Jason in l. Marcellus. D. hic. Alexand. ibid. Myns. 3. obs. 60. Gail. 2. obs. 136. Fachin. 4. contr. 38. Christin. vol. 1. decif. 117. diff. Covarr. Vasquez. Coraf. alique apud Hænon. disput. 11. Instit. n. 21. & Althuf. 1. dicajol. 57. num. 43.

Dixi quandoque cessare quartam, eamque non deduci ab hærede. Sunt 4. etiam casus, quibus quartâ non est contentus hæres, sic ut vel plus quartâ retineat, vel etiam nihil omnino restituat. Plus quartâ retinet, si rogatus sit restituere, quod sibi morienti ex bonis supererit. Et olim quidem majorem quartâ portionem ex bonis fideicommissariis alienare poterat, modo non intervertendi fideicommissi gratia id fecisset. l. 16. §. inde. §. cum. l. 28. §. pen. & ult. l. 54. §. 58. pen. D. hic. l. 70. §. fin. D. Leg. 2.

Verum jure novissimo omnia poterit alienare hæres, quartâ solummodo fideicommissario reservatâ. Nov. 108. Quam etiam vel causâ dotis, vel propter nuptias donationis, vel causâ redemptionis captivorum vel alimentorum distrabere potest. Auth. contra. Cod. hic. vid. Costal. in l. 3. D. de usur. Gail. 2. obs. 137. Merend. 6. contr. 24. Menoch. 4. præf. 188. Mant. de conj. ult. vol. 10. tit. 4. n. 21.

Ut vero quartæ fideicommissario relinquendæ sit securus, ab hærede gravato præstanda erit cautio de quadrante restituendo, deque dolo malo. Auth. contra. Cod. hic. Nov. 108.

Nisi eam testator vel expresse vel tacite remiserit; ut tamen postremo modo eam remisisse credatur filio, quem expresse non jussit satisfacere, nisi ad secundas nuptias properaverit. l. 6. §. 3. Cod. hic. Nov. 108. vid. Fabrum Cod. 6. tit. 27. def. 25. Gail. 2. obs. 145. Neost. cur. Holl. decif. 20. Sand. 5. tit. 3. def. 4.

Nihil omnino restituit hæres restituere rogatus, si fideicommissum sit extinctum; quod an quarto gradu fiat disquiritur? Secundum Nov. 159. §. nos vero. in dicto casu non ultra gradum quartum extenditur, ab eo connumerandum, ad quem post primi hæredis mortem hæreditas pervenit. ut tamen extra illum casum justâ de causâ in infinitum porrigatur, si modo in rem sit concepta prohibita rei alienatio. l. omnia. 32. §. fin. D. de Leg. 2. l. unum. 67. §. sed si. 5. D. eod. Cujac. in expof. Nov. 159. Fachin. 4. contr. 100. Mynsing. 6. obs. 64. Covarr. 3. resol. 5. Rittershus. p. 6. Nov. c. 12.

Extinguitur tamen fideicommissum, si rogatus restituere proximioribus, defuncto testatore non reperiat ullos defuncti cogatos. Qui si supersint fusc disquiritur, quinam dicendi sint proximiores, & quo tempore spectanda sit proximitas? De quibus omnibus prolixè, Peregrin. de fideic. art.

20. n. 1. 30. 31. 32. Covarr. pract. q. 38. Mantic. de conj. ult. vol. 4. tit. 5. n. 23. Gail. 2. obs. 31. n. 1. Sneider. ad tit. Instit. de leg. agn. success. n. 24. in not. Fab. Cod. 6. tit. 27. def. 7. Sand. de proh. rerum alien. p. 3. c. 6. n. 18. & 4. tit. 4. decif. 7. & tit. 5. def. 2. 3. 6.

MORIBUS.

6. Rogatus restituere quicquid ex bonis supererit, de jure Gallorum cavere non tenetur quæ contemplatione fideicommissario relinquendæ. Quod utrum in nostris servetur Provinciis, non facile statuerim. vid. Menoch. 4. præf. 188. Mantic. de conj. 10. tit. 4. Fufar. de fideic. q. 645. Gudel. de jure noviss. 2. tit. 10. §. 3. Radel. decif. 87. Cøren consil. 23. & obs. 11. Groenw. in rubric. D. Ut leg. vel fideic. caus. cav.

Quod terminum attinet fideicommissi, seu prohibiti alienationis, de moribus cum tertio finiri gradu statuunt, id est tertiam non excedere generationem. Ita saltem in Brabantia quæ regi Hispaniarum parit cautum esse edicto ann. 1611. art. 16. scribit Zoef. D. hic. num. 78. quod etiam in Transilvania parte obtinere satis manifestum est ex stat. Daventr. part. 3. tit. 2. §. fin. In Gallia tamen non nisi gradu quarto fideicommissum terminari scribit Choppin. 2. Paris. 4. n. 17. in fin. Idem quod in Hollandia obtinere testis est Grotius 2. introd. 20. §. *verbodt*, quod & Frisones servant secundum Sand. libr. 4. tit. 5. def. 4. Verum in nostra Provincia Trajectina gradus determinatus non est, ut jus civile hæc in parte sequamur. Anton. Matth. disp. 20. de success. n. 54.

Ut nihilominus dicendum videatur ubique locorum prohibitionem alienationis in infinitum durare, siquidem ex causa ita expressè caverit testator. vid. Grassum §. fideicommissum. q. 19. Mantic. de conj. ult. vol. 6. tit. 14. n. 24. & 8. tit. 2. n. 23. Fufar. de fideic. quæst. 381. n. 17. 25. Goines. ad l. 40. Tauri. n. 45. Choppin. 2. Paris. 4. Molin. consil. 1. in fin. Mainard. 5. decif. 86. n. 3. Groenweg. ad Grot. 2. introd. 20. n. 22. & ad Nov. 159. cap. 2.

§. 8.

Fideicommissarius partialis hæredem pro parte cogere potest.

Nihil autem interest.] Sensus hujus §. non habet in se difficultatem. Tantummodo exprimitur fideicommissarium partialem tam posse hæredem pro parte cogere ut adeat hæreditatem eamque pro parte restituat, quam potest fideicommissarius totius hæreditatis cogere hæredem in solidum, ut totam restituat hæreditatem. Nam quod juris est de toto, idem juris est de parte secundum illam partem. Quæ de totâ. 78. D. de rei vindic.

§. 9.

- | | |
|---|---|
| 1. <i>Quanam imputentur in Quartam?</i> | 4. <i>Liberi de Moribus duas Quartas detrahunt.</i> |
| 2. <i>An Fructus in Quartam imputentur?</i> | 5. <i>An eo casu legitima sit aucta?</i> |
| 3. <i>Quid si sint Liberi primi gradus?</i> | 6. <i>Quid Jure Canonum?</i> |

S. I. *quis unâ aliquâ re deductâ.*] Prospectum erat S.C. Pegasiano hæredi directo, ut si velit adire hæreditatem, quartam etiam invito testatore possit deducere. Si nolit, nihilominus hæreditatem adire teneretur, eamque sine ullo suo incommodo restituere, non tamen retentâ quartâ. Verum aliquid amplius hic §. 9. tribuit hæredi directo, ut quandoque sine ullo incommodo, restitutâ hæreditate magnum reportet commodum. Vel enim rogatus est quartâ parte retentâ, vel volente, vel invito testatore, restituere hæreditatem. Vel certâ re deductâ, certâve quantitate ex dispositione testatoris præceptâ, gravatus est onere restituendi hæreditatem. Casu priori, sciuntur actiones inter eum & fideicommissarium, proque eâ parte hæreditariâ quam retinuit, onera hæreditatis sustinet. Posteriori casu, hæreditariis oneribus nullatenus implicabitur, verum universa ad fideicommissarium pertinent. In tantum etiam, ut licet rem certam, quantumvis maximam, sic ut quartam excedat, ita disponente testatore, deduxerit, vel præceperit, nihilominus in solidum actiones in fideicommissarium transferantur.

Neque obstat, quod forte hoc casu plus legatariis debeat quam fideicommissarius caperet, vel haberet; ut cui liberum est inquirere num expediat sibi restitui hæreditatem. §. 9. hic. Sic ut hallucinetur Crispin. in notis ad §. 9. hic. qui existimat in casu postremo hæredem teneri legatariis. Cum enim legatarius non sit obstrictus legatariis, quibus tantum est obstrictus hæres, quasi ex contractu. §. 5. Instit. de oblig. quæ quas. ex contractu. non utique hæres directus in casu subjecto tenebitur, cum legatarii vicem subeat. §. 9. v. quasi ex legato. hic. l. 68. in princ. l. 30. §. 3. 4. D. eod.

Neque obstat l. 1. §. pen. D. hic. Quia ibidem hæres plus quadrante acceperat, non tamen rem aliquam certam, non certum corpus, ut in quantum plus quadrante accepit, pro ratâ teneatur legatariis. vid. Donell. 7. comm. 28. Bacchov. disp. 14. vol. 2. thes. 9. litt. c.

Est tamen casus quo hæres præceptâ certâ re, convenietur actione hæreditariâ, non fideicommissarius. Ut si præcepto servo vel ejus peculio rogatus esset hæreditatem restituere: nam tunc utiliter actione de peculio convenietur, quod fideicommissarius peculium non habeat. l. 1. §. si præcepto. D. quand. de pecul. actio annal.

Que

Quæ quartam continet, veluti fundum &c.] In Falcidiam imputabantur, quæ titulo hæredis, quæ jure universalis capiuntur; in Trebellianicam vero imputantur, quæ quoquo modo hæredi sunt relicta. §. 9. hic. l. 18. §. fin. l. 91. D. eod. Unde prælegata, donationes causa mortis supplebunt quartam Trebellianicam. d. §. 9. l. 22. §. 2. d. l. 91. Duaren. 2. disp. 10. Fachin. 5. contr. 15. Hænon. disp. 11. thes. 14. diss. Cujac. 8. obs. 4. reprehensus à Fabro 6. conject. 4. Etiam quæ conditionis implendæ causâ ab hærede capiuntur & quidem si capiuntur ab extraneo. l. in quartam. §. 1. v. sed quod. D. ad l. Falcid. Duaren. 2. disp. 10. Donell. 7. comm. 30. Bacchov. vol. 2. disp. 14. thes. 3. litt. B. C.

Quid si à cohærede percipiat pecuniam vel corpus non hæreditarium? Etiam in quartam imputabit. l. cum pater. 77. in princ. D. Leg. 2.

Quid si corpus percipiat hæreditarium? Si quidem pro sua parte, in quartam imputabit, quam contra defuncti voluntatem deducat, tum corpus sibi relictum non imputabit in quartam, verum solummodo ejusdem corporis quartam. d. l. 77. in princ. l. 86. D. ad l. Falcid. l. deducta. 58. §. 3. D. hic. Gothefred. in not. ad d. l. 77.

2. An etiam fructus per hæredem interim percepti in quartam Trebellianicam imputabuntur? *Resp.* Ante aditam hæreditatem percepti, extra dubium in quartam imputantur, quia hæreditatem ipso jure augment. l. 20. §. 3. D. de petit. hæred. Post aditam hæreditatem percepti etiam quidem imputantur, non tamen indistinctè. Vel enim pure rogatus est hæres restituere hæreditatem, nec quos fructus post aditam hæreditatem percepit, suppleant quartam; quod non tam judicio testatoris eos percipiat, quam per negligentiam hæredis fideicommissarii. l. 22. §. 2. D. hic. Vel rogatus est hæres fideicommissum restituere in diem aut sub conditione, & quos fructus post aditam percepit hæreditatem quartæ adscribet. Ut tamen si quod fructuum nomine perceptum est excedat quartam, non restituat. l. 18. l. ita tamen. 27. §. hæres. 16. D. hic. vid. Donell. 7. comment. 30. Gail. 2. obs. 133. Menoch. de arbitr. 2. cas. 256. Zoef. D. hic. n. 96.
3. Quid si liberi primi gradus restitutionis onere sint gravati? Fructus interim perceptos in quartam non imputabunt, licet ita voluerit testator. l. 6. Cod. hic. Fachin. 5. contr. 9. Faber Cod. 6. tit. 27. def. 4. Sand. 4. tit. 7. def. 5. 6. Christin. vol. 1. decis. 318. n. 30. Bacchov. ad arrest. Papon. libr. 20. tit. 7. arrest. 1. 2. & vol. 2. disp. 14. thes. 9. litt. B. Non idem de nepotibus, vel ulterioris gradus libetis est statuendum, quod d. l. 6. ad alias personas ibidem non enumeratas extensionem fieri prohibeat. Præterquam quod non tantus sit favor in jure liberorum gradus ulterioris, quam qui-

quidem gradus primū. Arg. l. 4. D. de Hæred. instit. vid. DD. allegatos. Et quidem congruenter juri civili judicavimus in supremā Vianensium Camera, mense Martio, ann. 1664.

MORTUUS.

Liberi gravati fideicommissio duas quartas totius deducunt, id est semis- 4.
se ejus portionis, quam ab intestato fuissent habituri, seu prius deducunt legitimam, trientem jure novo, si liberi non plures sint quam quatuor, dein quadrantem Trebellianicam ex eā portione quæ superest, vel vice versā. vid. Boër. decis. 44. n. 18. Chassan. ad Burgund. tit. 7. §. 5. gloss. 1. in fin. Molin. ad Paris. §. 300. §. 311. Mant. de conj. ult. vol. 7. tit. 11. Grivell. decis. 107. n. 10. Fabrum de error. pragmat. decad. 11. error. 7. & Cod. 6. tit. 27. def. 4. Contium 1. disp. c. 3. Tessaur. decis. 252. Hænon. disp. 11. Instit. n. 13. Neost. decis. cur. Holl. 17. & suprem. curiæ. 21. Grot. 2. manud. 20. §. *hoevel*. Sand. 4. tit. 7. def. 4. Decker. 1. decis. Belg. 1. num. 55. Transf. 2. tit. 5. §. 13. Daventr. 3. tit. 4. §. fin. Et licet teste Guidone Papa q. 51. toto terrarum orbe in judiciis hæc sententia dicatur recepta, eam tamen non ita probarunt Zutphan. tit. 13. §. 4. Rurzm. part. 3. tit. 6. §. 2. n. 14. Quinimo in quibusdam Brabantiae locis ne quidem admissa est Trebellianicæ detractio, tantum abest ut ubique duplicis quartæ permixta sit deductio. Decker. 1. dissert. 1. n. 55. Dessel. in not. ad Zoef. Instit. hic. n. 11. in fin. & n. 3. Instit. ad l. Falcid. Saltem in plerisque locis cessabit detractio Trebellianicæ, quando fideicommissum spectat causam piam. Guid. Papæ decis. 188. Gail. 2. obs. 110. n. 7. Covarr. ad c. Rainald. §. 3. n. 7. de test. Grot. 2. introd. 23. n. 36. Christlin. 1. decis. 320. n. 16. 17. 18.

Verum, an quo casu duas quartas detrahunt liberi fideicommissio gra- 5.
vati, id est legitimam & Trebellianicam, ea legitima pro numerolibero- rum erit aucta? Non videtur, sic ut licet plures sint liberi quam quatuor, tantum pro legitimā sint habituri trientem suæ portionis ab intestato. Decker. 1. dissert. 14. in fin. def. 3. vid. Mant. de conj. ult. vol. 7. tit. 11. n. 7. Groenweg. ad Grot. 2. introd. c. 20. n. 19. diss. Frisones per judicatum apud Sand. 4. tit. 7. def. 5.

JURE CANONICO.

Tum demum de jure canonum duplex quarta detrahitur, cum fideicom- 6.
missum in diem vel sub conditione relictum est, non si liberi gravati sint simpliciter. c. Rainutus, c. Rainaldus. de testament. Covarr. ibid. vid. Gomez. ad l. 3. Tauri. n. 82.

§. 10.

Fideicommissa ab intestato relinquuntur.

Q9999

Præ-

P*raterea intestatus quoque mortuus.]* In §. 2. hujus tituli traditum fuit nonnisi testamento fideicommissa relinqui posse. Neque aliter quam in testamento perfecto, quo quis sibi hæredem scripsisset. Et tamen illi videtur adversari, quod occurrit in §. 10. hoc tit. etiã ab intestato fideicommissa relinqui posse. Non aliter hæc loca inter se conciliari poterunt, quam si dicatur in §. 2. jus antierius referri, hic jus posterius, quo non solum testamento, sed etiam ab intestato, puta codicillis nullo facto testamento relinquuntur. Quod procedit & in fideicommissis universalibus, & particularibus; quibus postquam legata sunt æquiparata. §. 3. Inst. de leg. ea ipsa etiam codicillis relinquuntur. Sic ut finalia verba hujus §. 10. *Quod legata nisi ex testamento non valeant*, jus antiquum respiciant. l. pen. D. de Leg. i. Cajus 2. Instit. n. 7. Nisi quispiam dixerit legata non relicta testamento non sustineri ut legata, sed ut fideicommissa. Vel dicatur cum Zoef. D. hic. n. 5. eum qui testamento vult relinquere fideicommissum, debere sibi prius verbis directis hæredem scribere, quod & olim & hodie nonnisi testamento fieri potest. §. 2. Instit. de codicill.

§. 11.

Fideicommissa potest rogari.

E*um quoque cui aliquid.]* Non tantum hæres rogari potest ut hæreditatem restituat alteri, sed & ipse fideicommissarius, ut secundo fideicommissario eandem hæreditatem restituat. §. 11. hic. Est enim testator arbitet & moderator rei suæ, adeoque talem ei conditionem adjicere potest, qualem vult. l. 21. Cod. mandat. si modo ea legibus non adversetur. l. 55. D. Leg. 1. Verum non eadem per omnia erit ratio secundi vel tertii fideicommissarii restituere rogati, & directi heredis. Nam quæ detractio Trebellianicæ directo hæredi concessa est, fideicommissario restituere rogato denegatur, exceptis casibus superius allegatis. §. 5. hic. l. 78. §. 11. D. eod. Ut tamen quoad actionum transmissionem ex Trebelliano idem in fideicommissario rogato, quod in hærede directo obtineat. l. 1. §. 8. D. hic.

§. 12.

Fideicommissa qui probentur?

E*t quia fideicommissorum cunabula.]* In anterioribus explicui nullam fideicommissa solemnitatem desiderare, & vel ex testamento vel ab intestato relinqui posse: etiam epistolâ, libello, sine scripturâ, & vel solo nutu. l. 22. Cod. de fideic. Sed tamen quinque testium præsentia requirebatur, ut subornatio, omnisque fraus evitaretur. l. fin. §. fin. Cod. de codicill.

cill. Verum quia initia fideicommissorum à fide hæredum pendebant, ideo nullâ juris interveniente solemnitate, nullis adhibitis testibus, ea rata voluit Justinianus Imperator, modo hæredis rogati conscientiam in testem habeant. Si igitur hæres præsens à testatore fuerit rogatus, ut alteri restituat hæreditatem, licet nulli testes ad fuerint, nisi juraverit ad delationem actoris, prius de calumniâ jurantis, se non fuisse rogatum, cogetur præstare fideicommissum. Nec juvabitur, si defectum prætendat solemnitatum, cum per ejus confessionem, vel silentium, quod pro approbatione habetur, satis constet de voluntate testatoris. §. 12. hic. l. fin. Cod. de fideic. In quâ novâ constitutione multa occurrunt singularia contra juris regulas, idque ultimæ voluntatis favore introducta. Et quod actore nihil probante, reus jurare cogatur, contra l. 4. Cod. de edend. l. 23. 29. Cod. de fideic. Et quod hic ei incumbat probatio, seu expurgatio sui, qui negat, non qui affirmat, contra l. 2. D. de probat. l. 23. Cod. eod. Et quod hic ad ultimam voluntatem probandam nullæ solemnitates, nulli testes requirantur, contra l. fin. §. fin. Cod. de codicill. Et quod reus cui jusjurandum deferretur illud referre nequeat, contra l. manifestæ. D. de jurejur. Et quod propter mendacium causâ cadat, contra l. cum de indebito. D. de probat. Auth. contra qui propriam. Cod. de non numer. pecun. Quoniam vero hic jus singulare continetur, propterea hæc nova Justiniani dispositio, ad alios vel similes casus non erit protrahenda. l. 14. D. de legibus. Arg. l. 32. in fin. Cod. de appell. Non itaque ad eum casum quo absens hæres oneratur, ut legitimâ ibidem opus sit probatione. l. 23. l. 29. Cod. de fideic. vid. Alciat. 1. Parad. 4. & in l. verba contraxerunt. D. de verb. signif. Covarr. in c. indicante. n. 1. de testament. Forcatul. necrom. dial. 14.

LIBER. II. TITULUS. XXIV.

D E

SINGULIS REBUS PER FIDEICOMMISSUM RELICTIS.

POtest tamen quis etiam singulas res per fideicommissum relinquere: veluti fundum, argentum, hominem, vestem & pecuniam numeratam: & vel ipsum hæredem rogare, ut alicui restituat, vel legatarium: quamvis à legatario legari non possit.

1. Potest autem non solum proprias res testator per fideicommissum relinquere, sed & hæredis, aut legatarii, aut fideicommissarii, aut cujuslibet alterius. Itaque & legatarius & fideicommissarius non solum de ea re rogari potest, ut eam alicui restituat, quæ ei relicta sit, sed etiam de alia, sive ipsius, sive aliena sit. Hoc solum observandum est, ne plus quisquam rogetur alicui restituere, quam ipse ex testamento ceperit; nam quod amplius est, inutiliter relinquitur. Cum autem aliena res per fideicommissum relinquitur, necesse est ei, qui rogatus est, aut ipsam redimere & præstare, aut æstimationem ejus solvere.

2. Libertas quoque servo per fideicommissum dari potest; ut hæres eum rogetur manumittere, vel legatarius, vel fideicommissarius. Nec interest, utrum de suo proprio servo testator roget, an de eo, qui ipsius hæredis, aut legatarii, vel etiam extranei sit. Itaque & alienus servus redimi & manumitti debet. Quod si dominus eum non vendat, si modò nihil ex judicio ejus, qui relinquit libertatem, recepit, non statim extinguitur fideicommissaria libertas, sed differtur: quia possit tempore procedente, ubicumque occasio servi redimendi fuerit, præstari libertas. Qui autem ex fideicommissi causa manumittitur, non testatoris sit liberus, etiamsi testatoris servus sit, sed ejus, qui manumittit. At is, qui directò ex testamento liber esse jubetur, ipsius testatoris libertus sit, qui etiam Orcinus appellatur. Nec alius ullus directò ex testamento libertatem habere potest, quam qui utroque tempore testatoris fuerit, & quo faceret testamentum, & quo moreretur. Directa autem libertas tunc dari videtur; cum non ab alio servum manumitti rogat, sed velut ex suo testamento libertatem ei competere vult.

3. Verba autem fideicommissorum hæc maximè in usu habentur, *Peto, Rogo, Volo, Mando, fidei tue committo*, quæ perinde singula firma sunt, atque si omnia in unum congesta essent.

C O M M E N T A R I U S.

Differentia inter Legatum & singulare Fideicommissum proponitur.

*P*otest tamen quis.] Uti per fideicommissum universale rogatur hæres alicui totam hæreditatem vel ejus partem restituere, ita per fideicommissum singulare quis potest rogari, ut alicui rem singularem restituat. Et quemadmodum universale fideicommissum fere species est substitutionis, adeoque sequitur naturam hæreditatis, ita fideicommissum singulare in plerisque non in omnibus legatorum conditionem obtinet. Unde Tribonianus adhuc in titulo propositò quandam differentiam, quæ potius de jure antiquo obtinuit, inter legatum & singulare fideicommissum reliquit; quasi illud à legatario præstari nequeat, hoc possit, in princ. hic. Verum dicendum est, hanc inter legatum & fideicommissum singulare differentiam per Justinianum esse sublatam. Ut minus accuratus fuerit Tribonianus, qui quod antea sustulerat, hic repofuerit. §. 3. Instit. de legat. l. 1. Cod. comm. de legat.

§. 1.

1. *Quæ res Restitutionis onere graventur?* 2. *Quis possit gravari?*

*P*otest autem non solum proprias res.] Testator non tantum res proprias, 1. verum etiam alienas per fideicommissum relinquere potest. Sive fuerint hæredis, sive legatarii, sive fideicommissarii vel alterius tertii non rogati. Adeoque non tantum relictas, sed & alias non relictas, etiam obligatas. §. hic. Quod si sint alienæ gravati earum æstimationem iis præstabit quibus sunt relictæ, si redimi non potuerint. Quod si obligatæ, eas à nexu pignoris liberabunt, nisi per creditorem sint distractæ. §. 1. hic. Quod casu honorato præstanda erit vel res vel æstimatio, nisi contrariam defuncti voluntatem gravatus ostenderit. l. 6. de fideic. vid. quæ scripsi ad tit. de legat.

Hoc solum observandum est.] Illi tantum rogari poterunt ad quos aliquid 2. est perventurum ejus morte qui aliquid relinquit; sive fuerint legatarii, sive fideicommissarii, sive eorum hæredes. l. 5. §. 1. D. de Leg. 3. & ii ad quos jure potestatis legati commodum est perventurum. l. 11. D. cod. Ut tamen omnes illi non in plus quam ex testamento ceperunt, rogari debeant: cum nemo sit onerandus ultra quam est honoratus. l. 1. §. 4. is qui. D. Trebell.

Q9999. 3.

Quod

Quod etiam est extendendum, ad eum casum ex aliâ testatoris voluntate quando puta ex codicillis, non ex testamento quid ceperunt; adeoque vel ex testamento vel ab intestato: quomodo fideicommissa relinqui satis indicat §. 10. tit. præc. Quinimo quando aliquid ceperunt, quod legato comparatur, puta mortis causâ donatione, vel etiam mortis causâ capione. l. 96. §. fin. D. de Leg. 1. l. 9. Cod. de fideic. Id quod procedit, vel dum illis quid datur, vel reinititur, vel non adimitur. l. 1. §. 6. D. Leg. 3. Et ceperunt aliquid vel per se, vel per subjectas sibi personas. l. 4. 5. D. Leg. 3.

Licet vero gravari ab altero nemo possit ultra id quod accepit. l. 114. §. ut quis. D. Leg. 1. l. 1. §. si is qui. l. 59. §. ca. quæ dot. D. ad Treb. l. pen. Cod. de fideic. l. 9. l. 14. Cod. ad l. Falcid. tantum inde tamen ut præstet, non inutiliter rogari potest. §. 1. hic, ubi quod excedit inutiliter relinqui dicitur. Sunt tamen casus excepti, quibus quis tenetur etiam ultra quâ accepit. Ut si aliquid relictum sit pupillo, & fideicommissum relictum à tutore, qui nihil accepit; quod sustinetur quasi à pupillo relictum esset. l. 20. Cod. de fideic. Per rationem, quod tutor personam pupilli sustineat, & loco pupilli habeatur. l. 27. D. de adm. tutor.

Si quantitas post tempus restituenda legetur; quo casu adveniente die, non solum relicta quantitas, sed etiam interea perceptum lucrum est restituendum. l. Imperator. §. 1. D. de Leg. 2. Si legatarius gravetur in re propriâ alteri dandâ, accepta quantitate. l. Imperator. §. si centum. v. e. n. in v. D. Leg. 2. Si fundus legetur alicui; is enim gravari poterit in quantum valet fundus cum fructibus ante restitutionem perceptis. l. filiusfam. §. apud Marcellum. D. de Leg. 1. Si legentur duæ res alternative, & ipse à quo relinquitur, eam elegerit quæ est minoris pretii; alterius enim præstabit æstimationem. l. plane. §. si cui. D. Leg. 1. Si certa species sit legata cum onere restituendi certam quantitatem, quæ superat speciem æstimatione. Quoniam recipiendo speciem eam tanti æstimasse videtur. l. 70. §. 1. D. de Leg. 2. Si hæres gravatus, jure novo, citra inventarii confessionem adierit hæreditatem. Quia integra legata, etiam ultra quam est in hæreditate, præstare cogetur. l. fin. Cod. de jure delib. vid. Accurs. & Myusling. hoc tit.

§. 2.

1. Libertas per Fideicommissum relinqui potest.

tatem directam & Fideicommissariam.

2. Differentia multiplex inter Liber-

1. **L**ibertas quoque. Quoniam omnia per fideicommissum relinqui poterunt, quæ legari, ideo etiam libertas per fideicommissum servo dari potest; id est ut hæres, vel legatarius, vel fideicommissarius eum manumit-

numittere rogetur. Quod procedit siue testatoris sit servus, siue ejus qui rogatur, siue alterius tertii; hoc tamen cum discrimine. Ut qui rogatus est suum, vel testatoris servum manumittere debeat, si velit quod relictum est, retinere; alienum vero servum pretio redimere & manumittere. Quod si dominus eum vendere noluerit, vel non justo pretio, §. 2. hic. l. non dubium. 14. D. l. eg. 3. cogi non poterit. §. fin. Instit. qui sui vel alien. jur. nisi aliquid à defuncto perceperit. l. si te. Cod. de fideic. libertat. Interim fideicommissum adeoque libertas erit in suspensio, quoad occasio tulerit servum alienum emendi & manumittendi.

Qui autem ex fideicommissi causa manumittitur. Differentia proponitur 2. inter libertatem directo relictam, & fideicommissariam. Illa est, cum testator ex suo testamento libertatem servo vult competere; fideicommissaria, cum ab alio eum manumitti rogat. l. 19. D. de manum. testam. Illo casu servus appellatur Orcinus, Charonianus, & sit libertus testatoris. l. duo socii. 8. §. 8. D. de hered. instit. l. 22. D. de pecul. leg. l. 3. D. qui sine manum. Quia tamen ille qui necem defuncti ultus est, non ex testamento, verum ex Senatusconsulto consequitur libertatem, nullius dicitur libertus. l. 4. in princ. D. de bon. libertor.

Hoc casu, quando quis servum manumittere rogatur, ejus qui rogatur sit libertus. l. deberi. Cod. de fideic. libert. Sic ut heres rogatus, quali patronus ab intestato ad manumissi bona pervenire possit. Dico quali patronus: neque enim per omnia patrono comparatur, cum ei nec operas imponere, nec impositas petere sit concessum. l. qui ex causa. 29. D. de bon. libert. Uterius, directa libertas relinquitur testamento, fideicommissaria etiam codicillis præstari potest. l. libertates directæ. D. de man. test. Illa servis tantum propriis, fideicommissaria etiam alienis relinquitur. §. 2. hic. Illa si data, non ante in fraudem l. Ellæ Sentiz data censetur, quam si adfuerit fraudandi animus & eventus. Quod si per fideicommissum relictæ sit libertas, non debetur, si modo cum effectu creditores sint fraudati, licet absit affectus fraudandi. l. 1. l. fin. Cod. qui manum. non poss. Plura non adjiciam, quod usum non habeant, quæ tamen ex Cujac. parat. Cod. de Testam. manumiss. sunt petenda.

§. 3.

Quæ sint verba Fideicommissaria?

V*erba autem fideicommissaria.* Verba quæ inducunt fideicommissum vel universale vel singulare, oportet esse precatoria seu precativa, non imperativa, obliqua seu inflexa, non directa. l. 2. Cod. comm. de legat. Ulpian. tit. 25. Qualia sunt, *tego, peto, volo*, id est,

est, *cupio, fidei tuae committo; mando*, id est *committo*. Quod si per modum consilii proferatur, non inducet fideicommissum, uti in casu l. 77. §. 24. D. Leg. 1.

Quid statuentum erit de verbis enuntiatiuis? His fideicommissum inest. l. 118. D. de Leg. 1. l. 67. §. fin. D. Leg. 2. vid. Men. 3. præf. 133. Verbum *jubeo*, etiam ad fideicommissum aptari potest, sic ut videatur esse commune, tam fideicommissum quam directæ hæreditati. l. Aurelius. §. fin. D. de lib. leg. l. 2. Cod. commun. de legat. *Imperandi* itidem vocabulum, æquè precarium dici poterit, atque verbum *jubeo*: utrumque enim idem significat quod *volo*, sive *cupio*. Paul. 4. Sent. 1. Cujac. ibid. *Commendo*, precariam non est, nec fideicommissum facit. l. fideicommissa. 11. §. si ita quis. 2. D. Leg. 3. Nisi aliter constet de intentione testatoris, sic ut idem quod *mando*, significet. Pac. in not. hic. vid. d. l. 11. *Relinquo*, num fideicommissum inducat, dubitari merito possit: quod illud neget Paulus 4. Sent. 1. Affirmare tamen videtur l. Lucius. §. filiam. D. Trébell. l. fideicommissa. 11. §. 10. D. de Leg. 3. Eapropter jure novo ad tollendas difficultates constituit Justinianus Imperator, ut omne verbum significans legitimum testatoris sensum, legare vel fideicommittere volentis, utile sit atque validum. l. 2. in princ. & fin. Cod. commun. de legat. vid. tamen de verbis precariis Brissou. libr. 7. de formul. & solemn. popul. Roman. p. 746. 747. Menoch. 4. præf. 67. Gregor. Tholos. Synt. juris libr. 42. c. 28. & quibus formulis inducatur fideicommissum universale, quibus singulare, Peregrin. de fideicommi. artic. 5.

LIBER II. TITULUS. XXV.

D E

C O D I C I L L I S.

ANte Augusti tempora constat codicillorum jus in usu non fuisse, sed primus Lucius Lentulus (ex cujus persona etiam fideicommissa esse coeperunt) codicillis introduxit. Nam cum decederet in Africa, scripsit codicillos testamento confirmatos, quibus ab Augusto petiit per fideicommissum, ut faceret aliquid. Et cum divus Augustus voluntatem ejus impleset, deinceps reliqui ejus auctoritatem sequuti,

quuti, fideicommissa præstabant : & filia Lentuli legata, quæ jure non debebat, solvit. Dicitur autem Augustus convocasse sapientes viros, interque eos Trebatium quoque, cuius tunc auctoritas maxima erat, & quæsisse, an posset recipi hoc, nec absonans à juris ratione codicillorum usus esset : & Trebatium suasisse Augusto, quòd diceret utilissimum & necessarium hoc civibus esse, propter magnas & longas peregrinationes, quæ apud veteres fuissent : ubi si quis testamentum facere non posset, tamen codicillos posset. Post quæ tempora, cum & Labeo codicillos fecisset, jam nemini dubium erat, quin codicilli jure optimo admitterentur.

1. Non tantum autem testamento facto potest quis codicillos facere, sed & intestatus quis decedens fideicommittere codicillis potest. Sed cum ante testamentum factum codicilli facti erant, Papinianus ait, non aliter vires habere, quam si speciali postea voluntate confirmentur. Sed divi Severus & Antoninus rescripserunt, ex iis codicillis, qui testamentum præcedunt, posse fideicommissum peti, si appareat eum, qui testamentum fecit, à voluntate, quam in codicillis expresse- rat, non recessisse.

2. Codicillis autem hæreditas neque dari, neque adimi potest, ne confundatur jus testamentorum & codicillorum, & ideo nec exhæredatio scribi. Directò autem hæreditas codicillis neque dari, neque adimi potest : nam per fideicommissum hæreditas codicillis jure relinquitur. Nec conditionem hæredi instituto codicillis adjicere neque substituere directò quis potest.

3. Codicillos etiam plures quis facere potest, & nullam solemnitatem ordinationis desiderant.

C O M M E N T A R I U S.

I N P R I N C.

- | | |
|--|---|
| 1. Ultimæ voluntatis sunt varia species. | respicunt. |
| 2. Definiuntur Codicilli. | 5. Princeps sapientes in Consilium adhibet. |
| 3. Quo sensu Codicilli ad Lentuli ætatem referantur? | 6. Suadetur aliquid à Jusso, necessarij & mili. |
| 4. Ad Principis exemplum subiecti | 7. Quis possit facere Codicillos? |

1.



Ultima voluntas non uno modo in jure accipitur, quandoque testamentum denotat, quandoque testamenti sequelam, appendiculam, quales sunt codicilli. l. pen. D. hic. l. fin. Cod. eod. etiam appellati testamentum, idque latiori significatione. l. 1. §. hoc interdum. D. de tabul. exhib.

2.

Et sicuti codicilli sunt testamenti sequela, ita codicillorum supplementum quandoque datur, *epistola* nuncupata. Quæ poterunt esse plures singulorum codicillorum, sicuti unius *epistolæ* plures quandoque sunt *litteræ*. vid. l. 17. D. hic. l. 75. 77. §. 26. & l. fin. in princ. D. Leg. 2. l. 37. §. 3. l. 78. §. 1. D. Leg. 3. l. 22. Cod. de fideic. Manic. de conject. ult. vol. 1. tit. 11. 12. Gregor. Tholos. Synt. juris libr. 41. c. 18.

Definiuntur secundum Harmenop. lib. 5. tit. 7. & Theoph. hic. quod sint eorum quæ in testamento voluntati testatoris desunt supplementum. Quia tamen id perpetuum non est, si jus posterius intreatur, quo codicilli etiam valent, nullo facto testamento, ipsam Cujacium sequutus eos ita definire, quod sint *testati vel intestati voluntas minus sollemnis*. Parat. D. hic. & tract. 2. ad African. in l. 15. D. eod. Dicitur voluntas *testati*, quia certum est quem posse testamento & codicillis simul decedere, tumque erunt codicilli ex testamento, id est facto testamento relictæ; sive testamento fuerint *confirmati*, sive non. Additur, *vel intestati*, quod quandoque testator de bonis disponat, non tamen solemniter, quia tantum codicillis, adeoque nullo facto testamento; quo sensu dicitur paterfamilias intestatus decessisse. §. 1. hic. l. 8. §. 1. D. eod.

Verum quæsierit quispiam, cur cum codicilli sint testati vel intestati voluntas, non tam ad successiones ab intestato rejiciantur, quam ad testati materiam? Resp. Quia codicillis relictæ perinde valent, licet præterea nullo factum sit testamentum, ac si in testamento essent scripta. l. 2. §. 1. D. hic.

D. hic. Denique definitioni inferitur, *voluntas minus solemnis*. Quia quodammodo sunt testamentum, sed minus perfectum, minus solemnne, ut si nullas adhibuerit solemnitates, ne quidem ut codicilli sustineantur. Arg. l. 20. §. ex imperfecto. Cod. de testam. l. fin. §. fin. Cod. hic. Gail. 2. obs. 112. n. 4.

Sicuti qui solemniter facit codicillos, id est adhibitis septem testibus cum hæredis declaratione, testamentum fecisse dicetur, susque deque habitâ dissonâ denominatione. Arg. l. non dubium. 14. Cod. de testam. l. fin. in princ. Cod. hic. Castren. in l. 2. in fin. & l. fin. in princ. Cod. hic. Dauth. ad l. 4. Cod. de testam. Nam quando uno modo actus denominatur, & denominationi repugnat effectus, is attendi debet. l. ex conducto. 15. §. 4. D. locat. & in ambiguis potius rem quam verba respicimus. Arg. l. 2. in fin. Cod. comin. de legat. Non tamen vice versa si testator facere voluerit testamentum, & se fecisse fuerit opinatus, si sit imperfectum, ut codicillus sustinebitur. l. 1. D. hic. l. 8. §. 1. Cod. cod. nisi speciatim expresserit, se voluntatem valere velle, si non ad instar testamenti, saltem jure codicillorum. l. 13. §. 1. D. hic. l. 41. §. 3. D. de vulg. substit. vid. Bacchov. ad Treutl. vol. 2. disp. 10. thes. 8. litt. A. & B. Sand. 4. decis. tit. 1. def. 12. Zoef. D. hic. n. 7. 8.

Quod si non expresserit testator speciem ultimæ voluntatis, ex scripto plerumque quæstio determinabitur, ut si omnia adsint solemnia, & hæredis institutio vel exhereditatio, quasi testamentum sustineatur, si solemnia quædam desint, & adjecta sit clausula codicillaris, tanquam codicillus valeat. l. 2. §. 2. l. 10. l. 13. §. 1. D. hic. l. 3. D. de testam. milit. l. 14. Cod. de test. Mantic. de conj. ult. vol. 2. tit. 3. Menoch. 4. præf. 3. n. 1. 2. 3. Honded. 2. consil. 67. Sand. d. loc. vid. Hœnon. disp. Instit. 11. n. 25.

Primus Lucius Lentulus.] Quemadmodum fideicommissorum initium 3. Lentulo fuit tributum, ita etiam origo codicillorum. Licet enim ante Lentulum & fideicommissa fuerint relicta, & facti codicilli, quia tamen eorum usus non erat firmatus vel approbatus, quod demum Lentuli factum est tempore, non præter historiæ fidem ad Lentuli ætatem hæc ipsa referuntur. Præsertim cum in jure nostro sint paria, aliquid fieri, vel fieri cum effectu. Arg. princ. Instit. qui & quibus ex caus. manum.

Quibus ab Augusto petita.] Lentulus codicillis quid ab Augusto petiit, qui 4. cum Lentuli voluntatem implefferet, cæteri ejus exemplum sunt secuti. Licet enim Principis exemplum jus non faciat, nec quempiam ad imitationem constringat, nam filia Lentuli legata quæ jure non debebat solvit, ita tamen usu evenire solet, ut ex imitatione Principis jus aliquod inducatur. in princ. hic.

Componitur orbis

*Regis ad exemplum. Nec sic inflectere sensus
Humanos edicta valent, ut vita regentis.*

Claud. paneg. 7. Quo cum facit illud Plinii in Panegy. *Neque tam opus est imperio, quam exemplo. Nam videre licet, si velim replicare memoriam temporum, qualescumque summi civitatis viri fuerint, talem civitatem fuisse: quaecumque mutatio temporum in Principibus extiterit, eandem in populo secuturam.* Cicero 3. de leg.

5. *Dicitur autem Augustus convocasse viros sapientes.]* Codicillis relictum fideicommissum rogatu Lentuli implevit Augustus, secuta Lentuli filia, quæ legata implebat non jure debita, quod codicilli jure non valerent. Non jure scripto, quia nondum ab Augusto, cujus solius erat legem facere, id erat introductum. Non consuetudine, licet duo fuerint actus, qui si unquam, hic maximæ fuissent auctoritatis; quod duo actus, & quidem Augusti & Lentuli filiz, non inducant consuetudinem. Non etiam consuetudine; quod in statu Monarchico, quale erat regimen Romanum sub Augusto, consuetudini non fit locus. l. 32. §. 1. D. de leg. l. 2. Cod. quæ sit long. consuet. Neque enim populi mores, vel tacitus ejus consensus, verum Principis arbitrium in principatu jus facit. l. 1. l. fin. Cod. de leg. Neque si Princeps mores populi probaverit quia sunt populi, jus erunt, verum quia à Principe comprobati.

Et ne facile vel temerè Augustus Imperator contra rationem juris auctoritate donaret codicillos, prudentes in consilium adhibuit, inquisitione habitâ super usu codicillorum, an à ratione juris recederet, an esset necessarius, an proficiuus. Ut hic advertere liceat, Principem non facilè jura nova decernere, nisi omnibus prius exploratis probè. Arg. §. pen. Inst. proœm. l. 3. D. de Princ. constit. Nec quicquam esse statuendum, nisi quod rationi juris sit conforme, quod utile civibus & necessarium. in princ. hic.

6. *Nec absonans à juris ratione codicillorum usus esset.]* Quo sensu refertur usum codicillorum à juris ratione non deflectere, cum tamen rationi juris congruum sit, in omnem eventum curare, ne qua fraus subesse posset ultimis voluntatibus? *Resp.* Licet ea cura legislatori incumbat, quia tamen multæ solemnitates de jure civili in testamento requisitæ, sunt meræ subtilitates, quas nec juris naturalis æquitas, nec juris gentium simplicitas suasit; etiam interest testatorum, interest reipublicæ, ut ultimæ voluntates exitum fortiantur. l. 5. D. Testam. quemadmodum. aper. ratio juris fortior non dissuasit, vel potius suasit usum codicillorum. Idem quod suasit necessitas, quia varii casus incidere poterant, quibus civis Romanus licet velit ultimum condere elogium solemniter non possit. Quid si enim in pago vel in vico, forte

forte dum nundinæ in municipiis circumjacentibus celebrantur, non ad-
sint septem testes mares cives Romani? Quid si peregrè quis proficiscatur
ad Barbaras gentes, ubi civium copia non est? Æquum erit ut minus so-
lemnis voluntas admittatur, & valeat quod quis de bonis tam obnixè post
mortem fieri voluit, d. l. 5.

Ubi si quis testamentum facere non possit.] Codicillos is demum facere po-
test, qui testamenti faciendi potestatem habet. Marcius in l. 6. §. 3. D.
hic. Quo ergo sensu statuitur, eum qui testamentum facere non potest, ni-
hilominus codicillos facere posse? in fine principii, hoc tit. *Resp.* nemo de
jure facit codicillos, nisi qui etiam jus faciendi testamenti habet, qui sensus
est, l. 6. D. hic. id quod indicat l. 8. §. 2. D. cod. Potest tamen quis face-
re codicillos, licet de facto testamentum facere nequeat, quia sufficiens te-
stium numerus deficit, quia tot forte non reperiuntur testes cives Romani,
ut ibi faciat codicillos, ubi testamentum facere non potuisset. Non quidem
quod testamenti faciendi jus illi sit ademptum, verum quod ejus condendi
occasione destituatur. Est tamen unus atque alter casus, quo qui jus tes-
tamenti faciendi non habebat, codicillos facere potest.

Primus casus est, si filius familias codicillos fecerit, dein eosdem post-
quam sui juris factus est confirmaverit. l. 1. §. 1. D. Leg. 3. Acacius E-
nenck. Baro de Privil. Parent. 16. c. 1. n. 6.

Secundus casus est, si qui testamentum in civitate fecit, postmodum ho-
stium positus fecit codicillos, qui si postliminio revertatur, vi testamenti
tanquam ejus accessorium sustinentur. l. in bello. 12. §. 5. D. de captiv.

Post qua tempora cum Labeo codillos fecisset.] Cur postquam Labeo fece-
rat codicillos, nemini dubium erat, quin jure optimo codicilli admitteren-
tur? An quia unicus Labeonis actus consuetudinem introduxit? Minime
gentium, obstante rubric. Cod. quæ sit long. consuet. & l. 32. D. de legib.
An quia Labeo suâ auctoritate jus facere potuit? Neque hoc dicendum
erit, per l. fin. Cod. de legibus. An quia Principis antecesserat approba-
tio, codicillorum jus erat receptum? Quod verissimum est, in princ. hic.

Verum cur demum optimo jure valebunt codicilli, postquam eos fecerit
Labeo? *Resp.* quia non est probabile insignem jurisconsultum eam tes-
tandi viam eligere velle, quam dubiam esse novit; ut securè sequamur ex-
emplum summi jurisconsulti, quem in propriâ causâ nihil acturum confidi-
mus, quod legibus everteretur. Arg. l. 3. D. de testam. milit.

§. 1.

1. Quot generum sint Codicilli?

2. An confirmandi per Testamentum
posterius?

Rrrrr 3.

Non

1. **N**on tantum autem testamento factis.] Codicilli vel sunt ex testamento, sive scripto, sive nuncupativo. §. 1. hic. l. 3. D. eod. l. fin. §. fin. Cod. eod. l. fin. in princ. Cod. de bon. libert. ubi minus solemnem disponentis voluntatem intuemur, non scripturam. Donell. 7. comm. 18. Rittershus. hic. vel ab intestato. Ex testamento codicilli appellantur, qui in casu testamenti extantis sunt facti; etiam appellati *codicilli ad testamentum*, supple facti vel pertinentes, compendio orationis & per ellypsin. l. 8. §. 2. D. de trans. l. 36. in princ. D. de testam. milit. Qui codicilli exstant exstante testamento, iterum vel testamentum antecedunt, vel sequuntur; illi in præteritum concepti dicuntur, hi in futurum. §. 1. hic. l. 3. §. fin. l. 8. in princ. l. 16. §. 1. D. hic. Qui antecedunt, vel in præteritum sunt concepti, olim non valebant, nisi speciatim testamento posteriori essent confirmati, quod volebat Papinianus. §. 1. hic. Verum rejectum est responsum Papiniani, (in l. 5. D. hic. à Triboniano interpolatum) & magis placuit rescriptum Severi & Antonini Imperatorum. Non quia responso jurisconsulti erat posterius: tunc enim indubium fuisset rescriptum prævalere debuisse, quod jura posteriora derogent prioribus: l. fin. D. de Constit. Princ. Sed quod ita placuerit posterioribus legumlatoribus, quibus integrum erat ex dissonis sententiis quam velint eligere, & comprobare. §. 1. hic.

2. *Sed dixi Severus & Antoninus.*] Sunt qui per Severum & Antoninum intelligunt Antoninum Getam cum fratre Cæciliâ, qui forte à patre dictus Severus. Verum cum magnæ temeritatis hæc esset nota, Papinianum adverteri velle suo responso rescripto Imperatorum in viridi observantiâ constituto, cujus propterea immemor esse non potuisset, malim per Severum & Antoninum intelligi Marcum Antoninum Philosophum cum fratre Severo. Quotum rescriptum forte tempore Papiniani non ita observatum, ut tamen postmodum responso Papiniani fuerit prælatum, & denuo receptum.

Si approbat eum, qui testamentum fecit.] Sensus rescripti est, codicillos ante testamentum factos sustineri, modo testamentum posterius iis non adverteretur. Sic ut tantundem valeat tacita, quam ex responso Papiniani, expressa approbatio. Id quod verissimum est, sive verbis directis quædam sine comprehensa codicillis, sive inflexis. Nam §. 1. indistinctè loquitur, ut propterea sine distinctione sit applicandus.

Neque obstat, quod in eo mentio fiat fideicommissi; cum non rectè exindè inferatur in codicillis verba inflexa posita fuisse. Præterquam quod in l. 5. D. hic. de verbis precariis ne gru quidem: ut lege non distinguente nos distinguere non deceat. Nov. 18. c. 5. diff. Cujac. 8. obs. 7.

Num

Num vero aliquod indicium non mutatz voluntatis exigat Imperatorum rescriptum quæstionis est ambiguz? Et affirmativa sententia videtur amplectenda, nec tamen hinc intuleris, rescripto Imperatorum idem fuisse sancitum, quod à Papiniano responsum fuit. Cum quod expressè fieri debere iudicavit Papinianus, Imperatores tacitè fieri posse statuant. Accedit quod Papinianus specialem codicillorum priorum desideraverit approbationem, cum ex rescripto Imperatorum sufficeret, posteriorem voluntatem codicillis non adversari; quod sufficiens indicium est non mutatz voluntatis. Arg. l. 15. §. 2. D. de testam. milit.

Sequitur ut agatur de codicillis qui testamentum subsequuntur, quales codicilli omnino valent, sive testator expresserit se velle ut in posterum faciendi codicilli valeant, sive nihil tale expresserit, modo codicilli testamento non adversentur, neque etiam testamentum evertatur. Unde si testamentum ruptum vel irritum fiat, ex codicillis nihil debetur. Cum enim ex testamento vires capiant, jus testamenti sequuntur. l. 11. l. 16. D. hic. Nisi tamen post testamentum ruptum aut irritum sint conditi; quod eo casu sequela testamenti, quod tunc nullum erat, non censeantur. l. 1. Cod. hic.

Quid si sint codicilli ab intestato, id est non facto testamento? Quia per se subsistunt, & propriis nituntur viribus, sic ut vicem testamenti sustineant, his relicta omnino debentur. l. 3. in princ. & §. 1. l. 16. D. hic. l. 4. Cod. eod. Koppen 1. obs. 113. n. 7.

§. 2.

1. Codicilli *multum à Testamento distinguuntur.* | 2. *Particula Nam explicatur.*

Codicillis autem hereditas neque dari neque adimi potest.] Licet codicilli cum testamento in quibusdam conveniant, sic ut etiam vicem testamenti obtinere dicantur, multis tamen non in omnibus distinguuntur codicilli & testamentum. Illis enim directè hereditas nec dari nec adimi potest. §. 2. hic. l. 7. Cod. eod. sive id fiat tacitè sive expressè, sive per consequentiam sive propalam. Unde nec conditio hæredi scripto adjici potest. §. 2. hic. Quia hæc ipsa foret ademptio in conditionis defectum. l. 27. D. de condit. instit. Nec substitutio directo alicui facta valet, quod species institutionis sit substitutio. §. 3. hic. l. 6. D. eod.

Neque obit. l. affe toto. 77. D. de hæred. instit. Quoniam non ibi tam ex codicillis, quam ex testamento data creditur hereditas, quemadmodum partium declaratio codicillis fieri potest. l. 36. D. de hæred. instit. Si tamen quispiam in codicillis aliquem directo instituerit, trahetur institutio ad fideicommissum. l. Scævola. D. Trebell. l. 2. Cod. hic. Sicuti codicillis

lis militaribus hæreditas deferri potest. l. 19. l. 36. D. de testam. milit. Et codicillis ad pias causas hæreditatem dari posse consent pragmatici. Arg. l. 1. Cod. de sacros. eccles. Bartol. consil. 68. Castrenf. 1. consil. 93.

Quæ sententia moribus magis, quam juri Romano congrua est. E contrario si quis unum ex hæredibus indignum hæreditate declaraverit, ademptio valebit, & hæc pars adempta applicabitur. l. hæreditas. Cod. quibus ut indign. vid. Mantica. 4. conj. 3. & 6. conj. 4. Grassum §. Codicill. n. 19. Gratian. discept. Forens. c. 973. n. 30. Ulterius codicilli ab intestato per agnationem posthumi non rumpuntur. l. 3. §. 1. D. hic. Et qui codicillos reliquit eum sufficit vel mortis tempore testamenti factionem habuisse. l. 8. §. 3. D. hic. Insuper nihil obstat quem discedere pluribus factis codicillis, nisi invicem sint contrarii, vel constet testatorem per posteriores prioribus derogare voluisse. l. 3. Cod. hic. §. 3. hic. & vix ullam solemnitatem desiderant. §. 3. hic.

Quæ omnia aliter obtinent in testamentis. Ratio generalis est, ne confunderetur jus testamentorum & codicillorum. §. 2. hic. adeoque non superesset usus testamentorum: quod nemo velit difficilem & periculofam testandi viam eligere, neglecta faciliiori, & minus periculosa. Specialior ratio, quæque tantum concernit codicillos ex testamento traditur à Papiniano in l. 10. D. hic. ne per codicillos qui ex testamento valerent ipsum testamentum, quod vires per institutionem hæredum accipit, confirmari videretur.

2. Nam per fideicommissum.] Hæc particula *nam*, non erit ratio, verum posita est in locum particulæ *sed*, quod usitatum satis apud Latinos. Quo sensu occurrit in §. emancipati. v. *nam vivo eo*. Instit. de Hæred. instit. observante Stewechio, cum viveret nostro consanguineo, in eruditissimo Commentario ad Vegetium libr. 2. cap. 18. in fin.

§. 3.

1. Codicilli nullam ferè solemnitatem desiderant. } 2. Quid Moribus?

1. **E**T nullam solemnitatem ordinationis desiderant.] Sensus esse poterit, nullam ferè solemnitatem desiderari, quam particulam *ferè*, vel subintelligi vel subjici debere nonnulli autumant. Malim potius statuere, codicillos nullam requirere solemnitatem ordinationis, supple testamentaria, seu nullam talem, qualem in testamentis adhibemus. Nam in jure infrequens non est, ut quæ comparative seu relative concipienda, thetice vel absolute proferantur. ut in l. 20. in princ. D. de adquir. hæred. ubi hæc occurrunt, pro hærede gerere *non esse faci*, *quam animi*; id est non tam, vel

vel non tantum esse facti, sed etiam animi. Non igitur septem testes in codicillis requiruntur, quia quinque sufficiunt, non speciatim rogati, non mar-
res, non verba vel scriptura quod vel natus sufficiat, non testium subsigna-
tiones; quæ omnia tamen in testamentis observantur. §. 3. hic. l. 21. in
princ. D. Leg. 3. l. fin. in fin. Cod. cod. gloss. in d. l. fin. Grass. §. codicill.
q. 1. Hænon. disp. 11. ad Instit. n. 22.

Quod autem spectat clausulam codicillarem, quam salutarem appellant,
(cum voluntatem ultimam sustineat, prout valere potest, licet quædam re-
quisita fuerint omissa) ejusque usus & effectus varios, ea omnia explicata
cumulatim reperiri poterunt apud Ferrar. in form. libell. pro legato rei sin-
gularis. Simon. de Præcis 2. ult. vol. interpret. 1. dub. 1. solut. 10. Gabriel.
conclus. 5. n. 9. Menoch. 4. præf. 31. Gail. 2. obs. 114. Vand. 2. quæst. 20.
Guilj. Onciac. quæst. jur. Philos. 30. n. 2. & 31. n. 4. Coppen obs. 114.
115. Dilectum de arte testandi. tit. 3. caut. 1. n. 6. Mejer. colleg. Argen-
tor. ad D. hoc tit. thes. 14. & seqq. Zoef. D. hic. n. 8.

MORIBUS.

Inter testamenta & codicillos de moribus vix ulla est differentia, non
saltem vel ratione substantialium, vel ratione solemnium. Quod enim te-
stamento fieri potest, idem codicillis fieri permittitur, & vice versa. Nam
sicuti codicilli non desiderant hæredis institutionem, ita nec testamentum,
in quo legata relicta per executorem vel judicem distribuuntur, & uti testa-
mento hæres institui potest, vel ex hæres scribi, ita etiam codicillis. Chas-
fan. ad Burgund. tit. 7. §. 2. Sanxon. ad Turon. tit. 25. §. 1. & 28. Aurelian.
tit. 16. §. 25. Velav. tit. 30. §. 4. Zutphan. tit. 13. §. fin. Ruræmund. part.
3. tit. 6. §. 3. n. 6. Anton. Matth. disp. fin. de success. n. 45. Quinimo id
quod olim permissum fuit militibus, de moribus concessum est paganis, &
ratione testamentorum & ratione codicillorum. Pactum enim incunt de
futurâ successione; pro tempore testati, pro tempore intestati discedunt;
etiam pro parte sunt testati, pro parte intestati; & plura faciunt testamenta,
sicuti plures codicillos; & quemadmodum posteriores codicilli non rum-
punt priores, ita testamentum posterius non rumpit prius, in quantum pri-
ori non adversatur, aliter tantum pro eâ parte, pro quâ ei adversatur.
Charond. ad cons. Paris. art. 290. Argentr. ad Brittan. art. 570. gloss. 1.
Gudel. 2. de jure noviss. cap. 5. Goris 4. advers. §. 11. Coren observ. 31.
n. 35. 61. Perez. Cod. de codic. n. fin. Dessel. in not. ad Zoef. Instit. hic.
Groenw. ad §. fin. hic. Neque dictis officit clausula codicillaris quâ No-
tarii discrimen facere videntur inter testamentum & codicillos. Quoni-
am hæc ipsa clausula potius ex more recepto, quam de necessitate apponi-
tur, quod vix quicquam operetur. Cum quæ solemnitas requiritur in te-
sta-

stamento, eadem in codicillis sit necessaria. Ut sine iudicio hic dissentire conetur Wassenauer in *Pract. notariael.* c. 18. n. 2.

Jure tamen Hispaniarum ex l. 3. Tauri, si codicilli fiant coram notario, trium testium presentiam desiderant; sin minus, oportet ut adsint quinque testes. *Pichard. in comm. hic. in fin. n. 7.*

FINIS LIBRI SECUNDI



NOT
12/1901

I 63.

XXI
C4A